



54731/B



D. PAUL GOTTLIEB WERLHOF

nat. 1699.

denat. 1767.

47373

PAVLI GOTTLIEB WERLHOFII

M. D. REGIS MAGNAE BRITANNIAE IN AVLA HANNOVERANA
OLIM CONSILIARII ET ARCHIATRI, ACADEMIAE NATVRAE
CVRIOSORVM, SOCIETATIS REGIAE SCIENTIARVM LONDINEN-
SIS, GOETTINGENSIS, TEVTONICAE GOETTINGENSIS,
LIPSIENSIS, HELMSTADIENSIS, OECONOMICAE
ZELLENSIS ETC. SOCII

OPERA MEDICA

COLLEGIT ET AVXIT

J. E. WICHMANN

M. D. AVLAE HANNOVERANAE MEDICVS REGIVS, SOCIETATIS
REGIAE SCIENT. GOETTING. CORRESP. NATVRAE CVRIOSORVM
BEROLINENSIS SODALIS.



PARS I.

HANNOVERAE

IMPENSIS FRATRVM HELWINGIORVM. cl3 l3 cc LXXV.



VIRO ILLVSTRI
EXCELLENTISSIMO

JOANNI PRINGLE

AVGVSTISSIMAE MAGNAE BRITANNIAE RE-
GINAE ARCHIATRO, COLLEGII MEDICI LON-
DINENSIS ET EDINBVRGENSIS SOCIO, SO-
CIETATIS REGIAE SCIENTIARVM LONDI-
NENSIS, GOETTINGENSIS, HARLEMENSIS
ET EDINBVRGENSIS MEM-
BRO ETC.

AND DATED

THIS 15TH DAY OF

NOVEMBER 1871

AT THE CITY OF NEW YORK

IN SENATE

REPORT

OF THE

COMMISSIONERS OF THE LAND OFFICE

IN RESPONSE TO A RESOLUTION

PASSED BY THE SENATE


ON THE 12TH DAY OF

APRIL 1871

ALBANY:

JOHN B. LEECH, PRINTER

1871



Quod jam ante quinquennium **TIBI** promiseram, *Vir illustris*, tandem *Tibi* mitto, opusculum amici *Tui*. Promisso autem quod prius non steterim, id quidem unice illius bibliopolæ incuriæ tribuas velim, qui primus hæc *Werlhofii* opera prelo subdicere pollicitus erat, post tot annorum vero moram, fidem tam male liberavit, ut præstantiorem eligere alium mea ipsius publico data fides requireret. Scriptorum *Werlhofii* & præcipue *Commercii norici*, cui observata utilissima inseruit, eam esse raritatem, *Tu* ipse, *Vir illustris*, & quilibet lector haud ignoratis, ut nullibi amplius, nec apud bibliopolas Germaniæ veneant; novam itaque editionem absque ullo omnino additamento argumentorum dignitas & utilitas necessaria.

cessariam reddere videbatur. Simpliciter tamen recusa illa sistere non potui, quin simul animadversiones ex ipsius auctoris praxi clinica natas subjungerem. Pleraque ex illis, quæ vel addita, vel, rarius, deleta a me in opere ipso fuerunt, ex ore auctoris hausi ad ægrorum lectos, vel ex litteris ad me inter externos versantem datis, partim quoque a medicis fide dignis testibus, quibus frequentius cum auctore fuit colloquium vel commercium epistolicum, accepi. Ingenti auctorum, præsertim neotericorum, nube augeri potuissent plurima quæ in ipso opere occurrunt, meaque ipsius experientia corroborari; at temperare mihi a compilationis pruritu, & *Werlhofiana* sola exhibere satius duxi, quam mea. Iisdem rationibus ductus nec omit-tenda putavi, quæcunque ex auctoribus minus classicis vel ubi locus per se communis nulla aliorum auctoritate indigebat, auctor sæpe citavit; pura enim *Werlhofiana* quam mutila sistere lectori, aut superflua rescindere malui. E silentio, quo theorias auctoris de elemento aereo elastico, de influxu siderum in C. H. de fluido nerveo &c. præterii, ne iudices velim, me iisdem semper album calculum adjicere, vel ignorasse, quæ post primam operum editionem electione recentiorum ad refutandas sæpe vel stabiliendas illas aliasque hypotheses in medium proferri potuissent. Quot quæso observatis augeri potuisset e. g. historia naturalis Corticis ejusque egregius ad sphacelum usus, utilitas Camphoræ atque infinita alia? Sic pariter officii ratio postulare


stulare non videbatur, ut litem illam inter autorem & *Gælikium*, vel illam inter *Habnium* ortam, novis pluribusque documentis, si qua supersunt, componerem; qui enim legere amant, vel me tacente jam ita exhausta esse argumenta non ignorabunt, ut, quoad variolarum antiquitates, nemine fere excepto omnes jam a *Werlhofii* partibus stare videantur; quoad Corticis vero usum, experientiam quotidie plures incredulos de argumenti robore convincere. Ne textum mole superarent notæ per se jam satis numerosæ, quæcunque forsan tractatui de febribus vel de variolis addi potuissent lectu digniores, referre ad commercium noricum in secunda operis parte malui, ubi major & commodior notis locus erat; omnes vero quæ asteriscum præfixum gerunt sunt additamentum novæ hujus editionis. Ubicunque in notis citantur paragraphi illius commercii noribergensis, intelligendum semper est Excerptum huic ipsi editioni annexum. Optaram, ut ex autoris insigni litterarum commercio cum ægrotis medicisque totius fere Germaniæ aliarumque regionum dissitarum, plures morborum historias & responsa exhibere *Tibi* aliisque lectoribus potuissem, prouti feci cum litteris *Saalmanni* &c. in fine opusculi subjunctis; sed partim epistolarum ejusmodi paucae, prohi dolor, supererant, partim mancas continebant & hiulcas ægrorum narrationes, nec unquam fere aliud responsum *Werlhofius* reliquit, nisi quod uno vel altero caractere, medicamentum commendatum denotante, illis ipsis epistolis sub-

subjecerat. Præterea vero ne litteram quidem manu sua scriptam conservavit. Vides, quanti pretii sit thesaurus epistolarum, quem *Hallerus* a *Werlhofio* amico suo intimo scriptarum conservat, eo ardentioribus defatigandus precibus, ut boni publici causa, eas sequente parte Commercii epistolici propediem publici juris faciat, ob infinitam argumentorum diversorum multitudinem lectu sane dignissimas, hujusque ipsius operis supplementum quasi referentes. Quod reliquum est, non potui, *Vir illustris*, quin publica hac occasione gratum meum in *Te* animum significarem, quod, præter multa alia amicitiae *Tuæ* signa, benevole mecum communicaveris, quæ per litteras vel ex ore *Werlhofii* acceperas autoris praxin illustrantia. Vale mihi que fave. Dabam Hannoveræ. Mens. Martij
MDCCLXXV.





MEMORIA WERLHOFII.



Negotii difficultatem probe perspicio, si pro recolenda *Werlhofii* memoria elogium mihi scribendum esset, quale in coetu eruditorum recitare de tanto viro solent panegyristæ; suppeteret enim major rerum & meritorum quam verborum copia; siquidem non tenue solum historiæ filum pertexendum, sed imago hujus viri, eloquentiæ floribus ornanda, atque vivis coloribus depingenda esset, ut arte peritis aequè jacturæ magnitudo innotesceret, ac lectoribus non medicis vita ejus & morum exemplum debito appareret nitore. Ut pro dignitate, diserte satis, eoque scribendi genere hæc omnia fiant, quo *Heynii*, *Schroekhii*, *Ernestii*, *Thomasi* excellunt, virium mearum imbecillitatem haud sufficere pariter sentio. Multos præterea ejusmodi quid de

Werlhofii vita jam ante me moliri memini, quod repetitionem superfluam reddere possit. Verum enimvero quum panegyristæ vices gerendi neque animus neque copia sit, minor ideo quoque erit, (præsertim cum memoria hæc viventem non respiciat) in quam sæpe incurrunt Elogiorum scriptores, a partium studio raro alieni, Adulationis suspicio. Nunquam enim eo enthousiasmi procedendum esse putavi ut quæcunque *Werlhofii* sint in admirationem rapiant, laudibus semper evehenda; ea potius eligenda e vita ejus mihi sumsi, quæ medicum sistunt, qualis fuerit ad lectum ægrorum. Atque hæc de viro perenniori memoria digno, nec reiterari satis, licet partim jam dicta, nec commendari ad imitandum exemplum posse visa sunt, sed eo majori jure ejus manibus me illa debere, eoque facilius lectores sinceriori pietatis affectui daturus esse confido, quo propensior plerumque discipulorum erga præceptores esse affectus iste solet. Biographus, qualem habuit *Boerhaavius*, qualem *Ruyfchius*, quique merita præcipue in rempublicam medicam enumeraverit, nondum contigit *Werlhofio*; si hæc ergo æque vivis coloribus adumbravero, ut simul dignus videatur autor præsertim medicis, quem imitentur, voti compos ero.

Natus est *Paulus Gottlieb Werlhof* Helmstadii anno 1699. Patre Professoris juris ibidem munus agente. Quot specimina præcocis ingenii exhibuerit juvenis — quam cito exhausit 20. annorum spatium emensus ea omnia, pro quibus 30. vix sufficiunt aliis — quibus scientiis mature imbutus, quasve linguas addidicerit, fusius narrarem, nisi majoris momenti merita referenda haberem, quæ virum ætate proVectiori respiciunt; sufficiat dixisse,

Werl-

Werlhofum cursum studiorum medicorum iniisse a. 1716. in eadem, ubi natus erat, academia. *Meibomio* & *L. Heistero* non solum ut præceptoribus ibidem usus est, sed eo amicitiae vinculo magnæ spei discipulum amplexus est uterque, ut ad ægrorum lectos secum adducerent. Non neglexit simul institutionem medicam *Spiessii* & *Boettcheri* professorum. Sed non substitit, ubi sueto more cursu medicinæ academico se defunctos, exhaustisque prælectionibus academiciæ totum se eruditionis campum emensos esse sibi persuadent plerique. Solidos nimiosque jam in scientiis, quibus ætas juvenilis erudiri solet, fecerat progressus, quam ut scire se aliquid, vel satis, autumaret. Transiit enim post indefessos 5 annorum labores academicos *Peinam*, oppidulum vicinum, non tam medicinam quam experimentum quasi facturus, num præceptorum dogmata magno naturæ libro confirmata reperirentur, atque scepticismum tam parum dedecere eruditum putavit, ut potius veræ sapientiæ sit initium. Tunc demum elapso 2 annorum spatio, quum regulas cathedræ experientiæ conformes vidisset, *Helmstadium* reversus, doctoris honores rite adeptus est, specimine inaugurali de secta methodica veterum, eruditionis vastæ pleniori, quam quæ expectari ab autore juniore solet. Exteras gentes adeundi atque extra patriam peregrinandi desiderio vel consuetudini per temporis inopiam satisfacere non licuit, negotiis clinicis nimis obstricto, quamprimum academiciæ valedicens *Peinam* se iterum conferret. Mirari eo magis subiret, quod linguas sic dictas viventes eleganter doctus fuerit, ut v. g. gallica & anglica instar vernaculæ pro colloquio & commercio epistolico uteretur, nisi stupendæ felicissimæquæ memoriæ præsidio instructum eum fuisse constaret, cujus ope ad veram polyhistoriam

& eruditionem universalem aspirare ipsi præ aliis licebat, atque totius litteraturæ ambitum complecti non solum sed in quibusdam ejusdam partibus excellere. Patet enim cuilibet ejus scriptorum lectori, philologicam eorum partem sæpe aequè magnam esse ac medicam; callebat autem præter dictas linguas, etiam illas orientis (medicis hodiernis, qui *elegantiores* nominari gestiunt, inauditum, ac insolitum!) adeo ut præter id quod ex tractatu de Variolis liquet, in epistolam quandam divi Pauli præ cæteris difficiliorem annotationes conscripserit admiratione dignas; Ob germanicæ vero linguæ peritiam, quam conscripto integro libro poematum abunde declaravit, in societates varias teutonicas, Lipsiensem, præside *Mosheimio* (1736.), Göttingensem (1740.), Helmstadiensem (1750.) receptus sit *).

Prope nimis oppidulum illud, ubi *Werlhofius* primam praxin exercebat, ab Hannovera distat, quam ut merita ejus diu hic loci ignota laterent. Anno hujus seculi 25. sub auspicio ministri status de *Bernstorff* & consilio archiatri de *Hugo* Hannoveram profectus est, atque huic quidem, quem præceptorem ad ægrorum lectos comitabatur, pluries grata mente fassus est, se felicem ac citum in praxi successum debere. Urbs *Werlhofii* patria & academia Helmstadiensis, quantam ex *Werlhofii* transitu in aliam regionem, fecerit jacturam fero dolens, professoris munus ipsi 1729. obtulit, ut præceptori

*) Nec deferbuit hic, quo in linguas addiscendas ferebatur, eximius ardor, ultimis vitæ annis; *αυτοδιδάκτωρ* svecici sermonis notitiam sibi compa-

rare Lexici *Mölleriani* ope, *Bergii*que tractatus de balneo, ne aetatis quidem anno 64. infra dignitatem suam ratus.

ceptori *Spießio* succederet, sed noster jam recusans, aulae hic loci medicus electus est, sicque sedem figens quotidie novis obrutus est negotiis, ut brevi tempore cives medicum mirarentur, non urbis, non electoratus solum, sed dissitarum regionum — qui non tantum nostro, sed & Daniae regi, (1746.) Hafniam vocatus, auxilium ferebat, insigniendus ibidem, si placuisset diutius morari, archiatri aliisque titulis, prouti a pluribus aliis Germaniae principibus & jam 1731. ad opem ferendam principi *Augusto Wilhelmo* accessitus erat Brunsvigam, pariter archiatri titulo & munere ornandus, nisi satius duxisset Hannoveram revertere & e longinquo tantum huic principi a consiliis esse. Ex eo tempore, quicquid in numerosissima praxi notatu dignum occurrebat, vel pro tractatu de febribus eo tempore epidemicis, caeterisque scriptis conscribendis conservavit, vel inseruit commercio illi Noribergensi, operi utilissimarum observationum plenissimo, sed interruptas ex parte labor est, quum anno saeculi 42. in expeditione rhenana, quam praelium Dettingense nobilitavit, regis nostri ejusque filii sanitati praeesse, exercitumque sequi jussus esset, archiatri nomine ornatus. Ab exercitu redux, praeter Professoris munus ab academia Helmstadiensi ipsi oblatum & idem a Rostochiensis deprecatus est, nec nisi consiliis suis & absens symbolam contulit ad celebritatem illam, ad quam postea universitas Göttingensis evecta est, quamvis pluries & a condita statim hac academia professoris provincia ipsi pateret.

Si applausus adeo generalis aegrotantium & eruditorum magnarum virtutum indubitatum signum dicendum est, si non ab aegrotis solum, vndique confluentibus verum etiam medicis ipsis,

& quidem bene audientibus, in consilium vocari, — si scriptis simul, omnium consensu vera eruditione plenis, innotuisse, magni & veri medici signum est, nescio sane, num quis unquam mortali-um majori jure major medicus dicendus sit, ac tot tantaque merita juncta habuerit. Haec vero potissimum e consuetudine cum aegrotis innotuerunt; non enim scriptis solummodo sed nomini potius practici consumatissimi honores debuisse videtur membri recepti quos societates variae, Naturae Curiosorum, regia scientiarum Göttingensis 1751. aliaeque in eum contulerunt. Sedulus autem scriptorum Werlhofianorum lector haud facile diffitebitur, tantopere illa regulis, monitis practicis, atque observationibus fida experientia nisis, referta esse, ut satis legi nequeant ab illis qui aegrorum salutem quaerunt, vel quos nostra adhuc aetate praejudicata contra Corticis usum opinio occupat, *Senaci*, *Elleri* &c. imitatoribus, atque in genere dubium sit, utrum linguarum peritia, an argumentorum profunda notitia, majorem admirationem mereatur. Nec negabit forte quisquam lectorum, *Werlhofium* in depingendis morbis eorumque symptomatibus *Pringlii* acumine, *Huxhami* sagacitate, *Sydenhami* in observando rigore, *Hoffmanni* in narratione candore & ingenuitate eminere, quae omnia nisi satis ex tractatu de febribus & variolis constarent, ex insigni illo thesauro observationum, quas cum commercii norici autoribus communicavit, haecque nova operum editio iterum recusas sistit, abunde confirmarentur. Eo magis id mirum videbitur illis, qui *Werlhofium* omnia haec tantae doctrinae documenta primis 36. aetatis suae annis exhibuisse, nec quidquam postea prelo subjecisse, meminerunt. Quae non praestiturus fuisset & extra patriam, si vegetam Fr. *Hoffmanni*,
vel

vel *Morgagni* senectutem attingere ipsi contigisset! vel si numero-
sae praxeos 40 annorum fructus uberrimos publici juris facere instar
Meadii monitorum, per tempus licuisset! Legatum sane haud mi-
nus utile futurum posteris, quam quod *Doverus* e totidem annorum
praxi reliquit. Sed ab otio hoc litterario exteris praecipue utili
magis magisque quotidie eum abstraxerunt assidui circa aegrotantes
labores. Parcus nimium & modestus suorum meritorum ipse prae-
terea aestimator erat, quam ut aliis scripta utilia fore sibi persuade-
ret, artis simul principiis ac stupendae memoriae praesidiis adeo
fusus est, ut sibi ipsi nihil inde commodi emergere posse putaret, si
quid in posterum chartae mandaret. Sunt autem edita scripta
Werlhofii eristica de Variolis, de laude febris &c. praesertim con-
troversia illa, quae inter *Gælikium*, adversarium κακοέπεια notum,
& autorem nostrum, morum mollitiae ab illo tantopere diversum ob-
versabatur, luculentum simul documentum pro iis quibus per litte-
ras vel societatem cum *Werlhofio* jungi non contigit, insignis man-
suetudinis & urbanitatis, qua in vita uti in scriptis pollebat. Cae-
teroquin citationum ambiguitas, adagia, atque innumeræ παρέρβα-
σες, in tractatu de febribus praecipue obviae, explicandae aliquo
modo videntur ex genio & more aevi in quod *Werlhofii* aetas inci-
dit, juxta quem corradendi & compilandi quaecunque alii autores
de eodem argumento disseruerant, ea ingravescebat necessitas, ut
eruditi nomen non mereri videretur qui ea omitteret; saepe etiam
varietate aliqua tedium lectorum amoliri, vel per deserta locaque
inculta peregrinantibus alia florum amcenitate conspicua quasi mon-
strare juvat. Qui autem lubrico atque vulgari praxeos fundamen-
to auctoris famam niti, atque inventorum gloriae defectum illi expro-
brare

brare audent, illos quidem penitus latet, quantum fuerit ejus in rempublicam medicam meritum largior Corticis ad soporosas febres usus. Hic enim in aureo opere de febribus primo stabilitus, quamvis Italis quibusdam jam antea notus, inventum certe novum considerandum est non solum ad febres illas perniciosas sed & infinite plures alios morbos intermittentium typi expertes. Et quis quæso adeo poterit esse hebetis ingenii, ut post hanc ipsam detectam vel confirmatam veritatem innumeros homines æterno sopore antiqua methodo sepeliendos, nec ulla medentium ope antea expergefactos, vitæ jam redditos esse, infitias ire possit? Num quis unquam majori jure materiam medicam novo & quidem specifico remedio locupletasse dicendus est? Num e maximis anatomicorum inventis, vel physiologorum subtilissimis hypothefibus, comparari illi ob redundantem inde immediate in conservationem hominum utilitatem practicam posse ullam putas? Cum Cortice sane, ejusque quotidie magis confirmata utilitate, si unquam alibi, nomen & honos *Werlhofii* manebunt.

Quicquid temporis præsentium & absentium ægrorum querelæ relinquerent *Werlhofio*, id omne ad annum usque 34. impendere consuevit exarandis his scriptis, vel & postea lectioni cujuscunque argumenti librorum, ultimis vitæ annis simul conjugii exoptati dulcedine serioforum negotiorum tædia leniens atque liberorum consuetudine. Recreatio enim, aliisque otium dictum, nostro erat recessus a laboribus publicis, & in genere tantum mutatio laboris; lectio vero tam diversi argumenti librorum, quam alii pariter laborem sæpe dicunt, ipsi pro refocillandis viribus, in itineribus & ad ægro-

ægrorum lectos fractis inferviebat, sicque absens interdum inter ægrotos suos versatus est, seria de eorum morbis cogitans, ab ægris discedens illos non reliquit, siquidem non tam ut medicus sed verus amicus, non lucri causa sed vero in eos amicitiae ardore, salutis que desiderio ductus illos vidit; nec unquam adversus collegas, vel ex academiis demum reduces cæcutientes & scientia longe inferiores id sibi sumfit ut contemptu eos prosequeretur. Ad ægrorum lectum simul cum alio in consilium vocatus, utpote in praxi versatissimus, solitis adeo altercationibus nunquam ansam dedit, improborum invidiosorum vel arrogantium hominum esse ducens, a præjudicata opinione tantillum recedere, vel alterius sententiæ subscribere nolle, ubi de vita hominis agitur. Si contradicere, hucusque exhibita remedia rejicere, methodum adhibitam damnare, aegri periculum urgens necessarium reddebat, id omne absque fastidiosa arrogantia ita exposuit collegis, ut minus dissentientem viderent, quam suaforem, cujus consilia amica non futilibus theoriis, vel inanibus verborum ampullis, ostentationis gratia, scatebant, sed unice e praxi clinica numerosissima desumpta erant, ideoque summa statim fide digna. Paullatim hac ratione præceptor evasit omnium cum quibus in eadem urbe praxin exercebat, omnium animos sibi devincire annisus, nulli fere invidiam movens, ab omnibus adamatus, summoque honoris cultu exceptus. Habebat præterea in ipsa voce singulare aliquid, quo primo statim ingressu ad animum cujuscunque aditum sibi patefaciebat, vultusque simul præ se ferens eximiam ingenuitatem, fiduciam sibi primo aspectu conciliabat sanorum & ægrorum. In genere vero characteris præcipuum momentum erat haud fucata probitas humanitate & perspicaci judicio juncta,

quod hominum perfecta notitia acuerat, ut Werlhofium penitus nosse non videantur, qui medicum & eruditum eum venerantur, longe majoris momenti meritis sane splendebat – erat vir probus. Haeque egregiae cordis virtutes, quibus veritatis & religionis acerrimus sensus accedit, omnes ipsi adeo naturales erant, totiesque eas absque affectatione & ostentatione insciis plurimis exseruit, ut evidenter satis pateret, fontem earum esse purum. Mendico quondam monetam auream inscius porrigens, (prouti ardentissima in egenos & pauperes flagrabat misericordia) ei ipsi cum paullo post errorem monstrasset hic, ob rarum honestatis exemplum iterum eandem monetam largitur conscius. Autoritate v. g. vel potestate haud carebat, qua in Agyrtas, Circumforaneos aliamque medicorum viliorum plebem animadvertere, atque e republica nostra plantas hasce parasiticas radicitus evellere poterat, sed suo ipsius facto quemlibet relinquere, quam innatam sibi humanitatem laedere maluit; ita ut, qui naevum in vita auctoris deprehendisse sibi videntur iniqui censores, quum distractionis ejusmodi vel neglectae attentionis plura exempla excitant, ignaros esse oporteat, his ipsis maculis eo magis lumen enitere.

E maximis *Werlhofii*, qua medici, meritis erat procul dubio evitatio farraginis & simplicitas in componendis formulis medicis, a sesquipedalibus superioris aevi tantopere diversis, quae simul penitioris simplicium notitiae in genere testis esse solet. Naturam parentem in hac simplicitate & parsimoniae principio circa componendi artem imitatus amplectebatur eo magis remedia polychresta & quam maxime fieri poterat, sibi ipsi experta usuque probata. Quum vero unius hominis non esse intelligeret, omnia experiri, cavendum maxime

xime esse ipsi videbatur, ne nimis multa & nova experiendo nihil experiretur. Attamen nec illi assentiebatur nimiae quorundam affectioni paucitatis, qua 10. forte plus minus ex omni medicæ materiæ penu medicamenta simplicia aut singulariter composita indicationibus omnino omnibus sufficere reputantur, ceteris auxiliis quasi in exilium missis (tr. de febr. Epicrasis). In plures pharmacopoeias sic receptæ extant autoris compositiones, unguenti ad scabiem mercurialis, Electuarii sic dicti mundificantis &c. Medicamenta nova, quibus nostra ætate praxin medicam locupletarunt multi, ideo non oscitanter contempsit aut damnavit statim invidiosorum vel morosorum hominum more, qui in praxi consenuerunt, atque ad omnes omnino morbos experta ipsis satis esse remedia sibi persuadent adeo ut de novis ne quidem legant; at nec prius illis applausum vel usum in praxi concessit quam utilitatis vel usus innoxii saltem plures prostant notæ, Mercurii sublimati in siphilitide, Arsenici in intermittentibus, aliorumque exemplo, ubi experimentorum repetitionem periculi plenam non solum judicavit, sed cognita jam methodo tutiori, inutilem. Maluit enim scepticismi semper quam credulitatis vel superstitionis reus videri. Quamvis enim incredibili aviditate arriperet perlegeretque quæcunque de inventis medicis scripta in publicum prodirent, sic dictos tamen elegantiores neutiquam imitatus est, quibus nova unice arrident, quique arroganter veterum æstimatores aliosque ut novi plane inscios despiciunt. Interim e systematibus novis, (utpote a partium studio maxime alienus) nullum sibi præ aliis elegit, nisi quod experientiæ congruum videret; nullius sectæ adsecla in nullius theoriam juravit, quamvis autores ipsos Boerhaavianismi, Hoffmannianismi debito honore

suspiceret. Sic & v. g. pathologiæ animatæ nostra potissimum ætate in medium denuo a magni nominis viris prolata incredulus parum fidei præstitit, parum saltem utilitatis inde in praxin ipsam redundare ratus. Quæ ultimis vitæ ejus annis ad acutos & variolas præsertim invaluit methodus frigidior, inter eam quoque & regimen calidum media quasi via eoque cum moderamine incescit, ut neque vappido aere includeret aegros, stragulisque sepeliret, sed æque minus in ipso morbi variolosi stadio critico, liberiori, pluvioso & hiberno aeri exponeret, e refrigerio solo indeque impedita perspiratione quotidie mala per se nata videns, quorum complicationem cum morbo jam præsentē haud immerito metuebat.

Medicastroorum esse solet, magna promittere, de remediis miracula jactitare, vel & Arcanorum nomine credulis vendere sua composita. Adeo id genus hominum, sentinam medicorum, eorumque, divitias corradendi, malas artes averfatus est *Werlhofius* ut licet sæpe speraret, nunquam tamen eorum more salutem promitteret, arcanorum vero infensissimus osor existeret. Nec pro ardentissimo quo in genus humanum, præcipue ægrotantes, flagrabat, amore aliter poterat, juxta quem nihil omnino noverat, quod non statim in hominum salutem impendere anniteretur. Ignotum id erat principi cuidam Germaniæ, ab autore olim, incassum multis aliis medicis in consilium vocatis, a tæniâ liberato; nam post obitum *Werlhofii* misit, qui a cognatis arcana emeret. Maxima scilicet facilitate & ingenuitate communicavit coram & per litteras, quicquid ex ingenti cum ægrotis consuetudine circa morbum quendam rariorem vel difficilem rogabant alii, sicque methodus ejus ad Hydrophobiam, sen-

sententia de Uva ursi, Cicutâ &c. descriptæ extant, ut minus itaque mirum videri debeat, methodum Werlhofianam evasisse non solum ob rationes adductas sed ob successus felicitatem, ab anno fere seculi hujus 30. methodum totius Germaniæ, imperiorum quodammodo adjacentium atque novam quasi aeram medicam constituere. Haud parum contulit ad hanc methodi Werlhofianæ famam insignis illa comitas qua has ipsas litteras utiles exaravit, ab his enim uti ab alloquio & consilio exclusit neminem, nec vilioris fortis homines, sed re ipse illis succurrere data occasione non recusavit quamvis innumeris & sane pluribus districtus esset negotiis, quam multi ex hodiernis medicis, quos opulentiores ægros præ egenis seligere, horumque curam parvi facere haud pudet. Vidimus qui pauperum æque squalida domicilia, ac regis palatium intrabat, nec, quia regem adeundi copia ipsi erat, inferioris fortis ægris suppetias ferre infra dignitatem suam existimabat. Ad litteras autem religioni sibi duxit, responsum in sequentem diem differre, plerumque nisi eadem hora, saltem eodem die quo illas acceperat responsum scribens, sæpe quidem ob temporis penuriam, laconicum at nihil quod ad rem faceret omittens. E domo sua, ægrotantibus innumeris quotidie quasi obsessa, ab hora inde quinta matutina, quemlibet dimisit hilarem, saltem solatio instructum.

Præter adducta, attento scriptorum *Werlhofii* lectori methodi medendi insigne quoddam momentum occurret, in chronicis nimirum attenta expectatio, temporis opem magis postulans, quam festinanter mutatis sæpe medicaminibus medelam urgens, antequam violenter ageret ipsiusque mali aggressum moliretur, licet ejus esset sagacitatis, ex ingenti tot annorum experientia potissimum natæ,

ut, si quis unquam mortalium, primo statim examine morbi genium perspectum haberet. Aureæ illius regulæ Hippocraticæ bene memor: quamdiu per morbi indolem & humanæ artis imbecillitatem prodesse satis medicina non potest, id maxime cavendum nobis esse, saltem ut ne noceat, persuasus simul erat, eum curare nescire, qui nesciat expectare, atque festinationem periculosam esse, (de febr. epicris.) Timidum sic vocare posses, quod plus metueret, quam promitteret, — at morborum insidias timebat, non remedia, hicque ipse sinistri morbi exitus metus commovit potius ut heroica eligeret. Cautus igitur & providus magis quam timidus dicendus *Werlhofius* esset, si quis timiditatem pro ignorantia filia habet, atque prudentiam a timiditate distinguere nescit. Quanquam lenioris medelæ & securitatis huic studio in genere addictus ægroantium tormina præter necessitatem augere moleste sedulus nollit, otiosum morborum spectatorem dicere tamen nefas foret, qui ad Variolas, ad Dysenteriam opio, ad retentionem lotii febre stipatam terebinthina, ad phthisin pulmonalem balsamicis, ad molimina mensium & hæmorrhoidum dolorifica aloeticis utebatur. Pro ea ipsa, qua erat — non dicam timiditate, sed prudentia, insitionem v. g. quidem variolarum raro suavit, licet infinita felicissimi successus exempla ipsi nota essent, interim nec dissuadendam putavit, sed consensit quum a cognatis provocaretur, hacque ratione insitionem direxit in infantibus quamplurimis.

Sunt medicis — & boni moris, in usu sæpe medicamenta quædam inania, vel innoxia, quæ vel molestis aegrorum postulatis satisfaciendo, vel morbi verum characterem expectando, partim

ubi

ubi nihil temere nisi remediorum diæteticoꝝ ope moliendum est, partim etiam ne nihil dedisse videantur, exhibere solent; aquis destillatis, vel syrupo inertis tinctis, pillulis e micis panis & ejusmodi aliis, credulis ægrotis nonnunquam imposuisse eosque fuisse novimus medicos veros. Ex eorum classe fuisse *Werlhofio* videntur, quæ v. g. in puerperio naturali & felicissimo, ut importuno muliercularum desiderio satisfaceret, propinare consuevit, vel moderatus adeo acidorum mineralium imo & dulcificatorum, s. Spiritu vini dilutorum, usus, Tincturæ Coralliorum, Salis Vipera-
rum dicti, Spiritus Salis dulcis atque nonnullorum aliorum, ut mirari haud semel subierit, quod vero juvandi scopo *Werlhofum* sagacissimum illa dedisse sibi persuadeant creduli sequaces. Bezoardicis vero, nauseosis illis animantium excrementis, fimo & cineribus, lapidibus pretiosis jam e longo tempore fidem denegavit, nec unquam ea formulas ejus ingredi memini. Sed anticipare hic non decet, quæ suo loco notarum forma passim in ipso opere præsertim P.II. data occasione uberius dicentur.

Qui medici, ipsos ægrotantium lectos adeuntis, aeris injuriis in urbe & itineribus quotidie obnoxii, sanorum coetui rarissime sese immiscentis, nec somni interrupti molestias ægre ferentis, negotia penitus considerat, haud mirabitur, *Werlhofum*, quævis artis suæ incommoda summo gradu expertum, quamvis summum Medicum, a morbis tamen ipsum haud immunem fuisse. Podagræ primum insultum 1734. passus, quicquid ipsi ars præsidii suppeditabat, in usum quidem vocavit, ita ut & sub plurium annorum perfecta a vino abstinencia, lacticiniis potissimum juxta legum
Grei-

Greiseli rigorem vesceretur; at cœli inclementiæ postea rursus sueto more, ab hora inde matutina VII. quotidie per sex horas continuas expositus, pedibusque per plateas obambulans atque domum tandem rediens a querulis ægrotis ita obsessus ut tempus sæpe pro prandio deficeret, sero doluit, quod spes quam per rigorem diætæ fovebat, fore ut *διόδεσις* podagrica in effectum molestum haud erumpat (Commerc. noric. §. 13.) falleret ipsum, aliosque. Præter pleuritidem enim, aliaque læviora mala, pedibus subinde laboravit, donec ex insidiis tandem (1764.) prorumpens morbus senem, ob ineluctabilem phthisin filii sui natu majoris, mœrore confectum ita affligeret, ut juxta ipsius sententiam, ex materie podagrica ad medullam spinalem retrograda in hemiplegiam degeneraret, molesto ptyalismo stipatam, & adversus electissima quælibet rebellem, nec consilio amicorum, *Halleri*, *Swietenii*, *Leyseri* &c. sanabilem. Non impedivit tamen, quo minus ægrotis ipse æger per plateas claudicans, linguæ gravitate, tremulaque manu opem ferret. Mentis enim vigorem, animique vires parum fregit chronicus morbus, capitisque officium adeo liberum reliquit, ut sanctam hanc tantæ doctrinæ ac virtutis sedem impugnare, initio, nefas quasi ducere atque recusare videretur, donec tandem ultimis vitæ mensibus, resolutis ulterius nervis, labes illa medullæ spinali illata ad encephalum ipsum ascenderet. Lecto adfixus id minus doluit, quod pateretur, quam quod amicis ægrotantibus sueta sua assiduitate auxilium ferre non posset. De sua interim vita jam desperans aliorum tamen vitæ & sanitati adhuc consulere annisus est, & cum manus jam menti obtemperare penitus recusaret, officiumque pro exarandis consiliis denegaret, quicquid consiliorum salutarium calamo excipere poterant cognati,

cognati, ingenti adhuc absentium multitudini utilitati conduxit. Nec obscurum videbitur, quanti sanitatem *Werlhofii* æstimaverint cives, quum & Judæi more insolito, durante ipsius morbo, publice in templo pro recuperanda illa preces funderent. Mortem diu antea prævidit, quum spem ex optatis quidem solis natam alij foverent minus perspicaces, quam boni. Fragilitatis humanæ vero quotidie tot viderat exempla, ut inexpectatum nihil sibi accidere religionis præfidiis munito, vel legis naturæ necessitatem se infringere posse arbitraretur; placide pacataque mente expiravit d. 26. Julii 1767. Nec principes nec academiae pro elogio *Werlhofii* præmia obtulerunt, effectuum quos salutari ejus doctrinæ debebant immemores. Monumentum ipsi non posuerunt cives, quamvis conservata innumerorum salute ac sanitate haud minus illo dignus videatur, quam quilibet exercitus dux occiso ingenti hominum agmine, & negative tantum conservata aliorum salute. Interim minus hoc ingratitude, quam rei in Germania & hac urbe novitati tribuendum videtur, ubi nec incolas pudet civem æque magnum *Leibnitzium*,
occulta & incerta terra tegi.



CONTENTA.

P. I.

1. Dissertatio inauguralis de medicina sectæ methodicæ veteris.
2. Tr. de Febribus intermittentibus soporosis.

P. II.


3. Cautionum medicar. tr. I. & II.
4. Disquisit. de Variolis & Anthracibus.
5. Excerpta e Commercio litterario Noribergensi observata auctoris notatu digniora.
6. commercium epistolicum cum aliis.

DISSERTATIO INAUGVRALIS MEDICA
DE
MEDICINA
SECTAE METHODICAE
VETERIS

EIVSQVE VSV ET ABVSU.

HELMSTADII D. VII. MAII MDCCXXIII.



 Artem longam, vitam vero breuem esse, haud immerito con-
questus est Hippocrates. Tanta quippe est omnium ad me-
dicinam absoluendam pertinentium rerum copia & varietas,
vt omnibus illis sigillatim perdiscendis, vnus hominis vita
vix ac ne vix quidem sufficiat. Premebat iam hæc difficultas antiquissi-
mos medicorum, & sequentium quoque temporum *empiricos*, dum
licet non intellectis, aut neglectis rerum causis, in sola remedio-
rum inuentione atque adplicatione tantam, manifesta obseruatione,
inueniebant diuersitatem, vt vnus, immo plurium mortalium, per
omnes vitæ annos collecta experimenta pro sanandis morbis haud
sufficere facile agnoscerent. Neque omnium, quotquot fuerunt,
dogmaticorum, qui rationem & causas experientiae diverso modo
iunxerunt, ratiocinia artem ita exhaurire docuerunt, vt, vel post
immos studiorum labores, nihil amplius addiscendum superesse
videretur. Nihilominus aliquando, post multorum ab ortu me-
dicinæ sæculorum decursum, surrexerunt medicorum aliqui, id si-
bi demum operis relictum existimantes, vt, quum artem ab imper-
fectione ac difficultate, tum discentes a laborum immensitate, facto
compendio, liberarent. Hi *methodicorum* nomine, a methodo seu
via ad artem breuiore, quam iactabant, ducto, a reliquis sese me-
dicis, per aliquot sæcula, non sine aliqua laude & adseclarum co-
pia,

pia, discriminarunt. Quamuis vero tandem, splendida dogmaticorum quorundam fama & eminentia, illius sectæ famam nomenque obscurauerit, & denique penitus extinxerit, quasdam tamen ipsorum doctrinas a pluribus, inter recentiores, medicis, quamuis vel alio sæpe nomine, vel alia sub explicatione, in vsum reuocatas esse, cuilibet consideranti & comparanti facile adpareret.

Quare haud indignum inaugurali disquisitione argumentum selexisse mihi videor, quum medicinam sectæ methodicæ, veterem quidem illam, sed aliqua ex parte passim renouatam, sub examen vocare constitui. Historiam huius sectæ primo breuiter exponam, deinde dogmata eius & medendi methodum delineabo, vsum denique aut abusus istorum modestum subiuncturus examen.

SECTIO I. DE ORIGINE ET PROGRESSV SECTAE METHODICAE.

§. I.

Floruit Romæ, tempore Pompeii & Cæsaris, magni nominis medicus *Asclepiades* (a), qui noua quidem ac singularia plura, de morbis morborumque causis, ab aliorum dogmaticorum opinionibus aliena docuit, dogmatici tamen medici nomine insigniri consuevit. Philosophiam hic sectabatur illi parum abfimilem, quam Democritus, Leucippus, Epicurus docuerunt, vbique in doctrina naturali πορὸς καὶ ὄγκος, spacia & moleculas, crepans, e quibus, sub certa proportionem, omnia corpora conflata iudicabat, quæ inde συγκεριματων siue compositionum adpellabat nomine. Hæc principia multa cum subtilitate ad medicam adplicabat artem, & quod primum erat, sanitatem humani corporis omnem in symmetria

(a) v. de eo ex Celso, Plinio, Galeno, Cælio Aureliano aliisque collecta testimonia apud. Conring. introd. in art. med. c. III. §. 12. & Schel-

hammer. *ibid.* in not. ad cap. II. §. 8. Daniel. Clericum *histor. med.* P. II. l. III. c. 4. sqq. Barkhaus. *histor. med. dial.* XII.

tria seu conuenientia, morbos vero in ametria, seu defectu conuenientiae pororum cum particulis, quas continent, vel quibus naturaliter transitum concedunt, collocabat. Fieri nempe censebat morbum, si quacunque de causa, vel pororum, vel molecularum vitio, ipsae hae molecule aut plus iusto in poris retardarentur, aut per illos debito maiori copia elaberentur.

§. II.

Quamuis autem Asclepiades singulares differentias quamplurimas operose deduxerit, & ad praxin applicauerit, alicui tamen ex pluribus eius discipulis, *Themisoni Laodiceo*, singulares observationes & subtiliora ratiocinia penitus visa fuerunt superuacua, modo generales solum morborum κοινότητες siue communitates, atque in primis laxitas vel adstrictio, siue fluxus vel retardatio obseruarentur, ut laxa stringentibus, stricta laxantibus sanari queant (b). - Medicinam hic itidem Romae exercuit, Cæsaris & Augusti ætate, & variis iam editis scriptis, in senectute demum methodum illam inuenit, vel mortuo Asclepiade in lucem edidit. Fuit sane insignis famæ medicus, quod vel ex ipso satyrico Iuuenalis versu, quo ægros, vno autumno a Themisone occisos, inter res fere innumerabiles collocat, eleganter a Clerico colligitur. Neque tamen eius auctoritas inter ipsos methodicos ea fuit, ut in eius verba iurauerint, sed ipsum potius variorum errorum, ipsiusque methodum imperfectionis arguerunt (c), quamuis magna pars sententiarum, quæ erroneæ a methodicis reputantur, ante constructam methodum scriptis fuerit consignata. - Duos quoque medicos *Proculum* & *Eudemum* Cælius Aurelianus, ex consuetis sua ætate methodi legibus confutat (d), quamuis illos, expressis verbis, Themisonis sectatores, id est, ut Clericus vult, discipulos seu auditores, nominet.

Ad

(b) v. Clericus *P. II. l. IV. sect. I.*
c. 1. Schelh. l. c. Celsus præf. l. I.
Plinius histor. nat. l. XXIX. cap. 1.
Prosper. Alpin, de medic. method. l. I.
c. 2. 3.

(c) v. quæ infra de *Theffalo* dicentur.
Cæl. Aur. l. I. c. 1. l. IV. c. 1. l. V.
c. 2. tard. & passim alibi.
 (d) *Chron. l. III. c. 8. ac. II. c. 38.*
III. c. 11. 12. 16.

Ad Themisonis circiter ætatem ab aliis, ab aliis vero ad Galeni ævum refertur *Cassius* iatrosophista, celebris medicus, cuius adhuc supersunt *problemata*. Quamlibet vero hunc *b. Conringius* noster ad methodicos referat (e), aliud tamen sentiendum merito videtur, quum iste neque a quoquam veterum methodicus dicatur, neque ipsius ratiocinia cum methodica secta concordent (f).

§. III.

Celsi quidem ætate methodici, Themisone auctore, ita iam florebant, ut peculiarem ex præcipuis iam tum constituerent sectam. Novum tamen ipsis accessit robur, quum, imperante Nerone, *Thessalus Trallianus* præscriptam a Themisone methodum, auctam quidem & aliquantum mutatam, sibi penitus gloriose vindicavit, & ingenti cum iactatione, omniumque aliorum medicorum contemptu, ac dignis Machiauello medico artificiis, caput exulit. Is, quamquam plura volumina, eruditionis forte ostentandæ, & reliquorum medicorum sententias confutandi causa, conscripsit, medicam tamen artem, intra sex mensium spatium, discipulos suos e se edoceri, blandiente iactatione gloriatus est. His ille artibus tam insigne nomen est promeritus, ut non solum cum ipso imperatore haberet commercium, sed ut in monumento etiam publico *ιατρονικης*, id est, medicorum victor superbe fuerit designatus (g). Eadem vero ratione partim famam, partim contemptum arti atque methodo conciliavit. Magna enim illa, quam præ se tulit, docendi artem facilitas, adeo pluribus visa fuit commoda, ut & multos, & magna ex parte indoctos nactus fuerit discipulos, quorum ope Thessali nomen methodus ipsa, partim cum laude, partim cum vituperio, per orbem dispersa fuere. Absolvuisse medicinam quibusdam dicitur Thessalus (h). Neque tamen religioni sibi duxerunt, ab eius placitis desciscere, sequentium temporum methodici. Quilibet potius

(e) *loc. cit.*

(f) v. præter ipsa *problemata*, Cleric. p. II. l. III. c. 11. add. tamen Conring. de medic. Hermet. l. I. c. 9.

(g) v. de his Galenus *meth. l. I. c. 1. sqq.* Plin. l. XXIX. c. 1. Cleric. l. c. c. 2. Alpin. l. I. c. 2.

(h) *Introd. Galeno adscripta c. 4.*

tius eruditior, pro suo ingenio, mutabat doctrinas, ac nouam veluti sectam, a Thessalia diuersam, instituere, vel saltem hanc corrigere adfectabat, forte ne cum indoctis Thessali discipulis confunderetur.

§. IV.

Neque igitur cum maioribus, vel etiam inter se consentiebant methodici, in ipsis tamen fundamentis parum forte a se inuicem ablucentes (i). Sic præter eos, qui episyntheticos, aut qui electicos sese nominarunt, de quorum principiis, & num recte methodicis accenseantur, parum constat (k), dissensisse maxime dicuntur, *Olympicus Milesius* (l) *Menemachus Aphrodiseus* (m) & *Soranus Ephesius* (n). Hos inter Traiani & Adriani tempore maximam nactus est gloriam *Soranus*, qui primum Alexandriæ deinde Romæ medicinam docuit & fecit, multisque libris locupletauit, quorum fragmenta passim exhibet admirator & sectator eius perpetuus *Aurelianus*.

§. V.

Hic ille est *Cælius Aurelianus* Siccensis Afer, cuius præcipue scripta aliqua, methodicæ doctrinæ, libri nempe *de morbis acutis* siue *celeribus* & *chronicis* siue *tardis*, ad Bellicum discipulum latino sermone perscripti (o), supersunt. Stilus mirificus, atque inepta explicatio, vsusque illitteratus vocum quarundam Græcarum & Græcismorum non satis probare videntur, quod *Reinesius* (p) exinde censet, eum nempe quinto demum post Christum natum scripsisse

(i) *Introd. l. c.*

(k) v. *Cleric. l. c. c. 13.* *Barkhaus. dial. XII.* *Almelou. ad. Cæl. l. II. c. 1. & 10 acut.*

(l) cuius discipulus *Apollonides Cyprius præceptor fuit Juliani, de quo infra.*

(m) cuius nomen iam apud *Celsum l. X. c. 9.* legitur.

(n) v. *de eo præter Cælium Aurelium, Suidas, reliqui modo adlati.*

(o) vt mirum adeo sit eum a *Bagliuo prax. med. l. II. c. 8. §. 2.* inter Græcos referri.

(p) *var. lect. l. III. c. 10.*

fuisse sæculo, quum homo Afer & Græce & Latine male doctus fuisse non nequiverit. Sorani potius, vel alicuius ex eius discipulis, auditor, Galeni forte æqualis, vel parum ab eo ætate diuersus fuisse videtur (q). Sorani Græca sese in latinum transcribere ipse passim fatetur Cælius: quum tamen de suo sæpe aliquid addat, mirum sane videretur, quod, quum omnium fere veterum dogmaticorum sententias acriter perstringat, solius Galeni, acerrimi methodicorum hostis, opiniones intactas reliquerit, si tanto tempore Galeno fuisset inferior. Ex pluribus medicis, qui ad Galenum vsque inter methodicos floruerunt (r), e primariis fuit *Julianus*, qui, Galeni ætate, Alexandriæ doctrina & scriptis medicinam coluit, atque aduersus quem, Hippocratis aphorismorum operosum impugnatores, singularem defensionem scriptam reliquit Galenus, vnde est, quod illius quoque, æque ac Olympici, aliorumque a Galeno confutatorum, quædam habemus fragmenta. Ad hanc circiter, vel, si ex stilo iudicare licet, inferiorem etiam (s) ætatem pertinere videtur *Moschion*, a Cælii Aureliani praxi parum diuersus, methodicus, cuius περὶ γυναικῶν παθῶν Græcus superest liber, Sorano certe, quem (t) adducit, ætate inferior, nisi, quod Clericus (u) coniicit, scriptor antiquior, in ea quam habemus editione, a recentiori interpolatus est, quum præterea specifica quædam, immo superstitiosa, remedia & experimenta, contra methodicorum morem, commenpet.

§. VI.

Eo vsque, hoc est ad Antonini Pii & Seueri cæsarum tempora, quibus Galenus vixit, & ultra, per trecentos circiter annos, inter odia & contradictiones reliquorum medicorum, Romæ & Alexan-

(q) v. Conring *de script. sæc. 2. c. 4.*
Cler. *l. c. c. 5. sqq.* Fabric. *bibl. lat.*
l. IV. c. 12. conf. testimonia de illo
in editione eius Almeloueeniana col-
lecta, & Bagliuus l. c.

ric. *l. c. c. 12.* Alpinus *c. 2. 3.* Barkh.
dial. 8.

(s) v. Gefner, *in not. ad Moschion. ap.*
Israel. Spachium *p. 25. Gynæciorum.*

(r) collegerunt quæ veteres Galenus,
Plinius, Cælius *de illis dixerunt Cle-*

(t) *c. 151.*

(u) *l. c. c. 13.*

xandriæ maxime, sed & passim per prouincias floruerat medicina methodica. Postea vero, crescente sensim Galeni aliorumque dogmaticorum auctoritate, decrescere cœpit, neque tamen, nisi diu post, omnino extincta esse videtur. Etenim exstant etiamnum duo scriptores sæculi, vti creduntur, a nato Christo quarti exeuntis, satis insignes, qui, si scripta intueamur, istius sectæ methodo, licet haud adeo exquisita, imbuti fuisse haud immerito iudicantur. Alter est *Vindicianus*, comes archiattrorum Valentiniani, quem titulum *epistola ejus de medicina ad Valentinianum* inter *medicos veteres* ab Aldo editos typis expressa, præ se gerit. Alter *Theodorus Priscianus* in eadem Aldi editione nominatur, quod nomen etiam Basileensis huius scriptoris editio, addito archiatri titulo, retinet, quum alia Argentinensis eum *Octavianum Horatianum* archiattrum salutet. Prostant ejus *libri quatuor*, *primus ἐντογισων*, secundus *de morbis acutis & chronicis*, tertius *de mulierum morbis*, quartus *de physica scientia*: quorum vltimus empiricis & superstitiosis magis remediis, quam naturalibus refertus est doctrinis. *Vindicianus* quidem, quem hoc libro præceptorem iactat Theodorus Priscianus, vnde principiorum similitudinem conicere licet, in illa, quam diximus, *epistola* multo fastu turgida, varias methodicorum sententias amplectitur. Quod si recte omnia sese habent atque genuina sunt, ad haud exiguum culmen adscendere, ea ætate, methodice sectæ licuit, quum ipsum archiattrorum comitem, hoc est, controuersiarum inter medicos primarios constitutum iudicem (x), a suis habuerit partibus. Alter *Theodorus Priscianus*, libro præsertim secundo & tertio præcipua methodicorum principia vbique crepat: quauis in singularibus sæpe a priscis recedat, neque tam curiose quam Cælius methodi legibus inhæreat, eclecticici minus eruditi nomine forte haud indignus. Interea, & fratrem *Timotheum* & filium *Eusebium*, quibus libros suos inscripsit sectam eandem haud statim interire passos esse, probabile est (y).

§. VII.

(x) v. Cassiod. *form. archiatr.* & ibi in comment. I. H. Meibom. n. 2. 37.

Cleric. P. III. l. II. c. I.

(y) v. Cleric. c. 13, Lindenius renouatus Merklini titulo *Octavianus Horatianus & reliquis*. I. A. Fabricius bibl. lat. l. IV. c. 22. §. 4.

§. VII.

Præter hos, iis sequentibusque temporibus, de methodicis filet historia medica, nisi quod medici quidam, in primis *Aetius*, in opere medico Græco ex priscis contracto, veterum methodicorum multam eamque passim satis honorificam faciant mentionem. Sæculo demum vndecimo *Gariopontus* quidam, scholæ salernitanæ medicus, libro, qui *passionarius Galeni* inscribitur, ob varia ex Theodoro Prisciano exscripta, & cum aliorum laciniis qualitercunque confuta, inter methodicos referri a quibusdam promeruit (z).

§. VIII.

Tandem quum in medicorum scholis penitus fere methodicæ medicinæ oblitterata esset memoria, *Prosper Alpinus*, professor Patavinus, vir eruditus multisque scriptis clarus, libro *de methodica medicina* anno c1610cxi. edito, istius sectæ patrocinium atque instaurationem, quasi postliminio, in se suscepit. Easdem hoc libro, quas methodici, communitates pro fundamento ponit, observationes & ratiocinia dogmaticorum cum illis coniungit, & ad methodicorum placita accommodat; causasque & curationes omnium morborum, proprio magis ingenio, ex ipsis methodi legibus, quam studio & inquisitione, ex methodicorum scriptis eruit atque proponit. Quamlibet tamen pro stabilienda hac secta anxie laborauerit eamque iuventuti studiosæ sedulo commendauerit *Alpinus*, haud vllum nihilominus ex eius discipulis, qui sese pro methodico gesserit, reperire licet. Hæc igitur secta, quamvis iterum resuscitata, cum suo instauratore statim rursus exspirasse censenda videtur. Neque tamen omnes simul veterum methodicorum sententias ex medicorum animis deletas esse, plurima recentiorum scripta omnium manibus trita abunde testatum faciunt, qua de re deinceps, vbi prius ipsam methodicorum medicinam delineatam dederimus, vberius dicendi erit locus. Illud tantum hic addo, medicos recentiores esse varios, eosque insignes, qui, dum per solidarum partium tensionem vel flacciditatem, aut fluidarum coagulationem vel dissolutionem, morborum

ori-

(z) v. Cleric. c. 13. Et ibi adducti auctores.

origines vbique explicant, ipsi ad strictum & laxum methodicorum prouocare, atque ita illi sese sectæ aliquo modo addicere, consueuerunt (aa).

SECTIO II.

DE PRINCIPIIS METHODICORVM.

§. I.

Dissenfum, non a reliquis solum medicis, sed & a se ipsis inuicem, plurimum adfectasse methodicos, paullo superius iam innuimus. Sic Thessalus, non a priscis solum medicis omnibus, sed & ab ipso Themisone, Cælius vero Aurelianus tum a dogmaticis atque empiricis omnibus, tum ab ipso Themisone ac Thessalo ad contemptum vsque idemtidem recedit. Iste vero contradicendi pruritus dubias maxime facit istius sectæ doctrinas, quarum singulares, secundum singulos doctores, varietates, ob plerorumque scriptorum interitum, curatius exquirere non licet. Interea, quum præcipua eius sectæ fundamenta, apud dogmaticos scriptores passim dispersa, cum Aureliano præsertim, deinde etiam cum aliis, quos superstites habemus, sic satis concordent methodicis; nos hoc loco sectæ illius, de medicina eiusque theoria & praxi, placita, sine curiosa diuersitatum diuinatione generatim proponemus.

§. II.

Finiebant vero medicinam, quasi viam quamdam, seu *μεθόδον* esse, eorum, quæ in morbis communia sunt, contemplatricem (a). Volebant illam esse & euidentem, & facilem. Quare missis difficilioribus obscurioribusque omnibus, ex obseruatione rerum quarundam euidentium pluribus morbis communium, quas *κοινότητες*, siue com-

(aa) v. Bagliu. *prax. med. I. II. c. 8.*

§. 2. Almelou. *in adnot. ad Cæl. ac.* (a) v. Cels. *præf. l. I. c. 6.*

communitates vocabant, ad pauca omnes morbos referebant genera, hinc ex signis in sensus incurrentibus, cuiusque genus morbi determinabant: sumpta exinde indicatione, singulae morborum speciei communiter destinata remedia singulis quoque morbis partim diæta, partim medicamentis, partim etiam manuum operatione opponere consueuerant (b). Hinc partes methodi proprie dicendas puto tres, pathologiam nempe, semeioticam & therapeuticam, cui diæta, pharmacia & chirurgia ministrarunt.

§. III.

Quamuis vero doctrina hæc in generalioribus maxime confisteret, attamen præter *materiam medicam*, *anatomem* quoque ac *physiologiam* partium humani corporis pro istius æui ratione discere non neglexerunt methodici, ut cognito partium situ, connexione ac functione, signorum primo, deinde etiam diætæ, ac denique curationum quoque cognitioni opitularentur, sicubi *τοπικὰ* seu localia, quæ vocant, adhibenda essent adiutoria (c). Subtiliora vero & obscuriora a methodi legibus aliena iudicabant, nisi quod, scientiæ vel disputationum causa, in illa aliqui incumberent, qua ratione etiam philosophicas disciplinas, & aliarum sectarum doctrinas medicas, doctioribus methodicorum familiares fuisse constat. In generali vero doctrina physiologica, supra memoratam Asclepiadis de *συνκρίμασι*, siue compositionibus, retinuerunt sententiam. Julianus nempe, ne varias aliorum descriptiones a Galeno confutatas (d) memorem, moderatum, & iusta mensura in modo dictis *συνκρίμασι* constantem contractionis & diffusionis, id est, stricturæ & laxitatis statum sanitatem, quicquid vero ab ista mediocritate recedit, morbum esse pronunciauit (e).

§. IV.

(b) v. Galen. *de sect.* ad introducendos
c. 6.

4. *sub fin.* & alibi passim, Cælius
Aur. *sub singulis fere titulis.*

(c) v. Mosch. c. 1. 23. Theod. Prisc. I.

(d) v. *meth.* l. 1. e. 7.

(e) Galen. *aduers. Julian.* c. 3.

§. IV.

Ducunt hæc me ad ipsum methodi fundamentum *pathologiam*. Considerabant ibi partim morborum *naturam* & essentiam, partim *tempora* & *magnitudinem*, partim etiam aliquo modo *subiectum*, quod dicimus, *causasque* & *symptomata*. *Naturam* morborum internorum fere omnium, saltim eorum, quos diæta sola ac mitioribus remediis externis censebant curabiles, vnice ad laxitatem aut adstrictiorem referebant, quam rem quoque raritatis aut densitatis, fluxionis aut retardationis nomine, variisque aliis græcis latinisque vocabulis expressisse, apud Galenum, Cælum, aliosque passim leguntur. Præcipuum hoc erat methodi fundamentum, ita tamen ex ipsorum mente accipiendum, ut morbi aliqui etiam ex parte adstricti atque ex parte laxi, & mixti adeo, esse crederentur, sed diverso aut tempore, aut loco, aut excessu (f). Hinc ortæ sunt *primæ* & *præcipuæ* morborum *communitates*, ut *laxi*, *stricti*, & *mixti* morbi singulas constituerent classes.

§. V.

Alterum de natura morborum dogma ad chirurgiam maxime, deinde etiam ad internos quosdam morbos, per similitudinem, spectat, dum nempe morborum quorundam essentiam in eo collocarunt, quod aliquid manifesto *alienum* sit in corpore, cui non consueta alias methodo, sed sola alienitatis, ut Cælii vocabulo utar, ablatione mederi possint. Esse vero aliquid in corpore alienum iudicabant, vel *extrinsecus*, quod peregrinum dicere solemus, vel *intrinsecus*, quod cum ipsa corporis substantia sit coniunctum. Ita spinas, aut tela corpori infixas, extrinsecus aliena dicebant: quorsum etiam lumbricos, calculos, dentes corruptos, fœtus mortuos, pus ruptis introrsum vlceribus erumpens, aquas hydropicorum consuetæ methodo non cedentes, & similia, immo ipsas etiam manifestas primarum viarum impuritates retulisse videntur, id quod curationes insolitæ, a Cælio, Prisciano & Moschione talibus oppositæ confirmant.

In-

(f) v. Prosper Alpinus, *de medic. method.* l. II. c. 13.

Intrinssecus aliena esse volebant primum *loco*, quorsum pertinent herniæ, luxationes, fracturæ, vulnera recentia, quæ incisuræ siue diuisionum nomine vocabant (g), quo etiam aliqua ex parte hæmorrhagiæ internæ referebantur. Deinde alia ipsis aliena *intrinssecus* erant *magnitudine*, hoc est, in corpore abundabant: vti verrucæ, cancri, sphaceli, abscessus & his similia. Alia denique *intrinssecus* aliena dicebant *defectu*, quemadmodum mutila, fistulas, vlcera caua & eiusmodi plura. Natæ hinc sunt *alteræ communitates, chirurgicæ* dictæ, quæ morbi species continent quatuor, eas nimirum, vbi aut extrinssecus, aut vel loco, vel magnitudine, vel defectu aliquid *intrinssecus* in corpore est alienum (h).

§. VI.

Præter morborum naturam considerabant etiam pro ratione *temporum & magnitudinis*, breuitatem morbi aut longitudinem; accessionem, remissionem, aut intermissionem; principium, incrementum, statum, declinationem & finem; defectum a sanitatis statu grauiorem vel leuiorem; morbi denique facilem stabilemque curationem, vel pertinaciam eius aut recidivas. Emergunt hinc *tertiæ methodicorum communitates, temporum & magnitudinis*, quæ tamen non peculiarem constituunt speciem, sed potius ad curationes priorum ordinandas moderandasque in considerationem vocantur (i): nisi quod morbi longi, atque ex methodi licet lege curati, pertinaces tamen, recidiuisque & exacerbationibus obnoxii, ad singularem classem relati esse videantur. In his scilicet morbosam plane esse carnem, & nescio quam pororum & συγκεριμῶτων a iusto compositionis modo statuebant aberrationem, adeo vt & stricto, & laxo, & mixto generi adscriptis morbis, extra accessionis tempus, vnius generis adhiberent curationem, *metasyncriticam* siue recorporatiuam ipsis dictam, de qua deinceps plura dicendi erit locus (k).

§. VII.

(g) v. Cæl. *chron. l. II. c. 12. §. 145. seqq.*

Moschionem, Galen, *de opt. sect. c. 30. introd. c. 4.*

(h) v. præter Cælium, Priscianum &

(i) v. *introd. c. 2.* Alpin. l. I. c. 2.

(k) v. Cæl. *chron. l. I. c. 1.*

§. VII.

Ratione *subiecti*, quod vocamus, & hominem & partem eius ægrotantem aliquo modo considerabant. Quamuis enim temperamentorum, ætatum, sexus, & partis morbidæ cognitio nihil a generalibus, quas ex natura morbi deducebant, indicationibus diuersum indicare diceretur: hæc omnia tamen, partim scientiæ causâ, partim vero maxime, si in dignoscendis, præcauendis, aut sanandis eorum more morbis commodi aliquid præstarent, idemtidem obseruasse leguntur. Non autam abstrusam illam veterum de temperamentis sectabantur doctrinam; sed virium solum, & propensionis ad certos morbos habebant rationem. Sexus quoque & ætatis (l) diuersitas iisdem de causis non potuit ab ipsis omnino negligi. Accedit, quod signa morborum specialia, harum rerum considerationem aliquam, requirerent, vnde de mulierum præcipue morbis varii scripsere methodici (m). Curiosiores partium adfectarum distinctiones parum curabant: vbi tamen illæ & manifestæ satis, & in admouendis ipsi loco remediis vtilis viderentur, earum obseruationem haud negligebant (n), præsertim si in alia parte laxum, in alia vero strictum obtinere morbum, iudicarent. Immo & morborum ex consensu oriundorum apud illos factum legitur discrimen (o). Hæc omnia quidem nouam non fecerunt morborum speciem. Est tamen similis quædam differentia generalior, quæ prioribus illis subiici omnino nequit. *Animi* nempe & *corporis* morbos ab inuicem separarunt methodici, quippe de quibus Iulianus integro libro separatim scripsit (p), & quorum Cælius quoque interdum innuit diuersitatem (q).

§. VIII.

(l) v. Alpin. l. II. c. 6.

(m) v. Cæl. l. II. c. I. Chr. §. 28. Theod. Prisc. l. III. Moschion de muliebr. adfect. ubi etiam de infantibus agitur.

(n) v. Cæl. l. I. c. 8. ac. §. 53. l. II. c. 10 §. 65. l. III. c. I. §. 4. & passim.

(o) Cæl. ac. l. I. c. 4. §. 43.

(p) v. Galen. aduers. Julian. c. 3.

(q) v. c. ubi de phrenitide, mania, hydrophobia & similibus, item de molibus, agit.

§. VIII.

Caussas morborum & *symptomatum* in προκαταρκτικας five antecedentes & συνεκτικας five continentes particbantur (r). Inter antecedentes, omissis, quæ clare nosci non poterant, evidentes spectabant solas. Primo quidem illas ponebant loco, quæ ex diætæ errore trahunt originem, æstus nempe, frigus, vinolentiam, indigestionem, cursum vehementem, medicaminum abusum, & quicquid manifesto modum excesserit. Ista vero omnia corpori non immanere putabant, sed producto morbo cessare, atque adeo ad solam spectare præcautionem, neque ullam exinde in curatione oriri posse diversitatem (s), nisi forte, ubi in primis maxime viis aliquid manifesto noxium adhuc adsit, quod vel inedia, vel blando vomitu, aut clysmate tollendum arbitrarentur (t). Seiunctim spectabant causas venenatas, sed præservandi potius, quam curandi intentione, unde singularem morborum venenatorum classem siue *communitatem* προφυλακτικην vocare consueverunt. Quando enim ingestum corpori venenum manifestam iam intulerat noxam, tunc non ad venenum amplius, sed ad morbi, ex sua hypothese, naturam respiciebant (u): quamvis alii methodicorum hanc προφυλακτικην κοινότητα ad curationes etiam extendisse videantur (x). Continentes autem causas, quibus præsentibus adesse, crescentibus increescere, cessantibus cessare morbus dicebatur, obscuras dubiasque & scitu inutiles iudicabant, nisi quis, doctrinæ causa, aliarum sectarum dogmata perscrutari velit. Ipsas enim κοινοτητας causarum habebant loco (y). Quicquid præter ea in veterum pathologia aut minus evidens, aut ad methodi indicationes minus utile videbatur, illud etiam medicinæ haud putabant inferendum.

§. IX.

(r) v. Dioscor. *de medica mater.* l. VI. c. 35. Galen. *in Julian.* c. 6.

(s) v. Diosc. *ibid.* Cæl. l. II. c. 13. §. 87. ac. & passim.

(t) v. Cæl. l. I. c. 10. §. 74. ac. l. III. c. 21. *princ. ubi de cholera agit. add. Chr. l. V. c. ult. sub fin.*

(u) v. Cæl. l. III. c. 16. §. 35. *ex quo*

loco patet, eum προφυλακτικην morborum communitatem omnino admisisse, quod Clericus l. IV. Sect. 1. c. 6. in dubium vocat. add. quæ paullo ante ex eodem de cholera adduximus & ac. l. I. c. 4. §. 44.

(x) v. *Introd.* c. 30.

(y) v. Gal. *de opt. sect.* c. 15. Cæl. ac. L. III. c. 6. §. 64. & pluribus locis.

§. IX.

Semeioticam siue signorum doctrinam colebant quam curatissime, neque facile quemquam ex priscis habemus, Cælio hac in re magis curiosum (z). Scilicet, ex signis euidenter in sensus incidentibus, ad communitates suas quemuis reducebant morbum, & singulos quoque morbos, quorum curationes separatim docere consueuerant, diligenter ab inuicem distinguebant. Quod ad primarias attinet morborum classes, vbicunque, ultra naturalem & consuetam constitutionem, constricta, dura, tensa, sicca, tumens aut etiam dolens aliqua adparebat corporis pars, ibi stricturæ adesse dicebatur morbus. Vbi vero e contrario plus iusto molle, flaccidum aut lubricum alicubi erat corpus, aut vbi præcipue debito copiosior liquidorum fiebat egestio, ibi laxam constituebant morbi speciem, naturalem tamen vel criticum humorum effluxum probe a morbooso discernendum docentes (aa). Mixtum vero vocabant morbum, si cubi complexa vtriusque generis sese proderent signa. Chirurgicarum communitatum morbi in exterioribus corporis partibus positi, vel in oculos incurrebant, vel consuetis apud alios chirurgos internoscebantur indiciis. Vermes vero, calculos, vomicas & similia per signa medica diligenter eruebant. Neque temporum, magnitudinis, & virium ratione quicquam, præter accuratam in symptomatum & pulsus obseruatione sollicitudinem, singulare habuisse videntur. Morbos tamen metasyncrismi curandos exinde collegerunt, sicubi longis & sæpe recrudescentibus morbis consuetas methodi leges haud satisfacere viderent. Animi morbos eos ipsis creditos fuisse arbitramur, vbi mentis alienatio, aut *παθηματα* seu affectiones, vel solæ, vel cum corporis aliquo morbo iunctæ hominem adfligunt. Partium singularum morbos ex manifesta loci vel functionis læsione; causas procatarcticas tam vulgares, quam venenatas, interrogatione, vel accurata rerum circumstantium obseruatione, exquisiuerunt (bb).

§. X.

(z) v. *insigne hac de re elogium* Bagliu.
prax. med. l. II. c. 8. §. 2.

(aa) v. *Cæl. ac. l. II. c. 36.*

(bb) *exemplum vid. ap. Cælium acut.*
l. I. c. 4. §. 4.

§. X.

In *therapeutica* tandem siue practica medicinæ parte ex ipsis communitatibus nascebantur indicationes, secundum quas deinde ipsa debebant seligi curationis præsidia, & eius euitari impedimenta. Tam in *diætâ*, quam in *remediis*, quid laxaret, quidve stringeret, experientia duce percontabantur: quid autem exinde cuilibet morborum generi opponendum iudicauerint, clarius deinceps ex curationis methodo patebit. Neque vero alios manifestos medicaminum aut diætæ in corpore effectus, incalescentiam, refrigerium, exstimulationes motuum, purgationes, diuresin, sudores, vomitus, soporem & similia non obseruasse censendi sunt. Sedulo potius, cautionum causa, ad hæc omnia attendebant, idque præcipue habebant curæ, vt, quid minus quidve magis acriter vehementerque operationem suam exerceret, dignoscere, & eorum aliquid pro necessitate adhibere, excessus vero cauere possent. Specificas tamen certis partibus aut morbis opitulandi virtutes (cc), & subriles de modo, quo agerent remedia, speculationes aut parum curabant, aut nihil.

§. XI.

Quod iam ad ipsas primo primarias attinet *indicationes*: si vt Celsi verbis utar, *corpus adstrictum est, digerendum esse, si profluuium laborat, continendum, si mixtum vitium habet, occurrendum subinde vehementiori malo* existimabant. Quod ad temporum attinet communitates, quorsum & febres maxime spectant, in particularibus exacerbationum temporibus morbi accessio per abstinentiam, quantum fieri posset, a cibo & potu, ac blanda lenimenta; remissio per refectionem & generosiora paullo remedia; intermissio plenaria, virium causa, per refocillationem sollicitam, præseruationis vero gratia, modo per exquisitam solum diætam, modo, in chronicis pertinaciter exacerbari solitis, per acriorum vehementiorumque siue

(cc) Attamen, ne de Moschione & Prisciano dicam, ipse Cælius in *paralyse*

castoreum commendat: add. quæ infra §. XVI. dicentur.

siue metasyncriticorum remediorum cautum & ordinatum usum, curanda ipsis videbatur, ut nempe ita morbidus cum sano commutaretur corporis habitus: quamvis illa chronicorum morborum pertinaciæ in remissione etiam opponere sæpe iudicauerint necessum. Inter generalia totius morbi tempora principium, præter convenientem ægri collocationem, & pauca leuamina in ediam ad tertium usque, ni quid obstaret, diem (dd) indicabat, vel, ut constricta digererentur, vel ne cruditates in primis viis hærentes, aut sumto cibo accedentes, sanationi obicem ponerent. Deinde vero tertia die, constantibus adhuc principio morbi viribus, immo, si necessum videretur, intra primum triduum, generosius aliquod concedebant remedium. Alias postea, sed, ni magnitudo morbi validius quid exposceret, mitiores ad statum usque, per incrementa adhibendas iudicabant medelas, donec, consistente morbo, blandis solum mulciminibus symptomata mitigare, declinante vero, mali reliquias audacius paullo aggredi, ac denique, relictis viribus, ad priscam vitæ rationem redire, liceret. Hoc quidem omne ad acutos maxime, deinde etiam ad chronicos morbos, eorumque præcipue exacerbationes, spectabat. Istas autem indicationes magnitudo morbi & ægroti robur ita moderabantur, ut ob magnitudinis rationem, modo mitiora, modo potentiora & diætæ & pharmaciae & chirurgiæ adhiberent auxilia; roboris vero respectu, semper quidem, quam licere videretur, blandissime agerent, sed & neque sine viri-um refectione medicaminum usus inhærerent. In doctrina de partibus præcipue adfectis, animi quidem morbi mitigationes morales; corporis vero partes maxime patientes, communibus morborum speciebus debita, sed suo loco adplicanda, poscebant remedia. Venena omnis generis sui indicabant ex corpore eliminationem, antequam certi generis morbus sese exinde ostenderet. Reliquæ causæ procatarcticæ, exacerbationum vel recidiuæ vitandæ gratia, sedulo cau-

(dd) Hoc triduum & interdum ipsam tertiam diem διατρεῖτον, vel primam διατρεῖτον, vocarunt: deinde a tertio die ad quintum, secunda, a quinto ad

septimum, tertia διατρεῖτος, & sic deinceps, numerabatur. v. Cleric. l. IV. Sect. I. c. 2.

cauendæ iudicabantur. Symptomata morbis accedentia non aliam, nisi exquisitis diætæ regulis & generalibus indicationibus consonam, vrgere credebantur curationem, morbo quippe funditus perfanato, sua sponte euanitura. Chirurgicæ denique communitates id indicare dicebantur, vt, quod alienum esset, auferretur. Quod nempe extrinsecus esse diximus alienum, secundum methodicos perfectam sui educationem, vel medica vel chirurgica ope perficiendam, exposcit; quod loco alienum est, restitutionem in proprium locum atque si diuisio adsit, coniunctionem; quod alienum magnitudine censetur, modo præcisionem, modo diuisionem, qua liquidum superfluum educatur; quod denique defectu alienum dicitur, deficientis supplementum, vel vacui repletionem, desiderat. In his vero etiam temporum, magnitudinis, virium, partiumque rationem fuisse habitam non dubitamus.

§. XII.

His subnixi indicationibus, tam in morbis acutis, quam in chronicorum exacerbationibus, eadem procedebant *methodo*, generali tantum, laxitatis vel stricturæ, obseruata diuersitate (ee). Id vero, securitatis gratia, sola peragebant diætæ, & externo, nisi alienum quid simul intra corpus adesset, remediorum vsu, atque omnem sedulo vitabant in vtriusque generis subsidiis excessum. In *laxis* quidem morbis locum primo omnium frigidiorum, obscuriorum, nec nimis amplum pro collocando ægroto partim eligebant, partim arte faciebant, dum præcipue flabellis, & aquæ frigidaæ adspersione, æris conciliabant refrigerium: consperso quoque foliis myrti, vitis, quercus, & similibus sine graui odore adstringentibus, conclaui. Cauebant etiam molles atque amplos lectos, quibus dissolui corpora arbitrabantur. Quietem & somno magis, quam motui & vigiliis, indulgere iuebant ægros. Si quid manifestum erat in ventriculo alienum, siue corruptum, id, constantibus principio morbi viribus, prolecto per aquam tepidam & digitum in fauces immis-

sum

(ee) Cæl. ac. l. I. c. 5. §. 45. Chr. l. I. c. I. §. 18.

sum vomitu, eliciebant (ff). Neque cibum vel accessio, vel indigestionis metus, ante tertium facile permittebant diem, nisi summa refectionem postularet debilitas, quippe quia sub accessione nihil facile nutrire credebant methodici: quamvis alias stricturam magis solvere crederetur inedia, unde est, quod adstrictione prævalente, scrupulosius semper fuerit observata *διατητος*. Accessionis vero vi in laxitatis morbis cibum prohibente, odoramentis potius, quæ subadstringerent, ex pane cum aceto, & similibus, vires recreabant. Ligabant deinde articulos & tenacibus inunctionibus illinebant corpus; hinc oleum frigidum, aquam frigidam, succos vel decocta plantarum adstringentium ori, capiti, collo, variisque partibus, in primis fluxione maxime laborantibus, adhibebant. Paucam aquam frigidam paullatim potui dabant, vel, si eam aliquis ferre nequireret, impense calidam, quam, imitatione velut vsturæ, partium perficere densitatem iudicat Cælius (gg). Labantibus viribus cibos dabant, sed indolis subadstringentis, neque tamen acris, aut copia vel qualitate coctu difficiles. Cucurbitas quoque cum multa flamma variis infigebant partibus, sed sine scarificatione, maxime vero ventri, si cibi vomitu reiicerentur. Immo si fastidientes ægrotos ob debilitatem nutrire necessum putarent, clysteres quoque nutrientes, sed neque acres, neque e laxantibus paratos, iniiciebant, vel cataplasmata aut emplastra ex alimentis composita corpori adplicabant (hh). Laxitate corporis & sudoribus vrgentibus, inspergebant subtiles adstringentium medicaminum pulveres, vel eos in vnguento aut cataplasmate adhibebant. Immo pro magnitudine morbi ad gallas, acaciam, alumen & similia deveniebant fortiter stringentia. In solutionibus enim vires ægrorum magnitudinemque morbi magis, quam tempora, pro determinando illarum rerum usu respexisse videntur. Neque tamen nisi in declinatione, cibos paullo fortius adstringentes: cydonia, grana mali punici, oliuas conditas & similia, ac vi-

rum

(ff) Cæl. ac. l. III. c. 21. §. 198. chr. (gg) chr. l. III. c. 2. §. 31. ubi de stomachica passione agit.
l. III. c. 2. §. 32. sq.

(hh) v. Cæl. l. II. ac. c. 37. §. 216.

num denique austerum, commendarunt, quibus postremo, resumtis demum viribus, & persanato morbo, balnea consueta, ad laxantium magis classē spectantia subiunxerunt (ii).

§. XIII.

In *adstrictis* vero morbis loco mediocriter calido, lucido, & amplo lectoque molliori reponebant ægrum, omnimodam ad primum vsque triduum præcipiebant inediam, & tertio demum die generosum venæ sectionis adhibebant præsidium: nisi illi debilitas, huic vero morbi magnitudo vel celeritas, alium poneret modum. Excitabant etiam interdum ob manifestas cruditates vomitum (kk). Postea vero alternis, nisi vires aliud coegerint, diebus, & remissionis quidem tempore, quam fieri posset paucum, & qui sine acrimonia humectaret laxaretque, præberi volebant cibum. Post venæ sectionem aqua aut oleo dulci calide perluebant os, fouebant etiam iisdem aut perungebant corpus, per varias hinc inde partes, vel etiam vnguenta, decocta, aut cataplasmata emollientia admovebant. Alio iusto diutius obstructa, clysterem iniiciebant emollientem, neque acrem, sub altera præcipue diatrīto. Postea cucurbitas scarificatas, hirudines, aut scarificationes simplices, quum in progressu morbi venæ sectionem timerent, laxationis gratia, variis vario remissionis tempore adhibebant partibus: sub ipso enim particularis accessionis impetu omnem euacuationem, tamquam generosius remedium, reformidabant. Hæc ubi cum fomentis, cataplasmatibus, & cibo alternis diebus dato, ad statum vsque profecti essent, in ipso statu solis fotibus, vel similibus, gravissima levare studebant symptomata, a cibo quoque & potu ægrum abstinentes. Accedente declinatione, gestationem in lecto pensili, blande & æqualiter moto, instituebant, non neglectis cucurbitis, sed pauca cum flamma, & ne sanguine deficeret corpus, sine scarificatione ad-

(ii) v. Cælius *de cardiacis, de cholera, de hæmorrhagiis*. Mosch. c. 136. Theod. Prisc. l. 3. c. 7. ubi de hæmor-

rhagia matricis & aliis locis compluribus.

(kk) v. Cæl. chr. l. IV. c. 7. §. 95. ubi de colica loquitur.

adhibitis, quibus cerota seu emplastra emollientia subiungebant. Hinc, procedente declinatione, sensim ad paullo fortiores gestationis & deambulationis procedebant motus, & sensim sensimque plures solidioresque cibos, & vinum, ac denique balnea, conualescentibus concedebant. Id vero etiam memorandum superest, quod in principio morborum adstrictorum, ubi tumorem vel viderent, vel ex dolore iudicarent, symptomatibus nondum vehementibus, ipsa adstringentia vsurpauerint medicamina. Eo enim tempore laxam potius partem, quæ humorum adfluxu in tumorem eleuaretur, stringendo roborandam esse putabant (ll).

§. XIV.

Ex his quoque *mixtorum* morborum facile adparet curatio, nempe in iis moderatius vsurpabant omnia, prævalentis maxime morbi, deinde etiam partis alterutro malo adfectæ, habita ratione (mm).

§. XV.

In malis *inueteratis* & sæpe *exacerbari solitis* μετασυγκριτω indicari diximus, quam & μεταποροποιησιν & recorporationem vocarunt. Certo hanc instituebant ordine, quem κυκλον, περιδον, seu circulum metasyncriticum dicebant, præmissa virium refectioe, quam ἀναληπτικῶν seu resumtius dicto peragebant circulo.

Fiebat autem *resumtius* hic *circulus* victu primo tenuissimo, deinde copiosiore, solidiore, & lautiore magis magisque sensim præbito, ubi etiam, pro huius ratione, leniorem primo, deinde vehementiorem, lento graduum ordine, præcipiebant motum, ita ut gestationes, vectationes, deambulationes, lectiones elata voce faciendæ, cursus, luctationes, saltus, pro vehementiæ diuersitate, si-
bi

(ll) v. de his omnibus Cæl. acut. & chr. l. I c. 1. ubi de phrenitide & cephalalgia agit ac alibi passim. Mo-

schion c. 129. Prisc. l. 3. c. 2. ubi de suffocatione matricis.
(mm) v. Cæl. de pleuritide, de plithisi & sæpe alibi.

bi inuicem subordinarentur. Sub lectionis etiam usu, veterum more, certos artis lectione se exercendi magistros, siue Φωνασκας adhibebant, ne de gymnasticæ artis præceptoribus dicam.

Tum demum varios, *metasyncrison* inducendi causa, exquisito ordinis rigore præcipiebant *circulos*. Initium facere consueuerant a victu ex falsamentis aliisque acrioribus, quem *δεινυφαγίαν* dicebant. Alter circulus peragebatur vomitu, quam radicibus raphani cum aceto, vel aliis remediis acrioribus comestis, & superingesta aqua tepida, digito faucibus inserto, aliquoties excitabant. Hinc leniora primo, deinde fortiora, extrinsecus adhibebant remedia. Radebant ad ruborem vsque caput, medicamenta acria modo corpori integro, modo singulis partibus, aut sensuum organis, adspersione, iniectione, sternutamento, dropace, sinapismo & similibus adplicabant modis. Carbonum igne, solis æstu, vel arena feruente, veluti torrebant corpus, quæ res *παροπτησις* & *ἡλιωσις* apud illos audiebat. Aquam primo modice calidam, dein frigidam, vehementi impetu seu *κατακλυσμῳ* adfundeabant, cucurbitas ficas, cum multa flamma partibus corporis infixas, subito rursus auellebant, & quæ his sunt similia; ita tamen, vt remotas primum a malæ sede partes, deinde sensim propiores, vexare plerumque solerent. Perseuerante nihilominus morbo, vomitum hellebori albi radicibus, aut semel, aut si opus visum fuerit, iterum iterumque audebant prouocare. Quod si neque huic morbus cederet remedio, tunc mineralium aquarum balneis, vel ficcis vaporationibus, mutatione aeris, ac nauigatione & natatione, in primis maritima, rem denique conficere conabantur.

Si his ita fientibus paroxysmus ingrueret, vel laxitas aut stricture alicubi excederet, seposita tantisper *metasyncrisoni*, ad solita confugiebant remedia.

Omniis hisce rebus moderamen certum certamque pro *εὐφορίᾳ* diætam curatissime obseruandam præscripserunt: quæ omnia
figil-

figillatim recensere supersedeo, ne actum agere, & quod Viri Cl. Clericus & Barkhausius iam fecerunt, integras Cælii paginas excerpere atque huc traducere cogar (nn).

§. XVI.

Quam animi morborum curatio requirebat prudentiam moralem, eleganter ab ipsis atque varie, pro re nata, adplicari solitam legimus. De indicationis *prophylacticæ* executione parum est, quod dicamus, nisi quod vomitum aqua tepida excitatum (oo), interdum etiam lac, pingua iuscula (pp), aut quicquid morbos a veneno aliquo in corpus adsumto metuendos præcauere, manifesta conuicti essent experientia, præseruandi intentione commendasse videantur.

§. XVII.

Chirurgicarum, quas dicebant, communitatum indicationes, eam artis partem haud adeo poterant reddere breuem ac facilem, quum, verbi causa, singulos fere magnitudinis morbos, sub communibus licet excisionis vel diuisionis indicationibus collocatos, sua tamen necessario premat in operationibus difficultas (qq). Sic etiam, ob vermes expellendos, singularium anthelminticorum; ob hydro-picas aquas euacuandas, purgantium & diureticorum; ob fœtum mortuum & similia ex vtero eliminanda, pellentium; ob pus corpore educendum, eorum medicaminum vsum, quæ eius per singula loca elapsum adiuuarent, & plura his similia, addiscere debuisset methodicos, ex Cælii, Theodori, & Moschionis de eiusmodi malis curandis doctrina, facile patet. Omittimus consulto singularia plura, de eorum medicina & sententiis apud viros doctissimos, Clericum,

(nn) v. præter Cælium, Moschionem, Priscianum, singulis fere morborum chronicorum titulis Paul. Aegin. de re medica l. III. c. 63. 68. l. V. c. 3. Cleric. l. IV. sect. I. c. 11. Barkh. Dial. VIII. add. Wedel. exercit. philol. dec. II. exerc. 5.

(oo) Cæl. l. 3. c. 21. ac princ.

(pp) id. l. 3. c. 16. §. 136.

(qq) Exemplo sint plurimæ Cælii cautiones de paracenteseos in hydrope administratione l. III. c. 8. chr. & quæ passim de muliebribus morbis, qui chirurgia opus habent, referuntur a Moschione & Theodoro Prisciano.

ricum, Barkhausium & Alpinum collecta, dum ex aduerso varia ab his omissa, vel alio consilio tradita, suo ordine proponere studuimus.

§. XVIII.

Denique ut cautiones quasdam methodicorum practicas adhuc addam, metuebant maxime medicamenta purgantia omnia, diuretica, sudorifera, narcotica, clysteres acriores, cauteria, laryngotomiam, venæ sectiones repetitas, vel sub lingua, aut ad animi deliquium vsque institutas. Vinum non nisi cautissime, & ob magnam virium debilitatem, ante morbi declinationem concedebant ægris. Immo omnes acres, & quæ cum vehementia aliqua agerent, medelas, ibi tantum, vbi summe videbatur necessarium, atque tunc etiam haud sine exquisitis ordinis refectionisque cautionibus, suscipiebant. Omnes omnino vitandos docebant in diæta æque ac medicina excessus, neque ægritudini debitam cum consueta commutabant victitandi rationem, aut a remediorum vsu plane desistendum putabant prius, quam morbum, sine recidiuæ aut alius noxæ metu, penitus perfanatum esse, certo haberent persuasum.

SECTIO III. DE PRINCIPIORVM METHODICORVM VSV ET ABVSU.

§. I.

Quum, delineato sectæ methodicæ systemate, in vsum atque abusum inquirere animus sit, qui hodieque inde in artem medicam redundare queat, tanta mihi se offert rerum dicendarum copia, ut, ne disquisitio hæc in nimiam excrescat molem, omissis pluribus, aliqua tantum capita feligere atque indigitare cogar.

§. II.

Primo quidem illud se ostendit artem medicam hypothesibus subiiciendi, & breui methodo includendi, studium, quo recentiorum

rum quoque plurimos laborasse, quis nescit? Nimis fane maturate methodici, nondum satis observationibus & experimentis exculta arte, ad hypotheses condendas festinarunt. Immaturus etiam his temporibus est, omnium generatim morborum explicationibus curationibusque designandis sufficientes hypotheses struendi, labor. Quantum enim est, quod nescimus! Pluribus adhuc dubiis inuoluta, & neque sensibus neque ratione satis peruestigata sunt, subtiliorum maxime corporis humani partium natura, functio, & morbi. Ingens sæpe, non inter varias solum morborum species, sed inter eosdem & specie & nomine morbos, similibus fere symptomatibus stipatos, intercedit diuersitas. Notamus illam habita ratione hominum ægrotantium, quorum diuersissima est constitutio; ratione causarum, quæ vnius rei possunt esse plures; ratione symptomatum, quorum primaria, primo sæpe intuitu, videntur minutiora; ratione aeris, eiusque constitutionis maxime epidemicæ, quæ mirum quantum morbos variat; ratione denique reliquæ diætæ, & ipsius curationis imperitiæ, quibus, inconsulto sæpe medico, morbus peruertitur. Nouæ sæpe oboriri obseruatae sunt ægrotationes: nouæ singulorum hominum *ιδιοσυγκρασιαι*, & insoliti medicaminum effectus fuerunt notati. Quæ omnia & olim, & nunc etiam, breuitatem facilitatemque artis impedire, & ingentes parere errores, si ad præceptæ hypotheseos rigorem omnia cogere aliquis velit, necesse est. Aliquando quoque, vbi manifestæ diuersitatum obseruationes vel inuitorum hypotheseos alicuius conditorum perstringunt oculos, aut praxin hi exercent a theoria sua longe alienam, aut nouas subinde, methodicorum more, prioribus, tamquam asyla ignorantiae, adiiciunt atque superstruunt hypotheses, seu communitates. Sed metus etiam tunc est haud inanis, ne errores erroribus augeant, & diuersitatum clarissimarum copia coacti homines propositarum sententiarum tenaces, astronomorum Ptolemaicorum instar, ad decimum vsque cælum, opinionum suarum accumulent commenta. Obseruationes potius accuratis augeamus obseruationibus, atque hinc, secundum rectæ ratiocinandi artis moderamen, veras studeamus eruere morborum causas, & singulares differentias, vt ita, similitudine

ac dissimilitudine singulorum morborum curate observata, vtilissimæ illi arti, qua per ἀναλογίαν siue comparisonem morborum curationes exquiruntur, iustum ponere queamus modum.

§. III.

Laxitatis & constrictionis, raritatis item & densitatis, frequens etiamnum in medicorum scholis, sub aucti & imminuti fibrarum toni, coagulatorum item & dissolutorum humorum, vel simili titulo, fit mentio, dum ipsa mediocritas æquilibræ & iustæ consistentiæ nomine venit. Neque id iniuria, modo non, methodicorum more, alia solidarum diuersarumque fluidarum corporis partium vitia, causæque solutionis & strictionis, ac diuersa earum diuersis in locis ratio, a consideratione & curatione morborum nimium remoueantur. Scilicet, quemadmodum sanitas corporis nostri viui in blanda partium & functionum integritate & harmonia, ita morbus in molesta partium vel functionum læsione aut perturbatione consistit. Partes corporis aliæ solidæ dicuntur, aliæ fluidæ, quarum singulæ certam iustamque, naturali rerum statu, habent κρᾶσιν, siue compagis, toni, & mixtionis rationem, συγκρᾶσιν forte haud male, methodico loquendi more, nominandam. Quæ sicubi molesta patiatur mutationem, tunc morbum adesse dicimus. Functiones vero, seu actiones, ac sensus in corpore omnes; progressus, secretiones, egestionem humorum, & quæ sunt reliqua, perficiuntur motu, qui & naturalem fluidarum partium fluorem, & debitum in solidarum partium tono, eiusque συστολή & διαστολή, requirit æquilibrium ac mediocritatem. Quandocunque igitur fluidæ quidem partes, molesta vel fluxione vel retardatione, solidæ autem vel contractione vel relaxatione, præter solitam naturæ rationem, laborant, tunc itidem morbum adesse pronunciamus. In omnibus quidem humani corporis morbis, si paucos, ad chirurgiam maxime spectantes, excipias, eiusmodi quædam adparet, vel laxatis, vel strictis ultra modum fibræ, motuum aberratio, quamvis illa a κρᾶσεως humorum vitio, vel tamquam symptoma a morbo, vel tamquam morbus a causa, sæpissime dependeat: dum & ipsi ex aduerso motus, κρᾶσεως humorum læsio.

læsiones, vicissim idemtidem producant. Recte igitur ad vtriusque generis mala sedulo attendunt recentiorum plerique (a), & si qui sunt, qui ad alterutrum respiciunt solum, illi a recto tramite aberrare haud immerito iudicantur.

§. IV.

Minus quoque, quam decet, circumspecti fuerunt methodici, quando confusis solidorum fluidorumque diuersissimorum vitiis, & præteruisis rerum causis, in immodico quoque fluxu curando ad laxitatem, in adstrictione vero vel obstructione ad strictionem, statim tantummodo respexerunt, quippe cum certissimum sit, diarrhæas, hæmorrhagias, aliaque profluvia vehementiora, rarius per *ἀτονίαν* siue laxitatem effusis, quam expressis per constrictionem fibrarum irritarum humoribus, contingere, ut adeo sublata causa irritante, relaxando potius tensiones, & resolvendo spasmos, quam claudendo elabentibus humoribus viam, medicina adferatur malo. E contrario, quum strictionis morbi, quo spasmi maxime referuntur, a debilitate seu *ἀτονίᾳ* nervosi generis sæpe sæpius contingant, vel saltem eiusmodi debilitatem post se relinquant, unde & recidivis, & aliis porta aperitur malis, dubium non est, quin blande strigentia atque ita roborantia, in intermissione ac declinatione maxime eiusmodi malorum, & præservationis causa, præ relaxantibus debeant usurpari: ut taceam paralyticas similesque obstructiones, roborantium potius & excitantium, quam laxantium medicaminum usu, plerumque sanabiles. Neque illos satis considerarunt partium consensus, quibus fit, ut, per alterius partis constrictionem humoribus aliorum delatis, altera sæpe relaxetur, quemadmodum frigore contracta cute, diarrhæa, alio vero adstricta, cutis in sudorem resolutio, frequenter contingit. Tantum enim abest, ut ad talia

(a) *Consentiunt hac in re, tum qui animam rationalem & naturales & morbosos sapienti consilio producere ac regere existimant motus: tum qui*

istos omnes ex artificiosissimo humani corporis mechanismo deducunt, quam controversiam hic non est excutiendi locus.

taliam satis attenderint methodici, ut potius omnium partium similia vitia, simili diæta, similibusque remediis externis sanari, methodi causa, falso supposuerint, unde in plurimos non potuerunt non incidere errores. Ea quæ tumores in principio curabant ratio, ut, roborata extrinsecus per adstringentia remedia parte, grauiorem humorum impedirent congestionem, haud quidem penitus reiicienda videtur, si eo usque a methodicis recesseris, ut, ipsam mali causam aliis simul remediis sublata, non habeas quod metuas, ne prohibita uno loco materies aliorum, grauiori forte cum periculo, propellatur. Neque vero non videbant methodici, & obstructiones & fluxiones interdum esse salutes, vel maius certe damnum eas insequi, si in alteram partem vi coegeris naturam. Hinc ad aperiendam, in acutis febribus, alium lento festinare solebant gradu. Hinc manifestas primarum viarum cruditates, sub ipsis fluxionum morbis, blando eliminabant vomitu. Hinc & criticas leniter promouebant magis, quam impediabant, egestionem. Hinc denique, quam lenissime fieri posse putarent, omnes, & acutos maxime, tractabant morbos, ne quam nempe corpori vim inferrent: quamvis nihilominus, causarum maxime incuria, in omnibus illis rebus, minorem, quam decebat, adhibuerint sollicitudinem.

§. V.

Laudandum sane illud est securitatis & lenioris medelæ studium, suis tamen terminis omnino includendum. Exquisita illa, qua excessum omnem sedulo cauere, & regulas diætæ etiam minutissimas obseruari volebant, diligentia, attentionem sane & prudentem meretur imitationem. Aeris in morbis moderamen, vel non attendit vulgus, vel male plerumque instituit: ubi prudens adeo perquam necessaria est medici moderatio. Quantam ubique frigoris & caloris permutatio intempestiua inferat noxam, notius est, quam ut exemplis probari mereatur. Cognitum quoque est, ut alia præteream, quam in morbis dolore alui, pectoris, aut articulorum cruciantibus, frigidior æris intemperies exasperet malum. Ita etiam in feruente nimium sanguinis motu, caloris externi metuen-
dus

duſ eſt abuſus, ne diſſolutis iſto vltra modum humoribus, & citata ſanguinis circulatione, interioribus tenerioribusque corporis humani partibus, cum periculo, intrudatur morbida materies, quæ, ſub blanda aeris moderatione, tutius longe atque tranquillius per congruentes elabi potuiſſet vias. Exquiſita victus, apud veteres, in morbis præſertim acutis ratio, noſtro proſecto tempore immerito sæpe negligitur. Cibos non niſi paucos facilesque coctu in morbis dandos, & qui ad curationem aliquid ipſi quoque conferant: paroxyſmi tempore, vbi vix ſub morboſis motibus bene procedere poteſt digeſtionis negotium, & in primo morbi principio, vbi crudis plerumque ſuccis primæ viæ abundabant, aut nullos, aut, ſi vires maxime cogant, tenues præbendos eſſe cibos, recte ſane docebant methodici. Illud autem generale tridui tempus, breuitatis & methodi potius cauſa ſtatutum eſſe videtur, quam quod, regulæ inſtar, omnibus omnino ægrotis eſſe poſſit. Virium certe in primis probe habebant rationem, quas, neque dato intempeſtiue, aut iuſto copioſiori ſolidioriue cibo obrui, neque denegato vltra modum nutrimento exhauriri debere, merito exiſtimabant. Immo vbi viribus, ab egeſtionum præcipue copia, vel prægreſſa inedia, elanguidis neceſſarium iudicabant eſſe alimentum, dum ingens interim nauſea, aut præcluſa faucium via, cibum ore exhibendum prohiberet, clyſmata tantisper aliquantum nutrientia iniicere, haud inepte conſueuerant. Quamuis enim hæc, quum, iuuentis vaſis lacteis, noua nutritionis negotio lux fuiſſet accenſa, explodere non dubitauerint medicorum complures; obſeruata tamen in ipſis poſtea craſſis inteſtinis lactæ venæ, ab abſurdi crimine enemata iſta liberarunt. Eorum igitur irriſores medici ſuo quoque comprobarunt exemplo, quam ſit ad errores pronum, ſi, nondum comparata ſufficienti obſervationum copia, ad hypotheſes ſtatim ſtruendas properemus. Accedit quod, ſi vel maxime ab inteſtinis craſſis lactea abeſſent vaſa, alii tamen exinde in reliquum corpus tranſitus concedi neceſſario deberent, quippe quum fæcum ibi diutius ſtagnantium exſiccatio abunde oſtendat, aliorſum illarum deferri humiditatem. Illa quoque & laudanda eſt, & imitanda, methodicorum cura, qua, exantlato morbo, non
ſtatim

statim ægrotantium adpetitui, in nimios vel nōxios sæpe cibos ferri solito, indulgere, sed sensim sensimque potius soliditati & copię ciborum aliquid addere, & lento demum gradu ad priscam viuendi rationem conualescentes reducere, solebant. Vinum, in morbis præsertim cum febris acuta iunctis, recte sæpiissime prohibuisse censendi sunt. Viribus tamen valde exhaustis, & eo, quod ad morbi impetum exsuperandum necessarium est, fatiscente robore, explorato pulsu, & probe expensis rerum circumstantium momentis, in eiusmodi morbis vini potum interdum ausi sunt concedere, id quod, in malignis præcipue febribus, felicissime etiamnum aliquando imitatur. Quietis in mitigandis fluxionibus insignem vsum sæpe post methodicos notare licet. Motuum & exercitiorum pro *εὐφορία*, & sub accurato reliquæ diætæ moderamine, superato vel remisso morborum impetu, sensim per resumptiuos, quos vocabant, circulos fieri solita augmenta, pro roborando corpore, exhaustiisque morborum reliquiis & præcauendis recidiuis, haud pœnitendam præstare queunt opem. Simile quid de equitatione, aucto sensim motionis gradu, diu instituta, quæ tantopere ab Anglis præcipue recentioribus commendari solet, in plurium morborum extirpatione, haud sine ratione prædicatur. Commendanda denique in diætæ ratione etiam est curiosa methodicorum, in animi adfectionibus cauendis atque remouendis, sagacitas.

§. VI.

In ipsa vero remediorum adplicatione, nimium eos interna metuisse medicamenta, nemo non videt. Damnabant, vel nimis certe timebant, omnia per aluum purgantia, diuretica, sudorifera, sopientia, & quid non? partim quia plus iusto suæ tribuebant methodo, vt tot medicamentorum vsum addiscere necessum haud videretur; partim quod leniora, quæ ipsi securitatis causa maxime adfectabant, post eorum demum ætatem inuenta & notata sint quamplurima; partim denique, quod validiora remedia, in ipsa morbi accessione periculosa, in remissione vero inutilia esse, generatim nimis arbitrarentur. Inuenerunt tamen in aliquibus varios recentiori æuo

æuo imitatores, adque id, si cautum tantummodo eiusmodi medicaminum vsum spectes, haud iniuria. Singula vero illa a varia morborum natura, causa, loco, & tempore; ab ægroti hominis constitutione, viribus, ætate, sexu, nunc indicantur, nunc prohibentur, nunc moderamen accipiunt, vt æque adeo imperiti sit, vbique omnia damnare, & vel vbique, vel omnia promiscue, commendare. Blandius præterea alia, alia vehementius, operationem exercent: immo ipse operationem in corpore exercendi modus, quum principiorum, tum doses quoque ratione, sæpe est varius. Leniora sane & temperata plerumque sufficiunt, vbi a fortioribus noxa haud raro est metuenda. Vt exemplis rem declarem, vfu hoc venit, quod ad purgantia attinet, in febrium acutarum & hæcticarum principio, in diarrhœa & dysenteria, in hysteriis, & qui scorbutico, quod vocamus, laborant malo, immo in ipsis sæpe alui obstructionibus. Periculosus ibi est & exasperationes minatur acriorum pharmacorum stimulus, dum nihilominus inutilium, in primis maxime viis, humorum copia eiectionem sui per aluum efflagitat, & leniori medicamine felicissime subducitur. Diuretica in nephriticis præcipue paroxysmis requiruntur talia, quæ moderando irritationes, & spasmis constrictas vias blande demulcendo, urinam promouent, vbi acriora irritantia, dum nullus per vias adstrictas conceditur exitus, grauem sæpe perniciem minantur. A sudoriferis calidioribus idem, quod ab ære nimis calefacto metuendum supra diximus, in acutis morbis quamplurimis inferri solet damnum, vbi temperatiora diaphoretica, pro morbi ratione, prudenter exhibita, omne sæpe ferunt punctum. Quæ blande spasmorum & dolorum vehementiam temperant medicamenta, satisfaciunt plerumque, & violentioribus vno impetu sistentibus ac stupefacientibus palmam præripiunt, dum hæc aut noxios in corpore retinent humores, aut periculosam sæpe fibris inferunt *ἀτονίαν*.

§. VII.

Neque vero plane iccirco ex medicina proscribere fas est validiora quæuis remedia. Sunt enim morbi, quorum natura & magnitudo,

E

tudo,

tudo, vel periculi velocitas, iusto tempore, talia exposcit, ne de singulari aliquorum hominum temperie dicam, quos leniora quævis sæpe non satis adficiunt. Est vbi acriora purgantia sine nimiae irritationis metu propinare licet, quando leniora non sine fructu solum, sed cum damno sæpe, exhibentur, dum vel materiem male mouent, neque promouent, vel certe iuuandi occasionem præterlabi patiuntur, cuius rei exempla sese ostendunt in mania, melancholia, apoplexia, & præcipue etiam in hydrope, vbi pariter diuretica validiora, præ mitioribus, plerumque habent locum. Interdum in morbis malignis epidemicis sola sudorifera potentiora, ipso præcipue morbi principio exhibita, profuisse fuerunt obseruata: interdum etiam, quod rarius est, rebus fere deploratis, in ipso maligni morbi statu, potens aliquod sudoriferum vel simul diureticum, ex ipsis mortis quasi faucibus aegrum eripuisse nouimus: quod etiam obseruauit *Scveta* in feбри castrensi maligna. Neque ipsa sistentia & sopientia validiora plane ex medicina profligare licet, quum tanta sæpe sit fluxionum aut dolorum, vltra omnem tolerantiae modum, vehementia, vt vel summum periculum, vel ipsam aliquando mortem inferant, nisi potentius aliquod subito opposueris remedium. Plura singulorum non adfero exempla, vbique per omnem medicinae practicae ambitum obuia, modo solidas ex omnium momentorum comparatione eruere indicationes, vsumque remediorum ab abusu, & temeritatem aut timiditatem a prudentia, secernere meminerimus. Idem esto de externis illis, quæ methodicos damnasse diximus, generosioribus remediis iudicium, quorum singula, prudenter adhibita, suam in praxi habent vtilitatem, quamuis recentiorum aliqui eadem quoque ex medicina exfulare iubeant.

§. VIII.

Relegati vero etiam ex arte, atque obsoleti penitus videntur forte, mirifici illi methodicorum circuli metasyncritici, ad quos, tamquam ad supremum, in morbis rebellibus, prouocare solebant forum. Verum enim vero haud per omnia omnino nostræ ætatis ab-

abinde abludit medicina. Taceo remedia acria externa, quæ Galenus etiam, Dioscorides, alique, μετασχημα, methodicorum vocabulo, vocarunt, & quibus, æque ac recentiores, irritandi & reuellendi intentione, sæpe fuerunt vfi. Omitto, agnitam a prudentissimis nostri æui medicis, in morbis vel endemiis, vel domestico saltim aere ali solitis, peregre susceptorum itinerum vtilitatem. Prætereo etiam παροπτησιν, cui parum absimilia sunt balnea laconica, vel quæ *Lentilius in iatromnematis* inter absurda practica recenset, curationum exempla, dum alium medicum leucophlegmaticos capite tenuis pistorio furno calefacto immittere, alium cephalæa laborantium caput ferramento sartorio supra modum calefacto circumducere iussisse, refert. Id potius huc adducendum videtur, quod suos etiam recentiores medici habeant circulos, quos, ad plures diuersasque chronicas ægritudines funditus extirpandas, commendant. Sic, vt alios taceam cursus, quos vocant, medicatos, referri huc possunt curationes, quæ per martialia, per mercurialia, & in primis per varias thermas, aut acidulas, peraguntur, quibus omnibus passim summi pæne, in pertinacium morborum medicina, tribunalis deferitur honos. Magna sane omnibus hisce inest, qua lenta iustæ circulationis obstacula expediri, atque ita diuersi morbi profligari queunt, penetrandi, resoluendi, & motus promouendi virtus. Sed quemadmodum varia nimis sunt, variisque in partibus hærent, impedimenta, ita etiam eadem, omnibus his remouendis, haud conueniunt præsidia. Insignis vero est non solum illarum rerum omnium a se inuicem, sed martialium quoque a martialibus, mercurialium a mercurialibus, & maxime thermarum a thermis, acidularumque ab acidulis, si naturam & effectus consideres, diuersitas: neque omnia illa, vel vllum ex omnibus, panacæ morborum chronicorum iure sustinet nomen. Cauendum igitur, ne, methodicorum instar, vbique statim ad istorum aliquod, vel plura etiam per circulum, tamquam ad sacram confugiamus anchoram, sola ista indicatione nixi: morbum esse chronicum ac rebellem, ideoque, quod exempli causa dico, primo Marte, deinde acidulis aut thermis mitioribus, postea violentioribus, ac denique, nisi his cef-

E 2

ferit,

ferit, saluatione ex Mercurio, tentandum. Non tam facilis est vera medendi methodus. Singuli morbi, singuli ægroti, peculiarem necessario atque sollicitam postulant considerationem, quæ ad sedulas de singularum medelarum natura & efficacia obseruationes, prudenti ἀναλογισμῷ, distincte conferri debet. Hoc facto, si aliquod, ex πολυχρηστοῖς hisce, proficuum fore collegeris remedium, tunc illius vtilitatem, & conuenienti moderamine, & alia subinde medicina, pro re nata, poteris adiuuare. Laudem tamen hic quoque meretur, exquisita illa, diætam & εὐφορίαν obseruandi, methodicorum diligentia, quam si eodem omnes, ex arte, imitarentur studio, plures sane felices, paucioresque infelices, eiusmodi curationum spectaturi essemus euentus. Plura quidem ostendi possent, ex methodicorum veterum principiis, partim commoda, partim detrimenta, sed ne ultra modum mea sese extendat disquisitio, aliqua solum, speciminis loco, attulisse sufficiat, dum reliqua vel in aliud tempus diffusiori reseruantur tractationi, vel prudenti aliorum meditationi & censuræ relinquuntur.



OBSERVATIONES

DE

FEBRIBVS

PRAECIPVE INTERMITTENTIBVS ET EX EARVM
GENERE CONTINVIS DEQVE EARVM PERICVLIS AC
REVERSIONIBVS PRAENOSCENDIS ET PRAECAVENDIS
PER MEDELAM TEMPESTIVAM EFFICACEM
ADAEQVATAM CANDIDE ET PERSPICVE
PROPOSITAM

AD VIROS CLARISSIMOS ET EXPERIENTISSIMOS

AVCTORES

COMMERCI LITTERARII

NORIMBERGENSIS

QVI PROBLEMA PROPOSVERANT

DE

FEBRIBVS INTERMITTENTIBVS SOPOROSIS ET APOPLECTICIS

SCRIBEBAT

PAVL GOTTLIEB WERLHOF D.

MAGNAE BRITANNIAE REGIS ARCHIATER.

*Neque hercule satis est ipsas tantum febres medicum intueri, sed etiam totius
corporis habitum, & ad eum dirigere curationem, seu supersunt vires,
seu defunt, seu quidam mali affectus interueniunt.*

Corn. Celsus. Lib. III. c. 6.

*το καρωδες αρα γε πανταχϋ κακον;
annon soporosus affectus ubique malus est?*

Hippocrat. prorrh. L. I. 63.

Hannoveræ, 1732. 1745.



PRAEFATIO AVCTORIS

AD PRIMAM EDITIONEM.

Nihil iam a pluribus annis in medicina facienda obuium magis fuit febribus intermittentibus, aliisque ex earum radice progermantibus morbis. Inde est, quod fieri vix potuerit, quin medicus quilibet, in curatione ægrorum curiosus, obseruauerit aliqua circa istud afflictionis popularis genus, aut meditatus sit, haud omnino saltem indigna, quæ cum aliis, quos eadem cura sollicitos habet, communicentur. Constitui equidem meæ etiam tenuitatis obseruationes meditationesque in systema aliquod theoreticum & practicum colligere, quo doctrinam vniuersam, vti meo quidem animo comprehensa est, de isto febrium genere, eiusque medelis, ordine pertractare, ac verum a falso, probabile a certo, opinionem ab experientia, vtile ab inutili, proficuum a noxio, per singulas morbi & medicaminum species, æqua lance expensas, discriminare allaborem. Attamen, & accurate elaborandi operis operosum studium, & ratio eius vitæ generis, cui memet obstrinxi, retardare forsan diu satis possunt iusti voluminis conscriptionem, correctionem, editionem. Sunt vero obseruata aliqua, & vberiori obseruatione indies firmantur, de quibus alienam experientiam, pro propriæ confirmatione aut illustratione, exquirere dudum optavi, præsertim circa febres indolis magis periculosæ, earumque signa & medicinam, circa vsum decantati illius corticis, febrium exterminatoris, & circa prænotationem & auersionem reuersionum, quas *σκανδαλον* antiquum medentum iure voces: sicut ante corticem repertum quarta-na audiuit, in qua *Plinius* (l. 36. c. 11.) medicinam nihil propemodum pollere dixit. Accidit opportune, vt in elegantissimis illis
sche-

schedis Norimbergensibus, quæ commercii litterarii nomine veniunt, problema aliquod de obseruandis, prænoscendis, curandis, febribus quibusdam intermittentibus subito exitiosis, proponeretur. Arrepta occasione, epistolam ad illos fructuosorum mercimoniorum negotiatores breuiter exarare institui, forsân, si haud plane displiceret, ipsis commercii speciminibus inferendam. At cceptum semel opusculum in hanc, quam vides, lector, molem, ultra eorum schediasmatum spatium, inuitante sensim argumenti vbertate, excreuit. Nomen meum alieno velo tegere constitueram, dum aliquid vberius elaboratum darem, eoque consilio tota iam opella scriptione & typis absoluta erat: neque enim videbatur lectorum interesse, scriptorem nosci, modo quid scriptum esset pernosceretur. Ita factitasse plures medicos obseruationum suarum editores notum est: quos inter memorare lubet cl. *Dauinium* medicum aulicum Mutinensem, qui, vt verbis collegæ eius, cl. *Torti*, viar (ex therap. special. p. 241.) “lucubrationes in tutamen corticis Peruuiani, *Hectoreo* plane robore conflatas, sub nomine *Hectoris a Valle*, tum latino idiomate, tum Hetrusco, conscripsit, easque a. 1708. proprio velato nomine, tomo sexto diarii litterarii Veneti, quod *galleria di Minerua*, museum Mineruæ, inscriptum est, voluit insertas., Mentem mihi fuisse, ut nomen tantisper sileretur meum, præmoneo, ne obscura legenti maneant dicta varia, occulendi auctoris causa aliter paullo enuntiata, ac fuisset futurum, si nomen meum profiteri placuisset. Ipsos meos præceptores, amicosque & fautores alios, vel reticui, vel haud saltim satis pro animi mei propensione commemoravi, ne vel exinde dignoscerer: præcipue amantissimos meos in academia Iulia patria, vbi maxima vitæ studiorumque meorum pars est exacta, doctores, quibus primitus debeo, si quid in me est, *Brandanum Meibomium*, *Henrici*, qui auunculus parentis mei fuit, filium, & *Laurentium Heisterum*, vtinam diu bono publico superstites:

*Quos mihi gratus ego, quos Iulia ducit honori
Grata sibi, quos Phæbus amat, naturaque mystas,
Doctaque posteritas sero venerabitur æuo.*

Non

Non memorauī ceteros, qui vita iam functi sunt, quibus ego vero immortales gratias habeo, viros celeberrimos, *Böttcherum*, *Gakenholtzium*, *Spießium*: & hunc quidem etiam in febrium per corticem Peruvianum curatione profitenda, & perficienda, magistrum inter præcipuos luculentum & felicem. Ei ego, quum fato fat præmaturō viuis eriperetur, ante hoc triennium successor designatus, in provincinā eram, vt ad functionis vitæque academicæ in patria, iam vndecim annis relicta, exoptatas inde a iuuentute delitias, me reciperem: tunc vero, clementiæ regiæ nutu, collata aulici medici provincia, in stabili heic sede retentus sum; sed in praxi inquieta, qua a studiorum dulcedine distineor. Quos, dum hic dego, fautores mihi gratulor eximios, & curationum consiliorumque amice socios sæpe habeo, medici nostrates omnes, viri incliti & peritissimi, laudandi mihi fuissent passim, nisi ciuitatem cum nomine meo lubuisset reticere. Neque nominatus mihi est ex his ipse, quem tamen sæpe (Sect. V. §. VII. Not. c. & passim) tecto indicaui nomine, vir supra laudes meas positus,

Ille & præsidium & dulce decus meum,

Augustus Iohannes *Hugo*, archiater regius, quo hic loci, vbi octauum nunc annum ago, præeunte, dirigente, iuuante, consulente, feliciores curationes, quas recensui, peractas ingenue fateor. Te æte alicubi (Sect. V. §. II. not. d.) allegaui socerum meum, Iohann. Andream *Plohr*, medicum ante paucos annos haud proletariæ doctrinæ, & famigeratæ praxeos: itemque duos archiätros heic olim illustres, quorum prior, Franciscus Iacobus *Kotzebue*, primus inter nostros præclaram cortice sanationem præstitit (Sect. V. §. 9. not. d.) alter, Brandanus Augustus *Conerding*, idem remedium, sub specierum cordialium anodynarum nomine (Sect. V. §. II. not. d.) & sulfur antimonii *Glauberianum*, (Sect. III. §. II. not. h.) sub purgantis catholici titulo, in officinam pharmaceuticam introduxit. Typis exscribi cœptum est opusculum fere simulatque conscriptum fuit; interuenientibus vero aliis atque aliis apud typographum impedimentis, in hunc vsque diem retardatum. Mora ista occasionem mihi præbuit,

buit, quintæ maxime, & postremæ sectioni, quæ serius typis expressæ sunt, inferendi varia, quæ exquisita scribendi methodus ad priores sectiones, aliumue locum ablegari, aut pleniori operi rite disposito relinqui iuberet. Optauit typographus, & votum eius secundarunt consilia paucorum amicorum consciorum, ut nomen denique meum præfigerem, ne quid perspicuitati observationum decederet, si & locus & auctor ignoraretur. Atque facile conieceram fore, ut neque diu, neque omnino, inter nostrates certe, occultare me possem: & ideo fere domestica tantum litteris hisce consignaram observationum exempla, quæ, si quid ex me quærat, ita liceat explicare, ut digito monstrare queam, & dicere: hic est. Prodeoque igitur in lucem leuidensis libelli auctor, nullo profecto, quod sinceram conscientiam testor, nisi eo cum animi voto scripti, ut, si per ingenii mei viriumque paupertatem liceret, merce aliqua haud plane reicula, quantumuis exigua, commercium medicum augerem; ut quasdam noxias hominum opinationes, salutis ægrorum causa, corrigerem apud æquos aestimatores, vel hos præmunirem; & ut denique alienæ cordatorum virorum experientiæ trutina expendendum publice exponerem, quod sedula pro virili attentione reperisse mihi videor. Febres præcipue proposui intermittentes, & quæ ex earum genere periculum & reuersionem minantur. Ab his indicari statui remedium *ληξιπυρετον* certum: certum, inquam, quod non nisi vnum ars medica possidet. Huius descripsi præbitionem occasionis electione tempestiuam, dosi vero, & continuatione, & accurato repetitionis ordine, efficacem & adæquatam. Non potui simul, quin idemtidem erroneas quorundam persuasiones de febrium intermittentium indole perpetuo tuta, & quasi sacro sancta, suspicionesque, quibus id medicamen premitur, modeste refellerem, ac huius demonstrarem, sub legitimo usu, innocentiam, necessitatem, utilitatem, & vniuersalem fere assererem medicorum vere experientissimorum, a longo inde tempore, per regiones constitutionesque plurimas, stabilitum iis in rebus consensum: quem sunt qui, ob diuulgata paucorum, leuibus ex causis dissentientium, vel dissensum affectantium, theoremata, effata, & schediasmata, & vagas
ma-

maleuolorum aut aberrantium fermocinationes, sibi ita non persuadent, vti re vera est. Obseruationes potissimum generaliores, nempe quæ in plerisque similiter laborantibus æque responderunt, annotavi, sexcentorum exemplorum narratione, nisi ea superuacanea esse & nauseosa videatur, roborandas. Particulares, quæ dicendæ visæ sunt, obseruationes passim immiscui, sed eas solum, in quibus singulare aliquid a ceteris notatum est. Regulas ex obseruationibus repetitis, & generatim similiter succedentibus constitui, & quantum per breuitatis consiliique rationem fieri potuit, distincte inculcaui, additisque exceptionibus limitavi. Repetii aliquoties, quæ apud multos semel dixisse suffecerit: dum lectores æque attentione munitos, & præcepta opinione vacuos, mihi non sponendi, neque per aphorismos, aut more mathematico, sed stylo obseruationum & epistolarum liberiori, scribere animus fuit. Interspersi iudicia, experimenta, & amenitates, ex aliis auctoribus conquisita; immiscui hic illic, data occasione, alienas aliquo modo a proprio tractationis argumento, sed itidem in experientia fundatas, annotationes medicas; adiunxi etiam, cum licita in rei publicæ litterariæ toto ambitu sentiendi libertate modesta, sententias & coniecturas theoreticas: vt, varietate aliqua, tædium lectorum amolirer, quod argumenti ipsius ratio, & concinnitas deficiens, næuique styli negligenter labentis, neque ab adscitis ex sequioris dictionis scriptorum commercio formulis castigati, creare facile possunt. Rari sunt *Lommii*, *Borrichii*, *Bergeri*, quibus per praxeos medicæ turbas, per multas desuescendi purioris styli causas, per consuetudinem cum pharmacopœorum lingua, & omnis æui auctoribus multifario sermone vtentibus, intemeratum scriptionis nitorem seruare licet. Istorum vero defectuum, & tractationis haud exasciatæ, veniam impetraturum me apud benignos iudices spero, qui candorem obseruatoris, quippe in medicis obseruationibus præcipue ponderandum, æstimauerint, (quo vno nomine commendatum me velim) & quibus loci huius, medico clinico negotiosi, ratio, meaque temporis penuria, haud fuerit ignota. Etenim, quod hi facile intelligent,

- - - - - *hæc ego scripsi*
Per brevis & dubiæ, rara intervalla quietis,
Et curas inter, perturbantesque querelas,
Luteoli ad Leinæ ripas, ubi nocte diuque,
Et mentem & corpus studio cursuque fatigans,
Huc illuc vocat ægra cohors: dum limpida longè
Flûmina Permessi, doctæque beata cohortis
Otia prospicio, quæ non mihi fecit Apollo.

Hannoueræ prid. Kal. Decembr. cId Id cc xxxii.



ELENCHVS.

Proœmium.

Occasio scriptiōis : commercium *Noribergense* : obseruationes & problema de febribus intermittētibz soporosis & apoplecticis.

Sectio prima

docet affectus notitiā, pericula, signa, causas.

§. 1. Nomen affectus soporosi febribz accidentis carus, siue subeth. Eius definitio, & differentia exigua ab apoplexia, lethargo seu veterno, cataphora, comate somnolento; item maior a vigili, catoche, catalepsi, suffocatione hysterica & spasmodica, syncope. Febres syncopales. Permutatio affectuum soporiformium.

§. 2. Exempla experientię alienę antiquę & novę.

§. 3. Experientia propria sub statu epidemio nouissimo. Brevis historia eius status. Causę generales. Noxia paludum effluuia. Multitudo febrium insolita, ingenium ambiguum.

§. 4. Securitas febrium fallax. Impositura & noxa remediis imputata, febribz etiam imputanda. Laudatę securitatis febrium moderamen. *Hippocratis* prognosis rectius explicata. Tertianę multis periculis expositę. Quotidianę periculosę. Quartanę nimium laudatę, difficillimę, infidę. Epilepsiam nonnunquam suspendunt. Medela similis vtrique apta. Quartanę hibernę metuendę, ex obseruatione *Hippocratis*, & aliorum. Morbus & mors *Kanoldi*.

§. 5. Historia, descriptio, & euentus febris cum caro. Carus in tertianis, quartanis, quotidianis, apoplexię similis. Paroxysmus tertius grauissimus. Tertianę intermittētes malignę. Ob-

seruationes de febre soporosa generales & particulares. Partus in ipso sopore. Abscessus in femore & dorso.

§. 6. Signa prænuntia medicum attentum poscunt. 1. Somnus naturalis profundior. 2. Vrina: frequens micturitiō. 3. Sanguis vena emissus. 4. Hypochondriorum dolor. 5. Cardialgia.

§. 7. Causę ad prænotionem cognitu vtilēs. 1. Purgatio sine indicatione. Cruditas, coctio, orgasmus, nifus naturę, attendenda in febribz. Puluis *Cornachini*. Scammonei benignitas & virtus febrifuga. Aquarum mineralium vis soporifera. 2. Remedia vel potulenta spirituosā, febrifuga vulgi sulfurea, calida, vaporifera, lac saepe coctum, vrina propria. 3. Dispositio corporis, & proportio ad violentiam paroxysmorum.

§. 8. Ingenium tertianarum epidemiarum biliosum, ferox, capiti infensum, saepe malignum. Symptomata comitantia & pedissequa. Colica & cardialgia epidemia. Tubercula in cerebro. Serum lactis ad surditatem. Sopor in febribz biliosis monstrum alit. Cur *Emdę* frequens? Causa ad nostrates applicata.

Sectio secunda

indicat curationem per remedium certum & opportunum tempestiuam.

§. 1. Indicatio vrgens ex signis notatis: febrim fugandam.

§. 2. Cortex Peruvianus per se tutissimus, & solus certissime febrifugus. Etymon nominis chinchina. Vis corticis in morbis variis: effectus circa profluvia sanguinis & aluum: sanitas post legitimum vsum firmior.

§. 3. Certa eius efficacia cum aliis comparata pręstantior. Laus eius num-

temporaria? Curatio febrium apud veteres dubia per remedia incerta, sordida, periculosa. Vulgus materiæ medicæ iudex & auctor vanus. Ingens catalogus specificorum laudatorum. Quorundam recentiorum imitatio affectata.

§. 4. Experientia circa alia febrifuga. Arsenici vsus temerarius. Salia. Febrifugum *Kergeri*. Oleum animale *Dippelii*. Eius vsus in epilepsia, passione hysterica, chorea S. Viti, cuius etiam cortex antidotus. Absorbentia terrea. Dosis magna horum, aliorumque remedium. Cascariilla spem frustrans. Adstringentia. Adstrictio non exhaurit vim febrifugam. Lactis vsus in febribus. Lac asininum *Hoffmanno* mire laudatum, a *Stahlio* explosum. Remedia domestica num cuius regionis sufficiant?

§. 5. Vsus corticis opportunus, vel secus, in morbis variis. Febres corticem prohibentes. *Mortoni* error in nomine febris continentis. Exanthemata in intermittentibus. Hemitritæus verus. Paroxysmus. Morbi periodici ex causa non intermittente chronica. Febres intermittentes putridæ. Morbi spastici, fluxionibus stipati, chronici sine febre.

§. 6. Morbi chronici ex genere febrium intermittentium. Febriles phthises, cachexiæ, hydropes, tympanitides, arthritides, icteri. Tabes Anglica. Vsus corticis in ætate infantili & puerili. Causæ hydropis ex febribus. Succus ireos nostratis anthydropicus. Cortex diureticus. Subdolæ febrium occultationes multifariæ.

§. 7. Vsus corticis opportunus, vel secus, in febribus ex genere intermittentium, intermittentibus veris, continuis, semitertianis nothis. Cautio circa usum & abusum. Hemitritæus verus præpediendus. Præmittenda, miscenda, subiungenda. Febres innoxiae, salutares, faciliores.

§. 8. Regula vsurpandi corticis prima ex præscriptis fluens.

Sectio tertia

medicinam exhibet, tum habitu, & præparatione corporis, tum electione, dosi, continuatione, efficacem.

§. 1. Necessitas & opportunitas eius remedii in febribus soporosis. Carus ubique malus. *Galeno* sæpe observatus in febrium paroxysmis. Cortex ibi commendatus a *Ramazzino*. Cur interdum non profuerit? Feliciter in eodem casu vsurpatus a medicis *Mutinsibus*, item a *Lancisio*. Vesicatoria. *Apinus* cortice prosperrime vsus. Verum corticem adhibuisse probatur, non cascarillam. Felix multorum medicorum experientia de efficacia illius in febribus soporosis.

§. 2. Methodus medendi in paroxysmo, & si quid corticem prohibet. Eua-cuationes. Venæ sectio in febribus. In eius loco eligendo regulæ de reuulsione & deriuatione vtilis sunt, sed non sufficiunt. Aqua benedicta *Rulandi*. Purgans catholicum *Glauberi*. Enemata febrifuga. Remedia excitantia alia. Purgatio ex ialappa, aut scammono, hoc in casu periculosa. Laudanum *Riu-erio* laudatum παράδοξον. Nasturtium aquaticum soporem prohibens, & febrifugum. Eius semen emulsum. Potus theæ. Solutio accessionis nimium imperfecta corticem prohibet.

§. 3. Corticis electio, diuersa species, indicia bonitatis præcipua odor & sapor. Cortex trunci, ramulorum, radicis, fructuum, ipsumque semen febrifuga, lignum vero secus. Dignotio cascarillæ, chinchinæ spurix, seu eleterii. Hæc mire a *Stahlio* laudatur, item a *Stifferso*. Febrifuga virtus exigua.

§. 4. Vsus electi corticis efficax, in substantia, dosi, tempore. Dosis minor alias utilis, item maior vna ante paro-

paroxysmum, sed in hoc affectu non conuenit. Methodus *Talboriana*. Linthea post sudorem renouanda.

§. 5. Vfus continuandus. Eius sufficientis signa certo secutura. Cibatio post dosin remedii. Cubitus in lecto. Huius summa vtilitas in multis casibus. Purgantia cortici interposita, addita, subiuncta. Sanguinis sub medicatione fluxus naturales, adfueti, irregulares, morbofi.

§. 6. Symptomata emergentia. Hæmorrhoides cœcae, tenesmus, alui adstrictio. Lac sulfuris laudatum. Album Græcum ad hæmorrhoides. Aurium tinnitus, surditas, temulentia, abscessus auris. Rheumatismus vagus calidus *Sydenhamio*; fixus frigidus nobis post febres obseruatus. Vfus exempl. de hyoscyamo. Tusses, dolores, diarrhœæ. Aquæ *Emsanæ* in diarrhœis laudatæ. Simarouba remedium nouum laudatissimum. Passiones hypochondriacæ. Scorbutus, febris lenta. Aquarum mineralium virtus. Serum lactis *Hoffmannianum*, correctum, chalybeatum, medicatum.

§. 7. Exempla aliquot singularia curatarum febrium soporosarum: in corpore virilis ætatis impense corrupto; in sene septuagenario; in alio fere nonagenario; in grauida constitutionis teneræ & valetudinaria; in sexagenaria graui lapsu læsa; in sexagenario multis pathematibus prius afflicto. Exsiccatio fistulæ lacrimalis antiquæ. Vfus corticis internus ophthalmicus.

§. 8. Curatio imperfecta. Paucarum & minorum corticis dosium vsus & abusus. Accusationes falsæ aliis absoletis propediem similes futuræ. Παρεν-
patis de mali venerei indole, cura, remediis specificis. Eius complicatio cum febribus. Martyrologium antimonii, chinæ, & religionis ab hac abhorrentis. Accusatio iusta ex vsu imperfecto. Cul-

pa accusatorum. Infida æque curatio per naturam, & alias medelas imperfectas. Febres faciliores pro ceterarum norma perperam habitæ. Noxæ curationis imperfectæ cuiusuis, ipso recto vsu vnico sæpe refarciendæ, sæpe vix sine eo. Petitio ad nos satis expertos.

§. 9. Regula pro corticis vsu secunda ex præmissis fluens.

Sectio quarta

de prænoscendis & præcauendis febribus recidiuis agit, & ostendit medelam, ordine & repetitione adæquatam.

§. 1. Febrium recidiuarum iustus metus ex morbi ingenio. Observatæ omni ævo, quacunque methodo adhibita. Virtus vnicornu Grœnlandici. Febres ad redeundum non pronæ. Recursus earum, quæ sine potenti medicina curatæ sunt. Reuersiones post febrifugum remedium. Post curationem imperfectam quamuis febres recidiuæ nothæ. De reuocatione febris. Medela reuocatione tutior. Reuersiones post morbum subito periculosum: post morbum indolis diuturnioris. Remora reuersionum, & morbus longior, per culpam remedii. Error in continuatione inutili. Nimii remediorum febrifugorum vsus noxæ.

§. 2. Febris recidiua ab ipsa febre sæpius oritur. Thesis *Arabum* & *Campanellæ*, febrim non esse morbum, a *Stahlio* renouata. Notio popularis & medica vocabuli morbus. Febris instrumentum naturæ omni æuo creditum. Consensus hac in re omnium medicorum; dissensus exigui momenti. Matura febrium fuga ab *Hoffmanno* defensa. Naturæ errores & defectus. Paroxysmorum particularium crisis infida. Cur plures febres indolis chronicæ redeant, quam acutæ? Contagium intermittentium proprio corpori aliisque minatur.

natur. Febris febrim generat. Sententia *Stahlii* de paroxysmis ex consuetudine, & ibi adhibendo cortice.

§. 3. Problema & obseruationes de cita febris fuga reuerfionem præpediente. Vfus, dos, præparatio Martis. Vermes cucurbitini: solius. Aliæ præter corticem medelæ cito vsurpatæ pariter feliciores. Pulvis *Cornachini*, & alia purgantia. Mistura simplex. De spiritu scorbutico *Drawizii*. Vfus eius in morbis variis, figillatim in paralysi scorbutica, & apoplectica. Tenesmus hæmorrhoidalis sub corticis vsu. Vis salium volatilium ad præcauendos febrium reditus.

§. 4. Monitio de non præiudicando. Reuerfiones faciliores, vel difficiliore morbo priori. Vis salium, & aquarum martialium, & lixiuorum ad febres recidiuas. Aquarum mineralium sal volatile acidulum & medium. Obseruationes de reuerfionum tempore. Tempus incertum ex causis extraordinariis. Tempus certum ex morbi indole tertiana, quartana, quotidiana. Quotidianæ veræ. Harum cum quartanis conformitas. Monitum *Sydenhamii* de purgatione post corticem limitandum. Hæc, aliæqueredituum causæ pro remporis ratione efficaces, vel secus. Petitio ad obseruatores.

§. 5. Obseruationes alienæ concordēs, de tempore febrium recidiuarum, & maxime de curatione ad eius normam instituenda.

§. 6. Methodus præcauendarum reuerfionum. Febrium indoles *επακμασίζη*. Vfus corticis interpolandus. *ὑπερεργία*. Tempus repetitionis in tertianis. Dos. Fortuita sanationum quarundam constantia, vt methodi *Talborianæ*, & similium. Pulvis Berolinensis *du Cloisii*. Iterandæ repetitionis, & sufficienter factæ, indicium. Methodus *Tortiana*. Eius consensus nobiscum in præcipuis,

Feliciores aliquanto nostræ methodi in febribus soporosis successus.

§. 7. Methodus præcauendi reuerfiones quotidianarum, quartanarum, erraticarum. Efficacia corticis ante paroxysmum dati. *Tortianum* inuentum nobile. Quartana in duplicem prona, anomala, periculosa. Febres mixtæ.

§. 8. Regula tertia pro genuino corticis vsu ex præscriptis deducta.

Sectio quinta

subiungit aliqua de constantia effectuum, & methodi securitate.

§. 1. Constantia sanationis. Effatum graue *Brunneri*. De censura curationis in casu desperato. Absoluta nostra methodo fere certo non redit febris. Si etiam aliquando redeat, causa est fontica, aut noua, nec remedium ideo culpandum, aut metuendum. Excusatione hac vix opus est.

§. 2. Experientia & consensus doctorum. *Παραλογισμοί* de corticis vsu recto noxio explosi. *Bærhanius* de corticis vsu. Obstructiones viscerum quando hunc prohibeant? *Torti* elogia. Consensus medicorum nostratium, & exterorum per totum fere orbem.

§. 3. Dissensus quorundam apparens. Dissimulatio. Rationes politicae dissimulandi, carpendi, limitandi. *Machiauellus* medicus. Incongrua doseos censura. *Ramazzini* ad meliores partes transitus. Genuinum doseos moderamen.

§. 4. Præparationis & expectationis laudatio nimis generalis. Remedii præparatio inutilis. Expectare & corpus præparare iuuat sæpe, sæpe nocet. *Hoffmanni* ea de re iudicium explicatum. Opinio de motibus sine materia. Eius rei signum non datur. Cur redeant tandem ad corticem, qui eum reddunt suspectum. Excusationes eius vsurpati ex consuetudine naturæ. Methodus naturalis dicta ad febres curandas laudata,

ta, sed saepe non sufficiens. Humectantia necessaria. Arsenicum *ληξιπυρετον* infidum & incertum. Consensus eorum, qui circa corticem dissentire videntur. Vera remedii, temporis, doseos indicatio.

§. 5. De aliquorum medicorum dissensione vera, & haesitatione. Fluctuatio *Ramazzini*. Haesitatio *Geuderi*. Huius experientia de cortice, cum regulis elegantibus. Error medentium sine medicinae culpa. Fundamenta dissensus. Spes de eo melior.

§. 6. Dissensus & haesitatio quorundam non medicorum. Admonitio rationi & artis indoli congruens. Fallacia non causae ut causae. Noxae censurarum in remedia. Indoctorum & insipientum pseudodoxia epidemia. *Πολυπραγμοσυνη* nociua.

§. 7. Experientia experientiae opposita. Experientia manca. Experientia vberima *Baecheri*, *Torti*, aliorum. Opusculum de impostura corticis perperam creditum alicuius esse ponderis.

§. 8. Absoluta cura reliquiae neque a febre, neque a remedio metuendae sunt. Materia febrilis *μιασμα σηπωναδες* exiguum: arte domabilis est. Effectus medelarum febrifugarum adaequatarum. Dubitatio mire vana, quo abeat materia febris per corticem curatae. Indicatio reuerfionem praecauendi saepe inutilis. Sufficit ei cortex. Febres aliter ac pro regulis nostris recidiuae, praesertim annuae. Naturae febricitantis vis violenta & incertior, *Haruei* ars curandi per expectationem cum notis *Stahlii*. Cortex diuinum beneficium. Eius particulae facile digerendae & innocuae. Crocus martis antimoniatus. Morbus acutus ex quartana. *Pechlinus* de quartana ex morbo acuto funesta. *Sylvius* de tertiana epidemice exitiosa & recidiua.

§. 9. Medicamenti securitas exemplis declarata. Non latet noxa sub sanitatis specie. Febris soporosa terror, & auer-

sio per citam medelam necessaria & felix. Vfus corticis tonicus & digestius sine febre; idem post variolas utilissimus; in infante annicula feliciter copiosus; senectus post eum vegeta; phthificus superueniente & fugata febre curatus; lepidum longae & multae remedii assumptionis exemplum. Explicatio experientiae medici praeclari a *Junckero* laudatae. Cortex ad sphacelum, cancrum, morbos alios.

Sectio sexta

proponit observationes, & coniecturas aetiologicas, de modo quo operatur medicamen, typisque, & periodis.

§. 1. Problema & coniecturae de modo, quo cortex operatur. Adstrictio non sufficit. Inquirenda prius quam decidatur. Coniecturae nostrae.

§. 2. Vis specifica. Remedii specifici notio generalis. Dissertatio de corticis usu cauto & suspecto *Sydenhamio* opposita.

§. 3. Dubitatio generalis de causis februm, typorum, & periodorum. Dictum argutum *Talborii*. Causa temporum febrilium vniuersalis.

§. 4. Observationes communes de februm ratione typica, & periodica. Regionibus certarum febrium non feraces. Febres multiplices, mixtae, quintanae, octanae, nonanae, aliaeque. Horae ordinatae. Tempus anticipandi & postponendi regulare. Ex tertio tertianae paroxysmo indicium: alterni paroxysmi, alternae hebdomades grauiiores.

§. 5. Problemata & coniecturae de februm, typorum, periodorum causis. Frequentia febrium & similitudo vniuersalis. Elementum aereum in corpore humano num typorum causa? Respiratio calefacit? Aer internus pars athmosphaerae. Oscillatio eius periodica. Febres brutorum animantium. Differentia & materia specifica singularum februm. Materiae febrilis generatio & motus

motus. Typi constantia & mutatio. Quartanae finis criticus. Motus naturales quotidiani, tertiani, quartani.

§. 6. Explicatio opinionis de atmosphaerae motu periodico febrium periodos moderante. Motuum atmosphaerae typus. Fluxus & refluxus maris & aeris. Venti periodici. Aer febrilis fomitis motor. Obiectiones refutatae. Summa dictorum.

§. 7. Periodi in statu sano & morbis sine febre. Periodus menstrua naturalis in viris, feminis, brutis animalibus. Febris menstrua medica. Fluxui menstruo plethora non sufficit. Non fit per rupturam seu vulnerationem. Vulneratio in ipso puerperio non est naturalis. Culpa obstetricum. Secundinae separatio cautissime facienda. Prolapsus vteri. Secundina abortientium sponte elabens. Causa plerorumque puerperiorum infelicitum. Febris miliaris puerperarum num a violenta laesione vteri? Sine hac rara est. Intermittentem simulat. Non tolerat corticem, nisi quando declinauit. *Hoffmanni* methodus laudata. Emulsio- num utilitas. Eadem febris a laesionibus neruorum & tendinum extra puerperium obseruata. Signum puerperii salutariter terminandi ex secundina. Haemorrhagiae ex abortu ingentes, frequenter obuiæ, sed sine violentia circa secundinas haud mortiferae. Sphaceli vteri, & febris miliaris cura, per remedia ad gangraenam abdomini imposita. Menstruus fluxus ab orgasmo materiae feminalis, & structura corporis a virili diuersa: periodus a periodo atmosphaerae. Mulieres barbatae. Cur animalia pleraque non patiantur menstrua? Eunuchis haemorrhoides necessariae. Haemorrhoides a feminali materia vberius abundante, quam elaboratâ. Menses, & molimina periodica sine plethora. De

abortibus notata. Reliquiae abortuum tempus statum sequuntur. Causa iteratorum abortuum, malorum, haemorrhagiarum. Methodus praecauendi ea symptomata. Imperium solis & lunae in corpus humanum. Medicus naturae vniuersi minister, humanae saepe dominus.

§. 8. Consensus practicus cum theoria mechanica & organica. Dissensus ab hac theoreticus. Vis animae in corpus, & vicissim: etiam animae matris in corpus embryonis. Instrumenta animae mouentis, & corporeorum motuum, cui scopo eadem? Sanitas, aegrotatio, conualescentia, indicationes, mechanicae a deo ordinata. Animae vis occulta neque necessaria est, neque probabilis.

§. 9. Natura humana conseruans, sanans, errans, indicans, quid sit? Corpus quomodo medico considerandum? Perquirenda prius quam principium vitale necessarium statuatur. Motus & nifus omni materiae impressus, praesertim liquoribus natura calidis. Corpus machina hydraulica & hydrostatica. Nerui liquore subtilissimo, eoque elastico, turgentes. Controuersia *Gaelickii* & *Burggrafii*. Corpus ab anima propria non formatum. *Stentzelii* refutatio theoriae *Stahlianæ*. & censura praxeos circa febres. Motus vitales sine anima. Harmonia praestabilita demonstrari nequit. Unio mentis & corporis.

Epicrisis.

Aequa petitio, & prouocatio ad solam experientiam iudicem. Regulae nobis praescriptae. Remedia exotica necessaria. *Heisteri* verum de corticis usu effatum. Obseruationes de mercurio vitae caelesti *Klaunigii*. Simplex cortex praeparatis & compositis omnibus praestans, elogio *Ramazzini*. Arcana remedium occultatio non excusanda. Consilium de scribendo opere pleniori.



PROOEMIUM
AD AVCTORES COMMERCII
LITTERARII NORIBERGENSIS.

Quod cum orbe litterato, in emolumentum artis salutaris, & naturalis philosophiæ, haud ita pridem instituisstis commercium, *viri clarissimi atque experientissimi*, id meum etiam plausum, quanti is cunque est, in satis dissita ab oris vestris regione excitat. Lego relegoque, multa cum animi voluptate, neque sine scientiæ accessione, schediasmata illa, doctrinæ, amenitatis, & elegantiarum plena. Et aliquoties animum induxi, vt qualemcunque ex mea experientia symbolam eo conferrem, quamvis forsan haud satis dignam, quæ reliquis immisceretur: quamquam vix vlla observatio in arte medica est, quæ, sincere annotata, non habere aliquid utilitatis æquis æstimatoribus videri possit. Medicinam facio in *πολυανδρωπω* Germaniæ mediterraneæ ciuitate, vbi observatio-

num faciendarum larga messis, publicæ editioni aptandarum parca est opportunitas, quippe muneris & praxeos negotiis obruto. Interim studium meum in rei medicæ & scientiæ naturalis incrementum, & in vos, promotores eiusdem egregios, sincere testor. Æqui igitur bonique consuletis, spero, quod via, quam commercium vestrum concedit, compendiaria vti sustineam, & notationes quasdam meas, volante calamo breuiter lucubratas, circa febrium intermittentium, morbi a pluribus annis insigniter grassantis, indolem & medelam, vobis, si ita placet, patrocinantibus, in publicam lucem emittam. Occasionem ei rei maxime præbuit problema aliquod, in laudatissimo illo commercio vestro propositum, de ipsis febribus intermittentibus, quæ alioqui adeo tutæ reputari solent, infidis tamen aliquoties, immo exitialibus obseruatis: vnde haud immerito de prænoscentis & auertendis earum periculis quæritur. Et mihi eiusmodi casus obtigerunt haud pauci, & signa mihi esse puto, ex quibus suspicio mali haberi possit, antequam ipsum ingruat, & medicinam afferri posse notaui, si tempestiue & efficaciter medicemur. Liceat ipsas a vobis editas historias, & problema exinde natum, propriis obseruatoris vestri verbis huc repetere, deinde vero affectus notitiam, prognosin, & curationis adæquatæ methodum, protenuitate mea, explicare. In speciminum vestrorum aliquo (a) vir cordatus, qui nomen suum reticet, *de febre intermittente vera*, subito in *affectum soporosum*, & ipsam *apoplexiam* mortiferam terminata, obseruationes suas eleganter recenset, & alienas expetit, & signa eius periculi prænuntia, medicinamque exoptat.

“ *In praxi mea, inquit, quam per quindécim iam annos exerceo,*
 “ *non semel annotare licuit euentum quemdam, quem me apud scripto-*
 “ *res historiæ morborum vnquam legere non memini. Scilicet homines*
 “ *quinguagenarii & sexagenarii, symptomatibus, ut videbantur, ordi-*
 “ *nariis febris intermittētis, vel quotidianæ, vel tertianæ, aut stata*
 “ *hora redeuntis, aut anticipantis, vel postponentis, primo horrore,*
 “ *dein æstu, siti, aliisque affligebantur, nec aliud quicquam molestum,*
 “ *aut*

(a) Spec. XXIV. §. 3.

“ aut periculosum ostendebant. In his, prout in aliis febre intermit-
 “ tente laborantibus feliciter consueui, febrem non statim medicamen-
 “ tis directe aggressus sum, sed potius aliquos, cum primo, paroxysmos
 “ sub regimine debito perferre suasi: præsertim cum, ut antea dixi,
 “ nihil ab ordinario februm genio diuersum secum ferrent. Sed præ-
 “ ter omnem expectationem factum est, ut post quartum, quintum, vel
 “ sextum paroxysmum, illo tempore, quo nouus horror accedere debeat,
 “ apoplexia insequens immedicabilis ægrum e medio sustulerit. Eius-
 “ modi casum præterito mense in muliere quadam vidi, cum hac pecu-
 “ liari circumstantia, ut apoplexiam præcederet affectus soporosus, in
 “ ipso insultus febrilis articulo ægram corripiens. Hoc mense alia duo
 “ exempla, in ægris meæ curæ quidem non commissis, annotare licuit,
 “ qui apoplexia, sed absque soporoso affectu prægresso, mortui sunt.
 “ Prorsus nihil extraordinarium, & a genio febris intermittentis alie-
 “ num, nullumque signum tam funesti euentus prænuntium deprehen-
 “ dere licuit. *Vulgus nostratum* eiusmodi febres *die Todten-Fieber*
 “ appellat. Tam ad historiam morborum pleniorē reddendam; quam
 “ ad semeioticā illustrandā, consultum duxi, si aliis egregiis practi-
 “ cis hæc proponerem, illosque humanissime rogarem, ut ad publicum
 “ commodum indicare velint, si forte illis similes casus obuenerint, mul-
 “ toque magis, si signum quoddam nouerint, ex quo vel certe, vel pro-
 “ babiliter, euentus præuideri queat, ut vel mature obuiam iri, aut
 “ saltim prognosi artis nostræ existimatio
 “ seruari possit.”

SECTIO PRIMA

DOCET AFFECTVS NOTITIAM, PERICVLA, SIGNA, CAVSSAS.

§. I.

Nomen, definitio, differentia affectus.

Febbris intermittens est ista, quæ proponitur, ægrotatio. Per-
niciosus, qui inopinato superuenit, affectus *sopor* est *profun-*
dissimus, apoplexiæ nomine vocatus. Neque vero ipsa res
noua est. *Carum* plerique auctores dicunt id symptoma, febribus
sat consuetum, aut cum Arabibus *subeth*. (a). “ Est autem *carus*
“ *veterni* (b) species, affectio soporosa, lethargo maior, *apoplexia*
“ paullo minor, huic tamen valde *affinis*, vt *in ipsam* non raro *tran-*
“ *seat*, cum respiratione tamen adhuc paullo liberiori. (c). Si ve-
“ ro spirationem ita vehementer opprimat, vt quis vel magno cona-
“ tu vix spirare possit, eorum exemplo, qui per grauem somnum
“ stertere solent, (d) *apoplexia* tunc affectio nominatur: (e) quam
“ uis

(a) Nomen hoc soporem omnem præ-
ter naturam profundum, præcipue
carum, significat. *Auicenn.* L.III. fen.
I. tr. 4. c. 1. *Castelli* lexicon. *Ron-*
delet. method. curand. morbor. c. 19.
Valesci de Taranta philonium c. 10.

(b) *Veternum* etiam vocat *Amat. Lu-*
sitanus cent. II. obs. 27. in scholio,
quod tamen nomen id proprie latinis
sonare videtur, quod Græcis *ληθαργος*
est: quamuis & *Pechlin.* L. II. obs.
20. lethargum mortiferum ex febre
tertiana pro caro vocet, & *Aetius* ea-
dem notione vtatur.

(c) Definitio est *Brunonis* in lexico
Castelliano.

(d) Ita facile discriminantur hi affe-
ctus soporosi a *suffocatione hysterica*

& *spasmodica*, vbi fauces veluti vin-
culo præstrictæ sentiuntur, cum me-
tu præfocationis, quod ita sæpe au-
getur, vt aliquo tempore plane non
spirent ægrotantes. Sæpe etiam ani-
mo linquntur, & sensibus destituun-
tur, dum tamen pulsus manere, im-
mo vix mutari solet. Secus res ha-
bet in *syncope*, quæ neque suffoca-
tio est, neque sopor; sed ingens ani-
mi deliquium, vbi subito omnes vi-
res sentiendi & mouendi labuntur,
pulsus aboletur, aut summe fit debi-
lis, facies cum gelido sudore foede
pallet, velut hominis emortui, quæ
in caro & apoplexia non ita muta-
tur, immo sæpe magis rubet. Ne-
que ergo hic loquimur de *febribus*
syncopalibus, seu, quibus *syncopes*
symptoma accedit, itidem perquam
pericu-

“uis & ipsa interdum spiratio lædatur, si carus magnus est., (f) In hoc aliquam, licet exiguam, sensus tactus facultatem, si æger fortiter irritetur, remanere dicunt; non item in apoplexia: quam deinde etiam, si æger in vita maneat, paralytis consueuerit sequi, ex caro non æque facile expectanda. (g) Differentia tamen omnino exigua est, & facile secum hi permutantur affectus, vti & nomina passim apud auctores etiam exquisitissimos promiscue vsurpata leguntur. *Cataphora*, (h) *coma* somnolentum, (i) & *lethargus*, quorum definitio apud eosdem auctores reperitur, minori gradu ferre solum discrepant, (i) suntque itidem sopores profundi, carumque & apoplexiam referunt, sicubi incrementum mali insigne fit: vnde sine notabilis erroris metu confundi possunt. (k)

§. II.

periculosis, quas aliquoties obseruauimus, alibi tractandas, & de quibus, post *Galenum*, aliosque plures, singulari capite, obseruationes enarrat *Restaurandus* in libello, quem vocat: Hippocrates de vsu chinæ chinæ c. 8. in *Blegny* zodiaco medico Gallico anno V. m. Iulio.

(e) Sunt verba *Castelli* in lexico.

(f) Teste *Pisone* in lib. de cognoscendis & curandis morbis. pag. 88.

(g) add. *Galen.* in Hippocrat. de artic. comm. 2. item comm. 2. in prorrh. & in aphor. 5. L. V. & de loc. affect. c. 2. *Actius* tetrabibl. L. VI. c. 5. *Forestus*. L. X. obseru. 38. in scholio. *Willis*. pathol. cerebri c. 4. *Trincanelli* epist. p. 928. Lomm. obseruat. L. II. *Gorræi* defin. med voce *Kagos*. Prosp. *Alpinus* de medic. method. L. X. c. 5.

(h) *Galenus* l. 13. meth. med. apoplexiam, carum, catochen, omnesque affectus soporosos, qui febrem comitem perpetuam non habent, hoc ca-

taphoræ nomine complectitur. Eisdem auctori magis sigillatim in l. prorrh. 32. & in 3. epid. cataphora comati *συναρμυμος*, vel paullo grauior est, & ad cari definitionem propius accedit. Dicuntur enim illa affecti omni sensu & motu priuari l. de dieb. criticis c. 4.

(i) Euidentiùs discrepat *coma vigil*, vbi ægri ingenti quidem ad somnum procliuitate laborant, dormire tamen nequeunt, sed sensum motumque vigiles seruant. Dormituriens vigilia est, quamuis vigilans sopor dicatur. *Catalepsis* eodem sæpe nomine vocatur, qua ægri correpti velut obrigesunt, & oculis plerumque apertis, membris immotis, sensibus vel omnino, vel maximam partem, soporatis, sed spiratione integra, eum situm seruant, quem habebant, quum corripenterentur, vt videantur vigilare. *Catoche* & *catochus* pro catalepseos synonymis habentur.

(k) Prosp. *Alpinus* l. c. “carus, inquit, differt a comate, quia comate
“tosi

§. II.

Exempla experientiae alienae.

Pertinet ergo hūc, quod *Galenus* (a) memorat & describit, & deinde *Paulus Aegineta* refert, (b) & omnes fere auctores superioris ætatis repetunt, vbi de soporosis affectibus agitur: *carus frequenter febrium accessionibus superuenit*: (c) id quod vberius explicat, & in febribus acutis, & chronicis, quotidianis, semitertianis, quartanis, vel semel, grauissimo cum periculo, vel iterum iterumque per periodos, contingere, docet *Aetius* (d). *Zacutus Lusitanus* (e) *apoplexiam*, *Auicennae periodicam* dictam, eodem refert. *Alpinus* (f) carum febribus accidere solere, & plerumque semitertianarum aliarumque febrium accessionibus superuenire indicat. *Lommius* (g) “carus, ait, notis lethargo persimilis, febrim
“non facit, sed sequitur, eamque non leuem,, & alibi (h) accedit feбри cotidiane dormiendi pæne inexpugnabilis necessitas.
“Omnis autem cotidiana ægerrime remediis cedit, tædii & periculorum

“tosi neque sensu, neque motu priuantur, & a lethargo, quoniam lethargum febris subsequitur & carum antecedit, & lethargici stimulat aliquid loquuntur, neque omnino muti permanent; in caro vero nihil, etiam stimulat, dicunt., Id maxime lethargum distinguit, quod febrim lentæ indolis, & ex sua natura, propriam habeat comitem, sine qua morbus propriè ita non vocatur: quum contra neque in caro, neque in comate, vbique, & ex proprio affectus ingenio, notetur febris, quamuis sæpissime præcedat & comitetur.

bre; quum, sæpissime cum febre eum esse, omnium auctorum consensus doceat, & ipse vir celeb. pag. seq. “carus, inquit, prognosis omnino “est ominosæ, præcipue si *febrem* “malignam, aliamque non iudicatam, “adiunctam habet.,

(a) in 1. porrhēt. comment. 2. §. 29.

(b) de re medica L. III. c. 9.

(c) Recte explicandum est, quod in *Mangeti* biblioth. pract. T. I. p. 432. existat, *carum esse somnum sine fe-*

(d) tetrabibl. II. serm. 2. c. 3. Nomen adhibet *lethargi*: descriptio vero apprimè congruens caro est.

(e) histor. morbor. princip. l. I. hist. 33. dubio 17.

(f) de medic. method. l. X. c. 5.

(g) obseru. medicinal. l. 2. p. 69.

(h) L. I. p. 18: sq. cotidianas vero plerasque *tertianas duplices* censet, adeoque cum nostris obseruationibus §. 5. conspirat.

“culorum plena.,” *Eugalenus* (i) multifariam & dilucide de hoc febrium symptomate agit. *Forestus* (k) haud absimilia notat. *Bonetus* (l) *veterni* meminit singulorum febris paroxysmorum comitis. *Cl. Cohausen* (m) febrium *soporosarum* & *apoplecticarum* passim mentionem facit, & ex *Puerario* (n) statum epidemium tertianum annotat, vbi non pauci ex affectione *soporosa* perierint. *Mortonus* (o) *apoplexiam* inter ea proteiformis, vti vocat, febris intermittens symptomata, vel schemata, refert, quibus praesentibus aeger vnoquoque paroxysmo in vitae discrimen adducitur: & idem auctor historias nonnullas affert, plures etiam pollicetur, capiti affecto de febre *apoplectica* & *paralytica* subiungendas. Referenda huc videntur, quae *Ramazzinus* (p) de febribus tertianis malignis Mutinensibus memorat, stupore & *aphonia* (q) accedente, exitiosis. Neque non huc quadrat *sopor profundus*, quem *Sylvius* (r) inter symptomata febris epidemiae intermittens Lugdunensis, eiusque impense periculosa, enumerat. *Lancisus* (s) febres tertianas perniciosas recenset, semper in principio typum intermittentium seruantes, quinta plerumque die in continuum versas, septima, nona, vel raro vndecima, cum graui *sopore*, (t) sudore algido, vrinis tenuibus, parotidibus, in mortem terminatas, priusquam opportuna inuenta esset medendi ratio. (u) *Sydenhamius* (x) de *apoplexia* sub certo

(i) de scorbuto p. 66. 199. 366.

(k) l. X. obseruat. 39.

(l) in medic. septentrion. paralip. ad l. V. sect. 3. obseru. 1.

(m) in archeo febrium fabro, praesertim p. 110.

(n) in notis ad *Burneti* thesaur. med. practic.

(o) pyretolog. exerc. 4. 5. 9. & ibi histor. 25. 26.

(p) diff. de abusu chinae chinae, operum p. 228. seq.

(q) Hoc vocabulum *Hippocrati* fre-

quens, quod vocis priuationem notat, *apoplexiam*, catalepsin, syncope, & id genus affectus, complectitur. v. *Castell.* in lexico, *Hollerius*, *Foësius* ceterique Hippocratis interpretes.

(r) prax. med. append. 10. §. 37. 347.

(s) de noxiis paludum effluuiis l. II. epid. 1. c. 5.

(t) Eos, qui ita perierunt, *apoplectico* modo decessisse dicit l. II. epid. 1. c. 6.

(u) v. infra sect. 3. §. 1.

(x) epist. 1. oper. p. m. 286. seq.

certo statu epidemio febribus intermittentibus superueniente, sigillatim agit. *Gohlius* (y) casum febris tertianæ, subito in *apoplexiam* & mortem desinentis, enarrat. Plura, si vacaret, exempla ex medicorum commentariis cumulari possent. (z)

§. III.

Experientia propria sub statu epidemio nouissimo.

Similia mihi quoque, in senioribus præsertim, sed & in iuuenilibus nonnunquam corporibus, obseruare & lugere contigit in constitutione epidemia, qua, inde ab enormi illo calore æstiuo annorum huius sæculi XXVI. & VII. putrefactis passim & in vapores roriferos impuros exsolutis aquis, corporibus hominum putredine, partim etiam verminosa, inquinatis, (a) & per varias sui partes textura & ordine emotis, colliquefactis, incensis, innumerabilis febrium copia multifarii typi vniuersam fere Europam, & loca maxime

(y) act. medic. Berolin. dec. II. vol. I.

(z) Huc spectant, quæ de febribus intermittentibus *comatosis* passim leguntur: vt apud *Riuerium* prax. L. I. c. 2. & centur. II. obseru. 26. *Amat. Lusitan.* L. II. obs. 27. *Apinum* hist. febr. epid. obseru. 8. *Willisium* de morbis conuulsivis c. 8. p. 45. 53. & pathol. cerebr. c. 4. p. 120. in *miscell. natur. curios.* dec. III. ann. 3. obs. 138. obseruante *Raygero.* & ann. 7. & 8. obseruante *Blauuio.* Tertianam cum *lethargo* notat *Pechlinus* L. 2. obs. 20. *Restaurandus* c. II. quod de cura hemitritæi per chinam chinæ agit, varias effert historias febris continuæ periodicæ ex intermittentium genere cum *sopore* molesto & fere *lethargico*, quam hemitritæum vocat. *Blegny* A. IV. m. Febr. obs. 19. ex tertiana primo simplici, hinc duplici, a febrifugo remedio nescio quo exhibito, *soporem cataphoricum*, hinc mentis stuporem, tabem, & mortem obseruauit. *Heluetius* in re-

cueil des methodes p. 196. agit de febribus intermittentibus malignis, superueniente *sopore* & *respiratione difficili*, hoc est, caro in *apoplexiam* transeunte, ægrotos suffocantibus. *Bianchi* histor. hepat. p. 751. stupiditatem, *comatosum* affectum, & ceuleuem *apoplexiam* sine stertore, ex febre recenset. El. Rud. *Camerarius* scripsit dissertationem de *apoplexia cum febre*, quam memorat *filius*, Alex. *Camerarius* in de corticis usu ad icterum p. 2. Euolui possunt auctores sub titulis *carus*, *coma*, *sopor*, *febres cum variis symptomatibus*, in *Waltheri* filua medica, *Moroni* directorio, similibusque collectionibus coaceruati.

(a) Leg. omnino immortalis libellus *Lancisii* de noxiis paludum effluuiis. add. *Sponius* in *Blegny* Zodiaco a. 2. m. Ianuar. quæst. 18. cur loca paludosa & humida febrium sint feracia?

the paludosa, infestauit, (b) immo nuperrime denuo, quamuis grassatio fatiscere tandem videatur. Hæc hiberno quidem tempore quotannis sopita quasi visa est, nisi quod quartanae & quotidianae passim perdurarunt, vel sub acutorum chronicorumue morborum inuolucro latitarunt reliquiae materiae febriculosae. Primo vere magno numero emerferunt tertianae, innoxiae tunc ut plurimum, neque rebelles: mensibus aestiuis (c) & autumnalibus varii generis febres diuersa ratione grauiiores apparuerunt, vel anomalias omnigenas, vel continuarum speciem induentes, vel in ipsas febres acutas, aut chronicorum morborum aliquem, degenerantes, vel truculentis symptomatibus comitatae, quæ inter maxime omnium formidabile fuit, quod tum in continuarum, tum in verarum intermittentium paroxysmis interdum subito corripuit, veternus profundissimus, haud raro, sicubi accidit, perniciosus, & veræ apoplexiæ immediabilis nomine dignus.

§. IV.

Securitas febrium fallax.

Est sane hæc res ex plurium censu, quæ laudibus febrium, dudum a *Mercato* (a), & nuper post alios a viro illustri *Jo. Godofredo Bergero* (b) suspectis redditis, modum ponere debent. Et viri quidem egregii, qui imposturas, ut loqui amant, & noxas remediorum febres fugantium perperam adhibitorum accusant, merito cauebunt, ne *imposturae* (c) & *noxæ febrium* mentionem itidem facere obli-

(b) Sane insolita illa febrium multitudo solitos calculos magnopere turbauit, quos refert celeb. *Stahlius* in de infrequentia morborum personali thes. I. p. 11.

(c) *Hippocr.* epid. VII. cholericae, inquit, affectiones magis in æstate fiunt, & febres intermittentes, & quibus horrores accedunt: hae interdum malignæ sunt.,

(a) de febrium essentia, differentia,

caussa, curatione L. VI. ubi signa & causae pernicipiei metuendae egregie recensentur add. *Sennertus* de febribus. L. II. c. 18.

(b) peculiari differt. de laudibus febris suspectis.

(c) Prodibit forsan aliquando altera de hoc quidem argumento dissertatio, quæ priori illi, de *impostura corticis Peruaniani*, sub cl. *Gælickii* praesidio disputatae, iungatur: nisi malit au-

obliuiscantur. Facile alias discipulos lectoresue suos metu medicamentorum generosorum, & fiducia in medelas incertas fragilemque naturae virtutem, ita patientur decipi, vt, seu in statum epidemium, endemiumue periculosiorem delati, seu corpora febrium minus secure patientia curantes, torturam inutilem, vel ipsam mortem ægrorum expectare malint, quam certo aliquo, quod inuisum forte redditum fuerit, auerruncare medicamine. Laudes securitatis, quas antiqua experientia febribus intermittentibus vniuersim decreuisse putatur, ita omnino moderandas esse nemo prudens diffitebitur, vt non nisi tum conueniant, quando æger, vna cum adstantibus, & medentibus, officium facit, & ætas, & corporis habitus, & æris, aquarum, locorumque natura, & alii affectus comitantes, pro morbi vehementia, nihil metuendum esse commonstrant, neque morbus, ex quacunque causa, a consueta sibi indole deflectit. Ad Hippocraticæ diætæ leges, pro nostri sæculi moribus, vix centesimus ægrotantium se penitus adstringet, ac raro ægrotos, cum amicis, a primo morbi initio, & sub longioris durationis tædio (d), & confluentibus

etor, quod perfacile ipsi, vel tiro-
num cuius, fuerit, veterum decla-
matorum more, thesin inuertere, &
candorem seu probitatem corticis Pe-
ruiani simili stylo & paribus argu-
mentis decantare, ne quem indoctio-
rem declamationes ludicrae decipi-
ant. Credent tunc viri omni laude
maiores, qui eo remedio vtuntur,
imposturae maculam non sibi impu-
denter adspergi, sed ingeniosa fictio-
ne medicamentum pro persona ali-
qua haberi, quam, exercitii causa,
productis ex fallaci memoria, & sine
probationis neruo, paucorum aucto-
rum testimoniis, figuris rhetoricis,
& variis lusibus circa artes dialecti-
cas, luxuriante ingenio criminari,
vel laudare audacter possis, nulla il-
lorum seu iniuria, seu gloria, qui
aegris propinant. Eodem olim prae-
fide haud absimilis prodiit dissertatio,

qua *corpus medicinae mutilum* esse
disputatur, quia *dentur chirurgi &*
pharmacopœi, quos omnes ex orbe
relegari praestet, lepidaque eam in
rem suggeruntur consilia. Migra-
bit forte cum iisdem in Americam
cortex Americanus, quod auctor dis-
sertationis optat, nisi vtrumque con-
siliū effectu destitui salus rei publi-
cae iubeat.

(d) *Pechlin* L. II. obseru. 20. "Quod
"si moram trahant *tertianæ*, qui au-
"tumnalium *sæpe mos* est, hoc *sæpe*
"cum iis coniunctum est *periculi*, vt
"taedio morbi lentioris aegroti in
"*diæta delinquant*, vivendique ordi-
"ne morbi *anaxia* infament: itaque
"in alium *plerumque* & deteriorem
"morbum mutatur, qui tandem eti-
"am, oppressis naturae viribus, *vitæ*
"*finem* imponat.,

tibus vndequaue consiliolis & censuris, τὰ δεόντα per omnia præstituros sperare licebit. Neque Cous vbiue spirat aer, & alius locus alio, veluti annus etiam anno, morborum certis generibus minus securus est. Immo decantatus ille *Hippocratis* aphorismus (e), qui febres, quocunque modo intermittant, periculi expertes prædicere creditur, non solum naturam aphorismi, siue brevis regulæ, habet, vt exceptionibus sit subiectus, sed & aliud plane, idque fere constanter verum, & nostra qualicunque experientia multoties confirmatum, & ad prognosin vtilissimum, edicere videtur, si integer legatur, quam quod eundem, vti fieri solet, dimidiatum indicare apparet. “Febres, inquit senex Cous, non intermittentes, ζυνεχες, “& tertio quoque die exasperatæ, magis periculosæ sunt: sicubi “vero quouis modo intermittunt, tunc iam abesse periculum apparet.” Hoc est, quando tertianæ continuæ in intermittentes mutantur, quocunque modo id fiat, etiamsi breuissima & vix obseruabilis intermissio sit, & vel quotidie, vel alternis diebus notetur, egregium est superati periculi indicium (f). Quid idem grauissimus auctor de chronicarum magis febrium secura & facili, si diis placet, indole senserit, ex eius scriptis abunde patet (g). Quæ ex
tertia-

(e) L. IV. aphor. 43. Coac. praenot. 116. sq.

(f) Ita non claudicat aphorismus vti vult *Sinapius* paradox. medic. P. III. p. 161. “sed probe cum veritate, & “cum iis constat, quæ ipse censor “subiungit: intermittentes, inquit, “saepius sunt periculi plenæ, vt in “senibus quartana, item tertiana lenta puerperarum. Quot & quanti “denique moriuntur ex febre intermittente, formaliter, qua tali! Neque enim de his sermo est Hippocrati, sed de continuis, qua talibus, quæ deinde feliciter intermittunt.

(g) Exempli causa sit historia epidemia L. III. sect. 3. “Multa, inquit, alia

“passim vulgata sunt febrium genera, “tertianæ, quartanæ, quotidianæ, “nocturnæ, continuæ remittentes, “diurnæ, erraticæ, irrequietæ, “inconstantes. Atque hae omnes “non sine multa perturbatione continebantur. Plerisque enim alii “cum horrore turbatae erant, sudores non critici, vrinae crudae. Plurimis morbus erat longus. Neque “vero, nisi paucis, contigit, vt cruetice aliquis abscessus fieret. His “vero ipsis diuturna maxime iudicatio fuit, vti omnibus omnino difficilis, aut nulla, aut diuturna. Atque illi pauci circa octogesimum “diem crisi defungebantur. Ceteros “plerosque febris ita deseruit, vti id “forte

tertianarum genere sunt febres, tum legitimas (h), nisi optime curentur, tum maxime illegitimas (i), & τριτανοφρεων nomine apud antiquos insignes, diuersis periculis, & acutis, & chronicis, ægros exponere, satis inter medicos constat (k): quamuis id morbi alius superuenientis, vel occulti, titulo tegere soleat vulgus, cui febres illas omnes innoxias esse debere falso persuasum est: quemadmodum, si qua earum continua fit, vel grauius affligit, ardentis, aut semitertianæ, horrifico nomine manifestum discrimen excusant, quibus morbi patrociniū suscipere lubet. Quotidianas febres a *Galen*o (l), *Celso* (m), omnique posteriorum medicorum schola, periculi neutiquam expertes pronunciari, notissimum est. Quartanas ipsas forte aliqua ex parte curationis certæ ignorantia, quum, quod apud poetam est, medicina medelæ incia tacito dolore mussaret (n), in gloriosum illud folium euexit (o), vt non tantum securissimæ, verum

“forte fortuna tandem accidere potuit. Pauciores horum ex hydropemortui sunt, sine in lectum de cubitu. Plures fuerunt, quos, præter alias aegritudines, tumores oedematofii excruciarunt, præsertim tabidos. Maximum autem & grauissimum malum, quodque plurimos morti dedit, phthisis fuit.”

(h) *Galenus* I. ad Glauc. c. 8. in 1. epid. sect. 3. comm. 8. in 2. de crisi-
bus c. 3. docet tertianam exquisitam septem circuitibus iudicari, & non esse perniciosam, si recte curetur: alias vero, annotante *Alpino* saepius mutatur in continuas, arduas, malignas, colliquatiuas, hecticas, tabidasque, & has plerumque insanabiles. Recte autem febrim eam curari negat, nisi diaeta omnino sit exactissima, vbi multis de causis aberratio facillima est.

(i) conf. infra §. V. nota (a) & supra hoc §. not. (d). (g) sparsique passim ex Hippocratis, Galeni, ceterorum-

que graecorum, latinorum, arabum medicorum volumina aphorismi, eruditiorum per omnia saecula virorum obseruationibus & scriptis confirmati.

(k) *Prosp. Alpinus*, medicus sub initium superioris saeculi summus, in de medicina methodica L. VI. c. 2. “tertiana notha, inquit, non septem circuitibus terminatur, sed longe pluribus, vt sex mensibus perdurasse a multis fuerit obseruatum; atque ni cito tollatur, minatur lienis obstructionem, tumorem, cachexiam, vel in continuam mutatur summe periculosam.”

(l) I. ad Glauc. 8.

(m) LIII. c. 15. sub finem.

(n) *Meibomius*.

(o) conf. *Menapii* encomion febris quartanae, quod exstat in *Dornauii* amphitheatro sapientiae iocoseriae. *Gellius* L. XVII. c. 12. refert, *Phaoninum*, infames materias laudare inge-

rum etiam, panaceæ instar aduersus morbos grauissimos, exoptabiles esse videantur: vt adeo Galli suo prouerbio, quo febres quartanas illis apprecantur, quos diris deuouere volunt, bene omnino contra animi sui sensa optare videri possint. Verum enimvero, ut tarditatem malignamque contumaciam (p) & lentas corporis corruptelas taceam, quas, multis de causis, facillime inde nasci omnium sæculorum consensus testatur (q); verissime etiam edicit Hippocrates (r): “ quartanas hibernas in morbos acutos transire sole-

“re

geniose solitum, febris etiam quartanae laudes, *Platonis* auctoritate, & ludicris argumentis, celebrasse. Add. erudite notata a *Reies* in campo elysio iucund. quaestion. c. 71. vbi plane curiosum videtur, quod aliqui auctores obseruarunt, ope quartanae conspicuam corpori proceritatem, molemque aliquando giganteam, conciliari.

(p) Sunt verba *Dalechampii* ad *Plin.* L. VII. c. 50. oppido vera, quia duratio annua, vel certe semestris, breuissima olim visa est, morbo omnem prius medelam eludere solito. Octennem obseruauimus & curauimus ipsi.

(q) Conf. elegans *Pechlini* obseruatio L. II. 21. quartanae ideam & pericula exhibens. Inter vetustiores neruose dixit *Campanella* medicinal. L. II. c. 7. art. 4. “ Quartana intermittens habetur pro tutissima febrium, quamuis “ longissima: contingit tamen *plerumque ob tot febriles circuitus, habitus hecticus: &, cum lien scirrhum “ ob hanc febrem incurrit, aut can- “ crosam dispositionem, lethalis est, “ & saepe hydropem affert,,.*

(r) Locus egregius, plerumque neglectus, exstat Coac. praenot. 159. Idem quidem auctor quartanam non solum, ob longa interualla, toleratu facilli-

mam, sed & febrium securissimam dicit: quod in comparatione ad alias febres, praesertim ex tertianarum genere, intelligendum, & verum esse nouimus. Alibi epid. & I. 6. eos, qui quartana afficiuntur, a *magno morbo* non capi obseruat. Ibi vero certissime epilepticas conuulsiones solas intelligit, quas morbum *magnum*, heroicum, herculeum, sacrum, vocabat, antiquitas. v. *Lang.* epist. medic. 25. 48. L. I. *Galenus* ad 6. epid. sect. 6. item in I. epid. sect. I. “ longa quartana comitiales morbum discuti testatur, sed lienosis esse valde incommodam, *compluresque* ipsorum exinde factos *hydropicos & mortuos* se vidisse,,. Ipsius *Hippocratis* aphor. 70. L. 5. & aliorum experientia, illud elogium eo vsque verum esse docet, vt epileptici, si in quartanam incidant, quam diu hac tortura laborant, alteri illi, nempe conuulsionibus epilepticis, tantisper non obnoxii esse soleant. conf. obseruatio *Cru- geri* ephem. curios. dec. III. ann. t. obs. 148. Ex hac Hippocratis doctrina fulcrum obseruationibus recentiorum nascitur, de indole dispositionis febriculosaе pertinacioris, & epilepticae, parum diuersa, & per sufficientem corticis vsum vtraque saepe curabili. *) Electuarium epilepticum

Fulleri

re (s)., Sæpe id annotare nobis quoque licuit, pleuritide præsertim, & febre catarrhali, rheumatica, aut exanthematica, per hiemem populari. Immo perseveravit passim in ipsis febribus acutis, exanthematicis, & inflammatione stipatis exquisitus quartanæ typus, sui que paroxysmi intercessione grauia pericula induxit, vt semiquartanas haud immerito dicere queamus semitertianis quamuis rariores, attamen non minus perniciosas. Felicibus e contratrio ægris esse contigit, quibus prius adæquato remedio curata fuit quartana, quam in eiusmodi morbum acutum hibernum inciderunt.

Non diu est, quod, multo boni publici dispendio, doctissimus annalium physico medicorum Vratislaviensium collector *Kanoldus* quartana autumnali, quæ post mensem in febrim acutam cum purpura desit, e viuis ereptus est (t): qui ipse febrium eiusmodi potiorrem, quam corticis Peruviani, earum remedii vnice adhuc certi, innocentiam esse, opinatione sibi forte ferali, reputare solebat, hunc experiri non ausus (u).

§. V.

Historia, descriptio, & euentus febris soporosa.

Ex tertianarum genere fuerunt omnes (a), in quibus id quidem, de quo agimus, febrium symptoma obseruauimus, vel obseruatum

Fulleri in pharmacop. extempor. descriptum ad magnos morbos magna præstat.

*) Nec raro Corticem ad hunc morbum in vsum vocavit autor, ea quidem ratione ægris exhibitum, quam sibi ad quartanas pro norma sumferat sequentibus describenda, addita plerumque cuilibet dosi Corticis, hoc est drachmae dimidia, guttula una vel altera olei Cajeput. conf. Sect. II. §. IV. Not. e.

(s) *Foësius* ad hunc locum notat: id, "vbi quartana diutius durat, ex vitæ

"intemperantia contingere,, nulla tunc fere sperabili salute. Sæpe id verum esse videtur; sed plures longe causas esse posse, eidentissimum est, & salutem tamen haud frustra speratam aliquoties vidimus, quamuis periculi plurimum semper subit.

(t) v. eius monumentum in successoris dignissimi Cl. *Buchneri* præfatione, tentamini 28. eorundem annalium præfixa, & quae inde in ipso commercio Norico excerpta sunt.

(u) v. tentam II. p. 303. sq. & passim.

(a) "Febres intermittentes malignas fre

uatum cōperimus, simplices aliæ, aliæ, paroxysmo secundario adscito, duplices, quamquam *Galenus* (b) soporem quotidianæ maxime proprium esse notat, & *Forestus* (c) carum ex quartana memorat. Tempus, quo id contigit, in tertium primariæ accessionis paroxysmum, siue diem morbi quintum, aut, vbi accessiones valde anticiparunt, quartum fœuit incidere: nonnullos ferius afflixit. Fuit sane hoc ipsius febris & paroxysmi symptoma, qui, cum aliquo sensu consuetorum motuum, iusto tempore plerumque incepit, statim deinde interdum, alias vero non nisi sensim, & cum incremento accessionis, sopore illo accedente & increscente. Pulsus in plerisque frequens, in vnico per nouem ante mortem dies continuos apoplectico, tardissimus, in quibusdam exantlato quidem tempore paroxysmi, non autem ipso affectu soporoso, naturalis, in multis durus fuit & intermittens. Verbis fere *Eugalemi* (d) eiusmodi accessionem describere licet: *profundo somno, caro scilicet, correptus absque omni sensu ac motu iacuit, ut ne digitum haberet, quem dimoueret, & sola respiratione a mortuo differret*: hæc autem plurimis ore hian-

te

“frequentissimas, sed tertianas, obseruauit. *Neucranz.* de purpura c. 25. “p. 413. Vt plurimum ex intermittentibus non alias, quam tertianas. “triplices siue duplices, obseruare “malignas licet. *H. Meibom.* de febre maligna §. 14. Consentiant *Galenus* I. de cris. 3. de typ. 4. & epid. 6. comm. 2. tit. 23. & ibi *Vallesius*, *P. Salius Diuersus* de febre pestilenti c. 10. *Claudinus* responsion. 7. *Minadous* de febr. malign. L. I. c. 22. *Reinesius* epist. medic. 2. *Rhodius* obseru. 9. & 10. cent. I. *Sim. Pauli* digress. de febre maligna p. m. 79. *El. Rud. Camerarius* de febre tertiana maligna. cel. *Alberti* de purpura cum febre complicata §. 12. recenset & miratur eiusmodi malignitatis epidemix exemplum.

(b) De typ. 4. & *Forestus* L. X. ob-

seru. 39. exemplum habet *Moccha* conf. 48. fol. 71. add. *Dolaus* encyclop. med. L. IV. c. 7. §. 2.

(c) L. IV. obseru. 39. comatosum affectum apoplexiæ similem obseruauit ex quartana *Bianchi* histor. hepat. p. 751. & soporem cum conuulsionibus ante manifestatum veræ quartanæ typum *Schellhammer* de natura p. 275. *Stahlius* somnolentiam in quartanæ paroxysmis innoxiam, neque cohibendam esse, notat in problem. de febrium theoria & therapia p. 19. quod cum grano salis accipiendum esse, res ipsa docet. “*Galenus* “ad II. aph. 1. quemadmodum, inquit, somnus in accessionum declinatione est utilis, si iuuet ægrum, “ita, si ipsum læserit, perniciosus est.

(d) de scorbut. p. 366.

te singultim & cum stertore fiebat, quo maxime indicio apoplexiam a caro, gradu ad illam proximo, dirimere solent auctores (e). *Nul- lis vellicationibus excitari atque reuocari ad se potuit, & si post vellicationes, punctionesque, vel post phlebotomias, scarificationes, sternutamenta, clysmata acria, cauteria, leuiter aliquando oculorum palpebras attolleret, statim tamen rursus illæ conuiebant, interdum inæqualiter, ut altera semiclausa appareret, vel manebant immotæ & apertæ sine visionis sensu.* *Idque malum quibusdam in singulis febrium accessionibus recurrebat, iisque desinentibus sponte soluebatur, etsi obtusiores tum quoque sensus viderentur, neque plane integri, sed quodam quasi stupore præoccupati:* paroxysmo etiam deinde grauius indies affligere solito. Nonnullis prima statim, vel altera talis accessio exitio fuit. Aliqui euigilarunt quidem finiendi paroxysmi tempore, sed durius longe quam ante hunc laborantes, magis alii, alii minus: continue febricitantes, somniculosi, magno stupore, immo interdum veluti catoche seu catalepsi affecti, delirantes, anxie & assidue micturientes, motibus vel haud voluntariis, vel anxiis iactati, dextro latere interdum, tanquam ab hemiplegia, immoto, vel parum mobili. Hi vero sub ingressum noui paroxysmi plerumque sopore iterum, immo sæpe apoplexia insanabili correpti, sub eo ipso, vel, quod paucioribus euenit, post aliquot demum dies, sensim exspirarunt. Complures, mature satis aduocato medico, posteaquam medicina & tempore excitati fuerunt, melioris & præcipue longioris remissionis, aut intermissionis, participes facti, medicamentis generosis ab instante paroxysmo & mortis periculo vindicati sunt. Pauci sine eiusmodi remediis, sponte naturæ, post toleratos aliquot paroxysmos soporosos, sub longo languore febris intermittens, variorumque symptomatum, vel conualuerunt sensim, vel consumti, aut relapsi, atque extincti sunt.

Vni-

(e) v. supra §. 1. Alia signa differentiae habet *Verzascha*, secundum quæ maxima certe ægrorum nostrorum ita affectorum pars apoplectica vocari deberet: primo, quod carus sensim, apoplexia repente infestet, secundo

quod in illo auditus cum aliis sensuum operationibus remaneat, ægerque punctus membrum contrahat, secus ac in apoplexia. exerc. de apoplexia §. 7.

Vnicum mihi visum est exemplum in muliercula sexagenaria, quæ quidem extra accessiones aliquantulum, post externa remedia, sensuum vigorem recepit, medicamenta vero nulla admisit, & nihilominus tandem, diu misere conflictata, rediit cum sanitate in gratiam.

Etiannum curo chirurgum, eiusdem ætatis, ruri degentem, qui non nisi emulsa, & remedia palato grata, acceptauit, & omnia nunc nauseat, dum febriculam lentam continuam, tertio quoque die exacerbata, ex grauissimo tridui sopore, post tres fere hebdomades, reliquam habet.

Noui feminam, quæ in ipso hoc veterno apoplectico, post administratam largam venæ sectionem, & admotas cantharides, peperit infantem maturum quidem, sed conuulsum statim, & mortuum. Ipsa vero, lochiis abunde profluentibus, & enato supra femur abscessu carbunculi instar nigro & sphaceloso, sub mea & chirurgi medicatione, tandem sanitati restituta est. Eiusmodi abscessus in femore, vel dorso, vel circa anum, sæpiusculum in febribus continuis & malignioribus, præsertim vbi affectus capitis & neruorum concurrunt, obseruare licet: quæ res plebi indoctæ a longo in dorsum decubitus solum, vom blossen durchliegen, suboriri creditur, atque male sæpe ac negligenter haberi solet.

§. VI.

Signa prænuntia.

Tam egregie hæ febres intermittentem, vel remittentem benignam, simulant, vt vix aliquo ex signo certo tristis euentus prænuntiari posse videatur: præcipue, quum morbi ingenium generatim non videatur malignum, sed potius innumeri, sub eodem statu epidemio, feliciter facileque, cum quauis medendi methodo, emergant, in quibus fere eadem omnia in principio notantur. Atque id

ipsum est, quod multos ita decipit (a), ut, quum vulgatum quoduis remedium, vel temerarium etiam molimen, feliciter in tot corporibus cedere videant, ibi etiam, suis fisci experimentis, vel naturæ & medelis incertis rem committere, vel vehementibus pharmacis & turbulentis ausibus ægros aggredi sustineant, ubi ipsum hoc, de quo nobis sermo est, symptoma, vel quodlibet aliud vere metuumdum est periculum. Enimvero, cum haud paucis experientia probet exemplis, epidemiarum harum febrium causam, ægros in varia discrimina, & in hoc etiam periculosissimum symptoma senilium corporum plura, & iuuenilium non nulla, improviso adducere aptam natam esse; caute utique, nec sine aliqua formidine, sub eiusmodi statu epidemio, salubritatem & securitatem febris credendam & prædicandam esse, constat. Expedit potius minutissima quævis indicia probe ubique explorare. Si usquam alibi, certe in hac fallaci benignioris morbi specie, clinica praxi opus esse videtur: hoc est, ut, quantum fieri potest, ipsos ægros medicus domi illorum diligenter inuisat (b), vel perito adiutore utatur, neque indoctorum hominum relationibus, & urinæ iudiciis incertis, fidem nimis adhibeat, ut potius totum corporis habitum rite intueri, & de tempore, modo,

(a) Apposite ill. *Stahlius* de æstu maris microcosmici th. VIII. "est, inquit qui videt, aliisque narrat, vomuisse cum euphoria vnum patientem; iam lex rogatur: *vomant omnes*. dictum factum. Forte legit in antiquis: *quæcunque febris sine sudore cesset, mala fide id facere. Sudent ergo quantocytus omnes*, ut in "perpetuum emanet,,. Ita se res cum omnibus medelis habet. Ita argumentantur homines ignari a particulari ad vniuersale, & ægros immaturis iudiciis & consiliis in errorem ducunt: immo ubi, alio loco & tempore, aliam medicationem adhibet medicus, quam quæ ipsis alibi visa est succedere, obstrepunt meden-

ti, vel clanculum obmurmurant, & suam experientiam crepant: sed o quam pauperem!

(b) Nemo verorum medicorum timere debet acuta tela, quæ in *platearum conculcatores* iaciuntur, & solos empiricos feriunt, in *Stahlii* de æstu maris microcosmici, & in eiusdem illustri auctoris scriptis variis. Est omnino, ubi plateas conculcare, vel equis vehentibus conculcandas dare, medico etiam peritissimo necessarium sit. Inexhaustæ doctrinæ liber est, quem nobis per omnem aetatem attente perlustrandum proposuimus, neque perdiscemus vnquam: *corpus humanum ægrotum singulare*.

modo, & mensura morbi, de ordine & periculis accessionum, iustos calculos inire possit. Huc illud quadrat,

- - - - *sæpe exiguus mus*
Augurium tibi triste dabit (c)

In omnibus, quotquot equidem vel vidi, vel compertos habeo, ubi hic, in quem inquirimus, affectus superuenit, in primo vel secundo statim paroxysmo, ante tertium illum periculosiorem, vel, ubi ferius malum accidere debuit, in præcedentium accessionum aliqua, *profundiolem naturali somnum* obseruatum esse cognoui. Grata sæpe res fuit amicis, sensum febris blando sopore falli persuasis. Inde vero multorum etiam per *απουεξίαν* *sensus* veluti quodam *stupore* occupatos, ut nescio quam capitis *stupiditatem* insolitam conquererentur, post *Eugalenum* experti sumus. In diversis casibus ille statim somni periculosioris prodromus ita sopiuit ægrum, ut vel ægre, & cum delirio, vel plane non, ante finitum paroxysmum vigil seruari potuerit: quantumuis postmodum *αποσάδιος*, immo vel fani instar foris obambulans.

Memini mulieris viduæ nondum quinquagenariæ, quæ in publico sub vesperam obuia facta me rogauit, ut se insequenti die inuiserem, quia febris paroxysmum tertium exspectaret. Hodie, inquit, egregie purgata sum a medicamento sub hesternam noctem sumto. Accessi altero die, & quidem rursus ocyus petitus, atque non solum impense febricitantem, sed & apoplecticæ instar immobilem & stertentem reperi: neque expergefieri vilo modo potuit, sed sensim elanguente respiratione & pulsu expirauit. Toto præcedente paroxysmo blande dormire visa erat, neque vigilias vrgere voluerant, qui adstiterunt: nescio, an potuissent.

Vrina crassa, coloris intensi, *subfusci*, lixiuii, addo etiam in quibusdam ad nigrorem vergentis, & innatante quasi *pinguedine* aliqua,

(c) - *Fracastor*, de contagione L. I. c. 3.

qua, valde etiam fœtens (d), & præsertim cum *frequenti micturitione*, & *dysuria aut stranguria*, prodiens, & tunc interdum naturali similis, hoc præcipue symptoma, vel febricofi Protei aliam mutationem minus securam, præcessit, & metuendam indicauit.

Sanguis, vena secta, floridus plerumque, & fatis æquabilis, sed cum *copiosissimo sero viridescente* prodiit: interdum *variegatos* colores ostendit. Aliquoties feri pars viscidior superius in *liquamen gelatinæ instar* coierat, in *fornicem* quasi eleuata, quum subtus pars feri, magis forte grauis, elastica, & fluida, cum intermixtis *grumis sanguinis*, patellæ adhærentibus, fluctuaret. Vbi iam inflammationis metus adfuit, *crusta* quasi pleuritica apparuit. Aliquando *verminosus* exiit sanguis, seu corruptione *) vermiculos ingenuit, forma feminis cucurbitae (e), quos ibi vidit medicus.

Sutorem quemdam nuperrime hoc malo correptum & extinctum comperi, qui diu ante de dolore hypochondrii dextri per interualla conquestus erat: quae res, quum in alio etiam aegro similiter ante aliquot annos notata fuerit, in memoriam reuocauit praedictionem Hippocratis (f): "*febres ex hypochondriorum dolore obortae malignæ sunt in his το κακώδες, profundus sopor, pessimum.*",

De *præcordiorum dolore* aliqui eum locum exponunt. Sed & haec res cum nostris obseruationibus conspirat. Plures enim eorum, quos carus deinde corripuit, *cardialgia graui*, iëtericorum & hepatitide laborantium instar, in praeunte accessione afflicti fuerunt (g): symptomate oriundo ex notissimo consensu hepatis profun-

(d) vermes per vrinam non quidem in hoc symptomate, sed in illa colica, de qua ad §. seq. aliqua dicemus, ascaridum forma, & alibi diuersimode, vidimus. conf. celeb. *Clericus* histor. lumbr. lator. p. 275. seqq. *Ruyfch.* theat. anatom. I. p. 54.

*) Quantumvis generationem æquivocam autor hic innuisse videatur, eum tamen neutiquam huic theoriæ sub-

scribere memini; multo minus sanguinem illum *verminosum* explicare valeo.

(e) conf. celeb. *Andry de la generation des vers.* c. 3. *Clericus* histor. lumbr. p. 281. seqq. *Borellus* cent. 3. obs. 4.

(f) *Coac. prænot.* II. 31.

(g) "*Claudinus* respons. 7. complures, "inquit,

fundius affecti, & ductuum biliariorum grauitur irritatorum, cum orificio ventriculi.

§. VII.

Causæ ad prænotationem cognitu utiles.

Plerumque, quod probe attendi velimus, sine expectata aut præstita coctione, & non bene iudicatis orgasmi & vergentis naturæ indicationibus, haud adeo generatim, vti vulgus arbitratur, in febrium intermittentium principio obuiis (a), *medicamentum* aliquod *purgans adsumtum* fuit, quod solum, sine vlllo fere indicio præuio, aliquos, primo vel secundo paroxysmo sequente sopori dandos, reliquit (b): quemadmodum innumeros febre duplicata, aut continua, aut lenta, aut pravis symptomatibus multauit. Neque iis tutum fuit, qui non nisi nauseam, lassitudinem, cephalalgiam, aut dorsi dolores, symptomata febris prænuntia, senserunt, aut nescio quas impuritates, sine indicatione, expurgari conseruationis causâ debere opinati sunt. Complures inde statim febre epidemia, eaque minus secunda, immo ipsi huic symptomati exposita, correptos noui *). Neque tuta fuerunt blandiora *απεθοδως* & promiscue data, licet febris, & biliosi humoris, & obstructionum, quasi alexipharmaca iactentur: rhabarbarum, ipecacuanha, puluis Cornachini

“inquit, febre *tertiana intermittente*
 “laborantes, propter febris malitiam
 “ex subsequente *cardialgia* perditos
 “vidi. „

(a) In mentem venit elegans locus ex *Patini* epist. select. volum. II. ep. 246.
 “vbi prælectionem academicam a se
 “habitam laudat, qua probauerit, in
 “febris intermittens non esse
 “purgandum, nisi præsentibus signis
 “coctionis, & ostenderit, vnde illa
 “eruenda sint, quorum optimum fit,
 “morbi & symptomatum omnium
 “imminutio. „ Egregia & magni in
 praxi vltus, si recte applicetur, doctrina! quæ, iuuentuti studiosæ instil-

lata, non potest non in vtilitatem multorum ægrorum concedere meliorem, quam laudationes, vel criminationes, morborum medelarumue indistinctæ. Sane purgatio omnis, præsertim in febribus sine signis repletionis a materia, quæ expurgari possit, vel cocta, vel turgente & ad primas excretionis vias prona, seu exitum frustra moliente, semper artis regulis aduersa fuit.

(b) Conf. *Pechlin.* eph. nat. cur. dec. I. ann. 9. & 10. obseru. 30. & nostra obseruatio particularis sexta, supra §. VI.

*) Observatio egregia, post *Werlhofii*

ni (c), pilulæ polychrestæ, & quæ contra obstructions vocantur, aloe quovis modo parata vel correctâ, solutio extracti panchymagogi cum mixtura simplici, salia cathartica, aquæ naturales purgantes (d): vbi præsertim purgationem, vt sæpe solet, strictior alius insecuta est. Vanissimum esse constat, quod aliqui prætexunt, priscos medicos, cum regulas de purgatione scriberent, non nisi fortissima pharmaca nota habuisse, leniorum ignaros. Contrarium innumeris locis testantur *Hippocratis, Galeni, Aetii, Celsi, Cælii & aliorum scripta* *).

Aliis ægrotis, ante hoc symptoma, *remedia vel potulenta spirituosâ sulfurea, & quæ bilem crassiorē agitare & ad cerebrum rapere apta sunt*, exhibita esse percepi. Spectant huc *remedia vulgi anti-pyretica* calidiora, aut caput ferientia (e), quæ in morbo securo, facili,

um in multis aliis epidemiis, uti neapolitana a *Sarcone* nuperrime adhuc confirmata.

- (c) Pulvis hic, alias comitis Warwici ac purgans febrifugum, haud immerito dictus, in febribus securioribus, etiam non expectata coctione, vbi exitum frustra affectant humores abundantes, & morbi fomes ad primas vias tendit, ceteris purgantibus pluribus palmam præripit, & vel solus curationem absoluit. v. M. *Cornachinus* singulari de hoc pulvere tractatu, siue de methodo omnes affectiones ab humoribus ortas curandi. *Helvetius in recueil de methodes* duas tertias febrium eo sanari memorat. "*Kergerus* de fermentatione p. 250. "*Cornachini*, inquit, pulverem præ ceteris purgantibus feliciter adhibui., Laudatur etiam a *Spigelio* de semitert. l. 3. c. 8. a *Fonseca* in consil. & aliis. In febribus quartanis popularibus egregie contulisse refertur a *Reinesio* epist. 58. conf. *F. Sylvius* prax. L. 1. c. 2. §. 43. seqq.

de scammoniei benignitate. add. de eius vi febres fugante pæne indubia experimentum *Dn. Closii* ap. *Blegny* zodiac. med. Gall. mens. Octobr. obseru. 2. ann. I.

- (d) egregia in multis febribus chronicis medela; hac occasione vero, ob metum etiam somnolentiae inde ipsis sanis oboriri solitae, haud secura.

*) Hisce rationibus procul dubio ductus, rarissime, nec nisi urgente manifesta indicatione, usui corticis præmisit autor evacuantia in quacunque specie febrium intermittantium, sed corticem statim per se, ne addito quidem granulo alius medicaminis exhibuit. Hancque methodum ad ultimos usque praxeos annos secutus est, quicquid *Senac* atque plures alii contraxerint. conf. *Caution. med. I. §. XV.*

- (e) v. de oleis destillatis & natiuis, febrem intermittentem subito exitiosam reddentibus, observatio *Hoyeri* in

facili, & ad fugam procliui conferre visa, inde vbique buccinatorum voce celebrantur, sed febrem difficiliorem incassum aggressa male irritant, non fugant.

Dum haec scripsi, ad hominem vacatus sum pauperem peregrinum, qui in officina coriarii laborando victitabat. Per tres hebdomadas nil nisi languorem & nauseam conquestus, variis taciturnus remediis, & *proprii lotii potu* vsus, caro tandem correptus est. Paroxysmo dudum finito vocatus, aegrum sine febre, sed valde stupefactum, & quasi balbutientem reperi. Rediit, antequam medicamenta dari potuissent, accessio, quae, post octo horarum durationem, per quatuordecim horas intermiserat. Tum vero cum febre continua, licet post horas XII. leuiter remittente, XXX. horarum spatio durans, perpetuo miserum sopore merfit.

Neque tamen negare ausim, sine eiusmodi erroribus, similem in corpore materiem, similesque motus ad translationem materiae anomalos, violentae febris impetu induci posse: vnde est, quod *proportionem violentiae insultuum expectandorum, cum viribus corporis & valetudine reliqua*, probe conferre debet medicus. Enasci potest hoc praecipue malum vbi corpus *senile* est, vbi quod ex *cholericum melancholicum* esse, vel *scorbuto calido* laborare dixeris, *biliosum simul, & succis crassis, acribus, & ad putredinem vaporiferam* pronis plenum; *neruis & visceribus, cerebro in primis ac hepate, debilioribus* instructum; *mensium & haemorrhoidum*, aut *aliorum excrementorum capiti minantium*, turbis *anomalis obnoxium; scabie & ulceribus male sanatis* corruptum; & *grauibus dietae vitiis, crassos simul & vaporibus elasticis* mixtos succos ingenerantibus, bilis anomalias foventibus, & robori viscerum insidiantibus, afflictum.

§. VIII.

in miscell. nat. cur. Dec. III. a. 3. obseru. 46. Singulare plane est, quod ibidem dec. III. a. 9. & 10. narratur “de vi lactis septuaginta septem vicibus ebulliendo in pultem cocti & die *αρυεζίας* exhibiti, vnde aegri in

“profundissimum tridui fere soporem conciderint, deinceps sponte euigilantes, & a febre sani. Insecurum si ita euentus respondet, re-
“medium.”

§. VIII.

*Ingenium tertianarum epidemiarum biliosum, ferox, capiti infensum,
& sæpe mali moris.*

Tertianæ epidemiæ non vernaes huius constitutionis cum insigni bilis ferocia, toti corpori & capiti maxime infensa, infestare consueverunt, & demonstratum profecto tum ipsæ dederunt causæ procatarcticæ, tum sectiones quorundam defunctorum (a), quas haud frequenter facere licet, tum etiam symptomata pleraque, bilis præcipue officinam, crasin, & directionem valde vitiatam. Comitata sunt eas, vel imperfecte curatas exceperunt, mala hinc præcipue oriunda plura: vomitiones enormes, anxietates intolerabiles, diarrhoeæ, dysenteriae, cardialgiæ, colicæ (b); icteri, cachexiæ, hydro-

(a) Similia iis observauimus, quæ habet *Lancif.* de nox palud. effluu. L. II. epid. I. c. 6. vbi eorum etiam sectiones recenset, qui *ex febribus apoplectico modo* decesserunt. add. *Boneti* sepulcretum L. IV. sect. I. vbi multa exempla, & sectiones corporum, ex febribus intermittentibus defunctorum, collegit, etiam obseru. 44. *ex febre comatosa*.

(b) Inter febres grassantes, & ante, & post easdem, & cum ipsis, sæpe numero cardialgiam simul & colicam, anxietate, doloribus, vomitibus, & alui adstrictione, horrendum in modum grauem, observauimus. Aemula illius fuit, quam *Aegineta* & *Auicenna*, ætate quisque sua, epidemiam annotarunt, quamque diuersi auctores sub colicæ Pictonum, vinosæ, lithargyriatæ, saturninæ, metallicæ, & alii, minus distincte, sub scorbuticæ, hæmorrhoidalis, biliosæ, conuulsivæ, arthriticæ, nominibus descripserunt. Endemie habetur Pictauensibus in Gallia, Cari-

benfibus, itemque variarum Germaniæ prouinciarum vini feracium incolis, quo nostrates referre non possumus. Metallurgis, pictoribus, figulis, & vel maxime iis familiaris est, qui vinis vtuntur, aut aliquando vsi sunt, lithargirii, vel bismuthi infectione, sine natina bonitate, limpidioribus dulcioribusque: & tunc præsertim, quando febres biliosæ regnant, & viscera abdominis sanguine scorbutico, & ad hæmorrhoides prono, turgent. Observauimus, inquam, hanc colicam frequentissime, quæ, vt cetera symptomata hic taceamus, cerebro & nervis maxime fuit infesta, & conuulsiones, deliria, cæcitates, surditates, tremores, arthritides, pareses, syncopen, immo ipsum nonnunquam carum & apoplexiam induxit. Postquam ab exiguo pressioni cardialgicæ sensu sensim incrementa cepit, difficulter tolerabilis fuit, neque tamen ante quartum, a vomitionis insultu, diem medicamento facile soluenda. Tunc vero plerumque declinare cœpit, licet

hydropes, hepatitides, quæ veræ etiam haud adeo raræ fuerunt; seu phlegmonæ seu erysipelati (c) accenseas; pleuritides dextri præcipue lateris veræ & spuria, phthises, erysipelata præsertim in capite, rheumatismi arthritici, sincopæ, deliria quasi phrenitica, conuulsiones (d), furditates (e) & abscessus aurium, dextræ imprimis, qui frequenter obtigerunt.

Hoc ipsum, de quo heic mentio fit, soporis symptoma, ad cetera comparatum, quæ immensam hominum multitudinem inuasērunt, aliquanto rarius, haud male *Eugalenus* (f) monstri aliquid alere innuit, “quandoquidem, vti ait, bilis, cuius comes, “tertiana esse solet, magis de sua natura *αρεσπνια* excitare nata “est, quam carum & soporem. Indigitat idem rationem (g), “& medendi regulam: plures, inquit, Embdæ, vbi vehemens “hic morbus propter aerem humidum & crassum, aquasque salvas “& putridas est, ab hoc caro extinctos scio. Concurrit autem non-
“nun-

cet interdum diutius, immo ad no-
num vsque diem, excruciauit, ple-
rumque postmodum ex sua indole
eodem modo aliquoties, immo sæpe
saepius, recidiua. Historiam, euen-
tum, signa, causas, curamque, &
diaetam, caute & sollicitè instituen-
dam, enarrare, & experimentis de-
monstrare, pars erit operis, quod mo-
limur, de febribus, ceterisque ex ea-
rum prosapia morbis *).

*) quod quidem nunquam prodiit.

(c) Conf. ill. F. *Hoffmanni* de hepati-
tide vera rarissima, spuria frequen-
tissima. *Bianchi* histor. hepat. p.
332. seqq. de phlegmone hepatis, p.
377. seqq. de hepatitide, & 422. de
erysipelate hepatis.

(d) Corpora duo puerilis aetatis, post
febres conuulsionibus pertinacibus ex-


animata, exhibuerunt per anatomen
in substantia cerebri tubercula dura,
globulorum, quibus milites arman-
tur plumbeorum fere forma, veluti,
quæ in phthisicorum pulmonibus
reperiri, & in vlcera abire solent.
Haec vero sine vlceratione, aut colo-
ris a cerebro diuersitate, apparebant:
quæ de re alibi vberius.

(e) Ibi egregie se gessit continuata po-
tio matutina & pomeridiana feri lim-
pidi ex lactis libris duabus aut plu-
ribus, per cremoris tartari drachmas
forte duas aut simile sal acidum co-
agulatis. Extus profuit vel solum
oleum amygdalarum amararum, ma-
ne & vesperi ad paucas guttas instil-
latum.

(f) p. 367.

(g) p. 202.

“nunquam cum febre intermittente hoc malum, quod iisdem quo-
 “que, quibus febris ipsa, signis, a melancholici humoris putrefa-
 “ctione, siue scorbuto, esse dignoscitur, cuius hic somnus sympto-
 “ma est. Curatur etiam iisdem, quibus febris, medicamentis, iux-
 “ta illud, quod sublata causa tolli quoque effectus dicitur., Enim-
 uero, quod inter nos *natiua aeris & aquarum ratio* haud ita forte
 effectum dare queat, id *stagnatione, putrefactione, variaque mutatio-
 ne per tempestates & ventos*, & ipsam maxime *singularium corporum
 naturam*, induci potuisse, tristis experientia docuit.



SECTIO SECVNDA

INDICAT CVRATIONEM REMEDIO CERTO ET OPPORTVNO TEMPESTIVAM.

§. I.

Indicatio vrgens.

“Ergo quoties, sub hoc statu epidemio, in priorum paroxys-
 “morum aliquo, ægrum maxime seniore vel debilem, sopitum
 “præter naturam, aut cardialgia afflictum, sed quæ cum febris ac-
 “cessione declinavit, aut deinde stupore aliquo occupatum observa-
 “uimus, vel urinae notauimus vitium, quale supra descriptum est,
 “vel sanguinem vena eductum variegatum, putridum, sero copio-
 “sissimo, aut in liquamen spissius, aut crustam pleuriticam, nondum
 “tamen præsentem inflammationem, coagulato abundantem, cognoui-
 “mus, vel aegroti corporis, præsertim inepto pharmaco turbati,
 “constitutionem ita, uti antea monitum est, comparatam, & hepa-
 “te maxime ac cerebro aegre affectam, iudicare licuit, ut, pro fe-
 bris vehementia, vel hic ipse, vel alius certe periculosus affectus,
 iure suspicandus esse videretur; toties nos de febre velociter fugan-
 da

da (a) confilium iniuimus, quo subito instans periculum auerteretur, velut vrgente hanc rem indicatione prophylactica vitali (b).

§. II.

Cortex peruuanus per se tutissimus uti certissime febrifugus.

Neque voro vllum ex remediis, quæ febrifuga audiunt, in tam ancipiti rerum statu, certum satis fidumque comperimus, præter vnum illum corticem Peruvianum, siue Cinchinam (a), tantope-
re

(a) confer. verba *Eugaleni* §. proxime superiori notata. *Forest.* L. 10. obs. 39. n. "si carus febrem causam habeat, febris remediis curatur. "*Campanella* medicinal. L. VI. c. 4. "art. 9. Quoniam carus non est morbus a se incipiens, sed sequitur post "epilepsiam, et post febres diras, et "alias causas, talia exhibebis remedia, qualia iubent causæ.,

(b) *Hippocr.* "Signa febris ingenio non "respondentia, abscessum nisi præ- "monstrent, malignitatem denotant., Coac. 145. v. quæ §. præcedenti de monstrosa indole cari in tertianis monuimus. add. *Restaurand.* Hippocrat. de vsu chinae chinae c. 5. vbi ad hunc locum Hippocratis notat, *sopores* intelligi, aliasque, vt ait, frigiditatis soboles, quæ, ni cito soluantur, malignitatem indicent.

(a) Dubium est, vnde barbarum corticis chinae chinae, quinae, quinquinae, kinkinae, nomen ortum ducat. Arborem *gannanaperide*, aut querango, ab incolis vocari constat, non, vt *Hermannus* vult, kinkina. *Quina* Americanis febrem designare *Blegnyus*, nescio vnde edoctus, coniicit, vnde alii quina quina febrim febris significare autumant. Similitudinem plantæ Malabaricæ, quæ ab indis ki-

na vocetur, allegat *Rains*. Ex regni *Quitensis*, quod corticis patria est, nomine corruptum vocabulum, aliqui putant. Nobis maxime probabilis fit, quæ in indice pyretologiæ *Mortoni*, & in *Bæcleri* notis ad *Hermannii* cynos. mater. med. reperitur deriuatio, ab vxore comitis *del Cinchon*, proregis Mexicani, quæ prima inter Europæos hoc medicamine curata est, idque in nostrum orbem propagauit, vnde etiam alias puluis comitissæ, &, minus barbare, *cortex Cinchina* vocatur. Nomen medicinæ, Europæis tunc ignotæ, cum familiæ illius nomine facile confundi, & radicis chinae, notæ iam tunc, sed longissime patria & natura diuersæ, titulo insigniri potuit, quæ Gallis *esquine*, siue *sqine*, mutatis similiter consonis, sonat. Ob duorum horum medicamentorum diuersitatem, quæ ab indoctis hominibus confunduntur, medici congruo magis *corticis Peruviani*, quam chinae vel chinae chinae barbaro nomine, ipsum hoc remedium, de quo loquimur, discriminare solent, relicta Chinenfi radici denominatione *chinae*, cui ob patriam melius quadrat, & semper data est, & ad distinctionem merito relinquitur.

re multis inuisam, Eius vero virtus omnium manifestissima in restituenda subido œconomia corporis, horrendis symptomatibus per paroxysmos turbata, excitare potius ad rectum usum detegendum, vel confirmandum, & contra abusus muniendum, cordatos medicos deberet, quam vt theoria vel hypothesi nimis generaliter definiente, & imperfectis de modo agendi ideis, ad vituperandum hoc diuinæ prouidentiae munus, & castrandam generoso præsidio materiam medicam febribus medentem, seduci nos patiamur (b). Innumerabilibus (c) summorum medicorum per integrum fere sæculum & vniuersam Europam repetitis, & meis etiam multiplicibus experimentis, quæ primum ante rationis inuentionem inuenienda esse, apud *Celsum* dicitur, tam persuasum habeo, quam quod in toto artis medicæ ambitu maxime: remedii huius particulas humano corpori sano, æque ac innocentissimum quoduis medicamentum moderate amarum & aromaticum subadstringens, innocuas esse, nequaquam autem per se nociuas, aut venenatas: quæ vulgi fabula est, ex male intellectis doctorum quorundam placitis, & obstetricante aliquorum medicorum errore, vel etiam consilio medicastrorum, Apolline inuito, nata & enutrita. Ad febres intermittentes, & quæ ex earum genere sunt, vere adæquata, tuta, & certa efficacitate pollet, cui nihil adhuc suppar natura, vel ars æmula, exhibuit. Taceo æque fere certam & tutissimam saltim virtutem in morbis aliis sine febre, ex viscerum & neruorum debilitate, vermibus diuersi generis, motibus circa secretiones & excretiones nonnullas anomalis, variorum corporis humorum, chyli præsertim, & bilis, & succi pancreatici, lentore, acore, & inertia, vel præcauendo orgasmo paroxystico. Enimvero in corpore sano, cuiuscunque sit ætatis & temperiei, quantumuis sat magnis, & diu repetitis dosibus adsumtus, vix vnquam motus naturales aut minuit, aut ultra naturam auget. Neque naturalia, aut necessaria sanguinis profuua sisti inde

(b) *Hippocrates* de arte: "Sunt, inquit, qui artem putant, reliquas artes turpiter incescendo dehonestare: atqui id quidem, quod putant, non consequuntur. Mihi vero inuenire

"aliquid eorum, quæ inuenta nondum sunt, aut semiperfecta ad finem perducere, scientiæ votum ac opus esse videtur.

(c) conf. infra sect. V. §. 2.

de, aut vltra modum propelli solere obſeruamus, quamquam enormia moderari (d), & moderata promoueri ſoleant. Vim blande emmenagogam, & ſimul tonicam, iſſis quibus menſes fluunt, & puerperis, vrgente neceſſitate, ſed & grauidis, rite obſeruata *euſpogia*, habituque & textura corporis, innoxiam nobiſcum obſeruauerunt alii, *Blegny* (e), *Mauviceau* (f), *Mortonus* (g), *Apinus* (h), *Freindius* (i), & qui inſtar plurium ſit, illuſtris *Bærhauius* (k), vt adeo merito ſuſpicemur, menſium & hæmorrhoidum ſuppreſſionem, quam aliqui remedio tribuere amant, febr̄i potiffimum imperſecte curatæ deberi, qua ſola id malum ſæpiſſime inductum, cortice autem ſolo medicatum, nouimus. Pro neruorum ſenſu delicatiori, & potentiori ſanguinis aſu, corporiſque & materiæ forſan morbidæ habitu, aliquando retardari vel imminui, aliquando pelli vel augere fluxum aliquem notamus, quod per ſe quidem tunc innoxium, & interdum vtile aut neceſſarium eſt, & facile medici, vſum & præparationem (l) moderantis, manu a quacunque noxa impediri poteſt, &

(d) illuſtr. *Mead.* de imperio ſolis & lunæ in corpus humanum c. 3. p. m. 384. add. de hæmorrhagiis dicta infra §. 5.

(e) *remède Anglois* p. 73.

(f) *Obſervations ſur la groſſeſſe & l'accouchement.* obſ. 272. 697. & aliis.

(g) *Exerc.* l. c. 7. p. 51.

(h) *Hiſtor. febr. epid.* p. 93. ſq. & ab eo adductum *Ledeli* testimonium in *ephem. nat. cur.* Dec. III. a. 2. p. 60.

(i) *Emmenolog.* c. 11.

(k) de medicam. facult. P. 3. c. 18. add. cl. *Bianchi* hiſtor. hepat. p. 636. ſeqq. item obſeruatio de febre puerperæ periculofiſſima copioſo corticis vſu primis diebus audacter curata apud *Schelhammer.* de natura. p. 248.

(l) Infuſio præſertim vinoſa, immo & aquea, & moderatius paratum decoctum, & extractum, vbi particulæ re-

medii magis terreſtres ſeiunctæ ſunt, blandiſſime ſine vlllo adſtriſtionis metu impellere ſolent menſium fluxum, ſicubi remoram qualemcunque eidem per remedii ſubſtantiam, circa id tempus exhibitam, inſicii poſſe vereamur, quod tamen penes pauciores conſtitutiones metuendum eſt. Hæc vero ſubſtantia ipſa ſæpiſſime, præſertim in laxiori fibrarum habitu, & ſanguine vappescente, vt in chloroſi, & languore febriculoſo obſeruatur, ap-primè promouet naturale profluuium, tono potentius reſtituto. Si quando præter morem fluxus nimius ſuboriri videatur, quem tamen remedium ipſum moderari continuato vſu conſuevit, tunc a ſanguinis miſſione, nitro, caſcarilla, millefolio, ſimilibus, ipſiſque, vbi ex re videtur, anodynis, ſubſidium mutuari licet, id quod etiam de alui fluxibus medelam interturbantibus monitum eſt,

& rite perſanato morbo ipſo nihil poſt ſe incommodi relinquere ſolet.

Ipfam alui adſtrictionem, quam timent aliqui, quia remedium adſtringens dici audiunt, vix ac ne vix quidem ſubtili ſua virtute tonica æque inducere aptus eſt cortex, ac vinum rubellum, moderate in potum ordinarium tot populis cedens, vel potio infuſi theæ & ſimilium, vel aromatum & condimentorum uſus ſolitus, vel cibus toſtus quicunque. Pro ægrotorum corporum, & materiæ morbidæ, eiſque motuum & directionis diuerſitate, modo ſoluit aluum veluti a pharmaco purgante adſumto (m), modo ſtringit aliquanto tempore, & tum, pro *εὐφορία*, vel moderari euacuationem, vel reſerare ſtricturam aliis remediis apte additis poteſt medicus, vel tempori & continuato uſui rem permittere. Plerumque enim, ſuperato ita morbo ipſo, ceſſat etiam illud ſymptoma, quemadmodum cetera omnia. Immo ſæpe ſæpius obſeruauimus, hominibus ad alui obſtructionem pronis corticis per morbos uſum feliciter ita contuliſſe, vt, peracta rite curatione, ab illa etiam moleſtia ſeſe liberatos ſenſerint.

Aduerſus febres, aliasque ægrotationes, recte adſumtus, poſt multorum etiam annorum reuolutionem nullam relinquit noxam. Immo potius, teſte *Mortono* (n) quem *πρακτικωτάτος Brunnerus* (o) *præcticorum coryphæum* (p) vocat, & teſte quotidiana experientia, “inde

(m) v. de corticis aliquanto adhuc recentioris vi natiua cathartica *Raius* hiſtor. plantar. L. 32. c. 9. p. m. 1797.

(n) Exerc. I. c. 7. pyretol. p. m. 54.

(o) De pancreate ſecundar. p. 101.

(p) Patet ex eius auctoris candidiſſimi ſcriptis & regulis practicis, vti ex ipſa felici praxi, iniquum pariter ac frigidum locum eſſe, quo, in diſſertatione Halenſi de corticis chinæ uſu febrifugo cauto & ſuſpecto, *Mortoni* nomen mali ominis eſſe dicitur, ob immerito imputatam prudentiſſi-

mo medico doctrinam indiſtincti uſus corticis in omnibus febribus continuis: quum etiam, ſicubi errauit æquo iudici deprehendatur, id non ſtatim in nominis dedecus traduci debeat. Legat ipſa viri ſcripta, legat integra, iudicet, & ſeligat, quiſquis analogia practica vti nouit. Lectores non attenti, aut iudicio practico non vtentes, abſtineant velim ab uſu omnium obſeruationum practicarum, ne ſuos deinde lapſus & errores ſcripto-ribus benemeritis, ſed male uſurpatis, imputandi occaſionem præbeant.

“inde sæpe appetitus magis firmatus, concoctio alimentorum in
 “ventriculo restituta, generi neruoso robur adiectum & habi-
 “tus corporis a statu tabido in athleticum mutatus observa-
 “tur. Quot ego ipse, inquit, post quatuor lustra annorum & quod
 “excurrit, ab usu corticis vegetos, & firma valetudine vtentes, vidi,
 “& magis athleticos, quam prius! Experientia reclamante, & rei
 “ipsius natura, nescio quam omnipotentem constringendi & ob-
 “struendi facultatem pharmaco huic inesse, commenti sunt,,

§. III.

Certa corticis efficacia cum aliis comparata.

Agnouit dudum veram hanc recte vsurpati corticis securita-
 tem, & certiolem ceteris remediis omnibus virtutem febrifugam,
 vir multiugæ experientiae Fr. *Hoffmannus*, qui, in propemptico ad
 dissertationem de china china modo operandi, usu, & abusu, “me-
 “am, inquit, si interponere licet experientiam, ingenue & aperte
 “fateor, me insignissimam non solum in febribus debellandis, sed &
 “in aliis morbis expedite curandis, deprehendisse efficaciam, vt iure
 “illud omnibus huc vsque notis medicamentis anteferre non erubes-
 “cam. Plures sane orco proximi hoc diuino auxilio seruati sunt,
 “& quos vel febres, vel ex illis alii propullulantes grauissimi mor-
 “bi, iam dudum neci dedissent, illi, auspiciatissimo euentu, sanitati
 “perfecte restituti sunt. Immo mihi nullum simplex cognitum est,
 “quod tanta virtute polleat, vel simile efficere possit. Sunt, qui
 “surrogare student alia, sed efficacia longe infeliciori, sunt quædam
 “simplicia, quibus deus & natura singulare quid, & aliis non con-
 “cessum, tribuit (a). Atque certa hæc, & suo modo vere speci-
 fica

(a) Add. Fr. *Redi* experim. nat. p. 143.
 sqq. *Celeb. M. B. Valentini* in mis-
 cell. nat. curios. Dec. III. a. 2. obser-
 uat. 123. polychr. exotic. dissert. III.
Spon obseruat. sur les febrifuges ap.
Raium in hist. plant. de gannanape-
 ride. *Ramazzin*. p. 218. opp. *Bæ-
 cler*. ad *Hermanni* cynos. mat. med.
 P. I. p. 204. seq. B. *Albinus*, diss. de

febre quartana, postquam remedia ad
 febres celebriora proposuit, salia, ter-
 rea, antimoniata, chamæmelum, che-
 lidonium maius, plantaginem, cori-
 andrum, pentaphyllum, asarum, bar-
 danam, chamædryn, carduum bene-
 dictum, verbenam, alumen, sudorife-
 ra potentissima, stercus caninum, por-
 cinum, anserinum, bufonem, eiusque

fica, huius medicamenti efficacitas, non in hyperbolicis præconum laudationibus fundata, sed ante oculos collocata, & manibus palpabilis est. Neque adeo locus est incongruenti paucorum cauillationi, qua hoc remedium hodie quidem florere dicunt, vti plura alia olim floruerint, iam oblitterata; posteriori vero ætate obliuioni rursus & contemptui datum iri. Florent adhuc florebutque perpetuo medelæ vetustæ & recentes, quarum efficacia manifesta est, & laus non opinioni, sed experientiæ debetur. Quicquid vero primis forsan temporibus obiiciat metus aut hypothesis, id in umbras inanes euanescit, vbi, progrediente experimentorum lumine, vsus ab abusu clarius distinguitur. Neque vero laudamus illum vulgarium medendi artificum neglectum, qui, veluti femellarum in vestitu nouando ingenium est, remedia, vnius pluriumue sæculorum experimentis comprobata, obsolescere plane, & vsu excidere patiuntur. Prudentiorum virorum indoles non ita variabilis, aut incuria est. Seruant omnia, veluti in thesauro accumulata, &, vbi quid negligenter habitum obseruant, studiose ex vetustis oculis repetunt, &, iustum toti materiæ medicæ pretium statuere allaborantes, tum ab encomiorum hyperbole, tum a nimii contemptus exinatione, quodlibet artis auxilium vindicare student. Manebit ergo eo magis sua recte vsurpato cortici existimatio, vti ceteris, quamuis paucis, ad certa morborum genera vere specificis medicamentis, quæ antiqua recensue industria, aut felicitas, reperit, præsertim, vbi nihil adhuc per tot sæcula inuentum est, quod, suffragante experientia, comparari mereatur, & paria pro scopis propositis æque certo præstet, quamuis sua aliarum medelarum minus certarum cuique laus merito maneat. Sunt, qui interrogant, si talia apud auctores legunt, vel dici audiunt: quid ergo veteres egerint ante repertum corticem, si-

ne

cor tostum, opiata, immo *Bouvlîi* experimento, quod apud *Raium* histor. plant. L. 9. c. 8. descriptum est, *ipsam cicutæ radicem*. Postquam deinde diaphoreticis, sanguinisque crassim restituentibus, iustas præbuit laudes, th. 22. "optima sunt, inquit, quæ

"recensui, sed postquam chinæ chinæ innotuit, multum eorum pretio
 "& æstimo decessit: licet enim optima sint, chinæ chinæ tamen æquiparari non possunt. Alia puto aliis
 "antecellere, prout ad corticis texturem propius accedunt.,"

ne quo tot febricitantes & olim conualescere debuerint, & nunc conualescant? Respondeo, quod res est: priscis medicis præstantioribus nequaquam ea infidebat fabula, quasi febres tardissime fugari, & plerumque naturæ permitti debeant, & ipsis remediis tutiores sint. *Hippocrates* (b), “si febris, inquit, tertianæ quarta occasio

“prehendat, medicamentum deorsum purgans dato. Quo, si opus “non esse videatur, penthaphylli radicem exhibe. Si ne sic quidem sedetur, trifolium & laferis succum propinato, ut sudet æger. Deinde quartanarum curationem tentandam docet purgationibus repetitis, semine hyoscyami, & mandragora, aliisque remediis, quibus febris fugari videbatur, & vomitu ex alio primum, deinde ex elleboro albo ipso: qua violentia incerta hodie opus non est. Plurimas vero antiqui curarunt febres securas, aut minus rebelles, quas etiamnum sæpissime remediis facilioribus antiquitus notis feliciter expugnamus, nisi satius esse videatur, dolores & anxietates certius leuare, quam tuto leuari possint. Eam methodum, quæ in huiusmodi morbis profuit, aut prodesse visa est, generatim omnibus febribus sufficere debere putarunt indoctiores & inexperti. Quando vero ægritudo cognitis & vñtatis medicamentis superior reperta est, id quod multoties accidit, tunc aliqui, speciosa excusatione,

te, febris, fecere deam, cæloque locarunt (c).

Iouem lapidem iurantes, quantumvis febris molestissima sit, bonam tamen, salutarem, & sacrosanctam esse, & artem fore sacrilegam, quæ illos motus reprimere anniteretur: causam vero, nescio quam, cur bonus genius ita excandescat, non nisi longis lustrationi-

(b) L. 2. de morbis. add. *Galenus* 2. de differ. febrium. c. ult. 2. ad Glauc. c. 9. sqq. *Aetius* tum vbi de febribus agit, tum etiam titulo de lethargo, loco supra ad sect. I. §. 2. not. (c) cit. vbi soporem periculosum febribus, ut ait, quotidianis, semitertianis, quartanis, accidere solitum, & maturandam curationem, describit.

Consentit, quicquid fere medicorum, ad corticis vsque inuentionem, de febribus scripsit.

(c) in thesauro inscriptionum *Gruteri* vocatur *febris magna sanctaque diua*. *Aelianus* L. XII. c. 11. *Valerius Maximus* & alii, templa deæ febre structa memorant, quam ideo colebant, ne noceret, quibus noxa comperta erat.

tionibus, multisque ægrorum suspiriis, & patientia, posse expiari. Rediit sæpius per naturæ temporisque benignitatem, per morbi ipsius incertam innocentiam, & per tolerantiam ægroto satis difficilem, sanitas: quamvis ex aduerso varii sæpe casus, multiplex discrimen, immo feralis exitus intercesserit. Quare alii viri sagaces & sinceri, artis suæ hac in re penuriam agnoscentes, & ingemiscentes, totam rerum naturam pro virili peruestigare fategerunt, vt remedium certum edomandæ morbi pertinaciæ, & præcauendis periculis & reuerfionibus, reperirent. Hinc alia ex aliis experimenta per tot sæculorum successionem factitata sunt, ambiguo cum successu, vti in tentaminibus faciundis fieri assolet.

Per varios casus artem experientia fecit (d).

Ex ipso vulgo multi, impatientes expectationis consolationisque medicæ, partim curiose arripuerunt eas res, quæ, vbi aliqua febris tandem, quacunque ex causâ, forte cessauit, datæ vel factæ postremo fuerant, quippe quæ solæ & vere iuuisse reputantur; partim ingenia sua & amicorum, cuiusque sexus & fortis, mire exercuerunt, vt artem sæpe trepidantem labantemque nouo aliquo iterum atque iterum suffulcirent consilio. Quodsi horum aliquod, quolibet de causâ, felici euentu beari visum fuit, id laudibus in cælum, supra omnes deas febres, subito extulit genuinæ logicæ ignorantia. Hinc ingens remediorum de febribus triumphantium catalogus in materiæ medicæ doctrinam irrepsit, e quibus quota pars, & quo usque, laudes adscriptas certo & constanter tueatur, iudicium sit penes

(d) *Manilius*. Vide sis, quæ paullo supra ex *Albino* adduximus, de stercore, & bufonum, & venenatæ radicis cicutæ usu ad febres, quæque *Hippocrates* de hyoscyamo & mandragora, & elleboro albo præcipit, & passim habent alii, præsertim *Paullini* pharmacopœa stercorearia, *Drecheri* Hypothese, & *Friccius* de virtute venenorum medica, vt medelas superstitione detestabiles præteream. Hinc patet, ad quem usque gradum, in ten-

taminibus audendis, horrendi februm cruciatus, & pertinacia, & earum periculi formido, procedere fecerint hos, qui, certa medicina destituti, quasi palpando in tenebris, remedium anxie anquirere opus habebant. Facile ergo, & tuto, & certo semper peragi posse februm curam, cognitis per antiquiorem experientiam medicamentis, neque certiori aliquo opus esse, credat Iudæus Apella, non ego.

nes repetitam experientiam (e). Quod veteribus, vel inuitis, contigit, id hodie aliqui volentes imitari amant, qui medicamentum vnice certum sollicitè subterfugere allaborant: nescio an militibus parum abfimiles, qui hodie non nisi balistis, catapultis, arietibus, hostium munimenta impugnare, & Alexandri, Cæsarisue, artibus bellicis militarem scientiam absolvere, conarentur: vel nautis, qui, abiecta acu magnetica, ceterisque recentioribus inuentis physicis, astronomicis, mechanicis, & hodiernis nauigationis commodis, ad veterum apparatusum naualem redire, eorumque arti nauticæ minus perfectæ, in infido oceano, merces vitasque hominum committere audent, forte ideo, quia etiamnum, partim tempestatum & scopulorum ineuitabilium iniuriis, partim hominum imperitia, aut negligentia, naufragia eueniunt.

§. IV.

Experientia circa alia febrifuga.

Nos, qui nullum eorum munerum, quibus etiam atque etiam artem ditauit deus, aspernandum esse existimamus, tum ipsum illum, quem ignari aliqui reformidant, corticem, tum pleraque, quæ huic tuto (a) surrogantur, sine præliminari opinionis iudicio, experti

(e) *Pechlin*. L. II. obs. 20. "Febris, ubi
"altius insedit, specificis, quæ vocant,
"certandum, & siue attenuantibus,
"siue figentibus medelis, fermenti fe-
"briculosi malignitas superanda. In
"illa autem tam copiosa specificorum
"commendatione, mirum est, tam
"pauca esse, quæ famam sustineant,
"& nisi noua quædam, atque alia ex
"aliis, medendi materiam instruerent,
"pene desertas fore medicorum scho-
"las,,.

(a) Abhorremus insegura, & præcipue
verum illud venenum *arsenicum*:
quod haud immerito reprobant viri
celeberrimi, *Stahlius* in obseruat. to-

to mense V. *Funkerus* conspect. me-
dic. tab. 79. p. 654. item tab. 43. p.
1076. conspectus chemiæ, cui egre-
gio operi perficiendo vires & otium
doctissimo viro aprecamur; & *Goh-
lius* act. medic. Berol. Dec. I. vol. III.
p. 90. seqq. nescio autem, an hic,
post aliquot visa exempla, *certissimum*
febrifugum iure dicat. Multis tum
per Belgium, tum per Germaniam,
chirurgis temerariis cognitum &
vsurpatum est periculosum hoc phar-
macum, quod tamen sæpe

- - *coruos delusit hiantes*,
forte, quia nescierunt artifices, quo
vsque dosis veneni intendi & repeti
possit, ne corpori pestis euadat. Fru-

stra

perti sumus: & laudabiles quidem effectus, variaque notabilia, vberius forsan aliquando referenda, reperimus. Ne de euacuantibus iam dicamus, de quibus constat, vnica sæpe sanguinis missione, vomitione, catharsi, plurimas febres superabiles esse, prædicari merentur salia (b) diuersa,

stra id datum aliquando his auribus ab ipso, qui ministrauerat, percepi, his oculis vidi, & horrui. Infelix illa quorundam a cortice Cinchina auersatio, & nociui clamores contra tutissimum illud *ισχυρον πικρον*, eiusque nauseosa præbia, seduxerunt audaculos quosdam homines, vt in ipso veneno quærerent, quod & suauius sit, & facile queat occultari, & similitudinis cum illo cortice accusari non possit, alexi pharmacum venenatæ quasi multarum febrium pertinaciae, vt, quod apud *Ausonium* est,

*si fata velint, bina
venena inuent.*

Meminerunt ex aliena experientia virium arsenici febrifugarum *Lemery Cours de Chim.* P. I. c. 10. *Wepferus* in de cicuta aquat. c. 21. histor. 13. schol. 3. & alii in *ephem. natur. cur.* Dec. 2. A. 3. p. 131. A. 5. p. 474. Item nuper I. I. M. M. P. P. (Io. Ignatius *Meyerus*,) Medic. Prof. Pragensis) in eleganti libello teutonice scripto, ventriculi apologia pro ostreis, des *Magens Bertheidigung der edlen Mustern*: vbi pag. 69. medicos dicit non vereri arsenicum aduersus febrim exhibere, idque sæpe adstipulante experientia. Nullum vero scriptorum mouimus, qui propria laudare experimenta sustinuerit, praeter *Michael. Friccium*, medicum Ulmensem, qui tractatu *de virtute venenorum medica* ann. 1702. euulgato, vsum arsenici, praecipue febrifugum, toto capite 2. operose tueri, & aliquot se drachmas iam me-

deudo consumsisse profiteri, ausus est. Valeant maligna pharmaca, & plena aleae, quum & magis exploratas, & securiores medelas, quarum praebia, quoad opus sit, augere & continuare possis, benigna largiatur natura! add. infra Sect. V. §. IV. not. k.

(b) In his ludit, vt solet, scriptor dissertationis accusatoriae de impostura corticis, quando triumphum sibi ipse decernit, vbi ne vmbra quidem victoriae apparet, si quis serius iudex, altera, vt aiunt, parte *Petri Rami* logicae vti velit, quae iudicium logicum, partem vsus *sanae rationis* praecipuam, docet. “Præcones, inquit accusator, corticis ex propria confessione facile conuinci possunt, quod ne ipsi quidem solidum quoddam subsidium in exotico hoc antifebrili quaerant: cum *liberaliter concedant*, aliis etiam antifebrilibus, v. gr. arcano duplicato, salibus absinthii, cardui benedicti, & centaurei minoris, tartaro vitriolato, aliisque talibus, febres tertianas percurari posse. Proinde *sana ratio* dictitat, illud vtique remedium, quod altero *securius solidius*, id est, *fundamentaliter* magis ac *radicaliter* febrim *exstirpat*, alteri, quod eandem tantum supprimit, vel paroxysmum vnum vel alterum suspendit, anteponendum., Aequipollet huic experientiae & ratiocinio tota disputationis dialectica, quam tamen, per saltum egregium, mathematico

diuerſa, acida (c), alcalia, media, quo febrifugum *Kergeri* (d) partim quidem terreum referimus, & nitrum, eiusque præparationes, & alumen, & præſertim alcalia ammoniaco ſociata, vnde elegans ſal volatile emergit. Ammoniacum etiam ſolum, multa iam olim experientia nobilitatum, doſi ad drachmam & ultra aucta, & ante

matico illo coronare placuit: Q.E.D. Sunt, quod mireris, homines, qui ſerio ſimiliter ratiocinantur. Muliercula quaedam pluſculos infantes ex variolis, ſponte fere conualituros, curari vidit, remediis adhibitis, aut nullis, aut minime generoſis, dum id medici *liberaliter concedunt*, immo ipſi præcipiunt. Jam ſe ſupra omnem doctorum ſcientiam ſapere rata, his fere indignatur, qui medicinam optant, huic morbo aut præcauendo, aut curando, certa efficacia conſtanter adaequatam: quippe id ſe in eius cura inueniſſe ſibi perſuadens, non quod pueri in faba. Jam ſcire ſe credit medicamenta, quibus variolæ omnes, benignæ malignæque, periculo plenæ & vacuæ, legitimæ & anomalæ, faciles & difficiles, tolerabiles vel ſecus, curari poſſint & debeant. Hanc ſolam methodum *ſecuram & ſolidam* reputat, & quæ affectum *radicitus ex fundamento exſtirpet*. Caueat iam medicus, qui ab hac propter indicationes recedere audet, ne omnis in ipſum ipſiusque remedia culpa conſiciatur, ſi, ex quauis cauſſa, vel cicatrix minima poſt morbum relinquitur.

(c) V. *Sylvius*, prax. med. append. tract. 9. §. 148. ſqq.

(d) Paratur terendo corallia rubra, & tantum cryſtallorum tartari ſenſim miſcendo, vt puluis aliquantum amaricans, & ſalinus, euadat. Ignoran-

tiam huius rei, vt plurimum aliarum, doctioribus notiſſimarum, fingere, & ſimulare videtur auctor diſſertationis paulo ſupra notatæ, quum *Hoffmanni*, *Storchii* & aliorum ſcripta, & acta Vratiſlauenſis Germanica, in vulgus propalarint. Neſcio, cur tantopere miretur, & hyperbolicum putet, ſi qua praxi vtitur, quod doctiſſimus *Kergerus*, elegantibus hitoriis firmatum, obiter narrat, in de fermentatione ſect. III. c. 3. p. 247. ſeqq. “ſe, *quatuordecim annorum ſpatio*, eiſmodi medicamine præcipiente ſalino, nulla alia “medela præuia, neque expectata “coctione, quouis morbi tempore “dato, *febres plusquam mille*, in “quouis ſexu & ætate curatiſſe., Numerus iſ, vbi populosa eſt praxis, & febres populares ſunt, tot annorum ſpatio, per eſt mediocris, & vbi haud ſunt difficiles, facile par ipſis eſt hoc remedium. Sola illæ ſæpe pauca expectatione curantur, ſi eiſmodi medelam noliſ. Plures forte quotannis in cathedra ipſe auctor, vel præceptor auctoris, curat medicamentis haud efficacioribus. Neque ergo merebatur ob id narratum, quod legenti plane ſincerum apparet, vir meritiffimus cauillationibus impeti, & impoſtoribus fucum facientibus accenſeri, cuiusmodi in eum floſculi liberaliter ſparguntur in diſſerta diſſert. §. 5. & 6. *) Conf. Caution. auctoris medic. II. §. XXVIII. not. 2.

ante aliquot paroxysmos repetita, doctissimi *Muyssi* & aliorum & nostra experientia, sæpe prodest, ea tamen etiam dosi incertum, uti cetera salia omnia. *Muyssus* ipse corticis virtutem maiorem certioreque confirmat. Inter volatilia tum camphora, tum oleum animale, quod *Dippelius* ex cornu cerui oleo fœtido parare fertur, & ex omnibus animantium partibus, antiquiori iam inuentione, fieri potest, si eo usque spiritus arte chemica extenuetur, ut repetita quindecies, aut sæpius, destillatione, nullas amplius fæces nigricantes post se relinquat, usum non spernendum habet (e). Laude sua haud indigna sunt, sed regulis de usu & abusu perquam ob-

(e) Hoc illud est medicamentum, de quo iactat *Dippelius* in vitæ animalis morbo & medicina, p. 78. seqq. omnes febres intermittentes vnica eius dosi profligari. add. dissertatio de olei animalis viribus, præcipue in epilepsia, sub præsidio celeb. Abr. *Vateri* disputata p. 27. Spes in febribus sæpe fallit. In epilepsia aliisque affectibus spasmodicis effectus, qui liquorem cornu cerui succinaturn, similesque spiritus volatiles, longe superant, etiam nos prædicamus. Exhibuimus ad guttas XXX. vel XXXX. non vna solum aut altera dosi, quod raro, nisi forte versus tempus paroxysmi felicius fieri possit, efficax obseruauimus; sed quavis vespera vel aurora, per mensem integrum, quo factum, & insequente somno placido, cum sudore blando, interdum etiam sternutatione forti, aliquot epilepticos satis vetustos curauimus, præmissis & subiunctis, quæ methodus indicabat, repetito etiam aliquoties ante lunæ vices remedio. Nihilominus haud semel frustra ita medicati sumus, causâ forsitan vel nisu naturæ, aut plane non, aut nondum superabili. Hystericis spasmodis, post rite usurpatam per

mensum limaturam martis, diuinum præstitit auxilium. Miris illis motibus vigilantium haud voluntariis, quos, adolescentibus frequentes, *Sydenhamio*, aliisque placuit choreæ S. Viti nomine salutare, quum, præmissa venæ sectione, & diuturno satius usu corticis Peruuiani, certissimæ ad hunc morbum antidoti, debilitas adhuc & spasmi leuiore superessent, cito, efficaciter, & constanter contulit *). v. de præparatione & effectibus huius remedii *Dippel.* l. c. add. dissert. inaug. celeb. *Iunckeri*, sistens obseruationes practicas de medicina quadam efficaci in motibus naturæ exacerbatis, item annales Vratislavienses tentam. 3. p. 561. seqq. tent. 15. p. 661. seqq. tentam. 21. p. 115. tentam. 32. p. 121. tent. 35. p. 134. & sigillatim tent. 9. p. 261. seqq.

*) Utrum *Fulleri* Electuarium peruian. epilepticum, supra laudatum ansam Werlhofio præbuerit, exhibendi Corticem & ad Choream S. Viti, an potius ipsius theoria, qua morbum hunc a nimio corporis incremento oriri existimabat, nescimus. Hoc quidem novimus, plurima, in hac ipsa urbe, ubi haud infrequens est mira-

obnoxia, absorbentia & terrea varia (f), & quæ ex antimonio, marte & mercurio parantur, regulinæ, vel metallicæ substantiæ adhuc vtentia connubio: sulfura & panacea antimonii, regulus medicinalis, seu febrifugum *Craanenii*, & puluis alexipharmacus *Rollwagii*, inde præcipue paratus, item crocus martis antimoniatuſ *Stahlii*, ipſe mercurius dulcis, panacea Gallorum, & his ſimilia plura. Vtilia præſtitit chamomilla, *Mortono* & *Pitcarnio* & vetuſtioribus laudata, centaurium minus, a celeberrimo *Valentino*, gentiana a *Ludouico* (g) & *Verloſchnigio*, cortex fraxini ab *Helluigio*, & *Lentilio*, qui gentianam feliciter addidit, caſcarilla a *Goelickio* (h), varii cortices a variis (i), ab aliis alia, abſinthium, carduus benedictus,

mirabilis hic morbus, proſtare argumenta viva, quæ feliciffimum hujus methodi ſucceſſum evincunt, ubi partim ſolus Cortex per plures menſes propinatus fuit, partim ope olei animalis *Dippelii* ſanatio perfecta, parvi licet illud noſtris temporibus æſtimet *Tiffot* (*Traité de l'Épilepſie*. 1770. pag. 358.)

intenderentur: quod in præſcorum auctorum imitatione maxime locum habeat, quorum experientiæ ſæpe præmature fidem derogamus, præceptis imperfecte obſervatis.

(g) qui tantillum nucis vomicæ addit, quod, nobis non exploratum, experientem ſefeſiſſe memorat *Boeclerus* in notis ad *Hermanni* cynoſuram.

(h) vel quiſquis auctor eſt diſſertationis de impoſtura corticis, eius præſidio ſuffultæ: qui ſe magnopere decipit, ſi vere credit, quod dicit: “quemlibet ipſi facile largiturum eſſe, caſcarillam non parem tantum, ſed longe tutiorem effectum intuitu febris fugandæ præſtare, quam “verus cortex., Illam chinam ſpuriam in oppido quodam pro vera venditam nouimus, & medicum non opinantem, & largiter præſcribentem, in februm curatione deceptum eſſe. Haec erat vera impoſtura in cortice.

(i) Conf. *Hellwig.* de quinquina Europæorum cortice fraxini, §. 12., quæque ibi ex *Sponio*, *Rebequio*, *Tozzio*, *Muſitano*, & aliis adducuntur.

(f) Noui myropolam, qui ea ad vncias tres, vnica doſi, aqua diluta exhibet pro ſudore. Proſuiſſe id in febribus raro comperi, materia potius male mutata & commota: vnde, quid iam certi ab his ſperandum ſit, augurari licet. Sanis, quibus ita ſudorem præcautionis cauſſa ciere placuit, innoxium fuit præbium ingens. In mentem hoc reuocat doſin *Bagliuinianam* pulueris ſtomachici *Quercetani*, ſeu *Birckmanni*, quem Angli puluerem ari compoſitum voant, ad drachmas quinque. prax. med. l. I. c. 13. §. 6. Multa ſane laudata experimenta imitatoribus non ſuccedunt, & deinde ſpernuntur, quia doſes iuſtam ad morbi cauſſam proportionem non habent, profuturæ forte, ſi magis

dictus, trifolium fibrinum, chamædrys, salvia, nux myristica, millefolium, & plura, partim æque ac ipse cortex exotica, ex amarificantium, aromaticorum, adstringentium, balsamicorum, anodynorum censu substituta. Varia his similia supersunt, velut nuces cupressi a *Lanzono*, gallæ a *Renæalmo* surrogatæ, quæ vltiori experientiae reseruamus. Fortiora stringentia alia, frustra aliis tentata, lubenter supersedimus tentare: quippe vim febrifugam in adstrictione sola, qua tali, non consistere, neque ea exhauriri, rerum natura attestante, conuicti (k). Ipsam quam communem, nempe sudoriferum

(k) *Sydenhamium*. qui expertus negat, fortissima adstringentia loco chinae adhibita, febres fugasse, refutat, & mire cautum fingit, ipse non expertus, & experiri non ausus, auctor dissertationis, propriaeside *H. Henrici* ex halensi cathedra defensæ, de usu corticis chinae febrifugo cauto & suspecto §. 16. "Oportuit, inquit, optimum illum virum talia nimis parca manu usurpasse, quum successus satis superque tentantibus responderet.,, Esse febrium remedia, ex adstringentium fortiorum & debiliorum numero, quibus successus non nunquam respondeat, nemo negat: sed ea, quae cognita sunt, longe cortice illo parum adstringente minus certa & efficacia, neque digna esse, quae illi penitus substituantur, id est, quod expertissimo viro eo facilius credi meretur, quo certius est, multa stringendi robore manifestissimo pollere, in quibus virtus febrifuga aut obscurissima, aut nulla est. Neque vllum in rerum natura medicamentum adeo simplex est, & vniformibus particulis constans, vt vnica tantum virtute, & ea quidem sine distinctione in omnes corporis partes, tot momentorum nominibus diuersas, operetur. Neque ergo sa-

niorum logicam sapit haec consequentia, si dicas: hoc remedium, quod virtute febres reprimente ad miraculum vsque certa pollet, particulas habet adstringentes, & dantur alia febrifuga, quae similibus particulis instructa sunt, & ex mea hypothesisi iis hominibus, qui mecum sentiunt, neque contradicere sciunt, aut multum disputare nolunt, ex hac sola qualitate effectus explicari, vt quidlibet ex quolibet, potest; ergo re ipsa, quidquid illud medicamentum agit, id adstringendo agit, & id cetera, quae æque aut magis adstringunt, agere, pro adstrictionis modulo, possunt & debent. Ecquid iam est a particulari ad vniuersale, ab opinione ad naturam argumentari, si hoc non est? Stringentes particulas, cortice Peruviano manifestiores, habet vitriolum, habet alumen, habent catechu, bolus Armenia, hæmatites, stypticae ferri, cupri, plumbi propagines, vinum austerum, spiritus vini fortior, fructus acerbi, combusta pleraque, ac his contraria, acetum, & acidiora omnia, opium, pilulae de cynoglossio, stercus suillum, nux moschata, cinamomum, thea, millefolium, & quae vulneria & diuretica putantur fere quæuis, rha-

ferum & febrifugum magnum *Hancokii*, & medicinam *Hoffmanni* vniversalem, caute vsurpatam, feliciter explorauimus. Experti testari possumus, hanc in rem, virtutes laudabiles aquarum naturalium diuersarum, particulis diuersis, spirituosis, sulfureis, lixiuis, falsis, nitrosis calcariis, martialibus, seleniticis, aliisque pollentium, & sinceriorum leuiorumque, & feri etiam lactis. Immo, quod *παράδοξον* *Eugalenus* & *Blancardus* iam notarunt, & variis locis in ephemeridibus curiosorum probatum est, sunt febres ex intermittentibus, vbi ipsum lac vtiliter datur (1). Externa medicamenta

rhabarbarum, ipecacuanha, aloe, pilulæ polychrestæ, & purgantia plura, & sexcenta alia. Hæccine omnia, modo dosis non nimis parca sit, æque febrim fugare dicemus, & iisdem laudibus criminationibusque, quibus chinam, afficiemus? Omnesne horum effectus a sola adstrictione deriuandos ex cathedra disputabimus, & nihil in singulis singulare esse credemus, & diuersum? Opinonum commenta delet dies, naturæ iudicia confirmat. conf. Caution. med. II. §. XXIV.

- (1) Præcipue asininum in febriculis lentis, scorbuticis, quo intermittentium indoles degenerauit, & quæ pulmonibus maxime, lienique insidiantur, haud spernendam vim habet, quam rem, post veterum obseruationes, ostenderunt *Meibomius* in de cura phthiseos per lac, & *Hoffmannus*, tum variis medicinæ consultatoriæ consiliis, tum peculiari dissertatione de mirabili lactis asinini virtute, item de saluberrimo aquarum mineralium cum lacte connubio. Moderamine & explicatione opus habet iocus *Stahlii*, "qui non dubitasse se dicit, "interroganti: quibusnam lac asinum conueniat? respondere: asinis,

"vtpote quibus ita a natura destinatum sit, vt sine illo vix educarentur,, & alia, quæ in notis ad satyram *Haruæi*, c. 6. p. 60. scribit, eaque, nisi valde fallor, *Hoffmanni*, olim collegæ, scriptis iam lectis. Numquid forsan etiam eiusdem priora opuscula, quibus corticis Peruvianæ laudes iam tum magnopere efferuntur, legisse putandus est doctissimus *Stahlius*, quando eas ex abusu facili, & sua theoria, vel nimium limitare e contrario aggressus est? Quæ in iisdem notis toto c. 7. de medicis aquariis, & de exiguo nimis vsu dicuntur, quem aquis salutaribus auctor tribuit, conferantur, si lubet, cum scriptis expertissimi *Hoffmanni* plurimis de aquarum mineralium virtute longe saluberrima, præsertim T. II. opusculorum physico medicorum collectis. Legi etiam possunt, quæ in iisdem notis ad *Haruæum* acriter in cautelas dicuntur, quod vocabulum vna pagina 217. toties fere præacute repetitur, quoties id in titulis consuetis dissertationum voluminumque *Hoffmannianorum* exstat, ne alia haud ab similia indicemus. Viros illos, vtrumque egregie doctum & meritum, eorumque discipulos, & theoria & praxi vix vnquam non habemus

menta diuerſa ſatis efficacia, thermas etiam, & aquæ dulcis balnea, ſileo, quæ ſuum ſæpe habent locum *). Id tamen hic ſincere teſtatum facimus, omnia illa, omnia, inquam, quantum adhuc reperire potuimus, quod ad certum & indubitatum effectum attinet, a cortice hoc exótico multis paraſangis exſuperari, neque ergo nobis ſufficere poſſe, aut debere, vbi magnum ſubitumue febrium ex intermittentium genere periculum timendum eſt. Probabile prudentibus quibusdam viris videtur, neceſſarium eſſe, quod, licet optabile ſit, attamen neque ratio phyſica vlla, neque prouidentiaſe oeconomia experta probat, quodque ante diluuium fortasſe verum fuit, poſtea amplius non eſt. Exiſtimant nempe, quamlibet cunque regionem ſibi ſuis medicamentis domesticis ſufficere debere. Hoc ſi ita eſſet, tunc illud quidem remedium, quod ex noſtratibus æquiparari mereatur, longius ab Europæorum ingeniorum percontatione huc vsque per tot ſæcula diſſitum manſiſſe debet, quam vaſtus ipſe oceanus, & vltima India eſt. Et quid prodeſſet nobis ita occultatus a natura theſaurus, qui, licet indigena ſit, ſerius tamen innoteſceret eo, quem alieniſſima regio profert? Diuina prouidentia, cuius nos conſilia ignoramus, & morbis hominum & medicis, & regionum abundantiaſe & commerciis, & artium ſcientiarumque incrementis, ſuos temporis ſortisque limites poſuit. Profert forſan Europa non vnum medicamentum, quod viribus corticem aut vincat, aut exæquet. Id vero, ſi quod eſt, ab oculis animisque noſtratum medicorum, licet circumquaſe ſollicite quæritantium, tam remotum ad hanc vsque ætatem eſſe permiſit deus, quam quod remotiſſimum.

§. V.

bemus diſſidentes : vnde ex vna academia, præ aliis a ſtudioſa iuuentute frequentata, velut ſchiſma medicum per Germaniam ſpargitur. Diſſenſiones doctorum theoreticas experientiaſe vnanimi officere, & iuniores medicos turbare, nolim.

*) Inter externa, quæ rarioris in gene-

re uſus penes autorem erant, nunquam veſtimenta illa in uſum vocauit, quæ in Anglia & iam in Germania uſurpantur, corticis pulvere referta (Barkwaſtcoats); nec efficaciam corticis vel in pediluvio ad tertianam adhibiti viderat, maioris forte curioſitatis quam utilitatis exemplum. vid. *Alexander's medical Eſſays* 1774.

§. V.

Usus corticis opportunus & tempestiuus, vel secus, in morbis variis.

Quemadmodum vero nihil eorum, quæ vel sano corpori innocentia sunt, vel certis morbis medentur, vniuersim ita iuuat, vt nullam noxam, pro ratione morbosæ materiæ, motuumque sub quibus ministratur, incaute adhibitum inferre possit, “neque quicquam est, cuius virtutes nullo vitiorum confinio lædi queant,, (a); ita idem de hoc febrium domitore sentiendum esse, ipsa eo magis dictat sana ratio, quo manifestior in materiem motusque morbosos efficacia est: neque vnum remedium pro febrium omnium vnica solaque panacea habere licet, ceteris artis præfidiis susque deque habitis. Nocere potius, quam iuuare posse videtur in febribus naturæ continentis (b), præcipue *επακμασινης*, inflammantis, suppurantis, catarrhalis, nisi perquam benigna sit, & fere intermittens, exanthematicæ acutæ (c), & quarum typus, nullo adhuc remedio specifico reperto, ante sui temporis decursum est insuperabilis: quamuis periodis quotidianis, vel vagis (d) intermittentium indolem

men-

(a) *Plinius* in panegyrico.

(b) Quo vocabulo semper perperam vtitur *Mortonus*. Continentes enim febres, quas ipse periodicas esse vult, *συνοχοι* ab antiquis dictæ, nullas habent periodos, sed vno tenore progrediuntur. Quod ille his tribuit continuarum nomen, id figillatim *συνεχες* periodicis magis competit. Sed in verbis faciles esse decet, qui in re consentiunt.

(c) Nihil tamen contra indicant, si febris ex intermittentium genere iungantur, purpura scorbutica, aut vrticatio: neque si intermittentibus, siue febris continentis consortio, purpura aut petechiae *συμπωματικως* su-

perueniant: quod præcipue in statu epidemio maligniori, & corporibus scorbutico corruptis, euenire notauimus, vbi tamen felicissime datus est cortex.

(d) v. *Ramazzinus* de abusu chinae chinae oper. p. 229. sq. & ibi adducta exempla *Sydenham.* de nouae febris ingressu. opp. p. m. 665. sq. *Bianchi* histor. hepat. p. 748. *Morton.* pyretol. tract. III. c. 7. p. m. 54. *conf. flit. epid. Vratist.* miscell. nat. cur. dec. III. ann. 9. & 10. append. conf. cl. *Cohausen* toto. c. I. ill. *Bergerus* in chinchina ab iniquis iudiciis vindicata §. 12. conf. & Caution. med. 1. §. XII.

mentiantur (e) vel ex illarum genere per transmutationem natae sint (f). Neque, si vel maxime ex acuta eiusmodi, & vera intermittente vel remittente febre admixta, duplicatus morbus, qui verus hemitritæus est (g), appareat, corticem præbere licet, ante alterius febris, quæ alienæ indolis est, declinationem. (*) Idem vero acutorum morborum reliquiis extirpandis, & restituendæ transpirationi insensibili, utiliter adhibetur, & egregium naturæ robur addit, & lentæ tabificæque ægritudinis metum, & periculi reuersiones, præcidere solet. Pertinet ad alienos ab usu huius remedii morbos, grauis quilibet & increescens paroxysmus febris, etiamsi intermittens, qui morbus est sui generis celerrimus, cuius nondum repertum est remedium, quod præsentem tollat: quamlibet declinationis tempus, & minores neque metuendæ accessiones, vbi grauior deinceps alia timetur, & ruens hora vrget, contrarium vsui nihil indicent: præcipue, quia remedii dosis non eo statim momento, quo adsumpta est, quemcunque suum effectum exserit, sed, ineunte accessionis declinatione data, sensim digeri a natura, & insensibili efficaciae incremento, postmodum in usum corporis conuerti, & manifeste operari solet (h). Paroxysmis nocturnis aut erraticis, qui ex induratis alicubi glandulis, aut visceribus, aut ex solo scorbutico, aut venerea labe, aut vlceratis externis vel internis corporis partibus, febrium intermittentium instar, nascuntur, nihil cortex memorabile pro-

(e) Vnde abscessum expectandum monet *Hippocrates* in *Coacis*.

(f) *Morton*. exercit. 2. c. 1. p. 107. sq. c. 5. p. 114. *Ramazzinus* p. 228. *Lancisius* de nox. palud. effl. L. II. epid. 1. c. 8. sect. 2. §. 1. *Bianchi*. p. 629. & passim.

(g) v. omnino *Spigelius* de semitertiana, operum T. II. *Boneti* sepulcret. L. III. sect. 1. obs. 31. & ibi notæ *Mangeti*.

(*) Neque vltimis ante mortem diebus mentem mutauit praeceptor quoad

usum Corticis in acutis-exanthematicis-continuis, licet assiduo legerit quæ schola viennensis detexerat, & in hac ipsa vrbe passim iam experientiae conformia ab aliis deprehendebantur. conf. §. V. sect. II.

(h) In ipso paroxysmo cortice vti iubent illi. *Lentilius* miscell. med. pract. P. 1. p. 245. seqq. *Crugius* ephem. nat. cur. dec. 2. a. 10. obseru. 2. ibid. dec. 3. a. 9. & 10. obs. 52. *Blauuius*, cuius methodus elegans videtur, & plures alii.

prodest. Vbi autem febris epidemia se immiscuit, hanc innoxie profligatam nouimus, dum alter morbus suis remediis, vel miscendis, vel subiungendis, relictus est, nihilo aut facilius, aut difficilius sanabilis, quam antea. Quæ vlceribus viscerum, partiumque aliarum, & suppuratis tuberculis, morbisque tabificis, superueniunt febres intermittentes veræ, sed putridæ dictæ ob corporis partium putredinem febricoso fomiti *αναλογαν*, bene quidem tolerant corticem, & sæpe pro leuamine, & protrahenda vita, exposcunt; raro autem eodem constanter & penitus eradicantur: nisi vbi læsio minus profunda est, & admixtis, aut interiectis, ex arte remediis aliis idoneis medicabilis, vel a materia forsan febrili originem ducit, & tunc etiam ante insanabilem corruptelam mature curatur (i). Alias vero vix ac ne vix quidem alio medicamento, aut sine hoc ipso, curari solent, sed *Hippocratis* (k) implere prædictionem, qui febres notat, licet maxime aliis securas, tabidis tamen exitiosas. Nocere videtur cortex in morbis spasticis & conuulsivis continentibus, & augescentibus, eorumque ipsis præsentibus & incrementibus paroxysmis; quamuis, simulac remissiones notabiles vel intermissiones adsunt, si qua est mali causa per naturæ vel artis virtutem superabilis, robur naturæ addendo, lentorem corrigendo, noxios motus præuertendo, & orgasmum in herba suffocando, egregie adiuuet. Immo iuuat sæpe eos, qui strictura spastica quarundam partium particulari affecti sunt, vbi præcipue ductus biliarii, pancreaticus, & villi ventriculi, & intestinorum, & tubuli renales, genusque vasorum sanguinem & lympham vehentium, & neruorum, præsertim circa venæ portæ, & aortæ descendens, intra viscera abdominis propagationem, tono nihilo minus laxiori laborant. In hæmorrhagiis modum excedentibus placide moderandis, & sine præpotente, ultra tonum naturalem, adstrictione compescendis, post plethoram imminutam, & spasmorum impetum resolutum, extra nimii orgasmi tempus, præstat hoc remedium: nisi forte vulneratio grauis, vel visce-

(i) v. omnino *Morton*. phthisiol. L. 2.

c. 10. p. 75. & c. 14. p. 125. sqq. add.

Lentilius iatromnem. P. 2. c. 27.

p. 270. sqq. & auctores sub nota seq.

(b) adducendi.

(k) epid. L. r. sect. r.

visceris scirrhus, aut ingens infarctus, vel profunda nimis craseos sanguineæ resolutio, vel res toto genere aliena, subfit; quemadmodum vbi calculus, mola, secundina, aut abortus insuperabilis, exitum molitur. In alui fluxibus & vomitionibus, sub pari cautione, confert: vti sæpe nocet, si male cortex & solitarius adhibeatur, vbi, ob spasmorum & turgentis humoris ferociam, prodesse nequit (1). Neque vero in morbis chronicis, quorum specifica antidotus non est, ita prodesse solet, vt aliis magis interdum aptis remediis non cedat; licet ibi etiam haud minora sæpe præstet, quam blandè tonica, & ἐνφραντικά alia, quæ ipsa etiam febrifuga esse, experientia comprobauit.

§. VI.

Morbi chronici ex genere febrium intermittentium.

Quod si vero chronici affectus ex febrili materia nati, vel cum eadem adhuc misti sunt, vix est, quod cum corticis virtute comparari possit. Spectant huc, qui antiquitus (a) sæpe post febres notati sunt morbi, phthises (b), arthritides

(1) v. exemplum erroris *Talborii* empirici ap. *Blegny* p. 74.

(a) v. locus *Hippocratis* supra ad §. IV. not. (g).

(b) *Morton*. phthisiol. c. 12. p. 127. phthisin a nulla alia febre frequentius, quam ab intermittente, originem duxisse obseruauit, maxime vbi, ob efficacium medicamentorum neglectum, chronica euasit; ab eiusmodi autem phthisi plures solo cortice curatos, aliis medelis insanabiles: cuius rei etiam nos exempla varia vidimus. Sufficiant, quae adducit hic auctor l. c. item de phthisi ab arthritide & rheumatismo c. 2. de phthisi ab haemoptoe c. 5. *Brunnerus* de pancr. secund. l. c. *Valentini* de febre haemoptoica: idem in tract. de china china c. 2. §. 6. de phthisi asth-

matica febrili: *Blakmore of consumption*, & quae inde de tabe Anglica excerpfit *Cohausen* c. 12. p. 98. Conferantur haec, & tota illa aurea phthisiologia *Mortoni*, quaeque tot ac tanti viri obseruarunt, & vetustus ille *Bennetus*, in theatro tabidorum, alique corticis inuentione antiquiores Angli, de tabis inter suos magna frequentia, & causis manifestis, clare docent, & experimentis vberime demonstrant, cum illa obscure indigari visa, certe non credibili, doctissimi *Stahlii* suspicione, qua nouum corticis inter Anglos usum in partem culpae tabis adeo ibi frequentis accire velle, disputationis causa, & nouitatum medicarum numerum augere quibusdam videtur, in *disputatione de nouitatibus medicis*. §. 53. Quæ

des (c), cachexiæ, & ipsi tumores hydropici, præcipue humidi (d), ex male curata febre nati, vel eidem iuncti, etiam si cortici ab ignara plebe, immo a medicorum quorundam opinione, sæpe imputentur. Eueniunt illa mala, vti olim, ita hodieque, post febres grauiiores, & quia hodie pluribus, qui diu aut grauiter febricitarunt, tandem quocunque modo, apte vel inepte, aliquando cortex datur, turbæ statim indoctæ pars huic medicamento, quod barbare nominare scit, rem imputat, quia veras causas non intelligit, & inepta illa persuasio de febrium securitate absoluta viget, & quorundam medentium opinio, vel vtilitas, vel ambitio, adstipulatur. Atqui vero, quod viri experientes sciunt, & sinceri profitentur, præmissis vel additis, quibus opus esse, medendi methodus quemlibet peritum medicum docet, omnem ibi paginam iuuando implet cortex, vbi tot nociuis de noxa iudiciis male mulctatur. De phthisi febrili ad aliorum obseruationes plurimas dudum in publicum editas prouoco. De arthritide exemplum breuiter narrare lubet.

Femina aliquot ultra quadraginta annos nata, menstruis semper paucis & anomalis vsa, habitu corporis aliquantum tumido, rarius appetens, nauseosa, & vomitibus biliosis quouis fere mane inde ab octo annis infestata, & artuum doloribus vagis sæpe exercitata, ante hoc triennium & amplius curata erat corticis maxime ope, a febre tertiana haud secura, cum violentis motibus & continuitate.

Mu-

Quæ male vsurpati corticis vitia, ex alienis & empiricis experimentis, vir ille acutissimus obseruauit, ea quidam eius sectatores, forte præter ipsius consilium, ipsi remedio male imputant, & abutuntur illo pythagorico: *αὐτός εῖπα*.

(c) *Hippocr.* aphorism. 44. L. 4. "Qui ex febre longa laborant, iis tumores aut dolores in articulis oboriuntur.

(d) H. *Meibom.* de hydrope ascite §. 50. "Febres intermittentes tertia-

næ, quotidianæ, quartanæ diu durantes, ac si multum in iis bibant ægri, nec tamen diaphoresis & diuresis recte succedat, in cachexiam & hydropem definunt, quod iam tum ex Græcis Hippocrates, ex latinis Celsus indigitauit, in his vero septentrionalibus locis experientia frequens testatur, præsertim in plebeiis, qui medicamenta recte adhibere non potuerunt, & in illis, qui per febrifuga male tractati sunt,,"

Muliercularum consiliis tunc turbata, vix ac ne vix quidem tam diu remedium fumere voluit, quam ex usu fuisset. Valuit tamen sine febris meliuscule per biennium fere. Interea menses per ætatem cessare incipiunt. Autumno superioris anni corripitur, æque ac tum quidem plures, neque febrem antea neque corticem experti, continua febre, cum arthritide vaga, quam inepti ex sequiori sexu censes, corticem ipsum esse mustitabant, ante biennium assumtum, cuius substantia adhuc in artubus hæreret. Quum per tres hebdomades, sub diaphoreticorum & demulcentium remediorum usu, & iusto regimine, typum rite observassem, quartanam duplicem subesse notavi. Satis igitur observabilis remissionis occasione arrepta, exhibeo corticem cum lumbricorum terrestrium pulvere, & post profligatam febrem, addita ari radice, continuare, & per iusta, ut deinde dicetur, intervalla, diuersis pro re nata formulis, in infuso etiam denique vinoso, repetere iubeo obsequiosam ægram. Evanuit inde perpetuo & febris & arthritidis, redierunt lento gradu semel & iterum menses, appetitus viget, vomitus matutinus omnino cessavit, habitus corporis viuidior est, membra maius robur habent, & vana femellarum ridentur iudicia (e).

Multos vidi ex aliorum impotentiorum remediorum usu, interdum etiam methodico (f), cachecticos & hydropicos (g), & tympaniticos (h) quidem plerumque immedicabiles; nullum ex genuina corticis dandi methodo.

Histo-

(e) conf. *Morton. phthisiol. c. de phthisi arthritica. Lister. exercit. de arthrit. Deidier. diss. de arthritide. Eph. N. C. passim.*

(f) *H. Meibom. de febr. interm. epid. §. 37. "si diu durent febres intermittentes tertianæ & quartanæ, frequenter, frustra etiam contra nitentibus medicis, cachexiam, scorbutum & tandem hydropem difficulter curabilem, post se relinquunt, Scripta est ea dissertatio anno cccclxxvii. quum vix in iis*

oris cortex usurparetur, quem postmodum summo illi viro feliciter in usu fuisse, & scripta & discipuli, quorum plures nouimus, testantur.

(g) Conf. exemplum elegans in *Weisbachii praxi Stahlianæ edit. nouiss. c. de hydrop. & plura apud Restaurand. in Hippocr. de usu chinæ chinæ c. 12. & Morton. phthisiol. P. II. c. 12. histor. 3.*

(h) Nuperrime demum in manus nostras incidit dissertatio παραλογος de corticis usu noxio, quamuis recto, sub

Historia *Rombergii*, medici campestris Palatini (i), “de le-
 “gione pedestri, vbi ex quadringentis fere militibus, chirurgi ope,
 “profecto haud methodica, per simplicem chinam bis in die ad
 “drachmam & vltra datam, curatis, nullus non post aliquot doses
 “hydropicus euasit, cum omnimoda virium prostratione, & post
 “breue tempus *redeunte febre*,, dubium facit, num a febris inge-
 nio, an a diætæ & potus vitiis, an ab inepta purgatione, medica-
 stris consueta in febribus, cachexiæ & hydropis matre, an ab omis-
 sis vel male institutis, quæ indicabantur, euacuationibus, an ab im-
 perfecta per remedium febrifugum medela, nocumentum illatum sit,
 quod ab hac *aperistodia*, vti ab alia quauis, fieri posse, idemtidem ex-
 perti concedimus: certe a legitima per corticem cura, & ab ipso
 medicamento, morbus ortum non duxit. Curauit ipse *Rombergius*
 horum militum plurimos per remedia maxime *purgantia valida* hy-
 dragoga, & aperitiua; multi vero, vbi malum altiores radices egit,
 curam peruersam morte luerunt (k).

Hinc

sub cl. *Gœlickii* præsidio defensa.
 Ibi §. 10. puero quinquenni, post vni-
 cam corticis dosin empirice datam,
 postera die tympaniticum abdominis
 tumorem ægerrime superabilem ob-
 ortum esse refert. Vnde is obortus
 fit, ex manca illa historia diuinare
 non licet. Inde vero vanissimus sta-
 tim, sine villo alio argumento aut ex-
 perimento, pronuntiatur aphoris-
 mus: ætatem infantilem ac pueri-
 lem omnem a corticis vsu penitus
 “abhorrere, etiam recto. Ex vngue
 leonem! Contra arguunt virorum il-
 lustrum, quos passim pro recto cor-
 ticis vsu testes aduocauimus, scripta
 & obseruationes. Verbi causa v. *Len-
 tilius* in eteodromo, p. 292. 302. 1349.
Sydenham. in processu morborum cu-
 randorum p. m. 724. *Wedelius* de
 morbis infantum c. 34. Mihi præsto

sunt historiæ plures, vbertim aliquan-
 do enarrandæ, vbi empiricas, immo
 methodicas, sine cortice curationes,
 & febres sponte naturæ cessantes, in
 secutus est tympanites.

(i) miscellan. natur. curios. Dec. III.
 A. 9. 10.

(k) Nescio an totius rei, & diuersi suc-
 cessus, rationem ex *Sydenhamio* hau-
 rire liceat, cui profecto experientia
 & ratio assentit, eosque, qui regulam
 spernunt, infelicitis sæpe erroris ar-
 guit. Is auctor in de morbis acutis
 c. 5. p. m. 119. sq. scribit: “raro in-
 “uenes obsidet hydrops post febres in-
 “termittentes, nisi *catharticis* per fe-
 “bris decursum sæpenumero iteratis
 “eundem accersuerint. Verum *ape-
 “rientium* & *catharticorum* vsu faci-
 “le sanatur, si modo recens est. Ve-
 “rum-

Hinc iudicanda sunt exempla, si qua sunt, alia, vbi aliena culpa innocuæ medicinæ imputatur (1). Artem ipsam vel medelam quamuis ream facere quilibet potest, nocentem nemo, vbi artifices male medentes deliquerunt. In promptu mihi sunt exempla propriæ experientiæ complura, vbi cachecticos, & hydrope ex imperfecta qualibet febris cura laborantes, iusta methodo, & corticis imprimis assiduo vsu, feliciter sanavi, rubore suffusis amicis, qui id forte remedium eiusmodi malo præcipue noxium, vana persuasione ducti, pronuntiauerant.

Quarta nunc agitur hebdomas, quod medicum me adsciuit mulier agrestis nondum quadragenaria, quæ a biennio quartanam toleravit, & ab eo fere tempore afflicta fuit mensium obstructione, & tumore hydropico, & dysuria urinæ lixiuæ. Ingentem in molem asciticam abdomen sensim intumuerat, crura & femora cum dorso aqua distendebantur, turgebat ipsa facies, incessum fere prohibebant moles corporis, respiratio anhela, & lassitudo, typum febris seruabat immota, & medicastrorum, quos passim misella consuluit, *σκανδαλον* plane manebant hydrops & quartana. Mirum in modum imminutus est tumor, abdomine tantum non penitus subside, & femoribus valde emollitis, posteaquam ter mane, ante paroxysmum pomeridianum, aquas hydropicas eo die maxime tur-

gen-

“rum tamen obseruavi, *frustra esse*,
 “si quis eum hydropem *medicamen-*
 “*tis purgantibus* tollere conetur, *fe-*
 “*bre illa adhuc durante*. Febris enim
 “hoc pacto radices profundius agere
 “deprehendetur,, *non autem amo-*
 “*uebitur hydrops*. Atqui *Rombergius*
 febrem post breue tempus his ipsis
 hydropicis rediisse notat, neque ta-
 men de obseruato methodi discrimine
 verbulum monet. add. *Spon. in Bleg-*
ny zodiaco a. 2. m. Ianuar. quæst. 8.
 quam ob rem febricantibus pedes,
 manus, & vultus intumescant?

(1) conf. *Listeri* exercit. de hydrope
 p. 2. vbi frequentiam hydropicorum,
 per Angliam tunc obseruatam, a po-
 tibus spirituosiss & falsis ingurgitatis
 deriuare instituit, ceteras causas suo
 tempore rariores esse ostendens. Ibi
 vero etiam de febribus intermitten-
 tibus, a decennio tunc parcius gra-
 fatis, “vbi, inquit, iis iam homines
 “afficiuntur, cito & tuto iam curari
 “solent notissimo remedio ex cortice
 “Peruiano, sine metu hydropiseos
 “alicuius,,. Ipse locus integer con-
 feratur cum notatis a *Stahlio* nouitat.
 medic. §. 55.

gentes, aquæ benedictæ *Rulandi* (m) vncia una cum dimidia *αρω καὶ κατω* euacuauimus; erumpente etiam a tertio demum paroxysmo sudore, qui antea semper suppressus manserat, dum materia per singulos paroxysmos commota quidem fuit, sed in hydropis augmentum cessit. Ab eo tempore vsa est ægra electario ex cortice Peruuiano, radice helenii, sale ammoniaco, vitriolo martis, & rob iuniperi, eo cum successu, vt febris fugata sit, faciei viuulus redeat color, respiratio libera euaserit, vrina limpidior, & longe potu assumto copiosior profluat, abdomen plane detumuerit, femora & crura indies magis detumescant, molimina mensium in dorso & abdomine sentiantur, neque dubitemus, quin continuato & repetito ad morem nostrum remedio, integre & constanter conualitura sit, quod in tot aliis similiter laborantibus contigit. Desinimus iam primum cortice uti, & post eius usum statim copiose, & cum *ευφορία*, & manifesto tumoris decremento, coctos humores purgauimus succo ex iridis nostratis recentis vnciiis quatuor subtilissime rasis, & parum maceratis in aquæ fœniculi vnciiis duabus, expresso, cum pauco saccharo: quod cuiusdam pastoris sacri remedium quasi arcanum esse scimus, quo ille, diuersimode forte mutatis per cinamomi aliæque aromatis pauxillum, odore & sapore, famam multam, & pecuniam, & ægrorum sæpiuscule salutem lucratus est, & hanc nos aliquoties lucrati sumus, aliis ex arte medelis opitulantibus.

Prostant passim apud auctores eiusmodi commatis obseruationes. Sufficiat nunc vna viri summi, *Brunneri*, archiatri Palatini, qua, curato per copiosam a cortice diuresin hydrope, noxiæ stringendi facultatis crimen ab eo medicamine amoliri satagit (n). Idem esto

(m) v. *Sydenham*. de hydrop. p. m. 617. quicquid experto obloquatur, qui amicus non fuit, *Listerus* in de hydrope. p. 21. Id quidem remedium præ hydragogis ceteris tum conuenit, quando febris coniuncta est, quæ ceteris irritari solet. v. nota k.

(n) *Ephem. nat. cur. nouiss. vol. I.* obseruat. 128. Add. aliæ fere similes *Franci*, decur. 3. a. 7. & 8. obseruat. 110. conf. *Restaurandi* Hippocr. de usu chinæ chinæ c. 12. de curatione hydropis, succedentis febribus opo chinæ chinæ. *Celeb. Boecler.* in not.

esto iudicium de *ictero*, quem, febrili similis fomitis indicia exhibentem, æque fere certo, ac ipsas febres intermittentes, per corticem febrifugum tolli, peculiari dissertatione, & plurium observationum practicarum testimonio, haud ita pridem confirmavit cl. Alex. *Camerarius* (o), & nos iam ante decennium, & sæpius deinde, & nuperime rursus, comperimus. Ita sane affectus, ex febris intermittentis prosapia degeneres, sub statu epidemio febricoso frequentissimos, innumerabilibus modis fucum facientes, detracta per sagacis medici iudicium larua, solitarius cortex, vel apte mixtus, expedite ad sanitatem perducit: nisi aliquid nimis alienum sit, quod prohibeat usum, vel tantisper suspendat. Homines vero ignari quid sit constitutio epidemia, quid febrium indoles versatilis,

cui nomina mille,

Mille nocendi artes (p),

vbi medicus aduersus illam, sub alius morbi specie occultam, remedium febris proprie dicatum prudenter adhibet, pro panacea id venditari frustra suspicantur.

§. VII.

Usus opportunus, vel secus, in febribus ex genere intermittentium.

Febres quidem *intermittentes veras*, & quæ vere ex earum genere solitario sunt, *continuas* omnes, vbi notabiles longasque satis remissiones habent, certo, tuto, & constanter, si quid aliud, sanat cortex, recte, mature, & tempestiue datus; nisi forte rarior loci, aeris, aut corporis constitutio alicubi obstet, cui tamen nullus dubitauerim, quin præparatione & additione, vel præmissis aut subiunctis aliis adminiculis, feliciter accommodari possit. Pertinent etiam ad eius remedii ditionem *semitertianæ nothæ* (a), quæ alienæ

ad Hermann. cynos. mater. medic.
 “plures, inquit, hydrope febres, ab
 “empiricis & famulis chirurgorum
 “male curatas, insequente iam labo-
 “rantes, vbi tamen aliquid febrilis
 “adhuc suberat, hoc cortice a febre li-
 “beraui, & additis simul aliis seruaui.

(o) exercit. qua corticis usus a febre ad ictum extenditur.

(p) *Virgilius*.

(a) v. *Restaurandi* Hippocrates de usu chinæ chinæ c. 11. ill. *Lentilius* in eteodromo, vbi indices semitertianæ curam indicant. *Mangetus* biblioth.

phar-

alienæ indolis febrem admixtam non habent, *tertianæ continuæ duplices* potius nominandæ, quum non nisi ex duobus, vel pluribus, tertianæ febris paroxysmis compositæ sint, qui longitudine sua, vel exiguarum accessionum intercurrentium multitudine, impediunt, quo minus perfectam intermissionem persentiri liceat. Sæpissime sub hoc statu epidemio febrium, qui manifeste, verno certe & æstiuo & autumnali tempore, ex intermittentium indole fuit, febrem vel ab initio intermittentem, sed quæ duplicatis longisue paroxysmis in continuum typum degeneraret, vel statim etiam continuam, periodis tamen intermittentium epidemiarum similibus clare distinctam, obseruauimus. Tunc vero, vbi vel periculum, vel morbi difficilem tolerantiam timendi, ex horrendis accessionum symptomatis, morbi augmento, habitu corporis, & exemplis analogis, iusta causa fuit, corticem secure semper & feliciter ex methodo dedimus: dummodo tempus *remissionis diuturnum satis*, & *perquam notabile*, & *sine grauioribus symptomatibus, inflammationis* factæ, aut *abscessus* fientis, aut *morbi alieni* commixti, vel exorti, signis fuit, & dum ipsi *paroxysmi* præcipui, in incremento & statu, *ad declinationem* & *interualla* mitiora comparati, insigniter grauius ægros affligerunt (b). Huius modi generis fuisse videntur, quas hemitritæos, pestilentes, malignas, inflammatorias, continentes notarunt *Apinus* (c), *Heluetius* (d), *Mortonus* (e), *Lancisus* (f), alii-

pharmac. voce quinquina. Alii auctores complures semitertianæ vocabulo hac notione vtuntur. conf. Cautio. medic. II. §. II.

(b) His, quæ tamen experienti obseruatu haud difficilia sunt, non obseruatis, & solo febris qualitercunque remittentis nomine pro indicatione sumto, incidere potest medicus in censuram haud iniquam *Freindii* comm. ad. Hippocr. epid. p. 124. "Febre inualescente, & cerebrum occupante, deliria, neruorumque diffentiones, si non accerfi, saltem haud arceri, experiuntur ii, qui in

"febris acutis nihil nisi *serpentariæ radicem*, *salemque de cornu ceruino* & similia amant ingerere. "Idem accidere solet, vbi in *febris remittentibus corticem Peruvianum* importunius adhiberi contigerit."

(c) in histor. febr. epidem. passim.

(d) *methode de guerir les fieures sans rien prendre par la bouche* p. 17. 25. & *recueil de methodes* p. 30. 145. seq.

(e) Exercit. II. c. 3. 8.

(f) Li. II. epid. I. c. 9. §. 2.

alique (g), quibus tamen corticis vsum salutarem repererunt (h). Certe vbi vere tales vel a principio fuisse vel progressu temporis iamiam euasisse, febres, obseruare datum est, nos quidem ab hoc remedio abstinere, & tamquam feбри acutæ & continenti mederi, satius esse duximus, donèc forsan, declinationis tempore, naturam morbi ex intermittentium genere esse constet, & sine formidine cura febrifuga institui possit. Immo, in tertianis ad continentium, & malignarum indolem pronis, mature vsurpato cortice præpeditur, quo minus, accedente inflammatione, & typo continente, periculosissimus morbus, hemitritæus verus, nascatur, & tot circa cadauera obseruationibus ansam præbeat, quot collegit *Spigelius* ante huius medelæ certæ inventionem (i). Qui abundant humores, vel cocti, vel si crudi etiam impetum vanum & haud sufficientem ad excretionum loca faciunt (k), ante remedii vsum proscribi debent. Vbi viscera obstructa & indurata sunt, vbi morbi chronici complicantur, vbi humorum neque coctorum, neque turgentium, abundantia

(g) conf. *Bianchi* hist. hepat. p. 277. sqq. 283.

(h) nisi forte infusiones aqueæ temperatæ, extracta aquosa, & enemata, quibus auctores illi experientissimi in eiusmodi casibus vfi sunt, etiam in febribus malignis, continentibus, inflammantibus, similibusque, tuto vsurpari possunt, quod aliorum experientiæ committimus.

(i) v. eius opus egregium de febre semitertiana. De his omnibus plerique auctores, quos corticis vsum laudasse passim heic notauimus, plene & distincte satis egisse videntur, quos, qui evoluerit, & recte intellexerit, fere omnes consentientes reperiet. v. præcipue *Tozzi* ad aphorismos Hippocratis, *Torti* therapeutica specialis, *Lancisi* de noxiis paludum effluuiis, *Bianchi* historia hepatis,

Hæluetii recueil de methodes, *Mortoni* pyretologia, *Pitcarnii* elementa medicinæ & dissertationes, *Boerhauii* de cognoscendis & curandis morbis & de viribus medicamentorum, *Bergeri* chinchina ab iniquis iudiciis vindicata, & idem de inflammatione, *Valentini* polychresta exotica, *Cohausii* archeus febrium faber.

(k) Doctrinam vniuersam de coctione, cruditate, & orgasmo, incomparabilis in arte medica vtilitatis, peculiari dissertatione, operi *de febribus & morbis febrilibus* inferenda, explicatam luculenter dare laborabimus. Verus est Hippocratis aphorismus: *cocta euacuanda sunt, non cruda, nisi turgeant*. Atque is latissime patere, & ad singula euacuationum genera, pro singularum modulo, recte explicatus, accommodari debere videtur.

dantia est; tunc quæ aperiunt, præparant, coquunt, euacuant, præsertim κατ' επικρασιν, vbi vtrumque præstatur, pro indicatione methodi, & periculi, vel præmittenda cortici, vel adiungenda, vel surroganda sunt (1). Neque vero vanum est, quod vulgo dicitur: plurimas esse febres, tum *intermittentes*, tum *continuas*, benignas plane, tutas, & innoxias, & tolerabiles, immo quasdam ex his vere *salutares*: nempe quæ repletum corpus euacuando subleuent, obstructions viscerum sensum expediant, humores spissos atterant, & cum sua ipsarum materie per paroxysmos despumante, ex corpore eliminant; neque vero ultra modum affligant, aut debilitent, neque humores & functiones magis magisque corrumpant, neque vllum periculi signum, pro aeris, corporisque, & morbi indole, αναλογως probe examinata, exhibeant. Sunt etiam ex earum numero, quas naturæ & expectationi omnino permittere verearis, plurimæ, quæ aliis præter corticem remediis, gratioribus forsan, cedunt. In his omnibus ad certam hanc antidotum statim procedere vel inutile foret, vel minus nonnunquam salubre; quamvis pleræque febres, per legitimum huius remedii vsum profligatæ, eadem, immo maiora sæpe, sanitatis emolumenta post se relinquunt, quam quæ notari solent, vbi sola natura, vel remedium aliquod minus generosum, ægritudinem edomuit. Vfus vero ille adeo multis ægrotantium nauseosus est, totque opinionum commentis sæpe interturbatur

(1) cl. Elias *Camerarius* system. cautel. medic. p. 494, sq. "In intermittentibus, inquit, antequam primæ viæ expurgatæ sint, solutæque viscerum obstructions, cauendum maxime monent a china chinæ, a præcipitantibus, & adstringentibus. Nota vero, quod si omnes viscerum obstructions debeant esse expeditæ prius, vix vnquam possis accedere ad remedia antifebrilia, nec agere contra febrim. Sunt obstructions illæ diversi generis, nec omnes impediunt corticis vsum, cui etiam

"non semper commode euacuans præmittitur remedium. Id vero suæ quemlibet experientia facile docuerit: nec enim semper febres ferunt purgantia. Fortiora, vti in omnibus obstructionibus viscerum, sic maxime in intermittentibus, quæ ex obstructionibus sunt, damnum inferre dicuntur. Fortiora purgantia nunquam laudem merentur: intermittentes epidemicæ ab obstructionibus non fiunt, sed & mitia purgantia vix ferunt commode hinc facilis recidiva.,

batur, vt in facilioribus tutioribusque febribus aliarum medelarum virtutem ex arte experiri, quam ad facram hanc anchoram confugere, præstet. Nouerit medicus distinguere affectus corticis virtute superabiles, ab his, qui eadem incassum tentantur; nouerit febres faciles, genuinas, tutas, salubres, a difficilibus, degeneribus, infidis, noxiis (m) discriminare; ita nec temere, nec timide curationem aggredietur, vbi temeritas potius est metuendo morbo habenas mittere, quem certa, prompta, & innocua medicatione refrænare possis.

§. VIII.

Regula vsurpandi corticis prima.

Prima igitur huius remedii vsurpandi regula est, quam hætenus explicauimus: “ne, noxio vel inutili conamine, ad alienos morbos, neque ad tutos, tolerabiles, & salutares, neque non attento tempore & corporis habitu adhibeatur; sed ad morbos congruentes, & ea quidem occasione, vbi ex arte datum, secundum *ανάλο- γιον* experientiæ, nocere nequeat, prodesse autem vel specifica, vel manifestiori virtute possit: præsertim vbi aliis medelis minus certis confidere, aut periculum imminens, aut intolerabilis ægri corporis cruciatus vetat.”

SECTIO TERTIA

MEDICINAM EXHIBET TVM HABITV ET PRAEPARATIONE CORPORIS, TVM ELECTIONE, DOSI, CONTINUATIONE, EFFICACEM.

§. I.

Necessitas & opportunitas eius remedii in febribus soporosis, & apoplecticis.

Huic profecto, de qua agimus, feбри, formidandum affectum soporosum quouis modo minitanti, frænum cortice Peruuiano non

(m) conf. ill. *Stahlii* dissert. de minore malo medico §. 42.

non iniicere, non fuimus ausi, quodocunque res adhuc satis integra fuit. Enimuero, quod in libelli huius fronte ex *Hippocrate* (a) scripsimus, quodque *Galenus* (b), ceterique interpretes, explicant & confirmant, carus, & sopor omnis *morbosus, ubique est malus*, &, *Foresto* (c) iudice, “semper grauissimus sopor est, qui in Charontis “cymbam mortales plerumque dimittit, siue primario & per se incumbat, siue ex consensu & consortii lege adueniat (d)., Malignas eiusmodi febres intermittentes vocat *Ramazzinus*, vbi vtilem corticis vsum fore iudicat, si ab initio dignoscerentur. Mire sane circa hoc remedium fluctuauit vir doctissimus, inter admirationem & contemptum, laudationem vel nimiam & vituperium, commendationem & prohibitionem, fiduciam & metum, experientiam & opinionem, vsum & abusum, quem distinctionibus curiosis, & tentamentis, experimentisque minime adæquatis, moderari instituit, nihil tamen certi & eximii hac quidem in re præstitit, ceterum de arte medica immortaliter meritis. Posteaquam in his ipsis casibus ad vsum corticis exhortatus est lectores, “in tam graui, inquit (e), “ac subita tempestate, tamquam e graui somno excitati medici, cum “antea super utramque aurem obdormirent, nil tale expectantes in “febri-

(a) Simpliciter Coac. 128. repetitur το καρωδες πανταχθ κακον.

(b) Hic in 1. prorrheth. comment. 2. §. 29. præter necessitatem se torquet, dum particulam καγωε pro interrogatione habet, quasi inquirendum moneat Hippocrates: annon ubique το καρωδες malum sit? Ait *Galenus*: quod si quemlibet somnum longiorem, & profundum, qui vel a vini potu, vel in quibusdam morbis, præsertim infantum, quasi critice, post vigilias longas eueniat, carum lubeat vocare, posse eum bonum aliquando dici. “Si vero, inquit, *morbosi cari* alia genere fuerit affectio, affirmabimus το καρωδες, ubique malum esse. Videtur sæpius in febri-

lium morborum accessionibus, in quibus neque stimulantibus, neque ferientibus, nedum inclamitantibus, sentiuntur ab ægris. Si ergo eiusmodi affectum carum appellaueris, difficilem vero excitatu constitutionem seu coma, seu cataphoram, tunc nunquam quod coma sit, nedum quod carus, dicere oportet., Conf. locus Hippocr. de articul. ceterique sect. 1. §. 1. cit. item libellus de comate.

(c) Obs. L. X. 38.

(d) Hippocr. Coac. præn. 7. εἰγεα καματωδεια, rigores soporosi, periculum minantur.

(e) de abusu chinæ p. 228. in operibus.

“febris, quæ cum frigore ac rigore accederent, absoluta in febricitatione postmodum subsequente, tumultuarie ad sacram anchioram chinæ chinæ ad uncias in vino infusæ confugiebant, sed incassum, paucos enim euasisse observaui., Sane eius rei, si ita plane se habet (f), causa fuisse videtur vel *tumultuarius*, quem doctissimus vir notat, usus, vel *vinosi infusi* vis subito periculo impar, & sopori arcendo minus apta, vel *tempus infusione & expectatione dispersitum*, & quod ipse auctor innuit, *non satis maturum* auxilium, ob morbi indolem non ab initio æstimatam. Nimirum ipse alibi (g) “hoc, inquit, præsidii genus in febribus periodicis miranda præstat, “ac præsertim in tertianis intermittentibus malignis., Verissima, ceteris paribus, apud nos comperimus, quæ, post mortem *Ramazzini*, eiusdem amicus *Lancisius* (h) docuit. “Duo, inquit, præsidia huic malo comperta sunt vtilissima, vesicantia (i) nimirum, & “cortex

(f) Perperam istum abusum medicis Mutinensibus & inuidiose obiici, ac felicissimos ibi fuisse in febribus soporosis corticis effectus, tum peculiari aduersus *Ramazzinum* dissertatione, tum therapeutica speciali, in act. erud. Lips. 1716. p. 220. seqq. recensita, probavit archiater inclitus *Fr. Torti*.

(g) p. 799.

(h) L. II. epidem. I. cap. 8. sect. I. §. 7. sect. 3. & passim.

(i) de his legi omnino meretur doctissimus *Freindii* commentarius 9. ad epid. Hippocr. p. 219. sqq. ibi p. 231. “in febribus, inquit, acutis tutum “maxime, atque expeditum auxilium præstant vesicantia, quæ quidem, licet materiam febrilem a cerebro potentissime auertant, fluxiones tamen ceteras, sudorum præcipue, atque urinae, sæpenumero iuvant, saltem nullo unquam modo reprimunt. Neque in eo percuriosius est hærendum, ut semper ad

“ægroti habitum aptentur: quæcumque enim fuerit corporis constitutio, utcumque siue bile, siue tenui sanguine feruidior, si febris ultra morem sæuerit, leuia incommoda non tanti sunt, ut de vita interim ipsa non simus solliciti. Sæpissime enim in id discriminis res venit, ut nihil, nisi a vesicantibus, spei reliquum sit., Deinde relicit curiosas quasdam, & inter se non constantes *Bagliui* cautiones, viri docti & acuti, sed aphorismos condere nimium properantis, tum in ceteris operibus, tum in ipsa de vesicantibus dissertatione. Denique p. 233. “illud autem, ait, præ aliis commodi habet hæc euacuandi via, ut nunquam non tutissime in usum duci possit: ceterarum quippe ita perficilis & lubrica ratio est, ut nonnunquam eæ, ubi atrocior fuerit morbus, non sine periculo tentari possint., Hoc præsidium in nostro sane climate, nostro statu epidemio, sæpe vtilissimum, tutissimum semper, &

“cortex chinæ chinæ, quæ, opportune adhibita, iure ac merito apud
 “nos specifica medicamenta perniciosarum, (nempe, quæ sopore
 “apoplectico terminari cito solebant) febrium dici poterant, cum
 “salus multorum iisdem constiterit. Præsidium peculiare & speci-
 “ficum experti fuimus chinam chinæ minime adulterinam, quæ ta-
 “men ante tertiam vel quartam diem,, vel certe antequam vim
 morbi ultra remedii virtutem incrementa sumfisse exitiosis signis
 constaret, “in perniciosis tertianis exhibenda erat. Nam sicubi
 “propter incuriam, vel serum medici aduentum, tardius propinaba-
 “tur, eius salus plerumque desperanda,, Io. Ludoficus *Apinus*,
 physicus Herspruccensis, deinde professor Altorfinus, historiam fe-
 brium, annis superioris sæculi LXXXIII. & LXXXIII. Herspruc-
 ci & in vicinia epidemiarum, descripsit, easque notauit ex genere
 intermittentium, & sua natura periodicarum (k), deinde vero ma-
 lignas, soporosas, & exanthematicas, sed cortice mature dato me-
 dicabiles. “Verissimus (l), inquit, est *Mortonus*, cum continuas
 “æque ac intermittentes cortice sanari posse contendit, modo voce-
 “tur in principio medicus, sensibili adhuc comparente febris remissio-
 “ne, & æger a medicamento in tanta quantitate sumendo non ab-
 “horreat. Legi (m) & relegi *Mortonianam* diatriben, & quod
 “corticis Peruuiani vis antipyretica, in intermittentibus & remitten-
 “tibus, propria iam tum felicique mihi innotuisset experientia, co-
 “gitauit, an non æque salutariter in hisce malignis exhiberi posset,
 “dummodo, captata rite occasione, statim ab initio, dosi methodo-
 “que

&, quamuis in quibusdam paullo molestius, aut infructuosum appa-
 ruerit, tamen innoxium omnino in-
 uenimus.

(k) De eiusmodi statu epidemio, eoque
 solo, verba facere scriptorem egre-
 gium, non de omnibus omnis gene-
 ris febribus malignis patet facile cu-
 ius, historiam & obseruationes cu-
 rate intuenti. Neque igitur ad ip-
 sius mentem iudicant, tum qui, ca-

scarillam ibi se reperire putantes,
 eam, illius viri auctoritate, pro om-
 nium februm malignarum alexiphar-
 maco explorant, tum, qui ipsas ob-
 seruationes & regulas *Apinianas* con-
 temnunt, vbi, quod hæ spondere vi-
 dentur, id in morbis diuersi plane
 generis, neque a vero, neque a spu-
 rio cortice, effectum dari vident.

(l) hist. febr. epid. p. 70.

(m) p. 71.

“que conuenienti ægris propinaretur,,. Postea virtutem febrifugam manifestam corticis in istis febribus ita ostendit efficacem, vt ex hac medicatione feliciter euenerit, quod, vt ait, “*Stahlius* ex nulla methodo in febribus speret. Nos enim, inquit, 1) in hac epidemica “plerosque scimus euasisse, qui debite hac methodo vterentur, cum “illi, qui negligenter, numerosa hinc inde redderent funera. 2) Com- “pertum habemus, arte tali sic cicuratum esse malum, vt duratio il- “lius multo breuior esset. 3) Symptomata multo leuiora, quam si “morbus sibi relictus esset. 4) Denique sanctissime possum affirma- “re, non vna solum vel altera vice feliciter hanc rationem cessisse, “sed constanter in quam plurimis voto nostro & ægrorum respon- “disse,, (n). Taceo exempla dudum feliciter per corticem curati huius

(n) Si viri eruditi & vtriusque corti- cis vires experti, hæc, & libellum totum lectu dignissimum, legerint at- tenti relegerintque, mirum est esse, qui non dubitent, *Apinum* cascarilla, seu china spuria, non ipso vero cor- tice vsum esse, quem vbique nomi- nat, nisi quod semel obscuram nomi- nis cascarillæ mentionem facit. Sunt tamen, quibus lubet, modo senten- tiæ isti superstruere coniecturas de viribus cascarillæ, quæ experientiam testem non reperiunt, modo auctoris experimenta vanitatis arguere, quia sibi non succedunt, chinam spuriam pro vera vsurpantibus. Reiicit *Api- nus* corticem stypticum & acerbum, quem & *Badus* & *Mortonus*, & ce- teri reiiciunt. Eligit magis amari- cantem, saporis nauseabundi & in- grati, & qui gustatus adstrictionis sensum linguæ imprimat, quod verum corticem probe describit; odore au- tem, qui in cascarilla sine igne debi- lis est, grato aromatico præditum, & admodum fragrantem, quod *Bleg- ny* alique de vero cortice laudant; specie externa tubulatum, qualis esse

solet, si tenerior est; extus cinereum, graue china, quod vero cortici est frequentissimum; intus cinamomeo colore resplendentem, quod fere rem omnem conficit, quia, quantum ego rescui, is color & splendor in cas- carilla nunquam apparuit; aut ferru- gineum, qualis etiamnum passim vul- gatur, & quem, obscure indigitato cascarillæ nomine, *corticem nouum* vocat, sed sapore, odore, ac reliqua forma prorsus eadem, quod de nostra cascarilla falsissimum foret. Immo, ad vires respiciens, tres illas species, nempe stypticam acerbam, & alte- ram intus cinamomeam, & tertiam intus ferrugineam, vnius arboris pro- sapiam esse putat: quum tamen cas- carillæ vires, penitus diuersæ, locum illi iudicio neutiquam faciant. Pro- uocat passim ad alios medicos, qui indubie china vera vsti sint, quasi idem, quod ipse, senserint & experti sint, quod ad cascarillam nullo modo qua- drat. Neque video, cur, *Mortonum* imitaturus, diuersissimum remedium elegisset. Cascarillæ nomine Hispani veram corticem Cinchinam veni- re

huius affectus cum febre soporosi apud *Bonetum*, *Cohaustum*, *Mortonum*, *Camerarium*, *Sydenhamium*, *Puerarium*, *Raygerum*, *Restaurandum*, *Heluetium*, *Bianchium*, aliosque reperiunda (o). Idem remedium apud nos, & in multis Germaniæ locis, in præcauenda similiter imminente pernicie, tot tamque conspicua edidit vtilissimæ virtutis specimina, vt ipsis etiam, qui contra senserant dixerantque, & admirationem, & confessionem, & imitationem expresserit veritas, & manifesta ceterarum medelarum imbecillitas, aut infida efficientia.

§. II.

Methodus medendi in paroxysmo & ubi quid contra corticem indicat.

Quum ad aliquem ægrotantium acciti sumus signa supra memorata habentem, in paroxysmo quidem febris non admodum soporoso nihil moliti sumus, nisi quod remediis temperantibus & reficientibus, cum spiritu forsan volatili acido, & infuso vel decocto theæ, tempus & sitim fallere, calorem & putredinem moderari, soporem vero præcipue arcere, & crisin accessionis exeuntis rite promouere

re docent *Redi* experim. natur. p. 163. & quem *Apinus* allegat, *Stiffer.* febrium intermitt. confid. noua. c. 16. Ipse etiam *Apinus* nomina confundere, neque eam, quam nunc vocamus, cascarillam bene nosse videtur, quippe tunc vix cognitam: dum corticem verum, cuius odorem & saporem & vires dudum, vti dicit, expertus fuit, cum spuria illa confundere vix potuit. Vid. præsertim *Apini* præfatio & §. 40. 50. 51. Conf. infra section. huius §. 3. Chinam spuriam tunc adhibitam, & illi auctori intellectam, putant, alius ab alio ad putandum inducti, viri clarissimi, *Bœclerus* ad Hermannî cynos. *Lentilius* eteodr. p. 1325. *Stahlius*, tum alibi, tum in collegio practico p. 702. sqq. & 888. *Storchius* ibi in

notis, *Iunckerus* in tabulis therapeut. p. 467. qui vterque effectum alibi non respondere dolent: quod in febribus intermittentibus, & quæ ex earum genere sunt, metuendis & pertinacibus, si cascarilla intelligenda est, etiam nos dolere, & suam viro experientiam, & illi statui epidemio, relinquere cogimur. Ex aduerso, si qua veri corticis specie vsus est, quod mecum iudicant celeb. *Valentini* in hist. simplic. reform. *Zornius* in botanol. medic. alique, respondet omnino multiplex per diuersas regiones constitutionesque experientia summorum medicorum. conf. Excerpta e Commercio Norico §. XXIII. N.V. item §. XLIII.

(o) v. sect. I. §. 3.

mouere, fategimus. Cantharides etiam cruribus admouere consultum duximus, ita vt finiente paroxysmo efficaciam exsererent, sub cuius exitum, probe perpensis coctæ, vel turgentis plenitudinis, & tendentis naturæ indicis, quæ ex generali methodi lege huc transcribere non opus est, euacuationem aliquam instituendam omittendamue præcepimus, quarum nullam vniuersim & ex sua natura indicat febris (a), multo minus cruditas, quam degeneres Hippocratis filii expurgandam vbique necessario esse populo persuadent: id quod, sine orgasmo, & naturæ nisu, vix nisi in longis, pertinacioribus, aut immobilibus febrium generibus, locum habet, vbi quasi per μετασυσχέσις medicari, aut κατ' ἐπιχέσις partim coquere humores, partim euacuare debemus. In febribus sane haud subito periculosis præparationes multæ medicationesque præuiæ & licent, & indicantur, quas ob periculi velocitatem vitare iubemur, & quibus opus non est, vbi humores vel nimium mobiles sunt, aut, si moueantur, facillime aberrant. Legi merentur, quæ de catharseos usu & abusu in febribus post alios nuper monuit cl. *Cohausen* (b), & de venæ sectione viri doctissimi, *Ramazzinus* (c) & *Bianchius* (d).

Sem-

(a) *Sydenhamius* epist. I. p. 387. de apoplexia ex febre intermittente, quantumlibet, inquit, euacuationes omnes cuiuscunque generis demum sint, indicari videantur, ad reuellendos a cerebro humores, vt in apoplexia primaria fieri solet; eadem tamen omnino omittendæ sunt, vtpote quæ originariæ huius symptomatis causæ, febris nempe intermittenti, prorsus aduersantur, ac proinde mortem accelerant, quod ipse noui,,. Moderamine tamen in his opus est.

(b) *archei febrium fabri* cap. 5. integro. add. *Brunonis* remorae ac impedimenta purgationis, exercit. 3. *Werlosching* de curation. vernal. & autumn. c. 10. *Hecquet* de purganda medicina a curarum sordibus.

(c) in constitut. epid. oper. p. 145. sq.

(d) *Histor. hepat.* p. 202. 228. 640. add. *Sylvius* prax. med. append. tractat. 9. §. 167-178. tractat. 12. §. 676-688. *Stahlii* dissert. de venae sectione in morbis acutis, & in de febribus compositis ex acuta periodo §. 51. vsque ad finem: cui iungatur *Hoffmanni* medic. system. T. III. sect. 2. toto c. 9. vbi, vti hi duo viri docti perpetuo sibi inuicem contrarii esse solent, de *Stahlianæ* sententia ita p. 599. censet. "Miror sane haud exigui nominis viros, venae sectioni alias eximie patrocinant, confidentius tamen asserere, eandem in omnibus febribus acutis, benignis & malignis, exanthematicis, vel minus talibus, nunquam esse necessariam, sed semper fere noxiam, unica tan-

tum

Semper heic respeximus ad metuendam ferociam instantis paroxysmi, & magnitudinem imminentis periculi, neque tempus necessario laudati corticis vsui per alia molimina præripi passi sumus, nisi ea omnino visa sunt necessaria, & quæ tantisper differri nequiuerint, donec a febre securum præstitissemus ægrum. Venæ sectione pro plethoræ, orgasmi, & virium modulo, plenitudinem minuere, stases, inflammationes, & raptus ad cerebrum præpedire, & orgasmo sanguineo naturæque nutui obsequi, in pluribus necessum fuit (e). Diuersitas nationum, regionum, diætæ, habitusque cuiusuis corporis singularis, & plethora vera, & orgasmus sanguineus generalis, & magis particularis in inflammatione, aut congestione, & magna illa indicatio iuuantium & non iuuantium sub statu epidemio communi, vel singularium corporum simili, pro morbi temporibus, hoc artis auxilium seu indicant, seu moderantur. Locum ostendunt excretionum naturalium ratio, & adusuetudo, & nifus naturæ bonus aut malus, qui, prout magis minusue facile aut secundari, aut auerti potest, modo propinquæ magis & connexæ, modo remotioris & diuersæ venæ sectione opus habet, prudentis & attenti medici sub moderamine (f). Neque ea subiuncto saltim cortice Peruuiano

vn-

“tum synocha excepta, nec in hac
 “etiam absolute. Atvero & ratio &
 “constans experientia huic asserto re-
 “fragatur. Metastases vero sangui-
 “nis ad caput, circa tempora, venæ
 “sectionem ciere, fallacia non causæ
 “vt causæ videtur. Eodem modo,
 “immo frequentius id euenit, vbi ve-
 “næ sectio omiffa, quam vbi ad-
 “missa,,.

“ras excretio sanguinis est consecu-
 “ta, vt eo ipso die illi obeundum fue-
 “rit,,.

(e) Memorabilis est obseruatio *Ballonii* epid. L. 2. p. 267. “Nobilis, inquit, “vir febre tertiana laborabat. Medi- “cus, qui illi medebatur, vti erat “*αἰμοφοβος*, detractationem sanguinis neglexit. Quarto paroxysmo, raptis “veluti venis, & facto impetu quo- “dam in partibus internis, tanta fo-

(f) Vbi sanguis vel vera quantitate, vel pro lentoris impetusque proportionem ad vasa viresque motrices, abundat, aut supra modum turget salutarem, tunc saepe quidem quaelibet vena cum fructu, aut sine noxa secatur, quum omnia confluant & conspirent, & naturæ nifus medentium male distinguendum errores corrigat: vnde medicorum dissentientium prouocatio oritur ad experimenta felicia ex loco venæ sectionis diuersissimo, in quouis morbo rerumque statu, quæ contraria esse videantur. Non tamen corpus nostrum pro nuda machina

P

tubu-

vnquam hoc rerum statu nociua fuisse obseruata est, neque illi tempus ademit, quippe quia incipiente paroxysmi declinatione statim fieri potuit. Si qua per superiora euacuatio indicata sit, eam præcipue infusi croci metallorum vncia circiter vna, medicamento, si ex indicatione eo vtamur, nequaquam violento, & quod, natura forsan inclinante, per inferiora etiam blande euacuat, neque deinceps

tubulosa hydraulica haberi debet, vbi sanguinem & humores velut meram & æquabilem vbicunque aquam, vasa velut simplices canales, solo diametro & situ diuersos, & æque fere vbiuis & omni tempore penetrabiles, consideremus. Neque ergo putandum est, perinde semper esse, quem venae sectioni locum eligas, aut rem omnem facile ex generalibus de reuulsione & deriuatione regulis, in quolibet corpore singulari, quouis morbi statu, decidi posse, nulla figillatim ratione habita tendentis, obsequentis, adiuuantis, renitentis naturæ, & sensus, roboris, directionisque, quæ in neruis & fibris diuersimode notantur, & mobilitatis nifusque humorum, & laxitatis vel strictionis viarum & expectandarum forte excretionum, & ingenii typique morbi cuiusuis, & analogiæ practicæ. Egregie leges reuulsionis & deriuationis ostendit & applicauit v. cl. *Silva de l'usage des différentes sortes de saignées. Paris. 1727.* Attamen eruditissime scripta mantissæ practicæ locum relinquunt. Neque enim semper natura, & quouis tempore, quamuis etiam aberrare videatur, voluntati medici, a loco affecto sanguinem in remota trahere, vel excretiones naturales reuocare studentis, obsecundat. Sæpe, vbi contra nitente natura, & morbi indole ac tempore, reuellere aliorum molitus fueris, male irritabis materiem, nifusque

eius pertinaces pertinaciores etiam atque etiam reddes: sæpe quoque, vbi difficulter amoueri se patitur humor sanguineus in partem aliquam altius incumbens, frustra omnino eris, si venam in parte diffita feces, nisi ingentem forte copiam emittendo vim inferre possis. Neque spernendum est doctissimi, qui contra cl. *Silviam* disputat, *Hecqueti* ea de re monitum in *observations sur la saignée du pied* §. 17. “Medicus, inquit, “vbi morbum curare aggreditur, gnarus esse propensionis, & consensus, “& communicationis, quæ varia vasis humores vehentibus competunt, “& medicationes suas ad hanc normam moderari debet, ita vt nihil “moueatur, nisi quæ euacuare debet, & “per eas vias, quæ maxime conueniunt. Neque enim quidquam tantopere timendum ipsi est, quam ne “quid humoris excitet, aut in motum “agat, quod irritare periculosum sit. “Nam haud quævis materia iter a “medico monstratum sequitur, vbi id peregrinum est. Plura de his omnibus, & pro virili accurate, ex legibus mechanicis, hydraulicis, & hydrostaticis, ad anatomen & ad experientiam propriam & alienam collatis, disquirere animus est, vbi de sanguinis missionis vsu & abusu in febribus agemus. Eadem leges competunt aliis euacuationis, deriuationis, reuulsionis præsidiis. Conf. *Excerptae Commerc. Norico.* §. XL. & LIX.

ceps adstringit, & velociter satis operatur, & in febribus & soporosis affectibus curandis commendabile est, finito paroxysmo instituimus, quod incipiente, forte aliquando vtile futurum, ausi non sumus. Tenerioribus dedimus sulfur antimonii *Glauberi*, quod auctor (g) panaceam, & purgans catholicum seu vniuersale iactat, scilicet, quod per vias excretionum omnium, pro nisu naturæ, sine violentia operetur: quamuis plerumque vomitus aliquot blande proritet, vbi ad grana tria, quatuor, vel vltra datur (h). Aluum, vbi id requirebatur, vel pulpa tamarindorum lactis fero soluta, salibus laxantibus, aut simili remedio soluimus, quod neque feruorem & raptus peruersos, neque strictam deinde aluum inducere soleat; vel enemata solum iniecimus (i) largiter nitrosa, aut, pro re nata, acriora,

(g) V. eius pharmacop. spagir. p. 20. seqq.

(h) Cel. F. *Hoffmannus* in notis ad *Potterii* pharmac. spagir. p. 560. hoc remedium insigniter laudat, nomine panaceæ *Conerdingianæ* a *Conerdingiis*, medicis inclitis, archiatri Brunsvicensibus, quibus in frequenti vsu fuit cum cremoris tartari & lapidum cancrorum granis aliquot, & momento cinnabaris mixtum, & panaceæ solaris nomine insignitum. "Præparationem veram etiam exhibet, "ex antimonii & nitri singulorum "parte vna, salis tartari dimidia, mixtis & in crucibulo in fluorem actis. "Hinc massa exemta hepatici coloris "a superiori parte separata coquitur "in aqua, lixiuium filtratur, ipsique "infunditur solutio tartari crudi cum "aqua simplici facta. In fundum sic "deicitur pulvis flavus, qui fluuiali "bene edulcorandus & exsiccandus "est,,. Remedium est infantibus & tenerioris texturæ corporibus aptissimum. Damus vel recens natis pro

vomitu ciendo octauam grani partem, trimestribus sextam, semestribus quartam, anniculis dimidiam, bimulis granum integrum, & ita vltius pro ætatis & materiæ & virium ratione. Adultis sufficere solent grana quatuor. Auctor aliique ad decem vsque dederunt, & æque blandam vomitionem obseruarunt, vnde dosis etiam in tenellis sine metu aliquantisper augeri potest. Minora præbia, vomitum rarissime ciere solita, ad granum pro adultis vnum, vel infra, aliis remediis, pro vi resoluedi & penetrandi augenda, feliciter in variis morbis adduntur. v. *Hoffmannus* l. c. F. *Schraderus*, medicus olim Helmstadiensis *χαρυστος*, in dissertatione de medicamentorum Galenicorum & chymicorum necessitate, *Lentilius* iatromn. p. 291.

(i) *Crato* consil 26. l. V. solis enematis febres curari docet, vbi ægri initio paroxysmorum tormina ventris sentiunt, turgentis humoris, & ad alui vias tendentis indicia, id quod

ora, & quæ, verbi causa, aquam emeticam, aut colocynthidis pul-
pam in petia ligatam reciperent, aut ex ipso cortice febrifugo ad
Bagliuianum & *Heluetianum* morem (k) parata: quæ tuto & cum
fructu, pro febre reprimenda, ibi etiam repeti idemdem per iusta
interualla potuisse, vbi interius adhibendi abunde corticem locus vix
fuit, aliquoties post multorum excellentium medicæ artis magistro-
rum tentamina experti testamur. Si ægrum sopore iam, aut apo-
plexia, oppressum reperimus, apoplectici instar affectus, sed cum
febre iuncti, curauimus morbum, vesicatoriis pluribus ad carpos,
nucham, & ipsi capiti raso admotis, venæ sectione iusta, scarifatio-
ne (l), hirudinibus (m), sternutamentis ex elleboro albo vel turpe-
tho minerali (n), frictionibus, aliisque (o) notis excitantibus, & epi-
spasticis, exeuntis maxime paroxysmi tempore. Neque tamen
sectionem venæ iugularis, post *Trallianum* (p), *Actuarium* (q), *Vil-*
lanou-

præcipue in tenella ætate sæpiuscu-
le verum reperimus, exhibito præ-
sertim breui ante iniectionem sulfu-
re antimonii *Glauberi*.

(k) *Bagliuus* prax. medic. l. i. c. 13.
§. 9. primo id sibi in puero quin-
quenni, qui nihil per os admittebat,
tentatum feliciter laudat. *Heluetius*
methodum curate describit in *metho-*
de de guerir toutes sortes de fieures
sans rien prendre par la bouche, quod
remedium passim deinde imitati le-
guntur alii. Confer. I. P. *Albrechti*
obseru. eph. nat. curios. dec. 3 ann. 3.
127. & simillimus *πρακτικωτατε* pa-
rentis filius Io. Güntherus *Albrechtus*
in dissert. Lugdunenfi de enematum
vsu §. 35. cl. *Valentini* diff. de febre
hæmoptoica, prax. infallib. T. I.

(l) Cucurbitulas scarificatas capiti im-
positas præsentaneum apoplexiæ no-
minat remedium *Höfer* herculis me-
dici Tom. I. L. i. c. i. summum &
vnicum *Sennertus* prax. L. i. Part. 2.

c. 33. In *Fracastorii* vita operibus
“præmissa narratur, ipsum, apople-
“xia correptum, manu sæpe in ver-
“ticem exporrecta, iis, qui aderant,
“innuere voluisse, vt celeriter cucur-
“bitula affecto & laboranti cerebro
“subuenirent, quo ipso olim perop-
“portuno remedio monialem se cura-
“re meminerat (sed re nequaquam
“intellecta, frustra expectato reme-
“dio, exspirasse,,)

(m) conf. *Stahl* differt. de hirudinum
vsu c. 4. 5.

(n) v. *Decker*. ad prax. *Barbett*. c. 3.
p. m. 34.

(o) conf. *Neucrantz* de purpur c. 32.
de sopore, ill. *Boerhauius* de cognos-
cend. & curand. morbis aphor. 702.
706. de comate febrili, *Aetius* cete-
rique veteres de lethargo.

(p) libr. medical. 4.

(q) method. medic. l. 3. c. 1.

Ianouanum (r), *Iacobum Carpensum* (s), & *Aegyptios* (t), a *M. Aurelio Seuerino* (u), *Mortono* (w), *Freindio* (x), *Lancisio* (y), feliciter institutam, neque arteriotomiam, præcipue in temporibus, quam, *Galeno* iam & *Arabibus* & *Aegyptiis* cognitam, hisque vniuersim maxime frequentatam (z), recentius post *Seuerinum* (aa) *Catherwoodius* (bb) impense laudauit, tentare adhuc licuit (cc). Inclitum medicum noui, qui bis frustra eam apoplecticis se administrasse professus est *). Plantas pedum aliqui, haud sine quodam successu, cauterio inusserunt, nempe, quod ferrum phlebotomi sanare non posset, igne sanandum rati. Notus antiquitus est ad soporosos affectus vstionis vsus, quamuis locus recenter magis, & ob acutissimum sensum sapienter electus (dd). Neque imitari ausi sumus remedium *Radcliffii*, medici Angli famigerati, qui, reiecta omnino sanguinis missione, in morbis soporosis feбри superuenientibus resinæ ialappæ scrupulum successu mirabili exhibuisse perhibetur (ee). Multo minus

(r) de regim. sanitat. c. 37.

(s) qui in isagoge anatomica modum secandi luculenter descripsit.

(t) apud. *Alpinum* de medic. Aegypt. p. 2. 59. 60. l. 2. c. 10.

(u) de medic. efficac. P. II. c. 16.

(w) exercit. I. c. 9. §. 25.

(x) v. comm. ad epid. Hippocratis sect. 2. vbi res erudite discutitur.

(y) L. II. epid. 4. c. 6. §. 40.

(z) conf. docte hanc in rem scripta ab *Alpino* de medic. Aegypt. l. 2. c. 11. 12.

(aa) de efficaci medicina l. c.

(bb) in *a new method of curing apoplexy*. add. celeb. *Heisteri* chirurgia P. II. c. 39. §. 4.

(cc) conf. de venae iugularis sectione doctissimus *Silva de l'usage des différentes sortes de saignées* ch. 7. & 8.

p. 176-248. & de arteriotomia p. 248. seq. add. *Riuernus* prax. med. L. I. c. 2.

*) Nondum viderat *Werlhofius*, quum haec scriberet, *Trallesii* tract. de Venaiugulari frequentius secanda, paulo post 1735. editum. Mentem illum postea mutasse patet ex Excerpt. e *Commerc. Noric.* §. XL.

(dd) v. dissertatio *Helmstadiensis* de apoplexia & eius generosioribus remediis, sub praesidio *Brandani Meibomii*, filii & nepotis medicorum illustrium dignissimi, disputata, vbi res ex *Mistichelli*, Itali, tractatu de apoplexia, explicatur figura aeri incisa, quam etiam exhibet celeberr. *Heisteri* chirurgia P. II. c. 22. §. 4.

(ee) in *Allen. synopsi medic. pract.* c. 3. §. 24. Si quid eiusmodi audendum esset, praetulerim ex antiqua *Tralliani*, *Ruffi*, *Oribasii*, & aliorum experientia,

nus *Riuerii* experientia permoti sumus, vt soporem laudano soporifero curare aggredieremur, quemadmodum is in febre tertiana duplici mulieris hystericae feliciter ausus est (ff). Si quid in os infundere licuit, explorauimus succum nasturtii aquatici, ab *Eugaleno* (gg) tam insigniter in his casibus celebratum, & quamuis in nostris quidem febribus soporosis, non æque forsan exquisitè scorbuticis, haud ita mirabilem efficaciam obseruare licuerit, sollertissimi tamen viri auctoritate, nostræ & plurium experientiæ non possumus non in posterum commendare. Frustra omnino aliquando dedimus, forte quod nimios iam progressus fecerat morbus, id quod ipse auctor excipit. Nuper haud sine fructu eiusdem plantæ semen emulsum chirurgus, quem antehac memorauimus (hh), præberi visum est. Conualefcit is nunc sensim sine generosiori medela, raro exemplo. Potum theæ ægris lubenter dedimus, sine quo *Puerarius*, *Bonetus*, & *Cohauius*, ipsum corticem incassum datum recensent, cum eodem vero omne tulisse punctum. Præcipue, vti diximus, in paroxysmo, succum nasturtii aquatici, vel solum, vel cum spiritibus salinis volatilibus acidis aut mediis, putredini & narcosi aduersis, quantum fieri potuit,

rientia, pharmacum, quo *Borellus*, cent. I. obs. 52. lethargum, quem vocat, desperatum feliciter curauit, ex castorei scrupulis duobus & vno scammoni, pro duabus cum oxymelite dosibus. conf. *Freind.* ad epid. Hippocr. comm. 7. p. 155. sqq. & 203. sqq. vbi purgatio in comate variolis, & capitis erysipelati superueniente, laudatur. Solui forsan præsens sopor catharsi potuerit, & res in statu ancipiti tentari: sed metus est, in hoc morbo paroxystico, ne malum insequente paroxysmo, eoque, natura turbata, forsan accelerato, ingrauescat, vti a purgatione solet, ni tempus abunde suppetat febrim cortice reprimendi.

(ff) obs. 26. cent. 2.

(gg) v. loca ad §. III. supra adducta, præsertim p. 202. *Forestus* L. 10. obs. 38. nasturtium aquaticum coctum & in acetario ad carum commendat. "*Rondeletius* in methodo "curandi morbos c. 19. de subeth, "prodest, inquit, edere nasturtium aut "coctum in iusculis, aut crudum in "acetariis. Nihil enim est, quod cerebrum magis exsiccet, & vigilias "excitet, quam nasturtium: vnde illud proverbium in somniculosos: "ede nasturtium,,! de quo *Erasmii* adagia. Immo & hortense & aquaticum inter remedia febrifuga locum meretur a *Syluio* prax. append. tractat. 9. §. 151. & hoc ad quartanam singulariter laudatur ab *Hartmanno* prax. chymiatr. c. 139.

(hh) sect. I. §. 5.

potuit, deglutiendum dedimus. Cum his similibusque tentaminibus tempori, medelarum omnium principi, paroxysmum tandem finienti, rem detulimus. Quando solutio adeo fuit imperfecta, ut vix aliqua notabilis accessiones intercederet remissio, ægris veræ febris inflammatae signa habentibus, comate somnolento, vel vigili, tantum non perpetuo obrutis, intense vel cum typhomania delirantibus, attonitis, hemiplecticis, immo necrosi propinquis, nihil utilitatis a febrifugi remedii usu expectari potuit. Tum vero ægrum, velut eius modi symptomatis in febrium malignarum aliqua afflicto, cuius certa antidotus non datur, notis artis subsidiis tractauimus, eo nonnunquam cum successu, vbi fideratio omnimoda mortem ineuitabilem non induxit, ut, post vnius alteriusue paroxysmi tempus, remissio magis eximia obseruata medicamento ληξιπυρετω locum fecerit.

§. III.

Corticis electio.

Quoties autem illud aduersus formidabilem hunc affectum, vel instare posse visum, vel semel iam aut iterum ingressum, adhibuimus, toties id præcipue dedimus operam, ut sufficiens medicaminis copia, satis efficaci ratione, ante metuendam accessionem intra corpus assumeretur. Reiicimus (a) corticem impense stypticum & acerbum, insipidum, a specifico sapore & odore alienum, inodorum, foetidum, putridum, cariosum, nigricantem iutus aut flauum, pallidumue, læuem etiam extus & quasi politum, item leuiorem & spissum, quodque vulgatissimum vitium est, a ligno, quippe

(a) v. *Blegny remede Anglois* p. 18. sqq. *Sauari dictionnaire du commerce. Pomet traité des drogues simples* L. IV. c. 16. *Lemeri dictionnaire tit. Kinakina. Les admirables effets du kinkina* p. 28. sqq. *Harris pharmacol. P. I. class. 3. sect. 4. §. 7. Mortonus exercit. l. c. 8. p. 55. sqq. Raii histor. plant. c. de gannanaperide.*

Apinus praef. histor. epidem. Valentini museum museorum. Mangeti bibliotheca pharmaceutica. Hermannii cynos. mater. med. Boecklerus in notis ad eandem. Hellwigius de quinquina Europaeorum §. 3. Zornii nodae ad Pancouii herbarium. eiusdem botanologia medica, & ibi adducti auctores plurimi.

pe quod vim illam medicam plane non habet, & molem sine vllō fructu auget, haud separatum. Eligimus, qui masticatus gustum acrimonia & amarore multis nauseoso cum aliqua adstrictione ferit, sine eximie austera acerbitate, sapore, qui ex acri & amaro velut leniter aromaticus fit, & peculiari modo aliquantum mucidus (b), cui sapor odor (c) etiam exacte respondeat, sine corruptionis putridæ notis. Manibus tentatus frangi potius debet, quam in fibras lignosas discerpi, aut in farinam cariosam dilabi. Præstans est, vbi puncta passim, si fractus soli exponatur, splendescunt (d); si fibrillæ pili instar tenues abscedunt; si colore est intus cinamomum referente, vel magis obscuro seu ferrugineo, forte pro locorum, vbi creuit, diuersitate (e); quum extus in scabra superficie aliquanto ob-

scuri-

(b) Sapo- res plurimos, & hinc salia multiplicis generis, in cortice conuenire notat auctor *des admirables effets du quinquina*. p. 16. sqq. eosque eo magis agnosci, quo diutius pharmacum masticetur: primo enim id reperiri insipidum, deinde acre, postea amarum, & deinde plures semper emergere saporum diuersitates, haud penitus explicabiles, sed gustu certe cognoscendas, quae optima sit bonitatis nota. Adstrictionis plane mentionem non facit.

(c) Auctor dissertationis de corticis usu cauto & suspecto §. 14. "odo- rem se nullum, saporem plane non aromaticum,prehendisse scribit,. Quod vnde acciderit nescio: de gustibus disputandum non esse, in proverbio est. *Mortonus* odoratum in dignoscendo cortice genuino primas desert, & odorem requirit aromaticum, & peculiari modo mucidum. Aromaticum sibi reperiri negat celeberr. *Mangetus*, ideoque aliam speciem *Mortono* putat electam. Odoris aromatici vocabulum obscurius est. Nobis multisque aliis, verus &

vulgatus cortex, & mucidum illum singularem plane, & aromaticum, seu acriusculum, suaueolentem odorem, a *Mortono* laudatum, spirare manifesto videtur, &, quod praecipuum est, effectus illi auctori obseruatos praestat, qui a nullo adhuc medicamento notati sunt. *Blegny* odorem adeo fragrantem reperit, vt remedii huius myrothecia eum valde suaueu spirent. Sub praeparatione extracti *Apiniani*, insignis & pluribus gratus emergit odor, quem & aliae remedii praeparationes, infusiones, decoctiones, destillationes, euidenter manifestant: immo sola in puluerem comminutio nares notabilius ferit.

(d) *Harris* l. c.

(e) *Pomet* l. c. *Les admirables effets du quinquina* p. 30. sqq. Praestantissimus cortex creditur, sed rarissimus, ex montibus Potosiensibus delatus, magis fuscus, aromaticus, amarus, acerque. Vulgatus inter nos est, qui in Quitensis regni Peruuiani montibus prope Loxam urbem nascitur.

leuior, fuscus, aut nigricans, gryseoque seu cinereo albicante sæpe colore, vti plurimum arborum cortices, infectus, vel hinc inde distinctus (f), & quasi muscosus, appareat. Præ densiori (g) laudamus tenuiorem seu mediocriter crassum, attamen satis grauem, præsertim

tur. Inferior montium locus proferre fertur deteriorem, spissio-rem, læuem & extus ex flauo albescentem, intus castaneæ pallidioris colore, & minus amarum; dum summitas corticem gignat teneriorem, sed scabrum extus, & fuscum magis, vti intus læuem, magisque rutilum. In media vero accliuitate eum crescere memorant, qui optimus sit, magis adhuc fuscum, penitus amarum, & asperiores, vt quasi segmentatus videatur. Singulæ tamen species, modo a genuina arbore desumantur, eminenti medica, præsertim ad febres, haud destituuntur virtute.

(f) Galli id vocant: *chagriné par dessus*. v. *Savary* voce *quinquina*, *Blegny remede Anglois*. p. 18. qui superficiem argentinam effert. Extrinsecus cinamomeus non æque genuinus habetur. *Pomet* l. c. Nigrum extus, intus cinamomeum, eligit auctor *des admirables effets du quinquina*; album vero extrinsecus, intrinsecus flauescens, minus laudat.

(g) Nolumus cum *Helluigio* de quinquina Europæorum §. 18. adstipulari vnico *Listero*, qui in mantissa ad exercitat. de hydrophobia p. m. 56. "commendat corticem trunci, crassitiei & latitudinis volæ manus, magnis & profundis sulcis conspicuum, velut ex vetusta arbore,,. Sulcis distinctum etiam *Blegny* laudat, & quo asperior est, eo præstantior

merito habetur. *Mortonus* tenerum a ramulis rasum præfert: sed & in trunco optimarum arborum tenerior, & in deteriorum spissior, gigni perhibetur. *Sponius* in *observations sur les fieures & febrifuges*, accurata & diligenti perquisitione se comperisse ait, corticem febrifugum non trunci & ramorum, sed radicem esse, assentit *Raius* loco supra adducto. Præstantissimum esse radicem corticem censet itidem auctor *des admirables effets* p. 29. & dignosci lineolis transuersim superficiem secantibus. Immo existat vol. 24. n. 290. *transact. philosoph.* p. 1596. rarior obseruatio *Oliuerii*, qua arbor hæc *querango* Indis vocari, & fructum ferre dicitur a castanea solo cortice externo distinctum, qui cortex, *chinachina* proprie dictus, primum in vfu fuerit, & ab indigenis, præ alio trunci & ramorum, maximi fiat. Ea vero auctorum illorum fides, & remedii potentia est, vt omnium partium corticem prodesse credibile sit, & quod *Fracastorius* de ligno sancto canit, de hac arbore dici posse:

- *spectata nouis virtutibus arbor,*
Spes hominum, externi decus & noua
gloria mundi.
Fortuna deum manibus, sata semine
sacro.

Semen ipsam *pipitas de quina* Hispanis dici, & febribus remedio esse, *Raius* & *Valius* memoriæ prodiderunt.

Q

ferim vero a ligno leuiori, cuius frusta sæpe immixta esse *Raius* etiam & *Pometus* obseruarunt, & nos plerumque vidimus, probe separatum. Sapor & odor præcipua sunt indicia, quibus natura singulariter res odoratas & sapidas singulas donauit raro arti vel mangonio perfectè imitabilibus: & quæ, sensu aliquando percepta, a deceptione quemuis experientia pollentem custodire, sine curioso studio, possunt. Ita specificus ille mucidus sapor & odor facile distinguitur a putrido aquoso, quem corruptus per infeliciores navigationes & madefactus cortex sæpe spirat, ægris ultra modum nauæosus, & merito ex pharmacopoliis proscribendus. Iisdem sensibus nihil expeditius est, quam *chinam spuriam*, siue *casçarillam*, a vera distinguere, quæ etiam colore differt (h), & palato & naribus plerorumque hominum, per singulares sui generis particulas, aliter amaras, minus adstringentes, magisque acres & pingues, nequaquam vero mucidas, aliquanto magis aromatica & fragans, præ-

(h) Cortex vterque extus asper est, intus læuior, & vterque sæpissime tenuis tubulatus, & colore cinereo seu argenteo, quasi lamella quadam, obductus: sub hac vero, vel vbi hic color externus deest, verus cortex obscurior minusque rutilus quam intus, & sæpe ferrugineus, apparere, sed in puluerem minutus cinamomum totus referre solet. Casçarilla, quando color cinereus extus deficit, quod perquam frequens est, aut vbi is deraditur, extrinsecus intrinsecusque fere sibi similis est, colore obsoleto ferrugineo, quem etiam in puluerem redacta seruat, etsi intus aliquantulo pallidior. Hæc vilior species est, vnde esse puto, quod ligno ita permixta non reperiatur, vti cortex verus, cui carior artes per myropolia magis insidiantur. conf. *Stisser. act. laborat. chem. specim. 2. cuius cap. 9. agit de cortice eleu-*

terii, id est casçarilla, pro cortice Peruuiano chinachina vendito. Ibi, "quamuis, inquit, callidi seplasiarii, "fallaciam suam velantes, corticem "eleuterii sub nomine *casçarilla de* "la oia, vel, *palo de calenturas*, credulis obtruserint, quibus tamen nominibus Hispani corticem Peruuianum china china dictum denotant; "sciant tamen, corticem eleuterii, "a Peruuiano illo, quoad texturam " & virtutes, multum differre. Cortex enim eleuterii particulis resinosis turget, quæ diffracto cortice statim in conspectum prodeunt. Hinc tenax obseruatur, & difficulter in puluerem abit, ponderositate quoque sua, grato sapore, odore, aliisque qualitatibus; a china china distinctus est,, Eleuterii cortex etiam apud *Dalium* in pharmacol. l. c. audit.

præsertim vi ignis & fumi suctione videtur (i), quamvis per se odore, nisi accendatur, fere debiliori, quam verus cortex. Hæc vero in febribus profligandis virtute longissime est inferior, quod expertum quemlibet testor, quamvis ceterum magnopere laudabile, & laudatum (k), sit medicamentum.

§. IV.

(i) Nescio, vtrum præter vſitatam corticem Cinchinam de cascarilla sermo sit *Mangeto*, an de Potofienſi veri corticis ſpecie, quum in bibliotheca pharmaceut. T. II. p. 696. ſqq. primo quidem dicet: “cortices kinkinæ sunt craſſitie mediocri, foris ſcabri, paululum caneſcentes, ſæpe muſco obducti, intus læues, colore ferrugineo ſeu cinamomeo, ſaporis acris & amari: *deinde vero*, hiſce patet, *inquit*, quomodo differant ab alio cortice, qui etiam nomine kinkinæ ac corticis Peruuiani nobilitatur. Eſt enim hic tenuior, foris cinereus, intus ex fuſco aut obſcuro ferrugineus, ſaporis acris, amarican- tis, ſubpinguis, odoris fragrantis. Cortex hic a plurimis præfertur kinkinæ veræ, quia maior vis aromatica ei ineſt,,. Speciem hanc *Mortono* uſurpatam putat, qui caſcarillam plane ignorauit, & qui certifiſime vero cortice ſolum uſus eſt. Similiter fere caſcarillam deſcribit *Hermannus* in cynos. mat. med. niſi quod odorem debilem dicit.

(k) Mirum in modum extollitur a *Stahlio* in not. ad ſatyram *Haruei*. “Quis credet, *inquit*, p. 226. quod ille vix a tringinta annis cognitus cortex caſcarilla ſit remedium, non ſolum ſine vlla concitatione caloris ſecuriſſime ſudori viam ſternens, ſed etiam apprime diſcutiens, & reſol-

uens: *anodynum* per hæc ipſa ab omni *narcoſi* alienum, & tamen hoc etiam ſcopo ad ſenſum efficax: *pe-ſtorale* nulli alteri ſecundum, ple-riſque vero præferendum: *carminatiuum, anticolicum, antidyſenterium* præpollens: in nulla febre ſine exitio (modo *prudente*) uſu adhibendum, ſi iuſtis ſcopis applicetur: *pe-ripleurmonicæ* quaſi ſpecificum. conf. eiud. pract. colleg. & ibi annotationes *Storchii*. p. 702. ſqq. Experimenta repetita & comparata, quæ ingentes illas virtutes, magna ex parte nouas, huic remedio æque, ſi fieri poteſt, vindicent, ac vero Peruuiano cortici viſ *ληξιπυρετος* dudum aſſerta eſt, & regulas, quæ laudatum prudentem uſum & iuſtos ſcopos explicent, legitimisque limitibus circumscribant, communicari clare & diſtincte cum medicorum filiis, tum ab illuſtri illo auctore, tum a pluribus viris experientibus, vellem. “*Stiffer.* l. c. virtutes, ait, quod attinet, febriſ fugas illi inhærere equidem affirmare haud poſſum, tamen eius uſum in totum haud reiiciendum, cum particulis reſinoſis & baſamicis corpori noſtro haud ingratis reſertus ſit,,. Idem tincturas eleganter inde parare docet, quarum virtutes baſamicas, & diureticas, in phthiſi, uti dicit, aſthmate, ſcorbuto, arthritide, calculo, proſicuas ſibi repertas laudat.

§. IV.

Usus efficax.

Atque hoc quidem, de quo scribimus, rerum statu, puluerem corticis ita electi subtilissime tritum, in substantia, quod dicunt, longe quippe, vti in confesso est, & in vulgus notum, efficacissima, omnibus anteponimus præparationibus pharmaceuticis & chemicis (a), quas ipsi magni alioquin æstimamus. Exeunte igitur, & in intermissionem, immo vel remissionem satis obseruabilem (b), terminato paroxysmo, facta vel omissa pro indicationibus euacuatione, drachmam integram pulueris, tertia, immo vel altera quauis hora exhibuimus, quocunque modo minime nauseoso (c) deglutiri commode potuit, vt vncia vna, aut etiam amplius, in accessionum interuallis assumpta, vel penitus instantia symptomata auerteret, vel minueret certe, & periculum amoliretur. Et longe tunc profecto tutius maior hæc & repetita, quam exigua &, vano medicamenti timore, refracta & rara dosis, aut nescio quibus correctionibus castrata, præbetur. Quicquid enim metuendum est, id non a corticis

(a) Recte cl. Elias *Camerarius* system. cautel. medic. p. 494. "chinæchinæ
"essentia in extractum liquidius re-
"ducta, conuenientissimum dicitur
"remedium: præferent tamen ii,
"quos solidior frequentiorque docu-
"erit experientia, pulueris alcoholi-
"fati usum prudentem., Ad men-
tem *Apini*, hist. febr. epid. Her-
sprucc. §. 48. ex vero cortice optimo
extractum cum aqua parari curamus,
& phænomena *Apinianis* plane si-
milia inuenimus. Feliciter etiam eo
sæpe vtimur: sed, hoc morbi statu,
substantiam corticis præponimus, cu-
ius efficaciam certiore exploratam
habemus, & ipse ille auctor præfert,
vbi morigeros satis ægros habet. §.
49. Extractum etiam cum vini spi-
ritu paratum adhibuimus alibi cum
successu, ad modum auctoris *des ad-
mirables effets du kinkina*. p. 119.

Lentilii in eteodr. p. 227. 229 1009.
Neque ipsam essentiam vulgarem sper-
nimus. Decoctioni etiam & infusi-
oni sua laus manet. Potentius tamen
puluerem agere, & cetera spem sæ-
piusculè frustrari, nemo forsan ex-
pertus negauerit.

(b) Cuius, si periculum urget, vel um-
bram solum superstitem requirit *Api-
nus*, sed ad tempus, vbi remissio esse
debet, & ad regimen pro diapnoe,
quam tunc id remedium potenter &
secure promouet, sollicitè respicit.
§. 47.

(c) Elegantiores ad palatum & usum
præparationes descriptæ exstant apud
omnes passim, quos hac descriptione
nominauimus, auctores, & mirum
foret, ni, eligendo & mutando, re-
perire aliquas possis, quæ diuturnio-
ri etiam, vbi opus est, usu, nausean-
tibus ægris abblandiantur.

cis particulis naturæ amicis, sed a pernicioſa materia morbida eſt metuendum, ſi incaſſum imbelli remedio tentata fuerit, proximo forte paroxyſmo iugulatum relinquet ægrum, quem ſeruare potuiſſes. De hoc morbo ſane verum eſt, quod poeta de animo iracundo canit:

— — — — —
niſi ſeruit,

Imperat: hunc frænis, hunc tu compeſce catenis!

Immo eadem fere eſt huius remedii, quæ aliorum ληξιπυρετων natura, vt, ſicubi impar domandæ luis ferociæ fuerit, proximum paroxyſmum, acta magis in motum materia, aliquanto potius fortior interdum, quam mitiorem præſtet, id quod in morbo haud adeo velociter periculoſo non timendum eſt, ſed certo potius omne iuuamen proxime inſtans præmonſtrat: quod paſſim notatum præſagium ſæpiſſime verum reperimus, ſi quas febres doſi non ſtatim adæquata tentauimus. Vbicunque enim ſubitum periculum non timemus, & morbum vel faciliorem fore, vel chronica ſua indole lentam magis medelam probe toleraturum, ſperare licet; ibi longe minores per quatuor pluriumue horarum interualla doſes, ad ſcrupulum circiter, vel dimidium, vel minus etiam miniſtramus, memores illius Hippocratici: contraria ſenſim induci, & interquieſci debere. His autem in caſibus rem aleæ nequaquam committendam arbitramur. Quare neque tutum heic exiſtimamus, quod in febribus longis & pertinacioribus, & vbi ventriculus ſatis promte digerit, alia ſæpe medela quauis irrita, feliciter ſequimur, quodque ante *Talborium* (d) ſecuti ſunt medici tantum non omnes, ſchedulæ illius antiquæ

(d) *Talborius* ille ipſe eſt pharmacopœi filius, Anglus, empiricus, de cuius methodo tam egregia laudat *Pechlin*. L. II. obſeru. 21. vbi aliquid magis arcani ſubeſſe cl. *Cohaufenio* perſuaſit omiſſa nominis & methodi deſcriptio. v. eius archeus febrium faber. p. 102. Quare, & quia ipſa præparandi ratio adeo olim decanta-

ta, obſoleta fere, & haud reiicula tamen eſſe videtur, quamuis moderatione ſæpe & diſcretionem opus habeat, excerpta huc ex *Blegny* opusculo *du remede Angliſ* p. 41. ſqq. quod deinde latine zodiaco medico inſertum eſt anno V. menſe Ianuario, præcipua capita referre placet, quod paucis fieri poteſt. “Tres ſunt
“inſu-

tiquæ Romanæ, recoctum a recentioribus etiam quibusdam aucto-
ribus, monitum, vt vnico præbio ad drachmas circiter duas dato
accedente paroxysmo, vel breui ante paroxysmum, vbi maxima sit
inte-

“infusiones, quæ primarium medica-
“mentum constituunt. Corticis Pe-
“ruuiani probe electi & in subtilissi-
“mum pollinem redacti libra vna ir-
“roratur per diem vnam vel alteram
“idemtidem succo petroselini, foeni-
“culi, apii, tussilaginis, hederæ ter-
“restris, pentaphylli, decocto anisi,
“tinctura rosarum, aceto scillitico,
“aut simili, proconditione morbi &
“& ægroti. Hinc sensim affundun-
“tur vini rubri mensuræ XV. seu li-
“bræ XXX. statimque & deinde quo-
“tidie probe agitantur, obturatur
“vas, fit infusio frigida per dies octo:
“dein colatur vinum per pannum ar-
“ctum duplicatum, & in lagena vi-
“treâ ad vsum seruatur, tribus men-
“sibus incorruptum. Dantur post
“accessionem vnciæ tres, quatuor,
“quinque, vel sex, pro dosi, & de-
“inde singulis trihoriiis, extra & per
“ipsos, vbi opus videtur, paroxys-
“mos, cum succo citri aut aurantio-
“rum. Bihorio ante medicinam ci-
“bum quemcunque aptum dare ne-
“cessarium habetur., v. præcipue *les*
admirables effets du kinkina p. 48. sq.
“Vbi vnus paroxysmus iam non re-
“diit, mane solum & vesperi per
“quinque dies præbium sumitur. Re-
“siduus puluis, addita denuo libra
“dimidia, per decemdiu cum eadem
“vini quantitate infunditur. Huius
“secundi vini per octo dies mane do-
“sis propinatur. Residua iterum ma-
“teries similiter, sed sine nouo addi-
“tamento, infunditur, & tertium
“hoc vinum per duas hebdomades

“alterno, hinc per duas alias tertio
“quouis mane exhibetur, donec ex
“omnibus infusionibus octo mensu-
“ræ consumptæ sint. Pertinacioribus
“febris opponuntur drachmæ qua-
“tuor vel sex electarii confecti ex
“puluere corticis cum syrupo cydo-
“norum aut limonum, bis quotidie:
“aut singulis infusi dosibus pro re
“nata instillantur guttæ quinque vel
“octo tincturæ, ex corticis in pulue-
“rem minuti vnciis duabus, cum spi-
“ritus vini vnciis octo ad solem per
“quindecim dies digestis, & filtratis,
“paratæ. Verum sub hoc velo tin-
“ctura opii latuisse videtur. (v. *Ble-*
gny. p. 82.) “qua diarrhoeas maxime,
“vel tusses, & dolores febri iunctos
“moderari interdum ex re visum est.
“Descriptionem & vsum tincturæ
“Tálborianæ ex opio, saffrafras & a-
“saro habet libellus *les admirables*
effets du quinquina p. 134. sqq. Al-
“uus vbi adstricta fuit, tria vel qua-
“tuor cochlearia tincturæ hieræ pi-
“cræ cum vino paratæ singulis infu-
“si præbiis addere placuit., Hæc
illa est methodus, quam rex Galliæ
ab Anglo empirico duobus millibus
Ludouicorum aureorum & annuo sti-
pendio totidem Francorum, addita
dignitate equestri, emtam in publi-
cos vsus euulgauit, quia omnibus
febris intermittentibus cito, tuto,
& sine reuersionis metu debellandis,
sufficere prædicata est. Agnouerunt
certe vel inuiti, ne dicam inuiden-
tes, medici artis peritissimi, melius
huic empirico, & constantius, quam
fibi

integritas, febrim oppugnemus, idque, quoad opus videatur, eo solum tempore repetamus, quæ methodus omnibus aliis, tanquam vnice efficax, præfertur a *Listero* (e). Atque vbi medicus haud satis mature ante accessionem accedat, quin dimidiæ minimum vnciæ pondus sensim ministrari possit, manum de tabula abstinendam putamus.

Laborabat ante aliquod annos vir, in quadam vicinæ nobis prouinciæ vrbe, fere sexagenarius febre tertiana intermittente soporosa. Accitus medicus magni nominis instantem paroxysmum exiti-
osum

sibi ex voto cedere corticis vsum, & ante editionem publicam aliqui iam hariolati sunt, post multa, vt diuinarent, tentamina, hanc rem, quam negare non poterant, singulati præparationi, vel multiplicatis dosibus deberi, certissimæ rationi paroxysmos recidiuos præcauendi: vt ait *Blegny* zodiac. ann. I. m. Ianuar. obs. I. Rex ipse Ludouicus, & pluri ex eius familia principes, & alii magnates, & ingens hominum numerus, hac methodo conualuerunt ex febribus intermittentibus & continuis. conf. *les admirables effets du quinquina*, libellus Parisiis editus 1689. auspiciis *Fagonii* comitis archiattrorum, vbi docetur ratio *Talborianam* methodum ad temperamenta, ætates, & morbi differentias accommodandi, mutando vehiculum & dosin, ac substituendo aut addendo substantiam corticis, aut extractum. Hinc nata est primum methodus nunc vbique fere recepta, qua cortex post paroxysmum, & deinde per aliquot horarum interualla, partitis vicibus, assumitur, & ipso sanitatis tempore diu continuatur, quum antea medici, solitum in vfu medicamentorum febrifugorum amarorum morem secuti, omnes breui ante accessionem hoc remedium dederant, idque ple-

rumque, simulac sanitas rediisse visa erat, seposuerant; idem illud, repente forsan febre, repetituri, donec vel, tempore adiuuante, perpetuo euanesceret morbus, vel aliam faciem indueret, & medentium circulos plane turbaret. Hinc ergo illa laudatio *Pechliniana*, haud profecto iniqua, si mentem acutissimi viri recte intueamur, qui empirici inuentum docta methodo moderari procul dubio nouerat.

(e) in mantissa ad exercitat. de hydrophob. p. m. 55. sqq. Probatur etiam *Dolæo* encyclop. med. p. 185. Consentire videtur vir experientissimus, Io. Maur. *Hoffmannus*, in notis ad *Hartmanni* praxin chimiatri. p. 980. *Bartholinus* qui hist. anat. cent. 5. hist. 50. “schedulam illam Romanam “integram exhibet, proficuum eius “methodi vsum Romæ aliquot ho- “minum millia experta esse testatur, “quum anno 1653. febres malignae “quartanae simplices & duplices in “vrbe grassarentur.,” *Schellhammer* in genuina febrium curandarum methodo p. 142. “& ante & post paroxysmum officium præstare corticem “expertus memorat, illud autem non “nisi præparato prius sanguine, hoc “vero semper, vt medicus de effectu “securus esse possit.,”

osum fore ex feralibus indiicis auguratus, & vnam ratus spem superesse in specificæ antidoti virtute, post satis longas consultationes & disceptationes, corticis dosin, vnam exhibuit; sed, superueniente ante alteram patoxyismo, nihil inde opis pro auertendo tristis prognostici euentu præstari potuisse expertus est.

Datum pro re nata felicissime est medicamentum vel solum, vel additis aut interpositis succo nasturtii aquatici, & inde paratis, potu theæ, café, spiritibus & salibus volatilibus acidis, alcalinis, mediis, qui & venenis soporiferis aduersantur, & corticis virtutem intendere creduntur *Raio*, *Pitcarnio*, *Heluetio*, *Hoffmanno*, *Mangeto*, *Cohaufio*, & aliis. Redeunte forsân paroxyismo, qui, si recte fiant omnia, teste multoties repetita experientia, leuior & periculi expers futurus est, non, nisi que temperant & reficiunt, dare licebit, omisso tantisper cortice, donec accedat declinatio. Aer, & διαφροensis, quæ, æque ac διαγρησις & aliæ excretiones, naturæ roboratæ viribus expeditius a cortice succedere solet, iusto in moderamine seruari. Paroxyismo & sudore penitus exantlato remouenda sunt lintea halitu febriculoso inquinata, quæ mutatio deinde etiam ad plenam usque sanitatem eo tempore repeti debet, ea cum cautione, vt lintea probe siccata, & alii forte homini sano per noctem adhibita vsurpentur.

§. V.

Usus continuatus.

Declinante accessione reperendus est statim cortex, nullaque alia medicina, nisi quid vrgeat, interpolatus, in notabilium paroxysmorum interuallis tertia vel quarta quauis hora dandus, neque desistendum est prius, quam paroxysmi fugati sint penitus, & æger cum sanitate in gratiam rediisse videatur: adiuuante optima diæta (a), & quam primum fieri potest, moderato motu in æri liberiori purio-

(a) Hanc vbiuis, apud auctores descriptam huc exscribere opus non est. Id tamen hic notare placet, vtile esse illud *Talborianum* monitum, cibo

aliquo conuenienti, bihorio circiter ante & post corticem præbitum, sustentandum esse ægrum, habita tamen paroxysmi ratione, qui præsens vel

puriorique (b). Pulsus æquabiliter perpetuo bonus sit, lingua sana, vrina qualis per sanitatem consueta, vel solito limpidior aliquantum & copiosior, appetitus naturalis, vel naturali acrior, nullus dolor, nulla functionis turbatio, quæ sub febre acciderunt, præsertim per interualla paroxysmorum, affligat amplius, lassitudo corporis quasi vlcerosa, & cutis color febrilis euauerit, antequam a continenti corticis vsu desistas. Atque hæc, si quid in arte certi est, certissime ita euenient (c) intra vnius plerumque, vel satim alterius hebdomadis

vel proxime imminens nutritionem prohibet. Sunt qui, neglecta hac de sumendo alimento admonitione, a vi remedii potenter digerente, & tonum ventriculi, qui per febres debilis est, roborante, dolorem quemdam stomachi rodentem, &, vbi teneriores sunt, quasi leue animi deliquium patiuntur, quemadmodum ab exinanitione longaue fame contingere solet. conf. *les admirables effets du quinquina* p. 49.

(b) Experientia tamen testatur, metuum non esse, ne per necessarium debilibus in lecto cubitum, teporemque moderatum & æquabilem, efficacia remedii certissimi sufflaminetur, quod videtur innuere *Sydenhamius* ep. I. p. 383. *Raius* in hist. plant. c. de gannanaperide, eadem quæ nos de hac *Sydenhamiana* cautione expertus monet. Immo potius exhortamur aegros, vt tempore paroxysmi, etiam si is semel iam iterumque non redierit, lectum petant, vt vires conseruent, & sponte forsan euenientem *διαφορῶν* caute expectent. In omnibus morbis acutis, & in febrium paroxysmis, & in quauis debilitate insigni, & vbi lipothymia timetur, a doloribus, sanguinis aluique fluxibus, puerperio, abortu, im-

mo a sanguinis missione, regula practica vtilissima est, vt aeger, quantum fieri potest, quietus, in situ fere horizontali, seruetur, capite non nisi pauxillum erectiori, ne, sanguine difficilius adscendente ad cerebrum, ceterasque partes superiores, tumor cum reliquis visceribus inferioribus obruatur, tum ipsa neruorum fibrarumque motricium œconomia, omnibus corporis functionibus conseruatu necessaria, labascatur. Graues sæpe molestias, immo noxas & pericula, a spreto hoc vel neglecto monito obseruauimus. Conspirat nobiscum elegans dissertatio *Hoffmanniana* de situ erecto in morbis acutis periculoso, & eiusdem viri medic. consult. vol 2. p. 76.

(c) Experientia euincit, non deberi remedio, sed molitioni non adæquatae & præter rem timidæ, quod *Ramazzinus* p. 226. plenam *απορροήν* cortice obtineri non credidit, "pulsu semper remanente paruo, & cum aliqua frequentia.", Exscripsit hunc errorem manifestissimum, rem plane non expertus auctor de impostura corticis p. 12. Prouoco ad ceteros, quos passim nominaui, obseruatores omnes, & quemlibet medicum expertum, & plura inter nos experi-

madis decursum, nisi rarius leuiusculæ quædam sine febre reliquæ, vel molestiæ consuetæ ante morbum, vel aliunde ortæ, remaneant, quæ cedere indies magis magisque medelæ continuatæ detrectent, atque ideo, facta intercapedine, ὑσεργεργυαν paullisper expectari suadeant. Imminui dosi periculo superato potest sed non facile, his quidem in casibus, ubi vitæ periculum instans adfuit, infra scrupulum vnum, vel drachmam dimidiam, vel quantum fere æquipolleat decocti aut infusi, ter, quater, quinquies, vel sexies, si fieri potest, quotidie assumendum. Pauciora enim vel minora præbia haud adeo fidum spondebunt successum, sed repullulanti febris violentioris repressæ pabulo tempus fortasse largientur: dum ex aduerso amplior paullo dosi nihil omnino metuendum relinquit. Vbique tamen iusta est habenda ratio digestionis & εὐφορίας, quomodo natura soluat, & in vsus vertat datum remedium. Quod si, dum hæc fiunt, plenitudinis humorum signa appareant, quæ plenæ curationi obsint, tutius iam, exantlato discrimine, & coctis specifico remedio humoribus, euacuationem aliquam moliri licet (d), subiuncto tamen statim rursus & continuato, quoad opus est, cortice; cui tunc, si ex re videatur, apta etiam misceri possunt cathartica, more *Lancisii* (e), *Trauersarii* (f), *Hoffmanni* (g), & aliorum (h): vel tunc etiam rursus postponi, quando superato morbo plena coctio præstita, & humorum tamen copia expurganda esse videtur (i). Idem esto de venæ sectione, si ex methodo indicatur, iudicium. Proscribendus autem est vulgi indocti error, quo necessaria vbique statuitur post corticem purgatio, ut nocituræ, si diis placet, remedii particulæ, ex corpore eiiciantur, cuiusmodi homines scite interrogat cl. *Cohausen*,

mentorū millia. Experientia perfecta refellit imperfectam, continuata abruptam, simplex eam, quæ variis frustra medelis aliis interturbatur.

(d) *Bianchi* histor. hepat. p. 282. sqq. *Berger*. in cortice vindicato. §. 8.

(e) L. II. epid. 4. c. 8. §. 22.

(f) ibid. p. 304. sq.

(g) med. system. T. 4. p. 64.

(h) ut *Talborii* ap. *Blegny remede Anglois*. p. 53. sqq. *Bianchi*. p. 283. 644. *Hermann*. cynos. mat. med. p. 208.

(i) *Bianchi*. l. c. *Zuingerus* med. pract. c. de quartana. De causâ dissensus *Sydenhamii* & aliorum infra dicemus, ubi de reuersionibus febrium, quas illi ab omni purgatione metunt, agendum est.

sen, num quod habeant remedium *chinagogum*? quemadmodum hydragoga, cholaloga, phlegmagoga, singularia dicuntur. “Osten-
 “de (k), inquit, remedium, quod particulas corticis noxias, fan-
 “guinī immistas, & vna febrilem præcipitatam educat, & Phyllida
 “solus habebis. Sanguinis fluxus naturalis & consuetus vsum cor-
 ticis non prohibet, si eo opus esse videatur. Attamen sub regulari
 mensium & lochiorum fluxu lubenter suspendimus manum, & ne-
 que alia remedia quantumcunque generosa, neque hoc ipsum exhi-
 bemus, nisi grauis indicatio vrgeat. Fluxus autem irregularis &
 morbosus, vti ceteræ sub febribus euenientes excretionum turbæ,
 continuato remedio felicissime in iustum ordinem & modum re-
 digitur.

§. VI.

Symptomata emergentia.

Symptomatum a febriculosi Protei reliquiis, vel ægri constitu-
 tione, dum curatio durat, emergentium ratio haberi debet, mixtis
 ex arte, si quibus opus est, aliis præfidiis, quæ præcipuo medica-
 mento locum tempusque non præripiant. Nolumus heic sigillatim
 de singulis agere, quod dudum alii, quos passim adduximus aucto-
 res, factitarunt, & methodus medendi specialis quemlibet medicum
 docere debet. Pauca, post febres maxime soporosas, aliasque,
 præsertim ante perfectam sanationem, & si minus sufficienter datus
 est cortex, & vbi penitus omissus est, obseruata recensere breuiter
 lubet: quæ pleraque omnia continuato & repetito remedio cedunt,
 interdum alia adminicula expetunt. Quibusdam hæmorrhoides
 cœcæ cum tenesmo molesto & aluo adstricta prodeunt, sed tempo-
 re & continuato remedii vfu facile & certo euanescent, adiectis aut
 interpositis forte medicamentis ex nitro, aut quæ virtute salina ama-
 ra cathartica eius naturam æmulantur (a), floribus item vel lacte sul-
 furis (b), & ipso millefolii decocto, & quod singulariter vel solum
 pro-

(k) p. 62.

(a) v. *Lister*. de fontibus medicatis An-
 glia c. I. §. 4. 5.(b) quod sulfur regeneratum est, & ple-
 rumque ad dimidiam integramue
 drachmam, immo sæpe ad aliquot

profuisse scimus, duobus forsan mercurii dulcis granis (c) vespertinae cuius corticis dosi additis. Extrinsecus, ubi opus fuit, adiuuimus enematibus nitrosis, sacculis, fotibusque ex hyoscyami foliis & sambuci floribus, albo Græco (d), aut similibus in lacte coctis, vel spiritu, ubi ardor id permisit, camphorato madefactis, & ipso unguento albo camphorato aut simili remedio saturnino *), ubi tutum visum est sanguinem eo loci affluentem præpedire, inuncto vel suppositorii ope profundius immisso, hirudinibus etiam nonnunquam ob turgentia vasa applicatis. Aurium tinnitus cum surditate aliqua (e) & capitis temulentia, solo corticis continuato usu, & morbo ita deuicto, sensim sponte cessat: aliquando venæ sectionem interea administrandam requirit: rarius in abscessum auris, fotu lactis, cataplasmatibus, similibusque maturandum, terminatur. Rheumatismum (f), quem, uti vagum Sydenhamius ex febre, vel proprio motu & naturæ ope, vel repetito corticis usu, curata, fixum vno mem-

drachmas datum, & repetitum, album cum foetore sulfureo soluit, & asthmaticæ oppressioni, & colicis doloribus cardialgicisque, ut plures virtutes taceam, egregium leuamen præbet, ut mirum adeo sit, esse auctores, qui id remedii inter calces inertes reponant. conf. cel. *Lentilius* iatromn. p. 73. 74. *Ludouici* pharmacia differt. I. p. m. 256.

(c) v. *Hoffmann*. med. system. T. IV. p. 64. sq. *Iunckeri* notæ in materiam medicam tabul. 8. p. 256. sq.

(d) v. cl. *Storchii* siue *Pelarchi* eteodromos I. p. 128. 281. qui postremum hoc medicamentum spiritu vini Rhénani dilutum pro insigni εὐπογισσῶ laudat. Neque id non respondet experientiae.

*) præcipue unguento *nutrito*.

(e) *Mortonus* exercit. I. c. 7. p. 51. "fidenter, inquit, dico, idque post-

"quam iam ad 25. annos quotidiano
"usu corticis vires explorando exper-
"tus sum, *me nusquam* nouisse ali-
"quid mali ab eius usu cuiquam eue-
"nisse, præter surditatem aliqualem,
"quam *sponte illico* a morbo euicto,
"vel pulueris emissionem, cessare *sem-*
"*per* obseruaui.

(f) Epist. I. p. m. 376. "de cortice, in-
"quid, Peruvianum vere affirmare pos-
"sum, non obstante tam vulgi, quam
"*per paucorum ex doctis* præiudicio,
"me nihil mali ægris accidisse ab eius
"usu vidisse unquam, vel cum ratio-
"ne suspicari potuisse, nisi quod illi,
"qui longum & repetitum corticis
"Peruiani usum experti sunt, in spe-
"ciem quandam rheumatismi scorbu-
"tici nonnunquam incidunt. Hoc
"autem malum *perquam raro* ex hac
"occasione nascitur, & quando ac-
"cidit, *facillime* remediis cedit, add.
"histor. morb. acut. sect. VI. cap. 5.
"p. 251. sqq.

membro etiam atque etiam obseruauimus, fustulit emplastrum de hyoscyamo (g) *Ludouici*, vere auctori polychrestum dictum, parti dolenti statim admotum & gestatum, non intermisso intus cortice, & interdum addita, ad *Sydenhamii* mentem, ari radice & aliis σκελετωρ-βης remediis, & misso itidem, si res postulauit, sanguine. Tusses, dolores, diarrhœas, quæ vbi febris nondum superata penitus est, haud raro ei sese associant, & dum modum excedunt, felicem remedii effectum impediunt, moderari expeditum est, quod dudum plurimi auctores annotarunt, addito singulis vel alternis corticis dosibus leui anodyno, verbi causa laudani liquidi *Sydenhamii* guttulis tribus, quatuor, pluribus, si soporis metus iam non vrget. Obseruauimus vero aliquoties, exantlata iam febre, & vbi cessauimus a medela, vel vbi febris etiam sine cortice a motibus suis desinit, in iis maxime ægris, qui sanguine hæmorrhoidali, & sero scorbutico turgere visi sunt, superesse diarrhœam feri biliosi indolentem, vel dolorificam, muco interdum sanguinolento mixtam, quæ res, si medicationem exposcere, ob appetitus & virium languorem, & febris recidiuæ metum, visa est, egregium auxilium, sine adstrictionis præposteræ nota *), sensim præbuit aqua thermarum Emsana (h), calide

(g) v. *Ludouici* pharmacía diff. I. p. m. 307. & alibi. Quando materia vel glandulis *Hauerianis*, vel partibus musculi alicuius tendinosi, altius impacta, & arctius fibræ tensis contracta est, tunc medela reliqui corporis, & fibrarum motricium robur, vix sufficiunt; sed opus est remedio topico mature applicato, quod strictionem dolorosam viasque laxet, & emolliendo digerendoque, motui reddat humores ob regressum negatum stagnantes. Qua cautione tempestiue obseruata, promte sæpe discussimus eos rheumatismos artuum, quos scorbuticos vocant, quosque alias valde chronicos, & ægre deinde expugnabiles, notare licet. Non lo-

quor de arthritide fixa typica, ex genere podagræ, neque de vaga scorbutica, aut etiam febre arthrica, neque de congestione sanguinea calidiori, neque de secessione apoplectica aut paralytica; sed de fluxione feri acris & visceri, seu scorbutica, ad iuncturam tendinesue vnius membri dolorifica, quod malum vulgo rheumatismus frigidus, **Falter Sluß**, dictum, aberrante natura firmiter ibi figitur si in principio negligatur: contra, si promte resolutum sit, medicamentis intro datis subigi, restitutisque in ordinem excretionibus, elidipotest.

*) conf. Excerpt. e. *Commerc. noric. m.* Apr. 1733. §. III.

(h) Eximium hoc aduersus varias diarrhœa-

de mane ad libras circiter duas hausta, & continuata, donec alvina proluuies, diuresi aucta, & temperatis humoribus, cessarit. Immo ipsi febrifugæ medicationi aquas hasce innocuas sociare idemtidem

rhœarum causas & tutissimum remedium, monente medico illustri, tum in his casibus; tum etiam, quamuis minori dosi, ad libram vnam vel infra, in ipsis febribus acutis, verbi causa in pleuritide, vbi alui fluxus superuenit, & demulceri debere reputatus est; tum denique in diarrhœis biliosis & scorbuticis & hæmorrhoidalibus chronicis, feliciter sæpe experti sumus. Ad chronicos alui fluxus nouum hodie aliquod in Gallia celebratur remedium, in hac forte diarrhœa febrili vtile futurum, cortex ex Guiana, Franciæ orientalis insula, delatus, arboris *simarouba* dictæ, cuius ante annum portionem transmisit vir celeb. Antonius de *Iussieu*, botanicus & medicus Parisinus excellens, vna cum dissertatione ab ipso disputata: an inueteratis alui fluxibus *simarouba*? “Ibi de nouo “hoc cortice Guianensi, parem iam, “ait, quindecim abhinc annis apud “nos, quam apud Guianenses, effectum constanter præstat: color ei “ex albo flauescens, nullus odor, sapor subamarus, lentescentibus fibris “constans, candido, leuissimo, insipidoque radicem, stipitem, truncique ligno hærens, a quo facile separatur. Decoctus primo ad vnciam vnam aut semissem in minima “aquæ copia; sic apud nos, vt in Guiana, propinatus, vomitum sæpe, incommodosque fere semper sudores, “& maiora nonnunquam feri sanguinisque profluvia promouit: quo factum est, vt pæne obliuioni datus “sit: sed correctis dosibus experien-

“tia rerum magistra salubritatem attigit. Corticis minutim secti drachmas duas in aquæ libris duabus ad tertiam humiditatis consumptionem decoque, decocti in doses quatuor diuisi vnam tertia quaque hora tepidam propina, vel corticis aut ligni pulueratorum drachmam semissem in aquæ puræ vnciis duabus dilutam, aut cum adianthi fyrupo in bolum redactam pro vna dosi, hora opportuna præbe, repetitis huius medicaminis sub qualibet forma dosibus, ad integram sanationem. Perficitur illa absque vlllo decocti potus fastidio, vlla per vomitum, vel per secessum euacuatione; sedantur tamen vnius diei spatiorum cruciatus, redit cito somnus, vrinæ fiunt copiosiores & limpidæ, rariores euadunt euacuationes, faccum odor foetidus cessat, color immutatur, e liquidis incrassescunt, cibos æger appetit, & breui reficitur. Succus neruei deprauationem corrigendi, & motus frequentiam coercendi gummi-resinosæ *simarouba* partes vim habent. Saluis functionibus aliis conuulsiuos motus sanat, intestinis balsamum suppeditat, stomachum corroborat, ciborum appetentiam excitat, eorumque digestionem amaris, incisuiisque partibus fauet, nec non & erosæ intestinorum membranæ interiori sublatum ab acrioribus excrementis mucum restituit. Nouo ergo efficacissimoque medicamine simplicium classis hoc cortice locupletior fiet, cum singulari antispasmodica vir-

dem proficuum reperimus. Pomeridie & vesperi interdum simul addidimus purgantis catholici *Glauberi* granum dimidium, vel vnum, in pilulam formatum, aut pulueri alicui absorbenti, aut ipsi cortici, remixtum, quod medicamentum ea dosi aluum haud sollicitat, & in verustis diarrhœis, ob vim glandulas obstructas penetrandi & lympham acrem temperandi, & tonum minorum fibrillarum & vasculorum roborandi, quæ sulfuribus inesse solet, felici experientia nobilitatum, & inter febrifuga haud postremum est. Tussis etiam nonnunquam febre exsuperata remansit, id quod, maxime sub autumnum hiememque, & primo vere, frequens fuit, & febre naturæ & leuibus remediis cedente sæpius euenit, exanthemate illo forsan leuiter vlceroso, quod circa labia critice euenire solet, ad bronchia delato, immo interdum ipsis pulmonibus, vbi natura haud satis sana & robusta fuit, labem minante. Tum vero aquæ Selteranæ egregiam plane opem præstiterunt. Substituimus sæpe, aut interposuimus, præsertim vbi plus pituitæ & repletionis adesse iudicauimus, reme-

“virtute, stomachica narcoticaue vul-
 “garia præcellat, cum adstringentia
 “longe superet, quæ non impune,
 “fluentibus hæmorrhoidibus aut mu-
 “lierum catameniis, interius præben-
 “tur, feliciterque, sumto simaroubæ
 “decocto, cessante noxio alui fluxu,
 “euacuanda fluentiaque cetera libere
 “ac secure eliminantur, vnde & an-
 “ti hysterica vi plerumque pollere plu-
 “ribus experimentis probatum est.
 “Euacuatis iam stomachi prima-
 “rumque viarum, sordibus, factum
 “mitius malum semidrachmæ ligni
 “puluerati vni vel alteri dosi quando-
 “quæ cedit, & contra, accedente ca-
 “cochymia ad sæua morbi sympto-
 “mata, non nisi pluribus repetitis
 “decocti corticis dosibus vincitur.
 “Corticis Guiaueo seroso biliosos, san-
 “guinolentos, mucososque alui flu-
 “xus, a continuo intestinorum con-
 “uulsiuo motu inueterascentes, illæ-

“sa stomachi functione & absque
 “morfu sanare, concedatur. Licet
 “vnica Guianeis corticis decocti aut
 “pulueris dosi etiam rebelles diarrhœ-
 “as sanatas esse compertum sit, num
 “minoris ideo habendus, si aliquan-
 “do non nisi quartæ aut sextæ poti-
 “one morbum vicerit? Diarrhœa aut
 “dysenteria pluribus a mensibus, vel
 “ab annis, laborantium maiorem nu-
 “merum hoc medicamine incolumi-
 “tatem citius certiusque, quam ab
 “vilo quolibet alio, recuperasse suffi-
 “cit, idque absque vilo fastidio, sal-
 “uis ceteris functionibus, & sine vl-
 “lo futuri alias incommodi pericu-
 “lo., Hæc, de nouo & per Germaniam fere incognito medicamento, ex doctissimi viri egregio schediasmate excerpere, & vltiori experientie commendare, data hac occasione, haud abs re visum est,

remedium *Riuerii*, quo ille solo passim in obseruationibus plurimas febres chronicas persanatas a sese memorat, & nos, si catharsis indicata est, a nobis memorare possumus, exhibitum quouis mane infusum aqueum foliorum sennæ drachmæ circiter vnius, & salis tartari dimidiæ, aucta vel minuta dosi prout res poposcit, addita nonnunquam tamarindorum pulpa & manna ad vnciam dimidiam vel vnam, & si quid aliud morbo aut symptomati dari debere visum est. Idem remedium *Riuerianum* spleneticis & spasmodicis flatulentis hypochondriorum pathematibus febrem excipientibus egregie profuit: in his tamen, si grauis vel pertinacius affligerunt, vel vetusta iam fuerunt, sacra anchora fuit, post febrem penitus extinctam, legitimus vsus limaturæ vel salis martis, vel acidularum, præcipue Pyramontanarum, aut etiam Driburgensium: qui etiam sæpe solus finem sensim imponit rebellibus aduersus plerorumque remediorum virtutem febribus, chronicæ maxime, neque subito formidandæ, at in hypochondriorum obstructionibus radicatæ indolis, vel certe egregie præparat viscera & humores, vt ceteris medelis, antehac infructuosis, locus deinde fiat, vt cum fructu vsurpentur. Similiter sceletyrben, aliaque scorbuti post febres symptomata expugnare licuit, aquis, pro re nata, lactæ mixtis. Spadanas etiam & Schwalbacenses, vbi mitius agendum fuit, vbi febricula ex hypochondriis lenta accessit, aut quando illarum æger consuetudine iam antea vsus est, laudamus.

Superioris anni vere medicinam fecimus feminæ nobili, in quartana duplici continua graui & periculum minante. Cortice legitime dato & repetito febris cum omnibus symptomatibus sine reuersione cessauit. Superfuit tamen languor membrorum & dolor, velut sceletyrbe, donec fuetum a pluribus annis ob pathematâ lienosa potum aquæ Spadanæ incepit; quo vix per biduum cœpto, symptoma illud incantamenti instar euauit.

Neque possumus, quin memoremus remedium, quod, in febriculis lentis hypochondriacis & scorbuto post febres ex intermit-

ten-

rentium genere, vel solum omnem sæpe paginam absoluit, vel & remedii magis tonici martialis, aut, si opus est, febrifugi usui præmissum, lentas viscerum obstructions expedit, saliva exuberantia & peregrina corrigit, & per urinam maxime euacuat, & calorem sanguinis fibrarumque demulcet. Serum lactis dico, vel cum cremore tartari aut alio sale acido probe depurandum, in quo sero octo vel decem frustra chalybis igniti extinguere curare solemus; vel novum illud ad celeb. *Hoffmanni*, mentem ex sale dulci seu saccharo lactis paratum (i). Præbemus mensuram circiter ynam mane acidularum more: repetimus nonnunquam dimidium pomeridie. Si scorbuti, seu splenetice passionis, evidentiores indicationes sunt, incoquimus leuiter vnius aut alterius plantæ, ex his, quæ specifico antiscorbuticæ haud immerito audiunt, cochleariæ, nasturtii, chelidonii minoris, trifolii fibrini, & temperatorum, beccabungæ, acetosæ, acetosellæ, nummulariæ, manipulos forte duos, & serum cum expressione forti colatum potui damus, aut primo haustui succum ex talibus expressum ad uncias fere quatuor miscemus. Ita ad mensem dimidium, aut integrum, aut quoad medela magis magisque sensim prodesse videtur, continuamus, & efficientiam notamus insignem.

§. VII.

(i) Lac recenter mulctum in patina larga, carbonum igne, ad puluerem flavescentem grumosum exsiccat. Pulueri tantum aquae purissimæ affunditur, quantum vapore dispersitum est: hæc inuicem bulliunt, & liquamen colatum pro sero vsurpatur. Laudatur passim in medicina consultatoria, & peculiari dissertatione de feri lactis virtute longe saluberrima §. 12-15. quo libello generatim vis & vsus feri lactis egregie docetur. Nos in præparatione feri huius *Hoffmanniani* notamus, non vrgeri debere exhalationem super carbonum ignem ad plenam vsque pulueris exsiccationem. Facile enim empyreuma concipitur, ni impense

calorem temperes. Massa adhuc leuiter humida ad solem, vel super fornacem tepidum, vel sine igne aut calore, breui felicius sponte siccatur. Id quoque monemus, disperdi exhalatione teneram illam, & sale volatili haud destitutam aquam lactis animalis, neque eam refarciri affusa, vt auctor doctissimus præcipit, aqua communi, licet purissima & leuissima. Nos aquam lactis destillatam, & sicubi commodum videtur, antiscorbuticam in pharmacopœis passim descriptam, aut aliarum plantarum virtute auctam, feliciter substitui-
mus. Conf. Excerpt. e Commerc. Noric. §. XIX.

§. VII.

Exempla aliquot singularia curatarum febrium soporosarum.

In promptu forent multa feliciſſimæ experientiæ propriæ & alienæ exempla particularia, curatarum illa, quam pertractauimus, methodo, corticisque Cinchinæ ope, febrium soporosarum & apoplecticarum recensere, quod alia forte occasione licebit, si deus otium fecerit. Neque vero negligenti aut abrupta experiendi ratione utimur. Quam possumus curiosissime in euentus omnes inquirimus. Si qui sunt ægri, qui, per medentes & consultores & medelas clanculum euagando, se forte primum, deinde simulatione nos decipiunt, pauci sunt. Multorum etiam, quibus mederi solemus, vitas conscribimus medicas, pro vsu nostro & aegrorum. Hoc est, quidquid circa eorum valetudinem memorabile accidit, id vno contextu, pro temporis ordine, in chartam coniicio, historicus fidelis, ut euentus etiam serotini luculenter appareant. Pauca iam harum febrium, de quibus agitur, exempla, quæ singulare aliquid habere videntur, ex mea praxi attingam.

Vir ultra triginta annos natus, diætæ omnigenis vitiis impense corruptus, laborarat ante annum phrenitide horrendum in modum delira, quæ venæ sectione in pede ultra libram administrata, vesicatoriis pluribus, & intus exhibito largo nitro, parca camphora, & ptisana ex tamarindis, crisi per sudorem superueniente, quum dies quartus exiret, aegre curata nobis erat. Inde aestate anni XXVII. incidit in febrim tertianam: guttulas purgantes aloeticas per aliquot dies sumit: tertia accessione per octo horas anticipante in soporem profundissimum delabatur. Vocatus ego circa horam paroxysmi quartam remedium intus nullum adhibere possum, aegro penitus consopito, & stertente, & faucibus sine deglutiendi facultate hiantibus. Chirurgum vocari curo, ut mox vesicatoria admouerentur, vena secaretur. Auocatus aliorum, sed circa octauam ab ineunte febre horam reuersus, percipio, chirurgum nihil in homine, ut dixerat, expirante tentare voluisse. Deglutire tamen iam ali-

aliquantulo melius pauxillum potus theæ poterat. Solui ergo subito iussi extracti corticis *Apiniani* drachmam integram. Quæ quum ægre sensim intra horæ quadrantem per fauces demissa esset, & enema cum infusi croci metallorum vnciiis duabus iniectum, dimidia vix horula elapsa, aluo largiter aperta, sudor prorupit copiosus; oculos aperuit miser, quamuis plane stupefactus; deglutiuit auide, quem dedimus, potum theæ; &, prætermisso semper bihorio, assumpta iterum tertioque extracti drachma, & largiter sudans, a paroxysmo soporis & delirii immunis euasit, solito tamen stupidior, & febre haud penitus intermittente. Finito sudore venam in pede aperiri, cantharidesque applicari, & corticis puluerem ipsum ad drachmam integram, aqua ex succo nasturtii aquatici dilutum, & spiritus vitrioli volatilis guttis quadraginta, spiritus salis ammoniaci viginti mixtum, tertia quauis hora dari curauim. Rediit iusto tempore, neque anticipauit, accessio, soporis profundioris expers, quamuis somnolentia cum leui delirio vrgeret; sed post horas sex, sudore infecuto, plena *απυρεξία* remansit, & constanter ad hunc usque diem superest, perfanato ex præscripta methodo homine.

Vegetus superest, sacrum munus obiens, senex plusquam septuagenarius, cui ante triennium, parcior remedii dosis post febris intermittentis paroxysmum soporosum data, alterum redire permisit grauiorem, & ab apoplectico haud diuersum. Excitato tamen feliciter aegro continuatus remedii vsus perfectam sanitatem restituit. Sesquiannus circiter effluxit, quum idem deinde senex pleuritidem epidemice tunc satis periculosam exsuperauit.

Valet pro ætatis ratione viuidior, quam aliquot ante morbum annis, Iudæus octuagesimum octauum annum agens, rabbini inter suos fungens officio, quem ante quadriennium ex febre tertiana duplici apoplectica, pluribus tunc senibus funesta, ægre a sopore excitatum, eadem methodo curauimus *).

Trien-

*) Conf. Excerpt. e Commerc. noric. §. IV.

Triennium superiori aestate effluxit, quum femina delicata, arthritidi vagae scorbuticae, purpurae, stomacacae, tussi siccae, haemoptysi leuiusculae, colicisque doloribus obnoxia, genere phthysicorum nata, ultra medium tempus vtero iterum gerens, febre epidemia τεταλιοφει corripiebatur. Morbus primis septemdecim diebus hemitritaeum verum ita referebat, ut ad corticis usum descendere non auderem. Bis secta est vena, remedia & diaeta temperatissima adhibita. Die decimo octauo primum, statim post alteram phlebotomiam, vera remissio notabatur, sequenti paroxysmus manifestior somniculosus, vicesimo remissio rursus, quae ad vicesimi primi vesperam durabat. A morbi inde principio nullum foetus motum persenserat. Sub vesperam illius diei subito delirium, hinc dextri lateris stupor, linguae grauitas, deinde catocoe totius fere corporis, cum motu dextrae manus anxio, tandem sopor profundus accessit: quae omnia, posteaquam per horas duodecim affligerunt, remittere sensim visa sunt, loquente rursus, sed cum aliqua balbutie & stupiditate insolita, continueque, quamquam remissius, febriente aegra. Admoueri curavi aliquot cantharides, aliaque tentavi ex supra dictis, sed labore ante temporis decursum vano. Obseruata remissione vero statim, & per bihoria deinceps, drachmam corticis exhibui, eo effectu frequentis ex praescripta methodo repetitionis, ut, decrescentibus sensim paroxysmis, & auctis intervallis dilucidis, post quatrimum sine febre reperiretur, integramque recuperaret sanitatem, motu foetus etiam redeunte. Peperit iusto tempore feliciter infantem etiamnum viuum. Ipsa mater, forte quia, per grauiditatem & nauseam, iusta repetendi remedii intervalla neglecta erant, ab secundo inde puerperii die febrem recidivam passa est, sed intermittentem, & quidem tertianam manifeste quadruplicem, quotidianae duplicis instar, cui levis haemoptysis, pro aegra constitutione, accessit. Septimo statim die cortice rursus uti coepit, eaque cum felicitate iusto usu conualuit, ut postea non solum melius, quam a pluribus retro annis, per omnia habuerit, verum etiam rursus iam ante sesquiannum & ultra puerpera felix, sine vlllo symptomate, facta sit, nunc denuo postremo mense grauida bene valens.

Ante

Ante hos quatuor annos vidua sexagenaria, cuius maritus, nescio quibus remediis vsus, ex eadem soporosa affectione occubuerat, tertio paroxysmo grauem soporem passa, assumpto deinde & diu satis continuato medicamine feliciter emerfit. Atque haec quidem olim lapsu a veredo, & rotarum festinantium conuassatione, misere vulnerata & contusa fuit, vnde per membra, & ossium iuncturas, & tendinum ductus, quasuis tempestatum mutationes, multasque aegritudines, sentire consuevit. Neque vero solum bene tulit copiosum corticis vsus, sed ab eo etiam tempore membrorum nervisque notabile robur additum, molestasque sensationes multum imminutas.

Simili prosperitate vsus est vir eruditus, sexagenario maior, cuius & vxor & cognatus domesticus, ex ipsa febre soporosa, omisso corticis vsu, mortem oppetierant. Duplici tertiana impetitus, & signa soporis incipientis tertio die exhibens, eodem remedio sufficienter assumpto, penitus persanatus est. Antea multo luctu debilitatus, & emaciatus, rheumatismo ischiatico, flatulentia, palpitatione cordis, intestinorum leuitate, male afflictus, sibi quasi renatus inde a triennio, quo febris cortice curata est, videtur, sanus per omnia & vegetus, immo, quod curiosum est, exsiccata etiam fere omnino, per singularem felicitatem, fistula lacrymali & epiphora alterius oculi antiqua. Sane in oculorum post variolos vitiis diuersis, ophthalmia, epiphora, vlcusculis circa palpebras, & in fluxionibus a materiei febrilis translatione, vel alias periodicis, feliciter saepe eodem medicamento vsi sumus.

§. VIII.

*Cura imperfecta: paucarum & minutarum dosum vsus
& abusus.*

Magna quidem illa & vere specifica huius medelæ virtus multorum molimina prospero beat successu, quæ huic nostræ methodo, qua paullo copiosius ad plenam vsque sanitatis integritatem remedium exhibere saepe necessum putamus, subadversa videntur. Pau-

cis & minutis dosibus, quæ aliquot forte drachmarum pondus, vel minus etiam, vniversim efficiant, plurimæ febres profligantur, & ita medicari nobis consuetum est, vel morbo sua natura faciliori, vel iam attrito. Immo quamuis etiam is, qui difficilior fuit, haud penitus extinctus videatur, euanescent tamen sæpe sponte, per ipsius benignitatem, vel exhauriuntur posteriori aliqua cura, reliquæ. Tum vero ipsum febris ingenium, vel felix corporis aerisque constitutio, id præstat, quod vbique expectare haud æque tutum reor, quam tutissimo artis præsidio rem absolutam dare, & imposturæ culpam ab eodem auertere. Quicquid enim ex materia morbi residua, immo vel ex quauis causâ, alias etiam euenturum, post huius aliquando dati medicaminis vsum acciderit, id aliqui, præsertim homines factiosi lingua, inertes opera (a), eius vnus noxio influxui, veluti pestem & bella cometis, tribuendum proclamabunt; quandoquidem stupendos remedii contra deam febrem effectus primum admiratio, filia ignorantiae, dein opiniones scholasticæ theoreticæ, & peruerforum tentaminum noxæ, aliæque causæ, quæ nominari haud merentur, semel suspectos cuidam hominum parti fecerunt. Noui virum, qui, venerea labe infectus, variis symptomatibus pœnas luebat, eaque omnia, suffragantibus amicis, accepta referebat, sumto olim ex manu medici cuiusdam egregii veneno, vt aiebat, amaræ chinæ detestabili: scilicet, quod insipida dulcedine mercurii & farsæ mulceri, & ligno sancto expiari debeat (b):

Dum

(a) ita medelarum censores maleuolos eleganter vocat *Reinesius* epist. medic. 8.

(b) Mensis elapsus est, quod curam gerere ægri similis, eamque fere penitus feliciter absolutam, postquam per totum id tempus bis quotidie sumsit semunciam electarii venerei *Bierlingii*, quod describit, & merito laudat illustris *Lentilius* iatromnem. p. 278. 383. & quauis vespera καλομέλιτος grana duo, strenueque ptisanam ex farsa potauit. Hunc, quia præter alia symptomata inde a semestri grauibis

artuum doloribus afflictus fuit, interrogauit nuper homo male peritus: numquid olim febre laborarit, chinamque assumeret, quæ nunc sese post plures forte annos moueat? Nugæ venales! Eiusmodi vero methodus sæpissime nobis optime successit, vbi violentia mali grauiorem medellam non poposeit. Continuumus, donec signa praua omnia cessent, quod sensim sine debilitate, aut functionum turbatione, fieri solet. Raro accidit, aliquando tamen, vt ab ea mercurii dulcis dosi, erosio oris, lin-

Dum sudet sædæque fluant e corpore guttæ (c).

No-

linguæ & faucium tumor, & leuis saluatio oboriatur. Id ipsum tamen proficuum potius, quam metuendum est. Neque tunc mutamus medelam, nisi quod ægrum ab aere & potu frigido arcemus, quod alias non est necessum. Quamuis peracta curatione belle valeat, repetere per aliquot annos, verno & autumnali tempore, per duas pluresue hebdomades, consueuimus electarium solum, quod & in iis ipsis moris nobis est, qui saluatione curati sunt, quos etiam, si villo modo aliquid mali restare videtur, quarto fere quouis die, per mensem vel ultra, mercurii dulcis granis quindecim aut viginti sub vesperam datis, tuto & magno cum fructu purgare solemus. Latent enim sæpe profundius in corpore, crasi seminali insinuatae, veneni particulæ, quam vt vno curationis decursu euacuari possint. Emergunt deinde sponte, vbi per anni vices, vel alias occasiones, turgere incipit materies, & si quando alii morbo forte euenienti iunguntur, symptomatum & periculi grauitatem augment. Proteus est hoc contagium, & quando semel aliquem hominem afflixit, semper altero oculo medicus ad illud respicere debet, quicquid fere symptomatis affligat. Si qui tales febri, Peruuiano cortice curanda, corripuntur, addimus in electuario puluerem farsæ, vel & ligni sancti, aut eius ligni corticis, mercurii etiam dulcis granum vnum aut alterum sub vesperam aliquibus ministramus, aut semel vel bis per hebdomadem dosin auctiorem, ptisanas ex farsa & similibus potui damus. Verum est, a morbis aphrodisiacis, ipforumque violentis

nonnunquam medelis, tonum viscerum, præsertim in abdomine, & nervorum deiici, crasin succorum vitari, & passioni hypochondriacæ ansam præberi: vnde multa suspecta symptomata luis reliquiis tribuenda non sunt: neque immerito *Freindius* in *history of physick* vol. 2. p. 385. sqq. notat, "singulare esse eorum, "qui aliquando luem passi sunt, semper sibi ad quoduis leuissimum symptomata, vel exanthema, reuersionem mali imaginari, quamuis optime curati sint,.. Medicum tamen prudentem suspicari aliquid, nunquam nocuerit; dum maxime sæpe nocuum est, nimis securum animi esse, in occulto illo detestabili veneno, quod frequens passim est, & a quo posteritas sæpe fert delicta parentum, & vbi natura nihil valet, medicina vero specifica omne fert punctum. Haud satis expertus scribit *Sydenhamus*, qui, (quum ex hypothesi sibi particulari, ea remedia ex specificorum classe proscribit, quæ cum euacuatione aliqua sanant,) de mercurio, farsa, & lignis iudicat, ea non nisi saluatione, aut secessu, aut sudore manifesto iuuare: opp. p. m. 30. 138. 418. Fateor potentius operari, si ad eiusmodi excretionem usque vrgeatur dosis & regimen, & sine iis remediis, catharses & sudationes vehementiores sæpe prodesse. Attamen ostendi potest exemplis plurimis, quæ narrando odiosa esse solent, sine vlla sensibili euacuatione curatos esse, qui, grauiter veneris malis afflicti, adstringere se potentiori medelæ noluerunt, aut per negotia, aut vires, aut alia rationum momenta, non potuerunt, vel non debuerunt.

Vidi-

Notum est, quanti haud ita pridem etiam doctiorum clamores fuerint in quicquid, chemica arte paratum erat; quid olim vsui omnimodo mercurii, aliorumque fossilium, osores male experti occiderint: meminimus, quanta superiori ætate pericula ex quouis acidularum potu timuerit doctorum & vulgi ignorantia, quia venenatas eas, & nescio qua violentia mortiferas omnino, esse debere persuadebat tum ranarum & piscium in iis suffocatio (d), tum male abutentium infelicitas, aut nescio, quæ opinio. Antequam antimonii vsum & abusu distinguere omnibus medicis licitum lubitumue esset, acutissimus *Guido Patinus*, hostis chemiæ infensus, forte quia ignarus, idque remedium, vti multi tunc docti indoctique, vniuersim pro veneno habens, *martyrologium antimonii* (e) sibi & amicis compilauit, quo omnium eorum nomina, tamquam toxico infectorum, retulit, quibus aqua emetica, sulfur stibii, antimonium diaphoreticum, bezoar minerale, aut quoduis aliud ex isto lapide paratum remedium, aliquando data fuerant: sicubi vel morbus medicinæ po-

ten-

Vidimus sæpe iuuare penitus solum continuatum vsum siue mercuri dulcis vulgaris, siue panaceae Gallorum, in dosi refracta, puluerisque ligni sancti & sarsae, quæ etiam tenellis infantibus, experimento celeb. *Lenitilii*, in pulte feliciter datur, aut decocti validi ex vtroque vel alterutro simplicium horum remediorum: quale describunt ex ligno sancto *Fernelius* aliique passim, ex sarsa *Septalius* maxime, quod, mirabile ad tabidos vocatum, exstat in *Boneti* labyrintho medico extricato p. 621. & pro aegrorum ratione, & magis minusue nutriendi consilio, mutatum egregia manifeste praestat. Itaque per experientiam etiam haud licet assentiri omnino medico illustri, cuius theoria ingeniose supponit, labem veneream pinguedinis proprie esse vitium, in cuius intima substantia ita haereat, vt non nisi tota pinguedine exhausta euelli possit. Vidimus sine macie

eueniente curari complures, immo, qui morbo tabefacti erant, pinguescendo indies a medela specifica sanescere. Vidimus etiam praecipue, sub hoc statu epidemio, multos, vbi, per febres, earumque & reuersionum ac periculi metum, nihil violenti moliri licuit, & indicata tamen fuit medicina aphrodisiacorum symptomatum, sanari felicissime, iunctis pro re nata cum cortice Peruuiano medicamentis ex mercurio, sarsa, guaiaco: quamuis, vti alias a cortice fieri solet, habitus corporis viuidior pinguiorque nihilominus euaserit. Conf. Excerpt. e Commerc. Noric. §. LII. & LIII.

(c) *Fracastorius*.

(d) Ita de acidulis Pyrmontanis iudicat *Theodorus Tabernæmontanus Wasser-schatz* c. 58.

(e) *v. lettres choisies*. Vol. I. 18. & passim.

tentiam superauit, vel medentis error interfuit, vel quacunque de causa, longo etiam post tempore, nouum quodcunque symptoma, aut ipsa mors, superuenit. Eo in catalogo locum plerisque sponderim, qui crocum matris antimoniatum *Stahlii* aliquando sumserunt, si in id opinionis popularis sæculum delati fuissent. Quod hodie in eiusmodi inexpertos antimonii iudices iudicium statuitur (f), id apud proxime venturam posteritatem, immo vel nostris diebus, ubique ausim polliceri hodiernis chinæ censoribus. Sunt enim hodie, qui circa corticis vsum eadem oberrant chorda, atque his, si pari modo ludere volupe, *martyrologium chinæ* æque vanum concinnare licebit. Vereor autem, ne martyrologium superstitiosæ illius quorundam religionis, qua cortice hoc vel omnino, vel tempestiue & sufficienter vti, piaculum habeatur, longe pluribus testibus locupletari possit, vel longi & inutilis cruciatus, vel periculi multiplicis, vel ipsius morbis victimis (g). Neque vero tunc iniuria fallaciæ alicuius, si ita loqui placet, insimulatur medicamentum, quum morbo leuiter tentato, aut imperfecte extincto, varii materiæ male commotæ motus anomali, variæque corruptelæ & stasēs humorum corporis accidunt, & vel supposititias deinde inducunt reuersiones febris, quæ nondum penitus cessauerat, vel morborum acutorum, aut chronicorum, aut inexplicabilis languoris, nausæ, & ægritudinis speciem induunt. Augentur sæpe mala medelis peruersis hominum in corticem iniuriorum. Hi enim non febrilem morbidamque

diade-

(f) *Stiffer*. act. laborat. chem. spec. 2. a. 1683. edito, "antimonii, inquit, "vis, quam pessime apud plures tum "medicos, tum rei medicæ ignaros, "audiat, in confesso est: ita, vt plu- "rimi, audito saltem antimonii no- "mine, horrore quasi corripiantur, "& quæuis ex eo præparata veneni "instar reformident. Hi autem quam "inepte agant, penes quosuis ratio- "nales & peritos in confesso est.

(g) De febribus pertinacibus plerisque verum est, quod I. I. *Waldschmidtus*

de quartana dicit opp. p. 221. casu 64. "In hoc casu, inquit, describi- "tur nobis quartanarius, tali nempe "morbo correptus, qui vel in alium "grauiores degenerat, vel remediis "violentioribus exacerbatur, leuiori- "bus autem cedere nescit,. Ea pro- "gnosi, experientia attestante monitus, ad medelam vnice certam, nempe corticem, ea quidem ætate nondum valde in Germania familiarem, sapi- enter confugit.

διαθεσιν, vti fieri deberet, sed vel ipsas innocentis remedii particulas, & nescio quas obstipationes, aut alios plane morbos intuentur, quos inde inductos somniant. Hinc fit, vt, diuinando curationes varias, sæpe quidem, iuuante natura, forte fortuna felicem morbi exitum reperiant, & chinam se ex corpore euacuasse, aut eius noxas auertisse, nugaciter glorientur; sæpius vero misere excruciato ægro, & turbata materia febrili, quæ vel cortice facile penitus superabilis, vel sponte forsan in ordinem motibus recidiuis reditura fuisset, chinam illam, chinam infelicem, culpa onerent & morbi & sua, ad doctorum edicta provocantes, vt propriæ culpæ infelicitatem excusent. Nam hi ipsi, at quanti viri, malos euentus chinæ abusum insequentes pessimi esse ingenii, & difficillime expugnari, ex experientia iudicant. Cuius origo iudicii, quod magnopere limitari meretur, facillime intelligi potest ab his, qui norunt, eas febres, vbi ad corticem accedi debere visum est medentibus, difficilioris plerumque indolis fuisse, & esse adhuc, si imperfecte curatæ sint, quique in talibus ceterarum medelarum efficientiam incertam perspectam habent, & morbum potius, quam remedium metuunt, huiusque continuato & repetito vsu illum haud difficulter, vna cum omnibus prauis consequentiis, penitus debellant: quod qui nesciunt, aut negligunt, infidum sibi præsidium in cortice reperiri dicant, per me licet. Eadem vero, immo grauiori sæpe ratione, doli, si ita loqui lubet, & infidæ curationis culpa merito in febribus male fidis imputatur aut ipsi naturæ humanæ sibi relictæ, aut alii cuicunque methodo, & cuius medicamento febrifugo, quod morbo impar sit: quemadmodum aquam incendii alicuius magnitudini, velocitati, & vehementia imparem, quæ vel flammam auget, vel impotenter aggredditur, vel scintillas hinc inde relinquit; aut aggerem aquis ferocientibus minus æquo robore obiectum, vbi spes securitatis te fefellerit, dolosi præsidii titulo vocare posses. Quæcunque enim cortici tribui solent noxæ, eas attentus sine opinionum velo obseruator facile comperiet, non medicinæ particulis in corpus admissis, sed febrili aliue morbosæ dispositioni deberi: dum febres minus tutæ, & aliis impuritatibus mixtæ, vel sponte, eadem omnia, immo grauiora

uiora sæpe, post se trahunt mala; &, quocunque demum remedio imperfecte curentur, turbatis motibus & male mutata materie, molimina anomala diuersæ speciei inducunt. Id quod omnium sæculorum experientia testata est, & quotidiana hodie loquitur observatio. Febres enim, quæ sua indole, ad habitum & diætam ægri & ceteras res circumstantes comparata, securæ sunt, quæque sua securitate multos in eum errorem ducunt (h), ut has pro norma vnica
omnis

(h) Πρωτον vel δευτερον ψευδος hoc esse videtur auctoris dissertationis *de noxiis corticis usu, quamuis recto*, quem titulum, celeb. Hoffmanni scriptioni, de *corticis usu recto* oppositum, ex ignorantia typographi ita concinnatum, semidoctus iuret typographus. Sed respondet titulo ratiocinium totius dissertationis. Vidit aut audiuit bonus vir, curari sine cortice febres plurimas sine reuersione prauisque consecutionibus. Corticem ipse nunquam adhibuit, neque forte vnquam recte adhiberi vidit. Neque etiam eo opus esse putat: "quis enim, inquit, fando audiuit, tertiana regulari, suo in successu nullibi turbata, vel in aliam febris speciem conuersa, aliquem mortuum esse,?" Et fando id audiri, & legi, vel ipsa leuis hæc nostra opella, &, quod ei occasionem præbuit, problema probat. Ecquis vero fando audiuit, medicos, qui naturæ in febribus curandis frequentes defectus, & medelæ febrifugæ vtilitatem, allegant, de tertiana maxime regulari loqui? Si qua febris aut periculosa symptomata, aut ipsam mortem acciuit, tunc auctor suaue sibi somnium finxit: materiam febrilem nocere sæpe concedens, sed febrim, siue motum a materia excitum, vel, uti theoria Stahlianiana vult, istius causâ sapienter in-

stitutum, noxa omni semper carere, mordicus defendens. Et materiem, & motum, innumerabilibus modis, aberrante vel labante natura, nocere posse, quis peritior neget? "Auctor noster, non a febre illud malum, sed cum febre fieri dicit, sine febris culpa. Cum febre enim innumeros mori fatetur, quod vel materia febrilis pertinacior sit, quam ut villo modo subigi vel maturari se patiatur, vel viscera nobilia insuperabili vitio laborent, vel aliud quoddam physico-mechanicum impedimentum obiciatur, cui natura febrim, vltimum, si diis placet, præsidium, frustra opponat,," §. 21. Si febris subita opinantis medici cura pertinacior fuit, id quod, si qua difficilioris indolis obtigit, non potuit non contingere, & contigisse ibi loci nouimus; tum ægroti forsan haud immerito impatientes, uti sæpe fit, ad empiricum corticis usum ab ipsius medela confugerunt. Hinc mala ex febris indole oriunda, quæ omnis nouit antiquitas, ipse forsan ex sua experientia & theoria imperfecta ignorat: quæque vel febre eiusque materiæ, vel inepto, aut, ob vanos metus injectos, imperfecto corticis, uti aliorum remediorum, vsui debentur incommoda, in ipsum medicamentum inexpertus coniecit. Ne de motus,

omnis theoriæ, & prognoseos, & curationis supponant, neque sub alia medicatione, neque hoc febrifugo quacunque methodo dato, facile nociuæ euadunt; sed sensim sua sponte in integram valetudinem terminari solent, id quod quotidie videre, & sæpe, si multitudinem errorum empiricorum spectemus, mirari licet: quamuis multæ sint febres, sub iusta methodo, cum vel sine cortice, tutæ, quæ, ἀμεθοδως adhibitis remediis quibusque cum vel sine cortice, haud securam indolem induunt (i). Ipsæ vero illæ imposturæ & noxæ curationis infidæ, dato legitime, & continuato, & repetito cortice, plerumque penitus cedunt, si adhuc sanationem patiuntur. “Sæpe profecto, monente *Mortono* (k), eiusmodi morbi sine huius remedii ope vix ac ne vix quidem integram curationem admittunt,,. Ita, quæ febri, metuque a cortice, & fiduciæ in alias medelas incertas, debetur, infelicis curationis nota, illi sæpe medicinæ inuritur, quæ vel sola sanitatem restituere, & hominem seruare potuisset: ingenti sane cum detrimento multorum ægrotantium, quos infaustus deinde horror aut proprius, aut amicorum, aut medicorum, a saluari & sufficienti medicatione in deuia agit. Serio ista velim perpendant non satis experti, curate experiantur, æquiter iudicent, & verita-

feu *febris* ipsius, periculis & damnis dicam, cortice reprimendis, quæ ipsa schola *Stahlianæ*, eiusque magistri doctiores, *Alberti*, *Iunckerus*, *Storchius*, alique, agnoscunt: experiatur, vbi *materia febrilis pertinacior* est; vbi *viscerum nobilium vitium* instat, vel nondum plane insuperabile est, sed fieri minatur; vbi *physico-mechanicum impedimentum* febrim naturæ relictam a bono exitu impedit: experiatur, inquam, corticis vsum tempestiuum, efficacem, adæquatum! & augebit propediem, si sincerus est, catalogum doctorum, qui proprias opiniones, errore agnito, refutarunt.

(i) Elegans est monitum *Stahlii*, sed

quod explicationem mereri ipse non neget, in notis ad satyram *Haruei* p. 216. “quod, quicumque practicus non didicerit febres intermittentes aliis medicamentis percurare, illi etiam corticis exhibitio non concedi debeat,,. Scilicet, qui febres sine eiusmodi cura specifica cito tuto & iucunde satis sanabiles & curandas, ignoret aliis, medelis ex methodo curare, hoc est, qui probe non sit subactus *doctrina & experientia medica antiqua & noua*, ille etiam merito a corticis, vti ab aliorum medicinæ præsidiorum, vfu arcendus fuerit. Vtinam a potentum liminibus aura secunda votis nostris adspiraret!

(k) p. 56.

veritatem, quam testor, suis palpabunt manibus. Confidenter certe heic eleganti illa prouocatione *Stahliana* (1) vti possumus “ad posteritatem, præiudiciis pandemiis, volente deo, liberiores,, (m).

§. IX.

Regula pro corticis usu secunda.

“Hic igitur secundus est pro genuina corticis dandi methodo
“canon, vt proportio æqua inter affectus velocitatem, magnitudi-
“nem, longitudinem, & corporis habitum specificque medicamenti
“virtutem, rite obseruetur: neque præsertim dosi iusto magis sera,
“rara, aut exigua, morbum subitaneum, pertinacem, magnum; ne-
“que eum, qui sua-natura longus est, breuiori remedii usu impugne-
“mus, & a vacillante valetudine, male deletis incendii febriculosi
“scintillis, cito nimis medicam remoueamus manum: neque verò
“etiam præter rationem vrgeamus nauseosam curationem, & inuti-
“lem grauemque corpori futuram, sed & pondus & remedii for-
“mam moderari, & mutare, & iusto tempore incipere ac desinere,
“nouerimus,,

SECTIO QVARTA

DE PRAENOSCENDIS ET PRAECAVENDIS
FEBRIBVS RECIDIVIS AGIT, ET OSTENDIT
MEDELAM ORDINE ET REPETITIONE
ADAEQVATAM.

§. I.

Februm recidiuarum iustus metus ex morbi ingenio.

Integre restituto, quantum id signis præsentibus nosci potest, ægro,
desistendum est a medicatione, neque fidendum tamen penitus in-
du-

(1) De febribus compositis ex acuta periodo. §. 52.

(m) Scitissime, vt solet, *Borrighius* de medic. Hermet. in præf. “Nec re-
“formidamus iudices, flagitamus po-

“tius, sed æquos, sed in palæstra ex-
“perientiæ exercitatos, sed qui in
“subselliis artis durauerunt ante la-
“certos, quam e tribunali pronun-
“tiant,,

ducis. Quamuis enim, si prius dicta recte obseruentur, nihil præterea mali ex febris fuga in corpore euenire possit; est tamen sæpe morbi, tum recte, tum perperam curati, ingenium ad reuersionem pronum, si febris vel ex sua natura futura fuisset diuturna, vel alias status epidemicus, aut morbi indoles, ad motus recidiuos inclinet. Haud omnino immerito questus est *Sydenhamius* (a): “si tam effectorum durationem, quam corticis innocentiam exploratam haberem, principem illi locum inter omnia, quotquot fuit, remedia deferre nullus dubitarem.” Pleni sunt omnes veterum recentiorumque obseruatorum libri mentione febrium recidiuarum, a quauis medendi methodo contingentium, quas aliqui ex indoctis, & ad quotidiana exempla cœcutientibus, ab hoc medicamento in orbem introductas, vel huic maxime deberi, nugantur. Vir eruditus, qui de reuersionibus morborum singulariter scripsit (b): “In febribus, inquit, euentius recidiuæ, quam in aliis morbis, cognoscuntur, tum quod frequentius accidunt, tum quod breui adhinc temporis spatium affligentis recordatio a recrudescente morbo etiam iterum renouetur.” *Hippocrates* (c), cui febrium eiusmodi indoles *ὑποεμφωδὴς* vocatur, & æris constitutioni adscribitur, meminit epidemiæ æstiuæ, ubi plerisque, post pauca sanitatis interualla, febres reuersæ sunt, ut multi etiam per hiemen adhuc laborarent. Notum est *Celsi* (d) elogium: “febris facile reuertitur, nisi a sano quoque aliquamdiu timetur.” *Bartholinus* (e), “quæ æstate, ait, 1652. grassabatur febris tertiana inter-

(a) Epist. 1. p. m. 376.

(b) *Ortlob.* scrutin. recidiuarum §. 6.

(c) 1. epid. sect. 1. conf. loca plura adducta ab *Ortlobio* ad §. 5.

(d) 1. 3. c. 16.

(e) Hist. anat. cent. 2. 56. Legi meretur illa historia febris intermittentis epidemiæ, diris symptomatibus stipatae, periculis acutis & chronicis plenæ, & iungi exemplis supra §. V. Sect. I. nota (a) adductis. Sim-

plex remedium proponitur experientiae commendandum. Verba auctoris sunt: “Innotuit virtus vnicornu Groenlandici, quod non solum, mediae drachmae pondere ante paroxysmum exhibitum, sudorem largum procurauit, sed febrem plerumque extinxit. Expertus id remedii noui genus sum magno successu in plurimis, mecumque medicinali vrbis nostrae exercitissimi., Certe remediis istis tenerioribus ex regno animali absorbentibus, gelatina & sale

“intermittens epidemia modo singulis recurrebat diebus, modo alternis, sæpe vaga, sæpissime post *απυρεξίαν* redibat.,, *Bianchius* (f), “morbo, inquit, (nempe febre ex genere intermittentium in continentem versa) ad declinationem vergente, reuocatus chinae chinae usus optime contulit; ab hoc vrinae semper vberiores & concoctae: quibus autem istae post aliquot dies recrudescebant, hi cito recidivam patiebantur. “Complures *absque cortice alioue febrifugo* curati, & *aptum servantes regimen*, adhuc *relapsi sunt.*,, *Trauersarius* (g) “Pisauri observavit febres recidivas generatim copiosissimas accidisse, & quidem tum *post corticis* usum, tum *vbi id remedium non* fuit administratum, atque tunc quidem frequentiores periculosioresque.,, Hoc etiam, ceteris paribus, apud nos verissimum reperimus. Febres tertianae legitimae, aut alias faciles, plurimae, vbi praesertim exquisitis dietae regulis se subiecit conualescens, cortice profligatae, aequae non recurrerunt, ac si alia quacunque ratione perfanatae fuissent: idque eo magis, si sub declinationem demum morbi medicina data est: quamvis sub hoc statu epidemio, praesertim

le volatili foetis, praecipue marinis, vim inesse haud spernendam in motibus subtiliorum corporis partium excedentibus compescendis, & promouenda diaphoresi, experientia confirmat. In febribus facilioribus, post correctas & euacuatas primarum viarum sordes, nobis experientibus, & versus aliquot paroxysmos repetentibus, haud raro fecit satis. Neque tamen regimen sudoriferum adhibuimus, quod versus id tempus nequaquam utile existimamus, quamvis vulgo post data ante accessionem medicamenta usurpatum. Sudorem tantummodo vel sub finientem peroxysmum, vel, si hic non amplius redit, expectamus tempore insultus, quo sudor sponte erumpere solet, cum primum febris aegrum deserit.

(f) p. 748.

(g) ap. *Lancis.* epid. 4. l. 2. c. 8. p. 292.

sq. “Pensitata, inquit, re in plurimum grauter febrientium curationibus, nec laudatum corticem, nec aliud antifebrile, ego, pariterque doctissimus consultissimusque in arte medica sodalis meus Christoph. *Cervasius*, exhibebamus; periculum scilicet facturi, an tot recidivarum, & diuturnarum molestiarum aegrotationum causa fuisset quinquina. Verum abunde doctissimus, illas aliunde ortum traxisset.,, Respondet *Lancisius* p. 309. “ii quoque, qui absque Peruviani corticis praesidio ab epidemicis febribus conualescunt, ipsa morbi indole recidere in febrim solent, ut longe ante detectam chinae vim observavit *Hippocrates*, qui 1. epid. sect. 3. n. 36. nullum, inquit, homini, qui superfuerit, cui non contingerint recidivae.,,

tim æstiuo & autumnali, nusquam fuerit tuta fides, & plus tunc felici fortunæ, quam medici sui methodo, debuerit æger. Idem dictum esto de ipsis difficilioribus & chronicis, quæ ex sua deinde natura ad reditum pronæ amplius vix fuerunt, vel quæ iam satis per recursus deferbuerant, vbi dari id medicamentum, vel aliam adhiberi curationem, feliciter contigit, sub sponte instans declinationis tempus, & quando vniuersa febrilis dispositio remedii alicuius viribus patuit, adiuuante præsertim melioris anni aerisque fauore, & præmissis, quæ impedimenta sanationis tollerent. Hinc vero apud multos in varias medendi methodos, & leues sæpe alicuius medicamenti, & ipsius corticis, doses, generalis fiducia nascitur, quum videant quam sæpe cito, facile, & constanter,

*hi motus atque hæc certamina tanta
Pulueris exigui iactu compressa quiescant (b).*

Et sane facile intelligitur, eas febres, quæ vel post deflagrationem spontaneam, vel primo quoque tempore, leuioribus remediis methodisque minus certis, penitus obsecundant, facilioris iam sua sponte indolis esse, & exinde sæpe etiam ad reditum minus pronas, quam vbi generosioris medicinæ ope opus est, & curatio difficilior peragitur: vt eos adeo miremur, qui medelis istiusmodi tribuunt cessationem morbi facilioris sine reuersione, & e contrario regressum difficilioris medicamenti magis generosis, quum vtrumque morbi ingenio maxime deberi experientibus pateat. Nihilo tamen minus ipsarum febrium legitimarum, & aliarum plurimarum, quæ expectationi, aut cuius methodo, sine potenti medicina, cesserant, multas passim reuersiones, sub leuibus etiam, vel nullis, diætæ erroribus, status epidemius acciuit. Euenerunt illæ sæpe plus vice simplici, priori feбри interdum similes, leuiores nonnunquam, aliquando grauiorcs, pro anni temporis, & diætæ, corporisque, mutata ratione, & pro indole eius, quæ latuerat, materiæ residuæ; sæpiusculc non nisi post legitimum corticis vsum tandem aliquando constanter desinentes.

Femina

(b) *Virgilius.*

Femina fere sexagenaria, sanguine facile turgente plena, nervorum genere delicato & ad animi pathemata sensibili, & nisibus plerumque vanis ad hæmorrhoides sæpe exercita, hecticum statum, ob phlogoses motusque quasi febriculosos, dudum sibi persuadens, corripitur sub statu epidemio febris anomala visa, leuiori quidem, & facile remediis absorbentibus, & salinis, vel & leuiter laxantibus adhibitis, post hebdomadem vnâ alteramue euanescente, sed adeo sæpe recidiua, vt vix mensem *οξυσαδης*, & sine remediis, per aliquot annos transigeret. Post mærorem longum terroremque multum, exeunte æstate, ante triennium & quod excedit, incidit in febrem epidemiam, anomalam rursus visam, sed, ob haustum forte a filio impense febricitante contagium, statim prauiores. Vsa per aliquot hebdomades remediis consuetis nihil proficiens, me vocauit, aliumque medicum, virum summum. Obseruato rite typo, quotidianum eum, sed ex triplicato quartanæ genere, manifeste reperi-
mus. Præcepimus ex methodo nostra corticem. Obscure ægra absoluit curationis filum, & ab eo tempore ab illa febriendi consuetudine immunis & sana per triennium vixit, nisi quod adhuc hæmorrhoidum molestiis obnoxia sit, & semel ex catarrho leuiter febricitarit.

Reuersiones frequentes etiam euenerunt, vbi febres epidemice, ante declinationis tempus, cortice, aut alio remedio amaro, aut salino potentiori, interceptæ & profligatæ fuerunt, sed nullo ad motus deinde reciduos præcauendos habito respectu: quod qui negligunt, occasionem præbent culpando innocuo medicamento. Febres maxime difficiliores antidoto Peruuiana perperam, vel imperfecte, curatæ, easdem passæ sunt manes, quas ceteræ, quibus solius naturæ robur sine plena victoria oppositum fuit, vel quoduis medicamentum minus adæquatum adhibitum: morbo permutato potius tantisper cum alius ægritudinis imagine, quam cum integritate functionum corporis. Equidem, attestante experientia, affirmare ausim, quum multi se homines illotis manibus medicinæ passim immiscuerint, & corticem, sine iusta methodo, pluribus exhibuerint, quam

Quot Themison agros autumnno occiderit uno (i), non tot ac tanta plerumque mala obseruari consueuisse, *post febres* sua indole, vel ægri constitutione, aut diæta, *minus securas*, quam ab alius cuiusque imbecilioris remedii, quamlibet laudatissimi, inepto, vel non sufficienti vsu. Vix etiam, vbi forte fortuna, in languoris aliorumque symptomatum locum, febris cum typo manifesto iterum successit, quam vulgo recidiuam vocant, æque illa grauis, vel certe æque periculosa esse consuevit, ac vbi alia minus potentia præcesserant tentamina. Aliqua sanè morbidæ materiae pars vere specifico medicamine, quamuis sine iusta lege dato, plerumque eneruari videtur: etsi pro diuersa aberrationis grauitate, & aegrotantium ratione, variae notentur differentiae. Huiusmodi febres recidiuæ, quas *nothas* appellare liceat (k), vti post imbecillem nimis corticis vsu, hodie hominibus cuiusque sortis, methodi veræ ignaris, frequentatum, & qui innocens remedium infamare aptus est; ita etiam post naturæ, aliæue medicinae, debiliora molimina, frequentissime euenerunt, aut sua sponte, aut reuocatis ad iustæ methodi leges, salutaris consilio, motibus febrilibus (l). Febres subito

(i) *Iuuenalis.*

(k) v. *Ortlob.* scrutin. recidiu. §. 31. vbi signa huiusmodi reuersionum euenturarum egregie enarrantur: quorum decimum est: "in specie magis recidiua metuenda est, si adhuc, licet obscure magis, prioris morbi reliquias ex symptomatibus restituantibus, licet remissioribus, obseruamus."

(l) Reuocatio illa cum magna cautione fieri debet: neque ego in quouis statu epidemio, aut corporis habitu, tentandum illud antiquitus notum artificium consuluerim, nisi remedio me pollere certus sim, quò motus forsan excedentes tempestiue rursus reprimere, & penitus auertere possim. Cogitent, qui audacius sentiunt,

& nullo fere habito discrimine, febres, quibus perperam curatis alius morbus successisse videtur, reuocari debere docent, quæ rectissime olim *Trincanellus* de ratione curandi L. II. c. 3. scripsit: "febris neque desideranda, neque excitanda est, nisi quæ mitis & moderata sit: alioquin vellemus morbum vnum curare altero, non minus verendo,,". Mitem vero & moderatam excitare, & feruare, nec cuius, nec vbique profecto licet: quicquid de huius vel illius methodi, aut medicinae, felici efficientia ad febres suppressas exfuscandas laudetur. Tutius longe sæpe esse obseruauimus, si quæ febres imperfecte curatæ obtingunt, continuare medelæ febrifugæ vsu, vel solum, vel præmissis aut additis pro indica-

ito periculosas, haud adeo paucas, praesertim soporosas, naturae vel artes medicae impares morte terminari permiserunt (m). Similes affectus, vbi quidem, per corticis usurpationem haud omnibus numeris absolutam, vel non rite repetitam, conseruata est vita (n), variis tamen reuersionibus, vel veris, vel nothis, quamuis minus perniciosus, mulctarunt aegrum. Diuturniores ex sua natura febres, si cortice, vel alio remedio febrifugo, interceptae fuerunt, aegro in sanitatem perfectam tantisper saltim restituto (o), aliud incommodum non attulerunt, nisi quod recidivae identidem factae sunt, donec exhausta forte fuit per naturae *ύπερβυς*, vel artis virtutem, vel aeris & anni mutationem, causa reliqua morbi, qui per tempora sua decurrere impeditus est: & curatio perfecta facilis fuit, nisi forte interdum molimina reuersionis, ab hominibus diagnosis aut methodum ignorantibus, vbi praesertim remedium febrifugum oderint, peruersis modelis turbata, & in alium morbum imprudenter conuersa sunt. Atque huiusmodi euentus potissimum vanis artis accusationibus ansam praebent. Interea alii, pari febre indolis chronicae affecti, qui cortice vti non sunt, aut per paroxysmos suos perpetuo febricitarunt, molestiis periculisque expositi, nescio an optabili a morbi regressibus immunitate, nisi quis continu-

uum

ditione aliis, secundum regulas supra scriptas, donec plena appareat sanitas, & deinde repetere eundem, ex arte mox describenda. Ita saepe numero hominibus abs me petentibus, vt chinam expellam, ab alio medico, aut a medicastro, visceribus vel artubus, vt vulgus opinatur, impactam, ridens respondeo, cuneum cuneo trudi, & continuando eodem remedio opus esse, quo voti potiamur. Conf. Caution. med. I. §. XII.

(m) *Trauersarius* l. c. p. 299. vbi de reuersionibus egit: "experientia, ait, "compertum habemus, quam plurimos non adhibito statim febrifugo

"interiisse, plerosque propinata eue-
"stigio china conualuisse.

(n) *Lancisius* p. 309. "Miror sane, ait,
"non intelligere censores, recidivam
"potius, quam mortem, expetendam
"esse, vbi haec impendet, nisi febris
"subito profligetur.

(o) Consulto id facere consueuerunt, quamuis reuersionem euenturam putarent. *Willisius* de febribus c. 6. *Ramazzinus* p. 225. 236. sqq. *Sydenham*. p. 112. c. 5. de morbis acutis, quamquam hic deinde meliora expertus est.

nuum morbum interrupto præferre velit (p); aut, interdum a febre aliquantisper sub aliorum symptomatum larua liberati visi, recursus vehementiores plerumque passi sunt, quam quibus saniora interual-
la per medelam febrifugam præstita fuerunt (q). Vix etiam, ac ne
vix quidem, id sua sæpe tolerantia (r) lucrati sunt miseri, vt motus
febriles, licet molestissimi & violentissimi, citius morbidam [mate-
riam consumserint, atque ex corpore eiecerint, quam alii, per lon-
gioris sanitatis, breuiorisque, & statim rursus oppressæ, febris reci-
diuæ intercapedines, perennantem *επιρροήαν* recuperarunt (s). In-
terdum quidem, quamuis penitus restituti visi sunt ægri, vbi aliquid
circa corticis vsum peccatum tamen est, vel curiosa & inordinata
post febrem iam plane cessantem continuatione remedii, quod vul-
gatissimum vitium est (t), vel omissis, quæ præmitti aut interponi
debe-

(p) Sydenham. de morb. acut. p. m.
112. "Morbus per septimanas duas
"vel tres delitescit, magno cum æ-
"gri emolumento, qui ab illo male
"multatus paululum interim respi-
"rat.

(q) Trauersarius l. c. p. 299. Absque
"corticis usu hoc statu epidemio diffi-
"cillime conualescunt ægri, quin po-
"tius vel in autumnales quartanas,
"quarum anno 1710. & currenti 11.
"non exiguus est numerus; vel in
"cachecticas leucophlegmaticasque af-
"fectiones, hydropi insuperabili affi-
"nes, incidunt,.,

(r) Cauendum est his, qui febres per
expectationem curare satagunt, ne
censuram promereantur, quam apud
Virgilium pastores incurrunt, negli-
gentes, & vano medelarum potius,
quam iusto morborum timore per-
culsi:

- - - alitur vitium, viuitque te-
gendo,

Dum medicas adhibere manus ad vul-
nera pastor

*Abnegat, aut meliora deos sedet omnia
poscens,*

*Cum furit, atque artus depascitur ari-
da febris.*

(s) v. experimenta auctorum supra no-
ta (g) adductorum, quibus paria ha-
bent plerique, qui ante *Talborium*
scripserunt, item *Restaurandus*, *Stor-
chius* alique.

(t) Varia ab hac inutili continuatione
nasci posse incommoda videntur.
Primo enim nausea sine fructu crea-
tur. Deinde hoc remedium, vti ce-
tera omnia, præsertim puluerulenta
& ficciora, immo vti alimenta ipsa,
nisi *εφορία* probe obseruetur, stoma-
cho & nervis delicatioribus graue
tandem fieri potest; quamuis id a
cortice genuino, quippe blande ama-
ro, & digestionem insigniter iuuan-
te, & egregie tonico, minus metuen-
dum sit, quam a pluribus aliis medi-
camentis. Tertio appetitus nimius
interdum excitatur, vt ab amaris diu
vsurpatis fieri solet, vnde facile in
diæta

debebant medelis aliis, id effectum est, vt qui citius finiri potuisset, morbus longior appareret. Febres enim recidivæ, quæ sponte sua relictæ citius euenturæ fuissent, retardatæ hoc pacto potius & semisopitæ, quam penitus profligatæ fuerunt, post mensem & ultra demum, rupto vinculo malefido, manifeste accidentes: dum sub alia methodo similiter laborantibus aegris, citius manifestato recursum, citius etiam sua tempora decurrit morbus, vel iustam sui curationem poposcit: quæ vbi recte instituta non est, iterum iterumque relapsi

diæta delinquit conualescens. Quartum est, quod retardatur ita, & in suo ordine turbatur, temporarius ille materiæ recidivæ orgasmus: vnde illæ ipsæ oboriuntur, quas heic notamus, reuersiones inordinatæ, & seræ: quod perquam frequenter accidit. Quintum est, fieri posse, vt hæc materia immatura, retardato ultra modum naturalem orgasmo, tum vero non attento & imperfecte represso, quum tempore iusto molimina contingunt, & iuuante forsan alia praua corporis dispositione, aliam in corpore induat formam, aut motum alium suscipiat, & morbi μεταχηματισμον variasque ægritudines inducat, quod tamen rarius ab hac causa euenit: dum plerumque vel natura tandem aliquando maturat & euoluit materiem, ita vt vera febris recidiva appareat; vel, praemissis praemittendis, ipsa legitima per corticem curatio omne fert punctum. Atque hoc quidem sensu, nimium, & nimis diu continuatum, corticis usum nocere posse sentio: quamuis doseos nimis parcae & castratæ noxa & manifestior sit, & grauior, & frequentior; & ista itidem præcipue non remedio, sed materiæ morbidæ debeantur, eodem incassum & haud recte

tentatæ: quod idem de ceteris medelis febrifugis dicendum esse, res ipsa docet. Hanc ob rem supra in regula secunda scripsimus, “proportionem inter vim morbi & remedii rite obseruandum esse, vt iusto tempore desinere nouerimus,,. Idque facili negotio fit, si, obtenta meliori valetudine, & quando non amplius indies magis magisque a remediorum ληξιπυρετων usu in sanitate proficere ægrum apparet, (quod præcipuum indicium est, materiem, si qua latet, non amplius attingi,) cessemus a medicatione, neque continuemus nimis officiose, sed tempus iustum repetendæ expectemus, In nostrate morbi specie τυπικως υποσφοφωδει curanda, medicatio continua, etsi diutissime usurpata, & inordinata quæuis, etsi copiosissime adhibito remedio, reuersionem non potuit semper prohibere, interdum nocere visa: dum illa, quam deinceps explicabimus, methodus, certis temporum interuallis interpolata, spem plenæ & constantis sanitatis vix ac ne vix quidem fefellit: vt adeo heic verum repperimus illud:

Quod caret alterna requie, durable non est.

relapsi sunt miseri, licet iterum iterumque cortice curati, & deuorata ingenti eius quantitate, cum opprobrio remedii apud hos, qui non bene diiudicant medicinæ vitium a medentis errore. Verbo dicam: febres recidiuæ fiunt vel veræ, vbi ad integritatem functionum redierat æger, vel nothæ, vbi morbidi motus non penitus cessarant. Hæ a qualibet naturæ vel artis ope imperfecta frequentissime contingunt. Illæ fiunt vel post febres sua indole reciduias, quacunque ex curatione desuerint; vel post eas, quæ, diuturniores futuræ, remedio interceptæ fuerant, quod materiam profundius latentem & immaturam, sed sponte deinde repullulantem, attingere vno curationis filo non potuerit: quamuis si id iusto tempore repetatur, reuersio certo praepediri possit. Vulgaris igitur est, sed manifestus, error, quo ipsi remedio recidiuæ febres, quasi ipsi aquae recandescens incendium, imputantur. Ipsa enim materia morbida, vti febrim primariam fecit, ita, si quocunque modo imperfecte extincta sit, reuersionem inducit, suæ indolis culpa, non remedii: quamuis huius vsus non rite repetitus pro febre longa continuante interruptam faciat, siue recidiuam euenire permittat; abusus vero, vti ceterarum medelarum omnium, turbare morbum, praesertim difficiliorum, & reuersionibus inordinatis ansam praebendo, longiorem facere possit.

§. II.

Febris recidiua ab ipsa febre sæpe oritur.

Quod autem longe frequentius morbi longitudo longitudinem maiorem, & paroxysmus paroxysmum, & febris ipsa febrem recidiuam ingeneret, multa sunt quae persuadent. Lubens concesserim, febrim in se & absolute spectatam, esse motum naturae per secretionem & excretionem materiae nociuae, ad conseruationem corporis tendentem (a), immo, si a notione populari & consueta discere

(a) Sydenham. de morb. acut. p. m. 72. "profecto, ait, est febris ipsa naturæ instrumentum, quo partes impuras a puris secernat., Ita docu-

erunt omni æuo, hodieque sentiunt ac docent vbiuis, medicorum prudentum scholæ. Sane auctor naturæ, cuius vocis notionem sect. 6. §. 8. 9.

dere lubeat (b), ne quidem morbum vocari merere: quemadmodum illu-

§. 9. explicabimus, qui febrim eiusmodi instrumentum esse, & omnia ordine, tempore, & mensura, peragi voluit, ea etiam in symptomatibus, coctionibus, crisis, obseruari dedit, vt ipsas molestias suo modo vtilis esse, & medico experto & sapienti indicare appareat, quid agendum sit, aut. omittendum. Vix refert, vtrum ea humanæ animæ, quæ symptomatibus sapienter affici velit, an naturæ rerum creaturarum corporearum mechanicae, adscribamus: modo noxias & inutiles molestias, seu errores naturæ, & effectus vtilis, vel secus, causarum corporearum agnoscamus, a quibus natura afficitur. Neque adeo mirum nobis est, quod laudatissimus vir gloriatur: ad *Harueum* p. 166. “iam tres supra
“quadraginta sunt anni ex quo hanc
“causam agere suscepi. Rarissima,
“hoc in primis ævo, fortuna, euenit, vt nemo in publicum processerit, aduersus illam perorare contentens., Quatenus febris imputatur animæ rationali, sapienter, circumspicte, & sollicitè, motus febriculosos eligenti, excitanti, & pro causis sollicitudinis vel augenti, vel minuenti, & ipsa symptomata ad certos scopos dirigenti, sine materiali corporearum causarum effectū, qui moralis solum sit, æstimationem sui ab anima sapienti promerens, quod fere solum est viro illustri in theoria febrium peculiare; quatenus, inquam, ita sentire lubet ipsi, eiusque affectis; plurimi sane medici incliti etiamnum florentes in publicum processerunt, aduersus eam sententiam perorantes, disputantes, scribentes: in ipsa academia Halensi *Hoff-*

mannus, in Lipsiensi *Schacherus*, in Jenensi *Wedelius*, in Vitembergensi *Bergerus*, in Helmstädiensi *Meibomius*, in Gießensi *Valentinus*, in Marpurgensi *Veldius*, in Rostochienti *Schaperus*, in Tubingensi *Camerarius*, in Altorfina *Schulzius*, in Argentinensi *Boeclerus*, in Lugdunensi *Boerhaavius*, in Traiectina *Barchusius*, in iisdem aliisque locis plures alii viri sapientissimi, doctissimique. In ipso ad medelam etiam *Ληξιπυρετικῶν* respectu, vbi ex theoriæ influxu practice dissentire a medicis mechanicis putantur *Stahliani* sectatores, quamuis plurimi haud vere dissentiant, contradixit cum ceteris huic hypothese ill. *Hoffmannus* tum passim alibi, tum nuper in de recto corticis usu in febribus, §. 35. “quod, ait,
“cortex Peruvianus statim in principio, post vnum vel alterum paroxysmum, tuto in usum vocari possit, pernegant maxime isti, qui naturam febre, tamquam remedio sapienti consilio, vti censent, ad amolendas causas, quæ vitæ periculum struunt, persuasi optimam & salutarem naturæ intentionem hac ratione turbari. Sed superuacaneum plane esse hunc metum, experientia, optima medicarum etiam veritatum magistra, omnibusque rationibus superior, luculenter admodum docet. Nobis certe innumera fere sunt exempla eorum, qui a tertiana epidemica, grauibusque symptomatibus inuadente, ita perfectè cum sanitate in gratiam redierunt.,

(b) Hanc sequi nos consueuimus, & olim in dissertatione quadam mentem ita explicauimus: “quemadmodum
“sanitas

illustris *Stahlius* saepius, & nouissimo rursus scripto aliquo (c), mentem suam professus est: qua sententia, cum consecutionibus variis, in theoriam medicam introducta, sola, cordate, bona fide, distincte, & connexe, febrium ratio exponi possit, cui ex alia hypothesis quacunque ne vel minima lux affulserit (d)., Verum nemo etiam negauerit, ad illum ipsum motum certi & singularis per varia febrium genera generis, naturam a singulari aliqua impuritate excitari, atque diuersitatem ingentem, in molestia, curatione, exitu, & reuersione febris, suboriri a quantitate eius materiae aut maiori, aut minori, a crasi illius benigniori, vel secus, a locis & partibus unde & quo defertur, a proportionem eius ad corpus huiusque habitum, & humorum corporis ad motus, & elateris fluidarum solidarumque partium ad ipsas virtutes motrices, quascunque demum eas esse statuamus. Quæ omnia, cum innumerabiles a rebus naturalibus, non naturalibus praeternaturalibus, quas vocant, seu intrinsecus atque extrinsecus quacunque de causa contingentibus, patiantur varietates & mutationes.

sanitas corporis nostri viui in blanda partium & functionum integritate & harmonia, ita morbus, in molesta partium, vel functionum, læsione aut perturbatione consistit. Partes corporis aliæ solidæ dicuntur, aliæ fluidæ, quarum singulae certam iustamque, naturali rerum statu, habent *κρᾶσιν*, siue compagis, toni, & mixtionis rationem, quæ, sicubi molesta patitur mutationem, tunc morbum adesse dicimus. Functiones vero, seu actiones, ac sensus, in corpore omnes; progressus, secretiones, egestionem humorum, & quæ sunt reliqua; perficiuntur motu, qui & naturalem fluidarum partium fluorem, & debitum in solidarum partium tono, eiusque *συνεσολη* & *διασολη*, requirit æquilibrium ac mediocritatem. Quandocunque igitur fluidæ quidem partes molesta

vel fluxione, vel retardatione, solida autem vel contractione vel relaxatione, præter solitam naturæ rationem, laborant, tunc itidem morbum adesse pronuntiamus., Eadem populorum omnium notione deus febrem inter morbos, eosque præcipuos, retulisse notatur b. *Wedelio*, medico *πολυμαθὲς αὐτῷ*, exercit. philolog. dec. 8. exerc. 4. Inter alios, inquit, quamplures morbos, quos suauissimus saluator sanasse & aboleuisse legitur, est quoque omnium maximus FEBRIS. Et hæc inter præcipuos numeratur Deut. xxviii. 22. quibus iratus deus affligere minatus est humanum genus.,

(c) Not. ad *Haruei* artem curandi per expectat. c. 24. p. 56. seq.

(d) Conf. cl. *Barchusen* de medic. orig. & progress. dissect. 25. §. 27.

rationes, merito idem grauissimus auctor (e), "naturam hominis, inquit, facile & varie errare posse, quisquis dubitare suscipit, eo ipso exemplum aberrationis exhibet.," Hinc illam febricitationem, quæ absolute spectata motus erat salutaris, si in concreto, quod dicunt, vti re vera existit, consideraueris, multa inde pericula, molestias nimium graues, longas, recidivas, non posse non idemtidem euenire, nemo recte considerantium est, quem fugere queat (f): & ideo arte opus esse, quæ motus vtilis & salutare ab inutilibus & noxiis sollicitè distinguat, & naturam humanam labantem aut aberrantem suffulciat ac moderetur, quam artem deus naturæ auctor condidit, experientia genuit, analogia rationalis formauit. Verus est *Hippocratis* aphorismus (g): "a crisi quæ in morbis relinquuntur, reuersionem inducere solent. Natura quouis paroxysmo partem materiæ impuræ, quam potest, coquit, & per organa excretionum amandat. Ecquis vero sponsor esse velit, naturæ humanæ vel sapientiam, si qua proprie est, vel potentiam, & nisum spontaneum, eo pertingere, vt nihil inconsuetis illis, & sæpe, pro rerum circumstantium ratione, anomalis motibus impotenter molitur, aut moueat, quod moueri non deberet, promoueri non possit? Hinc prono consequitur impetu, quam facile humoris impuri pars, a crisi particulari vniuscuiusque paroxysmi post motum immaturum relictæ, ita profunde visceribus & succorum crasi immergi possit, vt nouis paroxysmis pluribus, & longa aut recidiva febre opus sit, si naturæ virtute corpus repurgari deinceps debeat. Immo ipsi corporis humores boni & puri, vel quorum certe impuritates diuersæ sine molestia diu latere, vel sensim naturalibus motibus consumi potuissent, per febrilem paroxysmum suo circulationis ordine emoti, facillime corrumpi, & communicatas forte secum criseos imperfectæ reliquias profunde intra sinum suum abscondere posse, videntur. Debilitantur etiam paroxysticis motibus partes corporis, & languidiores fiunt functiones, earum in primis, in quibus febriculosus fomes vel generatur,

vel

(e) p. 160. not. ad *Harueum* add. p. 157. (f) *Stahlianus* l. c. p. 157.
vbi plane nobiscum sentire videtur. (g) 12. Sect. II.

vel generatur, vel colligitur: ex quibus causis omnibus, præter alia sanitatis detrimenta, plurium paroxysmorum & febrium recidivarum fomes haud iniuria deriuari possit (h). Atque imperfecta eiusmodi crisis, & damnosæ molitiones, facilius fere in morbo paroxystico longioris indolis, quantumvis ex sua natura haud maligno, euenire videntur, quam in acuto. In illo enim longe plures, quam in hoc, esse videntur materiæ impuræ partes, inæqualis maturitatis & mobilitatis, quarum præmaturi motus noxas & anomalias illas inducere possunt. Hinc forsitan est, quod plures passim febres recidiuæ ex intermittentium, quam continentium, genere notentur (i). Taceo hausta rursus intro, quæ sub crisi paroxysmi necessario exspirant, effluuia, quæ in nostro hoc morborum genere plerumque humores in sui consortium rapi aptos intra corpus ægri reperiunt, sicuti irrefragabili, nisi imaginatione & explicatione affectata ludere velimus, experientiæ testimonio constat, tot alios inde contagio infici (k). Quod si illorum aliquid, vel ægri, vel ad-

stan-

(h) Egregie *Sennertus* de febribus l. 2. c. 17. p. 253. "Relinquitur post paroxysmum, yti Galenus 2. de differ. febr. cap. vlt. tradit, duplex in corpore vitiosa διαθεσις, vna inquinamentum quoddam ex humore in præcedenti paroxysmo relictum; altera membri excrementitios humores generantis debilitas. Hinc accidit, vt pars hæc, ob debilitatem, superfluitates generet; quæ & ab innato vitio, & a putredinoso inquinamento a priore paroxysmo relictæ, initium putredinis concipiunt, atque ita nouus paroxysmus oritur. Idque tamdiu durat, donec & illa dispositio, & partis debilitas excrementitios humores generans, sublata, & illud σηπνονδες περιττωμα humores inquinans plane discussum sit.,

hanc sententiam eleganter explicat & probat.

(k) H. *Meibom.* de febribus intermittentibus epidem. §. 8. "non potest, inquit, non experientia docere, illos, qui in eadem domo, eodem contubernio, eodem sæpe lecto videntur, frequentissime infici ad vnum pene omnes. Contagium illud obseruavi manifestissime anno 1666. vbi hæc febres tum alibi, tum in primis Wolffenbütteli, plusquam dimidiam partem hominum affecerunt, vbi contigit, vt omnibus in vna aliqua domo, numerosa admodum familia, decumbentibus, statim corriperebantur, si qui ad ministrandum in primis nouiter accessissent., *Bianchi*us stistor. hepat. p. 745. seq. "Ad ineundas febres, etiam populares, certa quædam & proportionata requiritur humorum dispositio"

(i) Conf. *Alpinus* hist. epid. §. 47. qui

stantium, vel medentium, vel naturæ errore aut debilitate, vel morbi aut coniunctorum affectuum grauitate, vel ab externa internaue causa quacunque, per unum aut alterum paroxysmum, contigerit, quod quidem in morbo longiori, difficiliori, aut illegitimo, immo & in legitimo quouis, facillimum esse, negari haud posse videtur; tum quidem accessio accessionem, febris difficilis difficilem, immo etiam recidiuam, seu similem sui sobolem, progenuisse videbitur. Eadem omnia, immo interdum grauiora, euentura facile augurari licet, vbi semisopiti imperfecta naturæ aut artis medela paroxysmi, sub languoris aliusue morbi simulacro, circumferuntur, & crisin vel nullam faciunt, vel minus perfectam. Quare, quum imperfecta curatio per corticem Peruuianum, quippe lippis & tonsoribus notum hodie & vsitatum qualitercunque remedium, frequentissima sit, mirum non est, si febris, haud penitus per illum suppressa, obscuris suis & minus efficacibus motibus, frequentes reuersiones, & morbi longitudinem, ex sua indole ingenerat, id quod ignorantes deinde huic remedio perperam imputant, maleuoli imputare amant. Adstipulatur fere hisce ratiociniis de febris longitudine & reuersione, ex ipsius febris culpa, *Stahlius*, qui naturam, materia impura iam exhausta, quasi per consuetudinem, paroxysmos motusque recidiuos inducere, ingeniosa coniectura statuit, & tum quidem corticem Peruuianum, ad suppressendos motus inutiles, laudare solet (1),

par-

“dispositio, atque morbosus appa-
 “tus. Ast siquidem, etiam dato hoc
 “apparatu, non semper excitantur
 “febres, nisi ab externo fomite suc-
 “cendantur: ita sæpe incitamenti vi-
 “ces gerunt effluuia, ab vno infirmo
 “in alium traducta. Obseruamus fre-
 “quenter, non solitarias ire febres in
 “numerosis familiis, quando epide-
 “micæ vigent, vtut tertianas, sed ab
 “vno in aliud subiectum sæpe migra-
 “re, præcipue in pauperum gurgu-
 “stis, vbi plures insimul cubare ad-
 “suescunt.” Similes plane fuerunt

in nostro statu epidemio obseruatio-
 nes: idque conqueri potuimus, quod
Borrichius in act. Hafn. vol. 5. obs.
 54. de quartana tunc temporis gras-
 sata dicit: “integræ familiæ, toti po-
 “pulum pagi, immo quandoque
 “tertia pars oppidanorum, velut ful-
 “mine icta, lectis affixa est.”

(1) v. præter alia scripta plura eius col-
 leg. practic. cum not. *Storchii* §.
 1841. membr. 7. sect. 1. p. 939. item
 dissert. de tertiana febris genium ma-
 nifestante c. 2. p. 26. c. 6. p. 56.

parcus alioquin eius remedii laudator, ob euentus, quos notauit, ex abusibus alienis, & naturæ, quam pro ipsa anima rationali habet, in multis febribus *αυταγενειαν*, sub statu præsertim epidemio, & endemio, & corporum singulorum, feliciori, & theoriæ suæ nexum, & si qua alia forte est ratio. Recte *F. Hoffmannus* (m), “ipsum, inquit, febrilem motum noua semper gignitur *materia*, “quæ, præsertim quando perspiratione non excluditur, & insalubri “victu augetur potius, nouum semper induci paroxysmum non mirum est.”

§. III.

Problema & observationes de cita febris fuga reuersionem præpediente.

Neque tamen hoc ego theorema, ultra experientiæ suffragium, ita vniuersim stabilitum velim, vt primos cuiusque febris paroxysmos, vel errores sub ipsis commissos, pro ceterorum omnium causa habeam. Vniuersum enim sæpe febris, etiam intermittentis, materiam, vel magnam eius partem, durationis spontaneæ, accessionum, incrementi, declinationis, & recursuum causam, a primo inde insultu, intra viscerum & humorum recessus, in herba certe, & nisu naturali, ita latere probabile est, vt ex suæ deinde indolis lege, & pro naturæ ad illam habitu, vel generetur, vel maturetur, vel in motum sensim agatur. Neque tum nisi artis ope in herba suffocari potest morbus, vt præpediatur, quo minus per sua tempora decurrat, & sua sponte reuertatur. Meum vero haud facio, si febris tuta satis appareat, *Mortoni* (a) consilium, qui “nulli, inquit, auctor ero, vt vel secundus paroxysmus permittatur,,: cui lubens assentit *Bohnius* (b), & *Riedlinus* (c). Attamen experientiam qualem

(m) medic. system. T. III. Sect. I. c. 3. p. 102.

(a) exercit. I. c. 5.

(b) tota differt. de præmatura intermittentium fuga, quam suspectam tuetur.

(c) lin. medic. A. 4. mens. 9. lin. 25.

neque dissentiant, vir summus, *Bergerus* in cortice ab iniquis iudiciis vindicato §. 9. & quos ibi adducit, auctores, *Badus*, *Donzellus*, *Protospatharius*, *Listerus*, *Iones*: & eadem sententia stetit *Talborio*, eiusque per Galliam & Angliam affectis.

lemcunque meam, plus decies data occasione repetitam, testor, neminem eorum vlla postmodum febre recidiva, vel alia praua consecutione, mulctatum esse, vbi ego, in prima accessione vocatus, periculi deinde instantis iusto metu, ob aliorum exemplorum similitudinem, & prauorum signorum terrores, perculsus, corticis statim vsu febrem fugavi, & eo continuato, ad omnium functionum integritatem ægrum perduxì: quamuis nulla deinde medicinæ ope vsus, ad præcidendam reuersionem (d). Neque vero, cum sufficiens nondum exstet experimentorum copia, semper id & vbique ita euenturum esse spondere audeo, vltiori & alienæ experientiæ rem commendans.

Ipse ego, cum ante octo, & quod excedit, annos, vere pluvioso, ægrotam ruri inuisissem, pluribus horis ad seram vsque vesperam, inter aeris iniurias, itineri infumtis, & piscis viscidis esu haud sine nausea satiatus, paroxysmo febrili eadem statim vespera corripiebar. Tertianam intermittentem & accessionis ratio (e), & status epidemius, & urinae, linguae, faciei, oculorumque color, & sapor amaricans aduersus, indicabant. Urgebat instans prope tempus profectionis alicuius necessariæ. Sumsi statim mane ipecacuanham cum arcano duplicato: pomeridie cortice vti cæpi: quo continuato, non febris, nisi leuibus per alternos dies aliquot motibus, sed plena sensim sanitas rediit, qua hodieque vtor.

Vnus ex his, quos, soporis maxime indiciis territus, ita velociter sanitati reddidi, pluribus ante annis dolore finistrum hypochondrium grauante, & cordis palpitatione sæpe recurrente, laborarat. Post hanc ipsam curationem, a triennio ab iis symptomatibus sanus degit, & nunc quidem iter trans mare feliciter emensus est.

Fe-

(d) conf. ill. *Hoffmann. medic. System.*
Tom. IV. l. 1. c. 4. p. 108. *Morton.*
c. 7. vbi febres inflammatorias, in
principio periodicas, cortice subito

dato, sine reuersione penitus curari
obseruat.

(e) v. *Galenus* de crisi-
bus l. 2. c. 3.
de tertiana exquisita primo paroxysmo discernenda.

Femella quadragenaria, temperamenti à natiuitate ita melancholici, vt ad morbum melancholiam, familiæ satis familiarem, procliuis sæpe fuerit, corpusculo debili, & multis alias pathematibus hyftericis, spleneticis, colicis, & plusculis abortibus, exercito, quum, anno præterlapso, longum luctum passa esset, febre epidemia autumnali inuaditur. Post primum paroxysmum, graui dolore cardialgico, colico, & dysuria stipatum, quæ somnum iusto profundiorum idemtidem interrumpabant, itidem statim ad corticem non accedere non ausus fui. Ast postquam a febre manifestiori semenciæ forte vsu libera euasit, languens licet adhuc, nauseosa, & plane imperfecte sanitati restituta, continuare hanc medellam, nescio quibus opinionibus & consiliis muliercularum turbata, omnino noluit, seque febricitare negauit, id solum, vt passioni hyftericæ, & aliis, quos metus melancholicus repræsentabat, morbis obuiam irem, rogans, variisque præterea remediis inepte vsa (f). Euanuerunt nihilominus sensim febrilia symptomata. Verum tamen, vti alias etiam fœueit, alternis vicibus sanitatis, & velut hyftericorum paroxysmorum, cum anxietate, tristitia, metu vario, alui dolorifica proluuie, catameniis copiosis, ipsoque, qui solus nouus erat, & valde ingratus ægræ, hæmorrhoidum fluxu, per interualla hiemem exegit. Omnia lubens corticis, vitæ conseruatoris, vsui accepta tulisset, nisi veterum imbecillitatum ipsa subinde recordata esset, & adstringere illum corticem persuasisset consiliaria domestica,

(f) Eleganter celeb. *Stahl*. de æstu maris microcosm. th. 8. "ad lectum
"ægrorum audimus, quid ipsi maxi-
"me conquerantur, id cum ipsis pro
"morbo agnoscimus, huic maxime
"obstistere, occurrere, contra pugna-
"re: vt æger de lecto, tamquam de
"fella curuli, *consultuit*, ita *plebs* me-
"dica *sciuit*,,. Graphice hanc medi-
corum crucem, ægris nimium quan-
tum damnosam, immo sæpe exitia-
bilem, pingit ingeniosissimus *Lentius*, tab. consult. p. 35. "dum ægro-

"tus clamabat, da potum; dum uxor,
"medere singultui; dum affinis, siste
"dolorem; dum compater, præbe su-
"doriferum; dum cognatus, da vi-
"num, vt cor confortetur; dum alii,
"balneatores, mulieres, amiculi, scri-
"be hoc vel istud, quod vicino meo,
"re nulla iuuante, in eodem affectu
"grauissimè decumbenti, salutare fu-
"it! & quæ sexcenta sunt alia: quid
"tunc ageret medicus? Emoriar, ni
"vel centies optauit: o, si aliam,
"quamuis viliozem, artem didicis-
"sem,,!

ca, quum ægrota diarrhœis & fluxibus sanguineis esset affecta. Tandem vere incipiente feliciter vsa remedio, quod suasi, ex granis bis quotidie quindecim (g) limaturæ martis (h), subtilissime, sine affuso liquore, præparatæ præcipue constante, post multos inde excretos ascarides, magnam partem ægritudine liberata est. Denique sub Pymontanarum acidularum potu, ineunte æstate, catenulam

(g) *Sydenhamius*, alique, non nisi octo pro dosi præbere solent: & sufficiunt sæpe. *Lentilii*, aliorumque expertorum scripta idem, quod nos heic laudamus, commendant pondus: & vanum sit, si aliqui metuant, graue stomacho futurum. Grauiora longe sunt calcium præparatorum, & alieno acore saturatorum & quarundam etiam tincturarum, doses vel minores: & præstare limaturam ipsam plerumque præparationibus, tum efficacia, tum ipsa digestionis facilitate, plurimi obseruatores docti dudum annotarunt. Eleganter de hac ipsa re dicitur, quod de multis naturæ donis medicis verum est, & notabile, in *histoire de l'academie des sciences* 1713. p. 26. vbi de natura chalybis eiusque vsu medico egregie agitur: "dispendio maximo est, artis opem adhibere, vt natura deterior reddatur. *C'est grand dommage d'employer de l'art, à gâter la nature*,.. Veteres non infra duos scrupulos, ad sesqui drachmam, immo drachmas duas vsque, propinare solebant limaturam crudam vel præparatam, & morbos chronicos maximos feliciter eo pacto sanabant. v. *Sennertus* prax. l. 3. p. 537. *Claudinus* de ingressu ad infirmos append. sect. 2. de natura & vsu chalybis & medicamentorum chalybeatorum, quæ tota legi meretur.

plane diuersæ efficaciz, ex imperfectis, & haud satis distinctis, methodicorum veterum aphorismis de stricto & laxo, veluti ex vnica regula, itidem vulgo iudicatur, aliquando forte, quum de eius vsu in morbis febrilibus agendi locus erit, polychrestis vtilitatibus vindicare moliemur, correctis abusibus, ex theoria modesta, & experientia antiqua & recenti. Propositum idem fuit illustri *Brunnero*, quod negotiis forsitan, aut senectæ & morte præpeditus, non absoluit. v. de glandul. duod. p. 149. vbi, "ex efficacissimorum, ait, remediorum, dummodo manu tractentur periti, sunt martialia, in suis casibus efficacissima, "de quibus forte alias,.. Plura sane medicamenta vtilissima limitibus nimis angustis, & impenetrabilibus difficultatibus, & edictis terroribusque theoreticis, tamquam præruptis scopulis, ita circumsepuntur, vt ad vsum etiam verum & securum vix cuiquam permitti videatur accessus. "Præcepta finita esse debent: si qua "finiri non possunt, extra sapientiam "sunt,.. *Seneca*. Alii e contrario eadem ipsa remedia laudibus immodicis ita in vulgus propalant, vt vsui mixtus abusus cuilibet pateat, quem profusæ pollicitationes, & nescio cuius hypotheseos ingeniosa species, allicuerint. Aberratur vtrunque a veræ experientiz repetitæ via regia.

(h) Hoc cum eius progenie medicamentum, quod, a cortice Peruuiano

lam vermium cucurbitinorum (i) excreuit, quam, tertia post absolutam curam hebdomade, ingens lumbricus vivus & concatenatus insecutus est, qualem *Clericus* aliique (k) delineatum exhibent. Hinc incantamenti instar omnia omnino pathemata cessarunt, ipsaque femina egregie valet, sanior quam pluribus retro annis. Ridet nunc ipsa aberrationes suas, inobedientiæque culpam in brutorum vermium phantasmata iocose coniicit.

Cæteri, quos decem numero, vbi similiter corticem a primo paroxysmo dedi, obsequiosi satis fuerunt, & perfecte constanterque conualuere omnes.

Immo vero non huius solum medicinæ eam esse felicitatem, sed & alias medelas, post primam statim accessionem adhibitas, felicius, quamuis haud adeo certo ac ipse cortex, opitulari, comperimus. Vt taceam effectus ita prosperos nobis observatos a remediis amaris illi similibus, item a subita catharsi, vel vomitione, sub febris initio, turgente materia (l), complures etiam sanitatem, post leuia

(i) v. *Clericus* in histor. lumbric. latorum, & quæ ibi ex *Spigelio*, *Tysonæ*, *Vallisnerio*, *Andry*, *Aldrouando*, aliisque collecta sunt; præsertim tab. I. A. & B. add. observatio, & descriptio elegans *Borrighii* act. Hafn. vol. 2. obs. 47.

(k) v. *Clericus* in histor. lumbric. lator. præcipue tab. II.

(l) Iterum heic laudare debemus pulverem *Cornachini*, vel similem ex scamnoneo. Sunt status epidemii, de quibus & nos dicere possumus, quod *Timæus* & *Guldenkleæ* cas. medicinal. l. 8. c. 10. de tertiana simplici, vnica purgatione curata: "frequentissimæ circa id tempus erant tertianæ febres; verum sumto pul-

"vere cholagogo plerique liberati
"sunt: & quod idem deinde c. 19.
"notat: si in febribus putridis inter-
"mittentibus quibuscunque, appa-
"rente aliqua, etiam si non perfecta,
"coctione, ægro ipso die paroxysmi
"medicamentum purgans dederis,
"ita vt effectum suum ante inuasio-
"nem compleat, videbis febrim post
"illum paroxysmum non amplius re-
"uerti,,. Similia de ipecacuanha, &
"emetiis antimoniatis, prædicare li-
"cet. - Meminerint tamen medentes,
"qui ita felices effectus vel a purga-
"tione, vel a vomitione, notarunt,
"probe attendendum esse, quid eua-
"cuationem eiusmodi indicet, vel con-
"tra. Quadrat huc maxime monitum
Sydenhamianum, egregio illo de
"morbis epidemiis c. 2. sect. I. de
"morb.

leuia vnus alteriusue accessionis molimina, statim recuperarunt, si-
ne relapsu, quibus a primo febris vere intermittens, tertianæ aut
quartanæ, maxime vernalis, paroxysmo exeunte, & inde tertia
quavis circiter hora, remedium exhibuimus digerens & diaphore-
ticum, verbi causa, medicamenti egregii, quod in ipso etiam pa-
roxysmo datum anxietates leuare, humores digerere, & crisin dein-
de iuuare solet, spiritus tartari compositi, quem mixturam *) sim-
plicem (m) vocant, guttas forte triginta, aut tincturæ fuliginis *Clau-*
deri,

morb. acut. scriptum: “qua metho-
“do currente anno ægrotos liberaue-
“ris, eadem ipsa forsitan, anno iam
“vertente, e medio tolles,, quodque
idem grauissimus obseruator paullo
infra habet: “idem morbus in ip-
“sissima anni constitutione varia sæ-
“pe, & dissimili facie, se ostendat:
“quod quidem tanti potest esse mo-
“menti, vt, pro eius arbitrio, cura-
“tiuæ indicationes ponendae sumen-
“dae fuerint,,

*) Adeo adamata fuit auctori hæcce
compositio ac medicis Angliæ spiritus
Mindereri, vel haustus *Riverii*, eam-
que in quarumvis fere febrium princi-
piis exhibuit omni trihorio ad guttas
30-60. (conf. *Commerc. nor. §. XLI.*)
ut iam lippis & tonsoribus hic loci
pro panacea inseruiat.

(m) v. *Schultzius* peculiari libello de
tinctura bezoardica, cuius hic spiri-
tus præcipua pars est, & in appendi-
ce de mixtura simplici p. 177. sqq. &
qui primus huius mixturæ auctor cre-
ditur, *Andernacus* de medic. vet. &
noua P. II. p. 658. In personis sple-
neticis seu scorbuticis, & vbi reme-
dio magis volatili opus esse visum est,
substituimus pari cum felicitate, ea-
dem dosi, sed, ob odorem saporem-

que volatilem, syrupo pœoniæ aut si-
mili temperantes, spiritum scorbuti-
cum *Drawizii*, quem sub mixturæ
simplicis antiscorbuticæ nomine in
pharmacopolia nostra introduximus,
descriptum in tractatu vom *Schmerz-*
machenden Scharbock, p. 159. “Spi-
“ritus tartari libra vna, cochleariæ
“unciis quatuor, irrorantur libræ duæ
“vitrioli ad rubedinem exsiccati, di-
“geruntur in balneo per octiduum,
“dein per retortam, aucto gradatim
“igne, propellitur cum reliquis etiam
“spiritus vitrioli volatilis. Dosis au-
“ctori est drachma dimidia, vel inte-
“gra,,. Magnopere prædicatur in af-
fectibus scorbuticis, præcipue para-
lysi. Nobis fructum egregium, præ-
teream, quam in febribus modo lau-
dauimus, vtilitatem, præbuit in sto-
machi atonia, & appetitus digestio-
nisque defectibus a mucoviscido, bi-
lioso, falso, putrido; in iis vitiis,
quæ scorbutico calido tribui solent;
in cachexia scorbutica; in paraly-
si, & ipsa apoplexia recenti. Biennium
fere est, quod puella sexennis, illius
soror, de qua infra febris nonanæ hi-
storiam recensemus, post aliquot lan-
guoris dies, repente corripiebatur pa-
ralysi vtriusque brachii & pedis &
spinæ dorsii, cum sensu fornicatio-
nis. Aberat causa manifesta, nisi
— quod

deri, quæ essentia diaphoretica audit duplum, vel ultra: aut quibus, ubi tertianam simplicem vere intermittentem a primo statim insultu agnoscere licuit, soluti liquore aliquo salis absinthii drachmam integram, addito interdum sulfuris antimonii grano, vel & salis ammoniaci drachma dimidia, aut alius ex salibus lixiuis aut mediis febrifugis sufficientem dosin, sex horis ante paroxysmi prioris tempus semel, aut aliquoties alternis diebus, propinauimus. Alii, simili-

ter

quod stomacace & scrophulæ iam diu affligerant. Vocatus statim, dedi eius spiritus cum syrupo pœoniæ *ava* mixti guttas triginta, idque singulis trihoriis repetii. Rediit sensim sensimque motus sensusque integer, & intra decem fere dies sanitas. Absoluta iam hac scriptione, mulierem Iudæam, septuaginta octo annos natam, curo cum alio medico experientissimo, quæ olim sæpe podagrica, quatuor iam annis solitum affectum non passa, insultum nuper apoplecticum noctu subito sustinuit, ex quo lingua cum dextro brachio & pede paralytica remansere, cum mentis stupore, & febre continua. Secari statim venam, ad octo uncias in brachio sinistro quum in pede non admitteretur, vesicatoria eidem brachio & cruri eius lateris admoueri, enema iniici, assumique per trihoria remixti similiter spiritus guttas sexaginta, curauimus, interpositis paucis pro renata aliis. Ita lento quotidie gradu magis magisque rediit primum loquela, deinde liberior intellectus, laterisque attoniti motus, febris post nonum diem sensim soluta cessauit, appetitus somnusque, pro senectæ ratione, sat bene habet, & vix quinta nunc a morbi ingressu hebdomas numeratur, neque fere, nisi debilitas, quicquam superest. Furunculus in femore sinistro enatus, & otalgia

auris dextræ, vtriusque in abscessum transiit, atque, vti arbitror, egregie felicitatem medelæ iuuit. Biennium fere effluxit, quod virum sexagenarium, doctum & laboriosum, hæmorrhoidarium, a graui hemiplegia dextri lateris, venæ sectione larga in sinistro pede subito administrata, hoc ipso dein spiritu continue usurpato, & denique laxatione κατ' ἐπιχειρᾶσιν repetita, ex pilulis polychrestis cum mercurio dulci, feliciter, deo iuuantem, sanitati reddidimus. Idem superiori aestate tertiana duplici grauius laborans, cortice Cinchina exhibitâ post tertium primariæ febris paroxysmum, & repetita legitime, optime conualuit, valetque. Durante curatione eam molestiam hæmorrhoidum cœcarum, quam sect. 3. §. 6. descripsimus, passus est, & curatus remedio laxante ex sale cathartico amaro, fotibus, & vnguento albo camphorato, & præcipue continuato cortice febrifugo, cum granis aliquot lactis sulfuris cuique dosi additis. Similem fecilitatem laudati spiritus scorbutici experti quidem non sumus, ubi diutius iam paralytis tolerata fuit: vnde & iis in morbis laudandum est illud, quod in omnibus fere valet, & præsertim quorum typus non est insuperabilis: principis obsta!

ter plane correpti, vbi id momentum prætermiffum est, & altera aut tertia accessio ante medicationem inuasit, diutius longe grauius-que ægrotare, & reuerfionibus obuii esse, consueuerunt. Ea tamen simul cautione vfi sumus, quam supra iam innuimus, vt statim, finita accessionis crisi, lintea febricofa halitu polluta cum purioribus permutari curaremus. Atque hæc de reuerfionum metu, per citam a prima inuafione febris fugam, præcidendo, problematis aliquis instar dicta funto, quod repetitæ experientiae foluendum relinquimus (n).

§. IV.

Obferuationes de reuerfionum tempore.

Alioqui, vbi post alterum pluresue paroxysmos febris per medelam specificam victa est, quæ diutius alias duratura fuisset, tum quidem semper ægrotos, sola medicatione per corticem continenti, a periculo quouis alio tutos præstare licuit, sed rarius, nisi ea legitime, repetita fuerit, a redituro sponte, post *certum* aliquod tempus, si permittatur, eodem morbo: qui tamen certe cari & apoplexiæ metu vacuus, & sat facile sanabilis, & longe plerumque priori mitior fuit; quamuis interdum, pro corporis, aeris, diætæ ratione, ad difficiliorem indolem redierit: vt omnes omnino morbi *ὑποτροπάζουσιν*

(n) Alterum de præuertendis reuerfionibus problema, quod pleniori itidem experientiae permittendum adhuc videtur, quum nobis, tentantibus sine repetitione corticis, nondum aequè respondere res visa fit, habet cl. *Mangetus* bibl. pharmac. T. 2, p. 698. vbi, “sancte, ait, asserere se posse, se in millenis aegris exhibitionem corticis non omni prorsus recidivæ anteuertendæ aptam obferuasse, nisi volatilia etiam in largissima dosi admiscuerit. Assentit *Trauersarius* p. 297. hanc veritatem, “inquiens, hic quoque *Pisauri* expe-

“rientia constantissime firmat,,. Cl. *Cohausius*, auctor archei febrium fabri, in remedio quodam volatili, quod sibi adhuc peculiare feruat, corticis vsui addendo, omne felicitis, & a reuerfionum metu liberae, medicationis praesidium collocat. Sunt sane salia volatilia insigniter febrifuga, & subtilia, & penetrantia, ac forsan reuerfionum materiam in herba latentem, quam cortex attingere nequeat, huic addita eneruare possunt, dum ipse cortex metuendas a solitariis volatilibus noxas praeuertat. add. §. sq. not. b.

Quædam, præsertim vero febres, modo faciliores, modo difficiliore
 reuertuntur, quocunque remedio curati sint (a). Caueant ergo,
 qui ingenium morbi versatile, & remedii febrifugi recte dati inno-
 centiam perspectam non habent, ne, vbi obscuriora forte molimina
 recidiua iusto tempore vident, a vera causa, & diagnosi, & cura
 aberrant, suosque deinde, vti facile fit, errores, suas *αμεθοδίας*,
 priori methodo imputent, si morbum naturaliter reciduum, sed fa-
 cile sanabilem, difficilem fecerint, ordine processurum turbarint, be-
 nignum futurum male permutarint. Caueant etiam, quod obiter
 moneo, ne, vbi febrim post corticem recidiuam, eamque forte fa-
 cilem, facile curarunt (b), suæ illi methodo vbique statim nimium
 tri-

(a) *Ortlob*. scrutin. recidui. §. 5. "Ne-
 "gari non potest, vti recidiuam in-
 "terdum atrociorē esse ipso morbo
 "praecedente; ita etiam praesertim
 "febres, modo duplicatas, triplica-
 "tas reuerti, & modo, quae erant
 "cum intermissione, continuo, modo
 "vice versa infestare,,. *Grembs* ar-
 "bor. integr. & ruinos. homin. p. 407.
 exemplum refert: "vir robustus &
 "sanguineae complexionis, tertianae
 "nothae *recidiuam* patiebatur, pul-
 "sus erat languidus, excretio copio-
 "sa. Nec pharmacum, nec sangui-
 "nis missionem competentem iudi-
 "cabat medicus. Vtebatur syrūpis
 "de endiuia, de acetosa. Septimo
 "die accepit rhabarbarum cum deco-
 "cto fructuum. Sed ea nocte prae-
 "ter omnium spem extinctus est,,. Ignorabatur eius aetatis infelicitate
 cortex. Quod si isto in priori febre
 adhibito recidiua contigisset ita exi-
 tiabilis, quot, bone deus, ignoran-
 tum & maleuolorum censorum accu-
 sationibus impetum fuisset reme-
 dium, quod solum forsan potuisset
 esse saluti, si eo tempore cognitum
 id esse licuerit.

(b) Elegans est consilium *Hamiltoni*
 de febre miliari p. 79. "Sumantur
 "mane dies aliquot salis absinthii
 "grana decem, aut quindecim, ex
 "aquae Spadanae haustulo, & dein-
 "de paulatim eiusdem aquae librae
 "duae. Nec quicquam febrī inter-
 "mittenti, ex praepropero corticis
 "Peruuiani vsu recidiuae, certius
 "occurrit,,. Haec methodus, vbi,
 deficiente aqua Spadana, Schwalba-
 censis, vel alia similis, substitui potest,
 & aliae medelae minus certae, saepe
 sufficiunt, praesertim si febrilis
 materiae vis cortice prius fracta est,
 etiamsi, ob intermissam iustam repe-
 tionem, febris reuertatur, subiti
 tamen periculi, & metuendae fero-
 ciae expers. Atque in eiusmodi fe-
 bribus recidiuis sola salia fixa saepe-
 numero nobis suffecerunt, quum pri-
 or morbus sine cortice vix domabi-
 lis apparuisset. Eiusdem modi me-
 thodus itidem feliciter ita nobis ali-
 quoties successit, vt reuersio nulla
 obtigerit, si, statim post profligatam
 cortice febrē, aqua salutaris sale
 lixiuo saturata, praecipue Selterana,
 (* cui postea Emslanam cum successu
 prae-

tribuant, & in difficilioribus casibus confidant, & e contrario, vbi febris recidiuæ difficiliori, difficulter aut minus feliciter, sua culpa, vel metu vano, medentur, priorem medelam innocuam accusent. Legitime ita, vti supra scriptum est, superata febris interdum quidem incerto rediit tempore, & quod prænuntiari non potuit, quando aut graui diætæ, aut turbulentæ medicationis errore, aut contagii vehementia, aut insigni orgasmo menstruo, puerperali, hæmorrhoidali, vel a variolis, morbillis, podagra, calculo, aliisue morbis alienis inducto, impense forsan agitata, maturata, & protrusa est materies, quæ intra viscerum & humorum compagem ita antea latitabat, vel immatura erat, vt eam assiduo remedii vsu attingere atque extirpare nequiuimus. Interdum minusculas aut paucas corticis doses, vel roboris parte castratas præparationes, ad præcauendum morbi reditum sufficere rati, methodum satis vulgatam secuti sumus, vt per aliquod a recuperata sanitate tempus continuum, vel incertis interuallis, vel tunc solum, quando incommodi qualiscunque aliquid, tamquam febris recidiuæ prænuntium, sentiri rursus incepit, aliquantum corticis, ad vnâ alteramue dosin, indies officiose propinaremus (c). Et tum quidem sæpe motus recidiuos paullulum suppressos & retardatos, vel sub hac ipsa medicatione non adæquata, vel diuerso post illam tempore, pro varia medicamenti efficacia, rediisse obseruauimus. Quum vero post integre restitutam corporis œconomiam a medelis plane abstinuit æger, neque fontica quædam caussa, quod rarum fuit, præmature morbum reboundare fecit, tunc nos quidem multiuga experientia docuit, febres

præferre autor interdum consueuit. Conf. *Commerc. noric. §. III.*) per vnâ aut alteram hebdomadem posita fuit, cortice etiam deinde non repetito: vt adeo salium fixorum vim in reuersionibus præcauendis laudare itidem possim, vti vltima ad superiorem paragraphum nota de volatilibus prædicaui, quamuis & suum illae aquae sal volatile acidulum, &

ex lixiui mixtione medium, in sinu gerant: vti præstantissime ostendit celeb. *Seipius* in de acidulis Pyrmontanis libello aureo. Ea tamen omnia repetiti corticis certae efficaciae cedunt.

(c) "Ipse *Hippocrates* videtur honestissime fecisse, quod quosdam errores suos, ne posterii errarent, confessus est,, *Quintilianus* l. 3. c. 8.

“*Bres ex tertianarum genere* recidivas longe quam plurimas aliquo *sc-*
cundæ hebdomadis die, si post quartam lunaris mensis partem, a
cessata remedii assumptione, contigisse, atque, si ope naturæ aut ar-
tis rursus euanuerint, semel vel aliquoties sæpe præterea, pro mor-
bi statusque epidemii ingenio, *alternis* semper *hebdomadibus* reuer-
sas esse, vel molimina saltem satis manifesta ostendisse. Hinc forte
haud iniuria coniicere licuerit, subesse aliquam toties repetitæ expe-
rientiæ *causam naturalem*, & tum quoque alternis hebdomadibus mo-
tus in corpore recidiuos *ex morbi ingenio* fieri, quum, impedimen-
to quocunque retenti, non satis liquido apparent. Fortuiti casus,
qui hanc nobis veritatem sub nostra aliorumque medicatione confir-
mare potuerint, euenere innumerabiles: & data opera, plus cen-
ties rem experti sumus, quando ægri, repetitæ medelæ impatien-
tes (d), bene se valere caussati sunt (e), & febrem, si rediret, indo-
lis haud metuendæ fore persuasum habuimus. Tunc enim, omisso
præcauendi consilio, tempus reuersionis expectauimus, immo ipsis
ægris prædiximus, euentu vix fallente. Idem plerumque notare li-
cuit, vbi, naturæ vel aliorum medicamentorum auxilio sanitatis ple-
næ signa tantisper fuerunt restituta, morbi tamen ingenio ad reuer-
sionem prono. Quo propius etiam illi a sanitate abfuerunt, quos
natura vel arte imperfecte restitui contigit, ab euidentibus saltem
paroxysmis immunes, & quo exquisitiori diætâ præmaturam morbi
excandescentiam auerterunt, eo certius etiam febres *recidiuæ nothæ*
alternis hebdomadibus exacerbatæ sunt. Immo ipsi errores diætæ,
venæ sectio etiam & remedia cathartica (f), quæque vrinam, & su-
dores,

(d) *Seidel.* de morb. incurab. p. 99,
“Nolumus ista, inquiunt, tam longa
“& intricata: dic vel propone ali-
“quid breue & *ευτοκιστον*: quasi in ma-
“nu medici sit mutare ordinem, re-
“rum in natura atque arte.

(e) Medicus quidam *χαριστατος*, aëgris,
qui vel ob medelæ nausæam, vel ob
fiduciæ defectum, ita bonam valetu-

dinem, haud bona fide, caussantur,
facete regerere solet *Ciceronianum*
illud: si vales, bene est; ego valeo.

(f) Notum est, *Sydenhamium* alios-
que medicos omni purgatione post
corticem, immo ipsis enematibus, in-
terdicere: quippe vnde reuersiones
facillime eueniant. *Bianchius* ex
aduerso cum aliis diuersa docet in
histor.

dores, & excretiones quascunque paullo euidentius mouent, & salia volatilia, ammoniacalia, & amara imperfecte febrifuga, & ipsius corti-

histor. hepat. p. 283. "Hoc, inquit, "sancte referre possum, in innume-
"ris casibus, eorumque plurimis, (vt
"dubium ad lancem veritatis appo-
"nerem) de industria tentatis, aegros
"cuiuscunque habitudinis, & qua-
"cunque tempestate, a febre quali-
"bet intermittente, ac intermittens
"naturam participante, per febrifu-
"gum vindicatos, hinc propinato ca-
"thartico, nec magis nec minus in
"febres relapsos fuisse, quam eos,
"quibus catharticum præscriptum
"non fuerat: vt ideo decernendum
"videatur, purgantes post vsum fe-
"brifugi administrationes ad reuo-
"candam febrem, vel non reuocan-
"dam febrem, vel non reuocandam,
"nil penitus conferre,.. De violentis
"fine arte purgationibus, quæ &
"facere & reuocare febrem possunt,
"*Bianchiana* hæc non intelligo. Me-
"diocres etiam purgationes, & ene-
"mata ipsa, magis minusue facile effi-
"cere quouis tempore possunt, vt fe-
"bris imperfecte profligata reuertatur,
"& reuersiones nothæ contingant,
"quæ *Sydenhamiano* monito primam
"ansam præbuisse videntur: dum ob-
"seruauit, ommissa catharsi, febres,
"quamuis imperfecte curatas, per *ὑπερ-
ἐξῆρας* remedii & naturæ, augescen-
"te in dies sanitate, constantius cessa-
"re; maturata vero purgatione, mo-
"tus male sopitos denuo efferuescere.
"Verum, si plena sanitas per suffi-
"cientem remedii continuationem re-
"stituta esse videtur, tunc distinguan-
"tur tempora, quibus natura ad reuer-
"sionem prona est, vel secus, & con-
"cordabit experientia. Si statim, si-

mulac a corticis vsu cessauimus, lon-
"gius ab hebdomade *παροξυσμική*, mode-
"rate & ex arte purgauimus ægros,
"quod *Bianchius* facit, nihil fuit, quod
"reuersionem timeremus. Metuenda
"autem hæc fuit omnino, vbi ipsa heb-
"domade altera, vel paullo ante ipsam,
"pharmacum purgans ministrauimus,
"cuiusmodi obseruatio, non satis di-
"stincta, alteram præbuisse videtur *Sy-
denhamianæ* regulæ rationem. Ni-
"hilo minus etiam tunc formidandum
"nihil fuit, si statim ab euacuatione
"ad adæquatam corticis vsum rursus
"accessimus, quæ res ommissa tertium
"fundamentum ei admonitioni dare
"potuit. Denique, absoluto penitus
"medicationis cursu, nullum vnquam
"reditum a catharsi apta veremur,
"quam tunc tot millies secure ex arte
"ministrauimus. Purgationem, quæ
"fine arte & indicatione & sollicita
"circumspectione fiat, post corticis
"vsum, & in conualescentibus, pro-
"hiberi par est: & miror esse, qui ideo
"remedium infidum putent, quia non
"statim, recuperata exinde valetudine,
"catharsi corpus turbare debere doce-
"tur. De purgatione omni ipsorum
"sanorum, quidni etiam conualescen-
"tium, & ad motus febriculosos pro-
"norum, vere æque ac eleganter mo-
"nuit *Brunner*. de gland. duod. p. 145.
"qui tantam partium teneritudinem
"penitus inspexerit, ordinemque,
"quem amat natura, atque concinni-
"tudinem, æqua mentis trutina per-
"penderit, næ cautius ille mercari
"discet, nec statim machinas admo-
"uebit, quibus harmoniam corporis
"exagitet, concutiat, aut prosterнат
"peni-

corticis doses minuscule, vel roboris parte castratae (g), aliaque caussa, in quibus solis recidiuorum motuum ratio collocari solet, longe facilius saepiusque redeuntis febris supplicio affecerunt aegrotum altera illa, quae *hebdomas paroxystica* vocari possit, quam priori, quae *intermissionis* vel *remissionis* tempus largiri consuevit. Sic ubi decantata illa reuocandarum febrium male curatarum indicatio locum habere visa est, longe itidem per ea ipsa, quae modo diximus, medicamenta expeditius eodem tempore res successit. Addo, idem *suo modo de quartanis, & de quotidianis veris* (h), nobis com-

per-

“penitus,,. Atqui eiusmodi machinae sunt medicamenta purgantia omnia, omnia, inquam, si in manu imperiti, neque impense cauti, versantur: nec excipio, quae in vulgi omnis manus hodie dantur, rhabarbarum, sennam, mannam, pilulas lenitivas, aut balsamicas dictas, & similia, quae longi maiori cautione opus habent, quam ipsa febrium antidota. *Grube* de medicamentis simplicibus. p. 121. “Medicus circumspecte agat, probe aduertens quibus, & quo tempore propinet. Quae quidem ipsa, si in villo medicamenti genere, certe in purgantibus, sunt probe attendenda. Neque vero cogitet tiro, rem levis esse momenti purgans aegris praescribere. Magnae id mihi res molis videtur, vtut mulierculae, vltra sexum suum audaciores, id parui faciant,,. Conf. Caution. medic. I. §. XVII.

(g) Hae medelae omnes, prout fors tempusque tulerit, interdum attingunt materiam febriculosam, interdum relinquunt intactam: itemque, si attigerint, euacuant forte fortuna, vel corrigunt eandem, quando sua virtute inferiorem, & ad exitum e corpore dispositam, reperiunt; saepe

e contrario, quando nifus recidivus ipsis medicamentis potentior est, irritant, & reuersionem promouent: quae observatio arti febres suppressas reuocandi, vt originem fecit, ita limites ponere debet.

(h) Observauit has, & distinxit a febribus ex alia periodo duplicatis, omnis antiquitas, & nos multoties manifeste notauimus. Miramur adeo esse viros eruditos & experientes, qui eas dari negent, vt cel. *Fr. Hoffmannus*, qui in tractatu de febribus ad *Poterium* p. 874. “quotidianae, “inquit, febres, recte notantibus praeteticis, non dantur; sed potius tertianae duplicatae vulgo dicuntur “quotidianae,,. Mutauit sententiam vir sincerus, & experientiae de veritate quotidianarum verarum locum fecit in medic. system. T. 4. p. 86. sqq. Noua ibi distinctione solas matutinas, & statim hora reuertentes, & decem vel vltra horis durantes, aliisque, quae recensentur, signis conspicuas, exquisitas, ceteras omnes nothas & irregulares vocat, quas saepius se annis huius saeculi XXVII. & VIII. obseruasse refert. Aliter veteres. *Sennertus* potissimum nocturnas, & XVIII. horis durantes, & alia signa

pertum. Integre cortice Peruuiano ante temporis sui decursum fugatæ, si reditum non præcidimus, *utræque* pariter, haud quidem altera, vti tertianæ, sed *tertia hebdomade*, siue post lunaris mensis dimidium, reuersæ, vel recursum euidenter molitæ sunt: id quod similem causam regressus arguit, quam quæ paroxysmorum est, & dierum numerum hebdomadibus certo modo respondere, quod idem in aeris & oceani motibus naturalibus obseruatur. Conformatem indolis quotidianarum verarum cum quartanis inter alios probe notauit *Piso* (i), qui illas a triplici quartana sollicite alias distinguit. “Tertianam, ait, longitudine excedit quotidiana, quantum a quartana superatur, in quam non raro conuerti videtur, vbi aliquando perseuerauit. Est enim valde similis, & prope idem utrique subiectus humor, ac proinde prope simili ratione curantur.” Vicissim, *Celsi* aphorismo, ex quartana sæpe quotidiana fit, culpa ægri vel curantis, (quæ in longa ægritudine facile accidit, præsertim quando medicus, certo remedio destitutus, varia experiari debet) &, quod addere licet, multis aliis de causis sæpe ineuitabilibus, aeris, aquæ, loci, corporis habitu, immo ex ipso morbi ingenio. Et tum quidem *Celfo*, cuius ætas nostras medelas ignorabat, in malis æger esse dictus est. Nequaquam ex cerebro nata sunt, quæ de reuersionum tempore heic luci exponenda putauimus. Vidimus sæpe veritatem, antequam ea de re vel suspicio subiit. Vos autem, viri clarissimi, aliosque obseruatores candidos amanter rogatos volumus, vt experimentis vel confirmetur experientia, vel limitetur, quam veram esse nulli dubitamus, numerosissimis exemplis conuicti.

§. V.

Observationes alienæ concordēs.

Eam quidem aliis etiam medicinam facientibus dudum obtigisse persuasum habeo, quamuis paullo obscurius indicata sit. Quorum-

signa habentes, exquisitas dicit, reliquas nothas L. 2. c. 19. de febribus. Sufficiat hic notasse, veras dari quo-

tidianas, ab aliis periodis, præsertim tertianis, diuersas.

(i) de cognos. & cur. morbis p. 926.
Z

rumdam auctorum obseruationes recensēbimus. *Blegny* (a) pro exemplo historię febris tertianę cortice fugatę affert aliquam, post sex periodos, id est *altera hebdomade*, reuersam. *Restaurandus* (b) “epoto, inquit, cortice febris vt plurimum desinit omnino: attamen “interuallo aliquo temporis *trium* scilicet *septimanarum*, aut quatuor, prout corpora magis aut minus incaluerunt, redit; aliquando si- “ne vlla recidiua discedit., De quartanis ibi sermo præcipue esse videtur, vbi cortex tunc sollemnis erat, quas redire, vel reditum moliri, tertia hebdomade obseruamus, licet paroxysmi manifesti ad quartam vsque interdum retardentur, robore naturę renitentis, vel remedii præter rem continuati, vel *ὑπερεργατοῦς*. *Sydenhamius* (c) febres quartanas, postquam ad *duas* vel *tres hebdomades* a corticis vsu delituerint, denuo recrudesce, & (d), vbi generatim de febris cortice fugatis agit, eas intra *dies quatuordecim* vt plurimum recidiuas fieri, narrat. Huic obseruationi innixus (e), corticis vnciam, post curatam quartanam, ad tres alias vices repeti per doses iubet, interiectis semper *diebus quatuordecim*. Vbi ad quotidianas tertianasque etiam febres vnā præcautionis methodum sine distinctione applicare ipsi lubet (f), “ne morbus, inquit, denuo recrudesca, “die *octauo* præcise, a quo postremam dosin æger assumsit, vnciam “in partes duodecim diuisam certo certius exhibeo. Non tamen “prorsus in tuto collocatur æger, nisi tertio quartoue eandem methodum, eodem temporis interuallo, iterare non grāuabitur., Hęc ita præcepisse virum iccirco probabile est, quia febres ex tertiano genere alio tempore, quam quod de quartanis notarat, nempe *octauo die*, vel paullo post, redire obseruauit. *Lemery* (g) per *quindecim dies* quiescere materiam febris fugatę affirmat, vbi quartanam præcipue intelligit, quibus tunc maxime dicabatur cortex, & per duos ideo menses *duodecimo* quouis *die* medicamentum repetit. *Mortonus* (h), qui de tertianis magis agit, quod historię probant,

(a) zodiac. med. A. III. m. Februar. obs. 29. de vsu corticis Peruvianī in febribus intermittētibz.

(b) ap. *Blegny* A. V. m. Iulio p. 137.

(c) morb. acut. histor. c. 5. p. m. 112.

(d) epist. I. p. m. 379.

(e) p. 113. sqq.

(f) p. 381.

(g) *cours de chymie*. P. II. c. 6.

(h) exercit. I. c. 8. p. m. 69.

bant, "sæpe numero, ait, vltro absque caussa euidenti redit febris, "nisi tempestiuo corticis vsu obuiam eatur: quocirca solennem corticis repetitionem post interuallum *octo vel decem dierum*,,, id est, sub initium vel ante exitum *secundæ hebdomadis*, "bis terue impere rare soleo, scilicet donec luna stadia sua singula semel decurrerit, "quam statis cursus sui periodis vi exfuscitandi fermenta morbosa "maxime pollere conspiciamus. Atque hoc modo febres intermit- "tentes maxime pertinaces certissime vt plurimum sanantur, quas, "vtut vices cortice fugatas, posthabito hoc canone, iterum sese in "ordinem recolligere, vt plurimum videre est., Deinde addit: "ante omnia, vtut firma valetudo videatur, hic canon obseruandus "est, quo facto haud ita frequenter febrium cortice curatarum reci- "diuationes famam medici & remedii minuerent:,, cuius methodi felicitatem deinde multis historiis (i) confirmat. Alibi (k) "febres "maxime pertinaces eadem ratione absque recrudescentiæ periculo "funditus tollere facillimum esse,, expertus pronuntiat. *Pitcarnius* (l) eam dosin, quæ tertianis & quartanis fugandis suffecerit, *post octiduum*, & ea consumpta, rursus post *duas hebdomades* repetere iubet. *Mangetus* (m) quantitatem remedii, quam cuius febris destinat, in duas diuidit partes, quarum altera consumpta, *dierum octo decem, vel duodecim*, vt ait, intercapedinem facit, & tunc ad alterius partis vsum accedit, antequam reuertatur febris. Dubio procul alias febres *altera*, alias *tertia* hebdomade redire, & præmisso reuerfioni tempestiue per aliquot dies cortice præpediri, obseruarunt illi auctores. *Bianchius* (n) tertianas post *quindecim dies* reuerti solere memorat, moliminibus præuiis pro febre fere recidiua forte non habitis. *Weinhartus* (o) febrem cortice fugatam post dies *octo vel quatuordecim* recrudescere vt plurimum notat, nisi, quod faciendum monet, ablata iam febre, ad dies totidem vsque, vel ad vnus lunæ tempus, inter-

(i) præsertim c. 9. de febris *convexos* genio proteiformi.

(k) c. 7. p. 53.

(l) elem. medic. L. II. c. 1. §. 45.

(m) biblioth. pharmac. p. 698.

(n) histor. hepat. p. 307. 747.

(o) medic. officios. p. 380. seq.

interuallo octo vel decem dierum, continuetur remedium. *Hoffmannus* (p) electario ex cortice febrifugo, elapsis *septem diebus*, ne redeat tertiana febris, ægrum iterum vti iubet: vnde nullus dubito, quin post septimum diem eiusmodi febres reuerti solere, repetito autem mature remedio præcaueri, notauerit, obseruator peritissimus. *Storchius* (q) febres, quas cortice fugare solet, idque cum *Stahlianis* principiis conciliat (r), plerumque post *duas* vel *tres* hebdomades (s) redire monet. Passim huiusmodi periodi, si rite calculus subducatur, in doctissimi illius viri, & illustris *Lentilii* eteodromis, cl. *Bianchi* historia hepatis, pluribusque medicarum historiarum collectionibus, inueniuntur exempla: plura etiam comperientur, si ad molimina recidiua attendere placuerit, manifestis paroxysmis sæpe priora, & tempus præscriptum accurate seruantia. Quo vero cunque modo ista se res habere videatur, patet certe, tot obseruatoribus attestantibus, reuersiones neque tutius, neque certius præcaueri, quam repetito intra *duas* vel *tres hebdomades* remedio.

§. VI.

Methodus præcauendarum reuersionum.

Itaque, & nostris, & aliorum obseruationibus, non solum de tempore reuersionum, sed maxime de felicitate curationum, per repetitum, ad eius temporis rationem, remedium, innixi, & de innocentia eius medicinæ sub integro valetudinis statu per sensuum euidentiā persuasi, memores fuimus moniti *Mangetiani* (a): “non esse expectandum, donec febris de nouo caput exseruerit, sic enim fore, vt renouanda veniat tota medicamenti dosis, quasi de eo nihil adhuc deuoratum esset (b).” Quando sufficienter operatus fuit cortex

(p) medic. system. Tom. 4. sect. I. c. 1. p. 49.

(q) qui, sub *Huldarici Pelargi* nomine, editis elegantissimis eteodromis, tantisper, dum hominum iudicia exploraret, velut retro Apellis tabulam latere voluit.

(r) v. eteodr. I. p. 65. sqq. add. p. 136. n. 7. II. p. 195. III. p. 279. sqq.

(s) in not. ad *Stahl*i colleg. practic. p. 960.

(a) biblioth. pharmac. T. II. p. 698.

(b) Fundatur hæc formido in vulgata experientia, & in iis, quæ §. 2. huius

cortex una serie continuatus, vt ad præsentem febrim delendam nihil superesse, & nihil amplius vtilitatis a continuato vsu in corpus redundare, visum sit, desiuimus primo illum exhibere, & lubenter quidem circa phaseos alicuius lunaris tempus, licet haud adeo exquisite notatu necessarium. Inde per *hebdomadem accurate vnā*, siue ad proximam circiter lunæ phasim, quiescere a medicatione iussimus ægrum, quippe quam tunc superuacuam esse reperimus: forte, quia materia residua nimis immatura est, neque villo modo turgēt, & profundius intra viscerum & humorum texturam latet, quam vt a corticis particulis, aut ab illis partibus, quibus hic singulare robur addit, attingi, corrigi, & ex corpore elidi queat. Atque interim illud, quicquid id est, vix ac ne vix quidem morbidum vocari potest, & interea secure in corpore manet, æque ac dispositio aliqua hæreditaria & remota, vti *διὰ θεοῦ* natiua ad variolos aut morbillos, & fomes arthriticus extra paroxysmos, vel malum immaturum quoduis, antequam per ætatis temporumque mutationes, aliasue causas, maturetur, & in motum molestum, quem morbum vocamus, agatur. Immo quamuis diætæ vitia, aut nifus febris ad reditum maior solito, aut causæ graues aliæ, præmaturæ aliquid interdum mouere possint, sufficit tamen fere semper assumti antea remedii *ὡς ἐξ ἑγ-
γυα*, vt impediatur morbus, quo minus recrudescere festinet. Immo potius (siue iam id superstitibus in corpore, & sensim in vsum a natura ductis, remedii particulis adscribas; siue naturæ ipsi in consuetum sanitatis tramitem functionumque œconomiam restitu-
tæ, & digestionis, secretionis, nutritionis, excretionis, negotia felicius indies sponte expediēti) apparet euidenter, hominem iam con-

ius sectionis disputauimus, & in indole febris, eiusque materiæ, naturaliter *ἐπαυμασιν*, seu sponte augescente, Enimuero, quod *Musitanus* pyretolog. p. 59. generatim dicit: "febris leuiusculè oboriri incipit, & "adeo adolefcit, vt vehementior magis magisque fiat, donec tandem in "exaltationem deueniat, & febrien-

"tes periculis obnoxios reddat:., id etiam de recidiua obseruabile est. Sæpiusculè vero meus feliciter euanes-
cit, & febres post corticem recidiuæ facile sæpe cedunt, vel sponte, vel leuibus remediis. Tutius vero est, certo tutoque remedio vti, quam incertam & infecuram felicitatem operiri.

conualescentem, ea ipsa hebdomade, qua nihil medicaminis assumit-
plura quotidie virium & sanitatis incrementa capere. Ita iuuant sæ-
pe prius sumta remedia tum demum maxime, quam ab iisdem qui-
escis (c),

— — — — — *mandataque fortius vrget*

Imperiosa quies (d).

Octavo vero die, quo nihil adhuc mali sentiri solet, omnibusque
per *totam hebdomadem* sequentibus, corticis vsum denuo iugiter in-
iungimus continuandum. Neque nos per ipsum mensium fluorem
ab hac temporis ratione detineri, vel ita in curationis ordine natu-
rali turbari patimur, vt hebdomades confundamus. Quamuis
enim, si nihil periculi vrgeat, primos insignioris regularisque flu-
xus dies sine remedio prætermittere amemus; deinde tamen ipsa
præscripta hebdomade continuare medelam eo magis studemus, quo
certius est, a reliquiis orgasmi menstrui tunc, quando ipse fluxus
desinit, vel minuitur, febriculosum orgasmum facillime excitari.
Multo minus hæmorrhoidibus fluentibus, quæ in paucissimis plane
ordinatæ sunt, & apud nostrates frequentissimæ, ab ordinata medi-
catione recessimus, qua turbas & anomalias præpediri sæpe, nun-
quam induci, notauimus. Securius etiam ad primum vel secun-
dum vsque posterioris hebdomadis diem medicatio protenditur,
quam ante statutum tempus ab ea cessatur, quo quidem in his feбри-
bus,

(c) Hinc error vulgi, nescio an etiam
nonnunquam medicorum, facile ob-
oritur, vt redeuntem valetudinem,
quæ ad *ὑπερεργίαν* prioris medelæ re-
ferri debebat, nescio cui alii rei post-
remum factæ imputent, & hanc de-
inceps miris sæpe laudibus extol-
lant, quæ, quam vanæ sint, repetita
experientia docet. conf. celeb. *Lenti-*
lius peculiari dissertatione de hyste-
rergia medicamentorum T.2. miscell.
med. p. 474. Similem *ὑπερεργίαν*,
quamuis minus certo euenturam,
iam supra indicauimus ex imperfecta
corticis præbitione. Scilicet sæpe

fit, vt, correctæ aliquantum materie
& motione morbosa, sensim sponte
roboratæ naturæ redeat sanitas.
Tum vero multo facilius in eam ra-
tiocinii fallaciam incidunt medentes
alique, vt sibi nescio quid egregii
persuadeant, de præstantia & effica-
citate aliarum medelarum postero-
rum, febrî per corticem imperfecte
curatæ oppositarum; quum tamen
felix euentus illi ipsi debeatur cura-
tioni per remedium potentissimum,
imperfectæ licet, attamen *ὑπερεργίαν*.

(d) *Claudianus*.

bus, ad duplicis & multiplicis & anomalæ tertianæ indolem tendentibus, vix vlla dies, aut diei pars, a recidiuis motibus omnino tuta fuit. Si qua fuerit febris tertiana simplex vel duplex vulgaris, magis chronica, & quæ typum adsciuerit constantem, sufficere potest dos aliqua ad scrupulum vnum, aut drachmam dimidiam, aut integram, aut duas, pro morbi indole, singulis aut alternis, pro typi ratione, diebus per totum octiduum exhibita, bihorio forte ante illud tempus, vel eo ipso tempore, quo paroxysmus expectari debuisset, si perdurasset febris. In istius vero morbi præcauendis reuersionibus, de quo sermo nobis præcipue est (nempe vbi periculi instantis causa, & typo ad tertianæ duplicis, vel multiplicis, & instabilis naturam prono, corticem propinauimus,) deinde etiam ad præcidendam reuersionem, non semel aut bis solum, minutis maxime dosibus, aggressi sumus redituram ex suo ingenio, nisi potenter reprimeretur, febrem; quippe quæ ita potius incitetur ad motus recidiuos vel turbetur (e),

ægres-

(e) Regula hæc in nostro statu epidemio, in febribus, vt dixi, ad duplicis, triplicis, immo multiplicis, & perniciosæ tertianæ, naturam pronis, &, quod ad horas accessionum, valde mutabilibus, & impense in reuersionem nisu spontaneo tendentibus, obseruatu necessaria fuit: quod experientia docuit, si quando tentatum est minuere dosum quantitatem, aut numerum, licet aucto pondere, sed semel forte indies exhibendo. Tunc enim vel febris, turbata forsitan, serius recurrit, vel sub ipsa medicatione manifeste rediit, vel motus morbidus alii euenerunt, auctiori deinde & sæpius repetita eiusdem medicinae dosi reprimendi. Reponendum est inter artes febrem suppressam reuocandi, & occultam produciendi, & exiguam, sed incrementum nitentem, magis augendi, si imbecillio rem corticis, aut alius remedii fe-

brifugi, dosim exhibeamus, neque motus, quos ita, irritando & inualide impugnando, facile excitare possumus, adaequata medicatione statim componamus. Huc spectant, quæ plurimi auctores annotarunt, de salium fixorum, & volatiliū, & absinthii aliorumque remediorum amarorum, quæ *ληξιπυρετα* alias esse experientia ostendit, virtute plane alia, quæ contraria videatur, & vera tamen est, ad febres suppressas reuocandas. Momentum præcipuum situm est in proportionem medicinae ad nisum motusque materiae morbidæ. Remedia febrifuga vera afficiunt plerumque & materiam & motum, vnde sæpe, si proportio nimis ab adaequato robore remota est, motum exstimulant, & excandescere febrile incendium faciunt, quod extinguere possent, si virtus medicinae par morbo opponeretur.

- - - *agrescatque medendo;*

sed potius quinquies aut sexies scrupulum vnum aut drachmam mediam, aut ter in die, quod *Mortonus* præcipit, vel bis certe, integram drachmam, propinauimus, aut rubore fere parem alicuius decocti, infusi, extracti, dosin. Rationem tamen semper duximus habendam tum *εὐφορίας*, tum facilitatis aut difficultatis, qua prior febris fugari potuit, tum etiam, quantus sit, per status epidemii & diætæ corporisque rationem, reuersionis metus. Sunt enim morbi vel sua aut ægri natura, vel statu aeris & aquarum & locorum meliori, faciles, sunt etiam declinantes, aut per plures iam recursus attriti, vbi non amplius, quam vna quotidie, aut duabus tribusue exiguis dosibus opus fuerit, immo per aliquot solum priores vel posteriores dies hebdomadis *παροξυσμῶν* exhibendis, ad præpediendā penitus molimina recidiua: ne quid dicam de excellentiori ipsius medicamenti specie, cuius vel minor, vel minus repetita dosis, plus præstare potest, quam maior & sæpe iterata minus selecti aut eximii. Atque ex his etiam fortassis ratio dari potest, cur multi, sine ordinata methodo, aut per curationem minus potentem, reuersiones feliciter sæpiusculæ impediunt. Tandem saltem aliquando multi, sine ordine continnantes & repetentes, forte fortuna in id tempus cum sua medela deferuntur, quo remedii efficacia materiem postrema molientem attingere, eique destruendæ sufficere possit (f). Eodem deinceps modo, si morbus præsertim pertinax & chronicus,

ex

(f) Huc spectare videtur efficacia felix methodi *Talborianæ* supra descriptae, qua ingens corticis copia adeo diuturno tempore assumitur, vt fieri vix possit, quin scopus sæpe tandem fortuito attingatur. Idem iudicium ferre forsan licuerit, de felicitate febres sine reuersione curandi, quae, per solam magnam, & sine ordinatis interuallis continuatam, pulueris corticis quantitatem, pluribus medentibus obtingit. Ita prospero sæpe successu beatur pulvis ex cortice *Peruiano* *Berolinensis*, passim hodie fa-

migeratus, quem medicus & physicus ibi clarissimus, *Du Clos*, distribuit, ad vncias pro vna febre circiter quinque: quamuis nihil in præparandi, exhibendi, continuandi, & repetendi, methodo singulare & distinctum habere, sed solo medicamenti specifici pondere, bis, ter, vel quater indies repetito, sine distinctione speciali, febres opprimere videatur: quod, ob virtutis magnitudinem, sæpe sufficere potest, etiam si exquisita methodus absit.

*) Constare hic pulvis febrifugus *berolin-*

ex sui ingenii, aut corporis ratione, futurus fuisse videtur, & diætæ regimen haud omnino exquisitum sperare licet, & constitutio epidemia, aut contagium, ad inducendas febres verget, iterum iterumque per hebdomadem vnam quiescere, & per alteram, vel octiduum, medicamento yti iubemus. Tunc autem, euicto subiti periculi, & soporis, & inflammationis, & continuæ febris periculo, infusum etiam vinosum, ad *Talborii*, vel saltem ad *Sydenhamii*, mentem paratum, egregie confert. Subtiliorem enim materiam morbidam felicius eneruare, partesque corporis tenuiores penetrare & robore videtur: vnde est, quod, si per incendii metum liceat, vinum, antiqua experientia, pro optimo semper corticis vehiculo merito habeatur. Sæpenumero euenit, vt, quum tempore quietis laudatæ nihil incommodi, sed quotidianum potius sanitatis incrementum, notatum fuerit, per ipsum e contrario medicationis repetitæ tempus molestiæ quædam febriculosæ, veluti motus morbi reuersionem molientis, & cum remedio pugnantis, persentiantur: vnde aegri aliqui, nisi prædictione muniti sint, melius se milioris hebdomadis tempore habere reminiscentes, medicinae imputant, quod morbi naturæ & tempori debetur. Sapiuntur vero certissime illa certamina, si ad exitum vsque hebdomadis perseuerare haud grauemur. “Atque ista quidem, si eueniant, molimina, præcipuo indicio sunt, “omnino *necessarium* esse, vt, postquam *rursus per hebdomadem vnam* “abstinuerimus, altera insequente medicinam iterum adhibeamus, “neque ab eiusmodi alternis vicibus cessemus prius, quam *alternæ* “morbidorum *motuum* vices per suas hebdomades redire *penitus* de- “finant,,. Quod si, sub hoc statu epidemio impense reuersionibus fauente, in prima vel secunda repetitæ curationis periodo aliquid adhuc aegritudinis obseruatum est, sub tertia certe nihil vnquam amplius accidere memini, quod reliqui morbosorum motuum quicquam indicauerit: quæ obseruatio cum illis aliorum conuenit, quibus tem-
pus

linensis dicitur: pulu. Cortic. peruu.
Vncia una semis, Radic. Ari vnc. I.
Rad. Hellebori nigr. & Gentian. rubr.

ana drachm. ij. additis cuilibet dosi
pulueris olei amygdal. dulc. & Lau-
dan. liquid. S. ana guttis tribus.

pus fesquimestre medicationi assignatur (g). Plerisque tamen febribus vna repetitio, atque ita trium hebdomadum tempus, nec nisi duarum medicatio, sufficit (h). Atque easdem hasce regulas,

quæ

(g) *Helvetius methode de guerir les fièvres sans rien prendre par la bouche.* add. *Bianchi* histor. hepat. p. 307. *Morton. Sydenh.* ceterique §. 5. adducti.

(h) Tres fere hebdomades itidem requirit ill. *Tortus* in therapeutica speciali, cuius methodum, quatenus peculiaris est, nempe præcipue quatenus magna dosi, simul circa paroxysmum exhibita, alterum paroxysmum remotiorem maxime, sed correspondentem, reprimere studet, ipsi nondum experti sumus. Elucubratum iam dudum erat hoc opusculum totum, & quæ ante hanc plagulam scripsimus, omnia typis iam absoluta, antequam libri copia nobis fieret, methodusque inde addisci posset. Memorat cl. auctor, & vberime pertractat, & pluribus historiis illustrat, *febres intermittentes lethargicas*, solo cortice tempestive dato medicabiles: quas easdem esse notat, quæ *Sydenhamio apoplexia* comitatæ dicuntur, suntque eædem, de quibus problema illud agit, quod nos hac scriptione soluendum nobis proposuimus. Laudat impense auctor methodum *Mortonianam*, aliasque similes, sed eas, in maiori velociorque periculo, interdum non sufficere censet, ubi tamen noua hæc e mortis faucibus ægrum eripiat. Nouam vero non in re ipsa, ipsoque genere, sed in modo, certisque circumstantiis, dicit. "In febre intermittente benigna, sed diuturna, aut sine fructu molesta, exhibet, simplici paroxysmo ipso

"accedente, vel declinante, drachmas duas, ex vino, pulueris corticis exquisitissimi, quem *Mutinæ* proflare laudat, & cuius vnciæ duæ plerisque febribus debellandis sufficiant: hasque drachmas duas ad proximum correspondentem paroxysmum inhibendum satis esse docet. Hinc, ad reuersionem præcauendam, per octo circiter dies, omni mane propinat drachmam dimidiam, & quindecim plus minus diebus elapsis, scrupulum quotidie vnum, aut amplius, pro diuerso febris redituræ metu, per alios sex dies. In tertiana duplici nihil notandum præterea habet, nisi, quod prima illa maior dosi grauioris infultus die dari debeat, cum in leuiori data leuiorem sequentem fuget, grauiorem non attingat; data vero in grauiori profliget vtrumque. Ast in febre, vere intermittente, sed periculoso symptomate aliquo stipata, (nempe vomitu aut alui fluxu vehemente, *choleric*o vt plurimum, nonnunquam & *dysenterico*, vel quasi *hepatico*, aut *atrabilari*, *cardialgia*, *sudore frigido* & male critico, *syncope*, *algore* indefinente, & *sporoso* maxime affectu graui, & ab *apoplexia* parum distante, aut, si quid aliud periculosum apparet,) primo haustu semunciam circiter, vel drachmas sex, remittente paroxysmo, hinc, post horas sex vel octo drachmam vnam aut amplius, & sic porro, præbet, vt duodecim, si fieri potest, ante nouam formidandam accessionem horis, sex vel octo

quae ad corticem Peruuianum maxime spectant, ad cetera etiam, quae in aliqua febre profuerunt, remedia, salia praesertim, & amara, cortici analoga, extendere solemne nobis est. Nempe quodcunque horum remediorum prodest, id tam diu continuamus, additis aut interpositis, quibus opus est, donec symptomata febris omnia cessent; hinc quiescimus per hebdomadem accurate vnam, altera vero eandem rursus medicinam repetimus. Atque ita, etiam sine cortice, febres epidemice *ὑποεργωδεις* saepe curauimus, vt non reuersae sint: quum ex aliter tractatis similibus aegritudinibus multas subinde natas viderimus reuersiones.

§. VII.

“octo drachmæ consumptæ sint. Quo
 “propius accessio & periculum adest,
 “eo auctior citiorque dosis datur.
 “Post vnam autem maiorem, ita re-
 “motissime a paroxysmo futuro da-
 “tam, deinde paucas minores, &, ob
 “hanc distributionem, vniuersim vn-
 “ciam vnam, pro fuganda primum
 “penitus febre etiam perniciosissima,
 “sufficere solere notat; quod plures
 “vnciæ aliter distributæ vix præstent,
 “licet innocue exhiberi possint. Fe-
 “bre ita sublata, ne redeat, drach-
 “mam vnam quotidie, per tres circi-
 “ter dies, deinde, per alios tres,
 “drachmam dimidiam bis quotidie
 “repetit; post hebdomadem, si opus
 “videatur, parem aut maiorem dosin
 “denuo exhibens, & pro re nata con-
 “tinuans. In curanda febre subcon-
 “tinua, seu etiam continua per pa-
 “roxysmorum duorum aut plurimum
 “subingressum, prout celerius vel
 “tardius ad periculum tendit, nunc
 “minorem, nunc maiorem dosin, ta-
 “li proportionem, dispensat, quæ sen-
 “sim paroxysmos eneruare possit, an-
 “tequam tempus periculi probabile
 “aduenerit. Exempli gratia: si ter-
 “tiana tardius in periculosiorem con-

“tinuam transitura videtur, mane,
 “die meliori, scrupulos quatuor vel
 “sesquidrachmam, vesperi drachmam
 “semis vel duos scrupulos, die au-
 “tem accessionis, extra accessionem,
 “scrupulos quatuor aut drachmas
 “duas distribuit, verbi causa, mane
 “scrupulos duos vel drachmam vnam
 “& tantumdem fero, declinante fe-
 “bre, ministrat; per duos vel tres
 “dies scrupulos quatuor, vel circiter,
 “partitis vicibus, continuans: quo
 “pacto febre sublata, ne repullulet,
 “post quietem septem circiter die-
 “rum, corticem rursus ad drachmam
 “forte dimidiam, modo semel, modo
 “bis in die, iuxta maiorem ad reuer-
 “siones procliuitatem, per octiduum
 “fere repetit. Verum, vbi magis
 “propere, in eiusdem generis febre,
 “non nisi obscurius interuallum, aut
 “grauiora symptomata apparent, pri-
 “mo statim remissionis tempore duas
 “vel tres corticis drachmas, vel plus
 “etiam, si periculum vrget, ferme
 “ad regulam perniciosarum intermit-
 “tentium, altero dein die drachmam
 “vnam & mane & vesperi commen-
 “dat, ad drachmam postea dimidiam
 “descendens, modo semel, modo bis

§. VII.

Methodus præcauendi reuersiones quotidianarum, quartanarum, erraticarum.

Eadem fere curandi ratio in quotidianis quartanisque recidiuis præcauendis locum habet, modo *non alterna*, sed *tertia quauis hebdomade*, medela prophylactica iteretur. Exquisitas, verbi causa, quartanas, ubi præmittenda, si qua fuerunt, præmisimus, corticis puluere ad drachmam vnā, duas, vel tres, in aquæ, cereuisiæ, vel vini potius, vnciiis circiter quatuor macerato, & bihorio aut trihorio

“in die ingerendam, donec vncia
“circiter vna absumta sit. Tunc, in
“præseruationis gratiam, alia vncia,
“sicut de vere intermittentibus peri-
“culosis dictum est, distributa præ-
“betur,,. Discedere a methodo ac-
dosi & febris & ægri ratione non-
nunquam cogitur, & in difficultate
deglutitionis tincturam saturatiorem
per os, puluerem in clysmate, quod
ante *Heluetium* sibi vsurpatum lau-
dat, per anum curat infundi. In
ipso rei cardine, etiam quod ad re-
uersiones attinet, cl. *Tortus* nobis-
cum facit, quod ex opere elucescit,
& patet etiam tum ex his, quæ ex-
cerpta exstant in *giornale de lettera-
ti* T. 12. p. 49-99. & act. erud. Lips.
1716. p. 220. sqq. tum ex *Bianchii*
historia hepatis passim: quamuis,
quod nos petimus, *moderamen con-
tinuandi remedii*, in plenæ sanitatis
scopo obtento situm, nullique dosi
adstringendum, & *intervallum accu-
ratum repetendi*, in typico reuersionum
tempore fundatum, non ita me-
moratum sit, cuius tamen rei obser-
uatæ vestigia hinc inde reperio p. 4.
5. 10. 61. sqq. 218. & alibi in histo-
riis. In primis etiam p. 162. “possi-
“tis, ait, in tuto ægri rebus, 1) ad
“*ulteriore expugnationem fermenti*

“febrilis, & 2) ad *præcautionem re-
“cidiuæ*, necesse est, 1) *insistere* in
“*vsu remedii* per plures dies, 2) il-
“*ludque*, postquam *ad dies aliquod*
“*omissum* est, ad plures alios *repete-
“re*. *Alterna* siquidem *reciprocatio*
“*temporarii vsus* & *omissionis* illius
“*mirifice* conducit ad intentum, præ-
“*statque vsui non interrupto*,,. Quod
si leuidentis opusculum hoc in obser-
uatoris tam docti, tam candidi, ma-
nus perueniret, sperauerim, has ob-
seruationes nostras & aliorum, præ-
sertim etiam *de typico reuersionum*
& *repetendi remedii tempore*, ipsi in
experientia fundatas repertum iri, &
robur ab ipsius obseruationibus, me-
lioremque illustrationem, accepturas,
in incrementum artis feliciter & con-
stanter febres sanandi. De febribus
lethargicis, soporosis, seu apoplecti-
cis, cl. *Tortus* p. 227. “in febribus,
inquit, huiusce speciei “*fere semper*
“*contingit recidiua*, sæpe etiam gra-
“*uis*, subsequiturque *difficilis conua-
“lescentia*,,. At nostra hac metho-
do, qua, *ante plenam sanationem non*
intermittimus cortice pluries in die
vti, eumque *iusto tempore pariter re-
petimus*, vtrumque illud incommo-
dum feliciter multoties vidimus
auerti.

horio ante paroxysmum dato (a), plane profligauimus, quod tertia certe, post primam dosin, accessione nunquam redeunte, contigit.

Dein-

(a) Ignoscat illustr. *Tortus*, si ab vna eius sententia particulari leuiter forsitan discrepemus. Scribit lib. 3. c. 3. therap. special. p. 161. "quæ china china exhibetur paucis admodum ante accessionem horis, ea pro inhibenda huiusmodi accessione nihil valet, nisi forte in quantum præcesserit horis congruis alia quantitas, roborari capax ab hoc adiuncto,.. In subito perniciosis intermittentibus, aut continuis, subcontinuisque febribus, de quibus vir inclitus loquitur, nos eam veterum, & *Listeri*, rationem exhibendi sequi, non fuimus ausi, quod sect. III. §. IV. n. e. innuimus. Experti vero frequenter sumus, solam dosin adæquatam, & huius remedii, & plurium aliorum, prope ante paroxysmum febrium aliarum, & quando, (vti *Listerus* monet, dum schedula Romana leuissimum paroxysmi indicium requirit,) maxima adhuc integritas, seu plena intermissio est, exhibitam, ipsam proximo instantem accessionem sustulisse, insecuto vel vomitu, vel secessu, vel sæpiissime sudore, vel nullâ excretionem, symptomate nullo. Atqui hæc efficacia de ceteris remediis febrifugis obseruata antiquissimæ illi, & multa experientia nobilitatæ, regulæ originem dedit: prope ante paroxysmum exhiberi debere, quorum ope febrem fugare nitamur: quasi tunc turgens materia medicinæ viribus maxime exposita sit. Fateor tamen, frequentius alterum insequentem, vel tertium demum paroxysmum, ista methodo, & nostra, quæ hic venditur, cortice similiter repeti-

to, penitus fugatum esse: quamuis proximus plerumque statim mutetur, nonnunquam auctus, si minus adæquatum remedium fuerit, sæpius imminutus, & vel anticipans, vel postponens: certo indicio, attingi statim morbum a potentissimo remedio sub id tempus dato, & quod & alii multi, & ipse cl. *Tortus* p. 228. notarunt, certo etiam præfagio sanitatis melioris postero accessionis die expectandæ. Insignis vero & manifesta remedii potentia, de efficacitate & *Tortianæ* methodi, & nostræ, quippe in præcipuis momentis haud discrepantium, peritum quemlibet facile persuadebit, quum vterque testem habeamus multiplicem experientiam. Consentio omnino viro illustri, maiorem dosin in perniciosis & subito metuendis febribus, ad vnciam minimum dimidiam, drachmas sex, vel vnciam vnam, in duorum paroxysmorum interuallis dandam esse, ante eum, quem formidamus: vt patet ex superiori capite sect. III. §. IV. Cum *Mortono* aliisque eam dosin partitis vicibus, nempe pulueris drachmam circiter vnam, (amplius ibi vna dosi dare nondum ausi,) per bihoria vel trihoria ab exeunte accessione ad redeuntem vsque, exhibere felicissime sœuimus, vt sensim digestum remedium, quum adiuncta semper noua dosi priorem roboret, vt vir clarissimus recte iudicat, instantem accessionem formidandam cohiberet, vel minueret impetum. Damus tamen præstantiæ laudem inuentioni *Tortianæ*, largimurque tanti viri experientiæ, id valere

Deinde per *quatuordecim* accurate, ab eo tempore dies quieui-
mus, *decimo* vero *quinto*, *decimo octauo*, & *vicesimo primo*, æque effica-
cem remedii dosin versus paroxysmi tempus denuo ministrauimus,
qui dies *iidem in tertia* hebdomade, *qui in prima*, & *paroxystici* esse,
inito calculo, reperientur. Atque ita sex maiusculis corticis dosi-
bus plus centies, sine vlla reuersione, aut alio morbo succedente,
per-

sex drachmas, aut quatuor, aut duas, simul exhibitas circa accessionem priorem, ad correspondentem posteriorem inhibendam, quod maior quantitas, partitis vicibus sensim alioque tempore data, præstare nequeat: præsertim quum dosin multo minorem, exeunte aut declinante aliquo paroxysmo datam, crisin manifeste multo perfectiorem & copiosiore solito efficiendo, & naturam tunc maxime languentem roborando, ad sequentem accessionem inhibendam insignis efficacix esse, sæpe sæpius notauerimus. Facile nobis maiora de maiori dosi pollicemur, vbi generosius agere formidabile periculum iubet: ob quem nobilem ausum, & candidam methodi reuelationem, viro inclito, neque temere neque timide medicanti, multas gratias & medici imitatores prudentes & ægri, & posteritas debebunt. Atque adeo ista methodo *Tortiana* credimus posse sanari febres quasdam periculosissimas, alia methodo, & ipso cortice aliter dato, vix medicabiles, quod in corpore proprio, & tot ægris, mirabili cum felicitate exploratum, vberime candideque enarrat vir experientissimus. Quod si tamen, vti ista fidem omnino faciunt, magna illa dosis, tempore ab accessione remotiori simul sumta, tantum præstet; vix mihi dubium est, eandem, si temporis & periculi necessitas postulet,

duabus etiam aut tribus horis ante accessionis nouæ ingressum, & ante eiusdem molimina insuperabilia, usurpatam, parum minora sæpe effectu-
ram. Certe tuto in iisdem febribus, & cum fructu, ad accessionem nouam aut eius euidentia molimina vsque, continuari coeptum inde a priori accessione, & per interualla bihorii aut trihorii per drachmas distributum, medicamenti vsum, penitus experientia compertum habemus, & plerique omnes, quos adduximus, auctores nobiscum annotarunt, & ipse cl. *Tortus* non dubitare videtur, dum ita roborari priores doses memorat. Neque spernendum est, quod *Listerus*, post antiqua experimenta innumera, se *centies* felici euentu expertum testatur, quod, “si cortex
“*una vel altera hora ante aduentum*
“*paroxysmi* propinetur, quando sci-
“licet maxima corporis est integri-
“tas, debellet *plus una eius dosis*,
“*quam decem alias* exhibitæ,, v. supra Sect. III. §. IV. Et nos in longis pertinacibusque febribus, sed haud subito metuendis, sæpius paria obseruauimus, in perniciosis timidi-
ores; quia interdum, vti dictum, consueta dosi, eo tempore in securioribus febribus data, proximum paroxysmum augeri expertum est, quod tunc quidem innocuum, a corticis præbio magis adæquato haud metuendum forsan fuerit, (modo id dige-
ratur)

perfecte curauimus quartanas, ad coniuncta forsan alia pathemata ex arte respiciendo *). Quod si vero aliquid sub repetito vsu afflixit febriculosi, eodem iterum iterumque modo repeti debuit cura, post duarum semper hebdomadum interuallum.

Durante intercapedine duobus solum ex ægris nostris ita tractatis euenit febris recidiua. At illa omnino non respondit diebus paroxysticis prioribus: vnde colligere licuit, quartanam non plane exquisitam & simplicem regularem, cui isthæc methodus destinatur, sed pronam in typum duplicem, vel anomalam fuisse.

Cuius rei, quando vel minimus metus, vel æger delicatior est & debilior, & morbus haud satis tutus, tunc non solis diebus accessionis, neque paucis tantum ante eam horis, sed per quatuor forte horarum interualla extra paroxysmum, sicut supra de tertianis scripsimus, in quartanis etiam quotidianisque plerumque corticem præbemus. Quæcunque iam eligatur medendi ratio, eo certe vsque continuamus, quæ semper nobis præcipua lex est, *donec penitus febris cum symptomatis suis desinat*. Quiescimus deinde per dies *quatuordecim*: *decimoquinto* vero, quia tertia hebdomade reditus timendus est, repetimus curationem eandem, neque nisi post *viceesimum primum* ab ea desistimus, eodem modo, si opus fuerit, post alios *quatuordecim dies* repetituri, “donec, nullis amplius sub medela molestiis notatis, funditus morbidum quodcunque extirpatum esse videatur. Mixtum morbi genus, idque satis pertinax, attentus obseruator manifeste sæpe notabit & computabit, præsertim sub aut.

ratur) in iis morbis etiam, vbi vnus paroxysmus grauius rediturus time-ri debet. Conf. Caution. med. I. §. XVI.

*) Frequentius & ad finem vsque vitæ præceptori mos fuit exhibendi Corticem in substantia aduersus intermittentes & remittentes quascunque exquisitas, ea quidem ratione, ut omni trihorio ægrotus fumeret drach-

nam dimidiam cum sachari granis XII. & Cinamomi grano dimidio mixtam, hancque dosin quinquies de die reiteraret. Ad tertianas itaque benignas pro integro octiduo statim doses eiusmodi XXXVI. præscribere solemne ipsi erat, easque sequente hebdomade paroxystica repetere, iuxta legem quam experientia ipsi sanxerat. Conf. supra pag. 124.

autumnū (b), & ubi spleneticos tertianæ inuadunt, quamuis sub erraticæ febris nomine passim negligatur (c). Ibi feliciter & constanter medicati sumus, vel expectando & rite curando quartanam, quæ tandem sola manere solet (d), postquam tertiana, ubi licuit, aliis remediis expugnata est; vel, si post firmissime iacta fundamenta sanitatis, per *decemdiū* quieuius, & deinde per *septem* aut *octo dies*, aut ultra, medicinam rursus adhibuimus, ut *secundæ hebdomadis postremam*, *tertiæ primam* certe, *medietatem* efficaci præsidio muniremus. Verum de istis omnibus hoc loco obiter solum aliqua putauimus dicenda, quæ alibi explicatius proponere, & exemplis rationibusque firmare & illustrare, deo fauente, constituimus.

§. VIII.

Regula tertia pro genuino corticis usu.

“Est igitur tertius pro legitimo corticis usu canon: ut motus
 “recidui præcaueantur, & iusto tempore ordineque, & efficaciter,
 “& sufficienter, repetita ad normam periodorum febrilium mature
 “medicatione, donec sub eadem ipsa nullus motus morbosus super-
 “esse amplius obseruetur, & medicamentum specificum de disposi-
 “tione febrili plenam manifeste victoriam reportarit.”

SECTIO QUINTA

SVBIVNGIT ALIQUA DE CONSTANTIA
EFFECTVVM ET SECVRITATE
METHODI.

§. I.

Constantia sanationis.

Atque ita quidem verissimum reperimus, quod senex longo rerum
 usu meritisque plurimis etiam post fata venerandus (a) *Brunne-*
rus,

(b) *Hippocrat.* aphorism. 22. sect. III.(c) *Galenus* 2. de diff. febr. sub fin.(d) *Galenus* I. ad Glaucum 5. *Hippocr.*
Coac. 3. 27. *Raym.* *Iohann.* *Fertis*de febribus p. 237. seqq. *Forestus*
obs. 44. 45.(a) Noluerim curationem morbi desperati arthritici & hydropici, in perso-
na

rus, a *Brunn* dictus, grauiter profatur (b). “Chinachina, sunt verba
 “viri huius illustris, amaricantium regina, non tantum febriles tollit
 “paroxysmos, abhinc fortius redituros, quemadmodum calumniantur
 “insulse imperiti,, addo, vel quemadmodum male metuunt non nisi
 cum præcepta opinione, & haud sufficienter, aut sine iusta methodo
 experti, aut hi, quibus naturæ defectus, & hominum errores, a medi-
 caminis effectibus non satis distinguere licet aut lubet, “sed prudenti
 “& continuato vsu penitus extinguit illos, nunquam redituros (c).,
 Ali-

na serenissima, a tanto viro, (qui mihi quidem non, nisi magna fama, & scriptis, & paucis litterarum commercio, notus fuit,) sine alias consueta felicitate peractam, tam acerbè & præter meritum castigatam esse a celeberrimo auctore medicinæ consultatoriæ, (quem itidem non nisi meritorum causa noui,) tom. IV. dec. 4. cas. 7. postquam hic historiam ab alio solum medico, & haud amice, uti facile patet, perscriptam legerat. Miror ignotas esse potuisse sagacissimo viro personas, p. 164. quas Europa tunc ex publicis nouellis nouerat, & plurimi homines ex ipsa hac historia statim diuinarent. Nos de aliorum medicorum curationibus singularibus iudicium lubenter suspendimus, licet cautiones nobis practicas, sine odiosorum exemplorum manifesta propalatione, seligamus. Neque fortiores, aut insolitas mihi, aliorum medelas in hydropè, qui conclamatus fere visus est, aliisue morbis fonticis, vitupero, Sammonici illud effatum cogitans: *hæc potiora putant, quam dulci morte perire*: præcipue quia omnia momenta & consilia, & alienam experientiam scientiamque pernosse, & iudicare, mihi non arrogo. Neque etiam pro vitio imputem, si qui desperati ægri

spem, dulcissimam rerum, refocillare per morbum longum conetur aliquibus remediis, in quæ fiducia quædam collocari videatur: præsertim quum, uti in prouerbio est, fiant interdum in arte miracula, & miserabiles ægroti haud plane consilio destitui debeant & solatio. v. ipse *Brunnerus* l. c. p. 145. sqq.

(b) In elegantissimo pariter & utilissimo libro de glandulis duodeni, quem anno 1715. edidit. p. 101.

(c) Ita, præter alios multos, *Schelhammer* de genuina febres curandi methodo p. 132. “Cortex hic paroxysmum non modo ad tempus suspendit, verum etiam, iterato propinatus, ipsum morbum subigit ac tollit de medio., *Bontekoe* de febribus p. 77. “Exclamant, ait, quod febres non profligemus, sed ad tempus aliquid suspendamus. Verum quale habent horum documentum? “nullum aliud, quam quod *febris* deinde redeat. Ast præterquam, quod & hoc illis in praxi sæpe occurrat, non cogitant, melius adhuc esse, pro tempore a febre liberari, quam multis mensibus ea grauissime laborare: prout ipsi ab illis tractati ægri, sanitatem non recuperantes, in morbos incidunt, ipsa febre molestiores, uti in hydropem, icterum, “phthi-

Aliquando (d), sed *raro* accidit, ex *magna* & *fontica*, aut *noua* etiam *caussa* (e), legitime ita persanatam febrem nihilo minus denuo excandescere, vti, quæ malum aliquod semel excitarunt caussæ, eidem iterum producendo sufficere possunt, & alia quæuis medicatio minus adhuc ea pollet virtute, qua per totam deinde vitam contra omnes febrium caussas præmuniri hominem posse præsumamus. Tum vero morbus plerumque sponte naturæ, & vulgaris remediis iusta methodo adhibitis, *sine periculo* deflagrat, vel, si quid

“phthisin. Denique, quid intelligi-
 “tur per febrem præcludere? quo-
 “modo chinae chinae pulvis, vel ali-
 “ud quoddam remedium febrem in
 “corpore, veluti lupum intra ouile,
 “præcludere possunt? Vnde docto-
 “res nostri haec didicerunt? Pulvis
 “ille, *præcluditne* febrem, cum eam
 “*ad tempus* pellit? Sed hoc non est
 “præcludere, verum *semicuratio* quæ-
 “dam: &, *quia malum remedio for-*
 “*tius* est, ideo fit, vt febris, diebus
 “vel hebdomadibus aliquot elapsis,
 “recurrat. Ast hoc inde vulgo fit,
 “quod *aeger* male obseruet *diætam*,
 “vel etiam quod *medicus negligat im-*
 “*perfectam prosequi curationem*. Si
 “enim aeger & medicus munus suum
 “aequaliter obeant, *certum est*, *expe-*
 “*rientiaque* nos docet, pulueres hos-
 “ce *febres non præcludere*, sed *plane*
 “*curare*.

(d) Probe hanc obseruationem similes-
 que nostras intelligant velim, si qui
 sunt, qui nihil nisi noxas corticis cre-
 pant, veluti auctor ille *imposturae*, &
 alter *suspecti usus*, de quibus supra
 obiter quaedam notauimus: ne no-
 bis forte id eueniat, quod aliis viris
 cordatis. Verbi causa, si *Sydenhamius*
 candidè narrat, vti post plures
 alias febres, ita post *paucas* cortice
 curatas, tumores pedum nasci, sed
facile continuato remedii usu curari;

item, si incommodum memorat, quod
unicum dicit, idque *rarum*, nempe
 rheumatismum aliquem scorbuticum,
 qui tamen facile medicamentis cedat;
 si idem obseruator nondum satis ex-
 pertus, in prioribus maxime scriptis,
 visam suspenderi potius cortice, quam
 debellari, quartanam sincere recen-
 set: quam postmodum repetito vsui
 vel certius, quam ipsas tertianas,
 constanter cedere reperit epist. I. p.
 m. 385. & alii post eum felicius ex-
 ploratum praestiterunt: nescio qui
 fiat, vt clament statim scribantque
 boni viri: en ipsum *Sydenhamium*,
 en tantum corticis patronum, qui ex
 eius vsu, tumores oedematosos, qui
 rheumatismos arthriticos, qui incon-
 stantiam efficaciae fatetur! Bona
 verba quaeso! Aequum detur iudici-
 um his, qui neque caussidicorum ali-
 cuius remedii, neque accusatorum,
 officio fungi, sed meliores sequiores-
 que euentus, ac vsus abususque an-
 notare, instituerunt, neque exercitii
 causa scriptitant, sed serio in incre-
 mentum artis symbolam quantam-
 cunque conferunt, vt tum vera di-
 uersitatis euentuum causa erui, tum
 mali correctio, & abusus euitatio,
 magis magisque tentari & perfici
 possit.

(e) Confer. sect. IV. §. IV.

quid in mora discriminis esse apparet, repetito corticis vfu æque certo, ac prius, extinguatur (f). Ita si similitudine satis apta ludere licet, recens incendium, vbi aliud aliquando extinctum fuerat, de-
nuo affusa aqua delere nemo prudens verebitur. Ita noui vulneris eamdem curam gerimus, qua superiori forte tempore aliam eiusdem corporis læsionem sanari licuit: ita denique morbos plurimos, passiones hæmorrhoidales, & quæ circa menstrua accidunt, febres acutas, conuulsiones, lumbricos, tusses, diarrhœas, arthritides, syphilidis & σκελετωβης symptomata, & quæ sunt alia, vbi plus semel hominem infestant, simili methodo, iterum atque iterum, prout res postulat, repetita curamus: neque diætam vel medelam, semel proficuum repertam, ideo reiicimus, vel contumelia afficimus, quia mortalem hominem inuulnerabilem non præstitit, neque corpus in primæuum innocentiae statum potuit restituere, aut in eodem, veluti arbor vitæ aliquis, conseruare. Neque vero hac excusatione multum opus esse, si regulæ probe obseruentur, res ipsa docet. Paucissimi (g) ex plurimis, hac methodo rite absoluta persanatis, febrem nouiter passi sunt, neque grauis causa manifesta abfuit; dum alii innumeri, quos natura vel ars minus certa sanitati restituit, sub hoc

(f) Similia scripsisse reperio cl. *Torti* therap. special. p. 181. sqq. *Lælius a Fonte*, auctor vetustior, cl. *Staklio* magnopere passim laudatus, consultat. 21. de febre tertianæ indolis: “si morbus, ait, in recidiuam relabatur, iteranda sunt medicamenta.”

(g) Fuerunt, inquam, aliqui, sed, si maxime comparentur ad eos, quos & ipse extra hanc methodum perfectiorem curauit, & curari vidi & noui, & relabi expertus sum, adeo pauci, vt memorari vix mereantur. Hi vero pauci post plures menses, post annum vnum aut alterum, post egregium sanitatis interuallum, noua febre sub statu epidemio afflictæ sunt, quæ nescio an recidiuæ nomine dici

semper mereatur. Atqui fontica, vt dixi, causa adfuit, ex his fere, quas supra Sect. IV. §. IV. de reuersionum tempore extra ordinem incerto, notauit. Forte etiam anomalia, quæ regulam facere nequit, interdum subesse potuit, vt ordinata curatione inordinatus ad reuersionem nisus penitus præcaueri nequiverit. Fieri enim posse nouimus, vt, magis aut minus manifeste, non misceantur solum inter se, verum etiam permulentur, & sibi inuicem succedant, tertianæ, quartanæ, quotidianæ: quibus aliam atque aliam medelam, quod ad tempus attinet, reuersionis præcauendæ causa, deberi hætenus ostendimus.

hoc statu epidemio, relapsus frequentes, graues, difficiles, immo sæpe sæpius vix sine cortice medicandos, sustinuerunt (h), etiamsi causa grauior allegari vix potuit.

§. II.

Experientia & consensus doctorum de methodi securitate & salubritate.

Multiplici vero mea & summorum virorum experientia persuasum habeo, nihil ab huiusmodi methodo, & continuato efficaciter repetitoque corticis usu si prudenter & tempestiue fiat, damni emergere. Exempla & testimonia huc cumulare supersedeo, quæ apud auctores passim hætenus laudatos vbiuis obuia sunt & neminem in medicorum scriptis versatum fugere possunt (a). Honoris causa nomi-

(h) *Lælius a Fonte* I. c. vbi euentum curationis in aegro febriente tertiano narrat: “quamuis, inquit, auxilia “proposita adhibita sint omnia, nunquam potuit perfecte conualescere, “quin pluries etiam in recidiuum relapsus fuerit, & non potuerit curari, nisi anni vnus spatium, & aeris “mutatione. Similia, immo peiora, omni æuo, a quauis extra corticem methodo, sæpenumero contigerunt, & hodie contingunt. Si cortex, quem *Lælii* sæculum ignorabat, imperfecte forsan fuisset adhibitus, multo magis si, ex eius auctoris de aliis remediis sententia, quouis recursum repetitus fuisset; non morbidam credo materiam eiusue indolem, neque naturam aegri, neque dietam, neque anni & aeris statum, neque medelarum & methodorum imbecillitatem, sed noxiam corticis potestatem, reuersionum & producti morbi auctorem fecisset hominum ignarorum, & praeiudicantium, aut maleuolorum opinio: quamque candidus auctor anni maxime & aeris mutati-

oni tribuit, meliorem constantioremque valetudinem, acceptam tulisset nescio cui methodo aut medicinae postremum administratae, & expurgatae tandem, mira cum felicitate, noxae a china relictæ. Hodie certe eiusmodi opinionibus & fabulis natura & veritas hinc inde obumbratur.

(a) Hæc habemus innumerabilia, quæ opponamus παραλογισμοις dissertationis, quæ, titulo mirifico, corticis usum rectum & tamen noxium, proclamat. Gemina hæc opella est, alteri, de impostura corticis. Vtramque serio scriptam esse, quum eiusdem viri docti nomen prae se ferat, nequaquam persuaderi mihi patior: nisi impotens animi affectus, nescio quibus causis excitus, & calumum duxit, & conuicia in medicos fere omnes dictauit: vt auctor naturae suae errantis & affectibus turbatae minister fuisse videatur. Mentem auctoris, & totius dissertationis summam exponit §. 17. “Esto iam, inquit,

nominatim indicare lubet *Albinos, Albrechtos, Apinos, Barchausios, Bartholinos, Behrensios, Bergeros, Bianchios, Bæcleros, Boerhauios (b), Bohnios, Brunneros, Camerarios, Cohausios, Dauinios, Do-*

“quit, febricitanti eam obtigisse fe-
 “licitatem, vt inciderit in medicum
 “veteranum, expertum, historiae mor-
 “bornm pariter, ac medicae mate-
 “riae, apprime peritum, cui subiecti
 “indoles, eius temperamentum, ae-
 “tas, immo indiuidualis constitutio,
 “examūssim sit perspecta, quique &
 “paroxysmorum febrilium, & ipsius
 “quoque temporis, in quo febris est
 “constituta, *doseas* itidem formae-
 “que, sub qua febrifugum Peruvia-
 “num & ordinandum & exhibendum
 “sit, omnium denique cautelarum,
 “quae ad rectum eius vsum requirun-
 “tur, exactissimam habeat rationem;
 “nulli tamen dubitamus asserere, fa-
 “mosum corticem esse ac manere re-
 “medium infidum, fallax, immo ab-
 “solute noxium, siue intermittenti-
 “bus, siue acutis opponatur. Id
 “quod, ne citra sufficientes rationes
 “& experimenta dixisse videamur,,
 (nam absurdum id non posse non vi-
 deri, facile sensit) “iubemus ante
 “omnia rite attendi ad indolem &
 “naturam omnis febris in genere.,
 Inde de febre, tamquam autocratico
 & semper salutari naturae, seu ani-
 mae rationalis, conatu; de adstrin-
 gentium lucta cum natura sapienti,
 quae inter cortex primatum obtinere
 fingitur; de sanguinis & humorum
 abundantia, tamquam vnica febris
 causa; de raritate febrium epidemi-
 arum; de cascarilla aliisque remediis
 cortici praepollentibus; theses pro
 auctoritate, forte solius disputationis
 academicae, & linguae in cathedra
 exercendae causa, tamquam edicta,

promulgantur, quibus nemo sciens
 aut expertus fidem adhibebit. Ab
 huiusmodi non rationibus, quod sci-
 entem quemlibet testor, sed ratio-
 num vmbris inanibus, & ab experi-
 mentis iactatis, sed aut nullis, aut
 manifeste infidis & imperfectis, *πα-
 ραλογως* concluditur, vel precario sup-
 ponitur: *corticem tota sua natura,*
quam profecto auctor non nouit, in-
doli febrium, quae doctioribus ipso
 haud satis cognita est, *contrarium,*
atque ideo, quamuis prodesse posse,
 & saepe nequaquam nocere, non ne-
 getur, *absolute noxium esse, etiamsi*
recte usurpetur. Ita sanae rationi,
 & experientiae veritatisque manife-
 stae, aduersari audet vel opinio, vel
 contradicendi pruritus, vel ludendi
 in re seria, vbi de corio humano lu-
 ditur, & quidlibet disputandi, ambi-
 tiosa voluptas, vel si qua alia causa
 occulta subest.

(b) Huius communis plurimorum per
 diuersas regiones medicorum prae-
 ceptoris aphorismi de cognoscendis
 & curandis morbis, Ilias in nuce,
 neruose docent differentiam febrium
 ex genere intermittentium insignem
 pro ratione indolis, euentus, sym-
 ptomatum, facilitatis, & difficultatis,
 securitatis & periculi, salubritatis &
 pernicioei. Faciliores, tutiores, &
 salubres, sub vernaliū nomine, pro-
 be discriminat a difficilioribus, in se-
 curis, in salubribus, quas autumnā-
 les vocat, quia autumnō frequentio-
 res sunt, quamuis ab aestate ad ver-
 fere vsque harum ditionem proten-
 dat,

Dolæos, Dodartios, Ferrarios, Gothofredos, Guidetos, Heisteros, Heluetios, Hoffmannos, Lancisios, Lemerios, Lentilios, Mangetos, Meadios, Meibomios, Musgrauios, Muysios, Nigrislios, Pechlinos, Peyeros, Pitcarnios, Puerarios, Riedlinos, Schacheros, Sloanios, Sydenhamios, Tortos (c), Tozzios, Vallisnerios, Valentinos, Veldios, Wald-

dat, & eas etiam febres sub autumnalibus comprehendat, quæ vere in ipso simili indole aberrant §. 747. 48. 49. 52. 53. 54. 61. 65. 69. Præcipue §. 767. tres corticis Peruviani usurpandi indicationes diuersas exhibet: febris autumnalis vehementiam, corporis ex ægitudine debilitatem, morbi longitudinem. Addit cautiones tres: ni adsint signa inflammationis internæ, collecti alicubi puris, aut obstructi admodum huius vel illius visceris: nempe ita obstructi, vt remedii viaperiente obstructio superior sit, neque ab isto minui, vel etiam intacta manere, sed augeri potius a medela, aut a febre resolui, videatur. Laudat denique iungenda, quæ propria affectibus coniunctis sint, tempus exhibendi extra accessionem, debitum ordinem, dosin, regimen. Et hæc eadem ipsa sunt, quæ nos supra paullo fusius deduximus. Quod de distinctione obstructorum viscerum heic dictum est, & cum principiis, & cum praxi incliti viri, & cum quotidiana experientia, concordare nouimus. Ipsi etiam perspectissimum est, & multoties in nostra praxi reperimus, quod cl. *Tortus* p. 91. enarrato casu de febre duplici tertiana, cum obstructione & tumore lienis insigni & amplo, per corticem solum medicata, dicit: "plures casus istiusmodi, de febribus intermittentibus, præcipue quartanis, tumore viscerum infimi ventris comitatis, & per

"corticem, vna cum tali symptoma-
"te, sanatis, afferre possem, quos
"tamen, vtpote *triuiales* & passim
"obuios, satius est silentio præteri-
"re., Sæpe etiam obstructionibus
viscerum grauioribus accedit febris
intermittens, quæ fructum nullum
affert, sed impedit potius medelarum
εμφρακτικῶν effectus, auget etiam ma-
lum, vires indies minuit, aut pernicio-
siam induit indolem. Itidem tunc
indicatur omnino illud remedium,
quod ipsum neque obstruit, neque vi-
olenter irritat: sed ita indicatur, vt
altero semper oculo ad vitium febris
coniunctum respicias, quod, subla-
ta istiusmodi febre, quæ inutilis vel
noxia esse videatur, & roborata na-
tura, felicius sæpe curare licet, me-
dicatione apta cortici addita, inter-
posita, vel subiuncta, si præmissa
spem fallat, vel vrgens indicatio præ-
mittere prohibeat. Ita & theoria, &
praxi, mecum sentire scio virum in-
clitum, cuius consensum, aliorum
quorundam, immo si etiam multi
essent, dissensui fidenter oppono.

(c) Hic, teste celeb. *Bianchio* hist. hep-
pat. p. 227. "in febribus perniciosis
"pertractandis palmam omnibus præ-
"ripit., A medico & philosopho
acutissimo. (*Giornale de' letterati* T.
3. p. 116.) & ex experientia multa,
ac ab anno inde 1695. repetita, (T. 4.
p. 432. sq.) scriptus est liber: "Eran-
"cilci *Torti*, Mutinensis, sereniss.
"ducis

Waldschmidios, Wedelios, Zapfios, Zendrinos, Zwingeros. Decuplo forte plura (d) alia grauissimorum obseruatorum nomina vel scriptis

“ducis medici aulici, & in patrio ly-
 “cæo prof. med. pract. therapeutice
 “specialis ad febres quasdam perni-
 “ciosas vna vero china china, pecu-
 “liari methodo ministrata, sanabiles:
 “aucta curationum historiis, quæstio-
 “nibus, ac animaduersionibus pra-
 “cticis, aliisque plurimis, variam hu-
 “iusmodi febrium habitudinem, in-
 “termittentium quoque omnium, im-
 “mo continuarum, naturam, & chi-
 “næ chinæ præstantiam, actionem-
 “que, respicientibus, nec non vsum
 “& abusum in singulis febrium,
 “aliorumque plurium morborum,
 “præsertim recurrentium, speciebus.
 Mutinæ 1712. primum, iterum 1732.
 editus, cum responsionibus iatrapo-
 logeticis ad *Ramazzinum*. Elogium,
 quod hic liber ab auctore diarii eru-
 ditorum Italici promeruit, ex T. 12.
 p. 408. sq. breuiter adscribere lubet.
 “Franc. *Torti*, medicus magni nomi-
 “nis, tandem publicam expectatio-
 “nem impleuit, edita therapeutica
 “sua speciali ad persanandas china-
 “china febres perniciosas quascun-
 “que. Habebunt inde proficiendi oc-
 “casionem, non solum professores ar-
 “tis iuuenes, quibus maxime instru-
 “endis luci datum abs se hoc opus
 “pronuntiat auctor; sed & veterani,
 “& inimici maxime ac contrarii re-
 “medio tam præclaro & innocuo:
 “quandoquidem satis ample explicat
 “& docte prodigiosas huius vires, &
 “numerofissimis experimentis osten-
 “dit, quibus in febribus, etiam atro-
 “cissimis, præscribi cum boni euen-
 “tus securitate possit, & quomodo
 “ad alia mala, & ad quænam, &
 “quo vsque, se protendere queat vir-

“tus mirabilis. Opus lande dignum
 “est, tum ob vtilitatem, tum ob eru-
 “ditionis ornamentum: dum nihil
 “fecit reliqui auctor eruditus, quo
 “illud omni ex parte vtile redderet
 “& spectabile.,”

(d) Ex cl. *Torti* responsionibus iatra-
 pologeticis consensus omnium fere
 doctorum Italorum patet, & idem
 ibi de Hispanis affirmatur. Nota est
 res de Gallia, Anglia, Belgio. The-
 orix diuersitas, aliæque causæ, dif-
 fensum aliquem inter eruditos quos-
 dam, vti alibi, ita etiam in Germa-
 nia nostra, fouere videntur. Con-
 sentit tamen maxima pars doctiorum
 magisque expertorum, & quos opi-
 niones, aut occasionis defectus, ab
 vberiori experientia non prohibent.
 In vna nostra ciuitate decem alii me-
 cum artem exercent medici, quos &
 meritorum & amicitiae causa suspi-
 cio diligoque, fautores & amicos
 omnes, partim etiam collegas con-
 iunctissimos, Horum omnium *nemo*
vnus est, quod *scientissimus* scribo,
 qui non pro re nata *frequenter* & *fe-*
liciter cortice Peruuiano vtatur, &
 hoc præcipue statu febrili tot anno-
 rum epidemio eum vsurparit. Et
 fuerunt a quinquaginta fere annis, &
 semper deinceps, medici in hac vrbe,
 dignitate, doctrina, experientia, con-
 spicui plures, quibus idem vsus in
 puluere, electario, decocto, infuso,
 admodum familiaris, frequens, & fe-
 lix fuit, quamuis aegroti & adstan-
 tes nomen remedii, vulgo tunc pa-
 rum cognitum, ignorarint, neque fa-
 cile scire quaesierint, quod hodie,
 posteaquam status epidemius innume-
 rabiles

scriptis vel praxi clarissimorum, addi possent, & alia quilibet colligere potest, cui ephemerides naturæ curiosorum, historiam & commentarios academix scientiarum, transactiones philosophicas, acta eruditorum, & ex Belgio, Anglia, Gallia, Germania, Italia, quouis mense, partim etiam quavis hebdomade, prodeuntia volumina excerptorum, & noua litteraria, vel ipsos quotannis fere editos libros medicos, vere practicos & candide scriptos, volutare volupe est (e).

§. III.

rabiles febres & febrium medicos acciuit, & praeiudicatae quorundam doctorum opiniones magis diuulgatae sunt, muliercula ex vulgo quaeuis & nosse sibi sumit, & iudicare. Ita, verbi causa, mensuras plures infusi in vino corticis, quod, si a pulueris substantia recesseris, efficacissimum est, feliciter potarunt heic multi homines ignari. Id enim remedium antiquitus hic loci, praecipiente archiatro inclito dudum defuncto, cum floribus cordialibus mixtum, sub titulo specierum cordialium anodynarum, medicis & pharmacopoeis cognitum, aegrotis & vulgo ignotum fuit, quibus notum esse, quid rei sit, quod sumatur, raro interest. Alius medicus, multa hic fama vsus, paullo ante meum huc aduentum decessit, cuius schedae manu scriptae intra manus meas sunt. Is itidem, quod facile monstrare possum, feliciter, & pro statuum epidemiorum & febrium indole, & aegrorum obsequio, frequenter eodem medicamine vsus est, dissimulato licet saepe, ob hominum opinionem, nomine: immo ipse, quod noui, sua saepe manu dedit, aut vino infudit, dum schedulae in pharmacopolium publice missae aliud prae se ferebant. Nempe vir ille peritissimus vsum fa-

miliarem eius medicinae acceperat a *Bohnio*, magno illo maturi & sufficientis vsus patrono, *Schambergio*, aliisque Lipsiensis academiae luminibus, vbi per multos annos artem didicerat feceratque. Haud absimiliter rem in pluribus passim vicinis & remotis prouinciis vrbibusque se habere compertum nobis testamur: quamuis, dum homines sumus, fieri non possit, quin alii atque alii in hypothesebus theoreticis, casibus particularibus, & methodo singulari, opinando & coniiciendo nonnunquam aliquantum sententiis discrepent.

(e) Ipse auctor disputationis *παράδοξις* *γινεσθαι* de Impostura corticis id diffiteri nequit §. 4. vbi inquit: “ast, quid ego molior? Itane *uniuersali fere* “*plerorumque practicorum experientiae* impune contradicere licet,,? Verum hanc supra artes dialecticas positam ad propositum sibi scopum non spectare ratus, in arenam ludicri certaminis aliam minusque nobilem descendit, in gratiam forte populi, cui spectaculum datur. “An- “ne, inquit, *nouellae publicae* quoti- “die ferme certiores nos reddunt, “quanta in *Gallia, Italia, & potissi- “mum magna-Britannia & Belgio* “mi-

§. III.

Dissensus quorundam apparens.

Multi præterea sunt, quos alienis opinionibus, aut suis, & præceptorum aphorismis, quos, agnita licet veritate, reprobare aut limitare forsitan pudet, aut aliis rationum momentis, quæ partim, si in ægrorum salutem dirigantur, ipse probo, id dare iuuat, vt nomen remedii prudenti tegant dissimulatione, dum id, sub alius tituli inuolucris, strenue deglutiendum propinant. Delectamento mihi sæpe fuit persuasio hominum ex variis locis aduentantium, qui sibi & suo medico mire congratulabantur, de curatione feliciter perfecta sine china, vt aiunt, qua alii medici ægros suos soleant curare: cuius medicamenti plures vncias ignari deuorauerant (a), quod ex monstratis remediis, vel formulis, vel aliunde, facile mani-

“miracula & olim fecerit, & hodie-
 “que faciat cortex Iesuiticus? Itane
 “ab omni fide aliena sunt, quæ a po-
 “pularibus nostris Germanis nobis
 “enarrantur de numerosis febricitan-
 “tibus solo eius vsu restitutis? Fa-
 “teor sæpe me relatum legisse, fe-
 “bricitantes quosdam statim ac chi-
 “na china vsi fuerant, febrem eman-
 “fisse, sed non minus recordor, eos-
 “dem illos exacto paucarum septi-
 “manarum spatio, in eandem denuo
 “incidisse. Cumque, ad eam perdo-
 “mandam, ad idem remedium, eo-
 “demque, quo prius, ritu recurre-
 “rint artifices, quid mirum, quod
 “recidiuam passi fuerint, donec, na-
 “turæ actiuitate suppressa, schema
 “mutauerit morbus, sensimque in
 “lentam vel hecticam transferit fe-
 “brim,,? Nobis illa vulgata schedi-
 “asmata minus fida, & exasciata esse
 “videntur, quam, vt ad ea prouocare
 “in eiusmodi causâ lubeat: quamuis
 “pleraque omnia, quæ inde adduci

possunt, veritatibus practicis de pe-
 riculis, maligna pertinacia, & reuer-
 sionibus febrium, de aliarum mede-
 larum minime certa efficientia, &
 de vsu abusuque corticis & aliorum
 remediorum, omnino adstipulentur,
 & apud ipsum vulgum, dummodo id
 attenderet, fidem facere possint.

(a) Erat etiam inter nos medicus, qui
 iam aliorum migravit. Dicebat se
Stahlianum, & libellis quibusdam in
 lucem editis, & propria maxime re-
 media arcana laudantibus, inclaresce-
 re studebat. Declamasse hinc inde
 virum percepi contra chinam, & con-
 tra medicos ea vtentes, & se ab eo
 remedio alienissimum dixisse. At,
 quod sancte testor, & testes habeo,
 & ipse negare nequit, plures eius
 ipsius viri schedas his oculis vidi, vbi
 corticem Peruvianum claro nomine
 tunc præscripsit, quando eum vitu-
 perauit. Aliquoties etiam curatio-
 nibus ipsius superueniens ipsum id
 medicamentum ab eo datum reperi.

nifestabatur. Sicubi plusculos remedii huius ocores, & opinionum præiudicatarum fautores reperire est, vti hinc inde per Germaniam fit, sunt forte ex medentium numero, qui, licet cum doctis sentiant, dissensum tamen vel omnino, vel ex parte, præ se ferunt, & cum vulgo loqui amant, atque, vt hominibus placeant, & censuras vitent, vel damnare penitus & omittere medicinam, quæ displicere aut censuras incurrere possit, vel reformidare cum ignaris formidantibus, & non nisi cum multa hæsitazione, & suspensa manu, aut nescio quibus sub cautionibus, ad captum vulgi & inferiorum laudatris, exhibere, immo forte alios magis sinceros carpere, affectant (b), aliter dicturi facturique, si rationes politicæ abessent (c). Sunt qui vsum ipsum penitus dissimulare non possunt, aut nolunt; attamen in eo pseudodoxiæ vulgi adsentantur: certam aliquam, nescio quam, dosin remedii periculosam esse, & quantitatem, quantitatem mustitant, iusto maiorem, hic illic adhibitam, quod vocabulum nihil significat, neque determinat. Hi vero ipsi (d) mensuram & regulas

(b) Cl. *Torti* therap. spec. pag. 177.
 “aliqui methodum sub frigide, ac quibusdam tantummodo additis limitationibus, laudabunt, vel laudabunt, quantum satis est, vt ea possint vti sine exprobratione, si deprehendantur in facto, sed simul quantum satis est, vt possint opponere, & cauillationes adducere, eamue non nihil reformare, vel castigare tunc, cum eadem sibi proponitur, vel mustitare saltem, cum ab aliis exercetur.

(c) V. vel. *Valentini* animaduersiones in Machiauellum medicum, præsertim propos. 2. 3. 9. 10. 11. 12. 14. 27. Exstant prax. infallib. part. I. p. 785. sq. merito iis attendendæ, si qui hodie sunt, qui regulas ipsius contextus haud auersentur. Huius auctor creditur *Barnerus*; chemiæ philosophicæ scriptor, & quisquis est, po-

liticæ præceptor est peruersæ, & cordato viro indignæ, neque serio, sed κατ' ἀντιφασιν, & quasi per satyram, scripsisse censendus est, vt ostenderet, quid passim fiat, non quid fieri debeat.

(d) Exemplum elegans, cuius similia etiam passim alibi leguntur, videre est in cl. *Torti* respons. iatrapolog. p. m. 524. Cl. *Ramazzinus* iunior is fuerat, ad cuius petittum epistolam, vti hæc præ se fert, de abusu chinæ, scripserat patruus. De illo ita *Tortus*: “suadeamus nobis auctorem dissertationem suam inscripsisse nepoti infcio, nec de china china quicquam locuto, nec responsum vllum per litteras vnquam quærenti: iuuat hoc credere, tum quia tantam in viro modesto, cuiusmodi est nepos defuncti auctoris, fiduciam arguere, vt numerosiori, forsan & dignio-

las, qua dosi & quo vsque continuari debeat cortex, aut nullas proferunt, aut incertissimas, aut, si quid tantem candide determinare, & praxi probare debent, nisi hanc lubricam esse velint, easdem, quas nos, summique viri, quos sequimur, nempe, quæ in proportionē virium medicamenti cum morbi ingenio, magnitudine, velocitate, longitudine, difficultate, & nisu recidiuo fundantur: vnde remedii facile aut difficulter iuuantis minor aut maior copia requiritur (e), quod per se, maiori etiam dosi, sed opportuna, innocuum esse

“digniori, Mutinensium medicorum
 “parti, Peruuiano febrifugo liberali-
 “ter, vt decet, vtenti, tam facile suc-
 “censuerit, tum maxime, quia abun-
 “de iam constat, ipsum longe aliter,
 “ac olim, de chinachina sentire cœ-
 “pisse, suamque laudabilem mutatio-
 “nem sententiæ, *vsu ipso pratico*,
 “prodidisse non semel,,. Hinc nar-
 rantur exempla dati ab eodem *doseos*
censore, corticis ad vncias duas cum
 dimidia, immo alicubi primum ad se-
 munciam, deinde ad *unciam*, quæ
pluries repetita fuit, & *iterata* in eo-
 dem ægro, subsequētibz mensibus.
 Adduntur tandem verba sequentia:
 “vt omittam, quæ insuper ex amico-
 “rum & pharmacopolarum relatu hac
 “occasione mihi certo innotuerunt,
 “de crebra & liberali oblatione eius-
 “dem febrifugi, quæ hodie, citra vl-
 “lam hæsitantiam aut frugalitatem,
 “in vsu est eidem cl. auctoris nepo-
 “ti. In meliorem sententiam, prout
 “hominem ingenuum decebat, tan-
 “dem devenit, quod illi quidem glo-
 “riosum plane, & ad delendas ad-
 “missi olim præiudicii notas abunde
 “sufficiens,,.

rumque febribz debellandis suffice-
 re memorat, & in istis cancellis, ap-
 ta distributione, manere laborat, ne
 ægrum nauseoso remedio præter ne-
 cessitatem oneret, vtque voces obtre-
 ctorum reprimat, quasi nimius sit in
 dosi remedii, falso quibusdam suspe-
 cti. Ipse vero, quod historiæ testan-
 tur, pro morbi ratione, & remedii
 effectū, mutauit sæpe dosin, & præ-
 fertim ob reuerfiones longe trans-
 gressus est, persuasus, nihil quicquam
 in morbis opportunis detrimenti a
 cortice, ad plures & plures vncias
 ingurgitato, suboriri. p. 165. & quam-
 uis inutile sit, licere tamen ad libras
 adscendere, si nulla alia esset salutis
 via, p. 516. add. p. 172. sqq. *Men-*
ginot. de febrium curatione per vsum
 quinquinæ, zodiac. medic. p. 163.
 sqq. 1681. m. Aug. “In curationem
 “vnius febris impendenda est fescun-
 “cia, ad vncias duas, immo aliquan-
 “do superanda illa quantitas, pro va-
 “rietate occasionum. Fortunati, qui-
 “bus minor sufficet, cum scilicet
 “occurrit *tempestas* idonea, aut *fe-*
bris non producta, vel ea *mitis* si
 “fuerit. At, cum nihil mihi animo
 “obuerfetur quam, vt optimum quid-
 “que, & vsu probatum, adferam, do-
 “sin eo vsque extuli, ratione & ex-
 “perientia testibus; cum ab huius re-
 medii

(e) Conf. cl. *Torti* l. 1. c. 1. & l. 3.
 c. 4. ibique adducti auctores. Vn-
 cias duas corticis exquisitissimi ple-

esse fateri debent. Neque quærendum est, quam multum æger sumferit, sed quam bene, quam opportune, quam feliciter. Prosper successus remedii indicium est recte & sufficienter dati (f). Quis cibum & potum his, qui alimento & refectione indigent, omnibus ad æquabilem lancem appendat? Nam panis & vini libras corticis & similium remediorum vegetabilium vnciis haud securiores esse, fidenter affirmabunt experti. Consideretur differentiae ratio: profecto noxa maior in hominibus & sanis & febrientibus, ex pane & potu ad nimias libras ingurgitato, quam ex cortice sensim intra plures dies ad vncias plures deuorato, timenda est. Quis theæ

“medii vsu omne omnino absit periculum *satius est ad maiorem quantitatem ascendisse*, quam in minori hæsisse, vt curationis το ασφαλές sequatur,, Albinus de febre quarta-na p. 28. “Videas sæpe redire febrem nullo corticis, sed medici vel ægri vitio, qui hunc in insidiis latentem hostem tamdiu oppugnare debuissent, donec expugnassent, nulla habita doseos ratione, vtpote quæ quandoque ad aliquot adscendit vncias,,. Ita sane se res habet, neque in vsu huius remedii, quod nulla vnquam dosi venenum dici potest, sed immodice etiam & inutili copia, imprudenter, & sine corporis noxa tamen, a plurimis hominibus deuoratum nouimus, certæ alicuius quantitatis limitibus prudens medicus includi debet. Etenim vna quantitas certæ materiæ, & motuum, & velocitatis, & periculi febrium, in diuersissimis ægris, stabiliri nequit, & necessaria remedii proportio tum ex casuum αναλογια, tum maxime singulariter ex ipsa demum ευφορια elucescit, & ex summa illa indicatione, quæ a iuuamine vel eueniente, vel secus, peritis obseruatoribus fere in quauis curatione desumenda est: quod ne-

gligere, id est, quod in prouerbio dicitur, calceum vnum cuius pedi aptum reputare, eandem aquæ copiam cuilibet incendio, & gigantæo morbo pygmæum remedium, vel medellam gigantæam pygmææ ægritudini, opponere. Nimiae quantitatis præter analogicam rationem & ευφοριαν & vtilitatem datæ, nocumenta supra p. 156. sqq. notauimus. Et nos maxime in vsu omnium remediorum, & in huius etiam, id ob oculos habemus:

Est modus in rebus, sunt certi denique fines.

Iusto modo, & certis, quas supra scripsimus, regulis definito, placet nobis illud ne quid nimis. Caueant, qui ab his recedunt, ne, cum damno ægrorum, idem illud dictum nimirum sibi placere dicere queant, id est, immodice; vti Græco illi:

Το μηδεν γαρ αγαν αγαν με τερπει Conf. præfatio Mangeti ad opera Ramazzini, Torti responsiones ad eiusdem Ramazzini dissert. de abusu chinæ, quæ integre lectæ non tirones solum, verum doctos etiam medicos, doctiores dimittent.

(f) Hippocrat. de locis in homine §. 125.

theæ foliorum, fabarum Turcicarum, radicum, herbarum, florum, fructuum, feminum, lignorum, corticum medicinalium, per sanitatem & per morbos iterum iterumque repetita & sensim consumpta pondera scrupulosus computet? Atque quid præ his magis metuen- di habeat febrifugus cortex, nemo quisquam, vel Argo oculatior, reperiet. Noui homines, qui rhabarbaro ita familiariter vtuntur, vt, si recte calculus ineatur, quatuor & amplius libras sensim deglu- tiuerint: quod remedium cortice longe magis adstringens, &, in minori ac ille dosi, ad sensum suo modo efficax est, & haud sine tur- bis operatur. Tutioresne rhei libras corticis vnciis dixeris? Saga- ciores sane pronunciabunt vncias corticis sensim datas drachmis tu- tiores esse. Quis, si arsenicum assumptum sit, antidotis veneni pro- pinandis, aquæ, lacti, oleo, mucaginibus, crytallo, modum aut dosin vniuersaliter præscribat? quis absorbentium remediorum pon- dera determinet certa, & vbique similia, vbi acor corrodens intra stomachum est? quis salium dosin & continuandi tempus omnibus febribus pariter præscribat? quis numerum repetendarum potio- num purgantium aut diureticarum, pro hydropicorum omnium aqualiculo exhauriendo, vnum & eundem præstituat? quamuis hæc multo maioris aleæ sint; vti &, quæ passim *Sydenhamius* alique de augendis & continuandis, secundum dolorum & fluxionum vehe- mentiam & pertinaciam, anodynorum dosibus notant. Collineant huc, quæ rectissime *Hoffmannus* de prudenti medicamentorum con- tinuatione monet (g), præcipue de chalybis vsu sæpe continuando. “Merito, ait, debet esse *proportio inter causse morbificæ magnitudi- nem*, & inter *virium medicamentorum efficaciam*. Hæcque mihi “præcipua videtur ratio (h), quare affectus varii tam difficulter “curentur, quod scilicet non continuo, & ad legitimum tempus, “tum

(g) peculiari differtatione §. 13.

(h) Hæc præcipua ratio est, cur multi affectus febriculosi, sua sponte per- tinaciores, & ad ἀνομελίαν proni, tam difficulter, immo tam infelici cum

successione variorum aliorum motu- um morbidorum, curentur: timor vanus, tergiuersatio, & nausea suffi- cienter continuandi remedii, cum scientes prudentesque morbum time- re ac nauseare debeant.

“tum *medicorum*, tum *ægotantium culpa*, medicamenta propin-
 “tur.,, Pernoscantur regulæ de usu corticis tempestiuo, efficaci,
 adæquato; notetur morbi & remedii proportio; obseruetur *ανάλο-
 για*, *εὐφορία*, & iuuamen eueniens! tum perinde medico esse debet,
 vna, an duabus, an decem, an viginti, an pluribus drachmis medi-
 camenti per se securi sensim dandis opus sit, modo sanitatem resti-
 tuat, morbum expugnet (i). Ita ipsi, qui maiorem dosin corticis,
 si opus ea sit, minime reformidamus, paucis sæpe sæpius drachmis
 febres sanauimus, si ista rite obseruata sint. Eant, qui non obser-
 uarunt, & suum errorem agnoscant pœnitentes non culpam frustra
 criminantur remedii (k), extra vel infra suæ potentiae sphaeram im-
 prudenter adhibiti. Neque ego me nunquam errare reputo: sed,
 si erro, meum vitium candide agnosco, non vitium medicaminis,
 cuius recte adhibiti vitium nullum est. Crumenæ ægrorum parcen-
 dum est sæpe, & nausæ, & remedii famæ, & hominum in illud fi-
 duciæ, & vel iccirco minuenda sæpe dosis; sed ita est parcendum,
 ne sanationi necessarium pondus deficiat. Immo vero, qui nobis-
 cum semel tempestiua sufficienti & adæquata ratione continuarunt
 medelam, & iustis interuallis repetierunt, longe minori vniuersim
 dosi sæpissime opus habuere, vel paucioribus breuioribusque, &
 longe

(i) Lubet finire hanc apud expertos
 fere superuacuum disputationem ver-
 bis *Charassi* a cl. *Torto* p. 172. hanc
 in rem adductis. “Non opus est,
 “inquit, scrupulosum esse de dosi re-
 “medii: hoc enim commodi habet,
 “quod neque augmentum eius paul-
 “lo maius solito, neque iteratio præ-
 “bitionum, malè quicquam corpori
 “impressum post se relinquunt, sed
 “nemini nocumentum inferre possint.
 “Ita, subiungit *Tortus*, sentiunt au-
 “ctores omnes in adhibenda china-
 “china exercitati.,,

(k) Cl. *Torti* therap. special. pag. 186.
 “Quod si aliquibus cortice *perperam*,

“vel *languidiuscule*, dosique irregu-
 “gulari, aut, priusquam plusquam-
 “ue deceat, *immunitatis* vtentibus,
 “vel præscribentibus vbi non conue-
 “niat, vt in febribus *essentialiter* con-
 “tinuis, & in extremo earum pericu-
 “lo, ille non videatur proficere; non
 “id in medicaminis, vel methodi
 “meæ vitium vertant, sed in *culpam*
 “*methodi suæ*, si quam habent, aut
 “habere credunt. Si enim huic,
 “quam protuli in eum finem, vt, qui
 “eam non satis callent, callere pos-
 “sint, fidem velint adhibere, eamque
 “*integre* non renuant amplecti, feli-
 “ciores procul dubio posthac cura-
 “tiones absoluent.

longe minus pretiosis (1), medicationibus, quam qui in simili morbo minuere præter rationem studuerunt doses, & abrumpere curationis filum festinarunt, & noluere resumere, nisi vbi morbi reuersio cogere visa est: vnde ingens sæpe quantitas sine fructu deuoratur.

§. IV.

Præparationis & expectationis laudatio nimis generalis.

Aliqui artem diuturna prius expectatione curandi (a), & semper & vbique, repetita lustratione, & præmissis varii generis medicis, præparandi corporis (b), vel corrigendi singulariter aut miscendi

(1) Cl. Torti p. 13. “Non modo in rebus incertis hallucinantur aliquot saltem medici, sed vltro errant etiam scienter, si modo velint animaduertere, se nonnullis vti rebus, quibus vel inuvalidam, vel nullam inesse virtutem, pro obtinendo fine, in quem vsurpantur, mille, antea experimentis luce clarius deprehenderunt. An grauitur peccent, siue ob imperitiam id fiat, siue ob focioriam, crumenam aegrorum, interdum pauperum, male mulctando, videant theologi. Non hic præci- se loquor de tot confectionibus cardi- acis, de tot pretiosis medicamen- tis inutilibus, quibus abutuntur non- nulli, fortasse corticem improban- tes, ac illiusmodi medicamenta iner- tia actiuo illi perperam & frustra- nea impensa anteponentes, quos proinde incurrere in legem repe- tendarum autumat *Badus*; sed de abusu loquor magis vulgari, minus forsan notato, & maxime vniuer- sali,„

(a) *Ramazzin.* orat. 4. p. 51. “Ars medica, non secus ac militaris, su- os habet Fabios, suos Marcellos,„ Fabius Hannibalem, quem vincere

non didicerat, cunctando elusit, dum cunctari tutum fuit; Marcellus for- titer citoque eundem hostem impu- gnando, vinci eum posse tunc osten- dit, quum infecura futura fuisset cun- ctatio: idem ipse Marcellus, qui, cun- ctandi peritissimus, triennio integro Syracusas obsedit, quum citius ex- pugnare non posset. Illos, qui in- tempestine cunctando Fabios se pu- tant rem restitutos, admonet Mar- cellus noster *Hippocrates*, qui egre- gie alias cunctari didicit, de arte §. 20. “dilatio omnis mala, in arte vero medica est pessima, vbi dilatio est animæ periculum,„ Monitum negligentes accusat *Ramazzinus* opp. p. 70. “persæpe sibi moras nec ten- do, & prolatando, occasionem, quæ præpeti pede fugit, & agen- di opportunitatem, sibi e manibus turpiter elabi patiuntur.

(b) Cl. Torti Therap. special. pag. 60. “Estne purgandum? eia purgemus! “Mittendus etiam est sanguis? mit- tamus! omnifariam euacuandum “adhuc est? euacuemus, extenuemus, excarnificemus! non sic for- san super proprium corium luderes. “At, post tot lanienas, saltem incas- sum,

di remedii, laudant, quo facto tutum tandem reddatur ad facram quasi anchoram confugere. Constat tamen nihil horum vbiuis, & maxime in velociori periculo, tutum esse, vbi tutus tamen est, immo necessarius (c), subito vsurpatus & efficaciter continuatus ac repetitus cortex. Constat etiam, neque exquisitissimas corporis præparationes, quas, quum sæpe indicentur (d), pro indicatione, & nos præstare laboramus, neque spontaneas & infidas naturæ desputationes, multo vero minus correctiones, quas vocant, medicamento, quod correctione opus non habet (e), id semper efficere, ut facilius minorique dosi febris deinde expugnetur: quin sæpe sapius, vbi expectaueris nimis, aut sine indicatione purgaueris, aut nimium præparando, miscendo, vel dosin rescindendo, castraueris remedium, multo sæpe maiori deinde cautione, multo maiori vniuersim pondere, longiorique medela opus est, nisi spe sua cadere arti-

“sum, ni cum detrimento, patratas;
 “quando tandem rutam, serpillum,
 “verbenam, chamædryn, quando mi-
 “thridatium aut theriacam, aliaque
 “febrifuga specifica, inualida tamen
 “comparatiue ad corticem, præscri-
 “bimus, quando carpis bursam pasto-
 “ris, vel auriculam muris contusam,
 “quando telas araneorum, vel oui
 “pelliculas, digitis admouemus, quan-
 “do denique animalcula infantia æ-
 “grorum collo suspendi iubemus, &
 “alias huiusmodi vel aniles & dolo-
 “rificas nugas, ante chinæ chinæ ad-
 “uentum iam familiares, quarum ta-
 “men nullæ materiam febrilem eua-
 “cuant, vsurpamus; tunc saltim, ni-
 “si citius, exhibeamus corticem, ut
 “sollemne erat vel ipsis meticulosis
 “auctoribus, qui tantum superficie
 “tenuis chinam chinam nouerunt, or-
 “bi nostro primum nascentem: ex-
 “hibemus, inquam, tunc corticem,
 “si non alio titulo, certe *ob remedio-*
rum inopiam, quoniam non sine pu-
 “dore *fateri cogimur*, ad conteren-

“das, ni sponte soluantur, diutur-
 “nas intermittentes, si corticem de-
 “mamus, artem prope deficere,,.

(c) *Lancisius* de noxiis palud. effluu. p. 308. “perniciosa febres, (ex intermittentium genere) “cuiusmodi “plerumque sunt, quæ in constitu-
 “tionibus epidemicis grassantur, sæ-
 “pe sæpius intra septimum diem pe-
 “rimunt ægros, ita vt, si 14. vel 21.
 “diem quis expectare voluerit, non
 “ægotum, neque cadauer, sed reso-
 “lutos pæne illius cineres curandos
 “susciperet,,.

(d) Conf. cl. *Torti* therap. special. L. I. c. 9. vbi quæstio cum distinctione discutitur: “an chinæ chinæ obla-
 “tionem præcedere debeat purgatio,
 “aut venæ sectio,,.

(e) Huc illud spectat, quod supra de chalybe, eiusque præparationibus & suppositiis correctionibus, ex commentariis academix scientiarum adscripsimus: *c'est grand dommage d'emploier de l'art à gêner la nature.*

artifex, & febrim, cuius tandem cum ipso æger impatiens est, conseruare cupit, aut infelicitè incertouè curare (f). Illi ipsi, qui, (quod curiosum videtur, & ad hypotheses nondum probatas pertinet (g), & in morbo periculum propinquum minante, aut vix tolerabili,

(f) *Hoffmannus* de recto corticis vsu in febribus §. 35. "Etiam id ingenuè affirmare possum, nos *frequentiori obseruatione didicisse*, & longe *difficiliori negotio*, & longe *maiori cautione* corticem nostrum feбри opponi, *vbi hæc aliquamdiu*, per aliquot hebdomades, vel menses, cortex inhæsit, quam vbi haud ita pridem illud inuasit, eo quod, quo diuturnior febris est, eo maior recreationum ex dissolutione sanguinis per motum calidum intestinum, nascitur copia, quae postea aegrius & corrigitur & educitur,. Verissimum hoc multoties deprehendimus, nisi vbi sensim magis magisque materia fomesque morbi, superiori naturae robore, & apte institutis ex arte euacuationibus, deferbuit, instar morbi acuti per *λυσιν* successiuam euanescentis, & melioris anni aerisque fauor accessit, qui solus saepe sufficit destruendae febriculosae impuritati, vel ita infringendae, vt paruo negotio diuturnis etiam febribus cortex, aut illa medicina, medeatur, aut ipsae sponte cessent. Id vero vbiuis expectare, quis prudentis viri esse putet? Distinguere febres ita salutare, & sponte facileque terminandas, ab his, quae citiorem generosioresque medelam exposcunt, cuius in promptu est experto, & attendenti ad augescentem, praeter consuetam in salubriori morbo rationem, vel imminutam, vel pertinacem & semper aequabilem, paro-

xysmorum ac symptomatum grauitatem: ad periculorum signa; ad felices aut infelices febrilium motuum effectus post accessionem relictos; ad statum epidemium; ad habitum ac vires singuli corporis aegroti; & ad ipsam aegri obedientiam, & regimen in victu & aere ceterisque rebus sperandum. Nisi enim haec exquisitissima sperare licet, tutior profecto est velox, sed perfecta, morbi curatio, quam expectandi artificium, & incerta medela quaeuis. Nam si morbus ipse etiam nocere non possit solus, nocebit impatientiae aegri & diaetae vitiis iunctus: quae post fugatam rite febrem non tam facile nocent.

(g) Ambigue illud, & tamquam coniecturam sibi verosimilem, post alios proposuit illustr. *Stahlius*: audacter repetunt, & sine hæsitatione, & tamquam veritatem exploratam, discipuli & imitatores aliqui. Demonstratum dare id theorema prohibet materiae febriculosae & partium motibus dicatarum abscondita subtilitas. Id tamen interea quibusdam corticis censoribus clypeum præbet, quo tenti ad illud remedium confugere possint, salua, vt opinantur, hypothesi. Certe scire nullo ex signo possunt materiam omnem consumtam esse:

ni vates ipsis distarit Apollo:

Subtiliorem, & magis abditam, & ideo forte magis metuendam, secure in corpore, suppressis motibus, sisti dicere nolint. Supprimunt tamen

D d

motus,

rabili, aut valde pertinaci, profecto non sufficit,) motus febriles nudos & solos, consumpta materia, superstites esse, & hos solos tandem vi huius pharmaci adstringentis tuto cohiberi posse censent, tandem, vbi in febribus difficilioribus curandis diu cum ægris sudarunt (h), tempus demum esse arbitrantur, nescio quibus ex signis diuinantes (i), vt hunc finem dent laborum. Valde fallor, nisi in ipsa

motus, & sistunt febrim, eodem cortice, quem impostorem vocitant, & solum fidum reperiunt, si amica febris fidem frangere videtur.

(h) *Ramazzin. opp. pag. 70.* “At si, “qui decumbit, sentitque in dies vi- “res fatiscere, atque vnaillius dome- “stici, non vltius differendum esse “proclamant, habet hoc medicorum “genus paratas ac velut in numera- “to rationes & argumenta, quibus “talem operandi modum tueatur. “Primo quidem percelebre dictum “illud Fabii obtrudunt: *medicos & “imperatores plus interdum quiete, “quam agendo & mouendo, profice- “re*: aiunt tempus, vt morbos facit, “ita & soluere; non esse tam facile “coniecturis assequi, quid intus mo- “liatur natura; eam solam morbo- “rum medicatricem esse, cui repugna- “re velle, nil aliud fit, quam, more “gigantum, pugnare cum diis.

(i) Allegant: 1) primarum viarum cruditates sufficienter digestas; 2) coctione aut orgasmo apparente euacuatas; & 3) sanguinem per sudores exeuntibus paroxysmis sufficienter ventilatum, & 4) si natura huic rei suis motibus febrilibus sufficere non videatur, qui optime materiam præparare soleant, præparatam sufficienter eandem per remedia præparantia: a) amara, cortici valde similia, b) salina, c) absorbentia, d) hu-

mectantia. Laudo præceptum de humectantium vsu, quod istis quidem viris doctis inde eruere placet, quia anima, medicus internus, sapienter sitiens, ostendat cuiusnam rei sit indignum corpus ipsius tutelæ commissum. Ego vero cum *Pechlino P. 3. obseru. 39.* (quam inscripsit: *sitis ultimum supplicium*) ita censeo: “medicorum illorum ratio mihi semper barbara visa, qui miseros, plus satis morbo aliisque symptomatibus diuexatos, semper tamen a potu toties tamque enixe flagitato abstinent, & non solum animi mœrorem, qui cum hac passione inualescit, sed & morbum, siccitate sua humida prouocantem, in maius augerent, vt ne dicam, iniquum esse negare, quod ne alii, & qui miseriis humanis magis mouentur, clam aut precario concedant, metuere iure possis. At vero, si artis regulis hoc negotium æstimare fas est, annon vtique, quod practici ad rauim clamant, symptomati vrgenti ante omnia est occurrendum, annon calori, annon siccitati, annon acrimoniæ, annon coagulo humorum, annon tristitiæ, quæ perpetua morborum comes, humoris diluuium subueniendum,? Sit tamen modus in rebus: sit proportio inter pota & excreta. Ista vero amara, salina, absorbentia, cortice non magis innoctua sunt, & si quid prosunt, ipsam etiam

ipsa praxi præcipuum signum desumitur ex *non satis iuuante natura,*
aliis-

etiam materiam, ipsos febriles motus & tonum mutant. Hinc indicatio 5) præcipit, plenitudine ad primas vias prona, & apparente præparantium effectu, seu materiæ coctione, tentandam rursus euacuationem sufficientem per pharmaca apta euacuantia, quæ itidem & materiæ, & motibus naturæ, & ipsi adeo feбри, magnam mutationem inducunt. Ista omnia si ita fiant, & pro re nata iterentur præparationes atque euacuationes, fieri vix posse putant aliqui, quin materia febrilis omnis consumatur, eiusque rei signa enarrant, quæ sæpissime medicus & æger frustra sub ista methodo anhelant. a) *Sensim*, aiunt, *decreascent paroxysmi*. Ast, etiam si dubia illa imminutio eueniat, sæpe ingrauescunt rursus, sine certa lege b) *Redibunt*, inquiunt, *in ordinem functiones omnes extra accessiorem*. Quis vero nescit, frequenter, in principio periculosisarum maxime & vehementissimarum febrium intermittentium, & in progressu chronicarum pertinaciorumque, ubi nemo motus sine materie inanes incusabit, vix aut parum functiones extra paroxysmum turbatas esse; haud raro vero etiam, quicquid præter corticem mediceris, magis magisque indies turbari, morbo vel continui, vel chronici cachectici, adsciscente typum? c) *Habitus*, dicunt, *corporis viuidior fiet*. Quod, si in subito periculosis febribus expectare velis, mortem videbis prius; si in chronicis difficilioribus, aut diu expectabis, aut perpetuo. Interea 6) ad vrgentia symptomata subleuanda respiciendum concedunt, quod sæpe vix concedit,

ni febrim fuges. Iugulabunt ægros, vel intolerabilem in modum affligent varia symptomata vrgentia feбри iuncta, etiam si aliunde quam ab ipsa febre nata, ni vnum certe malum extinguas, quod extinguere potes, nempe febrim: quo facto alterum vel sponte cessat, vel facilius medicatione tollitur, vel tolerari certe tantisper potest: quæ omnia sine febrifuga medela frustra sæpe sperari, tentari, expectari, experientes testor. Hæ indicationes omnes etsi obseruentur; nihilo tamen secius fieri posse perhibent, vt non desinant paroxysmi, vel certe molestiæ febrim occultam indicantes. Tum vero tandem 7) nullam amplius materiam, nihilque superesse volunt, nihil partim debilitatem fibrarum, partim inanem ex diuturno cum febrili materia commercio consuetudinem naturæ humanæ, seu animæ rationalis. Haec eo quidem vsque, mirabili cum sapientiae perennitate, omnia prudenter, pro morali aestimatione materiæ & corporis, mouisse existimatur: tandem vero tunc demum, quemadmodum errare humanum est, & praua consortia bonos mores corrumpunt, motus sine ratione, & sine fructu, immo cum noxa potius, continuare creditur, neque sæpe facile cessatura videtur, nisi commoueat, seu compellatur a remediis tonicis, maxime Peruuiano cortice, qui, vti operandi modum doctrinae compendiarie causa explicant, stringat tonum, vt desinant motus quos tunc fisci debere concedunt, monentque;

aliisque remediis minus certis (k), & euacuationibus, quæ, etiam si
vtilis

*Claudite iam riuos pueri! sat prata
biberunt.*

Si febrem solam, eamque extra statum epidemium, aut singulorum hominum, periculosiorem aut difficilior, qui tamen haud rarus est, consideres, methodum generalem ita præscribere licet. Sed, proh, quam varia sunt quæ spem frustrari possunt, si a febris consideratione ad visitationem hominum variorum febrientium, a regulis cathedræ ad experientiae exceptiones descendamus! Mecum sentire scio ipsos eruditos & experientes methodi eius magistros, quorum merita veneror, qui ipsi etiam exceptiones a regulis suis frequentissimas, ex naturæ erroribus haustas, prudenter passim suppeditant. Doleo esse doctos minus, aut minus expertos asseclas, qui nihil nisi primas regulas scholæ suæ crepent, & in populum spargant, tamquam nihil aut parum vastus artis ambitus habeat ab iis excipiendum, & nemini ultra progredi liceat. Sapienter dictum est a *Celso*, quod in titulo libri scripsimus: “non satis est *ipsas tantum febres* medicum intueri, sed “etiam totius *corporis habitum*, seu “*perfunt vires*, seu *desunt*, seu quidam “*mali affectus* interueniunt,,. Laudo ipsam methodum, quæ mihi, quamuis cum illa theoretica opinione non conuenire fatear, egregie tamen sæpissime haud absimiliter succedit, ubi ei tuto inniti licet. Verum, si quæ sit periculum minitans, vel intoleranda, vel pertinax, paroxysmorum violentia; si nihil utilitatis inde & a reliqua medicatione in corpus redundat; si functiones naturales, & habitus corporis viresque, non obstante methodi-

ca curatione, in deterius degenerant: quæ omnia, pro febris & corporis indole, (“nec artis, neque artificum “culpa, sed propter febris faeuitiem, “monstri multiformis, quod ratiocinia nostra persæpe eludit,,. *Ramazzin. opp. p. 52.*) facile fieri, expertum quemlibet testor: tunc pro-

- - præstat componere fluctus, ac nolim equidem, & nolint ipsi illi doctores, febrifugæ medelæ vnice certæ vsum istis cancellis includi, & securum & vtile medicamentum morbo infecuro vel inutili, roborans debilitanti, crasin & tonum partium corporis conseruans dissoluenti & destruenti, medicamentum, quod nihil molestiæ, nisi sapore, creat, morbo molestissimo, id est, dei beneficium supplicio postponi.

(k) Ista doctorum quorundam opinione imbuti indoctiores aliqui nescio quid non prius tentandum sibi sumunt, accessuri tandem ad facram hanc anchoram, velut ad ferrum & ignem, tunc demum, si incerta tentamina omnia votis non respondeant, quasi vero huc spectet illud:

Cuncta prius tentanda, sed immedicabile vulnus

Ense recidendum.

Sunt ægri & medentes, qui tutissimi huius remedii tergiuersatione ita sibi illudi patiuntur, vt ignem ipsum potius scientes vel ignari intra corpus admittant: pharmaca dico non solum emetica, cathartica, & alia, igne fere violentiora; sed & ipsa venena ignea, & præcipue arsenicum, de quo iam supra p. 85. not. a. diximus,

utiles sint, quia febris vel reperit sæpe plenum euacuandis humoribus corpus, vel ipsa suo inquinamento, suis motibus, eliminandam humorum copiam ingenerat; attamen specificæ plane esse, & materiam ipsam, seu causam febris continentem, semper attingere dici non possunt (1). Vident enim, (& quis vel inuitus non videat?) fre-

mus, quod facile tegi potest, quodque ideo commendat *Friccius* de venen. virtute medica. cap. 38. seqq. quia ignea vi putredini resistat, & quod corticis calumniatores ipsos deuorasse, vel deuorari tolerasse, inscios noui, quum febris ceteris tentaminibus cedere nollet, & cortex non admitteretur. Euge, quam tuto natant sine cortice homines, qui neque natare, neque litteras didicerunt! Addi merentur his, quæ supra de temeraria arsenici propinatione notauimus, *Riedlin*. lin. med. a. 5. p. 11. 73. *Annal. Vratislan* tent. 18. p. 360. sqq. *Eph. N. C. nouiss.* vol. 2. pag. 25. & *Slenogtii* propemt. inaugur. de permissione prohibitorum, & prohibitionem permissorum, ad differt. *Krausii* & *Bayeri* de capillis a. 1700. scriptum, ubi modesta pharmaci eius excusatio legitur, & laudatur experientia innoxia in L. personis. Non in dubium vocem talia, a viro doctissimo candidissimoque narrata. Scio etiam, nullum esse venenum adeo exitiabile, quod minutissima aliqua dosi non possit esse innocuum. Attamen & regula nostra secunda, & illa disputatio quam superiori paragrapho de doseos remediorum ἀνξίπυρετων augmento instituimus, proportionem merito requirit, quæ varia esse potest, inter vim medicamenti & morbi penitus debellandi, nisi noxas pedissequas ex ipso morbi ingenio euenire velis. Atque adeo,

quum fieri nequeat, vt difficiliiores grauiioresque febres, in quouis corpore, eadem minuta arsenici dosi plane expugnet, immo vel infringat, & pharmacum illud vnus aut paucorum granorum facto augmento, nescio an & repetitione, occidere possit; proportio sane ad febrim-quamcunque non nisi per periculosissima experimenta in praxi singulari reperiri posse videtur: quæ qui instituire sustinebit,

*Illi robur & æs triplex
Circa pectus erit.*

*) Neque autoris sententiam mutarunt experimenta *I. C. Jacobi* (quæ exstant in act. academ. elect. mogunt. scient. util. quæ Erfordiae est Tom. I. p. 216.) Sed de sua potius opinione sibi ipse gratulatus est, quum eadem experimenta a medicis viennensibus *A. Störck* (ann. med. I. p. 79.) & *Ant. de Haen* (Rat. medend. P. XI. p. 65.) in urbe & exercitu cum vitae discrimine iterata esse, legisset. Conf. Caution. medic. I. §. XVIII. it. supra obs. de febr. p. 85. not. (a).

(1) *Celsi* monitum est L. 3. c. 1. "Oportet, vbi aliquid non respondit, non tantum putare auctorem, quanti aeris, & experiri aliud atque aliud: sic tamen, vt in acutis morbis cito mutetur, quod nihil prodest." Agimus praecipue hac scriptione de febr-

frequentem morbi pertinaciam & aduersus medelas ceteras, & aduersus illam per plurimos paroxysmos a natura institutam crisin particularem per sudores, quos, licet sæpe bonos, quando

- - - - -
per ignem

Excoquitur vitium, atque exsudat inutilis humor (m):

tamen ad penitus consumendam materiam sæpe maximopere infidos esse, supra demonstraui (n), & experientia omnium sæculorum demonstrat (o). Quicquid vero id est, quod cedere detrectat, seu ipsa materia febriculosa sit, quæ obseruatorum illorum sensus, & præmissas methodos, subtilitate sua, & abdita profunditate, facile eludere potest (p), seu sit motus ex naturæ errantis consuetudine inanis (q); accedunt tandem ad medelam vnice certam, cuius vsum alii candide fatentur, alii sagaciter dissimulant. “Adeo redeunt ad

“cor-

febris intercurrentibus ex acuta periodo, soporem lethæum, aut aliud periculum subitaneum minantibus, quas nos frequenter vidimus, & timere morbum male fidum didicimus, vbi medelis omnibus minus certis fidere, & consumptionem atque euacuationem materiae diu expectare, aut moliri, periculosum est.

facilis descensus Auerni;

*Sed reuocare gradum superasque
emergere ad auras.*

Hoc opus, hic labor est.

(m) *Virgilius.*

(n) v. sect. 4. §. 2.

(o) *Hippocrates* aphor. l. 4. §. 56. “Febricitanti si sudor contingat, non deficiente febre, malum. Prorogatur enim morbus, & humorum multitudo significatur, nempe humorum corporis, per febrilem materiam, quæ exigua est, perque ipsos motus, corruptorum. Hi vero per

eiusmodi sudores partim excernuntur sæpe, partim se, cum ipsa febrili materie, cui pabulum præbent, magis magisque in corpore abscondunt, & maiorem etiam atque etiam corruptelam suscipere, & inducere, & alias atque alias corporis partes in suae labis consortium rapere, apti sunt.

(p) *Celeb. Alberti*, discipulus *Stahlii* ex eruditissimis, de febrifugorum cauto vfu §. 7. “quis, ait, adeo intime penetralia naturæ rimari poterit, qui certissime scire valeat, nihil ei superesse remouendum, quod, vt vt leue & exiguum, data in posterum occasione, denuo vitalitatem laedere queat,.”

(q) *Brunner*. de gland. duod. pag. 88. sqq. “Arcanas chemicorum operationes ne ingeniosissimus quidem assequetur, nisi erudiatur ab ipso artifice, aut in intimiora laboratorii admissus ex instrumentis aliisque

“corticem, qui eum reddunt alias suspectum,, (r). Tum vero recte & sapienter eodem, quo ceteri, incedunt tramite, & sufficientes repetitasque præbitiones ministrant, pro motuum pertinacia & ad reditum nisu: nisi, quod indocti aliqui doctorum sectatores faciunt, frustra mederi, & multos morbos succedaneos aut recidiuos expectando, infontem corticem iterum iterumque ex propria experientia, sed & ex propria culpa; suspectum reddere velint. Quæ cum ita sint, uti sunt profecto, quotus iam quisque ex medicis in grauiorum febrium curatione versatis hodie est, qui *re ipsa & in rei cardine* dissentiat, vel dissensum verum, *practicum, solidum, & sibi constantem*, tueri queat? Scilicet, quo frequentior aut rarior medentibus occurrit febrium metuendarum & difficiliorum, morborumque febrilium agnoscendorum curandarumque occasio; quo maior est aut minor morbi ac symptomatum formido; quo maior minorue est miscela opinionum & dubitationum cum certa experientia; quo maior denique aut minor est a censoribus male sciolis metus, vel censurarum generosus contemptus intra rectæ conscientiae murum aheneum; eo etiam magis manifeste aut occulte, copiose aut parce, fre-

“que vestigiis coniectando assequatur id, quod machinatur artifex:
 “quanto magis nos a subtilitatibus naturae aberraturos existimamus,
 “qui in operibus eius caligamus, in
 “plerisque plane cœcutimus,,!

(r) Sunt verba expertissimi Eliae *Cammerarii* system. cautel. medic. p. 494. Alia adhuc esse dicitur, eaque itidem in consuetudine naturæ fundata, excusatio quorundam, qui, quod suspectum reddere amant remedium, ipsi non euitare deprehenduntur. Dum cortex hodie familiarissimus est, & status epidemius homines sæpe cuiusque fortis, & eos, qui febre nunquam laborarunt, & qui olim ab ea per corticem, aut sine hoc, curati sunt, magis aut minus grauius,

pro rerum circumstantium ratione, afficere solet; facile fit, ut censoribus eius remedii curandus obueniat aeger, qui quandoque febre aliqua laborauerit, cui, quocunque modo, cortex oppositus fuerit, vel fuisse coniiciatur. Tunc, si, qualibet de causa, voti difficulter compotes fieri se sentiunt, accusant chinam olim iam adhibitam, & naturam ei adscutam causantur, quare cogantur vel inuiti id pharmacum denuo ministrare, quod auersentur, protestatione facto contraria. Opinio illa, si cui vere haeret, quam erronea sit, vel ex adductis obseruationibus, & repetitis cum cortice & sine eo experimentis, patet, quod vberius demonstratu expeditissimum est.

frequenter aut raro, mature aut sero, hoc ipso medicamine vtuntur medici, qui omnes eius vsum opportunum & adaequatum securissimum esse & saluberrimum agnoscunt, vel praxi probant, dissentire forsan ignaris, immo sibi interdum ipsis, ob theoricam dissensionem, visi, dum reapse practice consentiunt. Prouoco ad propriam scientis cuiusuis, & satis experti, & attenti medici conscientiam (s).

§. V.

De aliquorum dissensione vera, & hæsitatione, spes melior.

Sunt tamen viri docti & cordati, qui, vbi reperiunt, aut legunt, aut aliunde hauriunt, corticem (haud satis opportune, efficaciter, sufficienter exhibitum, vel haud iusto tempore repetitum, vel nimis officiose inutili copia continuatum, vel aliarum caussarum accessione a consueta vtilitate impeditum,) effectus minus certos, felices, aut constantes insequi, de ipsa remedii virtute iniquius suspicari, & inter fiduciam & metum fluctuare (a) solent; præsertim, quum quo-

(s) Hos omnes, qui ita cortice magis aut minus cito, frequenter, copiose; aut tarde, raro, parce, vti dicuntur, quamuis dissentire putentur, & hic illic singulariter discrepent, pro consentientibus merito habeo. Quando enim cunque rationalis esse videtur a febris impetu metus, tunc confugiunt ad remedium, eumque eius vsum, quem adaequatum consilio reputant. Testor cuiusuis conscientiam, qui expertus satis est, &

Cui e meliori luto finxit præcordia Titan,

annon mecum penitus ita sentiat, vti cl. *Tortus* therap. special. pag. 274. dicit: "Mihi sane non alia mensura est, nisi metus meus,, (a morbo, quem isthoc remedio sanabilem sperare licet, eiusque symptomatibus) "modo maior, modo minor, modo "nullus, tam pro determinatione exhibendi corticem, vel non exhiben-

"di quam pro electione modi, methodiue illum modo citius, modo "tardius; modo lentius, modo celarius; modo crebrius, modo rarius; "modo parcius, modo plenius offerendi: quibus omnibus pro re nata "vtor arbitrio meo, sinens, vt & alii "vtantur suo,,. *Terentianum* illud huc quadrat: "mihi sic est vsum; tibi vt opus est facto, face,,.

(a) Hos inter fuisse aliquando videtur *Ramazzinus*, quum circa annum 1694: constitutiones epidemicas Mutinenses scriberet: vbi modo noxium, modo saluberrimum, sibi repertum narrat corticem, quem non nisi initio paroxysmi ad drachmam vnâ vel duas, semel fere tantum, exhibere tunc didicerat. Mutauit deinde firmavitque, sententiam, & ab eo tempore ad mortem fere vsque, editis libellis plurimis, laudes huius remedii

quorundam medicorum scholæ hæsitati faueant. Et ego ita olim

dii constanter immensum quantum extulit: "postquam,, vti a. 1702. p. 53. scripsit, "non semel tantum, vt "olim, sed plures ad dies exhiberi "coceptum est, donec febrile miasma "fuerit penitus exantlatum:,, & adhuc a. 1711. p. 799. mire dilaudauit. Scripta vero paucis ante mortem mensibus ann. 1714. epistola, de abusu chinæ chinæ, ad fratris filium, quem nepotem suum vocat, Mutinæ medicinam facientem, relabi ad pristinam methodum schedulæ Romanæ, eamque satis castratam, & denuo hæsitare videtur: vti sunt senes aliqui, vetustissima quæque reminiscentes, dum recentiorum visorum factorumque obliuiscuntur. Quisquis cl. *Torti*, medici Mutinensis primarii, responsiones iatrâpologeticas legerit, & cum therapeutica speciali contulerit, quas mihi nuper demum, scripto iam hoc opusculo, nancisci contigit, eum nihil morabitur ista epistola. Excerptiones ex hac exstant in diario Halensi, quondam sub nouæ bibliothecæ nomine edito, vbi operum magni illius viri, *Ramazzini*, recensione proposita, non nisi vnum illud, profecto non dignissimum, schediasma, tamquam specimen aliquod, feligitur, & curiose recensetur, vt facile in lectoribus non expertis, quique cetera tanti medici scripta, plane aliud vberime præferentia, non legerint, nominis tamen merita claritate fuerint occupati, ex vernaculis istis excerptis, opinionum ambiguitas augeri potuerit: dum maxime eiusmodi diaria plurimum curiosorum, etiam non medicorum, oculis lustrari solent. Multi vix cre-

diderunt, foetum esse tanti viri epistolam illam, quam, octogenario maior, optimus senex, mira cum opinandi ambiguitate, scripsit, suis ipse, per plures annos, immo adhuc vix biennio ante, propalatis, & erudite stabilitis, non sententiis solum, sed & obseruationibus contradicens: seu labante tandem memoria, seu nubes offundente nescio quo animi affectu, dum ægros inuisendi & nouam experientiam acquirendi senilis corporis vitio tunc vix potens fuit. Nempe intercesserat acris disceptatio de adhibendo, vel non adhibendo cortice, in morbo aliquo fere desperato, inter cl. *Ramazzinum* iuniorem, qui dare omiserat, & errasse nolebat, ac cl. *Tortum* accitum, & qui cunctationem in hoc & alio quodam casu infelicitate cedente improbabat, & exprobrabat in disputationis feruore. Hanc disputationem, hunc casum, vbi *Tortiana* methodus altero contranite ægrum seruauit, in therap. special. p. 214-218. vbertim recensuit, non nominato quidem medico, sed vt non dubitem, quin multi nomen facile diuinarint. "Quid hoc rei "est vnquam,, inquit *Ramazzinus* de vitæ sobriæ commodis opp. p. 855. "quod aui vehementius suos nepotes "diligant ac foueant, quam parentes "ipsi, eoque magis, quo ætate sunt "prouectiores?, Editus erat cl. *Torti* liber a. 1712. remediique innocentiam ac dosin maiorem & repetitam stabiliuerat. Scripta est haud multo post ambigua illa epistola, qua censuræ abusus immodicæ cum laudibus vsus, nescio an itidem immodicis, per cetera viri opera sparsis, ita commis-

lim interdum dubius hæsi, antequam experientia & observationum solidiorum lectione vberiori munitus sum, & hæserunt me doctiores (b). Iam vero certiora dudum edocti, & abunde experti, facile

miscentur, methodusque ita incerta præscribitur, vt quid tandem statuendum sit non pateat; pateat vero in viri auctoritate refugium his, qui omittunt corticem vbi omittendus non fuisse aliis videatur, ab aliis vsurpatum criminari pro lubitu amant, dum ipsi pro lubitu adhibent; pateat vero etiam præcipue fauor in nepotem maximus, in eum vero virum inclitum, qui cum illo disceptauerat, iam quidem minimus, quamquam antea magni æstimatum, magnisque maectatum elogiis: vt hic per latus remedii, erudito opere operose defensi, confodiendus fuisse videatur. v. *Torti* responsiones iatropologeticas. Plura, eheu, eiusmodi impedimenta artis medicæ vnanimi consensu stabiliendæ, & ab ambiguitate liberandæ, ex dissensionibus doctorum priuatis nasci, & propagari, in propatulo est. Certe multorum iudicio non respondet hic ceteris viri laboribus, teste diario litteratorum Italico T. 20. p. 446. & ipso illo cl. *Ramaz-zino* iuniore in præfatione ad opp. patrui p. 52. sqq. vbi ad *Torti* argumenta nimium solida nihil regerit, nisi quod infrugifera dicat, non probet, dum ipse, vt arbitror, laudabili transitu in consensum raptus est: suspicionem vero a se amoliri fatagit, quali ipse ad eum libellum scribendum instigauerit, vt remedium illud, & medici genuini lacefferentur. Censuram solum ibi incurrere proficitur, "qui chinam in ea vrbe crepent,

"*pharmacopolas,*
"*Mendicos, mimas, balatrones,*

"*hoc genus omne,*

"& medicos forenses hisque in vrbe
"similes., Incurrant ergo censuram, qui merentur: maneat recto medicinæ vsui, regulisque experientia finitis, sua æstimatio!

(b) *Geuderus*, phycus quondam Stutgardiensis peritissimus, apud *Lentilium* miscell. medic. pract. T. 2. p. 246. exponit hæsitationem suam, & hæsitationis causas: nempe præceptorum nonnullorum mutorum auctoritatem, quorundam practitorum infelicitatem, & querelas ægrotantium nonnullorum remedium hoc formidantium, ac mala familiaribus suis inde, vt opinari a quouis remedio facile est, enata narrantium. Vicisse tandem, ait, curiositatem, quum nullum sit magis laudatum ac commendatum medicamentum febrifugum, vicisse aliorum ægrotantium preces, febrium citiorem curationem exposcentium, quum & pertinaces & mali moris febres Stutgardiae dudum fere endemiae fuerint. Tandem addit: "febrifugum hoc in
"vsum ducere cœpi, & etiamnum
"frequenter præscribo, non sine exoptatissimo successu., Notat vero 1) longe minorem dosin Stutgardiae sufficere, quam alibi *Sydenhamio*, *Jones*, aliisque, multas uncias præbentibus necessaria visa sit: 2) dosin refractam, sed per vicēs repetitam, incipiendo a declinatione, & per intermissione continuando, exhibitam, melius & tutius operari: vbi tamen *Lentilius* monet, in ipso etiam

cile nobis ægrisque nostris ab aberratione, & imperfecta curatione, & reuerfionibus cauemus, dummodo *opportunitatem* rite aucupemur, & a *continuatione* adæquata & *repetitione* iusta non impediamur, aut desistamus, alias nihilominus hallucinationi obnoxii futuri, sine culpa remedii. Qui autem ex eruditis adhuc ita bona fide erroneam opinionem fouent, vel ambigui hærent, eos a suspitione omni & dubitatione desituros persuasum habeo, vbi ad veras euentum causas, & obseruationum sincerarum fidem, & fundatas in iis regulas, constanter attendere, & rem ad candidæ experientiæ lapidem Lydium explorare placuerit. Immo, si qui adhuc aut amore hypotheseos, qua nihil magis fallax est, aut odio metuue (c) remedii, noui-

iam paroxysmo iugiter & audacter continuandum: 3) effectum feliciorem esse a dato remedio in substantia, quam in præparatione quacunque: 4) symptomata feбри iuncta, vel eius solutionem excipientia, vsum & continuationem medicamenti non semper impedire, sed & febrem & symptomata eo sæpe abigi, exemplis adductis de colica, arthritide vaga, cachexia, respiratione difficili, scabie retro pulsa: 5) continuatione ad aliquod tempus opus esse, ne febris redeat: 6) recidiuam non deberi remedio, sed vel citae huius intermissione, vel nouiter obortae aeris inclementiae, vel repetitis diaetae erroribus, vel tenerae nimis corporis constitutioni: 7) neque post huius solum, sed & post aliorum remediorum vsum, ex iisdem causis contingere: 8) corticem sæpe nullam euacuationem, sæpe sudorem copiosum, aut vrinam elicere: 9) nec puerilem nec senilem ætatem vsui obicem ponere: 10) primis dosibus refractis febres tum iam vehemen-

tes, tum antea lenes, & interdum sola lassitudine, oscitatione, pandiculatione, artuum tensione, similibusque, molestas, sæpius euadere valde vehementes, (*quod ignaros, inexpertos, male timidos, absterret*) & quoad omnia symptomata intendi: hoc autem facto vt plurimum breui post sedari, quod ab aliis etiam remediis, salinis præsertim & amaris, sæpe obseruare licet, quamuis haud ita certo de his, quam de cortice, praedici melior euentus queat.

(c) *Nam veluti pueri trepidant, atque omnia cæcis*

In tenebris metuunt; sic nos in luce timemus

Interdum, nihilo quæ sunt metuenda magis, quam

Quæ pueri in tenebris pauitant fugiuntque futura.

Lucretius.

nouitate rei imputata (d), censorum terriculis (e), doctorum quorundam dissimulatione, vel credita dissensione, quæ aut nulla est, aut inconstans, aut certe soliditate caret, experientia manca, curatione illegitima, euentibus diuersa culpa ambiguus, & incertarum medelarum lubrica felicitate, tamquam totidem obscuris velisimpediuntur, quo minus distincte iam intueantur, quod sol videt; & si qui sunt, qui ex faciliorem febrium felici per *alia* remedia curatione, generalem sibi persuaferunt generosioris, sed nauseosi, & censuris obuii præsidii inutilitatem; vel si qua denique alia causa (f) alios a veritatis agnitione auersos tenet; prouoco ab illis ipsis iudicibus male informatis ad ipsos melius informandos. Tempore enim propediem venturo palpabilis experientiæ manibus velum a peritorum omnium, certe a medicorum oculis, remotum iri non dubito, vt vsum oppor-

(d) Carpebat censor quidam nouitatem exhibiti in principio febrium intermittentium malignarum eius remedii. Regerebat *Lancisus* de nox. palud. effluu. p. 308. "Temere obicit nouitatem, nulla scriptorum auctoritate suffultam, propinandae chinae sub initium: nam semper noua erunt remedia, etsi vetera, apud parum peritos medicos, qui recens autumare solent, quod ipsi non usurpauerint.,"

(e) "Leguntur fat acres in corticem inuectiuæ nonnullorum: inter quos quosdam medicos eruditos referendos esse, fere miratus fuisssem, nisi, nimium ipsis suspectum medicamentum, vel propterea aut rarius, aut plane non in vsum duxisse, mihi ipsi persuasisssem, vnde & de eodem, præconcepta opinione occæcati, iudicium minus fauens tulerunt. Ex illo sane tempore, ex quo iterum caput inter medicamenta febrifuga extulit, tot eiusdem feliciter in vsum ducti a pluribus fide dignissi-

"mis viris enarrantur historiæ, vt ego quidem iisdem omnibus me opponere vix auderem, propria in primis experientia me semper magis confirmante.," Sunt verba experientissimi *Riedlini* lin. medic. a. 5. p. 1072. sq.

(f) Haud immerito forsitan interdum, qui cortice Peruviano vtuntur, querulas chemicorum voces apud *Borrich.* præf. medic. Hermet. imitentur: "etiam ab eruditis (nam vulgi dissonas voces Spartana concoquimus nobilitate) vellicamur, sed ab iis, qui turbidis animi motibus indulgentes, eruditione sua abutuntur, & fecunditatem ingenii iam iræ seruire cogunt, iam amicitiaë.," Sic hominum genus est! quamuis doctrina politos
Constituat pariter quosdam; tamen illa relinquit
Naturæ cuiusque animæ vestigia prima,
Nec radicitus euelli mala posse putandum est.

Lucretius.

opportunitum & adæquatum eius remedii innocuum esse, & necessarium agnoscant, & ipsi sectentur (g): nisi forte paullo diutius remaneant pauci, qui omnium rite satisque expertorum fidei, & successuum euidentiæ, quasi in balance opponant opiniones, dogmata, & censuras vnius forte aut alterius magistri, tanquam Catonis alicuius censoris, qui falli vix potuisse videatur, sibi que ambigui dicant:

Victrix causa diis placuit; sed victa Catoni (h).

§. VI.

Dissensus & hæsitatio non medicorum.

Eorum eruditorum & sapientum ignorationi & aberrationi, quorum non interest, ut medicas veritates sollicitè inquirent, & agnoscant, facile ignoscimus, modo ne sibi ipsi aut aliis ægrotis noceant. Etenim tum in arte & scientia quauis, tum maxime in medicina, de qua nemo non aliquid scire se putat, fieri solet, ut si quis perfunctorie quicquam de eius principiis aut praxi legit, vel audiuit, vel imperfectè expertus est, occupetur ita intellectus probe aliqui sapiens, ut, deficiente penitiori peritia, & præpollente propriæ scientiæ facili persuasione, non possit non perperam sæpe iudicare. At haud immerito prudentes omnes cupimus rogatos: meminerint (a), artem medicam non *παρεργως* & *ὥς εν παροδῳ* perdisci posse, neque eius peritiam absolui lectis forte animi causa, vel auditis hinc inde, quorundam medicorum placitis (b), neque perfici experien-

tiam

(g) Incidit in mentem elegans poetæ Galli *la Fontaine* effatum in poemate vernaculo de quinquina, opp. T. I. p. 228. sq. vbi, ex mente medicorum principum, primo naturam & pericula febrium, & veteris scholæ medicæ penuriam, deinde corticis felicem virtutem, graphice depingit, tunc vero, "*quidam*", inquit, adhuc "scholæ partibus, suisque opinionibus, quasi alicui religionis articulo, adhaerent: sed & *hi ipsi* ad eius

"remedii vsum deuenient. Pauci, "fateor, super sunt, ad quos hæc "dicta attinent; sed & paucos hos "esse nimium est. *Ce peu c'est en-* "cor trop."

(h) *Lucanus*.

(a) *Hippocr.* I. aphor. I. "Ars longa, "opportunitas præceps, experientia "lubrica, iudicium difficile."

(b) *Baglinus* prax. med. L. I. c. 7. §. 1. "Antequam integros fructus ex libris per-

tiam visis vel auditis passim experimentis, quæ valde lubrica sunt, & morborum *euentibus*, quos cum medelarum *effectibus* male confundere perfacile est (c): iudicium itaque suum in arte non sua, &

vbi

“percipiamus, diu vigilandum nobis
“est in detegendis, superandisque er-
“roribus, quibus obnoxii solent esse
“scribentes, quibusque mentem no-
“stram inficiunt, & a veritatis semi-
“ta summopere remouent,,.

(c) Viderunt aliqui, vel audiuerunt, immo vel in proprio corpore senserunt, euentus febrium *ex quacunque causa* minus felices, aut, quod frequentissimum est, minus a reuerfione immunes, vel quibuscunque molestiis succedaneis expositos. Medicamenti nomen, non eius, neque febrium indolem & historiam medicam, neque veras euentuum causas, norunt; illud vero meminerunt assumptum; & audiunt aut legunt obrectatorum vaniloquia, aut nescio quæ theoremata; & feliciores, qui medelæ eidem soli & certo debentur, effectus manifestos, quique medicinam frequenter facientibus obtingunt innumerabiles, maxima ex parte non comperiunt, ipsi medicinam non facientes; partim præputata illa scientia & experientia propria non agnoscunt. Hos autem rite cogitare, & huc prudenter in arte aliena iudicanda applicare perciperem, quæ scite *Gabelchouerus* obseru. cent. 6. 78. monet: “non satis est, “vt re aliqua *præsente* quippiam fiat, “ad hoc, vt *ab ea* re factum credi “debeat. Non enim quod præcedit, “aut adest, *caussa* semper est eius, “quod *fit*, aut *sequitur*. Quare non “satis est scire, eandem causam ali- “quam præsentem fuisse: sed nullam

“præterea adfuisse oportet, vt veram
“causam effectus ille referre potue-
“rit,,. Festiuium exemplum eiusmodi erronei iudicii, quod logici *fallaciam non causæ ut causæ* vocant, narrare liceat. Medicus insignis iam defunctus, obseruauerat multos ægros tunc, quando expectatione prudenti maxime curandi esse videbantur, putare se a medente negligi, aut non rite secum agi, nisi medicamenta assidue darentur. Itaque, vt innocua simulatione querelas, inutiles auerteret, pilulas ex mica panis sola formabat, quas, auri folio obductas, aureas, *Gold-Pillen*, vocare, & tum, quum nihil dare mens erat, exhibere solebat, ne nihil agere videretur. At, proh, quam mira hominum, etiam doctiorum & prudentum, iudicia experiri licuit! Alii, si quid sponte boni euenit, morbo, aut paroxysmo, aut symptomate cessante, o, prædicarunt, quam egregie istæ mihi cesserunt pilulæ! Febrem fugarunt, leniuerunt æstum, dolorem, tussim, vomitum, diarrhœam, placidum induxerunt somnum, appetitum excitarunt, obstructionem soluerunt, promouerunt blandum sudorem, & me totum alium ab eius medicinæ usu factum sentio. Hanc, hanc omnibus similiter ægrotantibus commendabo. Alii ex aduerso, immo interdum iidem postea ipsi, si quos vel morbi indoles, vel diætæ error, vel nescio quæ alia causa, hac vel illa deinceps molestia afflixit: ah, proclamauerunt, me miserum, qui maledictum illud pharmacum, aut nimiam forte eius dosin,

vbi iudicium recte ferre perquam difficile est, adeoque in re sibi profecto non satis perspecta, æquiter & prudenter suspendant (d), vel sibi feruent, si placet. Caueant vero, ne ægris vanum & noticiuum incutiant terrorem, vel peruersam suspicionem iniiciant, eo-que alios sententiæ suæ præmaturæ auctoritate permoueant, vt, seposito clanculum, quod medicus forte in præcipiti opportunitate necessarium reputauit, remedio, vel ab eodem infelicitè abhorrentes, male aut imperfecte curentur, & non reuersionibus solum, verum etiam periculis, immo interdum morti ipsi maneant expositi (e); non remedii culpa, quod forte deinde accusatur, sed morbi & ipsarum censurarum, & formidinum, ob quas curatio non perficitur: quod viri

dofin, assumfi! quam istæ me pilulæ, aureæ dictæ, exercuerunt! Wie haben mich die Gold-Pillen angegriffen! Frigus, æstus, dolores, vigilæ, anxietates, tusses, diarrhœæ, obstructions, & nescio quid non mali, aliquando postea eueniens, in istas vnicas coniecta sunt; moniti etiam propinqui & amici, ne periculosam illam & infidam medicinam intra corpus admitterent, vtque a nimio certe vsu sibi cauerent. Quod circa rem nullius efficaciam contigit, id quotidie comperit, quisquis medicinam facit, circa artis præsidia, quæ efficaciora sunt, aut reputantur: quibus vsurpatis omnes & boni & mali euentus imputari solent, a longe diuersis causis pendentes.

*O quantum mortalia pectora cæcæ
Noctis habent! felix rerum cognoscere
causas.*

Qui potuit.

Sæpe e contrario verarum causarum efficacia non pro merito accusatur, dum ignorant medicinæ imperiti, quid sumserint remedii, quæ morbi sit indoles, vel quæ quantæque vtriusque vires. cl. Tortus therap. spe-

cial. p. 175. egregie profatur: "cor-
"tici Peruuiano fere vni in tota me-
"dicina datum est priuilegium hocce,
"vt medicus ante oblationem possit
"spondere subitam certamque, sal-
"tim moraliter, salutem, & restitui-
"to ægro, possit intra se modestè glo-
"riari, exultare, & sibimet ipsi dice-
"re: *hunc hominem certo pereuntem*
"*hoc vno remedio vere seruauit.* Sed
"hoc quod probe dignoscitur a me-
"dicis, minime dignoscitur ab ægro-
"tis, adeoque illis minus conspicua
"redditur singularis excellentia re-
"medii, medicique illud apte & op-
"portune præscribentis industria. Et
"quoniam in aliis casibus laudatur a
"sanato ægrotante medicus, cum il-
"lius saluti nil fere præstitit, haud
"ægre ferat, si aliquando non lauda-
"tur, cum præstitit plurimum,,.

(d) "Tantumne est a re tua otii, alie-
"na vt cures? *Terentius*,.,.

(d) *Tachenius* præf. Hippocr. chem.
"Aegroto nihil calamitosius accidere
"potest, quam medicinæ fundamen-
"tis substruere credulitatem, cogita-
"tionem, opinionem, incertitudi-
"nem, arenam, paludem, fyrtem,,.

viri probi & prudentes cauebunt moniti (f). Indoctiorum & insipientum pseudodoxias epidemicas secure spernimus,

Rumoresque loquaculi popelli

Omnes unius aestimamus assis (g):

modo ne ægrorum salutem insipiens πολυπραγμοσύνη indicandi & consulendi officiat (h). Si qui sunt homines κακοπυπραγμονες, illam

αλλο-

(f) Monitus ita est, iamque cauere dicitur vir, quem neque improbum, neque imprudentem reputandum puto, sed suo vxorisque, medicinæ peritiam affectantis, sensu fuisse abundantem. Vocabatur medicus ad illum febre tertiana duplici vehementiori, cum hæmorrhoidum motibus anomalis, laborantem, corpore dudum exanthematibus scabiosis inquinato. Vocabatur vero, postquam vxor iam remediis laxantibus aluum methodo muliebri mouerat, & tunc, quum per statum epidemium febres foporosæ perniciosæque aliæ inde in istiusmodi corporibus haud paucæ excitari solebant. Corticem non suadere, ex indicationibus supra deductis, medico scienti & cordato non licebat. Obstabat præiudicata contra remedium opinio. Persuasit tamen facta spes restituendæ fere intra triiduum melioris valetudinis. Sumitur sensim nescio quantum remedii, ob opiniones dosi satis refracta præscripti, magis refracta dati. Redit, vt fieri solet, accessio, eaque satis grauis, forte etiam grauior. Tunc vero accusatur & omittitur medicamentum, forsan iam proficiens, certe profuturum: substituuntur nescio quæ potiones ab vxore ministratae, & recuperata sensim per longos languores sanitas his imputatur, cum varia criminatione medelæ prioris. Quotquot deinde per aliquod tempus

febricitantes amicos habuerunt bonus vir, bona femella, eos hortati sunt, ne corticem ad mitterent, aut nimium fumerent: sed irrisione meliora expertorum mulctati sunt. Immo, quum aliquando virgo quaedam ex cognatis, febre maligna, cum lenis inflammatione, tussi, & diarrhœa colliquante extingueretur, & per morbi decursum frequenter in potu sumsisset decoctum ex radicibus & herbis blande alexipharmacis & thoracicis, chinam in potione sumtam ex falsa opinione dictarunt passim, eaque enectam esse aegram, quae nunquam gustauerat. Moniti tamen, vt dixi, probos se & prudentes gerere, suasque res agere, & medelas medicis relinquere perhibentur.

(g) Egregie *Reinesius* epist. 8. "quem-
"admodum nihil agendum est medi-
"co prudenti & cordato, quo famam
"aucupetur, & applausum imperiti
"vulgi; ita nihil, quod ad salutem
"aegri facturum esse agnoscit, de
"quo tamen sinistre iudicaturum esse
"vulgum opinatur, omittendum est."

(h) *Seidel* de morbis incurabil. p. 112.
"Ineptiae quotidie excogitantur plu-
"res. Interim causa morbi, nullo ad-
"uersante, libere dominatur, soboli-
"que suae, id est, morbo incrementa
"dat, donec aegrum ingulet. Quo
"tunc se proripit illa sapientia, quae
"censorio consilio medicos procul fa-
"cessere antea iusserat, ?

αλλοτριπισκοπιαν data opera exercentes, næ illi, quicquid etiam prætexant (i), summum vereri debent iudicem (k), quando artem alienam salutarem iudiciis & consiliis turbant suis, & insalubrem faciunt, neque doctrina vera (l), neque vera experientia suffulti, quamuis utraque forte iacterur (m), vt fieri a medicastis solet (n).

§. VII.

Experientia experientiæ opposita.

Allegent vero experientiam medici, allegent non medici, licebit experientissimi *Bæcleri*, professoris Argentinensis (a), respon-
sionem nostram facere: "allegata a præiudicio occæcatis in contra-
"rium experientia *suspecta* plane, immo *falsa* & nulla, apparet. Ex-
"perientiam experientiæ oppono,,: nempe, vti auctoris doctissimi
mentem capio, aientem neganti; repetitam vix tentatæ; sinceram
præiudicatæ; veram apparenti; medicam non medicæ; distinctam
tumultuariæ; integram mancæ (b); certam ex medela simplici, in-
certæ

(i) Eleganter *Carolus* apud *Lentilium*
miscell. med. pract. T. 2. p. 609. de
huiusmodi homine, "procaci, ait,
"instituto ne speciosa aliqua defice-
"ret larua, prolixum caritatis chri-
"stianæ pallium eligis, quo munitus
"velo tecta omnia tutaque censes:
"cuius crebris micationibus incita-
"tus, breui quoque refarciendis tibi-
"alibus, calceisque resuendis, ope-
"ram opemque tuam accommodabis,
"spero,,.

(k) "Homicidii crimen est, in hominis
"salute peccare,,. *Cassiodor.* form.
comit. archiatr.

(l) *Tulpius* obseru. L. 4. 54. de noxa
ex libris medicis, "imperitia, ait,
"malus thesaurus, qua imbutus vi-
"deris capere, quæ te capiunt, con-
"cipisque ex male intellectis præiu-
"dicatam opinionem, quæ vbi pepe-

"rit peruicaciam, actum est de ho-
"mine imperito, quem deinceps ne
"ingeniosissimus quidem mortalium
"ab sententia sua facile dimoueat,,.

(m) "Nihil audacia doctius est, nihil
"ignorantia audacius. *Hippocrates*,,,

(n) *Non enim sunt arte homines hi
diuini aut scientia;*

*Sed superstitiosi vates, impudentesque
harioli,*

*Aut inertes, aut insani, aut quibus
egestas imperat,*

*Qui sibi semitam non sapiunt, alteri
monstrant viam.*

Ennius.

(a) ad cynosur. mat. med. P. I. p. 205.
sqq.

(b) Manca diuerso modo est experien-
tia. Duo heic potissimum notamus
momenta. Primo sunt aliqui, qui-
bus pauciores forsitan, vel tales solum

F f

febres

certæ ex ambigua farragine; euidentem, vbi effectuum causa patet, dubiæ, vbi nescio quid non accusari potest; propriam, quæ alienæ dudum prudenter repetitæ innixa est, propriam inquam, ex iusta, tempestiua, efficaci, adæquata methodo, alienæ ex alienis erroribus, defectibus (c). Pergit cl. *Bæclerus*: “sancte namque te-
“stari,

febres videre, per loci, & temporum, & singulorum ægrorum felicitatem, contigit, quæ sua natura minus difficiles fuerunt, aut periculis non facile obuicæ, & aliis remediis vel cito satis, vel tandem certe satis tuto medicabiles. Hi, si historiam, indolem, pericula, febrium copiose epidemiarum, degenerantium, difficultium, perniciosarum, & morborum acutorum & chronicorum ex febrili fomite innumerorum, aliasque ægritudines eodem remedio domabiles, vel ignorant, vel sub alieni morbi nomine, & nescio cuius causæ specie negligunt, facile fit, vt incomparabilem, eamque multiplicem, medelæ febrifugæ vtilitatem non experti despiciatui habeant, artis ofores ignorantes, quamuis cetera satis docti. Meliora hos docebunt forsan aliquando auctores, si hos legere & recte ponderare haud grauabuntur, quos passim hic adduximus. Symbolam suam conferre pollicitus est experientiss. C. B. *Behrens*, scriptum iam elaboratum habens de corticis Peruvianus vsu multiplici. v. annal. acad. Jul. T. 3. p. 152. Deinde & eorum maxime manca est experientia, qui praxin ex præcepta theoria imperfecta, vt theoria omnis est, & ex curationis imperfectæ euentibus ipsam etiam perfectiorem præiudicant, quique ob vitia medentis, ægroti, adstantium, materiæ, causæ, motuum morbidorum, & labantis naturæ, innocuum remedium reformi-

dant, reformidatum vix experiri audent, castrant, interturbant, aliisque hominibus similem formidinem incutiunt, vt hinc, quibusdam in locis, fieri non possit, quin experimenta aut nulla fiant, aut vehementer imperfecta, & ob id ipsum minus felicia, quæ nouis censuris ansam præbeant. Ita eunt in circulum errores, & vt opinio experientiam mancam gignit, ita hæc opinionem infelicitat. Haud iniuria dixerint, qui penitus febrium & remedii effectus experti sunt, si quem bonum cordatumque virum ita errantem perperam iudicare audiant: tu si hic sis, si, quod nos, noueris, videas, & exploratum habeas, aliter sentias!

(c) Eleganter & modeste, vt solet, celeb. *Torti* responsion. iatrapolog. p. m. 456. de hac ipsa materie, ait: “nil minus me terret, *ratione satis*, “& *experientia munitum*, sed & si-
“mul nil magis angit, quam auctori-
“tate impugnari. In id namque di-
“scriminis adducor, vt scriptoribus
“omni honore ac existimatione cetero-
“roqui dignissimis, vilo pacto hac in-
“re nequeam subscribere, immo co-
“gar, impellente *me nota nimium*
“*veritate rei*, non modo contrariis
“aliorum illustrium virorum adductis
“testimoniis eos *refellere*, verum &
“iis *memet ipsum fidenter* opponere
“omnium infimum, sed fortasse præ
“*multis expertum*. Puderet me sane
“cum quoquam *tanta decertare fidu-*
“*cia*, si de subtili quapiam doctrina
“lis

“stari, & ad testimonium publicum prouocare possum, me non vnum
 “aut alterum, non centum, sed *aliquod mille* (d), diuersis febrium
 “inter-

“lis ageretur, sed, vbi *disquiritur*
 “*factum*, quæ de illo sum *millies ex-*
 “*pertus* ingenue referre, & aduersus
 “quemlibet opponentem *constanter*
 “*sustinere*, haud erubesco. Ob id
 “penes me *nulla auctoritas*, in hac
 “*materia experimentalis*, magni pen-
 “ditur, *nisi* ab auctore illa proficis-
 “catur, qui, per quatuor saltem, vel
 “quinque lustra, *hoc remedio libera-*
 “*liter sit usus*,. Equidem, qui cum
 inclito viro de vsu remedii innocuo,
 vnice certo, sed cauto, distincto, tem-
 pestiuo, efficaci, adæquato penitus
 consentio, praxeos propriæ circa id
 remedium vix vltra duo cum dimidio
 lustra numero. Præeuntes tamen
 habui magistros longo rerum vsu ex-
 exercitos, & adhuc quotidie habeo vi-
 rum illustrem, eundemque medicum
 longe doctissimum, experientissimum,
 sapientissimum, cuius lateri, dum
 medicinam sollertissime & felicissime
 facit, indiuisus fere comes inde
 a septennio hæreo, & vestigia pra-
 ctica lego, & consilia vbiuis requiro
 ac amplector, iisque me & erudiri,
 & firmari, & inter sollicitudines la-
 boresque practicos concatenatos, mi-
 re leuari & recreari sentio.

O querulos inter requies mihi blanda
 labores!

Qua soleo curas sæpe leuare gra-
 ues,

Dum mihi languidulæ creat ardua cu-
 ra cateruæ

Sollicitas noctes, sollicitosque dies.

Quale sopor fessis, quale est sitientibus
 vnda,

Quale per æstiuam mollior aura
 viam;

*Tale fatigatæ curarum pondere menti
 Cura inuans socii dulce leuamen
 adest.*

Si huius viri merita & dotes, vti mi-
 hi, nostratibusque, & exteris pluri-
 mis, & regibus principibusque sum-
 mis, perspecta sunt, auctor ille can-
 didissimus cognita haberet; profecto
 fieri non posse scio, quin eius, idem
 quod ego dudum ante sentientis, &
 frequenti vsu experti, auctoritatem
 maximi penderet, & suas ea corro-
 borari observationes in sinu gaude-
 ret.

(d) De vno praxeos anno loquitur cl.
Bœclerus, deque solis militibus. Sin-
 cere ista a viro præstantissimo scri-
 pta, & veram rem esse, nulli dubita-
 mus, quæ hominibus indoctis hy-
 perbolica videatur. Quin ipsis viris
 doctis, haud multa praxi vsis, neque
 in febrium cura, aut statu epidemio,
 valde versatis, ita forte videbitur, ve-
 lut auctori imposturae corticis nar-
 ratio *Kergeriana*, de curatis simplici
 remedio febrifugo *mille* febricitanti-
 bus *quatuordecim annorum* spatio,
 qua de re supra dictum est. Igno-
 scant viri graues, quod illius scripti,
 dum seria aguntur, aliquoties men-
 tionem faciam. Fando accepi, esse
 ex his, qui de hoc remedio male in-
 formati perperam iudicant, qui solo
 titulo audito, & non lecta, aut cer-
 te non ponderata, opella ipsa, aut re
 non satis intellecta, nescio quid exi-
 mii aut solidi inibi esse debere prae-
 stituerint, & arrepto passimque pro-
 nuntiato odioso illo & indigno im-
 posturae nomine, nullis rationum

“intermittentium generibus afflicto, diuino hoc auxilio curasse, vix
 “occurren- te vno aut altero male, & quidem ex culpa ægri, ceden-
 “tis remedii exemplo. Nescio itaque, qua fronte, qua audacia, tan-
 “tum naturæ donum proscribatur,,.

§. VIII.

*Absoluta cura reliquæ neque a febre neque a remedio
 metuendæ sunt.*

Certe integram sanitatem, vel priori etiam sæpe firmiorem, ab hoc remedio recte vsurpato consequi, neque reliquias deinde febris, multo minus medicinæ, timendas esse, dudum attenti, quos passim nominauimus, obseruatores memoriæ prodiderunt, & recta ratio experientiæ comparata suadet. Nemo sane probauerit, febri-
 lem

momentis suffulto, suos aliorumque auxerint errores, cum detrimento aegrotantium. Prodiit postmodum, eodem praeside, altera disputatio plane similis farinae, de vsu corticis noxio, quamuis recto, vbi prior illa mire beata praedicatur, quasi illius pondere pressus iam gemat cortex, & illa primum oculos aperuerit mortali-um, vt vsu rectum a noxio distinguere cœperint. Ita, quod *Persius* dicit: *pagina turgescit dare pondus idonea fumo.* “Fabula quaedam inter Aesopicas fironem narrat, in-
 “sectum minimum, tauri viatoris
 “cornu insidentem, quum hic forte
 “ingemisceret, acuta vocula procla-
 “masse: o miserum, quem ego meo
 “pondere opprimo! cui viator, ami-
 “cule, inquit, quis te in orbe esse
 “norat? quis pondus tuum sentiat,
 “quod nullum est,,? v. *ables de la Mothe.* Nemo crederet, nisi clara verba adessent, quemquam id publice profari non erubescere, quod auctor §. 2. dicit: “ab eo tempore,, (quo nempe ludicrum illud de impostura

opusculum editum est,) “agnosci cœ-
 “pisse, chinchinam noxium & infe-
 “curum esse medicamentum, si em-
 “pirice, h. e. imprudenter, nulla cor-
 “poris aegrotantis, causæ febrilis,
 “temporis, aliarumque circumstan-
 “tiarum ratione habita, vsurpetur;
 “esse vero ac manere optimum, effi-
 “cacissimum, ac tutissimum remedi-
 “um, si quis eodem recte uti sciat,,. Atqui hoc de quauis medela quan-
 tumcunque efficaci, vel ante Aescu-
 lapium, agnouerunt medici, & de cortice docuerunt omnes, quotquot a prima eius in Europam introdu-
 ctione de eodem scripserunt, & id sana ratio & experientia dictat, quic-
 quid vnus hisce obstrepat disputator, haud credo serius, de vsu simul re-
 cto & noxio, id est, chimaera medi-
 ca. “Sine noxa mederi id est, si
 “recte faciamus. (ἐπιτροχάειν τὰ τεσι-
 το καλῶς ποιεῖν.) Cum noxa vero me-
 “dicari, (ατυχεῖν) est. cum quis, quod
 “non sciat, id non recte faciat. Hip-
 “pocr. de loc. in homine §. 125.

lem materiam, quæ per se tam exiguæ molis est (a), &, tametsi violentissime afficiat, facili de causa, in homine plane sano (b) nasci, facile denasci, & exigua vel nulla excretionis, & corporis, anni, aerisque mutatione insensibili, immo leuissimi sæpe ponderis remedio, extingui & excludi potest, venenum esse adeo insuperabile, ut nulla antidoto adæquata, nullo naturæ in functionum integritatem restitutæ robore edomari, digeri, & excerni queat; sed solis violentis illis, & sæpe formidandis, febrium motibus consumi, atque expelli debeat, noxam alias in corpore relicturum. Contrarium euincit vsus adæquatus, adæquatus, inquam, & præmissis præmit-

(a) Fermentum hanc, an putredinem, an aliter vocemus, nihil refert. *Stahlius* de febris ratione c. 1. pag. 24. "constituimus, inquit, omnino nos quoque pro *caussa febris* in genere *materiam*, quæ, serius aut ocysus, valde remote aut valde prope, *putredinoso-fermentatiuam* corruptionem atque labem parti alicui vitali incutere possit. p. 29. Nostra acceptio *putredinis*, ut *caussæ febrium*, de *imminente*, aut non nisi leuiter & *minutatim* adhuc *incipiente*, & antequam copiose, adeoque insuperabiliter præualeat, mature præfocanda, omnimode intelligi debet,,. *Sennertus* de febribus lib. II. c. 17. "Si ea, quæ in febribus accidunt, obseruemus, videtur illud *μικρον & περιττον σηπονωδες* sæpe quidem esse mole exiguum, sed vix maximum, utpote, quod primaria paroxysmi causa est, & quo discussio paroxysmus cessat, id quod interdum a natura fieri solet, quæ id ex venis expellit, dum circa labia, nares, & alias faciei partes pustulæ excitantur,,. *Meibomius* de febribus intermittentibus epidemicis §. 25. 29. "Infinita eorum exempla

"videre licet, qui tempore epidemicae constitutionis toti sani, deque nullo symptomate conquesti, repente febri corripiuntur. Annon colligitur inde, extrinsecus aliquid communicari, quod varios illos motus cieat, & tantos effectus tam subito edat, ad instar venenorum, quæ, intra corpus sanissimum recepta, mox omnem eius œconomiam miris modis perturbant, quibusdam symptomatibus plane similibus. Solutiones febrium per naturam & artem satis demonstrant, ab exiguo aliquo miasmate dependere febrem, quo excluso, quocunque etiam modo, aut mortificato, mox cesset febris,,.

(b) *Pechlin.* obseruat. p. 255. "Miratus sæpe sum subitos illos & inopinatos quartanae insultus, quippe qui, velut fulmine immissi, validissima quæque corpora inuadunt & pessumdent. Vtrum *aura quædam* austero vitriolata bilem sic satis fluidam corripit, inque lentum & viscosum humorem fixando permuet,,?

mittendis (c), si quibus ob plenitudinem aut obstructionem insignem opus est, institutus, medicaminum febrifugorum (d), quæ deus naturæ facile erranti labantique largitus est, præsertim salinorum, amarorum, aromaticorum, & subadstringentium. Iste vero rectus usus nihil noxii, nihil metuendi, in corpore relinquit: cuius rei fidem faciunt tot tantique, ad quos prouocauimus, obseruatores, ac experientia antiqua & noua. Enimvero per omnium sæculorum decursum post febres innumerabiles remediis eiusmodi febrifugis, quæ specifica dici merentur, magis minusue certis, vel ab ipso vulgo, (quid ni a peritis medicis (e)?) in medio cursu interceptas, & penitus profligatas (f), constantem sanitatem insecutam esse, cui non con-

(c) Recte *Pechlin.* obseru. p. 254. “ubi
“non tantum qualitate, sed & copia,
“humores excedunt, sine purgante
“aut vomitorio curam transigi posse,
“non credo. Vbi sanguis nimium
“quantum exaestuât, quod subinde
“fieri solet, neque magnum sit in
“prima regione vitium, præsens sa-
“ne est in venae sectione remedium,
“qua sæpe vna morbus conficitur.

(d) add. *Pechlini* locus adductus p. 40.

(e) *Idem* obseru. p. 254. “De febrifugis dico, in dosi & temporum
“conditione omne sanandi momentum situm esse, & præpostero metu contigisse, vt empiricorum sæpe
“in hoc curandi genere maiores sint partes, quam dogmaticorum,.

(f) Penitus profligatas dico. Nam, secundum regulam nostram secundam, cardo curationis febrium in eo versatur, vt, si quodcunque medicamentum febrifugum adhibeas, proportio inter vim morbi & remedii recte ponderetur, neque medicam minus adhibere, ac feбри a tergo insi-

stere, prius desinas, quam omnino hanc cum symptomatibus fugatam esse appareat. Ita auertuntur noxæ dispositionis febriculosæ imperfecte curatæ, quas vulgus remediis perperam imputat, forte vero etiam imputant aliqui vltra vulgum sapientes, sed iustam continuandi normam vel nescientes, vel negligentes, vel ab ea deterriti, & nescio qua opinione occupati. Atque ita innumerae febris & olim & nuper, sine multa naturæ ope, sine expectatione multa, plane curatæ sunt sine noxa, chamaemelo, verbena, saluia, absinthio, gentiana, pentaphyllo, aristolochia, cortice fraxini, aromatibus, salibus, & similibus, immo epicarpiis, aliisque medelis, si modo ista praelidia, adiuuante natura, adaequata morbidæ materiae motibusque fuerunt, & proportio rite obseruata est. Prouoco ad obseruationum per omnia sæcula scriptores, quos aut non legere, aut negligere, aut intelligere nolle, & sibi solis sapere oportet, si qui serio, cum scriptore de corticis usu recto noxio, febrem vltimum naturæ praelidium, ad materiem fe-

tri-

constat? Vnde prudentioribus facile iudicatu est, sicubi res iisdem remediis non succedat, vel artificis vitium subesse, cuius correctio arte addisci debeat, vel morbi vim paullo euasisse potentio- rem, quam pro eius medicinæ viribus; dubitandum vero non esse, quin victas daturus sit manus, si maioris certiorisque virtutis medela similis opponatur. Superiori sæculo adeo felici esse contingit (g), vt remedium iis morbis debellandis, præ ceterarum medelarum omnium virtute, certum in artem nostram introduxerit, quod eodem forte modo, ac eadem certe cum securitate, operatur, qua cetera, omnibus scholis accepta & laudata, medicamina amara leuiterque adstringentia: quæ, qui sub præparantium, vel quocunque alio titulo, fectantur & commendant, hoc vero contemnunt vel vituperant, quod aliqui facere amant, næ illi, quid sibi tandem velint, ignorare videntur: adeo propria sibi sententia non constant, quum differentiam nullam ostendere possint, nisi quod cortex ceteris certius & potentius febrim reprimat (h). Euidētissimum experiēti cuilibet est, virtute huius medicinæ, si opportune & sufficienter, vti supra descripsimus, exhibeatur, humores & fibras corporis ita roborari, & disponi, quomodo idcunque iam fieri putemus, vt, cessante penitus violenta illa motione spastica & feruida, quæ per paroxysmos affligerat, restituantur in integrum functiones omnes, & homo sanus appareat, qui antea febricosis symptomatibus grauiter affligebatur, & maneat deinceps sanus, si ad scopum obtentum vsque medela continuetur. Fit illud robore euidenter fibris addito, correctione manifesta materiæ morbidæ, & eiusdem excretionē per vias apertissimas, quam natura, hoc remedio roborata, & in corrigendi onere

brilem perdomandam, reputant, & solam plenitudinem humorum, eiusque manifestam euacuationem, a natura sibi relicta, vel medico diuinante præstandam. inculcant: quo solo facto aliqui, sine alio indicio, totam materiam febrilem euacuata esse debere, iactant, quasi prope nouerint, quid illa sit, & vbi hæreat vltima eius radix, aut quasi hanc per

aliquot *μικροσκοπίαν* inauditum inter excreta dignoscere possint.

(g) "Suos quoque *Columbos* habuit
"ars nostra,,. *Ramazzin. opp. p. 65.*

(h) Cl. *Tortus* therap. special. p. 15.

"Forsitan, si parem in talibus virtuti

"nostri corticis reperirent virtutem,

"illam pariter haberent suspectam:

"adeoque fallant eos remedia necesse

"est, vt illis adhibeant fidem,,.

re subleuata, & ab ambiguis & errori obnoxiiis motibus febrilibus, in certiolem functionum integritatem restituta, melius nifu proprio, huc illuc promouere potest, quam medicus, qui viarum humorumque dispositionem non penitus notam habet, venarum apertione, vel euacuantibus pharmacis, monstrare & propellere potest (i). Etenim roborata natura, & ipsum remedium amarum, tonicum, partim sponte eliminare obseruatur humores turgentes, partim coctione, seu digestionem singulariter accommodata, quocunque illa fiat modo, coquit indubie materiam peccantem, quia coctionis signa dilucida post paucos certe dies apparent, materiamque eam deinde sensim sua sponte per vias commodissimas excludit *). Vt taceam

excre-

(i) *Holterhoff* de erroribus medicorum p. 4. sq. "Ferdinandus, Hispaniarum regis frater, cardinalis Tolletanus, octoginta & nouem diebus tertiana agitatus, obiit ætatis triginta & duorum annorum, & toties tamen in eo venæ sectio iterata fuit, vt aperto cadauere, & sublati corde, hepate, & pulmone, dissectis venis & arteriis, vix cochlear sanguinis in cauum thoracis conflueret,. Eandem historiam referunt *Helmont.* de febribus, & *Thonerus*, L. I. obs. 7. qui totum eius principis corpus venæ sectionibus, purgationibus, hirudinibus, & stricta diætâ, ita exhaustum fuisse memorant, tertiana non minus typum suum seruante, ad extremum fati diem. *Peyerus* de glandul. intestin. cap. 7. "in promptu, ait, nobis foret, noxas, immo crudas, vt leuiter dicam, mortes, a præpostero ac pertinaci purgantium usu in febribus, iis in primis, quæ inde ex anni 75. autumno, vsque ad hyemen 76. επιδημιας grassabantur, accersitas, exemplis ob oculos ponere,. Abundant in historiis medicis ante inuentionem corticis, & vbi is negligitur, exem-

pla hallucinationum eiusmodi in eligendis mouendisque euacuationibus. Imminuta enim satis plenitudine, sæpe vix desinunt humores per paroxysmos rursum turgere, nisi medela specifica statim subiuncta fomitem præcidas, vt, si hac careat medicus, vel carere velit, iterum iterumque sanguine misso, vel pharmaco dato, euacuari debere ægrum facile perperam opinetur. Humor vero febriculofus, post plenitudinem forsan insigniorem semel aut iterum imminutam, medicamento specifico sufficienter correctus, sponte naturæ roboratæ, per congruas vias eici solet, quantum opus est, sine aberrationis metu.

*) Licet dictis totam theoriam & praxin recentiorum quorundam A. de *Haen*, *Casim. Medici* &c. in febribus non intermittentibus inniti animadverteret *Werlhofius*, noluit tamen, quæ hic dixerat, pro febribus continuis dicta esse, vel usum Corticis eo usque in praxi sua extendere. Conf. supra sect. II. §. V. not. (*) it. Caution. medic. I. §. XV.

excretionem circa os & nares, quæ in vulgus nota, & sola sæpe sufficiens, tertianarum febrium crisis (k) post corticis vsum sæpissime efflorescit; vt præteream rariorem *saluationem* (l), & qui priores doses circa paroxysmi incipientis vel exeuntis tempus, frequentissime cum *ev̄p̄ōḡīa* sequuntur, *vomit*us, & salutare *sanguinis fluxus*; manifesta etiam experientia ostendit quotidie, quod inclitus medicus & obseruator exquisitissimus dicit (m): “chinachina, cum minus illud expectaueris, *aluum* subducit (n), *diuretica* fit (o), *diaphoresi* agit (p), aliquando nihil horum accidit, nisi quod *viḡor*, *color*, *appetitus*, & *integra redeat sanitas*., Atque hæc ipsa, quæ, rite continuato corticis vsum, fugata penitus febre, sensim certissime eueniunt, *signa certissima* sunt auctæ seu instauratæ *perspirationis insensibilis*

(k) Hæc manifestam exceptionem facit a regula, qua nihil parum criticum reputatur. Recte tamen *Pechlin.* obseru. p. 235. “illud in tertianis exanthema, quod iis fere solis proprium est, nariumque & oris viciniam depascitur, vt sæpe magna valetudinis compendiaria erumpat, medicumque & ægrum soletur, in hoc tamen etiam vtrorumque spes sæpe frustrari vidimus, quod lente se iterum subduceret exanthema, nouumque subiret. Repelli quidem illud & in sanguinem redire malum est, sed nec, cum exarescit, in atomos dissipatum, omnia in vado. Et, vt aliquis in extrudendo eo appareat naturæ conatus, sæpe tamen etiam argumento est, plus superesse materiae, quam vt absorberi tam exigua parte possit.,

(l) conf. *Hellwig.* de quinquina Europ. §. 24.

(m) *Albinus* de febre quartana th. 22.

(n) v. supra sect. II. §. II.

(o) Vrinæ, a corticis sufficienti vsum fere semper coctas & copiosiores permanere, quemlibet expertum testor, & auctores hætenus allatos fere omnes. *Cl. Torti* respons. iatrapol. p. 430. “Ab epota chinachina vrinam copiosiore reddi perpetuum est., v. supra p. 101. ex *Brunnero* adducta. Et est ista crisis, & materiae morbidæ excretio, ex præstantissimis, & maxime fidis. *Freind.* ad epid. Hippocr. comment. 8. “Plures apud *Hippocratem* ex febre post *urinæ profluvia* euasisse legimus: qui quidem vti in vrinis notandis multus est, ita es his præcipue curandi indicia traxisse videtur.,

(p) Cortice sub declinantem præcipue paroxysmum exhibito, sudores criticos largius solito certiusque plerumque prorumpere, itidem experientiam peritorum testem voco. conf. supra p. 138.

fibilis (q), quam febris imminuerat (r), quæque ceteris euacuatio-
nibus longissime præpollet (s), vulgo licet ignota, & quia suppressa
febres præcipue generantur, & restituta optime sponte exhalat fe-
briculosus vapor (t). Signa sunt certissima, vt non opus sit state-
ra Sanctoriana, restituti in statum sanum *æquilibrii corporis*, febre
antea turbati, & restituti *motus tonici* naturalis, quo facto *omnes*
excretiones rite procedunt. Itaque, si vel maxime crisin subitam,
& in sensus incidentem, a cortice fieri, inficias eatur, λυσιν certe,
seu excretionem successiuam, quasi κατ' ἐπιχρᾶσιν, a recto eius me-
dicinæ vsu euenire, negari haud posse videtur. Sufficiunt enim
facile tenui illi μiasματι, quod febris causa continens est, & humo-
ribus non nimium spissis & abundantibus, euacuationes istæ, ab ipso
medicamento specifico ipsaque natura ita peractæ: modo, quod
methodus generalis docet, euacuata sit, si qua forte euidenter aut
venas replet, aut primas vias, aut eo nititur materies abundans &
excretionem vrgens, sintque resolutæ, quæ remedii efficaciam im-
pedire possunt, obstructions. His omnibus ad obseruationum fi-
dem perpensis, mirum est esse, qui putent, sisti solum hoc remedio
materiam febrilem, non corrigi, non euacuari, & qui quærant,
quo

(q) *Sanctorius* medic. stat. aph. 40.
"natura, dum in perspirandi officio
"impedita est, incipit statim in mul-
"tis deficere.,

(r) *Sanctorius* aph. 49. "quilibet cor-
"poris dolor, siue labor, cocti per-
"spirabilis transitum impedit., aph.
52. "tres sunt internæ causæ pro-
"hibitæ perspirationis: occupatio
"naturæ, diuersio, & vires imbe-
"cilles., add. aph. 95.

(s) *Sanctorius* aphor. 4. "perspiratio
"insensibilis sola solet esse longe ple-
"nior, quam omnes sensibiles simul
"vnitæ., add. aphorismi sqq. & 21.
58. 59. 60. & 61. vbi tandem: "quid,
"inquit, nostratum plurimi in omni
"aegritudine solum per aluum, vel
"per vrinam, euacuandum sibi pro-

"ponunt, & de insensibili perspira-
"tione vix cogitant?

(t) *Sanctorius* aphor. 10. 11. "Si im-
"pedita est perspiratio, diebus se-
"quentibus vel succedet plenior per-
"spiratio, vel aliqua euacuatio sensi-
"bilis plenior, vel cachexiæ vestigi-
"um, vel febris., aph. 63. "tunc
"quam maxime *recedimus a morbo*,
"quando peruenimus ad medium la-
"titudinis ponderis salubris, non ob
"euacuationem sensibilem spontaneam,
"vel a medico factam, vel ob ieiu-
"nium; sed ob perspirationem insen-
"sibilem, quæ fit a somno, post o-
"ptimam coctionem., add. *Pitcarn.*
opusc. medic. diff. 8. de curatione
februm, vbi ostenditur eas optime
per transpirationem depelli.

quo ergo abeat materia febris per chinam curatæ (u). Verum tamen, cum sæpe quidem ex ingenio morbi, quod ex obseruationibus itidem innotuit, verendum sit, quod tamen verendum non semper est, & sæpe frustra timetur (x), ne in corpore maneat materiæ febriculosæ particula quædam ὑποσφοδρῆς, sed subtilissima, sine sensibili mole, sine æquilibrîi turbatione, sine motu morbofo, sine noxa tantisper vlla, particula nempe ita immota, vel immatura, vt percipi, attingi, aut amoueri non potuerit: quum verendum sit, inquam, ne hæc materia, suo tempore maturata & mota, denuo sponte augeat, iterumque tonum & excretiones turbet; indicatio superest prophylactica, quam secuti, iusto certoque tempore, quo iste motus incipere nititur, quod historia medica docuit, medicinam adæquatam repetimus. Ita tum excretiones naturales, præsertim perspirationem insensibilem (y), quæ tenui illi particulæ residuæ maxime apta est, tum motum tonicum (z), & æquilibrium œconomi-
amque

(u) v. *Sydenham. epist. i. p. m. 377. cl. Torti therap. special. L. I. c. 3.* vbi causæ eleganter enarrantur & confutantur, ob quas apud quosdam perperam male audit cortex. Inter has præcipua est vanissima hæc dubitatio, ex opinionum commentis oriunda, ex quibus, & scholarum opinantium auctoritate, & facili assensu hominum artis ignorantium, quos per aliquam fucatam & penitiori experientiæ oppositam veri speciem terrere facile est, enatæ sunt omnes illæ noxiæ & præiudicatæ de noxa innocentis remedii nescio qua persuasiones. Atque his, dum a tempestiuo, efficaci, adæquato remedii usu absterrentur homines non satis experti, præpeditur passim, immo vere noxiis experimentis turbatur experientia. Hoc habeant tantisper responsum, qui ambigui quærunt: vnde ergo fiat, quod tot censuras incurrat remedium, si per se innocens

fit, & adeo vtile, modo recte adhibeatur.

(x) *Torti therap. special. p. 173.* "Aliquando recidunt ægri, si in ipso morbi vigore cortice curantur, sæpiissime non recidunt: præterquam, quod recidiua vel inhibetur continuo remedio, vel, si prorsus inhiberi non possit, saltem debilior solet esse radice sua., id. p. 15. "Tam levis sæpe sæpius est accessio-num recursus, vt nonnunquam expediat febrilis fermenti reliquias ipsi effervescentiæ febrili, duobus vel tribus accessibus dissipandas, relinquere.,

(y) *Hofmann. fundam. medic. c. 3. §. 37.* "recidiuæ febrium creberrime fiunt a transpiratione prohibita.,

(z) Recte *Helmontius opp. p. m. 404.* "nisi nerui firmentur, facile morbi recidiui fiunt.,

amque corporis, manifeste facta tecta seruamus: quo præstito vltimus febris fomes extinguitur. Etenim, si omnia recte fiunt, vel nihil plane febriculosi amplius apparet, vt pateat leuem illum vaporem, si quis superfuit, extinctum esse & exhalasse; vel, si quid a materia residua leuiter mouetur, id eodem, quo iam diximus, modo, factis pro nisu naturæ euacuationibus sensibilibus aut insensibilibus, & tono in robur naturale restituto, ita e corpore eliminatur, vt facile iterum integra redeat sanitas, & maneat integra, si repetatur remedium, quoad opus est, atque ita funditus deleatur dispositio febrilis (aa): quod experientes quiuis comperire possunt

(aa) Ponamus etiam, esse quasdam febres sua natura alio modo *ὑποσφοφωδεις*, vt post longius, aut incertum tempus, aut post annum fere, redire ita moliantur, vt vltimum morbi seminium, si quod superest, temporaria nostra curatione exauriri non possit. Nescio, vti iam supra dixi, & nemo scire potest, annon istiusmodi febres fero redeuntis noui potius sint morbi, pro corporis, & diætæ, statusque epidemici ratione, æque ac primus, geniti, quam vt a radice quadam veteris *ὑποσφοφωδεις* repullulare reputari debeant. v. *Traversarius* ap. *Lancisium* p. 303. sqq. *Monginot* apud *Blegny*. "Si quis sibi fingat febrem post menses aliquot ingruentem reliquias esse præcedentis, fraudem sibi facit: eiusmodi reditus recentibus ex occasionibus suscitantur., Observatæ tamen sunt eiusmodi reuerfiones feræ, & maximæ annuæ, immo quotannis redeuntis, per omnia sæcula, & notantur hodie sæpe sæpius sine corticis vsu. Ante triennium curauit futorem, qui, inde a sedecim annis, quotannis febre tertiana, per quinque vel septem paroxysmos, grauiter afflictus, semper sine corticis

vsu conualuerat. Quum autem ita duplicaretur morbus, vt continuus appareret, cum cardialgia in quinto paroxysmo, quæ ægre tolerabatur, fugavi & deleui penitus febrem remedio specifico: neque illa adhuc rediit. Nec a longinquo febris seminio, si quod est, quod affirmare nemo potest, nocumentum vllum notatur; præter ipsam forte illam, eamque facile sanabilem, febrem recidiuam, vel motum febrilem. Et vti eleganter *Tortus* therap. special. p. 17. dicit: "quid tum? anne semina peponum asseruata gignent cucurbitas? sic & semina tertianæ, aut quartanæ, si sibi finantur, ad summum tertianam iterum, vel quartanam, reproducent. Neque enim, si res examinetur, quicquam deterius succedere consueuisse, demonstrant ipsæ, quæ nonnunquam subsequi solent, recidiuæ confirmantes, vt vt mille alia infortunia, post sæculum aduentura, inde præstant, reclamante licet quotidiana experientia, nonnulli vaniloqui., Sed & his reuerfionibus, si eueniunt, radicitus extirpandis, vel non opus est adhibere corticem, dum alia facile sufficiunt, vel sufficit ipse, si

sunt (bb). Si qui sunt, qui id sibi non compertum dicunt, sed nescio quid non noxii post eius remedii præbitionem infecutum narrant, iis lubens fidem adhibeo. Historicas veritates, quæ, uti dicitur, facti sunt, non nego. Attamen ab istis obseruatoribus æquiter peto, ut mihi, totque me longe potioribus testibus, itidem fidem adhibeant. Quumque evidens sit, ea, quæ in febrium fuga præstantur, ipsi cortici deberi, & innumeris ægris effectus penitus faustos & constantes inde consequi; cogitent velim, si quid sequius inde effectum alicubi dari obseruent, vnius rei plures esse posse causas, inquirent in causas veras, accommodent iis methodum, & tunc, si sine præcepta opinione iterare, ad regularum normam, perfectiora experimenta haud grauentur, ipsos hosce, qui contra senserant, mihi consentientes omnino spondeo. Præstitis iis, quæ modo deduximus, consequitur sponte naturæ, cuius iam functiones suo sibi ordine constant, neque amplius per turbulentos febris motus, spasmosque viscerum, neruorum, locorumque secretionibus & excretionibus dicatorum, irritantur aut cohibentur, consequitur sponte naturæ, inquam, vel idoneis, ubi opus est, remediis impetratur facile, ut, si quid abundantis, aut per febrile *μιασμα*, & motuum incendium, corrupti humoris in corpore superest, blande tutoque ad exitum desponatur. Id

eo opus esse videtur, & eodem modo, quo diximus probauimusque, integram sanitatem, eamque denique constantem, sine noxa restituit. Quod qui omittunt, quando alia non sufficiunt, aut qui nescio quos morbos sibi curandos ponunt, si materiæ febriculosæ facile medicabilis motus sentiunt, næ illi suæ culpæ, non remedii innocui, noxam accusare debent.

(bb) Si quis nihilominus dubitare velit, an non superesse debeat obstricta in corpore materia febrilis, dubitet per me licet. Et quid non in dubium vocare aptus est præceptis opinioni-

bus turbatus animus? Ego tamen cum doctissimo *Torto* respons. latrapolog. p. 452. "me sponte recipio inter medicos credulos, quibus facile imponunt *abditæ huiusmodi febres, quæ* finunt ægrum facile cibum appetere, bene ferre, melius nutrirî, optime quiescere, vires resumere, equitare, iter facere, ludere, sine lassitudine, sine molestia, sine siti, vno verbo, sine vilo febris indicio. Necesse est ægro latentem huiuscemodi febrem toto vitæ suæ tempore circumferre., O mirabilem necessitatem! o suauem & vere salubrem febrim!

Id vero omne non nisi cum ingenti molestia, neque sæpe sine periculo, per ipsos motus febrium paroxysticos præstitisset vel ipsa natura (cc), vel ars cum expectatione curandi (dd), immo nescio an in morbo periculoso aut pertinaci omnino præstare sæpe potuisset (ee).

- - peragit tranquilla potestas,
Quod violenta nequit (ff).

Deo

(cc) Lockius ad Sydenham. p. m. 37.

*Hactenus ipsa suum timuit natura
calorem,*

*Dum sæpe incerto, quo calet, igne
perit.*

*Dum reparat tacitos male provida
sanguinis ignes,*

Prælusit busto: fit calor iste rogos.

*Iam secura suas foueant præcordia
flammas!*

*Quem natura negat, dat medicina
modum.*

(dd) Legi merentur elegantes ill. Stahlianæ notæ, quibus decorare lubuit Haruei de arte curandi per expectationem libellum, vti Schelhammer. de natura p. 262. sqq. notat, insulsum, iniuriosum, putidum, & bono viro indignum: cui consentit Lentilius iatromnem. p. 170. sq. 465. sq. 631. vbi stultitiam Haruei ridet, & libellum famosum ac sordidum vocat. Neque docet ille liber artem expectatione curandi, aut remedia expectationis commendat, vt putasse videtur magnus Brunnerus de glandul. duoden. p. 147. & cl. Clauderus in diss. de morbis acutis febre stipatis §. 16. Sed auctor libellum in totam medicorum suæ regionis cohortem iniurium, & plane alia tractantem, eaque maximam partem ineptissima, incongruenti titulo or-

nauit, forte vt suspensa hedera vinum putidum vendibile fieret. Solo quippe cap. 1. ars expectationis non cum laude, sed cum irrisione, describitur, qua, vt ait, medentes "in grauioribus morbis omissione trucidant, & leuiores morbos curare videntur, aliquid agendo nullius momenti.," Annotationes viri illustris sapienter docent artem, vel per expectationem, vel cum expectatione saltim, curandi, vtilissimam sane, immo necessariam, quoties salutem certam & securitatem spondet morbus tolerabilis, aut nullum remedium specificum & adæquatum medicina nouit.

(ee) Haud ineleganter Helmontius in libello: ignotus hospes morbus l. c. "Natura stans suis ipsamet medetur morbis, spontanea bonitate, & mox quoque ambulare potest, quod folius est sanitatis. Sedens tamen natura, etsi sua sponte stare, atque tandem ambulare possit, surgere tamen cogitur, antequam stet, atque ideo ambulat difficilior. Ast natura iacens, nunquam ex se surgere potest. Immo nec sat est surgere. Nam nisi nerui firmentur, facile morbi recidiui fiunt.,"

(ff) Claudianus.

Deo sit gloria, medicinæ omnis, & huius remedii opportuni, efficacis, adæquati largitori (gg)! Restituta ita per medicamen, quo tonus euidenter roboratur, & humores indigesti coquuntur, naturæ æconomia melius sæpe, quam ante febrim, & ante curationem, se conseruat (hh). Ipsæ vero remedii huius vegetabilis particulæ in corpore sano nihil immutare obseruantur. Quamdiu febriculosi aliquid ægro in corpore superest, mutationes ab adsumto medicamine specifico sentiuntur. Restituta functionum integritate, drachmas plures quotidie deuorabis sine sensu commodi aut incommodi, quasi crustæ panis totidem drachmas comedisses, quod mille & mille homines testari queunt. Sexcenties ego, vt vel remedii bonitatem degustando explorarem, vel animi caussa, vt ægrorum nausæ amice illuderem, drachmam vel amplius deglutiui, & idem sibi vsu venire, neque quicquam se inde persentire, alii medici affirmant. Particu-

(gg) *Sydenham. de variolis confluent. & passione hysterica p. m. 519.* “quàm-
“uis in febrium curatione egregia
“præstet, ne dicam miracula, cortex,
“atque eodem tum ipsi libenter vta-
“mur, tum vxoribus liberisque vsur-
“pandum imperemus, quoties res
“postulet; sunt tamen, quibus haud
“minus iam displicet, quod tam cer-
“to subitoque morbos expugnet, quam
“olim displicebat, quod non nisi nu-
“per his terrarum oris innotuerat.
“Quo. quidem fato tum optimi qui-
“que viri, tum etiam præstantissima
“quæque remedia semper fere vrgen-
“tur. Verumtamen ad hanc notam
“indolem nostram licet experiri, ho-
“minesne boni simus, an vero pro-
“brosi, pro gradu quo vel exsulta-
“mus, vel dolemus ac ringimur, quo-
“ties publica res hominum comuni
“aliquo beneficio, ac numinis fauo-
“re augetur,,. cl. *Torti therap. spec.*
p. 12. “Reperitur ex voto remedi-
“um omnis omnino prauitatis ex-

“pers, febres momento temporis fu-
“gans, nullos in corpore tumultus
“excitans, nullam penitus molestiam
“pariens, ac si nihil sumisset æger.
“Numquid forte illud audax quidam
“chymiater, ex antimonio vel ex mer-
“curio sublimatis, eleganti periculo
“fabrefecit? minime gentium. Non
“alium opificem habuit china china,
“quam deum, & a solo deo omnem,
“quam nacta est, febrifugam virtu-
“tem recepit. Anne ergo deus illa
“vtitur in humanum genus specie
“inuaminis in vltionem peccatorum,
“cum illi tantam vim indidit, vt ea
“demum deluderemur, vt ea nos per-
“deret? Absit hæc a nobis ingrati
“animi blasphemia!

(hh) Memoranda hanc in rem exempla plurima inexpugnabilia habent auctores, quos passim hic nominauimus, & quotidiana ostendit experientia, & partim ipsi adducimus, & alia occasione plura ostendemus.

ticulæ profecto huius medicamenti facillime digeruntur (ii), vti ceterorum ex vegetabili naturæ regno pro alimentis & medicationibus desumptorum, immo facilius forsan, quam pleraque alia, ob vires amaras & tonicas, in quibus qualitatum excessus nullus est. Si quid fæcum inest, id naturaliter, quantum opus esse potest, excernitur, atque nihil omnino a ceteris quotidie assumtis eam in rem singulare & diuersum, nihil corrosiui aut inflammantis, aut quod vlllo modo opinionem de noxa exinde prouentura fouere possit, indagatione physica, medica, chimica, reperire, aut qualitercunque prudenti coniectura augurari licet. Neque vero quemquam hodie medicinæ peritorum medicamenti particulas per se corpori noxias serio reputare crediderim. Si quis ex medicinæ imperitis ita adhuc somniet(kk), huic experientia vera & doctrina medica respondere debet:

Crede

(ii.) *Bœclerus ad Hermannii cynosur.*

P. I. p. 206. “nescio, inquit, quo iure huic medicamini, e regno vegetabili deprompto, aliud, æque adstringens, e regno minerali desumptum, minusque domabile, præferatur,,. Crocum martis antimoniatum *Stahlii* intelligit, quem, quorundam solum Germaniæ medicorum & breuioris temporis experimentis exploratum, sunt, qui cortici penitus substituere, & præferre tentent, quemque nos quidem haud reiicimus, sed ad febres fugandas longissime imbecilliores nouimus, tum propria, tum aliorum, qui auctoris auctoritate, ex eius principiis & methodo tentarunt, experientia, quam vberius suo loco declarabimus. Neque ipse inclitus remedii eius inuentor parem cortici potestatem prædicat in febribus indolis pertinacis aut perniciosæ, & vbi efficacem & certam medicationem vrgent indicationes.

(kk) Mirum est, quam ridicula hanc in rem somnia, sed quam simul noxia, imprudentes & indocti apud sui si-

miles effutiant. Laborabat ante quadriennium iuuenis, cauponis filius, febre quartana. Per semestre tolerato morbo, medicum consulit. Præscribitur post alia electarium ex cortice. Superuenit a discessu medici senex compotator garrulus, audit laudari chinam, & “tune, inquit, “adeo vitæ tuæ pertæsus es, vt chinam sumere velis? a iuuentute inde mea semper audiui, periculosa esse medicamenta *chinica*, *chinische* “*Sachen*,,. Nempe confundebat nugaculus homuncio *chimica* medicamina, olim adeo exosa, cum recentiori hoc *chinæ* nomine, de quo in iuuentute nihil sane inaudiuerat. Absterretur interim æger, omittit medicinam, & dum extra paroxysmos sat bene habet, & febris salubritatem laudari audit, naturæ per tres menses alios rem relinquit: donec, aduentante hieme, in pleuritidem sinistri lateris violentam incidit, die paroxysmum febriem præcedente. Augebatur morbus interuentu cuiusque accessionis, quæ typum exquisitum fer-

Crede mihi! vanos res habet illa metus.

Veros vero habet metus ipsa materia febrilis, ipse morbus, qui & hoc & alio remedio quouis, & naturæ vacillantis robore, imperfe-
cte

feruare non desinebat. Sexto pleuritis die, mane, post exantlatam ea nocte febrem quartanam, aduocatus tandem ego, reperio ægrum misere pleuriticum simul, & phreniticum, ægre spirantem, nihil exspuentem, tremulum, & delirum, cum furore, pulsu durissimo, tendinumque subultu. Subito sanguinem e vena sinistri brachii mitti, vesicatoria brachiis, cruribus, nuchæ, admoueri iubeo, & remedia emulsa, diaphoretica fixa, decoctum pectorale, aliaque isti morbo apta, faucibus inuito infundi, & extus applicari curo. Altero mane, quum tremor & spasmus cessasset, ac inde a vespera ad mentem aliquanto saniores æger rediisset, ceteris tamen symptomatis, & dolore pleuritico, vrgentibus, & sputo parco sanguinolento vix procedente, dum pectus acute strepebat, venam iterum in eiusdem lateris pede aperiri facio. Vesperis sudor bonus tota nocte durans succedit, mane diei octauæ mens sibi constat, spiratus sine strepitu facilius est, dolor valde imminutus, sputum paucum, coctum & facile, pulsus mollior, sed semper frequens. Pomeridie redit quartana, & cum ea spiratus grauis, delirium ingens, tremor, tendinum spasmus. Hæc mane diei nonæ remittebant, quamuis mente nondum bene constante, febre sine intermissione persistente, & magnopere debilitato homine, dum vrina, quæ per inflammationem flammea limpida fuerat, iam, post solutam pleuritidem, crassa, cum sedimento obscure viri-

descente, apparebat. Tum vero alium perniciosæ illius quartanæ paroxysmum non expectandum esse ratus, exhibui statim corticis drachmam, & per trihorium repetii, vt, sescuncia absunta, accessionem die vndecima expectandam tantum non iniberem, symptomata ferocia omnino reprimerem, atque die duodecimo *απυρεξια* reperiretur. Deinde continuatum est ex arte præscripta, & repetitum tertia quaque hebdomade, idem remedium, cuius, vt tutus præstaretur conualescens, octo uncias sensim sumsit. Atque ita plane in integram sanitatem restitutus, hodieque vegetus valet, ægre ereptus periculo, in quod ineptissima censura, & iniecto metu medelæ febrifugæ, præcipitatus fuerat. Exemplum hoc narrare lubuit eius aphorismi, quem supra ex *Hippocrate* adduximus, de quartanis in morbos acutos periculosos degenerare solitis: dum vicissim laudatissimæ illæ febres, in corpus acuto morbo eneruatum irruentes, lento gradu trucidare sueuerunt, vbi medela specifica procrastinatur. *Pechlin.* obseru. p. 276. "In morbo epidemio, qui ante viginti annos Lugdunum in Batavis diriter excruciebat, plurimi, qui morbi acuti malignitatem superasse videbantur, sibi redditi, tandem in quartanam, ex hac in icterum, atque in hydropem incidere, *funestos plerumque morbos*.. Iste vero morbus acutus, qui annis superioris seculi 69. & 70. Lugduni grassatus est, febris fuit tertiana intermittens, sæpe in continu-

ſte extinctus, & diuerſimode mutatus, dum prauis conſecutionibus imperitorum hominum oculos ferit, vana illa ipſis phantasmata effingit, de noxa, quam morbus intulit, in medicamento particulis hærente, quæ, ni nociuis opinionibus rectus uſus prepediatur, noxam illam auertere poſſunt, ipſæ plane innocuæ.

§. IX.

Medicamenti ſecuritas exemplis declarata.

Pauca ſeligere & ſuperioribus ſuperaddere placet ſpecimina, quam fruſtra ſint, qui reliquias febris aut medicinæ, abſoluta cura, metuunt. Nihil eſt, quod aliqui ad eiſmodi experientiam muſſitant: latere noxam ſub ſanitatis ſpecie, poſt tempus neſcio quod ex inſidiis prodituram (a). Quando ergo iam remedium vllum, imo vel alimentum, ſalubre fuiſſe iudicabitur, ſi ita nodum in ſcirpo quærere lubet? Credo, ſi quis eorum, qui cortice uſi ſunt, poſt aliquod tempus enſe confoſſus periret, pars culpæ in chinæ reliquias coniiceretur, & a vulnere abſolute mortifero abſolueretur homicida, ſi illis vitilitigatoribus iudicium deferretur. Duodecim, & quod excedit, anni ſunt, quod hæc mihi medicina uſu explorata eſt, & vnde-

am verſa, ſæpe in morbum chronicum degenerans, utroque modo valde grauis, & *duabus ciuium tertiis exitialis*, & *reuerſionibus*, ſine fere diætæ errore, *ſola ſtatuſ epidemii culpa*, grauiffimis & frequentiffimis obnoxia, dum cortex Peruvianus, qui, ſi fuiſſet bene notus, vnice forte ſuppeties tuliffet, nondum ibi a medicis uſurpabatur. Eant, qui ſecuritatem februm intermittentium prædicant, medelam febrifugam criminantur, & legant hæc vberime declarata in hiſtoria eiſ epidemiæ apud *Sylvium*, prax. med. append. tract. 10.

(a) *Bontekœ* de febris p. 77. “cum
“ignorantes, animaduertunt felices

“remediorum ſucceſſus, opprobria
“euomunt, metum iniiciendo bene
“valentibus, dicentes: quamuis æ-
“gros curauerimus, malum nihilo
“minus poſt vnum alterumue annum
“denuo euigilaturum, mortemque
“infallibiliter ſecuturam. Verum ca-
“lumnia hæc tam inſulſa & abſurda
“eſt, vt nullam mereatur reſponſio-
“nem. Nam præterquam, quod
“*euentus contrarium oſtendit*, abſolu-
“te impoſſibile eſt, *remedium aliquod*
“*excellens*, quo omnes curantur fe-
“bres, ægrique perfectæ reſtituantur
“ſanitati, poſt duos annos lethale
“euadere venenum. Vide quouſque
“ſerpat calumnia & ſtupiditas, bonum
“pro malo, & malum pro bono, ac-
“cipientium,,!

undecimus labitur annus, ex quo, numerosa in praxi vsus eius frequens fuit, & quos eius ope curavi complures, a primo inde tempore, adhuc sani degunt. Post innumera summorum & fide dignissimorum obseruatorum testimonia, ipse ego, minimus omnium, tot felices & constantes, immo stupendos, ex isto remedio successus vidi his oculis sensibusque vsurpau, tot ex aduerso febrium infelices sponte euentus, quos scio me isthac curatione sola certo impedire posse, vt sensum omnem eiurasse me opportheret, si præiudicantium censorum vagæ opinationi fidem potius adhiberem, vt improbus forem, & medici cordati nomine indignus, si medelam adeo certam & insonrem ob aliena iudicia omitterem, si morbus ea domabilis haud fidus innocuusque esse videatur. Nihil iam de longe plurimis aliis ægris dicam, quos, aliorum medicorum egregiorum ope, continuato huius solius remedii vsu, solide curatos vidi & noui: prætereo, quod, sæpe sæpius expertum, vel solum securitatem probare potest, felix fatum quam plurimorum hominum, cuiuscunque ætatis & habitus, quos, empirica arte qualicunque, vel statim plane sanari hoc remedio, vel per varios casus & reuersiones, ingenti copia corticis sensim deuorata, tandem integræ sanitati sponte, vel ea ipsa curatione, restitui contigit: id quod, si quid noxii, seu naturæ inimici, in ipsis remedii particulis hæreret, aut si febris eo curatæ materia adeo insuperabilis esset, fieri nullo modo potuisse, facile patet. Tunc enim statim sanitas rediit, cum febrilis, aliaque forsan coniuncta, dispositio morbosa vel deflagrauit, vel correctæ & extinctæ est, quantumcunque eius remedii in corpus adsumtum fuerit (b).

Anno

(b) Notandum hic est, quod cl. *Torti* therap. special. p. 277. notat. "Cel-
"ticarum legionum chirurgi non
"pauci (ceteris sua sit laus) in prin-
"cipio quarumvis febrium, quoquo
"modo periodum habentium, dilu-
"tam infusionem aliquot vnciarum
"chinae chinae suis aegrotantibus
"sine ulla ferme methodo propina-

"bant: quo fiebat, vt persæpe aduo-
"carer tractu temporis ad eos inui-
"sendos, quoniam & inde plures
"contumacesque recidiuas, & malum
"corporis habitum, & nonnunquam
"acutas aegritudines, contrahebant.
"Quae mala cum pluribus accidisse
"obseruarim (licet plurimis etiam res
"ex voto successerit, aliisque eadem
"infor-

Anno huius sæculi vicesimo septimo, quum ferox per æstatem appareret febris tertianæ epidemiæ ingenium, vocabar ad virum robustum fere sexagenarium, qui, postquam iræ violentæ vini potum superindiderat, in tertianam febrem erat prolapsus. Alter decurrebat, quum vocarer, paroxysmus, isque vehementer anxius, cum cardialgia, dolore ventris, laterisque in primis dextri, delirio, somnolentia. Nihil agebam, nisi quod diætam iustam, & mixturam diapnoicam cum solutione lapidum cancrorum & nitro, præscriberem. Soluebatûr accessio, &, quum sudor sufficiens promanasset, aliusque enemate nitroso laxata esset, belle habebat *ἀπυρεκτος*. Vix ergo aliquid mali suspicatus, continuari mixturam iubeo, donec tertius accederet paroxysmus. Accedit, eheu, sub vesperam, ingrauescit nocte, ruit in carum, carus in apoplexiam, apoplexia, quam summo mane accitus vidi & obstupui, in ipsam mortem subitanam.

Altero die nuntiatur simile fatum viri ætare florentis, quem alius medicus egregius curauerat: narratur adhuc aliud atque aliud exemplum æque infelicitis successus intra paucorum dierum spatium observatum. Perterrefactus sum merito, & neque me neque alium quemquam sponso rem reperi pro securitate febrium vere intermittentium, aut valde remittentium, sed æque ac illa, quam funestam videram, vel magis ferocium. Quarum magnus & indies augefcens numerus quum anxium me haberet, ea ipsa hebdomade, ultra triginta ægris; quos adhuc notos numero, in quibus, dum ipse ad lectulos probe omnia perpendebam, ob symptomatum notabilem vehementiam, aut ob vires debiles, periculum aliquod verebar, corticem efficaciter exhibui, eosque ad vnum omnes saluos & incolumes intra paucos dies præstiti. Maxima pars manserunt statim sani,

“infortunia contigerint cortice nequaquam curatis) aliena impensa
 “alienoque periculo didici, aut mihi
 “didicisse sum visus, corticem Peruvianum indiscriminatim in omnium
 “febrium, etiam periodicarum, prin-

“cipiis non semper tuto exhiberi,,
 Noxas eiusmodi ex abusu empirico
 saepe itidem observauimus, legitima tamen methodo ita sanabiles, vt proprie non remedium nocuisse, sed morbum male curatum, pateret.

ni, repetita, vti tunc mihi moris erat, ad *Sydenhamii* normam, curatione pro reuersione præseruanda; pars in febrem postea relapsi sunt semel, pauci amplius, partim propria, vel morbi & aeris culpa, partim quia methodus reditum præcauendi nondum tunc exquisite mihi vsurpabatur. Relapsi tamen sunt sine periculo (c), & curati feliciter, & sospites supersunt omnes.

Numerum hic inire nequeo tot aliorum, qui similiter seruati superant. Multos nouimus, & quotidie videmus, qui vegeti senescunt, posteaquam ante plusquam triginta annos (d) copiose ex arte ministratus cortex sanitatem ex febribus restituit. Medicus quidam ex his, quorum methodo, vltra quinquaginta annorum spatium, hæc talia præstita sunt, ante aliquot annos senio meritisque grauis decessit, qui, per multorum annorum seriem, verno quotannis tempore, sanus, robori visceribus conciliando, & promouendis excretionibus, per aliquod hebdomades hoc remedio vsus est. Saepiuscule præterea, si quando deiectum aliquo modo tonum ventriculi, aut aliquam cruditatem sensit, vnciam vnā atque alteram sensim deglutiuit, & effectum laudauit. Simili quotannis medela *προφυλακτική* vsus est (e) Ludouicus XIV. Rex Galliae, cuius vegetam senectutem Europa nouit. Idem anno superioris saeculi LXXXVIII.

cor-

(c) "Sed re vera,, (sunt verba cl. *Torti* therap. special. p. 174.) "nonnunquam transactae procellae obliti aegrotantes, & ab hominibus male feriatis, cum recidunt, seducti facile exclamant: satius fuisse febrem finire, a qua fortassis euasissent, absque taedio recidiuarum. Profecto receptum beneficium non exprobrarent, si febre illos iugulanti relictī fuissent. Sed probi viri est, cunctos seruare, quos potest. & ferere beneficium, etiamsi sit messorum calumniam. Non sic aiunt postea, cum alios cernunt, in simili-

"bus circumstantiis, hoc remedio hacque methodo destitutos, perire,,
(d) In cl. *Torti* therap. pag. 165. scriptum inuenio: "experientia mea, respectiue ad vsum innocuum chinae chinae generaliter, est *annorum circiter quinquaginta*, praeter experientiam praeceptoris mei, ab ipso corticis in Italiam aduentu initia sua fortitam; respectiue vero ad vsum largiorem in perniciosis febribus, est *annorum quadraginta*: quod potest sufficere ad firmandam *ancipitem pusillorum fidem*,,

(e) cl. *Torti* therap. special. p. 354.

corticem ex methodo *Talboriana*, hoc est, perquam copiose & diu, pro febre fuganda, in puluere etiam maxime, sumsit, postmodum vero, quoties sanus, prae cautionis causa, corpus pharmaco purgavit, eodem medicamento per aliquot deinde dies usus est, ut naturae robur servaret, motusque forsan metuendos compesceret (f). Summus quondam in his provinciis sacrorum antistes, anno huius saeculi XXII. novem & octoginta annos natus, &, ad extremum usque senium, mirabili cum vigore mentis & corporis magnis negotiis operam navans, marasmo senili placide extinctus est. Laboravit circa superioris saeculi annum LXXXV. febre quartana, quae per novem menses, a medico tunc hic loci primario doctissimo experientissimoque, multa arte frustra tractata fuit. Duplicabatur & incrementa capiebat febris, cum virium & functionum corporis dispendio, gliscentibus, quae plerumque antea litteratissimum virum affligerant, pathematis hypochondriacis. Innotescebat eo tempore usus corticis efficax & continuatus *Talborianus*. Itaque idem medicus illustris, copia insigni medicaminis tum fere hic ignoti comparata, & sufficienter diuque satis repetita, plenam viro sanitatem ita restituit, ut a febre ceterisque, quos antea valetudinarius fere semper tolerarat, affectibus constanter liberatus, ad mortem usque praedicarit viuacem viridemque senectutem illi febre, illo remedio persanatae, deberi. Vir nobilis ad haemorrhoides caecas & podagram pronus, ante quinquennium & ultra, a cephalaea enormi, deliriis, horrendisque convulsionibus epilepticis, ex fomite febriculis ortis, paucos intra dies per corticem liberatus, & quasi ex cymba Charontis reductus, deinde legitime repetito, immo ultra necessitatem trimestri remedii usu, postmodum etiam lactea dieta, egregie refocillatus est. Altero deinceps anno, hoc primum medicamine, per mensem aliquoties quotidie usurpato, tonum nervis visceribusque integrum praestare, & horridi morbi metum omnem praescindere, deinde lactea dieta alimentum corpori dulce ministrare, saluus repetiit, iamque hanc quovis vere feliciter instituit, nullo recidivae febris, aut alius pravae consecutionis metu. Podagra item & haemor-

(f) *Les admirables effets du kinkina* p. 27. sq. 44. sqq.

hæmorrhoidibus aliquoties deinde, pro corporis habitu, laborauit, neque vllum apparuit febris redeuntis indicium, quod ab illo organo, nisi plene curata sit, euenire alias solet. Puer iam sexennis, chirurgi periti filius vnicus, ante biennium, & quod excedit, laborabat variolis impense confluentibus, cum maculis purpureis pluribus interspersis. Vita vix conseruata, declinantibus post diem XXI. variolis, misere tamen, in corpusculo vehementer debilitato, excruciabatur abscessibus hinc inde erumpentibus, & febre continua, alternis diebus exasperata. Quarta ab ineunte morbo hebdomade, cum & febris & constitutio ἀποσηματωδης aliis remediis nihil concederet, viresque labascere magis magisque viderentur, proposuimus hoc remedium, similibus in casibus sæpe nobis, post *Mertonum* aliosque medicos inclitos, feliciter exploratum. Sumsit aeger lubenter electarium ex cortice simplici & syrupo aliquo, eiusque intra quinque hebdomades vncias plus quinque, ad plenam vsque sanitatem, absumsit, eo sensim cum effectu, vt febris, primum imminuta, cessaret, vires cum appetitu incrementa caperent, abscessus, accedente sollicita patris ope chirurgica, sanescerent, nouique emergere desinerent, & habitus corporis validus euaderet floridusque. Integra exinde valetudo inconcussa ad hunc vsque diem perstat. Puella iam triennis, filia mea, matre debili, per grauididatem valde febricitante, nata, lacte minus salubri nutrita, breui post ablaetationem annicula corripitur languore insigni, anorexia, macilentia indies augescente, tussicula, febre primum anomala, dein manifestum duplicis quartanae typum adsciscente, sed lentæ & haud plane intermittentis. Praebetur, praemissa purgatione κατ' ἐπιμερίαν, cortex in electario (g), vt drachma & ultra indies absumeretur. Melius statim habuit, cessauit breui febris, & repetito iustis interuallis medicamine, integre curata est. Sed cum indies maius corpori, a natiui-

(g) Plerumque alias sufficit infantibus extractum cum aqua paratum, ad modum *Apini*, quod in liquore grati saporis pauco vel multo solutum, guttularum vel potionis forma, ita per trihoria fere, in paroxysmorum in-

teruallis, exhibere soleo, vt, verbi causa, bimulis decem plus minus grana pro singulis dosibus exhibeam, continuemque & repetam, pro iuuamine eueniente, & pro nisu reciduo, secundum regulas,

natiuitate inde languidulo, robur ex continuato vsu nasci videretur, & auide infantula medicinam deuoraret, placuit eidem etiam deinceps insistere. Itaque infans tunc annicula, ante biennium, per trium fere mensium tempus, vltra octo corticis vncias consumsit, iamque corpore & animo belle valet, ac incrementa capit, feliciter nuper exantlatis variolis cum febre scarlatina periculose complicatis, post quem morbum denuo per dies quatuordecim sumsit corticem, non nisi vt appetitum, vires, ac vigorem reciperet, & eximie recepit. Vir nobilis, aliquot vltra triginta annos natus, patre genitus, qui florida ætate, & ni fallor, phthificus obiit, a multis inde annis ad quoduis frigus perceptum tussi ac catarrhis obnoxius, ante aliquod annos afficitur diuturna tussi sicca sensim ingrauescente, hinc aliquoties haemoptysi, sputo postmodum phlegmatico, neque non purulento, tabescit, cum languore appetitus & virium, febriculæque tabidæ indiciis, & per annum integrum, sub istis symptomatibus, modo magis, modo minus affligentibus, vix per medelam nostram reuellentem, vulnerariam, temperantem, abstergentem, roborantem *ορθoσoαδιος* seruat. Sub hiemem anni XXIX. febris corripit tertianæ indolis intermittens. Ministratur statim, periculi iusto metu, post duas accessiones cortex, & ea cum felicitate continuatur, cum syrupo diacodii in electarium mixtus, vt, cessante febre, robur corpori accessisse, morbo veteri decessisse, obseruaretur. Repetito aliquoties ex methodo, per alternas hebdomades, curationis filo, non febris solum constanter absuit, sed aeger adeo per omnia melius habuit, vt lubentissime, per tres adhuc menses continuos, ter quotidie dosin electarii sumere perseuerarit, addito balsamo antiphthifico *Meibomii* ad guttas bis quotidie viginti. Mense deinceps Maio aquas Selteranas cum lacte potauit, atque exinde sanus vegetusque, sine tussi, catarrhis, febre, aliisque symptomatis, munere suo militari, sub aeris saepe iniuriis, fungitur, mortis faucibus eripi visus. Lepidum est, quod circa copiosum corticis vsum, praeter consilium, ante duos mihi, & quod superat, annos obuenit. Vir nobilis, macilentus, haemorrhoidum fluxu ac motibus anomalis, tussi sicca, haemoptysi, catarrhis, flatibus, saepe afflictus, qui ante bien-

biennium, & iterum antegressa hieme, ex pleuritide satis periculosa emerferat, corripitur mense Iulio anni c10 10 ccxxvii. febris tertiana epidemia. Quæ postquam cum tertia accessione in duplicem haud plane intermittentem degenerauit, & hæmoptysin cum tussi violenta comitem adsciuit, non tuto permitti posse iudicata, sed cortice, cum papaueris albi syrupo in bolos redacto, ex methodo profligata est. Nondum penitus conuauerat æger, quum abire hinc, operisque ad aquarum exundantium aggeres præesse, iussus fuit, neque potuit non obedire. Dimisi illum ea lege, vt, præsertim sub paludosorum effluuiorum hauriendorum necessitate, insisteret medellæ, donec me de valetudinis statu per litteras certiolem fecisset, quod post paucos dies facturum se esse, recepit. Verum nihil de ipso comperi, donec sequentis anni mense Ianuario epistolam accepi, qua egregie se valere perscripsit, & consilium petiit, num corticis vsui amplius insistere deberet, cuius quotidie quinquies drachmam dimidiam assumere nondum intermiserit, quia, licet semper detentus operis aquariis, alias sanitati suæ molestissimis, firmitatem indies maiorem valetudinis a multis annis debioris persentiscat, hæmorrhoidibus sine molestia idemdem sub medicatione promanantibus. Annum & diem datarum litterarum male me intellexisse, & forsitan vetustiores alicubi neglectas iacuisse, putabam. Vbi autem veram rem esse, & magnam viri in remedium fiduciam reperi, quiesceret quidem alternis hebdomatibus ab eius vsu, sed alternis idem ter adhuc repeteret, suasi, appropinquante præsertim æquinoctio, quo hæmoptysin pati alias consuevit. Exinde vero, quod sæpius postmodum per litteras, & nuperrime adhuc coram testatus est, optime quidem, & longe melius, quam diu antea habuit, corporis etiam habitu viuio magis & pinguiori facto.

Plurima, quæ nobis constant, parum absimilia, de cortice copiose satis, & diu, vtilitatis, vel necessitatis, vel securitatis causa, & feliciter, & innoxie certe vsurpato (h), in diuersissimi generis constitutio-

(h) Post tot observationes proprias & alienas, equidem non adeo miror, quod haud pridem cl. *Iunckerus*, vir

egregie merens, *Stahlianæ* scholæ doctor, in dissertatione de legitima febrium corruptarum tractatione p.

tutionibus, ob febres ex genere intermittentium, morbos febriles, epilepsiam, choream S. Viti, hæmorrhagias, aliaque παθήματα (i),
repe-

27. sq. scripsit: "Sane nuper ex ore
"præclari cuiusdam regii medici cum
"admiratione audiuius, se, licet
"hunc corticem prodige, & ad vn-
"cias quotidie dedisset, nunquam ta-
"men sinistrum effectum obseruasse;
"a parco autem vsu mala illa conse-
"ctaria, quæ per vulgus circumfer-
"rentur, esse deriuanda., Si, quod
omnia suadent, recte capio mentem
præclari illius medici, id dicere ani-
mus fuit: si opportune, hoc est, mor-
bi indole, & tempore, & corporis
habitu permittente & poscente, cor-
tex datus sit, dosin etiam maiorem
solito, immo, vrgente velocis peri-
culi necessitate, ad vncias indies ex-
tensam, eiusdemque medicaminis
prudenter liberalem continuationem
repetitionemque, ad plenam vsque
morbi extinctionem, nunquam sini-
strum euentum produxisse. Illa au-
tem, quæ per vulgus veræ αιτιολογίας
ignarum circumferantur, praua con-
fectaria non ipsi remedio deberi, sed
dispositioni febriculosæ imperfectius
extinctæ: & quamuis vsus corticis,
vti omnium medelarum, non oppor-
tunus nocere itidem possit; frequen-
tissime tamen peccari in vsu ad mor-
bi proportionem non adæquato, dum
in dosi, continuatione, repetitione,
deficiant vel ægri, vel artifices. At-
que hoc verissimum esse satis hæte-
nus probatum videtur, vberius alia
occasione demonstrandum.

(i) Nuperrime cl. *Hampius*, medicus
Londinensis, natione Germanus, do-
ctissimus felicissimusque, nouum ex-
perimentum ad medicum apud nos
inclitum perscripsit, quod ex eius
epistola mecum communicata hic ex-

cerptare liceat, ipsis scriptoris verbis
latine solum versis. "Non possum,
"ait, quin de cortice Peruuiano me-
"morem, quid primum cl. *Amyan-*
"dus, chirurgus regius, aliique post
"eum, diuini huius remedii ope, in
"sphacelo præstiterint. Nempe sex
"iam prostant casus, vbi sphacelus,
"quamuis ad ossa iam vsque pene-
"traffet, inhibitus plane est, vsu lau-
"dati medicamenti. Dabatur quarta
"quavis hora ad scrupulos duos, vel
"drachmam vnā, donec fescuncia
"absumeretur, quo facto sistebatur
"processus fiderationis. Imitatione
"digna res est, & pariter eam medi-
"cinam ad cancrum coercendum ten-
"tari posse existimo., Sane apud
nos quoque existant exempla, vbi &
vlcera putrida, sed coorta ex μεταστα-
σις materiæ febriculosæ, omnino per-
sanata sunt, & dissipati tumores
glandulosi, ad carcinomatis fere na-
turam accedentes, sed eiusdem fe-
brilis fomitis soboles, & ipse super-
ueniens sub statum erysipelatis, sed
ex febrili fomite oriundi, sphacelus
cohibitus est, dato, tamquam ad fe-
brem fugandam, cortice. Femina
etiam quædam fere sexagenaria, to-
ta sana, pedem dextrum lapsu infau-
sto dextrorsum luxauerat, cum in-
genti laceratione ligamentorum ten-
dinumque, & accedente inflamma-
tione graui. Declinante hac, super-
erant partes plures cutis, musculo-
rum, tendinum fideratæ, remanebat
febris lenta continua, cum anorexia
plenaria, & augescente indies debi-
litate. Obseruato manifeste duplicis
quartanæ typo, mirum est, quam
belle omnia in melius mutata sint,
&

repetere, temporis ratio & operæ consilium prohibent, multa etiam con-

& secundata egregii chirurgi curatio sollicitè extrinsecus adhibita, postquam præscripta methodo febrem quartanam sustuli, appetitum viresque restitui. Pedis tamen ista læsio, sublato licet sphacelo, lente demum sanescit, & feminam aliquo quidem modo, vt non fieri nequiu-
it, claudicantem, sanam tamen præterea relinquit, quam equidem deploratam habuissem, nisi eo nos deus donasset remedio. Supervenit adhuc aliquoties deinde febricula erysipelato-
sa, sed sine periculo deflagrauit. Conf. Excerpt. e Commerc. Noric. §. VII. Caution. med. 1. not. 21.

Quæ de recens feliciter inuento vsu corticis ad sphacelum modo dicta sunt, vberiore explanationem accipiunt ex libello nuperrime edito Johannis *Rushworthi*, chirurgi doctissimi, qui inscribitur *a proposal for the improvement of surgery*. P. 3. sq. narratur historia, quam latine heic reddere licebit. “Anno 1715. ad vi-
rum quendam arcessebar iphacelo in pede ex causâ interna laboran-
tem, cum pulsu inordinato, iis in casibus consueto. Profundas incisio-
nes ad os vsque in parte fiderata faciebam, & circumcirca, quo vs-
que aderat inflammatio, scarificabam, vulgariaque admouebam loco
præsidia. Febris hinc deflagrauit, pulsus non solum euasit tranquil-
lus, sed etiam ordinatus, & intra paucos dies suppuratio in margini-
bus notata est. Linquere ægrum & pharmacopœo committere co-
actus sum. Sed breui post tempore vocatus sum denuo, reuersa febre,
& ad superiores partes progressa fideratione. Eandem, quam prius,

“methodum, simili cum successu, adhibui: sed symptomata priora om-
nia tertium regressa sunt; repetita vero denuo eadem methodo, cessarunt. Inutilem fore amputatio-
nem ratus sum, quippe nimis sæpe reditum mali expertus, vbi causâ
in sanguine & humoribus hæsit, donec tum primum prouidentia me
direxit, vt corticem hoc in casu præscriberem, obseruata febris re-
missione. Respondit vltra expecta-
tionem euentus. Febris non amplius rediit: corruptum crus ampu-
tatum est: & vidi hominem sanum
vegetumque post multos exinde annos. Posthac aliquoties bonum
eum effectum in similibus casibus, haud exigua cum animi voluptate,
notaui, P. 12. sqq. epistola exstat Claudii *Amyandi*, chirurgorum magistri, ad libelli auctorem, vbi p. 14. sqq. “tuo, inquit, exemplo corticem
in omni sphacelo, eodem cum suc-
cessu dedi, qui eos viros egregios, quorum tu (in epistola non edita)
mentionem facis, exhilarauit. Iam curo virum honoratum septuaginta
octo annos natum, qui isti medica-
mini vitam seruata debet. Gangræna primum laborabat ex phleg-
mone. Vtitata remedia videbantur periculum remouisse. Sed, quum
febris sine remissione aut intermis-
sione perduraret, sphacelus subito apparebat, cuius progressus nulla
ope sistebatur, donec vsurparetur cortex, quo factò, viginti minus
horis separatio incipiebat, cum pure laudabili. Idem ante aliquot
annos Iudæo contigit in sphacelo tribus hebdomadibus obfirmato,
quauis medela a variis chirurgis
“fru-

consulto alii occasione referuamus.

SE-

“frustra adhibita: alii item aegro-
 “rum meorum. In septem eiusmodi
 “casibus id medicamen iam praebui,
 “discrepantibus singulorum circum-
 “stantiis; & in omnibus tamen prae-
 “stitit officium: etiam intra hos pau-
 “cos dies in *Delenorio*, balnei in vi-
 “co S. Iacobi magistro, cui fideratio
 “accidit post varias in cruribus hy-
 “dropicis puncturas. Cortex pro-
 “gressum infra viginti quatuor horas
 “stitit, & escharae separari coeperunt.
 “Sed, corpore iam icterico, & eua-
 “cuationibus exhausto, rediit spha-
 “celus, & alterum crus inuasit, vn-
 “de quamvis mortem obierit aeger,
 “vis tamen remedii adeo fuit mani-
 “festa, vt, hoc ceterisque casibus at-
 “testantibus, euidens esse putem,
 “aeque nos de meliori exitu, aut
 “certe de sistenda fideratione ex qua-
 “cunque causa interna, certos esse
 “per corticem posse, quam de febre
 “intermittente per eum superanda.,
 Respondet auctor p. 22. “Eximio
 “cum gaudio percipio, tot tibi ex-
 “perimentis salutarem corticis effe-
 “ctum demonstratum esse: quamvis
 “iste magnam certe partem bonae
 “tuae & aptae directioni debeatur.
 “Monebo solum, in aegra quadam
 “mea, cito nimis omisso cortice, re-
 “diisse fiderationem, intra circiter
 “quinque dies; sed scarificando par-
 “tem, & repetendo remedium, prae-
 “sentissimo rursus effectu beatus
 “sum, iamque mulier perfecte con-
 “ualuit. Et licet antea perquam
 “malo corporis habitu fuerit, melius
 “iam quam aliquot superioribus an-
 “nis habet: id quod ipsa facies cun-
 “ctis, qui antea norant, ostendit,
 “quamvis quinquaginta iam numeret

“aetatis annos., P. 30. exstat episto-
 la cl. *Douglassi* sequens. “Ante men-
 “ses duos vocabar ad virum honora-
 “tum, circiter quinquagenarium, in
 “calce pedis sphacelo ex causa in-
 “terna laborantem. Scarificabam
 “& deligabam secundum artem, &
 “medici eius cardiacum *Raleighi*,
 “rad. serpent. Virg. ceteraque pro
 “more praescribebant remedia. Se-
 “quenti die *Dickinsius* & *Cheseldenus*
 “consulti sunt. Confirmarunt quae
 “a nobis acta fuerant, & pergi ita
 “voluerunt. Fecimus sine successu
 “vilo per dies octo: gliscente fidera-
 “tione, neque remittente febre. Col-
 “latis iterum consiliis, omnes vero
 “haud simile reperimus, aegrum vix
 “*Amegæ* superfuturum. *Dickinsius*
 “tunc corticem proposuit, non pro-
 “pria experientia, sed tua auctorita-
 “te, & *Amyandi*, itidem variis feli-
 “cibus experimentis fortunati. Con-
 “sensere omnes, haud sine aliqua
 “haesitatione. Assumpto cortice, fe-
 “bris statim discessit, stetit sphacelus,
 “digestum est vulnus, delapsae sunt
 “escharae, cum omnium, qui vide-
 “runt, aut fando acceperunt, stupo-
 “re. Ob nouum hunc corticis vsum
 “ad sphacelum, maiores tibi deben-
 “tur gratiae, quam ipsi illi, qui pri-
 “mus vtilitatem ad febres intermit-
 “tentes ostendit., Monet denique
 auctor p. 35. ita experimentum suum
 capiendum esse, quod ipsa ratio di-
 ctat, vt non ab omnibus omnino
 causis internis oriundi sphaceli eius
 medicinae viribus expositi esse iacten-
 tur: quum, quod de omnibus mede-
 lis valet, quibusdam hanc causis pos-
 se non congruere, methodus specia-
 lis quemlibet peritum doceat. Con-
 gruit

SECTIO SEXTA

PROPONIT OBSERVATIONES ET CON-
IECTVRAS AETIOLOGICAS DE MODO QVO
OPERATVR MEDICAMEN, TYPISQVE
ET PERIODIS.

§. I.

Problema & coniectura, de modo, quo cortex operatur.

Soluat huiusmodi syllogismos, experimenta dico tot millies, a tot inclitis viris, per tot annorum seriem, in tot regionibus repetita, quorum veram consequentiam quilibet *αναλογως* experiundo comperire potest, aut taceat opinio, quæ solam adstrictionem, eamque ne quidem per varias corporis partes, motuumque directiones naturaliter diuersas, distinctam, generali edicto, pro vnica corticis virtute, ne dicam pro crimine habet, qua nihil corrigat, nihil mali expellat, nullas secretiones vel excretiones in iustum ordinem redigat, sed omnia obstipet, & materiam febrilem in corpore, veluti strictis cohibeat compedibus (a). Magnorum virorum, quos se-

qui-

gruit certe praecipue, vbi febrilis materia periodica subest, & vbicunque intus in visceribus inflammatio, fideratio, aut abscessus, aut insuperabilis putredo, aut spasmodum fluxionumque impetus continens, efficaciae vtili obicem non ponit. De viscerum obstructione referanda, & humorum abundantia minuenda, in tam praecipiti periculo, ante remedii praebitionem vix licebit cogitare. Sufficiat heic vires medicinae eius summopere in morbo nocentissimo innocuas & eximias, ex aliena maxime experientia, annotasse, quae, in tam desperatis casibus, tanto successu beata est, vt & imitatione prudenti dignissima sit, & vel sola hisce

silentium imponere debeat, si qui adhuc diuinum illud beneficium calumniari, & suspectum reddere, & medicos aegrosque, quantum fieri potest, ab usu eius abstertere amant. Nae isti vereor ne tandem deo, medicinae datori, difficulter rationem reddituri sint, vanae dicam timiditatis, an prae fractae in morborum impetu permittendo temeritatis, immitisque in omittendo miserorum aegrotantium leuamine pertinaciae; ni, abunde moniti, meliora acceptare, & acceptata candide profiteri, aut saltem, donec usum multiplicem ab abusu rite distinguere didicerint, tacere discant.

(a) *Sydenham. epist. I. p. m. 377. sq.*
"Quo autem pacto deprehendemus,

qui videntur sibi, vel aliis videri volunt, qui ita sentiunt, aut loquuntur, non ea est arrogantia, quin potius, vbi de modo agendi per-

“corticem vi sua adstrictoria febres
 “fugare? Qui id probare velit, ne-
 “cesse erit, vt prius alia adstringen-
 “tia pari virtute praedita in medium
 “afferat. Mihi certe, vel eorum for-
 “tissima adhibenti in experimentum,
 “nondum e voto cessit. Quid quod
 “illos etiam sanat, qui ab eius vsu,
 “tamquam a cathartico assumpto, fre-
 “quenter aluum deponunt. Id vero
 “dum est recte sapere, suo se
 “quemque pede ac modulo metiri.
 “Non verebor dicere, quod medici
 “cura omnis atque industria in expi-
 “scanda morborum historia, iisque
 “remediis abhibendis, quæ, experi-
 “entia indice ac magistra, eosdem
 “valent depellere, debeat collocari:
 “obseruata tamen ista medendi me-
 “thodo, quam recta ratio, non spe-
 “culationum commentis, sed trito &
 “naturali cogitandi modo innixa, ei
 “dictauerit.,” Quod de fortissimorum
 “adstringentium vsu sæpe frustra-
 “neo, & impari effectibus corticis do-
 “cet, confirmatur recentiori obserua-
 “tione in *histoire de l'academie des*
sciences a. 1714. p. 37. sqq. Magnus
 “experimentorum numerus ostendisse
 “traditur experientissimis viris *Rene-*
almo (Reneaume) Hombergio, nuce
 “gallarum sat sæpe febres intermitten-
 “tes fugari. Additur vero, notanti-
 “bus viris experientissimis itidem, *Bo-*
ulducio, Lemerio, Godofredo (Geo-
froi,) id medicamentum vel sexies
 “repetitum in febribus tertianis &
 “quartanis effectum caruisse sæpe, sæpe
 “inde profligatam febrim rediisse, ce-

“terisque præter corticem Peruuianum
 “remediis omnibus superiorem fuisse.
 “Immo vero aliorum adstringentium
 “minus expertorum doses eo vsque in-
 “tendere, vt febrim certo profligent,
 “si omnino profligare difficiliorem
 “possunt, quis securum reputet? Ex-
 “emplum in nuce moschata est, quæ
 “tantopere multis laudatur, & a pau-
 “cis pro inseguro medicamento habe-
 “tur. Ea vero, cortice longe poten-
 “tius adstringens, non solum longis-
 “sime minus potenter febres, sed in-
 “certissime deuincit, verum etiam au-
 “cta dosi aluum euidenter stringit, &
 “sanguinem visceraque inflammare, &
 “quod hoc libello maxime notandum
 “videtur, soporem arcessere apta est.
 “*Bontius* de medic. Indor. dial. 5. vi-
 “sum sibi in India memorat, ex nimio
 “eius nucis vsu aliquos per diem vnum
 “& alterum, non secus ac caro cor-
 “reptos, immobiles ac mutos iacuisse,
 “A nimia eiusdem dosi, coma vigil,
 “cum delirio, vertigine, stupore, vi-
 “sus ac loquelæ priuatione, per bi-
 “dium durans notauit *Schmidius* eph.
 “nat. cur. dec. 2. a. 2. obs. 120. add.
 “cel. *Behrens* select. diæt. p. 286. Ta-
 “lia a corticis dosi vel modum exce-
 “dente nemo obseruauit, vt diuersissi-
 “ma diuersorum adstringentium natu-
 “ra etiam hinc satis pateat, quum con-
 “trariam efficaciam experientia mon-
 “stret. Febris per imperfectam corti-
 “cis dosin imperfecte tentata coma ac-
 “ciuit apud *Ramazzinum* constit. epid.
 “p. 149. quod ipso forsan cortice me-
 “dicabile fuisset.

perfecte noscendo quaeritur, cum *Ramazzino* (b) exclament, quod poeta (c) de Nili origine cecinit:

vincit adhuc natura latendi (d).

Quid nos hanc in rem hariolemur, & quo vsque artem in ea peruestigatione certo vel probabiliter experimentis & ratiociniis peruenisse existimemus, alibi aliquando explicatius dicendi locus erit. Præmitti debet illi perquisitioni historia accurata effectuum huius remedii, qui, pro varia ratione methodi & miscelæ, varii sunt, in corpus humanum sanum & ægrotum, inque diuersos eius humores, fibras, motus, sanos morbososque, tum intra corpus, tum extrinsecus, si cui humori admisceatur, vel loco applicetur. Præcedere debet distincta; & ad omnibus opinionibus liberata historia, & quantum sine incerta opinione fieri potest, iusta ætiologia morborum, symptomatum, constitutionum, vbi iuuat cortex, aut nocet: notandum accurate, quid proficiendo vel officiendo præstet, & qua forte rerum illarum mutatione, quæue methodo, aut mixtione, aut quibus præmissis vel subiunctis, noxa vel utilitas impediatur, aut mutetur. Interea etiam chemicis physicisque artificiis, ignis torturis, spectaculis microscopicis, chirurgia infusoria, & variarum rerum miscela, explorare partem naturæ medicamento licebit (e). Ex re etiam fuerit aliorum remediorum febrifugorum efficaciam & na-

ut-

(b) Oper. p. 219.

(c) *Lucanus*.

(d) *Schellhammer*. de genuina febres curandi methodo. p. 131. sqq. laudat remedia, quorum virtutem experientia probat, quamuis ratiocinatio agendi modum non penetret, eaque empirica vocat. "Eiusmodi inquit, "remedium, ab omnibus hominibus, "post varia licet fata, ac contentiones non exiguas, agnitum atque admissum, est cortex ille Peruvianus, "quem chinchinam appellant, cuius

"agendi modum multi quidem explicare aggressi, sed, meo iudicio, "nemo adhuc expediuit. Sunt enim "alia simplicia non pauca, quæ & "terrea styptica vi, & insigni amaritie instructa sunt: tamen id non "præstant æque feliciter, quod hic "nunquam non, si rite cum eo agas, "præstare certo solet."

(e) conf. *Leeuwenhoek's microscopical observations on the cortex Peruvianus* c. fig. phil. transact. n. 312. p. 2446. sqq. item eiusdem *brienen de 60. missive van cochenille en de schors*

turam similiter expiscari, vt comparata iuxta se posita magis elucescant. Tunc forsan solidius iudicium efformari poterit, quid de modo agendi statuendum sit, quidque inquirendum superfit, qua in re posteritas vltima habebit adhuc, vbi humani ingenii & artis vires experiatur. Coniiciamus tantisper, remedium hoc, pro suo modulo, velut alia vegetabilia amara, leuiter aromatica, & parum austera, agere. Dicamus illud particulis leuiter adstringentibus tonicum esse, vnde fibrarum & neruorum tonum intendat, præsertim aliquanto laxiorum, & ad quos satis efficaciter penetret, quosque suarum partium attactu & stringendi facultate neque maiores, neque minores, neque magis insensibiles, aut turgidos, reperiatur. Notemus augeri tonum præcipue ventriculi, intestinorum, ductuumque & glandularum, vnde liquores eo confluunt, & quo inde effluunt, & euidentissime quidem vasorum biliarium: eadem virtute chylo impressa, & ad circulantem sanguinem per vasa lactea delata, tum vero etiam ipso neruorum consensu, roborari tonum ceterorum vasorum, sanguineorum, lymphaticorum, neruorumque, fibrarum, & ductuum, præcipue in hepate, pancreate, mesenterio, liene, renibus, vtero, partibusque feminalibus, & ceteris, quæ per arteriam magnam descendentem, & venam portæ, & cauæ propagines, variis canalium ramis & directionibus, alluuntur, & neruorum retibus complicantur, in abdomine præsertim. Attamen ceteræ itidem corporis partes, cor ipsum, pulmones, cerebrum, artus, & quæ sunt reliqua, partim debilius & minus notabiliter, partim subtilius & remotius, partim per neruorum consensum variū, partim vero maxime ὡς ἐγγύς naturæ affici, reputandæ videntur, posteaquam

schors china china. Hoffmanni differt. de chinæ chinæ modo operandi. Pitcarnius in opusculis medicis diff. 8. 9. Sponii experimenta de febribus & febrifugis. Lemery cours de chimie P. II. c. 6. Apinus hist. febr. epid. §. 48. Ramazzinus de usu & abusu chinæ chinæ. Torti therapeut. special. L. I. c. 5. Cogrossi

considerationi fisico-mechaniche e mediche intorno alla natura, effetti, ed uso della corteccia del Peru. Hellwigius de quinquina Europæorum §. 15. 16. Horbii diff. de chinæ chinæ virtute febrifuga. Tournesfort de materia medica. Tournesfort traité des médicamens. T. I. p. 97. T. II. p. 213. Freind. emmenolog. c. 14.

quam effectus, qui a substantia remedii expectari potuerunt, eadem dudum digesta & excreta, iam præstiti sunt. Censeamus eadem vi tonica, & velut balsamica (f), crasin chyli, sanguinis, & humorum inde deriuatorum, biliosi maxime, pancreatici, & similium, coerceri, vbi præcipue præter naturam, sed non vltra potentiae remedii proportionem, exsoluta est. Addamus, particulas temperate amaras, saponaceas, & aromaticas digerere, abstergere, & quasi bilis vices gerere, & hanc, si iners vel acore corrupta est, ac alios humores similiter vitiatos, chylumque in primis, corrigere: earundem vero particularum sulfure leniter anodyno, quod amara, & aromata, & balsamica habere solent, & odor sigillatim prodit, & consequentiae variae testantur, fibras & nervos demulceri, minores præsertim, & a contactu terreæ & salinæ fixioris substantiæ remotiores, & qui neque præsentente spasmo insigni stricti sunt, neque nisi vim remedii superante ad eum proxime inclinant. Existimemus tonum sensumque nervosiorum partium alicubi in ventriculo præsertim, & vbi salium excretiones sunt, blande exstimulari sale earundem particularum medio fixiori, & quod in sinu gerunt, volatili oleoso, quamuis id haud omnino in corpore eliciatur. Neque negemus etiam, iisdem salibus, & ipsa laxiorum partium, vasorumque maiusculorum & exquisitiori sensu pollentium, tonica adstrictio-

ne

(f) Doctissimus *Iunckerus* in diff. de febribus corruptis ait: "corticis partem plus virium balsamicarum, quam adstringentium, ei tribuunt, licet hoc adfertur examini tam externorum sensuum, quam chemiæ, minime respondeat,.. Aduersari hæc aliquantum videntur examini sensuum & chemiæ a cl. *Hoffmanno* in diff. de chinæ chinæ modo operandi §. 8. 9. luculenter exposito, & his, quæ idem vir illustris nuper repetiit in de recto corticis usu §. 23. de principio balsamico. Tacemus iam experimenta propria. Consentunt ple-

rique, quos supra nota (e) nominauimus, auctores, examinando conuicti, inesse in cortice eiusmodi principium salino-sulfureum, gummi-resinosum, suaueolens, diureticum, quod balsamicum dici mereatur. Num autem plus huius, an vero adstringentis, memorandum insit, & vtrum potius efficaciæ mirandæ causa sit, posteritati forsan iudicandum remanebit. Inest vtrumque, vtrumque ad effectum confert, quia tota substantia potissimum iuuat, & fortassis alterutrum ab altero plane separatum haud multum fructuosi præstaret.

ne, leniter deinde aperiri obstructas vias, relaxari vasa minora, remotiora, & minus sensu prædita, & succos aliquanto viscidiores incidi, atteri, promoueri, fluidioresque reddi. Ex his forte aliquo modo explicari posset potentia remedii manifesta in curandis febribus aliisque morbis, & in promouendis sæpe excretionibus, proutvisu naturæ & materiæ coctæ, vel turgentis, præsertim vero in restituenda transpiratione insensibili, & quod magna ex parte ab hac dependet, corporis æquilibrio, & vigore motuque tonico naturali, qui per morbos morborumque paroxysmos elanguerat.

§. II.

Vis specifica.

Hæc omnia ubi non sufficiunt, liceat summorum virorum vestigia sine opprobrio sequi, quæ omnia ad illud, non medicæ practicæ, sed physicæ theoreticæ, ignorantiaæ asylum ducunt, *specificæ* (a) virtutis, maxime *febrifugæ*, titulum. Supponamus, id quod ex-

(a) Fingunt sibi pro lubitu quidam ideas generales, quomodo specifica medicamenta, quod vocabulum medicis vñtatissimum est, comparata esse debeant, a communi notione plane diuersas. In his est *Sydenhamius*, euacuantia quæuis ex specificorum censu proscribens, & qui cum eo fere solo disputat, auctor dissertationis Halensis de vsu corticis cauto & suspecto. Totum opusculi caput primum nihil est nisi hypothetica disputatio, corticem non operari vi specifica, sed sola adstrictione, nescio vtrum valida an imbecilli, vniuersali an particulari. Hinc pathologia febrium *Stahlianæ* supponitur, quarum nullas auctor, præter pestem, specifico, vt putat, terrore infestam, specifico remedio opus habere dicit, quia, vti ait, omnium febrium causæ methodo medendi vitali obsecundent. Ita beatam methodum & causas ob-

sequiosas imaginari, & morbos in cathedra curare, licet: sed vereor, ne spe ad ægrorum lectulos cadamus. Secundo capite *ex illis hypothesis* regulæ pro cauto vsu suppeditantur, & quæ *Sydenhamianam* methodum noxæ insequi debeant, præmonetur. Tandem postremis duobus paragraphis martyrologium chinæ breuiter aliquot augetur exemplis infelicitis successus ex aliena curatione, qui vtrum naturæ, an arti, an male medentibus debeantur, non patet. Mihi aliisque fere omnibus medicis id remedium intelligitur *specificum*, seu *singulare*, ad morbum aliquem, vel symptoma, vel partem corporis, quod per specificam suam qualitatem, siue per formam, & mixtionem suam internam essentialem, *ιδιοσυγκρασιαν*, seu *ιδιοτητα*, ita aduersatur causæ specificæ seu continenti morbi, vel symptomatis alicuius, aut ita respondet

tex-

experientia euincit, medicamentum hoc tota sua & haud satis perspecta substantia specificè agere in eas corporis partes, in quibus paroxysmorum febrilium fomes colligitur, & in quas hic præcipue operatur: tum vero febrium intermittentium materiæ, & ipsi dispositioni, quæcunque & vbi fere cunque illa sint, in solidis fluidisque corporis partibus, singulariter aduersari: nisi materia nimis remota, aut obstructis alicubi viis profundius impacta, aut immatura sit, quam vt solito remedii robore attingi possit. Hanc vero virtutem specificam tantæ agnoscamus esse efficaciam, vt, si æger, & adstantes, & medentes omnia recte faciant, neque insolitum plane constitutionis singularis vitium subsit, materies illa & dispositio certissime penitus corrigatur & subiugetur, & ista plerumque, qua naturæ nifus est, euacuetur; pro varia vero & imperfectiori medicatione afficiatur plerumque, sed diuerso & imperfectiori effectu. Admiremur naturæ consuetam, in simplici medicamento ex diuersis partibus inimitabili mixtione componendo, sagacitatem, qua varias particulas & virtutes, quæ contrariæ esse videantur, ita inuicem temperare nouit, vt veri æque, ac inexplicabiles, in corpus humanum inde resultent successus. Vtatur tantisper experientia inuentis, experientia firmatis, ratione moderatis & applicatis, pro genuino vsu regulis, neque theoriæ diuersitate (b) in diuersa nos rapi patiamur,

Aut

texturæ, crassi, connexioni, & reliquo habitui alicuius partis corporis, vt, præter generaliores & manifestius explicabiles operationes, præcipua quadam contra morbum illum, aut contra illud symptoma, aut in eam partem, quibus remedium specificum esse dicitur, polleat efficacia, quæ negari non possit, quamuis plerumque ratio illius effectus, & *ιδιόσυγκρασία*, seu peculiaris temperatura & proprietas, vtrunque non plane sit perspecta. Plura eiusmodi, & diuersi quidem generis & gradus, remedia specifica existere, nemo negabit, qui ad experientiam magistram

animum aduertere voluerit. conf. celeb. *Hoffmann. medic. system. tom. 3. sect. 2. toto cap. 8.*

(b) Disputari velim de theoria, donec theorica eruatur veritas, quæ forsan ante mundi finem ex suo puteo integra haud prodibit; sed in facienda medicina vnanimis, vti decet, optauerim omnes. Priuata res est opinio theoretica; praxis publicæ utilitatil. Factitent medici, quod Aristides ac Themistocles, procures Attici, perpetuo priuatim inter se disceptantes, sed, "quoties publica negotia gererent, deponentes finis

Aut doctas rixas vano ostentemus hiatu,

Queis ipsis maior febribus ardor inest (c).

Imitemur potius philosophos morales, qui ex dogmatibus sectarum diuersis eadem virtutis præcepta eruunt: sequamur astronomorum prudentiam, qui *Copernicanae*, *Tychonicae*, aliue sectæ, aut hypothesi singulari, addicti, ubi ad praxin venit, quasi συγκερτιζοντες, in computandis, ad solam fidam observationum αναλογίαν, siderum motibus, amice conspirant.

§. III.

Dubitatio generalis de causis febrium, typhorum, & periodorum.

Idem esto iudicium de controuersis & opinionum varietatibus circa naturam & causas proximæ febrium. *Talborius*, empiricus Anglus, antequam consuetum sibi corticis usum diuulgaret, quum ad ægrotum quendam, febris chronica laborantem, acciretur, ægre admissus in consilium a medicis, qui curam diu frustra gesserant, in primo consultationis limine grauitè a doctorum decano interrogatur: quid est febris? Respondet ille voce verecunda: febris, ut existimo, est morbus, quem definire nescio, curare scio; vos, qui definire forte nostis, curare nescitis. *Meibomius* (d) eleganter, ut solet, ad reconditam causæ febrium naturam applicat illud poetæ:

Nescire velle, quæ magister optimus

Docere non vult, erudita inscitia est.

“In artibus, ait, ita comparatum est, ut, quamuis το διότι non assequamur, feliciter tamen progredi possimus, id quod in medicina “quotidie usu venit,,. Neque vanus est *Bagilui* (e) aphorismus: “febris, si phænomena spectes, reliquis morbis est notior, si constitutionem & causam, omnium ignotissimus,, (f). Quæ febrium natu-

“obtinendi causa simultatem, quam, “reuerſi ad priuata studia, resumebant,,. *Plutarchus*.

(c) *Lockius* ad *Sydenhamium*.

(d) de febribus intermitt. epid. §. 33.

(e) prax. med. libr. I. c. 13.

(f) Iungantur scitissime dicta in *Bergeri* chinchina ab iniquis iudiciis vindicata §. 3. add. *Ramazzinus* orat. 4. opp. p. 45. “veram febrium theoriam “& praxin inter ea esse probans, quæ “adhuc desiderantur,,. Praxin intelligit febrium maxime continentium, qui-

natura, quæ ordinis in motibus febrilibus caussa fit, qui horarum, dierum, hebdomadum, mensium, annique temporum, tam curiosam suis periodis & typis rationem habent, vt in horologium aliquod (g) & astronomorum calculos iurasse videantur, nepotibus forsan aliquando nostris dilucidius intueri dabitur (h). Ea sane caussa humano generi vniuerso communis esse, & statam aliquam naturæ lege periodum pro fundamento habere, vel concurrentem respicere, videtur, & quidem eandem, quæ horas & tempora in atmosphæra & terrarum orbe metitur, vel eius omnino similem (i).

§. IV.

Observationes communes de febrium ratione typica & periodica.

Respectum ad causam aliquam ita communem & naturaliter ordinatam videre nobis videmur, tum in ipsa febrium per totum genus humanum frequentia (a), tum in earum specialium specialibus, &

quibus nihil magis optat, quam remedium, "quod eadem eas securitate sanet, quam cortex Peruvianus sanat periodicas, quem magnificis laudibus effert. p. 54.

"nus eam reddidit, cui mens humana "acquiesceret,,.

(i) Aphorismus *Newtoni* est princip. phil. nat. mathem. p. 402. "effectuum naturalium, eiusdem generis, eadem sunt causæ,,.

(g) cl. *Camerarius* cautel. medic. p. 142. "Tam statarum præcisarumque periodorum, ad horæ etiam minutum adstrictarum ac horologiorum "non raro exactitudinem superantium, reddere causam manifestam, "omnes omnium hætenus scriptorum vires superauit,,.

(a) Sunt loca alia atque alia harum vel illarum febrium minus feracia: habent tamen illa ipsa alias, ceteris morbis vel frequentiores, vel etiam accedentes. Ita *Bontius* de meth. med. in India c. 34. "Febres, quæ "in Indiis nascuntur, pleraque aut "sunt symptomaticæ, aut continuæ "per se, ac, vt fere semper, synochi "putridæ. Quæ vero certam periodum seruarent cum intermissione, "vix memini me vidisse, nisi vnâ "ac alteram quartanâ, eamque cum "aegro e patria delatâ, quæ hic "miserrime in hydropem, & inde in "certissimam mortem, desiere. Ter-

(h) *Kerkring*. spicil. annat. obseru. 71. "Fatigauit maiores nostros omnes, "& etiamnum fatigat nos illa febrium proprietâs, quod ita certis interuallis redeant, tamquam si, ad "condictum citatæ tempus, multandam suam vel absentiam, vel tarditatem, vererentur. Huius rei rationem nemo, quod sciam, hæte-

& communibus tamen toti speciei, typis, temporibus, crisiisque, maxime vero harum, quas periodicas vocamus. Paroxysmi in toto tertianarum genere, in quavis natione, ætate, sexu, constitutione, alternis diebus æque certo ordine contingunt. Duplices, quæ frequentissimæ sunt, triplices, immo multiplices (b) accessiones experientia quotidiana ostendit, horis suis & symptomatibus per alter-nos dies ita exquisitè sibi inuicem respondentes, ut paroxysmum primum a secundo, & singulos a singulis, vel ipse æger discrimina-re possit: etsi anticipant sæpe, vel postponunt aliquot horis, ante-quam, per alienorum humorum motus, firmum typum efformari li-cuit, vel ubi alia mutationis causa extrinsecus accidit. Neque vna accessio alterius materiam ita consumere videtur, ut morbus inde breuior, faciliorque euadat, &, licet altera cessante, superest con-stanter sæpe altera, ut nihil eas, præter typi similitudinem, & na-turæ suæ ingenium tertianum, commune habere, euidenter appa-reat. Idem plane de quotidianis (c) & quartanis valet (d). Sunt etiam febres ex diuerso genere mixtæ, ubi tertianæ, quartanæ, quo-tidianæ intermittentes, vel continuæ, vario modo, & suo quæque ordine accedunt, & eo temporis momento grauissime affligunt, quo, per

“tianæ tam raræ sunt, ut liceat hic
“dicere, quod hirundo vna non fa-
“ciat ver,,. Si quis eiusmodi sub
aere versetur, mirum non fuerit, si
remedia periodicas maxime febres
fugantia paruo habeat in pretio. Sunt
vero in quavis Europæ regione lo-
ca, sunt etiam tempora, quæ vel
paucas eiusmodi ferunt, vel facilio-
res plerumque, alios generis feбри-
bus magis obnoxia. Qui non nisi
ibi loci, aut tum temporis medici-
nam fecerit, is si ex sua praxi, & na-
turæ apud suos aegros *avtaçxia*, sua-
rumque medelarum facili felicitate,
alios medentes, qui alibi difficilius
curant, generosiorique medela opus
habent, iudicare præsumat, nae ille
perperam iudicauerit.

(b) v. *Rhod.* obseruat. 7. cent. I. de
tertiana sextuplici. Haud raro fimi-
lia nobis obuenerunt. Octuplicem
notat *Caprilus* apud *Tortum* therap.
special. p. 317.

(c) *Celsus* L. 3. c. 4. “accessiones in-
“quid, modo singulae singulis diebus
“fiunt, modo binæ pluresue concur-
“runt. Ex quo sæpe euenit, ut quo-
“tidie plures accessiones remissiones-
“ue fiant: sic tamen, ut vnaquæque
“alicui priori respondeat,,.

(d) Quartana sextuplex notata est a
Rhodio cent. I. obs. 15. & a *Capinac-
cio* apud *Bartholinum* act. Hafn. vol. 5.
obs. 20. Nobis similia visa testamur,
alibi vberius enarranda.

per ordinis rationem, paroxysmus duplex ex diuersis febribus coniungitur: qua fere in re omnem criticorum dierum rationem collocat ingeniosissimus *Fracastorius* (e). Vidimus aliquoties quintanas (f), quas tertianas nothas, & saepe putridas, esse credimus, quarum vnus paroxysmus intercidit: vidimus semel septimanam (g), ex quartanarum forte censu, vbi itidem vna accessio praetermittitur, quorsum forsan etiam, duobus paroxysmis intercidentibus, decimanæ (h) spectant, nobis haud obseruatae. Octanas (i) frequentius comperimus, quæ, per eosdem singulæ hebdomadis dies, quater singulis mensibus, veluti lunæ fere phasēs, acciderunt. Nuperrime primum sex paroxysmos exquisitos nonanæ seu nouenariae febris (k), in puella duodecim annorum scrophulis laborante, obseruauimus: septimi loco nonnisi cephalalgia & lassitudo obtigit, octauus plane non reuersus est. Remedia nulla adhibuimus, præterquam bis quotidie guttas quadraginta tincturae vitrioli martis *Ludouici*, quod medicamentum alias in dispositione scrophulosa, & huic perquam familiari obstructione mesenterii, variisque inde oriundis crescentium morbis, vtilissimum saepe reperimus. Ad octanas, per diem vnum postponentes, forte spectat haec febris: quemadmodum fluxus muliebris, post quinque hebdomades multis contingens, ad menstruum refer-

(e) singulari tractatu de dierum criticorum causis.

(f) *Hippocr.* de carnibus sect. 3. & I. epid. 3. Hæ duplicatae leguntur in miscell. natur. cur. dec. II. a. 9. & 10. obs. 77. Quintanam pessimam esse omnium dicit *Hippocrates*, quæ & ante tabem accidens, & tabi superueniens, perimat: qualia & nos exempla notauimus, & bis tamen cortice feliciter medicati sumus. Obseruauit vltra XVIII. menses durantem, sanauit remediis summe amaris, & putredini potenter resistentibus, & aqua mulsa, *Tulpius* obseru. l. 2. c. 52.

(g) *Hippocr.* epid. 3. longam pronuntiat, sed haud *ῥαδισημον*, quod fere de quartana etiam censetur.

(h) Obseruauit *Gilbertus Anglus* l. 1. compend. de febribus: qui & sextanas notat, quas etiam agnoscit *Fernelius*, l. 4. c. 14. *Sauonarola*, alique, nobis nondum visas, quæque septimanae forsan, aut octanae, anticipantes sunt.

(i) *Cole* hypotyp. febr. interm. c. 7. *Amat.* *Lusit.* cent. 2. curat. 75. eph. natur. cur. dec. II. a. 5. app. obs. 64. *Rhodus* cent. 1. obs. 18. 19. Septimanarum nomine confundi solent.

(k) *Hippocr.* I. epid. 3.

refertur. Notauimus, quae semel quouis mense (l) ephemerarum instar euenerunt, & alias, bis per mensem redeuntes, quas quatuordecimas, vel quindecimanas vocant. Sunt etiam, quod praecipue notabile est, & obseruatu vtile esse videtur, frequentissimae recidivae per lunae vel anni mutationes, vel certe lunari aut annuae periodo parem interualli durationem, licet sponte cessent, vel remediis profligentur. Plerumque etiam non promiscuum aliquod horarum interuallum, sed ordinatum obseruatur, ad vnus vel plurimum integrorum fere dierum, seu *ῥυθμιζέων*, tempus, cuius spatio semel vel bis, veluti aestus maris microcosmici, per certas horas incrementum, & rursus declinare, videtur accessio. Taceo horas diei certas, quamuis res illa perpetua non sit, assignatas ab obseruatoribus tempori inuasionis & durationis, in singulis febrium legitimarum generibus, quas dudum medicorum schola nouit (m): dum recentioribus exprobrat illustr. *Stahlius* (n), horum vix centesimum hac de re inaudiuisse: supina in illis hominibus, quibus hoc merito imputatur, ignorantia. Curiosum est, (quod adeo saepe, licet non semper, notaui, vt quandam etiam naturae legem (o), & certam proportionem causae typorum generalis ad corporis humores & structuram, subesse suspicer,) consueuisse tertianas, antequam ad certum diei tempus se adstrinxerunt, per tres accurate horas (p), siue

(l) *Ephem. I. c. conf. exempla Schenck. obseru. lib. 6. & de quatuordecimanis, quindecimanas, annuis exquisitis, aliisque rarioribus typis, ap. Reies camp. elys. iucundar. quaestion. L. 21. p. 947. sqq. & Forest. L. 3. obs. 43. qui de quintana praecipue agit, sed & ceteras species docte pertractat.*

(m) v. qui in omnium manibus est *Sennertus* de febribus L. 2. c. 19. p. 289. *Gabelchouer. obseruat. cent. 6. p. 171. Sauonarola* de febribus pag. 48. 55. *Trincanellus* & plerique vetustiores.

(n) praefat. problematum de febribus.

(o) celeb. *Camerarius* medic. eclect. p. 142. "ii, inquit, febrium accessus,

qui anticipare solent, periodis id agunt eadem vt plurimum praecisione circumscriptis,,"

(p) In hac obseruatione fundatur, quod supra sect. IV. §. III. p. 170. diximus de salibus in principio tertianarum, sex horis ante prioris accessionis tempus, exhibendis. Mens enim est, ea dare trihorio circiter antequam altera accedat. Quod si deinceps per breuius tempus, vti saepe fit, vel plane non amplius anticipare febris notetur, propius etiam deinde ab hora prioris paroxysmi ante sequentem datur sal febrifugum.

siue octauam diei partem, anticipare; quotidianas autem veras postponere (q) per horas duas, seu partem *νυχθημερος* duodecimam. Febres etiam ex tertianarum genere, praesertim illegitimas plerasque, aut manifeste duplicari solere, aut sex duodecimue horis ante paroxysmum, veluti secundariis motibus, inuadere verissimum est (r). Memorabile itidem est febres tertianas & *τρίταινοφveis* plerasque tertia exacerbatione, adeoque die quinto a morbi initio, grauissime affligere, eamque, si quid timendum est, maxime debere timeri, dum secundus paroxysmus longe mitior saepe est. Immo optimum item est indicium febris brevis & facilis, si tertia accessio non nimis grauiter acerbatur. Exasperantur ita in plurimis ægris alternæ accessiones, vt quinta quartam, septima sextam rursus violentia exsuperet; quamuis id certum omnino & stabile non sit; vti neque illud, quod tamen saepenumero, praesertim in febribus magis chronicis obseruauimus, alternis hebdomadibus grauius laborare aegros typo tertiano febrientes. Superessent notabilia hanc in rem plura. Sufficiat nobis heic, febrim esse morbum, vbi natura humana se typis & periodis diurnis, septimanis, seu octonis, mensstruis, annuis, mirabilem in modum, quasi ad legem naturæ vniuersi, ita adstringat, vt, quod dixi, in horographicos astronomicosque circulos iurasse videri possit.

§. V.

Problemata & coniecturæ de febrium typorum, periodorum causis.

Mihi sane, in statuendis harum rerum omnium causis, nullam adhuc omnino satisfacere hypothesin, vt omnes scrupulos eximat, in-

(q) De solis tertianis, neque de his etiam perpetuo, verum esse solet vulgatum illud: anticipante accessione longiorem, postponente breuiorem febrim significari. Quotidianae verae, licet ita postponentes, per se longissimae esse solent.

(r) *Hippocr. epidem. Libr. VI. sect. II. aphor. 15.* "in his, ait, quae ad ter-

"tianae naturam accedunt nox ante
"accessionem molesta est,,. v. *Galenus* ad hunc locum. Hac etiam in re videre est *αναλογίαν* ad duplicem illum oceani aestum quotidianum: vti febrium cum maris fluxu & refluxu similitudo multis ex phaenomenis elucescit.

ingenue fateor, & ætiologiam febrium inter arcana naturæ miracula adhuc reponendam esse, pace summorum virorum, qui suis forte explicationibus suæ multorumque curiositati sufficiunt, non possum non existimare (a). Ecquid sibi vult verum illud prouerbum, quo *παράδοξον* & rarum statuitur, quemquam sine febre (b), hoc est, sine insolita commotione cordis & vasorum sanguineorum, & feruiditate massæ sanguineæ typica, ex morbo mori? Cur quælibet fere insignior resolutio, turbatio, colliquatio, euacuatio, immo lente etiam & sine impetu facta, in quouis corpore humano, febriles motus excitare solet? Quid id est, quod febres, præsertim epidemiæ, tot homines diuersissimi habitus, sexus, ætatis, diætæ, tam variis de causis, tam similiter corripiant? Cur similis febrium, & typorum, periodorum, temporum, ratio & ordo est, in quauis terrarum orbis natione & regione, vti in quauis ætate, statura, & constitutione? Est ne in ipsa, quæ humano generi communis est, crasi sanguinis, aut etiam in fibris morricibus, aliquod connatum, & perpetua cum externo aere communicatione sustentatum elementum, vbi fere simile, aereum, elasticum, quod arcte intextum sit texturæ naturali fluidarum solidarumque corporis partium, earumque compage coerceatur,

(a) *Ramazzin. orat. 4. p. 48.* "Quoties
"cum veterum, tum recentiorum,
"medicinæ procerum præstantiora
"monumenta, & quæ creduntur cedere
"magis digna volumina, euoluere mihi
"volupe est; idem prorsus mihi euenire
"sentio, ac Terentiano seni, qui, cum in filii
"sui causâ plures aduocatos arcessisset, eosque
"inter se pugnantes deprehendisset, *incertior, inquit, multo sum, quam dudum.*,"

(b) *Idem orat. 4. p. m. 47.* "Solâ febris
"non epidemii, non endemii, sed cosmici, id est,
"mundani affectus, cognomentum sibi adsciuit,
" & adaptauit. Quis locus enim, quæ regio
"tam inperuia, extra anni solis-

"que vias gelidoque sub axe, quo non
"peruadat febrile incendium? Habent ætates
"suos peculiare morbos, suos sexuum diuersitas,
"suos varia ac diuersa anni tempora, suos
"quoque vitæ conditio, & exercitii genus.
"Febri non vacat talia minuta distinguere.
"Nulla non ætas ei victima iugulatur: non
"infantis, quæ humidissima est, non senilis,
"quæ frigidissima, satis habent præsidii,
"ne febrilis flammæ sint pabulum; tam
"fortiori, quam sequiori sexui infesta est
"febris; tam pauperes in suis tabernis, quam
"reges in suis turribus proterit, idque nullo
"non anni tempore. Num quid elegantius
"potest dici? num quid verius?

atur, ne, oscillatione sua & nisu elastico, alios, nisi salubres & naturales, motus aut feruores facile cieat (c)? Est ne illud aptum, si qua de causa expandatur nimium, & sui iuris plus iusto fiat, ultra crasseos humorum æquilibrium, si præsertim inquinetur a particulis peregrinis, vel male moueatur, eum orgasmum inducere, qui feruorem hunc typicum repræsentet, hanc naturæ luctam cum eo, quod alienum est, quam febrim vocamus (d)? Numquid illa ipsa materia elastica, quamuis humani corporis (e) ob intimam immixtionem
pars

(c) Constat equidem aerem, si aquæ, aliisque liquoribus, etiam ipsis humoribus corporis humani, immixtus sit, non eam plane exhibere efficacitatem, ea phænomena, quæ eidem sibi relicto, aut a liquidioris substantiæ vinculis expedito, competunt: adeo vt eiusmodi aer aeris nomine vix vocari merere doctissimis viris videatur. Vbi vbi tamen impedita hæreat aeri elementi portio, confluit semper & conspirat cum ipsa massa atmosphærica, ac naturæ suæ virtutisque motricis elasticæ particeps est, participesque iusto modo facit humores sibi iunctos: quam virtutem, pro maiori aut minori impedimenti robore, calorisque aut aliarum exsolutionis causarum ratione, magis aut minus efficaciter, crassius aut subtilius, euidentius aut obscurius, ferius aut ocysus, violenter aut sensim sensimque exserit. Oscillatio aeris interni, a *Borello* asserta, explodi non meretur.

(d) De aliis morbis periodicis, præsertim conuulsivis, seu spasmodicis, iam non agimus, qui suo forte modo febribus accenferi, atque ad eiusdem generis causam referri merentur.

(e) Bruta etiam animantia, communi nobiscum aere vtentia, suas pati fe-

bres, & contagiones, & affectus conuulsivos & typicos, & febriles variarum specierum, pro materiæ morbidæ & corporum diuersitate, experientia quotidie docet, quamuis in humano genere frequentius notentur, & cum pluribus typorum & periodorum curiositatibus. Demiror ergo ill. *Stahlium* in histor. febris in genere p. 5. confidenter aphorismum pronuntiare: "febris nullum animal obnoxium esse apparet, præter hominem:,, forte vt hypothesi suæ de anima rationali febrilium motuum causâ probabilitatem addat. Loquitur, vt ait, de febribus variarum specierum, & tali indole, motu, typo, conspicuis, quales partem essentiae febrium in homine constituisse notum est. Vt vnum exemplum dilucidum in contrarium adducam: quis speciem, indolem, motum, typum, essentiam febris, qualis in homine est, non agnoscat? vbi *Ramazzinus* p. 13. de contagiosa epidemia bouum Patauina scribit: "affectionis genus, quod bubulo generi bellum ad internecionem vsque videtur indixisse, ex frigore, rigore, horripilatione, mox ex calore acri & vehementi per vniuersum corpus diffusum, cum pulsus frequentia, febrem esse satis liquet; malignam vero
"aper-

pars sit, pars tamen etiam est purioris & subtilioris atmosphæreæ aereæ (f), & huius motus naturales & aduentitios sequi amat, per me-

“aperte testantur symptomata: magna *anxietas*, grauis *anhelitus*, etiam cum *stertore*, *stupor* & species quædam *veterni*, continuus ex ore & naribus graueolentis materiæ descensus, foetidissima alui proluuius, interdum etiam cruenta, *anorexia*, & abolita ruminatio, *pustulæ* quinta vel *sexta die* per totum corpus erumpentes, ac tubercula variolorum speciem referentia, communis tandem omnium eodem modo circa *quintam* & *septimam* interitus., add. *Michelotti* conghietture sopra l'infirmità degli animali bovini, item *Lancisius* de bouilla peste P. 3. c. 2. 3. vbi p. 116. sq. “neque vero, ait, “quin febris affectos boues vreret “dubitandum erat: nempe non modo veterinarii medici, sed ipse ego, “in illorum arteriis carotidibus, “& axillaribus, summam semper, ac statim ab initio, *celeritatem* ac *frequentiam pulsus* deprehendi. “Plerique peribant intra *diem septimum*, “pauci per *abscessum* ac *decubitus* euadebant., Idem in append. de equorum epidemia, p. 127. sq. duplicem equorum febrem, acutam magis alteram & periculosiorem, ex inflammatione visceris alicuius, alteram minus perniciosam, magisque lentam, malidis nomine insignitam, graphice describit, & ex antiqua nouaque experientia confirmat, & a febris nihil omnino differre observat. Immo vero Caroli *Ruini*, medici Bononiensis, anatomia & medicina equorum, ab Petro *Vffenbachio*, medico Francofurtensi, Germanice versa, 1603. prodiit, vbi P. 2. l. 1. c. 8-21.

luculenter & distincte omnigenæ equorum febres ostenduntur, continentes, continuæ, intermittentes, catarrhales, vlcerosæ, pestilenciales. Periodicas quidem febres non ita memorat *Solleysel* in *parfait marechal*: varias tamen recenset species sibi obseruatas, simplices, putridas, pestilentes. Assentiunt, quos interrogauit, veterinarii multo vsu exerciti, alique equis studentes, neque quemquam ea de re dubitare posse putant. Paria de aliis animantibus demonstrare facile est.

(f) De partis atmosphæreæ æreæ præsentia in sanguine egregie *Bellinus* de oui aere, & respiratione, opp. T. 2. p. 135. sqq. & duabus epistolis, quæ exstant in *giornalo de' letterati* T. 2. p. 41. sqq. T. 4. p. 147. sqq. item ill. *Bergerus* de natura humana c. 5. vbi partem æris cum nutrimento sanguinem ingredi, partem etiam, quod hodie aliqui negant, in vasis pulmonum respiratione permisceri probat, non vt refrigeretur sanguis, aut condensetur, quod antiquitus quibusdam visum est; sed potius “vt vi æreærum particularum elastica, & ipso organorum motu, diuidatur, attenuetur, & *incalescat*., Idem antea de respirationis efficacia, non refrigerio & condensationi, sed attenuationi & incalescentiæ magis seruiente, docuerunt plurimum antiquorum & recentium medicorum scholæ. v. inprimis *Thrustoni* diatribe de respirationis vsu primario, scripta anno 1664. & exstans in *Mangeti* & *Clerici* biblioth. anat. P. II. Ibi p. 175. sqq.

mechanicam *ὁμογενεωv* & connexorum rationem? Num forte eosdem re vera magis minusue accurate sub statu febrili sequitur, & oscillante suo motu, periodos & typos regulares, quā tales, inducit, sed qui diuersi euadant necesse est, pro admixtæ materiæ alienæ, pro aucti, imminuti, pressi, relaxati elateris diuersa ratione, & proportionē ad humores fibrasque corporis, quæ itidem singula mechanico motu, & nisu natiuo gaudent? Hi typi, hæ periodi, seruantne ea propter plerumque suo modo respectum ad naturalem illum, & secundum solis lunæ periodos, ad horas, dies, hebdomades, menses, annique tempora, ordinatum atmosphæræ totius, præsertim qua purioris, motum perpetuum, fluxumque & refluxum, quem tot ac tanta effluvia terraquea, inferiori aeri immixta, turbare penitus non possunt, licet diuersimode afficiant & mutant: vti etiam aer nostro corpori intus immixtus varias mutationes a partibus ipsius corporis, & a peregrinis sæpe inquinamentis, patitur. Atque hæc licet ita se habeant, quid est, quod singulorum febris generum differentiam singularem constituit? Quid quotidianam febrem non post horas incertas, sed statō fere quotidie momento, quid tertianam, quid quartanam, aliasque, non post dimidium, sed integrum diem ferius reuocat plerumque? cur non plures & incertæ sunt diuersitates, si sola maior minorue materiæ mobilitas in culpa est? Cur febres multiplices sibi inuicem sine confusione respondent? Quid dies & horas critici temporis, quid tempora reuersionum singulis morbis singulariter adsignat, & horographicos quasi astronomicosque calculos subducit? Si res a sapienti principio interno dependet, vti dici audio, quod prudenter, pro æstimatione materiæ & virium morali, moueat & quiescat, cur multiplicantur accessiones
vltra

sqq. operose deducitur, "quo pacto
"fluiditatis & caloris motus respira-
"tionis beneficio in sanguine confer-
"uentur.,, Nescio ergo, quum sen-
tentia illa quæ vera & solida nobis
quoque videtur, dudum trita fuerit,
quo tendat, quod haud ita pridem
doctissimum virum in notis ad Har-

ueum scripsisse reperio p. 158. "Ego
"certe, inquit, ausu vltra ætatem vi-
"rili, anno 1684. 85. contra omnem
"scholæ medicæ auctoritatem, colle-
"giis, & scriptis dictatis edicere non
"dubitaui: quod sanguis per respira-
"tionem non modo non refrigeretur,
"sed plane in contrarium incalescat.,,

ultra virium tolerantiam, & tamen alternis vicibus sibi accurate respondent? cur mixtarum febrium paroxysmi singuli suo quisque tempore eueniant, & uti fortuna ordoque fert, non uti moralis æstimatione, in vnum momentum cadunt sæpe, quo grauissime æger affligitur? Atque talia in eiusmodi febribus vbique terrarum semper eueniunt, & a primo inde morbi initio, vt vis consuetudinis, certo tempore motus iterantis, accusari non possit. Mechanica puto, non voluntaria ratio est. Materia est, & caussa corporea, non moralis, quæ motum febris cuiuslibet naturali quadam consecutione ciet, eaque materia crasin & elasticam vim habere debet singularis generis, quamdiu typum sibi peculiarem excitat (g). Nascitur illa forsan a peregrina quadam impuritate aquosa & aerea, ex aquis in diuersimode variam, lixiuam, sulfuream, & vaporosam, fortassis etiam verminosam putredinem, stagnatione, & elateris expansione, & motu partium intestino, resolutis, hausta infelicitè, vel in cibis sumta, vel ex pariter corruptis alicubi ipsius corporis succis, aut ipsis partibus

(g) Vti typorum compositio, duplicatio, multiplicatio variam, constantia constantem, ita mutatio mutatam, & cessatio exhaustam aut occultatam materiam, vel semper, vti nos statuiamus, vel plerumque indicat; vt ad motus sine materia, si vnquam omnino, quod probari nequit, certe rarissime, confugiendum in febrium doctrina esse videatur. Notabilia hanc in rem habet de quartana Bartholin. hist. anat. cent. 3. 55. quamuis variationem sæpe etiam noxiam, neque typum quotidianum ex quartana genitum tutum semper esse, vel Celso monitore, in vulgus notum sit, neque Bartholino his obseruationibus negatum. "Quartana, ait, scandalum illud medicorum, vbi satis desæuiit, & aegrum laeto omine est relictura, varium typum induit, variasque formas, Protei instar. Constans est, & semper eodem tenore affligit si

"vel ad interitum vergit, vel grauioribus symptomatis, vt hydrope, phthisi, &c. sui absentiam est com- pensatura. Variat vero vices, si salutis spes est. Quartana laborat- consanguineus meus statasque diu seruabat periodos. At tandem, quum paroxysmus postero die ex- pectaretur, præter spem die priori inuasit, sicque postero die liber & sequentibus euasit. In aliis non pau- cis meae curae subiectis obseruaui, quartanam, vbi desitura est, quoti- die per octiduum perseuerare, tan- demque post largam diarrhoeam, vel hæmorrhoides, vel sudores, termi- nari, cum salute aegrorum. Ratio est, quod mota in corpore materia, & sedibus suis discussa, quotidie moueatur, & quacunque crisi natu- ræ facile tum expellatur, quod in- stante solstitio feliciter succedere ex- pertus sum,,.

tibus solidis, oriunda. Talis materies, pro diuersa sui, & corporis, & ambientis aeris constitutione, ad orgasmum diuersimode febrilem excitandum prona fieri poterit, si certis tum visceribus & fibris, tum sanguinis ceterorumque humorum partibus, se profundius infinuet, atque partes quidem solidas in obeundo munere turbet, humores vero varia ratione corrumpat, & aerem internum æquilibrium emoueat. Ex hac deinde motus, & mixtionis, & æquilibrii turbatione, atque ita ex *coniunctione & proportionem specifica præternaturalis illius humoris cum aliquo naturali*, qui ex sua indole iam ad motus quotidianos, tertianos, quartanos magis aptus sit, & ex *motu præternaturam hinc necessario mechanicæ consequente*, continentem cuiusque febris, paroxysmi, symptomatum, periodi causam oriri, probabile esse videtur. Neque enim vana omnino est, si sobrie accipiat, veterum sapientum sententia: febres quidem totam sanguinis massam mouere, & eas omnes, magis præcipue vero tertianas, ab illa eius parte saponacea, quæ bilis (h) vocetur, in hepate legitime

(h) *Hippocrates* de natura hominis: "omnes, inquit, febres oriuntur a bile, quarum sunt quatuor species, præter eas, quæ dolores eximios comitantur: continens, quotidiana, tertiana, quartana,,. Redundantis, & mixtione sua vitiatae, motusque ordine exturbatae bilis feruor, præ ceteris natiuis corporis humoribus, tantus est, vt id in sanguinis massam agere videatur, quod, apud *Virgilium*, in oceanum Eridanus quo non alius

In mare purpureum violentior influit amnis.

v. omnino cl. *Bianchi* hist. hepat. P. 2. c. 9. de morbis a secretionem hepatis deprauata: & P. 3. pag. 258. fqq. de bilis naturalis in febriferam mutatione.

*) Ad hanc veterum sententiam, nostro etiam æuo autores quosdam classicos

accedere, *Werthofius* cum voluptate vidit, v. g. *Senac* de recondit: febrium intermitt. nat. p. 14. indeque omnes intermittentes e putrido fomite generari *Pringle* *Armydiseases*. edit. VI. appendix p. XXXV. & XXIX. *Macbride* experimental essays. p. 142. G. *Cleghorn* qui in 100 fere cadaueribus, intermittente extinctis, ventriculum & intestina materie biliosa tincta, atque plures abdominis partes nigrescentes vel penitus corruptas vidit, *Obs. on the epid. diseases in Minorca*. p. 165. At quomodo conciliari cum hisce possit theoria Boerhaauiana, cui suffragari videtur obseruata commentatoris v. *Swieten* Tom. II. p. 527. id quidem altioris indaginis est. -- Cæteroquin, quamuis non sit huius loci, adicere hic liceat, & febrim urticatam autorem tribuisse characterem biliosum.

me separanda; quartanas maxime etiam a melancholia, id est, parte sanguinis magis terrea & falsa, lienis potissimum attritu conterenda; quotidianas a pituita simul, seu salina minus terrestri, in pancreate similibusque glandulis maxime præparanda, fieri: atque in tertianis quidem hepar, in quartanis lienem, in quotidianis sero vel lymphæ dicata vasa singulariter affici solere; & serosos salinosque humores moueri solere quotidie, bilem saponaceam flauam & amaram feruidiorem tertio, atram salinam & austeram grauiorem quarto die, sicubi inquinantur maxime, & restagnent, & incitentur. Esse naturaliter in mixtione humani sanguinis particulas diuersas, quarum aliæ quotidie, aliæ alternis diebus, aliæ quartanarum modo magis commoueri, vel sua natura, vel & solidorum dispositione, & varia proportionem ad atmosphæræ motus periodicos, aptiores sint, multæ suadent obseruationes, quæ veterum præcipue monumenta volutantibus obuiæ sunt, & maxime frequentia illorum typorum, aut alicuius ex illis, in febris, morbi illius generalissimi, generibus plerisque, tam continuis, etiamsi continentes fere esse videantur, & typus non nisi obscurus sit, quam intermittentibus, & ex earum genere plurimis (i). Neque certis partibus solidis, & visceribus, functio ad alias aliasque earum particularum præparandas, secernendas, depurandas, præcipue magis destinata, negari potest: quamuis omnia confluant & conspirent. Fieri autem illa cuncta videntur ad mechanices & hydrostatices regulas, quibus omnes omnino solidarum fluidarumque rerum in terrarum orbe motus & quietes, mixtiones, separationes, expansiones, pressiones, efferuescentiæ, fermentationes, putredines, certa lege subiecta sunt (k). Pro iisdem ergo regulis (l) equidem euenire crediderim tum generationem ipsam cuiusvis materiæ febrilis, tum quietem eius typicam, nisi

(i) Conf. *Fracastorius* de causis dierum criticorum.

Etiones chemicæ iisdem principiis innixæ.

(k) v. cl. *Keillii* leges attractionis, ubi hanc rem solidissime probauit, & luculenter exposuit, in *philosophical transactions* n. 315. *Freind.* præle-

(l) v. cl. *Bianchi* histor. hepat. p. 844. sqq. ubi epistola geometrico practica de febris natura & effectibus exstat, egregie elaborata.

si tunc motus potius insensibilis est, & commotionem denuo notabilem, exaltationem, & orgasmum accessioni excitandæ sufficientem. Ad eandem normam fieri existimem collectionem eius materiæ, vti opinor, circa intestinum duodenum, irritationem huius & neruorum partiumque connexarum, attenuationem, vt, sine iusta licet proportionem, sanguinem ingredi possit, motus in genere neruoso, corde, arteriis, & vasis ceteris, ipsoque sanguine & inde prognatis liquoribus excitatos, cum insequente attritu, despumatione, & crisi singulari. Postquam hæc materia suo tempore deferbuit, tunc deinde iisdem legibus, eadem rursus generata, vel mota, vel ad iustum efficaciam gradum euecta, nouus paroxysmus per sua interualla redire videtur.

§. VI.

Explicatio opinionis de causa concurrente periodorum mechanica vniuersali, nempe atmosphære motu periodico.

Causam autem illorum interuallorum, quatenus siderum periodis diuturnis, septimanis, mensuris, annuis respondere, & horas, dies, hebdomades, menses, numerare videntur, lubens equidem quæsiuerim in proportionem materiæ febrilis, aerisque elastici, qui illius, vti omnium in corpore humorum, partem constituit, ad aerem atmosphæricum. Atqui hic non solum vaporibus terraqueis, tempestatibusque mutatur; verum etiam, oceani instar, regulares siderum circuitus sequitur, &, quod in vulgus notum est, ventum exinde generalem, ab oriente in occidentem, excitat (a), vt quotidiana solis maxime periodus fert, immo ipsos fluxus & refluxus ordinatos,

(a) Taceo ventum alium, nempe zephyroaustrum, quem itidem generalem esse, & vbiuis in superno aere flare reputauit ingeniosissimus quondam physicus & mathematicus Ienensis, *Hambergerus*, vnde phænomena barometri eleganter explicauit dissertatione peculiari. Nempe quo ma-

gis oppositus sit vento isti generali particularis, qui in inferiori aere flêt, eo plures cumulari simul partes aereas censet, atque ideo flante euroborea maxime omnium ponderosam fieri atmosphæram, & mercurii adscensum promoueri.

tos, quamvis sensibus haud obuios, patiatur necesse est, per dierum (b), mensium, & anni mutationes mutandos, ad mechanicum solis, vel terræ potius, & lunæ motum, quæ sidera ætherem inter & terrarum orbem, per ordinatas periodos, quotidie per singula puncta semel, sua corpora interponunt (c): ut taceam effectus hanc in rem ceteros manifestiores quotidianæ annuæque solis periodi, in aerem corpusque nostrum. Regularem oceani fluxum & refluxum a solis & lunæ situ oboriri, & præcipue mutari, demonstravit, post *Keplerum* (d), solidissime immortalis *Newtonus* (e). Ex eius deinde principiis (f) idem alii de ipso aere probauerunt

(b) Duplicem quotidie fluxum & refluxum notabilem oceanus grauior, spissior, solis calori minus expositus, magisque *ὁμογενής* habet, tum a verticali, tum ab opposito lunæ situ. Forsan aer ab illo notabilius, ab hoc vero minus afficitur, & alterum æstus non nisi obscurius patitur: quum præterea diuturna solis periodo, vaporibusque terrestribus variis, potentius afficiatur. Hincine aliqua ratio dari possit, cur febres regulares horarum interuallo certiori, neque dimidiis plerumque, sed integris diebus, differre soleant; item cur non tam, uti æstus maris, per viginti quinque fere horarum, sed per accuratius *ὡχθημερῶν* spatium distingui nitantur? Neque vero excludimus nutritionis, somnique, & ceterarum rerum non naturalium, per certas quotidie fere horas, consuetudinem, & ipsius corporis ordinate structi proprium habitum naturalem.

(c) Experimenta physica demonstrant, eo sub puncto semper, ubi corporum horum aliquod positum est, maxime luna, expandi aeris atmosphæram, marisque oceanum, & in altum tolli, quam rem fluxus nomine insignimus;

procedente vero ad aliud punctum fideris periodo, depressionem seu refluxum contingere. *Newtonus* homogeneorum attractionem heic allegat, quippe qui demonstrare potius motuum leges, quam causas subtiliores & incertas scrutari, proposuit. Nobis accusanda videtur impedita, per corpus cæleste interpositum, pressio ætheris in aerem aquasque nostras, qui, quum ad latera naturaliter premere non impediatur, eleuationi seu fluxui, sub eo puncto, ansam præbeat, ubi sidus situm est, unde, progrediente situ, sua sponte consequatur refluxus. Veritatem nouimus, causam certam physici diuinent.

(d) in introd. ad theoriam martis.

(e) princip. philos. natur. mathem. L. III. prop. 24. 36. 137. add. cl. *Gregorii* ad *Varen.* geogr. gen. P. I. sect. 4. c. 13. *Clark.* in not. ad *Rohaulti.* physicam. P. II. c. 29. *Newton's theory of tides explained by Halley* philos. transact. n. 226. pag. 445. cel. *Wolffii* physica P. II. c. 9. §. 355. sqq.

(f) Taceo alios philosophos plurimos, qui, cum *Cartesio*, a pressione ipsorum

runt (g): adeo, vt non solum subtilior aer constanter ita typice moueri debeat; sed & venti, & tempestates, aliaque meteora, aliquem semper suo modo respectum ad hanc generalem motionem seruent: qualis respectus in corpore etiam humano, pro diuersis eius partibus, quarum motus per structuram & texturam longè magis exquisitè regulares sunt, & quæ aerem subtiliorem includunt, iusta proportionem seruari debere videtur. Ex hisce veritatibus physicis lucem aliquam obscurissimæ alias typorum & recursuum doctrinæ affundi forsan aliquando posse sperauerim. Neque est, quod causamur æquabilem magis, quam pro febrium diuersitate, illorum corporum cælestium circuitum; quandoquidem proportionem variat difformitas materiæ & naturalis & praeternaturalis (h), & partium solidarum mouentium & retardantium, quibus singulis suis rursus est motus natiuus, & induci potest morbosus. Ita motus ipsius oceani, quem a siderum periodis affici inter mathematicas veri-

rum corporum solis & lunæ in atmosphæram aeream, æstum in mari deducunt, qui tunc itidem necessario primum in aerea massa foret.

(g) v. celeb. *Wolff*. physic. P. II. c. 3. §. 211. eiusdem element. aerometr. prop. 105. schol. 6. ill. *Mead*. differt. de imperio solis & lunæ in corpus humanum, cum *Musgrauio* de arthritide anomala edita p. 350. sq. alii-que plures, quos transactiones philosophicæ exhibent. Singulares sunt observationes de mutationibus ventorum & tempestatum in oceano, in aliquem cadentibus ex alternis diebus a nouilunio numerandis, typo quasi tertiano, maxime vero notabiliter in lunæ quadraturas, ap. *Baglium* in diss. de experimentis circa sanguinem p. m. 449. sqq. & *Mariotti* de circulo regulari ventorum, in *traité du mouvement des eaux* add. *Rohaulti* phys. P. 3. c. 11. item de

ventis diariis: seu typo eorum quotidiano, *Varenii* geograph. gener. L. I. c. 21. prop. 7. quæque idem prop. 3. sqq. de variis ventis statis, periodicis, mensuris, annuis, complura notat.

(h) *Alpinus* de febre quartana thes. 8. "Motorem fomitis febrilis si aerem
"dixero, non e vero aberrauero. Sed
"semper idem non est, quin cum va-
"rio ad solem lunamue intuitu varius
"sit, effectusque variet. Idem aer
"erit, qui tubulis inclusum fomitem
"commouebit, non singulis vel alter-
"nis tantum diebus, sed longioribus
"interuallis, quorum quantitatem so-
"la experientia determinabit: & ni-
"hil obstat, quin plures eius naturæ
"fomites in corpore sint, vt, recluso
"vno, & alter, vel iisdem diebus, e
"breuiori nempe interuallo, vel al-
"ternis diebus, recludatur.,,

veritates est, ex loci, tempestatum, & rerum circumstantium ratione, plurimas diuersitates patitur. Neque obstat nobis quotidiana mutatio situs lunæ & solis in ecliptica, vnde paroxysmorum, vti fluxus & refluxus, horas quotidie mutari debere putes. Non fidera pro causa motuum, seu paroxysmorum, agnoscimus; sed ipsam materiam morbosam, ipsam humani corporis machinam: sufficit respectum alium ad typicos aeris externi motus, ob aerem intus in corpore versantem, seruari: præcipue tum ad motum illum quotidianum simplicem, vnde ventus generalis oritur, tum ad alterum illum, qui in mari quidem bis intra fere *ἡμέρας* apparet, & æstus nomine designatur. Et euident tamen est, mutari solere sensim sensimque, præsertim circa notabiliores mensium, & anni, & tempestatum mutationes, horas accessionum. Neque obest, quod, si singulos variorum ægrorum paroxysmos ad solis aut lunæ situm contulerimus, tempus quidem insultus quam diuersissimum inuenturi simus. Namque non solum simplicem sideris situm, sed totam maxime periodum, sed oscillationes aeris a periodice mutato situ periodicas, & harum effectus in corpus humanum accusamus, qui negari non posse videntur. Quoties enim ista sidera suas perficiunt per singula puncta periodos, diurnas, septimanas, menstruas, annuas; toties aeris subiecti elaterem, & ideo etiam corpus humanum, & diuersas eius partes, humores diuersos, in quibus eius aeris pars sub diuersa miscela continetur, periodica mutatione mechanice afficere absoluunt, a quocunque etiam tempore materies quaecunque affici inceperit. Experientia tamen etiam constat, circa notabilium solis & lunæ vicium tempora, & quando fluxus & refluxus maris, qui atmosphaerici aestus index est, maximas patitur mutationes *), vel auctus eximie, vel imminutus, morborum etiam, præsertim

*) Non is sum, qui in genere ad componendam hancce de periodico in morbis litem, vel ad defendendam auctoris hypothesin, inter neotericos a. C. F. *Medico*, medico manheimensi, præ aliis ventilatam & peculiari libro explosam, conferre aliquid pos-

sim; interim e praxi recentissima liceat hic ad confirmandam auctoris sententiam observationem vnicam subnectere memoratu sane dignissimam quam suo idiomate enarrat *James Lind* in *Essay on diseases incidental*

tertium febrilium, motus typicos, typorumque mutationes, magis esse obseruabiles, vt simplex etiam situs non omnis efficaciae expers esse videatur (i). Breuiter iterum dicam, quod solum volo: solis & lunæ circuitus aerem subiectum per regulares periodos mutat; mutantur secundum aeris mutationes aeræ in corpore particulæ; materia febrilis perquam aerea est, & elastica, & turbat æquilibrium aeris interni & externi naturale: est vero aliquid in febrium motibus nimis vniuersaliter simile, nimis regulare, nimis accurate ad horas, dies integros, hebdomades, menses, anni tempora, nisi spontaneo adstringi solitum, nimis *αναλογον* motui regulari aeris & oceani,

dental to Europeans in hot climates. Lond. 1768. 8. pag. 80:

It is a common obseruation, both at Bengal and Bencoolen, that the moon, or tides have a remarkable influence on intermitting fevers; and i have been informed by a gentleman of undoubted veracity, and of great Knowledge in medicine, that at Bengal he could foretel the precise time, when the patient would expire, it being generally about the hour of low water. Thus much is certain, that in the year 1762. after a great sickness, of which it was computed, 30000 blacks and 800 Europeans died, in the province of Bengal, upon an eclipse of the moon, the english merchants and others, who had left off taking the Bark, suffered a relapse. The attack of this fever was so general on the day of the eclipse, that there was not the least reason to doubt of the moon's influence. These obseruations furnish an usefull hint, which is, to take doses of Bark at the full and change of the moon, as being the seasons most dangerous for an attack or relapse into those intermitting fevers,

(i) G. C. *Stahlius*, medicus & mathematicus egregius, frater archiatri Borussici, in de aeris in praxi medica vsu, vbi §. 17. de eius in febre efficacia sermonem fecit, §. 18. "non excludenda quidem, inquit, hic videtur luna, cum diuersis suis phasibus, quam lunatici, epileptici, alique spiritibus male habentes, plurimum in corpora nostra posse produnt, sed nescio, annon illud plane medio aeris nostri alterati, quacunque demum lunæ actione, contingat. Sane notum est, quid in fluxu & refluxu oceani præstet luna, atque exinde, per exsiccationem recedentis aquæ, in tractum aeris factis magnum. Hoc autem per experientiam vulgo notum, vt plurimum, dixerim semper, circa quasdras, in primis illas, quæ oceanum etiam solito tumidiorem reddunt, aerem quoque nostrum, & tempestatem, aut mutari, aut certe turbari. Hinc sæpissime obseruantur plurimi morbi, circa illa tempora, aut augeri, aut minui, non modo illi, in quibus nervosum genus maxime aut patitur, aut occupatur, sed alii quoque,"

oceanis, quam ut negare queamus, vero valde esse similem suspicionem eiusdem causæ concurrentis generalis, nempe periodi solis & lunæ, quæ temporarias in orbe vices facit. Calculos vero subducere de causis diuersitatum, quæ in diuersa proportionem motuum particularium, qui in ipso corpore fiunt, ad motus atmosphæræ generales, consistere videntur, res altioris est indaginis, & humanam forte sapientiam omnem exsuperat. Typorum & periodorum febrilium miracula vidit omnis ætas, & obstupuit; videbit omnis posteritas, posteritas forsitan omnis obstupescet.

§. VII.

Periodi in statu sano & morbis sine febre.

Immo etiam in statu naturali in maxime elasticas, ad orgasmum pronas, & spermaticas, spirituosas, vaporosas humani sanguinis partes, & in fibras quibus illæ continentur seu mouentur, manifesta satis esse videtur solis & lunæ per suas periodos efficacia: præsertim ubi per structuram corporis retardari alicubi circulum contigerit, & plenitudinem augeri, ut orgasmus promoueatur (a). Taceo veterum placita, de nativo quatuor humorum motu, vel ad motum nisu, per horas & dies distincto, & sanguinis quidem totius continuo magis & æquabili, feri vel phlegmatis quotidiano, bilis tertiano, melancholiæ quartano: quæ res recte explicata, ut iam supra monui, haud omnino vana est. Prætereo motum tonicum, cuius periodicæ motiones, non in febribus solum aliisque morbis, sed in corpore etiam sano, naturaliter eueniunt (b). De menstrua, seu lunari, periodo naturali pauca dicam, quæ observationum de febribus tractationi haud inepte misceri putem: dum medici præcipuam illam, quæ lunæ quasi periodum singulari suo orgasmo sequi videtur,

(a) *Kerkring. spicil. anat. obseru. 25.*
 "Certe mirum est, non tantum fe-
 "bres in omnibus, menstruas purga-
 "tiones in mulieribus; sed alios etiam
 "morbos, illos maxime, quibus na-
 "tura sese conatur exonerare, stata
 "seruare temporum interualla,,.

(b) cl. *Stahlius* de motu tonico vitali,
 item in de æstu maris microcosmici
 præsertim th. 2. & passim, plura,
 quæ huc spectant, experimenta ad-
 ducit, & his tota *Sanctorii* medicina
 statica, quod ad practicas veritates
 attinet, plane consentit.

tur, excretionem feminis sollemnem, *febris* (c) *menstruæ* nomine appellant, sed *febris medicæ* (d). Curiosus neque vanus est *Sanctorii* (e) aphorismus: "corpora quoque *virorum* sana, & moderatissimo victu vtentia, *singulis mensibus* fiunt solito ponderosiora, vnius scilicet duarumve librarum pondere, & redeunt ad consuetum pondus circa finem mensis, ad instar mulierum, sed facta crisi per vrinam paullo copiosiore,,. Neque vero mihi omnino fatiscere ingeniosissimi *Freindii* emmenologiam (f) fateri liceat, vbi plethoram muliebrem, ex variis rationibus deriuatam, pro sola fluxus menstrui causa habet, qua posita, perrumpi debeant vasa sanguinea, & cessante consolidari. Quidni naturaliter peruia vasa conuiuere putemus, vbi neque plenitudo, neque orgasmus est; his vero de causis aperiri? quum repetita eiusmodi ruptura & quasi vulneratio in statu naturali haud probabilis esse videatur. Equidem ne in puerperio quidem naturaliter plane constituto, vbi partus & secundina mature, suo tempore, & sine violentia educuntur, vulnerationem adesse existimo (g), quamuis fauciatarum regimine ob
alias

(c) Febrem dicere licet, sed ita naturalem, vt virtuti febrifugæ certissimæ corticis Peruvian, medicamenti in statu naturali nihil turbantis, nequaquam sit exposita. Experientiam testem reperit cl. *Torti* therap. spec. p. 21. dicens: "gravidis non modo, sed & puerperis, vel menstruas purgationes patientibus, tuto exhibetur: neque menstrua, vel lochia, naturaliter fluentia sistit, aut nimium promouet, vt videbimus in historiis,,. add. historiæ passim, item p. 345. sqq.

(d) *Ramazzinus* de morb. artif. p. m. 545.

(e) sect. 1. aphor. 65. 66.

(f) conf. *Hoffmanni* medic. system. Tom. I. part. 2. c. 10. quod totum

fere nihil nisi *Freindianæ* emmenologiæ compendium est: iungantur vero, quæ nobiscum sentiens *Freindii* amicus, isque & medicus & mathematicus e præcipuis, *Meadius*, post editam emmenologiam, scripsit in de imperio solis & lunæ.

(g) Si qua adest in puerperis vulneratio, ea manu obstetricis facta esse solet. Nempe accidere illa potest extracto nimia cum violentia ipso foetu, quod tunc maxime fieri assolet, quando, pro vulgatissimo obstetricum more, etiamli ultra vulgus sapientium, non satis expectatur verum partus tempus, ex plena orificii vteri apertura, & doloribus veris, & sub situ maxime peruerso, anxietatibus certe insolitis, vix amplius tolerandis, demum dignoscendum: vt certa imperitiorum vitia violentasque ope-
ra-

alias causas puerperae etiam sanae opus habeant. Numquid autem forte

rationes taceam. Fit autem etiam maxime vulneratio extractione secundinae, saepe non statim vno post partum momento sequentis, sed per fibras vtero adhuc connexae, aut aliquius partis, ubi pars iam frustulatim, uti saepe contingit, facilius educta est. Separatio ab vtero saepe fit manu festinante, imperita, temeraria, & negligenti, tamquam ea res nihili esset, modo foetus eductus sit, & secundina quasi integra monstrari queat. Ita vero id viscus nobile, sensu exquisito pollens, & sanguine tunc magnopere turgidum & affluens, lacerum fieri, seu vulnerari, necesse est. Non equidem omnino consentire velim summo viro, Friederico *Ruyschio*, qui musculo quodam vteri orbiculari, isti negotio peculiariter dicato, quem se reperisse memorat, placentam non cum foetu, sed proprio tempore post eum, naturaliter expelli notat, ideoque, ni facile educi possit, relinqui plerumque tuto, & naturae permitti. v. aduersar. anatom. dec. 3. tab. 3. add. celeb. *Heister*. compend. anatom. edit. nouiss. p. 97. 264. & ibi adducti auctores, item, qui erudite contra magnum *Ruyschium* scripsit, cl. *Leporinus* in *Erörterung einiger die zurückgebliebene Nachgeburt betreffenden Fragen*. 1728. Attamen, ni, quamuis lente & difficulter, blande tamen, ex arte, & sine villo periculo laedendae vel minimum, aut etiam fortiori tractione adducendae vteri aut vicinarum partium substantiae, extrahi secundina possit, relinqui vel integram, quod post partum maturum vix vnquam opus fuerit, vel adhærentem particulam, quod, praesertim si marcida est placenta, fa-

cile euenit, aut membranulam, quae vtero saepe firmitus adnata est, satius esse persuasum habeo, quam, ut fieri solet, rodendo, scalpendo, auellendo separare, qua ratione vix etiam vere integra educitur. Ipse *Leporinus*, posteaquam educationis necessitatem operose & recte quidem, ut opinor, defendit, itidem rem demonstrantibus disputatione vberissima *Bartholini* hist. anat. cent. 5. 39. & observationibus pluribus lectu dignis apud *la Mothe traité des accûchemens* L. 5. p. 587-619. ut alios veteres recentisque taceam: postquam deinde methodos cautionesque proposuit; "alii, inquit, consulunt, ni sine vteri læsioni digitis separari possit secundina, abstinere ab operatione, & ex duobus malis id eligere, quod leuius est, remque totam naturae permittere; atque hoc consilium vbique assensum plenum meretur,." Consentit penitus ipse etiam *Bartholinus* §. 3. 20. 21. 23. 26. 27. 28. unde explicari debet locus, quem cl. *Leporinus* ex §. 25. notat, nimiaeque fere facilitatis auctorem arguit p. 103. Difficultas vero & cautio non satis inculcari potest obstetricibus, quod expertus moneo. *Hippocrates* de superfætatione: "sensim, ait, secundina educenda est, non violentè, ne præter naturam diuulsa, inflammationem inducat,." *Paræus* de homin. generat. c. 18. in *Spachii gynæc.* T. 2. p. 425. pericula optime declarat: "violenta attractione, si adhuc hæreat vtero, vasorum aliquod, aliquod item ligamentorum nervosorum, quibus vicinis corporibus adhæret vterus, laniari potest, unde sanguinis e propriis con-

forte orgasmum menstruum inducit, quæ in naturali sanguinis
crassi

“conceptaculis effusi corruptio, a
“corrupto & putrente inflammatio,
“abscessus, & gangræna mortifera.
“Nec leuius est a conuulsione, ru-
“ptis neruosis corporibus, periculum,
“nec item minus ab vteri prociden-
“tia manifesta,,. Hanc ipsi obserua-
uimus in cadauere mulieris, cui se-
cundina festinanter extracta mortem
induxerat, vtero fere funditus inuer-
so, fundo extra orificium prominen-
te, & interiori substantia, quæ iam
ob inuersionem exterior apparebat,
nigra plane & sphacelosa. Relicta
secundina, vel eius particula adhæ-
rens, cum putredine plerumque, &
symptomatibus haud temnendis, sed
tutius tamen, sponte separari sensim,
& elabi solet, quam cum vlla læsio-
ne vteri, aut vicinarum partium, ex-
trahi. Confirmant me in hac verita-
te innumera abortientium exempla,
vbi secundina obstetrici intacta re-
manet, & deinde post aliquot dies,
immo vel menses, cum febre plerum-
que putrida, interdum sine febre,
sæpe cum hæmorrhagia, vel integre
excidit, vel per partes, feliciter ta-
men: fibris tandem iusto tempore
marcescentibus, & ab vtero, per men-
struum fere naturæ impetum, auul-
sis, sæpe etiam facile decedentibus.
Paræus l. c. “quemadmodum poma
“ex arboribus, si cruda sunt, vi auel-
“luntur, si matua & cocta, deci-
“dunt; sic secundas immaturo partu
“vix vis aufert, maturo ipsa facile
“maturitas,,. Obstetrices pleræque
membranas fibrasque secundinæ, vte-
ro adhuc firmitus adhærentes, haud
satis caute, & nimis subito separare
tentant: quæ post pauca momenta,
post horulam forte dimidiam, aut

vnam vel alteram, aut breue certe
naturæ destinatum tempus, cautæ
motationi, blandæ digitorum pressio-
ni, vel robori tandem naturæ, & pro-
priæ maturationi, vel etiam marcori
obsecundaturæ fuissent. Vereor au-
tem ne illa maxime temeritas, aut
incuria, merito accusetur, si qua mu-
lier post abortum, aut partum verum,
ex hæmorrhagia arteriosa, vel febre
etiam inflammante, aut putrida, pe-
riclitatur. Famosa est febris milia-
ris seu vesicularis, seu purpura alba,
probe distinguenda ab altera pelluci-
da, dem hellen *Griesel*, quam primus
cl. *Storchi* in eteodromis descripsit,
& nos deinde sæpe obseruauimus,
item a rubra illa, dem rothen *Griesel*.
Anglis a rash, *Gallis ebullition de*
sang. Febris illa periculosa, quam,
mirifico nomine, purpuram albam
medici nostri vocitant, tantopere
passim puerperis frequens, vbi præ-
sertim feminæ spleneticæ & hysteri-
cæ, falsisque serosis fracidis, vel scor-
buticis, vel & vlcerosiis particulis
plenæ sunt, nescio an magna sæpe
ex parte eiusmodi festinationi & vio-
lentia, vbiuis fere frequenti, debeat-
ur. Mentitur illa febris sæpe inter-
mittentem, paroxysmis cum horrore
vagus, vti febres ab vlcere inflamma-
to solent, aut verum hemitritæum
ostendit, neque tolerare videtur cor-
ticis vsum. v. exemplum apud *Ha-*
milton. pag. 122. sqq. quamuis deinceps,
vbi morbus acutus declinavit,
ad vires restituendas, & lentæ febris
metum præcidendum, æque ac post
variolas, egregie profit, quod exper-
ti testamur. v. *Hamilton.* p. 130. sqq.
Elegans est celeb. *Hoffmanni* metho-
dus, medic. system. T. 4. sect. 1. c. 9.

Quas,

crasi est (h), & aetate crescit ac decrescit, aura, vt vocant, femi-
nalis,

Quas, praeter alia remedia, vir expertissimus laudat emulsiões cum feminibus, quae antiscorbutica audiunt, & nos feliciter experti commendamus, sed calidiuscule, vti tunc remedia & potulenta omnia, propinandas. A frigida, vt opinor, frigidorum feminum emulsiõe mortem obtigisse narrat *Hamilton*. p. 156. sqq. in causa forte errans. Vidi ego nuper febrem miliarem mortiferam, ex febre putrida erysipelatosa, superueniente fracturae cruris, & lacerationi tendinum, ex casu ab alto, in viro scorbutico. Vidi olim eandem febrem miliarem, sanabilem tamen, superuenire laesioni tendinis, a venae sectione infelici, in corpore, quod plane sanum visum erat. Vidit medicus inclitus, a laesione intestini recti per siphonem clysmaticum inepte intrusum: & praesto mihi sunt plura parum absimilis commatis exempla, quae probare possint, partibus sensibilibus laceratis, aut valde irritatis, febrem miliarem facile accedere. *Hamilton* c. 2. "antecedunt, inquit, "obstructio, vel vlcus in aliqua parte "cum dolore coniunctum: & c. 4. "ex neruorum tensione dolor oritur, "huiusce febris symptoma omnium "fere primum,,. Certe plerumque mihi signum ex optimis fuit salutariter terminandi puerperii, quamuis etiam partus difficillimus fuerit, quamuis febres, aut alii morbi, ex variis causis superuenerint, secundinam integram, facile eductam, & sani coloris habitusque fuisse. Immo nullum adhuc abortum, quamuis ingenti haemorrhagia & febre stipatum, morte terminatum expertus sum, (quum tamen nullus fere mulierum

affectus frequentius curandus obueniat,) praeterquam semel aut iterum, vbi manus obstetricia difficulter, nescio an perniciose cum violentia, secundinam eduxerat. Vix vidi in puerperis purpuram illam, quam vocant (si vnam phthificam conclamata, & alteram arthriticam & alius labis vlcerosae suspectam, quae conualuit, & paucas alias itidem feliciter emergentes excipiam) nisi, vbi difficiliter extractam secundinam percepi: & frequenter tamen satis obtigit formidabilis ille morbus, qui, extra puerperium etiam, inflammationibus nervosarum partium, & laesionibus accidens, pessime significat. Conf. quae his iam scriptis demum mihi obuiafit, erudita obseruatio cl. *Fuchsi* ephem. nat. cur. nouiss. vol. 2. 146. de sphacelo vteri, frequentissima mortis puerperarum causa, vbi p. 339. sqq. exemplum purpurae & mortis ex auulsa secundina recenset. Considerationem merentur remedia externa ibi proposita. Cataplasma ad gangraenam praecauendam extus abdomini calide & humide applicandum & saepe repetendum suadet, semper vt ait, feliciter adhibitum, ex radicibus consolidae maioris, figilli Salomonis, & althaeae, in lixiuio fortissimo vel vino coctis. Ita plerasque puerperas cito & tuto ex ipsa illa purpura conualescere, quotidiana & innumera per multos annos experientia doctus, affirmat. Alibi vnguentum & emplastrum saturninum cum successu vsurpauit.

(h) Differt hæc a brutorum animalium omnium feminali materia, in quibus singulis singulares orgasmi disse-

nalis, liquor tenerrimus, qui, puriori atmosphærae aeræ elemento in contextum suum recepto, egregie elasticus sit? Hic in viris quidem per certa vasa & permixtiones in verum semen elaborari solet (i), vel excernendum, vel sanguini, pro vigore & incremento cor-

differentiæ, alia vasorum & corporis structura, aliusque vasorum situs, & præsertim cutis, vbi amplissima excretio est, habitus, & variæ maturandi, mutandi, secernendi, seponendi genitalem lympham rationes notantur: vnde a menstruæ periodi in illis defectu nihil aduersus nostram sententiam concludi potest. Attamen etiam cetera animalia, typicis motibus turgentis humoris exposita, & pariendi certum tempus habentia, & squamis, testis, chelis, plumis, pilis, crescentibus & decreascentibus instructa, suas periodos menstruas annuasque habent. *Lucilius* poeta apud *Gellium* l. 20. c. 8. canit:

Luna alit ostrea, & implet echinos, muribus fibras

Et pecui addit.

Manilius astronomic. l. 2.

Submersa fretis, concharum & carcere clausa,

Ad lunæ motum variant animalia corpus.

v. *Varenii* geograph. gener. L. I. c. 14. prop. 12. Immo est fluxus menstruus sanguinis non solum in fimiis, raia pisce, paucisque aliis, æque naturalis ac in mulieribus; verum etiam obseruatur interdum in equabus, scrofis, ouibus, pica aue, atque adeo in omni regno animantium communi aere vtentium. v. *Paulinus* ephem. natur. cur. dec. 2. ann. 4. append. obs. 48. *Horn* arc. Mos. p. 119. *G. Franck de Francke-*

nau satyr. medic. 6. p. 90. sqq. Tacemus plantarum mutationes ad lunæ solisque periodos, quæ in aliquibus perquam manifestæ sunt. Notabiles sunt obseruationes *Hippocratis*, *Lanzoni*, *Wedelii*, & aliorum, quas cumulant *Reies* in campo elysio p. 712. *Lentilius* iatromn. p. 480. sqq. *Hellwig*. obseru. physic. 34. *Schröckius* ibi in scholio, & ibidem adducti auctores multi, de mulieribus *barbatis*, atque exinde menstruo fluxu non laborantibus, quod probat, cute aliter constituto, & pilis singulariter progerminantibus, menses posse abesse, & abesse forsan ideo in brutis animalibus, & orgasmum potius innuit feminalem, & quasi vegetantem, quam plethoram insignem, quod multa alia confirmant.

(i) Pertinet huc curiosa *Heurnii* obseruatio de hæmorrhoidibus, quas eunuchis necessario contingere annotasse videtur: “quemadmodum, ait, “viro mutilato fluit sanguis per anum, ita mulieri necesse est, vt fluat “sanguis superfluus per vterum,, ad *Hippocratis* aphor. sect. 5. 57. n. 4. Forte ita in viris oboriuntur hæmorrhoides, vbi quantitas feminis veri elaborati non respondet quantitati & orgasmo auræ feminalis, quæ sanguini inest, vt adeo elasticæ huius auræ pars sanguini immixta maneat, eumque turgere faciat, & effluere, ad certum virtutis suæ elasticæ gradum euecta. Ibi tamen, æque ac in

corporis, remiscendum. Hæc eadem aura elastica, quia istiusmodi vasa in muliebri corpore vel absunt, vel plane adsunt alia, in sanguine manere magna sui parte debet, &, motibus naturalibus per mensem periodicis, ad eum elateris gradum perfici videtur, qui, vasis vteri vel vaginæ apertis, fluxum menstruum promouere possit: præsertim, vbi plenitudo accedit, quam in viris etiam naturaliter menstruum esse *Sanctorius*, pondere & mensura expertus, testatur: ne iam de morbidorum motuum lunaribus sæpissime periodicis dicamus (k). In feminis peculiare plethoræ causæ a *Freindio*, *Hoffmanno* aliisque, allegantur plures, quas, licet veras, tamen omnes efficiendo fluxui menstruo, quatenus per menstruum spatium naturaliter periodico, sufficere non putamus. Nimium sane frequenter singularis hic mulierum affectus cum suis, ut ita dicam, paroxysmis ad lunaris periodi mensuram (l), & ipsas haud raro mutatio-

menstrui negotio, plethoram reliquam, & impeditiorem per aliquas partes circulum, & sanguinem pondere nisque deorsum tendentem, & qualitate etiam sua fibras excretioni promouendæ aptas stimulantem, aliasque causas similes, non excludimus.

(k) conf. *Franckenau* satyr. medic. 6. p. 92. sqq. Seminalis huius materiae, humano generi specificæ, naturam, & historiam naturalem & præternaturalem, nondum satis exploratam credimus, & hinc doctrinam de differenti habitu & morbis solius humani generis, & embryonum, infantum, crescentium, adultorum, senum, sexuumque, & eunuchorum; de mutatione & nutritione corporis eiusque partium, secundum certa tempora, motuum directiones, & alia rerum circumstantium momenta; de forma & dispositione hæreditaria nationum, fami-

liarum, hominumque singulorum sana & morbosa; de temporibus, ratione, & symptomatis conceptionis, gestationis, partus, puerperii, lactationis, abortuum, molarum, & quæ sunt plura in physiologia & pathologia, mancam adhuc esse, non possumus non opinari: immo ipsam negotii hæmorrhoidum morborumque analogorum explanationem insigni exinde spicilegio forsitan indigere, post operas egregias accuratissimorum doctorum, *Stahlii*, *Alberti*, & aliorum veterum recentiorumque.

(l) Mensuram dico, seu durationem, hoc est, tempus menstruum, seu viginti octo aut nouem dierum. Neque enim lunam pro causâ fluxum menstruum efficiente habemus, quæ, si in hoc vel illud punctum delata sit, exundare faciat sanguinem; uti præscis quibusdam fabulari lubuit, quos recte refellit ill. *Bergerus* phisiol. c. 20. Ipsa seminalis crasis sanguinis

raciones præcipuas, vel exquisite, vel prope accedit, quam vt suspicionem naturalis alicuius causæ ab hac similitudine remoueri omnino liceat (m). Immo quamlibet in multis fluor acceleretur, aut retar-

nis muliebris, & motus periodicus menstruus particularum aerearum in eo contentarum, & fibrarum corporis motricium, præcipua causæ esse videtur & fluxus ipsius, & temporis exquisiti, quod ad aeris externi, & consequenter ad lunæ motum, quandam analogiam mechanicam habet. Neque vero nouam lunam, neque plenam, neque aliam phasim quamcunque, sed periodi durationem maxime respicimus. Particulas sanguinis feminales elasticas certo periodico tempore ad certum subtilitatis & orgasmi gradum sensim euehi opinamur, attritu motus progressiui & intestini, & adiuuante oscillatione aeris atmosphaerici per mensem periodica, atque ideo perfici solere ipso tempore durationis mensis fere vnus, quod pro corporis & humorum diuersitate accelerari, retardari, & mutari posse facile patet, licet regula generalis salua maneat.

(m) Explicatione opus habet, & limitatione, ex nota proxime superiori, exceptio celeberr. *Hoffmanni*, quam aliqui, mentem forte viri μαθηματικωτάτης non perspicientes, ceteris eius doctrinis physicis & mechanicis non bene respondere arbitrentur, dum in medic. system. T. I. p. 228. “plurimi, inquit. huius notabilis phaenomeni causas in lunam reiciunt, quia ad certum eius statum, vel phasin recurrere solet: at vero imbecille argumentum est, astrum esse causam, vbi ad certum mensem, diem, vel horam effectus idem re-

currit. Ponamus, addit, certam mensuram sanguinis abundantioris requiri; ad hanc vero colligendam requiri certum tempus, v. g. viginti octo dies: manifesto exinde consequitur, non tempus esse directam fluxionis causam, sed mensuram certi temporis necessariam esse ad certam abundantioris sanguinis quantitatem accumulandam, quae potens sit ad spasmus concitandum, & vasa vteri perrumpenda,,. Iam non disputabimus, vtrum turgeat potius plerumque sanguis menstruus, an semper plethora vera abundet. Directam eius fluxus causam in luna, & certo temporis momento, nemo forte hodie quaesierit: aerem vero, qui in sanguine humano est, eiusque proportionem ad externum, qui certissime mechanica ratione per lunarem periodum periodice afficitur, esse causam consensus illius manifesti inter circuitum lunae & mensium muliebrium, similiumque affectuum periodicorum, merito suspicamur, neque ipse vir peritissimus non suspicabitur. v. ipsius dissertatio de fato physico & medico § 12. Nequaquam argumentum illud imbecille est, si recte & in rebus vere physicis applicetur, & mensuram certi temporis & quantitatis necessariae supponere, non est causam consensus exponere. Semper enim in quaestione manet, cur non aliud, quam certum hoc tempus, ad hanc quantitatem, cur viginti octo aut nouem dierum mensura, quae etiam lunaris periodi est, ad propellendum, aut certe

retardetur, subesse tamen sæpe aliquid, quamquam leuiusculè, mor-
bidi esse solet, remediis etiam, quod medici norunt, iusto tempore
gratis expeditius haud raro medicabile. Motus ipsi & molimina va-
na, quæ illo tempore præueniunt, aut supersunt, & mutationes,
quæ sæpe sæpius ad lunæ solisque vices contingunt, naturam perio-
do amicam esse, & causâ quadam, quæ ad siderum periodos respe-
ctum habeat, incitari suadens. Tempore statò menstruo, quodcun-
que illud sit, si fluxus non redit, per grauiditatem, vel lactationem,
vel causas morbosas suppressus, quis est, qui nesciat, sæpe moli-
mina tunc aliqua sentiri solere, quæ, peracta fluxus alias consueti
hebdomade, cessent, & sæpe non redeant prius, quam tempus sta-
tum per menstruam periodum reuertatur? Cessauitne tantisper ple-
thora? quæ augeri potius indies debere videtur, & reapse augetur
plerumque, quamuis extra orgasmi tempus sæpe ne moliatur qui-
dem exitum, multo minus perficiat. Atque, si non ipsos fluxus,
attamen ista tempestiua conamina, obtingere vel minime plethori-
cis, cuius temporamento vel diætæ addictis, immo, quæ non nun-
quam satis exhaustæ sanguinis fluxibus ac missionibus, & extenuatæ
viribusque cassæ videantur (n), experientia quotidie docet. Præ-
tereo iam statas circa ipsum pariendi tempus (o) periodos, quæ per
menses

certo mouendum sanguinem, in tot
femellis requiritur, vt menstruam
periodum, & lunare tributum, totum
vbique genus humanum, omnia sæ-
cula, omnes fere nationes agnoscant:
quamuis in singularibus corporibus
exceptiones a regula sint? vt alias
cum fluxu & refluxu aeris marisque,
quoad turgendi & mutationes sub-
eundi tempus, similitudines tacea-
mus: vbi itidem, nisi harmoniam
mechanicam agnoscas, semper in
quaestione manet, cur temporarii isti
motus ita inter se conspirent? Res
illa physica est, & quadrat ad eam il-
lud *Newtonianum*: "effectuum natu-
ralium eiusdem generis eandem
esse causam."

(n) *Ramazzinus* de morb. artific. p.
m. 549. sq. "mihi certe, ait, non se-
mel haud sine magna admiratione
"obseruare licuit, mulieres diuturnis
"morbis confectas, & ad marasmodum
"fere deductas, ac præcipue nobi-
"lem monialem, per decennium in
"lecto decumbentem, prorsus ex-
"haustam, cui quolibet mense, statis
"diebus, menses, quamuis in satis
"modica quantitate, & ad paucas
"stillas, apparent."

(o) Obiter moneo, quamuis id perpe-
tuum non sit, attamen sæpissime,
nisi me omnia fallunt, post abortum
fibras certe aliquas, & particulas se-
cundæ in eiusque membranarum resi-
duas,

menes & hebdomades numerantur, aliaque in generationis negotio miracula naturæ ad tempus exquisitum stabilita. Sileo euacuationes alias, quas natura ad solis & lunæ periodos molitur. Omitto motus nocturnos falsorum humorum, immo & ascaridum (p), aliosque lumbricorum, qui suum rursus in se aerem habent, periodicos

duas, ita vtero adhærere, vt separarentur sensim, & cum menstruo fluore exeant, integre vero separari vix possint, donec *statum gestationis tempus* emensum sit, quo facto ultimæ reliquiæ sua demum sponte maturatæ, seu emarcescentes, decidere soleant, & cum mensibus fluentibus elabi. Fallor, nisi propensio illa multarum ad frequentes, & paucis sæpe mensibus sese excipientes abortus, molas, hæmorrhagias, inde dependet, quod prius concipiant rursus, quam ita per temporis rationem purgamenta prioris abortionis penitus euacuata sint. Ita fieri vix potest, quin, ubi hæc suo tempore exitum moliuntur, excitetur natura iterum iterumque ad eadem symptomata. Laxatur tandem viscerum compages, turbatur partium, & excretionum, & generationis nutritionisque œconomia, adhaerescunt magis magisque, & formas informes induunt, remanentia corpuscula, aut etiam nouiter concepti foetus, & secundinarum rudimenta. conf. *Kerkring. spicil. anat. obs. 38.* vnde malum sæpe in varios affectus anormales, aut sterilitatem perpetuam degenerat: si præsertim, per vnum aut alterum abortum, vellicetur vterus, vel laedatur, rudiori obstetricis manu, secundinam immaturam tentante. Vana certe sæpe curatio omnis fuit, præcautionis causa instituta, nisi a præmatura rursus conceptione vel cauerunt sibi mulieres,

vel ipsis fortuna cavit. Quod si fiat, sponte sæpe cessat deinde habitus ille patiendi abortus, molas, hæmorrhagias: sæpe vero tunc remediis aperientibus & tonicis feliciter tollitur. Sueuimus post abortionem singulis mensibus, per ipsum fluoris tempus, pilulas *Stahlianas*, aut similia remedia exhibere, extra illum orgasmum vel nihil, vel blanda hysterica, & interdum balnea ministrare, maxime postrema ante mensium terminum hebdomade, donec tempus iustæ gestationis absolutum sit, circa quod sæpe tunc notauimus copiosius menstrua, lochiorum instar, manare. Deinceps limaturam martis, sine vilius liquoris affusione in subtilissimum pollinem redactam, remedium nobile, solam, aut vterinis mixtam, per mensem, vel ultra, legitime propinauimus. Atque ita haud infrequenter eo successu beati sumus, vt, quæ per frequentes abortus, aut symptomata his similia, sperem melioris fortis amiserant, matres rursus sanæ & felices factæ sint. Adeo verum est, naturam ad suarum periodorum leges adstrictam esse: adeo remedia, ad obseruatas eas leges.

- - *data tempore profunt;*

Dum data non apto tempore sæpe nocent.

Conf. Exc. & Commerc. noric. §. XXI.

(p) v. *Vallesius* ad Hippocr. epid. L. II. sect. I. L. VI. sect. I.

dicos lunares; exacerbationes catarrhales, arthriticas, venereas, scorbuticas; morbos lunaticos, solstitiales, æquinoctiales varios; & mutationes morborum & symptomatum per tempora fieri solitas: quæ omnia, quum negari nequeant (q), satis euincere videntur, esse singulare aliquod, idque mechanicum, sine fabuloso astrologorum influxu, imperium in corpus humanum sideribus illis, vel certe eidem causæ, quæ siderum periodos metitur (r), & medicum sæpe non humanæ solum, sed vniuersitatis naturæ ministerio fungi (s). “Plerumque enim, auctore *Hippocrate* (t), hominis natura vniuersi potestatem non superat.

§. VIII.

Consensus practicus cum theoria mechanica & organica leuiter diuersis.

Verum enim vero vulgares has doctrinas, & mancum theoriæ specimen, præter scopi rationem, obseruationibus practicis iuncta, non vobis, viri peritissimi, sed iis scribimus, si qui forte fuerint lectores, quibus, quæ de periodicis reuersionum temporibus ex vero anno-

(q) conf. litteratissime adductæ obseruationes in viri celeb. C. B. *Behrens* select. diætet. sect. I. tota passim.

(r) v. *Mead.* de imperio solis & lunæ in corpus humanum, vbi ea omnia eleganter & solide explicantur, & ex mathematicis veritatibus demonstrantur.

(s) Medicum naturæ, scilicet humanæ, dominum, non ministrum sæpe esse, *Heisterus*, medicus mente manumque sagacissimus, argumentis & exemplis, tum ex medicina, tum maxime ex chirurgia, peculiari dissertatione, eleganter demonstrauit. In eandem sententiam olim iam *Helmontius*, in libello ignotus hospes morbus p. m. 404. dixit: “naturæ iacentis est

“medicus patronus atque herus,,. Nos, vbi medicum naturæ ministrum vocamus, *vniuersi totius naturam* intelligimus, *quatenus* illa ad humanam *respectum quemcunque* habet. Nempe medici officium est, vbique ad naturam ægri, & morbi, & remedium, & temporis, & aeris, aquarum, locorum, rerumque circumstantium omnium attendere, eique ex arte seruire.

- - sic alma ministro
Ipsa suo natura potens, hunc sedula nutu
Dum regit, excelsæ pollentem viribus artis,
Indomitos superat duplicato robore morbos.

(t) de diebus criticis.

annotauimus, minus probabilia esse videantur: quum tamen vbiuis in rerum natura, & in humana maxime, & præsertim in febribus, pleraque periodis & temporibus adstringantur. Neque de explicandis causis subtilioribus solliciti multum esse debemus, quum rei ipsius veritas sufficiat, quam quilibet obseruator facili negotio comperire potest, modo ad regulas supra scriptas satis accurate attendat (a). Obseruationes scripsi, non theorematum ex opinione condidi. Neque hisce sententiis & obseruationibus theoriæ aliorum mechanicæ, neque illi etiam aduersamur, quæ organica vocari solet, inter quarum doctores hodie, haud sine animorum motibus, multa versatur controuersia. His, qui se sectæ, organicam proficenti, addicunt, cuiusuis hominis naturæ nomine ipsa anima rationalis (b) venit, quæ, sapienti consilio, motus quum naturales, tum mor-

(a) Si quis etiam fuerit, quid id sibi haud adeo exquisite reperiri existimet, uti nobis repertum esse, & indies magis magisque obseruando firmari, sancte testamur, quod de typico reuersionum, vel moliminum recidiuorum, tempore annotauimus; ille tamen de securitate, præstantia singulari, & constantia curationis, interpolatæ ad mensuram certi temporis, eiusque in febribus quotidianis & quartanis longioris, in tertianis breuioris, non dubitabit, re ad experientiæ amussim examinata. Multi, obseruatis istiusmodi alternis medelæ & quietis vicibus, optata cum felicitate reuersiones præcauerunt, quamuis de accurato febrium recidiuarum typo ne quidem per somnium aliquid in mentem venerit, & longe alias eius processus instituendi causas sibi proposuerint. Atque id nobis ipsis olim ita contigit, & partim etiam iis forsitan auctoribus, quos sect. 4. §. 5. adduximus, aliisque multis, qui, quod nos fecimus, ad illo-

rum normam practicam medicati sunt. Si cui ergo nostra hæc obseruatio, quæ ad historiam pathologicam & semeioticam morborum recidiuorum spectat, nondum satis confirmata esse videatur; manebit tamen ipsa regularum practicarum propositarum sincera felicitas, dudum aliis plurimis comperta, quamcunque etiam rationem subesse aliquis opinetur. In opinionibus concedendis sumus faciles, modo in praxi consentiamus.

(b) Introduxit hanc hypothesin in medicas Germanorum scholas, quum in academia Halensi, magno cum applausu, voce & scriptis doceret, ingeniosissimus *Stahlius*, & multos passim asseclas reperit. Magnus exinde systematum, aliorumque librorum medicorum, latino & teutonico idiomate, numerus prodiit, quibus hæc hypothesis tamquam fundamentum substernitur, & vbi omnis theoria & praxis medica inde maxime deriuatur, & ad eius doctoris mentem doce-

morbosos, excitare & moderari creditur; quamlibet, pro organorum, & humorum, & suorum affectuum & consuetudinum vitiis, aberrationi exposita, sæpe etiam impotens, & ministro moderatore & adiutore egens. Liceat vero, pace meritissimorum virorum, a quibus leuiter dissentire (c) audeo, mentem meam indigitare, vt norint, qui meum hoc leuidense opusculum legere dignabuntur, quid per naturæ sanantis, indicantis, errantis vocabulum intelligam. Sapienter equidem plurimos in corpore fano & ægroto motus fieri sentio. Neque ipsos errores & imperfectiones naturæ, quæ vocantur, sapientis consilii expertes credo, quum medico prudenti, & historiæ morborum & remediorum bene gnaro, eligendam & adhibendam medelam indicent. Verum ea omnia non ab occulta quadam imbecillis humanæ rationis virtute, sed a manifestissima per totam rerum vniuersitatem sapientia infiniti creatoris (d), *αὐτὸς ὁ θεὸς*,
τοῦ,

docetur, theoriæ veræ, praxeos naturalis, nomine insignita. Argumenta, quibus eam sententiam probabilem reddere allaboratur, cumulat genuinus summi viri discipulus, *Michael Albertus* introduct. in vniuers. medicin. c. 2.

(c) cl. *Furstenau*, professor Rintelenfis elegantissime doctus, desiderat. med. p. 146. "*Stahliana*, ait, dogmata inter se belle nihilominus cohererent, si vel maxime primum illud principium vacillaret, aut liberum cuius relinqueretur, quid naturæ nomine denotatum intelligat,,. Ipse auctor *Stahlius*, præf. ad *Iunckeri* conspect. med. "pro fundamento, "ait, subterno, quod vera causa efficiens directionum sit in homine ipsa anima. Agnosco, quod hac propositione, vtpote non tam ad medicam, quam physicam, anthropologiam pertinente, plane supersedere potuissem,,. Et potuisset profecto,

(d) *Hippocrates* de morbo sacro, "hominines, ait, ex imperitia & admiratione, morbo comitiali naturam quamdam & causam diuinam inesse censuerunt. Diuersi sunt morbi, neque minus admirabiles, neque minus prodigiosi: & primum quidem febres quotidianæ, tertianæ, quartanæ, neque minus, quam hic morbus, a deo fieri videntur. -- -- "Neque tamen hominis corpus a deo inquinari existimo, impurissimum a purissimo, quin, si forte contingat, vt ab alio coinquinetur, aut patiatu aliquid, purum & sincerum denuo reddi diuinitus nitatur. -- -- "Morbus qui facer appellatur, ex iisdem causis, ex quibus reliqui, originem trahit, ex his nempe, quæ accedunt & decedunt, velut frigore, sole, ventis, & mutationibus nunquam conquiescentibus. Atque hæc diuina sunt, vt nihil opus sit existimare, hunc morbum reliquis diuinitate præcellere, sed omnes diuini,
"omnes-

τος, deducere velim. Hic quod res ipsa docet, & sanum esse corpus, & ægrotare, & sponte sua ab impuritatibus & functionum impedimentis liberari, & limitatum tamen in ea virtute esse, & medico indigere, & medelas, quas ipse deus arti largitus est, indicare, & corruptioni tandem ac mortalitati subiectum esse voluit, iussit, effecit (e). Menti vero intelligenti, & volenti, & eius, quod ipsa intelligit & vult, dummodo meditando attendat, sibi conscia, ea lege, coniunxit corpus, ut pro voluntatis arbitrato certis organorum motibus præsit, sensuumque instrumentis afficiatur, ceterarum rerum, quæ sponte intra corpus aguntur, quicquid meditetur etiam vel attendat, plane inscia (f), neque, si velit, & sollicitè curet, quicquam mutare potens (g). Attamen forte fortuna sæpe fieri necessum est, ut animi affectibus machina corporis, corporeis vitis anima inconsulto moueatur, aut perturbetur: quoniam ipsa animæ instrumenta, nempe sensuum & voluntariorum motuum organa, partes esse corporis, & toti artificio arctissime intertexta & mixta immo ipsa aliis etiam corporis vñsibus seruire, & mechanicis motuum adiumentis diuersimode subiacere & indigere voluit creator (h). Hæc igitur res toto cælo a sapienti voluntariorum motuum

“omnesque humani reputandi sunt.
 “Naturam autem & vim morbus in
 “se quisque habet, & nullus est, qui
 “tentari, & mechanica ratione curari
 “nequeat, ἀπειρος καὶ ἀπύχνατος. Pleri-
 “que vero eiusdem generis rebus cu-
 “rantur, a quibus fiunt,, id est phy-
 “sics & mechanicis.

(e) “Fato,, (hoc est, diuino consilio,
 & causis mechanicis a deo conditis,
 non propriæ animæ sapientia) “vi-
 “uimus, languemus, conualescimus,
 “morimur,, Quintilianus.

(f) “Medica ars in homine plus inue-
 “nit, quam in se ipse cognoscit,,
 Cassiodor. formul. archiatr.

(g) Huc ergo plane non spectant, qui
 a quibusdam cum motibus vitalibus
 comparantur, actus animæ per con-
 suetudinem, & neglectum, & sub-
 itaneo impetu facti, quorum sæpe
 ipsa sibi conscia non esse, eosque im-
 pedire non posse, videtur: conscia
 tamen futura, & prohibitura, si eo
 ipso, quo impetum facit, momento
 attenderet, & contra niteretur.

(h) Numquid id eo consilio factum est,
 ut, dum motor spiritus, seu anima
 rationalis, quouis fere momento vo-
 luntarios motus excitat, excitentur
 etiam, & in motu mechanice impresso
 conseruentur partes corporis mere
 mechanicæ, voluntati non subiectæ,
 sed

um moderamine differt, neque vlla ratione probabile facere potest, motus etiam non voluntarios ab vnus eiusdemque principii sapientia dependere. Nulla enim est consequentia a fortuita & turbulenta (i), etiamsi maxima, rerum arte coniunctarum inter se, & iisdem organis vtentium, in se inuicem efficacia, ad rei vnus rationalis in alteram corpoream occultum imperium, & sapientem directionem omnium motuum, præsertim etiam eorum, qui euidentissime in corporea mechanica fundati, & nullo finitæ voluntatis arbitrio subiecti sunt. Neque opus esse putauerim, vt ad suspicandum singularem aliquem archeum, naturam plasticam, animam a spiritu rationali diuersam, vel huius ipsius vnusque spiritus *incognitam & duplicatam potestatem & prudentiam* confugiamus, motus, quos intra nos sapienti consilio fieri apparet, vitales, & morbis profligandis aptos, nobis neque *sentientibus* neque *volentibus*, immo vel *contra optantibus laborantibusque*, sollicitè & sapienter meditantem, eligentem, perficientem. Ita vt alia ne quidem animata corpora in tellure nostra taceam, in quibus motus spontanei pro conseruatione &

sed cum voluntariarum motionum instrumentis connexæ? Hincine ratio dari potest, cur in fibris & humoribus corporis nostri, quamdiu id integrum est, *motus* ille obseruetur *perpetuus*, sine externo motore, quem tam anxie in arte factis machinis inuentum dare laborant artifices?

(i) Huc etiam pertinet ipsa illa mirabilis efficientia pathematum animi materni in turbando contextu tenerorum foetus staminum: in qua singulare sibi videntur reperire opinionis suæ patrociniū, qui sapiens animæ moderamen in motibus haud voluntariis statuere amant. At ista profecto turbatio a ratione & sapientia non proficiscitur. Immo sibi ipsi non bene consentire videntur, qui imbelle hoc argumentum vrgent, & tamen non maternæ, sed ipsius em-

bryonis animæ, corporis formationem tribuunt: quasi harmoniam rationis inter matris & foetus animas demonstrare possint. In corporibus matris & foetus confluere & conspire omnia scio: nescio vero an inter animas. Subtilissimorum staminum, particularumque minutissimarum, in quavis embryonis parte, situs est cum similibus partibus corporis materni consensus mechanicus & hydrostaticus, pro legibus connexionis, & *ὁμογενεων*, & circulationis mutuæ: vt rationi consentaneum videatur, quod experientia docet, factam a maternæ animæ pathematibus impressionem fortuitam & turbulentam id efficere posse in tenerrimis embryonis crescentis staminibus, quod in obfirmato matris corpore sentiri nequeat.

& depuratione, mirabiles obseruantur, nec ipse terrarum orbis (k), sua quadam rationali anima opus habet, quamuis motus in eo, tum consueti & blandiores, tum insoliti & tempestuosi aquarum, vaporum, ventorum, ignium, ad sapientem scopum conseruationis, & depurationis destinatæ euidenter collineent. Nolumus iam de brutis animantibus & plantis dicere, quibus quidem animam occulta sapientia instructam recentiorum quorundam auctorum hypothesis lubenter largitur (l). Neque ergo tenuem nostram rationem, cui talia incredibilia videntur, & ἀκατάληπτα, eo vsque torquere cupimus, vt credamus non intellecta, aut non necessaria difficulter comprehendamus. Nos, secundum naturam rerum, singulorum hominum *unum* agnoscimus spiritum, seu animam, substantiam simplicissimam, eiusque *unum* intellectum, *unam* voluntatem, & huic certis legibus subiectum & vnitum vnum corpus naturale, incomparabili artificio mechanico & hydrostatico mixtum, constructum, & motum. Conditorem potentissimum, & motorem eundem machinæ sapientissimum non suspicamur, sed nouimus. Archeum, seu animam nouam & duplicem, vel *duos intellectus*, alterum sæpe altero sapientiore, & res *contraria* ratione intuentem, immo tunc alterum clam sapientissimum, cum alter manifeste nihil sapit (m);

item

(k) "Terram ad similitudinem corporum humanorum natura formauit, vt maiores quoque nostri aquarum appellauerint venas,,. *Plinius*. Quod in ipso terrarum orbe, in ipso mundi systemate, in omnibus partibus, eiusmodi motus mechanice, sed sapienti consilio procedens, a primo motore deo impressus, obseruetur & conseruetur, sine aliqua peculiari intelligentia, aut anima mundi rationali, vix puto in dubium vocari posse, aut debere. Euidens est, voluntarias motiones substantiarum creaturarum in orbe degentium varios impetus facere, mutare varia, partim consulto, partim fortuito, in ipsis moti-

bus, qui sponte fiunt. Neque tamen ideo quæquam harum substantiarum occultum sibi arbitrium arrogabit in cetera, quæ, sine suo consilio, sapienter fieri & moueri sentit in orbe, aut in orbis parte virtuti suæ motrici exposita, vel suo corpori contigua.

(l) v. celeberr. *Alberti von der Seele der Menschen, der Thiere und der Pflanzen*. Halle, 1707.

(m) Vicissim sæpe naturæ in corpore motus pessime a sanitatis scopo aberrant, dum intellectus ægrotantis sapienter satis agnoscit, quid ipsi agendum

item duas, & sæpe eodem temporis momento sibi inuicem repugnantes voluntates, manifestam vnam, alteram clandestinam; in una simplici anima naturali, sibi relicta, & nullam in se pugnam sentiente (n), non scimus, sed coniectura ingeniosa opinamur, si ita lubet, vel fingimus, & excusationibus argumentisque dialecticis sustentamus, quo vsque placet. Nodum scindere prudenti consilio, non solvere videntur medici, qui, explicationem multarum difficultatum superuacuum putantes, principium eiusmodi vitale, tanquam deum aliquem ex machina interponunt, quod ipsi haud serio credant: quemadmodum fere sagacissimus *Newtonus* attractionis vocabulo inutiles in naturali philosophia curiositates secat, quod ipse ætiologiam rerum absolueret non censet (o).

S. IX.

Natura humana conseruans, sanans, errans, indicans.

Naturam itaque humani, vti alius cuiusque corporis naturalis semel a deo in motum constituti, consistere arbitror “in mechanico
“& hydrostatico solidarum fluidarumque partium diuersissimarum
“artificio, & singulis particulis impresso nisu, motu, & directione,
“earumdemque proportionem tum inter se, tum ad ceteras naturae
“vniuersi partes, a quibus vel intrinsecus, vel extrinsecus afficiuntur., Innumerabilia corpora sunt, etiam non animata, quae sua huiusmodi natura se suosque motus sponte seruant, & a peregrinis parti-

dum foret, si ipse & natura vnum essent idemque. Sæpe medicus, aut alius peritior ægrotans, si errores naturæ, seu animæ suæ, si diis placet, manifesto animæ eiusdem suae intellectu intelligat, eandem animam precibus flagitare opus habuerit, & o, dicere:

animula vagula, blandula,

hospes comesque corporis,

agnoscis errores tuos, corrige quæso, quod leui motuum mutatione potes, neque te ipsam adeo insipienter excrucia!

(n) Itaque, ne quid durius dicam, frustra certe plane sunt, qui hanc, de duplicatis & repugnantibus animæ naturalis facultatibus, opinionem probabilem reddere tentant, adducto in exemplum illo sacrae religionis *μυστηριον*, dum, adiuuante spiritu dei, repugnantem naturalibus cupiditatibus spiritum in se, supra naturam, sentiunt homines ex deo iterum geniti. Diuina *μυστηρια* ad hominum opiniones temere applicantur.

(o) Princip. philos. natur. mathem. L. I. d. fin. 8. & passim.

particulis depurant, quam rem humanum corpus, eminentiori consilio creatum, exsuperantius praeſtat. Facile hinc patet, quid per naturam conſervantem & medentem intelligendum ſit. Medicus, qui hiftoriam ſanitatis, morborum, remediorum, quantum id fieri poteſt, notam habere debet, ex motuum ſalubrium & inſalubrium notitia, indicationes a natura mutuatur. Errare vero eam tum dicimus, quum, ex ipſa ſtructuræ, motuum, proportionum ratione phyſica, inutilis ægritudo, vel periculum quodcunque conſequitur, quod medicæ artis ope præcaueri, aut auerti poſſit, aut debeat (a). Ita corpus humanum naturale conſideramus, non tantum tamquam mixtum, quod fruſtra medicis mechanicis exprobratur; ſed etiam tamquam nativo niſu, & motu, per varias ſui partes, diuerſimode moderato & directo, quem ſapienter machinæ creator impreſſit, inſtructum, & tanquam proportionem habens tum inter ipſas partes, tum ad animam ſibi iunctam, eiſque pathemata, tum ad ceteras res, quæ non naturales & præternaturales vocantur. Quisquis, occulta quadam intelligentia nobis præterea opus eſſe, demonſtratum dare voluerit, is, quod humanæ manus mentisque poteſtatem ſuperare videtur, prius præſtet neceſſe eſt: fibrarum, humorum, vaporum omnium, in corpore mixto, moto, calido, viuo, omnes perſcrutetur ſubtilitates, niſus, motus, connexiones, confluxus, conſpirationes, ſeparationes, proportiones: is, inquam, quod olim in poemate quodam ſcripſi,

- - - - -
ex imis eruat ima
Viscera visceribus; meſuras, pondera, formas,
In tenebris luſtret; nativæque ſtamina ſolvat (b);
Explicit impreſſos niſus, legesque mouendi (c);

Pur-

(a) *Fernelius* I. therap. I. "quorſum, "quæſo, conſtituta ars hæc eſſet tot "tantisque maiorum vigiliis, niſu "maius quoddam, & excellentius, "quam natura, præſtaret,?"

(b) "Rerum natura nullibi magis, quam "in minimis, tota eſt,, *Plinius*.

(c) *Egregie Hoffmannus* medic. ſystem. T. I. prolegom. c. 3. §. 14. "Vis "mouens & ex neceſſitate agens cor- "poribus ſubſtantialis & eſſentialis "adſignatur. Atque adeo non opus "eſt pro iis peculiare agens fingere, "ſiquidem omne corpus eſt agens, "&

*Purpureumque cruoris iter, thermasque perennes (d)
Diuerſi generis (e) laticum; viuosque Mæandros
Nervorum (f); ex minimis tot textra volumina fibris;*

Sed

“& perpetuo est in *nifu* ad motum,
“vel in *motu*, vnum in alterum agit
“ac *re agit*, & *mutationem*, licet non
“semper ratione loci, producit,. Sci-
licet impressit creator seruatque sin-
gulis corporibus conditis, corporum-
que particulis, motum & nifum spon-
taneum, quo figillatim perspecto, le-
ges mouendi explicari demum pos-
sunt. Iis, quæ aduersus mathema-
ticam hanc veritatem disputat inge-
niosissimus *Alberti* princip. philos.
natur. c. 3. §. 22. reponimus vni-
uersa princip. philos. natur. mathe-
matica incomparabilis *Newtoni*.

(d) Thermam, inquam, id est liquores
non inertes, sed *αυτοματως*, propria
sponte, tum calore & rapidissimo mi-
norum particularum motu intestino,
tum etiam ipso motu progrediente,
& ad certas directiones determinato,
pollentes, quin a natiuitate instru-
ctos.

(e) Hinc corpus humanum non solum
machina hydraulica dici meretur, ve-
rum etiam, quoad minimas particu-
las, hydrostaticis vbique legibus, &
quæ in tota rerum natura particulis
ὁμογενεσι & *ἑτερογενεσι*, & diuerſa vi &
proportionemotis & mixtis, statuta
sunt, naturaliter subiectum est, ex
quibus, fibrarumque textura & ela-
tere vario, a deo creatore & motore
sapienter dispositis, ista miracula na-
turæ euenire videntur, quæ aliqui-
bus suspicionem, de interna quadam
& occulta principii cuiusdam vitalis
sapientia, mouerunt. Innumere di-

uerſas & natiuo corporis humani fe-
mini, & alimentis omnibus, & san-
guini circulanti inesse particulas, &
inde prodire diuerſissimos istos hu-
mores, constat: prodire vero ratum
habemus, non per singularia fermen-
ta, non per pororum figuram, aut so-
lam diametri diuerſitatem, neque per
nescio quem archeum, aut principi-
um vitale seligens & mouens, sed
per naturales varii artificii mechani-
ci, & hydrostatici consecutiones. v.
celeb. *Boerhaau*. institut. med. aphor.
253. sq.

— — — in rebus materiei

*Interualla, viæ, connexus, pondera,
plagæ,
Concurſus, motus, ordo, positusque
figuræ,
Cum permutantur, mutari res quo-
que debent.*

Lucretius.

(f) Censemus, per perennantem cor-
dis motum, nervos, qui admirandis
suis distributionibus Mæandrum ali-
quem referunt, viuo, id est, peren-
ni flumine irrigari, seu perlui, & ad
actiones, sensationesque aptos reddi,
inibique lympham esse subtilissimam
ex sanguine secretam, motu certo,
& ad motum nifu, & ad fuscipien-
dum habitu instructam, & perinde
esse, spiritusne an liquorem nervo-
rum voces. Hos ipsos nervos, varie
tensos, vnitos, separatos, cum liquo-
re suo, instrumentum esse reputa-
mus motuum tum *αυτοματικων*, tum
etiam eorum, qui animæ voluntati sub-

Sed sapienti texta manu, sed texta potenti

Consilio (g), tota ut, factō ceu fœdere, in unum

Machi-

subiecti sunt, diuersissimorumque sensuum, atque exinde mutuum inter animi corporisque affectus consensus oboriri, ut adeo ratione nervorum, animæ viuentis organorum, medicus, corporis, iisdem organis vtentis, curam gerens, id tanquam haud mere mechanicum, sed etiam tamquam viuum & animatum, considerare omnino debeat. Minime persuadent, quibus contra illum liquorem disputare lubet, quos inter haud pridem surrexit cl. *Gœlickius*, scripto, quod spiritum animale ex foro medico relegatum inscripsit, Frfrt. ad Viadr. 1725. & addita sententia damnatoria Apollinis, fulmine bruto, in illos spiritus, quibus medicos infatuari dicit, vocabulo in summos viros iniurio, qualia apud hunc auctorem frequentia sunt. Respondit egregie cl. *Burggrafius*, de existentia spirituum nervosorum, Frfrti 1726. & cum cl. *Gœlickius* vindicias suæ opinionis ederet, 1731. has etiam repressit opposito libello, cui titulus: spiritus nervosus immerens exsul restitutus. 1729. conf. celeb. *Heisteri* compend. anatom. p. 153. sqq. & ibi adducti auctores, item *Brunner*. de glandul. duoden. p. 73. sqq. ut taceam, quos abunde adduxit, excerptis argumentis & experimentis, omni, ut videtur, exceptione maioribus, laudatus *Burggrafius*, *Wepferum*, *Leeuwenhoekium*, *Bohniūm*, *Bergerum*, *Boërhauium*, *Hoffmannum*, aliosque. Miramur merito cum *Heistero* l. c. "hodie esse, qui hos spiritus ob le-
"ues causas negant, immo, qui in

"illos, qui spiritus hosce admittunt,
"scommatibus & conuiciis inuehun-
"tur., Neque vero assentimur vi-
ris ceteroqui præstantissimis, qui li-
quorem illum nervorum omni vir-
tute elastica carere autumant. In-
est profecto elementi aerei elastici
portio, suamque vim, pro propor-
tione ad fibras tenuissimas, liquo-
rem hunc continentes, exserit in
ipso statu sano, & euidentius in
morbo: quod alibi demonstrare lo-
cus erit, ubi de nervorum pathema-
tibus febriculosis agemus.

(g) Nihil de humana mente tam exi-
mium compertum habemus, quod
illam quorundam sententiam, satis
pro humano genere ambitiosam, fo-
uere possit, quasi ipsamet mens, ex
sapientia & potentia sibi insita, &
struxerit corpus suum, & nutriat, &
conseruet. Structorem, nutritorem,
conseruatorem longe sapientio-
rem, potentio-remque arguunt omnia. A-
criter nuperrime, sed cum argumen-
tis haud spernendis, refutauit theo-
riam ita dictam organicam, quoad
hanc præcipue sententiam, cl. *Sten-
tzelius*, professor Vitembergensis,
diff. de glandularum in plurimis vis-
ceribus absentia. 1731. Is, §. 21.
"quo, inquit, applausu, quo ratio-
"nis suffragio, cum inscia, immo
"inuita anima, circulatio sanguinis,
"secretio animalis, aliæque actiones
"vitales fiant, dicere possum, quod
"eadem sit principium agens, cor-
"pus, tamquam mere passiuum, for-
"mans, formatum, tam in sano,
"quam morbo: statu, dirigens?
"Hanc

*Machina conspiret, motus sine mente (h) faceffens
In se sponte suos, quos mens sociata stupescat.*

Tum

“Hanc virtutem nihilo fecius animæ
“*Stahlius*, cum cœcis illius affeclis,
“tribuit. Si vero *generatînis*, nu-
“tritionis, & totius sanitatis nego-
“tium consideremus; si morbos, eo-
“rum originem, sedem, causam ma-
“terialem, & methodum medendi
“examinemus; quam iniurius in ar-
“tem salutarem *Stahlius* sit, satis
“perspicere possumus, mihiq; ipsi
“multis exemplis misere ab eodem
“curatarum febrium innotuit., Non
hæc mea facio; sed eo consilio huc
transfero, vt nouissimo exemplo pa-
teat, quam minime hodie generaliter
viris doctis & sagacibus ista probe-
tur theoria, eiusque ad febres præ-
cipue, de quibus agimus, applicatio,
& quantas iccirco patiatur contra-
dictiones. v. supra sect. IV. §. II.
Quæ de misera febrium curatione a
viro illustri peracta confidenter, &
quasi ex propria multiplici experien-
tia, dicuntur, probatione indigent,
responsione forte aliqua eiusdem,
aut discipulorum alicuius, propedi-
em refellenda. Neque enim talia
de tanto viro merito dici putem. Et
quæ curatio, forte infelicior, censu-
ris affici non potest? quum omnes
saluôs præstare, omnibus satis face-
re ægris, & adstantibus, aliisque
medentibus diuersa opinantibus, ne-
que in cl. *Stahlio*, neque in quoquam
alio sit medico.

*Tres medico tituli sunt: faustus, quan-
do rogatur,*

*Est genius; deus est, si bona fata
inuuant;*

*Numen at omnipotens si iam sanare
recusat,*

*Hei, quot iudiciis contemerandus ho-
mo est!*

*Mox ita non meritum cælo fortuna lo-
cabit;*

*Mox æque immeritum præcipitabit
humî.*

Consentio verò plane cl. *Stentzelio*,
disputationem de animæ virtute for-
matrice finienti exclamatione Iobi:
“manus tuæ, domine, (non *Stah-
“liana* natura) fecerunt & forma-
“runt me totum., Nihil enim omni-
no me ipsum, id est animam meam,
ad mei formationem contulisse, æ-
que persuasum habeo, ac mundum
totum, stellas, terram, animalia,
plantas, metalla, cetera dei opifi-
cia, ad condendum sese insita anima
quadam sua rationali, nihil quicquam
præstitisse. “Dumque ex lege a deo
“præscripta, motuque ad has opti-
“me consequente, omnia succedunt,
“durant singula & perdurant, nec
“indigent alieno auxilio., *Schel-
hammer* de natura p. 214.

(h) Id est, sine mentis arbitrato, quod
evidentissimum est. Immo motus,
qui corporis viui motibus similes
sint, anima absente, restitui possunt
in cadauere recenti, cuius machina
adhuc incorrupta est, & dum mea-
tus subtiliores peruii, fibræque satis
mobiles sunt: quo experimento, si-
milibusque, satis probari posse vide-
tur, non opus esse, vt ad animam
naturam confugiamus. *Brunner.* de
glandul. duod. p. 73. sqq. “Canem
“strangulatum culto subieci. In
“oculos incurrit lymphæ receptacu-
“lum.

Tum demum certo negari vel affirmari poterit, quid hic infinita sapientia structus mechanismus, vt barbaro *Boylei* vocabulo hodie vulgatissimo vtar, sine humanæ animæ moderatione, polleat, quidue fecus; & ne tum quidem spiritus cum corpore vnionem, seu alterius partis in alteram effectus (nam effectus esse sentio, neque ad harmoniam meram (i) (confugere velim) effectus, inquam, animi & cor-

lum speciosum, chylo turgidum.
 "Inflicto vulnuscule tubulum adaptavi & inflaui. Flatus hinc pro-
 "currit facile per ductum thoracicum ad cor, cuius auriculas dum
 "flatus distendit, ecce, postquam
 "æternas diu ante ferias agere cœperat, denuo in vitam reuocatur,
 "& auriculæ motitari cœperunt,
 "primo lenius, abhinc vegetius, ab octaua hora vsque ad duodecimam.
 "Quod si vel maxima animam quis
 "brutis concedendam esse existimauerit, hanc tamen ab orco me reuocasse nemo crediderit. Quod in
 "bruto ego, idem in homine experimenti fuerunt cum *Peiero* aliquot philiatri,, v. eius miraculum naturæ parerg. anat. 7. & ibi additament. *Harderi*, add. *Harueus* de generatione animal. exerc. 4.

(i) Nota est virorum acutissimorum, *Leibnitii*, *Wolfii*, *Bülfingeri* hypothesis. Nuperrime cl. *Grossius*, doctor medicus apud Halenses, in tractatione, qua verum vniuersæ medicinæ principium in corporis structura mechanica sistit, ingeniosum, sed *παράδοξον*, de præstabilita harmonia dogma, ex *Leibnitianæ*, seu *Wolfianæ* philosophiæ principiis, ad theoriæ artis medicæ applicauit, nexum, vt ait, effectuum animæ & corporis inuicem negans, & corporis motus, cum anima conspirantes,

omnimode, secundum statum antecedentem & regulas motus, in ipso corpore, animæ vero sensa, corporis motibus congruentia, in ipsa anima determinata existere disputans §. 31-44. Ibidem §. 33. 35. effectus animæ & corporis mutuos physicos esse non posse ex eo probat, quod illa, quia partes non habeat, neque tangere possit, neque tangi, adeoque nec agere naturaliter in aliquod corpus, neque a corpore affici. Iudicent philosophi, quo vsque hæc, a corporei attactus negatione cuius obuia, ad naturales spirituum corporumque effectus negandos, argumentatio valeat. Vtrorumque essentiam & naturam perspectam non habemus, adeoque nec effectus naturales omnes: neque deum, spiritum, sine præstabilita harmonia, & sine attactu corporeo, agere in corpora, & eorum motorem esse, dubitare licet: nec quo agendi modo vis motrix primitus operetur, & in corpora transeat, cognoscimus. Corpora physica iam in motum acta haud sine attactu physico partium a se inuicem moueri scimus. Quomodo primus motor deus, spiritus simplicissimus perfectissimus, corpora mouerit moueatque, quas potentias creatis spiritibus circa motum tribuerit, aut negauerit, & hi quomodo moueant & afficiantur, neque nouimus, neque affirmare aut negare

corporis in se mutuos, & societatem illam admirabilem, diuinum & imperscrutabile spiritus creatoris opificium, explicare quisquam & determinare potuerit (k). “Nec me pudet nescire, quod nesciam,, (l).

E P I C R I S I S.

Quo tamen cunque modo illæ se res habeant, equidem obseruationes meas neque ex aliena, neque ex mea etiam theoria, iudicari velim; sed ad tribunal solius sinceræ experientiæ (a) prouoco, cui

re possumus. Cautè, instar philosophi de sua hypothese dubitantis, loquitur ipse cl. *Wolf*. metaphys. §. 530. 537. Et sane motus productio in corporibus, & vicissim perpeffio a corporum motibus, earumque rerum modus fiendi, non magis captum nostrum superat, neque simplicitati spirituum magis repugnare videtur, quam repræsentatio diuersa, quasi speculi res compositas repræsentantis speciem habens, diuersitas spirituum inter se infinite varia, mutatio interna, gradus potentiae & limitationum, ceteraque, quæ de vnitatibus schola *Wolfiana* docet. Affirmabit forte aliquando sectatorum *Leibnitii* aliquis, monades, seu atomos, ex quibus innumeris, diuersa vi repræsentandi præditis, ipsa corpora composita isti reputant, attactum mutuum cum monadibus spiritibus habere posse, atque ita influxus physici sustema, experientiæ & sensibus probatissimum, in ipsam philosophiam *Wolfianam*, quasi postliminio recipiet. Nos neque illi sectæ, *Stahlianæ* *dis dia πύων* refutanti, neque ulli alii nos addicimus, nota ab ignotis, opiniones ab euidentia, sollicitè discriminare studentes,

medicinam ab omni hypothese liberandam, sensibus vero & experientiæ existimantes vindicandam.

(k) Sapienter v. cl. R. A. *Behrens*, medicus Brunsvicensis plane eximius, in consideratione animæ rationalis medica sub *Schacheri* præsidio Lipsiæ disputata: libere, inquit, ignorantiam meam profiteri, atque acquiescere in voluntate & omnipotentia diuina, cuius beneficio factum, ut duo entia essentialiter a se inuicem discrepantia, tam exacte semper sint vnita, atque ita conspirent, ut vnum alterius ope atque auxilio indigeat, vnumque in alterum agat, & inuicem quoque patiantur, satius esse duco, quam iusto fortassis scrupulosius, in *vincula* vel *vocabula* hunc nexum declarantia, inquirere p. 34., Etenim, censente ill. *Bergero*, “nil obest, quo minus deum animæ & corporis naturam, quam vtrimque non satis perspectam habemus, sine eiusmodi glutine & coagmentatione, coniunctionis capacem condidisse, credamus, omneque adeo vinculum repudiemus,,

(l) *Cicero*.

(a) Quisnam iudex est sapientissimus? experientia. *Stobæus*.

cui ratio (b) *αναλογιαν*, prudentia moderationem ministret, neque vlla dominetur opinio, multiplici sensuum accurate, & seposita hypothesis quauis, adhibitorum testimonio, & veritatis conscientia conuictus. Si qua, per sollicitos itidem praxeos clinicæ labores, quibus præeuntibus & comitantibus interpolatas has pagellas scribimus, meliora quisquam, accuratiora, expeditiora, iucundiora, pro ægrotantium commodis, inuenerit, quum vix certiora, tutiora ne vix quidem possint reperiri; (quamuis longe melius, vberiusque hæc explicari posse & debere norim) aut, si quas eodem modo aliquis didicerit vtilis mutandi, limitandi, addendi regulas, quod pro locorum, corporum, temporum differentiis, & vbi penitus cuiquam in rerum naturam & causas introspicere datum fuerit, facile posse fieri concedimus, & ipsi pro virili præstare conabimur; is vt eodem cum candore dilucide sua impertiatur candide exopto, quo ego in exigua hac opella consignanda vsus sum (c), & in posterum vti propositum habeo. Nullius doctrinæ theoreticæ odio ducor, nullius etiam amore, nisi quo vsque ea perpetuæ experientiæ respondet. Nullius in verba doctoris (d), in nullius sectæ philosophicæ, aut medicæ, dog-

(b) *Brunner*. de glandul. duoden. pag. 149. "vti ratio sine experientia mendax, ita experientia sine ratione fallax,,.

(c) Liceat mutuari, pro finiendo leuiori hoc opusculo, verba cl. *Torti*, quibus exasciatissimæ therapeuticæ speciali colophonem imponit. "De cortice dixi, quæ animaduerti in vrbe ac regione mea. Quid præstet ille apud alienigenas, immo non in Europa tantum nostra, sed & in America & Asia, ex scriptoribus fide dignis iam satis innotescit. Facile est autem ex eo, quod huc vsque præstitit, quid sit in posterum præstiturus, conicere. Nemo proinde me infimulet vanitatis, si quando, quod ægre crediderim, votis respon-

"dentem non plane fortiatu euentum in regione sua, vt ego, dubio procul, eademque certitudine, qua protuli, sum sortitus in mea. Nullus tamen dubito, quin, seruatis, exacte regulis, & limitationibus a me propositis, euenturum sit semper, vbique terrarum, quod hic quotidie contingit, siue curationem spectemus, siue febres ac signa febrium curandarum. Sicuti enim, ex Hippocrate, in omni anno, & omni tempore, mala malum, & bona bonum significant, ita probabiliter idem significant in omni loco,,.

(d) *Schelhammer*. de natura pag. 322. "nolim, ait, in vno acquiescere tiro- nes; sed, post cursum studiorum sub vno absolutum, & alios adire.

"Vtan-

dogmata (e) iuro. Vereor, ne tandem omnes vaticinium impleant:

Serius aut citius mors sua quemque manet (f).

quantumcunque forsan aliquibus faueat seculi vel hominum indoles, aut breue pabulum ministret siue auctoris, siue discipulorum, ingenium aut auctoritas. Ipse me quotidie monitum volo, quam sit ad errores pronum, si præstabilitæ hypothesei praxin subiicere sustineamus. Noui enim, quam facile nostri vel magistrorum nostrorum ingenii fœtus, nondum experientia maturatos, paterno vel germano animi fauore amplectamur, & delato iisdem praxeos moderamine, quicquid ipsis visum fuerit aduersari, sine adæquato examine, condemnare amemus. Admonet me symbolum paternæ eiusmodi indulgentiæ, vbi ipse Phœbus medicus Phaethonti habenas concessit, impari illis moderandis & inepto. Amo adminicula & delectationes theoriæ; modo hæc communem mecum dominam pedissequa veneretur, sinceram experientiam. Veritates certas a coniecturis dubiis, & quæ certi speciem habent, exquisite dirimere conor. Nullum naturæ nutum neglectui habeo (g), quo vel sibi ipsa sufficere, vel, titubans & labascens, remedio opus habere indicat: eundem medici & medicinæ sapientissimum auctorem & moderatorem esse persuasus, qui humanæ naturæ vires condidit, & limitibus terminauit. Nullum efficax artis medicæ præsidium vel sperno, vel cæco impetu amplector, antiquum (h) illud sit, an nouum (i); domesticum

“Vtantur magistro, nec propria sua
“principia commendante, nec secta-
“rio, sed, qui in omni genere phi-
“losophiæ sit versatus, omnium per-
“specta habeat dogmata, nullis addi-
“ctus sit partibus. Neminem enim
“vnum mortalium veritatem per om-
“nia affecutum, & exhaustisse Demo-
“criti puteum credi potest,,.

(e) “Nulla secta est, quæ omne vidit
“verum; nulla, quæ non aliquid ex
“vero,,. *Grotius.*

(f) *Propertius.*

(g) “Nihil temere sit, nihil præterui-
“deri debet,,. *Hippocr. 6. epid.*

(h) *Cassiodor. formul. archiatr.* “Me-
“dici vacent libris, delectentur anti-
“quis. Nullus iustius assidue legit,
“quam qui de humana salute tracta-
“uerit,,. v. ibi notæ elegantissimæ
I. H. Meibonii.

(i) *Lucretius.*

*Desine, nouitate exterritus ipsa,
Exspuere ex animo rationem, sed
magis æri
Iudi-*

cum (k), (quod, si curationi tutæ, celeri, & iucundæ aequè sufficiat, præferen-

Iudicio perpende, E, si tibi vera videtur.

Dede manus; aut, si falsa est, accingere contra;

“Rerum natura sacra sua non simul
“tradit. Aliud hæc ætas, aliud quæ
“post nos subibit, accipiet,, *Sene-*
ca. “Nihil infelicius iis ingeniis,
“quæ mordicus sentiunt, maiores
“nostros nihil ignorasse,, *Scaliger.*
contra *Cardanum* exerc. 306. v. *Ra-*
mazzin. orat. 7. “antiquitatis & no-
“uitatis studio medicum perfici pro-
“bans,,

(k) v. celeb. *Heisterus*, eleganti disser-
tatione de medicamentis indigeniis
Germaniæ sufficientibus. Ibi tamen
§. 10. recte monet: “in febribus in-
“termittentibus pertinacioribus, præ-
“sertim autumnalibus, & quartanis;
“difficilius sane curatio succedit, si-
“ne corticibus peregrinis, Peruviano
“scilicet, & cascarilla,, *Cascaril-*
lam, puto, cum vero cortice coniun-
ctam intelligit vir inclitus. Nam ea
solitaria quartanam, aut alias febres
difficiliores fugare, tentatum nobis
aliisque sæpissime est, non perfectum:
quamvis & calidior acriorque, & ma-
gis aromatica sit, &, in ipsis etiam
alui fluxibus, euidentiore efficacia,
licet gustu vix percipienda, adstrin-
gens. Nouum quartanæ remedium,
quod, si certum esset, medelarum
Germaniæ sufficientium augere pos-
set catalogum, candide reuelavit egre-
gius apud Vratislavienses rerum me-
dicarum & naturalium scrutator,
Klaunigius, in nosocomio caritatis,
obseru. 18. de medicamentis anti-
quartanis, p. 82. “Componitur, ait,

“efficacissimus pulvis, quem mercu-
“rium vitæ cælestem appellare amant,
“ex vitri antimonii puluerisati & olei
“vitrioli partibus æqualibus: oleum
“hoc ad siccitatem vsque a vitro an-
“timonii abstrahitur, iterumque ea-
“dem eiusdem olei quantitas affun-
“ditur, & abstrahendo & affunden-
“do septies proceditur. Hoc modo
“pulveri præparato addi solet spiri-
“tus, qui ex spiritus vini rectificati
“libra vna, & spiritus mastichis vn-
“cia vna, per quatuor dies digeren-
“do fit, & trium dierum digestionem
“committitur. Abstracto postmo-
“dum, vel decantato spiritu, pulue-
“ri recens iterum spiritus ad defla-
“grandum affunditur, quæ deflagra-
“tio bis erit repetenda, commouen-
“do interim spatula puluerem, donec
“flamma cesset. Pulvis, qui restat,
“bene exsiccatus, admirandi sane est
“effectus: si eius vel granum vnum
“semis, vel grana duo, cum amari-
“cante aliquo extracto, v. g. cen-
“taur. min. in pilulam redacta, dua-
“bus horis ante paroxysmum, quar-
“tanario exhibeantur, hac tamen le-
“ge, ne per bihorium aliquid super-
“bibatur, vtpote quo infringeretur
“medicamenti energia. Vix deglu-
“tita pilula, leniter sequuntur & vo-
“mitus, & secessus, & sudor, &, quod
“omnium optimum est, paroxysmus
“exultat, si, quod raro accidit, non
“prima, altera tamen vice, nec me-
“mini ulli latentis miasmatis febrilis
“semina curas fecisse. Habes hic,
“lector, euporiston plane diuinum,
“tam experientia, quam ratione com-
“probatum. Testes prouoco ægros
“famosa pilula restitutos,, *Miror,*
huius medicamenti adeo celebrati
nullam

ferendum plerumque, commoditatis causa, fuerit) an peregrinum (1);

ΕΥΠΟ-

nullam in actis medicis Vratislaviensibus mentionem fieri, quum tamen & liber ibi laudetur, & omnis generis remedia *ληξιπυρετα* recenseatur, iudicenturque. Forte *b. Kanoldo*, qui vomitoria in quartana reiecit omnino, & varia de eorum noxis ibidem scripsit, non probatum est medicamentum, quod, quia a medico ciue commendatum fuit, publica censura afficere noluit. Nobis elegans videtur præparatio, eamque exquisitè a pharmacopœo nostrate fieri curauimus. Mense Octobri & Nouembri tribus iam ægris quartanis, duobus bis, tertio semel, ex præcepta methodo, accurate dedimus. Sed, quamuis effectus per vomitum, secessum, & sudorem, satis valide sit insecutus, & in duobus ægris, prima quidem die, in altero etiam altera, veri horroris sensus non accesserit; attamen deinceps ipse rediit horror, cum tota febris tragoedia, & morbus singulos haud segnius, quam antea, laceffuit, solo cortice Peruuiano, methodo supra præscripta, plane curatus. Et si igitur, uti antiquitus de vomitoriis omnibus notum est, hoc etiam remedio apte dato multae forsan febres quartanae, praesertim circa solstitium, & quando satis deferbuerunt, sanari possint; omnes tamen sanari, & certum id esse medicamentum, per ista tria prima tentamina conuicti, negare cogimur, & soli cortici exotico titulum remedii ad febres fugandas certi adhuc asserere. Vberiori interim experientiae seruamus elegans & sat blandum emeticum, quod, ne caelestis vitae mercurium nominari aliquis putet, quod in vulgaris mercurii vitae vituperium dici solet, an-

timonii vitriolati nomine magis congruenti insigniuimus.

*) In officinas nostras introduxit quidem autor antimonium hocce vitriolatum, sed raro, & ultimis 10 vitæ annis nunquam eo usus est. caeterum conf. *Commerc. nor. §. XXXVIII.*

(1) *Virgilius.*

*Nec vero terræ ferre omnes omnia
possunt,*

Adspice & extremis domitum cultoribus orbem,

*Eoasque domus Arabum, pictosque
Gelonos.*

Diuisæ arboribus patriæ.

Brunner. de glandul. duoden. p. 149.

“mirandum sane, ait, vel nostra æ-

“tate barbaros & Indos plus contu-

“lisse, quam vel omnium ætatum scho-

“læ. *Chinachina* quid præstet in cu-

“randis febribus, & multis aliis

“morbis; radix *ipecaeoanna* in diar-

“rhœis & dysenteriiis; quid *parrei-*

“*ra brava* in affectibus renum &

“vesicæ; abunde iam innotuit: hæc

“tamen & tanta beneficia barbaris

“debemus, & Indis, & vsum *gua-*

“*iaci*, *salsæ parillæ*, & ceterorum,

“qui magnus est in vitiis lymphæ.,

Lentilius miscell. med. pract. p. 548.

“exoticomaniam, inquit, damno; sed

“neque exoticudeniam laudare pos-

“sum. Deme nostris officinis exoti-

“ca, radicem chinæ, contrayeruæ,

“rhabbari, squillæ; deme folia sen-

“nae; deme santonicum, cassiam, co-

“locynthidem, dactylos, tamarindos;

“deme tot gummata & resinas, alo-

“en, ammoniacum, camphoram, ma-

“sti-

ευποριστον (m), (quod itidem semper potius habemus) an multo labore parandum (n); mite, & quod lenitate sua apud ignaros fere euilescat (o), an magis generosum (p); tutissimi semper cuiusvis saluberrimique, &, vbi id quoque licet, praesentissimi ac iucundissimi, pro singulorum aegrotorum diuersa ratione, studiosus. In votis mihi est illud *Asclepiadis*, tuto, celeriter, ac iucunde curare. Sed memini, quod *Celsus* addit, periculosam saepe esse nimiam & festinationem, & voluptatem. Quamdiu per morbi indolem, & humanae artis imbecillitatem, prodesse satis medicina non potest, id maxime cauendum mihi duco, saltem vt ne noceat (q), persuasus, eum curare nescire, qui nesciat expectare. Vbicunque vero est aliqua artis potestas, quæ morbi tolerantia, aut periculo potior sit, vt

“stichen, galbanum, opium; deme
“cariophyllos, piper, nucem moscha-
“tam, macin, zedoariam, zingiber;
“deme ambram, moschum, zibethum,
“sperma ceti, catechu, reliqua; deme
“quaeuis exotica: clauas nempe Her-
“culis deme, & inerme fatuumque
“olitorium relinquetur.,”

(m) *Pauli* quadripart. botan. p. m. 540.
“Serio suadeo medicinae candidatis,
“maximopere sibi euporista commen-
“data habeant, ob quae ringi finant
“pharmacopœos, ceu ex quibus pau-
“lum lucri captare possunt.

(n) *Borrichius* de medic. hermet. p. 383.
“non id agunt sapientes,,, nempe,
“qui multo opere remedia elaborant,
“vt adimatur sua efficacia vulgaribus;
“sed in hoc evigilant curae eorun-
“dem, vt nitor & elegantia, vt decus
“& robur vetustae praeparationi ac-
“cedat,,,

(o) Saepe medici, *Martialis* elogio,
- mitibus herbis
- *Parcarum* exorant pensa, breuesque
- colos.

Egregie hanc doctrinam pertractauit B. D. *Behrens*, archiater quondam Brunsvicensis inclitus, in de leniorum medicamentorum eximio vsu, & de aquae calidae potu dissertationibus, quae *Meibomii* praefidis nomen etiam praeferunt: & celeb. *Hoffmannus*, opusculis latinis & teutonicis plurimis, de viribus insignibus aquae simplicis, balneorum ex aqua dulci, pediluuiorum, lactis eiusque feri, infusionum ex plantis benignissimis, aliarumque medelarum simplicissimarum blandissimarumque. Respondent his, quae de iusculis medicatis ex herbis domesticis, de potu auenaceo, similibusque, *Wepferi*, *Lentilii*, aliorumque genuinorum medendi artificum scripta memorant.

(p) “Medicus, si frustra molliora cesserunt, ferit venam, membrisque, si adhaerentia nocent, & morbum diffundunt, manus affert: nec vlla dura videtur curatio, cuius salutaris effectus est,,, *Seneca*.

(q) Est regula *Hippocratis* epid. 6. sect. 2.

ut cruciatus leniri, aut morbus breuior certiusque salubris reddi, aut discrimen quodcunque auerti possit, piaculum esse reor, quicquam horum procrastinare (r). Vito farraginem, & sesquipedales formulas. Naturæ parentis simplicitatem & componendi artem amo (s), neque compositiones præter necessitatem multiplico. Multitudine laudatorum medicaminum, in singulis fere morbis & symptomatis, ita obrui artem nostram scio, ut, ubi aliquid veræ experientiæ fidei respondens in ipsa praxi requiritur, dubius sæpe medicus merito cum Aenea exclamet, *την ὑλὴν ἰατρικὴν* circumspiciens:

*O si se nobis ille aureus arbore ramus
Ostendat nemore in tanto!*

Amplector eo magis remedia polychresta, & quam maxime fieri potest, mihi ipsi experta. Vnius vero hominis non est, omnia experiri, & cauendum maxime esse videtur, ne, nimis multa experiendo, nihil experiamur. Attamen neque illi assentor nimiae quorundam affectationi paucitatis, qua decem forte plus minus ex omni medicæ materiæ penu medicamenta simplicia, aut singulariter composita, indicationibus omnino omnibus sufficere reputantur, ceteris auxiliis quasi in exilium missis. Morborum, symptomatum, causarum, locorum, temporum, personarum diuersitates innumerabiles medicæ, physicæ, morales, quas in numerosa praxi clinica videre est,

(r) "In medicis nisi plenus misericordiae & humanitatis sit animus, omnibus diis & hominibus inuisi esse debent,,. *Scribonius Largus* in epist. ad *Calistum*.

(s) v. *Ramazzin*. p. 93. orat. 8. quae inscribitur: "in medicina facienda "remediorum simplicitatem operosae "compositioni praeferendam,,. Ibi, quum exempla curationis per simplicia affert: "solus, inquit, Peruvia- "nus cortex, nobis a diuina benefi- "centia munus concessum, sine alte- "rius rei mixtura, in qualibet regio-

"ne, quocunque anni tempore, aeta- "te, sexu, temperamento, febres, sal- "tem recurrentes atque interuallatas, "fugat & exterminat: quamquam "non defuerint, qui hieron hoc pi- "cron, ex arbore vitae decerptum te- "merare pertentarent, aliis rebus ad- "iectis,,. Hanc inuidendam remedii laudationem pronuntiauit, scripsit, edidit senex septuagenario maior, paucis annis ante cl. *Torti* therapeuticam specialem, post quam statim fungi instar, nata est inuidiosa illa de abusu chinae chinae epistola, v. supra sect. V. §. V. not (a).

est, gratum merito animum mouent, vt æternò omnium naturæ regnorum regi gratias agamus immortales, quod tanta numerum varietate tam variis casibus benigne prospexerit. Sunt enim profecto plurima medicamenta efficaciæ suo modulo exploratæ; sunt alia, quæ, licet nondum satis certa, tuta sunt tamen, & spem vtilitatis probabilem faciunt, prudenti tentamine digna; & nullum non suos potest habere vsus, quos, si nondum matura experientia firmati sunt satis, cauta exploratione & obseruatione adhibita,

- - - *paullatim protrahet ætas*

In medium, ratioque in luminis eruet oras (t).

Medicorum cuiusuis ætatis, nationis, sectæ, experimenta, obseruationes, inuentiones, cautæ, ad historiæ naturalis & medicæ normam & ἀναλογίαν, meditatus & expertus, cum selectu probo; ipsa haud statim, quæ mihi non succedunt, experimenta, multo minus ea, quæ nondum, aut vix tentavi, aut quæ non bene perspicere licet, vanitatis arguo (u); arcanas obuelationes neque laudo, neque selector (x); sententias & hypotheses, quæ ipsæ felicibus experimentis an-

(t) *Lucretius.*

(u) Licebit huc applicare, quod ingeniosissimus *Boerhauius* in elementis chemiæ, cum elegantia scriptio- nis, doctrinæque & experimentorum vbertate insigni, nuperrime editis, de vetustis scriptoribus alchemicis dicit p. 120. sq. "Cur falsi arguam eos, qui in arte se longe præstantiores dederunt me ipso? meam potius ignorantiam in hisce, quam illorum vanitatem incuso. Vnum tantum pace illorum dixerim: dubito sæpe numero mecum, quoties arcana illorum lego, an forte summi hi, & naturæ rerum peritissimi artifices, postquam tot, tamque singularia, detexissent per sinceras obseruationes, tandem, velocitate præ-

"uidendi, & ea pro factis narrauerint, quæ fieri posse, immo quæ debere fieri, colligebant,,. Ego vero etiam atque etiam in eiusmodi experimentis alienis medicis dubito, an forte euentuum singularem veras causas non bene viderint artifices, & experimenti alicuius efficaciam laudauerint, vbi alia plane res successum produxerat. Repetita passim, sub plane simili rerum circumstantium statu, experientia iustum fidei experimentorum pretium statuere debet. Atque hæc mihi dubitatio semper sedet, quo vsque aliquod remedium arcanum seruetur, & a publica peruestigatione & experientia secluditur.

(x) *Schelhammer.* de natura c. 5. §. 21.

"ohe, inquit, quam multa hic sunt, quæ

ansam sæpe præbent, honorifice sine superstitione habeo; successus & defectus, quos sol videt, aut terra tegit, neque arti, neque naturæ, neque aliis causis temere imputo; aberrationes, quæ humanæ sunt, sine rixa, vel contumelia, vitare contendo; disceptationes priuatim inimicas, vel propriæ ambitioni, aut vtilitari, aut aliis animi affectibus litantes (y), & censuras in fructuosas (z), candidarum mentium terrores, & artis incrementorum pestes, doleo & auerfor (aa).

Com-

“quæ expectationi haud respondent!

“Rogandi omnes, qui vera & effica-

“ciora, quam quibus nunc vtimur,

“possident, ea inuidere humano gene-

“ri nolint, vel saltem; si qua inue-

“nerint, laudes ipsis tributas haud su-

“stinencia, id admoneant publicum:

“neque enim par est aut humanum

“committere, vt vel diutius in errore

“fatali hæreant medentes, vel pro-

“pter vnus lucrum domesticum pu-

“blica salus, multorumque vita peri-

“clitetur,, Sæpe profecto, quod ma-

“ximi momenti creditum est, dum

occultatum fuit, si in lucem tandem

protrahatur, aut minimi esse apparet,

aut dudum cognitum, & sola super-

uacua miscela vel mutatione, tam-

quam fucis aliquo, incrustatum. *Mei-*

bom. ad iusiur. Hippocr. p. 150. “Si

“scrinia excutiendi forte facultas se

“sistat, mera saltem deprehendas alio-

“rum inuenta, & remedia in vulgus

“nota, quæ, si tollas, nihil offendas

“reliqui, præter ieiunam maciem:

“*Aut Apinas, Tricasque, & si quid*

vilius istis,,.

Si quid vero aliquis vere nouum, singulare, & vtile, inuenit ipse, vel aliunde possidet, nescio an salutis publicæ fiat satis, si quis laudes alicuius remedii, quod sibi, vel domui suæ, arcanum seruat, ex sua experientia in

publicum propalet, idque venale exponat. Non ita crescit ipsa ars, quæ

hodie manus habet oculatas, nihil recipiens, nisi quod sine velo hominum

tegentium videt, & mystis suis vni-

uersim omnibus scrutandum dare po-

test. Neque est quod terreamur em-

piricorum abusibus, quos caussantur,

qui arcana iactant seruantque. - Au-

gent potius medicastrosum numerum

& errores vendita sine luce, vel se-

mitecta, medicamenta: dum male di-

uinant & imitantur varii artifices, &

vulgus, sine arte & medico, sequitur

breues, & male sæpe intellectas, sche-

dæ vernaculæ regulas, & abstinent

docti a rei non satis exploratae ysu.

(y) “Hinc illae circa aegros miserae

“concertationes, nullo idem censen-

“te, ne videatur accessio alterius,,.

Plinius l. 29. c. 1.

(z) *Hippocrates* de arte: “verborum

“inhonestorum arte ad ea, quæ ab

“aliis inuenta sunt, confundenda

“promptum esse, nihil quidem corri-

“gendo, eorum vero, qui aliquid sci-

“unt, innenta calumniando, non sane

“scientiæ votum aut opus esse vide-

“tur, sed potius proditio indolis pro-

“priae, vel ignorantia artis.

(aa) “Deponite, medendi artifices, no-

“xias aegrotantibus contentiones, vt,

“cum

Complura mihi dicenda restant de singulis, in quæ digitum hac leuiuscula scriptione intendere lubuit, argumentis. Statui apud animum meum, quæ de his indies obseruando, legendo, meditando, per subseciua momenta colligere licet, deo forsan aliquando plus otii faciente, in qualecunque boni publici emolumentum conuertere, conscripto, pro tenuitate mea, plene, ordinate, distincte, luculenter, opere theoretico & practico, de febribus intermittentibus, ceterisque ex earum genere morbis, & fido artis medicæ omnisque generis remediorum in illis vsu *). Valete, viri experientissimi, meisque conatibus sinceris, qui vestris ipse studiis meritisque enixe faueo, fauete! Scribebam mensibus Octobri, Nouembri, & Decembri, anni cIo Io ccxxxi.

“cum nobis non vultis cedere, in-
 “uenta vestra inuicem videamini diffi-
 “pare,,! *Cassiodor.* form. comit. ar-
 chiatr.

*) Promissis proh! dolor, nunquam stetit autor, neque ullam pro implenda hac spe litteram scriptam reliquit.



PAVLI GOTTLIEB WERLHOFII

M. D. REGIS MAGNAE BRITANNIAE IN AVLA HANNOVERANA
OLIM CONSILIARII ET ARCHIATRI, ACADEMIAE NATVRAE
CVRIOSORVM, SOCIETATIS REGIAE SCIENTIARVM LONDINEN-
SIS, GOETTINGENSIS, TEVTONICAE GOETTINGENSIS,
LIPSIENSIS, HELMSTADIENSIS, OECONOMICAE
ZELLENSIS ETC. SOCII

OPERA MEDICA

COLLEGIT ET AVXIT

J. E. WICHMANN

M. D. AVLAE HANNOVERANAE MEDICVS REGIVS, SOCIETATIS
REGIAE SCIENT. GOETTING. CORRESP. NATVRAE CVRIOSORVM
BEROLINENSIS SODALIS.



PARS II.

HANNOVERAE,
IMPENSIS FRATRVM HELWINGIORVM. cl^o Id cc LXXV.

THE NEW YORK PUBLIC LIBRARY

ASTOR LENOX TILDEN FOUNDATION
500 FIFTH AVENUE
NEW YORK, N. Y. 10017

AYMARD

THE NEW YORK PUBLIC LIBRARY
ASTOR LENOX TILDEN FOUNDATION

11 50-60

THE NEW YORK PUBLIC LIBRARY
ASTOR LENOX TILDEN FOUNDATION

CONTENTA.

P. II.

3. & 4. Cautionum medicarum tr. I. & II.
5. Disquisitio de Variolis & Anthracibus.
6. Behrens epist. ad aut. de affectionibus a comestis my-
tulis.
7. ——— de morbo maculoso haemorrhagico.

P. III.

8. Acta Edinburgensia de medicamento alterante ex Mer-
curio, latine reddita.
9. ——— de Aurigine, cum supplemento auctoris.
10. Excerpta e Commercio litterario Noribergensi obser-
vata auctoris notatu digniora.
11. Commmercium epistolicum inter aut. & medicum mo-
nasteriens. Saalman de Dysenteria.
12. ——— Phthisi ex haemoptysi.
13. ——— de passione Hypochondriaca.
14. ——— de febre Paraphrenitica.
15. Index.

CAUTIONVM MEDICARVM

TRACTATVS PRIMVS

SIVE

DISSERTATIO

DE

LIMITANDIS MORBORVM

VITUPERIIS ET LAUDIBVS

MEDELARVM.

Plurima non minus grauitate, quam vere, dixit vberimus auctor Hippocrates; sed nihil maiestate ipsius dignius, quam ingenium illud: *naturae morbis medentur.*

TVLPIVS obseru. med. Lib. I. c. 8.

Τα δε προςφερομενα τοις νοσεουσιν ὡδεχρη φυλασσειν, τα τε ὀρθως, και τα μη ὀρθως.

Quae vero aegrotantibus offeruntur, ea sic cautionibus munire oportet, ut distinguantur, quae recte, quaeque non recte fiant.

HIPPOCRATES de morb. I.

INSTITUTIONS

OF THE

STATE

OF NEW YORK

IN THE

YEAR 1850

BY

JOHN

W. FULTON

NEW YORK

1850


PRINTED BY

JOHN W. FULTON

NEW YORK



Lectoribus beneuolis.

 Quae res ab omni aevo incrementis & soliditati scientiae medicae obstaculo fuerunt, praematurae rerum iuuantium ac nocentium laudationes generales, & damnationes pariter praefestinatae, eas exceptionibus limitationibusque intra iustos terminos coercere studuerunt semper medici cordati, quique operosum longae artis studium, & utilem limitandi cautionesque eruendi laborem, prae succincta laudum & vituperiorum doctrina, colere haud reformidarunt. Compendiaria eruditio uti in omnia studiorum genera sat infelici fidere inuasit, ita nusquam adeo dispendiose increbuisse videtur, atque in medicina, ubi, si quid in corpus humanum commiseris, vel in eius sanitate adiuuanda omiseris, saepe iterum peccare non licet. Ea est humanae mentis ad condendas recipiendasque, ex apparente probabilitate, aut scientia & experientia non adaequata, generales opiniones procliuitas, ut cauendis eius facilitatis illecebris neminem non inuigilare deceat. Ne quid iam de meris coniecturis & opinationibus a priori quacunque theoria deductis, & certarum instar veritatum decantatis, dicam, nimis quam verum est, ex felicibus aut infelicibus rei alicuius successibus singularibus, quorum multae possunt esse causae, diuersitates per naturam & artem plurimae, subito saepe efficaciae omnis notitiam sibi arrogasse doctores aliquos, atque vel admirationem, vel contemtionem immoderatam, tum animo suo impressisse, tum in aliorum mentibus excitare studuisse, aut scribendo docendoque excitasse incautos. Fuerunt, ex doctorum numero, qui, quicquid fere in corpore humano morbi aut symptomatis accidat, (ne exceptis quidem ipsis pathematibus naturalibus, vel innoxiiis, & sponte certe cessaturis) id nequaquam naturae relinquendum esse, sed semper medicina aliqua indigere iudicarunt, eo iudicii non limitati effectu, ut aegros & naturam, quam saepe sibi relinquere, aut certe non prohibere, praestiterit, medicamentis vel

obruerint incassum, vel male perturbarint. Quod si, vti saepe fit, victrix nihilominus natura proprio robore noxam euasit, & ex malis emerfit, suae id opi liberaliter tribuerunt, quaeque adhibita sunt medicamina, pro causa felicitis euentus haberi debere vix dubitarunt, &, nubem pro Iunone amplexi, pro optima similium qualitercunque casuum medela adoptarunt, venditaruntque; praesertim si id praecepta cuiquam opinioni, aut alicui desiderio, fauere visum fuit. Videas hinc, si experientiam iteratam consulas, quam vanae, quamque immodicae laudes magnam materiae medicae partem exornent, dicam, an profituant? Accedit, quod ipsa medicamina vere alicubi efficacia & utilia, si prosperorum effectuum euidentia vsurpantium oculos perstringunt, facile ita fascinant improuidos, vt efficaciam immensum extendere, &, laudandi cupiditate, tamquam oestro aliquo, perciti, bona vbiuis omnia, sine aequo abusu & defectuum limite, exspectare inde ac praedicare festinent. Generosa praesertim, quae vocamus, medicamenta, id est, quibus, vna cum magnis vsibus concessis, id relinquitur, vt abusu incauto nociua facile euadere possint, adeo a quibusdam immoderata, aut vaga laudatione onerantur, vt, omissis recti & peruersi vsus distinctionibus, imperito cuius artis penetralia patere, & in solo remedio, non in iusta simul methodo, auxilium esse videatur. Alii e contrario, si quid ex abusu, vel aliunde, secius euenire reperiunt, eadem ipsa praesidia vel crudis vituperiis contaminata damnant penitus, vel vagis suspicionibus premunt, &, ob recti vsus difficultatem, a compendiosa sua disciplina remouere satagunt, terroribus generalibus, & opinionum expectationisque adminiculis imbellibus, loco efficaciae medicinae, armati: quasi ea sit artis infantia, seu artificum mentis imbecillitas, cui ens committere non auderes. Ita vero terriculis circumseptam artem parant sibi, militi illi similem, qui, a capite ad calcem armatura inutili & cataphractis rigescens, inuulnerabilem sese gloriabatur: cui prudentior commilito, at, inquit, tu potius talis hostem neque vulnerare, neque effugere poteris. Immo vero sunt qui, ita armati, hostem hostem non esse, sed amicissima quaeque moliri, sibi persuadere volunt, &, quia morbos aliquando saluti esse constat, eos tunc etiam nocere non posse, quando experientia nocentissimos ostendit, generatim lubentius edicunt, quam vt opinandi modum faciant, ac remedio, quod semel damnare lubuit, iustum relinquunt locum, & limitem censurarum terriculorumque admittant. Incidit mense Augusto superioris anni in manus meas dissertatio quaedam cl. *D. Goelickii*, professoris Francofurtensis, viri docti, assidui, & ingeniosi, neque ceterum experientia & meritis destituti,

qua

qua ille, mirum, omnes febres semper & vbique laudabiles, neque ideo vllum vnquam remedio ληξιπυρετω, certe cortici Peruuiano, locum esse, cum incredibili encomiorum & conuiciorum strepitu, indignabundus declamauit. Istis vero portentis arti, doctrinae, & experientiae medicae, ipsique rerum naturae, & meritissimis omnium temporum ac terrarum obseruatoribus, in faciem obstrepere, omnes laudum & vituperiorum limites stomachosa oratione proscindere, sustinuit. Talem quum se eo scripto gesserit, non est quod aegre ego feram, eum ibi mearum quoque *observationum de febribus*, vna cum eximiorum viro- rum, quibus refragari amat, operibus mentionem censoriam facere voluisse: ea cum disputandi ratione, qua in controuersis vti se solere, aduersus viros in- clitos, *Gundlingium*, *Hoffmannum*, *Burggrafium*, aliosque, dudum ostendit. Nata vero mihi inde est occasio, vindicandae veritatis, & scribendarum *animad- uersionum, pro limitibus laudum febris, & censurarum corticis Peruuiani*, in quibus vtrisque nihil ille limitandum vult, statuminandis: sicuti eosdem in ob- seruationibus meis statueram, aduersus priora quaedam ipsius scripta dictaque, aequae immoderata & iniuriosa. Iis enim iam tum pariter maximam hodie flo- rentium medicorum partem, & me, fautoresque & amicos meos praecipuos, nostrasque doctrinas theoricis innocuas, immo &, quae orbis medici causa est, certissimas vtilissimasque veritates practicas, & vsum medendi rectum (hoc sa- ne est medentes ipsos rectum vsum profitentes) crudis conuiciis proscindere non dubitarat, cum rationibus aut nullis, aut minime aptis. Ne quid autem extra- nei querantur, sibi solum iniuriam fieri, *imposturas recti vsus* corticis Peruuia- ni, quem expertum se nunquam esse gloriatur, eadem ex cathedra doctor dispu- tatorque criminatus est, ex qua immortale orbis medici decus, *B. Albinus*, can- didus tot aegrorum medicus, tot medicorum magister, in filiis dignissime ae- mulis adhuc spirans, vsus rectos fidosque, docendo ac disputando, antea exper- tissimus, propugnarat: quemadmodum praestantissimi omnium fere Europae academi- arum, alique doctores, adhuc propugnant, praxique probant, ab im- posturae crimine alienissimi. Oppositas iniquo & iniurioso eiusmodi cenfori anim- aduersiones illas meas, aequas & moderatas, obseruationibus ac cautionibus theoricis & practicis variis instruxi, vt non tam priuatam rem agerem, meas- que sententias tuerer, quam publico artis medicae cultorum bono qualemcunque operam, data illa occasione, denuo navarem. Idem mihi propositum fuit in praemissa, prooemii loco, *dissertatione, de itidem limitandis morborum vitupe- riis, laudibusque medelarum*. Egi ibi de natura morborum medica, eiusque ve-

ram notionem eruere, & vindicare studui. Dixi singulariter de limitandis morbosarum egestionum, congestionum, commotionum; de fluxuum, podagrae, febrium, timoribus ac vituperiis, laudibusque medelarum, quae commendari ad eos morbos solent, aequiter definiendis. Remediorum ad podagram variorum, praesertim diaetae abstemiae, lacteaeque, laudes meritas terminaui. Corticis Peruviani vsurpandi iustam methodum, & abusuum vitia, laudumque exinde limites, clare distinxi, aliaque, ad febrium maxime theoriam & praxin, iustosque laudum & vituperiorum terminos firmandos spectantia, candide, libere, ac modeste exposui. Concinnatum ita est ex illa dissertatione, & subiunctis animadversionibus, opusculum hoc *cautionum medicarum* bipertitum. Tractatum secundum primo loco, mense superioris anni Septembre, iam perscripseram, typisque priores plagulas absolutas habebam, quum, sub ineuntem Octobrem, Magdeburgum ire iuberer, ut aegrum illustrissimum nostratem inuiserem. Vbi, quum per octiduum otiosior solito haererem, scripsi partim, partim delineavi, tractatum primum alteri praemissum & congruentem, quum antea pauca solum de febribus salubribus, deque praecipuis corticis Peruviani abusibus, praefari mens esset: id quod ob quaedam secundi tractatus loca moneo, ubi lectores ad praefationem ablegantur, quae iam in tractatum primum excreuit. Beneuolam bibliothecae suae copiam Magdeburgi fecit, quod grata mente recolo, cl. D. *Stockhausenius*, medicus & doctissimus, & vere clinicus, quem animi, studii, & consiliorum consensione iunctissimum fautorem, ea occasione mihi partum, gratulor. Legant, quaeso, tractatus hosce attente, & sine praeiudicantis animi in alterutram partem propensione, lectores amantes veri, aequi, & boni; tum vero, duce experientia, quae artem fecit, eiusque & naturae limites docuit, bene aequiterque iudicent, & veritati denique sincere plaudant! Id ego me a lectorum parte praecipua obtenturum eo magis confido, quo certius, ut cum *Geudero de fermentis* p. 5. dicam, “in eo nunc vivimus saeculo, quo non adeo acriter pro certae alicuius sectae, aut ducis honore magis, quam pro sancta veritate, pugnare conuiciando & caluminando solent philosophorum optimi; sed, pro vna veritate maxime solliciti, plerique alteri alterorum inuenta & cogitata placide modesteque expendunt,.

Hannouerae d. XIII. Martii a. cl. MCCCXXXIV.

ELENCHVS.

§. I. Rerum medicarum omnium laudes & vituperia limitem admittere debent. *Hippocrates* de morbis secundum, & praeter naturam. Dantur morbi boni, remedia mala. Nihil horum in se bonum aut malum est; sed omnia ex habitu ad naturam & obseruationibus iudicanda.

§. II. Naturae morbis medentur. Varia huius vocis notio. Dissensus ea in re in ipsa arte perinde esse debet. Ordo in ipsis erroribus naturae, & monstris, mechanicus. Sapientia plus quam humana. Animae potentia & impotentia in actiones corporis naturales.

§. III. Terrores a morbis & remediis sine noxa; noxae ab vtrisque sine terroribus. *Stahlii* limitatio amplissima laudum naturae.

§. IV. Vituperiis fluxuum, & encomiis remediorum sistendum, ponendi limites. Fluxus, excreto stimulo aliquo, mechanice subito cessantes. Aloetica: pilulae *Becherianae* correctae. Opium, *Stahlii* de eius, & efficacis medicinae usu in dysenteria. Limitandae laudes remediorum minus efficacium.

§. V. Podagrae vituperia limitanda. Laudatio prudens *Preisleri* & *Schraderi*. Materia podagrica. Remedia specifica frustra iactata. Solatium & votum podagricorum.

§. VI. Medicamina podagrae vitiosae, eorumque limitandae laudes. Medela in paroxysmo. Venae sectio. De-

mulcentia. Decoctum Viennense. Diaeta abstemia. Antidoti amarae tonicae, praesertim aristolochia. Pedum scarificationes, hirudines, haemorrhoidum motio. Electuarium caryocostinum.

§. VII. Diaeta lactea. Exempla eius prisca & noua. De *Brunneri* curatione in corpore proprio. Cautiones circa lactis usum.

§. VIII. Febris indoles. Nunquam est sine efferuescentia, saepe cum fermentatione. Defensio harum vocum. Fluidorum motus intestinalis, & solidorum tritus, simul respici debent. Pulsus febris indicium, sed non solum, nec semper. De morali naturae sapientis, quae dicitur, aestimatione. *Stahlii* limitatio maxima laudum febris. Determinatio a posteriori facienda. Moralis aestimationis theoria probari nequit.

§. IX. Febres non nimis vituperandae. Natura per febres alterans, secernens, excernens. Vnde limites petendi? Vituperia febrium apud medicos multos, suo modulo vera. Effectus febrium, praecipue etiam intermittens, mali & boni. Limitationes nostrae & aliorum aequae.

§. X. Febres apoplecticae raro salubres, aliquando tamen. Obseruationes variorum.

§. XI. Febres male curatae, feliciter reduces. Ars febres excitandi limitanda.

§. XII.

§. XII. Limitandae laudationes corticis Peruvian, & remediorum minus certorum.

tia doseos pondere certae, praestabilitae. Vitia doseos magnae cumulatæ. Colica febrilis.

§. XIII. Causæ limitationis laudum corticis. Abusus quinam sint?

§. XVI. Vitia circa reuersiones præcauendas. Purgatio post febris curationem.

§. XIV. Notanda pro æquiter limitandis laudibus. Vitia circa corporis præparationem. Purgatio conueniens, vel secus.

§. XVII. Conclusio dissertationis. Limitandae laudationes remediorum aliorum febrifugorum, *Stahlius* & *Stevogtius* de arsenico. Repetitio succincta nostrae de natura sententiae. Vnanimis artis cultura.

§. XV. Vitia circa dosin & ordinem. Vitia visus ante paroxysmum. Vi-





§. I.

Morbi boni, remedia mala.



Vix ac ne vix quidem in rerum natura quicquam adeo humanæ valetudini reperitur infensum, quod, certis positis rerum circumstantium momentis, cautionibusque adhibitis, vel innocuum euadere non possit, vel etiam non nunquam quodammodo salubre. Neque vicissim vlla res tam insons corpori nostro est, & tantopere ad eius salutem comparata, quin aliis atque aliis modis, siue ipsorum hominum errore atque culpa, siue improuisa ac ineuitabili accessione aliarum rerum, humanæ prouidentiae potentiaeque vim exsuperantium, ab sua innocentia atque salubritate ad pericula & noxas delabi possit. Itaque, si vituperia aut laudes rerum medicarum, quæ & vtilis pro re nata & noxiæ esse queunt, ita vtrisque extendantur, vt limitem non admittant, inscientiam id & observationum defectum arguat necesse est, vel opinionem præiudicantem, vel lusum ingenii, vel dicendi modum hyperbolicum & minus accuratum. Neque ex aduerso quisquam mirari debet, si apud rerum salubrium insalubriumque observatores doctos & expertos, æstimatoresque æquos ac sinceros, modo præ-

stantissimorum, quæ ipsi alioqui laudant, remediorum effectus damnosi accusentur; modo ipsæ præter naturam molestiæ, morbi ipsi, quamvis vitio vertantur sæpe, salubritatis tamen alias maculentur encomiis, ac pro malis saltim minoribus maiorum medicis, immo pro bonis aliquo modo, reputentur. Neque vanus est *Hippocrates* noster, qui, in libelli de *diebus criticis* initio, bonos morbos a malis distinguit, eosque, qui formidandi aut exitiosi sint, secundum naturam, hoc est, pro more legibusque *Ὅστος ἰν' ἑα*, fieri negat; dum, qui secundum ipsam eueniant, salutari exitu potiantur. Ita vero etiam remedia bona a malis, scilicet indicata a non indicatis, & quæ secundum naturam, hoc est, ad ductum moris & legum naturæ non aberrantis, operantur, ab his, quæ præter vel contra eundem ægrorum curationes attentant, merito discernuntur. Tunc quoque, ubi iuuandum est, ea remedia prauis accenseri merentur, quæ non iuant, sed vana spe lactant, & efficacioribus indicatis locum ac tempus præripiunt. Quemadmodum a pessima dysenteria, ab exantlato sphacelo, a malignissimis febribus, & pestilentia ipsa, saniores deinde degere mortalium quosdam, quam ante eos morbos vixerunt, experientia approbante constat; ita contra etiam saluberrimo victu & potu, lacte, aqua, vino, medicamentisque partim blandissimis, uti cancrorum lapillis, nitro, herbulis esculentis, partim generosissimis, catharticis, anodynis, febrifugis, mercurialibus, aquis καὶ ἐξοχῶν salutaribus dictis, male passim mulctari hominum corpora, tristis observatio euincit. Id vero omne naturæ, eiusque habitus & virium proportioni ad morbos, & causas morbosas, & remedia, horumque singulorum vires, deberur. Neque ægrotatio vlla, aut vllum remedium, in se bonum aut malum est; sed tunc profunt omnia, quum a bona natura secundantur, eamque ipsa vel secundant, quantum fieri potest, vel restituunt & ab errore prohibent; nocent tunc, quum ad alienum a naturæ bonitate secundanda vel restituenda scopum collineant, ac deducunt. Felix medicus, qui, quid a quouis morbo ac remedio, in quouis naturæ statu, & ad res circumstantes habitu, vel sperandum sit utilitatis, vel noxæ metuendum, ex genuinis observationibus perspexerit.

S. II.

Naturæ medentes.

Sicuti singulorum hominum naturæ sanitatem corporis cuiusque, sub integro valerudinis statu, conseruare recte dicuntur; ita & morborum, & caussarum morbosarum, per ipsa sæpe symptomata, ipsosque morbos, medicæ, *Φυρεῖς ὡς αὐτὴν ἰστέον*, dudum *Hippocrati* merito audiuerunt. Esse aliquam vim naturalem, quæ, præter artis potentiam, ordinate in humano corpore operetur, & in sanitatem conseruandam vel restituendam congruentibus motibus sponte tendat, inter omnes medicos philosophosque constat. Hanc vero naturam vocamus: neque rem negare queunt, qui ipsum nomen receptum vitare amant (1). Quo nomine quid rei intelligamus, siue cuiusnam de salubrium motuum principie, vel causa, theoriæ addicti simus, in obseruationibus ad praxin medicam applicandis, parum certe,

(1) *Boyle*, in *de ipsa natura*, nouum mechanismi vocabulum substituit; *Sturmius*, in *dissertat. de plantarum animaliumque generatione*, variisque aliis scriptis, naturam vanum idolum vocat, & dei actionem specialem ubique supponit; *Bontekoe* sanguinis circulum nominare, non naturam colere vult, in libello *de natura*, & in *chirurg. c. 1. Muys. in-chirurg. rational. dec. 1. obs. 7. sq. dec. 3. obs. 2.* & *Dolæus*, in *epist. ad Waldschmidtum* instit. medicis præfixa, nomen naturæ itidem explodunt. De varia vocis huius notione, & ideis, quæ eidem a diuersis philosophis medicisque annectuntur, post *Pererium* in *physica* L. 7. c. 1. *Fabrum* in *panchum*. L. 1. c. 5. *Licetum* de *natur. anim. mouente*, *Sennert* *epit. phys.* L. 1. c. 1. *Smetium* *miscell. med.* L. 7. *epist. 1. Beusing*, *dissert. de natura*, *Boyle* de *ipsa natura* L. s. vid. præcipue *Schelhammer* de *natura*

part. I. Cadworth in *dissert. de natura genitrice*, in *systemate intellectuali*, elegantissima latinitate donato a vener. *Moshemio* theologo & polyhistore insigni, item ipse hic doctissimus interpres, in adnotationibus adiectis. Addenda vero sunt dogmata summi viri, *Leibnitii* nostri, (v. act. erud. 1698. p. 427.) & acutissimi *Wolffii*, quique hos ex medicis hodie sequuntur, viror. clariss. *Schreiber* in *elementis medicinae*, *Burggras*, in *lexico medico*, aliorumque: item his e diametro aduersa ill. *Stahl*i, & multorum inter medicos asseclarum, quorum scripta singulari libro recensuit celeb. *Goetzius*, additis dubiis b. *Apini*, quæ adhuc responsionem expectant. Jungi meretur ipsius *Apini* sententia de principio vitali, exposita dissertationibus quinque, in fasciculo dissertationum academicarum: item ill. I. A. *Wedelii* *dissert. de principio vitali*, & de vi naturæ medica.

te, aut plane nihil refert: quod dudum probauit iudiciosissimus *Schacherus*, in dissertatione de *recto rationis & experientiae usu in praxi* §. 7. 8. 9. 12. 17. 30. Merito miramur dolemusque, esse tamen, & indies adhuc insurgere viros doctos, qui, ob diuersas ea in re opinioniones, practicum dissensum ab aliis affectent, cum horum approbatio & contemptu, incrementis artis noxio. Sunt, verbi causa, qui vnius alteriusque medentis errores inde, cum vniuersae innocuae theoriae mechanicae acri censura, deriuare amant, quod occultum aliquod principium vitale, intra hominem sentiens sapiensque, non fuerit admissum (2): quo tamen credito, vel non credito, neque prohibentur magis errores, neque fiunt, quod res ipsa, reique ratio docet (3).
Ne-

(2) Conf. commerc. litter. Norimb. 1733. p. 204.

(3) Scite, & in nostram plane sententiam, fautor noster ex praecipuis amantissimus, cl. *D. Rud. Aug. Behrens*, physicus Brunsvicensis, & academicus naturae curiosorum merentissimus, in sub ill. *Schachero* disputata olim consideratione animae rationalis medica, c. 3. §. 5. “Quid tandem, ait, de sensu vitali dicendum, ad cuius ductum magnae homodie auctoritatis viri morborum genesin, progressum, & per varias criticas secretiones & excretionem solutionem explicare, nexumque physiologiae cum pathologia declarare, fatagunt? Sane, vti facile patiar, vt quilibet genio suo indulgeat, ita, eadem libertate in re publica litteraria utens, non adeo culpandus ero, si ab hac sententia modeste dissentiam. Equidem hanc hypothesein in historia morborum explicanda omnium esse facillimam, satis superque intelligo. Quando enim morbi quicunque in salutem & conseruationem corporis vergunt, ani-

ma, ad eorum mentem, sensus vitalis ministerio, motus ad hunc scopum necessarios prouide, scite, prouidenturque excitat & dirigit; sin vero morbi in detrimentum & exitium corporis vergunt, animam errorem, in sensu vitali committere, vel a vi morbi superari dicunt; ideoque principium illud ad hypotheseos suae progressusque morbi ductum, flectunt, torquentque, atque sic breuiter quidem se expediunt: quum tamen adhuc sub iudice lis sit, an motus corporis in salutem vel detrimentum corporis cedentes a praememorato vitali sensu dependeant: praecipue, quum alibi iam tum (c. 2. §. 1.) monitum fuerit, saepius mentem errorem & damnum deprauati, motus cognoscere, atque in id omnibus modis incumbere, vt vis corrigatur & emendetur, tametsi voti sui compos fieri nequeat. Quid itaque de iis morbis, quorum motus erroneos ne quidem mens percipit, sit sentiendum, aliorum iudicio relinquo.” Et c. 5. §. 3. vbi eruditissime disputat contra eam sententiam, qua mens pro principio corporis vitali

Neque ex altera parte illos laudo, qui errores quorundam, eiusmodi principium recipientium, dogmati ipsi tribuunt, inque innocens illud grauitur inuoluntur. Perinde talia in ipsa arte sunt, modo ne physica, mechanica, hydraulica, hydrostatica, aerometrica, corporis nostri, & diuersissimarum eius partium ac proportionum, artificiosissima ordinatio diuina negligatur; modo ne anatomicæ, physicæ, medicæ obseruationes postponantur sententiis theoricis, vel ex iis præiudicentur; modo ne, in praxi, rationis & experientiæ limites migrentur; modo laudes & censuras virium & imbecillitatum naturæ & remediorum, indefesso cultu sinceræ experientiæ, antiquæ & nouæ, propriæ & alienæ, rite distinguendas, perque diuersissimos praxeos casus, prudenti ἀναλογίᾳ aestimandas, ac æquiter limitandas, meminerimus; modo denique magis magisque non hypotheses

hypo-

vitali habetur, quaque ideo & corpori morbofo, & medicamentis adhibendis, omnis denegatur efficacia, nisi definito & incorporeo motu, a sensu mentis vitali excitato, in actum deducantur, sub finem denique, „non „vane, inquit, existimo, animam nisi „pathemate quodam (aut etiam, aliud agendo, proprie voluntaria motione, qua, quia omnia in corpore animæ concordante & vnito cohaerent, confluunt, & conspirant, etiam non voluntariæ motiones simul incitantur. conf. Sect. VI. §. VIII. Not. h. observ. nostr. de febr.) „varios in „corpore motus, efficaciam remediorum nunc iuuantes, nunc impedientes, excitet, nihil quicquam „ad eorum operationem contribuere. „Quemadmodum omnia physica effecta extra corpus humanum soli „particularum texturæ, figuræ, ac „motui debentur, cur eae in corpore „humano a cognoscitui principii, „seu mentis, incorporeo motu deducere debeamus, ego, vt ingenue fa-

„tear, causam non video idoneam. „Nihilo minus hodierna tempestate „non pauci in ea sunt sententia, ac „si nemo felices progressus in praxi „medica facere queat, nisi hypothesi „huic mordicus adhaereat. Quid autem? Nonne hac ipsa hypothesi „motus naturæ in scenam producuntur, quos ab omni æuo medici obferuarunt, atque ad eorum ductum „remedia praescribenda esse olim inculcarunt, & etiamnum inculcant? „Si itaque medicus, ad horum naturæ motuum ductum in morborum „cura usu probatis vtatur medicamentis, ipsi fortassis erit perinde, „siue quis motus illos a cognoscitui „uo, siue a mechanico principio deducat. Exoptandum potius foret, „vt iis ad salutem aegri dirigendis „ars medica sufficeret, quo sic cultores eius, non obstante de principio „corporis vitali dissensu, amice „morborum medelam aggredi, eamque ex animi sententia praestare „possent. „

hypothesibus, sed observationibus observationes cumulemus, ac salutarem disciplinam vno animo, & sine sententiarum theóreticarum favore aut invidia, excolamus. Nobis, quibus hoc propositum est, aequae ac excellentissimis viris, *Boerhaavio*, in *de honore medici servitute* p. 5. sqq. *Bergero*, in *physiologia*, & *de laude febris merito suspecta*, *Hoffmanno*, de *natura morborum medica mechanica*, & passim alibi, *Sydenhamio*, de *morb. acut.* II. 2. in fin. *Schelhammero*, de *natura* c. 5. §. 15. *Schachero*, *Wedelio*, *Meibomio*, *Heistero*, & innumeris aliis, occulto principii vitalis sensu non opus esse videtur; sed sufficere, ad naturæ humanæ, *Φυσίος* inter Hippocraticæ notionem, diuinum structuræ, connexionis, & proportionum in corpore viuo, ac eius solidis fluidisque omnibus partibus, artificium, quod per fibrarum & humorum robur, directionem, ac nisum cuilibet particulæ, ad subtilissimas vsque, impressum, ad aliena sponte subigenda, atque expumanda, apprime pronum sit: quæ & ipsa partim eodem sua sponte nitantur. Errant, qui naturam huiusmodi pro inerti habendam arbitrantur, & iccirco nihil agere, nullum salutarem scopum assequi posse censent. *Igneus est illi vigor, Et cælestis origo* (4): & prouisos ordinatosque habet virium defectuumque limites; licet sine propria sapientia operetur. Sapientiæ defectus in monstris (longe sane facilius nostræ sententiæ conciliandis, quam principio sapienti suum corpus struenti) inque morborum motibus peruersis, clare apparet, dum meliora videt mens probatque, deteriora natura sequitur. Nihilominus, in ipsis etiam erroribus, ordinis diuinitus sapienter prouisi vestigia, & aberrationum limites, natura seruat, vt nociuorum etiam motuum effectus sæpe ordinatione admirandi sint. Itaque ipsis generationum monstris, quæ, ob impressas tenerrimis nervorum fibrillis imagines motionesque corporeas, perturbatæ mentis imaginationi, pro eius corporisque commercio, respondentes, præter naturam nascuntur, argumenta miranda artificii, quod prima stamina & fabricæ instrumenta disposuerat, errandique statuerat modum, in ipsa turbati opificii, ideoque *ἀνωμαλως* procedentis, *ἀνωμαλίας* appa-

(4) *Virgilius.*

apparent. Ita, si parua magnis, humana diuinis componere licet, sicubi staminibus, a nobilioris telæ mechanico textore artificiose dispositis, improuida hominis ignari manus, aliaue caussa, perturbationem aliquam induxerit, procedente dein opificio per machinas *αὐτοματες*, monstrum aliquod *ἀνωμαλον* arte textoria fabricatum prodit, non sine artificii, quod organa dispositionemque fecerat, documentis manifestis, in ipsa aberratione, quæ *αὐτοματες* machinæ impotentiam, & insipientiam redarguit, vti magistri sapientiam comprobant, atque limitandi potestatem. Nihil est, quod opineris, spiritum plasticum rationalem requiri, ad exprimendas propagandasque in fœtu imagines, ab imaginatione materna oriundas; nisi etiam repræsentationis opticae & consonantiæ acusticae, echus & speculorum, phonurgicorumque & catoptricarum artificiorum plurium, ad quæ ignari stupent, animas item spirituales & sapientes plasticas suspicandas esse rearis: quibus naturæ vel artis effectibus sua item monstra eueniunt, quando alicubi insignior aliena impressio, aut mutatio, fortuito admittitur. Taceo plantarum monstrosos quasi partus, quarum naturam genitricem qui insita spiritalis indolis intelligentia liberaliter dotant, mire eam diuisibilem, vel multiplicem in ipsa simplicitate, admittant necesse est, ob experimenta hodierna culturæ & multiplicationis plantarum, per omnes fere partes seorsim, pro cultoris lubitu, aut forte fortuna, vegetantium, vel secus, & multifariam monstrose mutatarum; quemadmodum diuidant oportet, in animali regno, variorum insectorum & reptilium animas naturas, quando dissecta regulariter moueri diu continuant. Recte *Ionstons* in *thaumatochr.* L. 10. c. 7. "monstra, ait, in omnibus corporibus mixtis sunt., Neque igitur ab his ad naturam genitricem sapientem concludere licet. Hæc, quasi per *παρεκβασιν*, dicta sunt, quia hodie alicubi ultra modum efferuntur obiectæ his, qui principium vitale sapiens admittere recusant, difficultates, ex insipientis imaginationis maternæ efficacia in embryonem, & monstrorum generatione: quum eadem aduersa sentientes potius premant. conf. obseru. nostr. Sect. VI. §. VII. Vt e diuerticulo in viam regrediar, ea esse videtur non nostri solum corporis, sed & omnium corporum naturalium, a maximis ad
mi-

minima usque, mechanica, & legibus regularibus ad scopum conditoris ordinata, indoles; ea singulis quibusvis omnis materiæ particulis vis indita grauitans, regulari nisu, pro motus impressi vel aliunde accedentis legibus diuinis, ea nitens renitensque corporis nostri ad rerum non naturalium, præternaturaliumque (5), quas medici vocant, vires mouendi insitas, & harum ad istud proportio, hi singulis a creatore positi efficaciam limites; ut exinde euenientes sponte procedentesque motus, sine humana sapientia, suo gaudere debeant ordine, & non possint non, magna ex parte, ad salutarem attritum, separationem, coctionem, atque crisin, ordinate collineare. Immo ubi aberrant, aut deficiunt, quum obliqui mensura rectum sit, debent sane, per ipsa symptomatum prauorum signa, sui medelam, & regularem medendi methodum indicare. Indicatum vero ac recte applicatum reducta in meliorem tramitem natura secundat omnino, & id

(5) Eleganter & solide ill. J. A. Wedelius, in de *vi naturæ humanæ medicæ* §. 16. "Humores vitales morbo-
,,si in se continent tam particulas
,,morbofas, quam reliquas ex statu
,,naturali residuas. Vtraque vero gau-
,,dent certa definitaque actiuitate,
,,quæ omnino motus species est, ut
,,omnis actio. Hoc equidem negare
,,videntur recentiores quidam, & ge-
,,neratim motum materiæ denegant,
,,& actum tunc sine agente putant, si
,,materiæ insitum motum putemus,
,,& ideo animam immaterialem mo-
,,tibus naturalibus & vitalibus præ-
,,ficiunt, ut agens obtineant, cum
,,materiae actiuitatem negent. Ve-
,,rum, dum ipsi materiae morbidæ
,,vim fermentationem morbosam, im-
,,mo putredinem, in sanguine exci-
,,tandi, sanguinemque destruendi af-
,,signant; ubi tunc est agens, si ma-
,,teriæ talis vis non competat? sine
,,motu enim hæc nec concipi, nec
,,fieri potest. Necessè tunc esset pe-

,,culiarem animam in corpore motu-
,,um vitiosorum auctorem ut statue-
,,rent, cum anima rationalis, juxta
,,eorundem sententiam, motus ad
,,conseruationem corporis præstet,
,,& contra hanc materiam morbosam
,,pugnet. Materiæ morbidæ ergo
,,dum vim & actiuitatem tribuunt vel
,,concedunt, causa nulla est, cur hu-
,,moribus sanis, vel eorum partibus,
,,efficaciam denegent., Vtrimque
vero, pro ordinarie insito morbosæ sa-
naeque materiae nisu, & proportio-
ne ad inuicem, & ad singulas corpo-
ris partes summo ordine contextas,
in morbis, iisque præcipue, quibus
natura feliciter medetur, ea facile ex
physicis motuum legibus, diuinitus
exquisitissime prouisis, ordinatorum
motuum ratio indubia colligi potest,
quæ humanæ animæ sapiens mode-
ramen vel excludat plane, vel sum-
mopere limitet debilitetque, certe
nulla necessitate requirat.

id denique, post restitutum natium œconomiae ordinem, pro perficienda sanitate, naturalibus motionibus efficit, quod nulla ars sola praestare queat. Vix ac ne vix quidem tanta spiritui humano cui-
 cunque, licet prudentissimo doctissimoque, ab his, qui suam imbecillitatem inscientiamque rite ponderant, tribui potest sapientia, quanta in motibus non voluntariis, circa sanitatis negotium, inter tot tamque varias, & omni hominis sensui cognito ignotas, omni meditationi imperuestigabiles particulas motionesque, in ipsius corpore quotidie observantur. Quamuis etiam liberaliter largiremur illum, quem ignoramus, sensum vitalem, foret tamen actio omnis inde consequens per physicam necessitatem praestabilita, velut in brutorum animantium instinctu, sine rationalis animae aestimatione aut moderatione. Perplacent argumenta & sententiae ill. Jo. Ad. *Wedelii*, quibus in dissertationibus de *principio vitali*, & de *vi naturae humanae medica*, docet, neque in voluntariis hominum actionibus, physico mentis effectui tribuendis, harmonia *Leibnitiana*, neque in non voluntariis occulto animae rationalis, aut alius principii vitalis, sensu, ratione, & sapientia opus esse: atque p. 13. "ut dicamus, inquit, quod res est, non omnino mentis circa haec negotia ratio & sapientia vnquam sufficit: effectus enim maior esset sua causa. Summam potius creatoris sapientiam in his venerari cogimur., Enimvero non solum, quod ibi probatur, animae sufficiens iis in rebus scientia, prudentia, potentia deficere videtur; verum etiam, vbi aliquid circa ea, quae naturae tribuimus, nouit, & prouidet, & efficere valet, saepe saepius contra naturam motusque eius cogitat, eligit, agit: adeoque, si ipsa anima natura est, duos non diuersos solum, sed repugnantes, seu, vt dicunt, contradictorios, in vno eodemque momenti & sollicitae attentionis puncto, intellectus, voluntates, potestates habere & exserere, hoc est, ni fallor, idem simul esse & non esse debet: id quod mihi plane ἀκαταληπτόν, & repugnans vnus simplicis animae naturalis ideae esse fateor. Ad eius igitur potius intelligentiam, sapientiam potestatemque immensam ac certissimam prouocare placet, cuius consilio & nutu nascimur, viuimus, aegrotamus, medicamur, sanamus, deficimus, conualescimus,

morimur; & qui intellectui, voluntati, licentiaeque & viribus animae humanae suos limites, & corporum machinis suas leges definiuit. *Meibomianis* verbis breuiter meam sententiam repetere lubet, quae *Schelhammerus* in lectu dignissimo libro de natura P. II. c. 1. §. 5. habet, vbi, “non possum, ait, quin viri maximi, *Henrici Meibomii*, “verba adducam, tanto plus ponderis apud dubitantes habitura, quod “ille est vir *πολυμαθεστατος*, & iudicio pariter atque experientia insignis. “Quicquid, inquit, in corpore nostro humano a partium omnium “(6) propria constitutione, spiritibusque in primis (7) & sanguine, “calidoque illi inhaerente (8), vt mouentibus, dependet & fit, il- “lud a natura dependere & fieri dicimus. Naturae nomine com- “plexum aliquem variarum caussarum (9) agentium, a deo creatore “ita ordinatarum, intelligimus, eique non tantum in sanitatis statu “tam varias & pulcras actiones adscribimus; sed etiam valetudine “afflicta naturam medicatricem, cum veteri & recenti medicorum “schola, agnoscimus, illiusque ministros, & actionum eius omnium “diligentes obseruatores, medici nos profitemur., “Quae pari cum “ve-

(6) In morbis vero etiam materies aliquantum morbosa pars est, sed aegra, neque fibrae aut humores a naturali statu deflecentes definunt partes corporis esse, & naturae pars sunt, ob reliquias status naturalis, & proportionum.

(7) Hoc est, parte sanguinis ceterorumque humorum spirituosam, elasticam, ideoque proprio motu instructam, & tonum instruente liquore encephali, medullae spinalis, ac neruorum fibrarumque motricium.

(8) Hoc est, particulis subtilissimis, seu aethereis, rapidissimo motu, vel certe nullo ad eum natiuo proprioque, sine animae moderamine, instructis, siue, vt ill. *Boerhaavius* in *chemia* vocat, igneis, de quibus si intelli-

gantur veterum illa de *calido innato*, & *igne animali*, a *Conringio* peculiari libro tractata, vana omnino non sunt.

(9) Inter illas causas quodammodo est ipsa mens, sed non directa. Hanc enim, sub ordinata vnionis lege, in voluntariorum motuum instrumenta libere & vere physice agere, affectis vero sensuum externorum & interiorum cognitorum organis vere affici, & ad motus vicissim in iis per pathemata sua excitandos determinari, statuimus: vnde, ob organorum illorum connexiones & consensum cum reliqua machina, tum vitalium motuum perennitatem, sine propria sapientia, iuuat, tum pathematibus reflexionibusque suis varios in corpore motus improuida producit aut mutat.

“veritate elegantia nitens sententia & humanam naturam perpulcre,
“veluti in tabula, exhibet depictam, & ad vniuersalem nulla opera
“aptari poterit.”

§. III.

Terrores sine noxis, noxae sine terroribus.

Naturae isti itaque debetur, vt, quum vix mortalium quisquam sit, quin saepius morbis, seu morbidis motionibus, afficiatur terreaturque, plures tamen ex his in sanitatem, quam in noxas, aut ipsam mortem, immo haud raro potius in salubritatem, sponte tendant, desinantque. Exempla abunde & erudite congeffit celeb. *Alberti* in dissertatione de *morborum salubritate*. Morbi sunt pathemata corporis humani praeter naturam, seu illi affectus, quibus sensus aut facultates corporis, praeter natiuam oeconomiae rationem, molestantur: sed supersunt in plurimis multae huius reliquiae. Tot eorum genera, species, atque indoles sunt, vt, qui omnia distincte enarrare vellet, lepidio *Iuuenalis* ea de re elogio, prius enumerauerit

Quod Themison aegros autumno occiderit vno.

Neque ergo, Themisonis methodici more, generali cuidam notioni diuersissimas species ita subiicere licet, vt aequi laudum & vituperiorum, sperandaeque salubritatis & metuendae noxae, limites in singularibus deficient. Sunt vero morbi partim singularum personarum naturis magis proprii, iisque vulgatissimi, quicquid pro re nata varient, qua de re ill. *Stahlius*, peculiari dissertatione de *infrequentia morborum personali*, eleganter egit, partim diaeta magis excitati, vel endemii, vel maxime epidemii, quibus singulis infrequentia laudata passim in frequentiam insignem plurium morborum sibi inuicem sensim in vno corpore succedentium, degenerat. Ea tamen in plerisque est, diuino beneficio, naturae bonitas, vt, quo vsque naturalis oeconomiae & nisus reliquiae suppetunt, earumque robur constat, neque prauis causis obruitur, ipsa se per motus, molestos licet, attamen bono euentui a sapientissimo conditore destinatos,

perque subsequentes vitiosarum rerum coctiones atque euacuationes, in integritatem restituat vindicetque. Recte itaque experientissimus *Carlius* in *commerc. litter. Norimb.* 1733. pag. 260. ubi periodicorum exanthematum, & sudorum chronicorum euentum critice salutarem eleganter docet, facta comparatione multitudinis motuum vitalitati innocuorum, cum minori mortiferorum numero, "multa, inquit, sunt, quae terreant, pauca, quae perimant,,: licet & neque numero pauciora illa debeant negligi, & sint plura, quae nocent, vel damnum minantur, licet non statim perimant, & illud effatum nonnunquam, pro morborum, corporum, locorum, temporum, circumstantiarum, infeliciori indole, ita vicissim enuntiandum sit: multa sunt in epidemiis, endemiis, singularibus, motibus morbosis, quae noceant, immo vel perimant, si auxilium artis vel ignoretur, vel negligatur, licet vix ac ne vix quidem naturae nimium fidos, vel morborum historiae ignaros, terruerint. Id enim misera passim morborum aegrorumque mortalium sibi relictorum conditione, & insperatorum funerum frequentia, & magna saepe e contrario manifestaue medicinae necessitate atque felicitate, toto die ubique gentium comprobatur. Ipse cl. *Stahlius*, postquam in de *autocratia naturae* c. 2. eam vim laudarat, qua natura proportionem motuum ad habitum laesionis vel imminentis, vel praesentis, *Dirigat & Exaequet*, "illud unum, inquit, superest monendum, quod nemo neque nobis imputare debeat, neque sibi praefigurare, quasi agens nostrum autocraticum proportionem has semper ita mechanice & mathematice instituat, ut nihil faciat, nisi quod cum obiecti, contra quod nititur, conditione examussim quadret,,. *Nequaquam*. "Sed tumultuatur utique saepissime, & non modo impetu erroneo agit, modo nimis trepide, modo praecipitanter; sed etiam subinde in specialibus organis recte seligendis aberrat, ut per incongruas vias secretionem & excretionem suas moliatur,,. add. idem in de *naturae erroribus medicis*. Longe minus apte *Goelickius* assecla, in de laude febris falso suspecta, profusus laudum & conuiciorum largitor, cui panicos suos terrores morbosamque fiduciam relinquimus. Illa vero *Stahlina* si ita sunt, atque, uti certissimum est, a priori definiri non

non possunt, nihil est quod practicum dissensum ex theoriae principiis consequi debere opinemur. Illud vnum enim, quod *Stahlius* monet, etiam nos de natura mechanica corporea monemus, cuius salutarem *αὐτοκρατίαν* ceteroqui toties pariter agnoscimus: & illud vnum est, quod timori & fiduciae medicae limitem ponit, & omnis fere artis opisque ratio & regula est, & ex observationum *ἀναλογία* erui & applicari debet, quicquid de natura opinemur. Praedicanda igitur est sapientia summi rerum naturae domini, qui medicis adminiculis iustas ad corpus humanum proportionales indidit, quibus aduersus nocuos motus eidem succurrere possint, quique fidelium naturae ministrorum ingenia ita instruxit, vt, observationibus factis, ad verarum indicationum normam, vel omittere ista, vel adhibere, atque ita, vanos terrores a iustis discernendo, neque temere, neque timide artem exercere queant. Etenim vel eos ipsos morbos, ipsa ea symptomata, quae salubritatis encomiis suo quodam merito efferruntur, variis de causis frequenter nocua euadere, tristis experientia, & ipsa rerum naturae ratio docet, vt tunc quidem morbus potius, quam recte adhibenda medela explorata, & contra abusus limitata, timeri debeat. Sed & illud notandum est, efficacia medicamina omnia ita esse comparata, vt nonnunquam terreant ignaros, quum nocere nequeant, noceantque abusu, vbi non terruerunt. Quod si enim ea, sine debita observatione & *ἀναλογία* historiae virium effectuumque naturae & artis vsurpes, errorem potius naturae induces, quam corriges, augebis motus eius nocuos, quam compesces, debilitabis ipsam, quam roborabis, vt necessarias arti tuae suppetias ferre nequeat, sed tecum erret, tecum tumultuetur & labascatur, noxamque patiatur, quam timere & vitare debuisses. Quisquis vero huiusmodi artificum vitiis, eorumque prauis consecutionibus, ita animo perturbetur, vt ex iis rectos vsus ipsos praeiudicet; vel ultra historiae virium effectuumque modulum, & praeter aliarum causarum attentionem, nescio quid non vndecunque eueniendis noxae in vnam generosam medelam adhibitam coniicere amet; vel denique motibus fortioribus, sed haud insalubribus, ab efficacia eius primo saepe contingentibus, animum despondeat; nae ille ignorantiae fi-

liam timiditatem ita fouebit, vt temeritatem damnosam ingeneret, qua infidos morbos & inutilia tormenta vel otiosus spectet, vel aequè inutilium aut aequè ambiguarum curationum experimentis augeat. Atquae haec ipsa, quae diximus, vituperiorum ac laudum in rebus medicis omnibus limites omnino statuendos arguunt, quibus rite obseruatis, & vsus artis medicae ab abusu, & medicus vere practicus a speculatore, experiens ab inexperto, doctior ab insciente, cautus a timido, prudens a negligente, recte agendorum conscius a temerario, distinguatur. Legatur hanc in rem celeb. *Heisteri* dissertatio de *medico nimis timido*, item *Schelhammeri* de *natura* pars II. humanae naturae sanae & morbosae, sanantis & sanandae, condiciones illustrans atque ipsum ministerium medici, & artificium diaetae, eam & medicamentis seruandi, & in integrum restituendi, exhibens, regulis limitationibusque prudenter clausum.

§. IV.

Vituperiis fluxuum & encomiis remediorum sistendum ponendi limites.

Elucet inter alia, vbi maxima discretionem opus est, affectuum genera, fluxuum variorum, vomituum verbi causa, alui profluuiorum, haemorrhagiarum ratio: qui saepe quidem vitalem purpuram, viresque neruorum, nimium depauperant, aliaque mala corpori inducunt; nihilominus frequentissima salubritate alias conspicui sunt. In fauciatorum quidem profluuiis sanguineis facile suam imbecillitatem natura agnosceret, si ipsa anima sapiens esset. Neque id suae prouidentiae tribuendum existimaret, puto, quod sanguis ex minorum vasculorum hiatu proruens, accedente animi deliquio, & fatigante vi cordis, sine artis adminiculo saepe feliciter subsistat. Naturae felicitas itidem est, quod, parte sanguinis per vulneratum locum, ante adstringentium remediorum applicationem elapsa, inflammatio & suppuratio metuenda minuatur: quam augent saepe importunius statim admota remedia impenae styptica. Vbi grauiora & tot aut tantorum vasorum vulnera contingunt, e quibus anatomes

scien-

scientia & obseruatio docet, vires ac vitam cum sanguine fundi posse, ibi naturae labantis prostratum ministrum se profiteri nemo peritorum audet. Sed & hos omnino audaciores iusto esse constat, qui adstringentia quaedam, licet suo modulo laudatissima, remedia externa aut interna nimis ibi encomiis mactant, & quasi anchoram salutis pro faucibus omnibus, ita extollunt, vt, quod exempla docuerunt, omissis vstionibus & ligaturis maiorum vasorum unice certis, medicamini suo nimium fisci, vitam, quam seruare potuissent, quadata porta effugere permittant. Naturae potestati magis subsunt profluvia sanguinis & humorum ab internis causis oriunda. Laudationem quidem immodicam quorundam haud merentur, neque tamen etiam vituperandae ultra modum sunt liquorum profusiones, quas, ob alicuius stimuli peregrini acrioris vel solidioris incitationem, vti ob exiguum materiem contagiosam dysentericam, ob frustulum cibi indigestum, ob lumbricos, molas, calculos, aut similia, natura instituit, vbi vires nonnunquam paene omnes prius, quam id ipsum euacuatur, quod mali causa est, quodque saepe, perturbata insuper magis, quam pro rei ratione, oeconomia corporis, per spasmos intus magis cohibetur. Aegre vero, ac interdum ne aegre quidem, cessat natura a faciendo humoris innocui dispendio, donec res aliena, vel vi spontaneorum motuum, vel arte educente, aut nimios spasmos moderante, elabatur: quo facto, incantamenti instar, sublata causa corporea, effectus ille tolli solet, perdurante licet plerumque per aliquod adhuc tempus agitatione fibrarum humorumque, & variis motibus inordinatis. Nihil his rebus, & maxime etiam eiusmodi haemorrhagiis, excluso demum abortu aut mola cessantibus, frequentius est, neque id medicis, cuicunque theoriae adiectis, nouum, aut aduersum: etsi sint, qui mechanice, sine principio sapiente vitali, explicari posse dubitent. Neque vero sapientiam arguere videtur, aut moralem principii vitalis aestimationem, quia modum limitemque rationi aestimanti proponendum euidenter fere semper excedit; sed partium corporis solidarum fluidarumque, quae per circulantis sanguinis calidi, elastici, & liquoris impetum in vasa & nervos facientis, & ipsos fibrarum elasticarum vibrantium

Maean-

Maeandros iunctae sunt, physicum necessariumque confluxum, con-
 spirationem, & consensum, ad mechanicas, hydraulicas, hydrosta-
 ticas motuum leges. Accedit perquam mechanica impressio, attra-
 ctio, expansio, apertio vasorum propius, aut per connexionem, a
 re peregrina affectorum, quae deinde, reiecta sarcina, liberantur,
 seque proprio elatere contrahunt, & humorem profundere facile
 desinunt, licet etiam excitus feruor impetusque, & perturbatio non
 statim omnino cesset. His indigitasse liceat haud adeo difficilem so-
 lutionem problematis, in *commerc. litt. Norimb.* 1733. p. 162. me-
 chanicae theoriae fautoribus propositi. Quamuis itaque sapientiae
 laudem principio in eiusmodi fluxibus ciendis laboranti minime tri-
 buendam existimemus, observationum tamen medicarum ratio a vul-
 gi circa eosdem terriculis immunes nos reddit, qui mortem prae-
 foribus esse subito trepidat, nisi elabenti cum aliqua violentia humo-
 ri porta statim violenter claudatur. Naturae enim bonitas residua
 tandem vel cum bonis innocentibusque succis ipsum etiam id, quod
 noxium est, eiicere, seque deinde sensim refocillare, vel, fatiscen-
 tibus viribus motricibus, motus minuere solet, ut quiescat tantisper
 materia morbida, vel blandius elabatur. Videantur, verbi causa,
 pro limitando huiusmodi fluxuum vituperio, quae de haemorrhagiis
 ex abortu & ex secundina retenta, rarissime sponte mortiferis, nota-
 uimus in *obseru. de febr. sect. VI. obs. partic. 52. 55. seq.* Saepe il-
 lae terrent, raro perimunt, etiamsi laudem sapientis naturae mode-
 ramini haud mereantur: immo nonnunquam, ob nimiam subitam-
 que violentiam, syncopen & velocia vitae pericula corporibus debi-
 lioribus & sensus exquisitioris minentur, ut medelam validiorem si-
 stentem ac sapientem vitalis indicatio poscat, quae ceteris omnibus
 praeualet. Multae certe molestiae, sine vera corporis utilitate, per
 sanorum & innocuorum humorum eiectionem, accidunt, magna vi-
 rium subsequitur prostratio, varia violentorum motuum attritu gi-
 gnuntur recrementa, debilitato dein corpori nimis graua, immo &
 exsoluuntur saepe, inque motum praematurum, inutilem, nocuum
 aguntur, quae in humorum viscerumque recessu iam latitabant, non
 ita mouenda, si natura sufficienti, aut qualitercunque adaequata cum
 sa-

sapientia potentiaque, corpori consuleret: quemadmodum itidem alibi de febribus probauimus, quae etiam multa alia, praeter propriam sui causam, saepe haud sine periculo & noxa mouent. Neque vero laudabimus hic vberius, quae potiori iure ac suo merito praedicantur, reiectiones humorum aut sanguinis, vere abundantia peccantium, vel critice exsolutorum, quas natura toto die, cum felici euentu, praestat, etsi cum ignarorum saepe terrore, ac imperitiis remediorum commendationibus, vbi inutilia sunt, vel etiam noxia. Egerunt id negotium scriptores varii, qui in omnium manibus versantur, vt rem, pro scopi ratione, breuiter hic indicasse sufficiat. Laudari inter alios merentur, pro limitandis fluxuum vituperiis laudibusque remediorum, disquisitio *Jo. Andr. Schmidii de haemorrhagiis aliisque fluxibus per adstringentia non sistendis*, *Schrader de morbor. quorund. salubrit. §. 4.* *Wedelius amenit. mater. med. L. I. Sect. 2. c. 2.* *Hoffmanni medic. system. T. II. p. 412. sqq.* *Stahlius de adstringentium cauto usu: eiusdem, & Alberti opera de haemorrhoidibus, Valentini nosocom. academ in prax. infallib. T. I. casu 12.* quo de haemorrhagia ab abortus moliminibus, non cessantibus, nisi foetu extracto, curiose agitur. Causis sane fluxuum spasmorumque potius e corpore, quantum tuto fieri potest, praescribendis, quam symptomatum curae studendum est. Egregie, prae multis aliis euacuantibus, in vterinarum praecipue haemorrhagiarum, sed &, si ab ipecacuanha & rheo recesserimus, in diarrhoearum ac dysenteriarum causis variis eiiciendis, sese gerunt, immodice licet passim laudatae, pilulae Stahlianæ, aut similes blande aloeticæ, nisi inflammatio, aut febris magna, lenta, metuenda, siue adsit, siue instet, aut symptomata aliud vrgeant, aut causa mali mitigationem & correctionem indicare videatur, aut non bene tolerare purgationem corporis habitus. Magnopere earum in dysenteria vsus tum passim alibi ab expertis effertur, tum a *Gohlio in act. medic. Berol. dec. 1. vol. 6. p. 42. sqq.* Ipse eas auctor illustris commendat in *de dysenteria* p. 35. quamuis ibidem paullo ante p. 31. "a stimulantibus & "in primis aloeticis se alienissimum,, profiteatur: quod limitatione opus habet. Aloeticas enim esse certum est, neque per purificatio-

nes cum aqua, & praecipitationes cum liquore acidulo, variasque miscelas, aloë definit esse id, quod est, aut oderem, saporem, effectum aloeticum prodere. Et optimae illarum pilularum imitationes aqueum aloës & elleb. n. extractum recipiunt, quarum magnus hodie vbiq̃ue per Germaniam celebratur numerus, in hoc saeculo pilulari, vti rident 1733. p. 117. cl. auctores *commercii Norimbergensis*. Quod si fluxuum symptomata violenta & pertinaciora moderamen efflagitent, & materiae copia exhausta sit, aut causa tuto eiici nondum queat, frustraue tentetur, tunc pacare potius naturam, & suae tranquillitati restituere fas est, quam expulsionem pertinaciter urgere, quae deinde saepe felicius tranquille procedit. Atque tunc, vti olim in dissert. de *medic. sect. method.* Sect. III. §. IV. scripsi: „quae
 “blande spasmodum & dolorum vehementiam temperant, satisfaci-
 “unt plerumque, & violentioribus, vno impetu sistentibus ac stupe-
 “facientibus, palmam praeripiunt, dum haec aut noxia in corpore re-
 “tinent, aut periculosam saepe fibris inferunt ἀτονίαν.“ Quod si alia minus certa non sufficiant, minime excludimus ipsa, stypticis potiora, anodyna opiata, leni & lenta dosi, ad indicationis & ἐνφορίας proportionem, exhibita, quae nocere, experientia attestante, non possit, & non nisi blande spasmodum ac dolorum vehementiam temperet, sensimque fluxiones compescat. Haud immerito nuper cl. *Adr. van Royen* prof. botan. Lugd. Batau. in poemate incomparabili de *amoris & connubiis plantarum*, de anodyna illa medicina cecinit:

Viuat Apollineis nimium suspecta ministris,

Viuat in innumeris sola medela malis!

Scitissime ill. *Bergerus* in de vi opii rarefaciente, “nullum saepe, ait, “ab alio remedio maius auxilium, (nempe si recte vsurpetur) neque “periculum in vilo remedio maius est., (scilicet si in imperita ver-
 “fetur manu) Ipse ill. *Stahlius*, qui, post praeceptorum suorum, *Wedelii* opiologiam, & *Ettmülleri* de virtute opii diaphoretica, limites alio modo ponere conatus est per dissertationem de *impostura opii*, (quo titulo quidam asseclae & imitatores conuicia in hoc, aliaque remedia generosa, eorumque rectum etiam vsum, iaciendi priuilegi-
 um

um sibi datum forsan autumant) quamuis in dissert. de *dysenteria*
 pag. 32. "opiatorum, inquit, vsum in hoc casu non quidem da-
 "mnamus, sed neque laudamus,, in ipso tamen eo casu, paullo post,
 immo in leniori etiam malo, & primis initiis, re vera & claris ver-
 bis collaudat. Praeberi iubet statim mane rhabarbarum, vesperi
 opiatam theriacam, vel, praemissis pilulis balsamicis, pilulas de cy-
 noglossa, & has quidem ad granum per quinque vel sex horas
 vnum, hoc est, opium ipsum, nulla praeparatione castratum, seu
 correctum, indies ad dimidium circiter granum, & amplius p. 35.
 36. Et apposite quidem pag. 35. "nos vero, ait, candide cohor-
 "tamur, vt nihil hic temerariae opinioni quisquam tribuat; (hoc est,
 ne quis, in morbo illo perquam metuendo, imbellium medicaminum
 laudibus nimium fidat) "sed remediis vtatur, quae etiam edere pos-
 "sint effectum, qui non solum intenditur, sed ab vrgente malo, ne-
 "que otiosas tentationes expectante, vrgetur." Cauendae omnino
 sunt nimiae imbecilliorum medicaminum laudationes, vt verbi caus-
 sa, in choleris, dysenteriis, aliisque fluxionibus violentissimis qui-
 busque, blanda euacuantia, quae simul aliquantum stringentibus par-
 ticulis pollent, aut & lac, oleum, serum lactis, nitrum, crystallus,
 cascarilla, tormentilla, aliaque egregie demulcentia, temperantia,
 praecipitantia, tonica, alexipharmaca non opiata, semper sufficere
 praedicentur, licet saepe feliciter sufficiant; opiata vero sine limite
 reddantur suspecta. Vnde duplex oriri potest noxa, vt vel, inuali-
 da molimina vrgendo, medici minus experti, & nimis horum lau-
 dibus fisi, dum promissum iuuamen expectant, ipsum affectum in-
 tolerandum & periculosissimum perseuerare, augescere, interimere
 sinant, quem, si laudum & vituperiorum limites didicissent, lenire,
 minuere, tollere licebat; vel, praepostero generosi medicaminis me-
 tu, multa passim alia, quasi palpando in ambiguo, minus apta, &
 magis saepe periculosa medicamina hinc illinc arripiant, vel ab aegro
 aut adstantibus sine arte tentari patiantur.

§. V.

Podagrae vituperia limitanda.

Praeter ipsas felices fluxiones egestionisque, etiam haud infelices saepe sunt congestiones, quas natura, a nobilioribus partibus ad exteriores minusque praecipuas, tantisper instituit, dum materies ibi, sub circulantis humoris vitalis appulsu, fibrarumque tritu, digeratur, dissoluatur, & exspiret. Excellunt, inter eiusmodi congestiones, arthriticae, & has inter fixae illae & periodicae, quas *podagrae* nomine salutamus. Prodiit a. 1730. Marburgi perelegans, & a ludicris morborum laudationibus longe diversa, & medicam aequamque commentationem exhibens, dissertatio cl. *D. Preisleri*, de *podagra*, (taedioso illo tot mortalibus tormento) *corporis humani conservatrice*. Quo labore praeripuit mihi doctissimus auctor operam moderandorum vituperiorum, quae ab aliquibus patientibus medentibusque iactantur in illud malum extremitatum, quamvis saepe vni- ce bonum sit, & salutem partium corporis internarum seruet ab illo, qui per intervalla turget, specifica quadam sui indole articulis debito, ibique digestionem ac expirationem exspectante, fixae arthritidis fomite, arte vix exhauriendo. *Furiam* tamen *podagrae* conui- ciatur *Dolaeus*, peculiari libro de ea *lacte deuicta & mitigata*, *tyran- nidem* *Maierus*, singulari item scriptione, qua *corporis humani ciui- tatem liberare* satagit, *Pechlinus*, in *observationibus*, *τηγανισμάτων* *morborum*, *Fonseca consult. 5. graue malum, in quo omnia tentanda*. Alia alia vituperia iaciunt. Neque id mirum, quum & aegri impa- nientes ac negotiosi medicis & arti vel faciunt saepe opprobria, vel meditantur, & multi sunt medicorum, quibus ipsis id malum infe- stum est, & quibus nec vacat pati, nec lubet. Ipsum me hoc anno per XII dies domui affixit insuetum, postquam sese ante sesquiannum, pedibus in frigida humiditate diu & valde fatigatis, primo ostende- rat, tum quidem agnoscere fatis nolenti. O quam impatiens tacitus maledixi *podagrae*, dum ipse passus sum, quam hodie nimium vitu- perari nolo! Solantur me laudes haud immeritae eidem morbo datae a viris peritis; solantur exempla medicorum clinicorum plurium, in-

ingratae illi laborum intercapedini pariter obnoxiorum, interque eos
Io. Henr. Meibomii, ex cuius filia, immensis calculorum doloribus
 magis excruciat, natus est parens meus, isque a podagra quidem
 & calculo immunis, quod cereuisiae Lothariensis, Dukstein, potui
 acceptum retulit, asthmaticus tamen, cuius mali notissimus est prae
 aliis cum arthritico illo consensus. Concinne & recte, ipse item po-
 dagricus, sed qui ex retrograda, per frigoris humiditatisque iniu-
 rias, asthmaticus obiit, b. *Fyider. Schraderus*, de morborum quorum-
 dam salubritate §. 15. seqq. "arthriticorum, inquit, cruciatus visce-
 rum saepe labes praecauere, maximorumque alias morborum mate-
 riam consumere, medicis persuasissimum est, vt proin artuum illa
 debilitas viscerum robur & sanitas, & partium externarum detri-
 mentum internarum incolumitas esse soleat. Atque hinc affectus
 hos, artus alias affligentes, & doloribus vigiliisque immodicis vi-
 res valde debilitantes, ad longaeuitatem tamen saepe prodesse vi-
 deas, saltem cum illis diu homines viuere, cum noxii eorundem
 beneficio humores, qui alias periculosiores morbos excitarent, ab
 internis visceribusque nobilioribus ad externas minusque principa-
 les partes, per interualla, & certas periodos, protrudantur. Pro-
 spicit hac ratione sibi veluti natura de eiusmodi remedio, quod ini-
 micam sibi & peccantem materiam omni modo excludat & remo-
 ueat,,. Materia ea nobis nihil esse videtur, nisi quaedam portio
 sanguinis veri, cum implicitis partibus chylosis, biliosis, ac semina-
 libus, subtiliori & profundiori corruptione inquinata, & per inter-
 uallorum periodos, maturatione facta, emergens in indolem natu-
 rali magis elasticam, calidiorem, grauiorem, serum inspissantem,
 haud sine stimulo inflammante acriusculo: quibus ex caussis per hae-
 morrhoidum vias sese expumare, vel etiam potissimum ad extre-
 mitatum tendines & ligamenta, solo ceteroqui limpidiori mitiorique
 sero perluta, cum expansione & irritatione, deuolui nitatur. Ne-
 scio, an sperandum vnquam sit, fore, vt, quod multi inuentum
 frustra iactarunt (9), remedium vere specificum reperiatur, nobis
 igno-

(9) *Sydenham* p. m. 603. "Si quis "obiiciat, multa esse remedia specifi-
 Vv 3 "ca

ignotum, quod fomitem & διαθεσιν ipsam, quae connata, vel connatae similis, & seminalem sanguinis partem, tenerrimaeque texturae fibras, intime subtilissimeque afficiens, & in vltima crasi extra paroxysmos fere quiescens, & vel ideo arte vix aut raro sanabilis esse videtur, destruat & euertat, vt dolorosa illa caussae medela non opus sit, quam natura per ipsam podagram instituit. Dixerim lubens cum Sydenhamio de podagra p. m. 606. “therapia radicalis & “vsquequaque perfecta, qua quis etiam a diathesi ad hunc morbum “foret liberatus, adhuc in Democriti puteo latet, atque in naturae “sinu reconditur, nescio quando, aut a quibus, in lucem protrudenda,, Et quamuis, vti idem podagricus auctor pag. 607. dicit, “medicos omnes, & me praë ceteris, eiusmodi inuentum optare “fas fit,, quum tamen, vt verum fatear, id haud sperem, contentus ero, si diaeta, & apta forte medicina minus specifica, incrementum effectumque molestum insuperabilis διαθεσεως refrænare licuerit, & vbi ne hoc quidem satis potuero, mecum alios solabor emolumento, quod ex eo malo cepit proauus meus, quem dixi, Meibomius, de quo filius, in *de medicorum historia scribenda* p. 8. “non parum, inquit, turbabant morbi & dolores arthritici, quibuscum quotannis “ei conflictandum erat, qui tamen ipsi aliquando, quod domo egredi prohiberent, tempus commodum studiis suppeditabant,, Manet certe merito id plerumque podagricorum votum, non, vt plane a paroxysmis, materiem inexhaustam, & per intervalla repullulantem, a nobiliorum partium corruptione remouentibus, liberentur; sed, vt ἀνωμαλία absit, atque, si sine huius metu fieri possit, quod *Prudentius* de suo igne purgatorio sibi optat,

vt poena levis clementer adurat.

Atque ideo haud scio, an hodie iocus ille adhuc valeat, quo princeps aliquis a medico, remedium podagrae tollendae specificum iactante, ingentem pecuniae summam mutuam petiisse fertur, quasi isto, si quo iactator polleret, immensae diuitiae acquiri debuissent.

Ne-

“ca ad podagram, ego me ea nescire
“lubens fateor, & vereor, ne promif-

“fores isti perinde sint ignari, ac sum
“ego”.

Neque vbiq̃ue cum *Pechlino* obs. pag. 257. dicere licet: "si vllorum medicamentorum, certe antipodagricorum quaestuosa est venditatio." Certe, quum empiricus quidam, ante aliquod tempus oris nostris accedens, ad plures quidem morbos fonticos, cancrum, tabem, hydropem, epilepsiam, coecitatem, certa & arcana iactaret remedia, fidem apud quosdam inuenerunt singula, praeterquam ea, quae ad podagram extirpandam magno hiatu promittebat, quibus nemo fidere, nemo corpus suum pro experimento subiicere, voluit. Flerique enim hodie podagrici suum sibi articulorum hospitem etiam atque etiam rite redeuntem haud immerito gratulantur, retardatum ad aliud intus hospitium concessisse metuunt, medicinae, si qua laudetur, vel etiam sit, quae penitus auertat, extra paroxysmos haud credunt: licet horum leuamen aliqui vndequaque oblatum forte arripiant, dum valde dolet.

§. VI.

Remedia podagrae eorumque limitandae laudes.

Fauet vero illa ipsa legitime procedentis morbi, & non prohibendi, aut turbandi, sed optandi secundandique saepe naturae nisus aequa laudatio, laudibus aequiter limitatis medelarum contra podagram anomalam, variis de causis, immo saepe sponte, orientem: quas praestantissime doctissimus *Musgravius* peculiari libro tractauit. Nihil etiam refragatur dicta laudatio iusto vituperio podagrae insolenter violentae, frequentis, diuturnae, & laudationi praesidiorum artis caute adhibitorum, ad eandem, praecauendo maxime, refruendam. Nam in ipsa paroxysmorum violentia, nisi ea sit, vt febris & spasmodorum insolens grauitas ἀνωμαλίαν partibus internis minata, aut longitudo ingens, leuamen artis exposcat, quod tamen in externis remediis quaerere vix velim, haud scio an quicquam praestantius sit abstinentia & quiete, cum Anglorum illo, *flanel and patience*, leui tegmine laneo, & patientia, quae tamen quibusdam ferro & igne difficilior est, vt dolentium pedum scarificationes, & moxae inustiones, in ipsa accessionis ἀκμή expetantur. v. de his *Sydenham.* de podagra p. m. 206. *Pechlin.* L. 2. obs. 24. *Kaempffer.* amenit.

nit. exotic. p. 595. Venæ sectionem, nisi quid contra indicet, pluribus commendandam putem, de qua *Celsus* L. 4. c. 24. “in articu-
 “lorum, inquit, vitiis, podagra & chiragra, vbi sentiri coeperunt,
 “sanguis mittendus est: id enim, inter initia statim factum, saepe
 “annuam, nonnunquam perpetuam valetudinem totam praestat.,
 Neque remedia nitrosa, blande acidula, antispasmodica, potus dia-
 phoreticos aqueos, emulsiones calorem doloremque temperantes,
 pro re nata, dissuaserim. Optime innoxieque demulcet famosum
 illud Viennense decoctum, ex hermodactylis, cum sarsae chinaeque
 radicibus & ligno sancto factum, sed sine vino, & in multo pau-
 ciori liquore, saturatiusque, aliorum instar ex lignis apozematum,
 coctum, parcius etiam potum, quam pro praescripto, quod exstat
 in *ephem. curios.* in *miscellan. Berolin.* in *Valentini* triga antipodagri-
 corum, eiusdemque viridario reformato. Immodico enim humo-
 re hausto diuertere potius, quam exturbari, morbi fomes, fibraeque
 ultra modum relaxari queunt. Victus vero potissimum tenuis non
 praesentes solum accessiones moderatur, sed etiam est, vbi cibus
 solito simplicior moderatiorque, & praecipue abstinentia a vino (10),
violen-

(10) Paucissimi sunt podagricorum, qui-
 bus abstemia hæc medicina, extra ac-
 cessionum impetum, placet, quicquid
 etiam illi Luciani deae voueant, quam
 diu tormentis dolorum cruciantur.
 Id deinde facere solent, quod *Celsus*
 dicit L. I. c. 8. “quum vinum con-
 “cupiuerunt, deliciarum patrocinium
 “in accusatione non merentis stoma-
 “chi habent., Quum vero, notan-
 te *Pechlino* obseru. p. 277. “vere sit
 “nonnullis ventriculi vitium, quod
 “*κακὸς οἶμαχος* vocamus, & intestino-
 “rum quaedam imbecillitas a frigido
 “orta, quam vino confirmare opus
 “sit,, & magna consuetudinis vis,
 praesertim in senioribus, equidem
 moderato vini consueti & bene tole-
 rati potu, extra podagrae paroxysmos,
 debilibus praesertim frigidioribusque,

haud facile interdico, cautionibus fe-
 re solum *Solenandri* consil. p. 434.
 commendatis: “videndum, vt purum
 “sit, pelludicum, defaecatum, non
 “nimis generosum, sed mediocre,
 “non acidum quidem, verum subad-
 “stringens: bibendum parce, neque
 “extra sumtionem cibi, mensa iam
 “remota, neque vt nec interdiu, sic
 “neque noctu longe a coena biben-
 “dum., Addo, cauendum etiam, ne
 quid prandio vel coena longiori in
 fraudem harum legum committatur,
 inuitante praesertim vini potu cibo-
 rum appetentiam, ultra propriam
 ventriculi famem. Vinum ex *ποδα-
 γραγαραν*, hoc est, deficientem poda-
 gram exstimulantium, & materiem
 augentium, maturantium, propel-
 lentiumque rerum numero est, quae
 eo

violentiores deinde paroxysmos vel auertit plane, vel refraenat, si praesertim accedat motio corporis frequens: quae tamen & ipsa nocere

eo scopo modice feliciter vsurpantur, at abusu, & excedente malo, vel praecipue nocent. Noui virum, cui connata est, cum *διαθεσι* podagrica, nausea vini, quam vincere nequit, quicquid medici consulant, ut abstemius esse desinat. Rarissime ille podagrae dolores patitur, & per vnicum diem, quo solo a molestissimo asthmate immunis est, quod illum quotidie a multis iam annis magna noctis parte fere orthopnoicum inquietat. In hoc similibusque casibus optima forte in vino medicina foret. In declinante paroxysmo etiam pro corroboratione ex re esse potest. conf. *Sydenham. de podagra* pag. 581. Et est rarior experientia apud *Pechlinum* observat. pag. 277. sqq. ubi tantillum vini, in siti intensissima, & dolorum *αίματι*, ex indicatione reficiendi, roborandi, & blande sopiendi, vtilissime datum est. Addit vero ipse auctor: "esse tamen etiam, ubi vel ad paucissimas vini guttas spiritus protinus inflammentur, nouoque paroxysmo scena instruatur, quotidianum est, ne quis temere imitandum putet, quod paucis in exemplum transiit., Ego vero, qui & stomacho, & viscerum viribus, & aetate valeo, neque me vino valde adfueui, & negotiosa vita vtor, & appetitui facilius quam negotiis impero, plane mihi iam vino quouis interdixi, haud sine aliqua spe, fore ut, aliis simul notis cautionibus in diaeta adhibitis, malum non obfirmatum tuto satis ita eneruem, ut *διαθεσι* in effectum molestum haud erumpat. Rationes partim in indole

materiae, partim maxime in experientia antiqua colloco. Accedit consensus euidentis cum haemorrhoidibus, quarum equidem solum pauca molimina coeca sensi. Eorum verò motus, si vini aut vinosi potus consortio omni aliquis se prohibeat, & rariores sunt, & plerumque moderatiores esse sueuerunt. Haud praeterea inelegantia, neque suo modulo inualida, sunt argumenta theorica, quae pro abstemiæ vitæ utilitate podagricis exponunt *Sydenham. l. c. p. 581. sq. Pechlinus l. c. & Sennertus de arthritide c. 2. p. m. 19. sqq.* Maioris ponderis sunt experientiae, quas iidem aliique afferunt. *Sydenhamius* "licet, ait, prouerbio iactetur, vinum potans podagra laborabis, & vinum non potans laborabis podagra; extra controuersiam tamen est, & variis *ποδαγρινῶν* experimentis confirmatissimum, vinum de facto officere., *Pechlinus*, "ex hydropotis, inquit, neminem facile reperias, qui hunc in morbum prolapsus sit, nisi ubi haereditarius character victus quoque morositatem superauit - - - . "Non nulli vel ad odorem, aut minimam vini sparsionem, statim in hunc morbum prolabuntur., *Sennertus l. c.* "sola abstinencia a vino multos ab arthritide liberatos, annotat, & observationibus notabilibus probat. *Brayerinus de re cibaria l. XVI. c. 13.* "eos, qui, inter initia podagrae, vini potum subtrahunt, "magnificum sentire praesidium recenset, ac paene diuinum: fereque compertum, potiores aquae raro aut nunquam podagricos aut chiragri-

cere potest, si immodica est, aut cum frigoris humiditatisque iniuriis fit, quae vel solae articulis dispositis podagram arcessere aptae sunt, & meis euidenter conciliarunt. Conf. cl. *Alberti de podagra iuniorum, de praeservatione haemorrhoidum, & de praeservatione podagrae.* Si diaeta minus sufficiat, in declinatione, sed lenta longaque nimis, ad maturandam firmandamque integritatem, & ad praecauendam reuersionem nimis subitam, veterum illae antidoti amarae tonicae, apud *Sennertum, Schneiderum de catarrhis, Waltherum in silua medica*, collectae, quas inter praecipue aristolochiae species, rotunda, caua, longa, & clematidis, memorari merentur, experientiam moderatarum laudum testem reperiunt. *Brunner de pancr. secund.* pag. 143. eleganter, ut solet, & distincte, “tincturae, inquit, “illius antipodagricaе, ex rad. aristol. longae, aut pilularum, aut pul- “uerum amaricantium usu per annum continuato, paroxysmi poda- “grici in nonnullis mitigantur, in aliis penitus extinguuntur. Ni- “mirum longo amaricantium usu, acore stomachi emendato, refra- “cto, & attemperato, fructus exinde propullulantes sponte cadunt “sua. Sed & nimio amaricantium horum usu fermentum stomachi “adeo debilitatum esse memini, ut nonnulli appetitum amiserint, ci- “bos non concoxerint, mortem hinc potius, quam sanitatem, acce- “le-

“cos effici. „ *Rondeletius in meth. cur. morb.* “ego, inquit, multos ab “hoc morbo vindicavi vel potione “aquae. „ *Martianus aphor. sect. 6.* “nullum efficacius remedium excogi- “tari potest, pro praeservatione ab “hoc morbo, quam vini abstinencia-- “quo quidem praesidio nonnullos in “totum a podagra liberatos noui. „ *Solenander l. c.* “compertum est, po- “dagricos quosdam, qui sponte ab- “stemii facti sunt, plane vim morbi “ab relicto vino non amplius sensis- “se: *Rhases* etiam contin. 12. expe- “rientia sua id ipsum testatur. No- “ui hic viduam, quae, cum usum vi- “ni, quo tamen parcissimo & dilu- “tissimo utebatur, posuisset, ab eo

“tempore podagra non tentata, quum “aliquot paroxysmos esset passa. „ Taceo plurium aliorum medicorum pares observationes. Qui autem ab- stemiam illam diaetam mecum elige- re voluerint, iis & a vinosis cibis, a spirituosissimis extra vinum potibus ac remediis, fortibusque cereuicis, & Nicotiani fumi abusu, immo vel me- cum omni huius usu, pariter absti- nendum esse videtur: cuius fumi su- ctio, teste experientia, in haemor- rhoidibus & podagra mouendis, sua efficacitate haud destituitur. Et no- uimus hydropotam quemdam, sed tabaci abusu deditum, podagra sum- mopere excruciatum esse. Paria de abusu potus cafe memorantur.

"lerarint, malique & infausti remedii faeuas dederint poenas." Nempe spiritus vini, sulfure amaricante saturatus, qui opio haud valde absumilis est, (de cuius abusu pariter noxio v. idem *Brunnerus* ibidem p. 80. sqq.) & inflammans insuper, & impense exsiccans, haud satis tutus ita continuato vsu videtur. Neque ideo illam ex vini spiritu potulentam tincturam siue infusionem, vsurpare pro eo scopo ausim, quum, licet corrigat, & aduersus paroxysmos roboret ipsum remedium amarum, ignea vicissim & elastica spiritus vini indoles materiei augendae, perturbandae, & visceribus incendendis apta est, ceteroqui etiam vino ipso magis incongruens. v. quae de noxa infusionis eiusmodi ex aristolochia longa habent *ephem. curios. nouiss.* A. 3. p. 62. sqq. Ipsa vero puluerum amarorum cumulata assumptio, quamuis moderatiori, pro *εὐφορία* & indicatione, vsu tuta, stomachum tandem abusu grauat, tonumque & digestionem arte nimis diu roborare affectando, naturam tandem suam rite agere vel prohibet, vel desuescere facit, vel etiam, incenso vltra digestionis vim appetitu, diaetae erroribus accitis, in coctionis negotio fatiscere patitur. Atque haud scio an, perpetuo & nutricao quasi amarae medicinae vsu, quae in alimentum corpori nata haud videtur, alienior tandem ipsis succis nostris crasis imprimi possit: licet id non fiat, si medice vtaris, & obtento scopo omittas. Pedum scarificationes menstruas, vel trimestres, nuper etiam singulari celeb. *Baueri* dissertatione pro certo *podagrae remedio* laudatas, insigniter variis profuisse nouimus, dum alios, vbi morbi nisus pertinacior fuit, parum leuarunt; pedibus quoque subinde aliquanto robore minui visis. Hirudines haemorrhoidibus appositae, quas iam *Sennertus*, c. 5. commendauit, remedia item haemorrhoides blande intrinsecus mouentia, si naturae nisus salubris & expertus adsit, & podagra violenter affligat, conuenire queunt. Renitente natura, male mouent, aut nil profunt: podagrae regularis & moderatae motus perturbare apta sunt. Si materia turget, morbi nimis violenti regressum minans, temporis ratione, aut appetitus defectu, ventriculi rosione & flatulentia, membrorum grauitate, sine dolore tamen adhuc, & sine febre, tunc ex hermodactylis & scammono aromatibusque paratum electua-

rium caryocostinum *Bayri*, de quo quidem auctor aliique nimis largiter sentiunt, felicissime saepe malum praecauet. Repeti, pro indicatione, potest, singulis mensibus, aut anni quadrantibus, aut rarius. Frequenti & felici in medendi usu illud est mihi, medicisque aliis nostratibus, praecipue illustribus archiatri, *Steigertahl* & *Hugoni*. Conf. b. *Lentilius miscell. med. pract.* p. 165. sqq. Nihil vero horum est, quod immoderatas quorundam laudationes in praxi sustineat, ut vel tollat totam podagram, vel sufficienter ubique moderetur.

§. VII.

Diaeta lactea.

Quin, laudum moderamine ipsa indiget diaeta lactea, quam, si nihil contra indicet, vltimum, & blandissimum licet, ceteris tamen certius & potentius podagricorum plurimorum, licet non omnium, solatium esse, experientia passim docuit (11), ratione facile roboranda. Ante hos quinque, & quod excurrit, annos, podagricum, partim ex materia arthritica, partim ex colica saturnina vinosa, omnibus membris paralyti torquente exsolutum, & cum lenta febre tabefactum, lactea diaeta quadrimestri in integrum tunc restitui, redeunte licet deinde podagra. Alium similiter, similibus de causis.

(11) *Pechlinus* Lib. 2. obs. 23. de lacte arthritidis medela, "podagra, ait, simpliciter tandem & domestico remedio obnoxiam se praebuit, & quum aliis medicinis tantum obducatur, hac vna in totum vinci se posse, *Plurimorum experimento* ostendit. At, ne quis laudes hasce heri aut nundius tertius natus existimet, *Celsus* L. 4. c. 27. "quidam, ait, cum asinino lacte epoto se aluissent, in perpetuum hoc malum euaserunt: *Plinius* L. 28. c. 9. sunt, inquit, inter exempla, qui asininum bibendo liberati sint a podagra chiragraque.

"Circumspecte sane, & ex vero: nam "non perinde omnes, sed quosdam duntaxat hoc remedio conualuisse, "ad pudorem hodie nostrorum, intelligimus - - - . Negari "non potest, plurimis illud naturis idoneum esse, & in quibus respondet, experimentum esse probatissimum - - - . Lac autem, "quando semel cum corpore in gratiam rediit, non in infringendo tantum paroxysmo, sed & debellando penitus fermento arthritico, efficacissimum esse, experimentis credo., Rationes dein cautionesque docte addit.

caussis, laborantem, & ab istis malis, & a podagricis, eodem remedii genere immunem praestiti. Continuauit per annos tres, amplius; iam vero a biennio fere omisit, sine noxa, nisi quod leui podagra denuo afflictus est. Ante oculos nobis versatur viri cuiusdam dignitate conspicui felicitas, qua nuper, sub prudenti directione medici sui, cl. *D. Ebell*, physici ciuitatis huius merentissimi, fautoris & amici mei summopere colendi, sub ipsos nimis frequenti recursum diutissime productos dolores podagricos intolerandos, cum tophis vlceratis, calcisque eruptionibus, lacteo nutrimento sensim morbum expugnauit, iamque, soluto paroxysmo, continuat, indies sanior vegetiorque. Vt alia taceam, quae praeterea vidi partim & expertus sum, partim certa audiui, in recenti hic memoria est exemplum illustre generosissimi senis nostratis, qui, aliis item euidentis felicitatis exemplaribus visis permotus, immensos podagrici mali dolores, ineunte senectute, eo remedio superauit, & sub plusquam vicennali eius continuatione, vltra nonagesimum aetatis annum placidissime victitauit. Per hoc ipsum, aliaque multiugae experientiae plura, excitatus, in proprio corpore, aduersus podagram nephritidemque (12), feliciter eandem medelam instituit medicus excellentissimus, b. *Brunnerus*, v. *ephem. natur. curios. nouiss.* ann. I. p. 272. sqq. add. cl. *L. Carlius* in *commerc. litt. Norimb.* 1732. p. 28. item cl. *D. Carlius* iun. de *sedatiuo archei* p. 47. & quae denuo doctissimus eius parens nuperrime monuit in speciminibus de charlataneria

(12) Dudum ad renum vlcera, tabemque renalem, commendauit, inter alios veteres, *Ruffus Ephesus* de *renum & vesicae affectibus* c. 12. "bibendum, ait, lac cum melle, cum primis asininum, si quidem eius magnus vsus est ad vlcera munditatem. Quando autem nihil amplius repurgari indigebunt, & pauca subluuies effluet, morsusque vrinarum retundentur, atque homo corpus repurgare atque pinguescere labo-

"rabit, tunc lac bubulum obtuleris. "Dabitur vero ad duas, tres, pluresue heminas, nec cibi quicquam praeterea ingeretur, quoad sumtum hoc percoctum sit & mitificatum.,, Notum est, quantopere lac profit aduersus cantharidum abusus & noxas, renibus praecipue & vesicae aequae specificae, ac calculosa materia, infestas, symptomatibus etiam haud valde absimilibus.

neria chemica (*chymischen Störgeren*) p. 82. sqq. Quae de abusibus diaetae illius, eorumque infelici successu, iis locis monentur, laudi lactis limitem contra abusus merito statuunt; non autem in usus recti vituperium cedere, vel laudatissimam eam medicinam e peritorum artificum manibus & consiliis exturbare debent. Bene est, quod in laudato *commercii* loco expresse cauetur, ne mors b. *Brunneri*, post aliquot lacteae diaetae usurpatae annos secuta, huic ipsi videatur imputata, quod alias lectoribus facile videretur. Mortales vna cum reliquis esse, & qui lacte utuntur, & qui non usi podagrae & nephritide obnoxii sunt, utique senes septuagenarii longe maiores, & hos morbis, praecipue acutis contagiosis, non bene resistere, certum est, idque frustra in utilissimi remedii, antea feliciter-usurpati, crimen verteretur: quo pacto facile esset, medicamina praestantissima quaevis inuisa reddere, apud homines iusto meticolosiores, & quibus commodius videtur, confestim reiicere aliquid & damnare, quam usum ab abusu docta arte distinguere. Neque vero, quod cl. *Carlio* relatum est, leui dysenteria, aut diarrhoea, quam nullam habuit; sed graui febre continua, pluribus tunc, & praecipue senibus, funesta, ab illustrissimo aegroto, prope Wormatiam, contagio hausta, obiit.

emeritus virtute senex,

posteaquam quadriennium suaue, & liberum a prioribus aerumnis nephriticis & podagricis, viribus etiam eximie auctus, solo lactis usu lucrificerat. Testem huius rei inter alios habeo honoratissimum amicissimumque collegam meum, cl. *D. Larose*, qui ad mortem viri usque praesens adstitit, & experientiae ipsius thesauris locupletatus est. Si qui lacteam eius diaetam infeliciter imitati sunt, quia male, propria id fecerunt culpa, non praeuentis *Brunneri*, aut ipsius medicinae. Versabantur in praxi & ore exquisitissimi eius medici tum alia monita, laudem lactis limitantia, tum hoc etiam praecipue "abstineat a lacte, qui nescit imperare gulae!", Abstineat vero etiam velim, cui podagra legitima, sat rite periodica, & toleranda est, & peracto decursu salubris; non per omnia membra illegitime faciens, non longa nimis, aut per immodicos recursus, & vix vnquam perfecte

fecte solutos, aut immani violentia ferox, tophacea, nodosa, vlcerosa, omnemue patientiam subruens, aut ipso doloris consensu noxas in reliquum corpus spargens. His sane in casibus, immo in ipsa retrogradae materiae violentia refrænanda, & prohibenda noxa, eximiam, quod aliquoties experti testamur, medicinam affert illud remedium diaeteticum blandissimum, & nullo pacto violentum; sed recto, longo, & patienti vsu efficacissimum: quippe humorum fibrarumque latifundium sensim benigno nutrimento perluens, inquinamenta irritantia, & arthriticum *όργανον* molientia, temperans reprimensque, dolores & stricturas mulcens, & absque exsolutione relaxans, fibras rigidas emolliens, & languentes blando robore irrorans alensque. Neque est, quod, vt aliqui faciunt, adeo metuas coagulum humoribus, per fermentatos & spirituosos potus aliasque causas alteratis, inductum iri a lacte, quod peregrinas coagulorum causas tollere & impedire, extra primas vias, potius aptum est. Cogitent, qui talia obiectant, cibos aeque omnes sub lactea chyli humani forma & qualitate sanguinem subire, & hanc fere facilius puriusque ex lacte animalium, quam ex aliis plerisque cibis, per vim naturae in primis viis digerentem, emergere, & in vsum corporis verti, modo harum constitutio lacti faueat, & rite consideretur, quid indicet, quidue secus. Suo igitur modulo & limite laudandum omnino est, non vagis aut immodicis suspicionibus premen- dum remedii genus eximium, & tot misere excruciatas mortalibus, quos solatio privare crudele fuerit, vtilissimum, si rite adhibeatur. Hoc vero haud adeo difficile est, methodo & cautionibus notissimis, quibus, post *Hippocratem*, *Celsum*, *Aretaeum*, *Galenum*, *Aetium*, *Oribasium*, *Aeginetam*, qui vix quicquam cauendum omiserunt, *Greifselius*, *Dolaeus*, *Waldschmidius*, *Sachsius*, *Blancardus*, *Pechlinus*, *Brunnerus*, aliique, vsum *ανταρθετημον* per peculiare scriptiones limiterunt. add. *Meibom.* de *cuncta phthiseos per lac*, *Hoffmann.* de *lactis asinini virtute*. Laudandum, inquam, est, ni nausea *ιδιόσυγκρασία* aduersa, primarum viarum notabilis repletio, cruditasque viscida, acida, nidorosa, aut praesens febriculosum incendium, aut viscerum infarctus, & prolapsa vis vitalis, aut nimis alienae diaetae
ni-

nimia consuetudo, vel plane prohibeant, vel retardent tantisper, & ita moderentur, vt sensim demum, ac suspensa manu, cum hac victus ratione consuescendum esse videatur. Neque semper plena illa & perpetua, quae requiri solet, adsuetudine lactis, pro cibo & potu vnico, cum pauculo pane, opus est; sed, praesertim recuperata iam sanitate integra, lacti sensim aliquid demere, aliis cibis addere licet: & suffecerit identidem ientaculum lacteum, coena vel item lactea, vel certe parca & tenuis, & prandium congruens, ex cibis non multis & variis, non acribus, fermentantibus, flatulentisque, aut excalfacientibus; sed sat simplicibus, blandis, facilisque digestionis, neque nutrimenti nimis robusti. Ad generosas vero portiones, ambiguas epulas, & quemlibet, qui sanis liceat, cibum redire eos, qui se lacte sanatos sentiunt, haud concesserim. Eo potius, quem dixi, modo, per totam vitam, sine molestia, continuare refractam dietam lacteam queunt, eaque mulcere, opprimere, & a noxa & molestia retinere, fomiteque & incrementis destituere, *διαθεσιν* morbosam, quam eradicare plane forte non licet. Sunt qui, per lac semel curati, postquam nausea alimenti infantilis corripuit, haud infeliciter illud omnino intermittunt, modo se exquisitae ceterum cautioni in victu mancipient. Alii, non sine fructu, per mensem vnum vel alterum, circa tempora sibi maxime infesta, ad asylum illud refugiunt. *Ευφορία* vbiuis attendenda est, & utilitas prudenter expetita eueniens, vel secus. Recte vero *Pechlinus* l. c. "hanc ego curam hoc absolutiorem fore confido, quo lactis vsus est
"diuturnior, & diaeta in ceteris morosior."

§. VIII.

Febris indoles.

Sunt & salubres morbi, quorum indoles neque in egestionem, neque in congestionem, sed in commotionem consistit, quamuis aut comitari, aut sequi soleat, modo excretio, modo depositio, symptomatrica, vel critica. Hos inter prae omnibus memoranda est febris morborum praecipuus generalissimusque, sine quo mori, naturale vix esse videtur: immo de quo *Piso*, in proem. de *febris cognoscendis*

scendis, "non vulgo tantum, ait, sed & summis viris persuasum est, "omnem morbum vel febrem esse, vel febrem comitem habere,, quod tamen valde limitari meretur. Febrem, vera & prisca notione, dico esse agitationem feruidam elementorum sanguineae massae, & partium solidarum hanc mouentium, a materia ad suum aliquem typum feruente oriunda: quam materiem & agitationem requiro, vt febris adesse dicatur. Hanc materiam, quam febrilem vocamus, constare existimo ipsis naturalibus craseos sanguinis elementis; (praecipue etiam generalibus illis, & varia variis partibus proportionem ac virtute mixtis, aereo elastico, & aethereo igneo rarefaciente) sed praeter naturam inquinatis, aut corruptis, & proportionem emotis, inque typicum feruorem, seu efferuescentiam, vel etiam nonnunquam fermentationem, actis, quibus vocabulis hanc in rem vti non dubito (13). Physica vero & mechanica necessitate febres, partim in-

(13) Vid. *observat. nostr. de febribus*, sect. 6. add. *Bianchi* in *dissert. de bilis naturalis in febriferam mutatione, & de febris natura & effectibus*, in *histor. hepat.* p. 285. sqq. 844. sqq. & *J. A. Wedelius* in *dissert. de febribus*, qui vim materiae febrilis elasticam, rarefacientem, efferuescentem, & fermentantem, physicamque & mechanicam symptomatum & euentuum originem, ex solidarum fluidarumque partium motu hydraulico & hydrostatico, exponunt. Fermentationem equidem non semper, semper vero efferuescentiam, clariorem, obscuriorem, fortiorem remissiorem, eminentiorem, profundiorum, de cuiusque febris essentia, ipsius etiam algidae, & sub ipso frigore, sub ipsa crassiorum partium condensatione, esse existimo, eamque partim in sanguine, partim in eo liquore tenuissimo, qui per nervorum principia impetum in fibras cordis, vasorum sanguineorum, ceterasque facit; de

cuius existentia *Boerhaavii* non dubitant, quicquid hodieque *Goelickii* contra litigent. Inter res non solum physica & anatomica analogia summe probabiles, sed & experimentis rationibusque demonstratas habemus, omnes sensiles motricesque in corpore vivente nervorum propagines, ad minimas usque, liquore naturaliter adaequato, saepe vero praeter naturam crasi & motibus vitiato, repleri, qui & tonicam vim, qua sponte sese contrahant impetumque faciant, sceneretur atque conseruet, & motus iisdem impressos, ad usque nervorum principia, aliasque partes coniunctas, hydraulica confluentis fluminis, & mechanica connexarum fibrarum necessitate, facile deferat continuatque. Succum nutricium plantis innumeris, praesertim siccioribus, minimisque animantibus humorum circulantem omnem abneget oportet, qui nervorum liquorem negatione sua & argumentis ex-

intestino illo fluidae materiae motu, partim excito solidorum attritu, motum vicissim fluidorum incitante & moderante, cum omnibus sympto-

terminare contendunt. Quaecunque enim afferuntur, ad alterutrum certe illorum aequae etiam quadrant, & dum nimium videntur probare, probant nihil. Neque cerebri & spinalis medullae, in foetibus quibusdam viventibus, non vitalibus, rarior defectus, quem tantopere crepant aliqui, quicquam euincit, nisi fieri posse, vt, sine plenae molis apparatu, arteriarum caroticarum extrema id liquoris in neruulorum principia exsudent, quod debilissimis quibusdam stupidisque infantulis, vel potius monstris, aliquantisper sufficiat, dum simul ex materno sanguine elaboratissimum alimentum suppetit. Neque ergo curamus Goelickianas Gohlianasque contra neruorum liquorem, quum naturalem, tum a febriculosa efferuescentia excitum, & morbosos impetus facientem, obiectiones. Neque *Bontekoeum* moramur, qui nihil in febre nisi acidum admittit, eoque sanguineam massam coagulari & tardius ire iubet, sine efferuescentia vlla; quamuis plerumque cum maiori molestiorique naturalis caloris sensu, pro morae sanguinis retardati ratione. Qua sententia imbutus, omnia ab hac diuersa dogmata conuiciis proscindit, & "fermentationem, inquit, relinquamus vini conditoribus, pistoribus, & cereuisiariis, ebullitionem vero seu efferuescentiam coquis:., in *de febribus* p. 45. Sunt autem hodie viri praestantissimi, quibus efferuescentiae & fermentationis, ζεσεως και ζυμοσεως nomina dudum in medicinam recepta, allisque plurimis hodieque

probata, plane itidem ex febrium doctrina expungere placet, & nihil fere in sanguine febrili, nisi vel stimulos acres, vel lentorem supponere: qui tamen saepe, vbi in sanguine etiam venis aut arteriis emissio, vel per haemorrhagias elapso, maximus, euidentissimusque est, febri non facit, quod sine vera febrili efferuescentia etiam non posse videtur: saepe etiam abest, vel certe sensum omnem aequamque coniecturam refugit, vbi febris manifestissima ardet. Hi vero, ni fallor, in systematis mechanicohydraulici considerationem merito intenti, subtiliorem hydrostaticam, mistorumque variis elementis liquorum motionem ac proportionem internam inferiori nimis loco positam habent, aut soli externo vasorum solidorum, a lentis circulationis obstaculis, aut acris irritamentis, excitatorum, tritui aliquanto nimium tribuunt, quem nos, sine efferuescentia, rarefactione, & motu elastico elementorum subtiliorum massae sanguineae, partim antecedente, & impetum faciente, partim intensius consequente, in febribus non concipimus. Immo sensu & experimentis conuicti sumus, non nunquam per sanitatem & per morbos maiorem velocioremque & fortiorem solidorum tritum esse, sine febris vllius typo & symptomatis, quam in multis manifestissimis febribus; esse etiam e contrario, vbi euidentissima est febris, seu febrilis materiae motus, eiusque typicus decursus, dum vis attritus, in pulsatione vasorum certe, aut parum, aut nihil naturali inten-

flor,

symptomatum, typorum, periodorum, & effectuum admirandis, euenire videntur; non morali naturae humanae sentientis & proprii

fior, immo potius remissor, ad sensum coniungitur, aut praecedit: quae de re alibi, ubi de pulsu, tamquam vno ex febrium signis, agitur, quod, quamuis ex praecipuis, tamen neque vnicum, neque indubium esse, clare doceri posse putamus. Proponamus hic obiter, verbi causa, ad pulsus raritatem tarditatemque, vel motum adhuc naturalem, in primo insultu haud paucarum febrium, in quarumdam malignitate, in animi deliquiis febrilibus accedentibus & recedentibus, immo in pluribus febrium epidemiarum aliarumque casibus singularibus, ubi causam, typum, periodos, symptomata, curationem, simillima cum reliquis habent pauciores ii, quibus neque celeritas, neque frequentia, neque vis villo modo aucta, in pulsu sentitur: ne de declinantibus, refractis, occultatis, imperfecte extinctis intermittentibus dicam, quas, quamdiu periodos dierum seruant, seque per symptomata qualiacunque manifestant, febres vocitamus merito, quia a motu materiae febrilis typico proficiscuntur, & febrium remediis curantur; licet pulsus celeris, frequentis, magni, fortis, indicia plane saepe iam tunc desint. Tacemus pulsus inaequales, intermittentes, naturaliter diuersos, proportionem ad febriles causas varios, & variis causis non naturalibus & praeternaturalibus haud febriculosis summo opere mutabiles: quae omnia medicum; isti signo, tamquam pathognomonico vnico, intentum, multis modis in febrium, earumque praesentiae, magnitudinis, indolisque di-

agnoscere, in errorem ducere possunt. *Celsi* illud haud vanum omnino est: "pulsui venarum credimus, fallacissimae rei.", Noscitur quidem febris pulsu praeter naturam aucto, aut turbato, magno, forti, duro, inaequali, celeri vero potissimum & frequenti, licet paruo saepe & debili; magis autem proprie calore intensiori perdurante, extus acri, vel saltem intrinsecus molesto; maxime denique typo, periodis, & symptomatis, quae speciei vel vniuersae, vel epidemiae, vel alias notae propria esse, experientia docuit, quaeque efferuescentiae, vel fermentationi a materia febriculosa, quouis modo se manifestante, excitae originem debent. Sunt qui ideo nominibus illis efferuescentiae & fermentationis, non in febrium solum, sed & in omni putredinis doctrina, immo in toto animali naturae regno, abstinendum ducunt, quia confusionem metuunt cum chemicorum efferuescentiis ex misto acido & lixiuo, aut cum fermentationibus eorundem, quibus, ex solo fere vegetabili regno, liquores acidi, aut spiritus igni excipiendo apti, longissime ab acidis illis diuersi, & sine confusione tamen sub eodem titulo comprehensi, gignuntur. Sed ideo, qui generalem notionem, per species effectusque, pro rerum singularum natura varios, bene distinguere nouerit, vocum eiusmodi aptissimarum & vsitatissimarum vsu prohibendus non erit. Per vocem *ζέσσις* siue efferuescentiae, ex physica & hydrostatica liquorum, ponderum, aerisque & ignis doctrina explicandam, intelligimus

prii corporis saluti per istos tumultus studentis prouidentisque, aestimatione. Neque morale eiusmodi principium physicas medicasque obseruationes de typis, symptomatibus, periodis, coctionibus, crisi-
bus, recursibus febrium regularibus illustrat; quum manifesta saepe saepius sit, praeter moralem rationem vllam, symptomatum patiendorum, & seruandi ordinis necessitas. E contrario certum est,

gimus intestinam agitationem, intestinum attritum, rarefactionem, & expansionem particularum alicuius corporis liquidi, vel humidi. Ζυμωσιν siue fermentationem exponimus efferuescentiae speciem, cum dissolutione texturae corporis mixti, & conflictu exsolutarum ita, vel etiam per alienas particulas illatas inquinatarum particularum ἐλεγχόμενων, donec fatiscente quomodocunque, aut plane exclusa causa, & facta dissolutarum particularum vnione, vel priscam texturam recipiat corpus fermentatum, vel nouam induat. Ita se rem in ipso multorum febricitantium sanguine habere, & in febribus, vna cum solidarum partium spasmis oscillationibusque fortioribus, aut velocioribus, plerumque manifestis, interdum exiguis & occultis, & inde etiam partim derinandis fluidarum attritibus motibusque variis, ipsas harum efferuescentias semper, fermentationes saepe respici debere, haud negandum esse arbitramur: neque igitur erroris arguendos tot viros eximios, qui vsitatis vocabulis rite intellectis consulto vtuntur. Non enim corpus subiectum certum, aut certus effectus; sed ipsa interna particularum commotio, ipse efferuescendi, vel fermentandi actus, in applicanda nominis notione considerari debere videtur. Ecquis, verbi causa, medicum vsitionis vocabulum, quo

etiam in carbunculi & pharmacorum ἐχαρμηκων doctrina vtimur, ad solum ignem culinarem solaremue, confusionis vitandae causa, ablegandum esse statuet; aut, quia vix nisi ex vegetabilibus, & mineralibus, cineres sale lixiuo foeti comburendo emergunt, ab animalibus remouebit? Paria facere videntur, qui, praeter receptum inter medicos morem, efferuescentiae & fermentationis nomina ad certa corpora restringunt, aut certis effectibus metiuntur, & ideo a febrium doctrina, ipsiusque etiam putredinis expositione, immo omnino a corporibus animalium, secludere volunt. Vfus linguarum dominus est, cui definitiones, diuisiones, distinctiones ministrare debent. In re & verbis consensum inter medicos opto, qui, solis saepe verbis, vel re nullius momenti dissidentes, alieniores iusto a se inuicem euadunt. "Nolo tamen,, (vt cum politissimo *Geudero* de fermentis p. 19. dicam) "refragari nimium, si alicui, neglectis efferuescentiae, fermentationis, "aut ebullitionis nominibus litigiosis, generico magis rarefactionis "termino, cum iudiciosissimo *Pechlinio*, in *de fabrica & usu cordis* "§. 30. vti potius allubuerit, aut vocem tumultuationis, commotionis, "aut agitationis, cum *Boyleo* de *specificis. remed.* adhibere velit.

est, solidas fluidasque corporis partes summo ordine physico, mechanico, & hydrostatico, textas esse, & ad leges motuum vniuersales ordinatissimas moueri; certum est, sanguinem, humoresque nostros, & fibras, & ipsam etiam praecipue febrilem materiem, vi elastica & motoria propria pollere; certum est, aeris athmosphaeram elasticam totam typicos, periodicos, oscillantes, recurrentes, regulares motus, fluxus, & refluxus habere; certum, subiecta ei, & connexa, & homogenea corpora elastica typice ac periodice ab ea affici, vt, necessitate physica, pariter agere, vel saltem niti, merito videantur: licet diuerso modo, pro miscelae, texturae, structurae, virium, proportionum, impedimentorum varietate, typi & periodi varient, dum respectus ad regulares leges, generalesque athmosphaerae motus, semper aliquis manet. Si, quod aliqui hodie opinantur, aestimatio vere sapiens moralis, hoc est, praeuio sensu aliquo vitali recondito, aequa, vti res & proportio posceret, motuum electio, & moderatio, pro caussarum febrilium numero, pondere, mensura, vi, modo, situ, tempore, habitu, & pari sufficientique comparatione ad corporis organa viresque, fieri, humanae naturae sapientia, posset ac soleret; tunc profecto aut valde fallor, aut parcissima certe obseruari deberet caussarum earum, immo & errorum in diaeta & medela admissorum noxa, rarissima medicamenti cuiuscunque indicatio, infrequens febrium violentia, ambiguitas, ac longitudo, insolita vitae breuitas. Insolens enim est, sine febre & causa febrili mori. Raro autem causa & ratio errandi, trepidandi, labascendi, medicina egendi, sufficiens reperiri aut conici potest, si natura hominum singulorum vere sapiens esse, & febriles, vti dicitur, motus ad materiei proportionem exquisitissime metiri reputetur. Facile certe primis, & plerumque exiguis, febrium & noxarum caussis notiones statim iustas, cum prospero successu, opponeret, possetque opponere & deberet, si satis bene aestimaret: quas non sentire, non quadrat sensui vitali laudato; negligere vero, vel iniqui terroris, aut alius animi pathematis causa omittere, haud profecto indicium est prudentiae sibi constantis, & cui fidere a priori possis. Videantur hanc in rem dicta a *Pechlino*,

naturae prudentiam false ridente L. 2. obseru. 23. Da prudenti medico, quae animae tribuere placet, sensum ac intelligentiam, ut “vix non semper sentiat & agnoscat, si aliquid noxii in vitalibus im-
 “pendeat, immo quale, aut quomodo periculum immineat,,; (quod laudat *Stahlius de tertiana vniuersum febris genium manifestante* p. 36. & passim alibi) da mouendi pro moralis harum rerum aestimationis proportionem facultatem, quae animae largissime tribuitur, per maximas minimasque, modo has, modo illas corporis partes, easque penitus notas; rarae profecto erunt curationum infelicitates, aut nullae. Vix enim impedimenta sanationis, primo quoque tempore, & omni modo insuperabilia, tanta cum intelligentia potentiaque reperientur: vixque quisquam, puto, ita affectibus perturbabitur, ut opem, quam praestare posset, in corpore tutelae suae commissio, tamque caro, omittat, vel in eos errores rationis ruat, quibus infastae morborum successiones naturales sub illa theoria tribui debent. Ipse ill. *Stahlius* in *de frequentia morborum in corpore humano prae brutis* th. 93. ut *Goelickios* suos limitare doceat, “licet, in-
 “quit, vix vnquam sine omni causa, aut sine omni moderamine, “tale quid (febriles, & spastico conuulsiui, motus atque conatus) suscipiatur; fit tamen re vera saepissime, ut non solum ante, quam
 “vere opus sit, sed & aliter deinde, quam vere usus sit, & suscipiatur, & vterius deducatur vniuersum talium motuum conamen,,. Quae cum ab ipsa natura per febres, & in febribus, saepissime fiant, vel admittantur, arte corrigenda, neque ex morali illa theoria praenosci queant; minister certe magistrac illi ita fidere non potest, nec debet, ut a priori, ex eius prouida gubernatione, argumentetur: quae tam saepe deficit, tam varie hic illic titubat, sine ratione morali sufficienti defectus & diuersitatis. Certe ratio haec nullo theoremate a priori ita determinari potest, ut ad prognosticam, & therapeuticam doctrinam medicam, & usum practicum vere profit: quicquid etiam de consensu indolis hominum moralis, quam nemo satis penetrauerit, cum morboris motibus, doceatur, cuius consensus animique pathematum efficacia in motus corporis vitales non imperium animae arguit, sed fluidorum solidorumque organorum confluxum
 &

& connexionem, vnde multi motus machinae ab animae affectibus, sine directo consilio, cientur & perturbantur. Neque ex illa moralis indolis & aestimationis theoria rite explicari potest, cur & quomodo ista, (vbique, vti docent, praelucente sensu exquisitissimo, & intellectu penetrantissimo, & decernente voluntate corporis vsibus prouidentissima) ita in morbis, praecipue febribus, fiant, quae nos, sine humano consilio, physica & mechanica corporeae machinae brutarumque particularum vi motoria & proportionem, necessario fieri reputamus. Explicari, inquam, rite nequit, qui fiat, vt natura febricitans, aequae, quantum praescire licet, sciens sapiensque, aequae, certe, si ipsa anima est, spiritali facultate potens, modo mire prouida esse, modo stupendum in modum aberrare; modo occultissima scire, modo manifestissima negligere; modo admirabilia plane & difficillima posse, modo in facillimis impotens esse, haud immerito videatur: quique sensus vitalis, scientiae, prudentiae, & potestatis, tam diuerse sese ostendentis, termini sint atque limites, qui certe aliqui esse debent, neque a quoquam adhuc definiti sunt (14). De-
ter-

(14) Vt multas alias obscuritates taceam, nusquam adhuc clare & rite definitum esse videtur, vtrum anima natura sensum vitalem in solidarum solum fibrarum attactu, an in ipsa etiam fluidarum crasi habeat; sciatne ea solum, quae stimulo quodam cum solidis organis communicantur, an ea ipsa, quae in humorum recessu, praeter impetum in fibras notabilem, fiunt, consortio suo penetret; prouideatne humorum quoque interiori indoli, & inde procedentibus motionibus, & harum etiam sanam & morbosam consequentiam intrinsecus sua facultate moderetur, an extrinsecus solum, & per solas partes solidas, consilio regere possit? Ecquis vero oeconomiae corporis gnarus dubitet, aequae partium fluidarum intestinas, quam solidarum externas motiones,

modo sapienter prouiso fieri, aequae, per sanitatem, perque morbos, praecipue febres, actiuo & efficaci fluidarum partium intrinsecus procedenti, quam extrinsecus impellenti solidarum motui, salutare & regulare, qui sapientes videntur, naturae effectus deberi? Neque physiologiae & pathologiae fluidorum sufficit, si intestinos eorum motus a solis localibus, quos vocant, per solidarum impulsu contingentibus, deriuare velis. Neque peculiarem credo animam internis humorum motibus, ad salutarem scopum, propria certe vi, proportionem, & conspiratione cum fibrarum impellentium virtute, tendentibus, praeficient eius theoriae doctores, qui fibras solidas vni animae rationali omnes gubernandas concredunt. Par tamen fluidorum
jus

terminandum enim semper est, quid, quo usque, quando, & quare, intelligat, sapiat, valeatque natura; & quid, quo usque, quando, & quare secus; quidque in eius motibus prohibendum, iuandum, aut relinquendum sit: quod non nisi a posteriori determinare licet, hoc est, non ex ipsa illa supposita morali theoria, sed ex euidenti anatomica, mechanica, physica, medica, rerum naturae observatione, & analogia, quae nobis solae sufficere videntur, ut ipsa theoria principii vitalis sapientis doctrina nullo dispendio in febribus careamus. Eam vero probare etiam nemo vnquam poterit, nisi forte, quemadmodum apud *Porphyrum* & *Ovidium* Pythagoras, pro probanda metempsychosi sua, ad propriam memoriam prouocauit (15), ad eius imitationem dicere aliquis ausit:

*Ipse ego, nam memini, febrilis tempore belli
Belligerans natura fui* — — —

Huic vero eadem, quae Pythagorae, deberetur fides.

§. IX.

Febres non nimis vituperandae, licet a medicis magnopere vituperari solitae.

Quocunque vero modo illa se res in theoria habeat, stat in experientia & praxi firmum, & attentione medici dignissimum est, uti alibi, ita etiam in febribus praecipue, naturam humanam, quamuis facile & saepe erret, & labascat, saepius tamen medicam esse, motibusque febricosis ipsis, licet morbosus esse videantur, ita uti, ut sponte materiam corrigat, auertat, eliminat: fieri etiam saepenumero, ut, sine medica ope, satis feliciter tandem, via lenta, modoue minus commodo, perque varios casus & discrimina, id praestet, quod

ius foret, si regularis, vel ad salubrem scopum progrediens in corpore motio prouidentis animae moderamen requireret, neque diuina structura, & impressio, & essentiae me-

chanicarumque motus legum conseruatio, sufficeret.

(15) *Ipse ego, nam memini, Troiani
tempore belli
Panthoides Euphorbus eram.*

quod citius, aptius, tutius, iucundius, opitulante arte efficere potuisset: immo fieri haud raro, vt, quemadmodum alia corporis vitia suis motibus saepe excitat & producit, ita vicissim alias aegritudines iisdem feliciter expediat educatque. Fit autem illud omne per ipsos motus naturae, aegrotantis licet, cosque tam atterendo, & aperiendo, συγκρισιν & διακρισιν, seu coctionem & separationem, molientes, quam aut congectione ad partes ignobiliore, aut potissimum excretionem critica, materiem morbidam remouentes. Per ipsos, inquam, fit motus, quos sponte, natiuo suo nisu, moliuntur partes corporis solidae fluidaeque, quibus omnibus singulisque regularis & limitata textura, compages, mixtio, conspiratio, motio, & mouendi vis est, seque in statu sano & morbofo exserit, vt & alterent sensim mutantque intime, seu coquant, & promoueant, & expellant saepe id, quod vitiosum est: vt mirum sit, ab ill. *Stahlio*, qui motus sine anima mouente ad scopos in corpore vtilis collineare non vult, naturae tamen, in *de tertiana febris genium manifestante* p. 40. & passim alibi, "vim alterationem praestandi in febribus vt plurimum,, abnegari. Limitanda igitur omnino sunt, pro experientiae harum rerum modulo, quem omnis theoria admittere debet, vti encomia ipsius febris, seu febricitantis naturae, ita & eiusdem vituperia, quibus pessime apud medicos passim audit. Quinam limites ponendi sint, id sigillatim docere debet tota, quae in febribus maxime versatur, praedictionum doctrina, bona signa a malis discriminans, pro ἀναλογίᾳ historiae morbi, & symptomatum, & iuuantium nocentiumque, & status endemii, & praecipue etiam epidemii, ad singulorum corporum habitum collata. Saepe vero etiam ipse demum felix euentus, vbi difficilis & ambigua praedictio fuerat, laudem febris postliminio reuocat vindicatque, vt exitu, & subsequente εὐφορίᾳ comprobetur, limitanda etiam vituperia esse earum febrium, eorumque symptomatum, quae periculo haud vacare suo merito videbantur; quamuis tuto a priori fidere temerarium foret. Sane medicus, qui laudibus vituperiisque singularum febrium iustos terminos circumscribere cupit, altero quidem oculo semper ad praecognitam artem diagnosticam ac prognosticam, al-

tero vero ad status singularis & epidemii indolem, & ipsam *ἐνφορίαν* a quouis symptomate, paroxysmo, *συνγκρίσει, διακρίσει*, congestionem, excretionem, euenientem respicere debet. Quo autem cunque fere inter artis medicae auctores conuertam oculos, conuicia in febres spargi video. *Hippocrates, Galenus*, alique veteres, ignis magni & fontici nomine appellant. *Celso* mirum videtur, aliquas febrium prodesse. *Helmontius*, cum affeclis, incensi, irati, perturbati, tumultuantis, furentis archei opus esse dicat: quo Paracelsico nomine principium aliquod vitale, seu spirituosiore corporis partem mouentem intelligit, cui sensum tribuit, & machinae directionem, quam, per Adami lapsum, animae vere rationali demtam, & huic principio ignobiliori & insipientiori creditam esse, nescio quo somnio monitus, opinatur, in libro de *febris*: dum Stahliani doctores rem, quasi postliminio, in integritatis statum restituere malunt. *Musitanus*, trutin. med. p. 319. “febris, inquit, recte morborum omnium “morbus dici potest, quippe, quum omnes facultates laedat, morbos fere omnes complectitur,,. *Campanellam*, qui febres non morbos esse, sed remedium, reputauit, eleganter, exagitat *Schelhammer*. de febribus p. 15. seqq. & p. 1. “maxime omnium mortalibus “infensas & perniciosas,, vocat: vti *Forestus* & *Lommius* “malum “generi humano inimicissimum,,. *Stifferus*, in *februm considerationis nouae* principio: “si inquit, quisquam morbus inter mortales “saeculitiam suam exercet, febris est,,. *Bierlingius*, aduersar. cent. 1. p. 75. “febris instar belluae furiosae compagem humanam depopulatur,,. *Ramazzinus* opp. p. 46. “cum hydra, ait, multorum capitum nobis agendum, cum febre scilicet, cuius monstri ingenium “atrox & versipelle,,. Immo cl. *Burchardus* (16), in eleganti differt.

(16) Dignissimum hunc *Schelhammeri* generum, doctrina omni, & iudicio, & scribendi facultate instructissimum, heic rogare liceat, vt, quas manu scriptas apud ipsum latere nouimus, foci institutiones medicas, *Leibnitio* etiam nostro cognitatas, &

mirifice probatas, in publicum aliquando edat, suis obseruationibus & accessionibus auctas & emendatas, quas exquisitissimas orbi medico a tanto viro auguramur. v. *Leibnitii* epist. p. 188. 351. *Scheffel*. vit. *Schelhammer*. p. 79. sqq.

fert. Rostochiensis de *demonstrandi ratione in arte medica*. p. 10. "fe-
 bres, ait, per se nunquam sunt conatus naturae salutes, ut pote,
 quae in destructionem corporis toties abeunt; sed conatus salutes
 sunt, qui soluunt, & ad optatum finem perducunt, excretiones
 nempe sudoris, aut aliae, per urinam aut aluum institutae, ac ipsae
 cruentae, critice & cum *ἐνφροσύνη* euenientes,, Denique ipse ill.
Stahlius, qui tot & tanta de conatuum motuumque febrilium salu-
 britate laudat, in de *frequentia morborum corporis humani prae bru-*
tis, th. 92. "certum inquit, profecto est, febriles motus atque cona-
 tus innumeris exemplis magis impatiente & temerario ausu animae,
 seu naturae, quam directa necessitate, non solum concitari, sed etiam
 paribus, quibus suscipiuntur, ataxiis continuari, & vel difficulter
 ad tolerabilem, vel certius ad perditum exitum, imbelli,, Longe
 alia, & examussum repugnantia, nouus noster febrium laudator, *Goe-*
lickius, affecla Stahlianarum hypothesium nullas limitationes admit-
 tens: licet ipse magister innumeras videat & concedat. Ipsae fe-
 bres intermittentes prae passim vituperium accipiunt. *Sinapius*,
 parad. medic. P. 3. p. 161. "quod, inquit, & quanti moriuntur a
 febre intermittente, formaliter, qua tali,,! *Riedlinus* lin. medic. a. I.
 p. 427. "nonnullis febres intermittentes falso prodesse creduntur,,
Neucranz, de *purpura* p. 413. "febres intermittentes malignas fre-
 quentissimas, sed tertianas, obseruauit,, *Riuerius*, prax. med. L. 17.
 c. 3. "Dantur tertianae malignae & pestilentes, quae, quamuis eui-
 dentes habeant intermissiones, aegrotantes tamen non raro de me-
 dio tollunt. Praeterea multa febre tertianae possunt superuenire,
 quae vitae periculum inferre possunt, quamuis febris ex se peri-
 culosa non sit,, Tertianae nothae, quae exquisitis longe frequen-
 tiores sunt, nisi ab initio curentur, vel si error a medico aut aegro
 committatur, vel obstructio viscerum adsit, saepe occidere dicuntur
 a *Galeno*, ad *Glaucanem* 8. *Reyes* in campo elysio p. 935. "si, ait,
 non mortis periculo, durationis pertinacia taediosa febris est, quam
 tertianam notham appellamus, & intermittentem, quae miseros pa-
 tientes ita non raro anxie torquet, ut illius contumaciam ferre non
 valeant. — — . In difficili & rebeli eius curatione multi multa

“proponunt auxilia, quae tamen omnia illius febris contumax natura deludit.,” Quod quidem hodie certe, deo certiore medelam febrifugam largiente, ita verum amplius non est. Querelis de tertianarum facili, cum vel sine hominum culpa, per status praecipue epidemios peiores, in acutos & chronicos affectus permutatione, pleni sunt medicorum libri. *Andriollus, de febribus & morbis acutis* p. 117. praeter alia vituperia: “saepe, inquit, a tertiana fit transitus “in continuam lethalem; vel diuturnitate molestando ad hecticam “trahit. Tertianae duplices fere semper continuae sunt, ideo periculosae.,” *Raym. Fortis, de febribus* p. 76. de duplici illa tertiana: “acutus, ait, morbus est, qui acutissimos, atque grauissimos affectus secum ducere potest, & ideo valde periculosus.,” De ipsis tertianis simplicibus legitimis lepide *Solenander*, medicus Duisburgensis saeculo XVI. insignis, sect. 6. conf. 3. ad tertianam chronicam pertinacem: “februm, inquit, istarum naturam & constitutionem noui, ut illae solent in abstracto considerari. Febris tertiana, “si ea exquisita & pura est, tutissima esse solet, ut quae septem circuitibus ut plurimum terminetur. Hinc fit, quod Itali eam non “multum auersantur, quod per istam corpus expurgari credunt (17), “quod

(17) Praeuidere non poterat bonus vir, inter ipsos Germanos *Goelickium* aliquem, professorem aliquando Duisburgensem, surgere posse, qui omnes omnino febres, legitimas, illegitimas, acutas, chronicas, benignas, pestilentes, laudandas ubique, non in abstracto solum, sed & in concreto esse, pronuntiaret, & conuicia in eos iaceret, qui febrim pro affectu praeternaturali, siue morbo haberent, eaque carere velint, quam sapientior natura excitet, optimum quippe ac vltimum, si diis placet, ad causas corpori nociuas subigendas atque eliminandas remedium. Frequenter vero apud obseruatores occurrunt status epidemii febrium tertianarum,

quae, dum omnibus signis intermittentes, legitimae, tutissimae videntur, paullo post, sine vlla humana culpa commissa, in summum periculum aegros praecipitant. Exempli causa, inter ipsos Italos vetustiores, *Borellus*, in epist. de *febribus epidemicis* a 1662. ad *Malpighium* scripta, inter huius opera postuma pag. 27. “plerumque ait, incipiunt cum typo “februm tertianarum simplicium, capitis grauitate, dolore stomachi, oris “amaritudine: septimo die febris fit “continua: vndecimo maligna euadit, & quibus alui fluor non succedit, decimo quarto die & interdum citius moriuntur.,” In sectione cadauerum nihil in vllis visceribus vitii

“quod item nostri homines dicunt, coryzam ea laborantibus salu-
 “brem esse. Ego tamen vtraque, vt affectibus praeternaturalibus,
 “carere malo.,” Quartanam veteres nigram, querqueram, Satur-
 ni filiam, ob tarditatem malignamque, vt *Dalechampius* ad *Plinium*
 dicit, contumaciam vocitarunt. Hibernam in morbos acutos dege-
 nerare solere, & facile hydropem aliosque chronicos morbos omni
 quartanae succedere, *Hippocrates*, *Galenus*, aliique conquesti sunt.
Solenander p. 95. “quartanam, inquit, scribunt, nulli lethalem fuisse
 “se vnquam;,” (quam falso doceat, cum multis, *Schrader. de febre*
 “*quartana* §. 14.) tamen saepe causam praebere grauissimis morbis,
 “qui postea hominem interimunt. Solent saepe subsequi cachexia,
 “aqua inter cutem, vlcera difficilia curatu, icteri nigri, tabes, destil-
 “lationes perniciosae, & nescio qui alii morbi.,” De eadem *Crato*,
 magnus eodem saeculo archiater, apud *Scholtz.* consil. 237. “vix
 “vnquam, ait, quartana ita discedit, quin aliquas relinquat corpori
 “molestias, in primis hypochondriacum melancholiam & hydro-
 “pem.,” *Bierling. aduersar.* cent. 1. p. 75. “quartanae, inquit, in-
 “termittentes vt plurimum in hydropem degenerare solent.,” *Tul-*
pius L. 3. c. 531. “visceribus inflammatis, vel aliter male valenti-
 “bus, enecat quartana quam plurimos, siue per aquam inter cutem,
 “siue ob omnimodam cibi & potus abstinentiam.,” *Riverius* L. 17.
 c. 5. “Quartana spuria periculosior est. Senes, qui sexagesimum
 “aetatis annum superant, febre quartana affecti, vt plurimum mo-
 “riuntur. Febris quartana intermittens in continuam mutata vt
 “plurimum lethalis est.,” Indomitam pertinaciam aduersus re ne-
 dia fere quaeuis, & exinde vix evitabiles diaetae errores & medica-
 tiones

tii inuentum est, nisi quod bilis vesi-
 ca insigniter turgens, ventriculus ec-
 dem humore affluens fuit, & in ali-
 quibus intestina colore eius tincta.
 p. 28. “nullius, ait, ituuaminis fue-
 “runt diligentia & infinitae cautiones
 “adhibitae.,” & p. 32. “circa metho-
 “dum medendi fateor, me illam igno-

“rare.,” Scilicet methodus omnis,
 omnia remedia praeter corticem, cu-
 ius vsus tunc, in praecauendis eius-
 modi tertianarum febrium fidarum
 periculis nondum ibi constabat, fru-
 stra laudari credebantur. Candor
Borelli temerarios febrium & reme-
 diorum laudatores redarguit.

tiones tumultuarias, omnium saeculorum medici conqueruntur, ut inde *Pechlinus* L. 2. obs. 21. quartanam in ludibrium medentium transiuisse, & nunquam melius, quam inueteratam, curari animaduvertat. Tamen *Gohlius*, genuinus *Stahlii* discipulus, *act. med. Berolin.* vol. 6. p. 49. "vero quartanae typo, ait, addictae febres, in-
 "que eo diutinum habitum naetae, summam in medendo testaban-
 "tur contumaciam. Nulla sufficiebat methodus oppugnationi mor-
 "bi, nulla, ex supposito, medicina. Morbi duratio omnem affli-
 "ctis exhauserat patientiam: impatientes morbi expetebant remedia,
 "vbicunque dabantur, famosa., Quotidianas *Galenus*, *de arte cu-
 randi* L. I. c. 8. pronuntiat "longas esse, & non sine periculo:, at-
 que, cum *Hippocrates*, *epid.* L. 1. 6. "quotidianas nocturnas non
 "admodum lethales, diurnas longiores esse, & ad tabem vergere,,
 dixerit, adnotat idem *Galenus*: "quae videbantur nocturnae tribui
 "laudes, hae ipsae non minus vitio vertunt, eo quod non simpli-
 "citer dixerit, nocturna non lethalis est, sed addiderit, non admo-
 "dum. Nam si non valde est lethalis, liquet mediocriter lethalem
 "esse., Raro quotidianas continuitate, neque vel ideo periculo ca-
 rere, notat *Auicenna*. Et quamuis continuas non sint, quum ipsi
 saepe vere intermittere viderimus, tamen *Riuerius* *prax.* L. 17. c. 4.
 obseruat "quotidianam perpetuo longam esse fuisse, nec periculo
 "vacare: cum in cachexiam, hydropem, lethargum, aliosque gra-
 "uissimos affectus degeneret., Quamuis autem vera isthaec omnia
 suo modulo & limite sint, & frequentem artis medicae subsidiorum
 necessitatem ad moderandas prohibendasque febres omnino euin-
 cant; generalis tamen regulae instar, sine exceptione, esse, & vi-
 tuperandas penitus reddere non debent. Neque vero aduersantur
 recte intellecta nostrae & *Sydenhamii* thesi, qua febris naturae in-
 strumentum esse dicitur, quo partes impuras a puris secernat; licet
 saepe e contrario instrumentum maioris perturbationis, noxae, &
 pernicipiei esse, *Sydenhamio* & nobis abunde obseruatum sit: quemad-
 modum pariter, indefinita propositione, dolores & fluxus sanitatis
 procurandae instrumenta dicimus, quorum tamen, pro locorum,
 temporum, proportionum diuersitate, noxas faciles nemo negat.

"Cer-

"Certum est, (vt cum celeb. *Camerario* cautel. p. 203. dicam) natu-
 "ram conatus febriles non raro ad molesta amolienda excitare; sed
 "non aequè certum est, omnem febrem, motusque febriles vniuer-
 "sos, esse tales naturae sibi prospicientis conatus. Numerosa est fe-
 "brium familia, nec facile est omnes enarrare differentias,,. Con-
 "stant vero pariter inter omnes, qui nocumenta & vituperia febrium
 "annotarunt, ipsi etiam euentus spontanei salubres & laudabiles: ne-
 "que nisi in voce lis fuerit, si illos ipsi febri, & naturae per febres
 "conatui, abiudicandos disputare aliquis velit. Solita cum concinni-
 "tate & sapientia ill. *Boerhauius*, in *aphorismis de febribus in genere*,
 "febris, ait, effectus est celerior liquorum expulsio, propulsio, sta-
 "gnantium agitatio, omnium permistio, resistentis subactio, coctio,
 "secretio cocti, crisis eius quod febrem produxerat,,. Addit tamen
 "caute, ne quid nimium laudet, effectum etiam esse, "sanorum muta-
 "tionem in indolem morbosam. Febris, inquit, saepe medicamen-
 "ti virtutem exercet ratione aliorum morborum. Febris sua vi de-
 "finit in mortem, alium morbum, sanitatem,,. Exempla concinne
 "enumerat *Celsus* L. 2. c. 8. "Ipsa, ait, febris (quod maxime mirum
 "videri potest) saepe praesidio est: nam & praecordiorum dolores,
 "si sine inflammatione sunt, finit, & in iecinoris dolore succurrit, &
 "neruorum rigorem dissentionemque, si postea coepit, ex toto tol-
 "lit, & ex difficultate vrinae morbum tenuioris intestini ortum, si vri-
 "nam per calorem mouet, leuat,,. Conf. de colica frigida locus
Hippocratis, explicatus apud *Lindanum*, *select. medic.* p. 204. sqq.
 Notanda vero quoque sunt, quae habet *Andriollus*, de *febribus &*
morbis acutis p. 226. "Galenus testatur, multos epilepticos per
 "quartanam liberatos fuisse, & tum a lepra, tum a varicibus, tum a
 "tumoribus lienis, & aliorum viscerum. Non tamen liberantur isti,
 "nisi febris sensim & sensim imminuatur, & tantem euanescat. Hoc
 "enim signum est maturationis, atque concoctionis materiae morbi-
 "ficae. Et *Bierlingius*, aduersar. cent. 1. obs. 41. de quartana, haud
 "immerito effatur: "bonum est, si per morbum superuenientem caus-
 "sa prioris morbi vel consumatur, vel reuellatur, vel deriuetur, vel
 "euacuetur; malum vero, si superueniens affectus nihil horum prae-
 "stet,

“stet, sed antecedentem morbum vel foueat, vel augeat, vel maius “incommodum pariat, vel vires deiiciat,,. Scilicet febres omnis generis, siue per se inuadant, siue aliis affectibus superueniant, siue iunctim procedant, modo nociuae sunt, modo innocuae, modo plane proficuae, pro materiae, status epidemii, & corporis indole; pro motuum ad vires & habitum aegroti proportionem; proque ipsa maxime obseruatione ἐνφροσύνης, & effectus vel euenientis, vel per signa imminentis. Quemadmodum enim vbiuis potissimos usus habet indicatio a iuuantibus, non iuuantibus, nocentibus, eiusque ἀναλογία; ita etiam eadem febrium laudibus & vituperiis, vtilitatibus & noxis, limites iustos praecipue ponere debet.

§. X.

Febres apoplecticae.

Apoplexiam, eique affines morbos, cum febre infelicissime saepe iungi, nisi efficax medicina mature opponatur, obseruationes nostrae sect. 1. §. 2. seqq. & animaduersiones §. 2. (18) item ill. *Tortitherap. spec. p. 227. sqq.* vbi de febre lethargica, abunde docent. Addi meretur *Carol. Piso, in obseruationibus & consiliis*, nuperrime curante ill. *Boerhaavio* denuo editis, sect. 2. part. 2. c. 4. de parapoplexia siue febre τετανοφρεα comatosa, vbi etiam exempla febris tertianae verae, apoplectico sopore infelicitate stipatae, enarrantur: quaeque idem de sopore & veterino graui febrium tertianarum, quar-tanarum, quotidianarum habet p. 493. sqq. & de caro cum febre p. 81. sqq. Exstant *Boneti* obseruationes similes in *sepulcreto* L. 4. sect. 1. obseru. 1. §. 3. de febre tertiana cerebrum occupante, item *Schneideri de apoplexia* p. 749. vbi eam ex febre quotidiana oriundam

(18) Paria ibi notatis tum multi alii, tum omnes medici nostri viderunt, videntque adhuc etiam atque etiam, licet, feliciori iam existente constitutione epidemia, rarius multo, quam ante quatuor, & quod excurrit, annos. *Cl. D. Wreden*, anatomes &

chirurgiae apud nos professor, fautor & amicus meus honoratissimus, casum eiusmodi recentissimum retulit, vbi instanti morti apoplecticae ipse aegrum eripuit, hoc mense Nouembri, methodo nostrarum obseruationum.

dam memorat, & veram apoplexiam nonnunquam comitem esse accessionum febrilium docet. Conf. celeb. *Bernerus*, professor Dúis-burgensis, in dissert. de *apoplexia cum catarrho suffocatiuo*, edita cum exercitat. de *applicatione mechanismi ad medicinam* §. 13 - 16. vbi de apoplexia, comate, lethargo febrium intermittentium agit, febres etiam apoplexiae & paralyfi superuenientes, quamuis prodesse suo loco modoque queant, saepe tamen noxias, vel infructuosas esse ostendit, & rem ex pathologia mechanica explicat limitatque. Immo ill. *Helwichius*, (quo doctiorem ex eorum scriptorum numero, qui cum ipso Stahlianæ se hypothefi addicunt, haud scio an quemquam liceat reperire) in *hist. morb. Vratislau.* sincere pronuntiat, quod & nos oportet adhuc profiteri: "ego sane, inquit, inter plura apoplexiae exempla nunquam aliquem vidi per febrem ab apoplexia fuisse liberatum, licet multoties statim post insultum apoplecticum deprehenderim pulsum vere febrilem., Ex *Rhodius* in *analect. ad Septal. cautiones* p. 269. "in febre, inquit, putrida per paralyfin excitata non est negligenda prior affectio; maior tamen habenda febris cura, tamquam vrgentioris, vi cuius possit aeger interire., Nolumus tamen aliorum non contrariae, sed nostram deficientem supplem̃ti experientiae derogare, quae non semper vituperandam, sed fructuosam interdum apoplecticis febrem fuisse, memoriae prodidit. Ita, post veteres recentioresque alios (19), in *hist. morb. Vratislau.* de paralyfi, apoplexiae sobole, dicitur: "quartanas *D. Preus* emetico, martialibus, & cortice Peruuiano breui curauit: idem paralyfin febre superueniente solutam vidit., Ita & haud pridem vir cl. *Jo. Theodorus Ellerus*, in *observationibus medicochirurgicis ex nosocomio charitatis Berolinensi*, docte eleganterque scriptis, p. 18. sqq. hemiplegiae per interuenientem febrem tertianam curatae historiam enarrauit.

§. XI.

(19) v. quae vberime collegit & di-

sputauit *Schneiderus* in libro de apoplexia c. 19.

§. XI.

Febres male curatæ feliciter reduces.

Idem doctissimus *Ellerus* p. 15. sqq. arthritidem per sexennium inueteratam memorat, ex febre violenta primo ortam, sed denique, superueniente rursus, & moderate per tres hebdomades decurrente febre continua, plane sanatam; quo ipso exemplo, & adiecto *Hippocratis* aphorismo, qui febribus longis dolores aut tubercula artuum succedere docet, & malum & remedium a febre procedere posse, & limitandam esse quum laudationem eius, tum contumeliam, declarat. Ibidem orta ex imperite, maxime etiam per corticis abusum, suppressis febribus symptomata, infarctus viscerum abdominis, inflationes hypochondriorum, asthmata, pedes oedematosos, immo incipientes hydropes, accedente rursus febre, precipue intermittente, feliciter plerumque sublata, recenset. Laudandae utique eiusmodi febres sunt, immo vel arte non nunquam excitandae, uti *Hippocrates* epidem. 2. "prudens, ait, medici est febres nonnunquam accendere.," Artis tamen illius laus summopere limitanda est, sicut docent *Major* de febre artificiali, *Schraderus* de morborum quorundam salubritate §. 25. *Hoffmann* de salubritate febrium §. 37. & nostrae observationes Sect. IV. §. I. & IV. Nobis quoque paria istis Ellerianis obtigerunt noxae abusum circa varia remedia febrifuga, ipsumque corticem, sed & febrium sponte sese occultantium, per redeuntes febres correctae, exempla. Quam ob rem, si, per status epidemii & aegri corporis rationem, audere licet, febres quocunque remedio febrifugo male suppressas, vel infelici cum consequentia occultatas, reuocare ipsi arte studemus, cuius materiam medicam dictis observationum locis exhibuimus. Idque nos quidem eo audemus confidentius tutiusque, quo certius, si quando, uti saepiuscule fit, vel metuendo, vel inutili, hoc est, minime laudando modo procedere regressae videantur, remedium nobis methodusque praesto est, cuius usu, si alia non satisfaciant, quod tamen faciunt saepe (20), ab infidis eiusmodi febribus recidiuis aegrum

(20) Limitanda hinc sunt, quae suo tem-

pore *Rhodius*, in analect. ad Septalii cau-

grum denuo secure liberare queamus. Quod qui tunc nolunt, sed a febris sua omnia bona nimis fidenter exspectant, vel certae medellae incerta praferunt molimina, iisque acquiescunt, si nihil profunt; nae illi aegros morbi saepe longis molestiis, & curationum ambagibus, in grauiora pericula, atque damna acuta & chronica prolapsi sinunt, propriae omissionis, aut incongruorum tentaminum, & ipsius febris infidae, & labantis naturae culpa, quam forte deinceps soli remedii cuiusquam abusui, in priori febris admissio, perperam imputant. Ast eum ipsi, si quis fuit, resarcire debuissent, &, vana non fuisset opinio, haud difficulter potuissent. Satis enim experientia propria alienaque edocti sumus, esse, vti ex immenso reliquarum, ita etiam male suppressarum, & vel perfecte, quod in medici potestate non semper est, vel, quod multis haud raro diagnoseos erroribus, ac periculis lentis ansam praebet, imperfecte reuocatarum, & cum ambiguis occultioribusque motibus reciduarum febrium intermittentium numero, non paucas, quae sola medicina febrifuga, praecipue efficacissima illa, cortice Peruviano, recte adhibito, iustam, certam, securamque medicationem admittant: quod, vti politissimus *Camerarius* cautel. p. 50. dicit, "tam diu laudibus summis celebratum remedium, stupendaeque re vera si recte eo vti scias, efficaciae, ineptus quorundam adhibendi modus, ac praeiudicia aliorum, pluribus suspectum reddidere,,

§. XII.

Limitanda laudatio medicinae febrifugae.

Verissime scripsit b. *Schraderus*, de febre quartana §. 22. "Singularis prorsus & expertissimae efficaciae est decantatissimus ille cortex Peruvianus. Nullis enim antehac, quamvis exquisitissimis, remediis tantum in morbo hoc debellando potuimus, priusquam hercule

cautiones L. G. c. 79. monuit ex *Galieno*, *Hollerio*, *Dureto*, *Massaria*:
"febrem excitare minus tutum, nisi
"diariam, peccante materia frigida,

"quae magna ex parte iam euacuata.
"Satius eam vitare, nisi sponte superueniat. Non enim gradus eius in
"medici arbitrio,,

“culea haec antidotus innotuit. Sicut vero alia remedia optima suas
 “habuere vices, & mirabile experta saepe sunt fatum, vt modo in
 “honore essent maximo, modo ingloria iacerent, subinde reuictura;
 “ita chinchina modo magnis laudibus celebrata est, modo iacuit cri-
 “minibus obruta,,. Est sane, vti *Ramazzinus* vocat, (opp. p. 27.)
 “diuinum plane remedium ad male natam febrium sobolem extermi-
 “nandam,,. Sed si qua bene nata sit, & medicationis fructu potior,
 eam exterminare non debet: & alia remedia praeter ipsam plura
 sunt, quae multis febribus plane satisfaciunt, & sua abusus vitia ha-
 bet, suos vsus terminos. Haud puto inique *Schraderus* l. c. “fides,
 “ait, nec huic remedio semper in fuganda febre constitit, sed pro
 “varietate morbi, loci, subiecti, ad alia transeundum fuit. Est cer-
 “te in medicamento hoc laudando nimius *Mortonus*, quando scribit,
 “nunquam ante huius medicamenti inuentionem alia methodo, quam-
 “uis diutissime protracta, quemquam febre intermittente laborantem
 “sanatum esse; illud vero *ἰερον πικρον* esse vniuersale febrifugum,,.
 Enimuero ingenti illi laudationi *Mortonus* ipse passim aequos, expli-
 cando & applicando, limites ponit: quamuis haud sat bene genera
 & indoles febrium distinxisse, sed, per hypothesein nimis generalem
 simile aliquod *μιασμα*, similem antidotum, pro nimis diuersis quibus-
 dam febribus sibi statuuisse, videatur. Indulsi eo magis isti hypo-
 thesi, quum haud multas forte exceptiones, per epidemios status,
 qui ex intermittentium genere maximam tunc partem fuisse viden-
 tur, intra suae praxeos terminos reperiret, & quod ipse in praefa-
 tione phthisiologiae dicit, “a multis retro annis a legendis libris to-
 “tus abstinerit,,. Quod qui faciunt, facile vniuersale, vel vniuer-
 sali proximum iudicant id, cui ipsi contrarium aut nihil viderunt,
 aut parum. Facile etiam locorum, temporum, personarum diuer-
 sitates negligunt, hypotheseos plausibilis confirmationi potius, quam
 limitationi sufficienti, studentes. Nihil vero in arte medica ex an-
 gusta vnius aut paucorum doctorum locorumque experientia absolu-
 te iudicari debet. Nullum inter remedia, quae quisquam expertus
 est, vel cetera, vel quae febrifuga merito audiunt, quamuis per se
 & recto vsu vere innocua sint reperta, & multoties feliciter vsurpa-
 ra,

ta, ita laudandum est, vt siue ipsarum virium, siue culpandorum
 abusu limites, quos alio loco & tempore obseruare datur, commen-
 datio transcendat. Apposite *Pechlinus*, in praef. libelli de *potu*
theae, “est hic, inquit, mortalium immo & medicorum error, noua
 “quaeque, & subita, & peregrina, velut de caelo lapsa, extollere,
 “& cum in vno alteroque remedium feliciter cesserit, vniuersae sta-
 “tim morborum familiae, velut panaceam quamdam, destinare;
 “mox iterum, vbi praecipiti famae euentus non respondet, elogia
 “in crimen vertere, & quod in vno alteroque casu fidem non ser-
 “uarit, velut damnosum, proscribere. Atque illud quidem vt vul-
 “go & idiotarum sectae condonari potest, ita in medicis ineptum
 “valde, & culpae affine est,,. Vtramque extremitatem, quod ad
 remedia febrifuga, eorumque praecipuum, corticem Peruvianum
 attinet, sollicito cauemus: ideoque merito in obseru. de febrib. Sect.
 II. §. V. scripsimus: “quemadmodum nihil eorum, quae sanis cor-
 “poribus innocua sunt, vel certis morbis medentur,, (quod vtrum-
 que de cortice illo, iusta proportionem vsurpato, exploratum est) “vni-
 “uersim ita iuuat, vt nullam noxam, pro ratione morbosae materiae,
 “motuumque, sub quibus ministratur, incaute adhibitum, inferre
 “possit, neque, *Plinii* elogio, quicquam est, cuius virtutes nullo
 “vitiorum confinio laedi queant; ita idem de hoc febrium domitore
 “sentiendum esse, eo magis dictat sana ratio, quo manifestior in ma-
 “teriam motusque morbosos efficacia est: neque vnum remedium
 “pro febrium omnium vnica solaque panacea habere licet, ceteris
 “artis praesidiis susque deque habitis,,. Vtinam autem isti, qui, ob
 peruersae vsurpatam medicinam, hoc vel illud mali ortum esse scri-
 bunt, id etiam diligenter & accurate annotarent, quae methodi per-
 uersitas, quis vsus illegitimi modus, quis corporis habitus, quae sta-
 tus epidemii & morbi integra historia, quis a principio ad finem de-
 cursus, quid praeterea etiam & deinceps remedii adhibitum, quae
 diaetae ratio fuerit: ne, quod passim fieri dolendum est, abusus cul-
 pa, breuiter & generatim indicata, silentio pressis genuini vsus dif-
 ferentiis, in ipsius vtilissimi alias remedii inuidiam cedat, & rectus
 ipse vsus apud minus peritos immerito suspectus reddatur; sed po-

tius ipsa ars recte vtendi clarius indies elucescat, & ab abusu con-
fortio iustis laudum limitibus vndecunque separetur. Vtinam quo-
que ii, quibus aliae methodi, alia contra febriculosos morbos reme-
dia laudantur, quae & nos vsurpamus quotidie, & suo merito com-
mendamus, singulis iustos, sine praeiudicante amore vel odio, sine
vana fiducia vel metu, terminos nobiscum adsignarent, & vbi de-
ficit imbecillioris medicamenti vis & utilitas, generosioris vsus legi-
timos aequiter admitterent, & candide amplecterentur. Facit pro-
fecto immoderata laudatio, qua alia medicamenta minus certa certio-
ri vni seu aequiparantur, contra experientiae assensum, seu temere,
& cum illius iniquo contemptu, praeferuntur, vt multi aegri ope de-
bita careant. Ad male suadam generosioris medelae febrifugae for-
midinem merito applicatur illud *Ludouici*, pharmac. diff. i. p. m. 665.
“aeque multi ob meticulosam opiatorum & emeticorum,, (addere
licet, in febribus praesertim, venae sectionis iustae, & corticis Pe-
ruuiani recte vsurpandi) “intermissionem, quam per empiricorum
“manus occubuerunt,,.

§. XIII.

Causae limitationis laudum corticis.

Cortex Peruvianus, quo maiores vsus habet, eo etiam fere
frequentioribus, quam multa alia, abusibus, & abusu accusatio-
nibus, & veris vanisque de noxa querelis, expositus est, tum ob
maiores, certiores, clarioremque ceteris efficacitatem, tum ob
februm diuersarum, quibus cum subiti leuaminis fiducia opponi pot-
est, ingentem frequentiam, *δισφορίαν*, pertinaciam. Hinc & medi-
cis doctis indoctisque, & varia theoria & methodo vsis, & medi-
castris, & ipsis aegris, notissimus est, & magnopere cito iuuamine
passim abblanditur, qualitercunque vsitatus; sed &, quocunque
morbi succedente euentu sequiori, vel regressu, facile suspectus iis-
dem redditur, aliisque, qui vsum ab abusu distinguere aut nesciunt,
aut nolunt. Februm quarundam, quam supra notauimus, salubri-
tas, & securitas haud paucarum spontanea, medicamine quocunque
perperam adhibito potior est: vnde facile est iudicatu, id, quod
cer-

certius ceteris in tales operatur, abufui etiam magis tunc effe expo-
 fitum, quam alia, quae morbum per fe infontem fere intactum re-
 linquunt, & parum aut nihil in eundem operantur. Accedit faci-
 lis febrium plurimarum, vel proprio nifu, vel sub quouis in meden-
 do errore, ad multifaria nocumenta procliuitas: quae iccirco ab hu-
 ius, quippe notioris, vfitationis, potentiorisque remedii febrifugi
 empirico & peruerfo vfu facile annotantur: quamuis & faepe fae-
 pius fallacia non cauffae, vti logici vocitant, committatur, idque
 foli medentis culpa & medicinae tribuatur abufibus, quod morbi,
 corporis, diaetae, aliarumque rerum adhibitarum, vel accedenti-
 um, vitiis magis debetur. Interueniunt noxiis abufuum cauffis ipfa
 vel maxime cenforum terricula, ipfae auerfantium & metuentium
 opinationes, laudesque febrium & aliarum medelarum, aequae, ac
 cenfurae corticis, immodicae; quae omnia variis modis rectum ad-
 aequatumque huius medicinae vsum retardari plus iufto, minui, ca-
 ftrari, perturbari faciunt, & methodum ab *ἀμεθόδιαις* distingui, ac
 rite vfurpari, prohibent. Inde potiffimum etiam fit, vt utilitas
 fperata faepe deficiat, & aut oriantur ex febribus imperfeete curatis
 pravae confectiones, aut augeantur incongruenti medela alia, at-
 que deinceps multoties, quae alioqui facilis foret, ipfarum abufus
 noxarum per rectum vsum correctio, aegrorumque corruptorum
 reftitutio, praepediatur. Non autem talia, generofis remediis ple-
 rifque omnibus communia fata, peritum cordatumque medicum,
 qui frequentem rite adhibiti huius medicaminis neceffitatem, utilita-
 tem, fecuritatem perpectam habet, ab ipfo recto vfu abfterrere
 queunt: quamuis ea immoderatis laudibus obicem ponere, ac im-
 peritorum hominum & medicaftorum manus merito ab hoc ipfo,
 aliisque ad artis medicae penetralia fpectantibus remediis, retrahere
 deberent. Abufus enim huius medicinae, qui iftis hominibus vix
 ac ne vix quidem, peritis vero facile cauendi funt, tunc fiunt, vbi
 vel intempeftiue, vel non adaequate, vel fine ordinata methodo,
 adhibetur: hoc eft, vbi 1) in morbis morborumque circumftantiis
 huic remedio non opportunis, vbi 2) vel parca nimis, vel 3) nimis
 etiam larga manu, extra morbi & *ἐνφωρίας* proportionem, vbi 4) tu-
 mul-

multuarie, sine temporum & ordinis ratione, in temporario illo & ordinato morbi genere, praebetur; 5) vbi reliquo artis & materiae medicae, coniunctarumque saepe indicationum, iusta non habetur ratio. Huc spectat ars, quae omnino est, praemittendi, miscendi, interponendi, subiungendi alias medelas, si quae ex methodi lege corporisque habitu indicantur, neglecta, vel 6) si quae non indicantur, temere aut timide efficta, & affectata, cum vsus tempestiui, efficacis, adaequari dispendio, iustaeque methodi vel procrastinatione, vel castratione, vel perturbatione.

§. XIV.

Notanda pro aequiter limitandis corticis febrifugi laudibus.

In obseruationibus meis, sectione secunda, & passim, satis, pro scopi ratione, ostendi, quam illi aberrant & temerarii sint, qui in omnibus febribus, ex alieno plane ab intermittentibus genere, in continuis ex alio fomite, malignis stricte dictis, continentibus, inflammantibus, exanthematicis, aliisque, & in morbis, vbi contrariae indicationes sunt, idem remedium laudibus extollant, quod generi febrium intermittantium vero, & continuis ex illo solo, per accessiones extensas aut multiplicatas, degenerantibus, specificè praecipue debetur, alius generis affectibus partim vtile (21), partim inutile, partim noxium. Monstravi, quam frustra sint, qui, in ipso intermittantium genere, in eo vno semper & vbique omnem fiduciam collocant, neglectis ceteris methodis ac remediis febrifugis, aliisque, si quae adsunt, indicationibus, praesertim impuritatis primarum viarum, plenitudinis, orgasmi, obstructionum, & affectuum complicatorum. Memoravi praemissarum, mixtarum, subiunctarum aliarum medelarum meritas laudes, & vitanda vitia. Indigitaui formularum praebendi corticis variarum auctores, vires, abusus, vsusque, prudentia practica singulariter discriminandos mode-

(21) Pertinet huc, quam in addendis obseruationum notauimus limitauimusque, iamque ipsi denuo bis obseruauimus, magna utilitas ad cohi-

bendum sphacelum, qua de re nuperrime singulari libro egit cl. D. Douglas. *Ibid. commerc. Norimberg.* 1733. p. 345.

moderandosque. Notandos vero etiam precipue duxi eos abusus, qui vel in excessu doseos, vel in eius ac ordinatae methodi defectu, extra morbi temporisque proportionem ac ordinem, & corporis *εὐφροσύνην* admittuntur. Hi enim omnium sunt frequentissimi. De restringenda laude corticis in morbis, ubi nihil iuuare potest, vel in iis, ubi contrariae indicationes vrgent, plura dicere supersedeo. Praeparatio corporis, ante corticis usum, per remedia alia digerentia, aperientia, depurantia, euacuantia, saepissime utilis & necessaria est, neque sine noxa omittitur, si ex methodo indicatur: haud raro autem egregie est inutilis, ubi nulla vera indicatio iubet: immo tunc damno corporis cedit, quando ultra modum laudatur & extenditur, ut vel debilitetur, vel perturbetur natura, vel per infructuosa molimina potiori indicationi explendae locus tempusque praeripiatur. Vix enim recte dicitur, a febre & propter febrim intermittentem talia indicari; sed propter plenitudinem, orgasmum, impuritatesue tenuiori *μακρῶν* febriculofo iunctas, aut obstructions febrim comitantes, eamque fouentes: licet multa, quae praeparantia, aperientia, atque expurgantia audiunt, veram vim febrifugam, cortici analogam, sed minus certam, simul exserant. Recte *Stifferus*, in *febr. interm. confid. noua* p. 51. "nullus, ait, dubito, quin multae
 "intermittentes febres, aliaeque affectiones morbosae, absque vlla
 "sanguinis missione & purgatione, dexterrime curari possint., Cl. *Cohausenius*, in *archeo febrium fabro* p. 38. "ipsemet, inquit, ultra
 "mille febricitantes cortice sanavi, neque ante, nec post eius exhibitionem dato remedio purgante proprie dicto., Immo e contrario *Werloschnig*. de *curat. vernoautumnal.* p. 320. "vidi, inquit,
 "febres tertianas, purgantibus exhibitis, mirum in modum vires deiecisse, nulla morbi imminutione, &, cum iterarentur, ita
 "debilitasse, ut intra XV dies a coepto morbo aegrotus succumberet. Verum eiusmodi exempla infinita & alii dudum notauerunt., Certum est, in febribus intermittentibus validis praecipue utilitatem necessitatemque corticis elucescere, quum mitiores aliis facile remediis cedere saepe soleant. Ibi vero impense cautos nos reddere debet *Hippocratis* illud, in *de affection.* 5.

“neutiquam fas est in validis febribus medicamenta purgantia exhibere.” Exploratum tamen est, conuenire omnino, vbi abundat materiae copia, & vel turgēt, & exitum per primas vias frustra affectat, vel coctio ipsa, & symptomatum imminutio praecessit, praecipue si tempestiue subiuncto cortice tumultus excitus compescatur. v. ill. *Bianchi histor. hepat.* p. 282. sq. conf. cl. *Storchius* seu *Pelargus*, *obseru. clinic.* anno I. p. 65. sqq. vbi etiam eleganter agit de vanis & noxiis corticis Peruvianis censuris. Neque vero ipsa medicina febrifuga coniunctum sibi, vel postpositum, aliorum eiusmodi praesidiorum vsum excludit, si quid indicet. Quamuis saepe praestantissimum sit, ante corticis vsum corrigere & eliminare humores, si impuritas & plenitudo vrgeat, bonos illius effectus ceteroqui prohibitura, ac obstructa expedire viscera, si obstructio efficaciam remorari possit, neque illa per febriculosa pathemata magis intendatur; est tamen, vbi propter vrgentia febris symptomata, tutius longe comitem sibi, vel pedissequam, aliam medicinam indicatam adsciscit cortex: qui ipse ad febriles obstructions referandas, ad febrilem impuritatem corrigendam atque eiiciendam, maximum operae pretium specificè facit, restituta simul naturae medicationem omnem iuuante tranquillitate, eiusque functionum integritate, & virium robore. “Infringi enim hoc modo biliosas explosiones, & “dispersas, inuersas, ac depressas substantias febriferas ad naturales tandem secretiones excretionesque compelli, aut emendari sal-
“tim, atque ad eas tranquille disponi, quotidiana praxis confirmat., sunt verba cel. *Bianchi*, hac ipsa de re, in *histor. hep.* p. 283. Explicata haec ac distincta dederunt, quos abundanter in observationibus adduxi, auctores.

§. XV.

Vitia circa dosin & ordinem.

Quot si vero iam febris indoles corporisque habitus ita parata sint, vt corticis vsus satis sit opportunus, neque alia amplius medela praemittenda indicetur; tunc nihilominus, qui ignari negligentes sunt, variis modis ab adaequata materiae, motuum, temporum proportionem

tione recedere solent: vnde vberissima errorum scaturigo diverso modo procedit. Exploratum vero habemus, tunc maxime, quum in motu euidenti, vel proximo ad motum molimine, constituta est materies febrilis, affici eam a remedii efficacia, ita tamen, vt, proportionis doseos ratione, modo augeatur morbi impetus, modo infringatur, modo retardetur, modo plane exsuperetur. Aliqui eorum, qui corticis vsum laudant, aegrisque lubentes suadent, veteri more, non bene obseruatis iis, quae pro isto in *obseru. de febril.* Sect. III. §. IV. it. Sect. IV. §. VII. sqq. requisuimus, ita abutuntur, vt, vna maiuscula dosi ante vnum aut aliquot paroxysmos exhibita, eiusmodi febrim fugare sustineant, ad cuius impetum ista dosis adaequata non sit: vnde ex semisopito morbo, aut etiam ex ipso crescente violentiori paroxysmo, facilis noxa oritur. Hinc maxima pars eorum, nocumentorum deriuanda est, quae a vetustis pluribus, & hodiernis quibusdam corticis, circa ineuntium paroxysmorum tempora, abusibus annotata sunt, quaeque febris materiae imperfecte attentatae, & ita, proportionis gradu, vel ad faeuiores incitatae motus, vel ad obscuriora saltim, & facile aberrantia, aut recidua molimina redactae, debentur. In eo enim fere omnes vetustioris illius methodi regulae collocantur, vt, vti decet, exhaustis primarum viarum sordibus, & minuta, si qua sit, plenitudine, sublatisque, quantum fieri potuit, viscerum obstructionibus, detur paucis solum horis ante paroxysmum, vel eo ipso ingruente, scrupulus, vel sedrachma vna, vel duae, vel amplius, & repetatur pariter ante sequentium accessionum tempus, quoad opus esse videatur. Nos autem non sine insigni limite eam methodum laudandam arbitramur, ac nisi ordo accessionum simplex sit & regularis, ni chronicus sit morbus, ni violentia aliquantum deferbuerit, ni ventriculus sat bene digerat, ni consent naturae vires paroxysmo prima forte dosi exacerbando secure pares, ni absint congestionum circa viscera, aut degeneris continuae febris, anomaliaeue metus, ab illa ante accessionem ita medendi ratione abstinendum nobis esse putamus. Vbi vero eam commendamus, quot dictis sub cautionibus facimus, tunc proportionem doseos ad paroxysmi impetum adae-

quate moderamur, ut superior potius illa sit, quam deficiat. Conf. *obseru. de febr. Sect. IV. §. VII. not. (a)*. Flerumque vero, quia ea febrium ratio exquisita, quam cautiones requirunt, rarior paullo esse solet, primum praebium (quod ceteris altero tanto maius esse expedit) exeunte accessione ministramus, praemissis quae praemittenda fuerunt, & per aliquot deinde horarum intervalla, dimidium vel integrum scrupulum, aut dimidiam integramve drachmam, aut, quantum decocti, infusi, extracti, par fere virtute sit, pro morbi & corporis ratione, repetimus. Neque illa pondera prudenter moderata corpori graua sunt: immo, numerosis *Fortianis* experimentis conuicti, longe ampliora, ad sex usque drachmas, vel unciam, vno haustu data, tolerari scimus. Neque tamen non morbo, cui id remedium opportunum est, expugnando, nostrae, quas diximus, praebitiones obseruantur sufficere, quum dosis dosin sensim digesta roboret, & per breuem temporis inter accessiones intercapedinem, vis medicamenti non deficiat, sed, subinde vnita quantum opus est, morbo superior euadat. Eum vero tum certo penitus debellat, si proportionem & *εὐλογίαν* attendas, atque eo usque remedium continues, quo symptomata magis magisque sensim cessantia indicant, licet ad vnam, duas, tresue uncias, si opus sit, sensim absumatur; quamuis etiam haud raro *ὑσέγγυα* insignes effectus praestet, quando ab eo quiescitur, vbi continando non amplius proficit: vid. *obs. de febr. Sect. III. §. V. sqq. it. Sect. V. §. III. sqq.* Sunt autem plures, qui de vetuste methodi vitiis moniti, eo sibi vnice satisfaciunt, quod quidem nobiscum, vti diximus, praemissis, quae praemittenda visa sunt, post paroxysmum incipiat, & extra paroxysmorum grauiorum tempora, per iusta intervalla repetant; sed certam aliquam sibi, ex praescripto, statuunt quantitatem, ut, verbi causa, unciam dimidiam, aut unam, consumi iubeant, nulla, aut non aequa attentione facta, ad febrim, quae diuersissimae aduersus medicinam pertinaciae sunt, differentiam, & indicationem posteriorem a iuuante satis, vel non ita iuuante remedio. Hi, si ea vtantur fortuna, ut adaequatam isti suae dosi, vel paullo inferiorem febrim inueniant, votis potius

potiuntur; fin minus, iis malis quibuscunque aegrum expositum
 relinquunt, quibus, ab omni inde antiquitate, homines febricitan-
 tes, naturae vel artis imperfecta ope vfi, expositi fuerunt: nempe,
 vt vel ingrauescant symptomata, grauiioresque molestias, aut peri-
 cula acuta minentur, vel lento semitectoque igne corporis aedifici-
 um adurant, subruantque, vel in apertam denuo flammam recidiua
 erumpant. Ita immodicis laudibus remedii, proportionem non obser-
 uata, tristis experientia derogat. Recte limitantur illae, & cauetur
 abusus, si, pro nostris regulis, nullus alius continuando remedio
 limes ponitur, quam, post ἀναλογίαν aliorum casuum vere simi-
 lium, ipsa εὐφορία, & symptomatum febrilium integra cessatio,
 quousque magis magisque continuato remedii vfu obtineri potest.
 Sunt qui, quoniam dicta vitia obseruarunt, sat methodi sibi esse cre-
 didere, modo ne nimis parca dosis offeratur, modo ingentibus su-
 bitisue praebitis ingruentes febrium motus sufflaminent. At, quam-
 vis per ea, quae supra diximus, & ill. *Torti* praecipue innumera
 experimenta, tutius sit, circa accessionum formidandarum tempora,
 si quid molendum est, magnam dosin, supra febrilis impetus pro-
 portionem, quam nimis exiguam, inferioremque praebere; immo
 etiam in febribus ad duplices multiplicesque paroxysmos, & conti-
 nuum typum pronis, aut vbi omnia mobilia facile, peruique satis
 sunt, maiuscula corticis dosis, ad plenam vsque sanitatis integrita-
 tem, quacunque hora, tuto & cum fructu dari queat; vbique ta-
 men digestionis & εὐφορίας ratio habenda est, neque pondere medi-
 caminis inutili stomachus nervique teneriores grauari debent. Hip-
 pocraticum illud, quantum per morbi periculique considerationem
 licet, obseruandum est: *contraria sensim induci debere*. Potissimum
 hoc ipsum animaduertimus in febribus chronicis, quaeque vel ob-
 struptione viscerum & aliena impuritate stipatae sunt, vel certe len-
 tiorem curationem probe admittunt. Ibi, ne quid iam de iungen-
 dis complicatorum morborum remediis dicam, nisi sensim κατ' ἐπι-
 κρᾶσιν cortice vtaris, quum chronici morbi aliquanto magis chroni-
 cam medicinam exposcant, sed magno pondere motus euidentes
 subito opprimas, vel fructu optato destitueris, quia materiem pro-

fundius haerentem, aut alienae impuritatis implicatam, ita haud satis attinges, vel damna corpori induci patieris, a materiei eius imperfecte repressae, & a turbatae naturae erroribus: qui, nisi in febrim recidivam iustam & regularem tandem euadant, aliis quibusque malis, quorum satellitio febres male curatae stipantur, misellum corpus multare queunt. Vid. exemplum de colica convulsiva, ex aberratione quartanae febris, per corticem Peruvianum, impetuosè supra praescriptionem medici datum, suppressae, in ephemer. A. N. C. nouiss. vol. 3. p. 278. obseruante cl. *Bauero*: qui hoc epiphonema subiungit: “hoc exemplo patet, corticem Peruvianum, immo-
 “dice exhibitum, & iusto auidius deuoratum, in febribus sistendis
 “adeo secure non adhiberi; cum alias generosum hoc remedium,
 “caute, partita, & moderata dosi adhibitum, sine omni metuenda
 “noxa usurpari queat seseque prae mille aliis commendet., Ne quis vero sibi fingat, non morbidae materiae aberranti, non abusui corticis, & proportioni haud obseruatae, sed ipsis huius particulis id malum colicum deberi; legat, quae diu ante allatum in Europam corticem, de eiusmodi colica convulsiva, ex febribus tertianis aut quartanis diuturnis, subito sine euacuatione cessantibus, commentatus est *Fernelius pathol.* lib. 6. c. 9. edit. *Boneti* p. 515. sqq. & quae ibi notat auctor enchiridii p. 518. add. *Binniger.* obseru. p. 288. 418. *Piso* de morb. ex. feror. colluv. obseru. 76. 77. 91. 92. 94. *Spigelius* de semitert. l. 4. c. 14. *Riverius* prax. l. 10. c. 1. *Lommius* obseru. l. 2. p. 169. *Lotichius* obseru. p. 402. Paria alii multi notarunt, & nos frequenter obseruauimus, sine ullius remedii febrifugivsu, ex sponte ita errante materia febrili, sed & alia simul coniuncta, haemorrhoidali, rheumatica, arthritica, scorbutica, saturnina, vinosa. conf. obseru. de febrib. Sect. I. §. VIII. Quod ibi nobis proposuimus pensum, vt de ea colica singulariter in opere de febribus ageremus, eius magnam partem praecepit haud pridem auctor eruditissimus dissertationis de colica singulari epidemia, quae exstat in bibliotheca ratiociniis instructa Amstelodamensi (bibliotheque raisonnée) 1732. tom. 8. 9.

§. XVI.

Vitia circa reuersiones praecauendas.

Sunt alii medentes, qui ab omnibus, quos memorauit, erroribus immunes, febrem quidem praesentem recte integreque, sine do-
 seos excessu aut defectu, curare norunt; recidiuam vero praecauere
 vel negligunt, quia partim non adfore putant, partim tanti vix faci-
 unt, ut auertatur; vel haud satis bene praecauere sciunt. Utrosque
 vero candide monitos velim, ut & opprobria nocumentaue reuer-
 sionum nimis quam vulgaria considerent, & ad exploratam praeca-
 vendi methodum rite attendant. Hanc in rem vitandae omnino
 esse videntur, post morbum superatum, illae passim hodie vsitatae,
 extra ordinem, & extra moliminum recidiuorum tempora, (quae
obseru. de febr. sect. 5. notauit) remedii ληξιπυρετα praebitiones,
 si ingenium febris ad reuersiones pronum sit. Quod si enim me-
 tuenda reuersio non est, nocere vix possunt, quia sano corpori tu-
 tum est id remedium; nisi quod eas moderationes, & laudum limi-
 tationes exposcat, quas supra amaritis in podagrae curatione statuimus.
 Quamuis vero quod dicto obseruationum loco docui, sub indole
 etiam recidiua, continuatio αμεσodus saepe non noceat, saepe etiam
 fortuito, iuuet; haud raro tamen etiam ita potius premitur, quam
 exsuperatur, rediturus sponte morbus, & vel extra ordinem dein-
 de clare reuertitur, vel imperfecte regressus, & non bene at-
 tentus curatusque, eadem nonnunquam inducit vitia, quae a semiso-
 pita febris quacunque oboriri posse constat. Monendum id omnino
 est, vti vbertim dicto obseruationum loco fecimus. Sunt enim plu-
 rimi, qui nimis laudibus vsum corticis afficiunt modo post fugatam
 febrem etiam diu continuatus sit, nullo statuto ad febris temporumque
 reuersiones minantium proportionem termino (22). Alii maiori
 dosi

(22) Inter praecipuos est *Horbins*, qui
 in perdocta dissertatione Altorfiana,
 de febrifuga chinae chinae virtute,
 vbi hanc, ex sola adstrictione expli-
 catam, magnopere collaudat, deni-
 que p. 23. sqq. "licet, inquit, iterum

"iterumque data vna vel altera dosi
 "febrifugi expellas morbum tamen
 "vsque recurret, ita, vt a *Mortono*,
 "vigefies licet expugnatam nihilomi-
 "nus semper se recollegisse annota-
 "tum legas. Quid ergo ad haec medi-
 "ci?

dosi vsum ita continuant, alii minori. Vtraque vero tunc si quid iudicamus extra intercapedinis ordinem, ac natiuum moliminum reciduiorum tempus, inutilis, & saepiuscule perturbando morbo apta, illa etiam tenerioribus corporibus grauis, haec vero sub ipso eo tempore noxia interdum est, quia non adaequata. Cessandum ergo est ab eo remedio, postquam it, quod primum continuato vsum potuit, iuuaminis praestitit, tunc vero expectandum accurate, & eadem doses, iusto tempore, (hoc est, exquisitae a cessatione praebitionis numerando, in tertiano genere alterna, in vero quotidiano & in quartano tertia hebdomade) dandae sunt denuo, adhibenturque tutissime, ad stipulante experientia, quae primariae feбри antea suffecere v. harum cautionum tract. II. §. XXV. not. 3. sqq. ibique adducta obseruationum loca. Negandum praeterea non est, saepe, post superatam penitus febrim, copiam humorum inertium, vel coctorum, colligi circa primas vias, vel eo niti, & facile catharsi expurgari, vt eo facto reuersionibus aliisque malis fomes praescindatur. Egi de catharsi post corticem ejusque laudes et vituperia Limitaui in *obs.* Sect. IV. §. IV. not. f. Aptissima vero omnium reperimus salia amara cathartica, Sedlizenae, Anglicum, polychrestum, Glauberianum quorum aliquod, per biduum, vel quatrimum, quotidie ad drachmas circiter sex duabus aquae vnciiis solutas, additaque forte aquae cinamomi drachma, pro potiuncula limpida haut ingrata praebemus a torminibus & κακοσμουχία, ab irritatione & euacuatione nimia, obstructioneque purgationis plerumque pedissequa, hoc pharmaci gene-

re

“ci? Quidam ex illis vomitoria, alii
 “purgantia, clysmata, diaphoretica,
 “omnisque generis alterantia porri-
 “gunt aegris, alii venam secant, vesi-
 “catoria applicant: verbo occupatissi-
 “mi sunt remouere causas continentes
 “febris. Quam intentionem optimam
 “licet non ex toto improbem, vtpote
 “rationi admodum conformem; de
 “irrito euentu tamen vt conqueran-
 “tur symptomatum exacerbatio fe-
 “brisque immorigera indoles ipsos

“saepe numero cogit. Quare, nisi
 “indicantia adsint euidentia, missis
 “his omnibus, suaserim, potius con-
 “tinuare vsum antifebrilis huius re-
 “medii ad aliquot insequentes dies,
 “hebdomades, aut menses, donec
 “scilicet, mutata anni tempestate, no-
 “xios humores ipsa natura coquere,
 “vel euacuare possit., Accuratio-
 “nostra methodus quanto commodio-
 “ra, certiora, felicioraque spondeat,
 “iudicent periti & experti.

re tuti, quod his in casibus plerumque sufficit. Sicubi vero non sufficere videatur, *Riuerianum* illud, inter febrifuga haud postremum, ex infusione foliorum fennae cum sale tartari, innocue surrogabitur, facileque satisfaciet, vt violentioribus, magisque stimulantibus, aut excalfacientibus, supersedere queamus: quae passim conualescentibus, aut a febre per corticem curatis, nimis temere commendantur. Hi similesque fere sunt limites ab experientia monstrati, quos laudibus medicamenti, febrifugorum praecipui, ex abusibus obseruatis statuendos reperimus, quod, laudatissimum suo merito, laudandum extra rectum vsum ac iustum methodum non est. Tacemus errores & defectus alios eorum, qui, licet identidem ipsi vsurpent, tamen vix ac ne vix quidem laudant, atque, vbi bonum & innocuum est, tamen vel suspensio animo metuunt, ideoque retardant, minuunt, abrumpunt, quantum villo modo fieri posse putant, vel verbis contemnunt, re ipsa miro studio occultant, atque hominum opinioni potius, suaeque & affectatarum sententiarum gloriolae, quam aegrorum & artis commodis, litant. Neque iam eorum vitia vberius percensere lubet, qui vel sero nimis, quando morbus iam satis nocuisse potest, pro moruum febrilium consuetudine, vt aiunt, sola prohibenda, vel etiam ea solum indicatione ad sacram hanc febricitantium anchoram confugere volunt, vt impetus violentos moderentur, aut in praesens reprimant: quo facto, minuta qualitercunque, aut imperfecte suppressa febre, retrahunt manum, aegrosque aliis incertis auxiliis tentant, ac aegritudinibus, ex morbi semisopiti indole succedaneis, saepe obnoxios relinquunt. Ita vero etiam, dum laudes ipsae vltra modum limitantur, ea vfu non adaequato committuntur vitia, quae deinde prauos arcessant effectus, ac laudationibus remedii eius limites alios omnino statuendos esse ipso facto arguant. Patet enim, non laudari debere ipsum in abstracto, vt aiunt, medicamentum, (quod brutum est, & in se neque laudes, neque vituperia, proprie & absolute meretur) non vsum eius quemlibet; sed verum, rectum, innocuum, tempestiuum, efficacem, adaequatum. Qui si deficiat, malis remediis accenseri debet, quod per se, & iusto vfu, bonum est.

§. XVII.

Conclusio dissertationis.

Plura de his rebus dicenda supersunt, alii occasione reservata; plura etiam de pariter limitanda laude aliorum remediorum, quae ad febres fugandas adhibentur. Angustiores profecto limites admittere debent, quae a quibusdam hodie audacter aequiparantur, immo praeferuntur, reclamante experientia, medicamenta cathartica, salina, amara, terrea, adstringentia, cascarilla, crocus martis antimoniatum, pilulae *Wildegansii*, aliaque opiata, & ipsum arsenicum, cui periculossissimo pharmaco sui constant laudum audaciorum termini, quos in *observat.* Sect. II. §. IV. not. a. it. Sect. V. §. IV. not. I. ex aequo posuimus: quamvis, quum ipsi nunquam experti simus, neque experiri audeamus, (quod neque opus habere credimus, quia certiori tutiorique pollemus cortice) censuram etiam immensum cum aliquibus extendere, & plane alienam experientiam damnare & conuiciari, cum aliis non sustineamus, praesertim ob ea, quae vir inclitus, b. *Sleuogtius* (23), denuo a. 1719. in progr. ad dissert. de *arsenico Wedelianam*, ex sua experientia laudavit. Plura etiam de aliis similiter fluxionibus, congestionibus, motibus morbosus, immo & retentionibus, actionumque omissionibus, de catarthis, ulceribus, apostematibus, exanthematibus, tumoribus, spasmis, doloribus, resolutionibus, obstructionibus, non nimium vituperandis, deque non nimis ibi commendandis variis artis medicae praesidiis, differere liceret, si consilii temporisque ratio fineret. Constat vero iam satis ex allatis documentis sua Hippocratico effato veritas: *Quoties visum integrum*, naturae morbos sanant; constat alteri haud contrario, quod, ex Hippocraticae medicinae statore *Baglivio*,

(23) Hic idem ipse videtur fuisse amicus Ienenensis, quem ill. *Stahlius* in *observ.* mense §. id pharmacum tentasse memorat, qua ipsa scriptioe quemdam alium archiatrum celebrem, anchiatri nomine, ob eiusdem arsenici praebitionem, sugillat. Ille vero archiater famam & opes curatis

febris acquisivit, non illius veneni, sed feliciore electuarii cuiusdam ex cortice usu, quo ipso a fautoribus periculosi istius salis mineralis certior tutissimi corticis efficacia comprobari videtur. Add. ill. *Hoffmanni* dissert. de *recto corticis chinae usu in febribus* §. 7. sub finem.

vio, in secundi harum cautionum tractatus titulo scripsimus: remedia sanant; constant iusti vtrique limites; constat denique, si quid iudico, sua meo de natura dogmati claritas, congruentia, & rebus sufficiens aequabilitas: dum, cum eodem *Bagliuo*, *prax.* L. 2. c. 1. dico, "naturae nomine non intelligere me sapiens quoddam phantasma, consilio singula dirigens; sed complexum quemdam generalem caussarum naturalium, quae, licet consilio destituantur, effectus tamen suos pariunt ordinate, iuxta leges a summo creatore inditas:,, siue, vt concinnis doctissimi *Preisleri* verbis, in de *podagra corp. hum. conseruatrice* p. 2. definitionem naturae humanae denique adhuc complectar, "essentiam corporis humani vi activa praeditam.,, Perinde tamen nobis est, vtrum quisquam ita nobiscum vim naturae actiuam ad res mere physicas referat; an archeum sibi, vel animam, morali ratione naturalia agentem, persuadeat: modo qui sint naturae & artis virium & defectuum limites historice habeat perspectum, & ad similia dissimiliaque casuum iudicium prudenter applicare norit. In studio historiae & ἀναλογίας naturae & remediorum excolendo, & cautionibus genuinis ac dilucidis exquirendis, vnanimi consensu laborare deberemus; non ferram theoricæ physicae potius, quam medicae controuersiae, de eo, quid demum illa sit natura, reciprocando, ipsam artem dissecare, vt suum sibi sigillatim quisque systematis aedificium struat, atque, eo opere se munito, se suosque labores alter ab alterius consortio quasi secludat. Hinc saepe fit, vt, si quid boni aliud atque aliud ex diuersorum systematum cultoribus in ipsa vera naturae & artis historia inuenerit, id ipse quidem eo vel potissimum applicet, vt suae physicae sententiae munimentum quaecunque inde elaboret; aduersarius vero id ipsum vel negligat, vel inimice auerfetur, vel plane omnibus telis subruere studeat: quum ab opinionum contagio separare, & inuento frui, posset ac deberet. Sat infeliciter medici, quibus in re, quantum ad artem salutarem spectat, conuenire non nequiret, nomen naturae, cuius ministri audiunt, eiusque philosophicam ideam, pomum sibi Eridos fecerunt. Legi & meditatus sum, sine partium studio, pro virium mentis meae tenuitate, singulorum

sententias: neque vero a me impetrare potui, quin id perpetuo sentirem, dissensum, quantumuis in philosophica theoria, eiusque ad medicam applicatione, maximus appareat, nullum in pragmatica disciplina necessario consequi; sed quemlibet proprio de natura sensu tuto abundare posse: modo ne ultra suos limites extendatur hypothesis, & in observationes ipsas dominetur. Equidem non nisi confirmatus examinando sum in instillatis a iuuentute, circa id argumentum, praeceptorum meorum superstitum venerandorum placitis: praecipue in philosophica disciplina, πολυμαθιστας Treueri, eclecticici iudiciosissimi; in medica, virorum philosophica medicaque sapientia excellentissimorum, Meibomii & Heisteri; in mathematica, solidissimi Wideburgii, mechanicae quoque corporis humani theoriae cultoris praestantissimi, ac plurium aliorum medicorum, mathematicorum, ac philosophorum insignium, quam supra exposui, meamque feci, declaravi, ac probavi. Aliis vero, qui modo pragmaticam medicinam mecum vnanimi consensu candide colere volunt, suam naturae notionem, sua illi superstructa systemata, suas practicarum veritatum theoricæ explicationes, lubens amiceque relinquam; meas seruabo libere, quamdiu his meliores non agnoscam; ipsorum inuentis cum experientia euidenti congruentibus grato animo vtar, meamque vicissim symbolam cordate ac sincere in commune conferre pro virili porro studebo.



CAUTIONVM MEDICARVM
TRACTATVS SECVNDVS
SIVE
ANIMADVERSIONES
DE
LIMITANDA FEBRIS LAVDE
ET CENSURA CORTICIS PERUVIANI
QVIBVS
OBSERVATIONES DE FEBRIBVS
ILLVSTRANTVR
DEFENDVNTVRQVE ADVERSVS CENSVRAM
DISPVTORIS
DE LAVDE FEBRIS FALSO
SVSPECTA.

Contra morborum violentiam nil valet, terrore disputationum pugnare.
Remedia sanant.

BAGLIVVS prax. med. Lib. II. c. 11. §. 9.

CAUTION: THIS IS A DRAFT

PLEASE DO NOT SIGN

OR RETURN IT

UNTIL YOU HAVE

READ THE ENTIRE

DOCUMENT CAREFULLY

AND UNDERSTAND

ALL THE TERMS AND

CONDITIONS

BEFORE SIGNING

IT

ELENCHVS.

- §. I. Observationes nostrae de febribus. Earum occasio, problema L. *Ioerdens*: huius in nostram resolutionem consensio, item D. *Heisteri*, & multorum aliorum. Dissertatio elegans de *medico nimis timido*.
- §. II. Observationes febrium laudem & censuram medelae febrifugae limitantes. *Camerarii* dissertatio de *apoplexia* cum febre. Prouerbum: vis sine febre mori? Brutorum animantium febres. Raritas affectuum sopororum sine febre. Observationes *Camerarii*, de febribus soporosis & apoplecticis, & curationes, nostris conspirantes: item *Loewii*, & nostratum medicorum, & nostrae posteriores. *Spigelius* de febre semitertiana apoplectica & soporosa. Affectus febrilis soporosus singularis, timor dictus.
- §. III. Libellus *Goelickii* de laude febris falso suspecta cur nostri censorius? Priores eius immoderatae dissertationes in *observationibus de febribus* modeste refutatae. Hinc fremitus eius & conuicia.
- §. V. Eadem censura alios premens, aliisque pluribus debita. *Berger*. de laude febris merito suspecta, & *Cohausen*. archeus febrium faber, eodem libello laceffiti. *Stentzel*. contra febrium laudes. *Camerarius* de nequitia febrium.
- §. VI. Iudicium de censura expectandum a medicis sinceris, cuicunque theoriae addictis. *Stahlii* ipsius, & aliorum *Stahlianorum* limitationes, & merito expectandus nobiscum consensus. *Apinus* cortice Peruuiano vero, ad nostras indicationes, felicissime usus, approbante *Stahlio*; licet hic cascarilla usum putauerit.
- §. VII. Febres corticem praecipue indicantes: vbi non adhibere medico indignum.
- §. VIII. Epicrisis de censura illa generalis. Triga disputationum. Quadriga sine plaustris expectanda. Character malae causae, & praeceptae opinionis dominantis. Promissio ad censorem.
- §. IX. Transito ad examen speciale. Ipsa censoris verba integra. Horum figillatim facta refutatio per notas indicata.
- §. X. Praemonitum. Neque ego, neque censor, malo animo scripsimus: ego pro observata veritate; ille pro praeiudicato errore.
- §. XI. Dissertationes academicae inaugurales, lusu ingenii, & exercitii causa scriptae. Dissertatio Marburgensis de *purgantium remediorum ex foro medico proscriptione*. *Waldschmidii* de illa iudicium: nostrum de similibus proscriptionibus quibusuis. Cur *Goelickianas* dissertationes lusus ingenii reputauerimus? Solida Erfurtensis *Stahlii* dissertat. de *dubia atque suspecta haemorrhoi-*

rholdum laude, febrium simul laudes limitat.

§. XII. Ira censoris: hinc dicta contumeliosa, eorumque occasio innoxie a nobis data. Migrare ad barbaros iubentur.

§. XIII. Votum censoris de emigratione corticis: salus aegrorum id effectu destitui iubet. *Heisterus* de limitanda corticis censura, & de noxio eius metu.

§. XIV. Excusatio nostra ad viros graves, quod lusus ingenii leues passim inter seria grauiora refutauerimus. Ceterum excusatione nulla pro refutationibus nostris opus habemus.

§. XV. Remedii febrifugi censura non limitata inexcusabilis. Temeritas, timiditas, negligentia, pertinacia medica. Vis corticis ad sphacelum. Scommma tenue censoris de sancta simplicitate. Sententia nostra de ipso.

§. XVI. Tam usus omissio & criminatio, quam abusus ipsi, non excusanda. Logica censoris in respondendo. Culpa medica, commissionis & omissionis. Febres sine cortice sanabiles, vel fecus.

§. XVII. Corticis laudes a nobis datae nec nouae, nec hyperbolicae. Expertus sit oportet, qui iudicare velit. *Camerarii* experti iudicium de gusto quorundam deprauato.

§. XXIII. Febris qua limitatione instrumentum naturae utile dicatur? (quae *Sydenhamii*, prudentis magi-

stri ad corticis usum, thesis est.) Limitatio nostra, *Bergeri*, *Hoffmanni*, *Camerarii*, ipsius *Campanellae*, veteris febrium laudatoris, cui febris non morbus, sed bellum spiritus contra hostem in propria ciuitate est.

§. XIX. Laus medicinae eclecticae. Apes eclecticorum imago. Animantia vni plantae inhaerentia, & inde nominata. Formicae, araneae, apes medicae. Quid eruditionem eclectici absoluat?

§. XX. Curatio per corticem probe congruens nostrae sententiae de febre naturae instrumento. Notio nostra vocis natura. *Meibomius* de eius viribus in conseruanda & restituenda sanitate, deque animae ad restituendam impotentia. Errores naturae, quaecumque notionem seruemus, ob causas plurimas. Remedio corrigente indigent. Ars naturae ministra. Comprehendunt peritiores, quod censor se non comprehendere dicit.

§. XXI. Methodus nostra corticem adhibendi distincta. Expectatio & praeparatio, modo utilis, modo noxia. Citior medela indicata. Superstitiosus naturae errantis & labantis cultus. *Bergerus* de usu corticis maturo, deque praeparatione corporis utili, & noxia.

§. XXII. Recto usu materia febris in corpore non cohibetur. Cortex vere corrigit & euacuat materiam febilem. Dissertationis *Albinianae* de febre quartana auctor *Chüdenius*. Corticis modus agendi non plane perspectus.

§. XXIII

§. XXIII. Haruspices speculatores, extispices medici. Vbi deficit doctrina de modo agendi, sufficiunt regulae de recto usu. Consentit *Stahlius*.

§. XXIV. Monita circa coniecturas de modo agendi. Vis adstringens corticis non solitarie inest: neque est vitio vertenda. *Spiessii*, *Pitcarnii*, *Hoffmanni* iudicia, de adstrictione corticis salubri.

§. XXV. Virtus specifica febrifuga, quo sensu, qua limitatione dicta? *Jacobaei* dubitatio de virtute hac fundatur in exceptione, ex vna historia epidemia Londinensi. Observationes *Jacobaei*. Febres, sine vlla regulari periodo, corticem non indicant. Vbi indicatur, usus debet esse adaequatus. Febres recidivae praecauendae. Consensus *Gladbachii*, *Lahrrii*, aliorum, in nostras de reuersionibus observationes. Petitiio nostra ad plures observatores iterata. *Bohnius* de febribus aduersus corticem rebellibus. Talia specificae virtutis notioni medicae non aduersantur. Specifici titulus ignorantiae physicae innoxiae asylum, cordatis medicis vsitatum. *Storchii* consensus. *Stahlii* specifica. Comicus censoris iocus. Asyla ignorantiae alia, nobis non acceptata.

§. XXVI. Oleum & opera censoris perdita. Medicinam bene docere & bene facere consentanea sunt. Ast eruditio ex cathedrae non limitantis subselliis diuersa a clinica: secus, si limites rite doceantur. Praescientia censoris iactata circa objectionem dudum factam: non nisi expertum iudicare posse. Responsio

eius mirifica. Medicamentum non dolosum, sed fidum & exploratum, qua tale, experiendum. *Goelickii* corpus medicinae mutilum a *Stoerio* refutatum.

§. XXVII. Votum *Stahlii* de licentia corticis vsurpandi recte limitatum. *Spigelii* monitum simile de puluere Cornachini.

§. XXVIII. Allegata ex alienis erroribus experientia manca. Notata circa historiam ex *Stahlio* ad *Harueum*, de abusu corticis alicubi aliquando noxio. Paria nobis aliisque obseruata vsus rectum non tangunt. *Schrader*. de *V. S. usu & abusu in febribus*. Alia vtilia remedia & methodi contra febres. *Kergeri* febrifuga. Eius nepos *Alischerus* de his, & de cortice magis certo. Febres multae cortice opus non habent; sed hae contra ceteras nil probant. *Torti* monita ad censores, arti vitia artificum imputantes.

§. XXIX. De argumentis a priori. Theoremata de anima natura, deque cortice per solam adstrictionem operante, neque demonstrari, neque, licet vera essent, nostris regulis aduersari queunt. *Wedel*. de viribus corticis praeter adstringentem. *Goelickii* dissert. de *phlebotomiae in variolis usu & abusu* laudata, sine ironia. Ironiae censoris. Hippocrates de ratiociniis a priori in medicina.

§. XXX. Conclusio tractatus, interdicta varia remediorum non limitata vana. Limitanda febrium laudatio, suadente ipso *Stahlio*, *Bohnius* de tertianis periculosis haud infrequentibus.

tibus. Mirabilis animae laudatio Goelickiana. Anima medicus inuitus. Generalia censoris edicta, generis humani experientiae aduersa, de febrium salubritate. Mirus *παγαλόμενος* ex noxio corticis abusu, & eius corporibus delicti, vel quasi, contra usum rectum. Prouocatio a censore praeiudicante ad iudicantem. *Tortus* de terriculis contra corticis usum priscis excusandis, hodiernis secus. Quid probandum censori incumbat, si a febris laude & censura corticis sibi temperare adhuc nolit? Febrifuga alia comparata. Cortices aurantiorum haemorrhagiarum & febrium insigne

remedium. *Nigrisoli* observationes de iis, item de nucum cupressi vi febrifuga. Epicrisis ad eius auctoris, item *Lanzoni* notata. Emetica, pulvis Cornachini, mercurius dulcis, febrifuga eximia *Andriolli*. Corticem ipsi omnes certiore reputant. Febres cum malo aphrodisiaco complicatae noxiae. *Καλαμελι* & electuar. mundificans. Periodorum recidiuarum regularis ratio. Observationes ea de re nostrae confirmatae. Prouocatio ad experientiae rationalis tribunal. Moderamen frugiferum. Petitio aequa, & censurae iniquae reiectio.





§. I.

*Observationes nostrae de febribus, assensu praestantium virorum
firmata.*

Edidi superiori anno *observationes de febribus*, praecipue
intermittentibus, & ex earum genere continuis, & de
earum periculis & reuersionibus praenoscendis, &
praecauendis, per medelam tempestiuam, efficacem, ad-
aequatam, candide & perspicue propositam. Scripsi librum illum
ad politissimos vtilissimi commercii litterarii medici & physici No-
rimbergensis auctores, quippe qui, in anni primi hebdomade 24.
problema aliquod ea de re proposuerant. Medicus nempe Curiae
Variscorum clinicus, doctrina, experientia, & candore insignis,
L. Christianus Fridericus Joerdens, communicauerat cum ipsis ob-
seruationes suas de febribus intermittentibus, quae, dum tutae
credebantur, & adhuc per initia solum expectabatur naturae auxi-
lium, superueniente ex improviso sopore & apoplexia, subito fue-
rant exitio. Perterritus inexpectato morbi exitu, & laudibus salu-

britatis, quae febribus hodie alicubi generaliter tribuuntur, diffusus merito, & de metuendo saepius simili euentu sollicitus, alienam etiam experientiam per laudatissimum illud commercium implorauit vir cordatus, atque, vt cum orbe medico communicarentur, si qua aliis similia obseruata essent, sique signa praenuntia aut medelae suppeterent, publice rogauit: add. *commerc. litter.* ann. 1733. hebd. 10. Quum autem haud adeo infrequenter, a pluribus inde annis, nobis similia obseruata, & apud auctores veteres recentioresque lecta succurrerent, officii nostri esse duximus, vt, quae circa signa & medicinam notabilia habebamus, ad soluendum, pro tenuitate nostra, problema illud, euulgaremus. Natum inde est, additis aliis obseruationibus pluribus, leuidense istud volumen, quod & celebratissimi illi commercii Norimbergensis, (anno 1733. hebd. 3.) & aliarum relationum litterarum variarum auctores, multa cum beneuolentia commemorarunt: quoque ipse cl. L. *Joerdens* omne sibi, quod de iis morbis dubium fuerat, solutum, & sese in methodo ceteris febribus sibi relictis medendi confirmatum esse, officiose eodem in commercio hebd. 30. testatus est. Accessere viri eximii complures, qui partim coram, partim datis ad patronos amicosque meos, aut ad me ipsum, litteris, obseruationes regulasque nostras, sua approbatione atque experientia vnanimi, confirmarunt: quos inter nuperrime publice calculum suum adiecit praeceptor meus venerandus, celeb. *Heisterus*, in dissert. elegantissima de *medico nimis timido* p. 14. Quam ob rem singulis illis fautoribus meis experientissimis, adeoque censori vni non experto, & certas ob causas infenso, fidenter opponendis, maximas ago gratias, ac continuandum, pro viribus, quod beneuole probarunt, sincerum in artis commoda studium spondeo, voluntate certe propensissima tantos fauores, quantum potero, demereri allaboraturus.

§. II.

Obseruationes nouae concordēs de febribus soporosis & apoplecticis.

Praeter adductos in iis obseruationibus sect. I. §. 2. auctores, reperi adhuc alios, qui affectus soporosi & apoplexiae febris inter-

mit-

mittenti verae superuenientis casus, plane iis similes, quos problema a me enodatum exhibet, iidem obseruarunt, & eodem, quod ego in ancipitibus istis praecipitibusque, & aliis metuendarum febrium periculis, expertus suasi, remedio generoso auertere iusserunt. b. *Rud. Jacob. Camerarii* egregia de *apoplexia cum febre* dissertatio prodiit anno huius saeculi decimo septimo. Incipit auctor cum vulgato eo: vis sine febre mori? & modum mortis naturalis frequentiore obseruari solitum recte docet, vt vix sine febre, sed cum, vel ab ipsa febre, moriantur homines (p. 3.), sed & cetera animantia febrem veram, certe prope mortem, pati soleant (p. 13.) Ostendit, apoplexiam ipsam haud raro cum febre esse. Vltcrius processisse inuenio virum experientia magnum, b. *Wedelium*, qui opiolog. p. 26. "se nunquam affectum soporosum vere talem vidisse, affirmat, vbi non simul adfuerit calor praeter naturam:,, quod tamen nobis generatim ita affirmare non licet. Triplici vero modo apoplexiam febri adesse notat b. *Camerarius*, vt vel continenti, remittenti, intermittenti, superueniat; vel quasi comitatae inuadant; vel denique febris symptomatica sit, apoplexiae superueniens (p. 9.): atque hanc ipsam longe rarius medicam, quam periculofam, immo nociuam plerumque esse, docte demonstrat. (pag. 14. seqq.) Recenset febris intermittentis soporofae & apoplecticae exempla. (p. 7.) "senem, ait, litteratum, viribus fractum, vndecimo septenario maiorem, cum aestas impense calida tertianam ferret epidemiam, fuisse etiam correptum, & in paroxysmis profundo sopore oppressum, toties a domesticis pro apoplectico habitum; cum tamen ab iis ad se redierit, & euaserit, non hemiplecticus: obdormiuisse pariter in tertianae paroxysmo tertio vel quarto ancillam rusticam, adeo grauiter & suspecte, vt, postquam vi magna fuisset utcunque excita, non nisi obscura sensus mentisque praebuerit indicia, iacens aphonos, trunci instar immota, in magno aestu, nec alio cum pulsu; liberatam tamen & hanc fuisse, cum fine paroxysmi, nullo resolutam latere. Non tamen, pergit, omnes, quos cum singulari ad caput raptu vehementer inuasit famosa illa febris, ita dimisit; sed & vnum atque alterum, grauioribus prius acces-

"fio.

"sionibus iam tum male habitum, importunior tandem paroxysmus
 "funeste oppressit, modo, ut videbatur, apoplectice acutissimo.,
 In curatione commendat "*Mortonianam*, ut ait, antidotum, febris
 "proteiformis domitorem corticem, siquidem requisita exhibitioni
 "concedantur interualla:., quod id ipsum est, quod nos in obseru.
 Sect. I. §. V. Sect. II. §. VII. VIII. Sect. III. obs. partic. 14. vberius
 deduximus. Alterum allego b. *Andream Loewium*, qui in elegan-
 tissima historia epidemia Sempronienfi, ephem. nat. curios. nouiss.
 volumini I. subiuncta, variis locis affectum illum enarrat. P. 78. me-
 mōrat febres erraticas aestiuas anni 1708. cum diris symptomatibus
 incipientes, sed circa diem fere septimum in tertianam ordinariam
 transire solitas. "Adhibui, ait, venae sectionem, diaphoretica,
 "praecipitantia: quam primum vero notauit tertianas, aut tertianas
 "duplices, exhibui statim chinata cum arcano duplicato, optimo cum
 "successu., Narrat ibidem historiam alicuius, qui, accepto tristi &
 ingrato nuntio, territus, ex ista febre derepente inciderit in sopo-
 rem profundum, &, licet clysmatibus & velicatoriis intra XV horas
 excitatus, omnium tamen rerum inscius, vix loqui valens, eodem
 die relapsus, &, accedentibus conuulsionibus, sine febre comato-
 sus fatis cesserit. Pag. 83. febres aestiuas & autumnales grauissimas
 anni 1709. primo continuas, deinde die demum quinto transeuntes
 in intermittentes exquisitas, commemorat. "In duabus, ait, perso-
 "nis, vna XVII. altera XXX annorum, obseruauit, his febribus su-
 "peruenisse apoplexias fortissimas lethales., Laudatis ad epidemias
 istas febres remediis blandis diaphoreticis, &, post tertium paro-
 xysmum, die a febre vacuo, laxantibus, salibus amariusculis & lixi-
 uis, & terreis alcalicis: "omne, ait, fere punctum absoluit decan-
 "tatissimus cortex Peruvianus, cum salibus mixtus., Post editas
 obseruationes nostras, quamuis prior epidemiae febrilis violentia
 longe iam generatim remiserit, ter tamen rursus obseruauimus
 ipsi, sanauimusque praescripta ibi methodo, febrem eiusmodi, etsi
 tertianam duplicem intermittentem veram, cum horrore incipien-
 tem, attamen sponte dein summe soporosam, apoplecticae haud
 dissimilem: vnā in sutore, alteram in opifice chirothecario, illo
 quin-

quingagesimum annum parum, altero nondum supergresso, quorum vterque plane ante febrem sanus fuit, & curata saluus est; tertiam in viro nobili sexagenario, qui ante annum insultum apoplecticum sustinuerat, quem casum celeb. *D. Goetzius*, vir multis meritis orbi medico carus, & inibi fautor apprime honorandus, in commerc. Norimb. h. a. p. 172. ex litteris meis iam excerptit. Hi autem singuli, quum primum aduocarer, caro vero, id est sine sensu & motu, iam tum sopiti erant. Omitto alios multos, quos comate, aut modo instantis soporis signis, aut eo febris symptomate, quod *Spigelius* in de semitertiana (opp. Tom. II. pag. 28.) timorem vocari notat, quodque comatis species est, correptos, a graui discrimine imminente, per nostram methodum, post editas obseruationes, praecauimus, & incolumes praestitimus. Curiosam *Spigeli* obseruationem, quacum conferri velim, quae de semitertiana in nostris obseruationibus Sect. I. §. II. III. Sect. II. §. V. VII. annotata sunt, huc adscribere liceat, quia & apoplexiae verae, & alterius morbi soporosi, alibi haud distincte memorati, inter febris semitertianae, quae partim certe ex intermittentium genere est, symptomata, mentionem facit. “Cum ipsa, ait, febris semitertiana sola
“per se apta sit vires magnopere deicere; tum multo magis pro-
“sternuntur, cum morbi superueniunt acuti, quorum magna pars
“per se periculosa est, quidam etiam maxime lethales, quales sunt
“apoplexia, paroxysmus epilepticus, catochus forte *Aetii*, & alius
“quidam morbus, in Germania & Pannonia frequens, quem Au-
“striaci, Moravi, ac Stirii timorem appellant, inter apoplexiam &
“epilepsiam quodammodo ambigens. Cadunt enim velut apople-
“ctici sine sensu, non tamen motu priuantur, neque tamen conuel-
“luntur, vt epileptici: aliquando stertunt, nec tamen discusso mor-
“bo paralytin alicuius partis incurrunt.” Affectum huic dicto timori soporoso plane similem, ex febre tertiana duplici continua, seu semitertiana spuria, hoc ipso, quo scribimus, quoque febres au-
gescunt, & passim indolem peiorem induunt, motusque metuendos
moliuntur (1), mense Septembri, bis obseruauimus: in matrona

(1) Hac ipsa hebdomade obiit ex caro, plus
a tertiana non medicata, mulier sexa-
gena-

plus quam septuagenaria, & in Iudaeo iuvene. Perierat in accessione ultra *νυχθημερον*, sensus omnis; sed membra quasi anxie iactabantur. Sublata ad nostram methodum febre, curatus est morbus, neque rediit, aut noxam reliquit, consulente mecum priori in casu illustri *Hugone*, posteriori experientiss. *Wolffio*, archiatri regis, fautoribus meis eximiis. Ita, his aliisque modis, vera observationum nostrarum, *ἀναλογία*, & constans regularum successus, ac medicinae febrifugae prae multis febribus securitas atque praestantia, indies magis magisque experiendo, & praestantium medicorum practico assensu, elucescit.

§. III.

Libellus de laude febris falso suspecta, cur nostri censorius?

Surrexit vero nuper cl. *D. Andreas Ottomarus Goelicke*, professor Francofurtensis, & dissertatione, de *laude febris falso suspecta*, mense huius anni Iunio euulgata, famosam illam deam febrem, in cuius sacra, quasi ipsa Hygeia esset, iurasse videtur, contra librum meum defendere, & eius medelam, quam expertus proposui, proscribere inexpertus attentavit. Nempe plures quidem eo nostro opusculo alias, de febribus & remediis variis, observationes; sed maxime etiam febricosorum motuum, licet saepe salubrium, metuendas tamen saepe noxas, & naturae ibi errores lapsusque frequentes, & genuinam indicatae, in ancipiti potissimum statu, medicinae, inter febrifugas efficacissimae, corticis nempe Peruviani, usurpandae methodum, eiusque generosi medicaminis usus insignes, & vitandos abusus, sincere descripsimus, & propria alienaque multiplici experientia roboratas regulas suppeditauimus. “Non potui simul, quod in praefatione dixi, quin idemtidem erroneas quorundam

genaria, ante vegeta, nec diaetae vitiis addicta referente cl. *D. Chapuzeau*, collega meo honoratissimo amicissimoque, ad moribundam arcessito. Litterae aliunde allatae mortem iuuenis generosissimi, ex eodem

symptomate, febris tertianae superueniente, referunt. Recte sane olim *Aegineta*, “carus, dixit, frequenter febrium accessionibus superuenit:., & *Hippocrates Galenusque*: carus semper malus est.

dam persuasiones, de febrium indole perpetuo tuta, & quasi sacro-
sancta, suspensionesque, quibus id medicamen premitur, modeste
refellerem, ac huius demonstrarem, sub legitimo usu, innocentiam,
necessitatem, utilitatem, & vniuersalem fere assererem medicorum
vere experientissimorum, a longo inde tempore, per regiones
constitutionesque plurimas, stabilitum iis in rebus consensum:
quem sunt, qui ob diuulgata paucorum, leuibus ex causis dissentientium,
vel dissensum affectantium, theoremata, effata, & schediasmata,
& vagas maleuolorum, aut aberrantium fermocinationes, sibi ita non
persuadent, uti re vera est., Inter ista schediasmata praecipue fuerunt
dissertationes duae, cl. *D. Goelickii* praesidio suffultae, altera de impostura
corticis, altera de eius usu noxio, licet recto. Prior corticem, quicquid
agat, per imposturam agere, & nunquam esse utilem, sed plane ex
medicina proscribendum; posterior, ipsum rectum eius usum noxium
esse, inde eruere conatur, quia febris animae rationalis instrumentum
sit, & uti vult auctor sua indole ac motibus, semper salutaris, semper
sapienter directa & moderata, nunquam noxia, sed vltimum naturae
sapientis praesidium, ad corpus a noxa & interitu vindicandum, atque
adeo nunquam sine noxa cohibendum corticis febrifugi usu, quamuis
recto. Has dissertationes, tum ob probrosum scribendi genus, & dicta
mordacia, quibus scatent, in omnes, qui ab istis cantilenis discor-
dant; tum ob παραλογισμους eximios; tum ob laudationes febrium,
& criminationes medelae, plane immoderatas, ad iustum pondus,
hoc est nullum, argumentis & experimentis redegi: id quod haud
sine sale, & viuida refutatione, fieri debere, ob eas ipsas aliasque
causas, videbatur. Sine stylo tamen immodesto disputaui, immo
ne declarauit quidem auctorem, sed excusauit, quasi dubius essem,
praesesne, cui doctrinae & claritatis elogia vbique largiter tribui,
an alius quicunque, uti in academicis dissertationibus saepe fieri scio,
libellos elaborarit, & quasi fortassis exercitii tantum ac disputationis
gratia editos putarem, forte alio scripto limitandos, aut corrigendos.
Legantur velim, & ponderentur ista schediasmata, iunctis
observationibus nostris, praesertim Sect. I. §. IV. not. c. Sect. II.

§. IV. not. b. d. h. Sect. II. §. VI. not. b. Sect. III. §. V. not. c. §. VIII. not. h. Sect. V. §. II. not. a. e. §. IV. not. i. §. VII. not. b. & d. In istorum ergo foetuum suorum degenerum ultionem, indulgentissimus parens, surrexit iratus aduersus mearum obseruationum librum, in praefatione, & p. 28-32. eiusdem de *laude febris falso suspecta* libelli. Verbis fere *Borrichii*, ex praefatione ad librum de *Hermetis sapientia*, rem breuiter iterum liceat explicare. Vir clarissimus, censor iam meus, aculeato & iniurioso schediastmate de impostura corticis Peruuiani, artem eo febres inutiles, vel nociuas sanandi, ex imis sedibus subuertere annisus est. Multi viri periti censurae illius indignitatem paullo aegrius tulerunt: eosque inter ill. *Hoffmannus*, edita de *corticis usu recto* dissertatione, artem ipsam a criminationibus vindicauit. Contra ille nil solidi moliri, neque moderatius agere; quin &, edito in vulgus iterum dentato scripto de ipso recto corticis usu noxio, insistere subinde ferocius. Nos, urgente in obseruationibus nostris occasione, utrique libello censorio iuste respondimus, sine felle tamen, sine stomacho.

Nam mihi nunquam

Bilem, saepe iocum, tales mouere tumultus.

At ille, asper monitoribus, cum parili rursus disputatione de laude febris falso suspecta in cathedram assurgere, in fremitus & conuicia despumare, immo ne puncticulam ferre aciculae, qui ipse ante in iugulum tot praestantissimorum virorum infesto mucrone descenderat.

§. V.

Eadem censura alios impetens, aliisque pluribus debita.

Hanc tertiam disputationem titulo quidem, & aliqua parte, destinauit refutandae qualitercunque ill. *Bergeri* dissertationi solide doctae, de *laude febris merito suspecta*, & vindicando loco quodam *Veigae*, medici veteris Lusitani, de naturae febres excitantis sapientia, quem ill. *Bergerus* suppeditauerat, & confutarat; partim vero impugnando cl. *Cohausenii* libro, quem is inscripsit *archeum febrium*
fa-

fabrum, quoque febres motus naturae, siue archiei, ut cum *Helmontio* & aliis loquitur, plane violentos, & saepissime inutiles & noxios esse docuit, ut cortice praecipue Peruviano cohiberi debeant. Refutare forsitan acque conatus esset febrium laudator, si ad manus ipsius iam peruenissent, quae contra sapientiam naturae, causum, petechias, hecticam, similesque febres inducentis, acriter haud pridem disputauit celeb. *Stentzelius* de *glandularum in plurimis visceribus absentia* p. 31. Ignorasse etiam videtur editam superiori anno elegantem celeb. *El. Camerarii* dissertationem de *nequitia febrium*, qua appellatione, ex *Caelio Aureliano* desumpta, idolum illud itidem profanauit vir vere ἐνλεπτικός, & a medica superstitione alienissimus. Multos praetermitto alios, qui, quotidie haud absinthia scribentes, laudibus febris immodicis derogant. Quod si in omnes, quibus illa laudatio suspecta est, calamum sibi stringendum esse censor putet, generi humano eandem, quam nobis, litem propediem denuntiarum iri spero, nisi ipso iam facto sit denuntiata.

§. VI.

Iudicium de ea expectandum a medicis sinceris, cuiusque theoriae additis.

Ex meis observationibus pauca quidem, & ad sententias maxime theoreticas spectantia loca, censura sua vexauit, & sola auctoritate suae theoriae, & recoctae illius mutilae ex alienis erroribus experientiae, sine examine legitimo reiecit, immo magnam partem ne intellexit quidem, aut intelligere noluit. Conferatur velim viri disputatio cum integro meo tractatu, addita & perfecta prius dissertationum biga, uti auctor vocat, de *impostura corticis Peruviani*, & de eius *usu noxio, licet recto*. Tertia, de laude febris falso suspecta, trigam perquam aequabilem nunc compleuit. Fraenum vero & moderamen deest. Vtrumque dare conabimur, per moderatas hasce animaduersiones. De iudicio inter nos lectorum eruditorum, expertorum, ac non praeiudicantium, securissimus sum: quamcunque etiam foueant theoricam opinionem. Nam, ne de verbis inurbanis dicam, nulli disciplinae probandis; ex ipsa,

quam profitetur, theoria *Stahlian*a, ne quidem rite concludit. Refellitur enim immoderatus febris panegyricus, ac remedii contemptus, ipsis limitationibus illustris *Stahl*ii ceterorumque ex eius disciplina doctorum, de natura varie & saepe in ratione modoque motionum suarum errante & labante, de motibus febrium excedentibus, peruersis, imbellibus, hoc est, de ipsius febris effectibus non laudandis, ipsiusque, ad motus inutiles aut nociuos compescendos, tonumque roborandum, corticis usu. Hunc praeterea illustris *Stahl*ius iisdem plane scopis, quibus nos, ceterique, quos vbertim expertos observationes nostrae ostendunt, commendamus, recte & vtilissime adhiberi, tot curatissimis candidissimisque obseruatoribus eo minus negare potest, quo maiorem iam ea in re fidem inter illos ipsos b. *Apino* adhibuit, quem cascarilla putauit usum esse, & hanc, ob praestitos, isto auctore teste, in febre epidemia specificè compescenda effectus, voce & scriptis saepius laudauit. Nos autem verum corticem Peruvianum *Apino* vsurpatum probauimus, non spurium seu cascarillam, obseruat. Sect. III. §. I. seqq. Conf. ill. *Stahl*ii colleg. pract. c. not. cl. *Storch*ii edit. nouiss. p. 766. sqq. Neque eidem theoriae observationes nostrae practicae repugnant, quippe cuius hypothese plausibili facile conciliandae, & ex sola veracissima multiplici experientia propria alienaque natae. Explodi mereretur theoria & hypothesis omnis, quae vel vnico experimento euidenti ita aduersaretur, vt conciliari non posset.

§. VII.

Febres medelam febrifugam indicantes.

Iterum iterumque dico, quod, inconcussis artis & experientiae fundamentis nixum, in observationibus meis Sect. V. §. IV. sincerus scripsi. “Laudo ipsam methodum *Stahlianam*, quae mihi, “quamuis cum illa theoretica opinione non conuenire fatear, egre- “gie tamen saepissime haud absimiliter succedit. Verum, si qua est “periculum minitans, vel intoleranda, vel pertinax paroxysmorum “violentia; si nihil utilitatis inde, & a reliqua medicatione in corpus “redundat; si functiones naturales, & habitus corporis, non obstan-
“te

“re methodica curatione, in deterius degenerant; quae omnia, pro
 “febris & corporis indole, (nec artis, neque artificum culpa, sed
 “propter febris saevitiem, monstri multiformis, quod ratiocinia
 “nostra persaepe eludit, vt ait *Ramazzin.* opp. p. 52.) facile fieri,
 “expertum quemlibet testor: tunc nolim equidem, & nolint ipsi il-
 “li doctores, febrifugae medelae vnice certae vsum istis cancellis (so-
 “lorum, vt docent, motuum sine materia in fine morbi cohibendo-
 “rum) includi, & securum ac vtile medicamentum morbo haud se-
 “curo vel inutili; roborans debilitanti; crasin & tonum partium
 “corporis conseruans dissoluenti ac destruenti; medicamentum,
 “quod nihil molestiae, nisi sapore, creat, morbo molestissimo; id
 “est, dei beneficium supplicio, postponi., Vides lector candide, cui-
 cunque theoriae addictus, quibus calibus, quibus indicationibus medica-
 mentum *Λεξιπυρετον* vnice certum, quo vsque certum quid in arte est
 praecipue feruem: vbi sane illud non adhibere piaculum esse mecum
 arbitraberis, si opem omittere, quam aegroto secure ferre potes,
 aequae mecum abhorres, quam committere quicquam, vnde noxam
 homo capere queat. Salus aegrorum, non hypotheseos fauor, sum-
 ma lex esto!

§. VIII.

Epicrisis de censura generalis.

Regulas & cautiones, prudenti haud difficiles, pro tempestiuo
 iustoque vfu suppeditaui, & propria alienaque roborauit experientia,
 ad quam non expertus censor lepide responderet: “quid opus est do-
 “losi medicaminis vires proprio Marte experiri?,, Vsum remedii
 ab abusu distinguere, & veritati manus dare, intemperanti disputa-
 tori nondum lubet; rationibus genuinis, & sincera experientia pu-
 gnare ipsi hac in re non licet. Bilem ergo solum atram, in praefa-
 tione maxime, crude in librum meum exspumat: quod quidem ho-
 mini, praeiudicatis opinionibus alte inhaerentibus aegrotanti, eo
 lubentius condono, quia pharmaci effectus esse videtur, quod ipsius
 aegritudini, ex prioribus istis dissertationibus clare apparenti, de-
 beri reputatum, medice per nostrum illud observationum opusculum

propinaueramus. Optamus speramusque bonam *ὑσεγγυαν* & vbi sanis, id est attentis & haud perturbatis oculis, meliora intuitus & expertus fuerit, in practicae veritatis partes transitum. Quod si ita fiat, & vel profiteatur id censor, vel tacitus acquiescam & ipse, tacitusque gratulabor non mihi, sed veritati, de viri docti cordata assensione, vel de eius contradictione posthac omissa. Quod si ex aduerso denuo in certamen assurgere, atque vltterius contra me, quique mecum sentiunt, viros experientissimos plurimos, disputare placeat, iungat, per me licet, trigae suae disputationum quartam, & quadrigis in exploratissimas veritates inuechatur, plaustra vero conuiciorum in stabulo relinquat velim, si sine iis certare potest: quod posse vix solent, quibus mala causa est, & praecepta opinio dominatur. Habebit me semper ad iustam, si qua opus sit, responsionem, sed & ad quaeuis officiorum genera amice paratissimum, & ceteroqui personae, dignitatis, meritorumque ipsius, quaecum erroribus & effectibus animi haud confundo, aestimatorem sincerum.

§. IX.

Transitio ad examen speciale.

Ibo breuiter per singula, quae censor tetigit loca, & sedatissimo animo, ad omnia & singula, quae dixit, respondebo. Ipsa vero prius eius verba, quibus meum opusculum impetiuit, integre omnia hic inseram, vt, collatis subsequenter responsionibus nostris, facile lectores prudentes iudicium, tum de vtriusque nostrum moderatione, tum de causae bonitate, ferre possint. In praefat. p. 2. sqq. ita ipsi lubuit loqui:

“Qui de disputationibus academicis, imprimis inauguralibus, idem,, (quod de dissertationibus ludicris, in laudem podagrae, formicae, anseris, elephantis, pediculi, immo ipsius plane asini, vti auctor, lactis forte asinini non amans, cum emphasi dicit) ferret iudicium, haberet iure, quod metueret, ne prudentioribus laute deridendum, immo exhibilandum sese praeberet, vel, si
“candidius mentem explicare mihi liceat, animi sui malignitatem manifestis

“pla-

"plane indiciiis proderet. Id tamen citra expectationem omnem haud pri-
 "dem fecit auctor observationum de febribus, qui non minori audacia, quam
 "impudentia, auctori dissertationis de impostura corticis Peruviani imputa-
 "re haud erubuit, quod nentiquam serio egerit, sed exercitii tantum causa,
 "figuris rethoricis & variis lusibus circa artes dialecticas, luxuriante ingenio
 "eundem criminatus fuerit (1), imo suspicatur idem optare praedictae dispu-
 "tationis auctorem, quisquis demum ille fuerit, ut Americanus cortex mi-
 "graret in Americam, nisi consilium eius effectu destitui salus reipublicae
 "iuberet (2). Verum praecipiti suo iudicio non satis fesus, alio epistolaris suae
 "dissertationis loco subtimide sese excusat, virosque graues rogitat, ut ipsi
 "ignoscant, quod scripti illius, dum seria aguntur (quasi iocosa & ludicra es-
 "sent omnia, quae dicta in dissertatione ventilantur) aliquoties mentionem
 "fecerit. Fando enim se accepisse memorat, esse ex his, qui de hoc remedio
 "(cortice Peruviano) male informati perperam indicant, qui solo titulo audi-
 "to, & non lecta, aut certe non ponderata, opella ipsa, aut re non satis in-
 "tellecta, nescio quid eximii aut solidi inibi esse debere praestituerint, & ar-
 "repto passimque pronuntiato odioso illo & indigno imposturae nomine, nul-
 "lis rationum momentis sussulto, suos aliorumque auxerint errores, cum de-
 "trimento aegrotantium. Quibus ex verbis unicuique colligere facile lice-
 "bit, nouum hunc Thraasonem, (qui prima vice in eruditorum theatro
 "comparuit, ac pessimam animi sui indolem eo ipso statim prodidit, dum
 "non satis sui compos, in quosuis obuios, modestia omni, qua in viros
 "se multo doctiores & in praxi clinica longe peritiores decebat posthabita,
 "ingenti procacitate irruit) pessime sibi conscium fuisse, nec iniuria metuisse,
 "ne, si in medicorum artis suae peritorum (quos solos competentes iudices
 "agnosce & admitto) manus inciderent, illique rationum ibi adlatarum mo-
 "menta rite expenderent, non solam calumnias, quin diffamationes manife-
 "stas maligni censoris agnitori, sed & pari loco famosum corticem, i. e. no-
 "xium generique humano summe exitialem, essent habituri (3). Sed nec
 "hic satis praesidii atque securitatis inueniri posse ratus, serio, sancta simpli-
 "citate delusus, circa addendorum finem veretur, ne, qui diuinum illud be-
 "neficium (corticem Americanum) calumniari & suspectum reddere, & me-
 "di-

(1) Vid. ad haec omnia responsio infra.
 §. II.

(2) VII. §. 13.
 (3) Vid. §. 14.

“dicos, aegrosque, quantum fieri potest ab usu eius abstertere ament, deo,
 “medicinae datori, difficulter rationem reddituri sint, an vanae timiditatis, an
 “prae fractae in morborum impetu permittendo temeritatis immitisque in
 “omittendo miserorum aegrotantium leuamine pertinaciae? (4). Id vero
 “in ambiguo relinquit. Quasi vero grauiora iudicia eorum ceruicibus non
 “imminerent, qui scientes volentesque infidi, immo manifeste damnosi reme-
 “dii abusui non sine summo generis humani detrimento inhaerent, immo ab-
 “unde licet moniti non tamen resipiscunt, sed indies potius coepto in trami-
 “te pergendo, miseros aegrotantes speratae sanitatis loco in statum summe
 “aerumnosum praecipitant (5).

In ipsa dissertatione p. 28. sqq. “paucis inquit, placet adhuc examinare
 “scriptum DD. Pauli Gottlieb Werlhofii, nuperrime editum, in quo quidem
 “observationes de febribus, praecipue intermittentibus & ex earum genere
 “continuis &c. eruditus pollicetur, eundem tamen cum Cohausenio scopum
 “sibi propositum habuisse videtur, vt, quod alii ante ipsum modestius fecere,
 “febrifugum Americanum, quod munus vocat prouidentiae diuinae, remedi-
 “um generosum cui nihil adhuc suppar vel natura vel ars aemula exhibuerit,
 “nouis & plane hyperbolicis encomiis exornaret (6) atque extolleret, com-
 “modamque eo ipso nancisceretur occasionem inuehendi in auctores bigae di-
 “sputationum, quarum altera de impostura corticis Peruuiani, altera vero de
 “usu eiusdem noxio licet recto agit, quamque postremam is disputationi Ha-
 “lensti de recto corticis chinchinae usu oppositam esse argute suspicatur. Qua
 “tota in opella nihil in maiorem me admirationem rapuit, quam quod senten-
 “tiam Stahlianam de natura & essentia febris suam facere ausus fuerit, pa-
 “rum interea sollicitus, an etiam cum reliquis suis speculationibus therore-
 “ticis & imprimis cura febrium, quas ille cortice Americano tuto & certa ef-
 “ficacitate superari posse existimat, conciliari sese patiatur (7). Verum desii
 “mirari, posteaquam opella, fugitiuo tantum oculo perlustrata, animaduerti,
 “honoris sibi duxisse Werlhofium, vt apud more ex celebriorum medicorum
 scriptis

(4) Vid. §. 15. vbi verba nostra &
 sententia integre exponuntur.

(5) Vid. §. 16. addatur ad totam prae-
 fationem nostra notatio §. 12.

(6) Vid. §. 17.

(7) Vid. §. 18.

"scriptis suum in apianum congereret, quicquid rostro suo abblandiri videba-
 "tur (8), cumque hypothesin Stahlianam phaenomenis febrilibus concinne
 "& concatenata serie explicandis inferuire probe observaret, eam adoptare
 "nullus dubitavit, atque adeo sponte cum illo agnoscit, febrim in se & abso-
 "lute spectatam nihil esse, nisi motum naturae, per secretionem & excretio-
 "nes materiae noxiae, ad conservationem corporis tendentem: additque,
 "ne quidem mereri febrim, ut pro morbo habeatur, immo, ita decuisse omni
 "aetate hodieque sentire ac docere ubique medicorum prudentum scholas. Id
 "quod, si sic se habeat, uti verissimum est sic se habere, non comprehendo,
 "quomodo id cum cura febrium artificiali per corticem Americanum institu-
 "ta consistere queat (9)? Si febris est motus naturae, quo materias noxias
 "per se & excretionem corpore emovere molitur, vel, ut Sydenhamius, ma-
 "gnus ille Anglorum practicus, loqui amat, instrumentum naturae, quo pu-
 "ra ab impuris discernere ac postmodum evacuari contendit, methodus Werl-
 "hofio aliisque, cum quibus sentit, consueta, qua statim in principio febrim
 "um, nulla expectata coctione vel praeparatione ad excretionem, corticem
 "exhibet (10), naturae aemula dici nequit. Rursusque: si febris est motus
 "naturae, ad conservationem corporis tendens, hic vero in primis statim ini-
 "tiis supprimatur atque cohibeatur, evidenter consequitur, omnem noxiam
 "materiam in corpore febricitantis conclusam manere, id quod vero cum bo-
 "na illa atque salutari naturae intentione conciliari iterum nequit, nisi proba-
 "tum eant amici & fautores decantati huius febrifugi, quod & vim alteran-
 "tem, humoresque praeparantem, &, hac peracta, evacuantem quoque effi-
 "cacia possideat. Ceteroquin ingenue confitetur, modum quidem operan-
 "di non adeo esse perspectum, interim tamen naturam cortice roboratam par-
 "tim humores coquere seu digerere, partim vero digestos sponte per vias
 "commodissimas excludere, & modo alium subducere, modo vero diapho-
 "resin vel diuresin citare, modo salubres sanguinis fluxus, modo plane criti-
 "cam salivationem excitare, modo alia miraculosa opera exequi. Quae omnia
 "si corticis vi & efficacia in corpore humano vivo fieri vana credulitate sibi
 "persuadeat, imposturae plenum esse, cui tantum tribuit fidei, corticem fate-
 "atur

(8) Vid. §. 19.

(9) Vid. §. 20.

(10) Vid. §. 21.

atur necesse est. Verum licet hoc modo reum habeamus confitentem, modum agendi excellentis ac generosi huius febrifugi nondum satis peritis artis perspectum esse, mauult tamen ille ingenii sui vires, quas fane non mediocres esse, quibus intelligens facile ex hoc specimine sibi imaginetur, experiri, dum haruspicum more (qui, dum sese mutuo contuentur, in risum prorumpunt) huc & illuc incerta sua opinatione oberrando, tandem forte sic habere sese posse operandi corticis modum hariolatur (11), nempe vel agere eandem more aliorum vegetabilium amarorum, leuiter aromaticorum, & pariter austerorum, vel tonicam efficaciam exerere eundem, quam fibris aliquando laxioribus ventriculi potissimum, intestinorum ductuumque & glandularum, & eidentissime omnium, ductuum biliariorum, ceterorumque vasorum sanguineorum, lymphaticorum, neruorumque, fibrarum & ductuum, praecipue in hepate, pancreate, mesenterio, liene, renibus, vtero, ipsisque plane partibus feminalibus &c. communicet; vel, si haec forte ad sensum vel adplausum apud incredulos non inueniant, in eorum gratiam comminiscitur vim plane balsamicam, qua chyli, sanguinis, humorumque inde deriuatorum crasis, praecipue, si exsoluta illa fuerit, coerceatur, vel denique, quasi portentosarum pollicitationum finem nullum inuenire queat, sulphur aliquod leniter anodynum sibi effingit, quod fibras & neruos vndecunque irritatos demulceat, & quae sunt eius generis sigmenta plura, quae laudato suo antipyretico liberali manu tribuit (12). At vero hisce manifestis quasi virtutibus corticis parum confusus, summorum virorum (quos inter disputator certe non postremum sibi vindicat locum) vestigia sequi, & cum ipsis ad notissimum illud physicae theoreticae ignorantiae asylum, quod nempe tota sui substantia specificam febrifugam virtutem exereret, confugere maluit. Doleo vero vehementer Mollierii comici Gallici elegantissimi tempore non vixisse eximium hunc disputatorem; is enim sine dubio examini candidati sui hanc quaestionem, cur cortex peruianus habet vim fugandi febres? vna cum illius responsione: quia habet virtutem febrifugam, comico illi actui inserturus fuisset. Ouum enim ouo non potest esse similis, quam quaestio illa Mollieriana: cur opium facit dormire? & respondetur: quia habet vim dormitiuam. Ex yngue leonem (13). Vnum vero ad

“huc

(11) Vid. §. 22.

(12) Vid. §. 23.

(13) Vid. §. 24.

"huc est, quod obiici posse praevideo: neminem de noxia corticis vi dignum
 "ferre posse iudicium, nisi qui frequenti eius usu ac saepius repetita experi-
 "entia prauos effectus ipse sua in praxi obseruauerit; ita quidem opinari ca-
 "thedrales, non aequae vero clinicos; constare multiplici summorum in arte
 "medica peritissimorum virorum, quorum longa series exhibetur, experien-
 "tia, nihil ab istiusmodi methodo, & continuato efficaciter repetitoque cor-
 "ticis usu, si prudenter, & tempestiue fiat, damni emergere, & quae sunt
 "eius farinae plura. Anne vero satius est, fieri alieno periculo cautiorem?
 "Quid opus est, dolosi medicaminis vires proprio Marte experiri? anne nu-
 "merosa exempla eorum, qui corticis usu male mulctati aliorum, febres me-
 "thodice sine china curantium auxilia implorare coacti sunt, sufficientem ha-
 "bebunt vim, de noxia eius efficacia conuincendi eos, ad quos confugiunt?
 "suntne incompatibilia, artem docere & simul facere? Quid inter cathedra-
 "les & clinicos intersit discriminis, ipsimet probe nouimus. Error ingens
 "est practicorum, sibi persuadere, professores ad artem quidem docendam,
 "non aequae vero exercendam aptos esse; Quasi ubique in academiis Germa-
 "niae non reperiantur, qui pari adplausu & doceant & faciant eandem. Pro-
 "inde oleum perderem, & operam, si vanis talibus commentis remouendis
 "prolixè vellem immorari (14). Denique p. 35. mirifice, ait, mihi placuit
 "consilium medicum, quod illustris *Stahlius* petitioni altiori satisfacturus de
 "usu vel abusu corticis Peruvianii hoc modo suppeditauit: nempe quod, qui-
 "cunque practicus non didicerit, febres intermittentes etiam sine chinchinae
 "empirico usu, methodo & medicamentis, nihil damni inferentibus, percura-
 "re; illi etiam huius corticis exhibitio non libera relinqui & concedi merea-
 "tur, in cuius usu minus cauto facile sit grauiter offendere. Neque vero in-
 "terpretatio horum verborum eum patitur sensum, quem superius allegatus
 "scriptor illis adfinxit. In cuius rei pleniorē luculentiorēque confirmatio-
 "nem, illud insuper memoratu dignum iudicauit praelaudatus *Stahlius*: quod
 "practicus ille, qui contra chinchinae usum insurrexerat, eodem tempore,
 "18 mensium ambitu, ad ducentorum aegrorum catalogum produxerit, qui
 "eodem illo loco a tertianis & quartanis in sanitatem & integram & constan-
 "tem restituti fuerint, ipsius consilio, methodo ac remediis; dum ex alterius

"ma-

(14) Vid. S. 25.

"manu, e numero paucioribus, plus quam viginti dimissi, hectici, phthistici, "oedematosi, spastico asthma oppressi, qui a febre in tales affectus prolapsi "erant; quorum potior pars decedebat. Talia vero, qui legerint matureque "perpenderint, nec tamen ad meliorem mentem reduci sese patiantur, vix di- "gni esse videntur, quibus verbum amplius dicatur. Malunt enim plena "meridie coecutire, quam femita, toties ab aliis calcata, tutius incedere. "Solvant interim haec argumenta, si possint (15), dum ea, quae a priori pe- "tita sunt, admittere recusant (16).

§. X.

Praemonitum.

Ignorat, vti apparet, censor me meumque animum atque stu-
dium, quo commoda hominum, & aegrorum praecipue, & meden-
tum, inter quos ipse est, amanter, pro virium tenuitate, quaerere
per totam vitam propositum habeo, eo solo, nulla propria utilitate,
nulla ambitione, ad scribendum excitus. Legat velim, quam fugi-
tuo forte oculo praeteriit, praefationem observationibus praeinif-
sam, subiunctamque epicrisin, ubi mentem intentionemque meam
nudam sincere pinxi, in istorum gratiam, quibus ignotus fuero.
Agnoscent me facile, qui norunt. Mentem intentionemque eam-
dem attenti lectores pernoverunt, quibus solis observationum pagi-
nis innotui; quos inter cl. *Foerdens* in commerc. litter. Norimb. h.
a. pag. 135. ex quavis tractatus pagina cordatum meum animum,
verae aegrorum utilitatis studiosum, sibi patere professus est. Ipsum
ego censorem neque malum reputavi, neque adhuc reputo; sed ob
theoricas hypotheses nimis generaliter definientes, & ob errores
alienos abususque cum veris medicinae vlibus confusos, errantem,
& opinionum mordicus tenacem, nimiaque erga illas propensione,
in affectus animi abreptum, atque ideo in iudicando scribendoque
praecipitem. Recte ita me existimare, nimis quam dilucide ex his,
quae modo vberius excutienda sunt, apparituum confido.

§. XI.

(15) Vid. §. 26.

(16) Vid. §. 27.

§. XI.

Dissertationes academicæ exercitii causâ scriptæ.

Ludibrio bonum illum virum non habui: multo minus me cuiquam sagaciori deridendum aut exhibilandum, quæ vocabula censoris sunt, propinaui, quum in *observationum de febribus* Sect. I. §. IV. Sect. V. §. II. Sect. V. §. VII. & VIII. disputationes academicas, immo inaugurales, de *impostura corticis*, & de eius *usu recto noxio*, quæ ex eodem fonte profectæ, eiusdemque viri nomine, quo nova ista febrium laudatio, insignitæ sunt, non serio, sed luxuriante ingenio, & exercitii solum causâ scriptas esse, conieci. Prodiit superiori sæculo Marburgi disputatio academica inauguralis, de *purgantium remediorum e foro medico proscriptione*: de qua *Waldschmidtus* in *epistolis amœb.* p. 37. haud valde absimile tulit iudicium. Sane regulæ instar esse potest, generalem proscriptionem remedii alicuius generosi seu efficacis vel errorem damnatoris semper arguere, vndecunque profectum, vel luxuriantis ingenii lusum. Hoc vero de censoris mei disputationibus ideo me coniicere voluisse, quilibet videt, ut iniuriosum istorum libellorum auctorem aliquo modo excusarem, & subridens innuerem leniter, quod verum est: ludicro eos scriptore, quam serio, digniores esse. Quæ res, an mihi derisioni esse possit, iudicent lectores serii, immo & si qui sint, quibus deridere placeat. Hi etiam, quod gallico prouerbio dicitur, a meo latere stabunt puto. *Les rieurs seront de mon côté.* Sed seriae vtilisque veritates practicæ sunt, quas proposui. Luditur sane nimiam quam sæpe, luxuriante ingenio, in dissertationibus & theoriis academicis. Alterum quod me opinari de sese non patitur censor, haud pudet præstantiorum disputationum inauguralium auctores, præsertim earum, quibus virorum inclitorum sententiis contradicuntur, profiteri, se non nisi exercitii causâ scripsisse. Ea, verbi gratia, est modestia scriptor elegantis pariter ac solidæ dissertationis inauguralis Erfurtensis de *dubia atque suspecta hæmorrhoidum laude*, sub præsidio celeb. *Juonis Joannis Stahlii* hoc anno habitæ, (qui cum illustr. *Georg. Ern. Stahlio* confundi non debet,) ut ipse dicat,

se dubia exercitii magis, quam tantis viris, qui in laudes fluxus haemorrhoidum, & naturae eam molientis, vel nimias profusi erant, contradicendi studio, opposuisse. Quem libellum ideo potissimum prae aliis huc adducimus, quia *εναλογως* ad hanc controuersiam spectat, ac, quae ill. *Bergerus* singulari illo de febre schediafmate ostendit, de haemorrhoidibus ita demonstrat, ut rationum earumdem pondere nimia febrium laudatio vel magis subruatur. Refellat, si grauissimo studio potest, censor, quae, exercitii causa, sed sine lusu, illius dissertationis auctor, contra nimis laudatam naturae, in aegrotante corpore, sapientiam, atque vim praepotentem attributam, disputauit! Vtuncque censorium supercilium contrahat, ludet spero operam in impugnandis istis, quemadmodum in nostrorum argumentorum oppugnatione, quibus ipsum in corticis censura lusisse probauimus.

§. XII.

Dicta contumeliosa hinc relegat.

Excandescit iccirco, & ira, quae, ut medici aliqui dicunt, febris brevis est, turbatus, eo ipso, quod disputationes academicas, immo inaugurales, alia mente, quam seria, scribi potuisse reputaram, animi malignitatem indicare conuiciatur, & me pessimae indolis in quosuis obuios irruentis accusat: nempe ut cruda iniuria vlceretur vel locum *Sydenhamii*, non meum, *obseruat. mearum* Sect. V. §. VIII. not. g. adductum, ubi osoribus corticis ringentibus animus probrosus imputatur, vel ea, quae, de animo quorundam eius remedii criminatum, verbis *Borrichii* & *Lucretii*, Sect. V. §. V. not. f. sqq. moderatissime, sine ullius iniuria, monueram. Malignitas, & pessima indoles, merito febribus (2) in quosuis irruentibus a probis medicis saepe tribui solent; non viris honestis, qui, artis & aegrorum commodis studentes, contra aliorum theorias & obiectiones, medicamentum aliquod utile defendunt. Audaciae deinde & impudentiae

(2) Malignitatem in febribus merito & falso suspectam limitauit nuper Al-

torfi *D. Flachius* peculiari dissertatione.

tiae me infimulat, vt ea impudentis temeritatis macula immeritum afficeret, quam oleo & sale blande abstergere ab ipso conatus eram, *obseruation.* Sect. I. §. IV. Ingentem mihi etiam procacitatem obliicit, quod, modestia omni exuta, in viros me longe doctiores, & in praxi clinica peritiores, vt ait, irruam. Se puto intelligit, quod non inuideo. Neque vero irrui, neque modestiam exui; sed rationes probe meditatus, & rem rite expertus, iuste, & longissime quam ipse in controuersis solet moderatius, contra ipsius errores & iniurias disputauit. Quis autem metiatur illam scribendi in quosuis opinanti censori obuios licentiam, qua viri, probi, & artis incrementa candide quaerentes, acquisitaque retinentes, imposturas & fucum facere; qua, qui febrim pro morbo habent, inepti speculatores; qui liquorem aliquem neruorum admittunt, infatuati dicuntur; &, vt ipsi arti medicae bellum quasi indicatur, rectus ipse remedii alicuius vtilissimi, ac praecipuis per omnes regiones medicis consueti, vsus perhibetur noxius? & quae sunt eius furfuris plura. Non prima illum vice, quod de me ab ipso, quamuis non omnino vere, dici lubens patior, in eruditorum theatro comparuisse, fat scio, & sciunt satis, qui vel solas recensioni librorum ipsius, & scriptas post ipsum historias medicinae & anatomes, & oppositas ipsius operibus scriptiones variorum virorum doctorum varias, legerunt. Verbis contumeliosis virum clarissimum pugnare posse non negauit, neque nouo illo experimento opus fuit. Specimina eius rei praefat p. 3. & 4. iterum iterumque dare omni studio satagit. Compotem me mei non satis esse, incomta obiurgatione pronuntiat iudex nequaquam competens, idque forsitan ideo, quia, si serio effraenem illam dissertationum de cortice bigam in orbem emisisset, animae suae, quae ipsi natura audit, errantis, & affectibus turbatae ministrum ea in re fuisse, moderata loquendi formula, conieceram in *obseruationibus meis* Sect. V. §. II. Vter nostrum ostenderit, animum se suum regere, vel secus, iudicent lectores! Censoris etiam calumniantis ac diffamantis, & Thra-sonis titulum, a me itidem longissime alienum, (quo ipsum *obseru.* Sect. V. §. VII. condecorare moderate caueram) munifica manu mihi

mihi largitur. Quae munera omnia, quippe nullo mihi modo congruentia, ne quidem opus est in ipsius sinum refundere. Neque ego quid eiusmodi aduersarium de se vicissim pro talibus legere, sed quid scribere me deceat, ob oculos habebo. Inania ista verba aequè me talem reddere nequeunt, ac muliercularum iracundarum vocolae sagas aut magos conuiciando creare. Migrent talia a controuersis litteratorum in Americam, ad barbaros, ultra corticis Peruuiani patriam, populos!

§. XIII.

Votum censoris de emigratione corticis quomodo limitatum?

Pag. 11. non suspicatus sum, (vti praefat. p. 3. censor male me intelligens putat,) ipsum voto suo impotenti de migrare iubendo in Americam cortice limitationem addidisse. Ego addidi, quum ipse in laudatione febris & criminatione remedii nihil limiter. "Migrabit, dixi, cortex; nisi consilium effectui destitui salus rei publicae iudicet." Et iubet sane effectui destitui plurimorum aegrorum salus: quum adhuc nullam Europa medicinam possideat, aequè pro indicatione febres reprimendi certam & adaequatam. Neque solum in subito merendis febrium ex intermittentium genere periculis, & vbi ista vrget indicatio, haud sine formidando aegrorum detrimento, & plurium pernicie, eo medicamine carituri essemus, quae de re praecipue in observationibus scripsimus; sed verissimum insuper est, quod alii dudum ostenderunt, & nuper, in dissertatione de *medico nimis timido* p. 13. neruose dixit celeb. *Heisterus*, vir doctrina, sapientia, experientia grauissimus: si debitis cautelis, debitoque victus & vitae regimine adhibeatur, nullum prorsus inde malum siue incommodum, sed quam plurima commoda & vtilitates, in aegros inde redundant. Nam a febribus contumacibus eos satis cito liberat, quae per alia a timidioribus medicis commendata remedia saepissime tolli nequeunt, & quibus contra saepe efficiunt, vt aegri febrium harum diuturnitate praeter incredibilem earum molestiam, viribus exhauriantur, & vel in cachexias, vel hydropes, vel febres

len-

lentas hecticas coniciantur, qui breui & absque periculo a molestissimis his morbis, legitimo usu, liberari potuissent.

§. XIV.

Excusatio nostra ad viros graves qualis?

Quae Sect. V. §. VII. d. dixi, rursus non capit, sed eo, longissima aberratione detorquet, quasi subtimide me excusarem, meoque iudicio non bene fesus, vel malae causae conscius, metuerem ne legeretur opusculum de impostura. Clarum vero ex ipso loco meo est, optime me aequissimo meo iudicio, & optimae causae confisum rem suo pondere aestimasse, idque ipsum petiisse ut probi iudices perlegerent istam disputationem ponderarentque, neque nudo illo, nullis rationum momentis quod passim ostendi, suffulto & odiofo, & indigno imposturae titulo, seduci se paterentur: quod aliquos, incaute praeiudicantes, cum damno variorum aegrotantium, quibus inanem illum titulum deinde occinerant, fecisse fando acceperam. Hanc ibi causam, quum plures suppetant, allegavi, cur illud scriptum recte trutinandum, & critico sale modeste fricandum, duxerim. Veniam a viris grauib. petii, non ob iudicium meum sed ob id solum, quod opellae tantilli momenti inter seria aliquoties, fecerim mentionem. Neque vero eius iudicii, vel ullius alterius causae, veniam a quoquam petere opus habeo, qui neminem volens offendi. Si usquam a viris doctis dissensi, quod, pro rei publicae litterariae libertate, hic illic factitavi, id decenter, & cum debito meritorum cultu, feci, modestius longe, quam alii, quos hic nominare nolo; immo longe moderatius multis viris praestantissimis, quos passim in observationibus adduxi, pro meis sententiis pugnantes: ut aut lectionis, aut attentionis defectum ostendat illa censoris imputatio: (p. 28.) alios ante me modestius id fecisse. Nulla in me est censendi cupiditas, fastus nullus; sed medicinam ab omni sectae cuiuscunque iugo liberam, & aegrorum salutem, rectumque ideo medicaminum generosiorum usum, vitatis abusibus, facta testor volo. Ista re si qui offendantur, eos cordatus nemo dignos iudicabit, a quibus venia petatur.

§. XV.

Remedii febrifugi censura non limitata inexcusabilis.

Verba mea ex Sect. V. §. IX. sub finem denuo non assequitur. In ambiguo me ibi nescio quid relinquere dicit, vbi plane nihil dubitavi: an illud num difficulter deo rationem reddituri sint, qui damnant & calumniantur munus ipsius, remedium tot ac talia, quae demonstraueram, praestans; an vero, num id temeritate, an timiditate, an pertinacia faciant? quod quidem perinde est. Temeritas est, timore & neglectu medelae, pertinaciter permittere morbi saevitiam. “Apage temeritatem a medicina, apage timiditatem, apage negligentiam!,” sunt verba ill. *Stahlii* in propempt. ad dissert. de curatione aequiuoca. Ego, dicto loco, post descriptum, additamenti instar, candide, & ex experientia aliena luculenta, antehac per Germaniam non euulgata, nouum insignemque corticis usum, ad perniciosissimum sphacelum cohibendum, (de quo add. *commmerc. litter. Norimb.* a. 1733. p. 174.) his verbis colophonem libello observationum imposui, quae iterum iterumque inculcare non piger. “Sufficiat heic vires medicinae eius summopere in morbo nocentissimo (sphacelo) innocuas & eximias, ex aliena maxime experientia, adnotasse, quae in tam desperatis casibus, tanto successu beata est, vt & imitatione prudenti dignissima sit, & vel sola hisce silentium imponere debeat, si qui adhuc diuinum illud beneficium calumniari, & suspectum reddere, & medicos aegrosque, quantum fieri potest, ab usu eius abstertere amant., Nempe si id, pro il- laudabili desiderio, obtinuissent, ipsa illa vis ad exitiosum sphacelum haud fuisset detecta, & periissent, qui seruati sunt. Pergo denique: nae isti, vereor, (numquid hoc verbum dubitationem arguat?) ne tantem deo, medicinae datori, difficulter rationem reddituri sint, vanae dicam timiditatis, an prae fractae in morborum impetu permittendo temeritatis, immitisque in omittendo miserrum aegrotantium leuamine pertinaciae? (hoccine est indubio aliquid relinquere, vbi omnia locum habent?) nisi, inquam, abunde moniti, meliora acceptare, & acceptata candide profiteri, aut sal-

tim,

rim, donec vsum multiplicem ab abusu rite distinguere didicerint, tacere discant., Hoc solum *nisi*, hanc limitationem addidi. Si hoc est in ambiguo relinquere, reliqui tantisper, dum pateat, an spes mea melior impleatur. Sique haec scripsisse sancta, vti censor tenui cum acumine ludit, simplicitas est, non me huius pudet. Modeste de ipso sentio, dum non nisi ob praeiudicatarum opinionum, tamquam sacrosanctarum, cultum, & factorum haud expertorum ignorantiam, non autem ex profana, quae sanctae simplicitati opponitur, versutia, non scientem prudentemque, diuinum illud munus, quod nec expertus est, nec adhuc vult experiri, condemnasse; nec tandem vero propediem, quam velum ab oculis fuerit remotum, ut vsus rectos ab abusu distinguere queat, probaturum esse existimo atque spero. Caueat velim, ne frustra sperem.

§. XVI.

Tam vsus omissio & criminatio, quam abusus ipsi, non excusanda.

Abusus, contra quos, loco responsionis, declamat, ad id, quod quaeritur, non spectant. Nam, per vestram lectores fidem, quaenam ista est responsio? quae logica? quae disputandi ratio? Experientiis demonstraui, omissiones iuuaminis adeo dati, immo criminationes, ab iis profectas, qui vsum remedii toties salutaris, toties vnice iuuantis, & morbis, quibus certo medetur, longe tutioris, e manibus medicorum excutere allaborent, inexcusabiles esse, nisi illi meliora moniti acceptare, aut tacere discant. Respondetur mihi: quasi vero abutentibus grauiora iudicia non immineant? Quid hoc ad ipsum vsum? quid ad excusandas remedii criminationes? Grauiora iudicia cui immineant, is decidere poterit, qui exploratum sigillatim habebit, cuius latior hic illic culpa fuerit, abutentis, an omittentis: nam dolum, imposturam, malitiam neque iis imputo, qui vsum omittunt; sed vtrosque bono animo errare confido. Num quid vero commissio abutentium, quam & ego culpo, eos excusabit, qui vsum rectum, vbi eo opus est, reiiciunt? Commissionis & omissionis delicta, si a medicis fiant, qui rectos vsus ab abusibus distinguere possunt & debent, perinde noxae sunt. Sed

neque hoc solum est, quod monui. De medelae, contra tot pericula & aerumnas, tot locis temporibusque, a tot ac tantis medicis, vtilissimae repertae criminatione dixi, quae, vndecunque proficiscatur, nullo colore, nulla theoria, nullo de sancta simplicitate scommate, nullis in abusus declamationibus, & particularibus de horum noxa exemplis, quibus libens subscribo; excusanda est, aut, in hodierna experientiae luce, apud aequos iudices, sine latissima culpa defendi potest. Moneat censor mecum, ut retineatur recte distinctus usus, abusus vero omittatur; limiter ad sinceræ experientiae normam! sed desinat ipsam criminari medicinam, ubi innoxia, utilis, necessaria est; desinat rectum eius usum pro noxio tamen venditare! & habebit me votis monitisque suis plane concordem. Aliis trita dudum via, aliis remediis praeter corticem, immo sola expectatione, multas febres tuto sanari, nemo unquam negavit, & ego propria alienaque multiplici experientia probavi, & sincere clareque ipsa remedia methodosque ostendi passim, in observationibus. Multas vero febres esse, quae nec certo, nec tuto aequè, sine cortice curentur, immo esse, aduersus quas nulla, extra ipsum, methodus sufficienter valeat, demonstrat longa per plures regiones experientia. Quenam vero illae febres sint, satis in praxi iudicabunt prudentes, qui ad illa rite attenderint, quae supra p. 12. ex observationum nostrarum Sect. V. §. IV. versus finem, repetiuiimus. Haec ad *Goelickianum* prooemium respondisse sufficiat. Add. nostra ad has animaduersiones praefatio.

§. XVII.

Corticis laudes an nouae & hyperbolicae?

In ipsa dissertatione, sine vltterioribus conuiciorum flosculis, sed aequè sine fundamento, disputat. P. 28. exprobrat mihi nouas & hyperbolicas corticis laudes. Vellem aliquid in observationibus meis nouum esse. Sincere enim clareque scriptae sunt, & in aegrorum salutem directae. Laudes vero isti remedio me vllas dedisse, quae a me primum profectae sint, lectorum nullus, nisi qui (quod censor de se eadem pagina, pro egregio accuratae censurae argu-
men-

mento, dicit) fugituo tantum oculo scriptores lustraverit. Nihil enim laudavi, quod non expertissimorum doctorum testimoniis corroboretur. Respondeat iis, qui novitatem in posterum crepabunt, *Lancisus*, de *noxiiis palud. effluu.* pag. 308. Semper, ait, "nova erunt remedia, etsi vetera, apud parum peritos medicos, qui recens autumare solent, quod ipsi non usurparint., Hyperbolicas esse laudationes, quas, ex ipsa experientia plane fluentes, regulis, explicationibus, limitationibus, contra abusum munimus, quomodo inexpertus iudicare potest? Perlegat librum attente, & sine praecepta opinione; evoluat auctores; experiatur curate & plene; deinde candide iudicet! Testor rem ipsam, & viros experientissimos plures, qui suum mecum, ob propriam experientiam, consensum, post editas illas observationes, vel publice, vel coram, vel literis datis, benevole testati sunt, & lectores non praeiudicantes omnes, me omni modo hyperbolicas laudationes sollicite cauisse. Ostendat, si potest, hyperbolen, hyperbolicus febrium laudator! Neget, si adhuc audet, munus hoc remedium esse divinae providentiae! (quamvis ob oculos sint verba, quae, sub finem p. 8. dissertationis de impostura corticis, temere, ut molliter dicam, calamo elabi permisit, spongia & obliuione posthac detergenda. Confer. adducta in *observ. nostr.* Sect. V. §. VIII. g. *Torti & Sydenhamii* loca.) Neget, si medicorum omnium stylum forte eiuravit, corticem generosum esse remedium, hoc est, quod magna efficacia operetur, ab abusu tamen caute muniendum sit! Nam haec exempla hyperbolicae laudationis adduxit: quod corticem dixerim divinae providentiae munus, & praesidium generosum, observat. Sect. II. §. II. & quod nihil adhuc suppar natura vel ars aemula exhibuerit, nempe, uti addidi, quod censor omisit, quantum ad adaequatam, certam, simulque tutam efficacitatem attinet, ad febres ex genere intermittentium profligandas: observat. l. c. Monstret orbi medico, quod par sit, & gloriam inventionis ad omnes posteros habebit: Nos cum omnibus, quos Sect. II. §. III. a. & passim toto libro adduximus, auctoribus sinceris & expertis, & certum id febrium earum remedium merito diximus, & nihil adhuc suppar potuimus

reperire. Expertus sit oportet, qui iudicare velit. Solide celeb. *Camerarius* cautel. medic. pag. 428. “Optimum medicamenti
 “effectus explorandi modum dicit, si seorsim, nec aliis mixtum,
 “in vsum ducatur, & quidem per certum & longum tempus, & i-
 “dem medicamentum simili in casu, iisdem correspondentibus cir-
 “cumstantiis, non semel, sed crebrius in vsum trahatur. Exem-
 “plum, ait praebere queat cortex Peruvianus, quem, post innu-
 “mera magnae virtutis specimina, formidare aliqui & suspectum
 “reddere non desinunt. Sic ne optima quidem remedia certa eua-
 “dent ac tuta, quantumvis suis nobilitata effectibus, nisi quorum-
 “dam gustui deprauato arrideant.,,

§. XVIII.

Febris qua limitatione, instrumentum naturae utile dici mereatur?

Maxime se miratum p. 28. dicit censor, (idque mihi mirum non videtur, quia sententiam peruertit) quod Sect. IV. §. II. sqq. ill. *Stahlii* sententiam de natura & essentia febris meam facere ausus sim, & me non curare putat, quomodo cum ceteris meis speculationibus theoricis, & praesertim cum cura febrium per corticem Peruvianum, conciliari possit. Veneror virum illum, ob multa in rem medicam meritorum nomina. Dissensum vero, qui in praxi parum aut nihil momenti habere debet, ab eius theoria, & sententia de natura & indole febris, modeste iis ipsis paginis, & Sect. VI. §. VIII. sqq. declaravi: quem ipse aegre non feret. Neque meam ego theoriam cum ista theoretice conciliare optavi, aut opus esse ratus sum. Practicum vero desideravi speraviq. cum viris sinceris, isti theoriae addictis, consensum, & id dicto loco ostendi, “quam-
 “uis etiam concedam, febrim, absolute & in se, generali conceptu,
 “spectatam, motum esse naturae, per secretionem & excretionem ma-
 “teriae nociuae, ad conservationem corporis tendentem, immo,
 “si a consueta notione,, (quam nos tamen servamus) “secedere lu-
 “beat, ne quidem morbum vocari merere; attamen illam febricit-
 “ationem, quae, absolute spectata, motus erat salutatis, si in con-
 “creto, quod dicunt, (hoc est, in corpore aegroti, sub variis hu-
 morum

morum, vasorum, fibrarum, locorum, temporum, materiae mor-
 bidae, motuum nimis violentorum, aberrantium, deficientium, cri-
 seos imperfectae, errorum naturae, diaetae, medicationis, quibus
 aegros ubique ac semper medici prohibere non possumus) “confide-
 retur, multa ipsam pericula, molestias nimium graues, longas,
 “recidivas idemtidem inducere.,” Quae quando ita fiunt, tum ego
 neque naturae, neque feбри, quae ipsius instrumentum est, (vti cum
Sydenhamio, prudenti corticis dandi magistro, dixi,) confidere, ne-
 que effraenem aut labascentem ducem spectator in foueam sequi,
 neque aemulari volo; sed confugio ad remedium, quod inutiles &
 nociuos motus, recto vsu, adaequate compescat atque corrigat, na-
 turamque in sanitatem & functionum integritatem, vere naturalem,
 & febrili motu certiolem, restituat, restitutamque robolet. Recte,
 puto, ill. *Bergerus* in elegantissima dissertatione, de laude febris me-
 rito suspecta §. 23. “quamquam, ait, quae natura duce fiunt, quam
 “optime fieri dicuntur; tamen nulla *πεποινηται*, nulloque consilio, sed
 “potissimum motus solidarum & liquidarum partium diuino artificio
 “constructarum, & se mutuo agitantium, ministerio, automaticae,
 “nec raro ita fiunt, vt id, quod a natura exspectatur, auxilium,
 “nunc lentum sit, nunc dubium; cum contra illud, cuius copiam
 “medicina facit, remedium, a prudenti iudicio arbitrioque nostro
 “pendeat, & iusto tempore ac modo adhiberi queat.,” Idem sane
 deus & naturam humanam, & labantis errantisque auxiliatricem
 medicinam condidit, & limites virium vtrisque posuit, quarum ob-
 seruatio artem medicam genuit, & ad iustas regulas, vel exspecta-
 re medicum, vel agere iubet, multa quippe praestare potentem,
 quae natura nequit, scientem multa prospicientemque, quae natura,
 etsi sapiens proprie dici mereretur, tamen ignoraret, vel prospice-
 re non posset. Confer. quae idem vir excellentissimus §. 3. & 4.
 de confessa multarum februm salubritate, & e contrario §. 20. sqq.
 de ipsorum motuum febricosorum in solidis fluidisque partibus no-
 xa facili, egregie disputat, nec refutata a censore, nec vnquam so-
 lide refutanda: quod idem dictum esto de illustr. *Hoffmanni* dissert.
 de recto corticis vsu §. 32. 33. qui huc itidem spectant. Iungantur,
 quae

quae egregie ad ill. *Stahlii* observationes de salubritate febrium notat celeb. *Camerarius cautel. medic.* p. 514. sqq. item p. 202. Idem p. 212. "vtilis, ait, vulgo dicuntur febres, & origo quaedam novae ac constantioris postea sanitatis: nec negandum est, frequenter febrem criticum naturae motum, noxia expellentis, eorumque mole corpus liberantis; sed nec id negandum, frequentius in corpore, sub decursu febris, praesertim diuturnioris, eam gigni succorum prouitatem, ea cacochymiae stamina, quibus tollendis, fortiori saepe cuneo opus sit; ita ut facilius sit, sub febrium tumultu gigni obstructions, quam tolli, oriri visciditatem particularum, quam corrigi, cumulari cruditates, quam absumi, ut non nisi caute circa ista febrium commoda doceat ratiocinari., Ipse *Camparella*, qui febrem non esse morbum, sed remedium, in medicinal. Lib. 7. p. 60. sqq. diu ante cl. *Stahlium*, paribus argumentis defendit, suo illi remedio non bene filus est, quod probauimus per locum, ex eodem libro, in *observationibus nostris* Sect. I. §. IV. nota (g) adductum. Comparat alibi, p. 633. haud ineleganter, bellum febrile spiritus, ut vocat, contra hostem, seu naturae contra materiam morbosam, & damna corporis inde saepissime oriunda, cum bello in propria ciuitate, eiusque effectibus. "Qui, ait, in propria domo & ciuitate bellum gerunt, accipiunt vulnera, & minuuntur viribus: item ipsorum domus & ciuitas multis affligitur damnis, tum a bello illatis & commissis, tum ab omissis functionibus ad gubernatum pertinentibus., Felix, qui mature bellum domesticum, ubi necessarium non est, aut periculosum, pacare in perpetuum, tumultumque causas tranquilla potestate enervare, & turbatores, re publica exire paratos, eiicere sine certamine nouit, neque morose tergiuersatur, aut martios imitatur consiliarios, qui, turbis delectari, ancipitem ferocis pugnae euentum placidae ceteriorique pacificationi adaequatae temerarii praeferunt. Sapienti satis.

§. XIX.

Laus medicinae electicae.

Gratias politissimo iam quidem censori ago, quod, in eadem pagina, elogio me mactare voluerit, quod lubentius ipsi, quam male dicta superiora, retribuere. “Animaduertisse se dicit, honori me mihi duxisse, ut apud more, ex celebriorum medicorum scriptis, meum in apiarium congererem, quicquid rostro ablandiri videatur., Enimvero, cum vnius hominis, aut paucorum, quicunque illi sint, theorica scientia, & propria experientia multis semper imperfectionibus laboret, & facillime aberrationem a vero admittrat, non moror ea, quae cl. *Goelickius* in praefat. periodi quintae histor. medic. vniuersal. contra medicinam eclecticam, quam curioso titulo sectam vocat, & contra celeberrimum virum, qui ἐκλεκτικὸν se profitetur, duriter disputat; sed, memor *Cassiodoriani* illius, “nemo iustius assidue legit, quam qui de humana salute est sollicitus.,” medici genuini id officium ex praecipuis esse arbitror:

*Impiger in medicos acui veterisque nouique
Se diffundat agros, ut florilegusque popellus
Mellifluas epulas in publica commoda condens,
Germina quaeque legat, nec sese mancipet ulli
Totus, at omnigenas per docta volumina fruges
Blanda salutiferae decerpit pabula menti.*

Inhaereant alia animantia vni soli, per totam vitam, plantae, & inde solum, reliquis fusque deque habitis, & nutriantur, & nomen adsciscant! qualia passim historia naturalis memorat. Mihi apud & mos, & labor, & fructus placent. Placet quoque candidum celeb. *Camerarii* ad ipsos artis medicae professores monitum, in praef. cautel. medic. “Absit, ut ii, qui fideliter aliis artem tradere saluberrimam allaborant, se mancipando sectae cuiusdam principis, seruituti eidem suos quoque discipulos inuoluant. Eleganter etiam *Baglinus* prax. l. 1. c. 12. §. 5. formica, ait, colligit & utitur, ut faciunt empirici, qui hinc inde experimenta venantur, iisdemque, nec observatione repetita confirmatis, nec dilucido exami-

“natis ratiocinio, paullo post indiscriminatim vtuntur. Aranea ex
 “se fila educit, neque a particularibus materiem petit: ita faciunt
 “medici speculatiui, ac mere sophistici. Apis denique ceteris se
 “melius gerit: haec indigesta e floribus mella colligit, deinde in vi-
 “scerum cellulis concocta maturat, iisdemque tamdiu insudat, do-
 “nec ad integram perfectionem perduxerit., Sane & lectione
 multifaria, & selectorum digestionem, & maturatorum perfecta ap-
 plicatione medici *γνησιως ἐκλεκτικῶς* eruditio absoluitur.

§. XX.

*Curatio per corticem probe congruens nostrae sententiae de febre
 naturae instrumento.*

Neque vero de intelligentia censoris mei sollicitus sum, neque
 id curo, quod pag. 29. dicit: se non comprehendere, quomodo
 cum cura febrium artificiali per corticem conciliari possit ea senten-
 tia, dum, (indefinita propositione, quam pro regula probe digerenda,
 ac exceptionibus, praesertim quod ad effectum moliminis, ma-
 turanda, apum more, vt ait, selegi) febrem ipsam, quamuis toties
 noxiam, statui esse naturae instrumentum, quo partes impuras a
 puris secernat v. supra praefatio nostra. Hoc dixi semper docuisse
 prudentum medicorum scholas; non, quod ille mihi affingere vi-
 detur, suae scholae proprium humanae animae rationalis, aut cuius-
 cunque naturae, intra corpus humanum intelligentis & moderantis,
 conatum, propria sapientia aestimatrice, & libero pro ea arbitrio,
 nixum: quam ego hypothesein nunquam in meam theoriā adopta-
 ui. Aequae eam adoptare recusant doctores exteri paene omnes,
 & Germanorum longe quam plurimi, & ipse illustris auctor pro
 demonstrata atque necessaria nemini obtrudit. Naturam humani
 corporis non ipsam animam rationalem, neque, quem ignoro, ar-
 cheum esse, arbitror; sed mechanicum & hydrostaticum solidarum
 fluidarumque partium diuersissimarum artificium diuinum, cum sin-
 gulis particulis primitus impresso, & ad naturales motuum leges
 procedente nisu, motu, & directione, partiumque corporis ita
 structi

structi proportione, tum inter se, tum ad ceteras naturae vniuersi partes, a quibus vel extrinsecus afficiuntur, vel intrinsecus: nempe intra ipsum hominem, partim ab anima corpori iuncta eiusque affectibus, partim a particulis corporeis motibusque intra hominem enatis; extra, a corpore naturali quouis, quod in humanum agere queat. Haec natura, quae mihi sufficere videtur, certissime existit, & sese euidenter exserit in motibus non voluntariis, quos ab anima sapienter moderamen accipere nemo in se sentit, neque quisquam probare potest. Huius naturae dico esse insignes in conseruanda & restituenda sanitate vires, quod peculiari de illis dissertatione solide praeter alios demonstraui medicus excellens, multis mihi nominibus parentis instar venerandus *Brandanus Meibomius*, qui & alia dissertatione aduersus animae potentiam ad restituendam sanitatem docte disputauit. Addant vero illi, quam diximus, naturae nostrae, si sufficiens haud videatur, alii archeum, alii occultam animae rationalis sensibilitatem, atque vim, sine nostra conscientia, sciendi, aestimandi, agendi. Nolo contradicere, si ita lubet. Ille tamen spiritus, illa anima, si qua sit eiusmodi vi instructa, tamen tum propter res corporeas quam plurimas, quae in ipsius potestate non sunt, tum propter sua pathemata, suam ignorantiam, (quamuis scientia mirabilis, quasi intuitiua, ex statu innocentiae & geniorum natura arcessita, gratis tribuatur) facile & aberrare & labascere posset. Remedium itaque, quod naturae subueniat, & ipsius molimina erronea corrigat, corporeaue vitia auertat, omnino optandum est, neque, ubi inuentum est, damnandum, sed, datis per signa indicationibus, experiendum caute, & contra abusus munendum. Nos naturam saepe sponte sanare, vel sanationem iuuare, per ipsam structurae, motuumque, etiam febrilium, & proportionum rationem physicam, cum omnibus medicis agnoscimus; errare vero, vel labascere, & medicinae moderamine indigere, in febrim, aliorumque morborum motibus, fateamur necesse est, quando sponte, ex ipsa structurae, motuum, proportionum ratione physica; inutilis aegritudo, vel periculum quodcunque consequitur. Atque tunc ea mala non per naturae sapientiam, quam proprie vl-

lam esse non liquet, & quae erranti, qua tali, ne quidem affingi potest; sed per medicam artem, diuinum illud munus, perque opem medici, qui naturae & remediorum vires, & quo vsque illae se extendant, doctrina & experientia solida edidicerit, auerti, pro acquisitis artis progressibus posse ac debere, recte profecto arbitramur. Sapienter vero celeb. *Meibomius* in de naturae in restituenda sanitate viribus p. 34. "morborum, inquit, solutiones, quae arte
"ministra, siue interueniente artifice fiunt, etiam naturae opera censeri debent, & sic etiam solutiones naturales non male forsan vocari possunt; immo ipsa curatio morborum medica nihil aliud
"nobis esse videtur, quam naturae a medici prudentia adiuta & directa operatio: & p. 40. naturae motus quales sint respicere medicus debet, & nunc fraeno nunc stimulo vsus, nimios ac turbulentos pacare & cohibere, languidos promouere, insufficientes supplere, aberrantes a via in illam reducere, inordinatos ordinatos redere, imperfectos perfectos facere conabitur: coniunctis sic cum
"natura viribus operatur medicus." Comprehendunt ergo satis peritiores, quod censor non vult comprehendere vid. supra adducti auctores incliti, *Sydenhamius*, *Bergerus*, *Camerarius*, quibus addi potest *Tortus* in therapeutica speciali, vbique febres depurantes a noxiis discriminans, & saepe inutilem, saepe utilem, saepe necessarium corticis usum ostendens, item, si lubet, observationes nostrae sect. 2. §. 7. sqq. sect. 5. §. 8. 9. sect. 6. §. 1. 2. & innumeri alii medicorum libri. Piget fere in re clara amplius disputare, & sophismaticos censoris syllogismos operosius destruere, qui sponte iam corruunt.

§. XXI.

Methodus adhibendi distincta.

Quam frustra pag. 29. generaliter, post factam fugitiuo oculo lectionem, dicat, methodum mihi consuetam esse, vt statim in principio, nulla expectata coctione, vel praeparatione ad excretionem, corticem exhibeam, patet cuius, qui attente legerit, quam caute & distincte ea in re procedendum doceam Sect. II. §. VI. not. h. ibid.

ibid. §. VII. not. k. l. Sect. III. §. II. Sect. IV. §. III. Sect. V. §. IV. sqq. & patebit longe vberius ex opere, quod de febribus molimur, ampliori. In obseruationibus enim illis, quamuis cetera quoque clare docuerim, potissimum tamen problema de febribus subito periculosis, corticis opem exposcentibus, respicere debui, in quibus longas, expectationes sibi proponere absurdum foret, quia, vt *Lancisius* de noxiis palud. effluu. p. 308. de eiusmodi febricitantibus ibique procrastinato corticis vsu dicit, "non aegrotum, sed "resolutos paene illius cineres curandos susciperes., In istis casibus merito attenditur, laudatum a b. *Stifferso* in febrium confid. noua monitum *Palingenii*:

*cito curam adhibe, tenuis dum morbus adhuc non
Assumfit vires, nec inest penetrabilis hostis!
Ignis ab exigua nascens extinguitur vnda:
Sed postquam creuit, volitantque ad sidera flammae,
Vix putei, fontes, flumini succurrere possunt.*

Quando ergo citiori methodo sine expectatione opus est, quam censor naturae aemulam non credit, nempe quando nulla longioris praeparationis expectationisque genuina indicatio adest, & periculi metus vrget, tunc febricitantem hominis aegri naturam superstitiose colere nolo. Vniuersae potius naturae, quatenus ad humanam referri debet, atque adeo medicamentorum etiam vim & indolem complectitur, ministrum me profiteor, atque illius thesauros, in labantis naturae humanae subsidium natos, arcesso, & hanc, facta, ubi opus est, praeparatione, ac dato medicamine efficaci quod ipsum coctionem materiae euacuationemque praestat, & naturae robur addit, in rectum tramitem quam primum reuoco, sanamque factam, & suas functiones, sine noxia perturbatione, recte peragentem, vel sibi relinquo, vel iusto tramite progredientem, si opus est, minister adiuuo. Perlegi meretur elegans b. *Bohnii* dissert. de praematuriori intermittentium fuga saepe falso suspecta. Pertinet eodem, quod ill. *Bergerus* de inflammat. pag. 31. experientissimus profatur: "febrim intermittentium tutissimum pariter & fortissimum remedium est

“cortex Peruvianus, cuius usum qui principio illarum dissuadent,
 “aegrosque febre aliquamdiu vexandos censent, antequam illum
 “adhibeant, nihilo plus sapiunt iis, qui hydropis, febres illas exci-
 “pientis, culpam in eundem conferunt. Nam satis praeclara sua-
 “rum virium exempla prodidit in debellandis non solum novis, sed
 “etiam inueteratis, iisque cum oedematosis pedum tumoribus, &
 “aqua intercute febre collecta, coniunctis, itemque continuis ipsis,
 “nulla omnino vomitione, aut sanguinis missione, aliaue exinanitio-
 “ne sensibili adhibita, quarum aliam atque aliam interdum quidem
 “necessariam, saepiuscule autem inutilem ac perniciosam existima-
 “uerim.”

§. XXII.

Recto eius usu materia febris in corpore non cohibetur.

Quod deinde censor euidenter sequi dicit, id ego consequi omnino nego & pernego: si febris, ait, est motus naturae, ad conseruationem corporis tendens, hic vero in primis statim initiis supprimatur, atque cohibeatur; omnem materiem in corpore febricitantis conclusam manere. Contrarium paullo ante adductis obseruationum locis clare demonstraui. Legat illa attentus, & quod nequit, refellat cum ratione & experientia, aut id faciat, quod suasi Sect. III. §. VIII. not. h. quodque omni disputatione praestantius erit: rite experiatur, & probet! Ipse iam fatetur, falsam fore suam consequentiam, si vim alterantem, humoresquae praeparantem, & praeparatione peracta, euacuantem in cortice esse, euietum fuerit. Eui-ci vero rationibus in experientia propria & summorum virorum, quam allegaui, fundatis, passim, & praesertim Sect. V. §. VIII. not. k. l. m. n. o. p. q. Respondeat contra istam experientiam, hoc est, oculis clausis lucem & colores neget, non expertus, neque experiri volens, immo alios ab experientia prohibens censor! cui ista, quorum praecipuam partem omittit, dum nihil plene excerpit, miracula videntur, quae experientibus quotidiana sunt. Quod de saluatione critica notaui, non meum experimentum, sed *Helwigianum* esse dixi. Exstat aliud saluationis criticae a quartana exemplum in

histor.

histor. morb. Vratisl. p. 224. Cetera his oculis vidi. Si ab istis omnibus etiam recessero, quae ad sensibus obuias subitasque excretionis criticas, a cortice euenientes, pertinentia ostendi, sufficere vel solum potest, quod subiunxi & probaui: ab adaequato iustoque eius usu "colorem, vigorem, appetitum, & integram redire sanitatem,, (1). Haec vero signa sunt certissima restitutae perspirationis insensibilis, & motus tonici; & aequilibrui naturalis, quo facto deinde omnes excretiones rite procedunt. Atque adeo, si non *αἰσῶς*, subita, *αὐτοῖς* tamen morbi, & lentior morbidae materiae eiection, blande a cortice sequetur, vel medicina alia facile praestari poterit, quod l. c. vberius deduxi. Varietas effectuum ab vno eodemque remedio, si, vt innuit censor, imposturam arguit, accuset oportet imposturae pilulas *Becherianas*, ipsius scholae acceptissimas, & sexcenta alia, & naturam ipsam, & laudatissimam suam febrem, quae indole & effectibus Proteus est. Frustra ad speculationes de modo operandi in corpore viuo delabitur censura, qua de re mihi ibi sermo non est, qui de factis expertis, & de obseruata efficacia remedii loquor, quae, pro vario corporis habitu, diuerso modo salubris est. Natura sapiens an mechanica remedio roborata, an ipsae etiam magna ex parte particulae remedii, eos effectus, partim specificè materiam febrilem alterantes, partim, pro materiae nisu, & viarum *διαφορῶν*, euacuantes, partim fibris & humoribus tonum & crassum reddentes, seruantesque, praestent, perinde est, dum modo ea fiant, quae fieri, si quid est in arte nostra certum, recte administratis omnibus, certissimum est, quod experientes sciunt.

§. XXIII.

(1) Noto obiter, dissertationem de febre quartana *Albinianam*, ex qua haec ipsa verba l. c. excerpti, auctorem agnoscere respondentem b. D. J. J. *Chüdenium* Soltquellensem, qui, doctrina eximius, magnoque in praxi applausu usus, praematuro fato, ex vomica pulmonum in Italico climi itinere contracta, decessit anno 1698. Accepi haec ex eius fratre, fautore meo honoratissimo, medico summo-

pere docto, experto, & boni publici studioso, D. *Christiano Friderico Chüden*, physico veteris Marchiae regio, auctore libri elegantissimi utilissimique, quo noua methodus ad atrophiam infantum, & causae medelaeque periculorum, quae puerperis accidunt, docentur. Sperat ab eodem res publica medica optatque continuationem actorum medicorum *Berolinensium*, quam promisit.

§. XXIII.

Modus agendi non plane perspectus.

Ingenue me confiteri, quod pag. 30. exprobrat censor, modum agendi generosi huius remedii artis peritis nondum satis esse perspectum, nequaquam pudet. Ea in re socios habeo, quicunque cautius pronuntiant. Si eius sententiae reus sum, confitentem me, ut ait, reum profiteor. Atque hoc ipso, tantum abest ut quicquam ipsi largiar, ut potius labefactetur omnis theoretica contra illud remedium disputatio. Hariolandum utique, quod nostrum verbum censor captat, id est, dubitanter coniiciendum in re tam recondata, neque scitu necessaria, & ad experientiae amissim ac ἀναλογίαν praxeos methodum ordinandam esse; non e tripode quasi Apollinis sententiam decretoriam, propter theorias de modo agendi imperfectas, pronuntiandam, recte profecto existimo. Quam apte talia ad haruspicum vanitates ablegat auctor, qui ipse nihil fere nisi coniecturas crepat theoricis, quas pro certis veritatibus liberaliter elargitur, & e quibus omnia, quae ad earum normam non quadrare ipsi videntur, experimenta aliena euidentia praeiudicat & condemnat! Haruspices vero veterum non scapham appellabant, quod ego feci, qui coniecturas coniecturas, experientiam experientiam vocavi; sed cerebri sui theoremata supersticioso populo propinabant, tamquam caelo delapsa, sacrosancta & indubitata. Quod si isti haruspices veteres, sese inuicem intuentes, risum, uti censor dicit, retinere vix posse, ob speculationum suarum vanitatem, Ciceroni visi sunt; numquid clarissimo disputatori, sique aliquis ipsius hypothesi addictus obuius fiat, eclecticus quisquam eminus acclamet: risum teneatis amici? ubi in mentem venerit, quod p. 12. ipse theoreticus curiosus de laude febris immerito suspecta indignatur: speculatores quosdam febrim pro morbo inepte declarare. Declarant sane aptissime communi & medico loquendi vsui, qui non speculantur, sed sentiunt pathemata febriculosa. Neque speculatione eam in rem opus est, quae, profecto adhiberi debet valde a sensu mali abstracta, si medicus ipse, dum febre laborat, hanc bonum opus ani-

animae suae, non morbum esse, persuadere sibi velit, quem omnia saecula, omnes populi id vocant, quo praeter naturam corpus affligi, & eius functiones laedi, sentimus. Medici vero genuini, nequaquam haruspices vani, licet exta sedulo considerent, dum intima humani corporis viscera, & penetralia materiae medicae, probe rimantur, teneritudinem partium, abditamque plurium subtilitatem mortalibus adhuc imperuestigabilem, & medicorum omnium iccirco in magna theoriae physicae, physiologicae, & pathologicae parte ignorantiam clare perspiciunt, & modum operandi remediorum plurimorum, praesertim specificorum quae audiunt, non plene intellectum, nec pro partium diuersitate satis determinatum esse, agnoscunt: quamuis in aliquibus propè ad scopum pertingere, & varia clare nosse, liceat. Quantumuis vero saepe magis minusue deficiat ista de modo agendi theoria, sufficit tamen regulas de recto usu, experientia perfecta stabilitas, praesto esse: v. qui hac in re plane nobiscum sentit. ill. *Stahlius* in *de alterantibus & specificis* p. 30. sqq. & 38. item de *lumbr. terr.* c. 2. p. 13. 14. Iungatur sectio *observ. nostr.* 6. §. 1. 2.

§. XXIV.

Monita circa coniecturas de modo agendi.

Quas ego de corticis modo operandi coniecturas feci, ex manifestis qualitatibus effectibusque sensui obuiis deductae sunt, & pro partium elementorumque ratione distinctae, nemini vero obtrusae. Isto coniecturae nomine ibi caute & sincere usus sum, dum inquirenda prius, quam decidatur, Sect. VI. §. I. enarrata, alii loco seruavi, vbi, quod dixi, ostendere conabor, quo usque ars in ea peruestigatione peruenerit. Observationes scribere, non, quod alibi facere propositum est, theoriam integramnectere, mens fuit. Coniecturas vero illas meas, quas, partim a censore omissas, Sect. VI. §. I. proposui, & ibi suo ordine legi cupio, iunctim volui sumendas, ut singulae istae virtutes, pro varietate partium remedii & corporis humani, cortici haud abnegentur. Neque vaga mihi est, uti censor imputat, opinatio, nec vagum illud *vel, vel*, quod inferat, vs-

I i i

quam

quam adscripsi. Neque finxi quicquam, aut commentus fui; sed, quae omnia ante me viri eximii, physico, chemico, medico examine nixi, itidem coniecerunt, indigitavi, & quod necessum esse arbitror, quodque longe curatius subtiliusque facere licuerit, distinxi. Quae de vasorum spermaticorum tono per id remedium roborato sigillatim monui, quaeque censor miratur, eo ipso, ut plura hic omittam, sat manifesta fiunt, quod de usu corticis in haemorrhagiis uteri saepe refraenandis, roborandisque aduersus abortionem gravidis, multorum auctorum testimonio, & vera experientia, euictum est. De vi balsamica in ipsis iam observationibus, pro re nata, satis disputauimus: sulfuri anodyno *Hombergiana* experimenta chemica cauerunt, ne quis, praeter censorem nostrum, vir doctus ad eius mentionem obstupescat. Conspirat eminentior aliorum medicaminum febrifugorum, praesertim amarorum, chamomillae, nucis moschatae, cascarillae virtus anodyna. Ostendi vero praecipue, quod potissimum volui, vim eius remedii, quod natura, ut solet, ex variarum partium miscela formauit, quoque tam singulares praeter omnibus aliis effectus praestantur, ad solam adstrictionem, praesertim nullo distinctam modo, aut ad partes corporis diuersas respectu, temere adstringi: quum longe latius medicamento proprietatem atque vim patere, & multas alias etiam qualitates ei inesse, partim ex diuersitate particularum, & effectuum experientia manifesta, partim coniecturis probabilibus inde collectis, & nulla demonstratione refutandis, probari queat. Apposite ill. *Bergerus* in de *inflammatione* p. 32. iudicat: "rationi conciliatur corticis efficacia, cum vis non minor aperiens & dissoluens ac dissipans in minima lentorem febrilem, quam corroborans, in ea insit: secus atque opinantur, qui obstructions inde, febres duplicatas, & cachexias metuunt, naturae tanti remedii ac usus, indolisque febrium ignari.", Coniectura mera est, & haud sufficiens, quod stringendo febres fuget, id quod in observationibus nostris, praesertim Sect. II. §. IV. not. k. Sect. VI. §. I. & indicatis ibi auctoribus pluribus, satis dedimus demonstratum. Adstringat vero, & agat adstringendo, quod & nobis videtur! non tamen nihil praeterea agit, nec id ipsum ita est com-

comparatum, ut vitio verti queat. Verissime vir profecto experientissimus, b. Jo. Carol. Spiessius, in progr. Helmstädiensi de *corticis Peruviani virtute & modo operandi*: “adstringendi, ait, virtus, quae communiter in cortice accusatur, non tanti est, ut inde aliquid noxae metui debeat. Secretiones naturales nequaquam impedit, sed potius promouet, sicut hoc rectissime notavit *Pitcairnius*. Enimvero, uti probe monet ill. *Hoffmannus* in de *februm intermitt. hypothesis*, §. 21. “non agit principio quodam styptico, sed blando, terrestri, leniter constringente, amaro, naturae & nervis amico elemento: dumque leniter constringit, simul ipsis fibrarum robur, motum, & elasticitatem foenerat, unde ad materiam inhaerentem extrudendam promptiores euadunt.” Id quod effectus probati abunde demonstrant, qui praesertim in exterminatione februm tam insigniter clari certique sunt, ut, cum ipsa materia harum indolesque nondum satis explorata sit, textura itidem ac mixtio elementorum remedii non satis perspecta, sed illi effectui singulariter accommodata, praeter manifestas, quae in sensus incidunt, particularum qualitates, omnino subesse videatur.

§. XXV.

De virtute febrifuga specifica, & de asyis ignorantiae medicae.

Hanc, specificae virtutis febrifugae titulo, quem pag. 31. censor carpit, cum summis viris, pro hoc remedio, de quo practicas observationes scripsi, sub ista explicatione, quam Sect. VI. §. II. exhibui, tantisper, donec theoria clarius explicata sit, appellare non dubitavi. Certum & specificum ea notione dicimus, quae medicamentis & mortalium rebus apta est, quorum singulis proportio ad res circumstantes limitem ponit. Quo sensu radix ialappae certo & specificè aluum, ipecacuanhae vomitum, cantharides urinam, hydrargyrus salivam cient, atque hic, cum guaiaco & sarfa, luen venereum sanat; eodem cortex Peruvianus, iusto loco, tempore, proportionem, cautionem usurpatus, febres ex genere intermittentium verarum certo & specificè penitus exterminat. Nihil ergo nobis

aduersatur cl. *Jacobaeus*, medicus Danus, qui in thes. miscellan. 1. 3. omnium remediorum efficaciam incertam esse, ob insignem temperamenti, victus, sexus, aetatis, climatis, tempestatum, animi pathematum, indolis morborum, aliarumque rerum diuersitatem, & ob mangonia pharmacopolarum, disputat, & corticem pariter adeo incertum in febribus intermittentibus remedium opinatur, vt specifi vix mereatur titulum. Probare hanc thesin nititur exemplo, quod in itinere studiorum caussa suscepto obseruauit, febris epidemiae Londinensis autumnalis & hibernae a. 1727. cum lumborum dolore, horrore, & mox sequente aestu, intermittens quidem, vti dicit, sed sine vlla regulari periodo anomalae (1). Hanc cortex, nescio an integre (2), suspendisse, sed, fortius post aliquot hebdomades regressam, debellare nullo modo potuisse perhibetur, quin magnus quotidie perierit aegrorum numerus, aut in tabem, hydro-pemue fuerit prolapsus. cl. *Jacobaeus*, tunc a paucis tempore Londini degens, viro cuidam eiusque coniugi ex ea febre laborantibus, aliter medicinam fecit. Maritum longo vsu infusarum cum aqua & vino albo herbar. absinth. centaur. min. millef. & rad. galangae; vxorem, enormiter cum febre vomentem, pulueribus tertia quaque hora datis ex rad. contray. drachma dimidia, lap. cancr. gr. XXVII. croc. gr. III. nitr. pur. gr. XII. interposito iulapio ex aqua & syrupo poeo-

(1) Quae nullam plane regularem periodum habent febres, licet intermittentes videantur, non tamen ex verarum intermittantium genere, certe solitario, neque corticis vsui opportuna esse solent. Subesse interdum vero obseruatoris error potest, vt duplices multiplicesque, vel etiam compositae febres pro plane irregularibus habeantur, quod cauemus attente obseruando morbi indolem epidemiam, singularemque, & considerando circuitum sibi inuicem respondentium rationem: vid. *obseru. nostr.* Sect. II. §. VII. Sect. IV. §. VII. Sect. VI. §. IV,

(2) Quod si etiam ex vero intermittantium genere sit febris, eoque solitario, cum nulla aliena composito, adeoque ad rectum corticis vsum opportuna, ea tamen in re potest peccari ad artificibus minus peritis, aegrisque morosis, sine culpa remedii, quod minus adaequate, quam pro methodo, hoc est, non ad plenam iuaminis integritatem vsque, adhibeatur. Hinc faciles noxae morbi ad pericula sponte prona. v. *obseru. nostr.* Sect. III. §. V. & VIII. Sect. V. §. VIII.

poeoniae & meconii, iunctisque conferuis amaris cum syrupo caryophyllorum, intra quatrimum sanitati restituit. v. *Journal des sçavans* 1732. Sept. pag. 47. sqq. & inde illustrentur, quae ex eodem diario breuiter excerpta in *nouis litter. Lips.* & inde in *commerc. litter. Norimb.* h. a. pag. 92. referuntur. Febris illa ex genere intermittentium verarum, certe solitario, praesertim in infelicibus istis reuersionibus, quae haud scio an iusta methodo praepediri potuissent (3), fuisse vix ac ne vix quidem videtur, vt omnino vsus corticis

(3) Non solum corticis vsus opportunus, & primariae febris adaequatus, verum etiam iusta ad reuersiones praecauendas methodus requiritur, vbi indoles *inopropria* metuenda est. Quamuis enim saepe vel nulla, vel minus timenda, post cortice fugatam febrem, recidiua eueniat, est tamen, vbi spes apprime fallit, & regrediens morbus vel multis molestiis, vel chronicis acutisque periculis aegrotos expositos reddit. Exemplum insigne de statu epidemio periculoso, reuersionibus eiusmodi febrium intermittentium obnoxio v. in *eph. cur. nouiss.* vol. I. pag. 465. sqq. Iterum igitur moneo, qui nostra methodo, & corticis ad febres vsu opus habent, ne negligant regulas, vt 1) non prius ab vsu cessent, quam obtenta integra sanitate; tunc vero 2) continuare praeter necessitatem nolint; (v. *obseru. nostr.* Sect. III. §. IX. Sect. IV. §. I. ac 3) vt in tertiano febris genere simplici, duplici, multiplici, post vnus; in quartano autem, & rariori quotidiano vero, post duarum hebdomadum intercapedinem, per vnā hebdomadem integram idem medicamentum aequae efficaciter, ac prius, repetant: quo facto certe reuersiones praecaueri obseruatum est, noxasque inde me-

tuendas penitus praepediri. v. *obseru. nostr. tota sectione quinta*, item pag. 124. 379. seqq. Medicos clinicos sinceros iterum hac occasione rogamus, vt obseruationes ibi propositas de tempore reuersionum vel motionum recidiuarum expectandarum, ex morbi natura, periodice ordinato, methodoque ad huius rationem mendi, attente in sua quoque praxi considerent, & pro communi utilitate, sua obseruata itidem edant, aut nobiscum communicent. Nobis veritas rei indies magis magisque experientia propria alienaque firmatur. Gratias agimus viris praeclaris, qui hanc sigillatim, de reuersionibus praenoscendis & praecauendis, practicam obseruationem suis concordibus experimentis, in commune nobiscum beneuole collatis, iamiam corroborarunt: quos inter cl. *D. Gladbachius*, medicus Moeno-Francofurtensis egregius, cui ante aliquot iam annos notatio illa methodusque nostra, ante editum librum, transmissa fuit, ad fratrem suum germanum, chirurgum hic regium primum, litteratissimum, quem amicitiae causa nomen, nuper scripsit, sibi, & experientissimo *D. von der Lahr* certam eius rei veritatem non ab eo solum tempore indies experiendo eluxisse,

cis ibi non fuerit opportunus, adeoque certus specificusque esse minime potuerit. Vid. paria omnino in *obseru. nostris* Sect. II. §. V. & auctoribus pluribus ibi nota (d) adductis. Vellem tamen historiam febris epidemiae istius, methodorumque iuuantium vel secus, vberiore, a medico, qui clinicam popularemque praxin ibi tunc exercuerit, descriptam adesse. Tunc clarius morbi vel methodi vitia, & remedii in illo vires ac defectus, elucerent. “Neque vero (quod cum b. *Bohnio* de *praematura febr. interm. fuga suspecta* p. 22. dicere licet) “diffiteor, experientia conuictus, cunctas febrium intermittentium haud aequae facile cortici illi cedere, vt vt circa administrationem & vsum eius se omnia recte habeant, si nimirum vel contumacior hoc impediat cacochymia, seu cruditas abundantia, praua diaeta, aut constitutio aeris epidemica singularis: quale quid, quum pariter deprehendamus sub aliorum remediorum, alias satis efficacium, vfu, nec eius virtuti ac nobilitati aliquid detrahere valebunt hae circumstantiae., Talia ergo certae iusti vsus efficaciae nihil derogant, neque, genuina ac pro regulis nostris limitata notione, specifici titulum, quippe huic remedio, si cui alii, debitum, demere queunt. Requiritur vero vsus rectus, tempestiuus, efficax, adaequatus, qui, si quacunque in re deficiat, remedium ipsum suo iure specificum esse non desinit. Nomen hoc asylum ignorantiae humanae physicae theoreticae, non medicae practicae, esse dixi, & iterum iterumque dicere, & meam, quae communis est, & in praxi plane non nocet, ignorantiam sine ambage profiteri, nullus dubito. Vera sunt verba *Welschii*, *obseru. propr.* dec.

sed &, priores praxeos suae observationes memoria recolendo, clare repertum, rem ita plane, vti dicto loco adnotauimus, cum febrium reuersionibus se perpetuo habuisse. Ita vero est, & nos ista nostra methodo adhuc semper praecaueri, tum tertianarum, tum, quod minus ordinato vfu, licet copiosissimo, saepius non fieri solet, quartanarum reuersiones, & molimina recidiua, ita

extingui obseruamus, vt plena & constans sanitas impetretur. Praevertuntur ita pericula & noxae morbi ad reditum proni, imino & ipse nimis longus taediosusque remedii vsus, cuius exemplum habet cl. *Lanzonus*, *eph. curios.* l. c. vbi propter reuersionum non praepeditarum frequentiam quidam plures libras pulueris corticis sensim deuorasse narratur.

dec. 10. conf. 10. "Natiua haec est mentis imbecillitas humanae, quam omnibus communem nemo non sentit; quo quisque tamen est indoctior aut arrogantior, minus agnoscit, quo magis ingenuus aut prudens, promptius fatetur., Sequor ergo ea in re cordatos medicos fere omnes, immo inter hos ipsum, quem magistrum suum censor venerari debet, ill. *Stahlium* imitor, de quo celeb. *Fürstenau*, desiderat. medic. p. 364. dicit: "iustam habuit causam doctissimus *Stahlius* de dysenteria, determinatam illam in canalem intestinorum energiam, quae in purgantibus, ipsaque visitur dysenteria, αἰσθητον τι appellandi: *Paulus* vero *Ammannus* ingenue, ut solet, paraenes. ad disc. p. 329. quaestionem de modo operandi purgantium, ut & aliorum medicamentorum, indeterminabilem pronuntiat. De modo vero ut sit, & operandi ratione, hisce fortasse absque singulari careremus incommodo., Inter ipsos vero, qui sese principiis *Stahlianis* addicunt, cl. *Storchius*, cuius libris, si ab ipsius illustris magistri operibus, & historiis annalibusque Vratislaviensibus recessero, vix quicquam practica utilitate par ex ista schola sese mihi obtulit, in notis ad *Stahlii collegium practicum*. edit. 2. pag. 1033. "corticem Peruvianum, ait, non sola vi adstrictoria, sed tamquam medicamentum specificum, febres cohibere confido. De eo autem, qua proprie in re specifica virtus consistat, responsionem expectabo illorum, qui specifica antepileptica & antispasmodica reiicere nequeunt., Haec vero sese possidere ipse illustr. *Stahlius* laudat, & praedicant sectatores, aegrique curati haud pauci. Quum autem in ista nostra confessione, de modo agendi non satis explicato, sed specifico, se inuenisse putet censor, non, quod pueri in faba, laetiores personam induit, & incipit iocari, vehementem dolorem comice affectans, quod *Molerii* comoedi tempore ego non scripserim, forte ne naenias quasdam hodiernas refellere iam possim. Ab illo nempe eleganti, sed hyperbolico, & risum populi captante irrisore medicinae omnis, in comico examine, indocto candidato propositam quaestionem (cur opium facit dormire?) addita responsione, (quia habet vim dormitiuam) cum hac, paene omnium medicorum more recepta, appellatione virtutis spec-

cificae febrifugae comparat. Euge quam belle ioco comico epiphonema illud censor subiungit: ex vnge leonem! nempe quia eodem primam vnguiculam artis contra experientiam obloquendi, & ratiocinandi, a mutilo ad perfectum, a particulari ad vniuersale, ex ipsius dissertatione de vsu corticis recto noxio, per omnia talem artem spirante, decerptam, ego primum condecoraram in obseru. de febribus Sect. II. §. VI. nota (h). Scilicet virtutem adstringentem, ad ipsius censoris modum, vnice allegare difficilior forte fuisset, & doctius, & rei enodandae magis aptum! Huius vero ego eruditionis, si diis placet, quae vulgo hodie indocto passim vno verbo instillatur, me non ignarum esse iam ostenderam, adstrictionisque, & plurium aliarum rerum aequae clararum, mentionem sufficienter feceram inter coniecturas, & qualitates corticis manifestas, quae ad illam vim febrifugam explicandam non sufficiunt. Vereor autem, ne illud ad animam naturam, febres omnes, omnia symptomata, intentione semper sapienti & salutari, excitantem, perpetuum refugium, (quod a doctiore praeceptore non ita praemonstratum est, neque praemonstrari pro rerum natura debuit,) medicum vel potius medicastrum non vnum, comico illi similem, hoc est, sine labore & studio fungi instar natum, facile in sua castra recipiat: qui deinde, limitum indoctus, omnem exin artem praeiudicet, isto gloriosus theoremate, in isto solo, facilibusque sine limite consequentiis, theoriam omnem; in libello vernaculo practico, forte b. *Weisbachii*, aut simili, omnem praxin secum portare sibi visus. Quot & quanta hic ignorantiae nocentissimae asyla quaeret! Cauent arti a talibus professores, cuicunque theoriae addicti, qui iustos, ex doctrina & experientia antiqua & noua, theorematum experimentorumque laudi & vituperio limites tribuunt, & primum *Hippocratis* aphorismum sedulo discipulis inculcant. Sed haec obiter. Vide, si placet, quae eam in rem de abusu indocto theoriae organicae, docto & limitato vsu haud culpandae, monet celeberr. *Stentzelius* in *de glandularum in plurimis visceribus absentia* §. 23. Grauior certe est, quam ista ignoratio modi agendi, ignorantia doctrinae de febribus inutilibus & nociuis, & de potiori earum medela, iustaque me-

methodo hanc adhibendi, quam inscientiam qui habent, immo & lubentes affectant, & thesauri instar fouent, ad expectationis inutilis, remediorumque nihil aut nil certi agentium, immo saepe noxiorum, asyla confugiunt, quae alii rectiora edocti merito auersantur. Est & talibus asylum ignorantiae politicum, Macchiauello medico dignum, quod b. *Stifferus in febr. consider. noua* pag. 101. describit: "credo iam, ait, superciliose haec contemnere, & in me dirigere "tela medicos, quorum phantasma pro piaculo habet curare febres, "ne hydrops, paralytis, phthisis, aliique morbi chronici grauiore "subsequantur; (docet autem eosdem non curatis febribus accedere, cum pedissequa morte, sub cura ipsorum contradicentium) "satius "vero esse & sanitati magis conducibile, aegrum a febre aliquamdiu "diuexari & labefactari; quemadmodum indoctis, & muliercularum quarundam otium sequentium credulitati firmiter inculcant, "quo, illarum loquacitate, ignorantiae suae patrocinium adipiscantur., Alia item ignorantiae asyla, ad quae confugere mihi non placet, culpauit in dissertatione de *medicina sectae methodicae veteris eiusque usu & abusu* p. 18. sq. ubi de hypothesebus; alia rursus accusat laudatus *Stenzelius* in disquisitione de *asylis ignorantiae in chirurgia & medicina usitatis*, & in *de naturae Stahlianæ in chirurgia impotentia*, in quibus vindicandis habebit censor, quod labores. Oleum enim & operam aduersus me disputando sese perdere, haud inepte dicit.

§. XXVI.

Oleum & opera perdit.

Exhibui Sect. V. §. II. catalogum sat longum partis alicuius celebratissimorum virorum, qui experti nobiscum sentiunt, quorum plurimi medicinam & docuerunt & fecerunt, quod & ipsi mihi propositum fuit, aut etiamnum faciunt docentque: neque vero usquam dixi, aut vnquam reputavi, quod sibi spectrum impugnandum (p. 32.) sumit censor, pari id applausu fieri non posse. Attamen certum est, si qua sit cathedra, quae rationis & experientiae limites negligat; quae siue hypotheses suas theoricæ, siue particularem

experientiam, vel aientem, vel praecipue etiam negantem, pro praxeos vniuersae norma discenti iuventuti obtrudat; quae sibi probatarum rerum laudes, improbatarum vituperia, vltra modum profundat; quae efficacium, & recto vsu innocuarum medelarum metu horrifico immo vel interdictis, loco limitati inter vsum & abusum discriminis discipulorum imbuat animos; certum, inquam, est, nimium tunc fore inter hos, si a cathedrae subsellis recedant, & inter medicos vere clinicos differentiae. Si qui ita docti forsan sint, & deinde ad praxin, praesertim copiosiore, ad ipsos aegrorum lectos, inter morborum Proteos, & personarum, locorum, temporum diuersitates innumerabiles, accedant; quam haerebit aqua! quae, si scholae suae sensu nimium sibi placeant, asyla quaerent! quot denique & quantas exceptiones practicas a cathedrae suae regulis, sensim sensimque, lectione, meditatione, experientia potiora edocti, candidi, neque amplius praeiudicantes, agnoscent atque acceptabunt! Mallent tunc aliter didicisse prius, quam ad propriam praxin deuenissent. Cauebunt talia professores prudentes: neque, subito conditis aphorismis haud limitatis, oleum & operam perdent, id docendo ex cathedra, cui praxis contradicat. Sed haec per transennam dicta sunt. Praeuidere se dicit censor, obiectum iri, quod ego aliquo dudum merito obieci: non nisi expertum rite iudicare posse, id est oleum operamque perdere, qui nil nisi hypotheses & alienos abusus obiciat. Scimus vero legitime experientem quemuis, & vitia, quae ipsi cauere docemus, omittentem, consensurum nobis esse. At, inquis, vestigia abutentium me terrent: felix, quem aliena pericula cautum faciunt. Terreare vestigiis, quibus & nos terremur, ideoque solliciti non nisi recte vtentium tramiti insistimus, neque quemlibet, sed rectum generosi medicaminis cuiuscunque vsum probamus; hoc vero, quod medico indignum foret, medicinam miserosque aegros priuare nolis! Sis cautus, quod & nos omni suademus modo; sed & temeritatem, infido morbo, quem sanare recte adhibita medela potes, nimis confidentem exuas! Inscitum est, quod censor reponit: "quid opus est dolosi medicaminis vires proprio Marte experiri?," Non dolosum medicamentum, sed fidum, quo omnino opus est,

est, quatenus tale, & innumeris experientissimorum viro-
 rum experimentis sat exploratum, & contra abusus limitatum est, innoxia imi-
 tatione experiri iubemus; aut saltem, si sibi soli sapere velit ignarus,
 alios aequè inexpertos, vanis sine experientia requisita dictis, aut
 conuiciis, abstergere ne studeat: quae quidem expertum & pruden-
 tem neminem absterrebunt. “Sufficere ad euincendam noxiam ef-
 ficaciam,” & ad omittendum sibi usum omnem remedii eius, mira-
 bili ratiocinatione affirmat, “quod multi, qui eo adhibito, certe per-
 uerse, seu febribus male curatis, male mulctati sint, aliorum sine
 cortice methodice curantium auxilia implorent.” Nullus perito-
 rum medicorum est, qui non plurimas febres sine cortice curare sci-
 at, nullus, cui talia, ex peruerso, usu omnis generis remediorum,
 & ex male, quocunque medicamine, curatis febribus, aliisque mor-
 bis, quotidie non obueniant exempla. Et medici & medicastrum er-
 rant in praestantissimorum medicamentorum praebitione, & implo-
 rantur alii medici, qui errores corrigant. Ergone quisquam adeo
 in iudicando praeceps esse, adeo omnem ratiocinandi artem pedi-
 bus proculcare debet, ut ipsam medicinam omnino omittendam, ip-
 sum rectum usum noxae conuictum proclamet, eoque plane sibi ali-
 isque interdicit? Hoc quia apud censorem valet ratiocinium, repro-
 bet oportet materiem medicam omnem, quantumcunque generosam
 & efficacem, immo aqua & igne interdicit, si qui forte miseri, flam-
 ma vel undis male mulctari, ipsius auxilium emendicent. Non ta-
 libus παραλογισμοις, sed vel analyticis argumentis in contrarium,
 quae non dantur, vel consensu pleno in aequas limitationes, & usu-
 um abusuque discrimina, quae nos urgemus, respondendum erat
 ad adductas observationes & experientias aientes, felices, innume-
 rabiles, tantorum, quos allegauimus, viro-
 rum; vel tacendum omni-
 no. At censor noster, postquam ea, quae hactenus refutauimus,
 σπερμολογων elocutus est, dumque a nostrorum censura ad suum fe-
 bris panegyricum reuertitur, quem nos non curamus, “oleum &
 operam perditurum se ait, si vanis talibus commentis vellet immo-
 rari.” Dignus censurae principio finis! Si observationes & expe-
 rientiam tot allegatorum testium, magnam partem viuentium, me-

dicorum sui saeculi principum, commenta vocare voluit, non eum tam impudentem credo, quin ob suum ipse effatum erubescat. In eum imposturae crimen quadraret, qui observationum commenta orbi obtruderet, & experientiam affirmaret, quae nulla esset. Sed commentum puto vocavit, quam ipse commentus sibi est, a nemine factam obiectionem, de qua dixi, quasi medicinam simul docere & facere incongruens esset: quam sententiam refutatione non indigere concedo. Neque vero refutationem, & aduersam disputationem, sed sinceram assensionem, merentur tot nostra, & luculenta ac insignia excellentissimorum, quos indicauimus, auctorum experimenta. Sane in hac controuersia de febribus & medela febrifuga, contra exploratas veritates disputando, oleum & operam perdidit censor perdetque. Perdidit item olim, ut alia iam taceam, cum corpus medicinae mutuum fingeret, ac resarciendum esse disputaret, per pharmaciae & chirurgiae exercitium, solis simul medicis demandandum, chirurgos & pharmacopoeos orbe exterminandos crepans: quam disputationem singulari libello refutauit cl. D. Stoer, fautor meus & amicus honorandus. Ut alibi operam melius colloquet disputator prius quam oleum lucernae deficiat, optamus.

§. XXVII.

Votum de licentia corticis usurpandi limitandum.

Denique alio denuo loco p. 35. ad me redit, innuitque, me *obseru.* Sect. III. §. VIII. not. i. contra ill. *Stahlii* mentem explicasse aliquod eius monitum. Simile fere huic esse videtur, quod *Spigelius* in *de semitertiana* pag. 38. habet, ubi pulueris Cornachini, tamquam remedii generosi, tunc nouiter inuenti, eiusque vsuum insignium, sed & abusuum, mentionem facit. "Tirones, inquit, praeticos monitos volo, ut veterum prius medendi normam sequantur; deinde, ubi in hac sese aliquamdiu exercuerint, etiam noua remedia, & quaedam meliora; cum fiducia usurpent., *Stahlius* in notis ad *Harueum* pag. 216. monet: "ut, qui febres aliis medelis tutis curare ignoret, is etiam a corticis vsu prohiberetur., Idem ego

ego optavi; sed simul, & recte profecto, quomodocunque illustris auctor intelligat, ita votum limitaui: vt, qui artem medicam probe non calleat, neque antiquae nouaeque eruditionis & experientiae penu instructus sit, atque inde sciat eas febres aliis remediis tutis curare, quae corticem, tamquam vnice certiolem, non necessario indicent, & sine eo satis tuto, celeriter, & iucunde, curare possint, ille etiam ab huius vsu prohibeatur, & ab aliis generosioribus medicinae praesidiis. “Vtinam, dixi, & adhuc opto, a potentum limitibus aura votis nostris secunda adspiraret!

§. XXVIII.

Allegata ex alienis erroribus experientia manca.

Ibidem censor meus vnicam adducit periodum, vbi mentio fit experimenti alicuius, de noxio corticis abusu, quem nos nunquam negauimus. Res vero neque noua nobis est, neque ex propria auctoris experientia, sed ex eodem, quem diximus, loco ad *Harueum*, de *arte cur. per expect.* neque ex ipsius illustris *Stahlii* testimonio, verum ex alterius medici cum altero litigantis imperfecta relatione, desumptum. Simultas medicorum inter se aemulantium impurus caussarum in observationibus eruendarum fons est. Res sic se habet. Medicus quidam practicus alicubi insurgebat contra chinchinae vsum, &, quod lubentissime credimus, integre constanterque suo consilio, methodo, & remediis curatorum ex tertiana & quartana febre aegrorum catalogum intra sesquiannum ad CC. producebat; “dimissis interea ex alterius medici manu, e numero paucioribus, plus quam XX. hecticis, oedematosis, quin actu asciticis, “spastico asthma oppreſſis, qui a febre in tales affectus prolapsi “fuerint, adeo vt potior eorum pars decesserit.” Huiusmodi rerum rationem inuenire est in experientia antiqua de omnis *ἀμεθοδίας* in febribus noxa, & in obseruat. nostr. Sect. II. §. VI. not. h. sect. 3. §. 8. sq. sect. 5. §. 7. sq. Solui istiusmodi syllogismos iubet censor: vt eadem formula obiectiones meas qualitercunque eludat, qua ego de aientibus, neque mutilis experimentis, merito vsus eram, obser-

uat. Sect. VI. §. I. quamque ipsi, vti alias nostras, imitari placuit: quasi in proprio stylo non haberet, quod, sine nostri imitatione, quam nobis gratulamur, regereret. Soluti vero illi eius pseudosyllogismi sunt dictis observationum locis, quae, fugituo tantum oculo perlustrans, neglexerit oportet, quum censuram praecipitaret. Catalogum illum curatorum febricitantium ducentorum non miror (1). Plures heic breuiori temporis spatio, sub epidemia febrium, curamus sine cortice, quoties isto opus non est (2). Recte b. *Bohnius*

p.

(1) Ad corticem Peruvianum, mutatis mutandis, recte applicantur, quae b. F. *Schraderus*, in *de venae sectionis usu & abusu in febribus* §. 7. eleganter, vt omnia suenit, effatus est: “etsi rebus ad votum fluentibus toties in febribus, cum internarum partium inflammatione coniunctis, venae sectio administrata fuerit, & prosperrimo effectu sequente, adhuc hodie a cordatis medicis, experientiae ratione suffultae tramiti insistentibus, administretur; nihilominus tamen, pudore amisso, confidenti lingua, oggannire audent non pauci, qui, sprete vulgari, quam appellant, methodo, tot perfanatos, pleuriticos tot angina correptos, aliosque innumeros recitant, quibus ne guttula quidem sanguinis stillauit. Sit vero ita, vt multi sine venae sectione fuerint sanati! inteliget sane quiuis prudens medicus, quando admitti debeat, & quando omitti illa possit; nec inutilem ac maledictam illam pronuntiabit, quae tot his morbis grauissime decumbentes liberauit. Ita sane se res cum cortice etiam Peruviano habet, & quamuis plurimae febres sine eo curentur haud rarae tamen vicissim sunt, vbi id dicere licet quod nuperrime in ephem. A. N. C. nouiss.

vol. 3. obs. 48. de febribus intermittentibus epidemiis Bononiensibus, vicissimae incolarum parti a 1729. funestis, cl. *Beccano* scriptore legimus: “aduersus has febres vnicum “in Peruviano cortice praesidium fuit. “Cetera omnia, si minus officere, at “certe non magnopere prodesse videntur.”

(2) Vt varias extra corticem iustas methodos, ac remedia plura in febribus non laudandis, neque naturae soli permittendis, feliciter nobis vsitata taceamus, multas sustulimus perfecte puluere febrifugo *Kergeri*, quo is statu endemio epidemioque felici, ultra mille tertianas, quartanas, aliasque febres sanauit, ex *ara* coralliis & crystallis tartari, in *obseru. nostris* Sect. II. §. IV. not. d. memorato, quem, a declinante accessione per quadrihorio ad drachmam dimidiam dedimus, continuauimusque pro re nata. Quod si censor noster non contentus fuerit his, quae de eo ibi puluere, eiusque auctore, viro praestantissimo, notauimus, sique nondum ipsi exempta est ista condolens admiratio, quam in de impostura corticis §. 5. indigno cum *σαρχασμα* exclamauit; adeat nepotem b. *Kergeri*, celeb. *Alischerum*, medicum Iauriensem, aui-

p. 22, in *de praematura febr. intermitt. fuga suspecta*, “habitus, ait, “caeli epidemia, (addo & endemia, & singulorum corporum) febrium “medelam aliquando eo vsque faciliat, vt leuioribus etiam remediis “soluantur, adeo vt quartanas quoque, vernaes pariter ac autuma- “les, obseruarim & ego, septem, immo quatuor periodis saepe nu- “mero absolutas ac sanatas fuisse, in primis sub constitutione epide- “mica annorum 1681 & 1691., Vbi vero febres inutiles, into- lerandae, noxiae, periculosae, alii methodo non bene cedunt, & naturae aliorumque remediorum vis labascit; tunc nos quidem inte- gre constanterque, methodico corticis vsu, candide a nobis propo- sito, medicamur. Quod ad alterius illius medici incusatum vitium attinet, quem eo remedio, nescio quomodo, vsu esse innuitur, ip- sum etiam prius auditum vellem: qui forsan, partim singulares re- rum causas & circumstantias enarrando, partim retorquendo, re- spondere potuisset, & pares omitti corticis noxas ostendere. Pono vero, male & infelicitur ipsum cum eo medicamine curasse, sua id culpa fecit, non remedii, ob ignoratam aut neglectam methodum, forte etiam ob ipsos censorum strepitus, minus recte, tempestiue, sufficienter, adaequate vsurpati. Ostendantur figillatim morborum historiae, & adhibita vtriusque methodus! tunc rei & causae veritas elu-

anitae famae aemulum vindicemque superstitem. Is sane, quod quidem l. c. irridens censor ab haeredibus ne- glectum condolet, dudum omnes aui loculos medicos, excussit, atque hoc ipsum, & alia inde remedia *ληξιπυρετα*, b. viro feliciter consueta, publici iu- ris candide fecit, in actis Vratislau. m. Jun. 1721. p. 649. seqq. Inter illa medicamenta cortex Peruvianus non est, quippe *Kergero* ignotus, praesertim a. 1649. quum pulueris supra dicti, dudum pro scopo digesti- uo cogniti, vsu febrifugum primo forte fortuna reperit, quo ipso anno in Italiam primum adlatus est cor- tex, Germaniae tunc, & sat diu post,

plane ignoratus. Egregio ergo *ἀνα- χρονισμῷ* l. c. censor dicit: “callide a *Kergero* (cuius librum aut non, aut fugitino oculo legit) “reticeri, an “pulvis ipsius febrifugus fuerit cor- “tex Peruvianus:, quod & ceterae circumstantiae satis refellant. Inte- rim ipse cl. *Alischerus*, licet aui re- media & praxin norit, in dissert. in- aug. de *febris quartanae tuta ac fe- lici curatione*, praeside ill. *Hoffman- no*, §. 14. corticem Peruvianum non solum vocat “laudatissimum & poly- “chrestum, & medicamentum re vera “diuinum; sed & omnibus antifebri- “libus haectenus notis palmam prae- “ripiens.,

elucescet. Vtrumque cum omissum sit, ecquid ex vaga illa accusatione colligi potest? immo quid vnquam contra nos potest, ex particularibus abusuum exemplis? Probe scio, & obseruat. de febr. Sect. III. §. VIII. monui, "multas esse febres, cum vel sine cortice tutas, quae, ἀμεσδες adhibitis remediis quibuscunque, cum vel sine cortice, indolem minus securam induant." Artificum ita errantium culpam arti ipsi recte medicandi imputare, vanissimum est. Subruat in perpetuum similia terricula ill. *Torti*, qui therap. special. p. 186. "quod si, inquit, aliquibus cortice perperam vel languidiuscule, doctique irregulari, aut prius quam, plus quamque deceat, imminuta ventibus, vel praescribentibus vbi non conueniat, ille non videatur proficere; non id in medicaminis, vel methodi meae vitium vertant, sed in culpam methodi suae, si quam habent, aut habere credunt. Si enim huic, quam protuli in eum finem, vt qui eam non satis callent, callere possint, fidem velint adhibere, eamque integre non renuant amplecti, feliciores procul dubio posthac curationes absoluent." Conf. obseruat. nostr. Sect. V. §. VII.

§ XXIX.

De argumentis a priori.

Argumenta a priori, pro vniuersali febris laude & damnatione corticis Peruuiani, deducta, admittere nos non velle queritur censor. Admitteremus, si to prius aut esset aliquod axioma, aut eiusmodi theorema, quod siue ex axiomatibus, siue ex experientia generali, vel saltem non nisi rarissimis exceptionibus obnoxia, eaque tamen ad modulum exceptionum limitata, rite fluat, sique consequentiae inde deductae analytica demonstratione cohaererent. Verum enim vero id, quod ipsi prius est, nihil est aliud, nisi theoria illa, ingeniose excogitata, & passim hodie varie expolita, qua anima rationalis ipsa hominis natura esse, atque, pro morali commodorum aut damnorum corpori imminentium aestimatione, motus tum sanos tum morbosos eligere, moderari, & ad iustos scopos, pro conseruanda aut depuranda corporea machina, cum salutari intentione dirigere.

rigere statuitur. Accedit theorema alterum, opinio de modo operandi, quod cortex nulla memorabili virtute, praeterquam adstrictione polleat, & huius praepotente contra animam, motus febriles spiritali potentia molientem, obstaculo febres prohibeat, instrumenta corporea ad has faciendas necessaria, tamquam capitis Medusae in cantamento, obrigescere iubens. Hasce vero theoricis sententias axiomata esse, aut ex vilo axiomate, vel experientia generali, per analyticam consecutionem demonstrari posse, nego omnimodo. Sunt manentque coniecturae, nunquam analytice demonstrandae, neque apud candidam posteritatem, aut quemquam sine praecepta opinione examinantem, aliud nomen merebuntur. Sint autem, si ita placet, verae! (quamvis nobis plurimisque aliis plane probabiles haud fiant) (1) iterum tamen affirmo, cuius affirmationis rationes supra, & in observationum libro, ostendi, ex ipsis illis theoricis hypothesebus suppositis nihil quicquam per iustas analyticasque conse-

(1) De primo eorum theorematum vid. *dissertatio nostra his animadversionibus, praefationis loco, praemissa*; de altero, praeter plures supra adductos, vir πολυμαθής & πρακτικώτατος b. *Wedelius*, in de austerorum & acerborum natura usu & abusu, pag. 24. "Si, ait, fateri volumus, quod res "est, non vna sola qualitas sapida "sufficit indicationi febrifugae: sed "composita magis, quali ex simplici- "bus omnibus praecellit cortex chi- "nae de china. Liceat nobis asserere, "esse in eodem, quod *Pergamenus* "de corticibus capparum affirmat, "leuem amaritiam, cum acrimonia "leui & acerbitate coniunctam. Fi- "xior enim est, vnde, a modo misce- "lae, ita aperit, vt adstringat simul; "ita motum inhibet, vt simul anni- "hilet fermentum acido biliosum, "quo compositionis & texturae mo- "dulo nullum addum aequale, ne-

"dum superius, inter plurima alia
"huc innotuit. Temperat enim, a-
"perit, roborat, & praecipitat fer-
"mentum febrile.," Nihil interest,
fermentum au aliter vocemus specifi-
cum illud *μασμα*, quod febres ex in-
termittentium genere, nativa sua in-
dole, inducit, & cui specificum hoc
medicamen in aduersum progenit
natura. Sufficit heic notasse, medicis
praecipuis plerisque, iisque non hy-
pothesium fauore, aut opinione theo-
rica, aut sola fere alienorum errorum
speculatione, proprio vero eius re-
medii usu vel nullo, vel imperfecto,
sed penitiori experientia ductis, pro-
bari id, quod nobis: corticis Perui-
ani rectum adaequatumque usum non
stringere solum aut coercere febriles
motus; sed ipsam insuper corrigere
materiem, ipsum morbi fontem de-
lere.

sequentias deduci posse, quod nostris regulis practicis aduersetur. Multo minus id ex iis hypothesibus, cum vlla apud aequos iudices veri specie, consequitur, quod censor tribus suis schediasmatis pro principio petiuit: "nihil nempe corticem nisi per imposturas agere; "ipsum rectum eius vsum esse noxium; & febrim sua indole, suis "motibus, nunquam nocere; sed semper laudabilem esse naturae sapientis conatum, nequaquam medicina febrifuga auertendum aut "cohibendum, dum haec solam, sine vlla bona consecutione, motus "stringendi vim in se habeat., Enormem illam sine limite laudationem febris satis haecenus subrutam, & intra suos terminos coarctatam esse, confido. Hac vero corridente, immo vel vlllo modo limitata, concidit simul vno ictu generalis illa remedii criminatio, quae sola generali illa laude nititur. Nam, licet ex adstringente vi sola virtutem corticis febrifugam deriuare velis; falsum tamen est, inde nihil boni, nihil nisi noxas & imposturas colligi posse. Haec ipsa enim vis, adstringendo motus sistens, ad noxiam vel inutilem febrim, sub naturae erroribus & imbecillitatibus, coercendam, requiri videbitur. Atque vel ex sola tonica adstrictione corroborationeque, coctioni ac euacuationi materiae praestandae apta, & ex consequente, per febris cessationem, natua oeconomiae tranquillitate, & feliciore tunc sperando naturae & medicinae successu, facile salutarem, sine imposturae crimine, efficaciam explicare poterit, si cui ratiociniis de modo agendi a priori rem placuerit absolvere, vbi experientia clara est.

Fabio vel iudice vincam (2).

Quicquid, ex quacunque theorica hypothesi, a priori pro laudanda febre argumenteris, manet tamen semper pro limitatione vel solum sufficiens, quod in *obseru. de febrib.* Sect. IV. §. II. scripsi: "ecquis "vero sponsor esse velit, naturae humanae vel sapientiam, si qua "proprie est, vel potentiam, & nisum spontaneum eo pertingere, vt nihil inconsuetis illis, & saepe, pro rerum circumstantium ratione, "ne,

(2) *Horatius* satyr. I. 2. add. *obseru. nostr.* Sect. V. §. IV. nota (a).

“ne, anomalis febrium motibus impotenter moliatur, aut moueat,
 “quod moueri non deberet, promoueri non possit.,” Manet, sub
 his aliisque limitationibus, sua recto medelae febrifugae, quantum-
 uis adstringentis, vsui utilitas atque necessitas. Magnum vero prae-
 terea limitationum, praecipue practicarum, numerum eodem libro
 ostendimus, quibus theoria *Stahliana*, aut alia quaecunque, neque
 potest aduersari, neque debet. Meri dialectici sophismatici, itaque
 hac in re sunt syllogismi censoris, a priori, ut dicitur, deducti.
 Etenim, si praemissae propositiones vniuersaliter & sine limite acci-
 piantur, falsissimae sunt, & sola negatione refutantur, nunquam de-
 monstrandae; si limites admittunt, (quos maximos plurimosque ad-
 mittere per experientiam debent) ecquid a particulari priori ad vni-
 uersale posterius, & contra aliud particulare sub limitatione compre-
 hensum, concludi potest? Reminiscatur velim, quae ipse cl. *Goeli-
 ckius* in prooemio dissertationis de *phlebotomiae in variolis usu & ab-
 usu* scripsit (3): “rationem sibi relictam admodum fallacem, & iu-
 “dicium, quod medicus de rebus, quae agenda ipsi incumbunt,
 “ferre debet, difficile esse: permulti insuper errores, illique pra-
 “ctici, in medium produci haud difficulter possunt, quos sola ratio,
 “fictionibus atque speculationibus suis nimium indulgens, infelici si-
 “dere parturiuit.,” Applicet haec ad suam de febris indole, deque
 modo, quo cortex operatur, theoriam, sine praeiudicata opinione,
 & errores suos in censenda aliena praxi, rationi & experientiae

CON-

(3) Varia in illa dissertatione sunt ob-
 seruata, quae commendari meren-
 tur, praesertim ipsa sat aequa limi-
 tatio inter vsum & abusum medelae
 generosae: quam inde laudo etiam
 in libro *de variolis*, quem praelo pa-
 ratum habeo. Cordate laudo aduer-
 sarium ipsum, ubi laudem meretur,
 sine ironia, quacum ille in sua febris
 laudatione vires ingenii mei non me-
 diocres esse iudicat, pag. 30. quae,
 quantulae sint cunque, ab ipsius iu-
 dicio nihil mutuatae sunt; & qua-

cum p. 31. me non postremum inter
 summos viros locum occupare dicit,
 apud quos quem ipse occupat non in-
 uideo. Neque ab eo laudari gestio
 qui febris laudi limitem nescit, neque
 censuram horreo illius, qui ipsos re-
 ctos medelae vsus censura vexare non
 erubescit. Igitur de limitandis sen-
 tentiarum censoris mei tum laudibus,
 tum censuris, aequiter per omnia se-
 cure sentio, limites, pro data occa-
 sione, vberius explicare ac confirma-
 re paratus, si his acquiescere nolit.

coniunctim congruente, agnoscat! quicquid etiam denuo forsitan aduersus nostra haec declamet, ne concessisse videatur, more eorum, quibus errorem agnouisse pudori est. Immo potius respondebit forte sibi ipse ad tres illas suas dissertationes, quas ludicras & exercitii causa scriptas dici nondum passus est: respondebit, inquam, per ea, quae repositurus esset, si quis, contra laudatam de *venae sectione in variolis* dissertationem insurgens, de *impostura venae sectionis*; de *eius usu noxio, licet recto*; & de *laudibus variolarum, plethorae, & symptomatum phlebotomiam urgentium falso suspectis* disputaret. Certe, talia si quis conscribillasset, neque ludicra dici pateretur, vanissima tamen ipse censor meus pronuntiaret. Sapienter, ut solet, *Hippocrates* in *praeceptionibus*, sub initium: “qui, inquit, tempus
 “& occasionem nouit, medicinam facere debet, non priori ratiocinationis persuasioni (λογισμῷ προτερον πιθανῷ) se applicans, sed vsui
 “cum ratione. Ratiocinatio enim est synthetica quaedam, seu ordinata composita, recordatio eorum, quae sensu percepta sunt. Sensus enim, ideis perceptis, primam de rebus obiectis perpeffionem suscepit, & ad intellectum transmisit. Hic autem, vbi frequenter recepit, quibus, quando, & quomodo (scilicet res euenerint, sensu docente) asseruatis hisce, & in sese repositis, recordationem sibi ordinauit. Collaudo igitur equidem quoque ratiocinationem, si (ἐκ περιπτωσιος) ex obseruationibus initium ducat, & ex phaenomenis ipsam deductionem methodo prosequatur. Quod si enim ab iis, quae manifeste percipiuntur, originem duxerit ratiocinium, tunc in intellectus potestate esse deprehendetur, qui ipse omnia ab aliis recipit. Sic igitur statuendum est, naturam a pluribus & omnibus generis rebus ita moueri ac doceri, ut vis ipsi inferatur., (βίη ὑπερστης, hoc est, perpeffiones ipsius actionesque, quamuis doctae hae & sapientes videantur, non a morali quadam aestimatione propria, sed a necessitate physica & mechanica diuinitus disposita, dependere) Intellectus vero, vbi res a natura accepit, sicut ante dixi, a posteriori ad veritatem deducit: sin contra non ab euidentibus factis, sed a persuadente rationis fictione accipiat, grauem faepe ac perniciosam affectionem inducit. Tales enimvero extra vi-

am

“am operantur., Huius priscae veraeque sapientiae medicae meminerint velim hypothesium veneratores, sed contemptores evidentis experientiae recta ratione applicatae, quam non habent, neque habere volunt, ratiociniis a priori sine aequo limite praeiudicantes, quibus nihil in medicina iudicari debet, nisi quatenus priori experientia posteriora sunt, & huic adaequate respondent, ut posteriori pariter rursus applicari queant.

§. XXX.

Conclusio de merito limitanda febris laude, & censura medelae febrifugae.

Valeat ergo censor cum ista generali laudatione & damnatione; valeat cum sua larua isti obducta, partim ex meris theoricis hypothesebus, partim ex naturae & febrium salubribus saepe effectibus, quos nemo negat, aut ex hominum erroribus, quibus omne remedium subiacet! Valeant omnes & sensu suo abundant, qui generalia interdicta medicaminum, tot aliis vtiliter vſitatorum, dictatoria cum auctoritate pronuntiant! Declamet *Paracelsus* cum sua schola contra Galenica, *Erastus* contra chemica remedia fere quaevis! Proſcribat *Gehema* *Helmontianus*, &, crudo libri titulo, crudelia homicidiorum medicorum instrumenta vocet, sanguinis missiones, vomitiones, purgationes, clysmata, reliqua! Detestetur *Patinus*, in *epistolis*, quemlibet aloes, opii, & antimonii vſum! Exsequias potui calido theae, ipsis diu superstiti futuro, parent, singulari de eius *vſu & abusu* dissertatione *Vitembergensi*, *Thilius* & *Kirchmaierus*! Explodat *Listerus*, in *itinere Gallico*, eam herbam vna cum fructu caſe, & ideo a prouidentia Europae data ludat, ut hominum genus nimis paſſim auctum ſenſim contabescendo extinguatur! Releget easdem merces *Simon Pauli*, in de *vſu & abusu tabaci & theae*, vna cum nicotiana & ſuccolata, ad natium quamque ſolum! Exterminare medica arte cogitauerit allegatus a modo dicto auctore *Renatus Moreau* duodecim medicamina, quae inter antimonium, thea & china china primas tenebant! Damnet omnimodo, peculiari libello, *Heinſius* lacteam

lacteam dietam; *Fernelius* in de *luis venercae curatione* mercurium; *Bontekoeus*, in de *acido & viscido*, acida quaevis: *Waldschmidius*, in *epistolis amoebaeis*, acidulas omnes, & potum frigidum quemcunque; quidam medici, apud *Schelhammerum* de *natura*, pag. 247. omnes operationes chirurgicas; observator aliquis in *annalibus Vratislaviensibus* cinnabarim, quam *pulchrum illud toxicum rubrum* vocat; alii alia, thermas, martialia, camphoram, castoreum, arnicam; exotica, domestica, calida, frigida, fixa, volatilia! & quid non? quod & vsui sit gnaris & abusu imperitis esse possit:

*At quanto meliora monet pugnantiaque istis
Diues opis natura suae, si tu modo recte
Dispensare velis, & non fugienda petendis
Immiscere. Tuo vitio rerum ne labores,
Nil referre putas? (2)*

Nae illi, etsi cetera bene meriti, in his artem artem (3), & medicum artificem genuinum esse, hoc est, hominum vitia a vitiis innocentis rei, vsus remedium ab abusu discernere, & generosas, quibus, deo dante, pollet, & saepe in naturae subsidium indiget, medelas possidere, nosse, moderari, vsurpare vetant: vsu rectum una cum noxio abusu, seu, uti in proverbio est, lotum infantem una cum inquinato balneo, in profluentem abiicere iubentes. Si quis medicus supra dictarum vetustiorum condemnationum unam, vel alteram, vel plures, uti non fieri nequit, erroneas esse agnoscat, & explodendas iudicet, ipse vero hodie eadem alicubi chorda oberret, is sibi ipse merito illud applicabit:

*- - - mutato nomine de te
Fabula narratur.*

mu-

(2) *Horatius* l. c.

(3) *Hippocrates* de *arte*: "non minus
"quae offenderunt, quam quae pro-
"fuerunt, artem esse comprobant.
"Siquidem haec, quod recte adhibita
"sint, profuerunt; illa vero ob in-

"commodum eorum vsu nocue-
"runt. Enimvero ubi rectum &
"prauum suis finibus circumscribi-
"tur, quis hoc artem esse non existi-
"met? Neque enim artis nomine ist-
"ud donandum existimo, in quo ne-
"que rectum, neque prauum inest."

Neque enim vnquam generali remedii cuiusquam, quod saepe vtile esse experientia testatur, damnatori vlli orbis medicus, vsum abusumque experiendo limitans candidaque posteritas applaudet. Ego vero, quemadmodum generatim medicinam, ob hominum vel opiniones theoreticas, vel dissensiones singulares, vel circa medicamentorum vsum errata, pauperiorem mihi reddi nolo; ita etiam materiam medicam febribus efficaciter medentem mutilari generoso subsidio non sino. Quantumcunque etiam naturae febricitantis, vel febriferæ, bona intentio prædicetur, & quantacunque sanitatis munera a febribus expectari queant, quæ ipse lubens accepto; attamen secure fidi non posse exploratum habeo:

timeo Danaos & dona ferentes, (4)

ac molimina omnia, vbi etiam ad bonum exitum collineare reor, haud sine rite moderata incendii & cladis formidine attendo. Ipse id suadere videtur ill. *Stahlius*, qui in principio dissertationis de *historia febris in genere*, & morbum eam esse fatetur corpori infensum, &, genere suo speciebusque omnibus, omnium familiarissimum, impetuosissimum, & euentus maxime dubii. Limites laudum ibidem insignes ponit §. 14. sed & alios plures ponendos esse, ex propria alienaque experientia, haud inficias ibit, spero. Tertianam vniuersum febris genium manifestare, ab eodem peculiari disputatione expositum est. Quam parum tutus vero genius ille saepissime sit quantopere salubritatis laudatio limitari mereatur, per observationes nostras, hasque animaduersiones, & per vtroque adductos omnium sæculorum nationumque observatores, abundanter comprobatum est. Recte *Bohnius*, in *de officio medici*, p. 171. “exspectatione, ait, frequentiores sunt, non modo febres tertianæ intermittentes, omnis periculi (in hominum quorundam opinione) expertes, quas nihilominus inopinato duplicari, & in continuas abire, ac enecare, mecum alii norunt; sed tales quoque, quæ sub indole tertianæ genuinae, (hoc est, legitimæ, ne quidem duplicatae,

(4) *Virgilius.*

“rae, aut in continuam mutatae) & in huius accessu, (id est, in paroxy-
 “simo tertianae legitimae,) eandem tragoediam agunt., Hanc ipsam
 rem propositum observationibus nostris problema, eiusque resolutio
 confirmat. Haud sine causa vel iccirco ill. *Bergerus*, in *de laude*
febris merito suspecta, postquam salubritatem febris tertianae legiti-
 mae & grauedinis dilaudauit, “sed malim, inquit, cum *Solenandro*
 “vtraque, vt affectibus praeternaturalibus, carere:., scilicet si, rite
 obseruatae, inutiles esse, vel vilo periculi acuti aut chronici signo me-
 tuendae, pro experientiae analogia, videantur, vti non nunquam
 esse constat; vel si par vtilitas medicatione minus molesta obtineri
 possit. Quanto vero magis ceterae, ne dicam quidem ex alio, sed
 vel ex solo intermittentium genere febres, tertianae sua sponte no-
 thae, extensae, multiplicatae, continuae, & quartanae quotidianae-
 que similes, limitatione laudum indigent?, quicquid etiam censor me-
 us de semper laudanda intentione ac voluntate naturae suae, seu ani-
 mae, audacter praedicet spondeatque (5), quasi arctam cum occul-

-ta

(5) Si quis lectorum sit, cui ista mira-
 bilis sine limite laudatio in mentem
 hominis, nativorum humanae natu-
 rae vitiorum, & affectuum in propri-
 am saepe noxam tendentium gnari
 cadere non potuisse videatur, legat
 velim ipsam dissertationem *de laude*
febris falso suspecta, quam quicum-
 que pro lusu ingenii habebit, indi-
 gnationem auctoris mecum incur-
 ret, eademque audiet, quae ego
 supra §. 11. 12. a me remoueri conui-
 cia. A, p. 32. ad finem vsque ni-
 hil agit, nisi vt, eundo per singula
 febrinum nomina generalia, inter-
 mittentium, continuarum, continen-
 tium, malignarum, inflammatoriarum,
 exanthematicarum, puerperalium,
 lentarum, hecticarum, curiose dispu-
 tet, naturam vbique melius artifice
 quouis motus sibi vtilis eligendos-
 que intelligere, “& febres, vt ait,

“omnes bonum laudabilemque sco-
 “pum sibi habere praefixum, ac saluta-
 “rem earum indolem, & naturae si-
 “nem intentionemque, satis super-
 “que comprobari, licet suo, quem
 “propositum sibi habet, scopo non
 “semper potiatur, vt proinde si desint
 “vires, conatus tamen omni modo
 “laudari mereantur., Concludit
 denique §. ultimo: “atque ita confi-
 “do me hoc pensum meum rite absol-
 “uisse, atque tam de feбри in genere
 “quam per singulas eius species eun-
 “do, satis demonstrasse, *intentionem*
“finem atque scopum in illis vbique bo-
“num, laudabilem, ac salubrem esse.,
 Demonstravit vero, si diis placet, ex
 hypothefibus non demonstratis; ex
 causarum, quibus motus febriles op-
 poni videntur, prauitate; ex succes-
 sibus horum felicibus; & ex medica-
 minum repugnantium noxis. Ne
 quis

ta illa intelligentia consuetudinem haberet, sciretque humanum esse, animam intellectu vel voluntate ἀναμαρτυρον habere. Neque vero, licet id ita se habere posse largiremur, de naturae intentione ita gloriandum fuerit, ut inde remedium aduersus malos bonae, si qua est, voluntatis effectus, praeiudicetur. Quasi vero vulneris auersio ac medicatio negligenda sit, quod praeter malam intentionem infligatur; quasi ab incendii periculo arcendi non sint, qui bono animo ignem accendunt! Aberrant certe a salubritatis scopo sponte facileque febres innumerabiles (6), & perinde tunc est, naturaene intelligentis

quis vero ita ab opinione ad naturam, a particulari ad vniuersale concludi iudicet, propediem spero talia per singulos febricitantium casus demonstrata dabit disputator: ut pateat, omnium hominum animas naturas ea pollere sapientia, quae recte aestimandis materiis motibusque febrilibus ubique sufficiat, nec vnquam intentione erret. O sanctas animas, Platonis re publica, & Mori Vtopia dignas! Mirum nī censor meus, *Molerii* comoedi lusuf amans, homines febricitantes singulos, per tot quae de animis ipsorum prae dicat miracula, cum isto medico comici inuito (*medecin malgré lui*) exclamare cogat: propriusne me sensus fefellerit, et medicus factus sim, ipse facti non conscius? (*Seroit-ce bien moi, qui me tromperois, & serois-je devenu medecin sans le savoir?*) Vereor tamen, ne rursus plerique febrientium, ubi ad propriae intelligentiae vires, suasque volitiones veras, serio attenderint, cum eodem medico coacto, increduli ex censore nostro eiusque opinionum fociis quaeritent: numquid vero vos, o boni, potius erratis? certumne bene est medicum me esse? (*Mais, Messieurs, ne vous*

trompés-vous point vous mêmes? est-il bien assuré, que je sois medecin?)

- - - *ridendo dicere verum*

Quid vetat?

(6) Nego mira illa generalia edicta, & negat mecum generis humani experientia, & rei ratio, quae censor pag. 33. sqq. iactat: “febres intermittentes omnes non tantum in se
“nihil fontici periculi inuoluere; sed
“& fomitem mali, cuius gratia suscipiebantur, potius consumere:
“quotidianas sibi relictas, vel congruis artificiis, sine medicatione
“febrifuga, adiutas, mali successus
“compotes non esse: tertianas quasvis post septimum paroxysmum
“sponte ut plurimum conquiescere,
“& efficacissime totius corporis salubritati prospicere: quartanas nihil eminentis periculi inuoluere,
“dummodo prauis medentium consiliis successus non perturbetur; immo rarissime per se oriri, sed ut plurimum tertianis, vel aliis intermittentibus male curatis, succedere:
“continuas & acutas raro salutari scopo excidere, & ut plurimum circa dies criticos salubriter solui, nisi

M m m

pa-

ligentis intentio erronea, an salutaris, sed mechanicas ob causas im-
potens, an mechanica necessitas sola errorem inducat,

iussu an sponte vagentur & errent.

Horat.

Neque enim natura proprie & directe moralibus adminiculis, sed
phyficis, ab errore impeditur ac reuocatur. Moraliū medicinae
auxiliorum longe alia ratio est. Quid ad nos occulta illa, si qua est,
animae voluntas, quae medici suasiones non audit? Obsequuntur
vero saepe motus morboſi, vndecunque profecti, corporeis artis
auxiliis, necessitate phyſica, quorum boni vel mali effectus non ab
insita quadam sine limite vi iuuandi aut nocendi, sed ab hominum v-
tentium vel abutentium scientia & arbitrio, dependet. Mirus ita-
que est censoris παραλογισμος, quo in de laude febris falso suspecta p.
34. exinde, quia “febres, peruersis artificiiis adstrictoriis in ataxias
“coniectae, variorum malorum fonticorum promicondi euadant,
“atque haec totidem quasi corpora delicti constituent, absolum fore
“colligit, multum disputare velle, an ex se & sua natura, an vero
“peruerſe tantum adhibitus, cortex sit nocius.” Dubitare de eo,
an plurimum intersit, numquid sanae rationi consonum fuerit? Ipsas
febres laude salubritatis saepe inde expectandae non priuo, licet
corpora delicti sui, suaeque materiae & motuum, spontanei, immen-
sum quot & quanta vbique gentium per omnia saecula exhibuerint.
Multo minus earum tutiorem medicinam laude merita priuari pati-
or, cuius vis sine hominum vsu vel abusu nulla concipi potest: li-
cet hominibus male abutentibus, vti quicquid fere in rerum natura
est, instrumentum fieri queat, quo delinquatur. Si clarissimus mor-

bi

“patientes errore commisso succes-
“sum turbauerint: exanthematicas;
“quascunque, si naturae soli relin-
“quantur, vt plurimum intra XIV.
“dierum spatium aegros plenissime
“sibi restitutos relinquere, & si non-
“nullis fatales sint, id intempestiuus
“pellentibus, vel regimini nimis ca-
“lido, vel similibus causis deberi.”

Quasi vero nullus sit naturae error,
nullum aliarum causarum vitium,
nullum in febrilibus motibus pericu-
lum arte medica curandum, nisi arte
ipsa, vel praua diaeta superinduca-
tur! Non patietur, puto, auctor ista
sua pro ludicris, vel exercitii causa
scriptis, accipi. Ex supino igitur
errore scripta sunt!

bi laudator remediique censor ignorauit inexpertus, aut fugitiuo oculo suo per opinionum velum non vidit, quae per propriam totque aliorum experientiam probauit; prouoco iam ab ipso praeiudicante ad iudicantem, a non experto ad experientem, a generalis regulae amatore incenso ad receptorem diuersitatum limitantium contemperatum, a speculatore alienorum abusum ad lectorem obseruatoremque vsus recti & adaequati. Reminiscetur spero *Hippocratis* in de arte dictum ingenuum: “medici, quae ipsi ignorant, ea falsa in arte esse ne opinentur!”, Cogitabit, quod illustr. *Torti* in *therap. special.* edit. anni 1732. p. 14. de talibus opinionibus, quales sibi hodieque aliqui, inuita clara experientia, seruant, merito effatur: “Huiusmodi equidem terriculamenta imaginaria circa vsum corticis facile condonarim *Chisletio*, *Plempio*, *Serponto*, *Magneno*, *Parauicino*, *Casato*; sicuti nimiam forte circumspeditionem suam censeo condonandam *Joann. Forti*, suam, vt leuissimam, cunctationem *Wilisio*, suam cautelam *Malpighio*, omnemque tandem trepidationem aliis quibuscunque magnis viris, qui vel tempore tantum primi aduentus & nascentis vsus huiusce febrifugi floruerunt, vel saltem nondum plenam experimentorum illius notionem habuere. At postquam, diuturna & crebra medentum experientia, utilis ac innocens illius operatio recepta est, nullus profecto amplius trepidationi aut haesitantiae locus potest superesse: nisi laruata sub specie panici timoris lateat peruicacia, & adeo adfueti sint medici vti remediis, quorum virtus creditur potius atque supponitur, quam dignoscitur, vt de hoc, cuius virtutem in omni sexu, aetate, temperamento, ac climate sensibilibiter tangunt, prae admiratione metuant (quasi foret aliquid in natura praestigiosum) ne quid mali, vel doli, subsit., Quod si vero bonus vir ab immodica febris laude & medelae censura posthac sibi temperare nihilominus non vult; refellat oportet experientiam plurimorum testium candidissimorum expertissimorumque, quam neganti, siue contra opponenti, incumbit *ἀντι-Στενω*s probatio, seu *ἀδυνάτων* id esse, quod alii sibi expertum affirmant: probet, contra ipsam euidentem experientiam aientem, nullas, aut etiam, si posthac forte aliquem limitem admiserit, non mul-

tas, pro temporum, locorum, personarum diuersitate, dari febres, ex ipso etiam intermittentium genere, quae sua sponte, suorum motuum violentia vel peruersitate, suae materiae prauitate, aut ad corpus aegrum, ceterasque res circumstantes habitu, & naturae errore vel imbecillitate, sine diaetae aut medelae culpa, inutiles, infidae, nociuae, perniciosae euadant: probet nullas, aut non multas esse harum, neque ceterarum, quae, praeter genuini medici consilium, regimine & medicatione peruersis turbatae, aliis quibusque extra corticis vsum remediis (7) frustra & perperam tententur; nullas aut non,

(7) De comparata vi aliorum remediorum febrifugorum vid. obseruat. nostr. Sect. 2. §. 3. 4. Sect. 5. §. 4. Sect. 6. §. 1. Proxime ad corticis Cinchinae virtutem accedere etiam perhibentur *aurantiorum cortices*, quos quidem nos, tamquam remedium innocuum, temperate tonicum, & ori ac stomacho gratum, in moderandis mensium haemorrhoidumque fluxibus immodicis, sed & moliminibus aberrantibus, & quibus ferre scopis millefolium a cl. *Stahlio* aliisque destinatur, feliciter aliquoties vsurpauimus, exemplum praeunte viro illustri, *Steigertahllo* nostro, consilario aulico & archiatro regio, fautore venerando. Imitati sumus formulas decocti apud *Septalium*, *animadu.* lib. 7. art. 144. *Riverium prax.* lib. 15. c. 3. *Hamiltonum de praxeos regulis* p. 14. praescriptas. In febribus vero quartanis aliquoties sine notabili successu praebuimus eorum corticum puluerem, quem ad eas insigniter laudat, & Gallorum quinquinam Americanae aemulam vocat, candidissimus *Dubens*, in *medecin des pauvres* p. 285. sqq. quo ipso loco tamen praestantiores corticis Peruuiani virtutes atque vsum

pauperibus suis ostendit. Experientiae vero vltiori, pro digestiuo, tonico, febrifugo scopo, commendandum id medicamen esse videtur, utique post notabiles obseruationes cl. *Franc. Mariae Nigrifolii*, quas ex eius libro, febris chinachinae expugnata, Ferrariae 1700. typis expresso, his in oris rariori, p. 276. sqq. huc excerpere liceat, ut aliorum eade re obseruationes efflagitemus. "Post corticem, inquit, Peruuianum, "cui vltro palmam deferimus, nullum adhuc mihi occurrit maioris "efficaciae, & cui potiori iure vera "febrifugi ratio conueniat, quam "aurantiorum cortex, cuius tanta est "efficacia in edomando febrili fermento, atque extirpandis febribus, "ut illum cortici Peruuiano parem "facere paene auferim. Non raro "enim contumaces febres atque rebelles, ipsique cortici Peruuiano "refractarias, huiusmodi cortice felicissime curatas vidi, & potissimum "summae efficaciae expertus sum in "illis febribus, quae vitio ventriculi, "& fluidorum, quae chylosin promouent, contingunt. Neque mirum, "quod febrifuga vi adeo efficaci poleat huiusmodi cortex, quando acida

non, multas, quae promptius certiusque aliquod medicamen ληξιπυ-
ρετον,

“da quaecunque extranea in corpore
“delitescunt potenter adeo emen-
“dat & exterminat, unde etiam ex
“ipso, in colicis & stranguriolis affe-
“ctionibus ab acido siluestri excita-
“tis, validissimum paratur remedium,
“vti notant *Ettmüllerus*, *Hoffman-*
“*nus*, & alii. Huiusce corticis vim
“febrifugam mihi primo indicauit
“doctissimus vir *D. Octavius Cap-*
“*pellus*, in hoc nostro Ferrariensi gy-
“mnasio lector & praxis medicae
“professor eximius. Factis exinde
“postea pluribus experimentis, tan-
“dem compertum habui, quod non
“solum in febribus chronicis, & ad
“longum tempus protractis, verum
“etiam in quibuscunque aliis feбри-
“bus, si potissimum de intermitten-
“tium genere fuerint, summae acti-
“uitatis est & efficaciae, & equidem
“raro admodum frustraneo euentu
“irritoque conatu vsus sum huius-
“modi cortice: cuius apud me varius
“fuit, & adhuc est vsus, pro varia
“februm indole atque natura, varia-
“que aegrotantium conditione atque
“natura. Sed quocunque modo in
“vsum ducatur, nunquam spem fal-
“lit euentus, nunquam eiusdem ef-
“ficaciam febris eludit: unde placet
“varios hic eiusdem in vsum ducen-
“di modos asserere, atque recensere.
“Possumus igitur vti, & de facto vti-
“mur quandoque, cortice adhuc re-
“centi, recenter scilicet a pomis de-
“tracto, vel eodem, iam exsiccatō,
“& in subtilissimum puluerem reda-
“cto. In primo casu, quando scili-
“cet recenti cortice vti placeat, seu
“expediat, accipiantur duo poma au-
“rantia, ab iisdem detrahatur cor-

“tex, (aurantia in tali casu eligantur
“probe matura) detractus cortex ab
“interiori pellicula alba mundetur,
“deinde in frustula diuidatur, & tan-
“dem in libris quatuor vini generosi
“illa frustula infundantur. Facta
“per horas XXIV infusione, per vi-
“ces exhibeatur vinum, ter saltem
“in die, ea prorsum ratione, atque
“iisdem adhibitis cautionibus, quas
“in exhibitione corticis Peruvianī
“obseruandas diximus. Dosis pro
“vnaquaque vice sit ad uncias quatu-
“or, donec febris curata fuerit. Sub-
“lata febre, ad praecauendum eius-
“dem reditum, rursus exhiberi pot-
“est, & sufficit, quod exhibeatur se-
“mel, vel bis in die. Si semel tan-
“tum exhibeatur, dosis sit ad uncias
“sex; si bis, ad uncias quatuor. Pot-
“est etiam infusio fieri in aqua, &
“potissimum cardui benedicti, cen-
“taurei, & similibus. Quod si cor-
“ticem iam exsiccatum vsurpare pla-
“ceat, hic in subtilissimum reduca-
“tur puluerem, eiusque uncia vna
“infundatur in libris tribus vini ge-
“nerosi per horas XXIV, seu etiam
“in aqua cardui benedicti: postea in-
“fusio in eadem dosi, vt supra, per
“partitas vices vsurpetur. Vel et-
“iam ex eodem puluere cum aliquo
“conuenienti syrupo fiat massa, ex
“qua boli parui, qui vel bis, vel ter
“in die exhibeantur, cum haustu vel
“vini generosi, vel aquae cardui be-
“nedicti. Dosis sit ad drachmam v-
“nam pro qualibet vice. Plurimi v-
“sus etiam est in febribus essentia
“corticis aurantiorum, ad aliquot
“guttas in fluido conuenienti exhi-
“bita. Tandem in febribus valde

πετρον, hoc est, corticem Peruvianum, periculi vel mali inutilis prom-
tius certiusque auertendi causa, indicare; sed illas omnes sine eo

ae-

“contumacibus, longiusque protra-
“ctis, plurimum confert vinum cor-
“ticibus aurantium alteratum, &
“pro potu ordinario in prandio &
“coena adhibitum. Praeter huius-
“modi cortices, aurantium scilicet
“& Peruvianum, plura alia e vege-
“tabilium familia fuerunt quaesita
“febrifuga, in quem finem, cum in
“celebri quadam academia plurima
“facta fuerint experimenta, tandem
“vis febrifuga deprehensa fuit in nu-
“cibus seu conis cupressus, uti no-
“tat eximia eruditionis vir, *Ale-*
““xander Pascolus Perusinus, in pa-
“tria vniuersitate ordinarius profes-
“sor, in suis observationibus practi-
“cis, quas addidit doctissimo suo de
“febris tractatui, ad leges geome-
“tricas, Cartesianorum systemati su-
“perstructo. Ibi enim non solum
“huiusce remedii efficaciam pro fe-
“bribus edomandis exponit, pluri-
“maque affert experimenta in hanc
“rem, a plurimis doctis viris habita;
“verum etiam docet, quomodo in
“vsum duci possit, ac debeat. Inquit
“igitur, quod huiusmodi nuges ad
“umbram exsiccatas atque in pulue-
“rem redactas vino infundi debent,
“quod per vices postea exhibeatur,
“ea prorsus ratione, qua infusio vel
“corticis Peruviani vel aurantium
“exhibetur: notat tamen, quod se-
“curior habetur effectus, si in forma
“solida exhibeantur, factis scilicet
“ex eodem pulvere bolis cum aliquo
“conuenienti syrupo, & in tali casu
“dimidiam exhibet pulveris drach-
“mam, horis quatuor ante cibum,
“addito postea largiori haustu vel

“brodii, vel aquae Nucerianae, aut
“hordeaceae. Concludit tandem,
“quod plurimum medicorum voto tu-
“tior atque felicitior habetur febrium
“curatio huiusce medicaminis vsu,
“quam habeatur cortice Peruviano
“exhibito. Reuera tamen, licet
“tantae sint efficaciae, pro curandis
“febris, & aurantium cortices,
“& nuges cupressus; adhuc tamen
“omnibus praestat cortex Peruvia-
“nus, eundemque caeteris omnibus
“huc vsque notis febrifugis praefe-
“rendum existimo, quando indiscri-
“minatim in omnibus febribus con-
“uenit, & febres quascunque, uti
“dicunt, humorales, a fluidorum sci-
“licet vitiosa diathesi ortas, infalli-
“biliter adeo sanat, & non in inter-
“mittentibus solum, aut etiam in
“contumacibus, sed & in acutis at-
“que continuis, uti vidimus, suas
“exerit vires: & *Richard. Morton*
“notat, quod febres continentes in-
“flammatoriae, aequae ac intermitten-
“tes, hac antidoto penitus, absque
“vlla reciduatione, quotidie euin-
“cuntur ac extinguuntur. Verum
“de hac re experimentum facere non-
“dum ausus fui. Iure merito igitur
“chinae chinae triumphum cecinit
“postremis hisce diebus doctissimus
“vir *Ansanus Franciscus de Hiero-*
““nymis, philosophus ac medicus Se-
“nensis, eruditissimo vulgato opus-
“culo de chinae chinae viribus & ef-
“ficacia in febribus edomandis. Ae-
“quum enim erat, quod, febre toti-
“es expugnata, chinae chinae littera-
“rius orbis triumphum caneret.,

Non-

aeque curari posse, vel dari aliam medicinam febricitantibus in sanitatem restituendis aeque expeditam & adaequatam: probet denique,

Nondum satis experientiae nobis de utroque illo remedio cortici Peruviano surrogato suppetit, ut alienas observationes regulasque iudicare fustineamus. Nunquam spem fallere cortices aurantiorum, neque febres, potissimum intermittentes, eorum efficaciam eludere affirmat clariss. *Nigrifolius*, immo superasse hos aliquarum vim, quae Peruviano resisterint; nihilo tamen minus hunc ipse multis elogiis praefert. Ita ergo illam aurantium laudem limitandam intelligere debet, ut saepius nec ita promte, nec ita perfecte febres tollant; licet sensim certe minuere, ac saepe sat cito penitusque superare videantur. Ipse vero, dum utrumque remedium ad omnes febres prodesse dicit, inflammantes tamen, continentes, & ex solidarum partium putredine vel induratione oriundas, haud obscure excipit: sed & aliae excipiendae sunt. v. *observat. nostr.* Sect. II. §. V. De *Mortoni*, quem cl. *Nigrifolius* memorat, usu corticis Cinchinae in febribus continetibus, error in nomine est. Continuae ex intermittenti-um genere periodicae intelliguntur. v. *observat. nostr.* l. c. De inflammantibus, ubi proprie non convenit, legatur ipsa candidissimi eius Angli pyretologia. Curavit eo remedio intermittentes vel remittentes inflammationem minantes, certe primo principio incipientes, & cum magna remissione adhuc clare periodicas, *συνηγας*, ex intermittenti-um genere degenerantes. Alioqui ipse in inflammatoriis corticem prohibet.

add. *observat. nostrae* l. c. & Sect. IV. §. III. not. d. Nuces cupressi clar. *Lanxonus* etiam cortici fere aequa-uerat, in *ephem. curiosorum*; hunc tamen deinceps praetulit in *iisdem noviss.* vol. 2. pag. 209. descripta *historia epidemiae Ferrariensi* febris ex intermittenti-um genere gravissimae & plurimis exitiosae: ubi sibi ipsi, in proprio etiam corpore, aliisque vfitatam chincinam, aliis cortices aurantium, aliis alia amara laudat, cupressi nuces plane silentio praetermittit. Adeo adhuc verum est, fa- tentibus viris candidis, qui vel maxime alia item extollunt, corticis Peruviani vim febrifugam ceteris, quae adhuc novimus, omnibus potiore esse. Haud diu est, quod cl. *Andriolus*, Carinthiae protophysicus, in *de febribus & morbis acutis* p. 127. remedia euacuantia perhibet certa fere febrifuga esse, pertinacissimasque febres quascunque, praecipuae quartanas, fugare: uti *Cornachinus* fere olim de pulvere suo, item *Klawnigius* de suo mercurio vitae caelesti, perhibuit. v. *observat. nostr.* Sect. VI. Epit. cris. not. k. & *act. med. Ber.* vol. 9. pag. 36. Laudatus *Andriolus*, si vna ante paroxysmum hora propinetur infusio croci metallorum cum vino ad unciam unam, raros esse scribit, qui tertia vel quarta dosi non sanentur, plurimos prima sanari: adeo ut ipse, huius artificii felicitate, refugium desperatorum febricitantium saluari penes plebem meruerit, quae turmatim ex vrbe & pagis ad ipsum iccirco confluat. Pro delicatis, pari fere successu, quinque post accessio-

nem

que, methodum a nobis descriptam, ritè & plene vsurpatam (8), id non

nem horis, bis vel ter, pulueris Cornachini drachmam dimidiam, cum mercurii dulcis granis XII. vel scrupulo, praeberi docet. Rationem, inter alias, curiosam, sed audacius & nimis late pronuntiatam superaddit: “quod si, inquit, forte fortunamateria quartanae ortum suum ducat a sero albo semel antecederet contaminato a lue venerea, prout saepissime contingere solet in hoc deprauato saeculo, in quo rari numerantur, qui contaminati non fuerint, tunc certissimam victoriam quartanae tibi promittere potes, quia mercurius est certissimus fugator huius pestiferæ veneris, quæ panthomorphos sub larua variorum morborum comparere solet.” Ipse tamen tum pag. 129. tum pag. 156. sqq. certiores præ omnibus aliis medelis methodisque corticis usum dilaudat, eundemque suæ vomitioni & purgationi subiungit, sed &, ubi ea non conuenit, (nam quis ubique conuenire putet?) ministrandum præcipit, præsertim in febribus continuis, vel ad pericula viriumque prostrationem pronis. De febribus, quæ cum omnis generis morbis infeliciter coniugari possunt, cum malo venereo etiam saepiuscule complicatis, & per mixtam, quum sua uterque affectus remedia specifica poscat, medicinam curandis, vid. *observ. nostræ* Sect. III. §. VIII. not. b. Ea quoque complicatione, aliisque, naturæ febricitantis vis secunda & salubris limitatur. Obiter moneo electuarium *Bierlingii*, ex huius thesauro practico, & *Lentilii iatromnematis* ibi a me laudatum, neutiquam ex cortice Peru-

uiano fieri, neque hunc ad mala venerea commendari, quod lectori cui-dam per errorem visum fuit; sed constare id electuarium, non febrifugum, sed per *παραβασιν* memoratum, antaphrodisiacum, ex rad. sarsæ vnciis tribus, ligni sancti vna, foliorum sennæ fescuncia, rhei drachmis duabus, seminis anisi drachma, quæ, in tenuem pollinem redacta, excipiuntur mellis despumati libra vna. Addidi, proportionis ponderum causa, drachmam corticum cassiafras, & ita, *electuarii mundificantis* titulo, in pharmacopœia nostra introduxi, unde a medicis & chirurgis, pro iustis scopis, præscribi iam saepe solet: egregium sane in affectibus sine febre veneris, aliisque impuritatibus, ubi lignorum, sarsæ, & cathartorum blandorum continuatus usus conuenit, medicamen, iuncto, si opus est, mercurio dulci, ad granum indies vnum vel alterum, aut quarta quaque die ad scrupulum circiter interpolito. Hunc ipsum, eodem observationum loco, *καλομελιτος* nomine indicaui, ubi item lectorum aliquis hæsitauit. *Απο μελιτος*, a melleæ dulcedinis metaphorica notione, aenigmatico chemiorum more, olim ita vocatus est; non, uti *ἀνεμηνισα* appellatione passim scribitur, calomelanos, quasi *απο μιλανος*, a nigro, dictus esset, quod neque in re, neque in nomine est.

(8) Nequaquam nostra in rei cardine differt ab aliorum præstantium virorum, quos adduxi, methodis; licet quilibet medicus in quouis fere medicamine aliquid sibi peculiare obseruet. Plerique omnes enim tum eosdem

non praestare, quod de ea toties experti affirmavimus. Probari ista nullo

dem opportunitatis vsusque tempestivi limites, tum efficacia adaequatque securitatem, vtilitatem, necessitatem agnoscunt, & praxi probant. Si quid aliquo modo singulare in nostris apparere queat, id in illa non noua, nec diuersa ab aliis, sed egregie conspirante, at accuratiori, interuallorum vsurpandae, pro praecauendis reuersionibus, medelae febri-fugae praescriptione esse videatur. Curiosiores vero illas de reuersionibus obseruationes, de quibus praecipue alienam experientiam, pro propriae confirmatione, illustratione, aut limitatione, mihi & orbi medico expetii, & iterum iterumque expeto, meae inuentioni, quasi primae nouaeque, neutiquam duxi tribuendas; sed, quamuis passim negligantur, vt ab ordinata methodo recedant artifices, aliis tamen multis, virisque summis, simili dudum practica ratione obseruatas demonstraui, & tutius certe salubriusque in vsum duci, quam omitti, per *obseruat. de febr.* sect. IV. integram, item Sect. V. §. I. & VIII. not. u. Sect. VIII. nota (a). vid. etiam supra harum animaduersionum §. XXV. Obseruatio, verbi causa, illa, quae quartanas cortice profligatas, si deinde a continuatione cesses, reuersionem neque prius, neque serius, quam tertia post cessationem hebdomade moliri, & facta tunc repetitione remedii iusta praepediri, nos docuit, vtilis vel maxime videtur, quum vix vnquam non moliantur, atque ita, nisi praecauere scias, *κακῶς* medici & medicamenti euadere possint. Illam vero obseruationem, aequae ac alteram de ter-

tianis per alternas hebdomades reditum molientibus, perque alternas repetito remedio sanandis, indies magis magisque per experientiam, & felices constantesque repetitionis nostrae methodicae successus, corroborari merito testor, & cum pluribus, praecipue testatur ill. *Hugo* noster, quotidie mecum experiens, quem ego

Arte duces studioque sequor, non passibus aequis.

Illam etiam notatio, quod perdurantis febris ex genere tertiano alternae, ex quartano tertiae quaeque hebdomades sibi inuicem motuum violentia magis respondeant, frequenter obuia est, licet haud perpetua. Certior est altera, febres etiam imperfecte profligatas, & remedio tantisper pressas, eundem euidentis commotionis typum seruare. Certissimum reperitur, quod de perfecte profligatis scripsimus, quae, nobis eum moliminum recidiuorum typum seruare millies obseruatae, per eam methodum nostram constanter curantur. Conspirant nobiscum nuper demum reperta apud cl. *Andriolum*, curiosum corticis per formulas aegris gratas praebendi artificem, in opere de *febris & morbis acutis*. Ibi nempe pag. 86. de primis temporibus, ubi cortex adhuc ad solam quartanam, neque diutius exhiberi solebat, quam donec febris fugata esset, eandem quam nos obseruationem clare indicat. — “China, inquit, versus excrementa febrilia pugnando, massae sanguineae optimam & naturalem crasin, & compagem firmio-

nullo modo posse scio, non praeiudicatis aut praeiudicantibus opinionibus, laudibusque aut vituperiis limite experientiae carentibus, non mutilis ambiguisque experimentis, non alienorum abusu auricularia captatione nixus; sed certa, accurata, plena, repetita, iudicata plurimorum observatorum experientia, & perfectarum observationum ex genuino usu millibus, & his multoties oculis, abunde conuictus. Hi sunt regularum, quas scripsi, fontes. Iudicabit id ipsum, spero, & manibus palpabit quilibet, qui aequae illi postulationi locum dabit, quam in *observationum* epicrifi posui, quaque has *animaduersiones* iterum finire licebit; “observationes meas neque ex mea, neque ex aliena theoria iudicari volo; sed ad tribunal so-
“lius,

“rem largiendo, febres efficacissime
“tollit. De modo adhibendi solum-
“modo penes medicos magna con-
“trouersia est, propter quam deinde
“hoc praestantissimum & certum au-
“xilium febrium omittunt, velut fal-
“lax & incertum, propter recidivas.
“Primis temporibus exhibebatur in
“vino Maluatico aliquot horis ante
“infusa; deinde sine colatura dua-
“bus horis ante paroxysmum exhi-
“bebant, quo paroxysmo cessato
“non amplius comparebat febris, ni-
“si post exactum semicirculum lu-
“nae, scilicet circa diem XIV vel
“XV quae iterum certa ratione re-
“dibat, sicuti certa ratione cesserat.,
Hoc, quocunque modo & formula
cortice utaris, etiam hodie eadem
certa ratione contingere videtur,
modo ne inordinata remedii conti-
nuatione ordinem perturbes, febrim-
que premas potius, quam debelles.
Ratione vero aequae certa praepedi-
tur, si repetitionem remedii eius-
dem efficacem tota illa tertia hebdo-
made reuersionem minante, pro re-
gulis nostris, praecipias, quibus ri-

te observatis, integra & constans sa-
nitas consequetur, quae neglectis
vel minus perfecta saepe, vel incon-
stans, vel saltem minus certo con-
stans, futura videtur: quamuis,
quem diximus, *Andriollus*, uti &
alii, praemissis euacuationibus, &
longiori post fugatam febrem corti-
cis continuatione non interrupta, id
obtinendum speret. Illas etiam nos
saepissime suademus, si indicantur,
tutaeque sunt; hanc minus commo-
dam minusque certam reperimus or-
dinata ista interpolationis methodo.
Recte enim de ea ill. *Tortus* therap.
special. pag. 163. “alterna, ait, re-
“ciprocatio temporarii usus & omis-
“sionis illius mirifice conducit ad
“intentum, praestatque usui non in-
“terrupto., Huius aliorumque vi-
rorum eximiorum, verbi causa, *Sy-*
denhamii, *Mortoni*, *Pitcairni*, *Le-*
merii, *Mangeti*, *Hoffmanni*, in or-
dinanda pro reuersionibus praeca-
uendis methodo, licet curatius a
nobis distincta, consensum sat cla-
rum exhibuimus in *observat. de fe-*
brib. Sect. IV. §. V. VI.

“lius, sinceræ experientiae prouoco, cui ratio ἀναλογίαν, prudentia
“moderationem ministret, nequevlla opinione dominetur., Quis-
quis ex eo tribunali pronuntauerit eius ego sententiam, ambabus ac-
ceptabo.

*Si quis inexhaustae cultor genuinus Hygeiae
Dogmate dissideat, studiis sed iunctus amicis, (9)
Vel nutans dubitet, vel surroget altera nostris
Consilio potiore potens, perscribat in albo
Candidus, expertusque, & limite terminet aequo!
Frugiferum moderamen amans (10) sine felle reponam.*

Si

(9) Eleganter & iudiciose cl. Frid. Phi-
lipp. Schlosserus in de commerc. ani-
mae & corporis loquitur. “Aut vehe-
“menter ego fallor, aut opportune ali-
“quando accidit veritatibus, si quando
“ab eruditis, sed ingenuis viris verita-
“tisque amantibus, in controuersiam
“vocari incipiant atque de iisdem vltro
“citroque disputandi campus aperia-
“tur. Absit a me quam longissime,
“vt inanes ego hic intelligam strepi-
“tus, aut morosas illas altercationes
“& rixas quas hinc inde excitari vi-
“deas a maleferiatis quibusdam ho-
“minibus, qui, non veritatis amore,
“sed infelici quodam altercandi pru-
“ritu ducti, dissidentes non argu-
“mentor vi ac pondere, sed nu-
“mero, non ratiociniis ad normam
“logicae sanioris compositis, sed
“contortis potius consequentiarum
“consequentis, & nescio quibus in-
“faustis nominibus, onerare magis
“quam refutare consueuerunt. Tan-
“tum abest, inquam, vt ex his tali-
“bus eruditorum vulgi clamoribus
“quicquam veritati lucis affundi pos-

“se mihi persuadeam, vt potius
“hac ratione veritatem magis obfus-
“cari, ac tantum non penitus oppri-
“mi posse, certo certius iudicem.
“Hoc istud vero est, quod experien-
“tia duce hic affirmare audeo, con-
“trouersiis legitime tractatis, atque
“dubitationibus eruditorum modeste
“propositis, permagna non raro ve-
“ritatis ipsius incrementa deberi.
“Non omnia possumus omnes, & o-
“culi plus vident, quam vnus. Quid
“ergo mirum, si nihil propter solas
“externas admittatur rationes, nihil,
“nisi distincte explicatum, nisi rigo-
“rose sufficienterque probatum, pro
“certo affirmetur, emendari hypo-
“theses, excoli posse artes, & am-
“plificari scientias, hoc est, ipsas ve-
“ritates in apricum produci, atque
“in tuto tandem collocari.

(10) Laudum vituperiorumque mode-
ramen in rebus medicis amo, sine
quo nihil frugis praestatur; sed & al-
terum illud, de quo *Entius*, in anti-
diatribe ad *Thrustoni diatrib.* de re-
spirat. in biblioth. anat. T. II. p. 192.

*Si quis in aduersum iudex iniurius arti,
 Probra Meditrinae tribuens, altaria morbo,
 Commoda confundens nocuis, & recta recuruis,
 Exspuat ampullas, ventis mandamus & undis.
 Pars errare volens erret; qui febris amore
 Vritur, ardescat; bona munera numinis almi
 Qui renuit, careat! nostros non subruet usus.*

Verborum, ait, "asperitate exarde-
 "scunt lites, dum diffidia animorum
 "comitate sopiuntur. Nam etiamsi
 "aliquis trahi velit a Nymphis, tam-
 "quam Hylas: nolit tamen rapi a Fu-
 "riis, tamquam Orestes." Placet

mihi illud Catonis apud *Plutarchum*,
 ad quemdam probris ipsum impeten-
 tem, "impar mihi tecum certandi
 "conditio est: nam, vt & male dice-
 "re & male audire tibi est familiare,
 "ita male dicere insuaue est mihi".



DISQVISITIO
MEDICA ET PHILOLOGICA
DE
VARIOLIS ET ANTHRACIBVS

VBI DE
VTRIVSQUE AFFECTVS
ANTIQVITATIBVS SIGNIS DIFFERENTIIS MEDELIS
DISSERIT

PAVL. GOTTLIEB WERLHOF. D.
MEDICVS IN AVLA HANNOVERANA REGIVS.

ACCEDIT
RVDOLPHI AVGVSTI BEHRENS. D.
DISSERTATIO AD AVCTOREM EPISTOLICA
DE
AFFECTIONIBVS A COMESTIS MYTVLIS.

Notandum est super omnia, morbos, licet nomine, signis, & aliqua specie euentus, iidem appareant; tamen in indole testâ, phaenomenis perito obseruatis, vario tempore incrementi, status, coctionis, criseos, effectû, euentu, sanandi methodo requisita, saepe inmensum differre.

BOERHAAVE.

Hannoverae, 1735.

DISQUISITIO

MEDICAE ET PHILOSOPHICAE

DE

CAUSIS ET SYMPTOMATIBUS

FEBRIS

INTERMITTENTIS

AB AUCTORE JOHANNI WILHELMO

ALBRECHTO, MEDICO

PHYSICAE

PROFESSORE

IN UNIVERSITATE

WURTEMBERGENSI
ALUMNI JOHANNIS ALBRECHTI
MEDICI PHYSICAE PROFESSORIS
IN UNIVERSITATE WURTEMBERGENSI
ALUMNI JOHANNIS ALBRECHTI
MEDICI PHYSICAE PROFESSORIS

WURTEMBERGAE

1753



P R A E F A T I O A D L E C T O R E S.

Vere, ut solet, *Hippocrates* (a) “optimis, inquit, medicis similitudines imponunt, & difficultates pariunt.,” Neque quicquam in arte nostra vel necessarium atque utile magis, vel magis arduum esse videtur, quam similitum dissimilitudines, & dissimilium similitudines ubique recte dignoscere. In his potissimum versantur, & ipsa signorum doctrina, alter medici oculus, & magna illa scientia, curationum indicationes ex analogiis seu comparationibus probe distinctis eruendi atque moderandi: quae faciendae medicinae, artis difficilissimae, legibus originem dedit, & iustos limites scribere docuit. Quo vberior vero, per aetates, regiones, constitutionesque varias, collectus est annotationum medicarum, de certa aliqua aegrotationis specie, cumulus, eo profundius etiam penetrare licet in eius indolem & naturam, & in similitudines dissimilitudinesque, quas tum cum aliis affectibus, tum, per varios sui ipsius casus, secum ipsa habet. Observationibus enim harum rerum practicis, & inde desumpta comparatione, longe potius, quam praestabilitis theoreticis hypothesebus quibuscunque, crevit ars medica, & etiamnum augescere, & in posterum incrementa capere debet. Optandum sane iccirco foret, nihil omnino in morbis symptomatibusque esse novum, & omnia utrorumque genera, a vetusto inde aevo, observationum sincerarum enarratione, a classicis disciplinae medicae auctoribus illustrata reperiri. Sunt etiam plura, quae passim nova existimari videmus, quorum tamen non vestigia solum, sed & expressas imagines inuenit, in graecorum etiam antiquis monumentis, qui attentius ista peruestigare satagit. Refero eodem, ut alia omittam, scorbutum, cuius equidem praecipua & maxime propria phaenomena, in magnis lienibus, & ileo haematite *Hippocratis*, dilucide inueniri puto, quicquid alii aliter explicent; petechias etiam, quas barbaro nomine dicunt, quae inter exanthemata, in febribus pestilentibus oboriri notata, a priscorum pluribus probe delineatae videntur. Variolas vero, mirabile illud & distinctissimum, & sibi soli per omnia simile morbi genus, frustra adhuc in antiquitate quaesivi: quamvis vel praecipue inuenire expotauerim, ut illius frequentissimae & observando inexhaustae luis notitia & medicatio vetustioribus etiam animaduersionibus ditari posset. Nuper quidem vir artis observandi peritissimus, & doctrina multiunga expolitus, in anthracum seu carbunculorum vetusta descriptione, ipsas nostras variolas, apud graecos praecipue, latitare opinatus est. Ingeniose profecto, docte, & eleganter, coniecturam illam proposuit, atque stabiliuit, & pro suo in vera artis incrementa studio, editum de illa libellum utilissimis observationibus variis interspersis exornavit. Commune nobis est studium; doctrina ipsi & experientia maior. Haec tamen non obsunt, quo minus indoctior quisquam, facta rei alicuius curiosiori perquisitione, in virorum doctissimorum coniecturis aliquid nonnunquam inueniat, ubi rem acu tetigisse haud videantur. Veniam a viro peritissimo peto, & impetraturum me confido, quod, meritorum
ipsum

(a) epid. 6. sect. 8. §. 49.

ipsius cultor studiosissimus, leui tamen hoc opusculo nouam illam sententiam, cum omni honoris & obseruantiae praefatione, examinare sustineam, idque e contrario, quod mihi videtur, quodque adhuc viris summis visum etiam est, ostendere nitar: diuersos esse a variolis nouis anthraces veterum, neque hodiernas variolas in antiquitate reperiri, sed exemplum praebere eius, quo Celsus (in praefat. l. i.) affirmat: "rarius, sed aliquando, morbus quoque ipse nouus est, quem non incidere manifeste falsum est.," Ne taedio lectores afficerem, immiscui varia de variolis & anthracibus aliisque affinis morbis obseruata theorica atque practica, ac alias, pro occasione nata, notationes medicas ac philologicas: quae omnia, vt in quaecunque artis studiosorum emolumentum concedant, sinceris votis exopto. Iudices mihi delegi, tum medicos & litteratores praestantissimos quosque, interque hos cl. virum, aduersus cuius nouam coniecturam disputavi, tum illos quoque maxime, quibus ipse suum librum inscripsit, & illos, quibus meum ego hoc opusculum dicaui, polyhistores, medicos, & philologos insignes. Nempe vt illustri *Wedelio*, & celeberrimo *Schultzio*, disquisitionem hanc, de variolarum antiquitatibus medicis & litterariis, dedicarem, id vtriusque in omnis artis medicae & humanioris litteratura penetralibus cognita peritia & sagacitas suasit. Haereditario quasi iure in ill. *Wedelium* deuoluta, & longa priorum meritorum serie obfirmata & aucta est gloria, nihil eum prae cae nouaeque doctrinae, quae medicum deceat perficiatque, ignorare. Excell. *Schultzii*, vastae solidaeque eruditioni res publica medica & litteraria itidem assurgit, speratque exinde, praeter alia commoda, historiam medicinae, quam a rerum initio egregie coepit, per arabum quoque tenebras, ipso facem praeferente, maiori cum claritate, quam a quoquam antehac factum est, perductum iri. Quam rem, quum, propter deficientem arabum linguae facultatem, suo tempore exquiste satis praestare non posse sibi videretur *Jo. Henricus Meibomius*, defectum ideo potissimum reliquit opus de *medicorum historia*, cuius & ideam sibi formauerat, & materiem sat alioqui congefserat locupletem, referente filio in *epistola ad Velschium de scribenda medicorum historia*. Ita ego nunc, quum, non nisi leuissime arabicis litteris tinctus, longe minus aliquod suscipio opus, quod tamen lucem, aliqua sui parte, sibi ex istis deposcit, haud puto rite id perfici posse, nisi ad eos iudices doctoresque deferatur, qui omnia, partim ad graecam, latinam, arabicamque philologiam, partim ad signorum, causarum, curationumque doctrinas medicas spectantia, iudicare, per eruditionem experientiamque, tam apti sunt, quam qui aptissimi. Excell. *Lakemachero*, patriae nostrae nostroque decori, & doctissimo amicissimoque *Teubero*, quum arcta, quae nobis intercedunt, veteris amicitiae vincula hoc opusculum dicare etiam atque etiam suaderent, persuasit maxime *πολυισογία* vtriusque, in linguarum plurimarum, & antiquitatum, & omni elegantiorum litterarum latifundio, & praecipue penitior arabicae linguae scientia, speciminibus variis orbi litterato cognita: qui quidem & *Teuberiana* eruditionis documenta indies subnascentia cum plausu excipit, & hodie neminem agnoscere videtur, cuius insigniora *Lakemacherianis*, in eam quoque praecipue orientalis philologiae partem, sint studia, exquisitius de rebus ad illam pertinentibus iudicium. Ab his ceterisque peritis & cordatis lectoribus iudicari, &, si quid errauero, meliora doceri pervelim. Scribebam Hannouerae d. II. Januar. a. clc lccc XXXV.



CAPVT I.

SENTENTIA DE VARIOLARVM NOVITA- TE EIVSQUE FVNDAMENTA.

§. I.

Antiquitates variolarum in graecis nuper denuo quaesitae.



Prodiit haud pridem Brigae libellus perquam elegans & eru-
ditus clariss. D. Jo. Gothofredi Hahnii, variolarum anti-
quitates nunc primum ex graecis erutas commemo-
rans (1).

Laudabilia summopere sunt viri ingenium, & doctrina, & di-
ligentia: quumque isthac sese scriptione, & alias etiam (2), inue-
niendis,

(1) v. recensioem in *commerc. litterar.*
Norimb. anni 1733. p. 190. sqq.

(2) "recensione febrium continuarum,
quae anno 1729. Vratislaviae popu-

lariter grassatae sunt, occasione ca-
"tarrhi febrilis per Europam epide-
"mici adornata a. 1731. cum dissert.
"de aeris inspirati in pulmones effe-
"ctu."

niendis, obseruandis, enodandis, & concinne ac nitide scribendis rebus medicis perquam idoneum ostenderit, excitandus omnino esse videtur, vt plures posthac horas subsecuias in rei publicae litterariae atque medicae emolumenta conuertat. Plaudo etiam praecipue generosae illi mentis nobilitati, quae nulla opinione praeiudicata, nulla auctoritate grauissimorum virorum, seduci se patitur, quin altius inquirat in ea, quae pro veris isti sine sufficienti ratione habuisse videntur, & reperta candide in publicum eloquatur. Praedicandam duco, in ipsa doctorum virorum secus sentientium confutatio-

“*Eu.*., Cui operi, vere Hippocratico, plaudant merito mecum *acta erud. Lips.* m. Jul. 1731. & cl. *Büchneri miscellanea* Ao. 1729. p. 763. egoque, cum venerando sene *Hoffmanno*, praef. ad *medic. consultat.* vol. 10. acclamo lubentissime: “meliori de nota medicis practicis diligenter obseruationum in praxi medica collectionem conscriptionemque commendo, quibus theoriae praxeosque fundamentum totum innititur. Ante biennium specimen eius rei exhibuit medicus vratislaviensis celeberrimus doctissimusque, “*D. Jo. Gothofr. Hahnus*, cuius exemplum vt multi imitentur medici, exopto., Tam profecto & accurate, & candide, & docte, & eleganter conscriptum est illud eruditionis & experientiae specimen, vt merito aliis obseruationes scripturis in exemplum proponatur. Tantum vero abest, vt ab eius sententiis cetera discrepem, vt potius mihi grater consensus viri eximii in doctrinis variis, a quibus hodie dissentire aliis doctoribus placet. Vt alia taceam, febres, quamuis saluti esse possint, & ipsa saepe febricitatio materiem prauam atterat, & euacuet, vere tamen ad morbos, siue *παραναι-*

τα hominis, spectare, & in exitium humani generis proclives sua indole haud raro esse, docet cl. *Hahnus* in praefat. *recensionis*, & ego passim in *obseruationibus* & *cautionibus* meis ostendi: tertianas malignas haud adeo esse raras; quartanas, sub statu epidemio febrium ardentium, in has degenerare solere, demonstrauimus vterque, eodem etiam exemplo adducto, v. *recens.* p. 75. *obseru. nostr.* p. 76. Aerae atmosphaerae subtiliores particulas in sanguine, partim etiam per pulmones ingressas, adesse, suisque oscillationibus in partem motum & salubrum & insalubrum venire, ibidem ego innuisect. 6. §. 5. seqq. ille solide ostendit in *dissertatione* operi subiuncta §. 27. seqq. add. *commerc. Norimb.* 1734. p. 211. seq. Eodem anno, tum ob cetera merita, tum ob id quoque praecipue scriptum, academicus caesareus naturae curiosorum in b. *Kanoldi* locum sussectus est. Nempe medici vratislavienses, ea dignitate ornati, certum ibi collegium constituunt, quod factam in meritissimo illo viro iacturam haud digniori, quam hoc, membro resarcire potuisse videtur.

tione, decentissimam erga cuiusvis merita reuerentiam, & modestiam haud fucatam. Probo denique, quum plura commendanda supersint, observationes elegantes, partim litterarias, partim medicas, passim operi interspersas.

§. II.

Opinio nostra de variolis in antiquitate non obuiis.

Fateor tamen, quod ad ipsum propositum argumentum attinet, me in ea haesisse adhuc opinione, veteres medicos graecos latinosque, quamuis nonnullos recensuerint affectus, variolis hodiernis affines, & quibusdam symptomatibus similes, ac varia praedictionum curationumque momenta docuerint, variolis satis apta, neque immerito per ἀναλογίαν prudenter aptanda; non tamen ipsum hunc morbum, uti nunc est, delineatum exhibuisse: atque adeo vel plane tunc, quod ego arbitrari velim, luem illam, nunc fere vniuersalem, (1) inter ipsos non exstitisse, vel aliam prae se tulisse faciem, alios characteres, indolem aliam (2): ut, si hoc etiam ita esset, pro eodem affectu vix ac ne vix quidem haberi mereatur.

§. III.

(1) Mirabilis error, nescio vnde viro docto natus est, quando *Th. Craanen*, professor Lugd. Batav. & archiater brandenb. in *de homine* p. 757. dicit: “gallos, italos, hispanos, aut non, aut raro, variolis, laborare, dum e contrario in batavis paucissimi reperiuntur, quin semel, interdum etiam bis, eas patientur:,, idque tribuit regionum calidiorum felicitati. Veritus forte est, ne quid tam manifeste contrarium experientiae fingi possit, quod non ab aliquo medico non experto, ob nescio quam theoriam, pro vero venditatum sit.

(2) Ita, teste *Kolbio*, in *descriptione promontorii bonae spei & regionis cafrorum* p. 327. “tam raro variolae in Africae illa regione, tamque be-

“nigne sese exferunt, ut ab incolis pro morbo vix habeantur.,” - -
Bartholinus cent. 3. epist. 90. “narratum, ait, mihi nuper fuit a studiosis islandicis, in Islandia quouis anno vicesimo recurrente tantum variolas grassari, & tantam esse eius periodi vim, ut, qui liber a variolis fuerit eo anno, superstes esse non possit ad recurrentem terminum. Vel singulare hoc erit exanthematum genus, caelo islandico proprium, vel in gentis huius occulta natura aliquid latet, quod per variolas inquilinas expurgari debeat.,” add. quae de indole luis venereae per tempora & loca variante habent scriptores apud *Luisinum*, item *Freind* in *history of physick*. vol. 2. p. 336.

§. III.

Opinionis causa.

Enimuero fieri vix posse videtur, quin si, vti nos, pustulosum illud contagium, idque, quemadmodum est, plane singulare, communiter sensissent, obseruassentque accuratissimi illi aegritudinum pictores, *Hippocrates, Celsi, Aretaei, Galeni, Caelii, Aetii, Alexandri*, reliqui, curatam etiam, & ab aliis distinctam, & sibi cohaerentem, morbi historiam, & praecipuorum eius characterum expressionem, scriptis consignatam fuissent relicturi.

§. IV.

Characteres variolarum in antiquitate non reperiundi.

Praecipuos morbi eius characteres dico, qui illum a ceteris omnibus distinctum, & prae omnibus forte memorabilem faciunt (3):

I. vniuersalem illam (4), per singulos fere homines, semel aegrotandi ex ea lue necessitatem: quam quam sunt, qui ei se legi, felicitate singulari furripiunt.

II.

(3) Ipsis morbillis, alioqui quasi germanis, magis memorabilis est, de quibus hic non agimus, sed quos, ob characterem, primi, secundi, tertii, quarti, & quinti, haud valde in iis ab similem singularitatem, itidem in antiquitate non descriptos existimamus. Solent esse fere vniuersales & singulis hominibus communes; solent semel tantum inuadere, licet frequentius bis, quam variolae; sunt pustulae febriles sui plane generis, suisque temporibus & symptomatis exquisitissime typicae; & infantes maxime adorantur, licet saepius, quam variolae, ad adultam usque aetatem retardentur, neque in hac maius, quam in infanti, periculum portendant. Frustra omnino est Har-

duinus, qui morbum papularum, cum rubent corpora, boam *Plinii* l. 24. c. 35. Graecis τα τὰν βερσάν ἰσχυρὰν, Gallice la rougeole, hoc est morbillos, explicat, quem morbum *Plinius* remediis, quae ficcantia audiunt, & ardorem demulcentia, ex sambuco, & ebulo, & fimo bubulo, extrinsecus sanare iubet. *Huetius* in *Huetianis*, p. 135. impetiginem esse suspicatur. Ego ulcera infantum humidissima, βαβασίνα dicta, affectum chronicum, de quo infra ex *Aetio*, eadem esse putare velim. Haec vero aegritudo ad humidae impetiginis species referri potest, quae, ob humoris acris effluentis arrosionem, corpora rubefaciat.

(4) Hanc arabes omnes agnouerant, ad

II. grassationis epidemiae frequentissimos recursus (5), & contagii tamen singularem rationem, quae, sub ista grassationum frequentia maxime admiranda est, quod iis, qui semel laborarunt, tantum non omnino innocuum sit, dum ceteris plerisque, pestilentiae instar, vix est euitabile (6):

III.

ad causam humano generi connatam prouocantes. Expressis verbis *Isaac Israelita Ebn Zohar*, vulgo *Auen Zoar*, & *Ebn Rosched*, vulgo *Auerrhoes*, indicarunt.

(5) Raro ab oppido, aut pago etiam aliquo, ultra quadriennium abesse solent. Ex rarioribus exemplis est, quod cl. *Siegesbekius* in *actis b. Kagnoldi* tent. 29. p. 492. notat, *Seehusæ*, ubi per XV. annos praxin exercuerit, toto illo tempore variolas non fuisse, licet intra illud tempus aliquoties in pagis circumiacentibus se exferuerint (*).

(*) Quinto quovis anno Variolas epidemicas recurrere per 40 praxeos annos hic loci observavit autor, eamque observationem, qui pro nova habent, confirmatam nuperrime legere poterunt apud *Brüning* in tr. de *Ictero infant.* 1773. pag. 66. Nunquam vero *Werlhofius* in praxi tot annorum numerosa variolas veras in eodem homine bis vidit, de quibus not. subseq. 6. Immerito itaque eum in numerum eorum refert medicus *Manheimensis Cas. Medicus* qui variolas recurrentes statuunt, in tr. de *Exstirpat. variol.* pag. 42. Morbillos secundos aliquoties licet raro se vidisse testatus mihi est, quum ejusmodi casus aliquot a me observatos ipsi narrarem.

(6) *Gohl. act. medic. berol.* dec. 2. vol. 2. p. 20. 21. "Suppono, ait, quod variolae verae semel saltem hominem per vniuersam suam aetatem adoriantur. Quod verae variolae bis aut pluries hominem in sua vita impetant, res est desideratae veritatis & demonstrationis., At idem paullo post pag. 23. nescio quare subito mutata opinione, ubi contra insitionem disputat: „ne natura quidem, inquit „ubi vniuersum humorum latifundium in varioloso morbo peruertere tentauit, hominem securum reddit, „ne secunda vice variolis, & quidem veris, aliquando infestetur: cuius rei veritatem exstantes observationes, celebriumque practico- rum suffragia vindicant., Sunt exempla verarum variolarum plus semel infestantium, sed inter nos certe oppido rara: nisi eo referre velis vel retrogressas & repullulantes vel eas, quae sine accurato morbi typo, nutricibus aliisque, a frequenti varioloso- rum corporum attactu, subnasci solent, quod apud nos perquam vulgare est. Ad retrogressas & repullulantes spectare videtur curiosissima historia *Spigellii* de *femitert.* p. m. 28. „iuuenem vna cum femitertiana in variolas illapsus in tribus recidivis febris tres variolarum recidivas passus, posteaque parotidas., Duo morbi concomitantes alter alterius iustum exitum impediuerunt, donec supervenientibus parotidibus uterque felici-

III. pustularum distinctissimi ab omnibus generis affectum, qui ad essentiam huius vnius morbi acuti, nunquam chronici, spectat, nulli alii συμπτωμωδῶς praeuiis febriculosis moribus, in cutem (7), cum leuamine erumpens, & post aliquot dierum incrementum, novam denuo febrem, vel exacerbationem, inflammatione & suppuratione sua, arcessens:

III. *differentiam* memorabilem inter variolas distinctas cohaerentes

feliciter exhaustus sit. “Ceteris enim, “vt ait *Spigelius*, cum post variolarum “expulsionem comparuisset, lethalis “semitertiana fuit, quod totalis variolarum expulsio prohiberetur., In solo inter arabes *Auerrho* illam observationem, quod non nisi semel quilibet mortalium variolis infici soleat, reperiri arbitratur *Freindius in history of physick* volum. 2. p. 117. *Auenzoarem* tamen id iam docuisse notat *Primerosius de febribus* p. 437. Et quid sibi vult ipsa haec apparens *εναρτισ* *Auicennae* l. 4. fen. 1. tract. 4. c. 6. (cui similia *Rasen* scripsisse docet *Arcularius de febribus* p. 176.) “multoties variolatur homo duabus “vicibus, quando aggregatur materia ad expellendum bis,, nisi quod, secundum regulam, semel tantum is morbus accidere soleat, plusculae tamen a regula exceptiones obseruentur. Cur id alias notasset? & quis talia de alio morbo scribit, vbi dubium nullum est? Forte vero diuersa spuriarum variolarum genera, de quibus nihil distincte profert, a veris haud rite discriminauit, & diuersos interdum morbos pro vno bis regresso habuit. De quartana, tamquam rem singularem, veteres scripserunt, & ipse *Hippocrates*, teste *Aetio* tetrab. 2. serm. 1. c. 83. ea ne-

minem bis laborare. Sat saepe fefellisse illud *περὶ γυναικων*, plurium temporum locorumque experientia antiquitus & hodie constat. Mirum tamen foret, eos, qui raram illam proprietatem de morbo aliquo, vbi minus vere reperitur, praedicarunt, de alio, vbi paene vniuersaliter vera est, siluisse, si eum, vti nos, agnouissent. De contagiosissima, prae omnibus fere, extra pestilentiam, morbis, indole variolarum, v. infra nota 36. quae res vel sola commemorationem claram, singularem, & exquisitam poposcisse videatur, si nota priscis eadem aegrotatio fuisset.

(7) In cutem praecipue erumpere, indolis variolarum est. Limitatione tamen indiget, quod ill. *Hoffmannus* in elegantissima ad quandam variolosi anatomen epicrisi *medic. consult.* dec. 2. p. 232. dicit: “falsam esse communem opinionem, quasi variolis laborantium viscera & intestina etiam iis obfessa sint., Vt vetustiores observationes, in *Boneti sepulcreto* T. 3. p. 234. sq. reperiundas, taceam, novam nuper exhibuit celeb. *Stentzel.* in *de naturae Stahlianæ impotentia in chirurgia* §. 6. viscerum internorum substantiam maxima variolarum copia scatuisse, paucis in cute conspiciendis.

rentes, confluentes; legitimas, ἀνωμαλῆς. infantum, adultorum: ita tamen, ut pro vno eodemque morbo non possint non agnosci:

V. morbi tempora, cum suis symptomatis singularibus, exquisitissime typica, ut nisi ἀνωμαλία subsit, singula paene symptomata, quod ad pustularum maxime mutationes attinet, per singulos dies praenuntiari possint: quamvis aliquae singulis aegrotis sint diuersitates:

VI. stragem ingentem inter *infantes* (8), quorum maximam partem morbus ille iamiam occupat, dum praeterea, si *adulti* demum corripiantur, singulari id cum periculo fieri solet:

VII. cicatricum, seu foveolarum potius, sui plane generis, & a ceterorum tumorum, abscessuum, vlcerum, erosionum cicatricibus, quas priscis obseruatas esse cerum est (9), facile distinguendarum, frequentiam, vbiuis hodie obuiam, & proprio sane, quod nunc in omnium nationum linguis habent, nomine dignam: cui rei, ne quid de scriptis veterum monumentis dicam (10), nihil simile in antiquis

(8) Singulare est, esse alicubi grassationes eius luis epidemias, quae solos infantes, adultum nullum, corripunt. Vidi talem ipse ante hos vndecim annos, in oppido aliquo, dum adulti, morbum nondum passi, qui tunc tuti manebant, alia paullo post biennium insequente grassatione, eaque magis communi, sat magno numero corripiebantur. Numquid contagium interdum, aliquanto debilius, non nisi teneriora infantum puellorumque corpuscula, quibus afficiendis praecipue aptum est, turbare, & laxiorem in his humorum texturam exfolnere potuerit? Accedit, quod eae personae, quae ad adultam vsque aetatem a communissimo illo malo intactae manent, non aetatis solum, sed & sui corporis ratione, aliquanto ceteris

difficilius a debiliore contagio inquinari videantur.

(9) v. erudite notata a cl. *Hahnio* §. 91-94.

(10) Hac de re intelligo, quod *Huetius* dicit in *Huetanis* p. m. 132. "In imaginibus, quibus graeci latinique aequales suos ciuesque depinxerunt, neminem nobis variolis notatum repraesentant.," Notat vero ibidem circassios, populum pulcritudinem insignem, variolarum cicatrices non pati, ex *nouveaux memoires du Levant*. p. 120. quod, si ita se habeat, eo magis mirum fuerit, quia ab istis, teste *Timonio de variolar. insitione* p. m. 24. ipsa inoculatio, quae dicitur, perfecta etiam maxime est, quae partim quo-

antiquis sculpturis statuisque, exquisitissime cetera, quod ad omnes faciei notas, elaboratis comparet. Taceo morbos singulariter succedaneos varios, eosque apprime hodie consuetos & notabiles: ut mirum foret, nullum eorum apud veteres ad suam originem relatum reperiri. Superfedeo enumerandis heic pathognomonicis indiciis, aliisque symptomatibus per tempora singularibus, quae, ab arabum inde aetate, semper & hodie, in mediocrium etiam auctorum scriptis, clare satis enarrari consueverunt (II).

§. V.

Affectus variolis affines varii, & variolae spuriae.

Isti vero characteres ubi indigitati non sunt, ibi commemoratio variorum exanthematum, pustularum, papularum, ulcerum, crustarum, tumorum, inflammationum, abscessuum, quamvis etiam aliqua signa, pluribus morbis, atque etiam variolis, communia simul recenscantur, certos nos de observata eadem lue reddere non posse videtur. Frustra igitur esse adhuc visi mihi sunt auctores posterioris aevi plures, qui, in graecorum aut latinorum veterum scriptis nihil non exstare arbitrati, in eorum excretionibus per cutem, vario-

quoque formae gratia institui solet; ni ipsa, quod aliqui volunt, hanc felicitatem circassis conciliet.

(II) Praestantius enumerantur, ut nusquam forte melius, a cl. Storchio, in elegantissimis vtilissimisque observationibus clinicis de variolis & morbillis, vna cum celeb. Stahlī de iisdem dissertatione: quas suis eteodromis adiecit, atque ita morbum pinxit, ut naturae contubernalis fuisse videatur, quod de Mortonō cl. Hecquetus in praefat. libri de curanda medicina scribit. Mortonus itidem prae aliis conferri meretur, in signis accuratissimus, in curatione felicissimus: quamlibet theorica eius ratiocinia, &

calidorum medicaminum copiam, nostra haud faciamus. Add. Sydenham. de morbis acutis, eique iungantur aphorismi ill. Boerhaavii, Zwingerus in paediatrica practica, Hoffmanni medicina systematica, & consultatoria, Loeberus in gründlicher Anweisung zu einer glücklichen Blattercur, & quos hic in calce recenset auctores plures, item Marescottus de variolis, Rolfin. de variolis & morbillis, Conring. de iisdem, Meibom. de usu venae sectionis in variolis, historia morbor. Vratislau. p. 161. sq. quosque Moroni directorium, Lipenii bibliotheca, Waltheri silva, Alberti lexicon medicum referunt, & observatores varii in b. Kanoldi & cl. Büchneri annalibus.

modo nominatis, variolas nostras veras reperiri debere existimarent (12).

Nam

(12) Aliquo modo horum partibus, licet partim etiam nostris, accedit, extra medicorum ordinem, *Huetius* in *Huetianis* p. m. 132. seqq. "Variolarum morbus, inquit, non adeo novus est, ac medici credunt, sed neque valde antiquus., Vetustiorum dein graecorum & latinorum aetate non cognitum fuisse probat, ex non descriptis variolarum siveis, ex omissione *Plinii*, qui novos morbos plures enumerat, ex differentia *φυματων* & *πυθιλαριων* *Celsi*, item *ἐξανθηματων* *Hippocratis*, ab hoc ipso affectu. *Vettium Valentem* tamen, astrologum, qui tempore Constantini M. vixit, in *anthologiis*, sub *ἐξανθηματων* & *ἐξανθηματων* nominibus, variolas & morbillos descripsisse putat, eosque affectus proprie tribuisse infantibus, quorum plures e medio tollant: quod quidem purpurae, deum *Friesel*, aliisque morbis exanthematicis, hodie saepe commune est. Neque vnus character, ceteris omissis, morbi ideam exhaurit. *Aetium*, pauco tempore post, eadem fere de iis morbis vult dixisse, quod, quum nusquam reperiatur, *Valentem* etiam forsan haud rite expositum esse, suspicari licet. Circa annum 520. *Childeberti* regis tempore in Gallia grassatum, & a *Gregor. Turon.* l. 6. c. 14. notatum morbum, vix nisi de variolis explicari posse, *Huetius* contendit. Locus sic se habet: "anno septimo *Childeberti* regis magna lues in populo fuit, valetudines variae milinae, (legendum *malignae*: v. *Du Cange* in *glossario*) cum pustulis & vesicis (id

"est pustulis & phlyctaeis) quae multum populum affecerunt morte: & in *narbonensem* urbem inguinarius morbus,, (bubonibus stipatus) grauius defauebat, ita, vt nullum spatium esset, cum homo correptus esset ab eo., Vident medici, non vulgarem morbum, sed singularem, rariorem, pestilentem, ab historico describi. add. eiusdem *Gregorii* l. 9. c. 22. *Aimoinus* de *gest. Francorum* l. 3. c. 86. vbi eiusdem grassationis pestilentis, & plane a variolis diuersi morbi, sit mentio: vt adeo sponte concidere videatur coniectura cl. *antiquitatum* auctoris, qui p. 109. in breui ista *Gregorii* notatione historica variolas bubonibus mistas describi existimat. cl. *Stollus* *histor. litter. medic.* p. 547. ex *bibliotheca gallica*, & *novis litterariis lipsiensibus*, quod & ex *Alberti lexico medico* & *Freind. histor. medic.* potuisset, solum *Huetii* nomen hanc in rem allegat, libri vero titulum omissum dolet. Exstant vero ista non solum in *Huetianis*; sed & in eius auctoris *commentario de rebus ad ipsum pertinentibus*. *Freind.* vol. II. p. 340. illam *Huetii* cogitationem, de reperiendis in *Vettio Valente* & *Gregorio* variolis vocat, a *chimerical notion*, imaginationem chimaerae instar vanam. Ipse *Huetius* historiam *faracenorum* longe clarius de hoc morbo loqui fatetur. Calipham aliquem ibi memorari dicit exinde mortuum, aliosque cicatricibus variolarum foedatos, saeculo septimo & octauo: decimo vero mortuum ex ea lue *Balduinum*, *Flandriae* principem.

Putat

P p p

Nam talia, qualia isti omnes ex priscis eruunt, etiam hodie passim terrarum extra variolas eueniunt, & sunt non solum his affines morbi alii, cum pustulis, papulis, vlceribus, abscessibus, crustis, similibusque affectibus, complures; verum etiam ipsarum variolarum, sed spuriarum, genera existunt varia: (α) *emphysematicae*, & (β) *lymphaticae*, quae crystalli dicuntur (13). Wind- oder Wasser-Pocken, chicken-pox, petite verole volante (γ); Riedlini (14) aureae (guldene Blattern); (δ) *sicca*, quae vocantur, quamuis non omnino sine pure sint. (Stein-Pocken) (15), quo (ϵ) *acuminatae nothae* spectant; (ζ) *siluestres* (16) (wilde Pocken) (η) *durae ouales*, (Schweins-Pocken) (17); (θ) *pilosae Carrichteri* (18), (ι) *vesiculosae fuscae Storchii* (19);

Putat autem saracenos eandem, iam antea notam, suis migrationibus magis diuulgasse.

(13) Recensente Schenckio l. 6. obs. 112. *Rasi contin.* c. 18. obseruatae sunt, deinde pluribus, *Ingrassiae*, *Sennerto*, *Conringio*, *Sidobrio*, *Wedelio*, aliisque, add. cl. *Storchius in observationibus clinicis de variolis & morbillis* p. 6. sqq.

(14) *lin. medic.* A. 1. p. 387.

(15) *Conringius* dissert. de variol. & morbill. §. 3. *Pechlin.* obs. l. 2. p. 238. cl. *Storch.* l. c. p. 10. seq. *Fehr de scorzon.* pag. 91. sqq.

(16) Has *Raym. Joh. Fortis* consultat. & respons. cent. 4. consult. 18. notat paucas, papularum formam referentes, septem diebus euanescentes. Sunt forte, quae *Zwingero* benignae audiunt, quasque plebi (wilde Pocken) feras dictas, siluestres credo dicendas, mansuetas potius ipse nominari debere putat, periculi quippe expertes, sed a veris securum praestantes neminem. v. eius *paedoiatr. pract.* obs. 142.

(17) Haec nostratibus ita vocata species saepe obseruatur: Prodeunt, post aliquot plerumque dierum febrim, in facie, collo, corpore, artubus, tubercula veris variolis paullo maiora, & statim obscurius rubentia & duriora, neque exquisite rotunda, sed ad oualem potius figuram accedentia: succedit, dum crescunt, post biduum vel triduum linea in plerumque medio nigra, quae latior deinde fit, & aliquantum vlceratur, duro tamen manente tumore, inflammata etiam περιφεζια. Sensim tamen, sine certi temporis regula, siccescit vlcus, & pallescunt subsidentque, ac quasi squamularum instar decidunt tubercula, interdum interea aliis αναμαλως succrescentibus, vt, qui octiduo fere plerumque quidem finitur morbus, deinceps tamen haud raro ad aliquot hebdomades protrahatur, vel sine febre, vel cum febricula lenta.

(18) quas duplicis generis, berylli colore, foraminulentas, pilis internascentibus, depinxit. l. 2. *prax.* c. 13. & ex eo *Velsch. de vena Medin.* p. 54.

(19); (x) *hermaphroditicae* (20); (λ) *purpurae immixtae* (21); & plura forte sunt consimilia: quae singula, non nisi peritis oculis, neque his forte semper certo, distingui possunt a veris istis variolis vniuersalibus, suiue generis singularibus, de quibus quaeritur. Vidit forte graeca romanaque antiquitas spuriarum aliquas; vidit morbos exanthematicos affines, benigniores malignioresque; vidit, si id quoque addere lubet, quos nos non videmus: de veris variolis num illa, quae nos hodie, obseruarit, sub iudice lis esse, & aeternum futura videtur.

§. VI.

Latebrae variolarum endemiae, & communicatio, per migrationes & commercia.

Neque vero incongruens fuerit coniectura, latuisse illum affectum in alicuius nationis, a commercio ceterarum gentium satis remotae, latebris, ibique vel endemium dudum fuisse, vel aliquando, vti alii peculiāres morbi, (22) quacunque de causa epidemia, forte ad endemiam quamcunque accedente, natum, & deinde, cum contagium eius specificum, in quouis fere humano corpore fomitem semel incendi aptum repererit, sparsum id esse, sub istarum gentium commerciis per totum ceterorum mortalium genus.

Ni-

(19) *eteodrom*. V. & VI. passim, vbi indices indicant braune Blasen.

(20) Eleganter delineauit *Fehr*. de *scorzonera* p. 79. sub titulo hermaphroditici inter variolas & morbillos generis.

(21) quas nos nuper vidimus. Describuntur etiam in *act. medic. berol.* dec. I. vol. 2. p. 18. sqq.

(22) v. quae ingeniose hanc in rem scribunt; in tractatibus de *variolis*, *Listerus*, qui bestiolae venenatae e-

sum, aut morsum, *Marescottus*, qui effluuia certa subterranea, & *Sidobrius*, qui febrem aliquam malignam epidemiam praecessisse opinatur. Ego cum *Listero* p. m. 5. lubens dico: "quaenam fuerit prima & peculiaris illa materia contagiosa, siue venenum, quod primum hominem infect, atque humana corpora post tot saecula eadem labe corrumpit, non ita facile est dicere: certe Prometheo non adfui, cum Pandoraepyxidem aperiret, vt, quae mala inde egressa fuerint, certo cognoscerem."

*Nihil est, cur tempore certo
Admirere nouis magnum marcescere morbis
Aera, contagesque nouas uiuentibus aegris
Sidere sub certo fieri, & per saecula longa* (23).

Saracenos (24) doctissimus *Freindius* (25) putat variolarum esse propagatores, sed primitus eas passos remotae Asiae habitatores alios (26): illustr. *Stahlius* interiores Africae incolae accusat, haud sine probabilitate (27), dum & isti, cum Nili origine, per merciorum defectum, diu latere potuerunt, & hodie Cayri in Aegypto quotannis pestilentes pueris variolae grassantur (28), iuuante Nili exundatione: celeberr. *Iunckerus* (29) Nigritas singulariter indigi-

(23) Sunt *Fracaflorii* versus, quos non ita hic capi volo, ut certos fiderum positus, astrologico eius auctoris more, accusem; sed ut certum aliquod clima designem, cui prima mali origo propria esse videatur.

(24) *Huetius* in *Huetianis* p. m. 134. eosdem morbum, antea iam alibi ut putat cognitum, ex calidiori sua regione, frequentiore, magisque contagiosum, attulisse, & longe magis reddidisse popularem, inde etiam probabile reddere tentat, quod constet, plus eum in zona torrida & periculi habere, & contagii.

(25) *history of physick* vol. I. p. 274.

(26) vol. 2. p. 189.

(27) *dissert. de variol. & morbill.* p. 4. conf. celeb. *Alberti* epistola de *ortu variolarum & morbillorum*, in qua docte satis probat, post tempora *Hippocratis & Galeni*, ex intimiori Africa ad Europaeos translata, allegante cl. *Lischwitzio* *dissert. de morbillis* p. I.

(28) *Alpinus* de *medic. aegypt.* fol. 23. 25.

(29) *conspect. medic.* p. 209. Haud scio, qua auctoritate ista coniectura nitatur. De *Casris* contradicit testis fide dignissimus, *Kolbius*, loco ad not. 2. adducto. De *Nigritis* vero frustra dubium mouet *Koelichenius* in *ast. hafn.* vol. 2. p. 235. ob obseruata in aethiope, licet non ex *Nigritia*, sed ex orientali India in Daniam delato. "Obseruauit enim aethiopem illum
"puerum, variolis tunc sat frequen-
"tibus correptum, toto corpore, prae-
"terquam in facie, iis scatuiffe, sed
"minutulis, instar seminis milii ma-
"nentibus ad finem usque, materia
"quidem purulenta, sed magis serosa
"repletis, praeterquam in manibus
"& pedibus, ubi paullo maiores fue-
"rint, & fere instar nostratium. Vi-
"derat anno praecedente materfami-
"lias, apud quam iste decumbebat, si-
"miles in puella aethiope. In puero
"praeterea id singulare fuit, quod,
"quamuis priores semel exsiccatae
"essent, nouae iterum similes erum-
"perent, & hoc vel tertia vice, ut di-
"utius

digitat, nempe Nigri fluminis, Nilo exundationibus simillimi, accolae, & Cafros, apud quam populorum bigam perquam familiariter variolae & morbilli grassentur. Coniicit inde ibi endemios esse, & plus semel hominem infestare. Cl. *Goelickius* etiam (30) adeo inter Nigritas variolas & morbillos familiares esse, ut eundem hominem bis terue inuadant, memorari affirmat. Neque forte probabilitate caret coniectura nostra, Nigritarum interiorum aliquos, a commercio ceterarum gentium remotiores, fluminis sui periodice exundantis, & passim restagnando putrescentis, vaporibus haustis, morbum aliquem acutum epidemium suscepisse, cuius materies, ob diuersum praecipue a ceteris nationibus cutis succorumque eo defluentium habitum, accedente ingenti regionis feruore, & nocturni frigoris vicibus, singulariter ad cutem determinata, ibique restagnans, enatis pustulis eiusmodi singularibus, hanc ipsam induerit indolem, ac tandem, per contagia & commercia frequentiora, sese cum ceteris nationibus pariter communicarit. Id quod tunc forte praecipue fieri potuit, quum & Europam fere omnem, & interio-

“utius Europaeis aegrotaret., In-
de typum indolemque illam aethio-
pum variolis familiarem esse iudicat,
& naturae praedicat benignitatem,
quae obscurae faciei gentis illius pla-
ne parcat. Sed vel anomaliae fue-
runt, vel plane non verae, variolae
istae, vel aethiopibus sub danico cae-
lo propriae. *Fehr. de scorzon.* p. 84.
aethiopem asiaticum variolis laboran-
tem memorat, sine distinctione a no-
stris. *Acta medic. berolin.* dec. I.
vol. 4. p. 25. septem aethiopes pue-
ros similiter allegant. Ipse hic ante
biennium aethiopem iuuenem cura-
ui a variolis veris distinctis, ea plane
facie, indole, typo, uti apud *Syden-
hamium* describuntur. Neque diffe-
rentiam habent itinerariorum scripto-
res, quos inter recentissimus est *Des*

Marchais, qui t. 2. p. 134. nulla no-
tata diuersitate, variolas Nigritarum
curatas recenset, data quotidie drach-
ma una cum semisse theriacae, & fic-
cescentibus pustulis, eadem pulueris
Cornachini dosi.

(30) *hist. medic. uniu.* P. I. p. 603. sqq.
Auctoritatem eius observationis nul-
lam affert. Rationem vero quaerit
in feruidissimo, sub eius nationis cli-
mate, calore diurno, & alterno no-
cturno frigore, quod, quum praeter-
ea Nigritae nulli populo plenitudine
succorum cedant, isti cutis affectui
originem praebere potuerit, qui inde
per commercia ab Afris primum ad
Hispanos, deinde ulterius dispersus
sit, cum causa ceteroquin vniuersalis
exsistat.

teriore Africam, Saraceni, nullas regionum itinerumque molestias veriti, migrationibus suis, impugnationibusque inuaserunt, & loca immensum seiuncta suae nationis miscuerunt commercio.

Sane in Americam etiam (31) a Nigritis praecipue delatus hic morbus, & certe ibi nouus est, eoque, vti & in orientales austrinasque Indiae insulas (32), demum cum Europaeis migravit, ac,

Aera permensus multum camposque notanteis,

Incubuit tandem populis. (33)

Contagium, quod transferri potest, eminentissime omnibus veris variolis adhaeret: (34) atque, si quid iudico, inter nos vix, ac forte ne vix quidem, sine contagio producuntur. Haud enim scio, an quisquam de hoc morbo dicere iure queat, quod *Fracastorius*, quo

(31) v. *Ponssec. consult. medic.* 48. §. 37. add. *Baricell. hort. genial.* p. 65. *Conring.* dissertat. de variol. & morbill. *Petr. Martyr.* dec. 4. c. 10. dec. 5. c. 10. qui ex allatis ab Hispanorum colonia variolis fratrem regis Mexici interiisse scribit. Dubia mouet *Sylvaticus controu. medic.* p. 422. sqq. quia non omnes & singulos regionis morbos a barbaris incolis discere Hispani potuerint. De Anglis tamen etiam, aliisque nationibus, incertas Americae plagas primum variolas secum afferentibus, fide digna referuntur. Curiosum est, & deinceps in hac controuersia notandum, quod de Brasilia *Piso* habet, in *de India utriusque re naturali & medica*: “Anno 1643. aestate admodum ficca anthracis non lethales apparuerunt,” (en auctorem recentiore, qui carbunculos sine pestilentia epidemios vidit, & mox tamen a variolis satis distinguit.) Pergit enim: “variolae pestiferae, quas testatur *Alpinus* bis (vel potius semel) in anno, in Aegypto

“grassari, hic incognitae. Triginta annorum decursu, semel duntaxat “Africana mancipia, (id est Nigritae) huc variolis laborantes deuecta, reliquos, nullo modo contaminatos, ingenti barbarorum strage, inquinant.,

(32) *Manget. biblioth. pract.* t. 2. p. 716. *Bonet. medic. septentr.* l. 5. sect. 4. obseru. 6. add. nota (35) de insulis septentrionalibus.

(33) *Lucretius.*

(34) *Iaster.* p. m. 5. “Illud quidem verissimum est, a primis huius morbi auctoribus traditum, quod ipsi etiam quotidie animaduertimus, variolas esse de summe contagiosis aegritudinibus., ill. *Hoffmann. medic. system.* t. IV. sect. I. pag. 150. “probe, ait, tenendum, quod materia variolarum semper sit indolis fermentativae, sui que multiplicativae; vnde vix ullus alius morbus, excepta forsan pestilentia, adeo contagiosus.,

quo iure nescio, de siphylide poerice profatur, "ostendere se posse multos, qui hanc sponte sua senserint, primique tulerint., Neque vero nouum hodie ortum fingere opus est. Nam in nostris regionibus variolae nunquam amplius generatim cessant, vt non alicubi, modo in hoc loco, modo in alio, praesertim in magnis ciuitatibus, perpetuo haereant, & fauente statu epidemio, & singulorum corporum διαδετα, accrescenteque denuo, singulis in locis, pusionum nondum antea affectorum numero, alibi rursus per commercia dispergantur. Dubium exinde pluribus eruditis est, num, si plane aliquando nostro orbe excederent variolae, oriturae denuo sponte & remeaturae vnquam sint (35). Sane vbique per aegrotantium effluuia, & per vestes, immo forte per chartas litterasque (36), contagii huius, velut etiam pestilentis, fit propagatio, & plerumque clare satis obseruari ac doceri potest.

Cele-

(35) De insulis ferroensibus *Debesius* apud *Bartholinum* *act. hafniens.* vol. I. p. 86. "variolae, inquit, puerorum hic ignotae, nisi aliunde transportentur, mirabili spectaculo decumbentibus omnis sexus & aetatis hominibus, &, quia sibi inuicem auxilio esse non possunt, occumbentibus. Anno 1651, cum primum ad insulam appulisset auctor, aduenerat iuuenis quidem ea aestate ex *Dania*, qui ex variolis conualuerat; sed *indussum non lotum* mulieri cuidam ad lotionem traditum infecit & hanc, & alios. Promiscua exinde strages omnes paene incolas prostravit, vt non pauci insepulti iacuerint, & ea lues ad diffitas etiam insulas disseminata fuit.,

(36) Huius rei sat probabile exemplum reperire mihi visus sum, quum nulla omnino ante aliquot annos hic loci notarentur variolae. Puella lit-

teras aliunde a fratre suo, qui morbo isto ibi tunc epidemio laborabat, acceptas gestarat secum per aliquot dies; &, en! nil metuens aut cogitans, subito eadem lue coepit affligi, contagiumque deinde cum ceteris contubernalibus quatuor communicauit, vnde id in aliam quoque domum translatum est, eamque peruagatum cessauit. Nescio an sola hoc in casu, aliisque similibus συμπαθεια & similis διαδετα familiae, alioqui a multis obseruatoribus de hoc morbo notata, accusari debeat. Cauendus est error hac in re facilis. Nam & illud accidere potest, quod dixi, & vt per nuntios aliosque contagium deferatur, & aliquando, vt domi, haustum in corpore lateat, donec, itinere aliorum instituto, post aliquantum temporis emergat, & denique, vt, grassante in duobus diffitis locis morbo, non solo συμπαθεια, vtrobique agnati corripiantur.

Celebrata illa inoculatio variolarum, siue infitio, hic loci etiam, praesertim in principe iuventutis incomparabili, quem dominum veneror longe clementissimum, qui me ad sui corporis curam gratiose admittere dignatus est, & in Anglia in tota fere augustissima domo regia, optato cum successu peracta (37), nihil aliud quam contagium est (38): quorsum etiam spectat emtio, quam dicunt, infitionis species, in Wallia, Angliae prouincia dudum ante inoculationis notitiam, vsitata, de qua cl. *Jurinus* singulari scriptione egit. Nempe variolarum emtor cultello, pure aegrotantis contaminato, propriam radit cutem, donec sanguinolenta euadat, atque ita, soluto pretio, comparat sibi morbum, gratis certe, & sine superstitione per sola puris effluuia, cum sanguine ita communicata, facile acquirendum (39). Superstitiosa etiam illa nostratis plebis emtio, dum

ia-

(37) Laeti post felicem istam infitionem secura a tam metuendo, in adultiori praesertim aetate, morbo noscimus germina regia, spes patriae, & tot populorum. Neque timemus, quod, praeter alios oppugnatores, b. *Gohlius* *att. medic. berol.* dec. 2. vol. 2. p. 30. opinatur, variolas non nisi anomalas infitione excitari. Verae sane sunt, & sat non nunquam graues, & aequae, ac sponte ortae, praecauent a reuersione. Errat mirabilem in modum idem *Gohlius*, dum ipsum *Pylarinum* dicit confessum: "grassantibus populariter variolis correpta fuisse promiscue corpora iam infitionem passa, communi ceterorum forte.", At loquitur hic de iis corporibus, "ubi interdum, sed raro, acciderat, ut ex infitione nullae excitatae fuerint variolae.", & his iisdem postea, sub statu epidemio, morbum eum, aequae ac aliis natum esse, qui nullam infitionem passi fuerant, mirum non est.

(38) Elegantissime, ut solet, illustris

Boerhauius in praefatione ad *Luisini aphrodisiacum* "robustissimi, ait, "agricolae sanissimo sanguini pus de "papula variolae, particula vix con-"spicua, apice aciculae infigatur. "quis mortalium credat? En febrim "omnino singularem, sui semper ge-"nii tenacem, suo definitam tempo-"re, propriis stipatam symptomati-"bus! Mox erumpentes admiraris "papulas certae formae naturaeque, "intra determinatum tempus in ab-"scessus purulentos quae degenerant: "quorum tanta saepe glomeratur fre-"quentia vndique, ut omnis fere san-"guis, efficacia mali, in malignum "pus conuersus sit, totumque aliquan-"do corpus pessundet, atque minima "rursus, particula virus idem gerat, "sanumque corpus valeat inficere si-"millimo contagio.", Exscripsi locum egregium, quia, concinne expressa rei imagine, magnam horum, quae dixi, partem belle confirmat.

(39) Nolim, quod aliqui faciunt, infitionem variolarum ex arte proscribere.

infantes sanos ad aliquem variolis laborantem deferunt, vt, oblato
num.

re. Certum enim est: (I.) eiusmodi ea morbum accendi, qui alioqui etiam vix est euitabilis: (II.) praecaveri ea, si, vt solet, successerit, eiusdem mali reditum: (III.) eligi posse, quod alias non ex voto saepe succedit, tempus aetatis, sanitatis, anni, status epidemii, congruentissimum: (IV.) desumi curiose posse contagium ex optimaе notae variolis, licet id pro corporis, cui inseritur, infelicio-ri habitu, peiorem indolem aliquando induere non negem: (V.) nosci a principio ingressi contagii, immo praenosci, morbum, eiusque tempora, vt diaeta & medicina, sine aberrationis metu, accommodari queat: (VI.) sine praenio viscerum aut aliorum humorum consortio, aut metuenda lenta contaminatione & permissione, quantitatem contagiosae materiae exiguam, sufficientem, subito in ipsum sanguinem infundi, quod forte haud spernendum est: (VII.) denique, licet pauci aliqui ex insitis variolis perierint, quod hic loci plane factum non est, (ab introducta insitione vsque ad annum 1735.) & licet sat grauitate decubuerint plures, ingentem tamen plerumque periculi & molestiarum differentiam notari, iis praecipue in locis, vbi summum saepe periculum morbi esse solet. Atque, si recte omnia & eligantur, & fiant, felicius forte adhuc insitionis artificium procedere posset: quod illis certe in locis & familiis, vbi magis solito timeri alias malum debet, sub statu epidemio feliciore, & sano ceteroqui corpore, & iusta cum cautione, non dissuadendum putem, etli ipse suator nondum fuerim (*).

Exspecto auide promissum ab ill. *Michellotto* in *commerc. norimb.* 1733. p. 251. librum *de variolis*, cui *oratio de inoculationis variolarum praestantia atque utilitate* iungetur. Nuperime in manus meas incidit libellus celebrati illius poetae, *Voltaire*, epistolas varii argumenti complectens. (*lettres philosophiques*, vti rothomagensis editio habet, vel, vti amstelodamensis, *lettres sur les Anglois Et sur divers sujets*) Ibi peculiari epist. 8. non solum acriter propugnatur insitio; verum etiam curiosa eius origo inter circassos enarratur. Dicuntur hi populi, natiuae pulcritudinis lenocinio filias suas per orientem vendere soliti, hanc miserabilem mercaturam ingens a variolis, formam egregiae spei saepe disperdentibus, detrimentum capere obseruasse. Itaque, vti lucri cupiditas artium inuentrix est, tentasse in lactentibus hoc artificium, idque eo successu, vt cicatricum foeditatem iam plane nullam in huius gentis puellis obseruare detur.

(*) Ab hoc principio nec ultimis vitae annis autor recessit; caeteroquin sat magnus eorum numerus erat, qui ex ejus manu variolas artificiales acceperant fausto omine, aliarum quoque regionum innumera felicissimi successus exempla eo adducere cum potuissent, ut non solum concederet sed & suator existeret, sed non nisi ab agnatis monitus insitionem variolarum suscepit, atque in ea quidem methodum illam antiquiorem antea cognitam sibi pro norma sumit (*Suttonio-Dimsdaleana* versus obitum de-

nummo, certum variolarum numerum ab eodem emant, contagio miscellos ita appropinquantes facile afficit, ut voti ex parte partes, morbum lucrentur. Ast hic pustularum numerum sua & corpusculi indole, non emtoris aut eius parentum voto, metitur, qui, exiabili haud raro enata aegritudine, damnandae superstitionis poenas luunt.

§. VII.

Fomes natiuus.

Est certe in ipsa natiua humani corporis textura fomes aliquis ad illud inquinamentum suscipiendum aptus, quisquis ille sit, isque ita comparatus, ut, semel per contagium, & statum epidemium, & suam ad ista proportionem, certis saepe familiis peculiarem, per aetatis etiam & constitutionis rationes mutabilem, accensus & deflagrans, totus in perpetuum perire fere semper soleat: quem sunt hodie plures,

mum *Werlhofii* innotescente) inter regiminis nempe nimis calidi frigidi-que duo extrema media via incedens, pro insitione vel autumnum vel ver elegit, vulnuscule utrique brachio inflicto, -- interdicto victu animali ad praeparandum aegri corpus prae aliis fusus est acidis mineralibus, praesertim tincturis illis vitriolatis *Aquilegiae* &c. (juxta methodum praecceptoris *Spiessii* alibi indicatam) vel Mixturae simplici adeo ipsi adamatae. Mercurialibus autem vel Antimonialibus ad extirpandas variolas ab *Ettmullero*, *Boerhaavio*, *Lobb* &c. commendatis non sine urgente indicatione usus est. Spem aliquam in virtutem Corticis peruviani positam & a medico viennensi de *Haen*, (Rat. medend. T. II. p. 109.) manheimensi *Casim. Medico*, in peculiari tractatu ad prophylaxin variolarum ductam, turpiter fallere lugens vidit in Epidemia variolosa anni 1766. ita ut in-

fantes quinque ejusdem familiae hoc scopo ante infectionem Cortice quasi nutriti, variolis nihilominus extinguerentur instar aliorum. Nec facile in Corticis efficacia remedium ad variolarum prophylaxin quaeret, qui sub ipso ejus usu diuturno aegros nobis vel vera tertiana intermittente simplici correptos esse noverit. Eadem spe excidisse etiam *Trallesium* (de Methodo med. Sydenh. p. 47.) novimus.

Caeteroquin morbi variolosi naturam non putavit artis ope adeo posse mutari, utabsque Pathognomonico illo, absque exanthematibus illis specificis produceretur (licet sine variolis illum observatum non negaret vid. not. subseq. 41.) Experimenta quoque pro hoc fine in vicinia a Götting. professore *Roederero* iuxta theoriam subtiliorem instituta, *Werlhofii* opinionem comprobarunt. conf. *Wrisberg* de insit. Variol. Gott. 1765.

res, qui in sola solidorum dispositione, semel per specificum morbi motum mutanda, quaerunt; alii in certis tubulis, & spinalis quidem sigillatim medullae, viscositate quadam obuolutum & impactum haerere (40); nos lubentius in parte quadam totius massae sanguineae crasin ingrediente, tenuissima & *ὀρυγερὰ* latitare, varias ob rationes opinamur (41). At iste fomes, quisquis est, (quod nemo forte vnquam explicabit (42),) quamdiu non accedit *contagium*, sanitati

(40) v. haec ill. *Hoffmanni* ingeniosa coniectura in *medic. system.* t. IV. Sect. I. p. 144. sq.

(41) Dubitandi ratio vna est, qui fieri possit, ut tot humorum mutationibus, secretionibus, excretionibus, tot aliorum morborum, qui crasin totam disturbare videantur, motionibus, non exhauriatur tandem, aut a sua indole deflectat. At ista omnia connatam corpori crasin euertere necessario apta non sunt. Multi sunt liquores, quod chemia docet, certi generis particulas in suae *αγερως* recessibus fouentes, quae, quocunque modo agites massam, aliasque & alias particulas mutes, misceas, separes, non nisi suo aliquo menstruo, aut fermento, excitatae tandem emergant. Variolarum vero tenuissimus fomes, recepto in sanguinem ipsum contagio tenuissimo, in momento saepe temporis, in ipso, & cum ipso sanguine toto agitari incipit, & facta exinde certi liquoris aliquius singularis sanguinei & serosi, acris, inflammantis, & ad suppurationem tendentis, propulsione ad cutem, interdum parcissima, deflagrat omnino, & extinguitur. Nulla nonnunquam, aut vix notabilis, in partibus corporis solidis fit mutatio, ut variolas fere sine aegrotatione saepe

notare liceat, quae tutos deinde tamen praestent. Neque vero violentissimi aliorum morborum per partes solidas motus, variolosis non absimiles, & spuriarum variolarum paria molimina, & totius neruorum generis tubulorumque spinalis medullae commotiones insignissimae, vel producere hoc malum, sine proprio contagio, vel, sine proprii huius morbi accessione, praecauere possunt, quod sola specifici eius liquoris commotio singularis, separatio, & excretio praestat. Haec autem fere semper fit per pustulas específicas, interdum etiam, sed rarissime, neque eadem cum securitate a regressu, per haemorrhagias, aut diarrhoeas, aut abscessus, contingere potest, ut morbus variolosus sine variolis nonnunquam obseruatus negari nequeat. Idem ipse tamen morbus sit oportet, eadem contagio, idem fomes.

(42) Arabes ad menstrui sanguinis reliquias prouocare, notum est. Quod, si iunctim cum diuerso ab his reliquiis qualibuscunque contagio intelligatur, non relictum plane esse videtur. Respondent aliqui: at, sunt feminae tota grauiditate menses passae, sunt, quae plane non patiuntur, & liberi utrarumque a variolis immunes non manent. Certum nihilo minus esse

nitati nequaquam officit: quod in iis videre est, qui in virili, senili, decrepita demum aetate, pensum communi huic morbo exsoluunt, contagione tandem aliquando infecti, ceterum antea sani: ut nuper rimi obseruavi in rustico octuagenario, qui, tota fere vita sanissimus, variolas distinctas egregie in ista aetate exsuperauit. Quod si igitur, uti mihi adhuc visum est, intacti a vero, & ista hodie vulgata ratione constituto variolarum morbo, vixerunt graeci ac romani veteres, tunc solum contagium defuit, quod natiuo illi, sed per se innoxio fomiti, quo neque ipsi caruisse videntur, insinuatam, in istam singularem pustularum luem erumpere potuisset. Ad plerosque profecto morbos, certe typicos, febriculosos, communes, populares, non sufficit materia impura, peregrina, corpus corrumpere apta, praeter naturam cum eo communicata; sed fomes simul humani corporis naturae natiuus, fluidus, elasticus, crasi humorum diuersorum diuersimode immixtus, isque nequaquam per se morbosus, in corpore existat necesse est, eoque polleat habitu, ea διαθεσις, qua & in sinum suum excipere peregrinam materiam, & cum illa in morbosum feruorem, sublato iusto aequilibrio, agi posset, quo & humores corporis, & partes etiam solidae, excitentur ad motus tritusque praeter naturam, quibus despumationem typicam perficere natura, ad mechanicas hydrostaticasque leges sapienter stabilitas, nita-

esse puto, nusquam deesse plane, sed ad cuiuslibet foetus incrementum necessario adhiberi tennem illam materni sanguinis portionem elasticam feminalem, quae ipsa, modo magis, modo minus copiosa, vegeta, plethorae iuncta, solidorum aequilibrium superans, orgasmum menstruum moderari videtur. v. *obseru. nostrae de febris* sect. 6. §. 6. Quid si istius sanguineae materiei certae particulae subtilissimae, *σπογγεαί*, ceteris exsolutae, profunde in crasin sanguinis embryonis, per gestationis nutritionisque in utero tempus, immerfae,

& vsus, qui foetus incremento destinatus erat, effoetae post natiuitatem amplius non habeant, sed & noxam inferre non possint; tamen, ubi cum apta aliqua, & quasi fermentante materia singulari mistae fuerint, exsuscitato principio elastico, adscitaeque indole peregrina, acri, & quae crasi sanguinis, & aequilibrio partium solidarum non amplius iusta proportionem respondeat, in illum motum agantur, & suo typo deflagrent? Elementorum sanguinis materni foetum nutrientis historia nondum absoluta est.

nitatur. Vtrunque erratum esse puto, tum ab iis, qui connatam nobis totam variolarum materiem iudicauerunt, & per se sponte maturari & euolui, tum qui, sine interno fomite, a solo illam contagio, aerisque externi statu, vnice deriuarunt.

CAPVT II.

DE ANTIQVITATE VARIOLARVM NOVI- TER PROPVGNATA EIVSQUE FVNDAMENTIS, SIGILLATIM DE LOGO ILLVSTRI HERODO- TI MEDICI.

§. I.

cl. Hahnii sententia.

Istis sententiis imbuto mihi in manus venit erudita illa, & ingeniosa, & perquam speciosa *cl. Hahnii* tractatio, contrarium plane, quod ad variolarum antiquitatem attinet, docens. Dubia primum mihi aliqua, & admirationem mouit, ob rem, quae tam clara & certa dicebatur, tot attentis Argis non visam; sed mentem meam curatius examinantem, quod pace viri praestantissimi dixero, a prisca sententia nequaquam remouit, immo potius in ea confirmauit, quum, tanto ingenii & doctrinae apparatu, & vltimo quasi, post tot alia aliorum irrita tentamina, conatu, incassum tamen pugnari visum est. Variolos nostros veros priscis medicis omnibus notos fuisse, & descriptos autumat, partim sub generalioribus exanthematum, phymatum (1), ecchymatum, pustularum, (quae *Celso*

(1) v. tamen de phymatibus *Celsus* l. 5. c. 28. §. 9. vbi “phyma inquit, nominatur tuberculum *furunculo simile*, sed rotundius & planius, saepe

“etiam maius. Nam furunculus *ouii dimidii magnitudinem* raro explet, “nunquam excedit; *phyma* etiam *latius patere consuevit.*,” Haec, & quae “sequun-

so (2) variolae benignae sunt) papularum, similibusque nominibus: quae pluribus interpretum vulgata, sed & dudum refutata a pluribus, sententia est: partim figillatim magis, tum ab *Herodoto*, sub nomine pustularum in febribus, tum a graecis latinisque ceteris, sub *anthracum* & *carbuncolorum* titulo: de quibus quicquid apud veteres occurrit, de variolis nostris proprie explicandum esse contendit.

§. II.

Plane noua non est.

Nunc primum omnino ex antiquitate erutam esse hanc de carbonum & variolarum *συωνυμια* sententiam, & omnibus medicis recentioribus praetermissam, quod titulus innuit, dici nolim. Testem aduoco *Carol. Drelincurtium*, qui, peculiari dissertatione de *variolis* (3), effata graecorum de anthracibus, & ipsum illum primum ac

prae-

sequuntur, nullam generalem notionem variolis aptam concedunt. Add. *Hippocrates* praedict. l. 2. edit. *Foesianae* p. 95. ubi manifeste scrophulosos maxime puerorum tumores, saepe suppurari solitos, ad phymata refert: unde non solo, quod dicitur, *sequiori aeuo*, phlegmone glandulosa hoc vocabulo notata fuisse videtur.

(2) Comprehendit hac voce & describit l. 5. c. 28. §. 15. non morbum pustulosum aliquem singularem, sed varia cutaneorum excretionum genera, sudamina, phlyctaenas stricte dictas, phlyzacia, epinyctides, longe a variolis aliena, de quibus v. *Sebizius* de *variolis & morbillis* dissert. l. §. 12. vti & curatio indistincte proposita ad has minime quadrat, ad pustulas chronicas chirurgice potissimum curandas apta, non ad morbum febrilem, inflammantem, acutum medicandum. "In omni pustularum genere, primum

"in curatione esse, ait, multum ambulare, exerceri, gestari., Hoc profecto si variolis, etiamsi benignis laboranti suadeat medicus, id saepissime agere videretur quod irrisor *Plautinus*, qui lenoni aegrotō vix pedem mouere valenti, & conquerenti lienem sibi quasi disruptum, "ambula, respondet, id leni optimum est., curcul. act. 2. sc. l. v. 29.

(3) Exstat in *Drelincurtii opusculis*, item apud *Sidobre de variolis*, & in *Mangeti bibl. pract.* t. 4. p. 664. sqq. sed omissis adnotationibus, quas habet eadem dissertatio seorsim edita Lugd. bat. 1675. sub nomine auctoris, ut dicitur, respondentis sine praeside, *Petri Schaffeldii*. Frequens in academiis est eiusmodi *ψευδωνυμια*, saepe, si auctor verus etiam perpetuo taceat, ex stylo & ratione docendi haud difficulter detegenda. Scribat *Boerhauius*, scribat *Heisterus*, *Schulzeius*,

praecipuum *Hippocratis* (4) de iis locum a cl. *Hahnio* laudatum, ad istas pertrahit, & "variolas, ait, antiqui & carbones adustos, & filias ignis (5) esse dixerunt."

§. III.

Fundamenta praecipua duo.

Fundamenta antiquitatis variolarum apud cl. *Hahnium* praecipua sunt duo, eaque, vt primo intuitu videntur, perquam dilucida: dum cetera, quamuis eleganter & ingeniose pro horum confirmatione exquisita, vel eodem recidunt, vel clari nihil euincere ipsi cl. viro videntur. Perhibet nimirum [I.] historiam & differentias variolarum ab *Herodoto*, primi & secundi a Christo nato saeculi medico, sub pustularum in febribus nomine, adeo graphice, vt vix ante *Sydenhamium* a quoquam, descriptas superesse: [II.] anthraces, carbones, carbunculos veterum, & quicquid de iis dignoscendis vel curandis scriptum sit, in variolas nostras apprime quadrare: cuius rei testes vocat ipsos arabes, qui & anthracis vocabulum in vertendis graecorum monumentis, suo variolarum nomine exprefferint, & harum descriptionem, signa, & medelas, ad carbunculi veterum nor-

tzius, aut eiusmodi insignis auctor; parentem foetus facile prodet. Exemplum in promptu forent, si ea propagare luberet. Vnum dicam, quod sese mihi haud pridem obtulit. Valde enim fallor, aut ea dissertatio de dubia & suspecta haemorrhoidum laude erfurtenlis, quam in cautionibus medicis meis tract. 2. §. XI. laudavi, auctorem verum agnoscit professorem clarissimum, iam Göttingensem, Jo. Wilh. Albrechtum, cuius elegantissima solidissimaque descriptionis & doctrinae ratio ex inaugurali de morbis epidemicis disputatione, ex observationibus anatomicis, &

ex tractatibus physicis de tempestate, & de vi musices in corpus animatum, cum plausu innotuit.

(4) 2 epid. sect. 1. φλογαίνες ὡπνεύουσιν. Confer. adnot. ap. *Drelincurt*. §. 16. cum tractatus *Hahniani* §. 10.

(5) Desumptae sunt hae dictiones ex ipsa illa latina versione *Ali Ebn Abbas*, vulgo *Haly Abbatis*, quam vrgit cl. *Hahnus* §. 65. Easdem voces inde etiam repetit, pro antiquitate variolarum pugnans, *Sylvaticus controu. medic.* p. 419.

normam, immo ipsis illis locis excerptis, quibus graeci descriperant anthraces suos, designarint.

§. IV.

Argumentum speciosum ex loco Herodoti.

Primum, uti dixi, momentum est locus ille ex *Herodoto* medico (6), qui tamen, ubinam exstet, non indicatur: quamvis deinceps (7) praedicetur, praelatum eum esse ab *Aetio* omnibus aliis. Quod si ita, uti excerptus est, iste locus, in *Aetio*, aut quoquam alio prisco auctore, exstaret, profecto historia satis elegans, & distincto variolarum distinctarum & confluentium, consignata esse videretur: quamlibet longe clarius vberiusque plures tamen auctores arabes (8) & europaei posteriores, ante *Sydenhamium*, descripserint variolas, earumque genera discriminarint. Sed salua res est. Non fuit ad manus cl. auctori ipse codex *Aetii*, apud quem (9), & nusquam alibi, prostat *Herodoti* ἐξανθημάτων, seu *pustularum*, in febribus curatio: quae, si tota, eo ordine, quo scripta est, legatur, toto caelo diuersa apparebit ab istis hinc inde extra contextum selectis, & ex tractatione de diuersis pustulis, pro solarum variolarum historia conficienda, contextis & interpolatis excerptionibus: quae nescio vnde haustae, sed ita eleganter sunt dispositae, ut verarum variolarum sat nitidam speciem exhibere videantur. En locum, qualem cl. *Hahnii* proponit, quaeque praemittit & subiungit verba. “Interim, “inquit (10), uti in genere omnibus variolis dicatum carbunculi “agnomen est, sic apprime confluentibus illud competere arbitror, “utpote, quae copia, dolore, inflammatione omnem humidita-
“tem

(6) adductus apud cl. *Hahnium* §. 30.

(7) §. 32.

(8) *Lister. de variol. p. 4.* “Adi sis
“*Auicennam, Mesuen, Rasen, Alsa-*
“*harauium*, diligenter attende ad ea,
“quae de variolis scripserunt, confer

“cum tuis: deinde dic mihi, quid
“nostri homines adiecerint noui!.,
“*Sydenhamium* praecipue & *Morton-*
“*num* intelligit, in quos ubique eo
tractatu calamum stringit.

(9) *tetrabibl. 2. ferm. 1. c. 129.*

(10) §. 30.

rem absumente, accensorum carbonum indolem per omnia imitantur. Bonae autem indolis variolae sola saepe phymatum, pustularum, siue tuberculorum, & exanthematum, voce indigitatae fuere. Quod reuera antiquitus ita obtinuisse apparebit ex longe exquisitissima variolarum descriptione medici primo & secundo saeculo florentissimi (*Herodoti*). Quae, quum aequari cum recentissimorum descriptionibus queat, hic inseri prae omnibus meretur: In principiis febrium non simplicium & ordinariarum, sed a prauis humoribus ortarum, quarum accessiones comitari solent vehementes circa stomachum morsus, circa totum corpus exoriuntur vices, similes culicum moribus, e quibus enascuntur pustulae (sunt autem & carbunculi ex genere pustularum iuxta Aetium (11),) si boni moris fuerint, pauciores seu sigillatim dispersae, magnae, colore albae, redundantes in femoribus, natibus, lateribus, & summa ventris plerumque parte, originem ex multa, lenta, & alba materia habentes, modicum pruritum inducentes, aluo suppressa, aut modicas egestionem faciente, bene succedentes. Tales non grauem morbum minantur. Si vero mali moris sint, febris ardens adest, fluenteque aluo & vexantibus vomitibus, prodeunt pustulae, caeque numerosiores, vicinae, serpentes, feruentes, exulcerantes, depascentes. Ex his, quae cito delentur reuersae intra corpus, periculum afferunt, nisi per vomitum aut aluum acrimonia secedat. Sequuntur ad tales pustulas febrium malignitas, & animi deliquia. Pessimae sunt saturate rubrae, & his deteriores liuide, nigrae, inflatae seu vacuae, & similes existentes compunctis carnibus. Hae redundant in facie, in qua omnium malignissimae, & pectore, & ventre, lateribusque, & dorso. Tales multitudinis corrupti humoris habitum erodentis signa sunt, & pestilentes omnino & carbunculosae dici merentur.,

Per-

(11) Alluditur ad locum *Aetii* de carbunculis in palpebris, *tetrab.* 2. serm. 3. cap. 30. qui, quam longe a vario-

lis distet, legenti cuilibet iudicandum relinquo, infra nobis singulariter expendendus.

Pergit cl. *Hahnus* (12): "hebetes esse oculos oportet, qui hic
 "variolas, & quidem vtrasque, distinctas & confluentes, non cer-
 "nunt, & retusa mentis acies est, quae nullis inuolucris rectum aut
 "nodis intricatum aenigma soluere diffidit. Non video, ad quem
 "vllum alium, quam variolarum morbum, haec omnia & singula
 "applicari queant. Adeo non delineata, aut adumbrata, sed expressa
 "plane earum hic facies, vix ante *Sydenhamium* a quoquam magis
 "graphice depicta."

§. V.

Locus Herodoti genuinus.

En ex aduerso totum ex *Aetio* caput de *pustulis in febribus*, ex
 versione exquisitissima *Iani Cornarii*, quae exstat inter *medicae ar-*
tis principes ab *Henrico Stephano* a. cio io lxxvii. iunctim editos,
 cui passim, illustrationis causa, ipsa graeca verba inseremus, &
 notationes nostras iungemus.

"In febrientibus assidue fiunt [ἐξανθηματα] pustulae circa labia
 "& nasum, iuxta febrim solutionem (13). Verum in principiis (14)
 "[κατ' ἀρχας δὲ] febrium non simpliciorum [ὁ τῶν ἀπλυστέρων], sed a
 "prauis humoribus ortarum [κακοχυμοτέρων], circa totum corpus ex-
 "oriuntur vibices [μωλωπες] (15) similes culicum morsibus (16).
 "[ἐμφερεῖς τοῖς ἀπο κωνωπῶν δηγμασι] (17). In malignis autem &
 "pesti-

(12) §. 31.

(13) Nihil ad variolas.

(14) *Hippocr. epid. 5. §. 92.* "Eu-
 "phranoris filio exanthemata *culicum*
 "morsibus similia eruperunt. Poste-
 "ro die inuasit febris.," En ipsa
 haec *Herodoti* exanthemata, a vario-
 larum more aliena.

(15) *Forestus* l. 6. obs. 39. "Ἐξανθηματα
 "in febribus malignis & pestilentibus

"per totum corpus oriuntur, rubores,
 "similes *culicum morsibus*: unde &
 "μωλωπες, hoc est *vibices*, appellantur,
 "cum neque *ulcus* neque *crustam* fa-
 "ciant: quamquam etiam aliquando
 "ulcerari ipsos compertum fit.,

(16) Haecine variolarum facies? ubi-
 nam hic incrementi, inflammationis,
 abscessus, exsiccationis mentio fit?,,

(17) *Langius* epist. l. 2. 15. "An quae-
 "so, inquit ad hunc locum, febris len-
 "ticula

“pestilentibus febribus exulcerantur, & quaedam ad carbunculorum
“speciem accedunt (18).

“Omnes autem multitudinis corrupti, & habitum erodentis
“humoris signa sunt. Quae vero in facie oriuntur, omnium mali-
“gnissimae sunt (19). Deteriores autem sunt plures, quam paucio-
“res, & maiores, quam minores [τα μείζονα των βραχυτέρων] (20)
“& quae cito delentur (21), quam quae multo tempore durant.
“Deteriores item feruentes [τα πυρεντα,] quam quae pruritus indu-
“cunt (22). Et quae quidem succedunt aluo suppressa, aut mode-
“ratas egestionem faciente, bonae sunt; quae vero fluente aluo &
“vo-

“ticula clarius depingi possit? qua-
“tres in Palatinatu ante biennium in-
“fectos, expurgata cum pharmacia
“leuioribus cacochymia, sanitati fe-
“re deploratos restitui.,

ligna, apud cel. *El. Camerarium* diff.
de *febrium nequitia* p. 7. 8. 29. Ex-
anthemata malignarum febrium, quo
magis superiores partes adoriuntur,
eo peius plerumque significant.

(18) Ergone benignae non abscedunt,
non vlcérantur? Atque haec descri-
ptio breuissima num variolis desi-
gnandis sufficiat, aut quadret? Ipsae
vero si sint carbunculi, quomodo ad
earum [εἶδος] speciem accedant? Ex-
anthemata vlcerosa, immo carbuncu-
losa, in malignis febribus rara non
sunt. v. *Galen. de atrabile* c. 4. *Spigelius*
de *femitertiana* l. 2. c. 17.
item ipsa cl. *Hahnii recensio febris*
epid. vratisl. passim.

(19) Vix dantur verae variolae, quae
faciem non infestent. Loquitur de
symptomate, quod interdum ad alias
solum partes, interdum etiam ad fa-
ciem deferatur. v. exemplum recens
pustularum elatarum, non planarum,
vt petechiae sunt, multo minus va-
riolis similium, faciem maxime infe-
stantium, sed & reliquum corpus,
praeter pedes, in febre perquam ma-

(20) Distinctae variolae quo maiores,
eo longius a confluentium genere
distant.

(21) Citius plerumque ficcari, decide-
re, delerique cum omnibus maculis
distinctas variolas, quam confluentes,
benigniores, quam maligniores, con-
stat.

(22) Variolae tantum non omnes &
ardent suo tempore, & pruriunt:
neque sane impense inde a principio
prurientes ardentibus, sub febre ma-
xime secundaria, vbi ardor euitari
nequit, tutiores sunt. Pruritus et-
iam vel ideo maius saepe prae ardore
periculum in variolis habet, quia
scalptu lacerari pustulas, praemature
crustosam cutem reddi, accretionem
murationemque placidam impediri,
& quasi repelli saepe facit, periculo-
sius, quam vulgo creditur.

“vomitibus vexantibus fiunt, malae (23): si vero succedentes aluum
 “reficcent bonae. Sequuntur ad pustulas febrium malignitas, &
 “plerumque etiam animi deliquia (24).

“Eas igitur, quae circa febrium simpliciorum solutiones fiunt
 “circa labia & nasum, rosaceo illinere oportet per se, aut cum ce-
 “russa & spuma argenti. Confert etiam pastillus ex croco, myrrha,
 “& alumine, quem iridem vocant, & niger pastillus, qui recipit
 “crocomagmatis, balauftii, atramenti futorii, myrrhae & aloes, sin-
 “gulorum partes aequales. Teruntur haec cum vino, velut collyri-
 “um, & in pastillos efformantur, & vsus tempore cum aqua aut
 “lacte illinuntur; aut cum vino, ubi adstrictionem augere volueri-
 “mus. Agglutinantur autem haec post illitionem, aut sine hac,
 “pellicula palmulae ossi adhaerente, aut membrana oui.

“At

(23) Hoc antiquum de multis exanthe-
 matibus, attamen, uti de ceteris, ita
 & de variolis, haud ubique & con-
 stanter verum *απογυνωσκον*, hodie ta-
 men passim etiam nimium exploditur
 a viris doctis, qui, ob visos maxime
 sibi status epidemios, quibus diar-
 rhoeae & purgationes in febrium
εξανθηματικων malignitate conferre vi-
 sae sunt, eas generaliter fere praedi-
 cant, & ipsa sat promiscue commen-
 dant remedia, alium subducentia,
 quae suum etiam habent locum, *Sy-*
denhamii, *Freindii*, *Helwichii*, *Gun-*
delsheimeri, & aliorum de variolis,
Jo. Langii, *Stahlii*, *Hoffmanni*, *Jun-*
ckeri, *Richteri*, aliorumque de feбри-
 bus purpuratis observatione, quam
 egregie illustrat celeb. *Schultzei* dis-
 sertatio de *colocynthide*. Spontaneos
 ventris fluxus in variolis, confluenti-
 bus infantum maxime, saepe neces-
 sarios, in morbillis fere perpetuos
 in aliis etiam morbis exanthemati-
 cis, pro diuerso statu epidemio, uti-

les saepe esse, (*) sed & saepe nocuos,
 concedendum omnino est. Ars na-
 turae imitatrix cautissima sit oportet,
 v. *Neueranz de purpura* c. 25. & 40.
 add. cel. *El. Camerarii* dissert. de ne-
 quitia febrium p. 17. seq.

(*) Idem prorsus *Werlhofii* iudicium
 fuit de *Strackii* tractatu de Morbo c.
 petechiis. 1766. edito.

(24) Immo cessant fere deliquia, &
 symptomata omnia, ad pustulas va-
 riolarum apparentes. Et quaenam
 illa fuerit malignitas, quae ad pustu-
 las sequatur, si de morbo naturaliter
 pustuloso singulari, saepe benignissi-
 mo, sermo sit? vera potius progno-
 sis est: si exanthemata *συμπτωματικως*
 ad febres acutas accedant, maligni-
 tatem saepe insequi solere, quae an-
 tea adesse haud videbatur, & vires
 impenso prolabi. Hoc voluit *Hero-*
dotus, nisi me omnia fallunt.

“At vero pustulae vibices referentes curentur venae sectione
 “in principio (25), si nihil impedierit (26). Solent enim reuer-
 “sae intra corpus periculum afferre, si non per vomitus aut per al-
 “uum acrimonia secedat (27). Qua propter etiam aluus per ptisa-
 “nae succum, & oua, & oleum chamaemelinum molliatur, detine-
 “ant autem vesperi infusum per totam noctem. Sed & ciborum
 “contractione vtendum est, quo vndique multitudo tollatur.

“At in accessionibus (28), propter succedentes circa stoma-
 “chum vehementissimos morsus, aqua tepida data vomere iubemus,
 “digitis aut pennis immixtis. Cibi vero adhibeantur contemperandi
 “vim habentes: velut est ptisanæ succus, aut alica, cum aqua mulsa.

“Si vero febris ardens infestet, illinatur corpus aqua & oleo,
 “nitro modico admixto (29). Pustulas enim circa superficiem reti-
 “net, & materiam in profundo attrahit, & profunditatem refrige-
 “rat,

(25) Non loquitur de principio morbi, nondum apparentibus pustulis; sed de pustularum principio: nam de curandis pustulis symptomaticis, quae non praesciuntur, sermo est.

(26) Impedit, vero praecipue vomitio aut diarrhoea assidua, quae saluti esse potest, de qua mox deinde dicit.

(27) Immo hoc nihil boni ad variolas in principio retrocedentes facere solet: quamvis declinationis tempore interdum conferre videatur, neque sat fide tamen. Rarus est casus, quem notat doctissimus C. B. Behrens in differt. de variolis & morbillis: “quam aliquando plures iuniores in vna domo variolis decumberent, vnum, “quamvis iam in quartum diem febre detentum, omnibus, quae va-

“riolarum eruptionem praecedunt, “signis sese manifestantibus, incidit-
 “se in immanem diarrhoeam, cum “horribili foetore, solutumque ita “feliciter fuisse morbum, nec ex eo “tempore variolis eum hominem cor-
 “reptum.”

(28) In paroxysmis vomitio, extra eos cibatio commendatur.

(29) Famigeratum hoc est, ex ipso hoc loco, linimentum ad retrocedentia exanthemata Aetii, apud *Lentilium miscell. med. t. 1. p. 145. 450.* & varios auctores, descriptum, quibus nequaquam de variolis hic indicatis in mentem venit. Aegyptii, teste *Alpino*, in febribus malignis exanthematicis, & in pueris variolarum suspectis, nullum praestantius habent auxilium p. 147.

“rat, & saepe sudores excludit, qui acrium humorum multitudinem
“in vaporem diffilare possunt.

“Ceterum in pestilentibus & carbunculosis (30) venae quidem
“sectionem adhibemus statim in principio, non autem cibi contra-
“ctionem (31). Fames enim peiorem materiam facit, & vires in
“his conscindit, quas integras seruare volumus in omnibus febribus,
“maxime pestilentibus. Siquidem igitur admiserint loci, illinendae
“sunt pustulae pharmaco crasso ex rosaceo, & cerussa, & thure, ac
“vino dulcissimo, aut ex spuma argenti, & manna thuris, cum rosa-
“ceo, reliquae vero partes cerato integantur, ex eadem materia pa-
“rato. Conueniunt etiam ipsis omnia cerata & emplastra, quae
“ambustis adhibentur, & pustulas quidem circa faciem calidae pro-
“lutione mitigabimus. Quae vero in reliquo corpore sunt, per
“spongias diutius foveantur, maxime prurientes: si vero serpentina
“fuerint vlcera, etiam calcis viuae parum admisceatur: mirifice
“enim resiccat & serpiginem ipsarum sistit. Quae vero iam depa-
“scunt, lenticula cocta, cum malicorio & melle, aut plantagine, aut
“polygono, aut rosas cum pane integantur. Bonum est etiam his
“caprinum lac, ad humorum prauitatem contemperandam. Opór-
“tet autem quartam partem lactis aquae admiscere, & simul coque-
“re, assidue versando, donec dimidium de toto supersit, quo ne-
“que in casei naturam transiens exacescat, neque feruefactum ni-
“dorosum fiat, propter febrem detinentem. Declinatione vero fa-
“cta, per medicamentum purgatorium idoneum materiae euacuen-
“tur. Postea autem antidotus theriaca detur, aut mithridatica, aut
“alia quaedam ad lethalia venena & virus eiaculantia facta: nam hu-
“morum fortis mutatio, per corruptionem facta, venenoso pharma-
“co similis est.

“(32)

(30) Curate iunguntur carbunculosa
exanthemata cum pestilentibus, & a
ceteris distinguuntur.

(31) Cibatio plenior, quae in sideratio-
nis metu a priscis commendari solet,
& vnguenta illa, & cerata, num qua-

drant ad nostram hanc luem: Diffe-
rentia etiam curationis secundae spe-
ciei exanthematum, quae sicca est,
& tertiae, quae vlcera inducit, ma-
nifestum discrimen in ipso genere
exhibet.

“(32) Fiunt porro aliquando pustulae magnae (33), colore
 “albae, modicum pruritus inducentes, redundantes in femoribus, na-
 “tibus, lateribus, & summa ventris plerumque parte: originem au-
 “tem ex multa lenta & alba materia habent. Hae vero cum toto
 “corpore curantur, neque enim grauem morbum minantur, si sal-
 “tem modico victu quis vtatur.

“Quod si febres in his vrentes fiant, commodum fuerit, frigi-
 “dam dare, in exacerbationum vigoribus, morbo in vigore exsi-
 “stente, nisi viscera habeant, quae facile laeduntur.

“Fiunt etiam aliquando pustulae rotundae, inaequales [*αἰσχυρά-
 “λα*], subalbidae, aut subrubrae, cum eleuatione carnis, aut varis
 “similis, qui in facie oriri solent, & durae sunt, ac multum pruri-
 “tum inducunt, vt vigiliarum caussa fiant, dum indefinens adest cu-
 “piditas ad scalpendum. Consequuntur autem hae plerumque ad
 “febres intermittentes (34), & minime grauem indicant morbum,
 “quapropter conuenienti tempore aeger in solium calidum intente
 “insideat. Vtendum est & iis, quae foris illinuntur, velut est oleum
 “myrtum, aut lentiscinum cum myrto, manna thuris, aut cimolia
 “torrefacta: aut alumine liquido, aut farina fabarum aut sesamum
 “tritum cum modico aceto illinito. Si vero pruritus vrgeant, linteis
 “crudis, aut per spongas ex aqua feruente, foueto: si autem exul-
 “cera-

(32) Sequentia ad finem vsque ipse forte *Aëtius* addidit, quum *Herodoti* tractatio absoluta esse videatur. *Freindius* in *history of physick* itidem partem solum huius capitis ex *Herodoto* esse coniicit.

(33) *Liddelius* de febribus l. 3. c. 8. crystallos siue variolas lymphaticas hic intelligi putat. Nihil certe cum veris commune habet descriptio. Magis similia *aëtianis* his exanthemati-

bus notauit nuper cl. *Albrechtus* in *commerc. norimb.* anni 1733. p. 178. nisi quod minutas pustulas, non magnas, vt *Aëtius*, dixerit.

(34) Num haec omnia, & curatio, conueniunt veris variolis? Describitur forte hodierna vrticatio (*Nessel-sucht*), frequentissime febribus intermittibus superueniens, aut illa epanthismata, quae passim in *Lentilii eteodromo*, sub nomine esse (*Wiesbelsucht*), memorantur.

“ceratae fuerint, vtendum est ceratis ad ambusta destinatis, praeser-
 “rim eo, quod ex ordeo paratur.

“Porro, quae valde rubrae [ἐξερύθρου] sunt (35), pessimae
 “exsistunt. His autem deteriores sunt liuidae, nigrae (36), & ru-
 “midae, [ἐξογκασμένα] (37), similes exsistentes carnibus compunctis
 “[ταῖς ἐσιγμέναις σαρκί] (38), redundant autem in facie, & pecto-
 “re, & ventre, lateribusque, ac dorso (39). Tales a principio ag-
 “gredi non oportet, sed differre (40). Si enim non successerit, in-
 “eum, qui curationem aggressus aut pollicitus est, culpa recidit: si
 “vero permanserint hae vsque ad vigorem, & non progrediantur in-
 “peius, non omnino negligere oportet, etiamsi raro, attamen ali-
 “quando opem ferre, & opportuno tempore medicamenta adhibere,
 “atque magna animaduersione curare. Quae enim, post mortifica-
 “tionem superficiei, ex alto emergunt, quid aliud significarint quam
 “vitam aliquo modo ab internis efferri?

§. VI.

Iudicium nostrum & aliorum.

Agit generatim *Aetius*, per singula capita, de singulis febri-
 um symptomatibus, atque hoc quidem capite, ex *Herodoti* & sua
 forte

(35) ἐξανθήματα gangraenosa ad fidera-
 tionem tendentia.

(36) Siderationis indicia.

(37) Ergone planae variolae meliores?
 Malae potius sunt, & ne in distincto
 quidem genere bonae tutaeque satis.
 Vox ἐξογκασμένα cuticulae a putredine
 & fideratione eleuationem indicare
 videtur. Talia sunt apud *Hippocra-*
tem epid. 3. carbunculis adustione si-
 milia ἐκδυματα μεγάλα, αὐτὴ καλεῖται,
 quae putredo vocantur.

(38) De συμφορῇ sermo est, non de exan-

thematis naturaliter tumentibus.
 Neque vlllo modo omnia, quae sequ-
 untur, ad variolas spectare queunt.

(39) Si a facie discesseris, non ceterae
 illae partes, sed longe potius manus,
 deinde pedes, maxime variolis abun-
 dare solent.

(40) Mirum sane, si de variolis agere-
 tur, monitum! De curatione gangrae-
 nae & sphaceli chirurgica agit au-
 ctor, in exanthematis ad febres ma-
 lignas συμπτωματικῶς, vel infida crisi,
 superuenientibus.

forte solum experientia, non singularem aliquem morbum pustulosum, sed varia, partim critica, & praecipue symptomatica (41), febrium intermittentium & continuarum, benignarum malignarumque, exanthemata, eorumque indicia & medelas satis promiscue pertractat. Pro veterum more, secundum generalem distinctionem febrium simplicium, putridarum, malignarum, primo pertractat singulis accommodata exanthemata, vt de morbo singulari, qui a communibus febrium speciebus adeo euidenter a medicis & vulgo distinguipotest, nequaquam in mentem venisse pateat. Addit deinde species exanthematum febrilium duas prius omissas. Multas alias addere potuisset, aequae a variolis diuersas, quarum in febribus obseruatarum alii auctores veteres nouique mentionem diuersimode iniiciunt. Sunt enim illae pro habitus corporis, statusque epidemii diuersitate, innumeris modis, varia. Variolas inter morbos febriles, de quorum symptomatis *Aetius* hic agit, quaerendas esse statuit cl. *Hannius*, cui nos hic assentimur: licet contra erudite disputer *Drelincurtius*, antiquitatis ipsarum strenuus propugnator, loco supra adducto. Attamen certe pro morbo sui generis habendae sunt, quamuis, me quoque iudice, ad febrium (42) classem spectante, non
pro

(41) Hac ipsa re satis distinguuntur variolae, quae semper affectus sui generis primarius sunt, nunquam aliunde dependens, ab *Herodoti* exanthematis, ad petechiarum indolem potius referendis, de quibus recte *Newcranz.* de purpura p. 148. "Purpurata febris non semper pro primario affectu agnoscenda, vt primo
& per se semper afficiat: namque
& symptomatis rationem aliquando induit aliarum partium malignae inflammationis, pleuritidis scilicet, anginae, peripneumoniae, phrenitidis,, (addo etiam variolarum, morbillorum, febrium intermittentium, continuarum, pestis, aliorumque morborum) "confectaria: qua-

"les perniciosas inflammationes, aliosque malignos abscessus, tamquam primarios morbos, vnde ceterorum symptomatum series, ipsaque purpurata febris dependeret, populariter aliquando saeuisse constat., Eadem est anthracum indoles, de qua deinceps.

(42) Febris essentiam, & signa pathognomonica, qui in sola pulsus celeritate vel frequentia, vel in vtrisque, vel & in calore praeternaturam manifesto collocant, iis in promptu est variolarum morbum saepe ex febrium censu exinere. Taceo eos, de quibus *Spigelius*, operum t. 2. p. 61. dicit: "plurimi sunt hoc tem-

"pore

pro febris promiscue symptomate, de quo *Aetius* ex *Herodoto* sermo.

“pore nobiles doctrina viri, qui in febre pulsus inaequalitatem semper quaerunt: vbi vero pulsum celerem & frequentem deprehenderunt tantum, ibi febrem adesse negant., Ipse calorem praeternaturam in omni febre reperiri docet; “pulsus vero lentarum & occultarum febrium nos saepe decipere, & recordandum illius a *Celso* dicti: *venis credimus, fallacissimae rei.*., Mihi autem febris est, quilibet morbosus & typicus massae sanguineae feruor, licet non semper cum caloris ad sensum excessu. Iungitur ei fere semper, plerumque etiam augmentum, saepe originem praebet, commotio insolita cordis & vasorum sanguineorum, licet interdum ea ipsa pulsus ad sensum non mutetur; interdum alias plane affectiones praeter naturam, quam celeritatem & frequentiam, adsciscat. Quamvis ergo ista in partem signorum vocem, febrem tamen etiam adesse opinor, ubicunque in sanguine adest agitatio, seu effervescentia, materiae alicuius febriculosae, ad proprii generis typum maxime efformata, quocunque se symptomate vel effectu manifestet. Agnoscamus modo typum & indolem morbi, cuius indoles febriculosa est, & febrem etiam agnoscemus; quamvis nonnunquam signa illa manifestiora & vulgata, calor notabilis, & pulsum celeritas atque frequentia, absint. Adsunt quidem ista plerumque in ipso etiam horrore, quo reliquum corpus occupante, plerumque tamen in arteriis maioribus calor etiam tactu percipi solet. Reperiuntur plerumque in variolarum, primo eru-

ptionem, & rursus deinde suppurationem molientium, morbo. Deficiunt vero nonnunquam clarissime, vbi tamen, nisi *λογωμαχίαν* pugnare velimus, febris indubie adesse dicenda est: sub febrili insultu, horrore, & frigore (vbi pulsum interdum naturalem, interdum oppressum, tardissimum, rarissimumque euidenter notauimus) itidemque progrediente morbo, praesertim maligniori, & sub ipso aliquando statu, ne de declinatione dicam, immo, quod manifestissime obseruare licuit, in totis interdum paroxysmis atque decursibus febrium periodicarum, epidemiarum, algidarum, occultarum, aliarumque; vbi si ex pulsu, vel etiam ex calore manifestiori solum iudicare velles, in dignotione & curatione febris tertianae, quartanae, quotidianae, aut alius, sine vilo caloris & pulsum indicio morbofo, sed per alia symptomata plura ad suum propriumque eius generis febribus typum procedentis, vehementer saepe errares. Immo notati sunt, licet rarius, quibus per *ἀπυρεξίαν* pulsus frequentior celeriorque naturaliter fuit; per febres febriumque paroxysmos manifestos longe tardior, licet maior fortiorque: vti in aliis pulsus per sanitatem inaequalis, aut intermittens, febre inuadente, in aequabilem expeditur. Neque etiam, cum & caloris, & frequentiae celeritatisque pulsum, infiniti fere gradus sint, & pulsus saepe per naturam aut morbum alium sit varius, certa satis regula diagnostica inde desumi potest. Sunt affectus plures, vbi cordis palpitatione, & tremore saepe velocissimo,

mocinatur. Nemini sane totum locum, sine opinionis alicuius fauore, legenti mirum esse potest, veram variolarum historiam plerosque medicos ibi non reperire: quamuis hinc inde indicia aliquo modo similia sint: vti omnia omnino exanthemata aliquid commune habent. Agere *Herodotum* aliqua huius loci parte de variolis *Bartholinus* etiam in *cista medica* (43), & ante eum alii suspicati sunt, vt *Augenius* (44), *Primerosius* (45), qui *Mercurialem*, pro nouitate variolarum docte pugnans, sat frigide refellit, *Zacutus* (46), *Schenckius* (47). Refutauit sigillatim hanc suspicionem *Sebizius* (48): neque oculatissimus *Freindius* (49) variolarum ibi morbum videre potuit, quamuis ipsum illud caput probe lustrarit, & praeceptum ibi datum de venae sectione, erumpentibus licet exanthematis instituenda, ad variolas, aliasque pustulas, & tumores, lubens applicauerit.

fimo, & spasmis, conuulsionibus, doloribus, sine typo, sine eiusmodi morbo, qui febris apud medicos audiatur, mire saepe exagitur pulsum celeritas & frequentia. Sunt, quas medicus ad morbum curandum accitus nosse in ignotis antea aegris nequit, velocitates pulsum naturales, per aetatem, sexum, constitutionem, variantes; & non naturales, per cibum, potum, motum, animi pathemata, in aegrotantibus maxime debilibusque, ita ad longum saepe tempus mutabiles, vt obseruatorem isti signo, tamquam vnico, intentum, multis modis a febrium *διαγνώσει* seducere possent. Sit ergo variolarum morbus febris, quia feruor massae sanguineae typicus, & materia eius inflammans est, & duas, ex solita suae indolis lege, febricitationes, seu febris accessiones aut exacerbationes manifestas, iusto tempore ebullitionis & suppurationis, ordinarie producit: quamuis istae nonnunquam,

quod *Drelincurtius* alique probant, & nos idem notauimus, magis occultae sint, & neque ardore, neque pulsu, immo neque aegritudine sat notabili, se manifestent. Ipse *Galenus*, qui celerem pulsum pro primario febris signo agnoscit, haec non negaret, si morbum variolosum spectare daretur. Inflammationes enim quascunque ad febres retulit, & licet vniuersi corporis ardorem, aut pulsus celeritatem, non excitarent, febres partis inflammatae particulares eleganter vocauit. ad *Glauc. 2. c. 1.*

(43) *locul. 58. p. 593. seqq.*

(44) *de febribus l. 9. c. 11.*

(45) *de febribus p. 436.*

(46) *medicor. princ. histor. p. 165.*

(47) *in methodo variolarum & morbillorum dignoscitiua & curatiua. c. 5.*

(48) *de variolis & morbillis diss. 3. §. 17.*

(49) *history of physick vol. 1. p. 74. sqq.*

rit. Lustrauerat eundem locum litteratissimus *Conringius*, ceterosque veterum Graecorum, latinorumque omnes, quum (50) in nostram sententiam scriberet: "neque de variolis in *Hippocratis*, vel "in *Galen*i, vel in *Celsi*, *Plinii*, *Aretaei*, *Oribasii*, *Pauli*, *Alexandri*, "aliorumque, qui certe ante saeculum a nato seruatore septimum vixerunt, monumentis est descriptum, aut proditum: qui tamen "multa admodum minuta & tenuia memoriae prodiderunt, non ommissuri aut neglecturi hunc affectum, si, ut nunc, omne hominum "genus ea tempestate afflixisset: quo argumenti genere & *Mercurialis* pugnat, cui nihil non artis medicae fuit lectum:, Legerat *Herodotum*, & reliquos veteres, curiosus cutis affectuum distinguendorum auctor, *Hafenrefferus*, quum diceret (51): "apud graecos & latinos, propter inconsuetudinem, variolae nomine caruerunt., Peruestigauerat ista omnia inclitus professor Bononiensis, *Caesar Marescottus*, quum, magno eruditionis & experientiae apparatu refertum de variolis tractatum (52), ante hoc decennium, ederet, ibique nouitatem etiam eius morbi egregie vindicaret. *Hebetes oculos*, & *retusam mentis aciem*, tantis viris, attentis *Herodoti* lectoribus, non imputabit politissimus antiquitatum auctor, immo imputabit spero hanc ob rem posthac nemini, vbi ipsum *Aetii* codicem, locumque non interpolatum, perlustrarit. Neque igitur & nos culpandi esse videmur, quia nec in illustri illo *Herodoti* loco, neque in quoquam veterum, adhuc in lucem protractorum, variolas, earumque signa & differentias, inuenire, aut, indiguitas ab antiquitatis earum propugnatoribus, agnoscere potuimus.

§. VII.

Veterum vocabula vaga ad variolas frustra trahuntur.

Ipse ingeniosissimus auctor antiquitatum faterur (53), infirmum esse & incerta omnium, qui antehac, in quoquam antiquitatis recessu,

(50) dissert. de variol. & morbill. §. 37.

(52) Recensio operis eximii exstat etiam in *act. erud. lips.* 1724. p. 226. *sqq.*

(51) de cutis affectibus p. 197.

(53) §. 8. Infirmauit praecipua, ante ipsum

cessu, sub quocunque nomine, variolas reperire sibi visi sunt, doctissimorum virorum fulcra; nisi tandem aliquando, non vagum aliquod, sed certum propriumque nomen, antiquitus datum, quod non potuisset non morbo tam exquisito, & memorabili, & generali, & in vulgus noto, imponi (54), & sub eo nomine, ipsa morbi descriptio, commonstretur. Ego vero non incerta solum, & infirma putem cetera, sed ob id ipsum plane inania, quia in tam singulari, tam memoranda aegritudine, ubi id non debuisset non fieri existimem, nihil certum ac proprium determinent, nihil cohaerens nectant, ut, si ad variolas applicari deberent, quae sparsim sub quocunque nomine dicta reperimus, ab his illius antiquitatis amatoribus ad istas detorta, quadrata saepe rotundis misceri, & morbi tamen singularissimi plena satis descriptio & historia non confectae esse videantur (55). Neque enim satisfacit longus ille variorum, & aut nimis generalium, aut partim toto caelo a se inuicem, & a variolis, diuersorum cutis excretionum catalogus, ex graecitate, a

Dre-


ipsum, a viris itidem doctissimis, hanc in rem, ex *Hippocrate, Galeno, Aetio, Herodoto, Paulo, Oribasio, Celso, Plinio*, exquisita *Sebizius*, differt. de *variolis & morbillis*. 2.

(54) Quamuis apud plerosque populos nomina variolarum, aliorumque morborum, suas etiam habeant *ἰδιωματικὰς*; est tamen, & esse debet, aliquod morbi singularissimi vocabulum, quod, quocunque cum epitheto, vel sub descriptionis accurate & connexae, & iusto loco factae, explicatione, hunc affectum, & non alium, signari ostendat.

(55) Non de nomine solo loquor, sed de distincta connexa, ac accurata, sub nomine aliquo, tractatione, qua tot alios minores, minusque longe me-

morandos, morbos dignati sunt Graeci. De nomine solo si quaereretur, respondere aliquis, cum sit imbelli in his *Syluatico*, posset *controu. medic. p. 419*. "Eorum argumentum lubenter paruipendo, qui variolarum cognitionem omnem a graecis medicis auferunt, quia distinctum earum nomen apud hos non legerint: tum quia eorum libri omnes ad nos non peruenerunt, tum etiam, quoniam fortasse eo usi sint nomine, quod non ita plane intellexerint deinde alii medici. Videre enim est arduum quoque medicos, in describendis variolis & morbillis, variis ac diuersis usus fuisse nominibus, quod idem latini fecerunt, & hoc tempore, secundum regionum diuersitatem, vulgus facit." Respondimus nota proxime superiori.

Drelincurtio (§ 6) suppeditatus, qui, puto, quicquid dici potest, complectitur: neque vllum ex tot nominibus, quae ille omnia ad variolas applicari posse contendit, vel vnicum propriorum huius morbi characterum sibi iunctum habet.



CAPVT III.

DE VARIOLIS IN VETERVM ANTHRACE QVAESITIS, EIVSQUE SENTENTIAE PATROCII- NIO INTER ARABES.

§. I.

Status quaestionis de variolis & anthracibus.

Neque etiam ex tumorum & abscessuum multiplicium ordine quicquam satis aptum, ad nostri huius morbi indolem exprimendam, singulariter adhuc indicatum esse, ipsi eruditissimo *Hahnio* videtur, praeter illam de anthracibus sententiam, quam scopo omnino satisfacere credit, & potissimum, *antiquitatum variolarum nunc pri-*
imum

(§ 6) vel *Schaffeldio*, in notis ad dissertationis supradictae §. 16. Nominat έκβρασματα, αναβλυσιας, εκρηγματα, εξορμιας, φυματα, εξανθισματα, εξανθηματα, εξανθησιας, επανθισματα, διεξανθισματα, ανασηματα, αποβλαστησιας, βλασηματα, αποβλασηματα, τα κατα το σαρμα επανισαμενα, εξυθηματα, τα υπο το δερμα αφισαμενα, εκδυσιας, εκδυματα, αποσκηματα, επιζηματα, επιζεσματα, εκζεματα, εκζεσματα, περιζεματα, περιζεσμα-
τα, αναζεσιας, επιζεσιας, επιφλογισματα, επικουματα, πυρικουσα, πυρικουματα, αι-
θολιας, αιθολιαδες (en variis vocabulis indigitatam sententiam de carbunculis!) επαρισιας, επαριματα, επανασασι-

ας, φλυζακια, φλυκταινας, φλυκταινιδας
ωσπερ πυρικανυες, (secundum ipsum
locum *Hippocr.* de anthracibus 2.
epid. sect. 1.) απασασιας κατ' αποδεσι,
ψυδρακια, πομφες ος απο κνιδης, πομφ-
λυγας, πομφολυγες, πεμφυγας, τα εν
τω χρωτι τρηγυσματα, τα κεγχρωδια, τα
αμυχρωδια εξανθηματα, τα οιον υπο κνι-
πων κεντηματα, ανακεντηματα, δηγμα-
τα, αναδηγματα, το χρωμα εγκαταδαμα-
θεν, της υστερον μολωπας εμφερας, της αι-
μαλωπας, τα μολωπιζοντα. Verborum
fatis! Quisquis rem ipsam ex his con-
ficere, plaudente orbe erudito, susti-
nuerit, magnus mihi erit Apollo.

mum ex graecis erutarum titulo, in publicum euulgar. Quam sententiam, quum modeste, & cum submissa obseruantia erga ipsum, quod expetimus, clarissimi *Hahnii* iudicium, examinanda nobis sumserimus, non id in quaestione esse putamus, num variolis aliquando accedant carbunculi, earumque fiant *συμπτωμα*; neque num variolae interdum ita alicubi degenerent, vt carbunculosae fiant? id est, num anthracis nonnunquam instar, nonnisi bullarum forma erumpant in quibusdam partibus, easque subito adurant fiderentque, vt eschara excitetur? Vtriusque generis casus videmus, & viderunt notaueruntque auctores de variolis supra laudati, & alii plures (1). Oriri vero carbunculos in peste, febribusque malignis & exanthematicis pluribus, in confesso est. Neque rarum est, alia ulcera & apostemata, (quidni & variolas)? carbunculosa, id est, *εχαλωδεα*, fieri (2). De quo autem quaeratur, id esse debet: "num ipse ille morbus, quem nos variolas vocamus vel ipsae illae singulares seu "specificae pustulae, graecis auctoribus & latinis vocentur anthrax, "vel carbunculus; anthraces vel carbunculi: adeo vt non alius "sit graecorum anthrax, quam nostrae variolae, nihil hae, nisi anthrax graecorum., Id vero est, quod neque euictum esse, neque, salua accurata & plena morborum historia, concedi posse videtur.

§. II.

Anthrax a variolis diuersus.

Esse nimirum affectum aliquem, a variolis variolosque morbo longissime diuersum, qui anthrax, carbunculus, pruna, ignis persicus, apud medicos chirurgosque, qui post graecos romanosque veteres scripserunt, vocitetur, certo certius liquebit cuius, cui lubitum fuerit euoluere quemcunque scriptorum chirurgicorum, aut qui de tumoribus, aut de affectibus pestilentibus egerit, & auctores, sub dictis nominibus,

(1) e. g. *Sydenham*. Sect. 3. c. 6. p. m. 252. *Pechlin*. obseru. 237. *Spindler*. obseru. 89.

(2) Exemplum ipsi adduximus in obseruat. de febr. Sect. I. §. V.

nibus, in *Moroni*, *Waltheri*, *Lipenii*, *Alberti*, *lexicis medicis* enumeratos quam plurimos. Viderit iam cl. vir, quo illum referendum putet, & quo sub alio nomine is in graecis antiquitatibus reperiri debet esse videatur, si, quae sub proprio illo receptoque nomine dicta sunt, demere ipsi, & in alienas variolas conicere omnia, placuerit. Quod si diceret aliquis, confudisse graecos cum variolis anthraces recentiorum, supinum sat temere imputat errorem. Si *συνωρυμια* vtriusque affectus apud eos reperiri vellet, (quod auctor sententiae velle non videtur, quia omnia omnino veterum de carbunculis dicta ad variolas solas applicat) indicatam eam alicubi deberet ostendere, cum nota tamen diuersitatis apud *Galenum* ceterosque exposita, cuius vestigium nullum est. Si ignorasse Graecos recentiorum anthracem exciperet, plus forte haberet difficultatis, quam si variolas ignoratis admittere vellet, cum anthraces alicui regioni aut saeculo peculiare fuisse nulla ratio aut historia suadeat.

§. III.

Ambiguitas in sententia de συνωρυμια variolarum & carbunculorum.

Ambiguam iam reddere videtur sententiam, de anthrace, carbone, seu carbunculo, variolis *συνωρυμια*, restrictio illa, qua omnibus quidem, sed maxime malignis, competere anthracis nomen (3), & apud *Celsum* longe alio loco de his, sub carbunculi denominatione, alio de benignis, sub titulo pustularum, agi dicitur (4): quam rem respicit & refellit quartus, quem supra diximus, variolarum character. Auget ambiguitatem, quod, sub hac nominum permissione, non intelligatur, quid proprie carbunculus dici debeat: totusne morbus, an aliquod *σύνπτωμα* crustosum? vnane pustula, an plures? principione statim primo, an demum in progressu, quando confluunt; an in fine quando crustas tandem inducunt? pustulae ipsae in cute efflorentes, quas non variolas dicimus; an totus inflamm-

(3) §. 30.

(4) §. 79. 83. add. supra cap. 1. §. 3.

flammatarum in vicinia partium ambitus; an crustae euenientes; an ulcera in carnes subtus serpentina, quae rarius morbi huius pedissequa sunt? Si quis inter graecos variolas vocitare aliquo nomine voluisset, is credo vel totum morbum, vel etiam pustulas singulas ita dixisset, & per sua deduxisset tempora, sine συμπτωμάτων cum ipso nomine primario confusione.

§. IV.

Descriptio anthracis a variolis diuersi.

Recentiorum *anthrax*, seu *carbunculus*, ac, me quidem iudice, virisque summis adsentientibus, idem, qui graecorum latinorumque, est tumor magnus, principio quidem baccae fere iuniperi magnitudine, sed vno alteroque statim die valde increscens, ad auellanae, saepius iuglandis, & saepissime maiorem mensuram, vt pugni magnitudinem superasse ipsi viderimus. Ingentes plures notauit *Diemerbroek de peste* (5). Raro aut nunquam hic tumor soli cuti, solis integumentis inhaeret; sed musculos ipsos maxime, tendinesque, & pinguedinem afficit: in cute vero quidem apparet cum pruritu, & erumpente vna vel pluribus prope se inuicem locatis bullis, φλυκταιναις, περιφολυξι, quas arabes vesicas vocant, non variolarum forma ordinaria, sed tali, qualis ab ambustione cum elatione cuticulae oritur, sero statim, vel flatu certe seroso turgida, quae rupta fatiscit in ἐχαραν, ac circum circa magno ambitu inflammatur, intensoque, & diuersis gradibus ad nigrorem inclinante, colore inficitur, cum ardore & dolore ingenti. Saepe vero anthrax sine pustula exoritur vlla, nec prius visitur in cute, quam escharam, seu crustam emortuam, inussit. Est vero illa cineritia, aut nigra, velut a ferro candente, & magnopere differt a crusta exsiccationi abscessuum vlcerumque succedente, ἐφελκίς dicenda, quae in variolis, sine adustione ἐχαρωδει, sub finem demum oboriri solet. Manat nonnunquam ab anthracis eschara ichor, velut ab ulcere fit, & ab adustis:

(5) p. 254: vbi & alios ex *Platero* & *Foresto* recenset.

adustis: interdum siccus est, & quasi nimia adustione necatus & arefactus. Separata cutis eschara, quod vel sponte, vel chirurgi ope, post vnum fit vel alterum diem, non pus apparet, sed caro subtus spongiosa, nigra, aut in nigredinem vergens, marginibus tamen adhaerens, qua sensim corrupta & sponte abscedente, aut cauterio exusta, aut exsecta, profundum adest vulnus ulcerosum. Inflammantur etiam nonnunquam partes extra ipsum carbunculi ambitum, phlegmonis aut erysipelatis instar, per affectorum praecipue tendinum consensum. Curatus anthrax cicatricem, pro magnitudine sua, & materiae cutisque ratione, semper relinquit, a variolarum foueis, quae saepe etiam nullae sunt, immensum diuersam. Est vel simplex, quod plerique omnes scriptores scribunt, vel malignus, aut etiam pestilens: sed idem vterque ipsum est symptoma, idem tumor, vti tumor idem est, pestilens, simplexque, aut venereus bubo; tonsillarum inflammatio vulgaris, & quae malignis febribus accedit. Simplex anthrax febrem, vti grauiore inflammationes omnes, comitem solet habere, sibi symptomaticam, superuenientem potius, quam praecedentem: neque notatur praeuium ebullitionis stadium. Oritur hic a genita in corpore, & extrorsum protrusa, praeter malignae febris aliis consortium, materia eiusmodi adurente, inflammante, putrefaciente (6). Malignum non eum solum dixero, qui proprie pestilens sit, seu ipsi pesti accedat, quam, quod dei gratiae acceptum refero, viuendo meis in oris non attigi; sed etiam, qui variolis malignis, & aliis febribus acutis, συμπτωματοσ accedat, exitioso haud rarerer cum euentu, materia istorum morborum ad causticam indolem euecta, & in vnum ita collecta & detrusa locum: ex cuiusmodi causa in aliis ex-
tra

(6) Simplex anthrax bis mihi visus est, vterque in nucha, cum rubore, pruritu & pluribus bullis miliaribus incipiens, quae eodem die in crustam abibant, adusta etiam subtus carne, pugni magnitudine alter, alter duarum fere iuglandium, vterque rotundus & acuminatus, ac circa escharam

ex rubro fuscus feliciter sanatus vterque. Febris non praeuia, sed statim superueniens, in alter aegro septuagenario, non nisi quatuor; in altera, quae femina fere quinquagenaria erat quatuordecim durabat diebus. Sanatio chirurgica mensem poscebat & amplius.

tra variolas morbis nullae vnquam verae nascentur variolae, vti natos carbunculos συμπτωματικῶς videre sat saepe licuit. Anthrax vnus (7), aut alter, frequentior est multis, & morbum iam carbunculosum malignum ostendit: quum vnā variolam, aut plures in vnum solum membrum collectas, vix rarissime obseruare liceat: certe morbum malignum id haud indicaret. Saepe vero etiam plures in variis corporis partibus sparsim oboriuntur anthraces, quorum tamen singuli seorsim suum occupare solent locum: quamuis latius interdum serpent, magnumque satis ambitum putredine sua sensim infestent. Quinque diuersos in vnius febris ardentis malignae statu ipsi spectauimus curauimusque. Plures obseruarunt alii (7). Multa vero anthracum millia, vti variolarum saepe sunt, immo vnā in multis membris escharam, per isthmos quasi eschararum iunctam, ex anthracibus confluentibus obortam, nemo forte vnquam vidit: dum, ex iunctis confluentium variolarum crustis, vnā quasi per plura membra crustam nasci, quotidie videmus.

§. V.

Characterum diuersitas.

Characterum, quos supra de variolis memorauimus, hic noster anthrax nullum habet, quod cuilibet in promptu est indicatu. (I.) Tantum abest, vt vniuersalis humano generi sit, vt sit potius ex aliquanto rarioribus (8). (II.) Quem semel infestauit, eum, quod exem-

(7) Obseruat. cl. *Hahnii*, *Dioscoridem*, vbi de anthrace loquitur, plurali semper numero vti: vt probabile fiat, non hunc recentiorum carbunculum indigitari; sed variolas quae multae esse solent. Sed, quod doctissimi viri pace dicam, ea est vbique styli *Dioscoridae* ratio. Remedium aliquod vbi ad quamcunque morbi speciem commendat, plurali hanc numero exprimit, & tussis, dysenterias, caneros, carbunculos, quamuis isti affectus sin-

gulis hominibus non nisi singuli sint, sanari illo suo medicamine dicit.

(7) *Salmuth.* centur. 1. obseru. 40. vndecim obseruauit, regionem cordis quasi cingentes, qui, quum in vnum quasi confluerent, mortem acciuerunt, oriundi ex purgatione violenta hominis asthmatici per esulam.

(8) Passim cl. auctor *antiquitatum* probabilitatem aliquam suae sententiae exinde

ex empla, praesertim sub statu pestilenti, docuerunt, iterum iterumque, immo per varios morbos, ab hoc, vti a symptomatiko affectu quouis, corripere nihil vetat. (III.) Non variolas veras profert, a quibus etiam liberare observatus non est; sed pustulam vel pustulas, bullarum instar, cum subito sequente adustione, quae cutem carnemque enecet. Vae istis variolosis, quibus vel minima huius rei similitudo est! Ista vero adustio, non pustula, ad essentiam carbunculi spectat. Pustulam enim saepe abesse constat. Neque febrilem ebullitionem praeviam requirit, quamvis comitetur alienam symptomatikus, vel sua inflammatione symptomatikam excitet. (IV.) Si cum pustulis incipit pluribus, in vnam eae coeunt escharam, & vnum subtus tumorem malignum indicant: sed & cum vna pustula incipiens malus est, eandemque faciem habet. Carbunculi vero, ubi adsunt plures, distincti sunt, & suis singuli locis, quamvis malignissimi, circumscribuntur & vnus sua itidem pericula habet, vel in alio morbo indicat. (V.) Historia morbi, per tempora, longe a variolis diuersa est. Deficit tempus ebullitionis, cum omnibus symptomatis: nisi ebullitionis tempus incertissimum illud vocare velis, quod in pestilentia, aliisque morbis, symptomatikum carbunculum praecedat. Tempus eruptionis carbunculi, quod etiam longe magis subitum, & incertum est, febrim non tollit, aut minuit, sed statim arcessit, aut auget. Deficit suppurationis tempus. Nam pus verum in anthrace nullum est, & ex eo nullum generatur, nisi circa inflammatos margines, aut partes forte per consensum phlegmone, aut erysipelate, affectas. Putrefactionis potius tempus est, seu, vt ita dicam, mortificationis, idque ad huius morbi essentiam spectat, quod ab vniuersalium nostrarum variolarum essentia longe, per dei gratiam, abesse quotidie

exinde conciliare nititur, quod graeci, ubi de anthracibus locuti sint, non tamquam de raro aliquo, aut soli pestilentiae proprio affectu, sed tamquam de ceteris vulgaribus, & cuius notis, verba fecerint. Nos vero anthraces nostros, quamvis variolis, febribus,

scabie, aliisque vulgatissimis morbis, longe rariores reputemus, raros tamen omnino, & solum pestilentes esse, haud credimus. Neque igitur illud argumentum nobis aduersatur praesertim cum in oriente frequentiores esse certum sit. Conf. ad hunc §. supra cap. I. §. 4.

tidie cernimus. Deest tempus exsiccationis. Nam *exaga*, seu crusta adustione enecata, carbunculi, & ipsa cutis caroque subito adusta, non exsiccatur, neque affert exsiccationis, seu stadii vltimi, principium; sed viam potius pandit ad longam medicationem patuli & profundi vulneris vlcerisque, quod ad essentiam huius morbi, non variolosi, spectat. Tempus exsiccationis verum post mensem & amplius demum, sub ope chirurgica, sine certa lege, succedit. (VI.) Anthracis inuasio & periculum cuilibet aetati promiscua sunt: neque vlla ratio eum infantibus magis familiarem facit; & adultorum millia quotidie videmus, nunquam eum passos. (VII.) Si quis profundi eius ulceris cicatricem cum foveis variolarum confundat, is nunquam illam viderit, necesse est. Et qui non vidit, ex descriptione supra facta, omnibusque auctoribus, facile conuincetur. Praetereo plura, quae quiuvis ex vtriusque morbi historia facile erueri potest, quaeque indolem & causam carbunculi, & ordinariarum variolarum, longe discrepare, fat euincunt. In curatione ipsarum variolarum ordinariarum, quamvis confluentium, nisi alii affectus accedant, aut sequantur, vix opus est chirurgi, crustam, inflammationem, fiderationem, abscessum, curantis manu, quam ab illo semper adurente carbunculo abstinere temerarium fuerit. Quid euenturum esset ex aduerso, si variolis *Galenica*, ac recentiora, carbunculorum remedia admouerentur, aut malignis illis, *Celsi* ex consilio, quod plurimis in anthracis curatione placet, subitum profundumque cauterium candentis ferri applicaretur, experiri credo abhorrebit mecum prudentissimus *antiquitatum* auctor. Cetera, interna maxime, inflammationis putrefactionisque medela, ad variolarum, sed impense inflammantium, & putredinem mimitantium normam, fere instituatur licet. Benignae plane, & tolerabilem, medicina vix opus habent. Alius tamen est variolarum quarumvis, per sua tempora, typus: & duplicis praecipue illius febris, variolis nativae, ad carbunculos neutiquam spectantis, & symptomatum ex proprio ingenio comitantium, ratio, aliam saepe poscit medicationem. Taceo, quae erumpentibus iam inflammatisque anthracibus longe magis, quam variolis, apta est, sanguinis missionem validam: ta-

ceo, dum συμπτωματος est carbunculus, quod variolae verae nunquam sunt, propriam primarii morbi in medicando rationem. Verbo dicam: differunt natura, fiendi modo, magnitudine, situ, forma, typo, curatione.

§. VI.

Transitio ad examen nouae sententiae.

Talis cum sit, tanque a variolis diuersus, hodiernus & recentiorum accuratiorum auctorum, qui post graecos romanosque veteres scripserunt, omnium anthrax, seu carbunculus, mirabile sane fuerit, nouam plane eos omnes isti vocabulo affinxisse ideam, eamque tantopere differentem ab illa priscorum, a quibus nomen ipsum omnes, inmo & descriptionem plurimi, mutuati sunt, & quos quotidie in manibus habent, & sat dilucidos reperiunt, & in eamdem suam, sine vlla ambiguitate, allegant sententiam. Id tamen, quo mirum dictu videtur, quum iam a clarissimo viro erudite & ingeniose, cum veri specie, doceri videatur, in tam insolentis sententiae rationes inquirere veritatis amatores decet. Praemoneo, quod clarius deinceps patebit, ipsas graecorum latinorumque de anthrace & carbunculo descriptiones, si de variolis explicari debeant, paribus certe, ne quid nunc amplius dicam, premi difficultatibus, ambiguitatibusque, atque cetera omnia, quae iam dudum de aliis exanthematis, tumoribusque, ab antiquitatis variolarum defensoribus exquisita, & ab oppugnantibus eneruata & reiecta fuerunt.

§. VII.

Consensus arabum in συνωπιαν anthracum & variolarum laudatus, fulcrum praecipuum.

Maxima igitur huius fundamenti firmitas nititur in reputato arabum medicorum in συνωπιαν carbonum & variolarum consensu. Ipse id cl. auctor haud abnuit. Ingeniose & operose expositis, & in suas partes tractis graecorum latinorumque effatis, quibus lectores non praeiudicantes (quos inter tamen me, qui conuictus non sum,

sum, numerari velim) facile conuictum iri arbitratur, ad arabum consensum stabiliendum progreditur, & “fabulas, *inquit*, narraſſe “videri poteram ſecus ſenſuris, ſi in his graecorum monumentis ac- “quieſcerem.” In praefatione itidem, “nihil, *ait*, aequè mihi pro- “fuit, quam labor conferendi arabes cum graecis. — — Inſtituta a “me arabum comparatio cum graecis meas de variolis apud hos re- “pertis cogitationes ita confirmauit, vt, detectis arabum plagiiſ, “non mihi tantum certiffimae nunc ſint, quas cum orbe erudito “communico, veritates, ſed & omnibus in vniuerſum lecturis tales “propediem futurae.” De hoc igitur laudato arabum conſenſu, dictiſque plagiiſ, primum verba faciam. Doleo vero, me arabi- cae linguae iuſta peritia, & auctorum codicibus deſtitutum, ab ipſis fontibus prohiberi, &, cum cl. *Hahnio*, non niſi turbidos barbaro- rum, qui latine verterunt, riuulos adire poſſe. Atque ob id ipſum maxime ad medicos philologosque arabum linguam bene doctos confugio, eorumque imploro eruditionem, iudicationemque.

§. VIII.

Dubitatio de illo conſenſu prima.

Plura habeo, quae, pace viri excellentiffimi, ad illud argu- mentum regeram. Primo, quamuis omnia ita ſe haberent, vt & arabes, vel omnes, vel aliqui, ſuo variolarum nomine graecorum anthraces expreſſerint, & ſuas in antiquo iſto morbo a graecis de- ſcripto variolas reperiri putarint, & deſcriptionem, prognofin, cu- rationem, hauſerint ex iſtis graecorum locis; non tamen ſequere- tur, iſtam arabum ſententiam veram eſſe: quum pateat, hos multis erroribus, in interpretatione & applicatione graecae medicinae, ob- noxios fuiſſe. Eruditionem ſuam medicam paene omnem a graecis mutuati, iſtos nihil fere ignoraffe, ſuperſtitioſi adoratores, lubenter opinabantur. Viderant forte morbum illum inſignem, ſuo tempo- re, ſua in regione, iam diu ante vulgatum, quam graeca eruditio ad ipſos commigrauerat. Quid igitur mirum fuiſſet, ſi primi ara- bum medici graece docti, a quibus ſatis diſtant, qui nobis ſuper- ſunt,

sunt, nostratum quamplurimorum in morem, persuadere sibi non potuissent, ignorasse graecos, & intactam scriptis reliquisse eiusmodi luem, quam ipsi forsitan inter se pro noua habere non poterant? Haec si ita sint, omnem puto isti homines mouissent lapidem, ut illum morbum venerabili ex antiquitate cruerent, & quacunque similitudine probabili reperta, illud Archimedis *ἐν γεννα ἐν γεννα* facile proclamassent, inque omnes suas scholas, cum ipsa graece scientiae veneratione, istam propalassent sententiam. Quae sane, licet omnes arabum medici in illam pariter, uti in alteram, quasi solus menstruus sanguis variolarum causa sit, consensissent aeque tamen potuisset esse lubrica, ac ceterae, quas europaei nostri pro variolarum antiquitate curiose exquisiuerunt, coniecturae.

§. IX.

Dubitatio secunda.

(II.) Et quid si populi orientis indocti, iis, qui supererant, scriptoribus antiquiores, nouum sibi & primo infestantem variolarum morbum, ob symptomata aliqua, speciemque, confudissent ignari cum prisco illo carbunculo, aut sub vnius nominis classe certe collocassent cum illo, qui reapse nihilominus fuerit diuersus? praesertim quum viderint ipsos carbunculos illi morbo exanthematico frequentissimo saepe superuenire, uti aliis rarioribus, & ipsique pestilentiae, superueniunt, quod confusione ansam dedisse potest.

(III.) Fieri vicissim etiam potuisse videtur, ut, etsi istos morbos re vera diuersos esse nossent arabes, miscuerint tamen consulto nomina, & vulgatarum apud se variolarum titulum rarioribus graecorum anthracibus itidem imposuerint, inuitante aliqua affinitate. Ita etiam hodie, ut plura *σπυρριμια* exempla praeteream, purpurae nomen, certo licet morbo iam apud nos proprium, petechiis tamen prius, deinde & morbillis (9), & aliis diuersissimis exanthematibus,

apud

(9) Hi, a graecis itidem haud clare certe ac distincte descripti, varias apud

apud auctores impositum est, qui singulos tamen illos affectus, suo loco, additis epithetis, vel descriptionibus, satis discriminare norunt. Nota est res de variolis ipsis, quarum proprium nomen tum aliis diuersis affectibus, tum incognito, cum appareret (10), morbo

pud eorum sectatores *ovvarovpias* & *oparvovpias*, passi sunt, vt videre est ex *Du Cange glossario mediae & infimae latinitatis*, voce *morbillus*. Glossa ibi M. S. adducitur ad *Alexandrum iatrosophistam*, quae “turpedo, inquit, nihil aliud est, quam cutis deturpatione, facta ex varia macularum diuersarum distinctione. Hanc passionem quidam *morbillum* minimum morbum, communiter dixerunt eo, quod patientes per totum corpus minutas videantur habere pustulas. Alii *lepram*, quod sit leprae similis.,” Colligere hinc licet, quam incertum sit ex nominum similitudine iudicium.

§. 2. 3. Eleganter rem decidit *cel. Platnerus* l. c. vbi pluribus auctoribus obseruationibusque adductis, “haec omnia, inquit, probant, ante *Columbi* aetatem plures eorum, “qui vagae veneri litarunt, miseris eiusmodi morbis intabuisset, quibus hodie improbiissimae voluptates mulctari solent. At enim vero hoc etiam omnibus compertum est, corporis valetudines, quae ex victu, venere, aliisque causis profiscuntur, sub grauiori minusque salubri caelo, maiorem vim nocendi adipisci, id quod etiam in illis locis Indiae accidisse probabilitate haud caret, vt dirum morbi genus, ex intemperantia & obscoena libidine enatum, caeli flagrantissimi aestu, putidarum quae paludum habitu, ad illam virulentiam, qua nunc homines infestat adoleuerit.,” De campano *Horatii* morbo elegans itidem est litteratissimi viri iudicium: “campanis, luxuriose viuentibus, in facie natum fuisse verrucarum genus, quod, dum radices altius egit, sine magna exulceratione, foedaque cicatrice, excidi haud potuit: idque cum nostri saeculi verrucis ex lue venerea aliquam habuisse similitudinem.,” Quod ad ipsius syphilidis, seu verae hodiernaeque luis venereae, antiquitatem attinet, nos eam hoc loco in medio relinquemus, ne nimium diuagemur; quamuis in *Manardi*, *Freindii*, *Bergeri*, partes propondeamus, qui veneream americanorum luem nostro orbi vere nouam, & ipsa contagiosae

(10) Confer de eius etiam antiquitate, aut nouitate, doctrinas scriptorum aphrodisiacorum a *Luifino* collectorum, item adnotationes *Welschii* ad *Marcelli Cumanii* obseru. 4. p. 30. sqq. *Manardi* epist. medic. *Beueronici* ideam veteris medicinae p. 229. sqq. *Lister*. de lue venerea: *Meibom.* dissertat. de eadem: *Iohrenii* dissertat. de mentagra, *Berger* de pestilentia, *Freind* history of physick, lettres de *Gui Patin*. vol. 1. epist. 31. vbi multa veterum loca, exempli gratia, *Xenophontis*, *Ciceronis*, *Apuleii*, pro venereae luis antiquitate laudantur non indicantur. Addatur programma celeb. *Platneri* de morbo campano *Horatii*, & cui hoc praemissum est, dissertatio sub ill. *Schacheri* praefidio ventilata de aegro in cephalalgiam chronicam ex venerea lue delapso.

bo venereo, ob sat leuem similitudinem, vbique impositum esse, quis nescit? Fieri, inquam, utroque modo potuisset, vt arabes variolas & anthraces, morbos aliquo modo affines, immo saepe simul affligentes, &, colorum symptomatumque caussa, quod ad prognosin salutis vel interitus attinet haud adeo longe discrepare, & medelam aliqua ex parte consimilem exposcere visos, sub eiusdem nominis classe, notatis paribus indiciiis, curationisque regulis generalibus, pertractarent: quamuis re ipsa tamen diuersas esse aegritudinis species haud ignorauerint. Ita posteriori aevo aphrodisiaci morbi ad diuersissimae veterum leprae (11) titulum, σημειολογίαν, praedictiones, & medelas, magnam partem ablegati sunt, a viris partim ignaris differentiae, partim probe gnaris, sed ad ἀνάλογίαν haud immerito respicientibus.

§. X.

Causa dubitationum summe probabilis.

Haec sunt, quae, primo statim intuitu locorum, pro probanda anthracum & variolarum συνωνυμία, ex arabicis auctoribus adductorum, in mentem mihi veniebant, quaeque aliis venire debuisse putabam, nisi plane, quod statim suspicabar, in interpretatione erratum esset. Miraculo enim simile videbatur, si ista συνωνυμία adeo, vti dicitur, in arabicis auctoribus, vulgatissimisque latinorum interpretum editionibus, clara esset & expressa, nihil tamen de ea, tum ab aliis arabum lectoribus, tum a medicis arabice doctissimis, Rol-

fin-

giosae materiae essentia a ceteris qui veneri immodestae aliisque causis debentur, affectibus licet symptomatum & causarum similitudine affinis, diuersam esse opinantur.

(11) Dissensum meum a b. *Wedelii* sententia, vtrumque morbum pro vno atque eodem habente, & ingeniosa disputatione probare satagente in *exercit. medic. philol.* dec. 4. cent. 2.

exerc. 9. tueatur *Freind* vol. 2. p. 339. sqq. item dissertatio cl. *Kniphofii*, sub praesidio cl. *Fischeri* Erfurti anno 1727. disputata, de *lepra arabum, siue elephantiasi, obseruata & curata*, vbi quidem elephantiasis, nata ex venerea lue, in praxi celeb. *Teichmeyeri* Ienae obseruata & curata, recensetur, ipsi tamen morbi inter se, & elephantiasis ab aliis causis ortae distinguuntur.

fincio (12), *Welschio* (13), aliisque, tam de variolarum, quam de carbunculorum morbo etiam agentibus, subolfactum indigitatumque esse; & nunc primum a cl. *Hahnio*, vel ante illum a *Drelincurtio*, illam veritatem in lucem protrahi potuisse: quorum vterque ne quidem ad fontes arabum prouocat, vt, quamuis cetera litteratissimi, eorum tamen linguae haud aeque gnari fuisse videantur: quum auctorum sententias aliter, quam qui callent, intellexerint.

§. XI.

Examen curatius laudati consensus.

Neque tamen ad ista quasi sententiae meae asyla confugere opus habeo. Ipsum auctorum arabum examen eos in meas plane partes vocat. Verum est, inueniri apud eos nomina anthracibus & variolis, & aliis pustulis ac tumoribus, communia, neque negare opus haberem, quod tamen vix ac ne vix quidem pater, eos aliqua indicia, & curationis momenta, ex graecis de anthrace agentibus, ad variolas per ἀναλογίαν applicasse; attamen diuersitatem variosque affectus euidenter agnouerunt, & nominibus magis cuilibet propriis distinxerunt, & seorsim eos tractauerunt sine vlla confusione, & alia signa, aliam medendi methodum, pro singulis docuerunt. Nempe prunas, vt arabum interpretes dicunt, & ignem persicum, veri anthracis species, ex veterum maxime graecorum de anthrace scriptis descripserunt curaueruntque; variolas diuerse satis, ex sua experientia. Arabica nomina, quantum fieri potest, eruenda, comparanda, & distinguenda sunt, vt rei veritas elucescat.

I. Generale exanthematum & tumorum nomen est *bathr* (14), vel cum articulo *albathr*, quod alii *bathara*, *bothor*, *albathir* (15), expri-

(12) Exstat peculiaris eius de variolis dissertatio. Egit de iisdem, & de anthracibus, alibi passim.

(13) Egit de variolis aliquoties in *sylloge observationum*: de anthracibus vero in de *vena medinensi* p. 75. sqq. locum habet insignem, vnde indoles

anthracum, graecis arabibusque notatorum, a variolis satis diuersa elucet.

(14) th. anglorum fere in modum eloquendum monet celeb. *Lakemachus*, πολυισως πολυγλωττατος, *grammat. arab.* p. 2.

(15) vti arabicum morbillorum nomen *alhhazba*

exprimunt. Significat illud generatim tumorem quemcunque, & pustulam, & quicquid illi simile ex corpore erumpit (16). Variolis vero, nempe morbo pustuloso mortalibus communissimo, sigillatim adhibetur (17): sed & carbunculum (18), quia, ut dixi, quamvis pustulam notat, significat atque adeo eam quoque, quae initium praebet aut iungitur carbunculo, termintho, venae medinensi, aliisque tumoribus, uti ex supra notato *Velschio* elucet; immo etiam tumorem omnem late, & strictius tumorem cum solutione continui, licet strictissime tumorem paruum (19).

II. Generali morbi nomine *Abubetr Ebn Zacharia Razensis*, vulgo *Rases*, tractationem suam de variolis & morbillis inscribit, quod a graeco interprete λοιμος a latino pestis, vertitur. Non vnum nomen apud arabes pestilentiae, & cuius morbo epidemico commune est, & forsan aliquo variolae κατ' ἐξοχην insignitae fuerunt, quod alibi ad anthraces pestilentes itidem valeat.

III.

alhhazba in vocem barbaram *blaccia* corruerunt barbari interpretes; ita ex hoc forte vocabulo *albathr* vernaculam morbi ab arabibus ad nos propagati nomenclaturam, *Blatter*, deriuauerit etymologicus me curiosior: quae vox, quamvis sigillatim variolam signet, itidem tamen satis communis pustulae cuiusque est, & ad pestilentes etiam carbunculos (*Pest-Blattern*) applicatur. *Blattas* variolas vocat, & morbillis iungit interpretis libri, qui vocatur *Tacvini aegritudinum* p. XII. de quo infra not. (40a) nisi confusio vocum & error in nomine subest.

(16) v. *Golii lexicon arabicum* p. 218. add. cl. *Burggrafii lexicon medicum*, voce *bothor*, & auctores ibi adducti, item antiqua expositio arabico-

rum nominum *Gerardi Cremonensis*, in calce *Ebn Sinae*, vulgo *Auicennae*, edit. *Costaei* p. 422. *Welsch.* de *vena medin.* p. 72. sqq. ubi & de ipsa carbunculi pustula. add. *Ebn Sina* p. m. 85. ut loca eiusdem, & *Albucasis*, aliorumque arabum, plura taceam.

(17) v. *Bellunenſis* expositio arabicorum nominum in calce *Auicennae* p. 204. *Castellus* in *nomenclatura medica hexaglotta* voce *variola* ait "variola; "Ar. botor,, "(bathra),, gadri, (giadari) "hamica,, (hhumak) alhumere,, (alhhumrah),,

(18) *Castellus* "anthrax, ait, Ar. al-thoni, (thaun althavvain),, bathara, (bathra), gamra (giamrah).

(19) *Fallopins* apud *Burggraf.* l. c.

III. Pestis huius ita dictae duas facit species, variolas nempe & morbillos (20). Illas figillatim interpretes *εὐλογίαν*, (21) appellat, voce audita sibi non lecta quum, vt ipse fateatur, vocabulum morbi genuinum in graecorum dialectis non reperiatur. *Freindius* suspicatur *εὐφλογίαν* dixisse, vt nescio quod veterum arabicorum nominum exprimeret. Qua arabica voce *Rases* vsus sit ignoro. *Ali Ebn Abbas* graecis variolas audire filias ignis dicit (22), forte ad id voca-

(20) Non dubito variolas & morbillos *algiodari* & *alhhaḡba* vocasse hunc arabem, cum locus a *Neucranzio* de *purpura* p. 21. ex *Rasis* l. i. aphor. in princip. adductus, vtrumque nomen habeat, quorum posterius perperam ille de sua purpura, i. e. petechiis seu lenticulis interpretatur.

(21) *Du Cange* in *glossario med. & in fin. graecitatis*: “*εὐλογία*, ait, pestis “species,, (nempe *τὰ λοιμὰ*, variolarum & morbillorum.) “*Razes* de peste c. 2. *τὰ δὲ ἰχνασώματα, καὶ χολῶδη, καὶ ξηρὰ, καὶ θερμὰ, ἐπιτηδεύει ἐστὶ πρὸς τὴν εὐλογίαν. Εὐλογίαν δ’ ὀνομάσαν οἱ παλαιοί,* (prisci arabes, vel syro graeci, quos hac aetate antiquos iam nominare licebat.) “*το ἐν εἶδος, (variolas veras)* “*μοχθηροτέρων τῶν δύο, κατὰ καὶ παρὰ πολλὰν ὀνομάζεσθαι ταύτην ἀκῶα. Εἰ γὰρ ταῖς ἑλληνικαῖς διαλέξεσι κλητὶς ταύτης ἔχ’ εὐρηται. Ο δὲ σοφὸς ἄνθρωπος, (Aaron presbyter, aut alius syriaca lingua vsus, quem iam allegauerat *Rases*) “*τῇ ἰδίᾳ διαλεκτῇ χασπε ὀνομάσει.*,, Apud *Portium* αἱ *εὐλογίαι* dicuntur vari in facie, *ἐφελιδες, ἰονδοί, ἀκνοί.*,, Hincine prima variolarum denominatio latinis orta? Graecum *Rasis* locum sic exponere liceat. “*Robusta corpora, & biliosa, ficcaque & calida, morbo, “quem εὐλογίαν ex arabico vocabulo “vertemus, idonea sunt.*,, Isto ve-*

ro, quod ita vertimus, nomine, pri-
“sci (puto arabes, aut syro graeci,
quum primum morbus innotuit) “al-
“teram *τὰ λοιμὰ* (variolarum) speciem
“vocarunt, altera grauiorem (nempe
morbillis, quos eodem titulo *Rases*
complectitur) “quemadmodum no-
“men illud etiamnum a multis adhi-
“beri audio. In graecis enim dia-
“lectis *denominatio* huius affectus non
“reperitur. (en testem nouitatis *Ra-
sem*) “Hic vero, quem allegamus,
“vir sapiens (syrus) propria dialecto
“*chaspe* nuncupauit., Non ad ma-
nus est *Machellus*, qui a *Freindio*
vol. 2. p. 196. dicitur, graecum il-
lum elegantissime latine vertisse, vo-
cemque illam legisse *εὐφλογία*, ac la-
tine extulisse *incendium*. Idem docet
Spigelius de *femitert.* p. m. 62.
&, quod mirum, de variolis ibi ser-
monem esse ne cogitat quidem, fe-
bres solum malignas inflammatione
stipatas designari putans.

(22) *Constantinus Africanus* non graecorum linguae, sed syrorum, id nomen vsitatum memorat, cuius indoli magis quidem respondet. Sed syriacum vocabulum *ἐξανθημάτων* inflammatum, quo & variolas exprimunt, est *chaspe*, quod tamen in eius linguae nomenclatoribus non inuenio. vid. *Freind.* vol. 2. p. 192. & *Rases*, nota proxime superiori.

vocabulum nouum ἐκφλογίων alludens, vt ἐκ τῆς φλογος, ex ignis flamma genitae reputentur.

IV. Variolas potissimum, sed & pustulas similes (22b). expriment arabes vocabulo *hhomak* siue *hhumak* (23).

V. Propria vero maxime vox, quae morbum variolosum, variolas, earumque vestigia designat, est: *giodari*, *giadari*, vel cum articulo *algiodari*, *algiadari* (24), quam *algidri* effert *Alsaharaii* interpres (25), alii *ziadari* & *ziadari* (26). Hanc ego vocem, variolis destinatam, de carbunculis vsquam dictam inueniri nequaquam mihi persuadeo.

VI. Persicum veri anthracis vocabulum est: *atschac* (27), ab *atscha*, quod ignem denotat (28), vnde ignis persici denominatio apud arabes fluxisse videtur, quam semper carbunculo vero, nunquam variolis, impositam inuenio.

VII.

(22b) Hanc ὀνιχοειδῆν notat *Golius*. Attamen hoc solum vocabulum arabicum pro variolis significandis adscribit b. *Wedelius* in disert. de iis p. 5. omisso altero *giodari* seu *giadari*.

(23) *Golii lexicon arabicum* p. 657. Id vocabulum cum anthracum nomine *hhomrah* siue *hhumrah* confundi potuit. Ipsum tamen de carbunculis vsurpari, nusquam reperire possum.

(24) Ita italorum more, vt inter nos forte *dſia*, pronuntiantum esse docet celeb. *Lakemacherus*.

(25) *praedic. tract. 31. c. 10.*

(26) Ortum habet a radice *giadar*, siue, vt *Golius* efferre videtur; *ziadar*, quae de arbore primitus praedicatur, tubercula & fructuum rudimenta proferente. Error videtur esse, cum *Golius* p. 2279. dicit: “*maahah*, idem “quod *giodari*”, morbilli:,, Ipse, vt

dixi, suo loco de solis variolis το *giadari* exponit; vnde potius hoc etiam *maahah* veri variolarum morbi σύννομον putem: nisi ad pustulas pecorum spectat, variolis & morbillis haud absimiles, quas *Golius* alibi p. 161. *ameihak* dicit.

(27) *Golii lexicon* p. 651. Anthrax & ignis persicus vnius generis morbi sunt, & nominibus saepe confunduntur, quamuis leuiter distinguat *Auicenna* inter hunc humidiores, citiores, magisque cholericum, & illum sicciorem, tardiores, magisque melancholicum l. 4. fen. 3. tr. 1. c. 9. Alios, qui carbunculum & anthracem, seu carbonem, discriminant, refellit *Velsch. de vena medin.* p. 75. Magnitudine tamen carbonem & carbunculum distinguere forte haud ineptum fuerit.

(28) *Nicolai lexic. harmonic.* p. 70.

VII. Alterum carbunculi proprium nomen, quod arabum interpretes, vbi figillatim de iis, distincto a variolis loco, agitur, anthracum, carbonum, carbunculorum, prunae, denominatione exprimunt, est praecipue *giamrah*, vel & *hhomrah* siue *hhumrah* (29), aut cum articulo *al*. praefixo. Quo nomine (30) non solum anthracem, de quo loquimur, & exanthemata carbunculosa pestilentia, sed & veram ignis prunam, & rubedinem quamuis, pro *ὀμωρῶν* (31) arabicae linguae ingenio, generalius simul denotant (32). Facile hinc credo, quibusdam arabibus, praesertim antiquioribus, ante satis legitimam variolarum dignotionem tractationemque medicam, generaliiori hoc rubedinis, vel exanthematis inflammati, & saepe pestilentis, vocabulo, licet specialiori carbunculi morbo alioqui proprium sit, ipsas etiam variolarum pustulas (33) aliquando venisse. Certe aliqua earum species, vel potius morbus ipsis benignior, inter ipsas morbillosque, (*hhazba* siue *alhhazba* (34)) medius, rubedine insignis,

(29) Aliis illud *h* finale per *t* effertur, secundum *Sennerti grammaticam arabicam* p. 3. vnde *alhumbrati* alibi legitur.

(30) Nescio, an proprie idem, vel *ὀμωρῶν* plane vocabulum sit *giamrah* & *hhomrah*. Non confundit *Golius*, & negare videtur *Castellus*, qui illud anthraci, hoc etiam variolis tribuit. Certe has quoque *giamrah* dictas, nusquam inuenio.

(31) Insigniter *ὀμωρῶν* arabicae linguae ingenium recte notat cl. *Hahnii* p. 101. adeo vt ex *Morhofio* milena nomina soli leoni esse memoret. Quingenta & amplius dicit *Golius* p. 105. sed & pleraque proprie aliud aliquid, deinde *ὀμωρῶν* leonem significantia, passim allegat, & tanta *ὀμωρῶν* in nullo alio animali, aut re quacunque, apud arabes reperitur, quum e contrario *ὀμωρῶν* sint vocabula fere omnia.

(32) *Golii* lexicon p. 531. & 651.

(33) Pustulas variolarum dico, non morbum totum. *Ali Ebn Abbas* antiquis variolas audiuisse carbones adustos, & earum pustulas carbones ignis vocari notat, vbi hoc ipsum nomen *ὀμωρῶν* adhibitum esse videtur, theor. l. 8. c. 97. *Castellus* in *nomenclatore*, probe alias anthracem & variolas distinguens has itidem *alhumere* audire dicit.

(34) Haec vox morbillis propria est. v. supra nota 15. *Golius* p. 618. *Mahah* dicuntur (ab eodem p. 2279. de qua voce tamen v. nota 26.) & *nafta*, *nefta*, *nafta*, quae *ὀμωρῶν* tria per pustulam, ecchymata, morbillos exponit p. 1425. *Castellus*, in *nomenclatore* dicit: „Morbilli arab. a-
“lurefchin, hasafin.,

nis, eo nomine *hhumrah*, siue *alhhumrah*, etiam vocitatus reperitur (35). Is vero morbus, iudice *Ingrassia* (36), & adstipulante *Conringio* (37), idem est, quem eodem, quo variolas, capite, sub rubearum nomine describit interpret *Ali* filii Abbas (35b), quemque itali rosariam, germani *Roteln* appellant.

VIII. Verum carbunculum, a variolis distinctum, *ignis sacri* latino nomine, idem interpret describere videtur, quem “modo cum variolis, modo solum sine illis apparere,” monet (36b): ut pro diuersis morbis haberi euidenter pateat. Nomen arabicum ignis sacri, quo *Ali* ytitur, sonare videtur *almasarah*, *almessera*, vel *almessire* (38), quod *Iohannes Damascenus* (39) & de ipso anthrace, & de erysipelate adhibet; quoque *Rasis* interpret ita turbatus esse videtur, ut *Galenus* de anthrace dicta saepe de erysipelate (quod itidem latinis ignis sacer est) enuntiet, notante *Leonicensio* (40). In *Golii lexico* vocem illam plane non inuenio, neque in eius latino indice quicquam de erysipelate, aut igne sacro. *Castellus* eam inter erysipelatis nomina locat. Ad variolas vero nunquam relate inuenitur: quamuis auctor, vel interpret (40a) sat indoctus libri, qui inscribi-

lexico

(35) apud ipsum *Auicennam* l. 4. fen. 1. tract. 4. c. 6. sub finem: nisi legendum *alhhumrah*.

(36) ad *Auicennam* de tumoribus l. 1. p. 194.

(37) dissertat. de variolis & morbillis §. 4.

(35 b) *theor.* l. 8. c. 14. *pract.* l. 4. c. 1.

(36 b) Verba clara sunt *pract.* l. 2. c. 2. *theor.* l. 8. c. 97. ubi “quod si, ait, sanguini rubigo misceatur, inter variolarum ulcera tumores surgunt, in quibus rubigo est, similis guttis, quae exustione fiunt ignis, vocanturque huiusmodi sacer ignis,

“quae variolae, inter quas isti tumores surgunt, pessimae sunt., Recte sane. Et nos pessimas cum intermixtis carbunculis veris variolas haud raro videmus.

(38) *Castellus* in nomenclatore, voce, *erysipelas*.

(39) Loco infra ad 70. adducendo.

(40) apud *Luisinum* p. 34.

(40a) Liber hic prodiit Argentorati 1532. auctore, uti titulus fert, *Buahylyha Byngezla*, id est, *Abu Jahia Ebn Gezla*. In praefatione dicitur scriptus arabice a sene perito *Bingezla*, & ad opus camerae Caroli regis (an Caroli Andegavi? ex eius man-

tur *Tacuini aegritudinum*, dicat blaëtas, seu potius variolas, quas a morbillis distinguit, graece vocari herysipela, arabice filias ignis.

VIII. Vox *Auicennae* ab interpretibus enuntiata *althohoin*, quam alii *althaun*, *altoim* efferunt, dubio procul eadem est, quam *Velschius* (41) arabice exprimit *althavvain*, & generaliter omnia *Qvye-ðla* pestilentialia significare scribit, quamque *Golius*, sub voce singulari *thavvaah*, de parotide & tumore glanduloso explicat (42). *Leoniceus* (43) eam per anthracem exponendam putat. Et ita alii interpretes, quos tamen refellit *Costaeus* (44). Praetereo vocabula a *Castello* sub carbunculi titulo notata: *dumel*, *demenul*, *masmar*, quae furunculum & clauum potius designant, quamuis etiam post alios, celeb. *Hoffmannus* (45) *anthraces* dicat furunculorum malignorum naturam exprimere, & celeb. *Iunckerus* (46) *furunculum* vocet carbunculum benignum: ut adeo fieri potuerit, ut synonyma horum affectuum nonnulla arabibus fuerint vsitata.

§. XII.

mandato translatus per *Ferragum* (an *Brachiam*) Iudaenum, fidelem eius. Errat cl. *Freind*. in *history of physick* vol. 2. p. 228. dum scribit: "*Ferraguthum* & *Bengeslam*, vtrumque iudaeum, medicos Caroli Magni, composuisse ipso iubente librum illum, qui idem sit, vel fere idem, ac *Tacuini*, seu tabulae sanitatis, sub nomine *Elluchasem Ellimithar* editae., Hae diaeteticae sunt, & prodierunt ibidem a. 1531. ille pathologico practicus est. De auctore *Bengexla*, a plerisque historiae mediae scriptoribus omisso, ita loquitur *Abulfeda* in prooem. *tabul. geograph.* "*Ebn Gazalah* librum de medicina inscripsit *takvvim alabdan*, (id est, canonem corporum, interprete *Joh. Gravio*) "*Alfaraius* in *hist. dynastiar.* p. 240. de eodem sic ait: "*A. Hegirae* 473. obbiit *Tahya Ebn Isa Ebn Giæla*, medicus bagdaden-

"sis, christianus, studuit medicinae
"apud eius temporis christianos, Car-
"chi, seu fori bagdadensis incolas:
"religionem islamiticam amplexus
"est, & Abu Abdallae, iudici prima-
"rio aldumagani, inferuiuit in syn-
"graphis scribendis, vici autem inco-
"lis sine pretio medicatus est. Eli-
"bris eius celebriores sunt *almeoch-*
"mi & *talakvvim alabdan*, de recta
"ordinatione corporum, tabulis di-
"stinctus.,

(41) de vena medin. p. 75.

(42) p. 1433.

(43) p. 26.

(44) ad *Auicennam* t. 2. p. m. 115.

(45) dissert. de method. curand. pestem
§. 8.

(46) consp. chirurg. p. 84. Ipse *Hippocrates* de affection. p. m. 525. iungit vtrumque affectum.

§. XII.

Distinctio variolarum & anthracum apud arabes.

Itaque ex his, quae dicta sunt, & confusio interpretum patet, & quam facile illa, ipsorum auctorum culpa, linguaeque ingenio, accidere potuerit. Arabes enim ipsi (α) pustulas tumoresque variolosos & carbunculosos, quamuis satis diuersos reputarint, vno eodemque saepe generali tumorum & pustularum nomine, *bathr*, extulerunt; aut, (β) vbi carbunculi veri, *giamrah* & *atschac* persarum, intelligebantur, vocabulum adhibuerunt *hhumrah*, quod omnibus exanthematis inflammatis & malignis, variolis etiam & rubeolis, datum olim esse videtur; & (γ) quando variolae, siue pustulae morbi *giadari*, *giodari*, *hhumrak*, dicendae, erant, communi illo nomine *hhumrah* nonnunquam sunt vsi. Ita vero vel his, vel aliis modis, vocabula adhibendo generaliora, $\sigma\mu\omega\nu\rho\mu\alpha$, aut affinia, facile perturbarunt interpretes, eadem ratione, qua alterum vocabulum *masarah*, seu *messire*, modo ad erysipelas, modo ad anthracem applicando, eosdem aequae confusos reliquerunt. Atque adeo nullum ex ista permissione pro vera apud arabes $\sigma\mu\omega\nu\rho\mu\alpha$, conuenientia plena, & $\tau\alpha\upsilon\tau\omicron\tau\eta\tau\iota$ vtriusque affectus, deduci potest argumentum. Certum vero iam praeterea est, distinctis locis, distinctisque cum nominibus, signis, medelis, in accurata morborum tractatione, de *giadari* siue variolis, & de *giamrah* siue anthrace vero, pruna, carbunculo & persarum *atschac*, siue igne, egisse arabicae medicinae principes: nequaquam vero, quod haud scio vnde, opinatur cl. *antiquitatum* auctor (47), primum *Constantinum Africanum* eam distinctionem inter anthracem & variolas in medicinam introduxisse, qui eam, vti pleraque omnia, ex *Ali Ebn Abba*, & eius differentia variolarum & ignis sacri, seu anthracis, hausisse videtur. Si omnes ad manus haberem arabicae medicinae magistros, nullum credo non consentientem reperturus essem. Vetusiorum quidem pars, non tam arabes, quam syrograeci, quum in graecis, e quorum

rum fontibus sua tantum non omnia deriuarunt, nihil de variolis reperiretur, vel praeteriisse eas videntur, vel non nisi proleterie, obscure, aut confuse tractasse; vel ambigue, vti recentiorum plures, anquisiuisse in graecorum monumentis; vel ad nescio quas ab hisce memoratas aegritudines, similitudine qualicunque, subordinando retulisse, vel incerto & promiscuo vocasse nomine. Neque negem, posteriorum quosdam nominum confusionem aliquam, quae interpretibus perturbandis apta, fuerit, retinuisse; aliquos etiam generali pustularum cum febre, aut pestilentium, titulo, variolas malignas, quibus erumpentibus febris permanet, & pustulas carbunculosas, subdistinguendo tamen, indigitasse: quemadmodum *Auerrhoes* (48), qui alio quidem loco (49) carbunculum sigillatim percenset, cum curatione variolis minime apta. Quicunque vero dilucide satis, & vbertim, distincte, accurateque de variolis veris scripserunt, eos non dubito pro me clarissime militare. Praesto sunt, omnium instar, *Auicenna*, arabum maximus *Zacuto Lusitano* dictus, & *Alsharaius*, principis medicorum arabum nomine a *Riccio* editore insignitus. Agit de variolis *Auicenna* vberissime in *tractatu de febribus* (50); sed de pruna & igne persico, vberissime itidem, longe alio loco, in *tractatu de apostematibus* (51) eodem ipso tamen libro. Ibi ex adnotationibus *Costaei* disco, *Rasen* ipsum etiam, cuius opera nancisci non potui, & ex cuius interprete (52) cl. *Hahnus* praecipua

(48) colliget l. 4. c. 37. Ibi variolarum signa prognostica recenset, easque non nisi semel homini aduenire docet. Subiungit, omnes pustulas cum febre indicare aegritudinem pestilentem, maxime quae ex humore melancholico eschara inusta fiant. Variolas contra ex cholera, interdum etiam simul ex sanguine, oriri docet, ad *cantica Auic.* p. 2. tr. 2. §. 101.

(49) L. 7. c. 31. Commendat ad carbunculos purgationem per colocynthidem & scammonium & imponi

iubet emplastra varia. Scammonium etiam *Trallianus* in anthrace suasisit.

(50) L. 4. fen. 1. tract. 4.

(51) fen. 3. tract. 1. c. 9. 10.

(52) *Manardus epist. med.* p. 124. "variolae, ait & morbilli a *Raze* exanthemata & eulogium nuncupantur, "nisi in hoc quoque errarit *Valla Placentinus*, eius libri interpres, "qui de pestilentia non recte ab eo "inscribitur, alioqui raro non errare in "suis interpretationibus adfuetus."

pua quaedam testimonia hausit, figillatim, & diuerso a variolarum tractatione loco (53), egisse de igne persico & anthrace.

Eundem *Rasēn* supra testem adduximus (54), quod in graecis dialectis nullam repererit eius morbi nomenclaturam, vnde graecus interpret nouum nomen finxit. *Alsaharaius*, qui *Rasēn* perpetuo sectatur, & explanat, agit multis, & dilucide fatis vtrimque, de *variolis* in tractatu (55) de *passionibus*, quae fiunt extra corpus; contra de igne persico, siue *ulcere carbonoso*, in tractatu de *generibus apostematum & vulnerum* (56).

Taceo iam alios, qui breuius, sed aequae clare, morbos illos, tamquam diuersos, tractarunt, quos inter est *Byngezla* in *tacuiño aegritudinum* (57), qui morbillos & variolas canone quarto, ignem persicum & prunam canone quinto, enarratis diuersis causis, signis, curationibus, percenset. Fieri non potest, quin, quisquis ipsos eos auctores euoluere, & singula illa diuersa loca, sufficienti cum curiositate, legere & conferre haud grauabitur, variolarum & anthracum differentiam apud eos insignem, in genere, nomine, signis, & medelis, euidenter deprehendat.

§. XIII.

Auicennae descriptio anthracum a variolis diuersorum.

Lubet, speciminis loco, caput *Auicennae* de pruna & igne persico huc exscribere, & subiungere alterum, quod de theoria & signis

Ceterum *Razis*, opera primo ex arabica in syriacam, ex hac in graecam & inde demum in latinam linguam versa, facile indicatu est, quantum a natua certaue claritate recesserint.

(53) idem testatur *Leonice*. de morbo gallico apud *Luisinum*. p. 28.

(54) nota 21.

(55) tract. 31. c. 10.

(56) tract. 29. c. 6. Immo vero c. 5.

ignem illum persicum, quem ad *Galenicam* carbunculi rationem describit, refert ad species erysipelatis, quod *alnira*, *alhanira* ipsius interpret eloquitur, vt pateat, quam longe a variolis distet. Dicit hanc speciem, quam singulari deinde capite tractat, vocari *alnira* ignem persicum, aliam vero, nempe erysipelas vesiculosum, *alhanira almahnasta*.

(57) v. supra not. 40a.

gnis plane diuersis variolarum agit, dignum sane, quod legatur
 vtrumque, obseruationibus elegantibus refertum, quae in ipsis pas-
 sim recentioribus auctoribus desiderantur. Clarius enuntiabo, quae
 nimis barbare vetus interpretes expressit. Differentia eorum affectu-
 um cuius patebit, qui conferre hanc anthracis & ignis perfici tra-
 ctationem dignabitur cum istis, quae ipse cl. *Hahnus* ex eodem
Auicenna de variolis decerpfit, vel potius cum ipsa huius descriptione
 longe vberiori. "Vtrumque, ait auctor arabs (57), hoc nomen
 "prunae & ignis perfici interdum commune est omni tumori, seu
 "pustulae, (*bathr*) corroderenti, vesicam excitanti, adurenti, & escha-
 "ram facienti, qualis a combustionem, vel cauterio inducitur (58).
 "Nonnunquam vero ita distinguuntur, ut ignis perficus sit tumor
 "eiusmodi *εχαραδης* cum pustula, ex eo herpetis genere, quod for-
 "mica dicitur, depascens, adurens, vesicam excitans, unde aliquid
 "humoris effluat, cholerae materiae, paucae nigredinis, paucae
 "putrefactionis, interdum cum pustulis plurimis, paruis, subinde
 "succrescentibus, quasi humor ibi sit impense calidus, ebulliens, &
 "commotus; pruna vero, siue anthrax, eiusdemmodi quidem tu-
 "morem notet, sed qui denigret locum, membroque inducat colo-
 "rem carbonis, sine humiditate, & subtus plurima nigredine par-
 "tem inficiat, eminentiam vero non habeat, nisi parui seminis lupi-
 "ni magnitudine, interdum vero sine vlla sit pustula. Incipit in
 "pri-

(57a) l. 4. fen. 3. tract. 1. c. 9.

(58) Hic, per sequentia, clarus sensus
 est verborum *Auicennae*, quae apud
 barbarum interpretem ita sonant:
 "Haec duo nomina fortasse absoluta
 "sunt super omnem pustulam corro-
 "dentem, vesicantem, adurentem, faci-
 "entem accidere escharam, qualem fa-
 "cit accidere combustio & canterium.
 cl. *Hahnus* p. 118. quaerit: "quidni
 "ergo id nomen etiam super variolas
 "absoluatur?, At neque hoc in quae-

stione esse debet, an arabes generali
 aliquo nomine & anthraces & variolas
 comprehenderint; neque villo modo
 id hoc loco innuere *Auicennae* in men-
 tem venit, qui variolas alibi tractat,
 hic anthracem & ignem perficum par-
 tim miscet, partim distinguit. Pu-
 stulae vox ex voce *bathr*, quae tumo-
 rem hic denotat, a barbaro interpre-
 te intrusa esse videtur: nam clare au-
 ctor etiam *sine pustula anthraces* sub
 eodem titulo complectitur. Pustu-
 lam anthracis vesicam vocat.

"primis pruna, sed & vtrumque vitium, cum pruritu, instar scabi
 "ei. Vtterius interdum adurendo procedit vtrumque. Si quid ef-
 "fluit, id tale est, quale ex cauterio adustis fluere solet. Locus est
 "cineritii coloris, niger, & interdum plumbeus. Inflatio, qua cir-
 "cundatur, vehemens est, sine rubedine exquisita, sed tali, quae
 "ad nigredinem declinet. Idque malum, quod prunae proprio ma-
 "gis nomine salutatur, radicem habet nigram, sed igneam, cum
 "prunae candentis splendore. Ignis persicus velocius extus appa-
 "ret & mouetur; pruna vero & tardior est, & profundior: & hu-
 "ius quidem etiam materia quasi pustulae & impetiginis materiei in-
 "dolem habet, (id est, vt pustulas vesiculasque in cutem protrudere
 "nitatur,) sed citius omnia in igne persico procedunt. Si in carne
 "haec vitia accidunt, velociorem exitum habent; si in nervis seu
 "tendinibus, aut membranis seu ligamentis, fixiora sunt, tardius-
 "que absoluntur. Vtraque sunt ex cholera citrina adurente, me-
 "lancholiae permista: quare ex vtrisque eschara nigra accidit.
 "Ignis persicus quidem est quasi vehementius cholericus, pruna
 "quasi vehementius melancholica. Licet quodlibet horum nomi-
 "num pro communi vtriusque affectus titulo ponere, deinde vero
 "subdiuidere, & quodcunque nomen ex his lubuerit, aut in hanc
 "adhibere, aut in alteram sententiam, quod aliqui iam fecerunt.
 "Neque enim magna est differentia. *Interdum cum his, & cum*
 "*herpetis speciebus, formica & miliari, malae sunt febres, vehemen-*
 "*tis caliditatis, & perniciosae. Interdum autem ista accidunt ipsius*
 "*pestilentiae causa.* Multoties vero phlegmoni similia sunt, sed ten-
 "dunt ad nigredinem, vel in principio, vel maxime in statu., Se-
 "quenti deinde capite *Auicenna* curationem prunae & ignis perfici
 "delineat, eximie isti congruentem, quam graeci anthracibus destina-
 "runt; sed a variolarum, quam superius vbertim (59) proposuerat,
 "medela toto caelo diuersam.

§. XIII.

(59) fen. I. tract. 4. c. 10. sqq.

§. XIV.

Auicennae descriptio variolarum.

En autem, quae, eodem ipso in libro, idem *Auicenna* de variolis alibi enarrat. “Interdum, inquit (60), accidit efferuescentia
 “in sanguine per viam expulsionis cuiusdam, quemadmodum succo-
 “rum ex fructibus expressorum ebullitiones fiunt, vbi talia emergunt
 “phaenomena, vt partes eorum ab inuicem fecernantur. Huius ge-
 “neris est ille morbus, cuius causa est quasi naturalis, sanguinis
 “ebullitionem inducens, vt expellatur ab eo illud, quod admixtum
 “est ex reliquiis nutrimenti sui, a menstruo sanguine hausti, tempo-
 “re grauiditatis maternae; aut id, quod generatur in ipso postea ex
 “cibis faeculentis, & malis, illis nempe, qui, ipsam eius substantiam
 “seu inspissant, seu rarefaciunt, & ebullire iubent, donec iusta ipsi-
 “us substantia emergat fortior morbofo nutrimento; haud se-
 “cus atque natura procedit in succo vuae, vt corrigat, vinumque
 “aequabilis substantiae producat, expulsa spuma aerea, & faece ter-
 “restri. Huc vero etiam spectat causa extrinsecus adueniens, quae
 “id in ebullitionem rapit, quod occultum erat, permiscerque humo-
 “res cum sanguine; ita vt dispositio ad ebullitionem nascatur, apta
 “praesertim statione sub sole, vti sub alteratione anni temporis, &
 “proprie magis verni, quod ordine & proprietatibus maxime ac-
 “commodum est. Et variolae quidem, & morbilli, sunt ex morbo-
 “rum epidemiorum genere, austrinaque maxime succedente tempe-
 “state multiplicantur, multiplicato nothi flamine. Praeparatum
 “quidem ad variolas corpus est, quod calidum est humidumque, &
 “humoribus perturbatis, praecipue quod non nisi parum sanguinis
 “mittere per venae sectionem adsuevit. Sunt vero etiam cibi, qui
 “variolas velocius arcessunt, praesertim vbi consueti non sunt, &
 “adsuntur insuper medicamenta, aut cibi excalfacientes alii: ver-
 “bi causa, lac, in primis camelarum & equarum, si quis, non ad-
 “suetus, valde eo se repleat, & deinde vinum plurimum, aut cali-
 “das-

“das medicinas, insuper poter. Sunt quidem variolae quasi modus
“quidam criseos. Plurimum accidunt infantibus, deinde iuuenibus,
“rarius senectuti, nisi propter causas graues, & in regionibus vehe-
“mentius calidis humidisque. In humidis vero corporibus plus, quam
“in siccis; in vere plus, quam in hieme, eueniunt; deinde magis in fi-
“ne autumnii, maxime quando aestas autumnusque calida & sicca fue-
“runt. Neque solum in cute emergunt, locisque apparentibus, vario-
“lae, sed in omnibus partibus, quas similes vocant anatomici, mani-
“festis, occultis, velut in membranis & neruis. Quando vero ap-
“parent variolae, pruritus excitant, deinde apparent sicut capita
“acuum, similia milio, deinde altius egrediuntur, & implentur sa-
“nie, deinde euacuuntur, & fiunt crustae diuersorum colorum, dein-
“de cadunt. Interdum variolae in phlegmonem, aut apostema cho-
“lericum, aut magnum abscessum, qui saniem aggreget, permutan-
“tur. Plerumque vero, quum apparent, habent colorem phleg-
“monem, interdum tamen coloribus diuersis, cineritio, violaceo, ni-
“gro. Sunt enim variae variolarum species, colores diuersi. Sunt
“albae, citrinae, rubrae, virides, violaceae, immo sunt ad nigredi-
“nem decliues. Et virides quidem & violaceae sunt malae, & quan-
“to plus ad nigredinem propendent, tanto deterius est, tantoque
“magis declinant ad malignitatem. Et albae quidem meliores sunt,
“praecipue quando paucae sunt numero, magnae molis, facileque,
“& cum pauca anxietate, & debili febre, egrediuntur, febremque
“minui vides apparentibus & egressis, & quando principium exitus
“est die tertio, aut prope ad ipsum. Post illas sunt albae, magnae,
“pluris numeri, propinquae sine continuitate: nam quae continu-
“tur inuicem, seu cohaerent, aut confluunt, ita, vt magnam carnis,
“seu cutis partem iunctim occupent, formamque vel angulosam,
“vel rotundam conglomeratam efficiant, malae sunt: malae itidem
“duplices magnae, in quarum vnius ventre est variola alia. Albae
“vero paruae, durae, propinquae, difficulter egredientes, licet in
“principio salutis existimationem pariant, timenda tamen est diffi-
“lis maturatio, &, vbi mala aegri dispositio accesserit, pernici-
“quoniam spissam materiem pro causa agnoscunt. Ex malis, metu-
“endis,

"endis, quaeque plerumque interficiunt, sunt, quarum variat e-
 "gressio, ut modo appareant, modo occultentur: praesertim quan-
 "do violaceae prodeunt: pariterque tenaces illae, quae, laborando
 "ad egressum, vires prosternunt, partesque viridi, vel nigricante
 "colore imbuunt. Neque vero eiusmodi viror aut nigredo, si ex-
 "cretio succedat, neque vires prosternantur, sed potius augeantur,
 "mortifera sunt: solent tamen ulcera & abscessus manantes succede-
 "re. Salubrius est praecedere febrem, variolas sequi, quam vario-
 "lis praegressum properantibus febrem superuenire. Praecipue,
 "dum variolarum morbus decurrit, respiratio aegri considerari de-
 "bet, & ipsa vox: quae duo, quando bona remanent, salua res esse
 "solet. Quum videris aegrum variolis aut morbillis detentum anhe-
 "lum fieri, tunc virium prolapsum, vel diaphragmatis abscessum,
 "augurari licet. Vbi sitis vehementer exardescit, anxietas assidua
 "est, externa frigesunt, variolae aut morbilli viridescunt, mortem
 "prae foribus esse percipitur, eoque magis propere, ubi ex earum
 "genere variolae fuerint, quarum egressio plus iusto tardatur. Plu-
 "rimi vero eorum, qui variolis pereunt, moriuntur cynanche prae-
 "focati; alii viribus prolapsis, derasis intestinis, fluxu ventris.
 "Quum violaceae variolae aut morbilli subsidunt, & quasi profundita-
 "tem nanciscuntur, syncopen superuenturam scias. Quum sanguis
 "ad vrinae vias fertur, succedente vrina nigricante, mortiferum est,
 "praesertim viribus prostratis: fluxus vero ventris viridis, sangui-
 "neus, aut loturae carnis instar, mortem portendit, etiamsi adhuc
 "vires constare videantur. *Alhumera*, (seu potius *alhamica*, ut *Bel-
 lunensis* vult, forte *alhihumak*,) "est affectus inter variolas & mor-
 "billos medius, utroque magis saluus. Saepiuscule homo idem
 "variolas bis patitur, quando materia sufficiens accumulatur, ut bis
 "expellat. *Almum* est variolarum species, coloris plumbei, qua-
 "rum tubercula in facie, & pectore, & ventre magis sunt, quam
 "in cruribus & pedibus, malaeque sunt, & crassam significant ma-
 "teriem, quae ad extremitates non propellatur. Signa apparitionis
 "variolarum sunt, quod interdum antecedit dolor dorsi, & pruri-
 "tus nasi, & pavor in somno, & punctio vehemens in membris cor-
 "poris,

“poris, & grauitas communis, & rubor in colore faciei, & oculo-
 “rum lacrimae, inflammatioque, & halitus oscitationesque multae,
 “cum constrictione respirationis, & rauedo vocis, & sputum cras-
 “sum, & grauitas dolorque capitis, & tremor cordis, & exsiccatio
 “oris, & anxietas, & dolor in gutture pectoreque, & tremor pedis,
 “vbi resupinatur, vel inclinatur; & febris insuper continua., Sub-
 iungit deinde operose, pluribus capitibus, variolarum curationem,
 longissime ab ea diuersam, quam supra anthraci praescripserat.

§. XV.

Responsio ad testimonia, quae contraria visa sunt.

His ita praemissis, e quibus diuersitatem nemo, puto, non agnoscere debet, facile erit ad omnia, pro arabum in variolarum & anthracum *συμμετρίας* consensu, argumenta respondere. Nouem ex arabicae medicinae monumentis testes arceffit cl. *Hahnii*. Pri- mus & antiquissimus, *Muhammedi* aequalis, est *Aaron* (61) natione forte afer, certe presbyter *Alexandrinus*, non quidem arabica, sed syriaca lingua vsus (62). Scripta eius perierunt, eaque ipsa, *Ali* teste, imperfecta & obscura, vnde clare patere nullo modo potest, an veras descripserit variolas, & nouumne morbum an antiquum sua in regione esse crediderit, quod tamen, etsi dilucidum esset, nihil ad rem conficiendam conferret. Fragmenta aliqua seruauit *Rases*, pura nescio, an a se adnotationibus interpositis illustrata, vt feiri vix possit, quid praecipue certoque dixerit auctor deperditus. Ho- rum fragmentorum quaedam vrget cl. *Hahnii* (63), sed in quibus nihil

(61) v. *Ali Ebn Abbas theor.* I. I. c. I.

(62) v. de hoc *Freind. history of physick* vol. 2. p. 37. deque ceteris omnibus, eodem volumine, vbi indices indi- cant.

(63) §. 55. Verba interpretis sunt se- quentia: “anthrax, apostema nigrum, “est malignum: est possibile, vt ru-

“beum interficiat, & vero impossibi-
 “le, vt possit aliquis a nigro & viridi
 “euadere. *Simile* est de *variolis*,
 “blacis, omnibusque aliis apparenti-
 “bus in cure, eiusdem coloris: nam
 “sunt in ultimo malignitatis. Ha-
 “bentes colorem croceum sunt ma-
 “lae, minoris tamen malignitatis.
 “Albae vero sunt salutiferae: rubeae
 “vero

nihil hanc in rem dicitur, nisi “posse ex apostemate rubro homines
 “perire, nigrum vero & viride certo esse mortiferum., Deinde
 ab *Aarone* nescio, an a *Rase*, additur, ut clare distinctio horum mor-
 borum, quamvis cum *προγνωσεως ἀναλογία*, elucescat, “similiter rem
 “se habere cum *variolis*, *blacciis*,., (64) (id est morbillis) de quibus
 utrisque, non de anthracibus, omnia sequentia agunt, “omnibusque
 “aliis, quae in cute, diuerso cum colore, appareant, vitis. (65),,
 Secun-

“Verovt plurimum, Generantur om-
 “nes ex malo sanguine adusto cum
 “cholera. De laudabilioribus signis
 “sunt, cum apparent in tertio die, aut
 “tempore, quo febris est lenta: e
 “contrario cum mouent in prima
 “die, mouentur ex vehementia fe-
 “bris. De salutiferis variolis sunt
 “albae & rubrae, de malignioribus
 “virides & nigrae & post has croceae:
 “Cum manifeste apparent variolae &
 “morbilli & febris incipit deferue-
 “scere, est signum salutiferum & il-
 “lae, quae apparent in furore febris,
 “sunt mortales., Quae de variolis
 ceterisque adduntur, *Rasis* forte
 sunt.

(64) v. cl. *Burggrafii lexicon medicum*
 & supra nota 15. 34.

(65) Hanc praedictionem nimis genera-
 liter enuntiatam multas pati exceptio-
 nes quis neget? Ita terminthi, sine
 periculo, natura sua nigri sunt. Va-
 riolae nigrae *Sydenhamii* periculosae
 sunt, non semper mortiferae. Im-
 mo *Galenus meth. med.* l. 5. c. 12.
 “qui, ait, ex pestilentia *eusuri* erant,
 “iis pustulae, quas exanthemata vo-
 “cant, *nigrae* toto corpore confertim
 “multae apparuerunt, vlcerosae plu-
 “rimis, omnibus certe ficcae., Lo-
 qui vero praecipue censendus est *Ra-*

ses, vel *Aaron*, de acutis ecchymatibus
 exanthematibusque, quae statim nigrae
 apparent (ea enim omnino sunt peri-
 culosissima) non de crustis, aut nigre-
 dine alia, quae saepe sine periculo suc-
 cedit. Est & distinctum a variolis, sed
 saepe cum illis mixtum, exanthema-
 tis genus, quod maculas *nigras*, vel
purpureas, auctores vocant, de quo
 generale hoc *προγνωσικον* haud valet.
 Prorumpunt, pessimo quidem cum
 indicio, inter variolas, morbillos, &
 purpurae species, in febribus acutis
 variis, ipsaque peste, maculae ple-
 rumque rotundae, interdum trique-
 traе, quadratae, informes, super cu-
 tem nequaquam eminentes, capitis
 fere aciculae maioris, vel & lenticu-
 lae magnitudine, interdum latiores,
 puncti instar primo plerumque appa-
 rentes, quod deinde augescere solet,
 eoque maius portendunt periculum,
 quo & maiores sunt, & copiosiores,
 & nigriores, & quo superiores ma-
 gis partes infestant. In partibus a
 facie remotis primum oboriri consue-
 uerunt; progrediente vero tempore,
 & malignitate, in pectore quoque,
 collo, & facie pullulant. Saepe pri-
 mo statim tempore nigrae, violace-
 ae, vel purpureae progerminant; in-
 terdum a pallido rubroque colore in-
 ciunt, sensimque nigrescunt, pal-
 lescentes denuo sensim, donec eua-
 nescant,

Secundo loco (66) ad *Georgium Bachtishua*, medicum indum, pro-
uocat,

nescant, si salutis spes est. Quatuor, septem, nouem, aut vndecim diebus durare solent, nisi mors praue-
niat. Istam sanguineae massae dissolu-
tionem ostendere videntur, quae disponit aegram ad haemorrhagias
varias, putridi plerumque foetoris, ut quae scorbuticis, ad haud absimi-
les maculas pronis, accidunt. Nota res est, quantum itidem periculi ob-
seruatores omnes agnoscant, ubi fe-
ro, post absolutam variolarum eru-
ptionem, & circa statum, eneniunt haemorrhagiae narium, alui, renum,
aliaeque, non adeo ob effluentis san-
guinis copiam, vel ob solam, quae timeri inde possit, variolarum defe-
ctionem; sed ob ipsam potissimum illam, quae ostenditur, quaeque mor-
bum per se grauem auget, exsolutionem texturae sanguinis a labe inter-
na, scorbuticae instar, aut labis lu-
ius ebullitionem, a variolis excitatam. Et ita amant istae maculae haemor-
rhagarum consortium, licet haud omnino sibi perpetuum, ut mala haec duo in variolarum indiciis vna clas-
se, sub vnus causae notatione, non tam uti symptoma, sed uti morbus sui generis variolis iunctus, coniun-
gi debere videantur. Multo me ma-
xime hac de re persuadent variae ob-
seruationes, quando hunc ipsum mor-
bum haemorrhagicum maculosum in hominibus, ubi de nulla antea aegri-
tudine quicquam apparuerat, extra variolas, aliosque morbos acutos, vel cum febribus intermittentibus, vel plane solitarium spectavi, aegris in-
terdum non febricitare visis; inter-
dum cum pulsu quidem continue paruo, celeri, & frequenti, & calo-

re *παροξυσμῶ*, saepe anomalo, & infi-
gni languore prostratis, donec, eua-
nescentibus sensim maculis, cessanti-
busque sanguinis eruptionibus, re-
diit plerumque sanitas. Vidi, verbi
causa, ante quinquennium, ubi soli-
tarius hic affectus, in puella decen-
ni, haemorrhagiam largam sanguinis
foetidi, sinceri partim, partim nigri,
partim serofi, per nares, gingivas,
arteriam asperam, vomitum, feces-
sum, vrinam, a primo inde initio ad
finem vsque, alternis *ἀνωμαλῶς* vici-
bus, produxit, cum animi deliquiis
& extremorum perfrigeratione, &
maculis toto sensim corpore erum-
pentibus, copiosis, nigerrimis. Na-
tura tamen, licet tanta vitalis liquo-
ris parte spoliata, ut vix parum in pal-
lidissimo corpore, elanguido pulsu,
supereffe videretur, adiuta remediis,
quae deinde indigitabo, *contendit*, ut
Lucanus dicit, *toto, quicumque ma-
nebat, sanguine*, & victoriam a mor-
bo retulit. Post diem vndecimum
euanuerunt maculae, cessarunt flu-
xiones, & insecuta sensim est, quae
adhuc perstat, integritas. Vidi et-
iam, sed rarius, sine haemorrhagiis,
solitarias maculas, uti sine his pariles
observantur haemorrhagiae. Ad af-
fectus fere omisso singularis hicce,
qua solitarius, referri mererefur, ni-
si auctores de scorbutico, aliisque mor-
bis, eius, tamquam symptomatis, me-
minissent, & aliquid haud absimile
notassent auctores pauci v. g. *Pezol-
dus obseru.* 6. *Zwingerus* in *paedia-
tria pract.* p. 622. sub titulo macu-
larum nigrarum sine febre, & prae-
cipue *Listerus* de *scorbuto*, aegroti
sui septimi, & sequentium historias
ma-

uocat, plus saeculo posteriorem, locumque affert itidem ex *Rase* excerptum (67), vbi tamen de anthrace graecorum ne verbum quidem inuenio, dum non nisi variolarum morbillorumque signa & praedictiones, solito apud arabes & recentiores more, cum elegantibus quibusdam observationibus singularibus, nullo ex graecorum scriptis plagio, proponuntur. Tertio (68) producitur *Johannes*

Ebn

maxime de eo fecisset. Quae hic laudat remedia acida, & similia, omne saepe ferunt punctum, cum anodynis, pro re nata, virium robore sic satis constante, sociata, vt metuenda humorum exolutio compescatur, & fibrarum moderetur irritatio, motusque inaequabilis. Emulsiones seminum frigidorum, papaueris, & quae antiscorbutica audiunt, cum pulueribus gelatinosis & nitrosis, gummatisque mucilaginosi, potus item lacteus, commodum praestant, si omitantur acida. Si inflammatio, morbusque acutus proprio typo deflagrare contendens, non adfit, magnum etiam est in cortice peruviano eam in rem praesidium: praesertim si typus febris intermittens se immisceat, quod fieri non insolens est. Acida primis diebus, mediis emulsiones, postremis corticem, quum, declinante morbo, exhausto nimium corpore, roboratio magis requireretur, in isto, quem supra narraui, casu adhibui.

(*) conf. Excerpt. e Commerc. noric. §. XLVIII.

(66) §. 58.

(67) Verba sic se habent, ex veteri interpretatione "*blacciae* (morbilli) fiunt ex sanguine, permixto multae cholerae; *variolae* ex sanguine, grosso multae humiditatis.

"Immo inuenimus *variolas* humidas; "*blaccias* aridas & ficas. Et signa "*ipsarum* sunt febris continua de sanguine, foda, dolor, ponderositas capitis, pectoris, ficitas linguae, sputum grossum, pruritus in naribus, "sternutatio, facies repleta, impedimentum anhelitus, nausea, casus appetitus, distentio cutis, pavor in somno. Melior crisis, quae potest enenire, est fluxus sanguinis e naribus. "Quemadmodum (id est, quando) "*blacciae, variolae*, sunt coloris violacei, nigri, aliquando apparent, "*aliquando occultantur*, sentit patientis vehementem angustiam, raucitatem vocis, sensus permixtionem, est solum signis prognosticis relinquendus. Et *variolae ficae*, in quibus non adunatur humiditas, sed sunt vt porri, scindunt cutem cum vehementi scissione, "concomitantur eas vehemens angustia, mala desiccatio, sensus permixtio, defectus vocis, est mortale. Et aliquando accidunt & inueniuntur *variolae* parvae intus in "*magnis variolis*, nominantur *variolae* duplices.; Alius locus est: "*cum sanguinis super abundans superaccenditur*, corrumpitur, accidunt "*variolae, blacciae.* Quid haec ad supra descriptum anthracem?

(68) §. 59.

Ebn Masue, Damascenus syrus (69), ex cuius *therapeutica methodo* locus affertur, de variolis non agens, sed, ipsis *Galen*i & *Pauli* verbis, de vero, quem expresso nomine vocat, *alhhumrah*, siue carbunculo. Id vocabulum arabs interpres, ob supra notatam *ὑμωρ* *αυ*, aut syriacae linguae, qua *Damascenus* scripsit, dictionem peculiarem ambigue explicauit. (70) De variolis tamen veris alio libro & loco egit (71). *Iohannem Ebn Serapion*, siue *serapionem*, quarto loco collocat cl. antiquitatum auctor, qui ista *Damasceni* totidem verbis excipserit. Eandem ergo hic habeat responsionem! Anthracem ei-

(69) v. erudita de eo *dissertatio* cl. *Hahnii*, *antiquitatibus variolarum iuncta*.

(70) Praeter nomen *variolae*, ambigue a latino interprete additum, nihil in toto eo loco est, quod de veris variolis commodè exponi queat. De *almessire*, id est, igne sacro siue persico, agere sese ipse auctor indicat. Locum integrum adscribere placet, sed clarius, quam a veteri interprete elatum. "Est & aegritudo alia, quae
"nominatur *alhhumrah*, aut variola,
"aut ignis persicus: (id est, quod vocabulum aut variolam significat, aut ignem persicum) Generatur ex humore crasso & feruente. Accidit
"vero plerumque cum hoc affectu,
"qui & *almessire*, siue ignis sacer, dicitur, pustula vesicae instar, cum
"qua vt plurimum exoritur, interdum vero secus. Quicquid vero
"eius est, cum pruritu certe & scabendo incipit, quo pustula, si qua
"adeat, augetur. Rupta pustula, remanet locus aliquo modo ulceratus.
"Neque vero, dum scabitur locus vehementi strictione, vna solum, sed
"plures pustulae, milii adusti instar, membro adhaerentes comparent.
"Quibus ruptis, sequuntur vlcera, quae sunt escharae, vel cinereae, vel

"nigrae. In quacunque vero parte
"hic affectus oboriatur, inflammatio-
"nem carnis ambientis arcessit vehementem, cuius color non vulgari
"erysipelati, sed phlegmoni potius
"similis est, ast ad nigredinem impense vergens, veluti si colori exquisito rubro parum nigredinis immisceas. (Haecenus omnia ex *Galen*o, iam quaedam ex *Paulo*, quod & cl. *Hahnii* animaduertit.) Accidit iste color ob sanguinem nigrum, crassum, & feruentem. Est vero
"alius ignis persicus, qui carni inhaeret, & pustulas velociter producit; alius, qui in membranis seu ligamentis, & nervis siue tendinibus, longiori temporis spatio moratur, donec *φλεγμονή ἐν σιπιδάτωδι* accedat, cum affectarum partium corruptio-
"ne. In multis etiam sanies colligitur, & in his quidem febres consequuntur., Conferantur haec cum supra ex *Auicenna* de pruna & igne persico adductis, & clare paritas elucescet, vti disparitas a variolis, ab eodem vberime alibi descriptis.

(71) de *exquisita febrium curatione*, in cuius metaphrasi c. 15. *Albanus Tordinus* verarum variolarum curationem exponit.

eidem, & *Avicennae*, modo ignem persicum, modo ignem sacrum & prunam vocari, affirmat *Rudius* (72). Praeterea *Ali* (73) non nisi proleterie *Serapionem* de variolis, neque separatim tractare, sed solam sub generaliore apostematis calidi titulo earum nomen attingere, queritur (74). Non capio, quo pacto id dici possit, si tot verbis de iisdem, adeoque singulariter ageret, vti de *alhhumrah*, aut *igne persico*. Euolui *Serapionem* (75), interprete *Alpago*, eumque reperi non solum eadem plane, quae *Damascenus*, hoc est, a variolis aliena, de theoria morbi *alhhumrah*, quem nesciit interpret variolamne, an erysipelas, an ignem persicum exponere deberet, retulisse; sed postmodum etiam de eiusdem affectus curatione ea tradidisse, quae ad veras variolas, *algiodari*, plane non spectant, euacuatione sanguinis melancholici per partem affectam, remediisque externis refrigerantibus, resoluentibus, emplasticis. Aduertit id ipse interpres, adeoque annotationem adiecit, prout criticorum mos est difficilia sibi loca pro corruptis habere, “si alia littera surrogetur, erysipelas; si rursus alia, ignem persicum intelligi.” Rescribere ergo pro *alhhumrah* voluisse videtur vel *alghanira*, vel *algiamrah*. Sed probauimus supra vocem *alhhumrah* ambiguam, neque veris variolis propriam esse, sed ad anthracem magis pertinere, vt correctione critica opus non sit. Quintus, qui testis vocatur est *Izchak Ebn Suleiman* (76), ebraeus, vulgo *Isaacus Israelita*, qui autem, adductis locis, de carbunculo nihil, de variolis veris omnia ita tradit (77),

VI,

(72) de morb. extern. p. 165.

(73) theor. l. I. c. I.

(74) Hic est *Ali* sensus: non, quod *Freindius* opinatur, vt id *Serapioni* exprobet, quod variolas in classem referat apostematum, qua ipse *Ali* eas tractat. Ex isto testimonio conici posse videtur, veteres istos syro-graecos non aequè exactam, ac arabes, habuisse doctrinam variolarum, easque, magis in doctrina medica dif-

ficiles, quia in graecis non inuentas, haud bene distinxisse, nesciosque, quo referri debeant, palpasse forsan in graecorum tenebris, vt locum inuenirent.

(75) tract. 5. c. 23.

(76) ita vocatur *Velschior*.

(77) “caussa, ait, variolarum, omnibus aut pluribus nascentium materia est in compositione foetus in utero existentis,, & quae sunt reliqua,

vt, si graeci talia dixissent, nihil dubii reliquum futurum esset. Sexto loco collocatur *Rases* (78), perhibeturque *Galen*i dicta de anthracibus, variolarum adhibito nomine expresso, explicasse. Interpres latinus satis obscurus, ob supra notatarum ὀπωρύπων aliquam, facile ita errauit, vt *Galen*i de anthrace dicta noto sibi variolarum nomine enuntiaret (79). Confundit alibi, seductus per ignis sacri ὀπωρύπων, anthracem, & erysipelas, diuersissimos morbos, ita, vt hoc erysipelatis nomine saepe exponat *Galen*i de anthrace verba (80). Sufficit, quod supra monui, *Rasen* ipsum seiunctim de anthrace & de variolis egisse, & distinxisse, vti ceteris solemne est, vtrumque affectum. Septimus (81) sequitur *Ali Ebn Abbas* (82), qui, licet *priscis* (puto arabibus) variolas (83) carbonum nomine venire dicat, graecis vero, (sui putō temporis) vel (vti vult *Constantinus Afer*) syris, filias ignis audire (84). Distinguit tamen manifeste ipse inter vario-

qua, a cl. *Hahnio* descripta, cum *Auicenna* plane congruentia.

(78) §. 63. sqq.

(79) Exemplum est in loco, quem cl. *Hahn*ius ex *Rase* adducit, sub titulo libri quarti *ethimeos*, nescius quid hoc nomine sibi velit interpres. Exstat vero locus *commentario* 4. in *Hippocrat.* de *viſus* ratione in morbis acutis §. 21. cui nescio quod nomen arabicum, *ethimeos* voci consonum, datum est.

(80) v. *Leoniceus* de morbo gallico apud *Luisinum* p. 34.

(81) §. 65.

(82) Liber ipsius in aliis editionibus inscribitur: *Isaaci Israelitae pantechnē*, siue *complementum medicinae*, unde est, quod *Syluaticus controu. med.* p. 419. ea ipsa verba *Isaaco* tribuat.

(83) Obscurus omnino locus *Ali* est, praesertim arabico contextu destitutus. Forte id solum vult, variolas vnum tantum membrum occupantes carbonēs priscis dictas fuisse, errore eiusmodi, quo *Auicenna* cancerum pro lepra vnus membri habuit. Forte vero ὀπωρύπων nomen *hhumrah* solum indicauit, quod & rubedini cuius, & abscessibus inflammatis, & anthracibus, & variolis, apud antiquiores competiit. Priscis enim id nomen pro variolis nominandis vsitatum dicit: quod recentiores, confusionis vitandae gratia, euitasse videntur, adhibitis vocibus magis propriis, *hhumrah*, & maxime *giodari*.

(84) "Variola, ait vetus interpres, vlcera, sunt mala, & parua, quae omne conſternunt corpus, aut in eius maiori parte, & aliquando in quibusdam & non aliis membris accidit, quam antiqui carbonēs dixerunt ambustos, graeci autem filias ignis

"vo-

variolas & ignem suum sacrum, seu anthracem verum, vti paullo supra probaui. Octauus (85) ipse numeratur *Auicenna* seu *Abu Ali Ebn Sina*, cuius descriptio variolarum a cl. *Hahnio* satis ingeniose cum sparsis per graecorum scripta locis, de exanthematis carbunculisque, maxime etiam cum illo *Herodoti* supra examinato, ita comparatur, vt sat elegans signorum quorundam analogia appareat, morbum tamen vnum eundemque plane non efficiens. Immo certo certior est, quam supra adduxi, de pruna igneque perfico, diuerso a variolis morbo, tractatio eiusdem *Auicennae*. Postremus *Actuarius*, graecorum vltimus, in testimonium non nisi negatiuum, quod dicunt, vocatur, quia de variolis plane tacet, de carbunculis & pustulis, graecorum in morem, loquitur: vnde ipse cl. *Hahnus* concludi quicquam pro sua sententia fulcienda posse, haud puto existimabit, quum plures etiam recentiorum medicorum, in suis libris praxeos specialis, omiserint variolas, aliosque affectus, quorum notationem apud graecos haud inuenerunt, & *Freindius* sigillatim notet: "*Actuarius* omnes eos affectus omisisse, qui quidem plures sunt, quorum, graecis intactorum, arabes primi mentionem fecerunt., Haec de arabum consensu in nomen & signa variolarum, cum carbunculis communia, dixisse sufficiat. De signis id vnum adhuc moneo, mirum nemini esse posse aut debere, quod signa salutis & interitus variolis, morbillis, carbunculis, exanthematisque, ac tumori-

"vocat. (Constantinus syros ita vocasse dicit.) "Confortata natura impuritates expellit ad corporis exteriora, fiuntque ab eis pustulae, quae carbonem ignis vocantur., vid. quae supra de vocibus *khumrah* & *messere* diximus. Idem *Ali* interpres alio loco *theor.* l. 8. c. 9. "quod si, inquit, cum sua sit grossus in substantia sanguis malitia, apostema fit, quod, erysipela dictum, variolam vocant, & arabes filias ignis., Sat confuse & obscure, modo arabes, modo graeci, modo syri, filias ignis vo-

care dicuntur, nescio quid: an anthracem verum, qui ad erysipelatis species refertur, & nomine *khumrah* confunditur cum pustulis variolarum, an has ipsas etiam, quod prius adducto loco innuere videri potest? Nihil certe hinc pro eorum affectuum *ταυτοτης* & *συμνομια* colligi potest: cuius contrarium potius patet ex supra nota 36b. adductis. Nomina *Ali*, eiusue interpres, miscet; non rem.

(85) §. 65. v. supra nota 41. 48.

Z z z

moribus aliis, quaedam communia posita sint, neque ideo quisquam morbos confundendos esse putet. Nam ista communitas partim ex iusta, & in observationibus fundata analogia plurium exanthematum, inflammationum, ulcerum, febrium, oboritur; partim ex *Galenica* cuiusvis fere morbi specierum distinctione in sanguineam, phlegmaticam, cholericam, melancholicam.

§. XVI.

Curatio variolarum apud arabes, & anthracum apud graecos diuersa.

Peculiari deinceps capite cl. *Hahnii* nouam probabilitatem sententiae suae quaerit in arabum conspiratione in adhibendam pro variolis eam medendi methodum, quam graeci carbunculis applicarint (86). Nobis differentiam ostendere liceat. A venae sectione incipit, (87) qua, quod nemo negabit, ad animi usque deliquium, & repetita, graeci fere omnes, post *Galenum*, auspicati sunt curationem anthracum, sed & phlegmonarum, erysipelatum, similibusque morborum inflammantium, ut nihil adeo singulare cum variolis commune habeant carbunculi. Neque ideo his dicatam curationem singulariter in variolis sectari sunt arabes imitatores, qui variolarum medelam eodem, quo alias inflammationes, febresque, remedio inchoare solent. Nemo vero probabit praeterea, graecos talia ante carbonum eruptionem praecipue moliri iussisse; quam ita praenoscere, uti nos post arabes variolas in primo stadio praescire aut suspicari didicimus, nusquam docuerunt. Arabes primo praecipue variolarum stadio, nempe ebullitionis, venae sectionem destinasse, certum est, ceteris rarius, nec sine fontica causa. Innummeri hodie per omnem Europam medici sunt, qui istos hac etiam in re imitantur, posteaquam multi viri eruditi prudentis per variolas venae sectionis vindicias, contra aliorum opiniones, dudum postliminio susceperunt. Con-

(86) vid. omnino *Freind.* vol. 2. p. 196. fqq. (87) §. 70.

Concedam tamen etiam, pro eleganti, quem cl. *Hahnus* ex *Rase* affert, loco (88), tentasse arabes simile aliquid ei, quod ill. *Boerhaavius*,

(88) p. 96. add. *Freind. history of physick.* vol. 2. p. 196. sqq. Clarius res mihi constat ex *Rasis* imitatore, quem ipsum ad manus habeo *Alfaharavio* tract. 31. c. 10. §. 3. qui de *Allenio*, in *synopsi practica*, dicitur, omnes nostros medicos infrigidantes multis parasangis superare. Praecauere duplici ratione docet variolarum eruptionem, tum grassantium, antequam praeuia signa appareant, tum vbi morbi iam principium adest. Prius sit, aduulorum venae sectione, infantum scarificatione, aere frigido, potu aquae per niuem impense frigesactae, cibis sanguinem inspissantibus & infrigidantibus, *ψυχρολασία* in meridie, fotu cum linteis aqua frigida madefactis, medicaminibus etiam frigidum & ab exsolutione alienum sanguinem gignere visis, quae recensentur. Apparentibus vero iam morbi variolas propulsuri signis, sanguinem iubet extrahere ad syncopen vsque “deinde semel & simul, vt ait, aquam bibere infrigidatam niue, infrigidatione vltima, id est, quanta fieri potest, a duabus libris ad tres & amplius, spatio horae dimidia. Si cedat febris, & fluxerit vrina & sudor, sciat horam liberationis esse proximam, & si videtur redire ad eum calorem, & accidentia confirmari, & aegritudo augeri, iteret aquae multae frigidae potum post horam vnā, & tendat ad alios modos extinctionis, quos superius diximus. Si vero videbitur postmodum confirmari accidentia, sciat tunc esse impossibile, & tunc decet iuuare naturam., Antiquum illud

aquae frigidae potus, tamquam sudoriferi, experimentum augere potest *Hancokii ψυχροποσία*, siue febrifugum magnum, (qui auctor a se primum illam vim aquae frigidae sudoriferam inuentam putat); vti alterum experimentum, de *ψυχρολασία*, spectat ad opus de eadem doctum & graue *Floyeri*, auctum parte altera a *Baynardo*, qui verborum & iugentii lusibus materiae grauitatem temperat, docta tamen ac memoranda haud pauca habet. Conf. locus curiosus *Kaempferi in amenit. exot.* p. 134. sqq. de medela dracunculi persarum, per frequentem frigidae aquae affusionem, item morbillorum in laua, per idem remedium mane & vespere adhibitum, nostris sane in oris haud imitandum. In Anglia ex *ψυχρολασία*, ingruentibus iam variolis instituta, funestum exitum notauit ipse, qui magnopere alias laudauit, *Floyerus*. Sed in laua aliquando nigritae, cum suae gentis aliquos, nostratum more tractatos, perire viderent, omnes reliquos mira methodo saluos praestitere. Dederunt correptis, prima die acetarium ex cucumeribus cum oliuo, secunda lac ebutyratum, ad satiem, tertia & quarta capitetenus in profluente ter in die merferunt aegros, atque sic in lecto reposuerunt: referente *b. Wedelio de praeservat. variol.* p. 33. *Freind* vol. 2. p. 196. ad frigidos *Rasis* potus, pro praecauendis curandisque variolis, recte monet, eum in Persia, calidissima regione, medicinam fecisse. Attamen de praecautione morborum eiusmodi calidorum, exsoluentium, putridorum,

nus, & ex eius discipulis maxime cl. Loeberus, professor Ienensis, tanto-

rum, epidemiorum, per aquam frigidam, immo, si sat frigida non suppetar, niue & glacie frigefactam, post plures de niue & frigido potu auctores, in *Lipenii bibliotheca medica* recensitos, dignus prae aliis est, qui legatur, *Lancisius* de *noxiiis paludum effluuiis* l. 1. part. 2. c. 7. §. 12. 13. qui & alios auctores, & rationem, & suam diuturnam experientiam cumulat. In *act. erud. lips.* 1724. p. 512. excerpta exstant ex *Jacobi Todari vindictis aquae frigidae*, ubi eius vires, praecipuae etiam ad variolas, extolluntur. Ill. *Michelotti* promisit in *comm. norimb.* 1733. p. 251. *historias morbi variolarum, ubi frigidarum rerum, & opium recipientium medicaminum, in perniciosissimis curandis variolis, moderatum usum saluberrimum esse demonstratur: adiectis criticis scholiis, de ratione acutissimis sanguinolenti generis variolis medendi per gelidissimas sorbitiones, per sanguinis siue per maiores sectas venas, siue per cucurbitulas, missionem, per vrentia malagmata, atque deiectionem.* Addantur quae docte h. *Behrensius*, archiater brunsvicensis, in *de aquae calidae potu, de frigidae, niuis, glaciei, in potulentis usu*, commentatur §. 8-9. 24. item *Masinius*, de *gelidi potus abusu*, *Ramazzinus* de *valetudine principum tuenda opp.* p. 731. *seqq.* *Lettres de Gui Patin* vol. 3. epist. 499. celeb. *Behrensius*, medicus & polyhistor hildesienlis *select. dietet.* p. 318. *seqq.* *commerc. norimb.* 1733. p. 244. *seqq.* ill. *Hoffmann.* de *noxa potus frigidi*, *Fickius* de *aqua frigida*, *Vallisnieri* de *usu & abusu potuum & balneo-*

rum, calidorum & frigidorum, & varia de aqua simplici, a cl. *Schwertnero* iunctim teutonice edita. *Frigidae aquae potum*, quamvis in inflammante illo, & tenerrima corpora plerumque inuadente, & faucibus pectorique infesto variolarum morbo, propinare non sustineam; daminari tamen in omnis generis morbis aliis praecauendis curandisque, nolim: quod hodie aliqui faciunt, veteri recentiorique experientiae, toties felici, nimis forsitan confidenter sese opposcentes, dum artem, quam roborare & amplificare, vel iusto moderamine & cautionibus limitare praestat, medicina aliqua generosa, quod facilius est, subito interdicta, priuare malunt. Ipse quidem, ad aestum febriculosum extinguendum, id medicaminis genus non soleo commendare, veritus facile fernescentis, & velociter contraria ratione per *ψυγενοποιαν* affecti, sanguinis coagula, stagnationes, inflammationes, & impedimenta criseos, quae typum suum praepediri vix patitur, & teneriorum sub istis morbis, sensuque exquisitiori turgentium fibrarum laesiones per ipsum frigus: quum praeterea haud frustra notet ill. *Bergerus* in *de inflamm.* p. 24. "in expellendis febribus ancipitem incertumque exitum a larga frigidae potione, quae aestum restinguat ac leniat, plurimae exempla exstare hominum interemtorum, qui eandem curandi viam institerunt., Nihil tamen alienae experientiae feliciori, & sufficienti cum moderamine prudentiaque institutae, derogatum volo. Sunt enim regionum, temporum, personarum,

tantopere hodie suadent, aliis aequè magnopere contra disputantibus,

narum, morborum, indicationum, diuersitates innumerabiles, & multa esse queunt, quae istos, quibus nos quidem absterremur, metus euanescere iubeant, & potens illud aestus lenimen, prae morbi tolerantia, aut aliis medelis, postulare videantur: & vidimus ipsi innoxium frigidae potum, sine nostro consilio, in periculosis febribus acutis copiose haustum. In sine febre cephalalgis calidis, in vomitibus bilisque feruoribus, in *δυσχρεσιν* calida salsa, atque inde oriundis pathematibus variis, in ipsa fibrarum, ventriculi maxime, debilitate, quem tepida saepe magis debilitant, & nauseare faciunt, item in praecauendis morbis epidemiis a putredine & calore oriundis, & ad paroxysmos calculi podagraeque grauiore, experimento *Bagliuiano*, praecautione moderandos, ipse haud inexpertus, relictum *ψυχροποσίαν* illam nolum, dosi moderata, ventriculo a cibis vacuo, & habita coloris externi temperati, & *εὐφορίας*, & excretionis per vrinam, ratione. Praetereo fontes medicatos varios, quos natura frigidos ministrat, quosque igne tepescere saepe quidem utile, sed recentius longe est, quam natia *ψυχροποσία*, ad plurimos morbos utilissima. Certe plurimum etiam aquarum tenerior textura & mistura, ipso leui tepore, haud sine aliquo virtutis dispendio, extra corpus mutatur. Omitto *ιδιοσυγκρεσίαν*, & consuetudinem, quibus aliquid in ipsis morbis dari debet, quaeque in me ipso, & in pluribus, quos noui, aliis, a teneris ita sunt, vt & sitim difficillime leuet potio quantumcunque tepe-

scens, & stomachum aegre afficiat, immo facillime subuertat, nihil potulenti fere admittentem, nisi vere & impensius calidum aut frigidum. Non laudo tantam aduetudinem, sed, pro *Celsi* illo, quo sanus homo, & qui suae spontis est, nullis obligare se legibus inbetur, integra plane sanitate, calidum, frigidum, tepidum potum, qui omnes utiles esse, immo necessarii possunt, vt tolerare omnes aduescerent vellem, neque absoluta solius frigoris consuetudine obrigescere stomachum, neque tepore assiduo elanguere paterentur. Sanis quidem frigida potio, teste omnium saeculorum populorumque more, & innoxia est, & visceribus humoribusque congruens. In febribus vero, ob supra dictas rationes, utilissimum tutissimumque esse putamus, potum quemuis tepescere, ad eum gradum, vt linguae & ventriculo neque frigoris, neque caloris excedentis, sensum imprimat: nisi, vbi *θερμοποσία*, siue potio intensius calefacta, singulariter indicatur. Attamen *Hancokianum* illud febrifugum magnum, nempe aquam frigidam meram, librae circiter pondo, ad sudoris vsque prouocationem, propinatam, nos quidem etiam ipsi in febribus intermittentibus vernis, tutis, corporibusque cetera sanis, post aliorum experimenta innocua, neque infelicia, aliquoties explorauimus, & tunc ibi neque nocere, aut vilo symptomate molestare, neque tamen certo, licet interdum, iuuare reperimus. Quare, cum alia his febribus abunde suppetant remedia certiora, & minus *παράδοξα*, ibi etiam ab hoc ab-

stine-

bus, vt, primo ante variolarum eruptionem tempore, cita, larga & repetita sanguinis missione, clysmis, laxationibus blandis, fortibus partium, aere & potu refrigerante, nitroso, remediis frigefacientibus, & caute aucta perspiratione corporis, praecaveatur omnino, vel impense imminuatur eruptio variolarum, extinguaturque inflammatio (89). Ex graecis nihil adductum video, quod istos pa-

ria

stinemus, vti in ceteris morbis febriculosis: vbi, ad ipsam vsque pestem, magnum illud suum auctor, quod vocat, febrifugum & sudoriferum, maximam prae aliis certissimamque opem ferre, nimis imperfecte expertus, opinatur.

(89) Nobis ingeniosissima illa *Boerhaavian*a methodus integre explorata non est. Non solum molestiarum est plena, & apud populum talibus moliminibus repugnantem difficulter introduci & incipi, & longe rarius plene perfici posse videtur, & in distinctis, legitimis, tutisque variolis vix necessaria est; sed etiam, per rerum naturam, in multis aegris prodesse nequit, praesertim quibus confluentium, seroliorum, malignarum, praepropere, confestim, ἀνωμαλως erumpentium, & prostratione viri-um, deliquiis, perfrigerationibus, conuulsionibus assiduis, aliisque venae sectioni & reliquae eiusmodi medellae aduersantibus symptomatis stipatarum variolarum violentia periculum creat, aut quibus, deficiens potius, quem miror aliquos vsquam videre nolle, quam auctus nimium est ebullitionis impetus. Immo, quod scientes dicimus, in Anglia, Belgio, Germania, exquisitissime usurpata haec methodus saepe, per indolis morbi, statusque epidemii, & singularis, & materiae variolosae specifi-

cae vim, elusa, & frustra omnino est adhibita. Usurpata tamen etiam saepe feliciter, & laude sua dignissima est. Conuenire certe, moderante *Boerhaauio* aliquo, in morbo primum suum stadium impetuose percurrente potest, & plures ex imminente periculo eripere, quibus symptomatum sanguineorum grauitas, & incendium ingens, praesentia discrimina, aut suppurationem deinde nimis exuberantem, minatur. Cicatricum etiam foeditatem numerumque minuere idem idem potest, quamquam tolli eam plane, quod sine limite alicubi promittitur, aut, vbi materies ipsa maligna adurensque impense est, praecaueri satis posse, despero (*).

(*) Quamvis parum hic loci *Boerhaavianismo* in variolis faveat *Werthofius* nec tota vita magis illi adsentitus sit, neutiquam tamen, quod urgent quidam, oppositam prorsus methodum Paracelsisticam suam fecit, ut virus a corde propellendi causa stragulis agros obrueret - sepeliret, vel calefacientia, aromatica &c. propinaret; languentem saepe humorum circulum excitare potius, & quem modo dixit, deficientem ebullitionis impetum augere, vires aegrorum labentes erigere, molimina naturae miasma variolosum ad cutis superficiem exantlantis diapnoicis sustinere, sicque

ria pro carbunculis vota habuisse, vel, vt effectui darent, molitos esse, comprobet: licet ob paritatem rationis (90), cum vterque morbus ex istis sit, qui inflammatorii vocantur, id etiam nostrae sententiae ne hilum officeret. Laudata graecis carbunculorum scarificatio (91), seu, vt aliqui scribere malunt, scarificatio, facta est in parte affecta, per singulos carbunculos (92), vti in siderationis metu hodieque vbiuis fere, & in veris anthracibus, etiam pestilentibus, fieri solet. Longe ab hac distat vsitata arabibus sanguinis missio ex aliis partibus, per scarificationem & cucurbitulas, in variolis, apud istos, vti apud nos, venae sectionis vicarias. Ita enim variolae, vti sphacellus, aut anthrax, scarificari non possunt, nec debent. Inflammationi & putrefactioni aduersa remedia (93) extus ad partem solum affectam, vt in curandis inflammationibus externis fieri solet, applicanda, per omnes graecorum medicorum libros laudantur (94), qui, prae-

que nutum naturae sequi, simul autem auctas nimis veneni putridi vires acidis, vel magno illo putredinis correctore, Cortice peruviano, infringere, vel alia ratione sub morbi decremento illud per alvum e corpore eliminare -- haec videbatur praecceptori indicatio.

(90) §. 69.

(91) §. 70.

(92) *Galen. de method. med. l. 14. c. 10.*

“Scarificare eiusmodi tumores, post sanguinis emissionem, alienum non sit. Sūto autem incisiones medicocribus altiores, propter infestantis humoris crassitiem. Neque vero eo modo oculorum carbunculos scarifarunt graeci, qui hodie, post *Woolhousium*, ad varios oculorum affectus vsitatus est; de quo elegantissime peculiari dissertatione scripsit celeb. *Platnerus*, quemque saepe feliciter hic exercet vir doctissimus,

mihique amicissimus, *Glabbachius* noster. Fateor tamen mihi secus, quam *Woolhousio*, videri, in *Hippocratis de visus acie* libello exiguo, non *Woolhousianae* similem scarificationem, sed inustionem per cauteria, & huic solum ancillantem attenuationem palpebrarum internarum per frictionem mollem, describi, pro curanda visus acie per naturam debili.

(93) §. 71. 72.

(94) Ipse *Galenus* l. c. postquam incipiendam ab incisa, si nihil vetet, ad animi vsque defectionem venae auspicandam curationem suavit, “imponi sibi, ait, laborans particula, quod ad humorum inflammationem spectat, refrigerantia desiderat. Quenam illa esse possit laborans in variolis particula non capio. Ambitui hinc inflammato cataplasmata ex plantagine, cocta lente, mica panis aliquantum furfuracei, applicari iubet;

praeter potum cibumque, silent de internis, quibus arabes plurimum tribuunt, de externis, pro iis scopis, plane in variolarum curatione muti. Suppurationem ipsius carbunculi (95), hoc est tumoris adustione emortui, graeci maturare vix ac ne vix quidem ausi sunt, inflammationi ambienti intensae, & putredini latius serpere nitenti refraenandae, dein vlceri sanando, vnice intenti (96): nisi quod inflammatas in margine partes, pro separanda carne corrupta, vti in hoc affectu sphaceloque etiamnum recte fieri solet, aut subsequentes per consensum in vicinia inflammationes, indurationesque, suppurare aliqui tentarunt (97). Arabes fotibus tepidis aqueis, & internis medelis multifariis, vti hodieque fit, vti sunt, vt maturatio variolarum promoueretur, de quibus graecitacent. Quae sub statu iam vlceroso siccantia, & crustas separantia, a graecis laudantur (98), non conueniunt cum ordinariis medelis, variolas siccantibus, quamuis & ad has hinc inde, praeter solitam indolem, vlceratas, externa nonnunquam adhiberi possint medicamina, quae anthracibus (99) etiam, semper profunde vlcerosis, profuerint. Quae

bet; supra ipsum vero vlcus, valens aliquod medicamentum putredini resistens, in vino aliquo dulci solendum, e. g. pastillos *andronios* ex cyrinis, galla, myrrha, aristolochia, chalcantho, alumine fisso, & misy, descriptos in *de compos. medicam* l. 5. c. 12. Quis ita variolosorum corpus vel cataplasmatibus inuolueret, vel solutis vino pastillis? Nunquam talia moliti sunt arabes ad hunc morbum, quamuis eadem ipsa ad prunam & ignem persicum applicuerint.

(95) S. 73. 74.

(96) De toto morbo eloquitur *Galenus*, quod frustra applicatur ad statum post maturationem, de qua ne verbum quidem dicitur: "quae concoquant & pus moueant, ea nunc adhibenda non sunt, quoniam ita putredi-

nem auxeris., Nempe, escharae & vlceri talia imponi vetat.

(97) *Dioscorides* l. 2. c. 185. nasturtium impositum dicit *ανδρανας περιεχοντες πυρραια*, hoc est, adustos carbunculos a partibus adiacentibus separare, excitato pure in inflammato margine. *Aegineta* l. 4. c. 25. de suppurandis partibus vicinis loqui videtur, a carbunculo, membranas nervosque occupante, inflammatis aut induratis.

(98) S. 75. 76.

(99) "Cessante iam inflammatione, ait *Galenus* l. c. vlcus ad cicatricem similiter reliquis vlceribus perduces., His absoluitur Galenica anthracum medela.

Quae de apertione pustularum maturarum apud arabes consueta dicuntur, nihil commune videntur habere cum ista, ob fiderationis metum, vel ad euacuandum subito humorem putridum, apud graecos vsitata primo quoque tempore scarificatione, & apertione abscessuum carbonosorum (100). Certe non inde, sed ab ordinaria omnium abscessuum medicatione, mos iste arabum profectus esse videtur. *Celsi* consilium pro adurendis carbunculis plane insolens in arabica medicina fuisse putat cl. *Hahnus* (101). Inurendarum variolarum malignarum, quarumcunque, (quarum speciem quamdam suspicatur *Celso* intelligi) praeceptum mirabile satis foret; sed ignem perficuum, hoc est, anthracem humidum, vstione curatum ab arabibus, colligere licet ex *Alfaharauio* (102), qui idem putatur esse, qui *Albucassinus*, chirurgorum arabum princeps, cuius exstat *chirurgia*, nihil fere vbiq̃ue nisi cauteria commendans. Quae deinde remedia externa ex *Celso*, *Plinio*, *Dioscoride* (103), & pro delendis variolarum foueis, ex aliorum graecorum monumentis hausta, apud arabes reperiri notat cl. auctor (104), ea partim solum in similitudine applicationis fundamentum habent, quia επερωτική indicatio communis est; partim alio plane scopo a priscis, alio ab arabibus, vsurpata sunt. Interne hi dederunt aliqua, aut extus ad residuum ruborem foueasque commendarunt, quae antiquis, eo solum consilio vsitata fuere, vt carbunculosa inflammatio extrinsecus moderationem acciperet. Docta illa & elegantia, de cubilium moderamine memorata (105), nihil ad controuersiam faciunt; vti & quae de pannis rubris, pro vestiendis parietibus, aegrisque inuoluendis, erudite notantur (106). Illa communia pluribus morbis sunt; haec plane alia apud

(100) §. 77. Variolarum pustulas maturas acu aperuerunt arabes; ignis perfici bullas etiam aliqui, sed primo quoque tempore, applicatis deinde medicamentis. v. *Byngesla* tab. 5.

(*) Variolarum pustulas perfcindere Autor nunquam consuevit, licet post *Avicennam* & recentiores *Huxham*,

de *Haen* &c. hanc medelae rationem suasisse videret.

(101) pag. 107.

(102) tractat. 29. c. 6. 10.

(103) v. p. 112. sqq. 130.

(104) p. 125. 128.

(105) p. 128. sqq.

(106) p. 129. sqq.

apud priscos, alia in recentius descripto barbarorum morbo. Quaecunque vero (107), pro signis & curatione verorum anthracum, id est, prunae & ignis perfici & sub generali illo pustularum tumorumque nomine *bothor*, excerpit ex arabibus vir clarissimus, &, cum variolis permiscens, ex graecis totidem fere verbis hausta demonstrat, ea ad has neutiquam facere agnosceret, spero, si distincta illa loca, ubi variolarum morbum, & deinde prunam & ignem sacrum, seu persicum, arabes tractasse supra probauimus, iterum atque iterum contemplari haud grauabitur. Variolarum descriptionem curationemque suo more, suis ex observationibus, sua curandi methodo, adornant arabes omnes, sine villo ex graecis plagio; contra, pro describendis medicandisque tumoribus carbonosis pruna, & igne perfico, graecorum vbique compilant scrinia *Damascenus*, *Serapio*, *Rases*, *Auicenna*, *Alfaharaius*, *Auerrhoes*, & ceteri quiuvis.

§. XVII.

Noua variolarum remedia graecis per diuersos morbos probata.

Minime enim gentium ex graeca curatione anthracum hausta sunt, quae longe quam plurima ac diuersa, pro variolis medicandis, proficua reppererunt vel excogitarunt arabes, recentioresque, in omnium versantia manibus; quamuis graecorum per plures alios morbos indicationibus vsuique sat congruentia multa sint: vt docte iam demonstrauit *Listerus*, peculiari de *variolis* tractatu. Sic, secundum huius auctoris notationes, vsus diaphoreticus, alexipharmacus, maturans, vulnerarius, temperans, arabibus recentioribusque in variolis sollemnis, ficium, lentium, cicerum, tragacanthae, foeniculi, coci baphici, cui laccam & coccinellam ipse comparat, viperarum, puluerum testaceorum, sulfuris, vitrioli, succorum acidorum (108), croci,

(107) praecipue p. 101. sqq.

(108) Liquores mineralium, praecipue sulfuris & vitrioli, acidos, quibus immensum quantum hodie aliqui in variolarum curatione tribuunt,

utilissimos omnino esse, experientia docet: quamquam anchoram salutis vt *Waldschmidius* cum *Dolaeo* laudauit, pro omnibus variolosis aut medicinam quae plane non fallat, in

papaueris, opii (109), doctrinis experimentisque graecorum variis;
ex

iis reperiri, sat expertus, existimare nequeam. Praeceptor meus post cineres colendus, *Jo. Carolus Spießius* archiater guelficus, & professor helmstadiensis, docebat methodum ad variolas infallibilem ipsi dictam ea puto notione, qua *Valentinus praexm suam infallibilem* inscripsit, nempe quae, ad alias methodos comparata, felicior reputanda sit, & cui insistens medicus non decipiatur, licet, in maligniori morbo, & pro rerum circumstantium prauitate fors aliter ac pro votis cedere queat. Nam certam omnino aduersus omnia omnium variolarum pericula opem ex ista methodo, vti ex alia quauis, sperare non licet. Propalabit eam plenius forsan aliquando, doctam & accuratam, filius, patre dignus, vir clarissimus, *Wilhelm. Johannes Spiessius*, medicus aulicus wolffenbuttellensis, fautor & amicus meus honoratissimus, qui id publici boni causa rogandus esse videtur, quod ipsi praeripere nolumus. Id interim heic notasse licebit, omissa plane venae sectione properasse virum experientissimum primo in principio ad ipecacuanhae aliquam dosin subiuncto affatim liquore vitriolico temperate acido, eleganter praeparato, vel in lactentibus gelatina refrigerante antispasmodica, donec deferuisceret prima febris; promouisse eruptionem vesicatorio in nucha, & blandis diaphoreticis fixis, & emulsis feminum, quae expellentia audiunt, nisi his laudati remedii acidi usus, febre perdurante continuandus, obesset; obstitisse feбри secundariae eodem liquore vitriolico, & mistura diaphoretica nitrosa; ma-

turationem exsiccationemque infusis vulnerariis, pulueribusque absorbentibus leniter myrrhatis, iuuissse; symptomatum metuendorum cautam habuisse rationem, commendata etiam singulariter, in vrgente, sub statum & tumoris faciei lapsum, periculo suffocationis, aut alio turgentis materiae iudicio, purgatione blanda, ad ill. *Helwichii* methodum, in *ephemeridibus naturae curiosorum* cent. 7. & 8. obs. 60. descriptam, a *Freindiana* in comm. 7. ad *Hippocr. epid.* parum diuersam, vbi alii haud infelicitate mercur. dulcem, quasi huic morbo specificum, surrogant. Omitto iam praecautiois ante morbi initia laborem, vbi praecipue etiam pilulas ex aloe lota & mercurio dulci laudabat: praetereo diaetae moderamen exquisitum, medelas symptomatum morborumque pedissequorum singulares, & cautiones oculorum, nasi, faucium, cicatricum, fouearum, quae omnia curiose & docte tractabat vir in eo morbo curando eximiae felicitatis famam adeptus.

(109) Obseruat *Listerus* papaueris foliorum viridium succum, *Auicennae* iam ad variolas vsitatum, & ipsum opium relatum esse a graecis inter alexipharmaca, & quae exanthemata ad cutem promouent. Idem ex consultatione medicorum *Mayernio* aequalium probat, non primum *Sydenhamium* vim eius medicinae ad variolas insignem expertum esse, quod videtur cl. *Silva de l'usage des différentes sortes des saignées*. P. 2. p. 72. *Freind.* vol. 2. p. 202. sqq. "quantumcumque, ait, refrigerante diae-

ex diuersorum plane morborum curationibus ἀναλογως applicatis,
cor.

“ta vterentur arabes, non tamen du-
“bitarunt calida generosaque adhibe-
“re cardiaca, quando natura ope ege-
“re visa est, aut variolarum intro re-
“gressum vlllo modo metuendum du-
“xerunt. Eidem scopo, si magna
“quaecunque turbatio & quasi fer-
“mentatio humorum obseruata est,
“quae debuerit refraenari, aut hor-
“rendum quoduis symptoma, quod
“murationem pustularum impedi-
“ret, confugerunt ad summum illud
“diuinumque remedium, opium, sae-
“pe illis eo in casu vsurpatum; li-
“cet primus fuisse videatur *Syden-*
“*hamius*, qui inter nos praxin eius-
“modi imitandam innuerit., Fateor
tamen, me illud apud arabes ad
variolos commendatum reperire non
posse. Frequens vero dudum ante
Sydenhamium fuit, apud expertissi-
mos medicos, quos & nos, vbi o-
pus est, imitamur, in eruptionis prae-
cipue & murationis stadio, cau-
tus & moderatus eius remedii vsus.
Experientia enim teste, sub variolis
benignis, sed iusto molestioribus,
innocuus; sub mediis, distinctis a-
nomalis, cohaerentibus, immo &
sub ipsis impense confluentibus ma-
lignis, si quid iuuare adhuc potest,
(sunt enim nonnunquam malignissi-
mae, vbi nihil omnino iuuat,) &
dum virium non nimis prostratarum,
pulsus non nimium languidi, somni
non comatosi, sed potius deficientis,
respirationisque integrioris ratio fi-
nit, neque fluxus salubris aduersum
indicat, perquam saepe vsus iste fe-
lix est, & multis molestiis periculis-
que auertendis aptus. Conspirant
ea in re omnes fere nationes, &, qui
diuersissima alioqui sentiunt, medici,

experientiae euidentia conuicti. Le-
gantur auctores expertissimi, inter
gallos *Silua*, cum ipso antagonista
Hecqueto, inter anglos viri, vbiuis
fere in eius morbi tractatione alioqui
acriter dissentientes, *Sydenhamius*,
Mortonus, *Listerus*, *Freindius*, *Bel-*
lingerus, (v. A. E. L. 1702. p. 90.)
inter italos *Marescottus*, *Michellot-*
tus; inter batavos *Boerhauius*; in-
ter germanos *Ettmullerus*, *Wedelius*,
vt multos alios nostrae & diuersarum
nationum, & vetustiores, qui the-
riacam, mithridatium, philonium,
diascordium mire laudarunt, praetere-
am, vt *Diemerbroekius*, alique
longe plurimi. *Hunerwolffius* a.
1669. in dissert. de variolis, ex
Maur. Hoffmanni maxime experien-
tia, “electuarium, ait, diascordium
“*Fracaistorii* plurimum in variolis
“commendatur, & frequentissime,
“summo cum fructu, indigentibus
“exhibetur. Idem electuarium solum
“vehementer variolis restitisse *Pri-*
“*merosius* quoque testis est, absque
“insigni enim agitatione malignita-
“ti resistit, putredinemque inhibet
“approbante *Sennerto*, *Spigelio*, &
“liisque. “Patet hinc, quanto certe
antiquior *Sydenhamio* sit, in An-
glia, Italia, Belgio, Germania, ano-
dynorum felix in variolis vsus. Prae-
ter intentionem fortasse, ob alienos
abusus & errores, venae sectioni,
& opiatas, ipse, vt ait, non exper-
tus, nimium in variolis videtur de-
rogasse ill. *Hoffmannus* pronuntiata
t. 4. sect. 1. p. 173. *medic. system.* per
breuem aphorismum, sententia dam-
natoria, cui multiplex, eaque aiens,
& propria & circumspicte obser-
uata aliorum experientia ita genera-
tim

corroboratur; quamuis horum omnium vix vllum in anthracis curationem adhibitum esse, probari queat.

CA-

tim haud subscribit, exceptiones graues innumeras suppeditans. Limitandum etiam id effatum suum esse, probe nouit, & alibi forte limites clarius vberiusque scribet, vir ille sapientissimus, meritis & aetate venerandus. Ipse saepe in morbis perquam variolis similibus, febribusque acutis plurimis, venae sectionem contra dissuadentes solide propugnauit. Anodyna papauerina valde ipse laudat in variolorum morbo: immo in *medicin consultat*. opiatum ibi diascordium a se exhibitum scribit. Neque vero etiam cuiusquam medici experientia negans, contra tot aientes felicissimas aliorum, sufficeret, quum praesertim his ratio apprimè adstipuletur. Monitionibus nempe cautionibusque munienda sunt generosa medicinae praesidia, quod facere solet vir excellentissimus; sed, quam ipsius etiam mentem esse scio, non remouenda ab arte, non prohibenda a manibus peritorum cautorumque artificum. De venae sectione conferri merentur, quae singulari de eius in variolis usu scriptione, solide disputauit, post *Obertum Antonium*, *H. Meibomius*, immo & clariss. *Goe-lickius*, qui quidem, sententiis alioqui iis imbutus, quae ad venae sectionis in morbis acutis prohibitionem pronae sunt, in dissertatione tamen de usu & abusu phlebotomiae in variolis apte & aequiter distinguit. Quisquis vero, ubi opus est, aliis ad variolas remediis laudani *Sydenhamiani* vel vnicam guttam, vel plures, pro ratione symptomatum, virium, aetatis, singulis quatuor, sex, octo,

duodecim, viginti quatuor horis, prudenter addere nouit, is magnum sane pro felici, & tranquilla, & tolerabili morbi medicatione, habet subsidium. Crocus, & papauerinae emulsiones, & diacodium, egregia etiam in hoc morbo succedanea, non semper satisfaciunt indicationi impediendi dolores, anxietates, spasmos, fluxusque nimios, (quibus vires prosteruntur, & pallescunt aut subsidunt saepe exanthemata ac necessarii tumores,) & humorum exsolutionem metuendam, & morbi pruritusque intolerabilem saepe per vigilias sensum, (qui animi affectus, iactationes, scalptus, refrigerationes, aliaque mala ciet,) sed & extus ad cutis superficiem ipsas variolas, roseumque earum ambitum, & externarum partium tumorem, placide promouendi, & regressum auerendi: quod recte monentibus supra dictis aliisque auctoribus, ita praestat nonnunquam generosioris narcotici prudens & iusta dosis, & ipse, qui sequitur somnus, vel blanda sine somno, tranquillitas, vt mortis ita faucibus non pauci aegri eripi haud immerito *Sydenhamio* videantur. Attendant haec velim medici prudentes, neque, quamuis sat forte feliciter sine anodyna medicina sibi videantur in variolarum curatione versari, desperent felicitatem maiorem, & plurium adhuc aegrorum salutem, & maiorem morbi placiditatem, ubi hoc, si quando opus erit, auxilio caute vti non nimium fuerint auersati (*).

(*) Rationibus hisce pro usu anodynorum allegatis nihil habeo quod adjiciam,

CAPVT IV.

DE ANTHRACIBVS ET CARBVNCVLIS
GRAECORVM ET LATINORVM.

§. I.

Galenus de anthracibus.

Transeo nunc ad ipsa graecorum de anthracibus loca, ad quae vir celeberrimus prouocat. Praecipuus ipsi videtur, qui *Galenus* est. Post adducta enim *Hippocratis*, *Aretae*, *Dioscoridis*, *Herodoti*, testimonia, deinceps examinanda, quartum tractationis suae caput cl. auctor ita inscribit: “*Galenus auctoritate, quae tamquam probabilia haecenus proposita, pro veris habenda demonstrantur.*” Locus ipse primarius, ubi libro de tumoribus, post canceri tractationem (1), describitur apud *Galenum* anthrax, quemque omnium fun-

ficiam, nisi quod auctor ultima Epidemia variolosa 1766. quam vidit, eadem remedia sat larga manu aegrotis exhibuerit. Timidum me, maximeque circumspeditione illa in usum vocantem, ac rationes *Tissoti*, *Trallesii* &c. allegantem erexit *Werlhofius*, horumque virorum principia pro mere theoreticis declarans, asseruit, se jam per integros 40 annos opiatum ad variolas usum esse, imo & interdum acidis nuptis quod theoriae *Tissotianae* e diametro refragetur. — Si concedatur quoque opiatorum calor, non nocere saepe maiorem febrem artis ope excitatam — nec *Sydenhamum* coecum fuisse. Acidorum quidem usus non adeo liberalis fuit ut juxta *Tissotum* ad uncias duas intra 40 ho-

ras illa porrigeret, sed vel Tincturas illas vitriolatas, uti dixi, sibi elegit vel & Elixir acidum *Dippelii* & similia. Venaesectionem illum administrare non memini.

(1) Nempe *Galenus* libro de atra bile c. 4. cancerum & carbonem vnius melancholici humoris profapiam putat, ut anthrax generetur si natura cum febre talem humorem producat. Non autem pro cutis exanthemate, sed pro profundiorum partium affectu, anthracem sibi uti nobis, haberi, simul affirmat ibidem: “quae dicens sui crassitudine per cutis densitatem traduci non possunt, sed intus coercentur detinenturque, si calida sint carbonem, si minus talia, cancrum” pro-

fundamenti vicem gerere debere cl. auctor existimat, ex probata ipsi versione, sic se habet (2). “Est tamen & aliud (nempe aliud a “cancro de quo dixerat) vitium, quod ex humore crasso feruente-
 “que nascitur. Incipit hoc, plerumque a pustula, interdum sine
 “hac. Ceterum inter initia, quibus hoc instat, scabunt particulam
 “omnino, mox oritur pustula quaedam, qua rupta, vlcus cum cru-
 “sta (ἐχάρα) gignitur. Saepe vero non una oritur scabentibus
 “pustula, sed multae exiles, veluti milii semina, crebrae in particula
 “residentes, quibus perruptis, similiter crustosum (ἐχάρωδες) vlcus
 “prouenit. In carbunculis vero, qui per Asiam populatim sunt
 “grassati, etiam citra pustulas nonnullis excoriata cutis est. Omni-
 “bus tamen similiter crustosum vlcus fit, modo crusta ipsa cineris
 “colorem referente, modo nigrorem. Omnibus praeterea his cir-
 “cumposita caro in summam peruenit inflammationem. Non ta-
 “men colore adspicitur erysipelatis; immo, qui adhuc phlegmones
 “colore sit nigrior: veluti si plusculo rubro minus misceas nigri.
 “Quod autem necessario febricitent, qui ita sunt affecti, idque non
 “minus, immo magis, quam illi, quibus erysipelatosa est phlegmo-
 “ne, id vtrique latere neminem potest.,

§. II.

Variola ab anthracibus Galeni diuersa.

Iam omnes rogo lectores, quibus supra dicta legere lubuit, & hos praecipue, quos non dubito fore multos, quosque inter ipse est experientissimus antiquitatum auctor, quibus veri carbunculi visi sunt, aut, quod omnibus facere in promptu est, *Auicenna*, *Forestus*, *Diemerbroekius*, alique, qui suas de variolis & anthracibus diuerso loco obseruationes recensuerunt, euoluti, iudicent, an non hic i-
 dem

“progignunt., Ulcerare cutim can-
 cros, perurere eandem carbunculos
 & bullas escharamque excitare, con-
 stat; non autem sunt cutis exanthe-
 mata, quod variolis suo modo pro-
 prium est. Ita etiam *Aetnarius* l. 4.

c. 11. de oculorum carbunculis dicit:
 “carbunculi & cancri longe omnium
 “sunt curatu difficillimi., Quid can-
 cer cum variolis commune habet?

(2) p. 41. sqq. §. 34.

dem ipse sit affectus, a variolis plane distinctus, quem, post arabes recentioresque omnes, antehac de scripsi.

Variolae, nisi *ἀνωμαλία* subsit, sunt pustulae verae, praeuia febre erumpentes, primo instar fere morsus pulicum, cum aliqua prominentia, raro bullata, plerumque duriuscula. Postmodum ante notabilem inflammationem crescunt; tum demum inflammantur, cum roseo vt plurimum in ambitu colore, & oborta noua tridui febre aut quatruidui febre, postquam prior per totidem fere dies cessarat, aut impense minuta fuerat. Deinde sensim in abscessus, vel vlcuscula flauentia, vel albicantia, abeunt, succedente vt plurimum siccatione, & crustula cutanea, (*ἐφελκιδι*) per declinationem morbi oriunda, & tandem decidua, non cavitae vlcerosae relictæ, sed rubente & elatiori cute, saepe etiam foueolis erosione factis, quae sensim haud raro demum per sanitatem, delapsis squamulis, apparent. Quomodo haec cum *Galen*i locis conciliabuntur?

§. III.

Anthraxis Galenici tumor, & eschara a variolis aliena.

Et tamen ingenium cl. *Hahnii* inuenit ibi colores nouae suae sententiae eleganter incrustandae aptos: forte quia apparens ipsi arabum sententia animum occuparat. "Carbunculos, ait (3), hic
" & alibi (4) referri ad tumores in vlcera crustosa (*ἐσχαρωδεα*) abeun-
" tes, vel ad vlcera crustam inducentia: tales vero esse variolas.,
Iam autem constat, anthraces tumores esse, non, vt variolae, exiguos, sed magnos (5), quales sunt, de quibus hactenus *Galenus* egerat:

(3) §. 35. add. §. 46.

(4) de compos. med. l. 5. c. 15. & in aphorism. 6. 45.

(5) Recte exquisitissimus tumorum & abscessuum scrutator & medicus *M. Aur. Severinus* de recondita abscess. nat. p. m. 390. sqq. "quadruplex,

"ait, est tumorum ordo: praecipuae
" malignitudinis, vt carbunculus, car-
" cinoma, struma, furunculus, phy-
" ma, phygethlon. Secundus est tu-
" berculorum, e quibus sunt acrochor-
" don, thymium, mytmechia, clauus.
" Tertiae sunt pustulae proprie dicta,
" id est pressulae rotunditates, intro
" foris-

rat: constat ἐσχαρᾶν proprie dictam, quam dubio procul *Galenus* intelligit, non propriam variolis, & raras, per dei gratiam, esse, quae, ignis & cauterii instar, adustionem inducant: constat ex ad- ductis a cl. viro *Galen*i locis, adstipulante recentiorum experientia, carbunculum cito crustam facere, id est, in principio statim, & hunc ipsius characterem esse, non qui variolarum est, nempe non pro- ducere, aut habere, sed esse pustulas, proprie dictas, sui plane generis non ἐσχαρᾶς subitis proprie stipatas, sed ἐφελξι tandem finiri solitas, quicquid etiam de colore nigro vel cinereo allegetur, qui plerisque ἐφελξι communes sunt, sine adustione quae escharam facit.

§. IV.

Efferuescentia in variolis & anthracibus.

Hinc auctor distinctionem, de qua *Galen*o in mentem, puto, non venit, “inter carbunculos distinctos, seu benignos, & conflu- entes, seu malignos,,” proponit (6). Benignos, de quibus *Gale- nus* nihil vsquam proprie scripsit (7), ipsi putat dici oriundos ex humore & crasso & feruente (ζεοντος). Id vero de omnibus ille dicit & idem ipsum est, quod paullo supra ex eodem auctore adnotaui- mus, “oriri anthracem ex melancholico humore, sed febre stipato.,” Ζετον, id est efferuescentiam, esse febrium apud veteres characterem, & doctrinam earum ab igne desumptam, erudite dehinc probat cl. *Hah- nius*, παρεμβασει eleganti, sed ad hanc controuersiam haud spectan- te. Lubens adstipulor, quod vterque morbus ad febrium classem referendus sit, quae latissime patet.

§. V.

“forisque (intra & extra cutim) de-
“litescentes simul & eminentes.
“Quartae sunt asperitates cutis, vt
“scabies, impetigo.

(6) §. 36.

(7) *Epid.* 3. comm. 3. §. 12. nativam omnibus carbunculis malignitatem ad- scribit, & carbunculorum, ait, per- petuo periculosus est affectus. Quid hoc ad variolas si *Galenus* inter be- nignas & malignas distinxit?

§. V.

Pustulae utrorumque diversae.

Docet hinc (8) "characterem tum variolarum, tum carbunculo-
 rum in primo stadio esse pustulam, quam bullam esse vult, velat
 "ab adustis, *φλυκταινήν ὡς παρ' ἐνταῖς πυρεκαυστοῖς.*, Vae variolosis, quibus
 tale est primum stadium, vae quibus tales omnino pustulae obori-
 untur! Vidimus, praeter plura alia, exemplum nuperum in puella,
 quae vix viginti in facie, in manibus vix plures variolas, at pleras-
 que huiusmodi, habens, aegre per graua pericula mortem euasit.
 De aliis, similes bullatas variolas in facie, immo manibus, aliaue
 parte, habentibus, id fere semper dicere possumus, grauius eos,
 quam pro reliqua rerum circumstantium indole, laborasse, maius
 etiam a medelae aut diaetae erroribus, & a scalptu importuno, prae-
 cipue circa faciem, subiisse periculum. Primum variolarum stadium
 est febrilis ebullitio, in quo, ante tertium diem, benignae pustulae,
 de quibus hic sermo esse perhibetur, vix ac ne vix quidem apparent.
 Hae vero, & maxima malignarum pars, a bullis supra cutem eleua-
 ta cuticula apparentibus, velut ab adustione fit, magnopere discre-
 pant. Consulatur experientia propria & auctorum. Manent vero
 pustulae variolarum, & vt tales maturantur, rumpuntur ordinarie
 non nisi sero aut nunquam, ficcantur, decidunt, idque per plurium
 dierum tempora, licet confluentes aut cohaerentes. In anthraci-
 bus seu carbunculis omnia alia. Oritur in multis, non in omni-
 bus carbunculis, & praeuio quidem scalptu, pustula, & in iis so-
 lum notatur, vbi sanies tenuis coniuncta est (9). Ast haec, breui
 post intra paucas saepe horas, rumpitur, & vstionis signum *ἐχαράν*
 in cute & carne relinquit: vt adeo pustula non proprie character
 carbonum fit, sed apparitionis in quibusdam principium. Apparen-
 tibus pustulis non minuitur aut cessat febris, vt in variolis; sed tum
 demum, inflammatis confestim circa escharam subito ortam parti-
 bus, maxime oritur, aut augescit. Secundum hoc anthracum stadi-
 um

(8) §. 40.

(9) Galen. ad Glaucl. c. 1. l. VII. *synops.* c. 12.

um vocare cl. *Hahnio* lubet, vbi vlcus, rupta pustula, ortum est. At non rupta pustula, sed efflorescens, crescensque secundum; inflammata, & pro materiae indole suppurans, tertium; rupta, si ita fit, & siccata, quartum variolarum stadium exhibet. Praemature ruptae, vel sponte, vel scalptu, haud securae sunt: neque sponte secundo vel tertio, ante iustam maturitatem, stadio rumpi, ordinarium est, sed insolens, & perquam malum.

§. VI.

Vlcerum itidem in utrisque diuersitas.

Vlcerum vocabulum generale (10) variolis applicetur per melicet, quo solutio continui quaeuis apud *Hippocratem* vocatur. Ista vero in cutis superficie vlceratio, variolis propria, immensum differt a profundo carbunculi vlcere, putrida carne referto, & decidua potissimum eschara conspicuo. Ex hac eschara, quae tamen primo quoque tempore in carbunculis adest, neque exsiccationis, sed adustionis siderationisque est effectus, & longam subiecti semper vlceris profundi, plerumque diu humidissimi, inelam praecedit, cl. *Hahnii* stadium variolarum vltimum, quod tertium dicit, mihi quartum vocari solitum, tempus nempe exsiccationis eruit (11).

§. VII.

(10) Locus *Hippocratis* ex de morb. 2. a cl. auctore hac occasione §. 41. ad variolas applicatus, cachexiam icteritiam vlcerosam describit. Exstat descriptio edit. *Foesianae* p. 462. iuncta curatione p. 465. Neminem fore persuasum habeo, qui, lectis in ipso auctore omnibus, & rite inter se collatis, vel leuissimam de variolis ibi indicatis suspicionem adhuc fouere possit. Idem esto iudicium de vlceribus bubasticis §. 42. quae, humidissimae forsan regioni Aegypti

Bubasto familiaria, *Aetius tetrabibl.* 1. ferm. 4. c. 21. inter affectus puorum recenset, humida nempe vlcera, ob vitiosum alimentum in cute facta, plumbi recremento, spuma argenti, cerussa, aliisque refrigerantibus, curanda, nullo variolarum signo addito. Refellit, qui de his explicant, *Sebezii* diss. de variolis & morbillis. 3.

(11) §. 43. Vlceres variolis succedanea ad ipsas proprie non spectant.

§. VII.

Anthraces cum vna, pluribus, nulla pustula, malignitate non differunt, nec ad variolas distinctas, confluentes, malignissimas, quadrant.

Inde (12) ad ingeniosam quamdam explicationem transit, haerens in vocabulis *μια φλυκταινη* & *πολλαι*, hac voce putans confluentes, illa distinctas indicari. Verum enim vero, quis iam hic non videt, *μιαν φλυκταινην*, vti vbique inter graecos, vnā numero bullam, non multas distinctas, notare; multas vero, *πολλας* distinctas plures esse, in singuli carbunculi principio apparentes, quamuis forte deinde vniantur? Carbunculus vero ab vna coeperit, an a pluribus, an omnino sine pustulis, quod ad malignitatem, nihil refert. Eschारा, & carniū adustio, quae omnibus vna est, praecipuum characterem constituit. Placet posthac (13) cl. viro, ex ista grassatorum per Asiam carbunculorum, sine pustula vlla incipientium, descriptione *Galenica*, genus tertium, idque magnopere malignum, variolarum confluentium anomalarum *Sydenhamio* dictarum effingere, quod tamen non sine pustulis, sed immenso cum pustularum numero, ob id ipsum, in facie praesertim, vix quidem distinguendarum, prorumpit, vt erysipelas fere aut morbillos innumeros repraesentet, passim tamen in corpore clarissime cuius discriminandas, licet etiam haud numerabiles, pustulas ostendit (14).

§. VIII.

Inflammatio anthracum, a variolis differens.

Pergit (15) in inflammationis carbunculum ambientis descripto apud *Galenum* colore imaginem quaerere nescio an circuli illius rosei, variolas, benignas maxime, circumdantis, an rubicundi tumoris

(12) §. 44.

(13) §. 45.

(14) *Sydenham. de morb. acut. sect. 4. cap. 6. p. m. 252.*

(15) §. 47. Quae litterate de coloribus variis notantur §. 48. sqq. ad disceptationem nostram non pertinent.

ris, sub statu plerumque in pustularum interstitiis apparentis, an denique inflammationis gangraenosae, quae malignis interdum accidit. At *Galenus* de omnibus loquitur carbunculis, deque eorum signo vniuersali pathognomonico. Quomodo vero dici queat ambitum variolarum, quem pallefcere sat frequens & malum est, & rubere optimum, & tumere suo tempore ac inflammari bonum est, infestum esse solere colore phlegmonem superante, & ex nigredine rubori permixta composito, immo, vt *Paulus Aegineta* dicit, nigro, &, vt *Galenus* alibi loquitur (16), instar picis & bituminis resplendente, equidem haud scio. Notauerunt arabes carbunculos rubros, flauos, virides, nigros, colore nempe & pustularum, & cutis carnisque escharam ambientis, pro inflammationis & putrefactionis gradu, vario: & hi graecique inflammationi medelis externis insigniter refrigerantibus aduersari omni opera annisi sunt. Caueat, qui imitari hoc in variolis velit, ne utilem, immo necessarium, tumorem inflammatum praemature discutiat, aut stagnantes ibi particulas morbidas, quae in ipsas pustulas abire nequeunt, repellat, dum suo tempore, affluentis arteriosi sanguinis attritu attenuata, effluuiorum forma expirare apta fiunt. Vna saepe salus variolosorum in isto faciei primo, deinde & manuum, & saepe pedum etiam tumore inflammato est, qui optari potius, & blande promoueri, quam timeri impugnarique meretur. Neque tamen, si ardor dolorque nimius est, in fotibus aqueis, mucilaginibusque & linimentis calorem mulcentibus, cautum leuamen quaerere veto. Prius arabes fecerunt, & factitabat b. *Spiessius*, posterius ill. *Hoffmannus* maxime monet (17). Sed haec a graecorum medelis ad anthraces longe distant.

§. IX.

Febris anthracum necessitas.

Denique, quod *Galenus* dicit, & ex maiori gradu externae inflammationis, quam erysipelas aut phlegmone est, colligit, magis

(16) de tumor. c. 6.

(17) medic. consult. P. 2. p. 179.

gis febricitare debere, qui anthracibus, quam qui aliis istis affectibus laborant (18), non capio, quomodo ad variolas quadret. Febris harum primaria non fit ob externarum partium praesentem inflammationem, neque ad id *Galen*i argumentum pertinet; secundaria, moliens suppurationem, quae carbunculo proprie nulla est, cur ἐρυσιπελατώδει aut φλεγμονώδει feбри comparari, aut cur ea maior esse debeat, non patet: quod de carbunculo, nempe maiori per se inflammationis gradu, clarum est. Intermediis vero inter utramque variolarum febrim diebus, adeo saepe nihil plane febriculosum notatur, ut toto die *Galenica* illa argumentatio, si de variolis ageret, eluderetur.

§. X.

Consensus Galeni de anthrace cum recentioribus.

Ita quidem, si quid iudico, *Galen*i locus explicandus, & a variolarum significatione longe remouendus est. Remota ita simul esse oportet tum cetera *Galen*i loca omnia (19), quae nihil aliud prae se

(18) Non semper ex pulsu, & totius corporis ardore, notatur febris in erysipelate aut phlegmone, neque etiam in anthrace, quod probat *Celsus* & *Aetius*, qui non nisi plerosque, aut multos carbunculos febres excitare, docent, quod de febre post variolarum eruptionem perdurante exponere placet cl. *Hahnio*. Idem tamen de carbunculis pestilentibus ipsis probat *Diemerbroeck* de peste l. 1. c. 12. Istorum vero carbunculorum, febre apparenti carentium, malignitas aequae ac reliquorum magna est; uti e contrario variolae, febre post eruptionem cessante, benigniores omnino sunt.

(19) Quatuor carbunculorum grassationes a *Gale*no relatas putat cl. *Hahn*i-

us p. 33. Ex locis vero adductis nihil probari potest, nisi unam ipsi, & quidem iuveni, in Asia visam. Nam quod de *composit. medicam. per partes* l. 4. c. 13. de *Asclepiade* remedium ad epidemios carbunculos suppetante recensetur, longe *Gale*no prius est. Quam sibi *Hippocraticae* similem epidemiam visam recenset, l. 1. de *differ. febr.* c. 4. eadem forte ipsa fuit, quam sibi in patria Pergami studentem visam memorat l. 1. c. 2. de *anatom. administr.* uti ab hac non differt, quam l. 1. c. 1. de *suecor. bonit. & vitio*, non Romae, uti cl. *Hahn*ius vult, sed in multis romano imperio subiectis gentibus, grassatam narrat, dum eodem capite morbum suum acutum aestivum memorat, quem vndeuginti annos natus in

se ferunt, tum, qui huic plane consentiunt, omnes graecos, latinos, arabes, recentioresque, quamuis multi sua obseruata, in rei cardine haud diuersa, addiderint. Consensus iste omnibus, scripta medicorum chirurgorumque de anthrace euoluentibus, & sufficienti cum curiositate comparantibus, patere debet. Recentiorum anthraces tum non pestilentes, tum pestilentes ipsos, eosdem plane esse, quos graecorum, & a variolis longe discrepantes, vel vnus testetur *Diemerbroekius* (20), quem ideo adduco, quia & oculatus

in patria sustinuerit. Romae carbunculos grassatos nusquam in graecis legitur.

(20) Immo testentur ipsius cl. *Hahnii*, editae ante natam nouam sententiam, obseruationes egregiae. Ipse enim in *recens. febr. vrbislaus.* non solum p. 12. carbunculofos bubonatosque tumores inter febris epidemiae, neutiquam variolosae, symptomata recenset, verum etiam exempla affert p. 19. "Tertia, inquit, febris epidemiae ardentis, (non variolarum) die pustulae quasi ab ambustione oriundae, vesiculosae, serosae, confluentes, luridae, in medio nigricantes, verbo carbunculi, totum femur ad pedem extremum vsque occupabant. Die morbo nono exsiccatae passim illae bullae ita nonnunquam crepuere, vti sternutantes candelae solent, & ruptae in foliaceae recrementa abiire confluentibus contra carnem *altius depascens*, ita vt passim *maiora* eius *frustra* exciderent, pede diu stupido, graui, dolenteque. , Pag. 22. recenset tumorem, quem carbunculum vocat, ex febre tertiana, quique die morbi XXXV. "in capite musculi gastrocnemii comparuit vibicatus, latus, per totum musculi tractum descendens, ruber, praedurus, to-

to sensim pede turgescente. Is, fucata febre, hebdomade septima, ardens, subliuescens, in altiore effe ferri molem coepit, & puscolligere, quod cruori & nigro tabo remixtum die LVII. sponte disruptus effudit, XIV. inde diebus persanatus. , Abscessus potius, quam carbunculus verus videri posset. P. 23. proprius ad rem accedit, "vibex (quem itidem carbunculum nominat) qui ex tertiana itidem maligna in continuam mutata natus, d. XVIII. in femore volam ambitu fuperans, ardens, bullam quasi ab aqua feruente oriundam, & cuticulam cito separantem, producens, febre die XXVIII. accedente obauditione, & susurro aurium, ex toto dissoluit. , Clarissime omnium p. 43. historiam carbunculi recenset. "Vir LVII. annorum milio in orthostadio perfundebatur pruriente. Hoc dein dispereunte, pustula solitaria genam dextram occupabat, perinde ac si furunculus pullularet. Affligebat ilico dolor ardens, inter febrium horrorem succussus, cum calore mixtos. Abscessio per incisionem inter radendum pustulae apice, ichor flauus effluxit, & vlcus tetrum enatum est, lineescens, nigricans, putridum, carnem depascens,

tus utriusque morbi testis frequenter fuit, & ostendere potest carbunculi pestilentis faciem esse similem, & denique, quia a cl. *Hahnio* (21) in testimonium vocatur, quasi dixerit, discrepare graecorum carbunculos a nostris. Historiam & indolem theoricam carbunculosaе materiae, & causam mali, male intellexisse graecos, pro recentiorum more, docet; ipsum vero affectum, huiusque signa & historiam plane similiter describit, nisi quod, cum ipse non nisi humidiorē in ista sua peste notauerit carbunculum, escharam duram, & tostam quasi siccamque neget, quae in summo & ultimo adurentis veneni gradu alibi adesse potest (22). Neque vero *ἐχονς* vox, duritiem inuoluit. Eo nomine omnes auctores vel ipsam partem adustam omnem, vel carbunculosi ulceris superficiem vitione emortuam, vocant. Duritiae & mollietatis maxime distinguunt isti, qui anthracem & carbunculum discrepare fingunt: quos refellit *Welsch*, de *vena medin.* p. 75. & cl. *Hahnii* §. 88. Humiditate item & siccitate maxime prunam & ignem persicum arabes discriminare supra docuimus. *Ἐχονς* tamen, siue crusta duriuscula, qualis variolarum decidere molientium est, & huic & aliis ulceribus in fine sanationis semper succedit, cum *ἐχονς* haud confundenda. Verba *Diemerbroekii*, quae cum supra ex *Galeno* adductis conferri velim, sic se habent (23). “Carbunculi ut plurimum ab
“exili pustula oriebantur, magnitudinis milii seminis, interdum a
“pluribus huiusmodi pustulis simul iunctis: his sensim incrementibus
“pars subtus emoriebatur, quasi cauterio iniusto, & prauum colorem,
“vel nigrum, vel cinereum acquirebat, in eiusque summitate ut plurimum omnes vesiculae in vnam ichore nigricante plenam coibant.
“Caro in circuitu magnopere inflammabatur. Hi carbunculi in aliis
“erant

“scens, tumoris incensi ambitu die
“septima pugnum magnitudine exae-
“quante. Excidit caro frustulatim,
“carbunculis solemni more, ad quo-
“rum rationem illis etiam diebus
“cardiacus dolor inualefcebat, tho-
“race simul erysipelaceo rubore ob-

“ducto. Octauo die sudor leuamen
“attulit. Carbunculus aegre perfa-
“natus est.”

(21) p. 120.

(22) de *peste* l. 1. c. 14. p. 64. add. p. 60.

(23) de *peste* l. 1. c. 7. §. 18.

“erant parui, in aliis magni, immo non semel vidimus illos, instar
 “sphaceli, mortificationis labem breuissimo tempore latissime in
 “vicinas partes extendisse. „ En omnia *Galenica* anthracis signa!
 pustulam vel pustulas, escharam (24), non quidem crustam duram,
 sed manifeste adustam tamen, quod sufficit (25), colorem, inflam-
 mationem, vlcus inustum. Differentia vel nulla est, vel exigua, &
 qualis, alio atque alio tempore & loco, in omnibus morbis, qui ii-
 dem sunt, obseruatur. Arabes cum *Galeno* in anthracum doctrina
 eodem modo facere, ex supra adductis ipsorum locis patet.

§. XI.

Consensus Galeni cum ceteris antiquis.

Idem de græcis & romanis *Galeno* antiquioribus, posteriori-
 busque neque reapse diuersum quicquam iudicabit, quisquis *Are-*
taeum (26), *Dioscoridem* (27), *Herodotum* (28), *Oribasium* (29), *Ae-*
tium (30), *Trallianum* (31), *Aeginetam* (32), *Myrepsum* (33), *Actua-*
rium

(24) Ita *Mindererus*, testis de visu, al-
 legatus ab ill. *Hoffmanno med. system.*
 P. 4. p. 289. “quando anthrax ma-
 “gnitudine grani sinapis, aut canna-
 “bis, confedit, contrahit circum lim-
 “bum & circulum, aut ardentem ha-
 “lonem, amplitudine orbis mensalis,
 “prout carnem & locum attigit. Ca-
 “ro, quam tetigit, a sana separatur,
 “ac *vti eschara, seu caro putrida*, ex-
 “cidit, vt hiet cauum. ac si lupi ex-
 “edissent.,, add. alia de anthrace
Mindereri loca, libro de *pestilentia*,
 p. m. 24. 95. 147. 339. 348.

(25) “Verisimile est, ait *Galenum* per
 “*crustam* intellexisse *particulam ene-*
 “*catam*, seu mortuam, quae patienti
 “crustosa & dura esse videtur, pro-
 “pterea quod insensibilis est.,, Suf-
 ficere videtur, *Galenum* dixisse *εχα-*
gar, id est, partem vstione enectam,

siue carnem adustam intelligat, siue
 summum tegmen vlceris *ustione ne-*
catum: durum id sit, an molle, re
 ipsa nihil mutatur, neque durum *Ga-*
lenus dicit, neque nos notauimus, ni-
 si in ambitu, prope inflammationem.

(26) l. 1. de *acut.* c. 9.

(27) l. 2. c. 153. 185. & passim.

(28) c. 14. 15. 16. *introd.* inter opera
Galeni isagogica.

(29) l. 3. c. 27.

(30) *tetrab.* 4. *serm.* 2. c. 58. item *te-*
trab. 2. *serm.* 3. c. 30. & passim vbi
 de remediis agit.

(31) l. 2. c. 7.

(32) l. 4. c. 25. qui id vnum addit, car-
 bunculos, qui tendines & ligamenta
 occupant, non circumscribi suo am-
 bitu, sed excitare per consensum in
 vicinia inflammationem erysipelato-
 sam,

rium (34), itemque *Celsum* (35), *Scribonium* (36), *Marcellum* (37), *Plinium* (38), consultarit, quorum omnia loca, quae clare cum *Galeno* conspirant, & aequae characteres, signa, causas, medelas, ad variolas non quadrantia exhibent, sine superuacua discussione, indicasse sufficiat. Dicam tantum paucis de *Celsi* & *Plinii* descriptionibus, quae cum graecis haud plane conuenire videntur, deque singularibus faucium & oculorum carbunculis, a quibusdam veterum commemoratis, & denique *Hippocratis* ipsius de anthrace doctrinam examinabo, ut differentia a variolis in omnibus elucescat.

§. XII.

Celsus de carbunculo.

Celsus "carbunculi, ait, hae notae sunt: rubor est, superque
"eum nonnunquam pustulae eminent, (39) maxime nigrae, inter-
"dum subliuidae aut pallidae (40). In iis sanies esse videtur. (41).
"Intra color niger est. Ipsum corpus (42) aridum, & durius, quam
"naturaliter oportet. Circaque quasi crusta est (43), eaque inflam-
"matione cingitur (44). Neque in eo loco leuari cutis potest, sed
"infe-

sam, quae suppuretur saepe, febrem-
que denuo arcessat diuturniorem.
Verissime.

(33) c. 182. vbi, delapsa eschara, carbunculum curare iubet, ut cauum vlcus.

(34) l. 4. c. 11. 16. l. 6. c. 8. l. 1. c. 13.

(35) l. 5. c. 28. l. 6. c. 6. §. 10. c. 18.
§. 5.

(36) compos. 25. 63. 206.

(37) c. 7. 8. & passim.

(38) hist. natur. l. 26. c. 1. §. 4.

(39) Ruborem, sub pruritu & inter pustulas anthracis, etiam nos obserua-

uimus: & id Galenicae notationi de pruritu & scabendi necessitate, quae vix sine rubore esse possunt, probe congruens est.

(40) De colore *Galenus* tacet, qui certe varius est. V. *Ruinus de peste lipsiensi* p. 11.

(41) Id & *Galenus* dicit ad *Glauc.* l. 2. c. 1.

(42) corpus tumoris sub pustulis.

(43) Nempe, quod & nos vidimus, mollior eschara est sub ipsis pustulis saniosis, circa vero, id est, in ambitu, crusta magis dura.

(44) Eadem *Galenus* indicat.

“inferiori carni quasi affixa est (44a). Somnus vrget (45). Non-
 “nunquam horror, aut febris (46) oritur, aut vtrumque (47). Id-
 “que vitium subter alris quasi quibusdam radicibus serpit (48), su-
 “pra quoque procedens inalbescit, dein liuidum fit circumque exi-
 “guae pustulae oriuntur (49). Et, si circa stomachum faucesue in-
 “cidit, subito spiritum saepe elidit (50). „ Dat deinde consilium,
 totam *carnem* corruptam exurendi, & separata vitionis eius escha-
 ra, sinus, id est profundum vlcus, implentibus, siue *σαρκωτικοις*, cu-
 rare iubet. Vim vero vitionis pro magnitudine adhibendam docet,
 dum, si in summa cute vitium tantum est, succurrere quaedam vel
 exedentia, vel adurentia, possunt. *Celsus*, qui *Galenum* aetate in-
 feriozem exscribere non potuit, quod posteriores fecerunt, ea potis-
 simum notauit quae, lecta forte in graecis, vel relata, de hoc affectu,
 notabilia maxime reputauit, & aliqua ex narbonensis carbunculi,
 graecis non visi, obseruatione immiscuit, de quo paullo infra age-
 mus. Difficulus & ambiguit cl. *Hahnus* pro conciliando sibi *Celso*
 laborat (51). Summum malignitatis variolarum gradum descriptum
 repu-

(44. a) Omissa haec notatio est *Galeno*, non contraria, ceteris tamen graecis obseruata, qui separationem, seu sup-
 purationem carbunculi circa partem inflammata, omni studio tentarunt.

(45) Hoc ad romanis singulariter for-
 midatum carbunculum narbonensem spectare videtur, de quo §. sqq.

(46) id est, calor, *πυρ*.

(47) Consentit *Aegineta*; dum *Gale-
 nus* semper febrim adesse vult, ex
 sua de inflammatione hypothesi.

(48) Hoc ipsum *Herodotus* dicit: car-
 bunculum esse vlcus depascens. Hinc
 illa in interna vlceris cauitate nota-
 ta a *Minderero* inaequalitas, vt qua-
 si a lupis exesum videatur.

(49) Similia omnia in perquam *ἀνάλογον*
 sphacelo contingunt, & in carbuncu-

lo sibi relicto procedente, vt *Celsus*
 ait, hoc est, in eius progressu, eue-
 nire conueniens est. Similitudo car-
 bunculi & sphaceli egregie patet ex
 descriptione *Riui*, obseruatoris ac-
 curati, plane Galenica, in de *peste*
 p. II. sqq. Anthrax cum sideratio-
 ne, cauterii instar, incipit, & inflam-
 mationem arcescit: sphacelus, inuer-
 so ordine, inflammationem sideratio-
 ne finit.

(50) Hoc phaenomenon etiam *Are-
 taeus* habet, & forte ad narbonen-
 sem carbunculum spectat.

(51) §. 80. sqq. De opinione, quasi va-
 riolae benignae *Celso* pustulae audie-
 rint, supra aliqua disputauimus, ne-
 que ista ad nouam hanc cl. viri hy-
 pothesin de anthracibus spectat.

reputare placet: cui tamen, si quid video, neque descriptio *Celsi*, neque medela, neque in hanc collocata spes, vlllo modo quadrat, graecorum, arabum, ac recentiorum de anthrace doctrina satis accommodata.

§. XIII.

Plinii & recentiorum carbunculus narbonensis.

Itidem viri clarissimi circulos turbat *Plinius*, non nostros, qui, cum graecis arabibusque, omnes tumores subitos, veram adustionem partium corporis, a causa interna, ostendentes, ad carbunculum referri lubenter patimur: quamuis pro regionum, temporum; materiae, partium, varietate varii, & suae aliqui *ιδιότητος*, seu specificae indolis, sint. At variolas profecto, summumque, quod velle videtur cl. auctor, malignitatis earum gradum, non quadrant *Plinii* verba, nostrae sententiae satis apta. Narbonensi Galliae endemium carbunculum singularem ita describit, vt & ad generalem illam effectus notionem descriptio spectet, & ipse *Plinius* carbunculos alios sibi romanisque observatos fuisse non memoret. Latini tamen, quod fatetur cl. *Habninus*, graecorum anthracem suo carbunculi nomine, plane *συνωνυμῶς* expresserunt, nisi forte, vt *Mindererus* facere solet, maiorem tumorem anthracem, minorem carbunculum vocandum putemus. Si, quod dicit *Plinius*, novus romanis carbunculus narbonensis fuit, neque cognitus alius, quod idem auctor innuere plerisque videtur, graecorum scrinia expilarint oportet ceteri, qui de eorum anthrace, sibi non observato, sub carbunculinomine, scripsere, quod idem de aliis affectibus scribentes factitarunt. Mihi tamen non omnis anthracis inter romanos novitatem affirmasse videtur *Plinius*, sed solius illius narbonensis, a quo diuersos, in Asia certe, & graecorum observatione, notatos, pro vasta sua eruditione, ignorare vix poterat. Probabile vero est, romanos, qui graeca de *anthrace* legerunt, id vocabulum *carbonis* nomine expressisse; narbonense vero illud malum primo sibi apparens, quum minorem, ac anthrax solet, ambitum occuparet, nomine *carbunculi* dimi-

diminutiuo nominasse. En ipsa *Plinii* verba: “L. Paulo, Q. Mar-
 “cio, censoribus (51 b), primum in Italiam carbunculum venisse,
 “annalibus conscriptum est, peculiare narbonensis prouinciae ma-
 “lum, quo duo consules obiere, condentibus haec nobis eodem an-
 “no, Iulius Rufus, & Q. Lecanius Bassus, ille medicorum inscientia
 “sectus, hic vero pollice laeuae manus euulso acu ab semet ipso, tam
 “paruo vulnere, vt vix cerni possit. Nascitur in occultissimis corpo-
 “rum partibus, & plerumque sub lingua, durities rubens vari mo-
 “do,, (hoc est, colore ad violaceum, vnde vox vari *ῥοιδος*, tenden-
 te, qualis euidenter est in eorum praecipue varis, qui gutta rosacea
 laborant) “sed nigricans capite,, (adustionis signum, propter quod
 affectus ad carbunculos maxime refertur) “alias liuida,, corpus inten-
 dens, neque intumescens, sine dolore, sine pruritu (vt differentia ab
 aliis carbonibus indicetur) “sine alio, quam somni indicio, quo graua-
 “tos in triduo aufert: aliquando & horrorem afferens, circaque pustu-
 “las paruas, rarius febrem:,, (id est calorem) “stomachum faucesque
 “cum inuasit, ocysime exanimans., Loquitur de morbo, qui tre-
 centis ante suam aetatem annis Italiam incessit, ex ipsis forte solum,
 quos allegat, annalibus, e quibus ea forsitan etiam *Celsus* hausit,
 quae oppido similia habet, graecae de anthracibus doctrinae annexa.
 Per secretissimas corporis partes *Plinio*, qui locum sub lingua pro
 exemplo adsignat, intelligi putat cl. *Hahnii* loca inguinalia & pone
 aures (52), vt parotides bubonesque (53), variolis interdum socios,
 indigitauerit auctor. At vtrique, quamuis etiam variolarum raro,
 frequentissime anthracum focii, neque variolae ipsae sunt, neque car-
 bunculi. In eandem sententiam *inguinarium morbum Gregorii Tu-*
ronensis pertrahit, de quo tamen non patet, an cum illa lue, quam
 idem auctor paullo ante notat, pustulis & vesicis stipata, confun-
 dendus sit. Neque etiam hanc luem ipsum narbonensium carbun-
 cu-

(51b) anno vrbis 101xxxx.

(52) §. 80.

(53) Longe differunt a carbunculis pu-
 dendorum, quorum medela descri-

bitur apud *Celsum* l. 6. c. 18. §. 5: &
Aetium tetrabibl. 4. ferm. 2. c. 18.
 omisiss signis, quae cum ceteris an-
 thracibus communia habent.

culum esse, aut affirmauerim, aut negauerim. Quid vero multa? probat euidenter *Harduinus*, nullo modo variolas *Plinio* vllas indigitatas; sed certum aliquod carbunculi genus, quod etiamnum in narbonensi Gallia supersit (54). Quod si tunc inter romanos aut grae-

(54) In not. ad hunc locum p. 391. "at-
 "que, ait, id morbi genus hodieque
 "ibi sentitur, vocaturque *le Charbon*
 "*prouencal*, ab ea regione. v. *Hono-*
 "*rius Bouché* l. 1. *histor. Prouincia*
 "c. 8. p. 47., Errat ergo *Dalecham-*
pius ad *Plinium*, qui cancrum pro car-
 bunculo descriptum putat: errat
Johrenius disert. de *mentagra* p. 9.
 qui descriptionem non ad carbuncu-
 lum referendam iudicat, quem *Pli-*
nus tantum nominauerit, sed ad ali-
 ud morbi genus non nominatum, ne-
 que cum prius dicto carbunculo con-
 fundendum. Eadem ipsa forte, cer-
 te in eadem regione, singularis car-
 bunculi species est, dicta *maluat*, de
 qua *Borellus* medicus Castris, Galliae
 narbonensis vrbe, *obseru.* cent. 2. 12.
 sic loquitur. "In vrbe Rupecuruen-
 "si prope Castra frequens est morbus,
 "*Maluat* vocatus, qui species carbun-
 "culi est, quo, nisi nouem dies in-
 "somnes traducant, iugulantur, vt-
 "que id praestare valeant, accedunt
 "ad illos amici & parentes, ibique
 "genio indulgentes, canunt, tripu-
 "diant, bibunt, & comedunt, & qua-
 "si orgia celebrant, vt aegrum inso-
 "mnem & sanum reddant, adeo vt
 "tarantulae morfu vel chorea S. Viti
 "laborare videantur. Interim circa
 "carbunculum instituitur sectio, &
 "cucurbitulae admoventur, tandem-
 "que vnguento basilico curantur. In-
 "strumenta etiam musica pulsan, ea
 "ad curam aegri conferre asseuerantes.
 "Credo autem morbum hunc ibi con-

"trahi a veneno, in lanis ouium con-
 "tagio mortuorum latente, lanas e-
 "nim eiusmodi in perpetuis suis opi-
 "ficiis vsurpant: ideoque tantum in
 "facie, vel manibus, & pauperiori-
 "bus, vtpote lanificis, illud accidit.
 "Vigiliae autem omnibus modis iis
 "conferunt, quia somno huius mali
 "comite concentratur aliter aduersus
 "cor venenum., Apage a variolo-
 sis nostris ista Dionysia! differre pu-
 tes hunc morbum a *Pliniano*, quia
 in facie & manibus apparere, & ple-
 beios lanarum opifices maxime infe-
 stare, & ad nonum diem pertingere
 dicitur; sed & consul apud *Plinium*
 in manus pollice id malum habuit,
 & translatum forte cum lanificiis
 narbonensibus pretiosioribus in Itali-
 am malum alias personas partesque
 ibi inuadere, & somno non ita seue-
 re impedito citius trucidare senuit.
 Certe illud solitarium somni indici-
 um *Plinio* memoratum, & speciei
 carbunculi titulus, & provincia ipsa,
 egregie conspirant. Curiosa illa *Bo-*
relli obseruatio, qua carbunculi eius
 causam in lanam ouium contagio in-
 fectarum coniicit, in mentem mihi
 vocat coniecturam, dudum mihi va-
 riis ex obseruationibus natam, in
 quam viros peritos inquirere velim.
 Scabiem humanam veram ex lana o-
 uium, quibus parum absimile ma-
 lum per pasturae vitia vbiuis frequen-
 tissimum est, primario subnasci lu-
 bens crediderim. Laneis opificiis,
 in vestitu frequentique attactu, vti-
 mur

graecos variolae, sub anthracum aut carbunculorum nomine, per-
uulgatae fuissent, fieri potuisse haud videtur, vt adeo crude istas
cum tam diuerso morbo permiscuerint *Celsus & Plinius*, viri & me-
dicarum rerum curiosi, & in litteris versatissimi.

§. XIV.

De carbunculo faucium.

Haud disparia illis, quae de periculoso faucium carbunculo hi
memorarunt, *Aretaeus* etiam habet, faucium affectum *carbuncu-
lo similem*, vt ait, recensens, vlcera nempe velut igne exusta, quae
aegyptia aut syriaca vocat, istis regionibus frequentia. (55). Nihil
vero cum variolis commune ibi indicari vel inde patet, quod clare
dicit, “intelligere se anthraces pestiferos, latos, cauos, pingues, con-
“creto humore albo, aut nigro, aut liuido sordentes. Quod si con-
“creta illa fordes altius descenderit, *ἐξαγαν* esse illum effectum,
“& vocari: cingi vero *ἐξαγαν* rubore eximio, inflammatione, &
“venarum dolore, quemadmodum in carbunculo, & exiguas ra-
“rasque pustulas oriri, quibus aliae superueniant, ex quarum coali-
tu latum vlcus efficiatur., Addit: „hoc vlcus vel os depascere, co-
“lumellam exedere, linguam, gingiuas, fraena occupare, labefacta-
“re & denigrare dentes, erumpente etiam in collum phlegmone,
“atque tum diebus paucis miseros phlegmone, febribus, foetore,
“in-

mur fere omnes, & forsā vix erunt
pauca, quibus non ab impurioribus
ouibus, aut imperfecte sanatis, ali-
quid immistum sit. Vbi ergo illud
contagium sibi fomitem ex victu, sor-
ditie, aut corporis habitu repererit,
ibi foueri & in scabiosas pustulas eua-
dere potuerit. Fortassis opifices la-
nificiis occupati, & textores tibia-
lium lanearum, & vestium sartores,
ideo maxime his malis laborant;
quod vitae sedentariae solum, aut di-
etae rationi a *Ramazzino*, aliisque,
adscribitur. Certe opiliones, lauando
suis manibus oues scabie fordiditas,

scabiem veram subito nancisci certo
comperi; & opifices lanarios ex eius-
demmodi lanae, quam putridam, fau-
le Wolle, vocant, attactu in eundem
morbum incidere frequens, & ipsis
notissimum est. Coniecturae illae
nostrae vberius aliquando proponen-
dae, & experientia trutinandae sunt,
forsan, si certiores repertae fuerint,
ad indicationes practicas haud inuti-
les futurae.

(55) l. 1. c. 9. de *acut. caus.* consentit
Aetius tetrabibl. 4. serm. 2. c. 46. add.
cl. *Hahnii* §. 26. sqq.

“inedia consumptos interire, vel in pectus delabi malum, & eodem
 “die strangulare. Caussam allegat frigidorum, asperorum, calido-
 “rum, acidorum, adstringentium deuorationem, & pueros maxime
 “puellasque impuberes ideo obnoxios esse docet, & regiones, quae
 “aerem siccum, cibum, aerem, & potum crassum, qualis Nili aqua
 “est, ministrant., Nihil haec ad faucium vitia, variolis omnibus
 communia, spectare patet, quamuis & haec carbunculosa fieri pos-
 sint, non soleant. Optimus loci huius interpretes est *M. Aurelius*
Seuerinus, qui peculiari libello παιδαγωγωνην λοιμωδη, siue *pestilentem*
ac pueros maxime praefocantem abscessum, ex propria experientia,
 pertractat, & eundem esse monstrat, qui ab *Aretaeo* describitur, si-
 ne ullo variolarum consortio.

§. XV.

De carbunculo oculorum.

Oculorum carbunculum, siue ἀνθρακωσιν, primus descripsit
Herodotus, (56) ubi de oculorum affectibus egit: “carbunculus, ait,
 “est vlcus cum eschara (ἐσχαρωδες) depascens, (μετα νομης), iuncto
 “fluore (ῥευματος), & tumore duro inflammato, (βρβωνος) acciden-
 “tibus interdum febribus, quod tum circa totum corpus, seu in qua-
 “cunque corporis parte, tum sigillatim nonnunquam circa oculos
 “accedit., *Celsus* distinctius (57) “carbunculos, dicit, solere ex in-
 “flammatione nasci, nonnunquam in ipsis oculis, nonnunquam in pal-
 “pebris, & in his ipsis modo ab interiore, modo ab exteriori par-
 “te., *Aegineta* (58) de ἀνθρακωσει, seu carbunculo, & de carcino-
 mate oculi, simul agit, & illos vlcus malignum ἐσχαρωδες dicit,
 “aliquando in bulbo oculi, aliquando in palpebra consistens, quem-
 “admodum in reliquis corporis partibus (59)., *Aetius* ex *Seuero*
 ac-

(56) *introd. c. 15.*

(57) l. 6. c. 6. §. 10.

(58) l. 3. c. 22. §. 29. Eosdem iun-
 git *Aetius* l. 2. c. 7. l. 4. c. 11.(59). Ita etiam *Alex. Trallianus* l. 2.c. 7. “carbunculi & oculis & reli-
 “quo corpori accidunt., Ita *Euse-
 bius histor. eccl. l. 9. c. 8.* per totum
 corpus serpisse dicit, sed praecipue
 circa oculos. add. *Diemerbroek de pe-
 ste l. 1. c. 14. §. 5.*

accuratissime describit. Vbi de pustulis oculorum dixit, singulari deinde capite (60) carbunculos palpebrarum pertractat, quos non pustulam, sed ex *ἐξανθρακισμῶν* genere esse dicit, & sollicite ab hordeolo, panis, & variis distinguere docet, ne imperiti decipiantur: qua cautione opus non foret, si oculorum affectum in variolarum morbo fieri solitum intelligeret, quem imperitissimum vulgus facile distinguit. Neque perlegens quisquam variolas ibi depingi suspicabitur., Carbunculi, ait, ruborem ab initio habent., (nempe in ipso oculo, palpebra enim distensa potius albescit),, vt oculum sibi peruri putent (61), tumorem vero, aut eminentiam, (in palpebra) non statim inducunt. Nam ob immodicam caliditatem velut ruptionem quamdam carbunculus sustinet, & quod effluit ex ipso, quum sit acre & mordax, superficiem quidem carbunculi resiccat, & *ἐκχαγεῖν* (62) inducit, vicinis vero locis morbum inserit (63). Consequitur igitur ad ipsos fortis inflammatio, tum ipsius oculi, tum partium circumsitaram, & maxime glandularum circa aures, vt interdum magnarum vlcerationum, & ruptionum (64) oculi causa fiant, insuperque prolapsuum, & nuditatis palpebrarum (65), & cicatrices a carbunculis crassae fiunt, & assidue vlcerantur. Et in reliquo

“qui-

(60) *tetrabibl.* 2. ferm. 3. c. 30.

(61) *Trallianus* l. c. “Quum ex sanguine nimium torrefacto trahant originem, merito dolores, fiderationes, & magnas inflammationes oculis inferunt. Subinde vero etiam cum carbunculus oculos ingreditur, cruciatum excitat, acriter eos rodens.

(62) Et fluxionis & *ἐκχαγεῖν*, cum depasta palpebra, mentionem itidem facit *Trallianus*.

(63) *Trallian.* l. c. “Interdum convolutiones quoque & deliria, propter cerebri & membranarum eius viciniam pariunt.

(64) *Trall.* l. c. “periculum est, ne oculi toti excidant.

(65) Addit *Alexander* myocephala, & staphylomata, sed ea raro contingere: “nam, carbunculo, inquit, intereunte, totus simul oculus perit, tunicis totis disruptis, & humoribus effusis, quod in magnis carbunculis euenire solet., Eiusmodi quid, quod in variolis rarissimum est, & nunquam epidemium, epidemice ex *ἀνθρακισμῶν* accidit tempore *Maximini*, notante *Eusebio hist. eccl.* l. 9. c. 8. “Carbunculus, ait, grassatus est, vlcus per totum quidem corpus serpens, grauique periculo occupatos exponens, verum quod praecipue circa oculos haereus, innumeros viros, vna cum mulieribus, & pueris, excoecauit.

“quidem corpore *sanguis*, qui ex *carbunculis* effluit, *niger* reperitur,
 “propter summum adustionis gradum. In oculis vero sanguis non
 “omnino ex carbunculis manat, ideo, quod neque redundet in ocu-
 “lis sanguis, vnde plerumque etiam albi colore sunt carbunculi in
 “palpebris. Et, si quidem motio affectionis cito contigerit per con-
 “uenientem curationem, carbunculus penitus disparet: si vero dura-
 “uerit, & aegre discuti poterit, locus necessario nigrescit., Totum
 locum consulto descripsi. Autumat cl. *Hahnus* (66) innui paroti-
 des, variolis accidere interdum solitas. Quis vero non videt,
 auctorem loqui de iis ex consensu oculi impense inflammati nasci
 solitis? Deinde, quae de sanguine seu humore sanguineo corrupto,
 ex apertis carbunculis semper fere nigro effluente, *Aetius* profert,
 ad rariorem variolarum haemorrhagiam pertrahit, quam ipse obser-
 uauit, florido sanguine ex variolis loco puris erumpente, quod iti-
 dem aliquando obseruauit *Hildanus* (67), qui vnā vel alteram pu-
 stulam nigricantem variolis nonnunquam intermisceri, & inter scal-
 pendum ruptam fuscum cruorem eructare scripsit. *Aetius* vero de
 generali & consueto omnibus carbunculis, praeterquam oculorum,
 phaenomeno agit, & causam differentiae addit. Huiusmodi pustu-
 las variolarum nigricantes epinyctides veterum esse vult cl. *Hahnus*,
 quia aut noctu elatae, aut magis affligentes, aut noctis tenebricose
 colore signatae sint: coniectura sane vti perquam ingeniosa, ita
 liberiori, & omnibus veteribus recentibusque obseruatoribus aliis
 aduersa. Contra ipse *Aetius* (68) “epinyctides vlcuscula sunt spon-
 “te erumpentia, pustulosa, *subrubra*, quibus ruptis *sanies subcruenta*
 “effluit., “Haec interdum non valde infestant; noctu vero maiorem
 “do-

(66) §. 51.

(67) obseruat. & curat.

(68) *tetrabibl.* 4. serm. 2. c. 61. Ea-
 dem ipsa dicunt *Oribasius* & *Aëtianus*
Celsus l. 5. c. 28. “Pessima pu-
 “stula est, quae *ἐπινυκτίς* vocatur. Ea
 “colore vel *sublivida*, vel *subnigra*,
 “vel *alba* esse consuevit. Circa hanc

“autem vehemens inflammatio est,
 “& quum ad aperta est, reperitur intus
 “exulceratio mucosa. Color est hu-
 “mori suo similis. Dolor ex ea supra
 “magnitudinem eius. Neque enim ea
 “*fabula maior est*. Atque haec quoque
 “oriuntur in eminentibus partibus,
 “& fere noctu, vnde nomen quoque
 “a graecis *ἐπινυκτίς* impositum est.,

“dolorem excitant, quam pro vlceris magnitudine.,” *Iulius Pollux* in *onomastico* “bullas dicit esse subfufcas, humidulas, fanguine plenas, circa furas (69) & pedes noctu oriundas.,” Quid haec omnia ad variolas, aut immistos iis tumores nigros sanguinolentos? Similes graecorum epinyctidibus obseruarunt medici recentiores (70), obseruarunt vero etiam (71) similes oculorum carbunculos, a variolosis palpebrarum tumoribus longe diuersos. Hi boni potius sunt, & saepe, vt reliquus faciei tumor, necessarii, & raro, si modo tempori, exquisitae diaetae, & curationi internae iustae, tranquille, sine medicina externa, permittantur, noxam inferunt. Longe differunt carbunculi oculorum a rubore, variolas interdum, morbillos fere semper, comitante. Differunt a pustulis, seu variolis ipsis, quae in palpebra nullam, in ipso bulbo raram noxam inferunt, & tute proprio decursui, sine medela externa, relinqui solent, vix ac ne vix quidem cicatricula inde metuenda. Differunt a vitiis post variolas sequentibus, ex oculorum debilitatione & calore, ex acrimonia copiose eo fluentis & restagnantis feri, ex erosione sacci aut ductus lacrimalis, ex ipsis nonnunquam pustulis malignioribus, ex dia-

(69) Hoc *Galenus* in *epid.* 6. comm. 3. §. 37. de terminthis dicit, quos *Aetius* l. c. c. 67. cum epinyctidibus fere permiscet, quod & recentiores plerique faciunt. addat: *Seuerin. de recond. abscess. nat.* p. 202. sqq.

(70) v. exempli causa *Riuerus obseru. communic.* 1. *Seuerinus de recond. abscess. natura* p. 367. sqq. *Zwinger. poediatr. pract. obs.* 145.

(71) *Heurnius de morb. ocul.* c. 6. p. 67. *Seuerin. de efficac. medic.* l. 2. part. 1. c. 34. Exempli causa *Amatus Lusitan.* cent. 1. curat. 97. “mercator, ait, carbunculum, graecis “anthracem dictum, in oculi palpebra inferiori passus est: tumebat

“autem non solum vniuersa ipsius “oculi particula; sed alterius quoque regio vniuersa, & collum, ac “pectus. Carbunculus semper cum “crusta exoritur: aliquando vero cum “pustulis, ac vesicis similibus ambulans, quae ex tenui quadam humiditate admixta oriuntur, & inde carbunculus cum pustula appellatus, “vt in hoc casu interuenit, & frequentissime contingit., Idem cent. 4. cur. 9. “Iuuenis fortissimus, obesus, carnosus, carbonem in palpebra inferiori oculi sinistri passus est, “adeo saeuum & truculentum, vt “mihi, saepe alias videnti, admirationi fuerit., Legi merentur curationes ad *Galen*i & *Celsi* normam institutae.

diaetae, medelae, lucisque erroribus, immo ex male iuuantibus saepe medicationibus externis; dum vel calidis & emollientibus exagitant humores, & affluxum promouent, vel frigidis & stringentibus necessarium a palpebris tumorem prohibent, intusque restringunt, vel ad ipsas pustulas importunam medicinam, aut manuum etiam operationem, adhibent varii consultores. Si omnia more solito, riteque, in aegro, cetera oculis sano procedant, neque singulariter iis nocius status epidemius, aut endemius, aut domesticus notetur, optimum saepe remedium est, remedio ad oculos non uti, neque praecipue apertionem moliri, quamdiucunque vel tumore, vel crustarum adhaesione inter palpebras, clausus maneat oculus, natura quasi prouida, ne lux debili officiat. Decem & octo diebus integris, ad XXIV vsque morbi diem, sine vlla noxa, clausos variolosi pueri oculos obseruavi (72), post quod tempus subito sponte aperti, nulla extus medicina adhibita, sani omnino apparebant manebantque. Similia multoties vidimus. Oculos clausos in variolis malignioribus praemature, ante diem undecimum, aperire, pessimum signum est recedentis a cutis ambitu materiae, quae ad palpebras singulari sua indole tendere debet. Quare ego in adhibendis remediis quantumcunque repellentibus semper timidior fui. Quae diximus omnia, & necessaria omnino e contrario anthracoseos medela externa potentissima, & medicatio apud *Trallianum*, per scammonium, balnea, aliaque, & apud ceteros per medicamina aequae variolis incongruentia, satis docent, quantum versetur inter vtrumque morbum discriminis, & quam sedulo omnino confusio sit vitanda.

§. XIV.

Hippocratis de anthracibus doctrina.

Nunc tandem ad pauca illa ponderanda venio, quae ex *Hippocrate* ipso, pro antiquissima anthracum & variolarum συνταγμα proponan-

(72) cuius historiam narravi in *obseru. de febr.* Sect. V. §. IX. p. 247.

banda, adducuntur (73). Ultimo loco id facio, quia probabilia solum, & imbecilliora ceteris, longeque minoris momenti esse, ipsi iudicata sunt sagacissimo antiquitatum auctori (74), ut, labentibus iam reliquis, facile sponte corruere videantur. Quod carbunculos apud *Hippocratem* pro variolis non agnouerint interpretes, eius rei vnicam vir clarissimus putat subesse rationem, "quod id nomen sequi-
 "ori aevo solis pestilentibus vlceribus inditum fuerit,, (75). Hoc, quod dicit, praeiudicium, quasi de pestilenti carbone loquatur *Hippocrates*, & quasi anthrax semper pestilens vlcus significet, & certum pestilentiae signum sit, erudite destruere allaborat (76). Verum enim vero pauci sunt omnino (77), quibus illud praeiudicium est, & ego, qui pestes sine carbunculis, & hos sine peste fuisse scio, & pestilentiam nunquam vidi, carbunculos non pestilentes saepiuscule, ab eodem longe alienus sum, neque adeo tota illa disputatione ferrior. Nempe ex superioribus, & scriptorum chirurgicorum collatione, patet distinctio vera inter carbunculum simplicem, hoc est, alii morbo non accedentem, & inter eum, qui pestilens seu symptoma morbi pestilentis, siue impense malignus est, licet non ipsi solum pestilentiae, sed & aliis morbis acutis accedat. Alia est, & perinde vera, differentia cl. *Iunckeri* (78). "Distinguunt, ait,
 "ordi-

(73) §. 10-25.

(74) §. 26. "Nihil eorum, inquit, quae
 "occasione *Hippocratis* de carbuncu-
 "lis pro variolis agnoscendis attuli,
 "ratum esto! Sapiant *ingenium ma-*
 "gis quam veritatem, atque ob eam
 "rationem omnium suffragio desti-
 "tuantur! Integra nihilo minus res
 "est. Longe maioris momenti affe-
 "renda restant, magnam illis, quae ha-
 "ctenus tamquam probabilia propo-
 "sui, robur conciliatura., Atque
 in ista quae longe maioris momenti
 dicuntur, haectenus inquisimus.

(75) §. 10. Altera ratio addita, quasi
 criticae arti maxime intenti interpre-
 tes rem neglexerint, eos non tangit,

qui nihil *Hippocratem* ignorasse pu-
 tantes, omnia noua, & ipsas vario-
 las, in illius operibus studiose quae-
 nerunt & lubenter in anthracis, aut
 quouis alio vocabulo inuentas am-
 plexi fuissent.

(76) §. 18-24.

(77) Inter paucos illos sese fere profi-
 tetur, non omnino tamen, *Schel-*
hammer de tumoribus p. 60. "Du-
 "plicem, ait, esse carbunculum sim-
 "plicem ac pestilentem, auctores vo-
 "lunt: quamuis *vix alius quam pesti-*
lens occurrat simplici paene nobis
 "ignoto.,

(78) *consp. chirurg. p. 84.*

“ordinarie carbunculum in benignum & pestilentem. Rectius autem
 “tres species possunt admitti, nempe carbunculus benignus, qui est
 “ipse furunculus (79), malignus citra pestem, & malignus cum peste.”

§. XVII.

De statu pestilenti apud Hippocratem dicto, sine pestilentia.

Ego vero *Hippocratem* de carbunculo cum peste nusquam locu-
 rum esse existimo; immo ab ista opinione longius absum, quam ipse
 cl. *Hahnus*, qui statum illum *Hippocratis*, λοιμῶδη, pestilentem in-
 scriptum, (80) ubi de carbunculis loquitur, de vera pestilentia, &
 quidem de famosa illa atheniensi agere, quam descripsit *Thucydi-
 des* (81), operose contra *Freindium* disputat (82). De nulla pesti-
 lentia sermonem esse *Hippocrati*, & minime de ista attica, cum doctis-
 simis viris, *Freindio*, (83) & *Schultzio* (84), omnibus rite exami-
 na-

(79) *Hippocrat. de affection. p. m. 525.*

“lepra, prurigo, scabies, impetigi-

“nes, vitiligines, strumae, phlygeth-

“la, furunculi, & carbunculus a

“phlegmate oriuntur.” Phlegma-

tis enim indicia reperit in sanie,

quam in suis carbunculis observavit,

vti arabes in igne persico.

(80) *epid. 3.*

(81) *bell. peloponn. l. 1. Carmine* eam-
 dem descripsit *Lucretius* de rerum
 natura sub finem.

(82) §. 19. sqq.

(83) in *epid. Hippocr. l. 1. & 3. p. 79.*
 119.

(84) *histor. medic. p. 188.* vbi totus
Thucydidis locus descriptus exstat,
 vt cum *Hippocrate* conferatur, qui
 ne verbulo quidem vnquam eius pe-
 stilentiae meminere. *Galenus* qui-
 dem de *theriac. l. 5.* istam pestilenti-
 am *Hippocratis* ope repulsam putat,
 idque senatus consulto atheniensium
 comprobatur. Exstat id in calce ope-

rum *Hippocratis* edit. *Foesiana* p.
 1290. *Epistola Paeti ad Artaxerxem*
 ibid. p. 1272. & *vita Hippocratis* a
Sorano scripta ibid. pag. 1298. &
Thessali filii oratio ibid. p. 1294. sqq.
 eandem rem memorant, item *Plini-
 us* l. 7. c. 37. & *Varro* de *re rustica*
 l. 1. c. 4. Id vero Scitum discipulos
 per loca ab *Hippocrate* missos docens,
 & ista oratio, de *Thessalo* filio, &
 genere *Polybo*, & discipulis aliis id
 explicans, ad supposititios libellos vel
 ideo pertinere videntur, quia *Hippo-
 crates* non nisi XXXI annos tunc na-
 tus fuit, secundum ipsius *Sorani* ae-
 ram, filiumque certe & generum me-
 dicos tunc non habuit. *Epistola* ve-
 ro *Poeti*, cum ceteris, *rodeas* notas
 varias habet: conf. *Schultz. histor.*
medic. p. 187. sqq. 212. sqq. *Galenus*
 ceterique auctores ab *Hippocratis* ae-
 tate nimium remoti sunt: & *Plutar-
 chus*, in *vita Lycurgi*, *Acroni*, vetu-
 stiori medico, probabiliore ratione tri-
 buit,

natis sentio. Titulus *Hippocraticae* tractationis est *καταστασις λοιμωδης*; status pestilens, & vox *λοιμωδης*, teste *Galeno* (85), dubium est, vtrum ab *Hippocrate*, an ab aliis adscripta sit. Nihil vero id refert. Nam non indicatur isto nomine vera pestilentia, non morbus aliquis, sed aeris ac tempestatis status, morbis, & febribus praecipue epidemiis quibuscunque producendis aptus, quae multis hominibus noceant. Omnis enim febris ex communi aere nata *Hippocrati* *λοιμος* est (86). Non dicit, quod cl. *Hahnii* vult, ab austrinis regionibus morbum prouenisse; (vtri clare *Thucydides* in Aethiopia pestem initium summisce recenset) sed anni eius tempestates ventis imbribusque austrinis maxime scatuisse. At illa attica pestilentia non vnius anni, neque aeris graeci, aut asiatici soboles fuit, triennio iam ante Romae grassata (87). Symptomata multa vnius eiusdemque morbi *Thucydides* describit, historia connexa, clara, & longe vberima. *Hippocrates* multos eosque diuersos, toto sensim anno grassatos affectus, euidenter & distincte, sed breuiter, pro more, indicat; multa vero symptomata praecipua tacet *Thucydidi* memorata, quod lectorem quemlibet testor: neque mentionem iniicit memorandi illius portendi, quod animantia carniuora a cadaueribus, quae plura insepulta Athenis iacuere, aut abstinuerint, aut perierint iis degustatis. Quid multis? sufficiunt *Thucydidis* verba, praecipuum pestilentiae illius characterem exprimentia: "annus ille, vt in confesso est, inter omnes maxime aliorum morborum immunis fuit: "quod si quis alio prius morbo laborasset, in hunc omnes decumbent:", Et deinceps: morbus alius praeterea nullus eo tempore "infestauit, ex iis, qui consueti habentur; si quis autem accidisset, in hunc desinebat." Quisquis haec contulerit cum longo variorum affe-

buit, quod *Hippocrati* ab aliis adscribitur, auxilium ad illam pestilentiam: quamuis vtrumque coniungat *Aetius tetrabibl.* serm. 1. c. 94. Quicquid vero eius est, nullus exstat *Hippocratis* locus, quem de ista pestilentia agere probari possit, quam adeo vni coloribus *Thucydides* & *Lucretius* descripserunt: qui tanti viri nomen haud omissuri fuisse videntur, si tantae eius, vt dicitur, in curando eo morbo partes fuissent.

(85) comm. 3. §. 2.

(86) de flatibus p. m. 297. "febrim duo sunt genera, vnum quidem omnibus commune, "*λοιμος* appellatur, alterum vero ob priuatam cuiusque malam victus rationem contingens.,

(87) cl. *Schultz* *histor. medic.* p. 197. teste *Linio* l. 4.

affectuum, & diuersissimorum morborum, neutiquam in vnum desinentium, catalogo, quos *Hippocrates* suo illo anno sensim grassatos ordine recenset, & distincte tractat, is sane differentiam facile deprehendet. Fatetur ipse cl. *Hahnii* (88), *Thucydidi* eo ipso expresse contradicens, non vnam pestem, sed multos simul ab ea distinctos morbos, interque eos anthracem, recenseri, quem e contrario, vna cum bubonibus, ad vnius suae pestis symptomata referre historicus videtur (89). *Hippocrates*, initio statim tractationis, accidisse eo anno dicit: (α) ignes sacros, (β) faucium & vocis vitia, (γ) febres ardentes cum phrenitide, (δ) serpentina oris vlcera, (ε) pudendorum tubercula, (ς) lippitudines, (ζ) carbunculos, (η) aluos perturbatas, cum anorexia, cum vel sine siti, cum vrinis turbulentis, & sopore, aut peruigiliis, (θ) morbos cum difficili vel nulla crisi, id est, vt deinde explicat, eiusmodi febres tertianas, quartanas, nocturnas, assiduas, diuturnas, incertas & vagas, implacides, inconstantes, (ι) hydropes, (κ) phthises denique multas. Hos affectus omnes in principio nominat, & “ex qualibet, inquit, morborum, quos recensuimus, specie complures aegrotabant & moriebantur.,” Dein, eodem ordine vnum post alterum vberius percenset. Considerent velim iudices periti iterum atque iterum totam *Hippocratis* de illa pestilenti constitutione tractationem, eiusque ordinem, neque dubito, quin me recte sentire iudicaturi sint.

§. XVIII.

Observationes carbunculorum Hippocraticae nobis consentientes.

De carbunculis suo loco, hoc est septimo post lippitudines, pauca haec dicit, nihilque praeterea: “carbunculi aestate multi, atque aliae, (α σήψ καλεεταί) quae putredo vocantur, (ἐκ θυμάτων μεγάλα) eruptiones magnae, serpentina vlcera plerisque magna.,” Carbunculos dicit aestate grassatos quum ante per erysipelata, & varias febres, iam infestasse dixisset. Addit, sub anthracis notione, alia vitia ἀνδρακώδεια, quae putredinis siue corruptionis partium omni-
ne

(88) §. 21. sqq.

(89) “Malum ad pudenda, & ad summas manus & pedes decumbebat.,” (vbi etiam

Diemerbroek periculosissimos carbunculos notauit) “& complures his amissis euaserunt, nonnulli & amissis oculis.,” De quorum ἀνδρακώσει paullo supra diximus.

ne vocentur (90), quod nostrae anthracis notioni respondet, vti & magnorum ἐκθυμάτων (91), non paruarum pustularum, denominatio, & vlcerum magnorum serpentium successus. Semel tantum Hippocrati, vti semel rursus Galeno, quod supra diximus, anthraces vere epidemios obseruatos esse existimo, donec probetur contrarium. Plures certe eiusmodi status descriptos probari non posse videtur. Iidem enim illi anthraces esse videntur, quos acuratus alibi (92) describit: “Cranone, inquit, (Thessaliae vrbe) carbunculi aestiui erant, pluuias per magnos aestus affatim & continenter cadente, ventis maxime ab austro spirantibus. Saniosi quidem humores (ἰχθῆρες) cuti subnascebantur; inclusi vero incalescebant & inducebant pruritum. Deinde bullulae similes iis, quae in ambustis fieri solent, (Φλυκταινίδες ὥσπερ πυρηνκαυσοί) & sub cutem vri videbantur (ὑπο τὸ δερμα καίεσθαι ἔδοκεον).”, Clarum satis reddunt hunc locum, quae supra de Galeni carbunculis diximus. Postrema verba Foësius, quem cl. Hahnus sequitur, de solo ardoris sub cute sensu explicat; ego de vero anthracis charactere, nempe de verae vstionis, partes sub cute afficientis, idea. Miror praecipuum carbunculi characterem, qui his postremis verbis clare exprimitur, nempe corruptionem sub cute talem, quasi vera ab igne vstio contigisset, in alium sensum verti, sed qui ipse nihil pro variolis euincat. Nusquam praeterea carbunculi apud Hippocratem descripti reperiuntur (93).

§. XIX.

Conclusio operis.

Omitto ergo consulto, & lectoribus attentis expendenda relinquo (94), quae huc non spectant, dum aliis sub nominibus, aut in descriptionibus sine nomine, apud eundem auctorem variolae, in-

(90) Talia esse videntur, quae supra c. II. ex Herodoto, sub tertiae pustularum speciei nomine, descripta sunt.

(91) Galenus, ad hunc locum, ἐκθυεῖν idem esse notat, quod ἐξόρμασθαι, siue impetu ad exteriores partes ferri.

(92) In principio 2. epid. Hunc locum Foësius, in commentario, Galeno dicit celebratissimum, comm. 1. in 1. epid. & de temper. 1. & comm. 1. & 3. in 3. epid. & in aphor. 2. l. 3. & 2. de crisib. c. 3. & 1. de differ. febr. c. 6.

(93) Nusquam dixit Hippocrates, quod autumare videtur cl. Hahnus §. 23. p. 25. carbunculos pueris & impuberibus maxime

familiares esse. Non de his, sed de phymatibus circa collum suppurantibus, & de strumis id affirmatur, loco allegato ex praedict. l. 2. p. m. 95. edit. Foësius.

(94) Speciminis loco sit historia infantis ex epid. l. 7. §. 114. vbi certissime omnium variolae reperiri dicuntur §. 25. p. 29. Verba vero Hippocratis haec sunt: “Timonastis infanti fere bimestri exanthemata in cruribus, coxis, lumbis, & ino ventre, & tumores (ὄνδματα) admodum rubicundi exstiterunt. His vero conquiescentibus (κατασπατων) spasmi & affectus epileptici successerunt, sine febribus, per multos dies, & mortuus est.”

geniosa coniectura, quaeruntur: quod dudum alii fecerunt, aliis rursus refragantibus. Id enim solum hac scriptione volui: *veterum anthraces eosdem esse, qui recentiorum sunt, neque confundendos cum variolis veris nostris: horum vero apud prisco scriptores graecos latinosque nullam tam claram mentionem exstare, ut hunc morbum, iam communissimum, & summopere memorabilem, & distinctissimum, per eas, ubi medicinam fecerunt, regiones obseruatum fuisse, demonstrari queat.*

Ad finem iam properat mea oratio. Etenim post ea, quae supra disputata sunt, haud immerito iam dixerim: “scio futuros, qui mihi vitio dent, quod in re tam aperta anxie nimis & scrupulose depugnauerim. Praestet igitur & vincat veritas, propriis viribus nixa, diuersos quidem affectus huius morbi,, (quos cum diuersis communes habet) “figillatim ab antiquis scriptos; connexionem “vero eorum & sequelam,, (& proprios characteres,) “a nemine “veterum fuisse scriptis demandata.,” (95)

Ad aequos iudices defero rem omnem, hosque inter ad ipsius viri doctissimi, aduersus cuius ingeniosam sententiam haecenus modeste, & ut veritas utrique nostrum aliisque erueretur, disputavi, & quem omni honoris cultu prosequor, iudicium, quod maximi aestimo, curasque secundas prouoco, si quando dubia nostra legere & perpendere haud fuerit dedignatus. Nouiter subortam esse viro eximio, neque, per cetera negotia, penitus adhuc examinatum illam opinionem, omnia suadent: & olim plane aliam sedisse mentem patet, ex exquisitissima eius *recensione febris epidemiae vratislauensis*, ubi diuersissimos a variolis carbunculos sibi obseruatos, *Hippocratis, Galeni, arabum, recentiorum, & nostro etiam more, describit adeo graphice, ut, quomodo iam a nobis dissentire, & aliam priscis mentem ingeniose tribuere placeat, vix satis intelligere queam: qua ideo etiam in sententia vel propterea vix fore credo ut perseueret, quum suis ipse oculis diuersitatem variolarum & anthracum viderit, suisque curis felicissimis ac prudentissimis vtrumque morbum persanarit (*)*.

(95) Sunt verba *Manardi epist. medic. l. 7. p. 137.* quibus claudit disputationem contra *Leoniceum*, qui in eadem *Hippocratis historia epidemia*, ubi pestilentiam *Thucydidis* alii quaerunt, luem veneream, mirabili coniectura, inuenire sibi visus est. conf. cl. *Hahnii* p. 27.

(*) E defectu typorum arabicorum, simulque plenaria mea ipsius arabicae linguae igno-

rantia explicabit b. l. vocabula arabica latine per integrum tractatum de variolis expressa, atque absentiam omnium additamentorum philologicorum, quae forsitan pro eruenda morbi variolosi antiquitate e recentioribus compilari potuissent, praesertim *Reiskio, Grunero*, & itinere illo in Arabiam nuper suscepto ac descripto a *C. Niebuhr &c.*

RVDOLPHI AVGVSTI BEHRENS D.
DISSERTATIO EPISTOLARIS
DE
AFFECTIONIBVS A COMESTIS
MYTVLIS.



HANNOVERAE 1735.

PHILOSOPHY AND LOGIC

BY J. H. MILLER

18

LECTURES ON LOGIC

BY J. H. MILLER



NEW YORK

Lectoribus beneuolis

PAVL. GOTTLIEB WERLHOFFVS.



Absoluto tractatu de *variolis* & *anthracibus*, iudicium de eo amici mei a teneris intimi, viri doctissimi, iudiciosissimique, expetii, antequam in publicum ederem. Quae res hanc mihi *dissertationem epistolicam* conciliauit, quam cum orbe litterato communicare non dubito: ob doctrinae quippe & practicarum obseruationum copiam publicae vtilitati deberi videtur. Amicus ille meus est academiae naturae curiosorum *Eudoxus II.* serenissi. brunsvicensium ducis regnantis medicus; ciuitatis brunsvicensis physicus; patris, aui, proauorum, agnatorum, *Behrensi*orum, *Conerdingiorum*, *Hugonum*, archiattrorum excellentissimorum, feliciter aemulus: cuius scripta, *obseruationes* praecipue *anatomicas*, & *medicas*, per *ephemeridum naturae curiosorum*, & *annalium vratislaviensium* volumina sparsas, *dissertationes*, de *experimentis practicis cum lapide malacensi institutis*, & de *imaginario miraculo in curatione singularis oculorum affectus*, aliaque, eo cum plausu exceperunt iudices periti, qui & huic dissertationi beneuolentiam lectorum spondet, in meum forte etiam opusculum, hac veluti suspensa hedera exornatum, redundaturam. Taceo, ne ipsius modestiam onerem, quas de ipso, hac data occasione, dicere volupe mihi foret laudes varias: praetereo, quandoquidem de rebus non medicis scripsisse nolle fere videtur, labores litterarii argumenti, vti quam de *studio colligendi doctorum virorum imagines* scriptionem, pressio nomine suo, euulgauit, quaeque mihi occasionem praebuit, vt *ipsius imagini* tenue epigramma inscriberem.

Ore nitens hilari me compellabat Apollo:

Behrensi vultum viderat ille sui.

Viderat in picta viuum spirare tabella

Ingenitas charites, Hippocratisque patres.

En! ait, hanc tabulam musa celebrabis amica:

Sic amor ille meus, sic tuus ora gerit.

Dixit, & arripio calamus, vocitansque camenam,


Carmina promeritis laudibus apta paro.

Sed prohibens charis una manum sic mussat in aurem:

Hac facie laudes abnuuit ipse suas.

Quod ad ipsam, praesenti opusculo examinatam, mytulorum quorundam noxam attinet, ea tam frequens est, tamque grauibus symptomatibus euidens, vt mirum omnino sit, eius tam parcam apud medicos scriptores mentionem esse, tam obscuram notitiam. Licet etiam ea symptomata, quamcunque gra-

uia, intra vnum alterumque diem, sine vitae periculo deflagrare, aut extinguī soleant; non tamen defunt exempla rariora, nobis quidem non visa, vbi mortem arcessiuerunt. Ex aliena, sed certa, relatione compertum habeo, anno huius saeculi quinto senem vegetum, LXXVIII annorum subito post istum cibum iis ipsis affectionibus, cardialgia praecipue, vomitibus, & purpura, quam dicimus, vrticata correptum, perdurantibus & vires pessumdantibus symptomatibus, tertio die exspirasse. Haud raro autem ipse, & medici nostrates alii, non solum vti *D. Bautzmannus* in *ephem. nat. curios.* (v. infra. not. o.) scriptum reliquit, in matronis, virginibus, infantibus, verum etiam in viris robustissimis, eadem plane a mytulis deuoratis obseruauimus, quae doctissimus huius epistolae auctor recenset. Quod de exstimulatis locis haemorrhoidalibus, & de propulso extra ordinem mensium fluxu, a mytulorum veneno annotauit, id in mentem mihi reuocat exemplum matronae nostratis nobilis, quae, in ducatu meclenburgico, ante biennium, grauida, tum eas ab eodem aegritudines sensit, ob quas medicus, paria saepe expertus, mytulos venenosos assumptos statim, licet rei factae adhuc inscius, incusauit, tum etiam magnam subito vteri haemorrhagiam passa est, quae tamen, cum reliquis turbis, altero die, sine vltiori noxa, cessauit. In Belgio itidem mytulorum nocumenta frequentia esse audio, neque minus in Anglia, ibique passim tribui insecto marino, ex araneorum genere, in eorum conchas, forte hiantes, irrepenti. De insecto linacum hospite mentionem iniecit clariss. dissertationis huius scriptor. Et de his quidem *Sennertus* (*instit. med.* p. 850.) memorat obseruatum, quosdam iis comestis periisse, idque vt putat, ideo, quia alantur rebus foedis, corruptis, venenatis, fungis serpentibus putrescentibus, herbis venenosis. Paria quidem de mytulis dici nequeunt. Sed insectis, iisque fortasse venenosis, hospitium eos itidem praebere posse, sat probabile est. Attamen alimentum etiam aliquod putridum, & vel ipsa stagnans & corrupta littoralis aqua, quae in humanum quoque corpus assumpta *σκλητυρῆς*, exanthematum, aliorumque malorum alicubi causa est, (v. *Eugalenus* de *scorbuto*) tenellas & putredini perquam obnoxias mytulorum quorundam carnes, aut aliquam corpusculi particulam, ea aegritudine occulta afficere posse videtur, quae in afflictionum hac tractatione enarratarum atque ponderatarum causam euadat. Ast haec aliaque, elegantius vberiusque ab ipso cl. auctore asserta, me probatore non indigent. Inquiri vero vltius ab aliis obseruatoribus, medicisque naturae & artis curiosis, in tam notabilis rei causas meretur. Id vnum addo, me hac ipsa hyeme, non solum vel decies affectiones hac epistola memoratas post mytulorum esum; sed etiam bis post alios pisces marinos diuersos, ex asellorum genere vtrosque, (v. *Elsholtz. dieteticon* p. 201.) & tum quoque, vti a mytulis fit, in vno solum conuiuarum, eoque plane antefano, haud absimiles anxietates, vomitus, diarrhoeas, dolores stomachi, intestinorum, dorsi, inflationes cutis, pruritus, vrticationes, quae vocantur, obseruasse, symptomata tam subito post istum cibum grauitusque emergentia, tamque velociter facileque cessantia, vt eo quoque nomine non potuerint non cum mytulorum noxa comparari.



DISSERTATIO EPISTOLARIS

DE

AFFECTIONIBVS A COMESTIS
MYTVLIS.

RVD. AVGVSTVS BEHRENS

PAVLO GOTTLIEB WERLHOFIO

S.

Tuam de *variolarum antiquitate* lucubrationem ad me, antequam typis exscriberetur, mittendo, rem quidem, mi amice, fecisti prorsus infructuosam atque inutilem, cum mihi non tantum sit ingenii aut doctrinae, ut meum iudicium vel periclitari, vel interponere possim, in re, quae summum iudicii acumen postulat, & nemini, nisi in antiquorum medicorum vastis voluminibus ad miraculum usque versato, clara & aperta esse potest. Quoniam vero illud Tibi ita visum fuit, non est quoque ut dissimulem, hoc mihi fuisse ita gratum, quam, uti dicitur, quod gratissimum. Cum enim a Te valde & sincere amari, in maiori felicitatis meae parte reponam, fuit sane mihi admodum dulce & iucundum, Te ita conspicere abreptum Tua erga me amicitia, ut mihi, quamquam plane impari atque indigno, nihilominus tamen amici censoris munus deferre volueris. Ingeniosum Gallorum hac in re imitatus es morem, utpote qui scripta sua hominibus etiam satis rudibus saepissime praelegere perhibentur, ut nimirum de triti vulgarisque saporis iudicio possint esse paullo certiores. Ne vero Tuis desideriis ullo modo obstarem, quam-

quamquam essem de irritato conatu satis certus, legi tamen atque relegi omnem Tuum laborem, in quo nihil ego reperi, quod atro lapillo, aut censorio carbone, vel leuiter notare potuissem. Et quomodo quaeso a Te possem dissentire? cum idem animus, communia studia, parilesque in medicina sententiae fuerint maxime nobis illa vincula, quae amicitiam, inter nos a teneris excultam, tam arctis modis sensim atque sensim constrinxerunt, vt sperem atque firmiter credam, eam non magis, quam Gordius olim nodus, solui nunc posse.

Maximopere potius, vt plurima alia taceam, hoc mihi, placuit, quod alienam a clarissimi *Hahnii* opinione sententiam candide & aperte profiteri haud haesitaueris, atque ita etiam eam sis professus, vt meritissimi viri laudibus nihil omnino sit detractum, neque is hunc dissensum aegre vlllo modo ferre possit. Sane si omnes, qui in medicis rebus diuersimode sentiunt, & hoc publicis quoque scriptis vltro citroque exponunt, Tuum imitarentur exemplum, nonne id arti nostrae foret magno simul decori atque emolumento? Praeteriti enim temporis experientia satis superque commonstrat, multas easdemque grauissimas medicas veritates ad fastigium suae lucis per eruditas lites demum peruenisse, ita vt indubium prorsus sit, etiam in posterum, quando comiter, erudite, & grauitur de rebus dubiis & ambiguis contenditur, artem nostram multa & eximia incrementa capere posse. Tantum vero abest, vt tali modo, quali controuersiae nunc plerumque agitantur, id est inficete, ruditer, contumeliose, & scurrili magis dicacitate, quam argumentorum pondere, vt inquam, hoc aliquid commodi & accessionis secum ferat, vt potius, de die in diem, saluberrimum artis nostrae donum inde magis tum contemptui, tum iniquae derisioni, obnoxium fiat. Pessimos hos saeculi nostri inter eruditos mores, cum non tantum in medica arte, verum quoque in omni alia doctrina caput indies magis efferre cernerent regiae Gallorum academiae procures, nescio iudicione maiori, eum duplici praemio dignum censuerint, qui decoram in scriptis criticis modestiam prae aliis eloquenter collaudasse

fe

set (a). Mihi certe quoties tales occurrunt, qui in scommatibus atque conuiciis rerum suarum quaerunt patrociniū, toties in mentem non solum & memoriam redire, verum quoque sese mihi comprobare solet, argutum illud diēterium acutissimi *Patini*, ad amicum in *epistolis familiaribus* alicubi scribentis, “ferunt *Pecquetum* sese accingere, “vt multa conuicia in *Riolanum* profundat: hoc indicio est, tanto “minus argumentorum ipsi superesse.

Deinde etiam & hoc multum laudis in Tuo scripto mihi habere videtur, quod multis propemodum grauissimisque animaduersionibus & excursionibus hos tuos labores non minus reddideris vtilēs atque commendabiles iis, qui, medicinae exercitio vnice intenti, theoreticas atque critico-medicas eiusmodi quaestiones alias parui pendere solent. Inter has vero tuas excursiones mirifice sese mihi *παρεμβάσας* illa de *maculis nigris singularibus* c. 3. §. XV. not. 65. comprobauit. Memini ante quinquennium in puero, indolis satis viuacis, curandum mihi obuēnisse illum morbum, qui siue summam virium prostrationem, siue subdolam febrem, cum maxima tamen sanguinis resolutione coniunctam, & istius qua data porta exitum spectes, indolis satis malignae est, & maximum vitae periculum timendum habet. Occurrit nuper testis eius rei locupletissimus omni-que exceptione maior, quem fama Tu pariter nosti, vir in arte nostra summus, *Iohannes Zellerus*, in academia Tubingensi professor medicinae primarius, & serenissimi Wurtembergici ducis, aliorumque imperii statuum, consiliarius & archiater dignissimus. Eum anno saeculi superioris XCV si non auctorem, tamen praesidem & propugnatorem, habuerunt theses quaedam medicae miscellaneae inaugurales, quarum prior sic ait: “maculae purpureae, liuidae, “nigrae, subito in ambitu corporis absque causa manifesta erumpen- “tes, & vel ante, vel in ipsa, aut post haemorrhagiam narium, vel “faeces aluinas sanguineas, aut mictum cruentum, apparentes, peri- “culosae admodum sunt, multum vt plurimum lethales:,, & hoc plu-

(a) vid. *nov. litt. Lips.* 2. p. 513.

plurimis notatu dignissimis exemplis, partim a doctissimo *Moeglino*, partim ab ipso illustri praefide visis, ex asse postmodum comprobatur. Erat in illo meo aegrotante de quo dixi, hoc notatu dignum, quod intra bidui spatium exanthemata haec lenticularis fierent magnitudinis, exactissime talem faciem referentes, qualem sanguinis atri guttulae infra cuticulam effusae offerre potuissent. Occupabant autem maculae illae magis caput atque collum, quam reliquas corporis partes, immo in ipsa oris cavitate atque parte interna labiorum & buccarum tales conspectui sese offerebant, dubio omni procul, quoniam fursum praecipue in illo ferebatur sanguis, & tantum per nares, magno per vices impetu, ruebat. Post quatrimum a prima eruptione, sensim hae maculae rursus evanescere incipiebant, modo accurate tali, quali Sugillationes sese subducere solent, id est, ut in marginibus suis primum clarioris rubri, & postea caerulei, flavique fierent coloris, hisque coloribus sensim ad centrum vergentibus, tota efflorescentia in auras abiret. Ab eo tempore rursus puellam circiter octennem, talibus maculis, sed longe minoribus, & graui itidem sanguinis per nares stillicidio laborantem offendi, ita, ut post illustris *Zelleri*, *Moeglini*, *Binningeri* (b), & has meas observationes persuasus quasi sim, morbum hunc haemorrhagicum infrequenter adulta, frequentius longe infantilia, vel potius puerilia corpora, siue in fine primi, aut incremento secundi annorum septennarii constituta, inuadere, & variam pro variis circumstantiis medellam exposcere. Mihi apud hos aegrotantes valde ex usu fuit atque profuit aqua, vel, uti vulgo dicitur, balsamus vulnerarius *Dippelii*, in b. *Lentilii eteodromo* descriptus, quem, interpositis pulueribus temperantibus & leniter expellentibus, tum cochleatim in mixturis, tum guttatim per vices exhibui, superatoque morbo, quemadmodum in binis illis aegrotantibus eum feliciter per dei gratiam superare licuit, decoctum farsae ad tempus bibendum dedi, ut scilicet sanguini iustam temperiem & nexum rursus redderem. Caeterum ad horum morborum familiam forte referendus quoque est casus a do-

(b) Obs. cent. 3. obs. 6.

doctissimo *Smetio* relatus in *miscellaneis* (c) tali modo: "Comitissae
 "Lippiensis viduae natarum minima, Bernharda, maculis illis rubris,
 "quas exanthemata esse volunt, vulgus die Kind-Flecke appellat, si-
 "mul cum vehementi febre decumbebat, nec non diarrhoea nigrican-
 "te affecta, quam dysenteria excipiebat, conualuit.,

Sed vt ex hoc diuerticulo redeam rursus in viam quam legere
 constitui, sane hoc ego non capio, quomodo fieri potuerit, vt do-
 ctissimus *Hahnus* locum *Herodoti* ab *Aetio* seruatum, & cui vir cla-
 rissimus tantopere fidit, mancum, immutatum, transpositum, ver-
 bo, quasi pro quodam centone diuisum & rursus conflatum, retule-
 rit (cc). Studio illud fuisse factum credat Iudaeus Apella, non ego,
 qui vti de auctoris doctrina haud sane vulgari, ita de eius candore
 eximio, persuasissimus sum. Ceteroquin satis certum esse videtur,
 non alibi, quam apud *Aetium*, *Herodoti* verba, de quibus sermo est,
 extare, praesertim cum celeberrimus *Fabricius* (d), cui is *Herodotus*,
 qui Romae medicinam fecit, ab illo *Herodoto* Liciensi, vt nonnullis
 placet, plane diuersus est, & quo nemo diligentius auctores, ab au-
 ctoribus aliis antiquis allegatos, commemorauit, non alibi, quam a
Galeno, *Aetio* & *Oribasio*, *Herodotum* allegari doceat. Profecto si
 hoc, quod doctissimus *Hahnus* nobis retulit, *Herodotus* scriptum re-
 liquisset, nemo contra variolarum antiquitatum hiscere posset. At
 vero in verbis *Aetii* ex *Herodoto* repetitis, etiamsi crederem, de-
 scriptiones exanthematum ad *Herodotum* pertinere, remediorum ve-
 ro farraginem ab *Aetio* fuisse additam, ego profecto tam clara &
 indubitata variolarum vestigia agnoscere non potui. Longe autem
 clarius exanthemata vrticata illic descripta esse Tecum omnino sen-
 tio. Prima quidem fronte visum fuit indigitari potius ab auctore
 illa scorbutica exanthemata, quae, aestiuo tempore, hominibus
 praesertim obesioribus in cute efflorescere solent, cum hoc exanthe-
 ma-

(c) lib. X. pag. 528.

(cc) v. supra locus *Herodoti* interpo-
 latus c. II. §. 4.

(d) *biblioth. graec.* vol. XIII. c. IX.
 p. 184. & 85.

matum genus non solum fit magis rotundum, externoque aspectu
 varis similis, sed etiam nocturnis imprimis horis, stragulisque co-
 operto corpore, longe acriorem pruritum, quam urticatae efflore-
 scentiae, inducere soleat. Verum enim vero illa, quae postea le-
 guntur, verba “consequuntur autem haec plerumque ad febres in-
 “termittentes, & minime grauem indicant morbum,,” reduxerunt
 me facile in viam, cum neminem haecenus viderim, cui cum febre
 illa exanthemata prouenerunt, admodum autem multos, quibus in
 febris intermittens accessionibus, una cum sudore, urticatae cutis
 efflorescentiae eruperunt, finito madore rursus euanescentes, mini-
 me autem, ut *Aetii* utar verbis, grauem morbum indicantes, quia,
 comoedia per tres quatuorue paroxysmos delusa, perfacile, una cum
 febre, in auras abierunt (dd).

Frequenter hac praeterita aestate urticatus iste morbus in infan-
 tilibus corporibus curandus hic occurrit. Quotquot enim morbillos
 sustinuerunt, qui sane numerosissimi fuerunt, illi omnes aut purpu-
 ram illam urticatam, in eo reliquis multo feliciores, aut febrem scar-
 latinam, aut purpuram vel albam, vel rubram, cum parotidum tumori-
 bus, pessimo plerumque fato, experiri debuerunt, insigni rursus do-
 cumento, hos morbos magnam inter se affinitatem habere. Ego
 met ipse mense Februario huius anni, modo satis curioso, & singu-
 lari occasione, nempe post comestionem mytilorum, sine febre, ex-
 anthematibus urticatis correptum me quoque sensi, &, nisi graue Tibi,
 mi amice, fuerit, aut molestum, rem totam quemadmodum acci-
 dit paucis hac occasione enarrabo, tanto maiori confidentia, cum
 habeam prae oculis illud desiderium celeberrimorum quondam
 Vratislaviensium medicorum (e), ut medici nempe morbos, quos
 ipsi patiuntur, accurate describant: quod si Tuo facere possem iu-
 dicio, me profecto felicem reputarem.

Ante-

(dd) v. supra *Herodoti* species exan-
 thematum quinta c. II. §. 5.

(e) in *hist. morb. Vrat.* ann. 1699. p.
 104.

Antequam vero narratiunculae meae telam exordiar, dicam in antecessum, me non nosse vllum rei naturalis aut cibariae scriptorem, qui, inter testacea animalia de mytulis sermonem faciendo, non plura bona & salubria, quam mala & noxia, nobis enarrare, & ob oculos ponere soleat. Plerique fatagunt dixisse, carnem iis esse duriorem & concoctu difficiliorem, quam in ostreis, & post *Celsum* (f) indicasse, quod aluum soluant, nemine interim quorundam noxium virus commonstrante. Ipse sedulus per anatomiam mytulorum rimator *Antonius Heydanus*, (g) caeterique, regiae Gallorum academiae socii, *Poupartius*, *Meryus*, & *Reaumurius* (h), qui in perscrutandis his bestiolis operam similiter haud leuem posuerunt, non nisi per transennam, & vix apparenter, vllius inter haec animalia differentiae, nullibi autem cuiusdam noxiae indolis mentionem fecerunt.

Saltem, quod scio, quasi eminus monet consultissimus *Timaeus a Guldenklee* (i), easdem interdum vomitum, ventris tormina, alui fluxum, aliaque symptomata inducere. Posthac acutissimus *Ammannus* in *irenico* (k) commemorat, virum, post comestos mytulos, grauissimis symptomatibus correptum, quin immo, cum, satis fontica toxici propinati suspicione, fato suo defunctum, ita, vt vxor quoque eius, veneni marito dati insimulata, in pessimam crucem fuerit eam ob rem adaeta, quemadmodum hoc paullo fusius a b. *Valentino* (l), quem ab *Ammanno*, ex programme illustris *Stryckii* enarratur. Et fecit quidem collegium medicorum in academia Lugdunensi Batauorum, in sententia super istum casum lata, attentionem quandam ad comestos mytulos, & grauissimos vomitus iisdem quoque imputavit, minime tamen intuitu congenitae cuiusdam aut solennis perniciosae indolis, sed eos tanquam rem ingratham, ingrati saporis, nullius frugi, & plus minus corruptam considerando.

Pa-

(f) lib. II. cap. XXIV.

(g) in *anatomia mytuli*.

(h) in *hist. acad. reg. scient.* ann. MDCCVI. & X.

(i) in *conf. diet.* cap. II. memb. V. p. 153.

(k) p. 113.

(l) in *pand. med. leg.* part. I. sect. III. cas. XXVIII. p. m. 385.

Parilem quasi molestiam vomitus vehementissimi, sed non ita funestam, in semet ipso post manducatos mytulos sensit quoque olim celeberrimus *Henricus Meibomius*, & eandem sequentibus verbis commemoravit (m): “Refertur iliacus morbus inter miserrimos, qui
 “non mortem tantum sed & miserrimam ut plurimum inducunt, ut
 “plurimum inquam, nam illa iliaca passio, quae ab obstructione ori-
 “tur, si mature debita remedia adhibeas, curari potest; qualem in
 “me ipso aliquando obseruavi, cum a febre quartana conualuissem, &
 “mytulos assumissem, aluo inde constipata, & vomitibus acribus su-
 “peruenientibus, ut ante fores esset ipsa iliaca passio, quarto iam clyste-
 “re frustra sine effectu applicato.,

Propius paullo post hos doctissimos viros digitum ad fontes in-
 tendit laudatissimus *Hoffmannus*, in altera parte *medicinae suae ratio-
 nalis systematicae* (n) mytulos macilentos & morbosos rebus venena-
 tis confidenter adnumerando, nimirum quoniam “multoties & in
 “semetipso obseruasset a mytulis ingrati saporis & nullius frugis, in
 “coena sumptis, noctu maximas anxietates, inquietudines, vigilias
 “secutas, alteroque die totum corpus maculis & tuberculis ardenti-
 “bus (als wenn man mit Brenn-Messeln gehauen) obsessum fuisse.,
 Tandem vero, si ad ditissimos obseruationum medicarum thesauros,
academiae naturae curiosorum commentarios, opus profecto admiratio-
 ne summa dignissimum, & cui simile medicina haud nouit, accedi-
 mus, damnosae mytulorum comestionis varia exempla hinc & inde
 in illis annotata, praesto nobis erunt. Primum *Iohannes Christopho-
 rus Bautzmannus*, medicus Kiloniensis, ubi loci maxima mytulorum
 copia est, (o) hac de re ita loquitur: “mytuli, vulgo *Muscheln* (con-
 “chiliorum genus, maris Balthici aequae ac septentrionalis oceani ac-
 “colis notissimum.) ab innumeris hominibus, auide satis innoxieque
 “comeduntur. Nihilominus tamen plurima, intra muros ciuitatis
 “nostrae, & extra, exempla me docuerunt, ex eorum genere esse
 non-

(m) in *coll. pract. mfs.*

(n) part. II. c. IX. pag. 310.

(o) Dec. II. ann. VIII. obs. XLVIII.
 pag. 122.

“nonnullos, veneni quidpiam in visceribus occultantes. Vidi enim
 “non paucas matronas, virgines, & infantes ex eorum esu male se
 “habentes, sentientes praecordiorum anxietates, sudores frigidos,
 “lipothymias, ventris, faciei, & extremitatum intumescantiam, ita
 “vt actum de earum vita putasses. Adhibita vero theriaca cum ce-
 “reuisia calida, in vomitum & deiectiones numerosas soluebantur
 “symptomata, & post repetitum cordialium alexipharmacorumque
 “vsum, secundo tertio die pristinae sanitati restitutae fuerunt.,,

Iterum, non procul ab his (p), magis horrenda symptomata,
 conuulsiones nempe totius corporis, & varia graua mala, ab esu my-
 tulorum commemorauit ibidem *Iohannes Christianus Mentzelius*, scri-
 bendo: “Ante duos circiter menses tempore nocturno e lecto voca-
 “bar ad foeminam viginti annos natam, quae a conuiuio, vbi mytu-
 “lis se nimium ingurgitauerat, domum redux, & lecto se tradens,
 “subito grauitate aegrotare inceperat, ita, vt adstantibus animam fere
 “agere videretur: nam, praeter nauseam, totius corporis p. n. calo-
 “rem, praecordiorum angustiam, difficilem respirationem, & pulsum
 “nimis celerem, animo nonnunquam linquebatur, totum corpus vn-
 “dique adeo rubrum erat, ac si panno coccineo obductum esset, mem-
 “braque ita semper conuellebantur, vt aegra ne momentum tempo-
 “ris quiescere posset. In statu hoc dum aegram reperiēbam, & ab
 “adstantibus procatactica causam intelligēbam, periculum in mo-
 “ra fore facile iudicabam, ideoque infusum theae statim parari iube-
 “bam, illiusque satis largam portionem cum oleo amygdalarum dul-
 “cium recenter expresso exhibebam, immissoque in fauces pluma-
 “ceolo vomitum prouocabam, qui etiam statim succedebat, ita, vt
 “aegra non solum omnes mytulos, veram etiam omnia, quae in con-
 “uiuio comederat, egereret, quo facto statim leuamen quoddam sen-
 “tiebat, conuulsionesque remittebant, & quamuis reliquum noctis
 “prae calore & siti adhuc insomne duceret, sequenti tamen mane
 “mensruus fluxus, (quem ante quatuordecim dies modo passa fue-
 rat)

“rat) se prodebat, atque cum illo omnia symptomata euanescebant, “aegraque sibi optime restituebatur.,, Denique vir experientissimus *Johannes Nicolaus Grimmus*, hospes olim meus in academia Lipsiensi multis nominibus colendus, sub alia paulloque diuersa imagine, suffocationis puta, noxae huius a mytulis in eodem laudatissimo opere meminit, scribendo: “Vxor quaedam non infimae sortis, “aetatis suae XL annorum, alias robustae constitutionis, postquam “me praesente prandendo comedisset aliquot mytulos recentes Ki- “lonienses, post horae quadrantem perpeffa fuit suffocationem, cum “sequentibus pustulis cutaneis per totum corpus, quod malum dura- “bat per horam integram. Hanc foeminam curauit cum potu thee, “cum lacte, & theriaca Andromachi remixto. Procul dubio inter “hos mytulos fuerunt quidam venenati.,,

Nostrates, qui hyemali & autumnali tempore mytulorum ex Holsaticis littoribus aduectorum comestioni plurimum indulgent, frequenter illa a memoratis doctissimis viris enarrata, & praecipue pustularum illum affectum, modo his, modo illis, nunc citius, nunc tardius erumpentibus symptomatibus stipatum, experiuntur, adeo ut, si ratio ineunda foret, plusquam viginti mihi soli in praxi notata exempla possem numerare, ne de aliis dicam. Immo vero nominatur quoque communi sermone vnus atque alter, qui a manducatis venenatis mytulis diem supremum obiisse fertur, de qua tamen re nihil certi compertum habeo. Illud certum, quod iamiam multi, siue propriis siue alienis malis cautiores redditi, hoc alimenti genus, ob coniunctum periculum, perhorrescere incipiant. Ego met ipse, postquam olim & materteram, & sororem, aliosque plures, comestis mytulis subito grauitur & moleste aegrotantes conspexi, per duodecim & amplius annos ab illis plane abstinui. Accidit autem mense Februario huius anni, ut ab amico ad prandium humaniter vocarer, &, cum caeteri conuiuae mytulos appositos, sapido embammate conditos, degustarent, ut ego quoque amice ad edendum iterum atque iterum inuitarer, eoque facto, temperare mihi non potui, quin octo vel decem exinde manducarem, ob quam rem statim, singu-
lari

lari fato, ego solus inter nouem conuiuas, istum solennem affectum, cum magna mea molestia, perferre debui. Ante istos vero mytulos comestos nihil graue erat in corpore, verum potius integra vtebar valetudine, &, cum recubuisssem, acri satis appetitu ferebar in cibos, inter quos nihil etiam praeterea fuit, quod in leuissimam dati mali suspicionem venire potuisset, ita vt non dubitem, illud mytulis vnice referre acceptum, praesertim cum symptomata irent consueto suo tramite. Satis autem curiosus is fuit: cum enim circa horam pomeridianam primam circiter, vel paullo post, mytulos istos ad ventriculum meum demississem, intra bihorium fere nihil molestiae animaduerti; tunc vero, circa horam tertiam de mensa surgens, coepi primum sentire anxiam praecordiorum constrictionem, cum sensatione rei infra diaphragma prope vertebrae lumborum sitae, & cum dolore spastice sese ita contrahente, vt duritiem quamdam sensu simul referret. Hanc partem, sese ita constringentem, si iuxta anatomiae leges dicam atque credam, vel orificium ventriculi inferius, vel ipsum intestinum duodenum fuisse, tanto minus me errare puto, cum, breui post, his molestiis dolores infimi ventris, a scrobiculo cordis per interualla satis fortiter ad inferiora descendentes, sese fociarent. Illa autem scena cum post horam quartam vsque durasset, tum ego cum impetu aluum deicere coactus fui, eoque ipso momento inuasit me non solum summus & inanis vomendi conatus, verum etiam in locis haemorrhoidalibus internis acerrimus & vehementissimus pruritus, ab illo, qui a sanguinis congestione fieri solet, & cui ego interdum quoque obnoxius sum, sensatione diuersissimus. Videbar, hisce peractis, paullulum esse leuatus, imprimis quoad praecordiorum constrictionem, ita vt de nullo maiori malo cogitans, verum potius reiiciendo rem omnem in cibos porro vel allio ad gustus gratiam & acumen conditos, quales semper moleste fero, in publicum ad inuisendum aegrum aliquem prodire haud dubitarem, quamuis dolores infimi ventris sed mitiores, adhuc, cum sensu rei sese contrahentis, per vices ingruerent, & is indicatus antea pruritus me quoque vexaret, qui tamen breui post sensim atque sensim euauit. Interea quoque, dum meo aegrotanti do operam, nihil am-

plius molestiae percepi; sed cum vespersceret, & ego domum redirem, in via ex improviso in ambabus simul auribus externis summum quendam calorem, & mox ardorem, cum aliqua earundem intumescencia, expertus sum, & tunc mytilorum comestorum recordatio demum animum meum subiit, neque dubitavi amplius, quin eadem mihi subeunda esset fortuna, quam alii, me interdum spectante, essent experti, & constitui mecum in eo aliquid quaerere solatii, vt morbi ingenium in memetipso accuratius obseruarem. Domum igitur quantocyus versus horam sextam properans infusum theae sorbillare, & pulueris bezoardici scrupulum, cum dimidio absorbentis remixtum, assumere volui. Dum haec apparantur, aurium molestiae rursus in auras abire, sed contra, cutis in fronte obrigescere, ardere, prurire, in tumorem eleuari, immo vri coepit, & cum interea vnam alteramque scutellam infusi cum praedicto puluere sorbillassem, tam enormiter tumore rosei coloris, continuo, simplici, nullisque exanthematibus distincto, tota facies intumuit, vt mihi metipso & domesticis quoque meis terrorem incuterem, quoniam duplo quasi maior illa facta erat, oculi paene clausi, & labium superius in tantam molem auctum, vt omnem inter nares & os intercapedinem impleret, atque ego vix spiritum per nares ducere possem, imprimis cum narium ostia ipso tumore essent quoque angustata. Eodem etiam momento, cum scilicet calidam infusum ad ventriculum, & ciborum reliquias in illo contentas appulisset, tanta praecordiorum angustia, & tam vehemens infra diaphragma constrictorius dolor me cepit, vt vix illi ferendo essem par, & continere me non possem, quin, hominis sibi non constantis ad instar, per conclauem discurrerem. Commodum autem accidit, vt breui post ventriculus ad vomendum se accingeret, & cum eius admonitiones omniconamine & superingesto infuso adiuuarem, re ipsa ciborum & saburrae copiam vomitu vehementissimo reieci. Post hanc rursus excretionem cum mihi essem paulisper redditus, cepi ex stapede consilium, & vt virus, quod in primis viis superesse posset, obtunderem, olei amygdalarum dulcium vnciam vnam & dimidiam, cum infuso theae, vno haustu assumsi, quo facto in ventriculo & intesti-

nis

nis pacata fuerunt postmodum omnia, alio interim per totam noctem clausa permanente. Interea temporis, quod horam dimidiam non multum excedebat, faciem dereliquerat plane tumor, & transitu facto per collum, (in quo quomodo sese gesserit, ob summos, quos tunc temporis percipiebam, praecordiorum cruciatus, non accurate animadverti) totam anticam pectoris partem, sub exanthematum urticarum forma, occupabat, comitatus pruritu longe maiori, quam in facie, eoque tam acri, ut scalpendo satisfacere mihi non possem. Mox rursus, diuisione, quasi deliberato consilio, facta, pars vna horum exanthematum, euanescentibus semper superioribus, & prouenientibus inferne aliis per brachia ad manus, & extremos digitorum apices, & alia per abdomen ad crura, & imos pedes, parili ratione processit. Et in hoc mirabili horum exanthematum descensu, illud notatu dignum insuper fuit primo, quod, quanto proprius illa ad extrema corporis pertingerent, tanto minorem pruritus secum ferrent, non maiori in locis illis, quos antea occupauerant, molestia relicta, quam quae a scalpura originem ducere potuisset; secundo, quod primario corporis anticam partem peragrarent, & ego, si non nihil supra lumbos & plurimum in flexuris genuum excipiam, neque in parte capitis capillata, neque in omni alia postica, quicquam animaduertere potuerim: tertio, quod, in toto illo exanthematum tramite, pulsus non amplius habuerim commotum, quam quantum a copioso calidi infusi potu fieri potuerit; quarto, quod vniuersus iste exanthematum decursus tam cito contigerit, ut, cum circa horam sextam circiter primum aurium ardorem animaduertissem, rursus post horam nonam omnis tragoedia delusa esset, & ego hora decima tranquillus lectum petere potuerim, in quo etiam totam noctem placide dormiendo consumsi. Expergefactus altera luce, quemdam in sanguine calorem, citra commotionem pulsus, percepi, & cum urinam redderem, illa nonnullo ardore molestiam leuem excitauit, id quod tanto magis mihi extraordinarium visum fuit, cum non solum pridie oleum amygdalarum, verum quoque theae infusionem, in satis magna copia hausissem, noctu nullum quoque copiosum sudorem expertus: sed quicquid hu-

ius molestiae etiam fuerit, illam omnem vnico puluere paullo largius nitrato abigere facile potui, integra valetudine, vt antea, ita etiam postmodum, per Dei gratiam fruens.

Nullus interim dubito, quin omnis ea molestia, quam isto modo sum expertus, mytulis imputanda sit, non solum, quia confirmatum mihi postea dederunt amici, quod nullos cibos, porro vel allio conditos, quos vti dixi semper moleste fero, comederim: verum etiam, quia celeberrimorum virorum, quos supra nominaui, experientia discimus, & Temetipsum, in tam numerosa Tua medica praxi, dubio procul experientia quoque docuit, istos affectus accurate post manducatos mytulos solennes esse. Et simul consideranti totum morbi decursum clarum satis esse videtur, inesse mytulis nonnullis, paucissimis tamen, subtile, acre, praesens & mobile venenum, quod statim sub prima digestionem, atque iterum cum ad eius reliquias calidum infusum accessisset, ventriculum & intestina afflixit, & postea, transitu in massam sanguineam facto, & per cutis spiracula egressum moliendo, exanthemata illa singularia, pro diuerso sanguinis ad partes appulsu, excitauit. Optandum autem foret, vt illi medici, qui in locis degunt maritimis, hoc agere, & nos, si fieri posset, edocere vellent, quomodo tales virulenti & noxii mytuli ab esculentis & bonae frugis accurate distingui possint, cum quicquid haecenus ea de re in vulgaribus sermonibus sit dictum, rem acu tangere non omnino videatur.

Putredini emortuali hoc a mytulis solenne damnum adscribi non posse, ea propter existimo, quia mortuum & putridum tale animalculum testarum apertura, atque hiatu, vitae absentiam, & confectionariam putredinem statim prodit, quales igitur, vel inter comedendum, quod singulatim apud nos fieri solet vel ante coctionem, imprimis in magnatum conuiujs, in quibus tamen hoc infortunium pariter accidisse recordor, studio seligere, atque cum cura reiiicere solemus. Accedit, quod & palmarium in hoc passu est, putredinem illam, quemadmodum in omnibus aliis animalibus ex sanguibus, ita quoque in mytulis, tum fracedine, tum quoque nauseosissimo gustu,

gustu, statim manifestissimam fieri, & hanc, si gustando in tali quadam bestiola percepissem, eam profecto minime ad ventriculum meum ablegassem, vel potius ablegare etiam potuissem.

Ferunt itidem mense Martio omnes mytulos virulentam indolem induere; sed hoc minus verum esse credo, tum ob alias plures rationes, tum quia ego medio mense Februario illos comedi, qui mihi molestiam fecerunt, quos de caetero octiduo ante captos fuisse oportebat, & variis omnino mensibus paria aliis contigerunt.

Porro in casu ab *Ammanno* & *Valentino* allegato indicatur, illos mytulos, quos vir iste cum suspitione veneni demortuus comederat, fuisse ingrati saporis, & fere nullius frugis, prout circa tempus nouilunii esse soleant, quam proinde animaduersionem, tanta fide suffultam, in doctissimos suos diaeteticos commentarios non tantum retulit celeberrimus & honoratissimus agnatus meus, *Conradus Bartholdus Behrens*, monendo de mytulis (q), “quod circa nouilunium ingrati saporis, ac fere nullius frugis existant;,, verum quoque in rem etiam suam ex parte conuertit, saepius sed nunquam satis laudatus *Hoffmannus*, ingratum saporem & frugis defectum tamquam signa & causas noxae mytulorum accusando, missaque luna, loco eius maciem quoque & morbum commemorando. Lunam crederem insontem. Certe de eius super haec animalia effectibus tale iudicium tulit solertissimus mytulorum dissector, *Antonius Heydanus* (r): „vulgus putat pinguedinem (mytulorum) pro lunae diuersa phasi plus minusue turgidam esse, quae opinio an sufficienti experientia nitatur, vltius inquirendum esse arbitror, cum a lunae aliorumque siderum influentiis deriuentur phaenomena, quibus procreandis astra forte nihil contribuant.,, Et haec luculento poterunt esse indicio, sedulam hunc observatorem eius rei indubitata vestigia haud deprehendisse, quae quoque multis difficultatibus impedi-

(q) in select. diaetet. sect. II. cap. XIX. (r) in anat. mytuli pag. 15.
pag. 251.

pediri, arduaeque disquisitionis esse *Richardus Meadius* (s) pariter iudicauit, immo vero, praeeunte *Bohaultio* (t), doctissimus *Sturmius* (u), alique, plane obliterarunt.

Circa ingratum saperem, & quidem talem, qui a putredine ortum deducit, iam supra aliquam haesitationem meam exposui. Lubens largior etiam, male cum admodum agere, qui tales bestiolas nauseosi, ingratiue saporis, & nullius frugis comederet, cum a sola nausea, si non accurate talis tamen alius morbus originem desumere posset. Interea vero in his, qui me ita afflixerunt, neque ingratum sapor-rem villo modo deprehendere, neque frugis absentiam vlla ratione an- notare potui, ita vt quam maxime dubium mihi sit, an ingratus sapor- mytulum nociuum semper prodatur, & anne frugis defectus, & qui- dem talis, qui veneni quasi effectus in corpore nostro facit, inter- dum sub grato & iucundo sapore, & optima frugis imagine, nihi- lominus lateat.

Maioris macies mytulorum hoc in negotio prima fronte vide- tur esse momenti, praesertim cum, vt in reliquis animalibus ita & hic, morbi possit esse indicio, & *Antonius Heydanus* (x) simul ad hunc scopum quadamtenus collineet de mytulis macris sequentia scri- bendo: "Pinguedo haec (liceat eam ita vocare non determinando "an pinguedini aliorum animalium sit analoga) in omnibus mytulis "saltem omni tempore non est eiusdem coloris, conspicitur enim "albescens, quae palato maxime expetitur, & pro signo sapidi ac "salubris mytuli habetur, qui tunc turgidus & optime saginatus est. "Alias a praesenti statu degenerans, citrina, aut, quod peius est, ru- "bicunda, cuiusmodi pinguedine refertus mytulus macer, & minus "sapidus est. Hos colores variare pro anni diuersa tempestate, pro "certo habetur, adeo vt mytulus tempore saginationis frequenter "apud

(s) de imper. solis & lunae in c. h. p. 373.

(t) tract. physic. p. ii. cap. XXVII.

p. 477.

(u) phys. elect. membr. ii. part. spe-
cial. cap. 5. p. 439.

(x) l. a. pag. 15.

“apud nostrates comedatur, non item aliis temporibus.” Sed cum illi mytuli, quos ego comedi, optimae essent notae, carnosissimi atque pingues, & insuper ex his, qui meae quadrae impositi fuerunt, non nisi optimos, & saluam pingui sua carne mouentes selegerim, qui tamen nihilominus damnum istud mihi intulerunt, hinc colligo, quod mytulorum macies non magis totum hoc negotium exhauriat, praesertim cum compertum quoque habeam, ab aliis plus simplici vice mytulos macerrimos, fusci, aurantii, ad rubrum inclinantis coloris, citra omne damnum comestos fuisse.

Haec omnia igitur dum perpendo, mihi, nisi fallor, multo propius ad veritatem accedere videtur ea praesumptio, quod a quodam in his testaceis morbo illud damnum in comedentium corporibus excitetur. Fauet profecto admodum huic coniecturae tum praesumptio generalis, tum etiam experientia, commonstrans, in tanta mytulorum, qui comeduntur, multitudine, tam infrequenter, & semper in vno saltem & conuiuiis, nunquam quod sciam, in pluribus, talem affectionem, induci, ita, ut ne quidem cum umbra verisimilitudinis dici possit, eam a peculiari quodam inde a sua natiuitate venenato mytulorum genere originem suam habere.

Neque etiam in dubium reuocari poterit, mytulos vere aegritudines pati, postquam, si quoque a communi omnium animalium forte recedam, doctissimus *Poupartius* certam pustularem illorum affectionem scabiei quasi aemulam, & modo externas, modo internas testae partes occupantem, in illis clare obseruauit, & pluribus in suis de hoc testaceo relationibus (y) descripsit. In eo itaque nostri animalis morbo non solum quilibet, cui haec tanti videntur pretii, analogiam & similitudinem quandam cum illo solenni hominibus affectu agnoscere & deprehendere poterit, verum quoque habebit aliquo modo conspirantem haud plane contemnendam vulgi opinionem, quod praeter ceteris illi mytuli, quorum corpora pustulis ve-

fica-

ficulisque obsita sunt, venenatam indolem habeant, talesque effectus in comedentes spargant. Licet vero in mytulis a me tunc temporis comestis, inquisitione quamvis sedulo facta, tales vesiculas pustulasque haud deprehenderim, & praeterea a personis fide dignissimis relatum mihi sit, quemdam, ut demonstraret tales minime venenatae indolis esse, bene multos eiusmodi labe insignes studio citra damnum valetudinis comedisse; fieri tamen potuit, ut pustulae in interaneis partibus latentes, vel coctione disruptae, me latuerint: & ex altera parte certus quoque sum, a calore inter coquendum in superficie animalis vesiculas eleuari, & succo blando atque sapido istius plenas turgidasque esse, quae proinde cum morbidis illis pustulis confundendae non sunt, & neutiquam damnum comedentibus inferre poterunt, ut taceam vix unquam apponi ferculum ex mytulis, in quo non plures talibus vesiculis notatos conspicias, adeo ut frequentius hoc phaenomenon, quam iste morbus, appareat.

Verum enim vero non penitus quoque negauerim, contingere etiam posse, ut hae bestiolae noxium quemdam cibum interdum capiant, & in ventriculo & anfractuoso intestinulo reconditum habeant, qui, si maiori praesto sit copia, tales molestias excitare potis sit. Fortassis etiam, cum verminosi morbi toti animantium regno fere communes sint, & docente pluribus *Reaumurio*, in academiae scientiarum commentariis (z), alterum illud testaceum animal, limax, sua patiatur infecta, eiusmodi quid ipsi pariter mytulorum generi contingit, morbumque & noxam inducit. Immo cuiusdam gratine an ingrati dicam concharum quarundam hospitis mentionem fecit *Albertus Magnus*, his verbis: "In concham intrat animal exiguum, quod nauplium vocatur, & est in figura seipiae, sed valde paruum & non intrat nisi causa lucendi," (videtur legendum, *ludendi*,) "& animal concham inhabitans conscium bonae societatis aperit ei concham, & in his conchis frequenter inveniuntur margaritae in contactu concharum (a)." *Plinius* quidem, ex quo recentiores primum nau-

(z) ann. dlo lō ccx.

(a) de animal. lib. XXIV. pag. 179.
add. *Plinius* l. 14. c. 49.

nauplii notitiam hauserunt aliter rem exponit, & "certam aliquam concham narrat sine animali esse, ipsamque non solum, sed & nauplium, quo usque sine concha sit, sensu carere, facta vero inuicem societate, & condito intra concham nauplio, cum voluptate nauigare quasi, & ludere in mari, quod Mucianus sibi in Propontide visum retulerit., Fides sit penes auctores. *Harduinus* ad *Plinium* notat: "nihil sibi de Muciani nauplio compertum., Interea probabile fatis est, fieri posse, ut, quod *Albertus Magnus* conchae suae animal lubenter factitare recenset, id fortuito mytulis, aliisque animantibus testaceis, accadat, ut, aperto forsan domicilio, insectum aliquod marinum, idque veneni vim in corpus humanum habens, recipiant. Vberiori experientiae rem decidendam damus.

Sed obiiceret, immo vero re ipsa obiecit, mytulorum aliquis patronus, illud, quod ego mytulis tribui venenum relatiuum esse, in comedentium potius corporibus, quam in mytulis ipsis, quaerendum, & effectum vel ex idiosyncrasia, velex dyscrasia biliosa, falsa, ad efferuescentiam expansionesque humorum prona, consequi posse, imprimis si natura sensibilibior, & ad salium peregrinorum expulsiorem prompta opem suam simulferat. Non diffiteor, specie minime carere hanc *συνεψιν*, ad quam tamen facilis erit responsio, ab experientia, fidissima magistra, non minus desumenda. Non opus est ire inficias, relatiuum mytulorum venenum esse posse, quoipso nulla videlicet mytulis excusatio accedit, praesertim cum multis celeberrimis viris, & inter illos praeceptorum quoque meo, beato doctissimo *Ettmullero* (b), ea sit satis quoque firma sententia: non dari venena absolute talia; sed illorum essentiam totam esse relatiuam., Paulo vero specialius obseruo, pro stabilienda idiosyncrasia, quae rarior, nimis frequenter, & pro confirmanda dyscrasia, quae multo familiarior, nimis infrequenter istum post comestos mytulos morbum, in personis aetate, sexu, corporisque temperie mirifice discrepantibus,

(b) in vit. b. D. Sigism. *Schmiederi* subiuncta cent. VII. eph. soc. nat. c. p. 214. & 219.

tibus, occurrere. Praeterea in promptu & ante oculos mihi sunt exempla personarum, quae, post exantlatam hanc a mytulis aerumnam, ut multi faciunt, minime ab iisdem abstinuerunt, verum potius eos intra tam breue temporis spatium, citra omnem molestiam, rursus comederunt, ut gratis profecto diceretur, illas interea vel proprietatem, vel intemperiem corporis immutare potuisse. Denique quicquid hoc pacto in mytulorum excusationem affertur, hoc prorsus in me, illud tamen mali haud leuiter expertum, non cadit. Olim enim mytulorum cibum sine molestia perferre potui, &, nisi metus noxae obstaret, eodem etiamnum, data occasione, cum iucunditate vterer, manifesto indicio, peculiarem quamdam idiosyncrasiam abesse, quemadmodum quoque, neque tunc, neque nunc, morbosa humorum intemperie premor.

Vbi vbi autem venenata illa mytulorum indoles lateat, operae fane pretium foret, ut eius rei paullo exploratior ratio esset, quamquam eam iniri posse, vix ego sperem. Sic enim non opus foret, sapido mytulorum cibo, & quem plures in deliciis habent, aut plane carere, aut semetipsum obicere grauissimis symptomatibus, talique periculo, quod, si quis paullo duriori vtatur fortuna, hominem e medio tollere posset. Ego certissimus sum, me tunc temporis non plus quam octo, aut ad summum decem, mytulos manducasse, & eorum in numero vix plures quam vnus & alter venenatus esse potuit. Is autem, vel si mauis, illi me, satis robusto per Dei gratiam corpore gaudentem, ita affligerunt, ut, aestimatione molestiae facta, nullum apud me dubium supersit, quin, si quis tali premeretur infortunio, ut decem vel viginti noxios mytulos simul & semel assumeret, quin, inquam, nisi cito & antequam visceribus malum sese insinuare possit, auxilium efficaci manu feratur, is in summum vitae periculum delabi possit, in quod etiam virum illum ab *Ammanno* & *Valentino* commemoratum non aliam ob causam coniectum fuisse, multa sunt, quae mihi persuadent.

Auerti ramen rursus illud periculum facile posse credo, dummodo tali infortunio obtingente, quantocyus apto remedio ventriculus ad vomendum citetur, & intestina ad deiiciendum stimulentur, atque postmodum diluentibus, lenientibus, absorbentibus, bezoardicis & theriacalibus, negotium pertractetur. Lacticia proficua quoque esse poterunt, feliciterque iis usus est *D. D. Nicolaus Grimmerius*, scribens: "hanc foeminam ego curavi cum potu theae, cum lacte, & cum theriaca Andromachi mixto,,: quoniam vero mytuli acetariis plerumque condiri solent, oleum ego lacti quadantenus praeferrem, praesertim postquam illius usus tum mihi, tum supra commemorato *Mentzelio*, adeo prospere cessit. Denique celeberrimum *Hoffmannum* haustum aquae frigidae aduersus venenum mytulorum alicubi impensius commendasse a persona fide dignissima relatum mihi quidem fuit, sed ipsa doctissimi viri verba conspicere nondum potui, de efficaci operandi ratione istius remedii satis alias certus; si quantitas veneno diluendo compescendoque sufficiat.

Commemoranda denique coronidis loco nunc etiam essent illa culinaria experimenta, quae mytulorum virus corrigere posse passim dicuntur, exempli causa, quando mytulos diu in aqua ante coctionem macerant, aut cepam inter coquendum adiiciunt, & quae sunt eiusmodi tentamina plura. Quia vero, mi amice, Te iam diutius quam par fuit, detinui, satius credo fore, ut verbulo saltem, non inexpertus, innuam, frustranea quoque atque irrita illa esse, & deinde huius scriptionis riuulos, ne in molestam & taediosam exundationem degenerent, tempestiue claudam. (*).

An-

(*) conf. *Commerc. noric. exc.* §. LXIII.

Antequam vero id fiat, paucis adhuc indicandum erit & tertium, quod tum in anterioribus Tuis scriptis, tum etiam in hoc postremo in admirationem me rapuit, nempe quod Tu, spectatissimi muneris, amplissimaeque praxeos negotis, vti omnes norunt, districtissimus, tanta mentis attentione, lectione, obseruatione, studio, & quoque tam prompte & facile de rebus medicis scribere, & grauissimas medicas quaestiones tam expedite exsoluere & in apicum deducere possis. Nisi probe Te Tuaque studia & sollertiam nossem, fidem profecto hoc apud me, quemadmodum forte apud alios, qui Te minus norunt, norunt vero negotia Tua, facile excederet, praesertim cum calamum vel mediocriter tantum nunc stringens ego, quamuis praxeos negotiis minime Tecum comparandus, re ipsa nunc comperiam, quam difficile sit animo sollicitudinibus medicis lassato, scribere aliquid, quod vel leuissimam attentionem, & locum infimis subselliis paullo digniorem mereatur. Abstinerem certe lubentius, in tanta mihi oblata difficultate, ab omni tali negotio, nisi in eo quasi biuio essem constitutus, vt vel male audire vel de rebus medicis aliquid scribere debeam. Audio enim spargi in vulgus, negligentior me esse in medicis, quam aliis, studiis, & quod mihi a praxi supersit temporis, hoc totum in alienis & ad artem meam nihil facientibus doctrinis collocare atque impendere, atque hos de me sermones increbescere. Quorsum tendant isti susurri satis est in propatulo, nempe vt illud mihi eripiatur, quod in arte nostra omne fert punctum, confidentia scilicet apud aegrotantes, & opinio apud valentes, & vt sic, binis his fulcris per hos cuniculos suffossis, totum medicae praxeos & existimationis aedificium in ruinas abeat. Non negauerim, me quidem in principio hoc aegre & moleste, ob expositas rationes, tulisse; breui vero re curatius pensitata, per spexi, me patienter illud ferre debere. Facile

le alias forsitan foret demonstratu, eos, qui me in talem contempti-
onis scyllam conuicere cupiunt, sponte sua in parilem charybdim
quasi incurrere, nisi imodestum esset, de memetipso loqui. Inte-
rim vero, quam primum de illa praetensae negligentiae fama in-
audiui, statim id quaerendum esse ratus sum, vt aliter de me senti-
rent ad minimum illi, quibus perinde est, vtrum ego prospera, an
aduersa vtar fortuna. Eum in finem proxime aliquot lucubratiuncu-
las medicas, primam de *contorsionibus atque nodis intestinorum*, tan-
quam iliacaе passionis obscurioribus & raro obuiis, non minus ta-
men verissimis causis, quippe mihi ipsi in anatome practica obserua-
tis; aliam ad vsum medico-practicum & forensē simul directam, de
rupturis viscerum; & tertiam de *partibus monstrosis* eo tempo-
re, quo poliatri munere fungor, hic loci enatis; nec non *artis ob-
stetriciae compendiolum*; & *spicilegium consultationum de cataracta*, in
publicam lucem emittere animus est. His interea laboribus pri-
uatam hanc scriptiunculam praemittere volui, non quod in animo
habeam, laureolam in hoc quaerere mustaceo, sed tentaturus potius
vires, an de rebus medicis si non loqui, saltem balbutire adhuc pos-
sem: atque longe audentior in reliquis edendis sum futurus, si hoc
Tuam poterit habere approbationem. Quod reliquum est, non
aegere, vt spero, feres, quod taediosas has querelas subnectere, at-
que in sinum Tuum effundere haud haesitauerim. Factum hoc sua-
su & hortatu philosophi (c), dicentis; "in amicis ad depellendos
"dolores praesidium promptissimum paratum & constitutum esse."
Neque praeterea nescis, qualem modum vir ingeniosissimus (d) cu-
ius

(c) Arist. lib. IX. cap. XI.

(d) Guid Patinus in epist. select. tom. 7. epist. XXX.

ius sales leporesque vtrique nostrum saepius oblectamentum fuerunt, in rebus terrenis seruandum esse censeat, nempe “habendam esse “primario loco rationem existimationis, secundo vitae, vltimo “nummorum ad vtramque sustentandam.

Vale, & me semper amore Tuo complectere, de eo securus, me ad quaeuis amoris & obsequii officia Tibi perpetuo fore promptum paratissimumque. Dabam Brunsvigae, ip[s]is kalendis Nouembribus, anno cl[od]o ccxxxiv.



R. A. BEHRENS M. D.
EPISTOLICA DISSERTATIO
ALTERA
PRO SPICILEGIO
OBSERVATIONVM
DE
MORBO MACVLOSO HAE-
MORRHAGICO ET NOXIIS
NONNVLLIS MYTVLIS
PERSCRIPTA.



Brunsvigae, 1735.



RVD. AVG. BEHRENS.

VIRO PRAENOBILISSIMO ATQVE EXPE-
RIENTISSIMO

PAVLO GOTTLIEB WERLHOFIO.

S. P. D.



Non quidem plane meis ingratiis editum a Te fuit quale-
cunque epistolum meum de mytulorum quorundam no-
xa, quamquam illud minime scripsissem ea intentione vel
cura ut publicam lucem aspicere, vel deberet aut mea
opinionem etiam posset. Plurimum itaque abest ut ea de re vel tantil-
lum Tibi succenseam, sed quod mutuam nostram conjunctionem
tali ratione in conspectu totius literarii orbis palam & aperte profi-
teri haud haesitaveris, laudi mihi potius atque honori duco; usque
adeo ut ea propter gratias Tibi habeam atque debeam ingentes.
Hoc unum vereor ne post spectatas summas & plane singulares in-
genii Tui vires, nimium appareat quam curta sit supellex nostra.
Sed si probe me excutio, uti sum Tibi deditissimus, satis superque
percipio quoniam inde aliquid lucri in Te redundare potest, pro-

culcari ab amicitia nostra omnem hanc molestiam. Paulo magis aegre fero, quod ita a Te edita sit haec scriptiuncula ut notulam hominis aut hebetis aut ingrati vix possim effugere. Quicquid enim, sic ferente occasione, pro meritis, in laudem & commendationem Tuam, citra omnem affectionem dixeram, hoc omne censoria virgula a Te non solum notatum, verum quoque penitus sublatum fuit; & contra ego, praeter omne meritum meum, tot & tantis encomiis a Te sum cumulatus, ut plus semel in ruborem atque conturbationem hoc me conjecerit.

Ne dicam de ipsa epistolae inscriptione, a qua omnes Tui tituli ablati sunt, certe, quantum memoria nunc succurrit, tum in limine univrsam de variolarum antiquitate lucubrationem, tum in progressu excursionem istam Tuam de ominosis maculis nigris (a) simplici doctissimae encomio salutaveram, quam tamen voculam, at quantulam & quam modestam, Tu nihilominus omittendam censuisti. Rursus ejusdem prioris paginae lin. XIV. brevissima, ut ajunt, manu, tam ingeniosam unica syllaba fecisti mutationem, ut non facile eam ab alio ingenio proventuram fuisse existimem, dum nempe ingeniose, quod scripseram, in ingeniosum commutasti, adeoque effecisti, ut de Gallis nunc dicam invitissimus quod de Te merito dictum volebam. Taceo reliquas commutationes quas, semper quae de Te dicta fuerunt comminuendo, in progressu atque tramite tractationis instituisti, cum abolitis primis commentariis, memoria neque omnes, neque ipsissima verba nunc amplius suggerat. Interim tamen non potuit me plane subterfugere, notabilior illa alteratio quam rursus prope calcem p. 614. es operatus. Simpliciter typis exscribendum curasti "nisi Te Tuaque studia & solertiam nossem, quamquam ego in autographo scripisssem; „nisi probe nossem summas ingenii Tui doctes & mirabilem cum his conjunctam doctrinam quam parilis & indefessa,, solertia comitatur, & r. Profecto me hoc modo nihil dixisse quod non cum ipsissima veritate conspiret, quivis, qui Te co-

gni-

(a) vid. cap. III. not. 65. Disq. de var. & anthrac.

gnitum perspectumque habet, sponte & lubenter fatebitur. Adeo-
ne igitur opus erat ut modestia Tua me tanquam minus aequum aut
certe mancum Tui aestimatorem produceret? qua in re illa mihi
tanto maiorem injuriam fecit, cum a teneris Te pulchre percogno-
verim, dum, ne dicam de collatis coram sermonibus, jam ab anno
MDCCXIV. literarium epistolarum commercium inter nos fuerit.

Hoc vero omne publice indicandum esse censui; partim ne,
inaudita causa mea, inurbanitatis erga amicum damnarer, partim ut
amice symbolam quoque conferrem ad retundendum impetum ad-
versarii, qui, in semetipsum longe magis injurius, ridiculae ambi-
tionis, arrogantiae atque fastus (ne reliquas inficetas voces adjiciam)
Te nuperrime insimulare voluit.

Ad eum dum delabor non possum non tibi simul significare
quod minime vices Tuas doleam, quoniam cum homine ita morato
Tibi datum est negotium, potius impense Tibi gratulor, quod is re-
lieta omni desperata causa, ad convitia & aculeata, si Diis placet,
dicteria fecerit confugium, hoc enim certissimum victoriae Tuae in-
dicium est. Miror virum in historia literaria medicinae satis versa-
tum, a genere scriptionis tam insubido sibi haud temperasse, cum
in promptu habere dabeat, ex contestationibus, simili modo per-
tractatis, nihil unquam lucri in ipsos scriptores redundasse, sed sem-
per eos dedignationem hominum sibi potius conciliasse. Verum ita
est, abripiuntur sic interdum homines nolentes volentes suo ingenio,
ut in media meridiana luce caligine densa laborent, & demulcen-
di utique erant juvenum academicorum animi, utpote qui in talibus
scriptionibus mirifice sibi placere, & eiusmodi nubes pro Junonibus
lubenter arripere solent. Demiror porro ingeniosissimas adversarii
divinationes, quod nimirum Tu commercii literarii auctores tamdiu
solicitaveris donec petitis Tuis adnuerent; & quod Tu *D. D. Stoe-
rio* auctor & adiutor fuisses, ut dissertationem “de mutilo medicinae
“corpore per chirurgiam & pharmaciam refarciendo, in vernaculam
“converteret atque confutaret.,” Mihi cui apertissime constat, quantum

in his a veritate aberraverit censor, non potuerunt non ista risum plus quam sardonium movere. Hoc etiam concoquere non possum, quod ob collaudatos praeceptores Te pupugerit. Suae sectae hominibus quis quaeso praeceptore major? Nonne ipsa ratio atque humanitas gratiam referre suadet iis, per quos profeceris. Cum Parens meus studiis in academia Julia operam navaret, & ex hoc musarum secessu ad Avum meum Guelpherbytum excursionem fecisset, illi sane, reditum in academiam meditati, Ipse harum terrarum Serenissimus tunc temporis Dominus, *Dom. Rudolphus Augustus Dux Br. & Luneb.* piissima memoria venerandus, de honorando Praeceptore speciale clementissimum mandatum dedit, epistolae propria manu exaratae, hoc credo dignum latinum corollarium adjiciendo; *parentem & Praeceptorem (Meibomium) quibus non potest reddi aequivalens salvere jubeo.* Anne magis dignum semetipsum ob conscriptam & censuram effugientem dissertationem, & tot millia formularum a pharmacopoeis collecta in os laudare, quam praeceptoribus debitas gratias agere? Sed spernuntur quoque interdum laudes quae non sperantur.

Denique admodum peregrinum mihi quoque visum est, quod non minus Te carpere voluerit adversarius, quoniam dixisti cum celeberrimo *Meibomio* Tibi sanguinis vinculum intercedere. Longe profecto aliter sentiunt prudentiores, unde etiam clarissimus *Furstenavius*, vir limatissimo ingenio, si quis alius, pollens, operae pretium existimavit de illustribus medicorum familiis scribere ex instituto orationem, quam, testantibus novellis litterariis, praelo paratam haber. Nisi mihi quoque adversarius Tuus succenseret, dicerem pariter omni alia felicitate contra charum mihi esse, non solum quod patrem, avum, proavum, hujusque fratrem & ejus filium in medicinae exercitio habuerim antecessores, verum etiam his arctissima affinitas cum clarissimis medicis *Mitthobiis, Conerdingiis, Schraderis, Kotzbuiis, Botticheris* intercesserit, quibus charis nominibus mediantibus, etiam ad gratissimum vinculum cum illustri *Hugone* vestro perveni. Jam avo eam ob causam bona verba dixit celeberrimus *Georgius Fran-*

Francus de Frankenau in quadam ad eum epistola scribens: Es ist sonderbar merkwürdig, daß M. H. Patron recht ex nobilissima familia Asclepiadea ist, dergleichen in Teutschland die *Plateri*, *Bauhini*, *Sebitzii*, *Horstii*, *Sennerti*, &c. gewesen, ad normam antiquissimi instituti, wie ex juramento *Hippocratis*, und dessen gelehrten Commentatore Herrn D. *Heinrico Meibomio* zu ersehen.

In tota circa corticem peruanum lite, si a propria experientia plane discedo, nihil mihi magis durum, absonum atque iniquum videtur, quam quod illi medici, qui hoc medicamen tam vehementer repudiunt, citra omnem verisimilitudinis umbram, animum suum velint inducere atque credere, nos, quibus solenne est corticem pro re nata & cum recta ratione in auxilium advocare, nos inquam, ad unum omnes esse posse tam impios, atque omni recta ratione, proximi amore & attentione ad experientiam & morborum remediorumque bonos vel malos eventus ita destitutos, ut remedium, certissime & nunquam non noxium omni pudore deposito, nihilofecius adhibere haud vereamur. Tot viros probos, doctos, dignitatibus illustres, imo, quod maximum, aliorum remediorum bonos vel malos successus tota die, omni candore indicantes, ita fascinari ab unico cortice, ut damna, ab ejus usu emergentia, aut nequeant, aut nolint percipere, hoc mihi tam impossibile videtur ut nihil supra. Sane si tot & tanta incommoda, tam saepe & tam vivis coloribus depicta, ab usu corticis, quamvis recto, provenirent dubio omni procul resipiscerent ex nostris quotidie plures, quod tamen secus accidere videmus, cum ex illorum potius castris multi ad nostras partes transeant, relictaeque praeceptorum autoritate, praeconceptisque opinionibus, feliciter postmodum illo medicamento res suas perficiant.

Recordor, dum haec scribo, medici jam inter coelites degentis qui, ipso Praeceptore mihi teste, studiis medicis assiduam atque utilem operam in academia dederat, innutritus tunc temporis opinionibus omnem corticis usum plane rejicientibus. Praxin itaque clinicam inchoando, multa passim in vituperium corticis, ex praeceptorum men-

te apud aegrotantes dicebat, sed brevi quoque deprehendebat, non sibi ita prospere, ac in charta atque cathedra fuerat promissum, febrium curationes succedere, praesertim quoniam morbi epidemia accedens, difficultatem augebat. Cum igitur e contrario videret alios ex voto febres damnato cortice percurare eodem etiam uti sensim incipiebat, & quidem tam auspicato ut illic loci, ubi erat, brevi fama ferret eundem longe feliciter febribus mederi & pluri-
mi aegrotantes ejus auxilium eam ob causam expeterent. Ne vero, conspecto in formulis chinae chinae nomine, propriis olim dictis verbis jugularetur, conditione cum pharmacopoeis facta, pulveris roborantis titulo, eundem semper praescribebat. Habeo in manibus formulas ipsius manu consignatas, & publica autoritate mihi traditas, quae fidem faciunt, eundem in febribus symptomaticis inflammatoriis declinantibus pharmacum hoc adhibuisse, successu prorsus felici, uti non minus cognitum habeo.

Sed satis est homini supra modum & dignitatem iracundo datum, redeo in viam & ad propositum, nempe ut quaedam nuperi epistolii mei momenta hac iterata scriptiuncula denuo contingam. Quoties nomen & labores celeberrimi *Fabricii* pag. VI. excitatos intueor, toties in memoriam redit quam difficulter unicum bibiliothecae graecae exemplar in tota urbe invenire tunc temporis potuerim, cum animus gestiret scire, quid de *Herodoto* vir doctissimus scriptum exhibuisset. Tandem vero, accepto & humaniter mihi commodato libro, facile iterum percepi, quod dudum cognitum habebam, neminem prae viro clarissimo etiam inter ipsos medicos, de antiquorum medicorum graecorum scriptis & illorum variis editionibus magis cumulate verba fecisse, & dolendum saltem esse quod doctissimum hoc opus non nisi impenso satis magno pretio, comparari possit, id quod medicis tanto majorem remoram in emtione injicere debet, cum vix totius libri quinquagesima pars ad medicos pertineat, quamquam rursus haud injucundum aut inutile, verum potius summe necessarium sit, de ipsis artis conditoribus statoribusque, & illorum scriptis, notitiam haud proleterariam habere. Sane

ne haec nullibi pleniore manu porrigitur quam quidem apud celeberrimum *Fabricium*, & hoc propria experientia in his ultimis diebus rursus alio exemplo me docuit. Incidit nuperrime in manus meas liber, quem munere *Th. Reinesii* in bibliotheca quondam servavit immortale academiae juliae decus *Hermannus Conringius*, & cui titulus talis est: „Kirani Kiranides & ad eos “Rhyakini Koronides. Facile equidem perspiciebam quo ingenio ipsum opus esset conscriptum, sed non poterant non tam peregrina tituli verba salivam movere & incitamento esse, ut pleniorum illius notitiam habere cuperem, quam quoque praefatio operi praemissa non satis suppeditabat. Arripiebam igitur *Lindenium*, a *Mercklino* renovatum, sed magna, mea admiratione, ne verbum quidem illis de isto autore dictum esse comperiebam, quale etiam silentium, sed paulo magis excusandum, *Lippenius* in bibliotheca reali medica, pariter servavit. Tandem vero aliqualem de isto libro notitiam *Schenkius* in bibilotheca medica subministrabat, quam tamen non minus mancā & mutilam fuisse postea deprehendi, cum occasio ferret, ut doctissimi *Frabricii*, saepius laudatam sed nunquam satis laudandam bibliothecam graecam possem inspicere.

Ob hanc igitur & plurimas alias rationes venit non solum, sed rediit quoque saepenumero in mentem, annon ad exemplum viri docti, qui bibliothecam latinam nuper in compendio exhibuit, tanti etiam foret ex omnibus bibliothecae graecae voluminibus decerpere, quicquid de medicis antiquis sit dictum atque illud, servato chronologico ordine, sejunctim in gratiam medicorum edere. Putarem profecto ejusmodi compendium gratum omnino esse debere, non tantum medicis in Germania indigenis, verum etiam exteris, apud quos, uti notum, studium circa antiquorum medicorum scripta paulo magis floret.

Interim tamen quoniam solent homines in cogitationibus suis sibi multum abblandiri rogo Te maximopere, ut de tali negotio, vel suscipiendo, vel negligendo, pro candore Tuo, sententiam mihi

hi dicere velis, imo vero datis occasionibus, amicorum etiam opinioniones haud grauate perscrutari.

Hisce praelibatis, Tua pace ad maculosum haemorrhagicum morbum paulisper recurrere liceat. Fidem mihi fecerunt allata Commercii literarii Norimbergensis folia, & specialiter illud, quod hebdomade VII. a. c. (a) editum fuit, quod post factam ab utroque nostrum istius publicam commemorationem, Tibi iterum visa sit gravis sane atque fontica ista affectio. Parili quidem hac in re Tecum usus sum fato, sed dispar admodum fuit eventus. Aegra enim Tua ex voto cum pristina sanitate in gratiam rediit, praecipue postquam, novo atque felici ausu, remedium, cujus energia in iphacelo tam egregie se comprobavit, per analogiam adhibuisti ad hunc quoque affectum, in quo non minor, imo ad internecionem saepenumero aequae tendens, vinculorum sanguinis vitalium dissolutio (b) praesto est. Meum contra aegrotantem maligna morbi indoles, subdolos genius, recte a me superiori scriptione indicatus, & simul concatenata symptomatum vis, me in vanum contra laborante, ad meliorem vitam traduxit.

Narrabo Tibi, *mi Amice*, pro ulteriore morbi illustratione, rem omnem prout accidit, neque dubito venia Tua id a me fieri posse. Subiectum morbi, cujus iacturam tanto vehementius lugeo, fuit vir probus, honestus, mihi valde amicus, ad quinquagesimum aetatis annum vergens, temperamentum sanguineo-melancholici, oriundus familia in qua plures hypochondriaco malo vehementiore, a-

noma-

(a) vid. Excerpt. §. XLVIII.

(b) Agnoscit talem in hoc morbo vir solide doctus *Rud. Aug. Camerarius* in diss. de alvo haemorrhousa pag. XIII. de illo aegrotante, cujus historiam narrat scribendo: "Et quamquam sanguinis erumpat facilius quam ferofior est & fluxilior, nondum ta-

"men talis & tanta fuit hic vinculo-
"rum ipsius vitalium dissolutio ut in-
"tulerit haemorrhagiam vel particu-
"latem nimiam, vel fere universalem,
"maculis insignem suspectissimis,
"qualem singulari quondam disserta-
"tione caute observandam docuit
"Laud. Exc. Dn. D. *Zellerus.*,"

nomalisque podagrae successibus olim laborarunt, & in cachexiam pronissimi fuerunt; caeterum etiam animo praeditus dum viveret terrimo, & ad curas sollicitudinesque, sive de vita, sive de aliis rebus, ita pronus ut nihil supra, sed, his gravissimis momentis haud obstantibus, infrequenter tamen per vitam suam aegrotaverat. Non reminiscor, quamquam jam a decennio & ultra medicus clinicus familiae ipsius fuerim, me alia vice illi medicinam fecisse, quam quidem ante biennium cum prope solstitium aestivum, ex itinere, nocturno tempore facto, redux, corriperetur febricula catarrhali anomala, cui in fine haemorrhoidum leviora molimina sese associabant. Hac ultima vice, cum primum mense Februario a. c. ad eum vocarer conquerebatur de tussi catarrhali humida jam a quatuordecim diebus affligente, nec non de appetitu valde prostrato & insigni membrorum lassitudine. Exhibebam statim quae pectori atque ventriculo opem ferre poterant, & conspecta primum hac morbi facie, non poteram non cogitare catarrhalem defluxionem jam per tot dies affligentem, uti ad inferiora semper sensum descendit, ad ventriculi demum glandulas appulisse, & hinc ciborum quoque appetitum aliquid damni percipere. Sed cum paulo magis aegrum frequentarem, facile licebat discernere, morbum hunc non ita simplicem esse, sed potius complicatum existere, & cum catarrhali ad pectus defluxione, taediosa hypochondriaca symptomata pari passu ambulare, atque tanto pertinacior morbum minitari cum uxor ejus narraret, jam per totum hyemis spatium, maritum solito proclivior ad iracundiam concipiendam, & simul solitarium, frequenter meditandum atque sollicitum fuisse, quamvis fortuna longe prosperrima uteretur, familiamque florentissimam haberet. Interim ab exhibitis remediis, & alvi purgatione facta, tussis facile stationem suam in pectore relinquebat & leniri etiam hypochondriorum molestiae paululum videbantur. Verum enim vero vix in aliquali hac mitigatione futurum harum molestiarum plenarium discessum sperare licebat, cum aeger, ab oborto quodam incendio vehementi terrore perculsus, in novam & graviores illarum exacerbationem incideret.

Opponebam equidem recrudescenti malo remedia omni studio atque cura selecta, quae vero ordine hic apponere tanto minus mihi videtur necessarium cum Tibi, *mi Amice*, medendi nostra methodus satis superque nota sit, cognitumque plane habeas, me, more majorum non alia nisi leniora, tuta longoque usu comprobata remedia in auxilium advocare, usque adeo, ut nihil nisi morbi successus curiositatem Tuam amplius ferire possit. Sed quidquid etiam porrigerem parum tamen allevamenti, pro morbi refractario genio, aeger inde percipiebat; potius de die in diem magis clarum fiebat, naturam omni opera, & interdum quidem recto, mox tamen aberrante & vagabundo nimis conatu, per haemorrhoides crisin moliri. Hinc igitur cum aequinoctium vernum in propinquo esset, & aeger v. s. tunc temporis celebrandae esset assuetus, tanto majori confidentia ad venarum pedis aperturam confugium faciebam, ea spe, fore ut hosce conatus vel plane tollerem, uti hoc interdum fieri solet, vel ad minimum, per derivatorium sanguinis motum, in ordinem atque justos cancellos redigerem. Verum enim vero neque hoc conamen opem ferre poterat, sed ex adverso, depletis vasis sanguiferis, & sanguinis circulatione liberiore facta, novum impetum hypochondriacus morbus & confusus naturae ad haemorrhoides nisus faciebat, adeoque etiam noster, quemadmodum plurimi alii hoc imprimis anno, suo exemplo comprobabat, virum clarissimum, “qui motuum post haemorrhagias “tam naturales quam artificiales observabile augmentum,, peculiari dissertatione nuper pertractavit, nihil quidem experientiae minus consentaneum dixisse, quamvis illud, meo qualicunque judicio, paulo minus absolute & pro ratione principii sui dixerit.

Noctuas portarem Athenas, si Tibi, *Vir Experientissime*, fusius & omnibus circumstantiis atque variationibus annotatis, vellem enarrare quales interea molestias, tum animo curis & anxietatibus semper deditissimo, tum corpore, per varias toni, modo remissiones, modo intensiones, phlogoses consecutarias, agrypniam, pulsatorium, imprimis noctu, capitis dolorem, aurium tinnitum, pharyngis spasmodicam constrictionem, cordis palpitationem, appetitus languo-

guorem, ructuum atque flatuum, modo continua serie cum impetu modo summa difficultate erumpentium copiam, alvique interdum, sed cum imperfecta crisi, lubricitatem, pro majori autem parte segnitiam, nec non per varias dorfi & lumborum onerationes, aeger sit perpeffus. Vix diem illucescere puto, quod non in tam numerosis tuis clinicis laboribus ista omnia si non in uno aegrotante, (quemadmodum non semper omnia concurrunt) ad minimum tamen in pluribus videas; ideoque isto labore supersedeo, neque etiam attingo quam varium faciei colorem, pro varia sanguinis ad partes internas adaucta propulsione, paulo curatius, sed nondum satis mature & sufficienter, observaverim, a qua sane attentione si, praeunte illustri *Stahlio*, per plures, data opera ulterius excoleretur, haud exiguus fructus in medicinam redundare forsitan posset. Verbulum saltem de urina dicere liceat, utpote quae post praevium ponderis in hypogastrio sensum, ardore quodam interdum citra aliam causam apparentem molesta erat & interdum recenter emissa, mox lactescebat, quae phaenomena haud semel de vesicae haemorrhoidibus, at quam gravi & taedioso malo, mihi curam quoque injiciebant. In genere autem lotium gliscente morbo, indies majora atque majora, modo per salinam crustam modo per tale sedimentum, pro notissima utriusque morbi conjunctione, scorbuti fontici indicia dabat, luculentissimo argumento, pro restituenda sanitate non solum hunc quoque hostem superandum fore, sed verissimum etiam esse multorum medicorum de scorbutio effatum, quod tanto majora incrementa ista aegritudo capiat, quanto plus animi pathematibus & imprimis tristitiae aeger indulgeat.

In mediis tamen his malis non tam adeo aegrotare quam potius languescere aeger videbatur, imo vero ad negotia sua nonnunquam meo hortatu cum levamine si non aegritudinis, tamen animi manus porrigebat, quoniam nunquam lectum servare cogebatur. Sub leniorum medicamentorum usu consultum hinc videbatur expectare, donec veris adventu, aer magis mitesceret & tam scorbuto felicius mederi liceret, quam etiam aegro integrum fieret acidulas

foris potare, cum illud ob varia obstacula, & nimiam in eo animi teneritudinem, domi haud ita bene fieri posset. At vero vix hoc ceperam consilii, cum jam novus sanitatis hostis fores pulsaret & ex latebris suis in conspectum perumperet. De improvviso enim aeger quadam die circa paschatos festum mihi nunciabat, praeterita nocte iterum aperturam fecisse & magnam sanguinolentae materiae copiam profudisse, tuberculum subdura jam ab uno alteroque anno in nate dextra, non procul ab inferiori gutture, versus perinaeum gestatum. Minime autem hoc sibi novum aut inexpertum esse, sed potius jam una alteraque vice, suppuratione ad instar furunculorum facta, inde aliquid saniosae, plus vel minus sanguinolentae materiae propullulasse, & postea domesticis remediis semper percuratum fuisse malum quamvis durities quaedam illic loci continuo remansisset. Haec illo narrante, satis erat in propatulo, & vel ex ipso morbi decursu notum, ad ani potius fistulas quam furunculos referendam fore hanc exulcerationem, id quod invitus etiam indicabam quamvis illi furunculum esse etiam atque etiam contenderent. Tandem meo hortatu chirurgus, qui jam aliquoties tales aegrotantes feliciter percuraverat, cura istius affectionis committebatur. Ille exploratione facta, deprehendebat, angustum pone orificium latitare cavitatem multo ampliorem, notabili duritie circumvallatam, & stylum aut ceram in hanc immissam non quidem ulterius penetrare, sed a liquore per syringam impulsio, sensationem versus anteriora & vesicae collum pertingere, non sine suspitione anfractuosi eousque protensi canalis. Nota erat chirurgus sicut mihi, summa animi in aegroto sensibilitas, adeoque illi satius videbatur, leniorem viam curationis primum inire, atque pertentare utrum remediis mundificantibus, lenoribusque septicis atque balsamicis hanc perficere posset. Ego vero cum notissimum haberem, in medela ejusmodi ulcerum, pravorum succorum correctionem utramque paginam absolvere, & sine ea gravius periculum minitari, farsae decoctum, tantopere a *Zachia* in hypochondriaca passione, & ab illustri *Brunnero* in lentis chronicisque affectionibus commendatum, per haustus, & balsamum vulnerarium Dippelianum guttatim eam ob

causam propinavi atque ob stomachi languorem praecepi ut in pocillo vini, inter prandendum aliquid de essentia cort. aurant. una assumeret. Hoc dum fieret magis indies quam antea sibi reddi aeger videbatur, ita ut aedem non solum facram rursus salutare, verum quoque hortum suum iterum adire posset. Ipsa urina, quae haecenus semper scorbuti, indicia dederat, ad naturalem statum sensim redibat, testatumque faciebat, non sine successu eatenus contra scorbuticam sanguinis dyscrasiam rem gestam esse, id quod ordinaria scorbutica exanthemata critice in tibiis magna copia simul propulsa, ratum non minus faciebant.

Non itaque amplius haesitandum esse censuimus sed, cum interea temporis chirurgus nihil, indicatam viam tenendo, profecisset, consultum imo necessarium summopere videbatur, ut, ferro mediante, ad internam fistulae cavitatem major aditus pararetur. Eum in finem cultri falcati minoris apicem quadam die chirurgus in fistulae orificium immittebat, & illo ad aptiorem locum directo, cutim elevando, quicquid de illa superimpositum erat, discindebat, vulnere quod vix dimidium pollicis transversae longitudine sua aequabat. Cum autem aeger doloris in illa operatione impatientissimus esset, fortuito contingebat ut chirurgus tantillum de cute, filo sericeo paulo fortiori haud magis crassum, conjunctum atque integrum relinqueret. Ipsum vulnus recenter inflictum, vix aliquid sanguinis profundeabat, dubio procul ob vehementissimam in aegroto animi commotionem. Rursus vero cum jam esset obligatum, & aeger paulatim ad se rediret, vitae hic latex ex improvviso tanto impetu atque copia per illud ruebat, ut frustra etiam unum alterumque remedium pro illo sistendo applicaretur.

Post novam hanc per talem haemorrhagiam sanguinis ventilationem, nova rursus redauspicabatur tragoedia. Altera enim luce mihi statim aeger, malo omine, binas maculas nigras haemorrhagicas, accurate in utroque linguae latere, quasi ex condito, cum aliquali ardore protrusas demonstrabat. Has, cum antea nullibi ta-

les in corpore conspectui sese dedissent, statim excipiebant plures, citissime in brachiis atque cruribus inter reliquias pristinorum solitorum scorbuticorum exanthematum erumpentes. Simul cum satis gravi oris odore, gingivae, jam ante a scorbuticis salibus paululum arrosae, sanguinem stillare incipiebant, ita ut omni mane, quando aeger de lecto resurgeret, sanguine congrumato plane essent obductae. Quarta abhinc die post prandium sanguinem, adeo ferofum ut is linteamina vix tingeret, nares stillare incipiebant, sed brevi ista excretio congruo remedio adhibito, sopiebatur.

Ab isto tempore denuo triduum quadriduumve aeger, si languorem exciperes, sic satis bene & sine novis symptomatibus exigebat. Jam maculae illae nigrae ratione a me dicta, rursus evanescere incipiebant, chirurgus filamentum cutis relictum forcipe dissociaverat atque ego paulatim meliorem spem iterum concipere incipiebam, cum rursus luce prima propere ad eundem vocarer ut summae atque ultimae vitae scenae testis paulo post fierem. Narrabat advenienti de praeterito uxor, maritum suum vespera praeterita tam subitaneo atque gravi languore correptum fuisse, ut solitum etiam cubiculum de more repetere haud potuisset, sed noctem tamen tranquille cum paucis somno fuisse transactam. Circa res praesentes comperiebam, cum aliquali atque anxia pulsus commotione sanguinem iterum a naribus profluere atque hanc excretionem rursus occepisse, postquam vomitu sanguinolentam quoque materiam rejecisset. Ambiguum erat utrum cruor per vomitum, ut modo dixi, rejectus, ab ipsis ventriculi vasis exitum habuisset, an vero e naribus fluens, per decubitus sensim ad fauces delabendo, deglutitus ante fuisset, id quod mihi in principio paulo magis verisimile videbatur, cum in sanguineo vomitu natura nunquam in tam parva excretionem subsistere, verum majori potius excussionis molimine rem suam peragere soleat. Sanguis qui a naribus stillabat, vasculo exceptus, statim fatiscebat in gelatinam brunni coloris, cui parum feri cum interspersis paucissimis globulis sanguineis ad natabat, summae corruptionis manifestissimo indicio. Confugiebam ad remedia semel jam isto casu

fu

fu probata, illa vero & alia intra horulam unam & alteram nihil solaminis afferrebant. Supervenit Medicus alius experientissimus, consilii auxiliique copiam daturus, adeoque conjuncta opera, tanto magis externis internisque remediis nullum non lapidem commovimus ut aeger iminenti malo eriperetur. Frustra tamen omnia fecimus. Stillabat continuo e naribus sanguis sed uti dixi, tam lento gradu ut vix credam intra octo horarum spatium libram unam atque dimidiam redditam fuisse. De momento in momentum majorem virium deperditionem aeger incurrebat. Versus meridiem levissima epileptica accessione corripiebatur, & circa horam quintam vespertinam extremis paulatim refrigeratis & pulsu deficiente, placidissime, sine ulla convulsione, sensibus omnibus integris, veluti lucerna cui oleum deficit extinguebatur, & animam creatori suo reddebat.

Satis demonstrabant tristis hujus discessus circumstantiae, aut oportere sanguinis quandam effusionem in partibus internis factam, aut certe putridam necrosin nobiliori cuidam visceri a maligno sanguinis miasmate inductam fuisse, id quod plurimis exemplis, vel ex ipsis scorbuticorum historiis petitis, confirmare possem nisi cum perito mihi res atque sermo esset. Utinam defuncti corpus aperire licuisset; quamvis vero hoc fieri haud potuerit tamen ex hac historia quaedam sponte fluunt, quae ad ipsius morbi illustrationem apprime facere poterunt. Sic sine dubio inde patet, specificam quandam sanguinis corruptionem ab ordinario scorbuto diversam, morbum hunc maculosum haemorrhagicum producere, hanc supervenire quidem posse simplici scorbuto, sine eo tamen non minus occurrere, quemadmodum hoc exempla a Te enarrata, ab excellentissimo *Zellero* proposita, ima a me quoque visa, satis superque docent. Porro ex his quae protuli amplius elucescit quam subdolus malignus atque periculosus morbi istius genius sit, cui ut nemo facile confidat, omnes monitos velim. Sperabam juxta olim a me factas ejus curationes, hunc non minus in beato viri superatum iri, sed alia omnia evenerunt. Forsitam felicius medelam his malis afferre licuisset, si notum tunc temporis habuissem id, quod de energia corticis peruani in simili casu

casu nuper a Te notatum fuit. Nolo quidem in os Tellaudare, probe conscius quam grave, ne dicam molestum hoc tibi semper sit, demirror tamen acumen iudicii Tui iniustius applicatione ad hunc morbum, & omnibus phoenomenis, quae eum comitantur, probe pensitatis, persuasissimus sum non aptius remedium pro obtundenda iustius violentia excogitari posse.

Verum enim vero claudere nunc liceat hos rivulos. Jam satis delassavi patientiam Tuam & tamen nihilominus, pro instituto meo, jure quodam affectio a comestis noxiis mytulis partem in hoc epistolio sibi concedi adhuc postulat. Verbulo igitur saltem innuam, quod mense Februario praeterlapso huius anni, iterum in viro consistentis aetatis, post comestos in prandio optimos & lectissimos mytulos, eadem viderim symptomata quae in nupero epistolio meo, propria experientia duce descripsi. Initium mali identidem fecerat tum summa praecordiorum angustia, tum vomitus plus simplici vice maximo naturae conatu factus. Posthaec non minus eodem ordine a capite usque ad calcem urticata exanthemata procedebant, hac tamen differentia, quod fontanella, quam in pede sinistro habebat, prius quam quidquam aliud de cute vehementissimo & vix ferendo pruritu corriperetur, & rursus dum mihi mitior olim fuerat exanthematum in cruribus proruptio, huic e contrario, ob ulcera scorbutica quondam in pedibus gestata, tanto vehementior ibidem ea fuit, & tam insolitam pruriginem comitem habebat ut tibialia quoque scalpendo discerperet. Cum ego vocatus adventarem, jam vomitu aeger erat defunctus, & rursus circa ventriculum, nec non in praecordiis pacata erant omnia, adeoque solum praecipiebam ut infusum theae sorbillaret & unum alterumque pulverem ex absorbentibus & bezoardicis remixtum assumeret, qua quoque methodo cum sanitate intra aliquot horulas ita in gratiam rediit, ut omnis molestiae postea omnino expers esset.

Gratum mihi profecto imo gratissimum fuit, quod albis calculis plurimi doctissimi viri qualescunque meditatiunculas nostras de
mor-

morbo post comestos mytulos adprobare haud dedignati fuerint. Illi conjecturae, quod commemorata mytulorum nonnullorum noxia indoles a quodam illorum morbo proveniat, magnum quidem apud me pondus accessit, ex quo celeberrimus *Schultzius* (c) in eam consentire visus est. At si perpendo, quod ipse expertus sum & plures quoque assertum dedere, etiam a mytulis sapidioribus, pinguioribus lectissimisque, qui proinde nullum prorsus morbi indicium praese ferunt ea mala nihilofecius interdum provenire tunc incipiti haeret animus & ad alia potius declinat. Multa pariter de beo viro doctissimo Kiloniensi, cuius verba in novellis literariis Hamburgensibus (d) occurrunt, quoniam is parallelis exemplis historiolum nostram illustratam dare voluit. Interim tamen haud promptius accedere possum ad sententiam ipsius de causa noxae in mytulis, quamvis profiteatur quod doctissimum *D. D. Waldschmidium* in ea consentientem habuerit. Opinatur nimirum, ut nosti, mytulos inde virulentiam quandam contrahere, si intra biduum triduumve alimentum illis deficiat neque integrum ipsis amplius sit a foribus semet repurgare & aquam recentem marinam intra valvas suas recipere. Profecto si verum atque certum hoc esset, verissimum quoque foret, quod nobis, a littoribus maris Balthici ita remotis

(c) In dissertat. de cancerorum usu medico §. XIII. & quidem sequentibus:
 "Si vero *Mundius* graviora (symptomata in prurigne & pfora laborantibus a cancerorum esu) vidit, qualia
 "multi docti viri de mytulorum esu
 "annotarunt, & nuperrime *D. D. Behrens* diss. epist. ad celeberrimum.
 "*D. D. Werthofium*, disquisitioni ejus
 "de variolis & anthracibus subiecta, evolvit vdiendum erit annon
 "marinorum peculiari vitio, forte

"morbo dedeatur. Certe vavet considerationi observatio de squillarum minorum esu, subsequente semihorulae post pastum spatium vomitum prurituque molesto, cum maculis totam cutem obsidentibus, de qua legimus *M. A. Nat. Cur. Dec. II. A. III. p. 411.*

(d) Ann. MDCCXXXV. Nro. XXXIII. p. 281.

motis, non nisi mytuli ad unum omnes, nocivi apponerentur iisdemque manducatis aegrotarent omnes, cum tamen ista aegritudo vix ducentissimum forte vel quingentesimum feriat. Porro si praesuppono, quod etiam haud temere praesupponere licet, in locis maritimis & ubi ipsa mytulorum captura floret, haud facile alios quam quidem recenter captos mytulos pro cibo abhiberi, tunc sane exempla a *Bautzmanno* Kiloniensi enarrata & casus iste tragicus ab *Ammanno* & *Valentino* traditus, Stadaeque contingens, fidem facere poterit, etiam a mytulis recentioris capturae, neque longule deportatis, noxam interdum afferri. Hoc facile viro humanissimo largior a mytulis testa sua orbatis, saleque & aceto conditis & sic transportatis, nullum morbum humano corpori induci, cum hactenus experientia contrarium haud demonstraverit.

Sicuti autem ab illis rationibus prohibeor, quominus cum doctissimis his viris sentiam, ita profecto post ea quae experientissimus *D. D. Stockhausius* ad Te de hac re scripsit, confectum plane & dilucidatum hoc negotium esse existimo. Si enim ille in urbe *Bulonia Galliae* (*Boulogne*) mytulos crudos, pro more gentis comedendo, vidit in nonnullis latitasse animalia exigua araneam corporis textura exprimentia, & si incolae, experientia dubio procul edocti, monuerunt eum ut hos propter venenatam indolem intactos relinqueret, nullum amplius dubium mihi superest, quin potius a tali aquatico insectulo, mytulis sese insinuante, quam quidem a peculiari noxia quadam qualitate hujus edulii, enarrata symptomata proveniant. Confirmavit nuper haud parum in animo meo hanc opinionem amicus quidam aestumatissimus narrando, quod sibi, matri fratribusque binis, post esum acetarii ex nasturtio aquatico, subito eadem prorsus symptomata, quam quae a nocivis mytulis provenire soleant, acciderint;

rint; quae proinde haud invita Minerva, a talibus aquaticis vermiculis etiam deducebat, sicuti quoque neque incongruum neque impossibile videtur quod squillis minoribus, ex *Hannaei* observatione ab Excell. *Schulzio* commemorata, pariles molestias producentibus, talia animalcula sese sociare potuerint.

Verum enim vero quamquam mi Amice, meus amor aegerrime Te dimitat, ipsa tamen humanitas missum facere nunc jubet. Salve igitur ut cum maxime. Deus Te servet omni ratione salvum atque fospitem. Ne Te deterreant adversarii nugae merae. Sibi metipsi manus is infert, Tu intaminatis fulges & fulgebis honoribus. Sis quaeso, quantum per amplissimum munus & tot praxeos labores citra sanitatis dispendium fieri potest, etiam impofterum doctissimis scriptis in commune bonus, ut *Lucani* locutione utar. Scapham, veritatem ipsissimam propugnando, semper dicito scapham. Laudato intrepide parentes & praecceptores qui vere satis laudari haud possunt.

*Dii majorum umbris tenuem, & sine pondere terram
Spirantesque crocos, & in urna perpetuum ver,
Qui praeceptorem sancti voluere parentis
Esse loco.*

ram eleganter & apte dixit poeta ut omnem urbanitatem is profecto exuisse videatur qui secus sentiret. Quod reliquum est me semper ama Tibi obsequiosissimum. Dab. Brunsvigae III. Kal. Aug. Ann. MDCCXXXV.

P. S. Dum hae pagellae typis exscribuntur interea mihi Tuo munere affertur novissimum scriptum Tuum quo reipublicae litte-

rario medicae pro quadam parte simul prospiciendo adversario tamen Tuo una tanto modestius respondes quanto acerbius is Te laceffivit. Bonum profecto factum! & quamquam a litigationibus medicis plus quam forsitan quivis alius abhorream & amicorum quoque causas nunquam non meas facere soleam, parum tamen abest quin hoc pretio optarem, ut plures Te lacefferent, praesertim cum videam Te satis aequo animo illud ferre. Gratias interim pro novo hoc munere Tibi habeo maximas, & fuit etiam valde jucundum quod mihi *Casp. Gottl. Lindneri* Tr. de purpura alba & rubra, Swidnitzii hoc anno editum indicare volueris, quo sane elegantissimae quaedam observationes de morbo maculoso haemorrhagico exhibentur, quas proinde cum voluptate summa perlustravi. Vale iterum atque iterum.



PAVLI GOTTLIEB WERLHOFII

M. D. REGIS MAGNAE BRITANNIAE IN AVLA HANNOVERANA
OLIM CONSILIARII ET ARCHIATRI, ACADEMIAE NATVRAE
CVRIOSORVM, SOCIETATIS REGIAE SCIENTIARVM LONDINEN-
SIS, GOETTINGENSIS, TEVTONICAE GOETTINGENSIS,
LIPSIENSIS, HELMSTADIENSIS, OECONOMICAE
ZELLENSIS ETC. SOCII

OPERA MEDICA

COLLEGIT ET AVXIT

J. E. WICHMANN

M. D. AVLAE HANNOVERANAE MEDICVS REGIVS, SOCIETATIS
REGIAE SCIENT. GOETTING. CORRESP. NATVRAE CVRIOSORVM
BEROLINENSIS SODALIS.



PARS III.

HANNOVERAE,
IMPENSIS FRATRVM HELWINGIORVM. cl^o Id cc LXXVI.

WILLIAMS' PINK PILLS FOR PALE PEOPLE

THEY ARE THE ONLY PILLS THAT
GIVE THE BLOOD A RICH COLOR
AND MAKE THE SKIN A PINK COLOR
THEY ARE THE ONLY PILLS THAT
GIVE THE BLOOD A RICH COLOR
AND MAKE THE SKIN A PINK COLOR

WILLIAMS' PINK PILLS FOR PALE PEOPLE

THEY ARE THE ONLY PILLS THAT
GIVE THE BLOOD A RICH COLOR
AND MAKE THE SKIN A PINK COLOR
THEY ARE THE ONLY PILLS THAT
GIVE THE BLOOD A RICH COLOR
AND MAKE THE SKIN A PINK COLOR

WILLIAMS' PINK PILLS FOR PALE PEOPLE

THEY ARE THE ONLY PILLS THAT
GIVE THE BLOOD A RICH COLOR
AND MAKE THE SKIN A PINK COLOR
THEY ARE THE ONLY PILLS THAT
GIVE THE BLOOD A RICH COLOR
AND MAKE THE SKIN A PINK COLOR

ACTORVM MEDICORVM
EDINBURGENSIUM

SPECIMINA DVO

DE MEDICAMENTO ALTERANTE EX MERCVRIO

ET

DE AVRIGINE

EX ANGLICO SERMONE LATINE REDDIDIT

PAVL. GOTTLIEB WERLHOF. D.

ACCEDIT

EPISTOLA

AD

IOANNEM SAMVELEM NOB. DOM. DE BERGER

CONSILIARIUM CAESAREVM ET M. BRIT. REGIS

ARCHIATRVM

DE IISDEM ARGVMENTIS

ET CAMERARIANO AVRIGINIS REMEDIO

VBI SIMVL

DISPVTATIONI DE LAVDE FEBRIS

POSTREMVM COROLLARIVM ADDITVR.

HANNOVERAE 1735.

Mmmmm

ATLANTIC MEDICAL

INSTITUTION

OF THE

CITY OF NEW YORK

DEPARTMENT

OF MEDICINE

AND SURGERY

1885

REPORT

OF THE

COMMISSIONERS

OF THE

HEALTH OF THE CITY

OF NEW YORK

FOR THE YEAR 1885

NEW YORK

1886

*Lectori beneuolo.*

Exhibeo specimina duo *actorum medicorum Edinburgensium*, in latinum sermonem a me translata, ut partem plurimorum, quae in illo libro cumulate redundant, commodorum, iis degustandam propinem, quibus ex ipso fonte omnia haurire nondum licuit. Agit prius de vtilissima aliqua medicina ex mercurio dulci, quae, suo modo noua, candide reuelatur; alterum de aurigine, cuius sat vulgata theoria ingenioso doctoque examini subiicitur. Adieci epistolam ad virum excellentissimum, cuius beneuolae communicationi acta illa primum debeo. Dixi ibi aliqua tum de iis actis eorumque instituto, tum de argumentis iisdem, quae laudatis in speciminibus tractantur, tum, data de aurigine dicendi occasione, de remedio aduersus icterum *Camerariano*, rectique usus & meas vindicas moderatissime, contra vltimos cl. *Goelickii* conatus, episcopi in commercii Norimbergensis excerptum nuperrime euulgatos, postremum denuo suscepi. Neque quicquam praeterea opus habeo, nisi ut ad aequos, doctos, sapientes, iudices omnes & singulos, & ad hos versiculos prouocem, quibus *cautiones meas medicas* finiui:

*Si quis inexhaustae cultor genuinus Hygeiae—
Dogmate dissideat, studiis sed iunctus amicis,
Vel nutans dubitet, vel surroget altera nostris
Consilio potiore potens, perscribat in albo
Candidus expertusque, Et limite terminet aequo?
Frugiferum moderamen amans sine felle reponam.
Si quis in aduersum iudex iniurius arti,
Probra meditrinae tribuens, altaria morbo,
Commoda confundens nocuis, Et recta recuruis,
Exspuat ampullas, ventis mandamus Et vndis.
Pars errare volens erret; qui febris amore
Vritur, ardescat; bona munera numinis almi
Qui renuit, careat! nostros, non subruet usus.*

ACTORVM EDINBURGENSIVM


SPECIMEN I.

ALTERANS EX MERCVRIO MEDICAMENTVM
PROPOSITVM

AB

ANDREA PLUMMERO, M. D.

SOCIO COLLEGII MEDICORVM ET PROFESSORE MEDICINAE
IN ACADEMIA EDINBURGENSI.



Quamquam penitus persuasum habeo, fieri non posse, vt ad cognitionem certam virtutum & effectuum noui alicuius & incogniti remedii in corpus humanum per ratiocinia a priori, quae dicunt, perueniamus; huic tamen ego principio non possum quin existimem haud incongruens esse, si affirmemus, certas conclusiones, aut saltem maxime probabiles coniecturas deduci posse ex cognitis quorundam medicamentorum operibus, ad virtutes & effectus aliorum, nondum quidem tentatorum, sed compositorum ex iis, quorum potentias per repetita experimenta constantesque observationes antea iam didicimus. Atque id tunc praecipue succedere videtur, si per chemica experimenta de effectibus ex coniunctione certaue aliqua tractatione corporum in praeparatione adhibitorum resultantibus perspectum iam satis habeamus. Hac vnice ratione nouas quasdam chemicae artis productiones primitus in medicorum praxin introduci fas est. Atque hic ratiocinandi modus primo me induxit, vt medicamentum tentarem, ex *sulfure antimonii aurato*, & ex *calomelite*, compositum: haud sine spe quadam rationali, fore, vt in quibusdam casibus optato successu

cessu bearer. Referam istos, posteaquam de medicamento ipso, eiusque praeparatione & usu, quaedam monuero. Ex quo simplices quaedam antimonii & mercurii praeparationes, magnis suis & admirandis effectibus in multis morbis pertinacibus, observationi sese medicorum commendauerunt; factum est, ut chemici ubique gentium omnem suam adhibuerint artem, quo bina haec herculea remedia in varias formas permutarent. Verum quum multae ipsorum praeparationes rudiores viderentur, neque usui opportunae, nouo sese accinxerunt operi, ut elaboratiores, subtiliores, mitiores, correctioresque exhiberent, repetitis laboribus, additionibusque variarum rerum. Summa autem exercitatio adhibita, & maxima spes innixa fuit vniendis & in vnum corpus permiscendis antimonio & mercurio, particulas, quae noxiae magis & inutiles videbantur, separando, & confociando elementa maxime actiua. His chemicorum laboribus debemus butyrum & cinnabarin antimonii, mercurium vitae, bezoardicum minerale, solare, lunare, iouiale, panaceas varias, aliasque elaborationes, quouis extra orbitas encomio abinventoribus mactatas. Vereor autem ne plura horum, per nimis officiosas chemicorum curas, actiua efficacia priuata sint; dum alia remanserint incorrecta & proposito scopo inepta.

Id, quod ego, post aliquam de effectibus experientiam, considerationi offero medicamentum, neque pomposo titulo, neque tae-
diofo & perplexo laboris processu superbit; neque tamen prudentiorem quemquam, ob medicamenti facilem simplicemque rationem, praecepta in aduersum opinionem imbutum iri, confido. Sulfur antimonii auratum, & calomeli, (seu ut vulgo scribunt, calomelas) e quibus haec medicina composita est, tam bene nota cuius sunt, qui salutari arti nomen dixit, ut artificium ipsorum ususque memorari hoc loco non mereatur. Id solum notare debeo, praeferrari a me *Angeli Salae* methodum praeparandi sulfuris antimonii, alteri in plerisque pharmacopoliis chemicisque collegiis praescripto (a). Hoc
Sa-

(a) v. Salae anat. antim. part. 2. sect. 1. c. 2. p. 319. sq. oper. edit. Frf. 1647.

Salae sulfur, seu potius *lac sulfuris antimonii*, *Tachenius* (b) existimat idem esse, quod *Helmontius* (c) obscuris quibusdam phrasibus innuit, vbi dicit, verum sulfur antimonii visu vix differre a vulgari, nisi quod parum in viriditatem vergat. Cum hoc sulfure cinnabarin praeparat, cuius sexies sublimatae & vino infusae mirabiles celebrat effectus.

Haec ipsa cinnabaris videtur idem esse remedium, quod eodem tractatu memorat, mercurii diaphoretici nomine. *Tachenius* hoc sibi sulfur pro admirabili in tympanitide medicamento expertum laudat. Ex eodem parat linimentum, duobus non nominatis simplicibus mixtum, quod spinae, carpis, pedum plantis illitum, in curandis febribus tertianis non fallat.

Dixi antea me sulfur antimonii *Salae* sulfuri aurato officinarum praeferre; non ob eorum solum, quos modo dixi, auctorum laudes, sed etiam, quia in vulgari praeparatione, qua deflagrando paratur antimonium cum nitro & tartaro, multum veri sulfuris consumitur, pulvisque ex scoriarum solutione praecipitatus pluribus constat terreis crassioribus antimonii & salium particulis. Fateri tamen simul debeo, non suppetere mihi *Helmontiani* sulfuris experientiam. Illud enim, quo adhuc in componendo eo, de quo ago, medicamine usus sum, vulgari paratum fuit modo.

Quod ad proportionem sulfuris aurati & calomelitis spectat, quum primo ea medicina vterer, sciremque, facile aegrotam, quam tractabam, ex parca mercurii dulcis dosi ad salivae fluxum excitari, tres sulfuris aurati, duas calomelitis, partes adhibui. Postea aequalia assumsi singulorum pondera, auxque dosin, vel imminui, pro re nata. In ipsa compositione non sufficere videtur, vt simpliciter misceatur calomeli praeparatum cum aurato sulfure; sed praestat, me quidem iudice, magis intime ea vniri, calomelite in crassiorem pulve-

(b) *Hipp. chem.* p. 198.

(c) in verb. herb. p. 577.

puluerem confracto, sensimque addendo sulfur auratum probe super marmor laeuigato: quo facto rutilus sulfuris aurati color in obscure fuscum transit. Adhibui semper in hac praeparatione *calomeli*, id est, mercurium dulcem, sexies sublimatum, (praeter primam illam corrosiui cum viuo sublimationem praemittendam). Magis enim mite id existimo, minusque aptum stimulantis intestinis, aut humoribus ad saluationem disponendis. Quod ad dosin, diaetamque obseruandam, & effectus huius medicinae attinet, facile ista ex sequentibus historiis colligi possunt.

Ante aliquot annos foemina nobilis, triginta circiter annorum, staturam iunceam, delicatam cutem habens, quum porrigne capitis laboraret, cum crustis duris & ficcis, praecipue circa tempora, meum petiit, vt ab eo malo liberaretur, consilium. Post varias purgantium remediorum cum calomelite praebitiones iustis interuallis repetitas, cursum, quem dicunt, seu medicationem ordinate continuatam, ex iis remediis, quae antiscorbutica audiunt, praecepi, & topica quaedam medicamina, lotiones & linimenta, applicaui. His per aliquot hebdomades vsitatis, pars crustae separari coepit; sed, quum aegra nimis cito a continuatione abstineret, sensim incrementa morbus denuo cepit. Iterum post quatuor circiter menses vocatus, inueni crustas scabiosas tota non solum capillata parte, sed & antea per frontem ad supercilia & nasum, & in lateribus faciei ad aures vsque, sese diffudisse. In capillata parte crustae non vbique sibi continuae erant, sed in largos, spissos, ficos tractus distinctae, cuti firmissime adhaerentes. Frictione vel scalptu furfureae crustulae abscedebant; nihil vero vnquam effluebat humoris. In facie tenuis erat & alba scabies, cutis subtus crassior, & in interstitiis magis solito rubens. Nusquam praeterea crustae in cute apparebant; neque, praeter partium affectarum pruritus, aegritudinis aut doloris quicquam querebatur aegra. Pfora videbatur morbus, vel lepra incipiens. Hoc in casu necessum esse ratus sum mercurialis curationis legibus aegrotam subiicere: & levis quidem mercurii dulcis quantitas saluationem, quae sufficere mihi videbatur, excitauit: exigua-

guaeque praebia, altero vel tertio quouis die repetita, per quatuor hebdomades fluxum seruarunt, ad tres fere quotidie pintas Anglicas, seu libras (*pints*, Gallice *chopines*). Declinante fluxu, fotum capiti bis indies fieri iussi ex decoctis quibusdam plantis antiscorbuticis fixioribus, admixto & soluto sapone, & inungi vnguentum cum sulfure antipforicum. Hac methodo, & adhibito peniculo, crustae promte decidebant, rasoque semel atque iterum capite, cutis perfecte pura atque sana cernebatur, & capillitium aequae ac ante spissum vegetumque progerminabat. Ita morbus omnino in hyemis principio videbatur profligatus; sed primo statim vere in temporibus rursus sese ostendere incipiebat scabies, & perquam cito supra caput & faciem versus diffundi. Promptus hic morbi post saluationem regressus, & quaedam eo tempore in aegrae negotiis circumstantiae, aliam meditari iubebant curationis methodum. Tentare constitui sulfur auratum antimonii; sed, quum ipse experientiam de eius medicinae virtute propriam non haberem, & vererer, ne in ventriculo maxime efficacitas eius sese exfereret, emeticam vim corrigi posse existinaui partim dosi minori, quam quae ab auctoribus praescribitur, partim addito momento calomelitis, quo vel operatio versus inferiora dirigi, vel felicius in sanguinem traduci, & ad penetrandos canales angustiores, sine saluatione, aptari posse videbatur. Ut autem aliquam effectuum huius medicaminis notitiam mihi compararem, priusquam aegrae meae praescriberem, praebium vnum aut alterum in me ipso explorare decreui. Recepi igitur tres sulfuris antimonii partes, duas calomelitis, & modo supra dicto praeparavi. Quinque huius pulueris grana mane, ieiunus, cum conserua rosarum deglutiui, neque hac dosi vllum in modum, quem sensu percipere potuerim, affectus sum. Sequenti mane septem cum dimidio eiusdem grana sumsi; neque hanc dosin magis persensi. Tercio igitur die decem grana cepi, quibus quidem nausea & vomituriatio per aliquot horas excitata, ad ientaculum vsque, eoque die aluum semel plus solito deposui. His tentaminibus aptus redditus ad diiudicandam melius dosin & efficientiam medicaminis, quod praescribere cogitabam, certam quantitatem eius pulueris iubebam in pilulas

lulas formari, cum extracto gentianae, additis aliquot guttulis olei caryophyllorum, atque ita diuidebam massam, ut sex pilulis quindécim pulueris grana inessent. Ex his tres mane ab aegra capiendae erant, totidemque vesperi: cum poculo levis decoctionis ligni & corticis guaiaci moderate calido, quo potu etiam sitis fallenda erat. Fodus & inunctio prius dicta repetebantur, nisi quod, pro solutione saponis, sulfuris flauī contusi vnc. semis, salis tartari drachm. tres, in duabus decoctionis libris ebulliri praecepi. Quum aegrotat tunc tam longe ab vrbe abesset, ut quotidie invisere eam non liceret, peculiare regulas praescripsi, si quid forte accideret, obseruandas, & quavis data occasione, curiose inquisui in effectus medicaminis, curationisque progressum. Comperi pilulas nihil aegritudinis, nullum ad vomitiones vel deiectiones nisum ciere. Atque licet, uti supra innui, perquam facile ad salivae fluxum mercurio excitari potuerit, plane tamen hoc remedium nullum oris affectum excitauit. Post decem solum ab vsus principio dies, die serena gelida foras progressa, exiguam faciei inflationem, & sputi tenuis limpidi eiectionem passa est. Sed calore conclauis & lecti, sumtis ex more pilulis, altero mane & tumor & salivae fluxus cessauerant, postquam ea nocte sudarat largius solito. Quamdiu hoc remedium vsurpauit, semper leni cutis madore versus diluculum perfusa est. Interea delapsae sunt sensim crustae, ita, ut intra quatuor circiter hebdomades penitus remotae essent: iamque duos fere annos foemina illa, sine vlla rediturae aegritudinis apparitione, transegit.

In alio morbo cutaneo aliud habui prosperae eius medicaminis efficaciae exemplum. Homo XXIII. circiter annos natus, insignem faciei turpitudinem ostendebat, ex multis magnis maculis pustulisque rubicundis. Eruptione hac subito post frigoris incautam perceptionem contingente, venae sectio, vesicatoria, frequens purgatio, longusque tincturae antimonii vsus, tentata sunt in principio, exigua cum utilitate: hinc succi antiscorbutici, pilulae gummosae cum sapone, serum lactis medicatum, & caprinum, vsitata diu, non meliore successu: tandem ipsa per sex hebdomades saluatio remouendis ob-

stinatis hisce maculis non suffecit. Post tot successu destituta conamina, puluerem tandem in praecedenti casu descriptum tentavi, cuius hic itidem aeger quindecim bipartita quotidie grana sumsit, & recens lactis serum largiter interdium potavit. Intra menses duos cum huius remedii usu transactos (quo temporis decursu etiam aliquoties medicationis intercapedinem fecimus) facies laevitatem suam cutisque puritatem recepit, iuvante solum versus finem lotione leniter siccante & detergente. Etiam hic aeger facile remedium tulit, sine nausea aut torminibus.

Quamvis nunquam huic medicamini venereae luis curationem a principio concrediderim, reperi tamen illud, quibusdam in casibus, perquam utile esse, ad praepediendum, ne repullularet haec contagio, & in fecibus eius euerrendis, ubi ratio mihi erat suspicandi, haud radicitus per praecedentia medicamina extirpatam esse. Multi enim aegri in istis casibus nimis subito sese secretorum conclavium limitibus emancipant, & frequenter curationis filum abrumunt, priusquam medicis ipsorum satisfactum est, ut securitas a lue certa esse videatur.

Vir ingenuus gonorrhoeam passus, inque ea sine arte iusta curatus, nimis velociter exsiccato fluxu, quum post aliquot menses peiora eius morbi symptomata persentisceret, sine aequa novi contagii suspitione, consilium rogabat meum. In utroque inguine bubo magnus erat, vlcus (*chancre*) in praeputio naturaliter magno & angustiori, atque tum aliquantulum inflammato, tumefacto, & phimosis minante. Necesse duxi salivam mercurio dulci ciere, qua, cum aptis remediis topicis, vlcus sanatum est. Quum vero spes nulla dissolvendorum bubonum appareret, applicata sunt, quae pus facere solent; tandem escharoticis extirpare eos, conati sumus. Ante vero, quam id omnino perfici posset, quum negotiis foris urgentibus incumbere necessum haberet aeger, & ad diei unius iter in rus commigrare, proculque degere, partes illas citius, quam voluissimus, cicatrice obduci passus est. Ego vero, ut, quantum fieri pos-

set,

set, praepedirem prauos effectus, inde metuendos, quod medicatio non ex voto continuata & absoluta fuerat, praescripsi id, de quo ago, remedium, hac ratione:

R. Sulf. aurat. antim. calom. non praepar. a. drachm. duas: calomeli in crassum puluerem redactum laeuigetur super marmor, per vices addendo sulfuris antimonii portionem, & diuturno tritu fiat puluis subtilis: hinc

R. puluer. praecedent. vnc. sem. gumm. guaiac. drachm. tres resin. guaiac. drachm. vnam, balsam. capiui q. s. vt fiat massa pilularis, ex cuius singulis drachmis formentur pilulae XII.

Ex his pilulis tres quouis mane, totidemque vesperi, sumere iussi aegrum cum poculo decoctionis lignorum, eiusque etiam ordinario potu. Aliquot hebdomadum spatio abierant reliquiae bubonum omnes: quamuis vti postmodum fassus mihi est ipse, fieri non potuerit, vt exigua aliqua diaetae vitia ruri semper euitaret, potumque ordinarium praescriptum biberet, cui serum lactis substituit.

Aegrum nactus sum virulenta gonorrhoea & alterius inguinis bubone affectum. Post solitas praeceptiones, de diaeta, potu, reliquis, & penetrantis foci vsu, coepi curationem cum dosibus quibusdam mercurii dulcis, quas una aut altera pilularum cochiarum praebitione expurgaui. Alternis ita vicibus ter quaterue repetitis mercurio & purgatione; vsitatisque per interualla refrigerantibus, balsamicis, detergentibus, pro circumstantiarum & symptomatum ratione, quantitas effluentis materiae minuta est, colorque & consistentia in meliorem partem mutata. Sed semper aliquis manebat effluxus, & bubo, quamuis a principio paruus, haud multum minuebatur. Praescripsi igitur pilulas praecedenti in casu laudatas, cum decocto lignorum, quibus intra XX dies expectationi meae satis factum est, & curatio perfecta. Aeger hic domi egregie occlusus manens, & tenui refrigerante victu vtens, dum pilulis & decoctione utebatur, largiter sudabat.

Homini vlcerosam vrethrae humiditatem (*a gleet*) patienti, eamque non admodum insignem quidem, sed quae, post gonorrhoe-

ae curationem, quinque vel sex mensibus perdurarat, easdem pilulas, eadem, qua prius, dosi praebui, quibus, cum usu aquarum Bristolensium, intra duas hebdomades sublatum est malum. Hic non quidem vniuersali sudore immauit; sed circa inguina & pubem plus solito madoris, idque aliquanto foetidius, expertus est.

Haec praecipua sunt, quae adhuc feci, cum hoc remedio experimenta, e quibus concludere mihi licebit, non solum immune id esse ab asperioribus plurimum mercurii & antimonii praeparationum effectibus; sed efficax etiam ad tollendas obstructions in remotissimis quibusdam angustissimisque corporis canalibus formatas; & in eliminandis recrementis obstinatarum quarundam aegritudinum promota diaphoresi insensibili, aut sudore: ea quidem lege ut prudens sit usus, & diaeta apta, aliisque, pro re nata, & aegri ratione remediis adiutus. Neque vero animus mihi est, id periclitari, ut explicem directos seu immediatos effectus huius medicinae in solidas aut fluidas corporis partes, aut ut, in quibus praeterea morbis utile queat esse, determinem.

Non ea mihi est, collectores actorum medicorum nobilissimi, ambitio, ut hoc, quod vobiscum communicavi, medicamen inuenti noui titulo commendari merere putem, aut casus, quos retuli, suo merito in collectione vestra commemorandos. Non dubito, quin alii medici sulfur auratum antimonii, alterandi & diaphoresin mouendi scopo usurparint. Calomeli etiam frequenter in exiguis dosibus praebetur, eodem fere consilio. Quibus rebus alii forte ante me inducti fuere, ut eadem medicamina coniungerent. Quum autem eius me rei exempla reperire non meminerim, non incongruens schemati vestro existimaui, si effectus, ex huius medicinae usu a me observatos, ob oculos vobis ponerem. Quod enim ad me attinet, persuasus sum, rem esse non nullius pro medicis momenti, veros genuinosque remedii cuiusquam, quantumcunque simplicis & communis, effectus certis experimentis confirmatos habere; persuasus denique, huius generis observationes aequae utiles esse posse, quam quibus non nisi prodigia naturae referuntur.

ACTO-

ACTORVM EDINBVRGENSIVM

SPECIMEN II.

EXERCITATIO DE AVRIGINE.

Vbi theoreticae doctrinae vnice ad resoluendam quaestionem aliquam theoreticam applicantur, vtile equidem est falsos earum colores luci exponere; ast vbi eo adhibentur, vt naturas aegritudinum explanent, & vel directe, vel per consecutiones sat speciosas in ipsam therapeuticam medicinae partem influxu quodam suo introducantur, debent sane examinari penitus, vt aut momentosae veritatis obtineatur confirmatio, aut extra aleam res publica collocetur, quo minus per errorem aliquem periculosum seduci queat. Hoc pacto vt publicis commodis inseruiam, propositum mihi est, examinare causas morbi perquam vulgaris, auriginis, cuius quidem tractatio a plerisque medicorum systematum, auctoribus ea instituitur ratione, quae, me quidem iudice, prauos effectus inducere apta est.

Inter frequentiores icteri causas a quibusdam maximi nominis auctoribus recensetur obstructio vasorum hepatis extremorum capillarium, quam ab inflammatione, scirrho, pituita, reliquis, pendere posse dicunt. Ego vero e contrario fieri non posse reor, vt obstructio vlla in extremis ramulis vasorum hepatis sanguineorum hunc morbum producat, nisi in peculiaribus quibusdam casibus, vbi remotae instar causae agere queat: qua de re infra mentionem iniiciendi erit locus. Negationis huius probationem fundare velim in natura secretorum liquorum omnium, qui nunquam in composita humorum corporis nostri massa apparent, sed tum demum incipiunt diuersas suas proprietates euoluere, posteaquam a reliquis

succis per sua organa fecernentia separati fuerunt: atque tum quoque earum qualitatum, quae vulgo ipsis adscribi, & ex quibus dignosci solent, participes non esse videntur, donec ulterius praeparati & in largiores aliquos canales intrusi sint, ubi quantitas ipsa occasionem examinis bonis praebet. Quod si, ita secreti, atque praeparati, cum aliis postliminio humoribus, sine noua compositionis suae mutatione, remisceantur, tunc omnino euidenter suis sese effectibus patefaciunt. Quandoquidem igitur particulis, ad componendum quemquam nostri corporis liquorum destinatis, proprietates eiusmodi liquorum ipsae tribui nequeunt; perspicere equidem non possum, quomodo particulae ad bilis compositionem facientes perhiberi queant bilis effecta producere, dum adhuc separatae nunquam fuerunt. Plane cernimus, si qua secretio aliorum liquorum retinetur, qui colore, odore, sapore distinguendos se nobis praebere apti sunt, nusquam sese eos alias in naturali sua forma ostendere. Ita, exempli causa, in homine hydropico, cuius vrina vel compressione, vel obstructione vasorum renalium suppressa est, abdomine inde & tunica cellulosa magnopere extensis, non inuenimus aquas in his cavitatibus extra vasa stagnantes realibus vrinae notis sese discriminandas dare. Immo in cutis renumque euacuationibus, adeo sibi inuicem succedanes, vrinam per cutem exstillare aequè non obseruare licet, ac quicquam sudori simile per vesicam expelli. Ab his aliisque similibus exemplis colligere velim, obstructionem sanguineorum hepatis vasorum, si, quatenus talis est, vnice consideretur, neque biliosas particulas cum reliquis liquoribus, qui per totum vasorum systema circulari debent, remiscere, neque adeo icterum accire posse. Video autem ratiocinationes, quae a posteriori fieri dicuntur, multo maiorem reliquis ad conuincendos circa eiusmodi res animos vim habere: id eoque praeterea obseruo, si particulae ad componendam bilem aptae omnes bilis effectus arcessere possent, necessario consequi, quoties eiusmodi particulae in magna quantitate ex portarum vena ad caviam ablegarentur, icterum effici debere, eumque adeo semper appariturum esse, ubi insignis aliqua hepatis obstructio contigerit. Quotidiana nihilominus praxis & obseruationum copia ad nos

trans

transmissa docent, violentas hepatis inflammationes, graues abscessus, immo scirrhos totum id viscus occupantes, sine vlla auriginis apparitione euenisse. Exempla adeo obuia sunt, vt auctores excitare opus non habeam. Vide solum *Boneti* collectiones. Conclusio itaque necessario ex his factis consequens negat obstructiones esse causas icteri directas, seu, vt aiunt, immediatas. Obiici potest, me haectenus nimis abstracte considerasse obstructiones, tamquam obicem positum transitui liquorum per extrema vascula; quando necessarias huiusmodi obstructionis consequentias respicere debuifsem, quae, ex ipsis principiis meis, phoenomenis omnibus soluendis aptae esse videantur. Hae vero consequentiae sunt distensio obstructorum canalium, & compressio, quam adiacentibus partibus inferre debent, quas inter varias esse oporteat, quae bilem iam secretam contineant, vnde haec retro in vasa sanguifera remeare cogatur.

Vt opinionem meam de hoc argumento distincte exhibeam, necesse erit considerare diuersas hepatis partes, quibus eiusmodi obstructio impingi potest. Si in concauo contingit latere, in partibus prope ad magnos ductus bilarios sitis, sique eximie magna est intumescencia, concedam transitum bilis in intestina exinde retineri, atque ita ad remotas icteri causas eiusmodi obstructionem referri posse. At tamen euietum mihi nondum est, hunc effectum ab hepaticorum ductuum solorum compressione induci, nisi cystica etiam bilis impedita sit, quo minus in intestinum duodenum effluat. Fundamenta dubitationis meae, an bilis hepatica hunc morbum efficere queat, indicabo. Tam ex sapore hepatis in aliqua distantia a cystide fellis, quam ex experimentis cum collecta seorsim bile hepatica institutis, clarissime reperimus, liquorem eam esse blandissimum cum perquam exigua proportionem particularum proprie biliosarum. Praeterea organa secretionis in corpore pleraque videmus apta esse transmittendis particulis biliosis vna cum reliquis suis liquoribus. Ita salua ictericorum amaricat, vrinaeque & interdum sudores lintheis flauedinem croceam illinunt. Denique insignis est quantitas eius bilis, quae cum tenerioribus alimentorum particulis continuo ad

mas-

massam sanguinis refunditur, & probabile est quarundam harum compositionem vi digestionis immutatam non esse: nullo tamen modo mixtio eius in statu naturali apparet. Ex his observationibus colligi posse videtur, biliosam hepatis lympham gradatim ita cum sanguine misceri posse, ut seipsam non manifestet: praecipue quum tam cito per excretionum organa ex corpore emitti queat: quod quamvis etiam non contingeret, vix tamen credi potest, tam conspicuum colorem saporem acrem, violentos effectus, tam subito produci per bilem hepaticam, uti quotidie observare licet, quamprimum sese icterus ostendit. His argumentis addere licet defectum aptorum experimentorum observationumque, quibus probari possit, arquatam morbum extra cysticae bilis efficaciam productum esse.

Quando alicuius generis obstructiones tumori occasionem praebent, altius aliquanto intra hepar penetranti, prope ramos pori bilarii, fieri potest, ut transitus bilis per has vias ex parte sufflaminetur, ut per ramos venae cauae inde resumari possit. Sed consequentiae huiusmodi bilis tanto minoris erunt efficaciae in producendo morbo regio, quam in superiori positione, quanto minor est quantitas bilis a transitu ad communem ductum impeditae. Utque eo magis confirmetur, non esse hanc causam isti aegritudini progenerandae adaequatam, notandum est, numerosa existare exempla tumorum omnis generis in hepate repertorum, per anatomen corporum, quibus nullum icteri signum fuerat. Respectu utriusque, quam posui, hypotheseos, observari praeterea debet, insignem efformandum esse tumorem, priusquam canalis bilarii parietes, tunica sua ligamentosa inclusi, sufficienter comprimi possit, ut, quos concessi, effectus habeant. Atque, quando sat magnus est tumor, angustare prius debet ipsos portarum venae ramos largiores bilariis ductibus contiguos, adeoque priusquam hi bilis secretae insignem diminutionem admittant. Si diminutio huius liquoris aequa proportionem respondet coarctationi vasorum, transitura est bilis; si non omnem ductus transmittere possint, non nisi parca erit, quae intercipiatur, quantitas, effectus exiguus.

Vltima hypothesis, quam remouendam ponere debeo, est obstructio remotiorum a magnis ductibus bilariis vasorum; vbi, quum tubuli parui sint, minor etiam obstructorum canalium distensio maiori in illos efficacia pollebit. Ex iis, quae iam dicta sunt, videbitur necessarium certe esse, vt obstructio eiusmodi sit vniuersalis per hepatis parenchyma supponatur, quo id inde effici possit, quod communis opinio arguit. Sed tunc quoque obuium est, ea vasa, quae obstructa ponuntur, ipsos esse canales, qui liquorem secernendum suppeditare debent, vnde ipsa secretio praepedietur: id quod itidem perficietur compressione, a tumescentibus vasis inducta tubulis exiguis, e quibus bilarii canales suboriuntur, id est, ipsis secretionis organis. Si qua igitur est in mea, pro qua disputo, sententia veritas, particulas nondum secretas, quae quidem elementa componendae bili propria esse queant, icterum efficere non posse, licet mixtae sanguinis nostri massae maneant, sequitur, neque ex tertia illa hypothesi auriginem suborituram esse.

Consideratio haec obstructionum, in diuersis hepatis partibus, rationem, vt opinior aliquam largitur existimandi eiusmodi causam ictero gignendo ineptam; quoscunque etiam alios in perturbanda oeconomia animali prauos effectus habere queat.

Quicquid fati doctrinam obstructionum hepatis manet, id etiam therapiam icteri alterare debet: atque si tantum abest vt hic morbus obstructiones pro frequenti sui causa agnoscat, vt hae potius ipsum inducere non possint; tunc medicamenta, quae deobstruentia audiunt, earumque classes diuersae, peculiari materiae obstruentis indoli adaptatae, ad remouendum potius aut mitigandum aliquod symptomata, palliandosque quosdam auriginis effectus, inuenta, quam ad sanandum radicitus morbum destinata videbuntur.

Ex his, quae haecenus innui, facile colligent lectores, vnicam, cui ego quidem vim icterum producendi asserere velim, causam esse obstructionem seu retentionem bilis in ductu communi cholidocho,

aut in cystico, aut in hepatico forsan communi paucorum hominum, quibus hepatica bilis multo fit, quam vulgo reperitur, validior.

Eiusmodi obstructio a causis multifariis dependere potest, verbi causa a tumoribus magnis, aut abscessibus, in intima hepatis, vel alia quacunque parte magnis ductibus vicina; ab inflammationibus violentis aliisque tumoribus in ipsis horum ductuum tunicis; ab ipsorum parietum concretione; a violentis spasmis in intestino duodeno, qui venenis aut affectibus hystericeis induci queunt; a magnis inflammationibus distensionibusque eius intestini & praecipue a calculis vel concretis a cystide deciduis.

Sufficienter ostendunt anatomici practici, quam frequenter ibi concreta aliqua reperiantur. Vix est ex his, qui observata sua ex anatome corporum humanorum litteris consignarunt, qui historias huius generis omiserit. Attendi solum velim, quanta earum varietas in *Morgagni aduersariis anatomicis*, & in *actis physico medicis* sit descripta, item in *Boneti sepulcreto*, ubi numerosa exempla collecta sunt huiusce morbi, icteri, procedentis ab hac causa, calculis. Maximorum etiam medicinae practicorum bene multi calculos annotarunt, sublato ictero plurimum deiectos. Quam ob rem mirum est, tam parce hodie ad haec concreta respici in aetiologia curationeque huius aegrotationis; ut potius non nisi per transfennam mentio eorum fiat, tamquam causa, quae dari possit, sine regulis ullis, ad tentandam expulsionem pro sanatione perficienda. Vnice id inde esse puto, quod calculi, seu concreta, fere non observata elabantur, ob ingratum inquirendi laborem.

Consideremus praeterea, quam exacte labfus calculi ex vesica fellea in ductum phaenomena explanet omnia, in ictero ut plurimum contingentia, quod ab aliis causis non ita fieri videtur: atque tunc merito respicienda nobis erunt concreta illa, tamquam multo frequentior, quam vulgo reputatur, huius morbi causa.

Si exiguus in ductum labitur calculus insignis bilis copia transire adhuc potest: &, licet vrina aegri obscuriori colore tingatur, cutis

tis sine tinctura manet; cystis gradatim bile repletur, vnde sensus ponderis in dextro hypochondrio; secretio in hepate imminuitur per maiorem, quae, bilis euacuationi opponitur, resistantiam; quantitasque sanguinis in venam cauam refusi maior est, ex quo plenitudo vasorum corporis, hinc sensus repletionis lassitudinisque, cum propensione in somnum. Vbi sat magna bilis quantitas redundat ad sanguinem, icterus apparet. Pro situs calculi mutatione, remissiones morbi, aut incrementa sunt. Vbi concretum adeo magnum est, vt parietes ductus premat, dolores circa inferiorem ventriculi partem inducit. Si insignius irritat, dolores acutiores & lancinantes magis euadunt, &, stomacho per consensum affecto, vomit aeger, vti in calculo renum. Perdurante irritatione, pars illa, vbi haeret calculus, inflammatur, simulque statim afficiuntur uicinae partes. Inflammatio & dolor febrim producere valent. Si calculus penitus ductum obstruit, excrementa flauedine tingi nequeunt, neque officium suum intestina peragent, ob bilis defectum, quae, in sanguinis massam resumpta, vrinam, cutim, oculos, reliqua tinget. Si confestim calculus in ductum illabitur, & omnino illum obstruit, subitaneus enascitur icterus. Si velociter protruditur in intestinum, aequè subito remouetur morbus, liberato bilis transitu. Si plures sibi inuicem calculi succedunt, remissiones ostendit aegritudo. Quoties eximium inter eorum prolapsus interuallum fuerit, toties periodicas reuersiones habebit. Diarrhoea saepe hunc morbum sanat, aut consequentia potius sanationis est. Quamprimum enim calculus intestino illabitur, bilis retenta consequitur magno flumine & diarrhoeam excitat, quo tempore lapillum vnum vel plures inter excrementa alui reperire licebit.

Ita non solum ex concretis seu calculis iusta ratio phoenomenorum icteri dari potest; sed ex iis etiam solis effectus variarum caussarum manifestarum intelligitur. Morbus hinc, exempli gratia, oboriri notatus est, ex violenta ira, equitatione, emetico, paroxysmis febris, & variis aliis conuulsionibus, aut agitationibus corporis: quod non alio rationabilius modo contingere imaginari possumus, quam calculo, fluctuante prius in cystide fellea, his vero corporis

concussionibus eiecto. Inde mihi in promptu est existimare, decipi frequenter posse medicos, vbi spasmos, inflammationes, colicas, ingesta acria, & similia, in ictero procreando accusant, per solam bilarii ductus constrictionem, sine concreti vllius ope. Etenim, in his casibus, aut non adeo permanentes possunt esse caussae, (verbi gratia, spasmi non tam diu, ac de ipsa aegritudine constat, duraturi esse videntur) aut illae caussae non tam cito morbum inducent, quam ipsae apparent, quod de inflammatione valet. Atque si hic affectus a variis memoratarum caussarum dependeat, non tam cito, ac frequenter fit, euaniturus fuerit. Facilius igitur concipitur quonam pacto violentae eiusmodi occasiones propellant concretum aliquod, causam morbi directam seu immediatam.

Itaque si repertum est, calculos frequentissime originem huic aegritudini praebere, sine accessione vllius ex reliquis iis caussis, quas aurigini producendae sufficere supra concessi; sique hae ceterae caussae adeo, vti monui aptae sunt propellendis concretis seu calculis fluctuantibus, tam saepe in cystide obuiis; sequitur, medici ad aegrum ictericum acciti primum quidem officium esse vt consideret, an aliqua alia causa manifesta se ostendat, sine vlla calculi indicatione, vtque, pro peculiari morbidae huius caussae indole, remedia praecipiat; verum, vbi vel symptomata calculi in bilariis viis haerentis cum reliquis complicantur, vel evidens ratio nulla est, quae raro fore videtur, cur non suspicari liceat, calculos in partem occasionum huius morbi venire, ibi singulariter, in curationis indicationibus, ad huiusmodi concreta respiciendum esse.

Obiectum esse scio notioni huic, de tam frequenter ex biliosis concretis oriundo ictero, non repertos esse lapides in ductibus illis, quamuis in corporibus ictericorum dissectis quaesitos; in aliis vero fixos in ductibus calculos haesisse, sine praegresso ictero. Ad priorem obiectionem responderi potest, concessum iam a nobis, posse alias caussas originem huic morbo praebere. Et plures casus supponi queunt, vbi, licet calculi produxerint icterum, postulari tamen nequeat, eos in corpore reperiri debere. Vt specimen inter multa
vnum

vnum adducam: si aeger exhaustus diarrhœa intereat, quae, illabentibus in intestina concretis, tam frequenter contingit, vanum fuerit ista intra corpus reperiunda exspectare. Altera obiectione aequè parum probatur, quod probandum contra me foret, nisi singulares circumstantiae variae accurate simul obseruentur. Verbi gratia: satisne diu calculus in ipso ductu iam haeserit, ad producendum morbum, an vero solum mortis agone eo fuerit propulsus; magnusne satis sit, eumque situm habeat, ut cursum bilis impedire possit, an adhuc transitum huic liquori concedat; sanumne sit hepar, & aptum bonae bili secernendae, an potius aegre aliter habeat, & vel paruum aut nullam perfecerit secretionem vel liquorem a bile diuersum? Quod si enim circumstantiae posteriori ex his, quos alternatim proposui, modis se habeant, obseruatio ista vim obiectionis non habebit.

Vt autem ad curationis methodum redeam, iam proposui rationes, quibus permotus existimo, medicos in longe plurimis iëtericorum aegrorum casibus ita agere debere, ut ad calculos expulsionem molientes attendant. Atque hoc eo adhuc magis necessarium videbitur, si causas praeter hanc ceteras reputemus, quarum variae aut curationem non admittunt, aut vix patiuntur ut multa de successu curationis in iis tractandis spondeamus. Tales sunt largi prope ductum biliarium magnum tumores, venena aliaeque. Ab his igitur si abstrahamus, idque attendamus insuper, ceterarum causarum plerasque non sufficientibus sese signis distinguere, ut a concretis dignosci queant, haud inepte affirmari posse videtur, de aurigine magis, quam de alia quaquam aegritudine dici posse, curari eam debere cum vna indicatione generali, expellendorum calculorum; spasmos vero, inflammationes, tumores, cetera, considerata esse tamquam symptomata concomitantia, quae in curando aegroto omnino respici debent, dum praecipuam indicationem prosequimur. Medicamentorum vero adhibendorum forma atque intentio perquam prope ad eam accedat oportet, quae ad calculos renum vreteribus impactos ex usu est, quippe cum hac, quam modo tractavi, materie, per analogiam eximie validam, conspirantes.



DISSERTATIO EPISTOLARIS.

VIRO ILLVSTRI

IOANNI SAMVELI NOB. DOM. DE BERGER

S. P. D.

PAVLVS GOTTLIB WERLHOPIVS.

Quum nuper tam felici mihi esse cōtingeret, vt Cellis apud Te per horulas aliquot versari, tuaeque & humanitatis, & doctrinae, & experientiae, & bibliothecae splendidae thesauros admirari atque in meos vsus vertere liceret; communicasti, inter alia cimelia, mecum volumina priora duo rarioris adhuc in Germania operis, cuius tertium iam prodiisse cum gaudio comperi, *actorum societatis Edinburgensis medicorum. (medical essays and observations revised and published by a society of Edinburgh. 1733. 1734.)* Maximas eo nomine gratias ago, quod eius libri penitiorem notitiam acquirere per Te concessum fuerit. Institutum sane societatis nobile est, & in magna artis salutaris compendia atque incrementa eo magis paratum, quo insignior in eo elucet collectorum eruditio, diligentia, sinceritasque, & iudicandi facultas, & quo propius concinniusque omnia ad medicinae cultorum vtilitatem referuntur. Observationes barometricae, thermometricae, hygrometricae Edinburgenses, cum ipsis tempestatum successionibus, similibusque observationibus ex aliis locis comparatae, exacte recensentur: morbi epidemii sporadesque enarrantur: observationes atque exercitationes circa historiam partis ex arte nostra cuiuscunque, circa medicamenta simplicia & composita, operationes & experimenta chemica, anatomen, oeconomiam animalem, theoriamque & praxin tum medicam, tum chirurgicam, vbertim exhibentur, additis figuris aeri curate incisis: denique non solum detectio-

detectionum nouarum in quacunque medicinae parte vbicunque factarum, sed librorum etiam medicorum recens vbiuis terrarum editorum vel promissorum, aliorumque rei publicae medicae memorabilium catalogus, quam fieri potuit exquisitissime, sistitur. Neque fere quicquam ex remotiorum nationum regionibus effugere posthac diligentissimorum collectorum studia posse videtur, quum Germanorum nostrorum observationes librosque iam adeo curiose enarrauerint, vt vix in ipsa Germania aequae nota forent, nisi inclitum Norimbergense commercium priores eruditionis medicae defectus eam in rem suppleret: cuius tamen commercii suppetiis etiam feliciter fruitur Edinburgensium societas, & supplet quaedam, quae illi inserta non sunt.

Edidit, verbi causa, an. 1732. Erfurti cl. D. *Io. Wilhelmus Albrechtus*, professor iam & decus nouae academiae regiae Goettingensis, *observationes anatomicas circa duo cadauera masculina*. Distracta sunt breui exemplaria opusculi, adeo vt neque mihi legendi copia fieri potuerit, qui iam cl. auctori tam prope loco & amicitia iunctus sum. In studiosissimas tamen collectorum Edinburgensium manus venit, ex quorum T. 1. 337. sq. inter inuenta noua disco, amicum illum nostrum (α) reperisse vesicam hominis robusti in sex tunicas diuisibilem, e quarum numero musculosam eximendam putat, quippe meris fasciculis fibrarum irregularibus constantem (β); partem iniectionis cereae cinnabari tinctae, quae viam sibi parauerat inter cellulares membranas, quibus tunicae venae alicuius tegebantur, puluerem tingentem post se reliquisse (γ); iniecta cera in venam pulmonariam sinistram, repletam etiam esse venam aliquam adscendentem in extima pleurae parte, ad quatuor vel quinque pollices a vertebris, ramulosque vicinis partibus impertientem. Quae res, vltiori indagine dignissima, si perpetuo, vel frequenter ita se haberet, vt pulmonaria & thoracica vascula inter sese confluerent, magna sane multis physiologicis pathologicisque obscuritatibus lux affundi posse videtur.

Inter exercitationes vberiores, quae maximam horum actuum Edinburgensium partem absoluunt, oculos meos tum plures curiosissimae aliae, tum inter alias ad se conuerterunt duae, altera, quae vol. I. p. 46. sqq. exstat, de *medicina aliqua alterante ex mercurio*; altera de *aurigine*, quam p. 305. sqq. exhibent. Prioris auctor est cl. *D. Alex. Plummerus*, collegii medici socius & professor academiae Edinburgensis meritissimus; alterius scriptor nomen adhuc reticuit suum. Constitui latine utramque reddere, volante calamo, ut explorarem, an hoc specimine Germanorum nostrorum pluribus, quibus vel linguae, vel libri copia non est, idem ad huius integri cognitionem lectionemque desiderium existimulare possim, quo ego in tertium volumen propediem adipiscendum feror.

Medicamentum illud alterans ex mercurio, quod prior disputatio candide detegit, feliciter in tuam, vir illustris, praxin assumptum, & ad aluum saluamque ciendam minus aliis mercurialibus ferri, & sine molestia penetrantissimum efficacissimumque esse, merito laudasti mihi: & ego iam ex eo tempore plusculis aegris meis cum optato illo successu praebui, praebuitque suis vir summus, amicus noster excellentissimus, *Aug. Joannes Hugo*, postquam illud sub titulo *pulveris alterantis Edinburgensium* in pharmacopoeas nostras introduximus, dedimus bis in die, cum magna efficacia, non nisi granum unum & semis, duo, tria, continuato per plures hebdomades usu, additis, pro re nata, aliis. Maiorem enim sulfuris antimonii dosin facile vomitum, calomelitis continuati saluam ciere, inter nostrates dudum experti sumus. Constat, uti ex ipsa exercitatione patet, aequalibus partibus *mercurii dulcis sexies sublimati & sulfuris aurati antimonii*. Nos *Glauberianum* assumimus, in pharmacopoeis nostris *purgantis catholici* titulo dudum nobis usitatum, v. *obseru. de febr.* Sect. III. §. II. not. h. neque minus laudabile existimauerimus tenerum illud sulfur tertiae praecipitationis, in cl. *D. Roempleri* disert. de *catarrho suffocatiuo* descriptum & tantopere commendatum, de quo etiam vid. celeb. *Iunckeri conspect. chem.* p. 1023. 1025. Quod cl. *Plummerus* praeferendum existimat sulfur antimonii *Salae* vereor

reor ne nimis simile sulfuri communi sit, & regulinis particulis, quae teneriores, & sulfureis discerptae & immixtae, praecipuam sulfuris antimonii vim constituunt, magis destitutum. Ipsae enim sulfureae a communi sulfure non differunt. Id vnum adhuc noto, ab ill. *Hugone* mihi relatum, aliquoties ipsum iam antehac aegros cinerea chronica, achoribusque, & scrophulis affectos feliciter curasse, continuatis per aliquod tempus pulueribus, commixtis ex succino, exiguisque dosibus mercurii dulcis, & purgantis catholici: quae res candidissimi observatoris Edinburgensis coniecturam confirmat, qua ab aliis forsitan ingeniis similia conamina, similes miscelas duorum illorum potentium medicaminum, sponte etiam excogitari potuisse, ut cum ipsius inuento conspirauerint, existimauit. Pari ratione martialium cum sulfure antimonii mixtorum magnam in chronicis morbis variis efficientiam, ac insigne virtutis augmentum, & nos saepe obseruauimus, & obseruando praeiuerunt ill. *Hoffmannus* in *notis ad Poterium*, & b. *Lentilius* in *iatronemematis*.

Dissertatio de *aurigine* in eo maxime est, ut probet, eum morbum non proxime & proprie hepatis obstructioni bilisque secretioni impeditae, sed bili, maxime cysticae, iam secretae & regredienti, eiusque itineri obstructo, idque plerumque ob concreta calculosa in fellis cystide, deberi. Summam sane attentionem merentur curiosae illae observationes apud *Bonetum* & alios de ictero ex vesicae felleae calculis collectae, item cl. *D. Bezoldi* dissert. de *cholelitho*, & amici nostri doctissimi experientissimique cl. *D. Io. Guntheri Albrechti*, poliatri Hildesienensis, *scrutinium icteri ex calculis vesicae felleae* 1696. editum. Et recte quidem cl. *Bianchi* *histor. hepat.* p. 322. disquisitionem de ictero ita claudit: "Iamque cum notabili animaduersione tractatum absoluiamus: icteros pertinaciores, vel sanatos & saepius facileque reciduiantes, exinde incurabiles redditos, a calculo cystidis felleae fere produci, cadauerum sectiones quam plurimae nos & Baglium docuere."

Neque assensum nostrum exprimit ingeniosissimus *Pechlinus* obseru. 58. L. 1. quam inscripsit: *icterus sine obstructione folliculi*

fellei, & eiusdem obstructio sine ictero, vbi icterum a vesica fellea obstructa rarissimum esse, & fallere nos observationum indices contendit; quando eum ab obstructione vesiculae felleae, nunc etiam a calculo, repetunt; & vero esse similius, in ipsa massa sanguinis latere fermentum, archeumue operantem, qui secretionem, solidi texturae debitam, in fluido peragat, & το χολωδες centrale occultumque in superficiem euocet. Non in manus nostras peruenit laudata in eleganti disputatione celeb. *Vateri de ictero ex contusione dextri hypochondrii mox orto, & per diarrhoeam criticam breui soluto*, dissertatio cl. D. D. a Bergen, professoris medic. primar. Francofurt. de *bile icteri caussa ficta*: neque adeo quae doctissimo viro, cuius scripta politissima multo cum fructu peruoluere soleo, eam in rem sit sententia, aut dubitatio, adhuc edoceri potui. Meae vero tenuitatis iudicio bilis verae in sanguine, cute, oculis, vrina, saliuā, praesentiam, in digestionis oeconomia absentiam, vel defectum, omnia signa ostendere videntur: quamuis regressa ad sanguinis massam, & alieno loco, alienis particulis, post factam secretionem, implicita, aliena quaedam phaenomena exhibeat, neque, si ita lubet, eodem iure, quo suo in loco, bilis vocari mereatur, amaritudinem praecipue, praeterquam in saliuā, vix ostendere solita, infraeto & temperato sale bilis amaro in aliis liquoribus.

Vocabimus tamen ita, quia scholae notio, & praecipua seu specifica differentia, & rei origo conspirat. Si quid enim iudico, oriri vix ac ne vix quidem potest peculiaris iste & specificam sui generis tincturam imprimens color, symptomatumque confluxus, nisi exurgitante, vt aiunt, seu redundante ad sanguinem, & inde ad arteriolas etiam lymphaticas, & corporis habitum refusa bile vera, quae iam praeparata erat, & ab hepatico sanguine secessum fecerat, siue hepaticam, siue cysticam, siue vtramlibet existimes. Nullo experimento probari, nulla ratione sufficienti euinci, nullo simili oeconomiae animalis exemplo illustrari posse videtur, saponem illum naturalem, exquisitē & singulari flauedine tinctum & tingentem, in globulos sanguine specificē grauiore collectum, tanto oeconomiae

cor-

corporis artificio in hepate, post paraeparationes varias, componi, separari, secerni solitum, magnisque in vicina vlsibus, pericteri symptomata vitiatis, destinatum, extra eius artificii consortium, solo intestino sanguinis motu, vti *Pechlinus* vult, vel nescio cuius archei afflatu, ex ipso sanguine sese euoluere, talibusque phaenomenis in apricum prodire posse, vti in aurigine sensibus obuium est. Talia si sanguis, vel intestinum eius fermentum, vel archeus, praestare ex se posset, si talem ac tantam *συγκρισεως διακρισεως* potestatem talia haberent, tanto organorum & oeconomiae mechanicae apparatu opus non fuisse videtur, quantum secretiones omnes, & biliosa praecipue, requirunt.

Vasis vero resorbentibus venosis ad cauam venam tendentibus, quibus alibi continuo humores varii in statu sano & morbofo, medicamentorum particulae, balneorum humiditates, mercuriales globuli, introrsum suscipiuntur, quaeque, pro communi oeconomiae corporis ratione, in confiniis secretae bilis tam hepaticae, quam cysticae, itidem dubio procul hiatus offerunt, reduci vtramque ad sanguinis massam posse, nihil vetat. Ad certum tamen raritatis gradum, eorumque hiatus proportionem, attenuati praeter naturam sint oportet, & in serum biliosum conuersi spissiores bilis globuli, vel intestino motu, & craseos cohaesionisque perturbatione, vel spasmodum siue idiopathicos siue sympathicos impetu, vel vtriusque. Protrusi etiam sint oportet in ista orificia motibus retrogradis, vt eo adigantur, quo alias non nisi tenue & leue serum, non proprie biliosum, naturaliter inhalat, vtque deinde, vbi ad maiora vasa venerint, vniti iterum, sicut discerpti globuli liquidi homogenei solent, bilis verae imaginem auriginosam repraesentare, atque ita per corpus diffundi queant. Concipi hinc potest, quomodo multiugae caussae, propinquae & remotae, morbum hunc vel directe, vel indirecte producere, & modo diutius, modo breuius seruare possint, & qui fieri queat, vt ipse cystidis calculus, vel suo corpore, vel spasmis excitatis, ductum cholidochum occludens, & elabendo denuo aperiens, non semper id efficiat, quod saepissime solet. Scilicet requiritur in ipsa bile, partibusque solidis eam mo-

uentibus recipientibusque, certus habitus, certa agendi patiendique vis, ut regressus ad sanguinem promoueat. Motus illi anomali bilem iam secretam cohibentes a iusto itinere, & retropellentes, vel, pro caussarum ratione, aequae ac aliae humorum ad aliena loca propulsiones, diu satis durare interdum continenter possunt, vel cum remissione aut intermissione repetere. Siquae etiam intermittant, plerumque fit, ut altius iam massae circulanti immixta, vasculisque remotioribus impacta sit morbosa materies, quam ut ipsa aurigo, id est, cutis, oculi, lotium auriginosum, tam cito, cum cessante illa motuum & strictionis peruersitate, denuo cessare queat.

Neque igitur forsan adeo generalis pellendi calculi indicatio, ubi-
cunque icterus apparet, adesse videbitur, ut non etiam aliis dicata indicationibus remedia, per experientiae fidem potius, quam obstructionis hepatis pro proxima causa habitae theoriæ reperta, amara, salina, euacuantia, subadstringentia, tonica, martialia, acidulae, praecipue Pyrmontanæ, multis saepe nominibus commendanda esse videantur. Atque haud scio, an, qui primum ictero laborat, neque alia calculosae dispositionis indicia habet, in eius vitii suspicionem merito statim venire queat: licet altero oculo ad id respicere nunquam nocuerit.

Vel solus ille infantum plerorumque recens natorum icterus, medicatione vix ac ne vix quidem indigens, a sola noua, post hauritum aerem, solutumque umbilicum, & interceptam cum materno corpore connexionem, sanguinis circulatione circa hepar, atque inde oriunda irritatione & strictione, bilisque tenerius cohaerentis impetu nouo, & facillimo regressu, ostendit, quam multi esse queant, quam multi sint icterici, sine calculi suspicionem iusta. Sub statu epidemio febrium intermittentium, continuarum, continentium, purpuræ etiam & rubrae & miliaris, cui declinanti & imperfecta crisi solutæ auriginem succedere saepiuscule obseruauimus, & alias etiam, tot saepe visuntur icterici, facile curandi, sine calculi expulsionem, neque, sublati semel anomaliis crasseos & motus humorum fibrarum-
que,

que, iterum relabentes, vt, licet frequentissime ieteri, praesertim recidiui, pertinacis, exitiosi, caussa continens vel coniuncta sit calculorum, vel concretorum tartareorum, in cystide progenies atque exinde propulsio, alias tamen caussas haud immerito, sine calculis, saepe saepius concedere debeamus. Quod si igitur per sua se signa aurigo manifestet, quae egregie recensentur in *Nenteri fundamentis medicinae*, ill. *Bianchi* historia hepatis, *conspectu medicinae celeb. Funckeri*, itemque, ne plures auctores memorem, in peculiari dissertatione elegantissima excell. *Schultzii* de ietero, tunc omnino, vti prudenter doctissimus auctor Edinburgensis innuit, & ad alias caussas omnes, & ad calculi forte prolabentis suspicionem respiciendum est. Elegans videtur, & his respectibus apta medendi methodus, quam, sat sibi ea in re conspirantes, quos modo laudaui, auctores exhibent. Arrident etiam praecipue celeb. *Schultzii* de speciebus caussisque ieteri variis, & de ipsis calculis vesicae felleae, §. 16. & 25. notata. Perplacet eius methodus, cautionesque practicae, quibus, vbi de toni roborandi indicatione agit, haec addit: "Laudant alii
"martialia; sed excell. *Alex. Camerarius* plurimum celebrat corticem
"Peruuianum, quem imitaturus legat dissertationem de vsu corticis
"a febre ad ieterum extenso. Et quamquam ipsemet experiendi hanc
"methodum occasionem nondum habui, ab expertis tamen fide dignissimis viris cognoui, quod omnino bene se gerat haec medicatio.

Enimvero ad coercendam fecernendae bilis crasin, vt secreta neque concrecendo in calculos dictos apta sit, neque turgescat nimis atque attenuetur; ab roborandum tum fecernentis visceris, tum ductuum ipsorum, spasmis & expansione debilitatorum, tonum; ad subigendam, quae circulantibus humoribus vasculisque alienis intrusa est, bilem; ad reddendum vasis non bilariis, alieno pondere liquorisque peregrini impetu deiectis, robur; & ad digestionem excretionemque in ordinem redigendas; atque ita ad multiplices in ietero calculoso vel non calculoso indicationes aptum omnino censeretur debet tantopere commendatum a celeb. *Camerario* remedium: cuius laudata dissertatio vel sola contemtoribus corticis os obturare deberet, vt, loco ge-

neralium edictorum, limitationes iustissimas admitterent, & omittis conuiciis & infructuosis disceptatiunculis dialecticis, in vnanimem artis merito locupletandae & ab abusibus separandae, seruatis vsibus, culturam per experimenta & analogiam rationalem conspirarent.

Neque ipsa calculi decidui, tamquam frequentissimae icteri causae, idea huic medicamini, rite vsurpato, obesse videbitur his, qui propulsionem per fibras tono deiectas tonicis remediis promoueri considerauerint, & viri iudiciosissimi ill. *Heucheri* affinis tui egregiam dissertationem de *calculo* per adstringentia pellendo legerint atque ponderarint: praesertim cum quid polleat haec tonica bilis vitiorum antidotus, in bilariis ductibus aperiendis, iustaque eius humoris crasi, iusto fluore promouendo, aliunde constet, vt genesin calculorum felleorum saepe subitaneam, mature data praepedire, & coniunctas, analogas, succedaneas aegritudines biliosas tollere, & multis bilis periculis & molestiis, ictericis vel non ictericis, auerendis apta esse haud immerito videatur.

Memoranda omnino in rem praesentem sunt, quae in libro pereleganti, quem mecum communicare haud grauatus es, ill. *Caroli Richae constitutionibus epidemiis Taurinensibus*, de febribus biliosis ex tertiano genere epidemiis a. 1722. recensentur, vbi in variorum emortuorum cadaueribus calculi vesicae felleae reperti sunt, & vbi nullum remedium, praeter corticem peruianum, mature & iuste adhibitum, pericula multiplicia, acuta & chronica, auertere potuit. Verba huc spectantia exscribam, quia liber in nostris oris rarus est. p. 62. sqq. "Totum, quod metuendum erat, maxime ab crassitie
"ac inertia succorum & bilis potissimum, vt hanc vnā pro cunctis
"afferam, vitellinae, vt aiunt, prassinae aeruginosae, pendebat, cuius
"haud obscura indicia petere erat ab ipsis excretis iam tum quidem
"cum coercita haec adhuc ab ambientis aeris frigore, nec irasci po-
"tens, & suoapte ingenio excandescere, febres tantummodo intermit-
"tentes attulerat. Quantum vero eiusmodi humorum excretio siue
"sincera siue variegata sit, medicis faceffat negotii, norunt practici.
"Quo-

“Quotiescunque enim apparuerit, illa, dat semper ansam suspicandi
 “aliquam prauitatem subesse, quae morbum reddit non contemptibilem
 “etsi alioqui mitem, quod Hippocrates docuit. Mites utique ade-
 “rant, quamdiu intra intermittentium limites constitere, etsi minime
 “contemptibiles, memoratae febres, facili tum Marte superandae.
 “Vbi vero, faeuientibus inopinato austris, in subcontinuas eadem
 “degenerabant, aut ab ipso statim sui exortu toto penitus caelo ab
 “intermittentibus distare videbantur; quibus hic quaeso artibus eni-
 “tendum, quibus occurrendum praesidiis, vi quorum aegri, ab immi-
 “nenti exitio, tuto possent euadere? Nullus hic induciis locus; nulla
 “hic Fabio spes, qua cunctando possit restituere rem. Talis siqui-
 “dem est eiusmodi succorum natura & conditio, ut nullam ferant ad-
 “uertente *Mercato*, in exhibendis auxiliis moram, quum certum sit,
 “nullum posse beneficium, gratiam, aut auxilium, a natura recipere.,
 Indicatis hinc purgationis, in tali statu, periculis, maiori vero & tuti-
 ori venae sectionis utilitate: “Saepe, ait, p. 65. sq. parandus hac
 “methodo erat aditus auxiliis ceteris, ac eorum principi, cortici peru-
 “uiano.— Ne vero quis me putet vana loqui; lubet methodum, qua
 “cum ego, tum alii plures praestantissimi huius ciuitatis medici in hu-
 “iusmodi naturae febribus curandis vsi sumus, fusius exponere,
 “eamque nonnullis curationum historiis ac practicis animaduersioni-
 “bus illustrare. Utque ab iis ordiar, quae, ingruente hyeme, per-
 “niciosum characterem induerant, utpote quae nedum securitatem
 “praesidii, sed celeritatem exposcere videbantur magis, quam cete-
 “rae, quae superiore autumno praeluserant; consultum iis erat corti-
 “cem ab initio protinus exhibere; febrile hoc modo fermentum, ut
 “cum vulgo loquar, quodcunque illud sit, vel exiguum prorsus ac
 “inconspicuum, vix editum illud, edomando statim, ac subigendo
 “penitus ne eletum magis euectumque nimis, ac furens, ingentes
 “deinde tumultus induceret, quibus compescendis nulla postmodum
 “artis praesidia sufficerent. Quodcunque, aio, fermentum sit, cum
 “quoue in angulo latens occultumque. Non enim hic tot inanes
 “coniecturas repetere subit, quas hac in re innumeras exco-
 “gitatas scio, ac quotidie adhuc excogitari ab iis, qui artem suopte
 “inge-

“ingenio a vulgi studiis abhorrentem; incertis & plerumque falsis o-
 “pinionibus foedarunt: an stagnans aliquid, quod egeat moueri;
 “num fixum quidpiam quod expetat exaltari, an quicquam exaltatum
 “quod exigat deprimi; num quid intempestiue influens, quod de-
 “beat inhiberi; an denique obstructum quid, quod indicet referari?
 “an intra sanguinem rursus constituendum illud sit, vel citra sangui-
 “nem, vel ultra? Nos haec linquimus agitanda iis, qui lites amant,
 “nubemque hinc saepe pro Iunone amplectuntur.,”

Exponit deinde defenditque suam sententiam de mesenterio,
 praecipua eiusmodi febrium sede, & “elucet hinc, inquit, sole meri-
 “diano praeclarior eiusmodi febrium, tum praecipue illarum, quod
 “idem etiam iis absentibus subludebat, symptomatis, dirorum nem-
 “pe abdominis cruciatuum fomes primarius & prope dixerim nata-
 “lis locus. “Harum olim meminerat *Ballonius*. — — Conspi-
 “cuum id magis fiet, si, quem illi vsum & munus tribuit praecla-
 “rissimus *Morgagnius*, mente recolimus: videlicet, vt sanguini, per
 “mesentericas venas ab intestinis ad hepar adscendenti, multas in
 “transitu ex iis, quibus copiose ornatur adiposis cellulis, particulas
 “oleosas pro separatione bilis admisceat. Confirmant assertum ca-
 “daverum lustrationes, in quibus plerumque bile atro flaua turgida
 “vesicula fellis occurrerat, defectu nempe illius olei, quod in statu
 “naturali, vna cum sanguine, per mesentericas, quae sese in portam
 “exonerant, venas, hepati suppeditatur. Nonnullis totam *lapillis*
 “refertam inuenimus, intus forisque ita nigricantibus, potius vt car-
 “bones, quam calculi esse viderentur. Hosce quidam ex iis qui prae-
 “sentes aderant, aderant autem quamplures rerum medicarum ac
 “anatomicarum studiosi, observationis confirmanda percupidi, num
 “hi scilicet igni admoti flammam conciperent adque extremum vs-
 “que alerent, lucernae admouerant, sed leues quidem crepitus edi-
 “dere, flammam autem non seruauere, quod peculiari vitio eius, in qua
 “concreuerant, bilis accidisse arbitror. Nos equidem id ipsum olim
 “aliquoties experti sumus, ac paene totos comburi animaduerti-
 “mus. Hos inter rerum fluctus praestantius subsidii genus, ac sa-
 “era,

“cra, pene dixerim, anchora cortex erat, siue intermittentis toto
 “sui decursu typum febris retulerit; siue in acutam migrauerit illa;
 “siue eadem subcontinua ab ortu exstiterit, saepeque hinc, obscura
 “inter simulati veluti circuitus vestigia, medentes eluserit; siue de-
 “nique, nulla praesenti febre, alui tormina tantummodo desaeuie-
 “rint. Nulla hic aduocanda sui generis materia, quae catharticum
 “suaderet, aut exspectanda medicorum scriptis adeo celebrata hu-
 “morum coctio; ne forte, dum hisce totus incumberet medicus,
 “vota ferens naturae, euacuato purgantibus, quod adhuc reliquum
 “erat, sero, aut datis, inani cunctatione, morbo induciis, altiori-
 “bus actis radicibus, malum ingrauesceret.

Germana his omnino sunt, quae maxime in constitutionibus
 epidemiis annorum huius saeculi XXVII. XXVIII. XXIX. XXX.
 obseruauerunt mecum omnes medici nostrates, & Tu, vir illustris,
 & ciuitatum regionumque vicinarum & remotarum medici plurimi:
 vt adeo merito aliis, qui talia pericula febrium spontanea, & tam
 manifestam in illis corticis utilitatem & necessitatem non viderunt,
 & ex sua experientia alienam, ex abusibus vsus praeiudicant & con-
 demnant, merito dixerim *obseru. de febr.* “tu si hic sis, si, quod nos,
 “videris, noueris, exploratum habeas, aliter sentias.,

Pater vero ex ipsa illa de lapillis in fellea vesica, ex vitio fe-
 brium, cortice mature dato vnice certo sanabilium, genitis, is, quem
 supra laudauimus, eius remedii vsus, in icteri etiam ab eiusmodi
 causa, eiusque saepe, iterum iterumque progenitis calculis, recidi-
 ui, curatione: vti ex reliquis, quae haecenus proposui, constare sa-
 tis videtur, quam aequiter rectum corticis vsus, cum celeb. viris,
Alex. & Elia Camerariis & Lanzono, in supra laudata *Camerariana*
 dissertatione excitatis, a febre ad icterum, pro re nata, extenden-
 dum iudicemus. Tempora vero morbi, atque indicationes prohi-
 bitionesque, rite discriminare oportet. Non ipsos spasmodum acu-
 torum praesentes paroxysmos, non continentes, inflammantes, ali-
 asque alienas febres, non obstructions labesque vi remedii superio-

res scirrhus, abscessus, & similia, quae in febribus etiam intermittentibus corticis usum prohibere solent; sed ea auriginum genera, tempora, circumstantias, ubi nihil contra indicat, cum laudatis viris, speramus atque experti nouimus, ab hoc remedio rite & prudenter usurpato, praemissis, coniunctis, postpositis, pro indicatione, aliis, tantum opis euidenter saepe nancisci, quantum ab aliis expectare vix liceat. Quid in usu eius medicinae cauendum sit, quomodo euitandi abusus, clare satis ostendisse me puto in *observationibus de febribus*, & in *cautionibus medicis de limitandis laudibus & vituperiis morborum & remediorum*, vnde ista ad huius etiam biliosi morbi curationem facile fuerit applicare.

Gratulor mihi, tua approbatione, tuae experientiae plenissimis suffragiis firmatas esse omnes regulas & limitationes, ibi a me scriptas: gratulor, accessisse, quem beneuole mecum communicasti, consensum summi viri, patrui tui, & bene multorum praeterea genuinorum medicorum, qui, pro regularum ratione & modulo, rem ipsam prudenter experti sunt. Contradixerat mihi, ut nosti, sine eiusmodi experientia, cl. *Goelickius*, quum observationum de febribus librum edidissem, libello quem de *laude febris falso suspecta*, aduersus illustris patrui tui *laudem febris merito suspectam*, inscripsit: sed ita contradixerat, ut ipsum cum suis animi affectibus & praedudicatis opinionibus, non cum libri argumentis rem habuisse, & personae meae certas ob causas infensum fuisse, cuilibet pateret. Causas illas facile apparet nihil aliud fuisse, nisi censuras meas in scripta quaedam eius, quas in ipso illo *observationum* libro feceram, & quarum impatiens fuerat. Indicaui loca, & leuidentis viri obiectiones voculasque iniuriosas modestissime, remouui, in secundo *cautionum medicarum tractatu*, *animaduersionibus de limitanda febris laude*. Iam tamen tunc agnoscebam, quiescere eum & veritati concedere vix posse; rogabam vero ut, si amplius pugnare vellet, “plaustra
“conuiciorum in stabulo relinqueret, si sine iis certare posset, quod
“posse vix soleant, quibus mala causa sit, & praecepta opinio domi-
“netur.” Petitioni quidem locum non dedit: eo tamen ipso id, quod
modo

modo dixi, egregie confirmavit, editis nuperrime plagulis duabus, quibus quot paginas, tot plena conuiciorum plaustra, rerum omnino inania, in campum denuo produxit. Protrusit nempe in lucem d. VIII. April. a. clō lō ccxxxv. *epicrisin*, vti longus titulus fert, in *excerptum commercii litterarii Norimbergensis, quod hebdomade xxxix. a die xxx Sept. a. clō lō ccxxxiii. ex litteris DD. Pauli Gottlieb Werlhofii ad DD. Goetziū Hannonera d. xxx Augusti scriptis p. 305. 306. illis insertum est, una cum breui discussione quaestionis, quis helleboro rectius indigeat? an Werlhofius, an vero disputationis de laude febris falso suspecta auctor? additis simulrationibus, quare praedictae disputationis auctor compilatori cautelarum medicarum de laude morborum ac remediorum temperanda non sit responsurus, Francofurti & Lipsiae, sine auctoris & bibliopolae nomine. Scilicet pauci elapsi erant dies, ex quo ad manus meas peruenerat Goelickiana disputatio de laude febris falso suspecta, quum litteris quibusdam meis, ad b. DD. Goetziū Norimbergam datis, sequentia infererem verba, praeter meam intentionem edita: “Ante paucos dies in manus meas incidit dissertatio de laude febris falso suspecta, cuius auctor Cohausenii archeum febrium fabrum, Bergeri dissertationem de laude febris merito suspecta, & meas denique observationes, frustra erroris suspecta reddere allaborat. Bilem atram, qua turget, in meas praecipue observationes, in praefatione maxime & p. 28. 32. crude, & sine ulla rationis aut argumenti umbra, euomit. Neque est cur aegre id feram, quia idtribuendum videtur elleboro,, quem ipsi observationibus meis scriptis praebueram, ob dissertationis de impostura corticis Peruvianī, & de noxio eius usu, quamuis recto, quae eiusmodi remedium indicare videbantur. Quod si forte per isseegyriam aliquam sapientior aliquando euaserit, ut rationibus & adaequata experientia, apparenter saltem, pugnet, respondebo: tantisper de iudicio inter nos cuiusuis viri prudentis securus ero.,*

Aduersus haec verba illam epicrisin direxit, quam percensere fat erit, ut simul abunde refutata videatur. Miratur talia commercio Norimbergensi inserta; sed tribuit id sollicitationibus, quas facillime sibi fingit, meis. Concedit vera esse, quae de scopo di-

sputationis dixi, sed integrum sibi aequae fuisse censet *falso suspectam febris laudem* (sine limite) propugnare, quam ill. *Bergero* eam *laudem merito suspectam* (iusta cum limitatione) reddere; integrum aequae, suas de *impostura* & de *usu recto noxio* disputationes vindicare, (quas ita dictas vindicias in cautionibus meis abunde repressi) quam mihi eas cribrationi, ut ait, meae subiicere: quando ita eas cribraui, ut nihil in cribro remansisse videatur. Nugamentum esse dicit, quod scripsi, observationes meas sibi non lectas, nedum intellectas, quum de simplici & plano sint, & nemo sanus contra librum non lectum scribat. Non *perlectas* dixi, quia ipse *fugitivo* solum *oculo* lustratas fassus est: non intellectas, quamuis perspicuas, simplices, planas esse gaudeam, in cautionibus meis probaui. Probavit vero satis ipse, tum in disputatione de *laude febris*, tum in altera de *humorum maturatione in morbis*, ubi sine nomine meo verba manca & male intellecta allegavit, tum hac ipsa *epicrisi*. Elleboro se opus non habere deinceps disputat, qua in re lubens cedo. Proclamat, neque in mea castra transire se velle, neque assumere corticis usum, quod mihi perinde est. Per multas sibi esse dicit rationes a priori, & numerosa experimenta a posteriori: quae contra me measque limitationes, per sanam rationem, nihil facere possunt. v. *caution. medic. tract. 2. §. 29. 30.* Coniugia inania in id remedium paucis denuo verbis iacit quod a me pro catholico antifebrili, & vniuersali febrium omnium domitore & exterminatore haberi criminatur, quasi aequae, ac ipse, limitationum obliuiscerer: eodem errore, quo, in disputatione de *maturatione in morbis*, verba mea de degeneribus Hippocratis filiis, cruditate *semper & ubique* expurgandas perperam docentibus, in peruersum sensum mutilauit. Multa suarum formularum millia in officinis Francofurtensibus extare laudat, quarum nulla vel scrupulum corticis recipiat, egregio genuinae experientiae, & solidae aduersus innumeros doctissimos, prudentissimos, candidissimosque viros, multis experimentorum millibus expertos, disputationis, testimonio. Delabitur hinc ad praefationem observationibus meis praefixam, quam misere ita torquet, ut inde eliciat, mores mihi prauos esse, id est stolidam ambitionem, tum impetum licentiose irruendi in eos, qui mecum non sen-

senferint, quia nomen meum primo reticere me voluisse scripsi. Atque inde rationem desumit, quare cum ita male morato homine seram disputationis reciprocare recuset. Cur nomen primo reticere voluerim, quamuis consilium dein mutarim, iudicet ex suis ipse conuiciis. Nam noueram tales esse homines, quos notat ill. *Heisterus* compend. anat. T. I. p. 168. Conferant velim praefationem meam, qui personam ignorant, cum obtortis *Goelickii* insimulationibus. Subiungit facetum dictum *Blondelli* cuiusdam, in act. erud. Lips. 1734. m. Octobr. relatum, tam subitam, quae in cortice elucet, vim febres fugandi, foederi cum daemone deberi: quod, qui serio existimaret, tribus sane Anticyris insanabilis ipsi credo cl. *Goelickio* videretur. Denique certas illas causas, quas supra dixi, ob quas ipsum mihi, tunc quum de *laude febris falso suspecta* scriberet, infensum fuisse iudicaui, nihil aliud esse somniat, quam quod ante plures annos, vti nunc demum suspicari incipit, & suspicioni falsissimae suae fidem subito adhibet, cl. *Stoerio* in refutanda *Goelickiana* disputatione *de mutilo medicinae corpore* adiutor fuerim, & ab inimicis *Goelickii* ad ipsum refellendum instigatus, quos profecto nullos noui. Hinc missum me facit, &, intactis argumentis, in personam cl. *Stoerii* ad finem vsque inuehitur, quam ipse, si lubet, vindicabit. Meum enim non est, alienis me negotiis immiscere.

Ceterum libellus totus flosculis conuiciorum, verborum turpitudine, nullaque praeterea re, ita refertus est, vt famosum iuris consulti dicturi essent, nisi nomen clarissimi auctoris *Goelickii*, adeo facile ex re ipsa, animi affectu, stylo, sententiisque limite carentibus, soli ipsi propriis, & quia nullum alias inimicum habeo, adeo certo & facile noscere liceret, vt tegere illud famosasque sine nomine iniurias spargere voluisse, vix ac ne vix quidem videatur. Vnum & alterum referam paragraphum, obscenitatibus, quae nihil nisi charam & scriptorem maculant, minus conspurcatum, licet aequè iniuriosum, ac euidenter falsum: ex vno disce omnes. Laudaram in praefatione ad observationes de febribus praeceptores meos, quibus primitus debeam, si quid in me est, & inter alios ill. *Meibomium*,

mium, quem agnatum, amoris causa, salutaui, & b. *Spießium*, professores Helmstädienses. Addideram, huic me successorem designatum, in eo ante aliquot annos fuisse, ut ad vitae academicæ delicias me in patria, vndecim iam annis relicta, reciperem; sed factum esse, ut, collata aulici medici prouincia, in stabili heic sede retentus sim, sed in praxi inquieta, qua a studiorum dulcedine detinear. Scripsi illud ideo, ut partim indicarem, quibus praeceptoribus, viris longe praestantissimis, primitus debeam, quae tueor, dogmata; deinde ut ad nostrates medicos inclitos, mearum observationum testes & adiutores, laudandos, transitum facerem; utque simul mei opusculi defectus diuturna ab academicis studiis absentia, & operosae praxeos turbis excusarem. Cl. *Goelickius* nihil in his omnibus nisi ridiculam ambitionem inuenit, quia non nisi limis oculis intueri dignatur. Hac permotus, si ipsum audiamus, ex *Meibomiana* me gente oriundum gloriatus sum. Mihi vero in oculis animoque versatur *Senecae* illud: "qui genus iactat suum, aliena laudat., Ut ad istud iniuriarum & errorum specimen veniam, quod relaturum me paullo ante recepi: "Perplexum, ait, atque dubium quodammodo "me reddit, quod vniuerso observationum opusculo non aulicorum, "sed maximam partem plebeiorum hominum, sutorum, sartorum, "textorumque chinchina curatorum exempla iam medium producta "esse videam. Si aulici multi, qui plerumque aliam, quam homines vulgi, vitae rationem sequuntur, curandi ipsi, medico aulico, "contigissent, aliter sine dubio de vera eius efficacia sensurus fuisset. "Anne vero, mi lector, helleboro putes indigere eum, qui dulcem & quietam vitae academicæ rationem, inquietæ & turbulentæ praxi, quae ne nocturnam quidem medicis quietem indulget, "anteponit? Id tamen praeter omnem expectationem fecisse Werlhofium ipse sincere confitetur, si, quae narrat, vera sint., Iniuriosa satis est eiusmodi dubitatio. Non timebam a tali, quum nomen & locum scriptis meis ideo maxime praefigerem & ad omnes medicos nostrates prouocarem, ne quis *Goelickius* observationum anonymarum fidem vellicare posset, aut consequentias nescio quas sibi effingere, quas ocularis quae cuilibet heic parer, experientia
refel-

refellit. Respondeant pro me, qui me norunt omnes. Sat notum heic est, notum tibi, vir illustris, an illustrissimorum procerum, nobilium, aulicorum, immo principis iuventutis incomparabilis, cortice feliciter sanatorum, ex mea praxi, exempla vere & vbertim licuerit allegare: notum satis, an in vna & altera academia mihi professoris statio patuerit. Sed quid ista ad controuersiam? Si non nisi opifices curassem, & curatos recensuissem, si academia me nulla optasset, verae tamen forent obseruationes & limitationes meae, & falsae *Goelickii* sententiae limite carentes. Elleboro autem ideo aliquem indigere, quia inquietam praxin dulci academiarum otio praeferat, num quis cum sana ratione iudicabit, nisi dum animi affectus rationem obumbrant? Mihi, fateor, academia dulcior fuisset, quae non omnibus est, praesertim quando neque ibi praxeos turbae a medicis abesse solent, & aliae iusuper accedunt. Mihi inquam, dulcior fuisset academia, si rei familiaris, & necessitudinum, similibusque momentorum rationi aequae contulisset, cui qui se non accommodat, si qua commoda sede sedet, atque diuina operarum benedictione luculenter vritur, quo pharmaco videbitur opus habere?

Ignosco facile bono viro, quem impetus animi iracundus transuersim agit, neque patitur, ut prius in personam meam statumque & mores aequiter inquirat, quam ista publice criminetur, quod praeterea tam nihil ad institutum facit, ut potius malam causam arguat. Doleo vero sincere, me irae illi, & indecoris conuiciis, quibus non me, sed se ipsum, vir praestantissimus affixit, aliquam ansam dedisse per iocum istum meum iusto acriorem, quo elleborum me ipsi praebuisse dixi. Excidit mihi istud in virum doctum dietetium, sed ita excidit, ut crudis ipsius conuiciis expressum videatur, quo tamen nihil aliud indicare volui, nisi quod verum est, conuicia illa, quibus vir cl. obseruationibus meis labem adspergere frustra conatus est, non ex iusta ratione, sed ex bile atra, seu ira acerba mera, per refutationes meas acriusculas, ea intentione factas, ut praeiudicatis opinionibus medicarer, commota ortum duxisse. Patet illud vel inde solum, quod mecum plane sentientes medicos alios *Syden-*
ha-

hamium & Brunnerum iis ipsis disputationibus summopere collaudat, quibus me, qui ipsius generales iniurias figillatim refutaui, tantopere criminatur, quod cum summis istis viris sentiam. Ceterum neque insipientem, sed doctum, ingeniosum, & bene meritum virum esse cl. *Goelickium* postea in *cautionibus* meis, & tractatu de *variolis*, officiose professus sum: neque elleboro eum indigere reor, sed moderatione, & animi affectuum praeiudicatarumque sententiarum correctione, & opinionum limitatione, quam propriae eius prudentiae experientiaeque, post iteratam, si placet, controuersiae ponderationem, permitto. Quam *ὕπερβουλον* si non admiserit, habeat sibi.

Gaudeo interea, omnium, qui me norunt, testimonio tam esse falsas cl. *Goelickii* coniecturas de me meaque persona, prorsus ipsi ignota: tam toto caelo aliena a me esse, quae in epicrisi ista edixit, vniuersa; ut in quemuis alium potius dicta videri queant, adeoque apud eos, quibus ignotus non sum, sponte omnino corruant.

Si qua mihi est ambitio, si non male de me sentire homines cupio, non mei honoris causa id cupio, sed veritatum, quas profiteor, & utilitatis publicae, quam pro virium tenuitate iuuare contendō: & pro his disputo, & errantes criminantesque audacter refello. Conuicietur vero porro, si lubet: facile ipsi concederem, quod meum est, si a talibus labem id pati posset, exiguum illud, quod nactus forsan apud quosdam fuero, nomen. Credat me inepte ambitiosum, credat licentiosum disputatorem, quisquis me ignorauerit; quid hoc ad ipsas res, quas tueor, earumque argumenta? Pro his scripsi, non pro meo nomine. Res vero ipsas, observationes, earumque consecutiones iustas, regulas & regularum limitationes, arti, quam profiteor atque excolere debeo, utiles, in scriptis meis, cum veri & recti conscientia, & summorum expertissimorumque virorum, & hos inter tuo, vir inclite, suffragio, propositas atque defensas, defendam denuo, quotiescunque, cum vlla rationis umbra, eas cl. *Goelickius*, aut alius, inuasit, *dum spiritus hoc reget artus*.

Quod

Quod si limitationibus meis, quas, ubi libros meos non fugi-
 riuo oculo lustrarit, sed plene & attente perlegerit, & sine opinio-
 num velo intuitus intellexerit, veras, & iustas, & plane alias, ac si
 bi adhuc eas finxit, esse certo certius agnosceret, acquiescere tandem
 aliquando voluerit, & vel fatendo veritati concedere, vel silentio
 denique controuersiam finire, “acquiescam & ipse, uti in cautioni-
 “bus medicis, iam dixi, tacitusque gratulabor non mihi, sed verita-
 “ti, de viri docti cordata assensione, vel de eius contradictione post-
 “hac omissa. „ Sin rursus, uti adhuc fecit, pugnare conuiciis &
 σπερμολογίαις ipsi lubuerit, erit forsan, qui vel me inuito dignum pa-
 tella operculum adaptet.

Neque video, quomodo ita pergendo effugere possit, quin id
 de ipso iudicent viri sapientes, quod poeta quidam Gallus, (*Brueys*
dans l'opiniâtre) eleganter canit:

un esprit prévenu

Dabord de bonne foi soutient ce qu'il a cru:

Mais, lorsqu' à la raison en vain on le rappelle,

Qu' à la prévention la passion se mêle,

Alors, pour soutenir ce qu'il a d'abord dit,

Contre la vérité souvent il se roidit,

Et, honteux d'avouer, qu'il ait pu se méprendre,

Il voit, il sent, il touche, & ne veut pas se rendre.

An sua in praxi, quam nunquam dubitavi ipsum habere, corticis v-
 sum adsciscere velit, mihi perinde erit, idque lubens propriae ipsius
 sapientiae relinquam. Non possum tamen, quin relegenda laudem
 verba & experimenta sapientissimi tot principum aulicorumque me-
 dici, & quondam professoris academici, *Brunneri*, in *observat. meis*
 Sect. II. §. VI. not. n. & sect. V. §. I. not. a. ex eius editis scriptis indi-
 cata, quem ipse *Goelickius*, in *dissert. de maturat. humorum in morbis* p.
 18. magnum & incomparabilem Germanorum medicum vocat: qui-
 que mecum omnino sensit, dum vixit, cuius rei plura specimina ante
 oculos sunt interque manus nostras. Neque possum, quin commen-

dem ingenuam sapientiam viri illustris, *Caroli Richae*, medici aulici Taurinensis, quem supra laudaui, discipuli *Ramazzini*, qui, postquam aliquando, non quidem, vti cl. *Goelickius*, nullo, sed non aequo solum limite (vti aliquando etiam *Ramazzinus*) corticis abusum terminarat, a cl. *Torto*, medico aulico Mutinensi, meliora edoctus, & praxi sua, & publica erroris confessione veritatem confirmavit. En viri candidissimi, morborum & curationum historici accuratissimi, verba! (constit. epid. Taurin. a. 1723. p. 66. sq.) — “Equidem vno
“Peruiano cortice (is scilicet erat praestantius auxilii genus) tum,
“quae primo illuxerant, intermittentes febres, tum ab iis ortas, aut
“iis analogas ceteras, quae caput passim extulerant, subigi penitus,
“nec reuiuiscere amplius memini, congrua quidem dosi, tum debito
“more, administrato. Vere aureus arbore ramus, qui, furente
“sparsis quaquauersum fluctibus torrente, procellae impetum siste-
“ret, excandescens succos compesceret, vimque morbi retunde-
“ret ac cohiberet. Vere polychrestum, & prope dixerim diuinum
“remedium, cui vtinam simile quidpiam ad alios morbos habere-
“mus. Vir cl. *Franc. Torti* me minus olim docte sentientem de hoc
“admirabili febrifugo, imo forsan & iniuriose nimis de illo locutum,
“vtpote qui in verba magistri omnino iurabam, dignatus est omni-
“bus beneuolentiae signis complecti; quo tandem tum propriis ob-
“seruationibus edoctus ipse, tum ingenti rationum pondere conui-
“ctus, quibus laudatus vir corticis innocentiam aduersus quosdam
“meticulosos, vel praeiudiciis imbutos, quibus (pauci sint licet) su-
“spectus etiamnum redditur chinae chinae vsus, tuetur, errorem ipse
“meum agnouerim ac vltro fatear modo. Quaedam scilicet laudis
“pars est, errasse aliquando, confiteri errorem, inque viam reduci.,
Deinde postquam ingeniosam suam theoriam de febrium eiusmodi
epidemiarum, nostris illis, quae scribendis *observationibus de febri-*
bus locum dederunt, plane similium, causis declarauit, & historias
variorum aegrotorum cortice curatorum, e quibus vnus *soporosus*
erat, recensuit, aliquam etiam historiam aegri omisso cortice pere-
untis, “plerosque, ait, huiusmodi casus recensere possem, quibus
“denegatus cortex, aut dimissus idem, cum adhuc largire illum dosi
“exhi-

"exhibere opus erat, rem permisit in deterius abire. Vt vt enim ve-
 "sicanria & sanguinis missio, quae duo haud diffiteor tutiora existisse
 "hac constitutione post corticem praesidia, (in iis potissimum febribus,
 "quae acutarum indolem aemulabantur) viderentur recta aduersus mor-
 "bi genium pugnare, vt & repetita diluentia ac fots, quorum eadem
 "ferme ratio, ea tamen nihil, aut vix parum quidem, nisi vna cor-
 "tex administraretur, aduersus morbi causam profecerunt, quae
 "id namque praesidii efflagitabat, quo vegetior chylus, vegetiore
 "hinc quoque facto solido, imperuia viarum facili marte peruadere
 "imosque recessus adire posset, vno verbo, properantia ad stasia
 "seu ad concretionem liquida, deficientia hinc pariter solida, fluorem
 "illa, haec vim ac robur amissum reciperent, ad stas vtraque aequi-
 "librii leges regrederentur, vindicarentur ab infarctu glandulae,
 "expedirentur ab obstructionibus viae, praecaueretur suprema, quae
 "imminebat, iactura: quod vnum sperandum erat a cortice. Equ-
 "us indomitus & effraenis quandoque est febris. Ab eo hominis
 "vita trahitur, velut currus, quo fata sinunt. Medicus moderator
 "est, aurigae instar lora tenens. Si vulgari vtatur hic methodo in
 "curatione febris, id aget tantum, vel studebit agere, vt medium
 "furens equus teneat iter ne in foueas hinc inde paratas obliquus fe-
 "ratur, currumque, vel hominem, perdat; non vero impediet, quin
 "cursum suum equus expleat, vsque quo illi suppetunt vires, & fu-
 "ror: non sine graui metu, quod, dum

"Fertur equis auriga, nec audit currus habenas,

"offendat ille tandem ad obicem aliquem, ad quem allisa male confi-
 "stens facile frangatur machina. Quod si china china vtatur medicus,
 "id aget, ac si retracto magistra manu conuenienter fraeno, equum vi-
 "sistat, aut retrogradum faciat, & hoc pacto tutius incerti cursus decli-
 "net pericula. Plerosque vtiq; casus recensere possem aegrotanti-
 "um, quibus male cessit res, siue ludens adhuc tertianario circuitu febris
 "derepente in acutam transierit, siue haud deleta morbi fomite in len-
 "tam abierit, quod vtrumque discrimen eludere erat, exhibito op-
 "portune cortice., Huius ceterorumque plurimorum ab er-

rore, experientia duce, redeuntium, & in remedii, quod contemserant, laudes aequas effusorum exempla, si nolit sequi cl. *Goelickius*, limitare forsan ipsum aliquo saltim modo docebit vir praestantissimus, sententiarum *Stahlianarum* defensor acris, b. *Gohlius*, qui hanc ipsam in rem in *medic. clinic. & forens.* p. 609. professus est, *non esse pertinaciter iurandum in verba magistri*; docebit limitare ipse *Stahlius* magister, cum affectis plerisque & doctissimis; docebit denique limitare, si non propria, saltim aliena experientia, & ratio ac prudentia propria, quamprimum vela animi affectuum ab ista remoueri patietur.

Finio hisce scriptiunculam hanc, atque ita, nisi quid noui, vniuersae cum cl. *Goelickio* controuersiae coronam impono, de tuo, vir illustris, omniumque, qui me norunt, omnium denique eruditorum & sapientum non praeiudicantium iudicatione securissimus. Ignosce lucubrationem hanc apologeticam, ad *Te* datam, fiducia in *Te*, in iudicium tuum, tuamque beneuolentiam, meae! Vale, atque ordinis medici & nostrum decus esse diu diuque perge! Scribebam Hannouerae d. xxv. Maii. a. clo 10 ccxxxv.



PAVLI GOTTLIEB WERLHOFII
OBSERVATA
MEDICO - PRACTICA,

QVAE SPARSIM EXTANT
IN OPERE PERIODICO,

CVI TITVLVS:

COMMERCIVM LITTERARIVM AD REI
MEDICAE ET SCIENTIAE NATVRALIS IN-
CREMENTVM INSTITVTVM.

NORIMBERGAE, 1731-1745.

EXCERPTA A

J. E. WICHMANN.

1775.

Rrrr 3

PAUL GOTTLIEB WILHELM

QUESTIONS

MEDICAL HISTORY

THE HISTORY OF

THE HISTORY OF

THE HISTORY OF

THE HISTORY OF

THE HISTORY OF

THE HISTORY OF

THE HISTORY OF

THE HISTORY OF

THE HISTORY OF

THE HISTORY OF

THE HISTORY OF

THE HISTORY OF


THE HISTORY OF



EXCERPTA E COMMERCIO NORICO.

§. I.

Status epidemicus.



d. 13. Mart. 1733. Status noster epidemicus haud infelix jam est. Exantlata fere, & non nisi *σποραδικως* amplius sese ostendente, *dispositione* illa *catarrhali*, senibus, renellis, tabidis, aliisque aegre habentibus haud secura, quamvis cetera satis benigna, quae orbem Europaeum nuper pervagata est, supersunt pleuritides satis frequentes, sat etiam graves; sed venaesectione iusta statim levare, & septimo, aut nono die, crisi per sudorem, passim etiam cum purpura, finire solitae. Caeterum purpura, erysipelata, febres intermittentes, synochae, convulsiones infantum, apoplexiae, puerperii affectus, hoc mense & superiori obtrungunt hinc inde, rariuscule tamen. Podagrici & nephritici velut ex condicto, pene omnes suos aut tolerarunt nuper, aut adhuc patiuntur paroxysmos, & graviores solito, & fere longiores.

§. II.

§. II.

Phosphorus.

Mens. Apr. 1733. Ultima superioris anni hebdomade p. 419. ex historia novissima *Academiae parisiensis*, nondum ad me perlata, refertis *novum*, quod dicitur, *phosphori genus*. *Pyrophorus* hic potius, quam *phosphorus*, non intelligo, quo pacto novus dicatur. Est enim, in rei cardine, ipsum notissimum illud, & nobis saepe tentatum, pro croco martis *Lémeriano* parando in chymicis etiam usurpatum, experimentum cum ferro, sulfure & aqua factum, cuius *Lemérius*, *Listerus*, *Bergerus*, *Hoffmannus*, ignium subterraneorum & aquarum mineralium, praesertim thermarum, & vaporum omnis generis subterraneorum ortum, ex pyritibus maxime, qui omnes ferrum & sulfur continent, madefactis, explicant. Neque alii pyrophori ficci, praesertim ex alumine & terra inflammabili quavis, novi amplius sunt: quippe apud varios auctores, & in ipsis *commentariis* *Academiae scientiarum*, & praesertim *Actorum Medicorum Berolinensium* b. *Gohlii* (a) dudum descripti. Haec ad manus non fuisse oportet Viro Clarissimo, qui in *Actis Nat. Cur.* novissimis (b) modum conficiendi inter secreta haftenus habitum dicit, & ipse revelat, sub titulo pulveris Acherontis, & quod magis novum videtur, & nobis explorantibus verum repertum, & quod ad rationem chymicam physicam facile explicabile est, ex solo etiam alumine calcinato pulverem ejusdem efficaciae spondet; sed qui, dum aetatem non servat, denuo subinde calcinandus sit.

§. III.

Decoctum seminis Milii.

Quae de *decocto seminis Milii* ad alvi fluxum memorantur (b) belle conspirant cum nostris cum de aqua *Emsana* observationibus, in meo ad vos tractatu de febribus, p. 133. not. h. notatis. Utrumque

(a) Dec. I. Vol. I. p. 67.

(b) Vol. I. Observat. 71.

(c) Hebdom. VI. hujus Anni, n. III. p.

que nempe remedium & demulcet egregie, & blande diureticum & tonicum est. Mihi, medicisque nostratibus in multis morbis decoctum illud pro ptisana, usurpatur, praesertim, si quod urinae vitium, vel alvi fluxus, vel colicum, & paralyticum malum adest. *Simaroubae* tamen substitui plane posse non videtur, per qualitatuum manifestarum & experimentorum rationem. Et pars forte felicitatis, in laudatis a cl. *Kramero* experimentis, maxima, aliis remediis deberi videbitur, quae inter adhibita laudantur ipsa theriaca & discordium, i. e. opiata, sopientia & sistentia. *Ipecacuanham* singulari vi demulcendi & stringendi longe discrepare, & praestare aliis emeticis, in dysenteriiis, diarrhoeis, haemorrhagiis, experientia *Pisonis*, *Helvetii*, *Valentini*, aliorum, evincit: licet & alia profint.

§. IV.

Status epidemicus.

d. 7. Maji 1733. *Morbilli* jam cessarunt. *Variolae* copiosiores sunt, sed salutares. Mense Aprili plures, ex tertianarum genere, febres, sat plerumque faciles, emerferunt, & hoc etiam mense in dies suboriuntur. Sunt, quae Cortice peruviano opus habent, sed felicissime, methodo nostrarum observationum, persanantur: quas inter unam, profunde soporosam, denuo jam memorare licet, in viro fere sexagenario, linguae difficultate, ex insultu apoplectico superioris anni, adhuc laborante, cui, nunc plane a febriculosis symptomatibus liberato, hebdomadem intercapedinis & abstinentiae a remedio, pro regulis concedo.

De Morbis sporadicis dicere vix attinet. Ad epidemios, non in urbe quidem, sed ruri, grauter superiori mense grassatos, referenda est pleuritis haud benigna, juvenibus & viris difficilis, neque tuta; infantibus, pueris, senibus frequenter funesta. In urbe Judæum illum, observationum mearum p. 139. memoratum, jam plusquam nonagenarium, ineunte superiori mense, a *pleuritide notha* cum febre continente, in principio cum comate, sanavi sine venae-

Ssss

sectio-

fectione, quam reformidat; data primum mixtura simplici antiscorbutica, & exantlato comate, eclegmate ex oleo amygdalarum dulcium cum spermate ceti (*), & pulvere diapnoico, ac decocto pectorali; admotis in principio, & ante diem rursus septimam, vesicatoriis Feliciter convaluit homo, ut videtur, ad secularem vitam natus, quicquid graviter aegrotet.

§. V.

Tussis infantum convulsiva.

A mense inde uno & altero *Tussis infantum convulsiva*, clamosa, ferina, pertussis, Anglis *the whooping-cough* dicta, morborum hic maxime nunc epidemius est, originem, ut puto, debens calori primi veris diurno, fere aestivo, noctibus vero frigidiusculis, singulari autem etiam harum rerum proportioni, non plane explicabili, & dispositioni nuperae, catarrhofae, universali, non bene exantlatae, deglutitoque tunc ab infantibus, exscreare nesciis, mucos. Morbus hic infantum dentientium & corporis per aetatem incrementa capientium, adolescentum etiam, singularis, & fere proprius, ubique pene terrarum praesertim in locis, uti noster est, haud adeo longe a mari, ventos aquiloni cognatos, frigidos, transmittente, remotis, frequenter epidemius est, & maxime ex frigoris & caloris alternis vicibus, vel per tempestatum inevitabiles injurias, vel per diaetae, hypocaustorum, & potus praecipue vitia produci solet. Videtur partim quidem affectus esse catarrhalis, partim ex vitiata digestionem oriundus, partim vero etiam inquinamenta (**) supponere acria, quae cum ultimo succo nutritio, corporis

(*) Ejusmodi eclegmata e spermate ceti ultimis praxeos annis penes autorem sensim in desuetudinem abiisse, lectores medici vel me tacente facile existimabunt.

(**) Pathologiae illi animatae, quae hunc aliosque morbos, praesertim contagiosos, exanthematicos infectis tri-

buit, *Werlhofius* neque quum haec scriberet, nec, licet eam a summi nominis viris *Rivino*, *Linnaeo*, *Desault*, *Rosenstein*, *Plencitz* &c. defensam videret, postea unquam suffragatus est; nihil saltem juxta principia haec theoretica in praxi mutavit.

poris incrementum per fibras tenerrimas praestanti, communicata, mucum pro gelatina, aut lymphâ teneriori, generant, tenellorumque nervorum fibrillas irritant. Inde est, quod chronica & difficilis sit morbi indoles, quam per plerosque morbos, crescentibus proprios observare licet. Si quis alius, certe hic, artem exposcit, expectatione curandi, donec forsitan eruatur verum adaequatumque remedium specificum, quod ingentes molestias cito, tuto, jucunde secare, & ita pericula convulsionum, & tabis, & morborum intervenientium, praecavere possit. Diaeta autem optima, calor moderatus & aequabilis, cibi pauci digestionisque facilis, potus ex radicibus, herbis, seminibus pectori dicatis, calidiuscule datus, praesertim vero Decoctum radicis Chinae optimae saturatum, tertiae vel quartae lactis parti remixtum, continuato usu vix quemquam ex eo morbo solitario interire patiuntur. Sed opus est parentibus & aegrorum moderatoribus haud morosis, aut festinationem vanam, imo saepe nocivam, urgentibus. Observarunt enim indolem morbi chronicam, quicumque historiam ejus scripserunt, quos inter haud postremus sane est *Zwingerus* (c), ut *Ettmüllerum*, b. *Lentilium*, observatores in *Annal. b. Kanoldi* passim adductos, dissertationem *Halensem* peculiarem (*), *Sydenhamum*, *Willisium*, Anglos plures, aliosque taceam. Remedia, quae pectoralia audiunt, dulcia, oleosa, resolventia, anodyna, vix juvare videntur. Praestant laxantia blanda, in principio & declinatione, qualia *Zwingerus* praecipit. *Cantharides* applicatae, & si admittatur, venaesectio, *Sydenhamo* tantopere laudata usum habent. Pulvis ad tussim infantum *Mynsichti*, b. *Lentilio*; & Muscus arboreus *Baglivio* expertus, & alia variorum supra memoratorum auctorum remedia, acrimoniam & spasmos demulcentia, non spernenda sunt. Parca tamen sit oportet Medici manus, nec turbetur natura, neque obruatur pulverum, eclegmatum, misturarum haustibus; aut calidorum, acriumque remedium stimulis incendatur. Impense pro specifico ab Anglis lau-

(c) in *Paedoiatria practica*. p. 324. seq. (*) est procul dubio illa M. *Alberti* de tussi infantum epidemica. 1718.

laudatus succus Pulegii, meis votis nondum unquam, tentanti licet saepe, respondit. Non explorasse me, fateor, quae in *Allenii* synopsi practica commendantur, expressionem Millepedum, aurum Mosaicum, oleum sulfuris, serum lactis: multo minus adductum ibi vulgi remedium, carnem murium frixam, aegris pro ferculo apponere sustinui, expectationi felici maxime innixus, & efficaciae laudatarum medelarum non bene fesus.

§. VI.

Tussis convulsiva epidemica.

Ex Hebd. X. p. 75. 76. didici autorem ejus, quod observationibus meis examinandum proposueram, problematis esse V. Cl. *Joerdens*, mihi gratulor de publico, quod inscius cum tam egregio viro suscepi, commercio. Idem sua in regione nuper eandem tussim convulsivam epidemiam fuisse recenset, & difficultatem curationis mecum agnoscit, & quasi alterum aliquod problema de eo morbo proponit: ad quod, quantum ad me attinet, modo dictis aliqua ratione respondisse liceat.

§. VII.

Usus Corticis peruv. ad Sphacelum.

Ex litteris Cl. *Hampii* Londino ad ill. *Hugonem* nostrum datis, haec excerpere liceat: "Saepe adhuc novae observationes societati nostrae regiae offeruntur, egregium *Corticis peruviani* usum ad progressum sphaceli inhibendum (*) confirmantes. Simul ac prelo excesserit collectio, quam medicus quidam hic loci latine adornat, transmittam exemplar unum & alterum.,

§. VIII.

(*) conf. auctoris Obs. de febribus, Sect. V. §. IX. not. i.

§. VIII.

Constitutio epidemia. Melancholia. Tussis convulsiva.

D. 7. Junii 1733. Constitutio nostra epidemia parum a nuper memorato statu discrepat (a). Reperi adhuc variolas, sed & morbillos, quos cessasse nuper putabam, raros tamen utrosque & benignos. Febres intermittentes tertianae sat frequentes sunt: sed & quotidianas veras cum tussi graui, quae etiam sine febre passim vagatur, plusculas habemus, Corticis peruviani ex nostra methodo usui, additis paucis Laudani liquidi guttulis, feliciter cedentes. Miratus sum, uno mense Majo octo mihi melancholicas hystericas noviter factas, haud sine delirio, hinc inde curandas obvenisse, plures etiam quos novi mares feminasque melancholicos, maniacos, hypochondriacos, gravius solito laborasse, & varias febres intermittentes coepisse per delirium, sine notabili pulsus mutatione, periodicum, vel secus, manifestato deinde & typo febris & ingenio. In ista non febrili Melancholia hysterica haud contemnendas vires possidet remedium ad eum morbum in actis anglicanis tam insigniter laudatum, Camphora nimirum ad dimidiam pro dosi drachmam. Dedi saepe per multas vespertas continuas cum mica panis in pilulas formatam, neque nisi bonus eventus, praemissis praemittendis, & absente febre ac incendio, & observata *euPogla* insequutus est. Sane, quod in languore febriculoso cochlear vini praestat, id a felibra, qui sine febre est, vix impetrabit. Atque ita etiam aliorum volatiliorum remediorum usus, qui in febribus vel paucissimus, vel nullus esse debet, & in exigua dosi scopo saepe sufficit, extra febrilem ferviditatem, in longe majori copia adhibitus, vix ac ne vix quidem exagitare humores corporis videtur, & si quid in gravi morbo praestare debet, liberalior sit oportet solito (*). Ista vero Melancho-

(a) vid. d. 7 Maji 1733.

(*) Haud infeliciori cum successu auctor postea Mercurialia ad Melancholiam in usum vocavit, evitato nimi-

rum ptvalismo, & datis quarta quavis vespera pilulis novem ex Mercurii dulcis scrupulo uno, Aloes & Camphanae granis quinque; simul quotidie drachma una cum dimidia limatu-

choliae hoc vere frequentia, novum mihi Hippocraticae veritatis, vere infanias oboriri, idque luculentum exhibet testimonium. Caeteri morbi, praeter tussim illam convulsivam, valde adhuc inter infantes vagantem, *παροξυσμοί* magis sunt. In eo sum, ut explorem, quid in ista tussi praestet illud medicamen, quod cl. Harderovicensium Professor de Gorter ad catarrhum nuperum epidemicum peculiari schediasmate (*) laudavit, quodque idem est, quo ego ad febres intermittentes perquam feliciter utor, observat. mear. Sect. II. §. IV. it. Sect. IV. §. III. notatum. Conf. *Commerc. noric.* §. X.

§. IX.

Punctura hypogastrii ad Ischuriam.

Memoratis (*Commerc. nor.* 1733. hebd. II. N. I. pag. 9.) novum experimentum *puncturae hypogastrii*, loco illius in Perinaeo consuetae, ad *suppressionem urinae* curandam administratae. Simile quid, diversa tamen paulo ratione, & meliori successu, in vicinia nostra tentatum, pro confirmando Lithotomiae *Franconicae* usu, & ad Ischuriam vesicalem, pro re nata, extendendo, narrare liceat. Judaeus nomine Soestmann Hammerschlag, annos natus 36 ante annum, & quod excurrit, ab equo ictus, ex eo quidem tempore dolorem satis tolerabilem in vesicae regione sensit. Post sex menses augentur dolores, & multum quotidie purulenti inter mejendum, cum magna dysuria, excernitur. Supervenit tandem Ischuria completa. Itaque cum a medico egregio Cl. D. *Conradi*, Physico regio Cellis Lunenburgicis, ubi aegrotus homo tunc victitavit, frustra intus salutaria quaevis explorata essent, visum est accire chirurgum ibi militarem expertissimum *Logesum*, ad admovendum cathetere. Exhausta est eo instrumento vesica, profluente ad libras duas urina, coloris lixivii, cum puris foetidi unciiis quatuor. Dolor ta-

men

turae Martis mane sumenda, atque HB. Anagallidis infusa laevisiterque decocta instar Theae haurienda interdum de die erat.

(*) Quod inscribitur: Morbi epidemici brevis descriptio & curatio per diaphoresin. Harderovic. 1733. 4.

men & ardor ingens in vesica & intestino recto remansit perpetuo, neque cessavit suppressio urinae, quae sensim identidem accumulata, septies decies intra octo dies, multo semper cum pure, instrumento educta est. Accessit tandem ea circa collum vesicae inflammatio, eaque in intrudendo cathetere molestia, ut aeger eum admittere & vix ac ne vix quidem posset, & omnino recusaret. Die igitur anni superioris Novembris 27. Chirurgus laudatus, aegro rite collocato, integumenta ad peritoneum usque, supra os pubis, ad latus lineae albae exeuntis, dissecuit cultello bisacuto, facta ad duorum pollicum mensuram incisione: deinde cultro sectorio magno latoque (Lancette) peritoneum, ipsamque vesicam, deorsum, collum versus, punctura obliqua, perfodit. Notum est, monente praecipue cl. *Garengeoto*, quam instrumenta acuta & plana ad praecavendas inflammationes, aliaque incommoda in quavis punctura, ipsa etiam labiorum leporinorum & cataractae operatione, praestent spissioribus, rotundis, angulosis. Profluxit statim urina: quare chirurgus manu laevam canalem argenteum, prope cultrum, & hoc extracto, cannulam argenteam, quatuor pollices longam, digitum crassam, ad ductum canalis, in vesicam, oblique deorsum, collum versus, introduxit, & fascia munivit, admotis ex arte fomentis. Ea die & nocte belle egit aegrotus. Secunda die febris vulneraria magna accessit: sed venae sectione & remediis rite propinatis, crisi per sudorem superveniente, post horas 12 cessavit, sine regressu. Injecta sunt per cannulam remedia abstergentia consveta. Urina quatrinduo per hanc partim, partim per vulnus effluxit. Quinto die per urethram effluere, fluidior longe, quam olim, & albicans, coepit, valde imminuta puris copia & foetore. Omnia in dies in melius versa sunt. Die nono exenta est cannula, & vulnus balsamo Copaibae, per plumam inuncto, balsamo Arcaei, & emplastro, bis quotidie deligatum est. Tercio exinde die urina per vulnus nulla amplius exiit: idque sensim decimo tertio, ex quo cannula educta est, omnino coalevit. Accessit optima diaeta, justumque medicinae juvamen, & quarta post operationem hebdomade, homo totus sanus, & a pristino urinae vitio plane liber, medicationi valedixit, jamque in Hassia sanus degit.

§. X.

Constitutio epidemica. Uteri inflammatio.

D. 20. Aug. 1733. Aestas nobis haud insalubris est. Favet aeris tempestas temperata, licet maximam partem serena, ventis plerumque ab oriente adspirantibus. Variolos & Morbillos nullos jam observo. *Tussis infantum convulsiva* pauciores afficit, sed in his priscum obtinet, neque sale ad catarrhum volatili *Gorteriano* (a) aut exasperatur, aut multum concedit. Paravi illud extempore mistis & in aqua pectorali solutis salibus, alcalico & ammoniaco, additis paucis laudani liquidi guttis & syrupo. Evidens tamen quibusdam levamen, & brevior morbum tulit, in aliis frustra adhibitum. *Diarrhoeae & tusses* partim pertinaces satis, sed sine febre pleraeque ac periculo, plusculae sunt; *Dysenteriae* *σπογδαε* paucissimae; febres continuae paucae, plures intermittentes tertianae, simplices & duplices, diaetae plerumque & salibus obsecundantes, longe quam superioribus inde a septennio annis minus per aestatem frequentes, magisque securae. Ruri passim febres catarrhales continuae benignae vagantur. In vicina provincia febres purpuratas, vel catarrhales, quae petechizantes audiunt, grassatas comperio, quibus parotides accidere consueverint. Duas superiori mense puerperas tractavi periculosa *uteri inflammatione* laborantes, die puerperii secundo horrore correptas, cum dolore ardente & fixo abdominis & dorsi, aestu dein accedente magno, anxietate ingenti, cephalalgia, vigiliis, deliriis, pulsu frequenti, magno, duro, inaequali, diarrhoea, Lochiorum suppressione, a die inde puerperii tertio. Purpura miliaris in altera quarto, in altera septimo die erupit. Praecesserat in utraque partus laboriosissimus praeter naturam, in altera etiam avulsio secundinae adhaerentis sat subita. Adhibui intrinsecus praecipue emulsionem seminum cardui Mariae & Aquilegii cum Decoctu Cornu cerui usti factam, adjectis pulveribus diaphoreticis fixis; extus vero remedium a D. *Fuchso*, practico Gothano (b) cum orbe

(a) conf. Ann. huj. Hebd. 28. N. IV. p. 221. Paragraphi huius Excerpti VIII.

(b) Qui sub ingressum huius anni decessit.

orbe medico communicatum (c): cataplasma nempe ex farina consolidae majoris, althaeae, & sigilli salomonis ana, cum lixivio fortissimo coctum, & toti abdomini tepide, frequenter & continue admotum. Quod & symptomata statim lenivit, & magnae lochiorum purulentorum copiae fluxum revocavit intra *νυχθήμερον*, servavitque per totum morbum, adeo, ut decursus ejus placidior fieret, & exitus denique in sanitatem evaderet exoptatam, circa diem puerperii in altera undecimum, in altera decimum quartum, quibus purpura exsiccata per squamulas decidit. Plurium Medicorum experientiae commendatam velim externam istam medelam, attentione & usu dignissimam, quam laudatus auctor ad inflammationem uteri, quippe frequentissimam, per sphacelum, mortis puerperarum causam, & ad ipsam purpuram miliarem, summe utilem longa & repetita experientia reperit.

§. XI.

Goelicke diss. de laude febris falso suspecta.

D. 30. Aug. 1733. Ante paucos dies in manus meas incidit *dissertatio de laude febris falso suspecta*, cujus autor *Cohaussenii* archaeum, febrium fabrum, *Bergeri* dissertationem de laude febris merito suspecta, & meas denique observationes de febribus, quas ne quidem perlegit, aut intelligit, frustra erroris suspecta reddere allaborat. Bilem atram, qua turget, in meas praecipue observationes, in praefatione & pag. 28-32. crude & sine ulla rationis aut argumenti umbra evomit. Neque est cur aegre id feram, quia id tribuendum videtur elleboro, quem ipsi observationibus meis scriptis prae bueram, ob dissertationes de impostura corticis peruviani, & de ejus noxio usu, quamvis recto, quae ejusmodi remedium indicare videbantur. Quod si forte per *ὑσερργίαν* aliquam sapientior aliquando evaserit, ut rationibus & adaequata experientia, apparenter
fal-

(c) in actis med. phys. acad. caesar. vol. II. obs. 146.

saltem pugnet, respondebo: tantisper de iudicio inter nos [cujusvis prudentis viri securus ero (*).

§. XII.

Suppressio urinae. Usus Cantharidum.

Sartor quidam quadragenarius, neque nephriticus antea, neque calculi signa habens, neque alio morbo affectus, nisi quod ante triennium post febrem intermittentem epidemiam, *dysuria* plurimum hebdomadam, sub alius Medici cura, laborabat, incidebat superiori anno in *alvi & urinae suppressionem* perfectam, ex vita puto sedentaria & victu duro. Vomebat, velut ex calculo, cum dolore dorsi & hypochondrii dextri, sine febre. Arcessitus quarto die solvi alvum sale cathartico amaro, ad drachmam unam quavis hora dato, ad unciam uniam & dimidiam usque; vena deinceps secta, praebui cyathos aliquot aquae pyrmontanae, & propulsae sunt urinae unciae fere duae. Repetii altero die, sed omnia aeger revomuit. Interea iterata venaesectio, enemata, emulsionem ex violarum & melonum semine, Decoctum pareirae bravae, nephriticum Foresti, *balsama*, (**) gummata, *nitrum*, pulveres, salesque diuretici, olea, mucagines, balnea, aliaque remedia externa & interna, partim me ipso, partim amicorum vulgo consulente, ipse etiam catheter, frustra omnino tentata sunt. Die undecimo accesserunt deliria, subsultus tendinum, sudor in facie frigidus, durus abdominis tumor, pulsus inaequalis, debilis, frequens. Necessitate (***) ergo urgente, remedium diureti-

(*) Conf. Cautionum medic. tractatus secundus integer.

(**) Inter haec, ad suppressionem urinae sine febre, uti & nonnunquam ad hydropem, auctori usus Terebinthinae prae aliis solennis fuit. Propinavit eam ad drachmam unam semis cum totidem unciis aquae cujusdam diureticae, imprimis Chaerifolii, mixtam, addita syrupi Althaeae uncia di-

midia. Quae quidem dos omni bihorio repetenda erat. — Vel & miscuit Terebinthinam in vitello ovi solutam cum aenatica quantitate Nitri.

(***) Prodigia manu *Werthofius* nunquam hocce remedio usus est, sed urgente demum indicatione; junxit praeterea ipsi plerumque antidotum — Camphoram, tam pro interno quam externo usu. Temerarium alioquin au-

cum certissimum, *cantharidum pulverem*, cum emulsione, ad granum unum, quarta quaque hora exhibui. Post tertium granum fluere urina parum grumosa sanguinolenta, dein pituitosa, tandem limpida coepit, cum dysuria. Continuavi, quia symptomata cetera statim mitigata sunt, medicaminis usum, ad nonam usque dosin: quo facto magis magisque, & tandem largissime ad plures in dies mensuras sine febre, dolore, prodiit urina limpida, imminutis symptomatis omnibus, sensimque sola ejus remedii *ὕσπερ ἔργα* convaluit homo, jamque sanus vivit.

Idem remedium tunc eo confidentius propinavi, quo magis cautus ejus usus mihi aliisque dudum in *hydrope*, *morsu canis rabidi*, & praesertim saepe saepe saepius in *gonorrhoea* pertinaci tuto & cum salubritate exploratus est. Dedi in gonorrhoea in substantia ad granum unum, duo, tria, cum ossis saepiae drachma, & pro efficaciae observatione, continuavi ad plures dies, & minori id cum molestia fieri observavi, quam si pro more *Bartholini*, *Listeri*, & aliorum, mihi itidem feliciter tentato, infusio in vino facta sit (*). Pertinet eo in morbo hoc remedium ad derivantia, imo & per locum affectum eva-

sum hoc videri posset illi, qui insignem cantharidum efficaciam in adolescente quodam perfecte sano mihi agnato noscit; a solo odore Cantharidum hic vel interdum pollutiones, sive seminis profluvium experitur, atque ab emplastro vesicante ex iisdem insectis applicato in veram gonorrhoeam proprie sic dictam incidit.

(*) Infusum Cantharidum juxta *Bartholini* & aliorum praeceptum aequarioris usus *Werlhofio* fuit ac Tincturae earundem e pharmacop. edinburgensi; interim raro quoque in pulvere easdem usurpavit, sed ultimis praxeos annis non nisi ad morsum animalis rabidi eas retinuit, ad hydropem & gonorrhoeam tutiorem

medendi rationem secutus. Quo vero modo Cantharides ad morsum animalis rabidi adhibuerit autor, fusius ex ipsius ad me datis litteris indicavi in dissertatione inaugurali: de insigni venenorum quorundam virtute medica, imprimisque Cantharidum ad morsum animalium rabidorum praestantia. Göttingae 1762. Ad augendum ulterius numerum argumentorum, quae pro medelae hujus efficacia ibidem protuli, notasse sufficiat, formulam medicamenti Werlhofiani ex praecepto regiminis regii seorsim postea publici juris factam esse, atque pilulas in pharmacopoliis totius electoratus hannoverani jam prostrare uti dicunt officinales.

evacuantia, quae, sublata inflammatione, correctis humoribus, imminuta plenitudine, & factis ex methodo revulsionibus, omne tandem saepe ferunt punctum, id quod in variis morbis medelisque usu venit.

§. XIII.

Podagra.

In *Podagrae* curatione ab iis, quae ex communicatione cl. *Carli* specimina vestra exhibent, haud multum diversa sentio. De *cura* vero *lactis* (a) contemtim nimis loquitur, quippe quae in malo graviore, & fere perpetuo mira haud raro praestitit. Vidimus hic loci illustre exemplum in magnae dignitatis viro, qui septuagenario major, diaeta lactea uti coepit, omnibus membris claudus, nodis tophisque obsitus, perpetuis doloribus excruciat. Brevi vero ex simplici illo remedio melius (*) habuit, & ita cum sanitate in gratiam rediit, ut ad 93^{ti}um usque aetatis annum agilis alacrisque & sine dolore supervixerit, eadem diaeta ad mortem usque usus. Is ipse fuit, cujus exemplo hic excitus b. *Brunnerus* eandem medelam in proprio corpore instituit: & perquam sane feliciter. Ea enim inde ad mortem usque quam octuogenario major obiit, beneficia perpetuo retulit, quae in Ephemeridibus Academiae Caesareae laudavit: neque uti vult Cl. *Carlius*, ex levi dysenteria, sed ex gravi febre epidemia, pluribus senibus funesta, occubuit. Nequaquam egregia ejusmodi medicina, cujus utilitas multis exemplis dudum per plura secu-

(a) vid. Anno 1732. Hebd. IV. n. IV. p. 28. seqq.

(*) Plura ejusmodi exempla in hac urbe habemus, inter quae illud ipsius auctoris satis notum est. Circa annum enim 1758. ab arthritide & podagra haereditaria jam per 30 annos affligente ac quotannis recurrente, immunem eum praestitit lactis cura per plures annos. Sumsit vero sem-

per pro jentaculo, prandio & coena libram dimidiam lactis cocti; mane quidem per se, ad meridiem & vespere instar jusculi. Vescabatur simul pane similagineo, piscibus salubribus aquae dulcis, oleribus ---- pro potu nil nisi aqua inserviebat sub plenaria abstinentia ab omni vino, cerevisia, acidis, aromaticis, duris, dyspeptis viscosis, flatulentis &c. Conf. Caution. med. cr. I. §. VII.

secula regionesque plures firmata est, suspecta omnino reddi mereatur: quamvis cautionibus limitari mereatur, & illud praecipue valeat: *abstineat a lacte, qui nescit temperare gulae!!*

§. XIV.

Constitutio aeris.

D. 22. Octob. 1733. Aeris constitutio per exeuntem aestatem ineuntemque autumnum solito frigidior, siccior, sibi que similior, raro tepida, pluvia, aut ventosa est, neque vero multa morborum frequentia gravis. Tussis infantum convulsiva cessat, exulant Morbilli & variolae, praeter lymphaticas. Purpura hinc inde infantes, paucos etiam adultos corripit, catarrhosi affectus, cum faucium maxime inflammatione, item erysipelata plures. Tertianae mense Septembri augescebant, vergebant in continuas, & graviora inducebant symptomata. Immiscebant se, erraticarum febrium ad instar, quartanae, quae jam mutata epidemii status ratione fere solae ex febribus frequentius supersunt. Sporades tamen etiam *τύφοι* notantur in urbe, ruri alicubi epidemiae, cum Cephalalgia gravi & vomitibus, vel nausea insigni, per dies fere quatuordecim sine periculo plerumque affligentes, crisi per sudorem, subsequente diarrhoea, solutae. Dysenteria in civitate paucos, suburbiis plures, ruri hic illic multos affecit, medelam sat facile admittens. Jam ubique cessare videtur. Nephritici podagricique mensem aequinoctii passim queruntur, alique, quibus consveta *παθήματα* sunt. Apoplexia varios subito sustulit, alios item paralyti exsolutos reliquit. Ceterum moriuntur praeter tabidos pauci.

§. XV.

Sectio infantis ischuria extincti.

Secui nuper puerum octennem, *ischuria* decem dierum extinctum, qui ab ineunte aetate paucam & difficilem *διούρησιν* habuerat, aliquoties urinae suppressione fuerat affectus, & ante annum, ope mea, post morbi octiduum, paucis aquae pyrmontanae poculis libera-

beratus. Cadaver apertum ostendebat renem sinistrum, cujus parenchyma, licet triplo majus, quam pro aetate, esset, & ureter proportioni aptus, pelvis tamen vix major solito, & ureteris ingressus *calculo* (*) nigro obstructus erat. Ren vero dexter deerat totus,

(*) Unicum forsan exemplum veri calculi urinarii, quod *Werlhofio* in tota praxi 50 fere annorum occurrit; tota enim urbs non solum, sed & quantum novi, totus electoratus a ducatu inde Holsatiae ad principatum usque Hassiae rara illa beataque immunitate a calculo vesicae urinariae gaudet. Non est hujus loci, nec mei officii, ad quaestionem hac occasione inter alios a medico viennensi (*de Haen* rat. med. X. p. 279.) factam respondere, interim monente *Pringlio* ut primam occasionem publice respondendi arriperem, non possum mihi temperare quin pauca ex meis, non *Werlhofiana*, hic subnectam, quae lector non mihi sed suavori vitio vertere poterit. *Werlhofius* quidem juxta communem & generalem opinionem, aquam, quae lapide calcareo abundat, calculi & affectuum nephriticorum genesi favere suspicatus est, ideoque aquam, quacum cibi coquuntur, in ejusmodi casu mutandam suavit, cum in hoc ipso oppido sint plateae, in quibus nihil horum pathematum observetur, in aliis multum. Contra, *Wrisbergius* Professor Göttingensis ipsi huic aquae, partibus calcareis impregnatae, in ditione Göttingensi hanc immunitatem deberi, autor est in *Histor. variolar. Gött. 1770. p. 12.* Sunt vero, quae pace tantorum viro- rum ab utraque sententia me recedere jubent. Aquam enim fluminis Leinae, Göttingam & Hannoveram

transeuntis, non continere huius immunitatis causam, exinde apparet, quia non tantum huius fluminis incolae, sed & incolae aliarum urbium & totius electoratus & ipsi ruricolae ab illo remotiores, aqua pluviali saepe usi, eadem felicitate gaudent. Solam quoque aquam in genere, quae athena illi decoquendae dicata crusta crassissima in oppidis hisce electoratus obducit, parum conferre ad facilitandam vel ad destruendam diathesin calculosam, ex eo patet, quia (*Teste de Haen* X. p. 282.) Viennae pariter frequentissimum est hoc aquae in Vasis residuum, nihilominus incolae calculosis affectibus obnoxii sunt. Quoad victum, omnia alimenta & potulenta cum aliis gentibus calculo laborantibus, hic loci communia habemus, vini, cerevisiae, Theae, Coffeae &c. potum. Alia igitur ratio subesse debet. Qui in causam nostrae beatitudinis inquisiverunt, ad id nondum attendisse videntur, prae omnibus aliis ingenti esu vegetabilium, olerum, radicum &c. nostrates ita excellere, ut laevioris fortis hominibus illa sola saepe per plures dies immo hebdomades, excluso omni victu animali, pro alimentis inserviant. Et in hoc vitae regimine causam raritatis morbi potissimum latere — nisi unicam, haud dubium videbitur illi, qui Parisinos & Londinenses prae aliis calculis obnoxios animali victu praecipue uti, vegetabilibus paucissimis, novit. Sunt enim, ni fallor, inter

tus, & circa vasorum emulgentium distributionem, non nisi hydabides aqua limpida plenae, majusculae octo, plures minores, uvae instar cohaerentes, sine ullo parenchymatis, aut ureteris vestigio, reperiiebantur, ipsae etiam, quod flatu & fetis tentavi, non confluentes.

§. XVI.

inter ipsa haec vegetabilia, quorum quotidie pro jussulis, variis dapibus, imo & bellariis &c. frequentissimus nobis usus est, quaedam, nisi lithontriphica, diuretica tamen aliqua virtute praedita, hacque ratione prima statim calculi rudimenta sabuli forma e viis urinae eliminando, generis ac incrementum majoris impediunt, quorsum pertinent, uti videtur: *Petroselinum* offic. seu *Apium* fol. caul. linearibus; *Asparagus* sativus. *Lapathum* hort. *Apium* dulce. *Chae-rophyllum*. *Raphani*. *Vaccinium*. *Berberis*. *Daucus* sativus. *Raparam* classis, ut sativa longa & *Brassicae* variae ut rad. caulesc. orbic. depress. carnosa. *Napus* sylvestris. *Cicera*. *Myrtilli* vulgares. *Pisa*, praecipue ficcata. *Lactuca* capitata & sativa. *Pastinaca* f. *Selinum* fol. pinnat. lanceolat. basi semitrib. *Sium* fol. pinnat. fl. ternat. *Phaseolus*. *Solanum* tuberosum &c. Nihil itaque habeo, quod e praxi Werlhofiana ad calculum ipsum, pauca, quae ad affectus nephriticos, commendem. In paroxysmis dolorificis ab ipso *Opii* usu non abstinuit, vel syrupum e *Meconio* ad unciam un. semis pro dosi porrigens vel miscendo partem un. *Laudani* liq. S. cum duabus spiritus salis d. omni quadrihorio guttas 30-40. exhibens, donec dolores sopiti sint, tunc vero serum lact. c. succ. citr. parat. ad libr. 2. quovis mane, junctis interdum succis *Taraxaci*, *Chae-*

rophilli, *Beccabung.* pro aliquot hebdomadibus. Urgente dolorum atrociam, medicina illa anodyna (inquit in epistola quadam) refugium sacrae instar anchorae est, juvantibus, ubi opus videtur, enematibus, epithematibus, unguentis, inter quae praestant linimentum ex ol. amygd. d. part. 4. spirit. sal. amon. p. 1. & epithema e filis lineis crudis in lacte calefactis. Suasit alibi decoctum rad. pareir. br. unc. 2. c. sal. amon. pur. drachm. 2. in aqu. libr. 2. ad longum tempus — etiam pro vehiculo illius anodynii, interposito singulis mensibus leni laxante manuato in fero lactis. Adversus mictum cruentum & *Dysuriam* ex eadem causa pluries optimum effectum expertus est *Extracti Cortic. peruv.* in quadruplo spirit. sal. dulc. soluti & ad gutt. 60 quater de die exhibiti. Pro simplici demulcente inserviebat plerumque oleum oliv. ad unc. 1. bis die. *Uvam ursi* in *Dysuria* a calculis renum & vesicae minoribus & sabulo oriunda conspicuum levamen pluries attulisse; in mictu cruento chronico autem cum tenesmo & *dysuria* insigni juncto, qui vesicae ulcus causam habuit, per aliquot hebdomades quotidie eam quater ad drachm. dimid. absque ulla boni effectus nota datam esse, retulit Professore Göttingensi *Murray*. vid. ejusd. dissert. de *Arbutu* uva ursi. Göttingae, 1764. pag. 39.

§. XVI.

Status epidemici.

D. 10. Decemb. 1733. Quod ad *statum* nostrum *epidemicum* attinet, tempestas sub Novembris novilunio a sicca & magis eurina subito in tempestuosam & pluviam ex Zephyronotho transit, & toto dein mense humidior ac identidem ventosa mansit, & etiamnum est, tepidior etiam, quam pro anni tempore. Morbi maxime epidemii sunt affectus catarrhosi, gravedines, tusses, faucium inflammationes, rheumatismi: erysipelata item faciei & pleuritides aliquos infestant, sat benigne omnia. Infantes multi catarrhali feбри per quatuor, aut septem, dies laborant sine periculo; purpura, variolis, morbillis pauci. Febres tertianae quartanae, & mixtae, seu erraticae, sat frequentes sunt, rariores continuae, rarissimae continentes malignae, funera pauca.

§. XVII.

Problema de praecavenda & curanda convulsione maxillae inferioris in infantibus.

Liceat expetere solutionem problematis: *quae sit praecautio, quae curatio convulsione maxillae inferioris in tenellis infantibus.* In dissertatione de ea convulsione Jenae sub praesidio Friderici 1672. habita, paralyxis maxillae populariter appellari dicitur. Vocatur vulgo hujus loci apoplexia cephalica, Haupt-Schlag. Spasmus vero primo est; tandem saepe resolutio: ut suctionis potentia vel tollatur statim omnis, vel minuatur sensim ac fatiscat. Praecedunt nonnunquam aut comitantur aliae convulsiones manifestae, contorsiones, ejulatus, diarrhoeae; saepe nihil horum accidit, ut ceterum corpus sanum videatur. Frequenter contingit infantibus recens natis, ad aetatis diem circiter usque XIV. matribus sanis, languidulis, nobilibus, plebejis; post partum expeditum, laboriosum, naturalem, perversum, maturum, praematurum; suctione facili, difficili, frequenti, rara; lacte recenti, adultiori, imo interdum, ne praevia quidem suctione vlla. Nobis adhuc lugenda est veritas effati dictae

dis-

dissertationis Fridericianae c. 6. "Affectus hic est periculosissimus, & pauca, imo ferme nulla, aegrotorum nota nobis sunt exempla, qui iterum pristinae sanitati fuerunt restituti.,, Primo enim exinde, secundo, tertio, vel quarto die mortui sunt, quotquot correptos vidimus. De istis tenellis id dico, ubi nullam scio medicinam, (*) quae quicquam valuerit: non ita de adultioribus, ubi in affectibus spasmodicis haud adeo raro accidit, & medelam saepe admittit; item in vulneribus nervorum ac tendinum, praecipue semilacerorum, qualia ab ense obtusiori, ictu sclopeti, laceratione celotomi cum hoc symptomate periculosissimo exitiose contigisse novimus: quae vero etiam aliquando curata sunt applicatione diligenti calida olei terebinthinae, & incisione seu scarificatione semilaceratae partis. Sex hebdomades sunt, quod femina quaedam feliciter lactat infantem suum, postquam meo consilio, per duas primas a nativitate hebdomades alieno lacte enutriverat. Tres jam ante ipsa lactare tentarat liberos, ea cum infelicitate ut omnibus nono die perniciose illa convulsio evenerit. Haec observatio ad similem praecautioem aliquando forte usu esse potest. — Sed neque ad omnem apta est, neque ad curationem pertinet, quam aliquam publice nosci pervelim, ne hunc in insanabilium morborum classe relinquere cogamur, qui inter haud infrequentes passim est.

§. XVIII.

(*) Nihil hic, quantum novi, *Werlhofius*, ex quo haec scripta sunt, in arte sua profecit, vel ad morbum letalem, cum omni sagacitate, remedium invenit. Majorem felicitatem contigisse illis, qui ex professo idem argumentum pertractarunt, prohi dolor! non video. Utinam eos, qui inter infantum morbos Trismum silentio praetereunt, magis inopiae artis confessio, quam mali infrequentia absteruisset! A medicis harum regionum

minus quidem expectanda videtur problematis solutio, quam ab illis, qui in locis ad occidentem propius sitis frequentiore causas morbi investigandi occasionem nanciscuntur, prouti jam spem aliquam fecerunt *Huck*, *Chalmers* (london. medical obs.) & *Bajon* (Journal de Med. 1769.) De *Werlhofio* id unum adjicio, Moschum in genere ipsum rarius adhibuisse.

§. XVIII.

Promissum de Cautionibus medicis & tr. de Variolis edendis.

D. 4. Martii 1734. Mittam propediem exemplaria tractatus mei contra disputationem de laude febris falso suspecta (a), quem, cum praemissa dissertatione, *cautionum medicarum* titulo appellare constitui. Remoram hic typographi labor fecit alteri cuidam opusculo, de Variolis & anthracibus, quod prelo paratum habeo, quodque horum affectuum diversitatem demonstrat, quum Vir quidam longe praestantissimus ante aliquod tempus ingeniosis speciosisque argumentis probabile facere allaboraverit (b), variolorum morbum, quem nos Graecis & Romanis priscis vere ignotum fuisse adhuc credimus, eundem plane esse, quem illi anthracum & carbonum, Arabes prunae & ignis Persici nomine vocitarint: quae nomina apud singulos eos populos a variolis toto coelo discrepasse ostendimus. Inserta sunt plura ad antiquitates, signa, causas, curationes horum morborum & congenerum spectantia.

§. XIX.

Constitutio aeris.

Hiems, a postremis meis litteris elapsa post aliquot circa Decembris plenilunium borealis frigoris dies, ad Zephyro-austrinam, tepidam, pluviosam, tempestuosam tempestatem rediit. A Novilunio Januarii ad plenilunium serenior, euro-austrina & fere verna fuit: circa plenilunium ex euro frigidiuscula per duas fere hebdomades; hinc ad hoc usque tempus, paucis serenioribus diebus interlabentibus, inter Zephyrum & austrum, rarius eorum, rarissime boream, fluctuans, plerumque pluvia, tepida, ventosa, sine nive & glacie fere ulla. A multis annis tantus universae hiemis tepor observatus non est. Neque vero ea nobis morbos insignes epidemios attulit. Sunt, fueruntque febres, ex intermittentium & continen-

(a) conf. A. 1733. Hebd. XXXIX. n. II. p. 306.

(b) vid. Ann. 1733. Hebd. XXIV. p. 190.

nentium genere, varioli item & purpurae, utriusque parum; pluscula rheumata, & pleuritides sat benignae; catarrhofae faucium inflammationes plurimae, cum febre catarrhali trium aut quatuor dierum, sine periculo. Nihil vero magis Medicos exercuit, quam *hypochondriacorum* & *hystericarum* cohors, melancholia vertigine, suffuris & tinnitibus aurium, insomnia, anxietate & querelis innumeralibus. Inter remedia prae aliis, in compluribus ejusmodi aegris, eximie sese gessit *serum lactis*, cum crystallis tartari, aut citri succo depuratissimum, sincerum, vel chalibeatum, (*) uti descripsi (c). Depurare facile est, si multa mane vel circa meridiem, lactis mensura, seu pinta una, vel amplius, demto vesperi cremore, ebulliat atque despumetur, hinc cum injecta crystalli tartari sesquidrachma, vel drachmis duabus, aut succo unius circiter pomi citrei, super ignem effervescat leviter, seponaturque deinde in locum tepidum per noctem, ut mane, facto integre coagulo, limpidissimum serum viridescens colari queat, quod sine istis enchiresibus purum obtinere multis difficile est.

§. XX.

Ratio physica obliterationis vasorum umbilical. & canalis venosi.

Ad problemata de *ratione sufficienti physica obliterationis vasorum umbilicalium & canalis venosi*, inquirenda (a), conjecturas quasdam meas proferre liceat. Videtur mihi ratio non omnis in solarum partium solidarum structura quaeri debere; sed in ipsa etiam fluidi

(*) Vel sub usu solius feri lactis simplicis dedit Tincturam Martis helleboratam ad guttas XC. ter de die. Ad febriculas hystericas interdum salem mirabilem Glauberi ita ut drachmas tres solveret in Aquae libra dimidia, addito pro grato sapore syrupo; hujus solutionis haurienda cochlearia duo omni trihorio. Tribuit quoque *Werthofius* nonnihil virtutis Aurantiorum foliis juxta methodum *Hae-*

nianam, sed ad laeviores tantum convulsiones hystericas, minus ad Epilepsiam. In genere vero *Sydenhami* methodum adversus plurimos hystericarum casus praestantissimam putavit.

(c) in observ. de febr. Sect. III. §. VI. not. i.

(a) A. 1733. Hebd. L. n. i. p. 393.

fluidi & definite elastici elementi seminalis & nutriticii, ad embryonis formationem & incrementum sensim sese evolventis, & sua tempora decurrentis, nisu nativo, qui vim suam directionemque, ad illa vasa tendentem, cum ipso tempore amittat, elanguente elatere ad impetum, eo praecipue faciendum, physica proportione destinato. Ex materno corpore certe elementum ejusmodi per vasa umbilicalia affluere, ipso tempore, & funiculi separatione, cessat. Exemplum *ἐνάλωγα* in toto passim vegetabili animalique, imo & minerali naturae regno, in liquorum, secretionum, excretionum, organorum certorum, per nativa tempora & aetates, mutationibus, maturacionibus, orgasmo, directione, cessatione, multa occurrunt. Ipse, quem & Vos eleganter notatis (b) spermatici liquoris, sanguinis menstrui, lochiorum, lactis, temporarius affluxus, & plena denique cessatio, quum vasa ante eas mutationes eandem ad sensum structuram & expositionem obtineant, probare videntur, liquoris alicujus, vel elementi elastici in liquore existentis, indole, per temporis rationem mutata, & hinc impetu aliter determinato, fieri satis posse, ut certae viae, licet per se aequae patulae, & solida structura sibi similes, justo tempore vel perluantur, vel vix attingantur, & exsiccatae proprio se elatere contrahant, & sensim oblitterentur. Praeterea, quod a Vobis etiam innuitur, nisu contrahentis se, post separationem a funiculo, umbilici, totum connexorum vasorum tractum pariter sollicitari probabile est, praesertim, quum ingens, ea separatione, in toto motuum negotio mutatio subito contingat. Numquid vero propositorum problematum praecipua ratio, quod ad partes solidas attinet, quaerenda fuerit in eximio aliquo cum organis respirationis, per nervos & fibrarum tractus ac nisu, nexu & consensu vasorum locorumque, quae pervia servantur, prae iis, quae oblitterantur? Nulla major, constantior, efficacior diversitas est inter embryonem & natum infantem, quam circa respirationem: & sane, uti vasa umbilicalia, canalisque venosus, peculiarem tum cum materno corpore, membranisque huic adhaerentibus, tum, cum se-

cun-

(b) A. c. Hebd. XLIX. p. 385. seq.

cundina connexionem & confluxum habent, quae pulmonum aliquod officium, attritum sanguinis per gyrorum myriades, peragit: ita multo minus firmiter efficaciterque, quam ea, per quae post partum circulatio succedere debet, cum corpore reliquo infantis, cum pulmonibus maxime, ceterisque respirandi officio dicatis partibus contexta, conjuncta & conspirantia, per nervorum praecipue intercostalium & vagorum maeandros, eorumque distributionem, scopis suis aptam, esse videntur: quo posito, fat rationis forsan in perpetuo illo novae respirationis impetu fuerit, cur sanguis, neglecta una via, non ita connexa, in alteram propellatur, ut prior sensum sensumque exficari, collabescere, obliterarique debeat. Recte cl. *Bianchi* (c) de nerveis plexus intercostalis per hepar processibus, arteriam, inquit hepaticam ad instar reticuli circumligant, motum laticis per eam excurrentis regentes, tamquam habenae. Paria de aliis arteriis, quae post partum perviae manent, non aequae de umbilicali, quae obliteratur, dici posse videntur. Vid. *Bianchi* tab. IV. p. 930. de plexu hepatico, item tab. II. p. 893. ibique 8. 8. ramificationes arteriae hepaticae, sinum portae amplexantes, prope ad venae umbilicalis ingressum & canalem venosum cujus modi naturae artificium alienationem sanguinis ab istis promovere egregie posse mihi videtur, respirationis impetu nervos incitante. Ipsa vero obliteratio venae umbilicalis ceterorumque vasorum, a quibus perlucendis alienatur sanguinis circulus, fieri videtur tunicarum conniventium totarum incremento proprio, coalitu & obrigescentia ligamentosa; quemadmodum tunicas aliorum vasorum, imo tota vasa, in ligamentosam, cartilaginosa, ossream substantiam sensim degenerare posse constat. Quicquid vero conjiciamus, facit operis destinati sapientia, & partium impetum directionesque facientium subtilitas, ut ad divinum illud Fiat Vobiscum omnino semper denique pro supplemento confugiendum sit.

§. XXI.

(c) *Histor. hepat.* pag. 22.

§. XXI.

Conceptio falsa.

Quae de temporaria seminalis elementi, ejusque nisuum ac moliminum, indole modo dixi, alibique comprobavi (a), ad ipsas etiam *falsas*, quae vocantur, *conceptiones* (hoc est, ubi nullus partus post apparentem graviditatem in lucem prodit) aliquo modo spectant, licet rariuscule, ut tunc aliquid verae conceptioni simile in corpore contigisse videatur, quamvis prima concepti embryonis, aut corporis imperfectioris, stamina statim forte corrupta & deperdita fuerint, manente nihilominus seminalis elementi, quatenus id in materno sanguine est, nisu tempestivo. Exemplum cl. *Neuholdus* (b) eleganter retulit. Simile fere mihi superiori anno obtigit, in militis uxore XXXII. annorum, antea foecunda, quae ex signis, suppressis mensibus, rite quasi apparente foetus motu, aliisque, gravidam se certissime credens, post tempus XXXX. integrarum hebdomadum, lochia sine foetu experta est. Tunc vero foetum mortuum in corpore superesse ex cessante, quam eo usque senserat, embryonis quasi motione, ex ponderis in pube sensu, duroque & tumido abdomine, anxia reputabat, donec, praemissis per fluxus tempus pilulis balsamicis, illa, quam dicto observationum loco, laudavi, curatio & limatura martis omne tulit punctum, a morboque & opinione liberum praestitit, & menses in ordinem reduxit. Subjuxi dein potum & balneum aquae Pyrmontanae. Omnia vero, sine priori expectatione ad justum usque terminum, nil profutura fuisse puto. Hinc sententia mea circa quaestionem a cl. *Neuholdo* factam colligi potest.

§. XXII.

Cardialgia podagrica.

Numquid *limatura martis*, legitime & diu satis adhibita, extra *cardialgiae* & *podagrae* paroxysmum, problemati cl. L. *Joer-*
dens

(a) in obs. de febr. Sect. VI. §. VII. not. o. (b) *Anni hujus Hebd. 1. p. 2. seq.*

dens (a) maximam partem satisfecerit? Cardialgiam illam pro anomalia podagricaе διαθέσεως habeo, quae, eodem fere modo, ab ista causa non raro est, & vix felicius alio remedio, quam illo, in justos terminos redigi & ab internis partibus averti posse videtur: attestante *Musgravio* de arthritide anomala, & nostra, si id quoque addere opus est, experientia fat multiplici, in variis podagrae anomaliis, ipsisque cardialgiis horrendis, saepe recidivis, & hoc solo remedio funditus multoties extirpatis; de quibus dixi (b). Accedit in proposito casu acidissimorum vomitus, & pathemata hypochondriorum alia, a cl. *Foerdens* enarrata, quibus forte vix aliquid illa limatura aptius indicatum opponi potest. In paroxysmo perplacet elegans *Exc. Trewii* commendatio *olei Cajeput*. Nobis illud usitatum nondum est (*). Si id non juvet, pulveris absorbentis *Wedelii* scrupulus dimidiatus, vel pro re nata amplius, spem credo explebit, velocium cardialgiarum promptum auxilium. De Magnesia alba, item de lactea diaeta, qua sibi b. *Brunnerus* cardialgiam podagricam sustulit, & nos aliis sustulimus, jam non dicam. (**)

§. XXIII.

Notanda ad Observationes de febris.

D. 28. April. 1734. Pauca sunt, quae ad recensionem *observationum mearum* vestram (a) notanda videntur: 1) pag. 412. inter signa affectus soporosi, seu cari, apoplexiae similis, de quo problema quaesierat, sive potius inter causas ad praenotionem ejus affectus

(a) A. hujus Hebd. V. n. I. p. 33.

(b) in *Observ. de febr.* Sect. I. §. 8. not. (b) it. Sect. IV. §. III. not. g. h.

(*) Post illud tempus frequentissime hoc oleum in usum vocavit autor, non solum in illo morbo de quo hic fermo est, sed et quibuscunque aliis nervorum malis, spasmis hystericis,

Hemicrania, Vertigine, Chorea ita dicta S. Viti &c. vel per se aliquoties de die ad guttas usque XII. sacharo instillatum vel in connubio cum Cortice peruviano.

(**) conf. §. XXXII. observat. V. & supra. §. XIII. not. (*)

(a) vid. A. 1733. Hebd. LII. p. 411. sqq.

Etus cognitu utiles, a me indicatas, refertis medicamentum purgans ante tempus coctionis datum. Non autem solum coctionis tempus neglectum accusavi, quod non semper expectandum est; sed, uti Sect. I. §. VII. scripsi, coctionem neque expectatam, neque praestitam, aut non bene judicatas, quae etiam ante tempus coctionis adesse queunt, orgasmi & vergentis naturae indicationes, sub statu nempe maxime epidemio ad soporosa febrium symptomata prono. II.) eadem pagina vestra 412. lin. 34. pro carnis, qui typographi error est, legendum carus: uti p. 414. lin. 3. pro magis debilitantur, legendum corrumpuntur. III.) Quod p. 415. innuitis, me pro febribus tertianis recidivis praecavendis, donec ab iis tutum praestiterim aegrum, alternis semper hebdomadibus quiescere & repetere, quousque nempe symptomata indicant, dando corticem vel in substantia, scilicet quamdiu efficacius agendum est, & soporis aut continuae febris metus urget, vel denique ubi is metus evanuit, in infuso nonnunquam vinoso, id recte acceptum mentem meam exprimit. Addendum vero videtur quod Sect. IV. §. VI. notavi: "pleisque tamen febribus una repetitio, atque ita trium hebdomadum tempus, nec nisi duarum medicatio sufficiet.", IV.) Sect III. §. 8. non adeo accusationes corticis falsas, de quibus sequens magis sectio agit, quam curationes imperfectas & dosium non adaequatarum ab usum redarguit. Accusationum ibi mentio fit, quatenus imperfectae curationi ansam dant, & ad perfectiorem non negligendam incitare debent. V.) Quod p. 412. monetis, a b. *Apino* apud vos celebrem factum esse *casscarillae* usum, ejus rei explicationem aliquam observanter expeto. Forte opinio aliorum erronea, quasi ipse *casscarilla*, hodie ita dicta, usus sit, intelligitur. Forte nomen utrique cortici commune b. virum, de nova tunc *casscarilla* inaudientem, quam non vidit, ipsum ita errare fecit. Forte etiam alio postea tempore locoque *casscarillam* usurpavit. In *febre sane epidemia Hersprucensi*, quam descripsit, vera *Chinchina* usus esse videtur. Quod si autem fallor in mea sententia, veri corticis speciem aliquam vulgaram, non *casscarillam*, in illius *Historia febris epidemiae* describi, sique error meus per testes fide dignos in Vestris oris probari pot-

potest, meretur ea res publicam declarationem, quam, ne ipse amplius errem, aut aliis historicum errorem persvadeam, effragito. Eae enim dubitandi, vel potius pro vero cortice ibi designato decidendi rationes, quas in Observat. Sect. III. §. I. not. n. ex ipso libro *Apini* attuli, summum probabilitatis gradum adeo attingunt, ut non videam quomodo refelli possint, nisi sit, qui dicat: Vidi, quae hodie ita dicitur, quamque novi, cascarillam, non chinchinam veram, quam itidem novi, tunc temporis a b. *Apino* adhibitam; vel qui paria ex ipso, aut alio fide digno audiverit, quique simul cum ejusmodi effato conciliet ista, quae mihi dubitandi rationem fecerunt, quod vix fieri posse videtur, praesertim, dum *Apinus* suum, quem adhibuit, corticem sapore, odore, forma, effectu prorsus eundem, quibus veram & notissimam chinchinam, fuisse, claris verbis edicit; solo ferrugineo intus colore ab aliis, prius ipsi usitatis, ejusdem speciebus diversum. Dicta illa de cascarilla hodierna, quam *Zornius* (b) falsam vocat (nam Cascarilla vera vetustiorum ipsa chinchina est) forent falsissima, quod nemo non novit. Neque video, quomodo *Apini* sensus adeo falli potuissent. Ferruginei intus coloris chinchinam omnes fere seplasiarii habent, &, quo magis tenera & tubulosa est, quam ille eligit, & ego eligo, eo magis plerumque ad eum colorem a cinamomeo deflectit. Species aliquantum diversae multae sunt, & genus non variant, sed sapor, odor, effectus, a cascarilla hodierna, & omnibus aliis corticibus, longissime distinguunt. Cascarilla, quae hodie ita vocatur, est cortex Eleuterii, pretio longe vilior, sub isto cascarillae nomine a seplasiariis lucri studiosis pro vera chinchina, fere circa illud tempus, quo *Apinus* scripsit, vendi coeptus, ostendente, & emtores incautos monente *Stiffero* (c). Patet hinc, eo tempore, ante satis detectam eam fallaciam, quae alioqui nulla esse potuisset, veram etiam chinchinam eo nomine venisse, ut facile, postquam illud pro Eleuterii cortice magis increbuit, error & confusio apud ignaros contingere potuerit, ad nomen potius commune & aliquam formae similitudinem, quam ad saporem, odo-

(b) In Botanologia. p. 202.

(c) Act. labor. chem. specim. 2. c. 9.

odorem, effectum diversissimum attendentes (d). VI.) Sect. VI. §. 3. seqq. non pro causa febrium, sed typorum, ac periodorum quatenus illi temporarii sunt, declaravi motus periodicos regulares & naturales atmosphaerae. Causa febrium proxima & continens est ipsa quaecunque materia febrilis, cum motibus physica & mechanica ratione inde consequentibus, de qua Sect. VI. §. V. dixi. Hanc vero respectum aliquem semper habere ad motus, fluxus & refluxus, temporarios atmosphaerae, quos Mathematici norunt, & ideo etiam tempestivis typis se adstringere, existimo.

§. XXIV.

Constitutio epidemica.

D. 20. April. 1734. Mensis superior & praesens variabili, pro primi veris indole, *tempestate* usus est, plerumque tamen austri-

(d) Ut clarissimi auctoris voto satisfaceret D. D. *Trew*, solvendum hoc dubium quaesivit a Dno Jo. Jac. *Kirstenno*, pharmacopoeo Altorfii Noricorum sat claro, quippe qui a b. D. D. *Apino* praescripta pharmaca ipse tunc paravit. Rogavit ergo hunc, ut significaret: 1) num cortex ille, quem tam familiariter adhibebat, in historiae febris epidemiae commendabat laudatus D. D. *Apinus*, ille ipse sit, qui hodie adhuc cascarillae nomine omnibus notus est, an sub eodem nomine cortex ille, qui chinchina dictus, & a quibusdam cascarilla falso nuncupatus erat, intelligatur. 2) Num ipsi genuina chinchina cognita fuerit, eandemque hic in usum aequae frequentem adsciverit. Quibus tunc humaniter respondit Dnus *Kirstenus*: ubicunque b. D. D. *Apinus* praeceperit Cascarillam seu Schacarillam, corticem hunc fuisse sumtum; chinchinam autem raro ab Eodem in usum vocatam esse. Vocavit autem vel maxime in usum ex-

tractum, & quidem in forma pilularum, ponderis unius grani, quinque pro dosi. Hoc extractum per coctionem cum aqua parari jussit in Historia febris epidemiae: quum autem optima pars in resinosis lateat particulis, nunc illud primum per vini spiritus infusionem, dein etiam per coctionem cum aqua paratur, ut terrestres quoque particulae acquirantur. Temporibus b. D. D. *Apini* Cascarilla caro aestimata fuit pretio, una scilicet libra 24. vel 26. florenis: nunc diminutum existimationem simul diminuit. Ceterum ex ore b. D. D. *Goetzii* nostri addimus, extractum cascarillae, quod in usum vocabat b. D. D. *Apinus*, non semper paratum fuisse solummodo cum aqua, sed cum illo per infusionem spiritus vini elicito combinatum; id quod memoriae commendare hanc ob causam visum est nobis, ne quis ejusdem vestigiis insistens, experientiam forte accuset errantem.

na, tepidiori solito & sat saepe amoena. Germinant omnia citius vividiusque, quam pro anni temporis more. Morbi haud valde epidemii, frequentiores tamen, sunt faucium inflammationes, pleuritides, tussēs, asthmata, febres rheumaticae, tertianae, variolae, purpurae. Synochi & nonnullae malignae sporades sunt, haud sine aliquo contagio. Tabidi & apoplectici moriuntur passim. Abortus & uteri haemorrhagiae solito frequentius occurrunt. Super sunt aliqui ex quāplurimis, tota hac tepida hieme hinc illinc obviis, melancholicis, pluscūlī insuper passim emergunt. Vicinis in locis petechiae frequentes sunt.

§. XXV.

Spina ventosa ex laesione per spinam infixam.

Communicata mecum est sequens observatio, *de spina ventosa ex laesione per spinam infixam.* Mense anni 1731. Augusto homo rusticus, nudis pedibus incedens, spinam plantae pedis sinistri infigit, eamque integram, ut putat, extrahit. Tertio post die, rei incuriosus, per aliquot rursus horas nudis pedibus ambulans, dolorem demum aliquem pungentem in affecto loco, eumque indies augescere, sentit. Mense novembri ibidem ulcuscula quaedam sponte emergunt. Applicata & per mensem continuata sola Terebinthina, sanantur quaedam, alia vero denuo oriuntur, donec tumor totius pedis successerit, & post aliquot dies, circa calcaneum pariter & pedis digitos, ulcuscula sese aperuerint. Balneator consultus pedem scarificat, & inungit unguento viridi, quibus nihil juvantibus, principio Januarii 1732. ad carnificem itur. Unguentis hujus & emplastris, doloribus autem & symptomatis nihil remittentibus, ad ver usque excruciatu aeger aequē frustra herbarum viridum, nescio quarum, cataplasmata, ad autumnum usque applicat. Octobri mense bubulcus Spiritum Vitrioli cum pluma quotidie toti illinere plantae, dorso vero pedis bis in die, unguentum ad articulos, puto mercuriale, inungere jubet. Factum id per hebdomades duas. Aucti hinc immensum dolores, inflammatione stipati, tumore accedente

dente magno: ulcuscula ultra quinquaginta in planta & dorso pedis oborta, cum exstillante lymphâ mera, copiosa. Variis abhinc empiricorum consiliis frustra adhibitis, quum omnia in pejus ruerent, tandem medio mensis Augusti superioris anni, chirurgum provincialem Blekedae Lunenburgicae ad Albin, *Krügerum*, virum peritum, in auxilium vocat. Hic nullam, nisi in amputatione pedis difformis, sinuosi, ex livido pallidi, spem superesse judicans, feliciter eam exeunte mense administravit, ablato intra horae quadrantem pede. Pondus habuit $8\frac{3}{4}$ librarum; cutis crassitiem ingentem, tunica adiposa, cum subjectis musculis, substantiam quasi cartilaginosa adeptâ (*) erat. Ex ossibus metatarsi fere exelisis fragmenta plura separata jacebant; secundi & tertii digiti ossa plane erant consumpta; tarso etiam quaedam, & os calcanei praesertim, rosione corrupta; fibula prope malleolum externum quasi diffracta, & ipse malleolus pene absortus, tibiaequae extremitas magnopere laesa; muscoli vero ibi siti omnes corruptione affecti. Pes totus tribus quatuorve sinubus cavernosus visebatur. Ablato autem, & ex arte sanato, sanus jam cetera victitat homo, vivum infelicis empiriae chirurgicae exemplum.

§. XXVII.

Febris maligna ab esu piscium.

In una heic domo sartoris, eaque sola, sine ulteriori extra ipsam contagione, *febris maligna* octo sensim homines corripuit, quinque

(*) Versus finem vitae suae in spina ventosa non venerea svasit *Werthofius* Decoctum Corticis peruv. & Radicis Rubiae tinctorum per longum tempus continuatum, atque in simili casu Corticis peruv. & fuliginis ana unciam dimidiam cum syrupi unciis quatuor, ut infans quater de die cochlear parvum fumeret. Externe ulceribus aliquoties in die decoctum saturatius folio-

rum fabinae, vel Extractum Cicutae in Aqua Calcis. viv. solutum applicuit, ab interno Cicutae usu neque ad spinam ventosam neque ad verum Cancrum verum levamen comperit habens, quamvis ad drachmas tres singulis diebus dosim augetet. Mercurialia & in Carie, ubi minor esset latentis miasmatis venerei suspicio, nonnunquam exhibuit.

que e medio tulit; duas puellas, alteram ancillam adultam, alteram decennem, adhuc inter spem metumque detinet; neque nisi una, quindecim annorum, convaluit, quae primo sola per tres hebdomades laboravit. Brevi post mater in eundem morbum prolapsa est, dein sensim sorores, parens, frater, ancilla, uno semper contubernio & lectis promiscue usi, quibus vel alii aegroti cubabant, vel e quibus vix ablati erant demortui. Singulare vero est, has ipsas personas omnes, neminemque praeterea ex ampla domesticorum familia, pridie quam prima puella aegritudine corriperetur, *comedisse frixos pisciculos* impense jam corruptione foetidos, ejus generis, quod, *Rondeletius* aphyam cobiten, Galli eperlan, vel loche de mer, nostrates *Stint* vocant. Symptomata ad sensum valde lenia fuere, pulsus & urina plerumque naturaliter habuerunt. Debilitas indies augescens, temulentia, & levis desipientia omnibus; faucium praeclusio, obauditio, haemorrhagia, purpura pauca miliaris (*) aliquibus obtigit. Nono aut undecimo die, aut serius, mors placida successit. Medici duo nostrates clarissimi, fautores & amici mei, curam impenderunt omnem, quantum perversa hominum diacta permisit, variam adhibentes, pro re nata, methodum & medelam, sed successu haud diverso (**). Haec narrare lubuit pro cautione contra piscium, ad corruptionem properantium, esum, & contubernia nimis arcta & perpetua cum febricitantibus, & inter ipsos aegros: quos, quantum fieri potest, remove expedit a suis invicem effluviis, saepe duplicantibus morbum, vel extra statum epidemium valde contagiosum.

§. XXVIII.

(*) Num purpura miliaris aliquibus horum aegrorum obtingens hypothesi *Strackianae* de exanthematibus ita favet ut experientia teste idem semper fomes putridus in systemate gastrico pro eodem exanthemate lateat? *Werlhofius* quidem epidemiam moguntinam singularis generis fuisse ratus, eandem medelam eidem morbo c. petechiis semper ubivis convenire negabat.

(**) Rariori huic observationi *Werlhofium* vel alium unquam medicum hujus urbis parem habere non memini, licet iidem pisciculi quotannis magna quantitate mortui semiputridi ad nos afferantur e mari parvo nobis vicino *Steinhudenfi*, sunt autem *Linnaeano* termino *salmo eperlanus* Syst. nat. edit. XII. p. 511.

§. XXVIII.

Abortus.

Femina quaedam intra biennium *quinque* passa *abortus*, cum ingentibus haemorrhagiis, denique, postquam curatione nostra (Observ. de febrib. Sect. VI. §. VII. not. o.) usa est, & ultra annum ab istiusmodi symptomatibus libera vixit, menstrua ad novam usque graviditatem pauca, sed ordinata habens, peperit ante duos hos menses infantem vegetum, quem adhuc lactat, sed *sine* ullo humoris aut sanguinis puerperalis, aut *lochiorum vestigio*, & cum secundina plane alba, neque quicquam inde damni aut aegritudinis retulit.

§. XXIX.

An aer sanguini pulmones transeunti misceatur.

Hebdomade secunda hujus anni ex commentariis Petropolitae recensetis cl. *Bülfingeri* experimenta elegantissima, quibus ventilatur quaestio, *an aer sanguini pulmones transeunti misceatur*. Diu est, quod ista de re disputatio inter medicos fervet, neque adhuc deferbuit, quae tamen distinctius merito, quam fieri assolet, tractari deberet: utrum nempe aer plane non, an solum non secundum naturam, & utrum solum non integer, integrisque viribus, & sibi penitus relictus, an etiam nulla sui particula, nulla virtute, nullo vinculo irretitus ibi subintret. Laudatus experimentorum auctor merito distinguit inter id, quod secundum & praeter naturam accidit, & quamvis ordinarie sanguinem non misceri censeat, praeter naturam tamen, nempe a quacunque interna venae laesione, fieri id posse probat. Fieri tamen etiam posse sine laesione, quamvis impulsu naturali aliquanto vehementiore & iusolito, demonstrare videtur praeter alia experimentum *Swammerdamianum*, a *Borrichio* (a) praecipue caute iteratum, quo ipsa cordis vasa per aerem tracheae inflatum intumescunt: ut spumofam sanguinis educti superficiem

ta-

(a) in Bartholini epist. Cent. IV. p. 448. seq. Add. ill. *Bergeri* Physiol. p. 47.

taceam. Dabo vero, naturaliter aerem istis, quibus, sibi extra corpus relictus, ad sensum pollet, qualitatibus omnibus libere praeditum, respiratione intra vasa pulmonum levia non adduci; neque memorabo subtiliores forte, quam prae crassioribus nostris sensibus apparere queant, aerei elementi particulas, aliosque illi mixtos vapores tenues, nihilominus eo pertingere posse, quum adeo omnia corporis vasa porosa sint, & introrsum extrorsumque varia corpuscula perspirent. Id vero negandum omnino non esse, imo *Bülfingerianis* experimentis firmari, persuasum habeo, aerem inspiratum, quatenus partim extus in atmosphaera jam humidus, seu aqueis particulis aliquo modo implicitus est, partim illis vaporibus humidioribus accedit, quos aere maximam partem spoliatos, adeoque facile novum recipientes, ex ultimi generis arteriis pulmonum, seu vasis exspirantibus, magna copia exhalatos, intra vesiculas semper reperit, quibusque subito se ibi semper miscet, laxaque unitur (b), aerem, inquam, illum inspiratum humidulum per ipsas venulas ultimi generis resorbentes, seu inhalantes, extrorsum hiantes (c) magna parte rursus ad circumlabentem sanguinem admitti. Id vero fieri putem pondere illabentis ipsius aeris, & adhaesione particularum aquearum aerem vehentium, & robore contrahentium sese & introrsum nitentium fibrarum. Numquid vero haec res pro praecipuo respirationis usu habenda fuerit? Foetus sane in utero neque tantum aeris in liquidas solidasque corporis partes disperdit, neque expirat pro corporis proportionem tot vapores, uti de natis adultisque certum est, ut non adeo liquore illo, qui recente aere valde foetus sit, per pulmones instaurari opus habere videatur. Atqui liquores corporis humani fere omnes, & multo magis partes solidae, plus

(b) vid. demonstrantia hanc rem experimenta plura cl. *Halesii* in *vegetable staticks* p. m. 234. seq. quibus extra omne dubium collocatur, aerem pulmonibus illapsum partem sui suaeque virtutis elasticae insignem in lympham ibi contentam disperdere.

(c) v. ill. *Wedelius* de transpirat. insensib. §. II. seq. Cl. *Quellmaltz* de vasis resorbentibus. Et *Schreiber* element. medic. physico-mathem. p. 346. seq.

plus longe aeris, quam communis aqua, in se continent, demonstrantibus experimentis ill. *Boerhaavii* in *Chemia*, & *Halesii* in *anaysi aeris* quam staticis suis vegetabilium junxit, & in haemostaticis. De usibus respirationis hodierni doctores in plane contraria abire videntur: alii denuo cum priscis, post ill. *Helvetii* maxime observationes (d), refrigerationi, alii incalescentiae (e), alii condensationi, alii rarefactioni, alii utrisque, alii neutris singulariter dicari existimant, alii cum chemicis occultum ex aere cibum, alii nihil petunt. Ego cum laudatis observatoribus, *Boerhaavio* & *Halesio*, & summe calefieri attenuarique sanguinem, veloci, & vehementer per vasorum myriades impulso circuitu per pulmones natorum, sed & vicissim, ne quid nimis fiat, momentaneo frigidiusculi externi aeris ad vasa allabentis attactu, refocillari, & aliquo modo, sed laxius condensari, credo. Ipsas vero elastici elementi particulas, supradicto modo per aquosum vehiculum sanguini circulanti inductas & immixtas, tum plurimis aliis vitalibus animalibusque usibus, & oscillationibus regularibus, tum non adeo, praesertim extra pulmones, refrigerationi & condensationi, quae magis momentanea est, sed magis rarefactioni & calori operam navare, non possum, quin existimem. Recte enim laudatus *Boerhaavius* in *chemia* (f). *Sanguis*, ait, *noster elasticus per arterias elasticas violente actus, calet in motu sanitatis. At vero, quo indoles sanguinis plus vergit in ingenium aquae neutiquam elasticae, eo minus caloris intra corpus producitur.* Hinc sanguis ex pulmonibus redux, quia pro effata lymphâ exspirata, aere foetam recipit, minus in ingenium aquae non elasticae vergit, & idcirco etiam in corde & arteriis magis calere videtur, & rutilare; imo inde forte est, quod *Lomeri* experimenta evincunt (g), quod in ipsa vena jam pulmonaria magis rutilo & arterioso si-

(d) de harum explicatione alibi plura. vid. *Memoires de l'academ. des sciences.* 1718. p. 222. seq. celeb. *Hambergeri* diss. de respirationis mechanismo. ill. *Winslowii* anatome.

(e) *Malpighius, Thrustonius, Bergerrus, Hoffmannus, Stahlius.*

(f) p. m. 174.

(g) de Corde C. III.

mili colore apparet, licet id alii, sed aliter experimenta capientes, sibi reperiri negent (*), alii aliis causis tribuere malint (h).

§. XXX.

Status meteorologicus.

D. 8. Julii 1734. Mensis fere elapsus est, quod *tempestate* plerumque eurina, sereniori, sed ad austrum, pro totius anni more, declinare solita, utimur, calidiori justo, sed intercurrentibus pluviis tempestuosis temperata. Rarum toto hoc anno fuit, rarum etiam ipso hoc sereniori tempore est, mercurium barometri altius assurgere, vel ubi imminente vento boreali, aut exquisitius eurino, aliquando sese extulerit, plus uno aut altero die a relapsu se sustinere. Neque tamen apud nos austrinus hic annus morborum epidemiorum insignium ferax est. Febres tertianae, colicae, diarrhoeae, tusses diuturnae & catarrhosi affectus varii, maximam aegritudinum partem constituunt. Variolae & purpurae, febres item continentes, pleuritides, arthritides vagae, sparsim infestant. Apoplexia circa solstitium aliquos corripuit.

§. XXXI.

Constitutio epidemia.

D. 9. Junii 1734. Epidemia nostra constitutio verno hoc tempore maximam partem Zephyrina, perquam temperata, & fere frigidior humidiorque, morbos haud immodice frequentes ciēt. Frequentiores sunt febres tertianae catarrhalis, faucium inflammationes, erysipelata, arthritides vagae, pleuritides, varioli, catarrhi, & tusses sine febre. Nihil tamen horum est, quod epidemicum proprie dixeris.

§. XXXII.

(*) Meminerint lectores, scripta esse haec omnia a *Werkhofio* ante hos triginta annos, neque desiderent in numero adductorum magni nominis

physiologos, qui ex eo tempore argumentum hoc penitus excusserunt.

(h) vid. ill. *Helvetius* l. c.

§. XXXII.

Camphorae usus internus in febris acutis. ()*

Legi nuper multa cum voluptate exercitationem cl. D. D. *Tralles* de virtute camphorae refrigerante, atque internis corporis humani incendiis restinguendis aptissima (i): ubi eleganti theoria mechanica corroboratur; quod ab Arabum inde temporibus, innume-
ris experimentis practicis comprobatum est, camphoram, licet certis respectibus pro calida merito habeatur, per ipsam tamen tenuiorem laxissimamque minimorum corpusculorum compagem, qua olea aetherea quaevis longo post se intervallo relinquit, non solum in corpore febris experte, majori etiam dosi calorem nullum excitare, sed & in febris acutis haud facile augere caliditatem, quae praeter naturam est, imo, sublata potius stasi, incendii causa, justae corporis temperiei restituendae egregie saepe opitulari. Plura the-
rica dici possent, de vi balsamica exsolutioni putridae coercendae apta, quam, tenuissima ipsa, adversus tenuiora maximeque activa inquinamenta exercere potest; de vi nervosas partes tenerrimas partim suo extrinsecus balsamo, partim in ipsos forsan tubulos penetrando, demulcendi ac roborandi; de vi per ipsum magis adaequarum nervorum robur, & per suas particulas volatiles, cohaesionis & elateris crassioris expertes, dissipandi lentas elasticasque humorum cohaesiones, caloris praeter naturam aucti, & perturbatae circulationis, causas, & vicissim effectus; deque harum virtutum singularum limite & moderamine. Sed haec aliaque aliis vel personis vel temporibus relinquo. Experimenta quaedam propria proxime superioribus mensibus facta, recensebo. Attendant velim medici *indicaciones meas* (**), debilitatem aegrorum continue febricitantium ingen-

(*) Ad mala *chronica* neque unquam, quantum novi, neque ea quantitate, qua H. I. *Collin* 1773. incredibili fere successu, Camphora usus est. *Werthofius* ejus usum extendit, nisi forte ad Maniam, & arthritidem, de quo infra, & p. 693.

(i) conf. Ann. hujus Hebd. VI. p. 48.

(**) Hae cum debitis circa dosin remedi-
dii cautelis a medico vindobonensi
Collin fusius 1773. expositae, pro ex-
plicatione pravi effectus inservire
quodammodo poterunt, quem ex-
per-

ingentem, symptomata anxietatis & delirii ingentia, inflammationem minacem, sed resolutioni per remedium volatile haud nimis repugnantem, antequam suppuratio vel sphacelus ingruat; attendant continuandi normam, *ἐν ποσὶ* nempe, & bonorum signorum, noxae vero nullius, observatam consecutionem, quae in omnis remedii usu maxime attendi meretur; attendant adhibendi modum in substantia, in emulsione, praecipue nitrosa, quem certe modum praebitione in essentiis & spiritibus vere excalescentibus longe tutiorem puto, & dosi quidem trium vel quatuor granorum, per breve, bihorii forte, intervallum, quo prius praebium facile dissari videtur, repetita; attendant, inquam, & sua itidem observata communicent, ut magis magisque a generali & abstracta primarum, quae audiunt, qualitatum disputatione, & repugnantium opinionum ambiguitate, ad genuinam, specialem, & ad morbos certos, certa corpora, certas circumstantias, relata de ejus remedii efficacia experientiam perveniamus, & usus abususque limites firmemus.

I.) Juvenis chirurgus laborabat sextum diem febre continente maligna, cum calore extrinsecus sat moderato, prostratione virium insigni, lingua aridissima, pulsu inaequali, frequenti, debili, urina flammea, alvo obstructa, spiratione cita & anghela. Sanguis parvus naribus stillabat. Delirium grave quinto die accedens rationis usum omnem interverterat. Vocatus sexto, praecepi emulsionem ad libram unam ex seminis melonum fescuncia, cum unicornu veri, bezoardici mineralis, nitri, singulorum drachma, camphorae scrupulis duobus, & sacharo, singulis bihoriis ad duo cochlearia dandam (*). Nondum plane absoluta erat ea remedii portio, cum ma-

ne

pertus inde est chirurgus edimburgensis *W. Alexander*, in experimental. Essays. Lond. 1768. p. 128. seq.

(*) Eandem semper normam sibi pro componenda Emulsione ejusque dosi servavit *Werthofius*, sed unicornu &

Bezoardicum minerale ut inutilia postea rejecit. Admiscuit nonnunquam Cornu Cervi in data quantitate Muli ad drachm. II. vel iij. Sacharo plerumque substituit syrupum. Althaeae vel diacod. ad unciam I. Mulum ipsum & ex aliis feminibus si-

ne diei septimi, crisi nulla evidenti facta, mens sibi constaret, ejusque & corporis vires eximie auctae essent, cum pulsu ordinato & majori, sed adhuc frequenti, urina turbida, ejusque sedimento luteo, cute & lingua molli, & leviter madida, alvo naturaliter lubrica, somno placido. Continuata & repetita eadem emulsione, octavo die febris omnis, omnia symptomata, sine excretionem manifesta, evanuerunt. Sine alia deinde medela, nisi quod catharticum salinum datum est, rediit sanitas, cum appetitu & viribus constans.

II.) Juvenis factor quintum diem pleuriticus, sexto dolorem nullum amplius conquestus, parumque tussiens, in phrenitidem ferocissimam incidit, viribus, quae antea magnopere prostratae fuerunt, adeo per furorem auctis, ut plurium custodum manibus coerceri non potuerit, quin per scalas subito descendens, in publicum procurreret. Reducto domum, & in lectum aegre coacto, advocor, & cum pulsu frequentissimo, parvo, duro, calorem magnum, anxiumque delirium continenter urgere, reperio. Praescribo superiori similem mixturam, pari camphorae & nitri dosi, sed ut levem mutationem indicem, cum dentibus apri & antimonio diaphoretico (*). Altero mane, sine crisi evidenti, sine virium multo dispendio, pulsum habebat mollem, magnum, frequentem, cum levi cutis madore, & mente plane constabat. Octavo morbi die, continuato medicamine, febris omnino exfulabat.

III.) Virgo per triduum impense pleuritica, sub vesperam, instante mensium tempore, anxietate corripiebatur ingenti, dolorum lateris dextri exacerbatione insolita. Pulsus erat frequens, durus, inaequalis, parvus. Strepus in pectore sonabat. Vesicatoria cruribus, lateri emplastr. de Hyoscyamo (***) camphoratum admoveri cu-

milibus Card. Mar. &c. vel & papaveris albi parare solitus. conf. §. Commercii hujus noric. XLVII. it. §. LXI. & LVII.

(*) E quibus quidem hoc saepe retinu-

it in indicata emulsione quantitate ad grana XX-XXX; dentes vero apri brevi post scriptas has observationes omisit.

(**) Minus frequenter, & ultimis de-

mum

curavi: praescripti emulsionem sem. cardui mariae cum camphorae laudata dosi. Altero mane, procedentibus mensibus, symptomata omnia impense minuta sunt, & sequenti die, continuato remedio, febris omnis abfuit, sine crisi manifesta.

IV.) Puellae quindecim annorum in febre catarrhali petechizante quam vocant, accedentibus sexto die anxietatibus insignibus, & magna virium prostratione, subitum levamen eadem camphorata medicina attulit, & elapso die septimo evanescentibus maculis, sine crisi ulla, ἀπὸ γεξιαν plenariam.

V.) Vir ultra quadraginta annos natus, superiori hieme solitum podagrae paroxysmum rite exantlaverat. Postea tamen verno tempore cardialgia, per plures horas gravi, saepiuscule per mensem unum & alterum, laboravit, alius medici cura usus. Incidit mense Junio in febrem ardentem. Venaesectio & remedia varia rite ministrata sunt. Die quinto morbi accesserunt cardialgiae insultus, delirium, animi deliquia iterata. Advocatus ego noctu pulsum durum, magnum, velocem reperio, vires tamen valde dejectas. Emulsionem praebeo ex sem. melonum & papaveris cum absorbente & nitri camphoraeque dicta dosi. Post primum praebium flatibus multis per alvum emissis, cessavit cardialgia. Mane altero delirium defierat, pulsum aeger mollem habebat, viresque laudabat manifesto instauratas. Urina copiose excernebatur. Febris tamen continua sed placida, ad noni usque diei exitum sine crisi durabat. Tum vero, post duas noctes, cum levibus deliriis paulo magis anxias, supervenit larga per sudorem crisis, quae toto decimo die procedens, undecimo aegrum sine febre reliquit, continuato ad finem usque

mum vitae annis, quantum memini, per Anglorum experientiam sine dubio meliora edoctus, ipsi parti affectae in Pleuritide applicuit autorem plastrum e Cantharidibus, licet in

malo saeviori & inflammatione pertinaciori, praemissa quidem venaesectio haud penitus hocce auxilium neglexerit. Conf. Comm. noric. §. XXXVIII.

que morbi solo laudato remedio, vesicatoriis tantum ad crura pro re nata adjuto.

VI.) Puerpera post partum praeter naturam laboriosissimum, secundo die horrorem, aestum, dolorem fixum in infimo ventre, dextra praecipue regione, cum inflatione & suppressis lochiis, patiebatur. Pulsus erat parvus durus, frequens, inaequalis, anxietas magna. Praescripsi abdomini cataplasma in commercio vestro memoratum (k), & camphorae dosin supra dictam, per bitoria in emuls. sem. cardui mariae cum lap. cancr. citrat. & borace. Post horas fere octo redierunt lechia, grumosa primum, dein partim putrida serosa, partim florida sanguinea, & justo tempore perseverarunt. Doloribus statim a redeunte fluxu remissis & post biduum cessantibus atque labente abdominis tumore, destitimus a cataplasmate & borace. Camphoratum tamen remedium continuavimus ad undecimum usque puerperii diem, quo praevia circa decimum larga per sudorem crisi febris omnis, placide eousque perdurans, deferbuit.

VII.) Juvenis vinosus, tumore pedum & scroti cachectico, & maculis crurum scorbuticis, per aliquod tempus sine medicina afflatus, in paroxysmum incidit epilepticum, cui similem ante aliquot annos passus erat. Calore & anxietate post convulsiones remanente, sumsit altero mane tartarum emeticum (*), quo quidem sat
vali-

(k) A. 1733. p. 298.

(*) Idem medicamentum & in Epilepsia idiopathica absque suspitione cachochyliae autorem cum praestantissimo effectu aegro cuidam exhibere memini, qui jam per integras 3 horas concussiones epilepticas sine remissione passus erat. Cochlearia duo aquae Tiliae in cujus unciis octo, quatuor Tartari emet. grana dissoluta

erant, non solum insultus epilepticos eodem momento sufflamarunt, sed & aegrum per aliquod tempus ab inveterato malo liberum reddiderunt, nullo inde vomendi conatu excitato. Caeteroquin & ipso vomendi scopo idem emeticum adhibuit in aliis casibus; plerumque tamen evacuanti-
bus, nisi urgeret indicatio, praetulit Viscum quernum pro potu, uncia scil. dimidia in aquae duabus libris
per

valide operante sensus anxietatis sublatus est, tumor imminutus. Sed successit sequenti die delirium furiosum, cum risu, saltu, virium ingenti augmento, pulsu magno velocissimoque. Dedi emulsionem seminis melonum ex aquae libra cum nitri drachmis duabus camphorae una, ad cochlearia quovis bihorio duo. Remedio hoc horis triginta continuato in somnum placidum prolapsus est, & cum mente sana, cure leviter madida, pulsu & calore longe mitiori, evigilavit. Sequenti die, qui ab epileptico paroxysmo quintus erat, cessavit febris, & sub jugi per aliud quatrimum eadem camphoratae medicinae dosi, tumor sensim omnis, & maculae, & universa aegritudo sublata est.

§. XXXIII.

Anatome urfi.

Mense Junio 1734. Nuper illustrissimus comes *de Platen & Hallermund*, rerum medicarum physicarumque fautor insignis *ursum magnum*, sanum, recens occisum, theatro nostro anatomico largitus est. In quo, quum prosector potissimum *cl. D. Wreden*, qui jam medicus militaris cum copiis regis nostri auxiliaribus ad Rhenum ivit, singularia varia notata sint, & quaedam ab iis diversa, quae de emaciato & ex aegritudine defuncti urfi cadavere retulerunt commentarii academiae scientiarum Parisiensis primi nuperrime editi, *du Hamel* in historia ejus academiae, *Valentini*, *Blasius* alique scriptores Zootomici, paucis singula referam. 1.) Omentum pinguedinem multam, per vacua interstitia coacervatam, exhibebat, duobus latum ulnis, & tribus ulnae quartis longum, lamella constans duplici, altera anteriori cum ventriculo, posteriori cum parte intestini, connexa. 2.) Intestinum aderat unicum, tenue, versus anum paullo crassius & rubicundius, valvulis glandulisque plane desti-

per dimidium horae cocta, — vel
& Radicem Valerianæ ad drachmas
II. pro dosi ante solitum morbi paroxysmi porrectam — vel & ada-

matum ipsi oleum Cajeput Cortici
interdum nuptum, Asiam foetidam
&c. at cum his omnibus inopiam impotentis artis haud semel questus est.

stitutum, ulnas XXII. longum, quatuor tunicis, facile separandis, constans, e quibus musculosa fibras orbiculares longitudinalibus subiectas, nitide exhibebat, uti villosa, quae dicitur, villos evidentes, tenues, fibrosos quamplurimos, inverso intestino statim longitudine lineae unius eminentes, ut quasi hirsutum appareret. 3.) Mesenterium pollicem crassum scatebat hinc inde glandulis, centrum versus crassioribusque majoribusque, & vasis lacteis tenuibus, solito more ad ductum thoracicum proficiscentibus. 4.) Hepar sex constabat lobis, e quorum trinis singuli ductus hepatici procedebant, quorum dextro cysticus ex vesica fellea, medio hepati per membranam tenuem pinguedinosam adhaerente, obortus inferebatur, ut ex duorum deinde hepaticorum conjunctione cholidochus efformaretur, cui ante ingressum in intestinum se iungebat pancreaticus. 5.) Lien cellulofus seu vesiculosus, situm, quem in cane, habens, tres longitudine ulnae quartas, seu pedem unum rhenanum cum dimidio, latitudine non nisi duos pollices aequabat. 6.) Ventriculus unus tantum erat, qualis in homine est, quamvis laudati auctores duplicem notarint, nempe in extenuato corpore, ubi fibrae constrictae medium quasi in duas partes diviserant. In nostro cadavere valde erat distentus, in pyloro carnosus, in cardia membrana forti tendinosa, ab oesophago continuata, obductus. 7.) Renes, qui in isto animali maxime singulares sunt, utrimque triginta erant, membrana adiposa crassa, propria tenui, in quovis latere in unum corpus compacti, membranulis septorum instar, a se invicem secreti, plane, quod ad venas, arterias, ureteres, ita, uti apud dictos auctores descriptum est, constituti. Ureter communis exiguam cavitatem habebat, & striae pinguedinosae instar apparens, facile cum pinguedine confundebatur. 8.) Deerant vesiculae feminales. Vasa deferentia in medio prostatae duobus habant foraminibus. 9.) Penis erat osseus, & musculorum abdominis annulus canum more conformatus. 10.) Pulmonum lobi in dextro latere tres, in sinistro duo erant, quorum superior paululum subdivisus apparebat. 11.) Cor magnum in orificio venae cavae tres valvulas, pulmonariae duas fortiores, habebat. In unam valvulam semilunarem aortae

hia-

hiabant arteriae coronariae duae: hinc arcum efficiens aorta descendebat. Ex arcu duo oriebantur trunci, dexter amplior in tres mox divisus ramos, quorum dexter major subclaviam constituebat, reliqui ad carotides tendebant; sinister truncus minor subclaviam ei lateri largiebatur. 12.) Arteria aspera praeter membranulam latitudinis unius lineae, tota cartilaginosa. 13.) Cerebrum parvum, oblongum, ad latera valde depressum. Glandula pinealis insignis. 14.) Oculorum bulbi parvi erant. Humor crystallinus valde convexus. In cantho majori membrana semilunaris fortis, in fine cartilaginosa, usque ad corneam, quam tegere poterat, prominens, deficiente plane caruncula. 15.) Cetera cum aliorum auctorum relationibus conspirabant (*).

§. XXXIV.

Göttingensia.

D. IV. Septembr. 1734. *Academia nostra Göttingensis* scholas suas proximo mense aperiet. Ordo medicus tribus professoribus constabit, de quibus nuperrime certi facti sumus. Laudabis habitum delectum virorum, quos & abs Te (D. Trem) & ab orbe literato maximi fieri scio. Nominare nondum mihi licet. Sunt vero inter illos nomina, quibus, si in medicis, physicis, mathematicis, paria habet litteratus orbis, majora an habeat haud scio.

Prodiit nuper heic apud haeredes Foersterianos liber vernacula lingua: *Göttingische Zeit- und Geschicht-Beschreibung &c. i. e. Chronica Göttingensia.* Subjuncta est doctissimi viri Chrph. Henr. Papen medicinae candidati, kurtze Untersuchung der Luft und des Wassers der Stadt Göttingen, i. e. brevis inquisitio in aerem & aquas civitatis Göttingensis. Opusculum perelegans duabus constat plagulis. Prooemium inquisitionum ejusmodi necessitatem ex Hippo-

(*) conf. quae in eodem hoc commercio noric. ann. subseq. p. 299.

descripta extat sectio hujus animalis.

pocrate docet. Cap. I. Signa percenset, ex quibus, si situs aeris-que rationem habeas, locus aliquis salubris vel insalubris, judicari debeat. Cap. II. Criteria illa ad Gottingensis utbis situm, ejus-que aeris qualitates nativas & adventitias applicat, simulque collectam inde loci salubritatem fertilitate agri, plantarum medicinalium & passim rariorum ubertate, pecudum proventu pastuque locupleti, & longaeavorum atque a morbis immunium hominum frequentia, corroborat. Cap. III. Inquirat in indolem aquarum Gottingensium, easque omnes & singulas curiosis experimentis physicis, hydrostaticis, chemicis explorat. Cap. IV. Ex illis experimentis salubritatem Gottingae, quod ad aquas attinet, demonstrat, & praecipue fontis cujusdam, qui maximae urbis parti, una cum Leina fluvio, aquas suppeditat, quique Reinholdi fons dicitur, felices effectus in ipsis febribus continuis dilaudat, tribuitque partim terrae subtili alcalinae, cujus in libris ejus aquae civilibus quatuor, grana XXV. reperit, partim sali neutri amaro, cujus V. grana ex totidem libris nancisci licuit. Concludit denique observatione singulari, quod & morbi ibi pauci sint, & plane nulli endemii, & si qui epidemii adveniant, benigni neque impense graves esse soleant, eamque rem, & observatam aeris, aquae, loci salubritatem, inter praecipuas causas refert, cur & ab antiquis inde temporibus locus ille incolarum nobilium plebejorumque frequentia scatuerit, & tot ordinum sacrorum coenobiis, principumque vel domiciliis, vel praetoriis, collocandis, deinceps etiam fundando celebri gymnasio, & nunc denique almae studiorum universorum matri academiae, quam universitatem dicunt, fuerit electus.

§. XXXV.

Constitutio aeris.

Tempestas nobis, post Julii mensis initia, ad finem fere Augusti, calore temperatissima, sed humida nimis & ventosa fuit, austro & Zephyro maxime spirantibus. A novilunio Augusti calidior sereniorque eurus, ad austrum tamen fluctuans aspirat. Morbis infe-

sta-

stamur praecipue tussibus frequentibus chronicis, & hic illic in tabem degenerantibus, diarrhoeis, febribus tertianis, duplicibus praesertim, cortici ex nostrarum observationum methodo facile, aliis remediis difficulter, obtemperantibus. Pleuritides etiam & purpurae varios corripuerunt.

§. XXXVI.

Febris scarlatina.

Post *Purpuram* (ebullition du sang, das Friesel) & *febrim scarlatinam* (*), vel neglecto caloris regimine, vel natura in excretionibus

(*) Scarlatina, quae, uti testibus *Rosenstein, de Haen, & Plencitz* in Suecia Belgio & Austria, ita & hic loci saepius epidemice, fere semper sporadice grassatur, digna sane fuisset, quam *Werlkofius* exactius describeret, praesertim quum haud rara complicatione cum aliis exanthematibus acutis v. g. Variolis, letalis evadat, atque pessimum ejus symptoma, inflammatio faucium — Paedanchone *Severini*, omnem opem medicam interdum respuat. Sed cum modo dicti autores integram morbi historiam contexere, ejusque genium sat vivis coloribus adumbrare summa cum laude allaboraverint, nihil superesse videtur quam ut ea tantum brevibus recenseam, quae praceptor adversus malum rebellius vel ejus sequelas molitus sit. Urgente inflammatione tonsillarum svasit interdum in principio morbi venaesctionem, in infantibus ventosas illi substituens. Ob citum morbi & inflammationis in cutem progressum, in initio statim vesicatorium applicuit. Interne acida vegetabilia, oxymel simpl; Roob sambuc. in mixtura ad-

miscuit Nitro, juncta pro indicatione Camphora, hisque ad convalescentiam usque pergendum svasit. Roob samb. & decoctum ejusdem florum pro gargarismate inferviebat volentibus. Characterem mali inflammatorium magis vel catarrhalem, nunquam, quantum memini, putridum vocavit, quem quidem innuere videtur *Tissot* tit. *Mal de Gorge epidemique* not. §. 117. ideoque a cathartice in ipso morbi incremento sedulo abstinuit. Ad sequelas morbi, praesertim tumorem illum leucophlegmaticum, — Hydropem abdominis & pectoris, quem fere unice a neglecto caloris regimine, vel a liberioris aeris ad corpus laeviori intra primas tres morbi hebdomades accessu oriri experientia abunde monstrat, reiteratae observationes insignem usum Lactis sulphuris in textu laudati comprobarunt, eoque in ultima Epidemia anni 1766. cum successu autor usus est. Reliquias febris & infarctus glandularum colli residuos aggressus plerumque est hacce formula: R. Acet. scill. unc. III. Ol. Tart. per deliq. drachm. II. D.

bus fatiscente, aliquoties nuper, saepe alias, observavimus *Leucophlegmatiam*. Egregium huic remedium fuit lac sulfuris, tertia forte quaque hora ad scrupulum, imo vel in adultis ad drachmam, in pulvere vel mixtura exhibitum, quod per alvum & urinam, exturbatis humoribus ventrem emollire, spiratum levare, statim sivevit, subsidente etiam plerumque post paucos dies tumore leucophlegmatico. Qui, si illo remedio non satis superari visus est, dedi, velut ad tertianam febrim, corticem eoque facile exhausti, quicquid morbi reliquum fuit, habitumque & colorem vividum cum viribus restitui.

§. XXXVII.

Pleuritis.

Notus est *Baglivi* aphorismus (k), in *pleuritide & puerperis, tanquam pestem, fugienda esse purgantia*. Quod ad puerperas attinet, dicere non opus est, quantopere huic vel limites ponant, vel contradicant, qui tantum non omnibus mulierum per puerperia affectibus, vel praesentibus, vel ullo modo metuendis, pilulas aloeticas *Becherianas*, aut similes, opponendas, immensis cum salubritatis pollicitationibus, svadent. De pleuritide sat contraria sentire videntur eidem *Baglivi* effato, qui celebratum illum pulverem pleuriticum *Mynsichti*, secretissimum dictum, in ejus armamentario, & plerisque Germaniae dispensatoriis descriptum, in *H. Raggi* etiam praxi medica (l) ad pleuritidem puerperae, sine *Mynsichti* nomine, egregie, pro praesentaneo doloris remedio, laudatum, tantopere commendant. Verum profecto est & nostra, & amicissimi nobis Viri, ill. *Hugonis* nostri, experientia nuper, & multoties olim confirmatum, manifestae illum (*) pulverem esse efficaciae, in levandis

ni-

guttae 20-40. quater de die cum aqua; simul glandulas induratas eodem aceto squill. lavare consuevit.

(k) Prax. med. L. I. c. 13. §. 10,

(l) Lib. 2. cap. 8.

(*) Ex longo tempore in officinis nostris non amplius prostat, certo documento, *Werlhofum* ejus usum postea neglexisse.

nimum acutis pleuritidis verae spuriaeque doloribus, & inchoante strepitu pectoris, ferali illo tam saepe symptomate, turgentis & ferocienti abundantia ad pectus ruentis humoris indiciiis, quem tunc ad alvi vias eo remedio feliciter duci expertum habemus, dato, quam diu opus videtur, scrupulo circiter uno, tertia quaque hora. Sub istis indicationis momentis, ubi praecipue alvus ficcior justo est, vel certe diarrhoea metuenda non adest, tuto id medicamen, & haud sine fructu dari potest, quovis morbi tempore. Neque inde calorem intendi, aut crisin justo tempore evenientem praepediri ullo modo, notavimus; dolores vero levare, & turgentem nimis, & impetuose ad pectus ruentem materiem feliciter divertit ad vias alvinas, saepe saepius compertum habemus. Id tamen, quod in alvi excretionem moderanda per omnes morbos acutos necesse est, etiam heic observamus, neque lecti tempore ideo efferendum, neque a declivi situ erigendum esse aegri corpus, sed commode suppositis vasis excipienda recrementa. Quae de usu hujus pulveris in pleuritide diximus, eadem de ejus utilitate fere pari in *arthritide vaga*, hujusque dolorum violentia dicta sunt.

§. XXXVIII.

Status meteoricus. Pleuritis.

Calend. Novembr. 1734. *Status meteoricus* heic duobus, qui elapsi sunt, mensibus plerumque Zephyrinus variansque fuit, depresso barometro, quod demum ante paucos dies, ultra totius anni morem elevari coepit, aspirante sereniori frigidiorique euro-borea. Morbi non valde epidemii, frequentiores tamen fuerunt atque sunt febres tertianae, quartanae, pleraeque duplices, faucium inflammationes, pleuritides, purpurae infantum, diarrhoeae sine causa procatartica manifesta subitae. Senes, infantuli, tabidi funerum sat parcorum numerum fere complent. Ruri varioli multi sunt, passim pravae indolis. Quartanos quatuor, superiori mense, restitui solo *mercurio vitae coelesti Klaunigii* (a), seu antimonio vitriolato, bis
ex-

(a) vid. Observat. nostrae de febribus Sect. VI. Epicris. not. m.

exhibito; ceteris omnibus justus corticis usus sanitatem firmam reddidit. In *pleuriticis*, praeter venaesectionem unam atque alteram, epispastica ex cantharidibus, vulgataque remedia alia; tum pro re nata, camphora, qua nuperrime senex octuagenario major, ad quem sexto demum morbi, in peripneumoniam degeneris, die vocabar, ex mortis quasi faucibus eripi visus & restitutus est; tum quem nuper commendavi, pulvis pleuriticus Mynsichti; tum denique, quod legere me nusquam memini, *decoctum simplicium florum sambuci*, ex manipulo uno in aquae libra, vice aliorum decoctorum pectoralium, frequenter calide ad aliquot uncias exhibitum, egregia praestiterunt. Prima hujus medicamenti, quod evidentis adeo in externis inflammationibus & tumoribus efficaciae est, ad hunc internum morbum inflammantem applicandi occasio fuit puerperae lactantis pleuritis declinans, cui, ut una fidelia duos dealbarem parietes, resolvendo inflammationis reliquias, & lacteos tubulos aperiendo, hosce flores, adeo ad lac augendum a *Langio* in miscellaneis, & *Wedelio* in amoenit. mat. med. intrinsecus commendatos, mihi quoque eodem scopo haud infeliciter usitatos, praescribebam. Successus in doloribus, residuaque febricula ex inflammationis reliquiis tollenda, felicitas me excitavit, ut incipiente praecedenteque etiam pleuritide euporiston hoc adhiberem. Idque felicissime factum est, praesertim in viro quodam fere sexagenario, chronica tussi, cum recurrente haemoptoe, tabefacto, cui pleuritis vehemens supervenerat, vix relicto efficacibus aliis remediis loco, ubi hoc fere unum inflammationem febremque expugnavit, extus juvante emplastro hyoscyami cum camphora.

§. XXXIX.

Taenia.

Femina quaedam nuper, aliquot ante partum hebdomadibus, post tormina & dysuriam, ejecit alvo, cum levamine maximo, quinque eodem die lumbricos latos, sive, uti το πλατυ Graecorum rectius explicari videtur, planos, *taenias*, nostratibus Glied-Würme i. e. ver-

vermes articulati distinctos, ulnam circiter longos, viventes omnes ac singulos, sed ita ut quam lenissime separati singulorum articuli, sive vermes illi cucurbitini articularum instar concatenati, e quibus hoc lumbricorum genus compositum esse videtur, nullum vitae indicium praeberent, manente, integro die, majoris illius partis, a qua aliquot articuli separabantur, vitali motu, licet caput notabile distinguere haud licuerit. Vidimus paria olim bis, in singulis longissimis taeniis, quas singulae mulieres excreverant, easque vere, ut cum cl. D. *Andry* loquar, solitarias (*). Vivebat utraque,

mo-

(*) Lectorem hic rursus monitum velim, descriptionem hanc philologicam magis quam Zoologicam Taeniae, factam ab autore esse priusquam observationibus ac inventis historiam naturalem ditarent *Trembley*, *Peyssonel*, *Linné*, *Ellis* &c. atque horum Zoophytorum naturam prae aliis penitus indagarent *Pallas*, *Bonnet*, *Fehr*, *Rosenstein*, *Limbourg* &c. Nihil igitur ad refutandam theoriam vermium *Werlhofii*, vel stabiliendam aliam meliorem hic addo — Quae practicae utilitatis forsan esse possent, hic unice subjungo: In drahticis omnem spem *Werlhofius* pro fuganda Taenia posuit, parum sisus methodo Astonianae, quum vermem quidem per articulos at non perfecte inde expelli observasset. E drahticis potissimum elegit id quod mota aqua torrente quasi secum elueret atque eliminaret taeniam, — notum illud gummi hydragogum, guttae vel di Gamba dictum. Ad grana usque viginti illud pro dosi propinavit, nulla habita sexus ratione, nec malum inde timens, quia postridie a sumto pharmaco pristinum vigorem jam recuperent aegroti. Nihil adjecit quod vomitum impediret, sed per se mane cum pauxillo sachari mistum in a-

qua exhibuit; repetiit eandem dosin in casu pertinaciori die sequente, tertiam, si opus fuerit, die tertio, donec filum taeniae s. mucronem, quem vocat in textu, obtusio rem alvo exiisse compertum haberet. Ad utramque taeniarum speciem hic loci haud infrequentem, tam latam *Linnaei*, *Pallas*, quam cucurbitinam eorund. medelam hancce efficacem experti sunt plures, & ultimis vitae autoris annis princeps quidam Germaniae, qui celebriores Europae medicos incassum antea in consilium vocaverat. Verum etiam non diffitendum est, effectum non semper votis respondere, nec specificum esse illud gummi, siquidem scrupulum integrum plus una vice omni prorsus effectu adeo carere vidimus, ut ne unicus quidem taeniae articulus excerneretur, omissa medicina sua sponte descendens. Aliam methodum *Werlhofium* adhibuisse vel Helvetorum Anglorum sic dicta specifica, vel Spigeliam anthelmiam &c. non audio; an, quia animadverteret, basin plerorumque, licet splendidiori titulo superbirent, esse gummi illud vel aliud purgans? pro specifico gummi illud habere e recentioribus *Bisset* novimus. Medical essays and obs. 1766.

p.

motabatque sese integra, sed nulla spina a summo ad imum tendente, & membra quasi, ut *Spigelius* aliique volunt, conjungente; articulorum vero cucurbitinorum separatorum nullus vitae signa dabat, quamvis facile secederent, & suo modo integri, totidem nempe vermes cucurbitini, viderentur. Neque vita notabatur in cucurbitinorum catena, quae aliquot hebdomadibus ante alterum horum lumbricorum solitariorum, excernebatur. Horum uterque una extremitate articulos habebat, magis magisque exiguos & angustos, ut quasi in mucronem obtusiores desinerent. Numquid singuli vivi vermes cucurbitini, vel eorum catenae variae invicem cohaerentes, ita denique per naturam suam, structuraeque & cohaesionis & nutritionis rationem, coalescunt, ut propriam vitam vivere sigillatim cessent, coarctentur, & in partes solidas sodalis alicujus, quocum sese conjunxere, degenerent, eumque tandem unum magnum lumbricum latum ita componant, de cuius natura tot voluminibus disputatum est? Solitarium eum dicit cl. *Andry*, quia solus & unus tantum esse soleat (a); Solium, alii, quos secutus est, neutro genere, sat barbare; haud scio, an ab illo quod *Aristoteles* (b) obscure dixit soli intestino hanc lumbricorum speciem adhaerere; an ζωνιον dicere volentes, id est cingulum tenue, veluti *Svidas* huic lumbrico ζωνις εϊδος tribuit, an ex spolio voce corruptum vocabulum, quia pro spolio seu abrasione intestinorum habebatur olim lumbricus latus, quae post *Tysonem* (c) conjectura est doctissimi auctoris dissertationis elegantissimae nuper Halae sub ill. *Hoffmanni* praesidio disputatae, de animalibus humani corporis infestis hospitibus (d).

§. XL.

p. 186. atque ingredi illud praecipue arcanum viduae helveticae *Nouffer*, jam inter omnes constat. Ad alios intestinorum vermes praeceptoris methodus neutiquam a vulgari per Mercurialia instituta differt; ad Ascarides v. g. usus est Mercurio vivo ea ratione, ut unc. I. coqueret per dimidium horae in unc. VIII. aquae, atque decantatum liquorem pro clysmate prae-

scriberet quod jam praecipit *Dover* Lehrs p. 167.

(a) conf. *Spigel* de lumbr. lat. c. 10.

(b) Hist. animal. L. 5. c. 19.

(c) apud *Clericum* hist. lumbr. lat. p. 60.

(d) Conferri merentur *Greg. Horstii* observat. lib. II. obs. II. seq. Quibus

§. XL.

Sectio venae jugularis. Hemiplegia.

Cl. D. D. *Tralles* commentatio de *vena jugulari frequentius secanda* nuperrime edita novum est ingenii magna spondentis argumentum. In usu heic est ab aliquo tempore, illa venae sectio, praecipue feliciter administrante, in variis oculorum affectibus, doctissimo chirurgo, D. *Glabachio*. Nuperrime ego vetulae, sexagenaria majori, sinistro latere toto penitus hemiplecticae, quae ante biduum apoplexia correpta, & venae sectione in brachio, dein emetico, & cantharidibus admotis, statim tractata atque exsuscitata erat, venam dextram jugularem incidi, & sanguinis uncias novem emitti curavi, eo cum effectu, ut crus eadem vespera moveretur, loquela ferre libera esset. Dedi dein & adhuc continuo *spiritum scorbuticum Drawitzii* ad guttas tertia quaque hora XL. Otiduum effluxit jamque lingua plane restituta, cruris motus integer est, brachii etiam sensus rediit, & humeri motus nonnullus. In eo sum, ut quum vires constent, facies rubeat, venae amplae & plenae sint, pulsus naturalis & plenus, eandem venam iterum incidendam curem. Mihi haec venae jugularis sectio, in encephali affectibus, partim remedium nonnihil revellens, hoc est, affluentem nimium ad certas partes sanguinem ad alias invitans; partim remedium ex mente vera veterum, derivans, hoc est, sanguinem circa caput vitiose jam congestum, & stasi seu lentore circulationis impeditum, impetu maximo & affluxus celeritate insigni jam cessante, dissolvens, & per vicinas partes, vasis nervisque cum affecta conjunctas, evacuans esse videtur, quae plerumque congestionem aliquam simul patiuntur. Legibus humani corporis viriumque motricium hydrostaticis & mechanicis apprime congruens esse videtur vera illa veterum omnium derivatio, quam immerito, si quid judico, ex sua theoria ejicere voluisse videtur doctissimus *Freindius* (a), dum, post *Conringium* (b), plerisque

bus nos subjungimus Stephan. *Con-*
let tractatum historicum de Ascaridi-
 bus & lumbrico lato.

(a) comment. de febr. p. 109. seq.

(b) de sanguin. generat. & motu pag.
 314. seq.

A a a a a

que recentioribus eo praeivit, ut derivationem, quae priscis deductio stagnantis jam sanguinis a parte affecta est, cum acceleratione affluentis ad eandem plane permisceant: quae acceleratio licet, ubi vicinum alicui vas inciditur, per vim maxime solidorum & elateris humorum interni variam, aliqua est, tanta tamen, quanta vulgo aestimatur, ex meris hydraulicis principiis, ut a *Freindio* tentatum est, deduci non potest, quod peculiari dissertatione erudite docuit celeb. *Hambergerus* de venae sectione quatenus motum sanguinis mutat. Ipsa venae sectio repellens (c) quam ill. *Boerhaavius* vocat, derivationis veterum species est, hoc est deductio, non acceleratio, stagnantis potius, quam affluentis sanguinis, quae, si ad animi deliquium usque, quod secta jugulari facilius accedit, sanguinem mittas, itidem laudatio hoc praesidio chirurgico obtineri nonnunquam potest. Evacuans, quae veteribus dicebatur, venae sectio, hoc est, evacuans ex ipsa parte affecta incisa, prope cum derivante convenit, quatenus vicinae partes simul sanguine vitioso & stagnante laborare solent. Exemplum hujus praebet sectio venae penis in phimosi, & scarificatio oculorum & haemorrhoidum apertio, & incisio partium gangraenam minantium, quae tamen omnia ad derivantem sanguinis missionem suo modo simul spectant, dum non proprie solum affecta, sed & vicina pars inciditur, & evidentem verae derivationis veterum utilitatem demonstrant.

§. XLI.

Spiritus scorbuticus Drawizii s. Mixtura simplex antiscorbutica.

Quem dixi *Spiritum scorbuticum Drawizii*, commendavi etiam in observationibus meis (a) sub nomine *mixturae simplicis antiscorbuticae*, & hic est: Spiritus tartari libra, cochleariae unciis quatuor, irrorantur librae duae vitrioli ad rubedinem exsiccati, digeruntur in balneo per octiduum, dein per retortam, aucto gradatim igne, propel-

(c) conf. cl. *Tralles* de camphorae virtute refrig. §. 29.

(a) Sect. IV. §. III. not. m.

pellitur cum reliquis etiam spiritus vitrioli volatilis. Ingratum odore, at, spiratione inter deglutiendum cohibita, haud ingratum est remedium, blandum & efficax. Nuper vir, septuagenario major, militiam olim, in Hungaria maxime secutus, vino spirituosisque potibus adſvetus, per octo & quod excurrit menses, quovis mane libras aliquot biliosi humoris magno conatu evomuit, periit omnino appetitus, elanguerunt vires, corpus extenuatum est. Post varia consilia, vocatus ego, dedi ejus spiritus triginta guttas tertia quaque hora, in aqua simplici. Post quartam dosin, altero mane cessavit vomitus, neque rediit deinceps; sed successit, continuato remedio, sensim sensimque appetitus, & virium robur, &, mense jam fere elapso, pristina viro facies priorque corporis habitus est.

§. XLII.

Arthritis chronica scorbutica.

Quum nuper per litteras cl. D. Henr. Christiani *Crugeri*, poliiatri Luneburgensis *χαρίεσται*, mea quoque sententia confuleretur de curatione aegrae cujusdam, *arthritide chronica scorbutica* laborantis, cui diuturnum usum radicis valerianae majoris forte profuturum augurabatur vir experientissimus, quod multos ab ischiadicis rheumaticisque doloribus vindicasse compertum se habere testabatur, probavi consilium, quamvis ipse nondum expertus, eodem tamen medicamine in recenti amaurosi a colica eamque insequentibus convulsionibus epilepticis, in cachexia item & nonnullis epilepticis, feliciter usus: sed ne quaesitus *ἀσμβολος* essem, proposui *decoctum antipodagricum viennense* (*) sed saturatum, instar alicujus validi lignorum decocti, dosi quatuor unciarum ter in die, additis semper 50 guttis, seu semidrachma, spiritus scorbutici laudati. Rescripsit cl. *Crugerus*: Remedium, quod tuae commendant, omne punctum apud aegrotam nostram feret. Spiritum illum *Drawizii* statim a le-

ctis

(*) Hoc quidem sensim apud Autorem

in desuetudinem abiit, ita ut ultimis
10 vitae annis rarissime illo usus sit.

Etis tuis observationibus hic parari jussi, & in paralytico scorbutico affectu aliquoties opinione majus auxilium praestitisse comperi. De Valeriana *αυτογενεσθον* illustrissimi comitis de *Schulenburg* possideo, quod docet, ejus continuatum per semestre hibernum usum, ischiadicum malum prorsus debellasse. Nuper etiam vehementissimus brachii & scapulae rheumatismus, pariter chronicus, & saepe reverrens, in illustri Vestali, ea adhibita, cessavit. In turbatione humoris aquei, a morbillis relicta, externum ejus usum, in sacculis cum spiritu ex aceto destillato & spiritus salis ammoniaci ad saturationis punctum irroratis, & in pulvere sternutatorio cum turpeto minerali, mira praestitisse, visumque fere abolitum restituisse, expertus sum.

§. XLIII.

Utrum Apinus Cortice peruviano, an Cascarillae usus sit?

Responsio periti illius pharmacopoei Altorfini (*) partim rationes dubitandi meas non attingit, quod vel praecipue optavi, partim de alio plane tempore, loco, & quaestionis statu, ac ego, loquitur. Mea sententia est, *Apinum* in historia epidemia Herspruccensi, ubi in omnibus formulis vel *chinchinam*, uti p. 187. & 309. vel corticem peruvianum, claro semper nomine praescribit, verum corticem, non hodiernam cascarillam, intelligere, & Herspruci a. 1694. usurpasse: pharmacopoeus vero Altorfinus de iis, quae postmodum Altorfii gesta sunt, deque praescripto sub nomine cascarillae remedio dicit. Ego de uno illo statu epidemio Hersprucensi febrium periodicarum, qui, uti sat patet ex §. 6. 7. 41. 47. & observationibus, ex genere intermittentium fuit, loquor, ibique non cascarillam, sed verum corticem peruvianum, adhibitum esse, ex ipso libro, & dilucidis auctoris descriptionibus, & certa virtutis febrifugae constantia, colligo: pharmacopoeus ille praestantissimus frequentiore cascarillae, infrequentiore corticis peruviani usum viro postea Altorfii fuisse memorat, quod, quum ibi atque tunc status ille epidemius, li-

bro

(*) vid. supra §. XXIII. not. d.

bro eo descriptus, non fuerit, facile crediderim. Casu an consilio *Apinus* in hodiernam tunc demum Cascarillam inciderit, eamque postmodum vero cortici lubenter surrogaverit, non dixerim. Casu id factum, & quum verum corticem praescripsisset, datam aliquando esse Cascarillam, & rem feliciter cessisse, quod saepiuscule fieri posse concedo, retulit mihi amicus quidam defuncti, medicus illustris. Attamen ipse *Apinus* in histor. epid. p. 82. refert, sibi corticis peruviani, procul dubio veri, vim in febribus intermittentibus & remittentibus jam tum, ad modum *Mortoni*, ante statum illum epidemicum, propria felicique experientia innotuisse. add. p. 7. 70. 34. ubi facile attento lectori patet, verum etiam corticem in illo ipso statu epidemio, ubi non minus certam opem, quam in alias obviis intermittentibus praestitisse dicitur, adhibitum, primo certe tempore, fuisse. In praefatione dicit: factum deinceps, ut nova corticis species, cascarillae nomine Norimberga afferretur, viribus, odore, & sapore, verae chinchinae prorsus, eadem, sed intus ferrugineo colore diversa, cui non quidem soli, sed potissimum laudes a se cortici datas deberi vult. Ex hac nova specie nunc, a. 1696. ait, suum parari extractum, ut pateat, prius ex alia specie paratum fuisse. Quomodo vero vires, odorem, saporem, cascarillae hodiernae, cum viribus, odore, sapore, noti antea corticis adeo convenire, reputare potuerit, me non capere fateor. Credo igitur adhuc, *hanc ipsam sic dictam cascarillam, Hersprucci usurpatam, veri corticis speciem fuisse*, illo nomine tunc, pro ejus more, insignitam, qua de re conferendus omnino est *Stifferus*, loco nuper a me allegato. Eam puto postea Hersprucci vel Altorfii, sub alio statu epidemio, forsan aliquo modo simili, praescribere virum voluisse, accepisse vero cascarillam hodiernam, quae semper vilior pretio fuit, licet myropolae forte alicubi pretium auxerint, & respondente successu, uti haec suos successus habet, in frequentia deinceps experimenta vocasse. Verum enim vero quisquis tam certam, tam subitam, tam magnam, tamque constantem successuum felicitatem & vim *ληξιπυρετον*, quovis morbi tempore, sub ullo statu epidemio, pariter de cascarilla mihi ostenderit, uti *Apinus* de suo cortice p. 90. seq. & observat. 31. 32.

33. seq. candide recensuit, is erit mihi magnus Apollo. Conf. *Junker* consp. med. p. m. 467. *Storchii* colleg. pract. *Stahlian.* p. m. 766. seq. 961. E contrario de vero cortice conspirant status epidemii *Sydenhamii*, *Mortoni*, *Lancisii*, *Torti*, *Helvetii*, *Beccarii*, *Boerhaavii*, *Bergeri*, *Hoffmanni*, aliorumque complurium scriptis noti. Considerentur praeterea, quae p. 87. *Apinus* dicit corticem suum aqueo menstruo, quod solum *Hersprucci* adhibuit, facile parere, quemadmodum pariter nobis cum vero cortice succedit, & sulfur gummeum magis, quam resinosum habere, quod nemo de *Cascarilla* dixerit; addantur de sapore adstrictorio, amaro, nauseabundo, ingrato, dicta in praefatione, & p. 86. 94. seq.; Jungantur denique repetitae provocationes ad consensum *Mortoni*, *Ledellii*, *Colaei*, quibus certo certius ne quidem in mentem venit de *cascarilla* loqui: & ni meae rationes validissimae videbuntur, concedam. *B. Stahlius* in colleg. pract. l. c. dictum *Apini*, ex praefatione, ubi corticem extus cinereum (argente ou chagriné par dessus, uti Galli dicunt) sed, quod expresse addit, *Stahlius* vero omittit, intus cinnamomeo colore resplendentem (die graue china) chinam cinereum vocat, ad *cascarillam* trahere videtur, de qua tamen sequentia demum verba, si ulla, agunt, quae tertiam speciem, ferruginei coloris, *Schacharillae* nomine, a secunda illa, uti a priori aliqua styptica, minus amara, passim in officinis prostante, distinguunt. Cinnamomeum intus splendorem *cascarillae* usquam gentium esse, nemo forte dixerit. Observanter a vobis, viri praestantissimi, peto, ut hanc rem, & rationes meas, iterum in examen vocetis, & pro vestro in veritatem amore publice decidatis. Elegantissimum candidissimi *Apini* librum recte, & non de remedio, quod ab altero multis parasangis diversum est, intelligi publice interest, praesertim quum tot imitatores sine successu *cascarillam*, in similibus statibus epidemiis, febribusque periodicis periculosis, frustra jam surrogarint: ubi fortassis, si *Apinum* praeuntem recte intellexissent, omittendo verum corticem, saepe unice salutarem, non peccassent, frustra, & ad mortem usque, expectantes opem a *cascarilla*, plerumque in isto morbi genere invalida. Hanc vero si in illo statu epidemio usurpavit *Apinus*, insolita

lita plane, neque alibi adhuc observata felicitate usus sit necesse est, quam imitatores optare potius, quam sperare debere videntur: qui praeterea id monendi sunt, ne, ut solent, vim specificam febrifugam ad quaslibet febres malignas, ex alio plane quam intermittentium genere, ab *Apino* praedicatam esse, opinentur, ejusque cordate dicta erroris & vanitatis arguant, quia sibi, in alio morbi genere curando versantibus, ad votum non respondere reperiunt (*).

§. XLIV.

Hernia incarcerata.

Mensis circiter est, quum *iliaca ex hernia incarcerata* obiit vir robustus, qui vitium medico suo occultaverat: heri ad moribundam feminam vetulam arcessitus sum, quam ex eodem morbo medicafter per octiduum male curaverat. Ter heic in eodem, ab ea causa, affectu, me medico svadente, primum solo, iterum cum ill. *Hugone*; tertium cum cl. D. D. *Wreden*, a tribus diversis chirurgis expertissimis, primum in hernia inguinali a D. *Wreden*, jam serenissimi *Walliae* principis cubiculario, iterum in magna hernia umbilicali a D. *Gladbachio*, chirurgo hic regio primario, tertium in inguinali cum febre magna & inflammatione gangraenosa a D. *Witstein*, chirurgo cohortis praetoriae pedestris regiae, operatio seu sectio herniae incarceratae, summo successu, & plenissima cum sanatione, instituta est: quod solum certum & securum periculosissimi ejus affectus remedium ne negligatur, quamprimum sese iliaca herniosae signa ostendunt, neque subito emolliri & restitui prolapsum vel incarcerationum intestinum, frequentissima iliaca causa, se patitur, etiam atque etiam svadeo. Neque non svadendum etiam est, ut ne medentes praetermittant, in colicis pathematibus inquirere in hernias, quae saepe vel exiguae sunt, & ab aegrotis insuper habentur, vel pudore

re

(*) Quae postea nova disquisitione ad conciliandam utramque sententiam eruere tentaverit *Trew*, & quomo-

do in utramque partem disputantes intelligi debeant, leguntur in *Commerc. noric. ejusd. ann. hebdom. 52. pag. 409. seq.*

re occultantur; quod mihi, licet iterum iterumque inquirenti, in prioribus duobus casibus, ad extremum fere usque inficiantibus aegris, contigit. Plures, quam credi potest, homines, ob omissionem ejus inquisitionis, aut curationis generosae, intereunt, cujus rei multa exempla enarrari possent, quo pertinere videtur aliquod medici incliti, Viti *Riedlini*, in ejus memoria volumini secundo Actorum Academiae Leopoldino-Carolinae subjuncta, relatum, qui ipse eo affectu extinctus est. Neque vero, modo adsit apta chirurgi, anatomes periti, manus, periculum ex ea sectione timendum est, quae pro iliaca avertendae scopo, in ipsa hernia scrotali, annuli musculorum abdominis iusta incisione, & intestinorum reductione, sine castrationis crudelitate, perfici potest. Ceterum praeter fatus externos, clysmata ex colocynthide, & nicotianae fumus (*) immissus, & pulvis pleuriticus *Mynsichti*, egregia sunt solvendae incarcerationis non nimis impactae remedia, subjuncto, post solutam alvum, medicamento anodyno. In tertio, quem supra memoravi, iliaca ex hernia casu, putredo jam gangraenosa supra intestinum incarceratum in cute & pinguedine imminebat ante sectionem, & post eam, perdurante febricula lenta, sese manifestabat, cui rei penitus obstitit, viresque & sanitatem restituere egregie adjuvit, efficax corticis peruviani usus. Idem remedium ante aliquod tempus, Peinae, curante ibi medico cl. D. D. *Jenisch*, feminam hernia inguinali, exinde iliaca, & abscessu ilei sphaceloso, rupto, & faeces ibi evacuante, laborantem, unice restituit, ut sphacelus brevi cohiberetur, febris cessaret, vulnus sensim sanesceret. Similis fere heic casus obtigit haud pridem similis curatio, in uxore militis abscessum parem passa, sed sine iliaca, me id remedii cum aliis medicis svadente, manus operam adhibente peritissimo Dom. *Forstmeier*, praetoriae cohortis regiae pedestris chirurgo.

§. XLV.

(*) Balnea, vel violentiora autorem surpassasse v. g. Emetica, drastica, Mercurium vivum &c. non memini; id quidem novi, ad severiorem alvi obstructionem in genere referendam,

uti & ipsam passionem iliacam praeter sales catharticos saepissime illum dedisse Lac sulphuris pluries de die ad drackmam dimidiam pro dosi exoptatissimo successu.

§. XLV.

Cortex peruvianus ad Sphacelum.

Verissima est insignis illa efficacia *corticis peruviani ad Sphacelum* & gangraenam, quam indies heic pluribus experimentis firmatam, post Anglos, primus in Germania notavi (a), ubi simul spem viri cujusdam egregii memoravi, ad cancrum (*) etiam coercendum forte eodem medicamine aliquid praestari posse. Hanc vero spem frustra fuisse, duobus in casibus veri cancri expertus sum.

§. XLVI.

Status epidemicus. Anthrax.

D. 30. Decembr. 1734. *Novembris* mensis totus borealis frigidusque fuit, elato semper ultra $27\frac{1}{2}$ pollices ad 28. barometro, sed nubilus sine ulla serena die. Principium Decembris post nives serenum & frigidius fuit; reliqua maxima pars, prolapso insigniter barometro, varians, ventosa, rarius pluviosa, sed tepida, Zephyrina, austrina. Morbos vere epidemios hic nullos dicere possumus. Frequentiores, uti toto hoc anno, fuerunt tusses & faucium inflammationes, cum catarrhali febre; pleuritides & febres quartanae sporades sunt. Podagrici & *nephritici* suos hoc mense paroxysmos habent multi; hypochondriaci & hystericae querelas graves profundunt; apoplexia aliquos, haemorrhagiae variae plures corripunt; moriuntur, praeter tabidos, paucioresque hydro-
picas,

(a) in observat. meis de febrib. Sect. V.
§. IX. not. i.

(*) Commodiorem occasionem nullibi in toto opere invenio testificandi, auctorem ad verum Cancrum nullam a Cicutae utilitatem expertum esse. Pravos quidem effectus se inde non vidisse per litteras mihi 1761. declaravit, sed successum pariter vobis nunquam respondisse; timendum itaque esse, ne malum, quod chirurgi-

ca ope tolli potuisset, per longas moras atque protractum Cicutae usum invaluerit. Vires plantae quacunque demum forma, quantitate & ratione tentavit, & ipsum Extractum Viennense ad plures uncias nobili matronae exhibitum spem fefellit, prouti & quaevis alia sanando diro Morbo longe inferiora deprehendit, & inopiam artis haud semel confessus est.

picos, vix pauci. Ruri grassantur variolae pleraeque benignae, quae, uti & morbilli, urbe plane jam exsulant. Inter funera hujus mensis fuerunt duo, quibus anthrax mortem vel accivit, vel acceleravit. Puella viginti circiter annorum, non bene sano parentum sanguine nata ulceribus variis ante aliquot menses afflicta, postmodum rursus sanitate gaudere visa, corripiebatur ante hos duos circiter menses tussi sicca, cum febre hectica & contabescencia. Septem ante mortem, quae nuperrime accidit, diebus, superveniebant febris magis ardens, deliria, tremores, subsultus tendinum, & *anthrax*, dimidii pugni magnitudine, fuscus, nigerrimus, circa anum in nate sinistra, ejus speciei, quam Avicenna prunae nomine describit (a). Medicus mecum fuit cl. D. D. *Wolff*. Vir sexagenarius, obesus, difficili respiratione & tussi chronica, quam habitualement dixeris, afflictus, cetera sanus, & sat vegetus, subito nuper anthracem humidum, ejus speciei, quam Avicenna ignis perlici nomine distinguit, in cubito dextro nactus est. Supervenit febris ardens cum deliriis itidem tremoribusque & tendinum subsultibus, & non obstante cl. D. D. *Ebelii* cura, septimo die mors.

§. XLVII.

Usus corticis. Camphorae.

Litterae illustris viri, Joh. Samuelis, nobil. Domini de *Berger*, consilarii caesarei, & M. Britanniae Regis archiatri, Cellis Luneburgicis ad me d. 15. Apr. a pr. scriptae, sequentia tradebant: "Plane tecum sentio circa *usum Corticis*, tempusque eum exhibendi: etiam in eo, quod qui negant, experientiam refragantem habent, datum brevi ante accessionem virtute magna non destitui (a). Ipse cum saepe saepius, summo cum successu, prope imminens paroxysmum exhibui. Dosis vero tunc ad drachmas sex vel unciam unam,

(a) Lib. IV. fem. 3. tract. 1. cap. 9. de pruna & igne perfico, & ex eo tractatus noster de variolis & anthraci-

bus, qui jam subpraelo sudat, p. 62. seq.

(a) vid. observat. de febribus Sect. IV. §. VII. not. 2.

unam, (velut alias in *Tortiana* methodo, medicis italibus, & ill. D. de *Garelli*, & mihi jam ab anno 1719. felicissime usitata) esse debet: quod quidem aegroto aliquanto molestius, sed eximiae efficaciae est. Plerumque, data ejus rei indicatione, praebeo pulverem aqua & vino dilutum, quarta vel dimidia quaque horae parte, dosi pocilli majoris, quo Caffè potum haurire solemus, donec justa quantitas ante paroxysmum assumpta sit; qui aut plane tum non accedit, aut postponit, aut certe tolerabilis est, & evanescunt periculosa symptomata, quorum causa ad hanc praecipue methodum confugio., Eadem litterae sequentia dabant, quorum gratia eas jam revolve, quum mihi occasionem dederint scribendarum ad Vos observationum de Camphora: "Nuperis diebus accepi cl. D. D. *Tralles* tractatum de virtute camphorae refrigerante, optime, me judice, scriptum. Inquit A. in vim camphorae a priori. Multoties hoc remedio in mea praxi utor, praecipue in inflammationibus internis, magno cum successu, & demiror tam multos medicos ab usu ejus interno abhorre. Non diu est, quod praemissis praemittendis maniacum eo sanitati penitus restitui. In eo vero momentum praecipuum situm est, ut sufficiente dosi & diu satis exhibeatur., Excitatus hac judiciosissimi medici sententia avide perlegi cl. D. D. *Tralles* opusculum & deinde observationes quasdam meas de camphora exaravi, Vobisque permisi. Quas quum commercio Vestro inferueritis (b), nuperrimae ill. *Bergeri* litterae denuo ita me allocutae sunt.: Legi & prebavi observationes Tuas de camphora. Spero plures ea re medicos ad fiduciam usumque egregii ejus medicaminis excitatum iri. Ipse illud praecipue in pleuritide, aliisque internis inflammationibus, majori etiam dosi, quam quae abs Te commendatur, facpissime felicissimeque usurpo.,

§. XLVIII.

(b) A. 1734. Hebd. XXXIII. p. 258. seq. & Hebd. XXXIV. p. 268. seq.

§. XLVIII.

Morbus maculosus haemorrhagicus.

Puella adulta, robusta, sine causa procatarctica manifesta, incidebat nuper, versus mensium tempus in subitam narium haemorrhagiam ingentem, elabente sanguine limpido, sed foetido, una cum vomitu cruento sanguinis spissi nigerrimi. Accedebant statim circa collum & in brachiis, maculae partim nigrae, partim violaceae aut purpureae, quales in malignis variolis saepe visuntur. Prostratio virium subita, & nota mihi satis indoles *morbi hujus maculosi haemorrhagici* singularis, de quo quidem non nisi pauca apud scriptores medicos est tractatio (a), venaesectionem prohibebant. Dabam primo die remedia acida & largiter nitrosa, quae quum nihil proficerent, sed perdurante assidue utraque haemorrhagia, (*) per nares nempe

(a) Egi de eo in tractatu de variolis & anthracibus nuper excitato cap. III. not. 65. Egit etiam de eo cl. D. D. *Behrens* in dissertatione de affectionibus a comestis Mytulis, nostro illi tractatui subjuncta.

(*) Morbum hunc a nemine nisi ab autoribus not. antecedente adductis sub hoc nomine descriptum memini; casus similis autem in praxi 1766. occurrens, ad quem *Werthofum* in consilium vocaveram, probavit, esse has maculas easdem, quas Petechiarum nomine alii insignire solent, variolis malo omine sese immiscentium. Exanthemata in infante quinque annorum, irregularis figurae, raro lentis magnitudinem excedentia, alia minora, hinc inde cohaerentia, supra cutem non levata, neque prurientia, neque inflammationis signa exhibentia, coloris cinnabarini laete rubentis, pauca purpurei, extremitates potissimum inferiores, dorsum atque collum obfident adeo confertim ut discerni vix

queant, & unam quasi rubedinem constituent. Color stigmatum vividus sensim minuitur, sicque paullatim evanescunt intra 21. dies. Nares & os per primos morbi dies ex incerto fonte sanguine conspurcata apparent. Morbus virium dejectione, Cephalaea, vomituritione, (non cruenta) alvi fegnitie, tussicula, sub quibus mens sibi semper constat, stipatus, absque pravo symptomate sub usu Corticis & acidorum mineralium sine opiatibus, placide sua stadia decurrit. — Eadem maculae post 5-6. hebdomades in eodem infante cum variolis optimi moris complicatae iterum comparent, adeo parvam virium fracturam comitem habentes, ut puer in publicum prodeat & valeat, nec magis haemorrhagia oris vel narium in hoc aegro notatae, quam in innumeris aliis qui easdem cum variolis tunc temporis epidemicis in cute gerebant, pejori quidem omine.

Num haemorrhagia caracterem morbi constituit particularis, vel potius cum morbo

nempe & vomitum, deliquia & extremorum perfrigeratio, cum pulsu parvo & frequentissimo, efficacius auxilium urgerent; aucto etiam macularum numero, & toto utriusque oculi ambitu, & nasi dorso & cute circa os & mentum, livido nigricante colore, velut a sugillatione, perfusis, dedi in mistura quovis bihorio corticis peruviani drachmam dimidiam, addito alternis praebitis laudano liquido Sydenhami ad guttas quatuor. Substitit sensim eo die narium sanguis, vomitus minutus est, & altero die cessavit; deliquia nulla redierunt; maculae indies, una cum livore faciei, primo rubicundum magis, dein pallidum colorem induerunt, evanueruntque die septimo; quo etiam pulsus jam naturalem motionis suae modum receperat, viribus ferme cum sanitate penitus restitutis, licet menses justo tempore non advenerint, quod ab haemorrhagiis haud insolens est.

§. XLIX.

Constitutio aeris.

D. 18. Jan. 1735. *Constitutio aeris* nostri Zephyrina, tepida, humida, ventosa, depresso insigniter barometro, manet. Morbos epidemios non habemus. Frequentiores sunt catarrhi, rheumatismi, faucium inflammationes; podagrica, hysterica, hypochondriaca pathemata; diarrhoeae. Ruri variolae passim cladem faciunt. Funera in urbe rara sunt, eorumque, superiori anno, paucitas major fuit, quam sex & viginti annis praegressis.

§. L.

Molimina hydropica.

Juvenis ille vinosus, quem in commercio Vestro (a) memora-
vi, paullo post ad diaetae suae vitia reversus, *tumorem denuo cru-*
rum,

morbo petechiali idem est, quem pariter resoluti sanguinis signa comitari solent? Conferri merentur quae habent *Pringle* observat. on Army-

diseases append. CIV. edit. 6. *Strack* de Morbo c. petechiis pag. 19.

(a) Ann. 1734. Hebd. XXXIV. p. 268.

rum, scroti, abdominis oedematofum sibi conciliavit. Adjuncta erat diarrhoea, malum minime minuens, vires prosteruens. Dedi pulveris rhei drachmas duas aqua menthae dilutas, terque per tres dies continuos repetii, & en! omnis tumor evanuit, & diarrhoea cessavit. Subjunxi, ut tonum roborarem, & serum ad vias urinarias dirigerem, & epilepsiae denuo forsan metuendae obicem ponerem, corticis peruviani (b) radici valerianae mixti usum, ea illius dosi & ratione, qua ad febrem quartanam uti soleo. Menses jam fere duo effluxerunt, ex quo plena constat sanitas. Quem quamque tutum effectum praestet in hydropicis expurgandis rheum, sed dosi magna pulveris ad duas tresve drachmas, aliquot mihi observationibus compertum est, praesertim ubi diarrhoea inutilis & aliae rationes, aliis pharmacis acrioribus & tono adversis contradicere visae sunt.

§. LI.

Cortices aurantiorum ad quartanas.

Corticibus aurantiorum, quorum vim contra *quartanas* alibi (a) dubiam proposui, nuper bis quartanam fugavi, data drachma pulveris, tertia quaque hora. Primus paroxysmus statim ab eo remedio mitescebat, & continuato usu, sensim cessabat febris, nondum chronica. In aliis quartanis pluribus tentatum voto nondum satisfecit.

§. LII.

Lues venerea.

Electuarium mundificans, quod in effectibus sine febre venereis, similibusque, ubi ligna & cathartica indicantur, prodesse ibidem (a) docui, atque descriptum dedi, recipit pulveris sarsae uncias tres, ligni sancti unam, fennae unam cum semisse, rhei drachmas duas, cort. ligni sassafras, anisi ana drachmam, mellis despumati duplum, calide

(b) conf. Anno. 1732. Hebdom. XLI.
p. 323.

(a) in tract. de limitanda febris laude.
§. XXX. not. 7.

(a) ibid. not. 7.

calide in electuarius redigenda. Hujus in affectibus venereis, similibusque, excepta gonorrhoea adhuc sola, ubi nihil id juvat, bis quotidie, semunciam circiter praebeo, eoque per mensem dimidium, integrum, vel ultra, prout res poscit, una cum portione ptisanæ ex sarfa, justaque diaeta, continuato, gravia mala felicissime tollo. Si quid gravius urget, addo quavis vespere pilulam unam, vel pulverem, cum mercurii dulcis grano uno cum dimidio, aut granis duobus, vel interpono quarta quaque vespere ejusdem grana quindecim aut viginti. Sic plerumque & sine salivatione, atrocissima mala venerea, & multo magis leviora extirpantur: praesertim si, ubi opus est, per duos, tres menses, & amplius, continuare non detrectes, quod multi molestiis salivationis praeferunt, hac medicatione neque domui, neque rigidae diaetae adstricti, neque debilitati, neque in famae aut valetudinis pericula adducti. Tamdiu continuandum est, donec nulla plane amplius symptomata supersint: certe eo usque, si non ipsum simul electuarius, dosis tamen quarta quavis vespere mercurii dulcis, continuari debet: imo, obtenta licet sanitate, porro id aliquantum facere, vel verno aut autumnali tempore aliquamdiu repetere praestat, quam a doloso morbo medicam manum nimis cito remove. Electuario substitui potest validum ligni sancti & sarfae, aut, prout videtur, alterutrius decoctum, cum infusa fenna; vel haec & rheum, si quid purgationi obsit, in ipso electuario omitti. Ingeniosissima sunt, quae ill. *Boerhaavius* in exasiciatissima illa ad *Luisini* aphrodisiacum praefatione, de modo operandi mercurii in affectibus venereis disputavit. Superfunt tamen plura, ultimae forsan posteritati deregenda, quae mirandi hujus fluminis ficci, & ligni sancti ac sarfae vires, ad prodigium usque specificas, clara explicatione causarum determinent. Mihi sane, aliisque ob multa phaenomena & promptissimam mitigationem effectuum materiae aphrodisiacae ab usitatis qualitercunque his remediis, nimisque certam per haec, incertam per omnia alia, aut nullam, ejus specifici mali, curationem, semper adhuc ea haeret opinio, esse in sale mercurii, qui cum succis corporis humani aliisque emergit, & in sale, balsamo, mucagine, ligni sancti, & sarfae, aliquid singulare,

lare, atque, per particularum miasmatis & remediorum subtilitatem, nondum satis explicatum, quod cohaesione & conflictu cum ipso veneno venereo, hoc enervet, vereque ita corrigat, ut partim affligere cesset, partim transpiratione, excretionibus naturalibus, vel aucto sudore aut secessu, vel ipsa salivatione, per salem mercurii, & colliquefactos humores singulariter extimulata, eliminari queat.

§. LIII.

Salivatio.

Sicubi *salivatio* sive necessaria videatur; sive utilis, eamque commode instituere liceat, praecipio ipsam vel inunctione, ad methodum b. *Stahlii* aliorumque, notissimam, vel cum turpetho minerali, exiguis repetitisque praebitis, fere uti *Wepferus* in tractatu de affectibus capitis p. 971. describit; (licet minoribus adhuc dosibus, iisque aequalibus & quotidie repetitis, res peragi queat;) vel praecipue mercurio dulci ordinario pharmacopoearum (*). Neque vero opus

(*) Collatis illis, quae autor in observat. de febr. sect. III. §. VIII. not. b. it. in diss. de limitanda laude febris §. XXX. not. 7. fuse circa hoc argumentum in medium protulit, nihil superest quod adjiciam, quum ad finem vitae eandem semper rationem miasmati syphilitico medendi strictissime servaverit, atque in casibus inveteratis, pertinacissimis, desperatis haec medela ipsi suffecerit, & adhucdum sufficiat. Non autem ad luem veneream solum hunc sanandi modum ipsum secutum esse, sed ad alios quoque morbos liberaliorem ipsi Mercurialium usum fuisse tam in adultis quam ipsis infantibus v. g. ad Herpetem chronicum, fluorem album, Scabiem, ulcera ani fistulosa, Morsum canis rabidi &c. id silentio hic praeterire nequeo. Ad fluorem album uti morbum rebelliorum cum

rogasset me perill: *Pringle* per litteras ut in auctoris methodum inquirerem, respondit hic, morbum hunc & sibi pariter obstinatum esse & plerumque omnia remedia eludere, interdum vero cum successu se dedisse Extractum Rhabarb. ad scrupulum dimidium quavis nocte; per aliquot menses autem ejus usum protrahendum esse — Materiae effluentis acrimoniam & erosionem suspicionem ipsi semper movere latentis miasmatis venerei, & quamvis injustum saepius foret de aegris viro nuptis hanc suspicionem fovere, tacentem se nihilominus parvam quantitatem Mercurii Extracto Rhab. feliciter jungere. Nihil quidem praeter haec at quaestionem amici mihi respondit, ad certo certius novi, haud raro drastica (Aloe Gummi gutt.) Saepè balsamica, saepius roborantia ejusmodi

opus est magnis, &, ut fieri solet, augendo cumulatis, hujus & aliorum remedium mercurialium dosibus; sed sufficit trium circiter mercurii dulcis rite parati granorum sufficienter una dosi repetitus usus, quum dosis dosin, nisi aliquot dies interponas, fere nunquam non ad salivationem usque roboret. Praebeo ter in die, octava quavis hora, grana tria, quocunque modo deglutienda. Qua dosi per tres, quatuor, quinque dies repetita, ad justam nempe usque salivationem, saepe expertus sum, quanta fieri potest placiditate, curationem procedere. Immo, si adhuc mitius agere velis, semel solum in die duo cum dimidio, tria aut quatuor grana mercurii dulcis exhibe, &, ubi per quinque forte dies, vel paullo amplius, continuaveris, rarissimum erit salivationis signa non accidere: quibus observatis, si ulterius pari dosi insistas, nunquam fere non plenam, justam, &, quantum fieri potest, placidam salivationem sensum excitabis; pro lubitu, si post aliquod tempus deficit, pari vel majuscula dosi excitandam, & quamdiu symptomata poscunt, protrahendam. Ita vero varia evitantur praecaventurque pericula, saepe metuenda, si, ut fieri solet, ascendendo augeantur & cumulentur mercurii dulcis doses, quas novi qui primo die ad decem, altero ad quindecim, tertio ad viginti, quarto ad XXV; quinto, ni saliva fluat, ad XXX. urgere solent, vix sine ingenti diarrhoea, saepe sine justa salivatione, non sine molestiis & periculis. Mitius, certius, securius agit, qui didicit parvas doses continuare, & temporis opem expectare. (**). Mallem ego, datis primum majoribus, sicubi opus videretur, dosibus, minores subjungere, contra, quam pleri-

modi aegris propinasse, Corticem scil. peruv. vel praeparata Martis v. g. pulv. cachect. Querc. partes duas cum parte i. pulv. Rhab. ad scrupul. duos bis die, vel acidulas martiales.

(**) Ultimis praxeos annis autorem raro vel nunquam syphiliticos suos ptyalismis incommodis exposuisse, scio, num vero hanc curationem luis foe-

dae per extinctionem ubivis praeferre consueverit, vel ideo mitiora elegerit, quia per decennium & quod excurrit, rariora apud nos sunt hujus mali inveterationis exempla, quae gravioribus illis casibus comparari possent, quibus in initio comparentis primo mali salivationem indicari existimarent medentes, id quidem ignoro.

plerique auctores volunt. Majores vero quotidie ita continuatas praecipue caveo, si aegros habeo, qui, quocunque modo & tempore, plura jam ex mercurio assumerunt. Ii enim facilius ad salivationem moventur. Neque id inde solum est, quia vasa salivalia a priori salivatione jam relaxata sunt; nam & qui nullam salivationem, nulla oris vitia, a sumto prius mercurio senserunt, facilius salivare solent; sed quia ipse mercurius prius non integre e corpore excessit, & vel tenuissime attritus cum fero circumlabitur, vel, uti *Listerus* conjicit, in glandularum alicubi maeandris, aliisve corporis recessibus, longissimo tempore latere, dataque occasione, loco moveri, & recens dati remedii pondus atque vim augere potest. (***)

§. LIV.

Mercurii usus. Scabies.

Qui in venereis malis eradicandis tam singularia praestat *mercurius*, specifica pariter & certa adhaesione & conflictu, enervationem chronicorum cutis exanthematum, scabiei, impetiginis, tineae, leprae graecorum, sponder, si, sine salivatione, articulis solis inungatur. Scite *Willisus* de medicament. operatione p. m. 289. "dicendum, inquit, videtur, mercurii particulas, (nempe cuti illitas, ibique lixiviis seu alcaliscentibus effluviis humani corporis mixtas) fermenti cujusvis ψωγωδης extinctivas, quum privatae cuiquam parti applicentur, illico istius loci scabiem tollere, easque insuper a sanguine venoso susceptas per totam hujus massam diffundi, & paullo postea per sanguinem arteriosum, non solum in eundem, ubi suscipiebantur, locum regeri, sed quaquaversus extrorsum latas, ubique in totius corporis cute deponi, ibidemque scabiei miasma quodvis destrue-

(***) Mercurium sublimatum corrosivum majora praestare quam reliqua tutiora Mercurii praeparata, autor negavit, ideoque ipsum methodum *Switenianam* unquam adoptare non memini. Pilulas quoque *Keyseria-*

nas, Mercurium *Plenkii*, gummosum, aliaque nostra aetate adeo depraedicata non tanti aestimavit ut in usum ipse vocaret, quamvis ob rei novitatem & adductorum autorum ingenium applausum non denegaret.

destruere.,, Haud valde absimilia de sulfure etiam, cutis effluviis alcalinis soluto, dicere forsan licet; sed id longe imbecillius intra humorum fibrarumque recessus penetrat, dumque profundiores mali causas non attingit, saepe cutem sanando affectibus anomalis internis ansam praebet, vel relinquit. Reliqua ad *scabiem* remedia externa, si ipsam munditiem, & dulcis aquae balnea, excipias, minus adhuc interiorum labem corrigere, magis repellere solent, ipso sulfure, & praesertim mercurio, minus tuta, nisi ubi plane nihil juvant. Interna scabiei similiumque vitiorum remedia, quam incerta, longa, taediosa sint, & quam multis interea anomalis vitiis ipsa causa & materia mali, non sola extrema occupantis, sed & sese multiplicantis & contagia diffundentis, originem locumque praebet, expertorum testimonio satis constat. Hinc plerique, praemissis, ut ajunt, praemittendis, & correctis mali causis, (quae, si correctae satis esset, malum sane cessaret,) ad externa remedia confugere nos jubent. Concedo praemittenda aut conjungenda externis medicamentis interna esse, sicubi indicentur, plenitudine, primarum viarum vitiis, sanguinis & humorum corruptelis variis, viscerum obstructionibus, aliisque morbis complicatis. Ipsa vero scabies, praecipue recenti, quae contagio in corpus sanissimum hauritur, indicari nego: (*) & plerumque, quamvis interna aliqua indicentur, conjungi statim tuto & feliciter posse unguenta mercurialia apta, expertus saepissime testor. Signum plerumque nullum est, quamdiu scabies in corpore cetera sano manet, ex quo colligere possis, jam demum tempus esse ad externa illa confugiendi, nisi, ut multi faciunt medentes, praemissas suas ex ordine praestabilito formulas pro signo, a priori, habere velint. Frustra potius multi sunt, cum fortibus suis & repetitis purgationibus aliisque medelis; aut etiam

(*) Qui morbum mere cutaneum, mere localem, unice externo contagio conceptum, nec nisi rarissime ab interna causa ortum esse recordabitur, simulque scabiem aequae minus ac *Tineam*, *Herpetem chronicum* vel alios

morbos cutis, internis remediis solis rarissime fugari e praxi didicit, is *Werthofium* adversus principia peccasse haud facile affirmabit. Conf. de Variol. & Anthrac. not. 54.

etiam partem inquinamenti scabiosi a cute introrsum retrahunt, nescio an corrigant, an educant. In usu mihi est *unguentum* (**) *εὐπρωγισοῦ*, ex adipis, vel unguenti pomati uncia, mercurii praecipitati albi drachma. Nunquam hoc salivationem, ejusque vel minimum indicium excitat, neque repellit scabiem, sed primo tempore fortius elicit, deinde post unam aut alteram hebdomadem sanat, penetrando, uti mercurialia omnia, intra humorum glandularumque recessus. Quo diutius, etiam post extus apparentem sanationem, continuatur, eo tutius est, & a regressu, aliisque malis, fomiti imperfecte extincto debitis, praecavet. Quavis vespera singulis articulis, cubitorum carporum, & ubi opus est, poplitum tarforumque, affricatur quantitas circiter avellanae, tepide, vel ad ignem. (***) Mundities, victusque salubris simul observanda sunt; vitanda, quantum licet, tegmina & opificia lanea; mutandi post sanationem vestitus, durante morbo

(**) Autori honorem hujus inventionis non deberi, sed *Zapatae, Zelleri*, notum est.

(***) Quicquid autores medicinae militaris, optimi, ni fallor, propter frequentissimum huic Morbo medendi occasionem, judices, *Pringle, Monro, Baldinger, Richard* in contrarium observaverint, & de praefendendo potius ad scabiem usu sulfuris adduxerint, quum v. g. ejusmodi aegris vel ptyalismum frustra expertis ad sulfur tandem confugiendum fuerit, *Werlhofium* tamen eo adducere non potuit, ut a sententia hic prolata per totam vitam recederet; eo audaciae potius processit, ut & infantes tenellos linimento illo mercuriali inungeret in textu indicato, nulla fere habita ratione ad diversum morbi genium. Nunquam, quod magis adhuc mirum videbitur, eo linimento ad sequentem evacuationem sensibilem v. g. salivationem usus est, nec

ideo ptyalismus in hoc malo saepe inutilis opinioni auctoris videtur refragari, supervenientem potius damnavit. Sane, *Methodus Werlhofiana* tot annorum felici experientia nititur, ut & lippis ac tonforibus hic loci arrideat, eorum fidem nunquam sibi conciliatura, nisi exempla loquerentur.

Ad alia Exanthemata chronica e. c. Herpetem haud infrequenter *Werlhofius* externe adhibuit solutionem illam Mercurii corrosivi sub nomine Aqu. ad Exanthemata cognitam. Remedia *Goulardiana* ipsi non satis innotuerunt. Conf. fr. de Variol. & Anthrac. Cap. IV. §. 13. not. 54. In scabiē a quacunque causa improvide nimis repulsa, arthritidem saepe mentiente, mira praestitit cum Antimonio crudo ad unc. un. cum tribus unc. sachari misto, atque bis de die ad cochlear parvum exhibito; — infusione illam autorem revocare, non memini.

morbo gestati. Interna remedia haemocatharitica, anti scorbutica, aliaque, pro re nata, omittimus, praemittimus, conjungimus, subjungimus. Damus simul praecipue mane & vesperi dosin sulfuris, aut maxime ejus lactis, quo curatio egregie juvatur, primae viae plerumque expurgantur leniter, roborantur glandulae & vasa lymphatica, corriguntur intus latentia mali contagia, & eorum motus ad partes externas determinatur. Subjungimus, sanata cute, aptam laxationem κατ' ἐπίρρασιν. Corrigatur mali fomes remediis specificis, & tunc coctus, non crudus, feliciter expurgabitur, vel sponte secedet. Superiori aestate ista methodo, nempe solo interno lactis sulfuris, externo ejus unguenti usu, sed per aliquod menses, licet primo sanescerent jam omnes, continuato, purum a vetustissima multorum annorum scabie fera reddidi civitatis hujus orphanotrophium & ptochotrophium, (****) ubi nemo ex plus quam centum personis habitabat, nemo dudum habitare potuerat, quin contagio fuerit infectus, atque, (praeter multa mala interna, inde propullulantia, vel complicatione aucta, ulcerationes etiam profundas, oculorumque & aliarum partium vitia) ingentes molestias turpitudinesque passus sit, a quibus omnibus jam liberati sunt omnes, & sanissimi degunt.

§. LV.

Status epidemicus.

Februarius ventis, tempestatibus, frigore modico, tepore, plane adhuc varius & inconstans fuit. Morbis eximie epidemiis cætemus; frequentius faucium observantur inflammationes, erysipelata, variolae spuriae, febres catarrhales, tussis, febres quartanae, & quotidiane verae, raras tertianae, colicae, icterus, diarrhoeae, torminosae plusculae, dysenteriae aliquae, (quod hoc anni tempore
alias

(****) Pro commendanda autoris methodo non possum quin addam, me idem ipsum orphanotrophaeum, iisdem ipsis medicaminibus per septem

inde annos liberasse scabie, eo forsan discrimine, quod simul balnea aquae dulcis in usum vocaverim.

alias rarum est,) podagrae & rheumatismi plures. Pleraque illa periculo vacant. Ex erysipelate cruris sponte regresso, cum strepitu pectoris sonoro, obiit judaeus Rabbini nonaginta sex annos natus. Senes & phthisici, paucique praeterea, funeribus accensentur. In *faucium inflammationibus* decoctum florum sambuci intus egregium reperi; in diarrhoeis ipecacuanham, rheum tostum, anodyna, potum lacteum, aquas Emblicas.

§. LVI.

Morbus castrensis & febris epidemia Apini.

D. 24. Febr. 1735. Quae a Vobis ad elegantissimam de *morbo nupero castrensi* recensionem monentur (a) de convenientia ejus cum febre epidemia Apini, valde limitanda mihi videntur. 1) Febris Apini, in primo suo stadio, indolem suam ex genere intermittentium manifeste prodebat. Erat quotidiana vera regularis cum plenaria intermissione: vid. §. 6. (b) & postquam etiam continuitas accesserat, periodos exacte servabat §. 7. Hic e contrario morbus castrensis, *mentiebatur* solum in robustis & sui negligentibus intermissionem, eamque vagam & anomalam, ob perfrigerationes admissas, rigore in ejusmodi negligentibus aegris, vel ob robustum temperamentum primo impetui resistentibus, iterum atque iterum oborto, quod in omni, continentium etiam, febrium genere, & praecipue in catarrhalibus meris frequens est. 2) Tussis inter signa pathognomonica hujus morbi castrensis incipientis primas tenet; in Apiniano vix memoratur, neque nisi raro in quibusdam observationibus apparet. 3) Tempus criticum die quarto vel septimo in hoc morbo castrensi solenne, solennis etiam diarrhoea critica, totum morbum solvens; quod apud Apinum nequaquam eo modo notatur, licet diarrhoeas alicubi salubres, quod in varii generis epidemiis obvium est, enarret: quum adstringentia tamen & theriacalia passim felicissime adhibuerit. Morbus etiam Apini, ubi remediis febri-

(a) vid. Ann. hujus Hebd. V. p. 38. (b) Tractatus Apiniani ibidem excitati.

febrifugis maturata non est curatio, longe magis duravit: vid. ex. gr. observat. 25. 4) Morbus hic castrensis facile redire expresse dicitur, quod de sua febre epidemia expresse negat Apinus §. 47. 5) Emetica apud Apinum in principio fere semper, sed & in progressu, quarto, quinto, imo nono morbi die, per obs. 24. salutaria, in hoc e contrario morbo castrensi vix admittuntur, & non nisi aliquando in primo principio. 6) Cortex peruvianus summum Api- ni remedium, quia febris illa, etiamsi deinde continua, ex genere vero intermittentium erat, in hoc morbo castrensi, ex mera, ut opi- nor, catarrhali petechizante, quam vocant, indole, eaque perquam acuta, vix forsan ac ne vix quidem operae pretium facturus fuisse videtur, etiamsi tentatus esset.

§. LVII.

Camphorae usus in Purpura.

Camphoram in emulsione semin. aquilegiae ante aliquot menses in purpura virginis alba, seu febre miliari, quae pleuritidis nothae instar coeperat, die quarto erumpebat, deliquiis & narium stillicidio stipabatur, felicissime usurpavi, ut prava symptomata statim cessarent, & morbus placidissime decurreret, undecimoque die declina- ret. Die 14. Febr. cl. D. D. *Albrecht*, professor Gottingensis, se- quentia ad me scripsit: “Quae in commercio Norimbergensi de Camphorae usu in imminentibus vel jam formatis inflammationibus internis laudas, nuper in primipara nobili, exquisitae sensibilitatis, eximie vera reperi. Primipara, inquam, erat; secundinae cum aliqua difficultate eductae, lochia tamen bene progressa sunt. Post paucos vero dies purpura rubra se ostenderat, perque totum corpus sine symptomatibus gravioribus eruperat. Aegra sui nimis secura, decimo quarto puerperii die frigus admisit. Retrogressa statim est purpura, suppressus sudor, qui prius semper cum euphoria succe- rat. Hinc febris intensa, anxietas, dolor capitis, sub noctem leve delirium, inquietudo, vigiliae. Sequenti die sub vesperam accessi, nihilque dedi, nisi succini albi grana duodecim, nitri sex, campho-
rae

rae quatuor, pro pulvere quarta quavis hora repetendo. Exinde nox statim placida, sudoris purpuraeque reditus, & convalescentia, plenaque sensim sanitas,,

§. LVIII.

Infans mirāculosus Kehrbergensis.

Litterae venerabilis Reinbeckii, Theologi berolinensis, ad amicum mecum communicatae sunt, e quibus sequentia notari merentur: *Infantis Kehrbergensis, qui miracula patrassē dicitur* (a), mihi a primo principio suboluit vanitas. Facta deinde rei inquisitione constitit, ex centum aegris, qui ad illum confluerant, vix unum esse, qui vel diceret se sanatum. Ipse varios novi auditus vitio aut alio laborantes, qui auxilio destituti redierunt omnes. Maximam attentionem in se convertit homo aliquis, salzburgensem se dicens, grallis claudi instar incedens. Hic sanus revertebatur stupente populo. Ast detecta fraus est, novimusque jam nebulonem hunc non nisi simulato morbo laborasse, quum aliquot testes sint, qui eum propriis pedibus probe inambulantem antea viderant. Si qui praeterea sunt, qui frictione aut lotionē illa vere se forsan levatos sensere, non sunt, nisi illi, qui resolutione membrorum aliqua leviori, vel etiam oculorum fluore falso fuere affecti. Hi oculos perluerunt aqua, qua puer manus suas laverat, neque mirum est, salia ita elota esse, quod & cum alia aqua fieri licuisset. Quibus membra aliquo modo resoluta fuerunt, nervos in itinere, & post frictionem, tentando magis magisque & bene sperando, ita intenderunt, ut vel inde melius sese quam antea habere queant, pari felicitate gavisuri, si alias eadem fiducia explorassent, quid valeant membra, quid motiones exercitationesque praestent.

§. LIX.

(a) conf. Anni 1734. Hebd. XLVII. pag. 369.

§. LIX.

Missio sanguinis ()*.

Mentionem nuper feci (a) *missionis sanguinis* derivationis causa, ad mentem veterum, institutae, quam hodie multi scriptores medici egregii, ubi de mittendi sanguinis scopis & rationibus agunt, immerito omittunt. Intelligunt recentiores plerique sub derivationis nomine accelerationem sanguinis aut humoris ad partem quamcunque sectam, aut irritatam, eique vicinas, affluentis; veteres, & qui iis cum justa explicatione, assentiantur, educationem sanguinis aut humoris, congestionem, stagnationem, progressionem lenta particulari, aliove vitio in certa aliqua parte praecipue laborantis: educationem, inquam, non quidem per illam ipsam partem praecipue affectam, id quod evacuationem stricte vocant, sed per vicinam, vasis, poris, nervis, fibris motricibus, motuum sanorum morbosorumque directionibus, cum parte primario patiente confluentem, conspirantem, connexam, conjunctam, una patientem. Hanc derivationem veram veterum frustra a medicis quibusdam, ubi de missione sanguinis agunt, in dubium vocari, a pluribus immerito omitti & negligi dico, quum in plerisque & praestantissimis naturae & artis evacuationibus, per morbos, ad oculum pateat, & ex iis ipsis, quae modo innuimus, argumentis, cum legibus mechanicis corporis vivi apprime congruens omnino esse videatur. Cautione tamen opus est, & huc maxime valet illud, cocta, id est, ad evacuationem per certam aliquam partem parata, evacuanda esse, non cruda, nisi turgiant, id est, nisi suo impetu educationem primo quoque tempore urgere videantur, & quo natura bono vel irrevocabili nisu tendit, non contra. Immo & proportio accelerationis ad partem sectam, eique vicinas, seu derivationis recentiorum attendenda est, quae certe nonnulla est, quod vel ex ipso sanguine arterioso per vasis venosi

(*) Adversus *Hambergeri* disputationem de venaesect. quatenus motum sanguinis mutat.

(a) Anni 1734. Hebdom. XLVII. n. IV. pag. 373.

venosi apertionem manifeste effluente satis constat, ut alia experimenta & multas rationes jam taceam. Ea vero acceleratio, quamvis sit aliqua, non tamen semper, ut aliqui volunt, mala est, aut periculosa, ubi sectio fit in parte laboranti vicina, & saepe adeo momentanea est, & in proportionem ad utilitates ex ipsa evacuatione & derivatione veterum sperandas, adeo nullius saepe momenti, ut tunc quidem vix ac ne vix quidem, si omnia recte fiant, attendi mereatur. Neque vero, quod aliqui volunt, contradictio est, si dicamus, una eademque arteria, aut vena, in certo aliquo morbo aut symptomate, secta, fieri derivationem simul & revulsionem. Veterum praecipue derivationem simul, & veram revulsionem venaesectione fieri, quando partem sanguinis vitiosi ex ipso loco vicino educit, partem, quae alias ad praecipue patientem properabat, intercipit, vel accelerat ad vicinam, & ejusdem ita venaesectionem, si modus & proportio iusta observetur, revellere simul, & utroque modo derivare, deprehendi potest. Ita venaesectio in brachio pleuritici lateris affecti, quum pars praecipue laborans pleura sit, brachium tamen ob varias causas, quas supra innuimus, tanquam pars vicina considerari mereatur, & revellit, & derivat, & hinc subitaneum saepe levamen praestat, prae alia venaesectione quacunque. Adequata vero esse debet, & cum iusta magnaue apertione, ne turgentis sanguinis, cujus pars ita felicissimi detrahitur, acceleratio aliqua detractionem superet. Efficacia venae jugularis externae sectae, quae alio respectu, revellit a partibus encephali, derivando tamen etiam, ob varias solidorum, fluidorum, motriciumque fibrarum communicationes, juvat, etiam per id ipsum, quod, ante sectionis locum, magno uno, minoribus pluribus ramis, cum jugulari interna sociatur, deinde etiam, (id quod, ob rationes directionum in liquidis hydrostaticas, non de nihilo est) versus cor plane unitur, & quod cum sinibus durae matris varie communicat, quodque a carotide externa, tot durae matri vasa suppeditante, & cum vertebrali confluente, oritur: per id ipsum, inquam, juvat, & efficaciam in partes capitis internas exserit, & inde revera derivationem veteram efficere potest. Id vero, quod in omni evacuatione per locum affectum,

Etum, ejusque affini derivatione veterum, observandum est, etiam in jugulari secanda observari debet: ut instituatur vel in primo & superabili morbi principio, & adaequate, vel saltem revulsionibus, quae vocantur, per partes remotiores ita praemissis, vel subjunctis, & corporis morbi ratione ita se habente, ut non major acceleratio timeri debeat, quam quae ipsa evacuatione, & evacuatorum vaporum contractione, aliisque causis & medelis, revellendo & corrigendo adjuvantibus, compensetur vel superetur. Alioqui caveri debet, ne praesente adhuc, & per sectionem illius venae vicinae magis aliquantulum accelerando, impetu morbo eximio, noceamus. Tutius ceteris paribus, cedit circa morbi statum, ubi impetus accelerans deferbuit, vel in lento satis incremento, vel declinatione; quamvis debita cum prudentia, in ipso principio vel progressu, efficacissima & tuta satis esse queat. Narrabo exemplum, quod me, inter multa alia, in sententia de vi & usu venaesectionis derivantis, ad mentem veterum, confirmavit. Vocabar ad juvenem pleuritide epidemia, ex vera & notha mixta, eodem die correptum, cum immensis lateris dextri doloribus. Spirabat difficulter, parum sanguinolenti exscreabat, cum tussi molestissima, febrem habebat magnam inflammantem, in neutro decumbere poterat latere, pulsus pleuriticus erat, urina flammea. Accesserat ante me chirurgus, & properaverat venae in sinistro brachio apertionem. Superveniens ego eodem momento, emissis jam tribus fere unciiis sanguinis floridi atque sani, non exiguo foramine, & cum saltu prodeuntis, claudi vulnus jussi, & aliud sat patulum in dextro fieri. Et en! octo adhuc unciae sanguinis flavi, fere plane crustosi, qualis in summa pleuritide esse solet, profiluere, momentaneo cum levamine, & felici deinde morbi sanatione. Sequenti die in pede lateris affecti aliam ad decem uncias venaesectionem institui, & minus quidem, aliquantum tamen adhuc crustosum, eduxi sanguinem, cum inflammationis dolorisque ulteriori diminutione. Illi veterum κατ'ἔξιν venaesectioni solidarum fibrarum systema, exquisitius hodie cognitum, itidem patrocinator. Per illam vero, quam praecipue in morbi principio, ubi congestio magis particularis esse solet, cum justo

moderamine laudo, venae sectionem in brachio lateris pleuritici, derivatio veterum & evacuatio partis sanguinis vitiosi in primis fit. Et facile ita superatur, si sufficiens quantitas emittatur, noxa accelerationis particularis ad latus affectum, seu derivationis recentiorum. Parte enim sanguinis vitiosi exhausta, robur vasorum fibrarumque proprium, se magis restituit, spatiaque subito coarctat, & impedit saepe potius nimium affluentis sanguinis impetum, quem nimis auctum fere semper iri, noxiumque esse debere, metuunt hodie multi, refragantibus innumeris felicissimis experimentis, ex antiqua Galeni aliorumque methodo, venam pleuriticis in lateris affecti brachio, urgente dolorum & inflammationis violentia, pro magis praesentaneo auxilio, secandi: quum praesertim in manu medici sit, relucet ad partes inferiores praesidia abunde subjungere. Sed &, si magna satis apertio venae brachii lateris affecti fiat, & causae novae accelerationis insigniores non sint, vera a pleura & latere fit revulsio. Ob multas enim causas longe magis, in corpore humano, praecipue congestionibus laborante, verum est, quod in canali mortuo homogeneo, ex tubulis diversimode unitis & directis constante, aqua perpetim affusa repleto, ad oculum demonstrari potest, apertis his vel illis luminibus seu foraminibus, non solum in locis contrariae, sed etiam ejusdem directionis in quam locus apertus tendit, aliquam primo momento fieri revulsionem, seu affluxus imminutionem, & ipsam diametri foraminis aperti proportionem ad reliquas partes, quae per evacuationem sat notabili ratione afficiuntur, eximie ad revulsionem ab hisce efficiendam conferre. Dico proportionem ad eas partes, quae per evacuationem sat notabili ratione afficiuntur: nam, licet omnia totius corporis vasa per circulationem confluere & conspirare queant, multa tamen in diversissima tam solidarum, quam fluidarum, partium textura & connexione, indoleque sana & morbosa, obveniunt, quae efficaciam notabilem alicujus evacuationis ad paucas aliquas partes maxime restringunt. *Derivationem* ad mentem recentiorum, ex sanguinis missione, nempe accelerationem ad partem sectione vulneratam eique vicinas, aliquam dari concedo, & per contraria, caeteris paribus, etiam revulsionem.

Nam

Nam licet videri possit, incrementum velocitatis, quod primum in loco aperto contingit, subito deinde per totum corpus, omnemque vasorum ambitum, propter leges circulationis, aequae fere diffundi, attamen universale illud incrementum succedens vix plerumque sensibile, & non nisi momentaneum foret, & contrahentibus se interea, aut prius, per proprium elaterem, aut per internum sanguinis elaterem, repletis, fibris cordis, & auricularum, & remotiorum a loco secto vasorum parietibus, ut nullum majus spatium concedatur, facile nullum fieri posset, aut certe a celeritate sanguinis in ipsa vena secta, & arteriis vasisque propius connexis, iisque praecipue, quae minori vi & velocitate se contrahendi, per sanitatem, vel per morbos, gaudent, longe superari. Causae hujus rei multae sunt, & sensibiles & permanentes aliquae, saltim saepe: 1) pediluvium in venae sectione pedis, malluvium in sectione salvatellae, eorumque effectus: 2) ligatura nonnihil irritans, & sanguinem retardans, qui deinde acceleretur suo & fibrarum motricium robore oportet, cum vibratione vegetiori versus eum locum, ubi retardatus fuit: 3) Vulnus ipsum, fibris non insensibilibus, eoque ad vibrationes validiores excitatis, factum: 4) ipsa evacuatio & derivatio veterum, sanguinis nempe stagnantis, vel difficulter circulantis, ex parte affecta & connexis, succedensque residui solutio, ut affluentibus ibi major libertas fiat: quae res, ubi tota massa peccat, vel locus aliquis praecipue mittens est, itidem interdum ad revulsionem particularem, seu majorem impetum ad partem minus principalem, v. c. in podagra retrograda venae pedis sectio, in haemorrhoidibus aberrantibus hirudinum ad anum applicatio, conferre potest: 5) directio sanguinis lateralis circa factam incisionem, qua, quod alias non fit, tota diametro venae secta evacuat, quae mutatio oeconomiae naturalis etiam directionem & impetum sanguinis arteriosi aliter, ac pro more, inclinat, ut insolitae vibrationes & collisiones ad particularem accelerationem aliquid conferant: 6) impetuosus egressus sanguinis ex vena aperta, ob minutam longe magis, quam alibi, resistantiam, neque ex vena ipsa solum, sed & ex connexis minoribus, & ipsis arteriis advehentibus, & per anastomoses sociatis, isque sub ipsa

sanguinis missione saepe mire varians, ut non unam, simplicem, aequabilem vim motricem, & effectuum per corpus distributionem, esse pateat: quum praeterea non tam cito & facile venae sectae, ceterorumque vasorum magis connexorum & impetuose evacuatorum vis contrahens adeo adaequate impetui respondeat, ut nullum majus spatium, vel vix sensibile, vel plane aequale, humori in locum evacuati allabenti relinquatur: 7) frictio sanguinis, non mere aquei, saepe sat viscida & cohaerentis, vel ad visciditatem, sicubi stagnet, proni, imminuta, ut lateribus vasorum laxius jam repletorum, suisque invicem particulis, minus adhaereat, vel ut saltem frictio ipso impetu, num. 6. dicto, facilius superetur: 8) appulsus vegetior & varius cordis & arteriarum, & aliarum potentiarum motum moderantium, qui, vena adhuc aperta, modo cessans, modo rediens, modo varians, ad oculum patet, ipsaque clausa, saepissime sponte rursus, post horas plures, deligato licet vulnere, nisus sui continuationem, profluente rursus sanguine, declarat: 9) ipsa resistentia in transitu sanguinis arteriosi in venas, per ductus tenerrimos, minime robustos, musculosis nervosisque partibus diversimode junctos, eoque ipso, & ob causas saepe morbosas, non aequaliter pervios, quae difficultas partim mox, partim, collabentibus certe facile sub primo transitu molimine nonnullis vasis, sensim sensimque demum superata, auctam vim requisivit, eamque dubio procul ad ipsas illas partes, & virium instrumentis connexas, peculiari directione determinatam: 10) oscillatio dehinc varia, partim innumerabilium vasorum & fibrarum, in alteratione & mutatione circuitus, quae sub sanguinis missione, evacuationeque & repletionem nova venae sectae fit, collaborantium: quae omnis praecipue, & primario, & certissime (quum in reliquo corpore ob concurrentes causas & impedimenta sensibilitatis, acceleratio incerta sit) versus sectum locum tendit: partim sanguinis & ipsorum humorum sanguini sese ex variis vasis, etiam resorbentibus, & ipsis cavitatibus, quasi per suctionem, ob exinanitionem, sociantium, & elateris sanguinis, qui eo jam tendere debet, quo non ad vetus est, dum aperta vena minorem, & clausa rursus majorem, invenit resistentiam, & ad directiones varias
cogi-

cogitur. Quae oscillationum varietas nifus saepe fat diu durantes versus feñti loci regionem excitat, immo vel eam adſvetudinem naturae imprimere poteſt, ut, quod multoties comperimus, poſt annua etiam ſpatia, in partibus venaefectioni adſvetis, ſenſibilitas inſignis notetur, immo ulcera, vel congeſtiones, circumcirca fiant. Haec aliaque documenta monſtrant, quanta prudentia opus ſit, in diſcriminando loco venaefectionis, & definiendis regulis revulſionis, derivationisque tam veterum, quam recentiorum: quod innui jam & probavi in obſerv. de febr. ſect. III. §. II. not. f. ſeqq. Quae hoc aliisque antehac paragraphis, de variis ſanguinis mittendi ſcopis, data occasione per elegantiffimum cl. *Trallesii* opusculum *de vena jugulari frequentius ſecanda*, diſſerui, excitabunt, ſpero, me doctiores, ut doctriſis hiſce ſumme neceſſariis, & in praxi quotidianis, clariorem lucem ex theoria & praxi affundant, medicosque mire hic diſſentientes concilient.

§. LX.

Specimina duo ex actis edinburgenſibus verſa.

D. 1. Jun. 1735. Typis ante paucos dies tradidi *actorum medicorum Edinburgenſium* (a) *ſpecimina duo*, primum de medicamento alterante ex mercurio, ſecundum de aurigine, ex anglico ſermone a me latine reddita: accedit diſſertatio mea epistoſica de iisdem argumentis, & de remedio auriginis *Camerariano*, ad ill. Jo. ſamuelem Nob. Dom. de *Berger*, ubi ſimul controverſiae de laude febris merito an falſo ſuſpecta limitanda an ſecus, poſtremum corollarium additur. Occaſionem huic epistoſicae diſſertationi praeſub cl. D. D. *Goelickii* epicriſis in excerptum commercii veſtri (b) ex litteris meis.

§. LXI.

(a) conf. A. 1734. Hebd. XXIII. p. 177.

(b) A. 1733. Hebd. XXXIX. p. 305. ſeq. Proſtat epicriſis illa Francofurti & Lipſiae 1735. in 4to. plag. 2. Vult ejus auctor, ad aequitatem noſtram

provocans, ut has vindicias actis noſtris inferi curemus, ſed quum ille ipſe optime judicaverit, ſcriptores tales, qui a convitiis ſcriptionis ſuae initium & finem faciunt, ne dignos quidem eſſe, quorum nomina tali in ſcripto-

§. LXI.

Constitutio epidemica.

Mensis Martius nobis fere totus Zephyrinus, vernus, & siccus fuit, nebulosus tamen, depresso plerumque barometro; Aprilis solito calidior, tonitruum ferax & inconstans; Majus frigidior & humidior ex Zephyro & coro. A morbis epidemiis immunes degimus. Priores illi duo menses pleuritidibus maxime feraces fuerunt, tertius febribus tertianis, benignis utrisque. In benignis tamen, etiam illis pleuritidibus *camphoram* ad mitiganda symptomata emulsionibus plerumque addidi, & sancte testor, nullum plane inde caloris incrementum, sed potius placidiora omnia, saltem aequè omnino placida, evenisse, ac ubi nulla, nisi fixa diaphoretica, & aquea, remedia adhibita fuere. In vicinis harum regionum locis grassantur passim purpurae, febresque miliares, fatis malignae.

§. LXII.

Idem argumentum.

D. 17. Jul. 1735. *Status aeris* nostri toto mense superiori, & ad hunc usque medium, ex Zephyro & Zephyronoto maximam partem humidus, ventosus, & calore temperatus fuit, depresso plerumque barometro, quod neque nunc elatius est, dum a triduo aestus siccus & serenus ex noto fervet. Morbis epidemiis adhuc ca-remus. Varioli inter plebejos sporades sunt, aliquibus ferales. Frequentius visuntur febres tertianae, catarrhi, rheumatismi, tussis, pleuritides, colicae. Herpes miliaris varios adultos & infantes infestat; horum etiam plusculos dentitio cum catarrhali febre, difficilis. Funera pauca sunt.

§. LXIII.

scriptorum genere quale est commercium litterarium Norimbergense; memorentur &c. gravissimam virgulam

censoariam nos mereamur, si petitis suis annueremus,

S. LXIII.

Mytulorum esus.

Ex litteris cl. D. D. *Stockhausen* Magdeburgo d. 22. Maji ad me scriptis haec addere liceat: Additam tractatui tuo de variolis observationem *de nocivo mytulorum* (*) *esu* multa cum voluptate perlegi. Memini autem, me in Gallia quondam, Angliam versus iter facientem, plures in urbe Bulonia (Boulogne) ad maris littora sita, mytulos crudos absque ullo damno comedisse; observasse tamen, in eorum aliquot latitasse animalcula exigua, araneam corporis textura exprimentia, quos ob venenatam indolem abjiciendos putabant incolae, egoque ipse intactos reliqui, ne per proprium corium tentarem experimenta. Quicquid horum sit, ornatissimo observationis auctori salutare consilium, in quo totus rei medicae cardo versatur, subministranti ex animo gratulor.

Ex litteris ill. Jcti Kiloniensis Franc. Ern. *Vogt*: Occasione elegantis epistolae cl. D. D. *Behrens* de affectibus a comestis mytulis memini b. D. D. *Waldschmidium* mihi olim narrare, egregios se aliquando tribus hinc milliaribus, in oppido Eckernförde comedisse mytulos, & ob svavitatem eorum eximiam doliolum iis repletum Kilonium secum asportasse. Qui quum per aliquot ibi dies jacuissent, tum demum manducati uxorem, liberos, famulitium omne, ejusdem speciei morbo, quam cl. D. D. *Behrens* recenset, affecerunt. Sed, per datum a D. D. *Waldschmidio* emeticum, curati sunt omnes. Ipsi mihi simile exemplum hic ante multos annos contigit, ubi duo convivae in eadem inciderunt symptomata, nobis octo reliquis salvis, licet fere aequalem mytulorum numerum assumissemus. Doctor quidam medicinae, qui nobiscum erat, confestim praescribebat emeticum, quo facto intra paucas horas evanescebant omnia. Quod ad morbi causam attinet, vulgo quidem hic persuasum est, ex iis eam mytulis esse, in quibus vesiculae sint alba lymphae repletae.

(*) Sermo est de *Mytulo eduli*, Linnaei syst. nat. edit. XII. 253. pag. 1157.

tae. Sed b. D. D. *Waldschmidius* affirmabat, falsum id esse, seque curiositatis gratia ejusmodi mytulos edisse, sine noxa. Opinio vero ejus haec erat: si mytuli, postquam capti sunt, tempestate praecipue tepidiori, per aliquot dies non comesti manerent, talia fieri posse, & quidem ideo, quod recens nutrimentum, & naturalis expurgatio deficiat, quam, quovis *νυχθήμερον* semel in aqua marina sese aperientes, aquamque recentem assumentes, conciliare sibi soleant. Atque hoc mihi valde fit verosimile, quia exemplum novi nullum, quo constet, a recens captis mytulis, eodemque aut proxime sequenti die comestis, quemquam talia symptomata passum. Atque (**) si iidem, uti heic Kilonii, Eckernfördae, Flensburgi, & Apenraedae (quo loco delicatissimi maximique reperiuntur) fieri solet, quando piscatio dives est, statim coquantur, doliolisque indantur, affuso condimento ex partibus aequalibus gari & aceti, ut postmodum cum pauxillo vini, citri succo, butyro, macere, pipere, & mica panis rasa, in patella frixi comedantur, nihil inde nocumenti metuendum erit, etiamsi per mensem integrum in doliolo manserint.

§. LXIV.

Vermis mictu redditus.

Virgo adulta, habitus corporis sat pleni, nunquam nephritica, sed antea sana, nisi quod ante aliquot annos erysipelate & abscessu gravi supra genu, & superiori hieme tussi chronica cum febricula laboravit, nuper post paroxysmum subitum, violentum, nephritico simillimum, remanentibus lateris sinistri, in renis regione, doloribus obrufis, quum acidulas pyrmontanas biberet, *eminxit vermem album*, vivere visum, sex circiter lineas longum, unam latum, planum, superius inferiusque acuminatum, sed, taeniae omnino ad instar,

(**) *Werthofius* quidem ejus fuit sententiae, insectum quoddam parvum, e genere araneorum, in culpa esse, (uti ex litteris ad amicum 1746. datis novi) ubi simul experimentum cu-

linare cum cepa institutum pro ambiguo declarat. An eadem animalcula praeceptor intellexit, quae nuper adhuc vidit *Baster*? (hor. subscs. L. 3. p. 108.) Suntne Nereides?

star, articulis seu lineolis transversis distinctum, non tamen ita, uti in taeniis esse solet, separabilibus in frustula, cucurbitinis similia, sed ita, ut unum vermis corpus arctissima cohaesione constans, & quasi insculptis eleganter lineolis tantum signatum, appareret: mortuum ipse paullo post vidi & curiose examinavi. Aegra praeterea neque calculum, neque aliud praeter naturam, nisi urinam mucosis particulis plerumque scatentem, & arenulas graves in fundo urinalis exhibentem, per morbi & sanationis decursum, excrevit: neque vero a verme ejecto melius habuit. Curata tamen jam omnino optime valet, postquam absoluto aquae pyrmontanae usu, per plusculas vespersas florum sulphuris compositorum scrupulum cum mercurii dulcis grano & dimidio sumsit, mane serum lactis potavit.

§. LXV.

Hydrops ovarii.

Elegantem tuam *de ovarii hydrope* observationem (a), judicio-
saeque quae subjungis, problemata, legi attentus, & horum solutionem abs Te aliisque viris doctis exoptavi. Interea symbolam levem conferam, ut alios, qui meliora respondere possunt, excitem. Quaestio prima sic se habet: quando abdomen in molem praeternaturalem expanditur, simul ponderosum & grave est, quod tympanitidem excludit: fluctuatio vero, ventre percusso, satis accurate percipi nequit: quaeritur an inde concludere liceat, ovarii hydro-
pem, qui forte frequentior est, quam annotatur, prae ascitide, morbum esse appellandum. Respondere tentabo. Ovarii hydro-
pem, a *Schorkopfio* & *Brendelio* peculiaribus dissertationibus, ab aliis passim tractatum, in nullo adhuc cadavere oculis usurpare mihi licuit (*).
Suspi-

(a) Ann. 1734. Hebd. XLIV. p. 348.

(*) An, quia versus mortem plerumque rupta cystide in Ascitidem mutatur, & ideo raro, post haec scripta ab aliis autoribus sectione pathologica inventus est verus ovarii hydro-
ps, ut prae-

ter *de Haen* (Rat. med. VI.) & *Morgagni* (de sect. XXXIX. 39.) nemini fere id contigerit? Nonne Hyd-
atides frequentius ab anatomicis in ovariiis visae nascentis hujus hydro-
pis initium faciunt?

Suspicionem tamen ejus haud iniquam tum in aliis habui, tum in matrona praecipue quadam, nunquam partum enixa, quae, post multos aegre peractos annos, ineunte senectute, rupto, ni fallor, ovarii tumore, & in cavum abdominis effuso, cruribus, femoribus, & abdominis integumentis etiam fero magnopere intumescantibus, sensim, ascitico-tympaniticorum instar, extinguebatur. Coeperat, quum per aetatem ordo mensium inciperet turbari, & magis magisque aucta erat gravitas molesta, tumida, duriuscula, hypochondrii, sinistri, saepe dolorifica, cum difficultate cubandi in latus dextrum, spirationeque laboriosa. Brevi deinde tempore totum abdomen, tympaniticum in morem, hoc est, in expansionem magnam, aequabilem tympani instar resonantem, sine fluctuatione ulla, elatum est; sed cum ponderis, in sinistro praecipue latere, sensu. Hujusmodi signa si praecedant, & comitentur, hydropem ovarii suspicari licebit, si quid judico (**), certo edicere non item. Suspiciatus, inquam, sum in hac aegra, sed verae tympanitidi junctum putavi: nempe tumore ovarii eo usque aucto, ut, ramis nervorum ad abdominis musculos tendentium insignibus compressis, eorum elater impar esset coercendis halitibus flatuosis, in sanissimo quoque corpore, & magis eximie in ejusmodi aegris, intra abdominis cavitatem contentis, adeoque, praevalente horum halituum vi elastica, abdomen inflaretur. Multae vero sunt tumorum abdominis, in viris feminisque, & mire variae species, sine fluctuatione saepe ulla, cum expansione ingenti, ponderis gravitate notabili: ubi modo ascites verus paracentesi, vel sectione detectus est, quod haud semel his oculis vidi, quando tympanitidem solum augurati erant multi; modo alia phaenomena, aliae morbi rationes, per anatomen patuerunt: quod ex *Boneti* sepulcreto, ubi hydrops ovarii inter rariora est, aliisque observationibus elucet. Neque vero, ni fallor, tympanites ipse ponderis gravem sensum omnino excludit (b). Saepe certe, im-

(**) Hisce signis autorem postea adnumerasse lotii liberum profluvium — crus alternitrum tumens, haud temere mihi persuasum habeo.

(b) vid. *Boneti* sepulcret. L. 3. sect. 21. obs. 26.

mo ante mortem, si chronicus est, plerumque, asciten ponderosum comitem adsciscit; licet ob praeviam, vel conjunctam tympaniticam expansionem, & copiam sensim cum halitibus effusarum aquarum omne cavum aequabiliter replentium, fluctuatio non percipiatur: ne de viscerum plerumque in tympanitide valde tumentium, immo quorum tumor praecipua tympanitidis causa esse solet, & herniae ejusque praecipue umbilicalis, saepe cum tympanitide conjunctae, sensu ponderoso dicam.

§. LXVI.

Paracentesis abdominis.

Quaestio secunda haec erat: si vel a priori judicetur, ovarii subesse hydropem, vel etiam, si idem a posteriori demum conjicere urgemus, tunc scilicet, quando, paracentesi facta, moles abdominis non aequaliter, sed in aliqua tantum sui parte detumescit, vel etiam aquae sponte fluere cessant, & nihilominus magna tumescencia superest, quaeritur, num ulteriori perforatione evacuationem prosequi liceat; idque per cavitatis evacuatae fundum aequae, ac per alia tumentis abdominis loca? Respondere aliquo modo liceat. Nulla in hydrope paracentesis suo periculo vacat. De causa succedentis tam saepe, brevi post paracentesin, tametsi justis cum cautionibus institutam, mortis, multi varia conjiciunt. Solum, quod aliqui accusant, ferotinum ad hoc remedii genus, ubi viscera jam corrupta mortem inevitabilem in se occultent, refugium, in culpa esse non videtur. Ex debilitate potius, quam ex viscerum corruptelis solis, mori videntur, quibus paracenteseos infelicitas mortem accelerat. Vulnus ipsum, & stagnantium praeter naturam aquarum effusio, periculo per se vacant. Neque exinde, quod aere aliquo, extus admissio, vel laxata stagnantis extra vasa feri compage, putrefactio promoveatur, justa ratio hauriri potest. Neque solum fibrarum solidarum, tumore antea insigniter tensarum, subitam resolutionem accusare licet, ut stricto sensim, pro evacuatae aquae ratione, abdomine per ligaturas, periculum omne evitetur. Verum enim vero,

si attendamus, eam, quae in vasto hydropici abdominis ambitu stagnarat, aquae copiam, ex stagnantibus, vel laceris aut erosis vasis lymphaticis, iisque plerumque in diametro magnopere auctis, exstillasse, quae ut deligentur & comprimantur, nulla chirurgia valet; facile est judicatu, ni spontanea felicitate se post paracentesin occludant, quum antehac per ipsam stagnantem aquam sic satis coercerentur, magnam vitalis lymphae quantitatem in exhausti liquoris locum, continuo stillicidio, effusum iri: unde in promptu est colligere, quomodo, velut a nimia, eaque vel lenta vel subita, haemorrhagia, diarrhoea, aut alia colliquefacti humoris effusione, mors brevi post paracentesin appropere. Nonne vero haec res eo magis timidiores reddat operatores, quo magis ovarii hydrops inter conjecturas manet, & e vasis consortio viscerum propius gaudentibus, & in diametro valde praeter naturam auctis, exstillasse videtur; (ne de probabili genitalis lymphae cum nervorum liquore confluxu & consensu magis praecipuo dicam) quoque magis plura & plura aperiri debent receptacula, si omnem aquam evacuare velis; & quid in profundo incidas, in tenebroso illo & anomalo viscerum statu, non satis sciri potest; & licet omnia bene procedant, causa tamen mali videtur (*) esse insuperabilis; quum praeterea, si clausulae suo loco aquae ovarii stagnantes maneant, vita forte diu protrahi queat. Ipsorum abscessuum internorum, ad quos ab externis incisionibus aditus est, quique per se periculosiores sunt aquosis stagnationibus, non satis tuta est apertio, neque a similibus periculi causis, ac de hydropicorum paracentesi dixi, immunis; tutior tamen, uti magis saepe necessaria, & majori spe, quam ovarii hydropis curatio, suffulta. Recte *Freindius* (a), “videmus, inquit, in magnis tumoribus suppuratis, emissa simul & semel materie, paria ac a paracentesi con-

fecta-

(*) Juxta rationes recentiorum, qui hoc argumentum fusius excusserunt, *Mead* (monit.) de *Haen* Rat. med. T. IV. &c. *Hunter* lond. med. obs. T. II. *Monro* &c. atque juxta propria observata clinica, certius procul dubio autor

insanabilem hanc hydropis speciem dixisset, si iterum opuscula edendi copia ipsi fuisset.

(a) History of physick. vol. 2. p. 163.

sectaria prava interdum sequi. Recte tamen etiam *Brunnerus* (b), mirum sane, ait, videri debet, ceteri quamvis humores corporis innoxie emittantur, lympham rarius citra praesens vitae periculum educi. Emisi dum haec scribo ante hos septem dies e thorace *empyici* libras XII. materiei subrufae, intra triduum: nullum tamen supervenit symptoma. Quinto ab operatione die jam appetere coepit & esurire, pulsum & respirationem in primis liberiores habuit, noctu dormivit, urinam sanorum similem reddidit, & modo ad miraculum usque tantum non convaluit. NB. praestitum idem vidi in hydrope pectoris; sed sinistro plane & contrario eventu. Annus, & quod excurrit, elapsus est, quod una cum ill. D.D. *Hugone* & cel. D.D. *Wolfio*, archiatri heic regiis, curavi virum eximium, quinquagenario majorem, haemorrhoidarium, hernia dudum inguinali, & prominente umbilico molestatum. Hic, postquam ultra annum insigniter emaciatus, viribusque indies fractus esset, belle cetera valens, subito feбри cum colica gravi correptus est. Declinavit post septiduum colica, mitiorque evasit, febris vero lento gradu perseveravit; intumuit, tympanitidemque simulavit abdomen, tumore sensim maximo, cruribus etiam femoribusque ascitico more tumens cum anxietate ingenti, urina parca & lixiviosa, variisque symptomatibus haemorrhoidalibus, aliisque ita incrementibus, ut sub tumore illo abdominis mors propediem imminens latitare videretur. Sed, en subito, post quinque hebdomades, praevia exigua phlyctæna, umbilicus sponte ruptus est, & sine ulla animi defectione, cum levamine subito omnium symptomatum effluxerunt, nobis praesentibus, neque, quum nihil mali eveniret, cohibere effluxum volentibus, triginta & multo amplius librae puris veri & foetidissimi. Sequentibus diebus semper magna adhuc copia denuo affluens emissa est; detumuit abdomen, femora, crura, pedes; cessavit omnino prisca inguinalis hernia; sanata sponte est, quae durante curatione accidit fistula ani; rediit sanitas: nisi quod fistula umbilici adhuc superest, quotidie puris copiam aliquam emittens, & duo scirrhi quasi
gland-

(b) de glandul. duodeni. pag. 84. seq.

glandulosi, ad ejus latus, vel in omento, vel inter musculos abdominis, indolentes, solo incessu erecto his molestiis impedito. Abscessum mesenterii glandulosum fuisse, credo, ex glandula una aut pluribus, prius diu induratis, deinde inflammatis, cum intestinorum consensu, hinc suppuratis, ruptis, in abdominis cavitationem effuso pure; quod omentum in umbilici tumore haerens, & ipsum tenuem umbilicum, stagnatione, gravitatione, & arrosione, intra pendulam ejus prominentiam, ita eroserit, ut & subita illa, quam narra- vi, puris extra corpus effusio, & deinde fistula, quae etiamnum superest, quamque in omenti cellulis haerere puto, contigerit (**). Quid aliis videatur, scire gestio. Problema esto.

§. LXVII.

Concretiones filamentosae in aquis hydropicorum eductis.

Tertia quaestio est, *quid concretiones filamentosae, flocciformes similesque aquis paracentesi evacuatis innatantes, significant?* Neque ad bonum, neque ad malum signum sufficere quicquam putem, quum plerumque ejusmodi sanguinei feri, lymphaeque extra vasa prolapsae, coagulum indicare videantur, quale in pleuriticorum, haemorrhoidariorum, gravidarum, catarrhorum sanguine, vena secta emisso, & in aqua pediluvii post venae sectionem pedis notari solet.

§. LXVIII.

Hepatis labes an hydropis causa vel effectus.

Quarta quaestio ambigit, *an si hepatis male affectum in hydropicis deprehendatur, causa id, vel effectus hydropis reputandum sit?* Causa-

(**) Quam verum fuerit auctoris judicium de sede mali, ex sequentibus patet, quae ipse manu sua huic observationi subjecit: "Anno post relapsus in eundem morbum aeger & misere mortuus. Sectio detexit glandulas mesenterii multas, magnas, pure albo plenas, duas pugni magnitudine apertas & ulceratas, ipsumque

stomachum rodentis puris acrimonia perforatum. — Fistula illa umbilici non sanata est. Erant ipsae illae glandulae mesenterii scirrhum referentes & cum externa fistula suum pus communicantes, quocum oetiduo ante mortem ultimo ipsa potulenta etiam effluebant,,.

Causam primam morborum ex sectionibus, ubi plura confluentium conspirantiumque viscerum vitia apparere solent, eruere difficillimum, & saepe incertissimum est. Hydropes, praecipue ovarii, sine hepatis vitio nasci posse, non dubito: posse tamen etiam, ex vitio hepatis, aut alius visceris lympham copiosam perlui soliti, alias atque alias partes, etiam remotissimas, sed ob propriam constitutionem lymphaticae congestionem & depositionem extra vasa expositas, hydrope affici, credibile est. Atque eodem modo vicissim ovarium, primitus laborans, suae corruptionis cum reliquo corpore communicatione, ipsum hepar, aliaque viscera, disperdere potest. Et praecipue eadem causa, eadem vitiosa feri qualitas, quae lymphatica unius visceris, verbi gratia ovarii, vasa praeter naturam affecit, aliis etiam visceribus, exempli causa hepati, similem aliamve labem morbosam, pro re nata, imprimere valet: ut adeo ne quidem semper hepatis vitium, in hydropicis repertum, pro causa, aut effectu ipsius hydropis haberi queat, sed saepe pro effectu secundario ejusdem causae, quae hydropem ingenuit: quamvis id deinceps ad augendum eundem morbum, ejusque symptomata, symbolum conferat (*).

§. LXIX.

(*) Idoneum magis locum de speciali methodo auctoris ad Hydropem differendi nullibi habeo. Theoreticis autem in textu ab autore ample satis enarratis practica sola subjungo. In Anasarca uti & Ascitide omnem sanationis spem in eliminanda aqua per alvum drasticorum ope posuit, pro hoc scopo potissimum eligens & alias sibi adamatum illud gummi guttae dictum, quod vel per se pauxillo sachari nuptum a granis duobus ad viginti usque pro ratione morbi, sexus, aetatis exhibuit, nullo fere habito ad viscerum robur respectu, nisi quod pro stomacho teneriori ad praecavendam emesin solveret gummi in

vitello ovi, adjecta aqua Cinamomi f. v. Sic quotidianum saepe illius gummi usum ad plenariam feri stagnantis evacuationem svasisse *Werthofium* vidimus, praestantius nihil se nosse persuasum, quum neque longo tempore coctionis praesidia destruat, neque ut alia drastica tormina cieat. Dosis major vel semel de die dabatur, vel saepius eodem die minores 2 granorum. — Anasarcam post febres praecipue residuam fugavit aqua benedicta Rulandi ad uncias 2 mane absque vehiculo pota, vel Infuso bacchar. juniper. in vino rhen. subjunctis tonicis. Praeter fortiora haec autem diureticorum usum non prorsus in-

con-

§. LXIX.

Quinta quaestio sic se habet: *num caussa hydropis nimiae ac praeternaturali lymphae excretioni, vel potius ejusdem deficienti absorptioni, adscribenda sit?* Sapienter hac quaestione respicitur ad doctrinam vasorum naturaliter exhalantium & resorbentium, intra cavitates majores minoresque corporis humani, & intra ipsos internorum viscerum recessus. Certum sane esse videtur, utramque hydropi causam, modo seorsim, modo simul, esse posse, & saepe rupturam arrosionemque vasorum lymphaticorum, & nimiam effusionem statui, ubi, si absorptio cum justa proportionem fieret, neque praeter naturam deficeret, vel non eventurus esset hydrops, vel facile foret sanabilis.

contemptu habuit, ex illis prae aliis ipsi arrisit e scillae praeparatis acetum, vel per se ad guttas 90 pro dosi, vel cum sale tartari saturatum, vel & sequenti formula lotium nonnunquam potenter movens: Aq. Chaere fol. unc. 8. Acet. scill. unc. dimid. ol. Tartar. p. deliq. gutt. 20. sacchar. unc. dimid. fumend. inde cochl. i. omni trihorio.

Oxymel squillae in graviore casu raro, vel juxta *Meadianum* praeceptum in usum traxit, — illud ex Colchico nuper paratum pariter quidem adhibuit, sed vires ejus rite explorandi praema-

tura mors occasionem abstulit. Cantharidum internum usum quamvis *Werlhofius* magni fecerit, ne unicum tamen exemplum mihi innotuit tentatae ab illo vel perfectae per eas hujus morbi medelae, id quod pariter de methodo *Menghiniana* — de externo usu olei olivarum &c. valet. Et lectoris interest, nisi me omnia fallunt, vel ea nosse quae *Werlhofius* non egerit. Plura alia ad hoc argumentum facientia in obs. de febribus reperiuntur v. g. pag. 100. seq. sic & alibi de remedio, ad tumorem leucophlegmaticum febris scarlatinae pedissequum, vere specifico, dictum est.



COMMERCIVM PRIMVM
INTER
P. G. WERLHOF, & F. SAALMAN

DE
DYSENTERIA
ANNI 1761.

ADEO IMMITI MONASTERIENSI,
EIVSQVE
FACTA CVRA.

MONASTERII WESTPHALIAE.

COMMISSIONER OF THE

LAND OFFICE

DEPARTMENT OF THE


INTERIOR

WASHINGTON

1887



*VIR ILLUSTRISSE,
MEDICE EXCELLENTISSE!*

 Quem Te memorem? quae Tibi, *Vir optime!* aut quibus Tibi me debeo? qui toties benefecisti mihi, mihi Servo toties benefecisti Tuo, gravissimos enim, quibus hic milito, labores solus sustinuisti meos. Desiderio desideravi, ut saltem obediens litterae meae erga Te, & ad Te portarent necessitudinem, ne fraudarer officio in Te meo; hinc vide laborem, quo Te vincere cogito.

Late sparsa nostram per urbem, regionem, quam inhabito Westphaliae, *Dysenteria* malignante effervescebat, & effervescit acie, senilem, teneram, & infantilem aetatem prae reliquis periculosius impetens, aut quibus iusta in tantum hostem mensura virium non nata erat à solidâ naturâ, qui porrò seriores appropinquabant ad generosam, quam elegeram, curam, respicientes medicamina, frigoris inimicitiam negligentes, aut alia diaetae errantis vitia in sui ipsius ruinam regnare permiserant; his omnibus ferè inconsolabile fuit fatum, & sceleratâ eviscerabantur poenâ ruentes in praedam mortis. Sed felici mox dicendâ curâ omne pugnavi in aliis, & ferè in omnibus, nec strages morientium cum segete erat adeò divite.

Limen morbi ingressus sum cum vomitoriis bis, ter, vel pluries repetitis, post propinatum vomitorium elegi mixturam ex Rha-

barbaro drachmis duabus, ad unciam dimidiam cum connubio salis Ammoniaci unciâ dimidiâ, ad unciam, cum paucis guttulis Laudani liquidi Sydenhami, repetita sunt haec pro rerum ordine fortiori praesertim salis antiputredinosi dosi. Post haec perrexi cum sale dicto, junxi Mixturam simplicem ad unciam dimidiam, ob particulam, quam alit camphorae (aut ut delicatulis faverem mulierculis, earumque gustui, liquorem mineralem *Hoffmanni* cum connubio opiatorum prudenti, & ferè perpetuo, ut frangerem dolorum atrocitatem.

En totum Tramitem: addas clysmata, & occurrentis symptomatibus consolantia. Cum consopita viderem excercitia febrilia, & pericula, quae minabatur morbus, sensim fugere,

Elegi extracta amara

ex gentianâ

Carduobenedicto

Centaurio minore

ana ad drachmas duas — ad unciam dimidiam solutis in

Elixirio Balsamico temperato *Hoffmanni*,

Elixirio Vitrioli *Mynsichti*, ana ad uncias tres & Liquore minerali *Hoffmanni*, ad unciam unam Ter, vel pluries de die cochlear.

De vesperi his extractis addidi mitius opiatum, ut elicere quietem nocturnam, quae tantum pondus reconvalescentiae citiori promisit.

Diaeta instructa fuit ex omnis generis cibis, & potiunculis, si exceperis olera, & cerevisias malae notae, nil excipias amplius.

Neglecta fuit venae sectio, nisi urgebat necessitas. Neglexi decantatam *Simamrubam* (a).

Neglexi

(a) Minimè negligo in Dysenteria statu imperante Medicamenta efficacia, & exaltata, *Simamrubam* & *Corticem peruvianum*.

Neglexi mihi dictu absurdum abusum Terreorum sic ventilatorum adstringentium,

Nec cogitavi ad implorandum usum *Corticis Peruviani*, aut alia ex gente adstringentium.

Luxuries haec in diaetâ concedenda mea erat, ut pauperiem naturae sustinerem. Vale! & diligere pergas me, qui diligo Te, & morior

Dabam Monasterii in Westphalia
Die 4ta Novembris 1761.

Servus tuus Perpetuus
FERDINANDVS SAALMAN.

VIRO EXPERIENTISSIMO,
D. FERD. SAALMAN
S. P. D.

CULTOR OBSERVANTISSIMVS
WERLHOF.



Aegrè ex gravi pleuritide convalescere incipio, & vix pauca verba dictare possum, ut gratias Tibi agam, quòd de statu vestro Epidemio, methodòque Tuâ in curandâ Dysenteriâ benevolè mihi referre volueris. Novus

mihi est in eo morbi genere *Salis Ammoniaci* usus, rationi tamen probè congruens. Etiam apud nos impensè grassatum est illud contagium. Felix fuit medicatio per emeticum, Rhabarbarum, demulcentia, anodina, finè quibus vix quicquam boni obtinere licuit.

Sima-

Simaruba in declinatione operae pretium fecit, Peruvianus cortex, ubi febris periodica eodem tempore Epidemia complicata fuit. Venae Sectio in statu inflammante saepè necessaria. Vale! & feliciter omnia age. Dabam Hannoverae, Die XIII. Novembris 1761.

*VIRO, ILLVSTRISSIMO,
MEDICO EXCELLENTISSIMO,
FAVORI AETERNVM VENERANDC
S. P. D.*

CULTOR PISSIMVS,
FERDINAND. SAALMAN.



Querenti statum Tuum, qui ex gravi pleuritide convalescens (Deo sint Laudes) aufugisti illaesus, moestissima detulisti nuntia. O si meis foret in viribus consolari sortem Tuam! quem jubes aggredi laborem? crede, quae prae nimio laceranda dolore pagina Tibi promittit. Deme mihi namque renovatae foedus amicitiae non supererit mihi sensibile, quod sustuleris. Hesternae postea humanissimas ferens ad me litteras Tuas responsorias hoc mihi inflixit vulnus, quod non cessabit recrudesce prius, quàm de integrâ valetudine Tuâ laetissima ad me Transmisisti commercia, quae avidus quotidie suspirabo à Te *Judice*, quem in laboribus posueram, meo.

Dixeram felicem in *Dysenteria* impugnandâ Tibi narratum tramitem, quem inter locum obtinebat *Sal. Ammoniacum*, Egregium hoc Antisepticum, virtute suâ aperiente, deobstruente, & nonnihil adstrin-

adstringente famosum, experientiâ mihi abundante compertum quaerere non potueram oblivisci in tanto morbo praesertim ad loca foeta, id est intestina verso.

Quam non praeternaturalem induit mutationem *bilis*, quam quassat reciprocum in imo ventre, hujusque visceribus vasorum commercium? annon armatâ vi haec à minaci corruptione defensare operis, & laboris erat? Nec ultrâ molestus ero, sed Tibi ex vero corde propriam curare valetudinem impono. Vale! & vive diu felix in solatium Tuî amantissimi

Dabam Monasterii in Westphaliâ,
Die 22dâ Novembris 1771.



EXPERIENTISSIMO VIRO
D. FERDINANDO SAALMAN
S. P. D.

CULTOR OBSERVANTISSIMVS
WERLHOF.



Gratus exosculator benevolentiam, quàm sollicitudine, & votis pro meâ valetudine testaris. Superavi gravis morbi pericula, neque ex eo quicquam praeter debilitatem, quae à consuetis extra aedes negotiis me adhuc prohibet, superesse sentio. Tu vale ex animo, & feliciter omnia agere, & mihi favere perge.


Dabam Hannoverae Die 3tiâ
Decembris 1761.

Ggggg

Viro

VIRO ILLVSTRISSIMO,
MEDICO EXCELLENTISSIMO,
D. WERLHOFIO
S. P. D.

CULTOR DEVOTISSIMVS,
FERDINANDVS SAALMAN.

 Onus dolorum, quod me haëtenùs de Te gementem ferre voluisti, partitus es mecum exoptato, quo mihi de valetudine Tuâ novâ felix fuisti Testis, nuntio. Deus Te liberavit à morbo praecipiti in annis, Deus, me precante, liberabit Te à perfidiis, & morborum iniquitatibus in altâ, & senescente canitie. Sic amplector Te, *Vir bone!* nec exspecto responsum, nisi nova, & à me probata ad Te exaraverim Practica, Te jamjam integerrimè valentem valere jubeo.

Dabam Monasterii Die 10mâ
Decembris 1761.

VIRO ILLUSTRISSIMO,
MEDICO EXCELLENTISSIMO
W E R L H O F I O.

FELICITATEM
FERDINANDVS SAALMAN.



Quem me dixeris? *Vir illustrissime!* qui Tibi quidem molestus, sed de Tuâ felicitate gaudens, Tibi nuntio, & Te integrâ vivere valetudine beatum existimo.

Plurimos inter labores cogito hic mihi adesse:

Arthritidem Rheumaticam hyemalem, inquilinis ex *Dysenteriâ* reliquiis magnâ parte natam, & pertinaciter radicatam.

Tenax namque observator juvantium in *Dysenteriâ* symptomatum non paucis vidi in Dysentericis, qui vel leviori morbi specie laborârunt, & quibus sola natura non suffulta medicamentis in auxilium properaverat, qui graviori *Dysenteriâ* decumbebant, & justam minime quaesiverant curam, quibus familiaris quondam *Rheumatismus*, aut *Arthritis* erat, connatum quasi, & dehinc erumpentem rebellem hunc morbum, quem vocavi barbaro nomine: *Arthritidem Rheumaticam Hyemalem*: quoniam alternas ex tendinibus, & aponeurosis ab articulis ad fibras carneas musculares radices miserat, & hoc praesertim hyemali tempore endemiè excarnificantem offendo. Non ad eruendas mali causas, ex sanguine inflammatorio, venâ sectâ, misso testatas, non ad duritiem morbi magnis insultantem practicis, non ingeminantia malum symptomata, dolores lancinantes impios, turbatam quietem nocturnam, sic febrem

perpetuam inflammatoriam comitem, aut alia &c. &c. Dicere pro-
pero, sed mensurare didici pondus virium, aetatem, tempus anni:
audente studio, & ratione invitatus acceleravi ad hęc narrandam,
etsi multis offensae futuram curam: incepti, praemissa venae sectio-
ne, cum vomitorio, in plurimis, & ubi vestigia suspicabar Dyfente-
rica, solam Tibi nuper, descriptam curam Dyfentericam suâ lege
imitatus sum. Insolenter repetita fuit à me Venae sectio, sexies,
octies; duodecies, & pluries pro ingruente necessitate. Ingravante
febre, solis Rhabarbaro drachmis duabus, Nitro drachmis sex; vel
Sâle Ammoniaco drachmis sex in gratam cum aquâ, & syrupo mix-
turam redactis quotidie, & in tantâ dosi sumendam obstiti, & haec
fuit sola medicatio.

Dùm exacerbationes febriles notabiliter quieverant, quae in
multum dolentibus tertiâ, quartâ, etiam quintâ septimanâ erant plu-
rimam partem debellatae,

Tum invocavi Antimonialia, & Mercurialia,

Ex Aetiope minerali scrupulis duobus, regulo Antimonii medi-
cinali scrupulo uno.

De mane & à meridie talem dosin, cum junctis Pilulis

Ex extracto Catholico,

Extracto panchymagogo Crollii, Sulfure aurato Antimonii,
Mercurio dulci — — ana drachmis duabus,

Cum Oleo Guajaci,

Et ligni Sassafras ana scrupulis duobus, in Pilularum formâ
trium granorum ponderantium, de vesperi quotidie no-
vem, vel plures.

Sub hoc ordine incurfus in quibusdam levior ptialismus prouenter à me ductus est in vera aegrotorum commoda.

Diaeta fuit febrilis, carnum quantum possibilis expers, & lactea.

Hac arte vidi omnes in sextâ vel septimâ septimanâ, vel prius integerrimè sanatos.

In novo anno novus mihi esto, & in plurimis secuturis mane fautor. Vale!

Dabam Monasterii in Westphaliâ
Die 28vâ Decembri 1761.



D. FERDINANDO SAALMAN
VIRO EXCELLENTISSIMO,
S. P. D.

CULTOR OBSEQUIOSISSIMVS
WERLHOF.



Salvum Te boni publici causâ esse jubeat, & longaeuâ felicitate frui Deus. Ità me, quoad vixero, redamare pergas. Endemius dudùm Westphalis dictus est, quem memoras à Dysenteriae reliquiis excitatum morbum. Exstat in *Smetii miscellaneis* p. 224. Epistola *Henrici Wieri*, quâ de endemio inter *Westphalos* morbo: *Die Varen*: Sententiam exponit, & p. 227. *Joannis Wieri Tractatus de Varenis morbo endemio Westphalorum permolesto*.

Arthritidem vagam vocant hodie in Germaniâ plures, aliqui *Scorbuticam*, Sydenhamus, & *Galli Rheumatismum*, & Sydenhamus, quidem maximum curationis momentum in Venae sectione repetitâ posuit, quem ego Tecum feliciter imitatus sum.

Nam & apud nos ille morbus rarus non est; etsi post Dy-senteriam hoc anno epidemiam non observatus, in illius reliquiis per hunc morbum evacuandis, Emeticum aptum, catharsis ex Rhabbarbaro cum temperantibus, feбри junctae congruentibus, indicata omninò fuerunt. Et superatâ febre tenacior serosa colluvies haud immeritò sulfuris Antimonii, & Calomelitos justis dosibus, & catharticis efficacioribus, tentata videtur, successu medelae patrocinate. Vale! & ubique successibus optatis utere.

Dabam Hannoverae Die 3tia
Januarii 1762.



COMMERCIVM SECVNDVM
INTER
P. G. WERLHOF, & SAALMAN

DE
P T H I S I
EX
H A E M O P T Y S I

E I V S Q V E
HACTENVS PROLONGATA CVRA.

THE NEW YORK PUBLIC LIBRARY

ASTOR LENOX AND TILDEN FOUNDATIONS



MAR 1 1894

127 190 217 1

NEW YORK



VIRO ILLVSTRISSIMO,
MEDICO EXCELLENTISSIMO WERLHOFIO
FELICITATEM,

CULTOR DEVOTISSIMVS
FERDINANDVS SAALMAN.



Si *Tibi, Vir illustrissime!* statum aegroti, statum amici mei narraverim, an dedignaberis me litteris responsoriis vivere cassum? Amicum aegrotum Tibi describo, qui fatô, nescio, quodam tribus ante mensibus *haemoptysi* corripiebatur gravissimâ, ut ineluctabilis mihi, ex tantâ impete supermanferit terror.

Paroxysmum quidem gravissimum, qui incredibili sputi sanguinei vehementiâ per medium duravit diem, elusit justâ impugnatus aeger methodô, praesertim venae sectione repetitâ.

Aegrotus, quem appellavi Amicum meum, vir est 27. vel 8. annorum, qui diaetae impatiens, & innocente ductus errore, vini vel generosioris, vel minùs salubris, atque hujus (proh dolor!) amaverat abusum, dudum levissimè aegrotaverat, & *pthifico* levior morbi species aemulabatur simulacro.

Hhhhh

Sub

Sub hac scenâ videtur per 14. circiter dies novam, & ferè omnis expertem aegritudinis naturam inducere: vividum corpus mentitur innovare robur perditum priùs, artus impinguescunt, vel meliùs intumescunt, circumvehitur virium fallaci, quasi tutus, in-crémento cum omnibus bonae spei consiliis.

Sed mox infestus ipsi erat dies 13tius elapsi mensis Octobris, quò tantâ attactus *haemoptysi* cum symptomatibus, mortem praesentissimam indicantibus, in miserandam, quâ jam quidem adhuc circumambulat, trahitur vitam.

In profusissimo ex pectore, & pulmonibus sanguinis sputo intra 12. horas terna à me praecepta fuit venae sectio, quaelibet unciae ad minimum 12. Sputum sanguinis in obtutu minuitur copiâ, dum altero die planè cessat 4tâ, & 5tâ vice repetitâ venae sectione.

Sanguis praeter meram *crustam inflammatoriam* vix alium colorem, vix purpuram, quae parcissima erat, & solâ nigredine obducta, monstrabat suam universalem inflammationem, viscerum omnium atoniam, ad labem, & tabem prolabentium.

Febris perpetua, ex sanguine inflammatorio, *pleuropneumonica*, ad terrendas monebat *venae sectiones*, ut salvarem saltem vitam.

In meris *antiphlogisticis*, *venae sectionibus*, quae 18ies, necessitate imperante, modò repetitae sunt, in *lacticiniis*, *acidulis selteranis cum lacte*, & aliis ex indicatione necessariis, miserrimam, quâ adhucdam vivit, sustineo vitam.

Vitam dixi miserrimam ex perpetuis symptomatibus *Pleuriticis*, *Rheumaticis*, *tussi inexorabili*, *sputo purulentò*, sed non cocto, *pinguissimò*:

Animò, in tantâ malorum serie, morosissimò, ex *haemorrhoidum fluentium*, variisque turbis circuli sanguinis per abdomen, sic in totâ oeconomia naturali, & animali causis tristibus, & aliis.

Cura praeter dicta antiphlogistica manet, & à me praecipitur in hodiernum diem, *ex acidulis selteranis cum lacte* de mane.


Pran-

DE PHTHISI EX HAEMOPTYSI. 795

Prudenti *acidulas* ob ventriculum adustum ex ardentibus spiritibus paucô vinô rubrô imbuo. Et 14. ante diebus hic junxi *corticem peruvianum cum curâ antipthiscâ*, hodiernâ nostrâ in *praxi* solitâ.


Tu solus, *Vir illustrissime!* meus es fautor, hinc imploro venerandam amicitiam Tuam, ut meus in angustâ hac spe, pii hujus Amici mei fautor, laborem mecum partiaris, & si responsum non negaveris, quid auxilii, & quid in praxi Tuâ in tantis malis erueris consilii? mihi in fide Tuâ, vel unâ, vel alterâ litterâ transmittas, quam exspecto, & Te valere jubeo.

Dabam Monasterii in Westphaliâ
Die 22dâ Januarii 1762.



VIRO EXCELLENTISSIMO,
D. FERDINANDO SAALMAN
S. P. D.

CULTOR OBSEQUIOSISSIMVS
WERLHOF.

 Morbum Amici tui narras, *phtisin ex haemoptysi* ob ea, quae antecesserunt, quaeque comitantur, vix sanabilem. Remedia, & dietam, abs te praescripta, probo omni modô. Et quî possim aliter? ex indicatione facta sunt omnia. Sed valde vereor, ne omni medicinâ superior sit vis morbi, *corrupto sanguine, adustis visceribus, ulcerato pulmone.*

Corticem peruvianum, quem jam in substantiâ, nî fallor, adhibuisti, in teneriori, & magis pectori amico extracto aquoso, & cum *medicinâ balsamicâ* adhibendum suaserim, continuatis *acidulis cum lacte*:

Hhhhh 2.

R:

R: Balsami peruviani drachmas duas, solve vitello ovi
Nro. 1.

Adde: Extracti corticis peruviani aquosi drachmas sex, Mel-
lis rosati uncias tres, & dimidiam.

M. Exactè. Detur in fictili, ut quovis trihorio cochlear,
quò ad theae pocula utimur, sumatur, & pro euphoria continue-
tur (**).

Multa, & varia, & mutanda remedia proponere nolim, Deus
auxilium adspiret. Fiunt interdum in arte miracula. Vale! & me
redama.

Dabam Hannoverae Die 29nâ
Januarii 1762.

(*) En opportunam de usu balsamico-
rum in phthisi dicendi, ac praxin *Werl-
hofianam* defendendi occasionem! at,
in utramque partem adeo gravis au-
toritatis testes disputant, ut qui a
neutra stare posset, beatus videatur;
id igitur tantum addo: quantumvis
theoriae rationali usus Balsamorum
e vulneris externi topico ad pulmo-
num ulcera applicatus refragetur,
non diffitendum tamen esse, *Werlho-
fium* magis observationum exactitu-
dini, quam theoriis nixum, felicem
subinde ex iis expertum fuisse suc-
cessum. — Suam ipsius filiam, adhuc
in vivis, inter alios, hic ipsis medi-
camentis in textu memoratis, e phthi-
seos periculo eripuit. In usu ipsi erat
vel in textu indicata formula, vel Bal-
samum copaivae per se solum sachari
pulveri ad guttas usque 20. bis de die
instillatum, sub severiori simul a vi-
ctu animali &c. abstinencia. Eandem
vero successus felicitatem ubivis au-
tori contigisse, vel praeter cognita &
sæta medicamina habuisse illum, quod
aliis praeferreret, ipse negavit. Sti-
pites *Dulcamarae* (*Solanum Dulca-*

mara, caule inermi frutescente &c.
Linn.) felicem nonnunquam praesti-
tisse effectum retulit amico suo *Prin-
gle*, hac forma propinatos: R: stipit.
Dulcamar. contus. unc. fem. coq. ex
aq. font. libris 3. ad 2. Col: add. vel
sachar. vel syrup. pro grato sapore. —
sumend. secunda quaque hor. coch-
lear. 2. Interim revera parum tri-
buit huic remedio, sed in eo cum
Pringlio convenit, primum esse in
hoc morbo, abstinencia ab omni vi-
ctu animali, ovis, potu fermentato,
caseis vel aliis nimii nutrimenti aut
difficilis digestionis, sub rigore diae-
tae vegetabilis & lacticiniorum. Ex-
plicari inde quodammodo poterit si-
lentium, quo *Linnaeus* (in nupera
dissertatione) & *Sauvages*, quum eo-
rundem stipitum virtutes ad multos
morbos nominatim extollunt, *Boer-
haavium* & phthisin praetereunt. An-
ne Cortex, *Polygala amara*, lichen
islandicus & alia nuper ad phthisin
laudata, his ipsis lacticiniis, quae si-
mul in usum vocata legimus, & qui-
bus *Werlh.* multum fidebat, maxi-
mam laudis partem debent?

Viro



VIRO ILLVSTRISSIMO,
MEDICO EXCELLENTISSIMO
W E R L H O F I O

S. P. D.

DEVOTISSIMVS
FERDINANDVS SAALMAN.



Litteras Tuas responsorias, etiam incertam moratas postam, gratissimus accepi. Deus Tibi, & mihi adsit, Tibi, ut in artis nostrae decus fias longaevus, mihi, ut Tibi gratias persolvere possim dignas.

Aegrotus meus vivit, vivit amicus meus, & meliori vivit vita indies. Quid non tentavi in boni viri, amici mei commoda? ut forti, si dicere liceat, manu averterem mortis aciem, tanto tempore mecum luctantem.

Benevola consilia Tua, nuper mihi transmissa, in propinando extracto *Corticis peruviani* aquoso cum melle, & balsamicis, Tuam fide inscius, modo imitatus fueram, sed sub hac lege nihil lucratus fui, nisi ut bilance ponderarem morbi duritiem, vix memorabili virium cum incremento aemulantem: sic vel spes metum, vel metus spem superabat.

In hoc lamentabili regno, sed experientiam mihi viam monstrante, movenda mihi supererant omnia, quaeque in *pthisicis* ex pectore, & pulmonibus, pauper, & tyro practicus videram utilia,

Hhhhh 3

in

in auxilium vocare aggressus sum, & *corticem* in substantiâ, sed *salibus* nuptum, & aliis, adhibui: sic Tuum, meumque oportuit mutare consilium: Quid enim mihi supermanerat, collabente corporis mole, quàm ponere spem in talibus, quae me in hujusmodi malis non fefellerant? in *divino cortice peruviano cum melle, oleosis, balsamicis, lacticiniis, acidulis cum lacte*, & paucò vinò, cum diaetâ congruâ sola haëtenus vidi auxilia.

Hinc tristis ob moram periculi, amicissimò responsò Tuò ob incertitudinem postae defraudatus, elegeram *corticem* in substantiâ, cum pulvere antispasmodico.

Corticis peruviani quotidie sumpsi unciam unam, & *pulveris antispasmodici* unciam dimidiam pro dosi. Et perrexi jam in tertiam septimanam hisce, & cum aliis laboranti *pthisi* utilibus.

Sub his mirabili natura reviviscit opere, redeunt sua ad Commercium virtutes corporeae, & sacratum foedus renovant, quò videbantur depauperatae priùs.

Sic aegrotus, sic amicus meus vivit, & meliori vivit vitâ indies, sic porto pauperiem naturae, & spem mihi penitus fractam revocavi: Sustineas hunc mihi laborem pietate Tuâ, & doce me, quae docuisti semper, & experieris, quòd ubique laudem, & virtutem Tuam magnificaverim. Vale! & meus esto iudex.

Dabam Monasterii in Westphaliâ

Die 14ta Februar. 1762.

EXPERIENTISSIMO VIRO
D. FERD. SAALMAN
S. P. D.

CULTOR OBSERVANTISSIMVS
W E R L H O F.



Gaudeo vivere amicum Tuum, & convalescere, quod heri demum ex litteris Tuis Amicissimis, die 14to hujus mensis datis, percepi. Continuatus est, dubiò procul, *cortex*, pro indicatione juvaminis evenientis, quò sufficienter, quantum jugi usu obtineri potuit, obtentò crediderim eandem medicinam alternis hebdomadibus aequè efficaciter repetendam, ut roborata viscera reversioni meliùs resistent. Quò ter fortè per alternas hebdomades factò, *acidulae cum lacte* subjungi tutò posse, & cum fructu videntur, nisi quid aliud rerum circumstantium momenta indicent, quae, absenti mihi, & in retardato adeo per veredorum moram litterarum commercio perspicere non licet, & meliùs me omnia ipse praesens judicabis. Vale! & omni ex parte beatus, me Tuâ semper amicitia bea.

Dabam Hannoverae Die XXVIII. Febr.

1762.

Viro

*VIRO ILLUSTRISSIMO,
MEDICO EXPERIENTISSIMO,
WERLHOFIO
S. P. D.*

CULTOR DEVOTISSIMVS,
FERDINANDVS SAALMAN.



Pergit convalescere, de quo gavisus fuisti, amicus meus, cum *Tuum*, & magni *Brendelii*, praeceptoris mei, praeceptum eligere statueram, mutavi per alternas hebdomades tramitem ita, ut per octo dies continuos praescripserim *corticem*, cum pulvere *Antispasmodico*, & alios octo dies continuos solò *Antispasmodico* (ne fallerem tempus, & increscens in *sanguine principium gelatinosum* mihi novo ictu imponeret) hactenus usus sum, usumque continuo.

Perrexeram efficaci arte ultra duos menses cum solo *cortice*, & pulvere *Antispasmodico*, & aliis, ne ductus ratione consilii (eò quòd resurgentem videram reviviscere naturam, ejusque emolumenta) lacerarem hanc mihi ridentem, conservando amicum, felicitatem.

Itaque leges artis, quæis nutritus fueram, paulisper inverteram: Memini enim documenta mihi fuisse nata à *Göttingensibus*, *corticis* usum per alternas septimanas in chronicis repetendum, & relegendum. Jungo abhucdum *acidulas cum lacte*, *lacticiniis*, *cortici*, & *salibus*, sicque ferè penitus restitutum, Tuis, meisque gratifico laboribus aegrum, nisi quòd vestigia quaedam *crustae inflammatoriae* in misso, venâ sectâ *sanguine*, & ex his non omnino confirmatum *visceribus robur* arguerim, cum *tussiculâ* quadam, sic dictâ siccâ, superstitere. Quid

Quid *Tibi, Vir juste!* reddam pro omnibus? animum, quoad vixero, gratum, qui *Tuae* in me benevolentiae nusquam immemor erit. Vale! & amicissimò responsiò Tuò recrea me.

Dabam Monasterii in Westphaliâ
Die 2dâ April. 1762.



EXCELLENTISSIMO VIRO,
D. FERDINANDVS SAALMAN
S. P. D.

CULTOR OBSERVANTISSIMVS
W E R L H O F.



Gratulor ex animo progressus, quos in difficilis morbi curatione facis efficaci medelâ. Equidem, quando *Corticem peruvianum* morbo alicui opportunum invenio, continuo usum unò tramite, quousque indicatio, à juvamine magis magisque eveniente, videtur requirere.

Tunc vel alternis, vel tertiis hebdomadibus repeto efficaciter ad reversiones praecavendas, prout morbus vel *tertiani februm* generis, vel *quartani, quotidianive* veri typum habere, visus est, ut in *observationibus de febris* scripsi. Ubi nihil hujusmodi typi est, ibi continuatus unò tenore usus ad felicem usque successum sufficere potest; attamen in chronico morbi genere alternis fortè hebdomadibus naturae quies ab efficaci medicinâ congruens esse videtur.

Superest sanè in aegro Tuo debilitas quaedam, & *acrimonia calidioris indolis*, quae *serum sanguinis in crustae speciem condensat*, pectus ad tussiculam siccam stimulat, hanc post robur *cortice*, quantum eo fieri potest, & *lacte*o alimento restitutum, proximo fortè mense *erum lactis* bene limpidum etiam atque etiam corrigeret, si ejus cum succo citri parati, cum ovorum albuminibus clarificati, ut vocant, &

I i i i i

postea

postea tantillô lapidum cancrorum pulvere additô ab acore liberati, & si placet, extinctione octo frustorum Chalybis roborati, librae duae manè potentur sensim. Ipse omnia me meliùs judicabis. Vale! & fave.

Dabam Hannov. Die 5tâ April. 1762.



VIRO ILLVSTRISSIMO,
MEDICO EXCELLENTISSIMO

W E R L H O F I O.

S. P. D.

CULTOR, PISSIMVS
FERDINANDVS SAALMAN.




Litteras mihi nuper dedisti responsorias, Tui in me amoris testes: Laeta mihi veniet dies, qua fidem, famam, & virtutem Tuam plenius agnoverim. Ita me, licet hactenus de Te non meritum, benevolentia Tuâ prosequi, perge. Aegrotus noster, amicus meus, quem indefatigabilibus in tantis malis hucusque portavi oneribus, cujus futura salus adeo iniqua & anceps, bella mecum gerebat, ex faucibus fati ereptus Tibi, mihiq; sortem suam tradit, & vivit gratiori quotidie vitâ, vivit brevè integerrimè.

Per mensem bibit *serum lactis* à Te praeceptum, cui junxi *Corticem cum sale ammoniaco*, quoniam natura ipsi dedit alvum prae aliis magis lubricam. *Corticis peruviani* sumpsi quotidie unciam dimidiam, & *salis ammoniaci* drachmas duas. Prudenti, & pro potu ordinario per reliquum diem concessi *acidulas selteranas* cum vino roboratas, & bibendas. Sub hoc crd ne fugit *tussicula* illa monstruosa, sic dicta sicca, surgit incrementum virium, novamque naturam induit, cum *crusta inflammatoria* sanguinis, adeo *radicata*, in floridissimam

simam jamjam versa sit *purpuram*. Te volente pergam cum *sero lactis*, *cortice*, *salibus*, *acidulis*, *lacticiniis*, sed parciori pergam qualibet hebdomadâ dosi. *Venae sectiones*, quas omni septimanâ hætenus renovare, & repetere praeceperam, in arctiores ponam limites, ita, ut quolibet mense, vel seriùs novam venae sectionem instituam.

Fides Tua, Vir bone! adeo gravis, & pretiosa mihi est, ut foederata amicitia Tua laborum sola futura sit merces meorum. Ergo vale! & doce me veritatem Tuam, quae dehinc in felicitatem publicam exsurgat.

Dabam Monasterii in Westphaliâ
Die 22dâ Maji 1762.



EXCELLENTISSIMO MEDICO,
D. FERD. SAALMAN
S. P. D.

CULTOR OBSEQUIOSISSIMVS,
WERLHOF.



Gratulor ex animo felicem, Deo favente, medicationem. Retè continuandum cenſeo pro euphoriâ & *serum* blandò alimentò *serum sanguinis* reparans, & *corticem* roborantem, & *sal* resolvens, & *antiphlogisticum*, & *aquam salubrem* vinum temperantem. Crediderim jam ſufficere poſſe, ſi *cortex* per alternas hebdomades ad drachmas duas, & dimidiam, vel quinquies drachma dimidia indies ſumatur. Idque quieſcendo per hebdomadem unam, repetendo per alteram, quater fortè adhuc, ſive ad menſes duos ita fiat. Neque *venae ſectiones* ſine novâ indicatione cumulare, ulterius neceſſum eſſe, tecum ſentio. Exſpectari hoc rerum ſtatu, bi-meſtre vel tri-meſtre tempus tutò poſſe videtur, vel ſiquid ſit, quod *maturandam* indicet. Vale! omni ex parte felix, mihiſque fave.

Dabam Hannov. Die XXVIII Maji 1762.



A N N O T A N D A
C I R C A H U N C C A S U M.

Tantus hucusque in tanto morbo labor felici fidere cum curâ nîmiùm favente votis cessit meis. Sed nescio, quò inimicò aëre sub finem mensis Maji, & incipientis Julii praeteritorum, *morborum genus endemium, pleuriticae, vel catharralis febris speciem malignâ facie, ex gravissimo symptomatum ordine, induens, furens undique, feriènsque, deinde à me narrandum, & typis mandandum speranti mihi illudit, & morbo amici mei graviter infestans, hunc quoque corripuit, atque indefessum in hoc oppugnando laborem novo fauciat vulnere meum.* Corripitur itaque dulcis amicus ex clanculum latente viscerum debilitatè, aëris infarcti sceleratâ lue, unâ cum multis aliis hoc morbi genere, depascitur corpus viribus, & quae bona, medium jam annum spem simulantia, *tot libris Corticis peruviani, aliquot centum mensuris aquae scelteranae, ad minimum triginta venae sectionibus* faecundo, & (mihi conscio,) casu amici scaturiente, obtinueram, rapit infelix morbus: diripit sic laborem meum, & sacrum pii medici consilium infensissimò premit onere. Quidquid ejus sit, quod primas in interitum amici radices jecerat, quid tantis incusare doloribus juvat? si didicerim magnâ spe, & gravissimis argumentis in morbo implacabili differre *mortem*, cùm vitam ancipitem amici in undecimum modò traxi mensem, inter spem & metum aemulantia.


Pergo quidem in hanc usque horam *cum acidulis scelteranis cum lacte, salibus, cortice, balsamicis, & generosâ contra pthisin cura*: junxi per intervalla his *antimonialia, ex regulo antimonii medicinali: & extracta amara, ex felle tauri inspissato, extracto carduibenedictò, centaury minore, gentiana, & aliis*; sed irreparabile damnum passa fuisse videntur adusta viscera, indomabili jamjam febre teste. Sic factus in ludibrium fortis, spem fatuam, etsi plenis adhuc contrâ militem viribus, & capio, iterùmque amitto. Atrox me monet morbus, & pergere magnanimâ arte, & extremis interdum lenire amicum auxiliis, ipsique de omnibus, quaeque humana svadet vita, provideri, duxi sapientis esse medici. Etsi nunc amicum satis dehinc mihi rapiendum lugerem, viderit tamen *urbs, & orbis laborem meum, qui franget perpetuò & pthisin & haemoptysin*, si vel umbra futurae spei aderit, uti hoc gravissimis quotidie exemplis ferè in omnibus demonstrare aegrotis, verissimus auctor ero.

COMMERCIVM TERTIVM
INTER
P. G. WERLHOFIVM
ET
FERDINAND. SAALMAN.

DE
PASSIONE HYPOCHONDRIACA CONFIRMATA,
ET EX HOC FONTE DEIN SECVTA HYDROPE
VNIVERSALI, CVM SVA TENTATA, ET
HIC POSTERIS RELICTA
CVRA.



EPISTOLA
AD
W E R L H O F I U M
à
CVLTORE DEVOTISSIMO
FERDINAND. SAALMAN.

 Graves, quæ aliquot annis frequentius affligor, morbi meo imposuere animo, ut devotam amicis optimis, vel Tibi, *Vir illustrissime!* in tanto tempore pietatem dicere nesciverim: vix enim resurgo ex plurimis miseriis, & longis sopitus tandem revivisco corporis punctionibus, cum praxin, quam dudum hic *monasterii* pia inceperam lege, laetus profitear medicam, felici hæc indies aggravata animatur successu. Inter alios rebelli semifractus morbo meae commissus fidei decumbit mihi sub cura *aeger*, unicus filius, cujus sortem moerentes lamentantur senio confirmati parentes, & justum movent animum mihi meum, hunc possibili arte e faucibus fati eripere.

Confidentia major erga Te, *Vir illustrissime!* mea est, quam ut indigneris hanc, qua Te gravor, molestiam, quin fugitivam perlegas descriptionem morbi, quo jam luctatur, curatu pertinacissimi.

Sed

Sed haec praemoneo, me non in limine morbi, neque in decursu, sed jam in fine, cum conclamato fere omine superstitia laborantis naturae discrepent molimina, advocatum fuisse, hinc plenarium morbi ludibrium non ita fideliter describere, humanis mihi in viribus est; Sed memoro dictione paucissima, quae se se sub decursu morbi extulere magis notanda symptomata, quantum D D. *parentum* ingenii memoriaeque virtus, aut iudicium componere, & mihi de tanto narrare morbo didicerant.

Filium esse virum 32. annorum, variis, & periculosis intra annos aliquot jam conflictatum morbis, quos solutos, aut diuturnum oedema pedum, aut aegra reconvalescentia tandem elusisset; ante 12. septimanas hoc genus morborum, quae antea labefactatus fuisset, iterum recruidisse, & hic narrandis sociatum fuisse symptomatibus, scilicet: Invasisse clandestinum morbi initium *ex lurido, & quasi subtumido habitu corporis, cum quadam notabili faciei subinflatione, morositate, fugitiva tristitia, praecipiti in affectus animi, praesertim in iracundiam proclivitate, mutabili appetitus mox dejecti, mox in varia avidioris scena.* Sub his tragoediis natura collabitur, qui antea *mitis melancholicus* virium augmento vehebatur, jam in letum projicitur varia *symptomatum* inclementia: fit *soporosus, stupidus, pervigil, clanculum convulsus: gliscentia prius deliria maturescunt, & maniacorum instar fere intractabilis est.* Interdum lusibus geminis, mox cum taciturna, mox cum *apertiore melancholia* altius increfcens prorumpit morbus.

Accedunt *sopores* 36. interdum horis infestantes, quos excipiunt *perpetuae vigiliae*, aliaque gravissima symptomata &c. &c. vires corporis paulatim depascuntur. Perdurat hic status miserrimus in 11mam septimanam. Hoc tempore duorum consilia *medicorum* in tanto expetuntur onere.

Qua arte *boni hi Viri* usi fuere, ignoro: an neglectis forsan in limine morbi *vomitariis, venae sectionibus, evacuantibus, antifebrilibus* (cum *febris* sane his turbis fuerit exaggerata comes) sed perdita illa

illa rarefacientium, & nugacium, sic dictarum, excitantium methodo, quin opiatorum, queis deliriorum, & vigiliarum consopire immanitatem studuerunt, desperata pugnarint salute, investigare humano praeterivi silentio; sed propono, quae praesens, & octo ante diebus advocatus invenerim mala. Haec fuere: *Totum corpus investiens anasarca, seu elatus undique tumor hydropicus, totum intumuit caput, abdomen tumore obsitum tympanitico, scrotum scatebat lymphæ turgidum; artus inferiores, superioresque in vastam extensi molem, insolita adest somnolentia, appetitus dejectissimus, summa virium jactura, cum stupiditate, memoriae imbecillitate, deliriis perpetuis melancholicis: urinae pallidissimæ, difficillime fluentes, flatulentia, molestissimæ pectoris oppressiones cum anxietatibus praecordialibus, alvus turbata, egerens male mixta &c. &c.*

Pondero haec, & alia: & arguo manifestam, quin confirmatam passionem hypochondriacam, & ex hoc fonte, morbis praegressis non rite oppugnatis, ad haec mala latentem viscerum imi ventris opportunitatem, queis accedit juvenilibus in annis petulans intemperantia, Viscerumque chylopoeorum praesertim hepatis lienisque clandestinam labem cum turbato sanguinis circulo hasce per regiones, nervorumque inde infectorum aperta vitia, cum inconsolabilibus totius oeconomiae animalis, & naturalis causis, & atonia viscerum verissima.

Parcissima urina, sudor nullus, & lamentabile omnium corporis virtutum regnum, me movent pronuntiare: Hic esse morbum inter desperatos medium, & quanquam monente Hippocrate (*Hydropem ex insania hanc solvere*) geminum in utroque statu mihi certamen esse.

Attamen magnanimus aggregior curam, & quae longo exhausto corpori morbo possibilis permittit opera, quaeque pii post fata venerandi praeceptores Gottingenses: Hallerus, Brendelius & Rödererus monuere praecepta, iuxta imitor lege. Incipio per lenia, alvum moventia, amara, mitia diuretica, aperitiva, & his socio scillina.

Horumque delectus, & usus spem mihi emortuam resuscitant expectato, quem non negarunt hactenus, effectu. His ergo adhibitis fugit paulatim *tumor corporis, abdomen tympaniticum decrescit mole sua, & molliusculum fit, scrotum ad naturalem redit magnitudinem suam, urina fluit copiosior, alvus respondet frequentioribus secessibus, respirandi minuitur difficultas, fugitivus redit appetitus, & virium quoddam sub hac lege obrepat incrementum, & non omnia penitus desperata esse, labilem spem erigunt meam. Vereor tamen clandestinam ad *pthisin* proclivitatem, & ob nimium exhaustas vires tristitia incuso omina.*

Quid in his angustiis praxis Tibi, *Vir illustrissime!* uberrima felicitatis, aut medicamentorum spem haud eludentium data monstraverit copia, longaque confirmatus experientia duxeris in pretio, doce me, ut fidem Tuam magis magisque amplificare discam, nec graveris citissimum hunc calamum, qui Te quidem fideliter de tam an — & praecipiti morbo erudivit, sed ob morae periculum, & difficilem, quo ipse quinque jam hebdomadibus depascor, morbum fufius, & plura describere haud permittit. Vale! & amicum dones responsum.

Dabam Monasterii in Westphalia

Die 1mâ Octobr. 1760.

Viro




VIRO EXCELLENTISSIMO

D. FERD. SAALMAN

S. P. D.

CULTOR OBSEQUIOSISSIMVS

WERLHOF.

 Gratulor mihi litteris humanissimis demonstratam medici doctissimi, & experientissimi benevolentiam. Servet de mihi fautorem, omni honoris cultu prosequendum, fervet bono publico Deus a morbis aliisque calamitatibus, ad feros annos immunem, & omni felicitatis genere beatum. Aegrotum describis, qui, si ab aegritudinum, quibus adhuc laboravit, firmate liberetur, gallum, ut ajunt, Tibi Aesculapio debebit.

*Graves viscerum in hypochondriis obstructions, & pressiones, tum nervorum, tum vasorum lymphaticorum, melancholiam, hydro-
pem, caetera symptomata produxerunt. Scilla, quam praecipue
adhibuisse videris, potentissimum remedium est, ad turgentes hy-
dropicorum aquas, per urinam evacuandas, & spem penes hujus-
modi aegros fere conclamata denuo erigendam. Aperit etiam
obstructions viscerum pertinaces, & colluviem seri a capite, & nervis
revellit; modo debilitas, & ad stagnationes, exundationesque nifus,
constantiam sanationis permittat. Interim pro magna illa a juven-
tibus indicatione, continuandus videtur ejus medicinae usus, quous-
que sensim sensimque meliora fiunt omnia.*

In casu haud valde absumili, ubi *melancholia hydropi* juncta erat in femina, haud pridem remedium, ex *herba anagallidis*, & *scilla*, diu pro euphoria usurpatum, felicissime mihi successit.

Dedi: Decoctum ex anagallidis unciiis quatuor, cum aquae libris duabus ad tertiae partis consumptionem factum.

Addidi: Oxymelitis scillitici unciam unam
& tertia quaque hora cochlearia duo exhibui.

Ita intra duas hebdomades, *profluente copiosius urina*, *habitus corporis penitus detumuit*, *mente etiam in integritatem restituta*. Perrexerxi tamen ulterius ad alias hebdomades duas. Quievi postea ab omni medicatione per mensis dimidium, ut constantiam curationis explorarem. Diaeta imperata fuit ex cibis siccioribus, facilisque digestionis, & paucopotu.

Tum: Vitrioli martis grana sex cum extracto absynthii in pilularum formam redacta mane,
& hora sexta vespertina *grana decem* quotidie exhibui, & adhuc praebeo mense exacto, cum interea *cataemenia*, antehac suppressa, redierint.

Placerne in aegroto Tuo, *Vir excellentissime!* simili medicationis ratione uti? *Doseos scilliticorum* remediorum ea mihi ratio est, ut ne nauseam moveant. *Vitrioli martis* dosis matutina, si major sit, nauseant, vel vomunt aegri, a vespertina nihil tale evenit, experientia teste.

Noctuas mitto Athenas.

Tu praesens, & statum aegri, & vires, & medicaminum effectus, & signa omnia intuens, me melius judicabis, agesque. Vale! & feliciter omnia age.

Dabam Hannoverae Die IX. Octobr.

1760.

A N N O T A T A.

Vidistis, *amici lectores!* quae mea de lamentabili hoc morbo fuerit *sententia*: legistis responsum medicum magni in arte viri *Werlhofii*, quae huic animo de tanto morbo surrexerit prognosis. Equidem ingeminavi labores ita, ut universam impugnare artem, mihi visus fuero: ipsum vocavi, decrescente *tumore abdominis*, in auxilium *Corticem peruvianum* per hebdomades sex, ut saltem naturam, quia juvenis erat, aegroti aequilibrarem, novoque induerem robore, quo resisteret inimicissimis symptomatibus, atque ut elicerem appetitum, qui collabentibus consuleret viribus.

Mentitur *Corticis* usus spem reconvalescentiae inter perpetua, atque indomabilia secuturae mortis omina. Junxeram *Cortici salia*, *mellita*, *amara*, & alia, atque alia, quae ars uberior in consilium largita fuerat auxilia, ut fatis cedentem, quantum in humanis erat, mihi conservarem *naturam*.

Sub hac lege quiescit haec, id est, non multum in melius, nec multum in deterius ruit. Spectaculum hoc errans durat in undecimam hebdomadem, pessimis stipatum signis, quae erant: *facies tristis, squallida, non nihil inflata, varae cadentes ex naribus sanguinis guttae* (*contabefactorum desperato omine viscerum imi ventris argumentum*) *appetitus dejectissimus, quid? nullus, & siquid spurius petierat ciborum, per vomitus austeros, & acidos* (*me observante manifesto hepatis vitio hos generante*) *rejectum, stertorosus, & terreus sopor, urina aquosissima, nullo tincta colore, alvus turbata, variae in quiete nocturna noxae, tussicula monstrosa frequens, & screams illa in hydropicis suspecta, febricula perpetua, quam quidem Cortex peruvianus aliquantulum obedire fecerat.*

Luxurians & perpetuum in pedibus oedema, aliaque gravissima symptomata cum non speranda salute vires exsuperant meas, ut tandem aegrotum meum armem *cura solatoria*, & *mitigatoria*, morbis hisce familiari. Sic sensim semsimque collabitur *moles corporea*, *sensus interni & externi magis*, *magisque extinguuntur*, nec *foedus habent lymphae amplius sed laceratur virtus corporis*: sociat sese inimicus *rheumatismus*, insurgit acerbiori exacerbatione *febricula*, *respiratio fit peripneumonica &c. &c.*

Sic me praesente cum bono iudicio & fallentibus signis, non adeo propinquam esse mortem, intra quadrantem suffocatur, & mortis falce resectus jacet, qui ante horae medium adhuc consueto modo garriebat, & solitos de die ad se sumpserat cibos. Sic tenui eum, tandem tamen dimittere debui.

Memorandum hunc casum, etsi a me non debellatum tacere haud potui; sed monstravi veram in his *morbis curam*, & tradidi, quo modo *liganda & releganda* ad tempus *mors* sit, nec minus didici felicem, ubi non omnis absumpta spes est, in talibus morbis *curam*, quam non una sorte, vel plusquam secunda expertus fui.



COMMERCIVM QVARTVM

INTER

P. G. WERLHOF, & F. SAALMAN.

DE

FEBRE
PARAPHRENITICA,

EJVSQVE

FACTA CVRA.

COMPTON'S


LIBRARY

1881

PARANATLIC



EPISTOLA
AD
WERLHOFIVM
CONTINENS
DESCRIPTIONEM MORBI,
QVO OPPRIMEBATVR
ILLVSTRISSIMVS COMES
ANNO 1756.
DIE 14ta FEBRVARII MALE ORTI.



Illustrissimus Comes, 24 annorum, mense Septembri, anni praeteriti corripitur *febre intermittente*, qua affligitur per aliquot hebdomades, & bono praesentis medici consilio (sed nescio, qua usus fuit methodo) fugatur morbus. Post aliquot tempus irruit recidiva: iterum & haec a praesentis medici docta proscribitur cura. Mense Novembri mutat patriam, & in aliam proficiscitur provinciam, huc nempe *Monasterium*. Sed ejus vix fuit huc accessus, repetita ludit scenam recidiva; quam vero absque ullius consilio medici, sibi ipsi experimentator, praepostero frangit usu *corticis*, nec salutare amplius curans artis leges, aut diaetae studium. Repetunt aliquoties per hyemen *recidivae intermittens* lusus; quos tamen, sibi ipsi artifex, supprimit *cortice*, immemor malorum, quae incauta morborum suppressio sine duce artis, sine lege

L1111 diae-

diaetae prognerando apta nata sit mala, quamve stragem minari possit corpori humano, eheu! tam fragili. Hic ortus & transitus malorum, quae ante adventum meum passus fuit *illustrissimus comes*. Cum advocer ego die 14ta Februarii anni currentis de vesperi, & videam ipsum verissima decumbentem tertiana, nullo memorabili signo, nisi quod hisce debetur febribus, quam ergo aggredior:

Rhabarbarinis, Nitro, salibus mediis, Acidis &c.

Potu maximam partem ex *succo citri* composito, largisque sumpto haustibus; queis solis quatuor vel quinque per dies propinatis quiescit tertiana, neque amplius suas repetit exacerbationes; sed aeger meus se se habet optime. Scopo roborandi praescribo ipsi:

Extracti corticis Peruviani drachmas duas, Gentianae, cardui benedicti ana drachmam unam, Solutis in elixirio balsamico temperato Hoffmanni unciiis tribus, Liquore terrae foliatae tartari & liquore anodynii Hoffmanni ana uncia dimidia.

Atque infontissima hac arte sanatus, perfecta fruitur valetudine.

Imprimo strictum tenacis diaetae consilium, atque hoc sanatum dimitto aegrum, nil metuens amplius, cum omnia responderint votis. Sed quomodo monitum hoc meum secutus sit: an verum exhibuerit diaetae testimonium? an toediis afflictus acerbis, aliisque contritus doloribus? queis animi passionibus injuriatus? quodve amplexus sit vitae genus? non valeo respondere, quia his turbis me non habuit comitem; atque hoc enarrare fufius, aut incusare, non patitur angustia temporis, sed propero ad descriptionem duri (quo haecenus laboravit) morbi. Hic valde subdolan obrepit cum levi algore die 3tia ni fallor, Martii, succedente quodam aestu, ut ingruentem catharum, aut recidivam simulare adstantibus visus fuerit, neque tantus fuit, ut lectum quaerere necessum fuerit, nullo memorabili symptomate, nisi quod cum parvis protinus & fugacibus deliriis (non male cum acuta quadam melancholia comparaveris) stipatus fuerit; morositate autem insolita, tristitia & iracundia quoque aliqua se se magis magisque prodit.

Neque

Neque haëtenus lecto fixus, circumambulabat 14ta Martii, 5ta iterum simulacrum hoc febris intermittens, cum levi algore, & narrato symptomatum satellitio, brevibus & fallacissimis initiis suis ordinem prioris fervet exacerbationis, neque aegrum lecto addicat.

Hæc sunt, quæ mihi de ortu & transitu morbi intra hos tres dies continuos acta esse, adstantes narrant, cum 6ta Martii de vespere advocer, dicta enim symptomata non parum coeperant ingravescere; Fugitiva illa, & aliis diebus leniora, & tantum gliscentia deliria obrepunt jam graviora cum insolita præsertim tristitia, morositate; quin & iracundia, exprimentibus sæpe lacrymas, pulsu autem non multum mutato, neque aliis, quorum jam meminisse horreret, plorabilibus symptomatibus: quamque ex suis latentem signis propululaturam penitus credo belluam, hucusque doleo manifestam.

Hoc morbi ordine bono cum Deo fieri jubeo venæ sectionem, cum altero mane alvum largius ducere per laxans *Rhabarbarinum* & *antiphlogisticum* aggrediar curam. Describam prius cursum morbi, dein causas, demum quæ iusta lex artis fieri posse suggessit. Fallacissimus itaque & pessimæ notæ morbus, vere subdolus (maxime quod ob levia & fallacia sua initia incautos creberrime fallat medicos) invasit cum levi algore, & instar febris tertianæ, aut initio etiam, ob levissima sua initia, catharralem, quasi nil mali lateret, mentiens febrem, cui succedit aliquis aestus, sic ad contactum mitis est. Quod ludibrium in septimum producit diem, ita ut alter & alter dies paroxysmis levissimis aemulentur, nullo memorabili signo, nisi stupenda illa, superius descripta, morositate, tristitia, anxietate, terrore, iracundia quoque, quæ symptomata paululum ingravescere ab adstantibus notantur.

Atque his diebus aeger manet orthostadius, id est, lecto carere potest; dum 9na Martii latens bellua luculentius erumpat: Nam omnia, quæ antea videbantur mitia, jam invalescunt symptomata cum anxietate horrenda, ita, ut aeger vix contineri possit, perpetuis deliriis, mox mitioribus & melancholicis, mox audacioribus & maniacis; cum modo taciturnus, modo furiosus non amplius respondeat distincte, sed circa consveta plurimam deliret partem, infestant vigiliae, pulsant præcordia, hypochondria aliquo modo sunt tensa, oculi tristes & lacrymosi, sudant caput & cervices, febris erraticæ speciem induit, ita, ut interdum binis de die exacerbationibus, præ-

gresso levi aut graviori algore, feriat; alterum vero diem incipiens, graviorque distinguat horror, initium exacerbationis: quem sequitur fortis aestus calidissimus, finiens cum profusissimis interdum sudoribus. Queis finitis, aeger nonnihil & aliquoties ad se redire visus, ut intermittentium genus subcludere cum *magno Hippocrate* statuisses. Lingua initio alba & resiccata aspera, urinae plurimo morbi tempore pallidae & aquosae, etiam inter fallacia boni ominis signa, sedimentum interdum deponentes album, alvus modo dura, foetidissima, foecibus aliquo modo albicantibus, facies vix florida, subitoque pallescit, acutissime audit, ita, ut strepitus vere omnes percipiat, & minimos, respiratio profunda & suspiriosa, parciore etiam in tendinibus subsultus sentiuntur, aliaque &c. &c. & quae non dolenda terrent symptomata.

Nullam legem, nullum ordinem pessima offert febris, sed erraticae ludit tragoedias.

Producitur spectaculum hoc in octavum quoniamve diem ad 16tam Martii, cum pauca luctantis huc illuc, & quasi onere sub hoc haesitantis naturae, dubiis fractus anguriis, rudera sustinenda improba allaborem virtute; sed subito cum malis signis omnia in pejus degenerant, & reliquia spei, quam iustissimum inter metum concipio, penitus mihi rapere, incurstantia minantur symptomata, atque fere conclamatum esse modo deplorem: Nam robur virium, quae me hactenus in spe aliqua confirmabant, collabitur, & vigilias perpetuas excipit sopor febrilis, aufugiunt virtutes corporeae, convulsiones invalescunt, & quod memorabile, in latere sinistro, praesertim musculorum capitis fortiores sentiuntur, devastatur sentiens in corpore virtus, accedunt singultus, resolvitur lingua, quae tumidiuscula, & nigra retro, sordida squallit undique obruta, voxque paullatim obmutescit, tremunt extrema, frigentque sudoribus madida frigidis, pulsus intermittens & debilissimus est, oculus sinister dextro apparet minor, tenditur in praegrandem molem abdomen, alvus & urina cohibentur, audiuntur in deglutitione strepitus, stertorque in pectore, aliaque horrendo ingravant spectaculo.

Paucis plura: Hic aspexeris ruinam omni momento succumbentis naturae, & perfidiosae laboriosum opus aleae, virtutumque corporis lamentabile regnum.

Non dubium, *hic vere morbum fuisse inflammatorium ex Paraphrenitidum genere, qui ex stasi quodam sanguinis inflammatorio in visceribus imi ventris*

iris praesertim circa hepar, cum turbis sanguinis in tota oeconomia naturali causam habuit proximam: Causam antecedentem ex clandestinis & latentibus opportunitatibus vitiorum circuli sanguinis per vasa abdominis & pelvis, speciatim viscerum chylopoeorum, exempla sunt: Tot recidivae intermittantium per hyemem: (& recte infallibilis hic Vates parensquae noster Hippocrates vaticinatus est, intermittentes autumnales, incongrue suppressas, facile hos morbos, ex genere phrenitidum, excipere) Procatharticae causae sunt errores diaetae, taedia, aliaque.

Medicamenta, quibus inter hos 14decim dies alui aegrum, fuisse: *Acida, nitrum, salia media, sal ammoniacum, bezoardica &c. &c. & quaecunque fieri posse urgebat indicatio, alvique quotidie apertae servandae, & respondentis vel clysteribus cura fuit, aut aliis. Sic meris pugnavi antisepticis, ut sustineam naturam.*

Hacc, quae tam desperata rerum facie, malis undique signis, 36 fere horis huc illuc vacillans, clamabat auxilia, tanto ingemiscens sub onere, sustenta jusculis carniū confortantibus, & nutrientibus, aliisque, mirabili resurgit opere, atque in sui molitur vindicias, alvo & urina antea cohibitis, nunc apertis, largeque fluentibus, redeunt paulatim in sua commercia vires vitae, remittunt convulsiones, confluit in suum ordinem errans alias naturae opus, pulsui succrescit robur, & omnia bonae spei consilia denuo se se efferunt.

Natura quotidianis *diarrhoeis criticis, etsi foetidis & biliosis, quater quinquiesve de die fluente alvo, in tantum vincit, ut indies & indies omnia in melius conversa solentur cum urinis coctis, declinantibus exacerbationibus, redditisque parcioribus, remissionibus largioribus, remittente siti, lingua prius atra, jam rubra, vivida, fluidoque suo rorido undique obsita, recreantibus somnis, appetitu quotidie aucto, mole abdominis sensim evanescente, & in naturalem redeunte, atque manifestum augmentum virium verissima atque praesentissima sanitatis sperandae argumenta praebent.*

Sic *natura* radicatae prodigiosae febris mitigat iras, & bono hoc opere pergit quatuordecim diebus & ultra. Hoc tempus transegi parciori, ne naturam turbem, medicina, videndo saltem, quo labore, qua via exules revocem vires, quas reduces cogunt: juscula carniū gallinarum, aliarumque, sunt propositi hujus mei comites: laeta aegroti juvenus, arridens tum temporis aura, tranquillior animus, strictioris observantiae diaeta &c. Medicamenta, sed parca dosi propinata, fuerunt ex superius dictis *antisepticis.*

Sed vix *diarrhoeae* illae foetidae amplius fluere cessant, alvus aliquo modo constipata redditur cum vestigiis *materiae albae* praeternaturalis, *urinae* sedimentum deponentes cum foetore quodam, vix notabiles haecenus febris exacerbationes lento ordine graviores fiunt, morbumque ex omnibus suis signis recrudescentem volunt minari, atque imperfectam haecenus fuisse *crisin* nuntiant: Nam augmentum habent exacerbationes febris quotidianae remittentis; ita tamen, ut alter & alter dies (quemadmodum per totum morbi decursum observavi) gravioribus exacerbationibus sibi respondeant, *urinae* fortius foetent, copia *materiae* augenda deponentes mox rubrae, mox cruddae, mox aquosae pallidae ex odore quoque materiem suam. *Materiae* per alvum secedens majori redditur copia cum, & sine excrementis. Non negavero, quod excrementis sub his foetidis biliosis, superius dictis, aliquid hujus *materiae* potuerit latere, sed quia erant biliosa & male mixta excrementa tum temporis descendentia, non potuit discerni.

Sic alicubi in imo ventre circa ambitum *intestinelorum crassorum* (locum autem explorans non potuit monstrare digitus) generatum *crisi imperfecta abscessum* offendi, & merito, quia altiori in loco radices jecerat, metuendam vereor *ptihisin* inconsolabilem, aut aliud grave malum, id est, *ulcus fistulosum* &c. &c.

Itaque mutare tramitem laboris fuit mei, & me vertere ad *acidulas selteranas cum lacte*, corpus nutriendo *meris lacticiniis*: Tentavi per aliquot doses *Corticis peruviani*, graviolem indies redditam exacerbationem febris frangere, ne vires nimium subitoque perderem ob ferientem febris rabiem.

Hinc aggredior *curam antipthysicam*, habita semper ratione febris, siquae exasperandae moneant vestigia, abscessum omni possibili arte sanandum externis internisque *balsamicis abstergentibus, consolidantibus, vulnerariis*. Interna fuere: *Balsamum copaivae, tholutanum, peruvianum nigrum*, aliaque, quae campus *materiae medicae* largitur. Binis quotidie clysteribus *balsamico-vulnerariis ex therebinthina, balsamo lucatelli, herbis vulnerariis, balsamicis*, decoctorum ordine internis, & externis; atque hac arte hucusque sum indefatigabilis, ut ipsam nusquam fallentis, hic autem aegrotare minantis, impugnare artis fidem videar.

Haec sunt, quae facilis transitoriae memoriae error, temporis penuria de morbo tam gravi, tam longo, & hucusque rebeli, ac
perti-

pertinaciter durante, cum fluente materia, sed compactiori & flaventiori, interdum largissima copia, interdum fere plane cessante, praesertim, si quae fluat, de nocte collecta, de mane descendente, inter alia tamen bona signa aegroti mei narrare, meique me permittunt delineare ingenii limites.

Duravit pertinacissimus hic morbus ad 12mam Julii, dum natura, tanto gravata onere, tandem surrexit propria sibi in commoda, large fluentibus, & per octo dies continuis haemorrhoidibus, magno (*Immortali si fides Hippocrati*) in his morbis commodo.

Igitur ad expellendas penitus morbi reliquias, raptum visceribus imi ventris robur reddendum animavi animum, & cogitavi, si ad acidulas spadanæ cum lacte suis cum cautelis sorbillandas, & pro cura sumendas, jamtum properarem.

Vale! & Fave.

Dabam Monasterii in Westphaliâ
Die 26ta Julii 1756.



EXCELLENTISSIMO MEDICINAE DOCTORI
FERD. SAALMAN
S. P. D.

DEVINCTISSIMVS
W E R L H O F.



Gratus accepi humanissimas litteras tuas, benevolentiae in me immeritum testes, quam omni cultu & obsequio mereri studebo. Historiam morbi, graphice descriptam, perite judicatam, legi attente, & penitus probavi. Ortum primitus duxit aegritudo a febre tertiana, saepius recidiva, an sua indole, an medicationis aliquo vitio, an diaetae erroribus? non dixerim. Quid-

Quidquid ejus est, inducta inde videtur visceribus abdominis, quae vena portarum adluit, debilitas, & ad vasorum obstructions, nervorumque paris vagi & intercostalis pressiones, proclivitas: & relictus aliquis ejusdem tertianae febris fomes.

Hinc superiori vere orta febris maligna hypochondriaca, cum gravissimis symptomatibus, quam ars sollicitis auxiliis aegre curavit; neque vero impedire potuit, quin facta, ut in his morbis saepe fit, crisi imperfectiori, abscessus succederet, per alvi vias feliciter evacuatus, ipsis tamen viis labem minitans, balsamica & vulneraria medela difficulter sanandam.

Auspicato supervenit, insurgente naturae robore, haemorrhoidum fluxus. Quo post octiduum cessante, ad expellendas tanti morbi reliquias, ad restituendum liberum sanguinis per hypochondriorum viscera circuitum, ad vasorum nervorumque robur restaurandum, ad temperandam denique residuam forte acrimoniam ulcerosam, & persanandas abscessus in intestinis latebras sapienti consilio *spadanae aquae, lacte mixtae*, justis cum cautionibus suadentur.

Nihil habeo, quod in praesenti addam, nisi vota, ut & haec curatio, & quidquid praeterea susceperis, prosperrimo beentur successu.

Ita vale! & meritorum tuorum, quae insignia esse vel ex hoc specimine sentio, justa proemia nanciscere.

Dabam Hannoverae Die XVII. Augusti
MDCCLVI.

Sphalmata Typographi.

Pag. 136. lin. 20. lactae. leg. lacte.

— 271. not. *. videntus. leg. videntur.

— 244. lin. 16. ætare. leg. ætate.

Pag. 550. not. *. agros. leg. ægros.

— 736. not. Lehs. leg. Legs d'un ancien medecin.

INDEX.

A.

Abscessus in femore non oriuntur a longo decubitu in dorsum. pag. 67.
 Abortus frequentioris causa. 287. 718.
 Acidorum usus in variolis. 554.
 Adstringentium usus in intermittentibus. 90. k.
 Aer num sanguini in pulmonibus admisceatur? 718.
 Aestus maris unde? 274.
 Alpinus. (Prosper) 10.
 Amarorum usus & abusus. 346. 347.
 Anima Stahliana. 289.
 — ejus imbecillitas in sanguinis profluviis. 334.
 Anthrax. vid. Carbunculus.
 ἀνθράκωσις, quid sit? 576.
 Anagallidis vires ad Melancholiam. 812.
 Anodynorum usus ad variolas. 555.
 Aphonia Hippocratis quosnam affectus complectatur? 57. q.
 Apoplexiæ differentia a Caro. 55.
 Apoplexia num febre sanetur? 369. 737.
 Apinus, ejus scripta. 109.
 — febris epidemia. 758.
 — quonam Cortice usus sit? 110. n. 712. 740.
 Aquæ emfanæ virtutes. 133. 689. 758.
 — frigidæ usus in variolis. 547.
 Aquarum mineralium usus in quibusnam febribus conducat? 95.
 Arabum distinctio variolarum & anthracum. 530.

Arsenici usus in febribus intermittentibus. 85. a. 212. k.
 Arthritis chronica scorbutica. 739.
 Asclepiadis dogmata. 4.
 Aurelianus (Cælius) ejus scripta. 7.
 Aurantiorum corticum virtus ad intermitt. 460. not. 7. 750.
 — — foliorum virtus. 707.
 Aurigo. vid. Icterus.
 Aurium tinnitus & surditas post soporosas quid denotet? 132.

B.

Baglivi character. 108. i.
 Balsamicorum usus ad phthisin. 796.
 Boerhaavianismus ad variolas. 550.
 Brunneri morbus & mors. 350. 700.
 βεβασίνα quid sit? 476. 563.

C.

Calculi fellei non semper causa Icteri. 663.
 Calculus vesicæ. 702.
 — unde rarior in quibusdam regionibus Germaniæ? 702.
 Calomel unde nomen? 464.
 Camphora utrum calida & frigida? 722. 747.
 — — usus ad inflammationes. 759. a.
 — — — in acutis. 722.
 — — — ad maniam. 747.
 — — — unde pravus effectus. 722.
 — — — ad Melancholiam. 693.
 — — — in Purpura. 759.

M m m m m

Cana-

Canalis venosi oblitteratio unde? 709.
 Cancri remedium frustra in Cortice
 quæsitum. 745.
 — — — — — Cicutæ
 745.
 Cantharidum usus internus. 698.
 — — — effectus singularis. 698. *.
 Cardialgiæ podagricæ cura. 710.
 Cariei remedium. 716.
 Carus quid sit? 54.
 — — — differentia ab Apoplexia. ibid.
 — — — febribus supervenit. 56.
 Carbunculus. f. Anthrax. 513.
 — — — recentiorum idem plane qui
 Græcorum. 567.
 — — — narbonensis. 572. 574. not.
 Carbunculi sine peste epidemii. 486. nt.
 Cascarillæ comparatio cum Cortice pe-
 ruviano. 89. h. 122. 713.
 Cassius. 6.
 Castorei usus in paralyfi. 18. cc.
 Cataphora. 55.
 Catalepsis. 55. i.
 Catochus f. Catoche. 54. i.
 Catharseos usus & abusus in febribus.
 112. 384.
 Celsi doctrina de variolis. 571.
 Choreæ f. Viti remedium. 88. e. *.
 Cicutæ radix ad febres. 81. a.
 — — — usus ad Cancrum. 716. 745.
 du Clos pulvis febrifugus. 184.
 Colica Pictonum f. saturnina. 74. b.
 — — — convulsiva post intermittentes. 382.
 — — — ejus causa frequens hernia. 734.
 Coma somnolentum. 55.
 — — — vigil. 55. i.
 Contagium febrium. 162.
 Convulsio maxillæ inferioris. 704.
 Conservationis causa expurgari tempo-
 re Epidemiæ periculosum. 71.
 Conceptio falsa quid? 710.
 Cortex peruvianus diureticus est. 233.
 — — — — — num adstringat? 434.
 450.
 — — — num obstructions in visceribus
 faciat? 198. b. 435.

Cortex in quibus morbis inutilis? 93. sq.
 376.
 — — — in substantia exhibitus efficacior.
 124. a.
 — — — blande emmenagogus. 790.
 — — — profluvia sanguinis naturalia nec
 sistit, nec propellit. 79. 449.
 — — — Menses aut hæmorrhoides non
 supprimit. 79.
 — — — motus naturales in corpore sano
 nec minuit, nec auget. 78.
 — — — ejus descriptio & nomina. 77. a.
 120.
 — — — nullam relinquit noxam. 80. 379.
 430.
 — — — ejus virtutes in genere. 123.
 — — — — — ad variolas. 247.
 — — — — — in inflammatoriis.
 463. not.
 — — — — — ad Icterus. 669.
 — — — — — ad Sphacelum. 692.
 251. 744. 745.
 — — — — — virtus specifica. 435.
 — — — — — justa dosis. 380. 438. not. 746.
 — — — — — partes constitutivæ. 257.
 — — — — — eum exhibendi methodus optima.
 379. seq. 437. 801. 747. 693.
 — — — — — ejus modus agendi non plane per-
 spectus. 432.
 — — — — — usu materia febris in febre
 non cohibetur. 430.
 Crocus Martis antimoniatus Stahlii.
 240. ii.
 Croci metallorum infusi virtus febrifu-
 ga. 463.
 Cupressi nucum vis febrifuga. 462. not.

D.

Derivatio per venæsectionem quid sit?
 761.
 Diarrhœarum veterum remed. 135.
 διατρετος quid denotet? 19. dd.
 Dippelii oleum animale ad febres effi-
 cax. 88. e.
 — — — — — Epilepsiam. 88. e.
 Dysenterix medela. 781.

E.

Electuarium mundificans. 142. b. 464.
750.

—— caryocoffinum Bayri ad po-
dagram. 348.

Empirici quid sint? 3.

Empyema. 775.

Epinyctides veterum. 578.

Epilepsiæ remedium. 63. r. *. 88. e.
726. *.

ἐπιληψία. 513.

Essentia diaphoretica. 170.

Exanthema ulcerosum labiorum alibi
deferri potest. 135. 233.

F.

Faucium inflammationes. 758.

Febris num morbus sit? 362.

—— in genere quid sit? 506.

—— num noceat? 450.

—— intermitt. quando salutaris? 105.

—— ——— octennis. 63. p.

—— urticatæ character. 271. *.

—— miliaris puerperarum. 281.

—— scarlatina. 732.

—— catarrhalis petechizans. 725.

Febrem revocandi ratio. 370.

Februm acutarum remedium. 722.

Fluor albus. 752.

Frigidæ usus in febribus. 548.

Fuchsi remedium ad inflammationem
uteri. 696.

G.

Galenii testimonium de variolis. 559.

Gannanaperide quid sit? 77. a.

Gariopontus. 10.

Gonorrhœæ remedium. 650. 651. 699.

Goelickiana disceptatio. 674. seq.

Göttingensis academix initium. 729.

Græcorum testimonia de variolis. 558.

Gummi guttæ virtus ad tæniam. 735.

H.

Hæmorrhoidum remedium. 131.

Hæmorrhagiarum remedium. 337. sq.

—— ——— uteri medela. 460. not.

—— ——— ex abortu & ex secundi-
na retenta raro mortiferæ. 336.

Hancokii febrifugum. 91. 547. 549.

Hamiltoni methodus ad præcavendas
reversiones febrium. 172. b.

Harvei libellus de curat. morbor. per
expectationem. 238. dd.

Hector a Valle. 40.

Hemitritæus. 104.

Hemiplegiæ curatio. 737.

Herniæ incarceratæ cura. 743.

Hippocratis methodus medendi inter-
mittentibus. 83.

—— ——— de anthracibus doctrina. 580.

Hoffmanni medicina universalis. 91.

Hystericorum spasmodum auxilium.
88. e. 707.

Hyemis tepor morborum non fertilis.
706.

Hypochondriacorum passiones. 805.

—— ——— ——— auxilium. 707.

Hypogastrii punctura in Ischuria. 694.

Hydropis curatio. 750. 812.

—— ovarii ex Ascitidis differentia. 771.

Hydrops & quartana non amplius scan-
dalum. 100.

Hydropicus tumor post intermittentes
residuus. 99. seq.

Hydropicorum aquæ examen. 776.

Hydropis causa vel effectus num labes
hepatis sit? 276.

I.

Jacobæi vituperium Corticis. 436.

Icteri causa. 653.

—— remedium. 102. 653. 669.

—— a calculis frequentior. 658. 665.

—— infantum recens natorum. 668.

Ignis persicus. 551.

Ileus. 743.

—— hæmatites Hippocratis. 471.

Infans miraculosus Kehrbergensis. 760.

Intermittentes quando salutare? 105.

M m m m m 2

Joer-

Joerdens autor problematis de febrib.
foporosis. 692.

Ischuria extincti sectio. 702.

— ejus medela. 694.

Julianus. 8.

K.

καλομελ quid sit? 464.

Kanoldi morbus letalis. 64.

Kergeri febrifugum. 87. d. 436. not.

Klaunigii febrifugum. 303.

L.

Lac asininum. 91. l. 348. not. seq.

— ejus usus ad intermittentes. 91.

— — — — — podagram. 348. 700. 711.

— fulfuris. 131. b.

— ejus usus ad Leucophlegmaciam. 732.

Lethargus. 55.

Leucophlegmatia post scarlatinam. 732.

Lienes magni quid Hippocrati sint? 471.

λοιμος Hippocratis. 583.

Lochiornm in puerpera nullum vestigi-
um. 718.

Lunæ imperium in corpus h. 283.

Ludovicus 14 qua ratione Cortice usus
sit? 245.

M.

Maniæ curatio. vid. Camphora.

Maculæ nigræ f. purpureæ inter vario-
las. 639. not. 65.

Malvat quisnam morbus sit? 574. not.

Martis limaturæ usus. 167. g. h.

Maxillæ infer. convulsio in infantibus.
704.

Melancholiæ remedium. 693. 812.

Methodicorum dogmata. 3.

Mensium fluxus usum Corticis non pro-
hibet. 131.

— — — — — unde? 281. seq.

— — — — — non a luna. 281. l.

Mercurius. vid. καλομελ.

— ejus usus. 142. b. 464. not. —
ad exanthemata chronica. 754.

— — — — — ad hæmorrhoid. 132.

Mercurius ejus usus in medicamento
Plummeri. 645.

— — — — — vitæ coelestis Klaunigii. 303.
733.

Morbus regius. vid. Icterus.

— arquatus. vid. Icterus.

— maculosus hæmorrhagicus. 620.
seq. 748.

— campanus Horatii. 521. not.

— magnus, heroicus, herculeus,
sacer, quid? 63. r.

Morbilli in antiquitate non descripti.
476. not.

— secundi haud infrequenter. 477.
not. 476. not.

Mortoni hypothesis de febribus. 372.

Morsus animalis rabidi sanatio. 699.

Milii seminis decoctum ad alvi fluxum.
688.

Miracula infantis Kehrbergensis. 760.

Mixtura simplex. 169.

— — — — — antiscorbutica. 169. m. 738.

Moschion. 8.

Mytulorum noxia indoles. 597. seq.
632. 769.

N.

Nasturtii usus. 99. 118.

— — — — — aquatici noxius usus. 634.

Natura quid? 294. 323. 387.

— — — — — num sit anima sapiens? 334.

Nervorum actio. 296. f.

Nicotianæ fumi succio. 346. not.

Nonana febris. 263.

Nucis moschatæ vires. 254. a.

O.

Octana febris. 263.

Octennis febris quartana. 63. p.

Oculorum vitia post variolas. 141. 580.

Oleum animale. vid. Dippelii.

— — — — — Cajeput adversus Cardialgiam po-
dagricam. 711.

Opiatorum usus in variolis. 555. seq.

— — — — — hæmorrh. 338. seq.

Ovarii hydrops. 771.

P.

P.

- Paracent'iesis abdominis. 773.
 Paralyseos remedium. 169. m.
 Paraphrenitis. 812.
 Paroxysmi & periodi febrilis causa. 271.
 παροπτησις quid apud methodicos significet? 24.
 Petechiæ a priscis delineatæ. 471.
 πονόσχοι quid fuerint? 24.
 Phymata quid sint? 497.
 Phosphorus. 688.
 Phrenitidis cura. 138. 724.
 Phthiseos origo. 69. b.
 ————— ex hæmoptysi. 790.
 ————— remedium. 791. l. 796.
 Piscium esus periculosus. 716.
 Pleuritis notha. 689.
 ————— ejus medela. 724. 732. 734.
 ————— in quo latere venæsectio instituenda? 763.
 Placentæ extractio cum cum cautione. 279. g.
 Plummeri medicament. alterans. 644. sq.
 Podagræ laus & vituperium. 340.
 ————— remedia. 343. seq. 700.
 Pulvis Comitissæ unde id nomen? 77. a.
 ————— alterans Edinburgensium. 664.
 ————— absorbens Wedel. in Cardialg. 711.
 ————— pleuriticus Mynsichti. 732.
 Pulegii succus ad Pertussim. 692.
 Pulmonariorum & thoracicorum vasorum confluxus. 663.
 Puerperæ febris inflammatoria. 726.
 Puerperii felic. terminandi signum. 282.
 Pulsus in febribus diversus. 506.
 Purpura alba & rubra. 281.
 Purgatio conservat. causa periculos. 71.
 ————— post Corticem. 174. f.
 ————— non necessaria. 130.
 ————— cruditatis causa in intermittentibus non necessaria. 105. l. 112.
 Purgans catholicon. 41. 115. h. 664.
 Pyrophorus. 688.

Q.

- Quartanarum febrium remedium. 750.

- Quartanarum reversionem præpediendi methodus. 465. 383.
 Quintana febris. 263.

R.

- Rabies a morfu animalis. 699. *
 Radicis Chinae usus ad tussim infantum. 691.
 Ramazzini judicium de Cortice. 107.
 Remedia domestica num suis semper regionibus sufficiant? 92.
 Reversiones intermittentium quo die eveniant? 173. seq. 465.
 ————— præcavendi ratio. 383. 465. 712.
 Rhei efficacia in Hydrope. 750.
 Revulsione & derivationis idea vera. 737. 762.
 Rheumatismi scorbutici remedium. 133. 9. 740.
 Riedlini morbus et mors. 744.
 Rollwagii pulvis alexipharmacus. 89.
 Rubiæ tinctorum usus ad spinam ventosam. 716.

S.

- Sanguis in intermittentibus soporosis missus. 70.
 ————— verminosus. 70. *.
 ————— ejus missio num derivet? 761.
 ————— fluxus num usum Corticis prohibeant? 131.
 Salis ammoniaci usus ad intermittentes. 87.
 ————— dysenteriam. 782.
 Sachari lactis præparatio. 137. i.
 Salivatio critica. 430.
 Salmo eperlanus Linn: ejus esus noxius. 717.
 Salivatio quomodo instituenda? 752.
 Sarsæ virtus specifica ad luem vener. 751.
 Sambuci florum usus in pleuritide. 734.
 ————— ad lac augendum in puerperis. 734.
 Scabies unde oriatur? 574. not.
 ————— cura. 755.

Sceletyrbe. ej. remedium. 136.
 Scrophulosa dispositionis remed. 263.
 Scorbutus ab Hippocrate notatus. 471.
 Scarlatina febris. 731.
 Scillitica exhibendi ratio. 812.
 Secundina alba. 718.
 Seri lactis praeparatio. 707.
 ——— usus. 137. 707.
 ——— ad phtisin. 802.
 Septimana febris. 263.
 Simaroubae usus. 134.
 Sideratio. vid. Sphacelus.
 Soranus ephesius. 7.
 Somnus in intermittentibus. 69.
 Sopor remedialia propria. 115. 116.
 Sphaceli remedium. 250. i. seq. 692. 745.
 Specificum quid sit? 258. a.
 Spießii methodus ad variolas. 555.
 Spina ventosa. 115.
 Spiritus scorbuticus Drawitzii. 169.
 737. 738.
 Stahl et Hoffmanni dissensus. 92. l.
 — dogmata. 289. seq.
 Strackii hypothesis de exanthematibus.
 717.
 Subeth Arabum quid denotet? 54. a.
 Surditatis remedium. 75. e.
 συνοχοι quid sint? 93. b.
 Sulfur Antimonii Glauberi. 115. h. 664.
 ——— Salae. 642.
 Syncope a sopore & suffocatione hysterica differentia. 54. d.

T.

Tænia. 734.
 Talboriana methodus ad intermittentes.
 126. d.
 Terebinthinæ usus internus. 698. *
 Themison Laodiceus. 5.
 Thessalus Trallianus. 6.
 Theodorus Priscianus. 9.
 Tineæ cura. 665.
 Torti methodus ad intermittentes. 186.
 h. seq.

Tussis convulsiva infantum. 690. 692.
 694. 696.
 — unde post febres sæpe oriatur?
 131.
 Trismus. 705. *
 Tumor faciei, manuum &c. in variolis. 565. 579.
 Tympanites post febres. 99. h.

U.

Umbilicalia vasa unde oblitterentur? 707.
 Ursi anatome. 727.
 Uteri inflammatio & sphacelus. 282. 696.
 Urinæ suppressio. 694. 696.
 Urticata exanthemata a mytilis. 597.
 Uvæ ursi effectus. 703.

V.

Vareni die Varen quisnam morbus? 789.
 Variolæ frustra apud Antiquos quaeruntur.
 471. seq.
 — certo tempore recurrunt epidemice.
 477. not.
 — secundæ. 477. not.
 — internæ. 478. not.
 — nigræ. 539. not.
 — genera varia. 482.
 — inoculatio. 488.
 — primus ortus inter Nigritas. 485.
 — transitus in Americam. 486.
 — contagium per litteras. 487. not.
 — curatio Boerhaaviana. 550.
 — Spiessiana. 555.
 — Waldschmidiana. 554. not.
 Valerianæ usus. 739.
 Veteris quid sit? 54. not.
 Veteres quomodo febres sine Cortice sanaverint? 83.
 Venæsectionis locus. 114.
 — jugularis. 737.
 — ej. efficacia. 762.
 — usus & abusus in febribus. 114. 232. not.
 — variolis. 557.
 Venereæ luis antiquitas. 521. not.
 — cura. 142. 464. 640. sq. 751. sq.
 Vermis mistu redditus. 770.
 Vesicantium usus in febribus. 108. not.
 Vindicianus. 9.
 Vitriolum martis exhibendi modus. 812.

